


續修四庫全書

《續修四庫全書》編纂委員會編

續修四庫全書



上海古籍出版社

三七五・史部・編年類

東華錄一百九十四卷東華續錄二百三十卷(嘉慶二十五至道光六十)

王先謙撰

.....

一

2290/05

王先謙敬編

周瀚蕃恭校

嘉慶十三年戊辰春正月己亥以來歲 五旬萬壽詔舉恩科鄉
會試○甲辰閩浙總督阿林保奏擊獲蔡逆義子蔡三來等○丙
辰諭向來內廷行走諸王例應每日進內入直惟念儀親王係朕
之長兄見已年逾六十冬間天氣嚴寒夙興入直實覺勞瘁即時
值夏令亦不免於暑熱允宜特加優恤以資頤養嗣後儀親王所
管各處遇有值日奏事及帶領引見並應行慶賀時節仍照常進
內呈遞膳牌其餘無事之日即不必進內仍照舊在內廷行走用
示恩眷成親王俟將來年過六旬亦一體加恩至滿漢文武一品
大臣在七十以上者遇奏事值班之期除仍遵照前年降旨遣人
東華續錄 嘉慶二十五

呈遞膳牌外交冬以後著於辰正進內交春以後著於辰初進內
其內廷行走年逾七旬之大臣每日應入直者亦準此例至縉布
見雖未屆七旬但年已六十有九筋力不能強健亦著加恩准照
前例用示朕引年尙齒優待者臣至意○丁巳轉廣興為刑部左
侍郎調穆克登額為刑部右侍郎以馬慧裕為盛京刑部侍郎由
閣學○戊午諭浙江提督李長庚宣力海洋忠勤勇敢不辭勞瘁
懋著威聲數年以來因閩浙一帶洋盜滋事經朕特用為總統大
員督率各鎮舟師在洋剿捕李長庚身先士卒銳意擒渠統兵在
閩浙臺灣及粵省洋面往來跟剿艱苦備嘗破浪衝風實已數歷
寒暑每次趕上賊船無不痛加勦殺前後殲斃無數擒獲賊船多
隻蔡逆亡魂喪膽畏懼已極聞李長庚兵船所至四處奔逃正在
盼望大捷之際乃昨據阿林保等奏到李長庚於上年十二月二

十四日由南澳洋面駛入粵洋追捕蔡逆望見賊船止贖三隻窮
蹙已甚官兵專注蔡逆窮其所向追至黑水洋面已將蔡逆本船
擊壞李長庚又用火攻船一隻乘風駛近挂住賊船後艙正可上
前擒獲忽暴風斗作兵船上下顛播李長庚奮勇攻捕被賊船破
子中傷咽喉角竟於二十五日未時身故覽奏為之心搖手戰
震悼之至朕於李長庚素未識面因其在洋出力疊經降旨褒嘉
並許以奏報擒獲巨魁之時優予世職李長庚感激朕恩倍矢忠
蓋不意其功屆垂成之際臨陣捐軀朕披閱奏章不禁為之墮淚
李長庚辦賊有年所向克捷必能擒獲巨魁朕原欲俟捷音奏到
將伊封授伯爵此時李長庚雖已身故而賊匪經伊連年痛剿之
後殘敗已極勢不能再延殘喘指日舟師緊捕自當縛致渠魁况
李長庚以提督大員總統各路舟師今歿於王事必當優加懋獎
東華續錄 嘉慶二十五

用示酬庸李長庚著加恩追封伯爵賞銀一千兩經理喪事並著
於伊原籍同安縣地方官為建立祠宇春秋祭祀其靈柩護到日
著派巡撫張師誠親往同安代朕賜奠並查明伊子見有幾人其
應襲封爵俟伊子服闋之日交該督照例送部引見承襲其李長
庚任內各處分著悉予開復所有應得卹典仍著該部察例具奏
以示朕篤念勞臣施恩無已至意尋子祭葬諡忠毅○諭軍機大
臣等李長庚追賊身故係在粵省湖陽縣地方該地方官自己稟
報吳熊光備知其詳因思王得祿本因朱潰匪船逃竄粵洋跟蹤
追捕並與錢孟虎會合辦理今王得祿既經前往追剿蔡逆則朱
逆一路必須大員專辦且蔡逆見既逃至粵洋恐有與朱潰盜船
句結之事著吳熊光飭知錢夢虎即責成該提督統率所帶粵省
兵船專剿朱潰一股杜其與蔡逆句結一路此為最要又諭李長

庚此次究因猛於攻敵猝然被害阿林保仍當密訪王得祿等於
猛勇之中加以慎重不可輕易冒險致涉疏虞但亦不得因李長
庚受害稍形氣餒至水師見無總統之員阿林保見已前往廈門
漳州一帶即著阿林保擇要駐紮調度一切再見訊蔡三來鄭昌
所供蔡逆本船所挂牛皮綯紗多層於接仗時汲取海水淋溼礮
火不能驟入必須兵船四面圍攏先用長柄鈎鐮將綯紗牛皮拉
去再用礮火一轟全船賊眾可以殲獲等語此時王得祿等兵船
自應多備長柄鈎鐮以便應用

二月丁卯朔命 皇次子釋奠 先師孔子○戊辰諭莊靜固倫
公主莊敬和碩公主自下嫁後尚未赴游牧拜其祖塋著加恩准
其各赴該游牧展拜並著該部院各衙門查例具奏令各起程○
己巳命山東運河各工仍歸沿河各州縣衛疏濬○定新疆卡倫

東華續錄 嘉慶二十五年

三

回京侍衛章京六年更派例○庚午 上御經筵○癸酉四川總
督勒保奏囑麻里野番嚮化投誠請入版圖賞給長官司印信
得旨允行○乙亥諭據長齡等會議青海辦事大臣請照舊制仍
駐紮西甯一摺所議是青海辦事大臣管轄地方遼闊從前定制
駐紮西甯原以該郡城為各路適中之地控制較為得力若移駐
貴德等處其於番地較近者雖易於震懾而以全局而論則相距
寫遠之地鞭長莫及轉恐顧此失彼自不若仍循舊制足資鎮撫
至該處黃河以北輪派兵六百名扼要駐守務令嚴密巡查遇有
番賊竊掠等事隨時捕緝該大臣暨西甯河州二鎮並實力操防
以靖邊圉不可稍有疏懈○諭軍機大臣等特清額奏途次接奉
諭旨馳赴西藏頒賜達賴喇嘛等賞件並遵旨明白宣示一摺所
論俱是此次呼畢勒罕出世諸多徵驗實為吉事有祥殊堪嘉慰

特清額馳抵西藏後當曉諭班輝額爾德尼濟呢呼圖克圖等以
從前指稱呼畢勒罕出世率多牽合附會或僅小著靈驗不足憑
信仰蒙 高宗純皇帝特賞金奔巴瓶飭令書名封貯誦經籤掣
以防弊混今達賴喇嘛甫逾二歲異常聰慧早悟前身似此信而
有徵洵為從來所未有設當 高宗純皇帝時亦必立沛恩施無
須復令貯瓶籤掣但此係僅見之事且徵驗確鑿毫無疑義嗣後
自應仍照舊章不得援以為例倘因稍有端倪即附會妄指一經
查明必當治以虛捏之罪並著駐藏大臣等將此旨敬謹存記一
體欽遵辦理仍著特清額於頒賞達賴喇嘛呼畢勒罕時令通事
詢問試驗如何靈敏出眾之處將實在情形詳細覆奏○丙子予
告大學士公保甯卒遣榮郡王孫億帶領侍衛十員往奠茶酒賞
銀一千兩治喪予祭葬諡文端○丁丑諭我 皇考高宗純皇帝

東華續錄 嘉慶二十五年

四

六次 巡幸江浙五次 巡幸淀津每於 樂輅經臨豫 飭隨
從之王公大臣以及官員兵丁等令各加意謹慎毋許收受餽遺
藉端需索 訓誡詳明至為諄切隨扈人等其始俱各懷遵 聖
謨咸知檢束迨後大臣中即不免有簠簋不飭者而官員兵丁等
亦遂相率效尤積久生玩本年朕巡幸淀津閱視隄河各工為期
不及一月此次翠華臨蒞係於當年謁 陵秋獵之外特舉省方
觀民之典或地方官等以事非常例欲藉餽遺以圖見好亟應嚴
行飭禁所有隨從王大臣文武官員兵丁等惟當律已謹嚴潔淨
自愛不可稍有沾染此在不肖地方官吏不過僅備差差聯絡見
情及至差竣後轉以供頌隨扈人眾為詞殊名漁利甚至派累閭
閻侵虧倉庫其弊有不可勝言者與其懲創於事後何如教誡於
事前凡隨從之王大臣官員兵丁等務各顧惜聲名保全官職儻

遇地方官員能送儀物不惟金帛等件當卻而弗受即此須食品亦富堅拒退還設該地方官於既經退卻之後仍復再三懇致即當據實參奏毋稍徇隱經此次訓諭後或隨從人等仍復私受餽遺一經發覺子者受者均當重治其罪莫謂言之不早各宜悚遵毋忽儻不聽訓諭任意婪索朕必執法嚴懲斷不寬恕○戊寅諭國家設官分職首重得人其人果能殫心厥職視國事如己事興利除害則庶政修舉而民生胥被其益朕孜孜圖治無日不以人才為念有能實心宣力者無論內外大小滿漢臣工必逾格旌擢以風有位如辰沅永靖道傅鼎由佐貳出身洊升道員歷任苗疆十有餘年勤除頑梗安撫善長前修建碣卡哨臺一千餘座均屯田土十二萬餘畝收恤難民十萬餘戶挑習屯練八千名收繳苗寨器械四萬餘件又復多方化導將苗民妄信師巫推牛聚眾惡習禁止革除設立書院六處義學一百處近日苗民已知向學額求分額考試所有鳳凰乾州一帶邊界苗眾實已革面革心輯甯安堵凡該省歷任大員及在廷諸臣多稱係傅鼎一人任勞任怨不顧身家盡心籌畫克臻完善朕久有所聞特因未識其人尙未特沛恩施本日召見傅鼎見其人安詳諳練明白誠實洵屬傑出之才堪為苗疆保障若各省官吏皆能如此實心任事何患地方政治不日有起色傅鼎著加恩賞給按察使銜即令其先換頂帶以示獎勵○定湖南鳳凰乾州永綏保靖四廳縣鄉試苗生中額一名○癸未陳家浦壩工合龍○甲申調蔣子蒲為倉場侍郎以陳希曾為工部右侍郎錢樾為內閣學士由大理寺少卿遷○戊子以顧德慶為內閣學士服闋內閣學士○己丑以慶格為江蘇按察使候補京堂○壬辰諭向例宗室犯軍流徒枷罪名均各按等差折圈原因其系

東華續錄 嘉慶二五

出天潢雖身罹罪辜仍為之存顏面示區別也無如宗室中之不肖者不念國家愛護矜全之意轉若恃以無恐往往不恤廉恥恣行不義及至按律懲治不過照常羈禁人不及見罔知愧惡罰輕生玩若非變通權衡使知所做懼不足以挽回積習嗣後宗室除奉特旨圈禁者隨時酌辦外其有犯軍流徒枷等罪者著於折圈本例內議加板責數自自二十板至四十板先於宗人府衙門令該堂官看視以家法責處其圈禁月日轉可量為遞減著交管理宗人府王貝勒等詳察嚴議奏上時著為定例此朕保護天潢不得已之苦心俾宗室人等咸知畏法慎刑不敢陷身匪僻從此罹罰者少即所全者眾也○乙未以明年五旬 萬壽豫飭直省督撫毋進獻珍玩
三月己亥 上親耕藉田○庚子 上啓鑾謁 東陵並巡幸天津○免經過地方及天津府屬額賦十分之三○甲辰 上謁昭西陵 孝陵 孝東陵 景陵 裕陵○壬子 上閱視千里長隄○免經過州縣及天津府屬十一年以前通賦並直隸通省十一年以前通賦十分之二○癸丑命減直隸軍流以下罪○丙辰戴均元因病解任以徐端為江南河道總督賞那彥成三品頂帶為江南副總河由西甯辦事大臣遷○戊午 上駐蹕天津府○賚畿南老民老婦○召史積容來京以朱紹曾為湖南布政使服闋布政使○己未 上閱天津鎮兵○辛酉王嘉賓年老休致以梁敦懷為廣西按察使由四川鹽茶道遷○壬戌賜召試一等龍汝言等六人舉人○廣直隸歲試學額○癸亥免直隸民欠旗租銀○甲子 上回鑾○丙寅 上幸南苑行圍○以南河頻溢命協辦大學士長麟戴衙亭往勘

夏四月戊辰上還京師○癸酉以汪廷珍為內閣學士由太僕寺卿遷

○庚辰 上閱健銳營兵○乙酉子故裕郡王亮煥祭葬諡曰僖

○丙戌 皇后行躬桑禮○丁亥諭本月得皇長孫雲初兆慶奕

葉延釐洵為吉祥喜事允宜加惠官闈誠妃晉封為誠貴妃吉熾

為莊妃信貴人為信嬪二阿哥之官女子那拉氏慶育皇孫加恩

封為側室福晉○己丑改安徽宿州新設南平撫民同知為鳳穎

分防捕盜同知○庚寅諭一日萬幾豈可稍怠本月二十二二十

三兩日內閣均未進呈刑名本章實屬非是雖因二十一日朕初

得皇長孫為國家茂衍蕃釐敬取吉祥但究於定制未協又涉怠

於勤政况此次初得長孫宮中並未設席演劇諸事照常諸臣何

必如此迎合耶向來凡遇慶喜令辰將立決章奏暫緩呈進原有

一定章程並無因誕育皇孫連日不進刑名本章之例設從前原

東華續錄 嘉慶二十五年 七

議章程內載有此條朕亦必早為刪除試思政務殷繁豈容稍有

曠誤若止將立決章奏暫為緩進一日猶屬可行至於尋常刑名

事件即降旨後尚須俟次年秋審辦理且屆時亦有情實緩決之

分此時何所避忌前日朕未見奏遞刑名本章已覺不愜乃待至

昨日猶未呈進實屬非是似此積壓頻仍勢必漸形叢脞豈朕敷

幾勤政之意乎大學士等均著傳旨申飭嗣後不必如此揣摩朕

非好言祥瑞之主惟知勤政愛民耳再前此誕育四阿哥時在廷

諸王公大臣均各呈遞如意四阿哥係朕登極後皇后誕生之子

臣工等抒忱展慶理所當然即前日諸臣等因皇長孫誕育亦皆

呈遞如意朕因初慶抱孫特行賞收並於兩次俱回賞如意用示

錫祉聯情至此後慶育蕃昌正未有艾將來凡遇誕生皇子皇孫

諸王公大臣等均不准呈遞如意違者治罪將此旨著內閣存記

並諭諸王公大臣等知之○辛卯賜吳信中等二百六十一人進
士及第出身有差○命故大學士保甯將軍奎林附祀伊犁雙烈
祠

五月丙申朔諭軍機大臣等勒保奏我眉縣歸化汛卡外野夷滋
事派兵查辦緣由一摺據稱該處野夷先於三月十三四等日潛
由箐林出至歸化汛之鍋石岡等處焚掠滋擾嗣於本月初三四

等日又由山後繞至太平堡所屬之花秋坪等處焚掠各該處被
燒房屋不少並燒斃民人商疇等二十餘名擄去梁敬詩等六十
餘丁口見經派往之道員鄭成基查明係趕山坪等支野夷並有
羅回一帶熟夷在內入夥已就近派阜和協副將馬元帶兵五百

名前往相機辦理等語野夷潛入內地滋擾膽敢焚燒房屋搶劫
財物甚至傷掠人口甚多殊可痛恨必應大加懲創俾知畏懼並
東華續錄 嘉慶二十五年 八

須剋期辦淨方免日久擾累勒保派馬元帶兵五百名前往查辦
如兵力尙覺不敷不妨再派五百名前往合力勦辦庶聲威壯盛
即可迅速了事其提督豐紳見在已由松潘回省應即令其趕緊
前往督率辦理設另有需文員查辦之事臬司方積亦應飭令前

往會同查辦至此大野夷糾眾不法是否實因口食無資是以句
結熟夷闖入內地搶掠抑或另有起釁別故務須詳晰查明其糾
約人數較多必有為首起事之人不可任令漏網再此內若有漢
奸勾引尤當確切訪拏與為首之人一併盡法處治不可輕縱總

以從嚴辦理不至需緩為要其各該處被難民戶並即督飭地方
官妥為撫恤免致失所○己亥授八十五歲之三甲進士王服經
翰林院檢討○庚子諭朕勤求治理惟日孜孜不敢稍自暇逸疊

經訓諭臣工恪勤供職以符夙夜匪懈之義乃竟因循廢玩置若

罔聞本日各部院大臣因節屆端陽俱來園呈遞膳牌並無一陳奏事件者大屬非是端陽非如朝正鉅典萬壽慶辰例應虔申賀祝於應奏事宜得以量為從緩若時值元旦萬壽朕亦斷不責令臣工呈進奏章致為矯情之舉至於端陽不過為屈原故事舊俗相沿實屬無關緊要非元旦可比諸臣竟因此延閣奏章其意或以為天中節序未便奏事煩瀆謬為仰體朕懷而於歷次訓誡之旨不知領會殊不知朕心轉為不愜也向來端陽日內廷原有非當承應若值望雨之歲即行停罷若雨暘時若循例踵行且俱在披閱章奏召對廷臣事畢以後不過二三時即止於政務毫無妨礙此皆內外臣工所共見共聞者况甯使庶務稍繁多稽晷刻斷不因見值節日竟置公事於不辦也若本日有一二衙門奏事朕亦不遽加責備乃相率延閣轉增朕咎戾矣臣工等經朕再三訓

東華續錄

嘉慶二十五

九

飭之後尚不知力除積習若不加以懲處不足以示儆戒因召見大學士及各部院堂官面加詢問據禮兵二部及都察院堂官僉稱本日實無應奏之事該部院衙門事務本簡即遇輪班值日亦往往呈遞無事奏片朕所素知尚非遮飾戶部於昨日甫經奏事內務府堂官亦稱本日實無應奏之件俱著免其議處至刑部為刑名總匯案牘較繁本日例不進刑名本章而該堂官因此意存避忌於尋常事件亦不陳奏究屬拘泥著從寬交部察議其吏工二部不得謂事簡衙門今竟無一陳奏事件殊屬不合該二部堂官著交都察院吏部議處嗣後再有應奏不奏任意積壓不止議處必行革職勿謂不教而懲言出法隨絕無情面諸臣其慎之自十四年始每遇端陽俱不必推班仍照常值日奏事不必來園呈遞全牌用副朕勤政敦幾之意○癸卯諭長麟戴衛亨奏勸明毛

城鋪無庸修復並另籌宣洩之路以利清運而防盛漲一摺據稱毛城鋪滾水壩因啓放日久河水下趨著重前經製動大溜致成漫口經年累月始行堵合見在該壩東西相距五十餘丈口門寬廣一經啓放恐黃水建瓴而下不能循軌前進大隄難保無潰決之虞茲據康基田告稱天然開地東數里地名十八里屯有前河臣靳輔所建石閘二座足以減黃利運當往勘明該處有小石山一座中峰兩旁有山縫二道東山縫內尚露舊時壩頂西山縫內業已積淤又復徧加採訪適有老民張姓指認帶領人夫創挖已得原舊壩基該二閘每閘過水僅寬三丈有餘山石夾峙可保無奪溜衝決之患應請旨興修其毛城鋪石壩無庸辦理等語所辦甚好其摺內所敘情形並圖說亦皆明晰前此鐵保等請修毛城鋪原為減黃利運起見但流弊甚多若竟照所議辦理不但工費

東華續錄

嘉慶二十五

十

浩繁且該處勢若建瓴口門寬廣將來啓放時必致一發莫禦下游潰決之患何所不至長麟戴衛亨於馳詣江境後因康基田告稱十八里屯地方舊有壩基足資宣洩即至彼確勘並又訪得一百三十餘歲之張姓老民令其指引人夫立將壩基創出信而有徵於此修復舊規較之毛城鋪工程實屬事半功倍長麟戴衛亨能不遷就鐵保等原奏留心博訪措置得宜實為可嘉俟工成後再行優敘至康基田曾任河臣近因年老改用京員此次派令隨往能將十八屯壩開基址呈明辦理可見其平日留心河務深中窾要應予嘉獎康基田著加恩升賞道銜並賞戴花翎張姓老民年已一百三十餘歲尚能記憶壩基舊帶人指認得濟更亦屬可嘉伊從前自必得受旌賞著鐵保詳查如無頂帶即賞給七品頂帶再酌量賞銀數十兩並加賞大段二三匹以示獎勵所有

十八里屯修復舊閘並開挑引河打築隄岸等事俱著交該督等確估具奏於本年大汛後即行辦理務須認真督辦期收減黃利運之益不可草率其修復毛城鋪石壩之處無庸議○甲辰以宜興為步軍統領特克慎為左都御史慶惠為理藩院右侍郎由副都統○調成書為兵部右侍郎以常福為工部右侍郎○乙巳調多慶為禮部右侍郎普恭為兵部左侍郎○辛亥諭本日大學士議奏不進刑部本單內朕詳加酌覈如親祭 奉先殿及恭進 玉牒停敘殿筵宴宗室向不進本之日著改為不進立決本至皇后千秋先一日初九尙在朕萬壽期內自應仍不進刑名本章其十

一向不進刑名本之日亦改為不進重辟本皇子皇孫誕日日期仍照舊進刑名本餘俱照所議行○丙辰諭長麟戴衛亨奏續勘王營城壩及兩岸大隄至海一路各工實在情形一摺並繪圖貼東華續錄 嘉慶二十五年 十二

說進呈朕詳加披閱王營城壩原係掣消漲水見在舊壩地勢既偏近黃河且自堵閉決口後深塘積水施工甚難自應量為改建著照所擬那置舊壩西首如式築作滾壩並添作石壩以為重門保護之計所需工費應即令確估興修俾資宣洩至沿河兩岸大隄徐州以上既間有卑薄處所准揚所屬各工且多灘高隄矮山安海防等廳更有灘與隄平僅賴子堰護持者勢須普律加培以昭慎重所需估修銀二百餘萬兩著准其先於兩淮運庫內提借銀四十萬兩交鐵保等派員先將揚屬隄工卑薄較甚各處於本年伏秋前趕緊加培務臻鞏固其餘稍緩之處仍分定段落覈定銀數於霜降後次第興工其雲梯關至海口一帶情形既經查明海口實在寬深並無阻遏形勢惟舊有隄埝之處河水平行散流兩岸村落散布民田廬舍甚多近年河水旁溢賑恤頻加應須接

築長隄為東水歸槽衛護民生之計著照所擬即自八灘以上將南北二隄略做雁翅形勢酌量接築所有估需工費及移駐修守之處俱令鐵保等詳議辦理仍查照長麟戴衛亨所奏各條分別各工先後次第覈實妥辦為要○戊午命甄別各部院行走及直省試用各捐職人員○己未諭長麟戴衛亨奏查明堰圩隄壩各工籌畫辦理又酌分工程緩急先後覈計經費各摺並將所繪高堰隄工圖樣進呈朕詳加批閱高堰隄工為淮揚一帶保障關繫非輕今石工既因風浪掣卸不足深恃惟有加築後戩土坡以資抵禦摺內所論甚是惟原估過加寬厚需費較多見在長麟戴衛亨等復加酌議擬加寬頂二三四丈以資防守著即照所奏辦理其智禮二壩既據勘明壩身過卑恐啓放清水時漫無收束不得不加高壩底使有節制自係實在情形著即照摺內所定加高四丈之數辦理仍於其上略為封土隨時酌量宣洩並須得守且守勿致下游頻遭淹浸為要其仁信二壩著從緩辦理南河應辦各工固皆緊要然其勢不能同時並舉長麟戴衛亨摺內所敘除將揚屬隄工卑薄較甚之處先於本年伏秋大汛前趕辦外其餘分別緊要次要自本年霜降後以至十四十五年霜降後次第興辦其區分甚為得宜著該督等督率工員認真經理○命嗣後吏兵二部議處罪案除私罪不准查抵外如有實係公罪經特旨交議者其應否准抵之處於摺內聲明請旨裁奪○庚申命重修山東關里 至聖孔子 復聖顏子廟○癸亥以鄂勒哲依圖為理藩院額外侍郎科爾沁貝子

閏五月丙寅朔命工部左侍郎英和軍機處行走○壬午諭前因慶育皇長孫在廷王公大臣俱呈遞如意申賀外省將軍督撫亦

先後呈遞如意具摺賀喜朕因初次得孫內外大臣等抒誠展慶是以未加駁斥噫嗟次降旨諭令嗣後每遇誕生皇子皇孫俱不准陳賀此次該將軍督撫提鎮等所遞之摺亦止係奏稱恭賀天喜從無以頌揚之詞妄行鋪敘者自昨日將軍與奎遞到清字奏摺始以慶賀虛言摺拾入奏朕因其措詞失當業經降旨申飭然伊摺內所敘之語尚不過侈陳吉祥並無疵謬乃本日提督仙鶴林所奏之摺則以誕降重熙承華少海玉質龍姿前星拱極本支百世派衍東宮等詞填寫滿紙一派狂言謬妄已極仙鶴林著革職鎖學交景安派委道府大員就近解赴省垣嚴行審訊並將代擬奏摺之人一併鎖解省質審仙鶴林是否通曉文義此摺或係伊出自臆撰或係授意他人代擬抑係伊本無主見止倩人撰擬賀摺而其人遂肆意胡言均須詳細鞫訊俟審有大槩情形景東華續錄 嘉慶二十五 古

安即一面奏聞一面將仙鶴林及代擬奏摺之人派員押送進京交軍機大臣會同刑部嚴審定擬具奏○齊布森緣事降調以錢楷爲河南布政使由光祿寺卿遷○癸巳免四川夷匪滋擾之馬邊廳屬額賦

六月丙申江蘇荷花塘運河溢○甲辰諭朕惟農桑爲致治之原一夫不耕或受之饑一婦不織或受之寒惟人君震動恪恭於上斯小民趨事赴功於下七月之什無逸之圖重民事所以固邦本也我朝 列聖相承惠愛黎元勤思本業 聖祖仁皇帝詔刊耕織圖四十六幅作爲詩章分冠其上其於農事自浸種以至祭神於蠶事自浴蠶以至成衣形樛藻績纖細畢陳恭繹 睿謨蓋以人主生長深宮恐於小民作苦之事未能洞悉用是被諸 詠歌垂型奕禩 皇祖世宗憲皇帝依題成什 皇考高宗純皇帝繼

復恭和 元韻均以 聖祖之心爲 心敬念民依後先同揆乾隆二年會 命詞臣纂輯授時通考一書內列耕織圖二卷 三朝御製詩依次恭載煌煌 聖訓萬古維昭朕紹承 前烈日以民生爲念惟思爲閭閻廣衣食之源俾之含哺挾纊永慶盈甯近於幾暇續題耕織圖成五言律詩四十六章檢閱授時通考係刊於乾隆七年其耕織圖卷內恭載 聖祖御製於前次列 世宗御製又次列 皇考御製則書 皇帝御製恭和 聖祖仁皇帝原韻當時體例應然今朕續有題詠應補行編載原書篇葉內餘幅甚寬著交文穎館總裁等恭查耕織圖各幅前 皇考御製詩俱敬謹改書 高宗純皇帝御製恭和 聖祖仁皇帝原韻再將朕詩次列於後標目書皇帝御製繕冊進呈交武英殿補刊以示朕祇適 成謀重民務本至意並將此旨載入以紀補編年月○東華續錄 嘉慶二十五 古

乙巳諭朕每日召見各部院衙門尚書侍郎及卿員等詢及該衙門事務或伊等將見辦案件自行奏言及退出時轉向同官傳述即以爲業經奏明請旨遵辦朕輪次召對臣工一時而論之言豈能向其同署諸臣徧行曉示而本人一經傳述各同官又不敢復行請旨其中每不免有隨同遷就之弊且各部院事件如同官尙未公商定議本不應於一人獨對之時先行奏探意旨或其人先有異見於召對時輒以己意敷陳及出述時辭氣抑揚輕重之閒復稍有增減而同官莫能辨正則以影射漸起專擅其弊尤不可不防嗣後各部院衙門臣工經朕於召見時詢及見辦事件或有面諭之言本人退出後傳知各同官俱著於次日公同繕片述旨如所述不誤發下後再行遵辦或所述事件其人面奏之辭與該衙門見在公同商辦之處情節不符即著於奏片內據實聲敘另

候諭旨遵行此係朕防微杜漸之苦心各臣工等懷遵毋忽○諭吏部奏嚴議刑部堂司各官會同宗人府審擬聞散宗室敏學恃勢逞兇一案故為洗刷開脫屈法徇情請將刑部宗人府堂司各官均照溺職例革職一摺敏學倚仗宗室目無朝廷法紀及刑部會同宗人府審擬摺內所敘情節不實不盡自相矛盾之處甚多經朕降旨逐一駁斥伊等辦理錯謬之咎實百喙難辭刑名關繫懲戒總須得情法之平豈容有意徇庇此次朕所以必欲嚴行懲處者總因伊等於敏學滋事之處力為掩飾希圖示恩邀譽且聞刑部堂官等審辦此案時原有數人欲將敏學發往盛京圍禁持論未決而秦承恩於召對間輒稱具奏此摺擬與審辦宗室圖克坦爭鬧習罵一事同日具奏並稱若以此兩案情節比較則敏學情罪較輕伊隨告知同官此案業已奏明照例辦理該堂官等始東華續錄 嘉慶二十五 十五

行遷就隨同定擬是此案種種謬誤皆出自秦承恩一人主見秦承恩渥沐 皇考高宗純皇帝簡畀深恩由詞垣擢授封圻鉅任嗣緣事身獲重譴復經朕棄瑕錄用洊升刑部尚書伊仰荷隆施當如何感激圖報不意於聽斷問擬之事竟敢有心開脫豈實心任事之道本應照部議革職姑念其服官已久資格較深著加恩降為編修在文穎館效力韓對見在出差雖於具奏此案時未經在京但伊前此經朕召見屢經奏及此事察其詞意之間亦總欲從輕完結並聞刑部事務皆係伊先行擬定朕簡用六部尚書侍郎理宜和衷共濟遇事虛心商酌何得一人主持致啓專擅之漸韓對著降補廣東按察使於審辦河間縣民控案完竣後速赴新任不准來京吳俊見已年老辦理廣東臬司事務恐形竭蹶即著來京另候簡用秦瀛在署專辦部務於會審案件未能酌覈允當

亦且年老無能著降三級調用承辦之司員即中台福員外郎那頃著照部議革職以示懲儆其餘各堂官俱應照議革職姑念董誥在軍機處行走不能常川進署長麟甫自南河差旋於定案具奏時未及更正伊二人尚有可原均著加恩改為降三級從寬留任廣興亦在內廷行走未能逐日到部伊本欲將敏學問擬發遣著加恩改為降四級從寬留任穆克登額係每日進署與廣興有間念其到任未久於刑名案件未能熟練且伊初意亦主發遣之說著加恩改為降五級從寬留任宗人府堂司各官會同審辦此案於畫案時並未駁回改定甚屬非是不應革去職任惟一時簡用之人且此外諸王貝勒等與見在管理宗人府之王貝勒比較皆不能及儀親王成親王定親王縣恩貝勒永珩均著加恩改為實罰職任俸三年理事官明興阿委署主事法浚阿均著加恩改東華續錄 嘉慶二十五 十六

為降五級從寬留任○以吳璫為刑部尚書馬慧裕為河東河道總督崇祿為盛京刑部侍郎慶格為浙江布政使鰲圖為江蘇按察使由淮揚道遷○以章煦為刑部左侍郎常明為湖北巡撫慶保為陝西布政使王紹蘭為福建按察使由興泉道遷○以許兆椿為刑部右侍郎楊護為江甯布政使李奕疇為安徽按察使由江南河道道遷○戊申江南七里溝運河溢○癸丑以玉福為內閣學士由乾清門侍衛遷○乙卯以博慶額為內閣學士由通政使司副使遷○戊午諭松筠以皇長孫誕育叩賀摺內惟稱叩賀聖主大喜所奏甚是皇長孫誕育諸臣摺內止宜如此稱賀豈宜敷衍吉言松筠此摺甚屬懂事得體伊之見識實遠勝於興奎和甯等輩昨興奎和甯愛星阿來靈等摺內俱稱不勝踴躍欣忭等語甚屬無謂不曉事體除興奎和甯等業經申飭外愛星阿來靈亦著申飭嗣後誕育皇子皇孫內外

王大臣不必再行具摺叩賀將此通諭知之○庚申調英和爲戶部右侍郎慶惠爲工部左侍郎以景祿爲理藩院右侍郎由岩密○以多慶爲直隸泰甯鎮總兵官秀甯爲禮部右侍郎由內閣○以阿明阿爲工部右侍郎由總管內務府大臣遷

東華續錄

嘉慶二十五年

十七

東華續錄

嘉慶二十六年

臣王先謙敬編
臣周翰恭校

秋七月庚午諭前據御史何學林條奏請將部中記名繁缺知府分發各省委用一摺朕披覽時卽覺其事不可行姑交吏部議奏觀其識見以爲部臣自必議駁或並將該御史附請處分乃本日吏部議上率請照該御史所奏辦理依樣葫蘆殊屬非是各部俸滿郎中保舉繁缺知府自必才具諳練本係部中出色之員平素所倚以辦事者若槩行分發各省則一時頓少熟手實於部務無裨而該員等到省之後無缺可補轉覺日久曠閒若云外任必須先往練習該員等既能諳練部務簡用時必無不能經理地方事務之理豈外省簡任封疆大員亦須在京見任大員分發各省先行學習乎各省道府之員原准該督撫等酌量人數隨時奏請揀發何必豫先派往轉令在彼候缺此必係見保繁缺各員因得缺需時希冀速膺外任否則各該部之員外郎主事以及候補主事等官但願實缺郎中一經分發卽可以次遞升補缺因相與怨惡爲此而該御史自計將來俸滿之後或亦可得繁缺故爲此奏吏部不加詳察率行議准豈非爲伊等特開捷徑乎所奏不准行○辛未召常安來京以張映漢爲湖北布政使劉清爲山西按察使服闋按○丙子以齊布森爲內閣學士由鴻臚寺卿遷○丁丑四川總督勒保奏攻克牛心山等處滋寧嶺夷賊獲賊首餘匪乞降得旨嘉獎下部議敘○庚辰上啓鑿秋獮木蘭○免經過地方額賦十分之五○壬午四川總督勒保奏生番縛獻首逆烏卜乞降涼山軍務全竣得旨獎賚○丙戌上駐蹕避暑山莊○辛卯諭軍機

大臣會同行在刑部奏審訊仙鶴林等分別定擬一摺此案仙鶴林以提督大員於慶育皇孫本應遞摺陳賀伊因素不通文義令營書郭裕昆代擬摺稿恐未妥協隨差人轉煩已革知府薛淇酌改維時薛淇適因感患暑病未能閱看交幕友石先幾改擬石先幾遂摘用郭裕昆數語並摭拾陳言行成一稟仙鶴林即照繕拜發其指內疵謬之處業經訊明係用石先幾改擬摺稿石先幾著照擬杖一百徒三年仙鶴林於自行陳奏事件並不詳加檢點致多謬妄其咎較重本應照擬遣戍念伊從前屢經帶兵打仗身受重傷著有微勞著加恩免其發往烏魯木齊仍與石先幾一律問擬滿徒

八月戊申諭留京王大臣每日交代合符方准散直○已酉上自避暑山莊巡幸木蘭行圍○癸亥免巡幸淀津經過之天津府東華續錄 嘉慶二十六年

各州縣旗租十分之三
九月丙寅 上駐蹕避暑山莊○癸酉 上自避暑山莊回鑾○

甲戌揚志信因病解任以百齡為山東布政使陳若霖為山東按察使由四川鹽○丁丑以直隸新安等二十三州縣水災撥部庫銀二十六萬兩天津北倉米二十萬石備賑○江蘇荷花塘漫口

合龍○已卯 上還京師○甲申以常恪為甘肅按察使由山西雁平道

○丁亥諭朕勤求民事念切授衣編氓禦寒所需惟棉之用最廣其種植經紡務兼耕織從前 聖祖仁皇帝曾製木棉賦迨乾隆年間直隸總督方觀承恭繪棉花圖撰說進呈 皇考高宗純

皇帝嘉覽之餘按其圖說十六事 親製詩章體物抒吟功用悉備朕紹衣 先烈軫念民依近於幾暇敬依 皇考聖製元韻作

詩十六首誠以衣被之原講求宜切生民日用所繫實與稼穡

桑並崇本業著交文穎館敬謹輯為一書命名授衣廣訓首載聖祖仁皇帝聖製賦次載 皇考高宗純皇帝聖製詩再將朕御製和韻詩載入其方觀承所進圖幅並發交如意館做照鈎摹同原冊所進圖說等件一併存載俟書成呈覽刊刻頒行以垂永久○諭試用通判王履泰於回鑾途次恭進編輯畿輔安瀾志六面當令董誥等公同閱看具奏朕覆加披覽於直隸通省河道原委辨證明晰並將古今修防事實詳悉登載足資參考尚屬有用之書著武英殿用聚珍板排印以備陳設頒賞王履泰著發往直隸以通判即補交溫承惠遇有應辦水利事宜差遣委用○已丑諭吏部議處福慶李長森一摺李長森身任藩司於庫銀被竊並不據實詳報輒改換日期為回護屬員及本身處分地步並將養廉一項劃出不行列入失竊銀數內又李乘焜揭報修文縣倉庫虧

短並未照例詳委隔屬大員查辦仍派該管知府程卓探盤查以致不能查出至大定府局錢被竊攪和售賣又未能先事查察種種錯謬著照部議革職來京候旨巡撫福慶率照該司詳稟辦理未將藩庫失銀實情具奏又於司詳派委程卓探盤查本屬修文縣虧空一節不即批飭改委及失察大定局錢被竊均有應得之咎亦著照部議降三級來京以從三品京堂補用○諭軍機大臣

等吳熊光等奏英吉利國夷兵擅入澳門一事英吉利國夷人藉稱大西洋地方被法蘭西占踞該國因與大西洋鄰好恐大西洋人之在澳門者法蘭西欺阻貿易輒派夷目帶領兵船前來幫護

所言全不可信而且斷無此理見在先後到船九隻皆帶有礮械火藥等物竟敢灣泊香山縣屬雞頭洋面並有夷兵三百名公然

登岸住居澳門三巴寺龍嵩廟分守東西礮臺實屬莽鷲可惡該

員等見將該國夷船停止開槍派員剴切曉諭俟夷兵退出澳門方准起貨並稱該夷人若再挾延即封禁進澳水路絕其糧食所辦尚是但究竟如何嚴切曉諭及見在作何準備之處全未奏及所辦太輒邊疆重地外夷敢心存覬覦飾詞嘗試不可稍示以弱此時如該國兵船業經退出澳門則已如尚未退出吳熊光即行遞派曉事文武大員前往澳門嚴加詰責以天朝禁令恭嚴不容稍有越犯大西洋與法蘭西彼此構釁自相爭殺原屬外夷情事之常中國並不過問即如近年緬甸暹羅二國互相仇殺節節攸關求援大皇帝一視同仁毫無偏向至於中國外藩自有一定疆界試思中國兵船從無遠涉外洋向爾國地方屯紮之事而爾國兵船輒敢駛進澳門登岸居住冒昧已極若云因恐法蘭西欺侮西洋前來幫護殊不知西洋夷人既在中國地方居住法蘭西焉敢前來侵奪以致冒犯天朝即使法蘭西果有此事天朝法令具在斷不能稍為姑容必當立調勁兵大加勦殺申明海禁又何必爾國派兵前來代為防護若云洋匪未淨欲效力天朝尤屬無謂海洋盜匪屢經勦辦不過東竄西逃既經兵船四路擒拿不日即可殲盡餘孽又何藉爾國兵力乎看來竟係爾國夷人見西洋人在澳門貿易趁其微弱之時意圖占住大千天朝屬禁矣爾國臣事天朝平素遣使進貢尚稱恭順乃此次無知冒犯實出情理之外本當即行擊究姑先明白曉諭爾若自知悚懼即速撤兵開帆不敢片刻逗留尚可曲恕爾罪仍准爾國貿易若再有延挾不遵法度則不但目前停止開槍一面即當封禁進澳水路絕爾糧食並當調集大兵前來圍捕爾等後悔無及如此逐層曉諭義正詞嚴該夷人自當畏懼懍遵吳熊光等仍當密速調派得力將弁

東華續錄 嘉慶二十六年 四

統領水路官兵整頓豫備設該夷人一有不遵竟當統兵勦辦不可畏蕙姑息庶足以伸國威而清海澨此於邊務夷情大有關係該督撫不此之慮而唯嚮嚮於數十萬稅銀往復籌計其於防備機宜全未辦及吳熊光孫玉庭均懦弱不知大體且吳熊光充當軍機章京有年曾經擢用軍機大臣尤不應如此憤憤吳熊光孫玉庭著傳旨嚴行申飭伊等此次來摺僅由馬上飛遞亦屬遲緩此次著由五百里發往著吳熊光等即速遵照辦理並傳諭常顯知之○以章煦為貴州巡撫轉許兆椿為刑部左侍郎調周兆基為刑部右侍郎轉際希曾為工部左侍郎以顧德慶為工部右侍郎由內閣○以陳預為貴州布政使調查瀘為江西按察使以駱柱為貴州按察使由福建與○壬辰申禁貧民偷越奉天威遠堡法庫邊門私墾

東華續錄 嘉慶二十六年 五

稱天朝海面盜案甚多商販被劫該國王派備兵船情願效力剿捕等語竟係意存輕視見在海洋水師兵船梭織巡緝沿海各口岸斷絕接濟盜匪日形窮蹙豈轉待外夷相助種種措詞背謬於邊務夷情大有關繫該督等接閱夷稟早當驅逐駁飭乃止以停止開船封禁進澳水路絕其糧食虛言由尋常馬遞入告且該督等具奏後該國夷船曾否退去亦未據續行馳報吳熊光不應如此糊塗懈怠實出意想之外試思邊防重地任令外夷帶兵開入占據磯臺視為無關緊要不知有何事大於此事者該督等接奉此旨即著將夷船見在情形及如何密飭籌備之處速行奏聞將此諭令知之無論退去未退去即由五百里具奏○己亥諭內府舊藏全唐文卷帙閱富於有唐一代帝王以迄士庶所著各體文採輯大備洵為藝苑鉅觀敬思 聖祖仁皇帝欽定全唐詩風行東華續錄 嘉慶二十六年 六

海寓操觚家獲親初盛中晚源流有裨詩教甚大茲全唐文弄藏中秘外開承學之士無由與窺美備允宜頒示寰瀛以昭盛軌著將此書交文穎館通行鈔錄並詳稽載籍有應補入者一體編輯校勘完善進呈乙覽後刊刻頒行用副朕崇文講學嘉惠士林至意○甲辰諭宜興奏請將宗室移住盛京並擬列條款開單進呈朕詳加披閱所奏斷不可行宗室移住盛京一切車輛房屋資裝器具所費不貲國家帑項有常豈能於經制之外增此重費即伊指稱於海口餘息項內酌量動用海口息銀固不能有如許盈餘即使有款可動亦必布置妥善行之果有實效俾宗室等各安生業不致違犯科條即多糜帑項朕亦斷不稍有新惜無如宗室等見住京師切近輦轂有宗人府王公及各族長分管尚不能恪遵化導若移赴盛京專責成該將軍一人管束伊等豈遂能安分守

法乎是撥移徒滋煩費而於事仍屬有名無實况宜與欲將盛京各城旗民領種之餘租官地分撥一半以為宗室養贍之田該處旗民領種有年安業已久若驟行分撥則宗室固有恒產而旗民即有一半失業之人又安保其不別生事端宜與所奏種種窒礙難行即使交部駁議亦必駁斥著無庸交議並將原摺擲還○調永保為廣東巡撫章煦為雲南巡撫孫玉庭為貴州巡撫由廣○乙巳調銜齡為江西布政使先福為廣東布政使○戊申改河南南陽中汛縣丞為中牟上汛縣丞○以王綬為內閣學士○壬子賜徐華清等五十二人武進士及第出身有差○庚申諭吳熊光奏英吉利國夷船尚在澳門揆延觀望情形一摺吳熊光身任封圻重寄接據稟報早應馳赴該處躬親督辦乃任其登岸住守兩月有餘及接奉嚴旨仍不即時親往設法驅逐又未將派委何員東華續錄 嘉慶二十六年 七

及如何籌辦之法詳悉具奏是吳熊光平日因循廢弛止知養尊處優全不以海疆為重大負責委任吳熊光著傳旨嚴行申飭先降為二品頂帶拔去花翎仍交部嚴加議處用示薄懲

十一月戊辰以蘇冲阿為內閣學士由武備院卿選○辛未諭舊制清明節謂 陵行數土禮惟於二十七箇月之內舉行一次以後均係遺員恭代從前我 皇祖世宗憲皇帝 皇考高宗純皇帝皆按定制舉行禮不敢踰自當敬謹遵守惟是朕仰蒙 皇考高宗純皇帝恩慈眷佑溯自乾隆癸巳年即蒙 聖心簡畀立為皇太子密書存記至乙卯九月始明降 諭旨敕立 深恩付託實已二十餘年迨至丙辰元旦 授璽大廷猶復 訓政三年孜孜不已鴻慈篤眷尤為從來所未有春秋霜露十載於茲朕心罔極之思豈尋常孺慕所能盡明年又適屆朕五旬誕辰春闈本應謁

陵伸慕若不躬親敷土於心實覺不安有未可限於常制者明年朕於二月十七日啓鑾二十日恭謁東陵二十一日係清明節敬於是日親祭裕陵再舉行敷土禮一次稍申瞻戀之誠禮成回駐盤山於是月二十九日進城回宮三月初一初二兩日齋戒俟初三日親祭先農壇行耕藉禮畢即於是日啓程駐蹕黃新莊前詣西陵展謁取道潭柘寺拈香於十一日至香山駐蹕十六日回圓明園所有應行各典禮事宜著各該衙門敬謹豫備○壬申冊封賊妃劉佳氏爲誠貴妃吉嬪王佳氏爲莊妃貴人劉佳氏爲信嬪○丁丑調蔣繼勳爲廣西按察使梁敦彥爲雲南按察使○壬午諭我朝家法相承宮庭之用甚爲節省每歲自皇后妃嬪以至女子等所得綉段分例載在宮中則例永遠遵循前因內廷例用之件有須外省織辦者朕意不如將庫貯之物量東華續錄嘉慶二十六年八爲抵給既可省交辦之煩而宮中亦得適用是年段庫所抵物件均屬敷足皇后會率同妃嬪等陳謝咸深歡感至去歲抵給物件多屬平常且不足數皇后以事屬細微未及具奏至本年又值交領公用之期皇后會諭令總管太監孫進忠傳諭內務府大臣等皇后分例本多無容計較惟妃嬪以下及女子等每年賞件止有此數不得減少致不敷用若再似上年短缺必據實奏聞經孫進忠面告英和蘇楞額均已聆悉乃前日在太和齋傳膳辦事召見廣興據奏總管太監孫進忠挑斥抵給物件係與段庫官員串通一氣欲交外省織造以便需索規費等語朕即以事關外廷官員交結近侍如果確有憑據必當嚴行懲辦而廣興又不能指出確係何人朕即覺其所言不實昨據皇后奏及前事因令將本年抵給物件逐一詳覈實共少綉段至數十件之多該管大臣等於官

中例應支給之件任意剋減實屬不知大體且於皇后曾經傳諭之處並未奏聞尤爲錯誤應與承辦庫官均著軍機大臣會同該部嚴加議處至廣興於面奏時並不將孫進忠係奉皇后傳諭據實陳奏伴作不知轉以庫官句結內監有意挑揀爲詞希圖登聽及命軍機大臣等向伊詢問令其指出庫官姓名確據以憑嚴辦廣興仍復毫無指證惟稱係屬疑心豈有將懸揣疑似之詞遽加人以交結近侍之罪况孫進忠傳述皇后所諭並無格外挑斥之處該管大臣等眾所共知廣興豈有不知之理乃竟敢挾詐面欺不知其是何居心廣興著軍機大臣等會同該部再行嚴加議處仍先革去頂帶不准進內聽候嚴議至孫進忠於皇后傳諭時即應奏聞再行傳知乃並未具奏亦屬疏漏孫進忠並著交軍機大臣議罪○諭吳熊光於英吉利夷船擅入澳門並不親身前往設東華續錄嘉慶二十六年九法驅逐業經照部議革職因思陽春身任將軍職居總督之前遇有海疆要務本應具奏况前據吳熊光奏稱該將軍挑派滿營官兵豫備調遣何以並無一字奏及孫玉庭以巡撫大員於吳熊光辦理輒弱錯謬之處未能據實參劾轉以支飾空言隨同列銜具奏皆有應得之咎陽春孫玉庭均著交部議處○諭軍機大臣等昨據吳熊光等奏英吉利夷兵全數退出澳門一摺此次該國夷人自七月來至澳門住守數月有餘夷情叵測必有所爲而來何以又無故而去且所稱見聖諭嚴明兵威壯盛業已不敢抗違之語所見係何諭旨所派係屬何兵並未一一聲敘况夷稟尙未呈遞吳熊光輒稱夷船風信一過卽不能開行如果切實懇求卽准其開船見好於夷人豈非示之以弱乎外夷來至內地貿易輸納稅課原因其恪守藩服用示懷柔並非利其財貨若沾沾以徵權

為重無怪該夷人肆意居奇意存輕視也永保馳抵粵東即會同韓對詳查英吉利夷船因何擅入內地自七月至今呈遞夷稟幾次吳熊光如何批示所稱水陸兩途嚴密布置官兵所派係屬何丘節次稱奏派員到切曉諭並聖諭嚴明之語所見係何諭旨所派係屬何員因何全行退出有無豫准開船貿易之事逐一奏聞仍嚴切曉諭英吉利夷人以爾等擅入澳門實屬冒昧斷不能仍准貿易儻自知悔罪畏服倍加恭順於二三年後再行懇請彼時兩國貨船亦止准在澳門以外停泊俟奏聞大皇帝候旨遵行設再欲攜帶兵船即當斷貿易聲罪致討儻永保到彼後吳熊光等業已准令開船即當查明因何允准是否係該國夷人具稟懇求抑係吳熊光先行准令開船該夷始行退出之處一併據實具奏不可稍有隱飾○革吳熊光職以永保為兩廣總督韓對為廣東巡撫調陳若霖為廣東按察使以朱錫爵為山東按察使

東華續錄 嘉慶二十六年

○甲申諭軍機大臣會同吏部嚴議廣興等於宮中例應支給細段並不敬謹遵辦擅行刻減請分別革職治罪降調一摺朕綜理庶政惟務覈實從不肯顛預了事前在太和齋召見廣興據奏總管太監孫進忠挑斥細段與段庫官串通一氣欲交外省織造以便需索規費並未指明何項支用細段亦未奏及宮中抵給分例若果所奏確實則是外廷官員交結近侍必當嚴行懲辦即如從前和珅飭法營私一經敗露尙且徹底究辦不能稍從寬宥况事關宦寺舞弊牟利更復何所姑息必當立置重典經朕面加詢問廣興並不能指出確係何人嗣令軍機大臣向伊詳加開導令其據實直陳伊仍毫無指證止以係屬疑心為詞豈有以懸揣臆度之說遽証人以結交近侍之罪至宮中抵給細段上屆即減少

不敷昨經皇后奏聞因令俟此次宮用抵給之件呈覽後再行數辦及經呈覽則短少至數十件其物料平常不堪應用者甚多當即降旨查詢始據查明此次承辦細段之司員本係豫備足數其所以擅行抵扣減少者實出自廣興一人主見見有伊親筆改正字帖為據况皇后內廷所用服色竟用數十匹醫色紗其居心竟不可問矣乃轉以庫官句結內監有意挑揀為詞捏飾具奏是竟欲變亂黑白顛倒是非而於總管太監孫進忠所奏皇后傳諭此次抵給細段不得減少一節始終佯為不知蒙混具奏欲快私忿試即將交結近侍之條律以虛誣反坐自問當得何罪乎廣興著照軍機大臣等所議革職姑從寬免其治罪令伊家居閉門思過並著該管都統副都統等嚴行管束隨時稽查倘尚不知愧懼或有恣意妄為之事即當據實參奏若該都統等代為隱飾別經發覺必將該都統等一併懲處英和等於抵給細段並不敬謹遵辦輒任聽廣興一人短少抵扣且於皇后曾經傳諭之處亦未奏明咎有應得英和同明阿和世泰蘇楞額俱著改為降四級從寬留任庫官達霖等詢明原係照數豫備惟於廣興擅令減少並不阻止且上屆承辦抵給細段亦未能適用均有不合即中達霖福祿員外郎福甯阿威赫俱著改為降二級從寬留任與該堂官等降留處分均無庸查級議減○轉穆克登額為刑部左侍郎嗣景祿為刑部右侍郎策丹為理藩院右侍郎以博慶額為盛京工部侍郎明志為內閣學士

東華續錄 嘉慶二十六年

十二月癸巳諭軍機大臣等吳璣托津會同鐵保等奏勘明海口情形一摺據稱海口改道一說溯查前明及本朝康熙年間舊案所有灌河入海之路覆轍具存見在周歷履勘北潮河匯流馬港

口張家莊等處漫水業已數月尚在壅積可見去路不暢且又不能刷出河槽而此外又無另闢海口之路仍請修復故道將雲梯關外大隄接築收束水勢使東注得力並據鐵保等片奏請共需撥銀二百九十萬兩務於歲底春初到工等語北潮河漫水去路不暢又無河槽伊等以見在情形證之昔年誤改成案論據確鑿是由灌河入海之說斷不可行自應挽歸故道至所稱雲梯關外水勢散漫必須接築兩岸大隄收束水攻沙之效並稱較原估丈尺可以稍減其十八里屯及減壩工程均停止緩辦撥之目前情事亦止可照議辦理惟是國家帑項實在支絀河工連年請撥之項數已不貲迄未一勞永逸詢之部臣此時各省實已無項可撥不能俯從所請况天下經費甚多豈能以天下全力專理一工乎萬不得已祇得姑照所請降旨阿克當阿令將商捐項下撥銀一萬兩

嘉慶二十六年 十一

東華續錄

百五十萬兩趕緊解往至於兩浙運庫河南山東江西浙江四省藩庫雖亦降旨籌撥有無尙不可知伊等止可就見有餉銀將目前緊要各工內擇其尤急者先為趕辦試思撥餉如此之難而伊等此次請撥之後能不再行請撥否河患未除帑項日絀實不可不搏節辦理鐵保等惟當激發天良督飭在工大小各員實心經理若稍有浮混則不但王法具在而天理更屬難容祇得在工所正法示眾決不輕恕伊等身家性命所關不可不慎之又慎○乙未命吳熊光赴南河效力○丁酉嚴禁直省督撫奏留丁憂人員○己亥 上詣 大高殿萬善殿祈雪○辛丑諭據吉綸奏書吏蘇芝芳冒領糧照承審各官改供出罪一案見經審明各節分別定擬一摺朱棟以臬司大員其在山東任內竟將罪應擬絞之舞弊司書不行據實催提秉公審辦輒授意從輕外結罪固難追但

此案若僅止承審遲延伊豈不知該管上司處分亦不甚重何至授意屬員故出人罪據此重大干係且蘇芝芳係藩司衙門書吏並非臬司本管更何庸曲法保全恐案內情節尙有不實不盡或竟係屬員賄求上官通同一氣均未可定必當詳加覆訊所有前任山東按察使朱棟告病布政使楊志信前署濟南府之曹州府知府金湘濟南府知府張鵬昇濟南府同知陳理盛俱著革職擊問其蘇芝芳一犯暫緩正法同擬絞之張勳李義盛案內緊要人犯全案卷宗一併迅速派員押解來京交軍機大臣會同刑部再行詳鞫定擬具奏尋奏上得旨此案朱棟於舞弊得贓之司書不據實審辦輒因案已遲延改輕外結著發往烏魯木齊效力贖罪楊志信於朱棟改擬杖徒時未行阻止復照詳會轉著發往軍臺效力贖罪至所請金湘等可否准其援減一節金湘因恐干遲延

嘉慶二十六年 十一

東華續錄

處分稟商朱棟從輕結案陳理盛亦順從上司改詳厥罪惟均著不准援減張鵬昇初審即得實情並未遲延其咎止於聽從上司改擬情稍可原著准其援減餘依議○諭軍機大臣等連次吳璣托津等奏到查勘海口河口及高堰應辦各工鐵保等俱附摺請餉已需銀三百數十萬兩朕恭閱 聖祖仁皇帝實錄從前康熙年間河患更甚於今日維時新輔于成龍籌辦此事其所往復辨論者大抵皆辦工之法並未見其將需用餉銀項項奏撥試思彼時三藩方定撤兵未久當亦在拮据支絀之時諒不能源源發給而靳輔等於議定之後自行妥辦迄未嘗以撥帑一事上煩 聖心迨不數年而河患頓除國用並未耗竭今伊等籌辦河務每一工必先論需餉若干每一摺幾於欲請餉一次無往而非要工動稱迫不可待抑知國家經費有常度支有定如俸工兵餉等項按

數給發不能逾時而各處旱潦偏災必須隨時賑貸豈能以天下之全力專辦一處河工又豈能因一處河工停止天下經費朕慮念及此宵旰焦勞幾同從前籌辦邪教其難更甚著吳璥托津會同鐵保徐端那彥成三人盡心籌畫此後河工餉銀應如何設法布置除加賦一事係病民稅政斷不准行又如藩庫各項錢糧以及鹽課關稅並商捐等項皆不在計議之列即見在已行之土方事例亦無庸再歸籌計外伊等當從長計議有可以資助國用不至病民滋事者即行詳悉奏聞候朕酌量施行○壬寅諭吉綸等奏訪查廣興在東省審案劣蹟大槩情形一摺覽奏深為駭異朕勤求民隱惟恐閭閻疾苦墜於上聞或官吏貪黷營私病民凱法必須徹底研究是以於各省控告案件覈其情節重大者特派大臣馳往鞠訊該大臣仰蒙委任宜如何秉矢虛公潔清自愛乃不

東華續錄

嘉慶二十六年

十四

料廣興前次兩赴東省審案任性作威供頓必須華美稍不如意即肆行呵斥伊與周廷棟同在東省審案周廷棟全無主持以致民間竟有周全天下事廣聚世間財之謠且初在貢院居住因長齡升任總督伊即移住院署嗣又移至鹽政行館或令家人唱曲或令優伶進唱於貢院監臨後院開池養魚據奏通省攤派差費前後共計銀數萬餘兩又訊據在平縣知縣王琅供稱廣興前在東昌時通府公攤差費起身時各送程儀又司獄任灝供稱知府嵩山送銀一千兩聊城縣送銀一千兩種種劣款不惟需索騷擾竟敢任意苞苴殊出情理之外此而不嚴行究辦何以懲貪婪而儆官邪廣興著交刑部交軍機大臣會同刑部嚴審定擬具奏在平縣知縣王琅著先行解任禹城縣縣丞沈鴻勳泰安府司獄任灝著革職交吉綸再行嚴訊務得確情迅速具奏即速解京質

對其知府嵩山已訊明餽送屬實著一併解任押送來京以憑質對至周廷棟與廣興同赴東省審案閱時半年之久於伊需索受賄各款豈竟毫無聞見近日屢經召見垂詢周廷棟不但力言其並無騷擾營私情事並以廣興辦事才具明敏竟似外間物議目加以不韙之名若謂伊實未聞知則係形同木偶儻竟知而不言則係有心徇飾且伊在東省供應亦須日費十餘兩咎有應得周廷棟著交部嚴加議處托津與廣興同赴濟甯審案時於伊劣款亦毫無覺察且據開各公館食用每日通計銀一百七十八兩至二百餘兩托津公館均在此內亦不免浮糜托津著交部議處○乙巳雪○諭前據吉綸等奏到廣興兩次往山東審案時任性作威苛求供頓日向地方官藉端呵斥暴戾恣睢致通省攤派差費多至數萬餘兩並於臨行時收受餽送種種劣蹟實堪駭異當經降旨將廣興等交軍機大臣會同刑部嚴審見據廣興供認收受知府嵩山餽送銀一千兩並搬移公館開池養魚等款俱已確鑿其餘尙在狡賴而本日據長麟英和等奏查鈔廣興家內不但房地甚多財物尤夥除見銀及借出存帳銀七千餘兩不計外又訪出存放帳局銀三萬七千兩並整玉如意多至六柄洋呢羽段等料多至一千餘件他物稱是此外又有代廣興寄存銀兩之盛師曾盛時彥二人查其家內見有存銀取利確據見在訊問之盛時彥等尙堅不吐實廣興賊私累累其由來實不可問伊屢經出差山東河南多次恐不但得受餽送或竟於審案之時向地方官威嚇索取甚至將案情顛倒婪贓竊獄均未可知亟應徹底根訊以期水落石出此案關係甚大著添派大學士等會同刑部堂官嚴行審訊務得確情按律定擬具奏其解任之員外郎

東華續錄

嘉慶二十六年

十五

盛時彥著革職同盛師會一併拏問歸案審辦○諭吏部奏遵旨
議處周廷棟等一摺朝廷風憲大臣專司糾劾遇有營私飭法之
員本應隨時參奏方為盡職前此周廷棟與廣興同赴山東審案
於廣興需索騷擾之事自必確有見聞乃覆命後竟無一字提及
近因廣興緣事革職朕面加詢問廣興出差山東有無劣蹟周
廷棟仍不直陳並以廣興才具明敏枝梧掩飾昨據吉綸等訪查
具奏有周全天下事廣聚世間財之謠周廷棟雖未婪索而其庸
懦無能即此可見復令軍機大臣傳詢伊亦稱會聞此語並廣興
挑斥供應空池唱曲等事伊亦有所知何以經朕詢問尚不據實
奏聞是其瞻徇友誼而事上轉不以誠周廷棟總司風紀尤不應
出此况伊在東供應每日需銀十餘兩亦多浮糜部議降四級調
用固屬照例辦理但周廷棟人本平庸年亦衰邁且又扶同隱飾
東華續錄 嘉慶二十六年 六
豈可再邀錄用周廷棟著加恩賞給五品頂帶即予休致至托津
與廣興同赴濟甯審案後朕從未將廣興出差有無需索情弊向
其詢問且此時廣興事發伊又奉使出京托津之未經陳奏與周
廷棟較有區別但東省所開各公館費用浮多托津亦未能盡免
所有部議降二級調用之處著從寬改為降三級留任仍著罰俸
九箇月均不准抵銷○以周興岱為左都御史調萬承風為兵部
右侍郎轉戴聯奎為禮部左侍郎以邵洪為禮部右侍郎戴均元
為左副都御史品候補三○丁未諭據汪志伊常明奏湖北荆宜施
道邱勳病故出缺請將試用道胡鑄補授一摺向來外省道府請
旨缺出例應由內開單奏請簡放槩不准在外保題升補定制兼
嚴近因各省督撫遇有請旨之缺輒以捐納分發候補人員開單
請簡與例不符特准御史陸言等所奏交吏部申明舊例議定章

東華續錄 嘉慶二六

程如再有違例保題及專摺奏請者將該督撫予以處分乃該省
見出有荆宜施道請旨一缺該督撫竟特保胡鑄一人專摺請簡
實屬不合胡鑄本係已故刑部尚書胡季堂之子由廕生加捐道
員年齒尚輕於吏事亦未必即能練達該督撫何得意存市恩輒
將伊保奏致啟倖進之漸所請著不准行汪志伊常明著傳旨申
飭並交部議處○戊申諭欽差大臣仰承簡命赴各省審辦案件
理宜秉公持正潔己為先一切夫馬供頓應從簡約地方大吏自
揣果無瑕疵可指設遇欽差有縱恣勒索情事原當據實揭參豈
可私行結納轉相餽遺乃近來廣興出差河南山東供出阮元會
送過公幫銀一千兩齊布森等會送過公幫銀二千兩長齡會送
過銀三百兩此在廣興貪污狼藉其所得自尙不止此而地方官
吏輒相率攢湊幫費任意苞苴此風實不可長阮元齊布森長齡
東華續錄 嘉慶二十六年 七
均著交部議處此內公幫各員亦著查取職名交部議處尋議上
得旨吏兵等部議處餽送廣興銀兩之長齡阮元齊布森等均請
降三級調用無庸查抵一摺係屬照例辦理但伊三人獲咎情節
亦微有不同長齡阮元彼時俱係巡撫身任封疆大員固不應有
餽送欽差之事惟係出自己貲以盡朋情尙可託詞餽贖其咎稍
輕長齡阮元均著加恩改為降四級留任至齊布森前在河南職
任藩司乃於眾人攢湊銀兩伊首先出名餽送尤屬不合齊布森
人本平常著實降一級作為頭等侍衛留於庫爾喀喇烏蘇領隊
大臣辦事仍帶降四級留任○己酉免雲南各銅廠通賦○庚戌
諭軍機大臣等本日吳熊光覆奏前此降旨詢問各情據稱此次
英吉利貨船開船係在夷兵開帆之後該夷商等央懇洋商轉求
常顯經常顯告知吳熊光始派員前赴黃埔察看情形見該夷商

數百人情詞迫切至於淚下是以始知會常顯查驗開槍等語但
閱其進呈夷稟內吳熊光批詞有俟夷兵退後仍准照常貿易之
言看來開槍雖在夷兵既退之後而吳熊光之許其開槍則在夷
兵未退之先該夷兵見許其開槍然後揚帆始去如此光景恐難
保其不乘閒復來永保到粵後著遵照節次諭旨訪查明確據實
具奏毋稍徇隱設或該夷兵竟敢復來應作何豫行準備之處並
著悉心籌畫妥協經理不可稍涉大意○丙辰命嚴汰河工冗員
○庚申以荷花塘河工合而復蠶鐵保下部議處降那彥成二等
侍衛為喀喇沙爾辦事大臣徐端為副總河以吳璣為江南河道
總督金光悌為刑部尚書調吉綸為江西巡撫以百齡為山東巡
撫朱理為山東布政使廣厚為浙江按察使由喀喇沙爾辦事大臣遷○是歲
朝鮮琉球來貢○會計天下民穀數各省通共大小男婦三萬五
東華續錄 嘉慶二十六年 六
千二十九萬一千七百二十四名口各省通共存倉米穀三千四
十八萬三千八百七十四石四斗一升七合九勺

東華續錄

嘉慶十四年己巳春正月辛酉朔 上以五旬萬壽頒詔天下覃
恩有差○封儀親王永璇子貝子縣志成親王永理孫貝子奕綸
為貝勒○封科爾沁貝子鄂勒哲依圖為貝勒○加慶桂董誥太
子太師戴衢亨太子少師鄒炳泰王懿修明亮太子少保○癸亥
西安將軍德楞泰有疾晉封三等公命其子蘇冲阿馳往省視○
乙丑諭軍機大臣等本日據吳璣托津會同鐵保等奏籌議南河
經費一摺據稱查鹽斤一項乃民間日用所必需而每口日食不
過三錢請於見行鹽價每斤酌加三釐統計兩淮長蘆山東河東
兩浙兩廣福建陝西甘肅九處約計每年共可得銀四百餘萬兩
東華續錄 嘉慶二十七年 一

似與民生無損而經費少充實於要工有裨等語河防關係漕運
民生時虞宵旰遇有應辦各工原不惜多費帑金為一勞永逸之
計惟是近年以來河患頻仍如海口運口及高堰隄壩等處要工
層見疊出需用浩繁國家經費有常豈能盡供工用勢不得不設
法調劑茲據吳璣等奏請酌加鹽價以備工需朕思鹽斤一項雖
出之於民而與加賦少異似於閭閻生計不至大礙但各省情形
亦有不同自難一槩而論即如兩淮地方濱臨河岸小民無不藉
資保衛則將官鹽量為加增諒所樂從其兩浙山東與江境毗連
且每年漕運亦所必經誼難漠視他如長蘆河東以及閩粵陝甘
等省相距較遠於河防利害實無關涉若槩令按照加價徵課事
理殊覺未協著各該督撫鹽政體察情形如以為事尚可行不必
拘定吳璣等酌加三釐之數或就原額量增一二釐准其暫行售

實儻實有礙難辦理之處亦不妨據實奏聞惟當悉心籌議俟奏到時再降諭旨○諭伯麟奏接到緬甸四大萬頭目來文飭令永昌鎮府駁回緣由一摺所辦甚是邊徼地方設有定界斷無天朝外夷均相管轄之理該督以該大萬此次稟帖所開九龍江地方原是天朝與該國所管之地實不成話仍與台布蘇漢字稟帖相同且既稱九龍江又稱簡雍紀顯係藉詞影射該督已代該鎮府等擬作照會並以該大萬稟內既稱不敢將前次照會稟知該國王則該大萬此次僭越冒稟在天朝鎮府等亦不敢轉稟督撫為詞加之駁飭並將九龍江土司所轄十三板納地方俱是內地所管歷年土司出缺俱由內地揀選承襲等詞明白宣示措詞俱為得體此項照會見由該鎮府行知該大萬如該頭目接到照會後遵照所駁情節謹守舊規即可相安無事倘或再有僭越冒稟情事該督應即據實具奏○丁卯兩廣總督承保卒贈內大臣賞銀一千兩治喪予祭葬諡恪敏○以百齡為兩廣總督調吉綸為山東巡撫以先福為江西巡撫調衡齡為廣東布政使以袁秉直為江西布政使調會煥為湖北按察使以傅簫為湖南按察使由辰○庚午諭軍機大臣等阿林保等覆奏查明泉州糧價較貴緣由摺內據稱漳泉地方向賴臺米接濟近年洋匪未靖臺灣商販較少泉州米價稍昂委無通盜濟匪情事見在蔡朱二逆常到淡水一帶劫掠商船該逆劫得一船即用之不盡往往放回勒贖其無須內地米糧已可槩見等語杜絕接濟一事食米最為要務阿林保等既知盜船食米不全資內地偷運止須將臺灣商販劫掠一船即可用之不盡並借此勒贖是盜匪接濟之源實在乎此該督撫等頻年查辦海口接濟於臺灣販米從未加意籌及何以

杜絕蕪芽使之淨盡無怪蔡朱二逆之羶嗜尚存也前已降旨令該督撫將臺灣商販米船應如何妥為防護隨時稽察之處酌立章程奏聞務即妥辦以清盜源又另片奏查勘蛤仔欄地勢番情另行的辦一節蛤仔欄北境居民見已聚至六萬餘人且於盜匪窺伺之時協力備禦同殺賊實為深明大義自應收入版圖豈可置之化外况其地膏腴素為賊匪覬覦若不官為經理妥協防守設竟為賊匪占踞豈不成其巢穴更為臺灣添肘腋之患乎著該督撫熟籌定議應如何設官經理或用文職或駐武營隨宜斟酌期於經久盡善為要再梁上國摺內敘及蔡逆賊船進至蘇魯港之時先已率眾上岸有該處番人與閩居民吳氏擒獲數賊始驚潰而去嗣朱逆復又竄往亦經居民與官兵夾攻敗賊等語該處居民見官兵剿賊即知如此出力者即詳查加之獎賞若係著東華續錄 嘉慶二十七年 三 名賊目多人應即奏明酌賞頂帶以資鼓勵○壬申諭吉綸等奏查明嘉慶十一年廣興來東番案經知府張鵬昇金湘聯銜向前任藩司邱庭澹於庫存節省項下借領銀四萬九千九百餘兩以備供應等語奉差大員應得夫馬廩給俱有定例何至濫行供應需數萬兩之多今廣興赴東番案已革知府張鵬昇金湘因需費繁多輒聯銜稟明藩司邱庭澹借領庫項並不慮其駁斥邱庭澹亦竟聽屬員之言如數支發殊出情理之外藩司經理錢糧絲毫皆關國帑即因公那移尚干例禁况不過供給所需竟敢擅發庫項以資豫備公館食用希圖見好於欽差實為外省惡習且藉此為名浮冒多銷從中侵蝕未必果係辦差之用似此相率效尤非虧短庫項即攤派閩閩辦費叢生何所不至此而不加以懲治何以杜逢迎而飭法紀朕又豈能因此停派欽差番案一任民間冤

抑不為申理乎所有此案盜支庫項之前任山東布政使邱庭澐著革職拏問交大學士等會同刑部提同另案問以杖徒在部待質之張鵬昇金湘嚴審加等定擬具奏為天下直省止知逢迎罔顧名義無恥小人之戒至前任高唐州孫良炳前署滕縣之周城縣董鵬翔雖適廣興呵斥並不遵攤差費忿激告病殊屬可嘉伊二人於病痊後著該撫給咨送部引見候朕降旨○諭前因召見周廷棟詢以廣興奉差東省有無貪婪劣蹟周廷棟力言其無尙以廣興才具明敏枝梧掩飾會降旨給以五品頂帶休致茲據山東查明覆奏廣興審辦李瀚一案即得銀至數萬兩之多周廷棟同赴山東於廣興得受贓款竟毫無見聞該省供應廣興極其繁華周廷棟照常豫備伊即不加挑斥甯不疑及廣興之任性作威為焚索地步且於朕詢問時猶以廣興尙屬敢言廣興盜弄威福東華續錄 嘉慶二十七年 四

恣其慾壑奇貪奇酷品行卑污獲罪在此朕豈因廣興敢言加之罪戾乎是其庸懦無能奏對又復顛倒失實本應發往新疆姑念其年已衰邁免其遠戍但周廷棟如此孤恩亦何顏再膺章服之榮周廷棟著革去五品頂帶永不敘用○諭清安泰奏密查廣興從前赴豫審案焚索款蹟一摺據奏廣興初次赴豫除公送盤費銀二千兩外實不問另有餽送第二次赴豫據巴哈布供該省司道以前送盤費二千兩尙不滿意當即另湊銀一萬兩交巴哈布寄送三次赴豫因藩司齊布森向臬司諸以謙道員呂昌會談及上次曾有司道公送廣興程儀一萬兩之事此次止好照前辦理隨與臬司諸以謙道員呂昌會知府阿勒景阿湊銀一萬兩仍交巴哈布轉寄並據稱前兩次巡撫馬慧裕均送盤費銀五百兩等語廣興任性作威肆意焚索前在山東審辦李臨控案恐嚇取財

致至累萬茲據清安泰查明伊二次三次赴豫又得受程儀二萬兩經朕親加廷訊業據供認屬實除已降旨將廣興正法外所有致送程儀之馬慧裕齊布森諸以謙呂昌會阿勒景阿均著交部嚴加議處巴哈布前因為廣興豫備公館已照部議降三級調用今又查出兩次寄送銀二萬兩著再交部嚴加議處又諭廣興前在東豫兩省審辦控案任意威嚇焚索銀數至累萬經朕親加廷訊已降旨將廣興處絞廣興種種執法營私伊雖已身罹重典尙覺罪浮於法廣興之子蘊秀見係通政司學習經歷並著革職發往吉林充當苦差以示懲戒○癸酉諭廣興奉差豫東二省擅作威福賊私蠲累其勢燄薰灼幾於人人切齒而在廷大臣及言官等從無一人彈劾若云實無見聞其誰欺乎上年廣興緣事革職後經朕降旨令山東河南密行查訪始俱一一敗露設早有人東華續錄 嘉慶二十七年 五

奏及小懲大誡何至狼藉如此之甚朕召見臣工從無虛日何嘗於廣興獨加信任乃諸臣等並不據實劾奏惟相與隱忍待其稔惡自斃豈公忠體國之道乎今廣興業經伏法其平日緘默不言之臣工等本應一併交部議處姑念人數過多免其深究仍俱嚴行申飭至科道職司言路其籍隸本省者見聞尤確廣興如此敗檢焚賊與周廷棟在東省審案竟有周全天下事廣聚世間財之誣該省科道焉有不知之理乃並無白簡從事者謂非心存觀望而何近日科道風氣惟知毛舉細事或更改成例以博建白之名實則欲藉此見長干進或竟受人屬託邀譽沽名皆難逃朕洞鑒伊等於無關緊要之事動輒瑣屑陳奏遇此等大奸大惡轉相率容隱國家又安用此臺諫為耶所有自嘉慶十一年以後籍隸山東之科道均著交部議處以示懲儆○丙子諭軍機大臣等昨經

一第 375 冊 續修四庫全書 第 2 卷 史部

降旨將邱庭瀛革職交大學士刑部嚴訊本日據奏訊問邱庭瀛供稱欽差到濟甯時張鵬昇等稟請暫借各府州縣養廉以備支應邱庭瀛因關繫庫項會經具稟長齡長齡當下將稟帖交還旋於是晚差家人告知藩司令其暫行借領邱庭瀛隨借給銀四萬九千餘兩伊任內尙未歸款完結並據張鵬昇金湘同供伊等會將支借養廉墊辦供應回明巡撫等語實出情理之外庫項關繫國帑絲毫不容那移如果藩司違例借支巡撫尙當加之參劾豈有藩司徑稟巡撫巡撫准藩司將庫項借給屬員俛資供應欽差之理廣興貪婪不法恣意橫行固屬可恨而外省一味以供應欽差爲名擅動庫項上下一氣扶同弊混該省吏治又豈可問究竟伊等平日辦理地方公事有何弊竇慮其指摘而爲此違迎消弭之舉此而不嚴行懲辦法紀安在見在和甯已卸烏嚙木

東華續錄 嘉慶二十七年 六

齊都統之任將屆回京著伊於接奉諭旨後即速馳驛前往蘭州署理陝甘督篆一面傳旨將長齡革職交刑部嚴行審訊具奏如果長齡供認屬實並無狡賴卽定擬發往伊犁由驛具奏將長齡監禁候旨如長齡堅不承認竟與邱庭瀛等供詞互異卽一面具奏一面派員將長齡押送來京與邱庭瀛等對質另候嚴辦○丁丑

酒○戊寅諭軍機大臣等本日召見賽冲阿詢及洋面情形據稱閩省漳泉二郡向不產米全仰給於臺灣從前商販流通食貨賒足皆緣商船高大梁頭有高丈數尺者又准配帶礮位器械開道盜船克資抵禦近年洋匪不靖恐其牽劫商船梁頭不准過高又恐礮械出洋有接濟盜匪之事不准攜帶商船畏懼盜匪無不裹足閒有出洋之船多被盜匪擄劫米石既資盜糧船隻亦爲盜有

兼有勒贖情事是以商販不通漳泉米貴之由在此刻下蔡逆實已窮蹙可否仍准用高大梁頭並配帶火藥器械則遏盜足資抵禦等語盜船接濟之源最重食米其搶掠食米既專注臺灣商販之船則商販往來首當防範該督撫不此之慮而止向內地口岸設法稽查辦理尙非扼要上年冬間因御史條奏曾經降旨交該督撫等妥議辦理近因該督撫奏泉州米貴緣由復經降旨詢及此時不可不熟籌良策迅速施行朕思兵船在洋剿賊東追西逐總未能肅清洋面迨經嚴飭跟追窮其所向又往往以海洋遼闊不能遇賊爲詞揆厥緣由或係盜船畏懼兵威望而卻走亦或竟因兵船無可劫掠故盜船不復駛近而兵船亦遂無可致力此時商船既因船小無備每爲賊所吞噬若照賽冲阿所議遵令改易大船多帶火藥器械又慮賊匪牽劫所獲甚多而商船出洋之後無可稽查更難保無不肖奸徒陰爲接濟此時欲求其有利無弊莫若酌派兵船與之同行在商船資兵力衛護可以無慮盜劫而亦不至啓奸商濟盜之漸在兵船既可衛護各販杜絕接濟設遇盜匪肆劫前來更可藉以攻勦向來兵船商船各有旗號盜匪可以瞭望而知不如將所用旗號渾爲一色勿示區別則盜船駛近之時可以立整兵威乘機往勦不但大獲勝仗並可藉縛渠魁卽爲勦捕起見亦計無逾此且商販流通漳泉一帶得免食貴而盜船無由接濟盜萌卽可從此杜絕此爲正本清源之道但須妥議周詳行之不至窒礙豫除一切弊端方爲盡善著卽將如何辦理緣由詳議速奏○庚辰諭朕恭閱 聖祖仁皇帝實錄內載前明宮內每年用度金花銀九十餘萬兩光祿寺每年送內所用各項錢糧二十四萬餘兩每年柴炭等項又不下數萬兩維時康熙年

聞宮中用度已大加刪減較前明宮用尚不及十分之一我皇
考高宗純皇帝臨御六十年恪守 前規益加儉約比較康熙年
閒宮用更爲減省朕紹膺丕緒 家法祇承屏斥浮靡躬行節儉
一切宮中支用均照乾隆年間舊例進行罔敢稍逾誠以一人恭
己百爾承風惟恐稍涉紛華易滋煩費若臣工等果能仰體朕意
共勵廉隅亦何至有蠶蠶不飭之事即如廣興前赴東豫二省審
辦控案貪贖款蹟種種旋即逮問伏法皆由伊不自檢束狎玩優
伶任意花消勢必須獲多贓供其揮霍殊不知一經敗露憲典
難寬脂膏轉不能以自潤此縱欲敗度者之所以自貽伊戚也且
廣興奉差審案原令其詳覈獄情訪查弊竇乃該省地方官輒以
供應餽遺希圖見好伊等平日辦理地方公事若果無可指摘又
何必爲此逢迎消弭之舉此明係屬吏長官扶同一氣稔知廣興
東華續錄 嘉慶二十七年 八

應發往伊犁姑念伊亦係誤聽人言急欲藏事尙非有心貽誤著
加恩改發熱河效力贖罪○辛巳諭吏部奏嚴議馬慧裕等餽送
廣興盤費銀兩請分別降革一摺欽差查辦事件原應潔己奉公
屏除餽遺即使有一二交好解囊相贈尙應遠嫌辭卻乃廣興任
意苞苴其初次赴豫時轉以公送盤費銀二千兩未遂所欲復於
二次三次需索銀共二萬兩交巴哈布寄京在廣興貪贖無厭固
屬罪不容誅而該省司道等因廣興初次赴豫未爲滿意輒兩次
攤派銀兩餽送數至二萬兩之多竟若援以爲例自由該司道等
平日辦理地方公事多有弊竇恐被廣興指摘爲此逢迎消弭之
舉實屬卑鄙不職齊布森請以謙呂昌會阿勒景阿巴哈布均著
照部議革職至馬慧裕兩次餽送廣興盤費銀一千兩已屬不合
又失察所屬司道湊送銀兩亦難辭咎姑念伊所送銀兩係自出
東華續錄 嘉慶二十七年 九

己賞較之齊布森等公同攤派尙屬有閒所有部議降四級調用
之處著加恩改爲革職留任○熬圖緣事降調以穆克登布爲江
蘇按察使馬書欣爲河南按察使出廣東高○乙酉諭松筠等奏
違旨辦理叛匪緣由一摺甯陝遣戍降匪本係桀驁不馴之徒狠
子野心日久斷難安靜朕早已料及節經降旨令該將軍參贊等
密爲留心妥辦不可姑息今塔爾巴哈台安插降匪蒲大芳等二
十一人果有聚謀不軌之事可恨已極松筠一得祥保之信卽密
派伊犁領隊大臣色爾裘前往稽查金廠爲名不動聲色與祥
保及本處領隊大臣百順愛新布連衣帶兵分赴各屯將蒲大芳
等悉數擊獲鞠訊之下該犯無可置辨立將該降匪等三十一名
處斬梟示所辦妥速可嘉松筠派色爾裘前往可謂得人祥保色
爾裘百順愛新布均著交部議敘其隨往奮勉之滿洲錫伯索倫

察哈爾厄魯特等處官兵著松筠等記功記名遇缺儘先升補其出力之綠營弁兵著行文陝甘總督遇有本營缺出卽行拔補以示鼓勵至馬兵陳先貴步兵張洪二人同由甯陝道成前往一聞蒲大芳等商議謀叛卽逐一指名首告實屬能知大義者加恩卽以把總起用撥歸烏魯木齊提標當差准其娶妻成家用示激勵至此此外同在塔爾巴哈台當差之戍兵馬友元等二十四名松筠見在派令雷仁前往帶赴伊犁安插並將南路分戍之甯陝歸伍兵丁一百三十七名一併陸續調赴伊犁安插所辦甚是松筠仍當督飭各營將領留心防範有犯卽懲不可稍存姑息○丙戌諭前因審辦廣興出差焚賊一案官等竟無一人彈劾特令將籍隸山東之科道查取職名交部議處本日據吏部奏請將該員等均議以降二級留任尙覺過輕科道職司糾劾遇有不公不法者原應隨時參奏乃廣興兩次奉差前往山東審案時擅作威福賊私累疊聲名狼藉其籍隸山東之科道豈無聞見卽一時不能得其貪婪實據按款參奏亦應將外間傳聞同全天下事廣聚世間財之誣及早密陳以備查訪朕自能權衡辦理乃心存觀望相率緘默不言殊非國家設立臺諫之意近日科道各員條奏大率摭拾細故或由部院衙門擢用者卽將原衙門成例多方挑剔有意紛更細數多不可行此內或挾私報復或受人屬託均未可定而於此等敗檢焚賊之大臣並無一人指名登請白簡若不嚴行處分何以示懲所有光祿寺卿前任兵科給事中汪鏞光祿寺少卿前任刑科給事中賈允升兵科給事中周廷森掌廣東道御史李本榆掌江西道御史孔昭虔江西南安府知府前任掌京畿道御史蘇兆登均著於具任內降一級調用○丁亥諭朕自嘉慶

東華續錄 嘉慶二十七年 十

四年親政以來簡推各省臣工文職自藩臬以上武職自總兵以上於來京瞻覲時俱籲請恭謁 裕慶經朕加恩允准俾申感慕之誠計至今已閱十年餘矣彼時該員等或因會受 皇考簡用渥恩經朕復授顯職特於陞見時懇請叩謝 山陵藉展忱悃原係理所宜然見在各省文武大員多係在乾隆年間庶寮經朕漸次海擢若亦准陳請叩謝未免無所限制嗣後升在來京入覲之文武大員著無庸再行奏請○諭軍機大臣等董教增奏查明安省虧空情形請酌改彌補章程以收實效一摺安徽各州縣未完倉庫兩項共銀一百八十餘萬兩經歷任巡撫先後奏請展限彌補至嘉慶二十二年卽可全數清完茲據董教增奏數明節年提解銀數僅完銀五十餘萬兩而自八年以後實又虧銀三十萬九千餘兩是名爲彌補虧缺實則掩舊那新若不實力清釐何所底止此項倉庫未完銀兩本係格外施恩准其密爲籌補必須立定章程期收實效方可於事有濟該撫摺內稱銜途州縣差務賠累處於不能不虧之勢等語看來該省彌補不力總藉口於差務支應浮費繁多以致未能節省報解此實近年陋習殊不知驛站支應本有例銷之款卽稍有不敷亦應設法調劑何得藉此虧缺庫項盈千累萬若不亟加整頓杜其流弊卽年年彌補亦不能覈實清理嗣後該撫惟應通飭所屬大加減省不惟欽差過境不得任意浮糜卽本省大吏遇有查閱營伍履勘地方等事一應尖站供頓亦當倍加儉約該州縣等自不至有賠累積虧之弊至此時新虧各員本應查明懲辦姑念展轉接受人數眾多且致虧之由何非侵漁入己著照該撫所請將新虧之項准其自十四年爲始分限四年完繳如尙有拖延卽著嚴參究辦其無著之九萬餘兩先

東華續錄 嘉慶二十七年 十一

行彌補於四月內勒限全完至舊虧未完之項准其於院司道州縣養廉每年酌扣五成由司庫存貯歸款藉資彌補其州縣互相津貼一節尤應妥為籌辦勿任本任之員心存諉卸津貼之員得以藉口此後不得再有那新掩舊之事仍於每年將實在完補數目具奏一次該撫務須率屬實力遵行勿仍以差務賠累為詞藉端延宕

二月壬辰 上御經筵○乙未諭軍機大臣等吳璥奏查明江南黃運河湖見今實在情形一摺並分別辦理條款開單進呈朕詳加披覽所論俱是南河敞壞已久其病百出即如吳璥摺內所稱海口固須挑濬而大隄不能堅鞏則一經旁洩挑亦仍淤蓄清固屬至要而堤壩不能修復則一遇盛漲蓄亦必潰今聞壩無減黃之路五壩無節宣之方倒灌之後倍難就治等語所言實為切中東華續錄 嘉慶二十七年 十三

事機此時辦理各工應如何分緩急先後之處朕均不為遙制吳璥見任正總河自應主持定見與副總河徐端盡心經理但恐於地方呼應不靈鐵保以總督並轄河工當隨時相助為理俾諸事不至掣肘以期次第補苴○壬寅諭朕勤求民隱整飭官方惟恐下情不能上達遇有直省控案或關涉官吏營私民情屈抑者特派大員前往讞辦實不得已之苦心該大員仰承簡命必應自矢潔清虛公聽斷方為不負委任前此山東省控贖頻仍朕以山東雖距京較近何以小民來京控訴者比之直隸山西河南諸近省獨為繁多自由該省吏治廢弛之故因派周廷棟廣興前往審訊其該省積控之案亦即令其接辦廣興兩次在東居住多日不料其飢法貪婪縱欲敗度竟至斯極業已明正典刑用昭炯戒惟是廣興性本貪鄙又喜多言東省官吏遂極意逢迎飽其慾壑希冀

代為彌縫掩蓋廣興之禍雖由自作實東省大小官吏釀成終亦不免革職發遣陷人終自陷耳若該省官吏等平日悉皆奉公守法無可指摘亦何至畏懼廣興如此之甚乎即如山東州縣中原遜志孫良炳董鵬翔不肯趨奉廣興亦不能將其任內事件格外技求乃不肖官吏止知逢迎罔顧廉恥屬員公然以差費為名具稟上司上司公然商同那移庫項攤捐歸款究其攤還之項亦不知出自何所若謂自捐廉俸盡出己貲則又何須先那庫貯耶似此上下交通斂財取悅吏治豈復可問責屬卑鄙無恥已極况廣興任性作威貪以酷濟伊等或向以此藉口若如額勒布金光梯等赴東審案其供給俱經發價購辦何以亦浮開差費至三千兩可見外省官吏竟樂以辦差為糜費開銷之地名為利人實則利己竟成貪官要錢之一巧法此等惡習實堪痛恨嗣後欽差東華續錄 嘉慶二十七年 十三

官員至所差省分及經過地方永不許有差費名目其該省督撫大吏除應請聖安者照例親身出迎此外槩不准差人迎送如有違例供給迎送者欽差官員即指名參奏若欽差例外需索者該督撫指名參奏但不得因有此旨於欽差官員應得夫馬廩食任聽州縣官短缺稽遲致誤郵傳如有遲誤亦准欽差官員參奏並聞外省督撫及司道等官因公經過所屬地方其夫馬公館供應尤為不費外省大僚過境本省上官遣人迎送其所遣之人沿途需索夫馬供應且有得受站規等事均不可不嚴行飭禁若有前項弊端不即革除舉發經朕查出必當從嚴治罪決不寬貸總之內外大小官員身登仕籍先當審明義利朕近御製崇儉詩一首義利辨一篇並繫以銘辭訓誡臣工為大臣者惟思敬以事上廉以律身平居以節儉為先臨事以公義為重一切非分之利絲毫

勿取爲下吏者勤於政事潔己愛民雖有貪暴上官不能持其短
長亦無庸責緣結納曲意承迎天道福善禍淫清白之吏身名俱
泰子孫蒙休較之貪利忘義悖入悖出禍不旋踵者其得失奚啻
霄壤利害從違惟視其人之自擇耳此次辦理廣興一案在廷臣
工實已共見共聞恐外省官吏狃於習俗尙有不知懲儆者特再
明白宣示俾大小臣工交相勸勉砥礪廉隅以飭官常以正風俗
朕實有厚望焉○諭大學士會同刑部將山東省那借庫存養廉
濫行供應之前任藩司知府等分別定擬一摺以邱庭澂等那移
庫項雖經歸款未便照限內全宥例免罪均請加等將邱庭澂發
往伊犁金湘發往烏魯木齊張鵬昇發往軍臺固屬按例加重辦
理但此次差費雖係借支養廉事後歸款若各員等可以自出己
貲何以必須豫動庫存之項既不能攤湊於前又何能歸補於後
東華續錄 嘉慶二十七年 十四

贖罪到戍後柳號半年用示懲儆張鵬昇聯銜稟借庫項支應差
費咎亦難寬著改發吉林效力贖罪○乙巳諭禮部具題原任直
隸總督鄭大進之妻江氏見年一百歲請照例給銀建坊旌表一
本該氏係一品命婦年屆頤齡允屬熙朝人瑞若與民間壽婦一
體照常給賞未免無所區別嗣後遇滿漢三品以上文武大員之
父母妻室有年至百齡者應如何從優賞賚之處著禮部妥議具
奏所有鄭江氏應得恩賞卽照新例辦理尋議凡壽民壽婦年逾
百齡以上者向例給銀三十兩建坊今擬將三品以上者請再加
賞銀十兩段一匹其百有十歲至二十三十以上者以次加倍給
銀從之○丙午戶部右侍郎劉鏡之以祖母老病乞養允之○丁
未 上啓鑾謁 東陵○免經過地方額賦十分之三○庚戌
上謁 昭西陵 孝陵 孝東陵 景陵 裕陵○辛亥清明節

東華續錄 嘉慶二十七年 十五
上謁 裕陵再行敷土禮禮成甘雨霑足賞鑿道辦差兵丁一
月錢糧再免經過州縣額賦十分之二 上回鑾○王子諭德麟
素性懶惰且有執袴習氣昨經領侍衛內大臣酌派豫備前引差
使伊竟敢不遵並云情願受參實屬任意偷安本應照部議革職
姑念伊父福康安著有微勞止生德麟一子若使伊尙有兄弟亦
不能稍從寬宥上年德麟獲咎已由貝勒降爲貝子此次格外加
恩免其革去見襲世職著該旗傳知德麟閉門思過不得出外遊
蕩但自嘉慶四年後廷臣中多有以福康安蓋蓋不飭彈劾者朕
因事無實據特免究辨見在南河興辦要工需費甚多著德麟自
行酌量措交家費若干呈明本旗都統轉奏解赴南河備用以示
薄罰○癸丑琉球國中山王尙灑遣使表謝冊封並奏該國餽送
冊使宴金請旨敕賜收受得旨此項宴金使臣等卻還原屬仰體

朕意不欲滋擾外藩今仍不必收受令來使帶回○丙辰諭據蘇志等奏查明段庫正庫見存段綉數目先行具奏一摺段庫存貯段綉絹布等項均應數較歲用數目計足數幾年之需此內俟何項短缺再先期行文製備其支放之時並應按照存貯年分先後挨次給發推陳出新俱歸適用今庫內所織大段一項多至三千五百餘匹杭綉一項多至六萬五千餘匹其他亦皆充羨乃該庫每年仍向內庫領用並行文外省織造源源報解及支發時又不按新舊次序以致陳陳相因充物堆積日久漸成朽蠹此不但耗費錢糧且蠶絲纂組物力亦屬可惜至布匹絨斤雜貯四樓冊籍並未分析開載難於查覈以致守庫兵丁生心竊取此皆由歷年該管大臣及管庫司員等平日養尊處優怠忽疲懈漫不留意沿習因循本應自嘉慶四年以後管庫大臣及司員等俱交部議但東華續錄
嘉慶二十七年 六
人數眾多姑免逐一追究經此次查明之後應更定章程覈實稽考所有綿段紗羅絲絹等項某項應俟庫存若干方准行文織解並每閱幾年盤驗一次之處著交前次派出會議銀庫章程之滿漢大學士六部尚書於香山回鑾後一併酌議章程具奏請旨
議上得旨向來簡派三庫大臣俱係一年更換於庫貯利弊未能盡悉嗣後著定為三年更代每屆三年之期即著派出之管庫大臣奏請簡派大臣數員將庫貯各項會同盤驗再行交替用昭覈實○諭軍機大臣等韓封奏查閱澳門夷民安堵並酌籌控制事宜一摺澳門地面西洋人舊設礮臺六座其自伽思蘭礮臺至西望洋礮臺迤南沿海一帶本有石坎因形勢低矮上年英吉利夷兵即由此爬越登岸今擬加築女牆一道增高四五尺共長二百餘丈經韓封查閱指示該夷民目等歡欣願辦應即令其剋期興

工俾資防護○丁巳閩浙總督阿林保奏礦盜首朱漢賞總兵官許松年花翎並雲騎尉世職總兵官胡于銓下部議敘○以廣玉為福建按察使由山西翼甯道遷○己未 上還京師三月辛酉朔達慶緣事降調以福慶為倉場侍郎○蔣予蒲緣事降調以許兆椿為倉場侍郎轉周兆奎為刑部左侍郎以胡克家為刑部右侍郎○以秦瀛為左副都御史由光祿寺卿遷○調蔣攸銜為江蘇布政使以梁敦懷為雲南布政使賞同興四品頂帶為雲南按察使由五品頂帶江河南河庫道遷○癸亥 上親耕藉田○上啟鑿謁西陵○免經過地方額賦十分之二○丁卯 上謁 泰陵 秦東陵至 孝淑皇后陵奠酒回鑾○再免經過州縣十分之二○己巳諭阿林保奏籌議閩省鹽價一摺據稱閩省內地八府一州鹽務在省城上游者謂之西路在東南沿海者謂之縣澳東南縣東華續錄
嘉慶二十七年 七
澳官商積疲未便遽議加增惟於西路鹽斤酌加價二釐共可增銀六萬五千五百五十六兩六錢等語前因吳璣等籌備南河經費奏請加增鹽價當降旨令督撫鹽政體察情形妥議具奏昨據兩淮長蘆山西等處俱陸續奏加價已批交部議矣今閩省鹽課本屬有限正課尚不能如期完繳東南縣澳既未便遽議加增一省之中事出兩歧且西路鹽價驟加民慮食貴勢必越境販私本慮額引又將滯積於事仍屬無益所有阿林保議加西路鹽斤二釐之處著不准行○甲戌 上閱健銳營兵○丙子 上還京師○西安將軍三等公德楞奏卒道內閣學士玉福迎奠茶酒賞銀五千兩治喪子祭葬諡壯果入祀昭忠祠並命四川省城建立專祠以其子蘇沖阿襲一等侯○己卯諭本年正月閒先據松筠奏稱在塔爾巴哈台安插之甯陝叛兵蒲大芳等三十一名謀為不

軌被人首告當於拏獲之後悉行正法此其孽由自作松筠所辦
 尚無不合但未將該犯等謀叛實據詳悉查明又未將到案供詞
 奏聞已覺草率至於塔爾巴哈台尚有安插叛兵馬友元等三十
 四人並非與蒲大芳等同謀而松筠續又奏稱馬友元等於查拏
 蒲大芳之時並無恐懼因飭令調至伊犁派色爾袞迎赴中途即
 行正法此外尚有分戍南路三城之王文龍等一百三十五名與
 蒲大芳等相隔尤遠更不能知蒲大芳等謀逆情事而松筠本日
 又奏稱恐有間知蒲大芳等信息心生疑懼或敢妄逞桀驁戕害
 人命伊等當日本係蒲大芳等同惡罪犯今因蒲大芳株連不能
 寬貸已俱令各城送至伊犁仍派色爾袞迎赴前途分起正法約
 計此十日內外可以全數辦結等語實屬草菅人命暴戾殘忍荒
 謬已極甯陝叛兵從前固罪犯應死但彼時既予寬貸安插新疆
 豈有事隔數年無端槩予誅之理馬友元王文龍等如果與蒲
 大芳同謀不軌抑或於蒲大芳等正法之後續有滋事之處一經
 查明確實自當一律論死不必姑息今松筠於馬友元等二十四
 人止稱其不知恐懼遂行誅戮於王文龍等一百三十五人則言
 其本係同惡罪應株連豈復成話松筠於此一事辦理輕率冒昧
 至此看來伊竟胸無把握此外一切事務又安望其能經理妥協
 寬嚴得當乎松筠不勝伊犁將軍之任著傳旨嚴行申飭交部嚴
 加議處即來京候旨○庚辰諭朕昭事上帝肅將誠敬凡值
 郊壇大祀一切典禮儀節敬稽 皇考高宗純皇帝舊制進行溯
 查乾隆元年至二十四年 聖駕詣 壇均至 昭亨門外降輦
 至乾隆二十五年 皇考聖壽五旬詣 壇時係由北首外西天
 門進 廣利門內降輦蓋節步履之勞正以壹精禮之格迨三十

七年之後 聖壽已越六旬始經欽奉 諭旨將所有升級次數
 及降輦步行遠近無關大體諸儀節交廷臣詳議量從減省今朕
 春秋甫屆五旬一切登降儀文並未稍覺繁重惟從前 皇考既
 有由北首外西天門進 廣利門詣 壇成例著該衙門敬謹詳
 查 皇考當日降輦之處有無記載如有一定處所即當遵照舊
 儀如何無存記著將 昭亨門外降輦後步行遠近及 廣利門
 內應於何處降輦步行稍可節省詳細相度繪圖具奏候朕酌行
 尋議 聖駕詣齋宮時乘步輦進北首外圍西天門進 廣利門
 至 壇之西南隅對樹林降輦處起至南櫺星門左門止共計五
 十丈較 昭亨門外降輦處至南櫺星門左門八十三丈之處節
 省三十三丈臣等恭擬即在新設棧處降輦及祀日禮成後請
 仍於 神路西階下鋪設棧處升輿從之○諭本年朕五旬萬
 壽慶辰內外臣工例應敬獻冊葉以翰祝嘏之忱惟是近年以來
 國家遇有舉行典禮諸臣等所遞之冊每有集用文選各書成話
 而恭集御製詩文者尤多揆之文體究非正裁朕所弗取夫文以
 典雅為宗至進奉文字尤當體裁閎整華實並茂如古人所謂頌
 不忘規者庶合乎對揚之義若槩用成話集為詩文並非出自心
 裁既無由規其夙學而於文章軌範更乖雅正嗣後臣工等呈進
 冊葉惟當一歸體要或詩或文皆可各展所長以抒下忱而宣上
 德無得仍習佻巧致失修辭立誠之旨○壬午諭向來欽天監奏
 觀候本章凡遇節氣就風色方向所宜鋪陳吉語皆係先期豫備
 朕所素知即如本日交立夏節在辰初二刻八分欽天監奏其時
 風從東南巽方來主年歲大熱等語朕披覽本章時甫交辰正該
 衙門豈能於片刻之間繕不用印其為豫擬不實可知朕崇尚實

政屏黜虛詞司天占驗原以察天文而驗人事如果應時協吉仰
 荷 吳慈固深欽感儻或風候偶愆亦可藉資修省若係虛應故
 事視爲具文殊覺無謂嗣後欽天監於觀候本章務須詳細占驗
 據實陳奏自本年夏至起每屆節令均於第三日具題以備省覽
 夏四月壬辰諭前因廣興奉差東省印庭漕於藩司任內稟明長
 齡勦支庫項辦理差務事關那移公帑撫藩上下扶同一氣不可
 不徹底根究當經降旨令和甯馳赴蘭州署理督篆將長齡革職
 罕問在彼候質茲據和甯奏訊據長齡供稱印庭漕稟借庫項會
 經阻止後來張鵬昇等回明已借庫存養廉墊辦並未說明銀數
 惟當時既不參劾事後又未稽察實屬糊塗至李臨控案係升任
 陝甘以後之事廣興婪索歌謠實不知情等語長齡身任封圻既
 經藩司稟請動支庫項有干例禁並不立時參奏已屬溺職孤恩
 東華續錄 嘉慶二十七年 三
 止知朋友私情不明君臣大義迨事後張鵬昇等曾經回明係借
 用銀款長齡又不詳詢細數據實參劾直與知情授意無異至李
 臨控案廣興威嚇取財雖事在長齡升任以後但該省吏治廢弛
 長齡在彼毫無整頓且地方官爭以逢迎爲事自因辦理公務多
 有弊竇慮及廣興指摘因而任聽屬員借端辦差以爲消弭地步
 長齡實屬有負委任罪無可辭著卽由甘省發往伊犁效力贖罪
 以示懲儆印庭漕見無應行質對事件不必留羈刑部著遵照前
 旨卽行發遣○癸巳轉阿明阿爲工部左侍郎以蘇楞額爲工部
 右侍郎由總管內務府大臣遷○丁酉以多福爲內閣學士由太僕寺卿遷○以朱
 理爲光祿寺卿調慶保爲山東布政使以常格爲陝西布政使聞
 布政使○戊申諭前此松筠因塔爾巴哈台安插叛兵馬友元等二
 十四人於查拏謀逆之滿大芳時並無畏懼飭令調赴中途卽行

正法其分戍南路之王文龍等一百三十五名與滿大芳相隔雖
 遠松筠恐其間知信息心生疑懼或敢妄逞桀驁又謂赴中途分
 起正法並未將供情詳細聲敘卽繫于駢誅未免草菅人命是以
 降旨將松筠交部議處部議革職並令俟晉昌到任後來京候旨
 先行明白回奏本日據松筠奏稱前此滿大芳謀逆曾稱我們五
 十餘人約定日期一面通知南路弟兄一面先殺官兵等語其馬
 友元等素日強入飯鋪任意索食強賒強買商民畏其兇惡不敢
 聲張當辦理滿大芳時馬友元等跪視行刑向滿大芳等言汝等
 先去我等隨後亦去卻不似汝等空自受死至王文龍等調赴伊
 犁行過阿克蘇於扎木地方聞得滿大芳正法不肯前進及就戮
 時有言早不舉事爲恨者有言誰未殺過數十百人死亦無怨者
 且分戍南路各回民畏之如虎任入誰家無人敢拒該匪等實在
 東華續錄 嘉慶二十七年 三
 情形知之既確是以迅速辦理等語該匪等原係陝峽叛兵免死
 遣戍稍有過犯卽當嚴懲設當該匪在彼搶掠滋事之時該管大
 臣官員等立卽查辦示儆何至株累多人今滿大芳逆謀敗露馬
 友元王文龍等竟敢出不法言語而平日又有桀驁情事若再爲
 姑息伊等狼子野心不知悔改互相勾約或生他變是松筠辦理
 此案並非濫及無辜若彼時松筠具奏將供詞聲敘明確斷不加
 以嚴懲卽因其辦理草率亦尙可原恕不令遽離將軍之任今伊
 前奏既屬含糊而此一百餘人必應調至伊犁覆加研鞫使其供
 吐確實明正典刑原非過當忽於半途山谷中截殺成何政體不
 知者轉似酷暴濫刑矣在松筠自恐事機不密釀成他患然案關
 多命措置未免失當姑念松筠平日操守尙好熟悉新疆情形著
 加恩賞給頭等侍衛授爲喀什噶爾參贊大臣回疆事務緊要松

筠職司總轄仍當認真整飭辦理諸事寬嚴得宜無資委任積拉堪著即回京另候簡用○諭軍機大臣等景安奏傅爾丹任臬司苗弁等聞信後欲行懇留一摺朕因傅爾丹任苗疆認真出力是以特予簡擢用示優獎今苗民以傅爾丹去任依依不捨習久相安因屬人情所有但既已奉旨該苗民自不得越例攀留況傅爾丹未離本省距苗疆不甚相遠仍可就近經理傅爾丹上年甫經展覲此時不必來京著於三年後再請陛見每年於秋審事竣或秋成之時前赴苗疆查閱一次既可慰苗民愛戴之情亦可借資彈壓如果接任之員經理得宜傅爾丹於二三年後即可停止前往至辰沅道遺缺關緊要其接手之員必得精明強幹撫馭有方者始克勝任著景安遴員奏補其一切屯兵等事著傅爾丹將辦過章程及見在情形詳悉告知後任俾得所遵守自可不致貽誤俾苗民益東華續錄 嘉慶二十七年 三

奏摺帖○辛亥諭朕勤求治理整飭官方遇有貪墨不法者隨時懲治原期辟以正辟本年正月內因廣興奉差東省性情乖戾任意貪婪當即明正典刑其逢迎餽送之地方官亦經分別懲處自應共知儆惕守法奉公乃甫歷數月英倫巡視省諸凡挑斥婪索多賦與廣興如出一轍甚至喫妓住宿較廣興尤為卑污而該省州縣官曲意餽遺又與餽送廣興之事如出一轍相習成風毫無畏懼殊為可惡在英倫等貪贖性成見利忘害而山東官員竟以一味逢迎為事其吏治廢弛實不可問除英倫見在審辦外所有東省送銀各員無論多寡或英倫勒索及該員自送者均著吉林查明奏請交部嚴加議處不可一名漏網廣興性喜多言畏其參奏今英倫又屬何故如此曲盡迎合何東省之官吏大半卑鄙殊不可解必應嚴辦以示懲儆至御史職司臺諫理應擇其平素

品行廉潔者方可保送今英倫如此貪鄙其從前濫行保送之兵部滿漢堂官一併查明交部議處○王子清安奏奉旨調恩長為河南巡撫以許兆椿為廣西巡撫秦瀛為倉場侍郎由左副都御史選○調廣厚為廣西按察使蔣繼勳為浙江按察使○甲寅賜洪瑩等二百四十一人進士及第出身有差○乙卯諭本年 聖壇大祀朕欽遵乾隆二十五年 皇考高宗純皇帝舊制改由北首外西天門進 廣利門內降輦詣 壇因見屆 方澤大祀特命太常寺一體詳查 皇考高宗純皇帝當日改由外西門至內西門降輦之制並令將步行遠近詳悉查丈奏聞本日據太常寺奏敬往壇內相度地勢詳細丈量 壇之內西門外降輦處起至北櫺星門東門止共計一百一十丈其北門外降輦處起至北櫺星門東門止亦如之是兩處步行遠近實屬無異惟乘輿之路向山外東華續錄 嘉慶二十七年 三

西門轉至北門外始行降輦多行約二里許未免紆遠於行禮時刻轉致延本年朕春秋甫閱五旬未敢遽照 皇考高宗純皇帝進至內西門內降輦之制著自此次起改於內西門外降輦仍步行詣 壇惟向來金殿係設於神路之東此後著該衙門查照舊制改設於神路之西○戊午故西安將軍繼勇公德榜奏極至西郊 上親臨賜奠○諭各省封疆大吏守土是其專責遇有關涉外夷之事尤當立時親往勘辦務臻妥協方為無忝厥職前此吳熊光在兩廣總督任內英吉利國商船帶兵入澳占據東望洋娘媽閣加思蘭三處礮臺難向係西洋商人防守所設但究在中國地面即與闖入內境無異吳熊光身任封圻其咎已無可辭本日據百齡查奏上年七月二十一二十日該夷兵船來至雞頭洋面八月初二日抵澳上岸占據西洋礮臺地方文武節次稟報吳

熊光批令照常防範至十六日見該夷不退諭令封船復經遊擊
 祁世和香山縣彭昭麟請兵堵逐吳熊光亦俱批以鎮靜不可張
 皇彼時香山縣有澳內居民四散澳夷之食之稟吳熊光懇未親
 往查辦該夷兵見無准備將兵船三隻駛進虎門停泊黃埔吳熊
 光因於九月初四日具奏始派兵防範並令碣石鎮黃飛鵬管帶
 師船在省河一帶觀泊至二十二日該夷兵目又駕坐三板艇船
 由黃埔至省城外十三行停住求見總督懇請代奏在澳寓住吳
 熊光總未見面止令其回至黃埔候旨並飭禁買辦火食該夷人
 慌急駕船欲向十三行裝取火食時官兵喝阻不理總兵黃飛鵬
 開礮轟斃夷兵一名帶傷三名該夷兵即行退回至十月初奉到
 諭旨吳熊光僅檄調各標兵丁在黃埔澳門駐紮防守並未攻擊
 至十六日恭宜諭旨夷兵當即畏懼情願撤兵復求開船吳熊光

東華續錄

嘉慶二十七年

二五

諭令全行退去始准貿易該夷兵陸續退至外洋等語英吉利夷
 船帶兵入澳藉名保護西洋陰圖占地謀利情殊詭譎即應立時
 驅逐况此次該夷兵遇官兵開礮並不敢稍有抗拒及奉有嚴飭
 諭旨亦即畏懼開帆遠去是該夷兵尙知震懾天威無他伎倆設
 吳熊光於該夷兵登岸之初即親往彈壓曉以大義一面調集官
 兵防守該夷兵自必知所畏懼即時退出庶足宣示國威吳熊光
 於此等要事遲至月餘始行具奏既未親往查辦該夷兵目求見
 又止派員往諭並不面詢斥逐雖開船在夷兵既退之後而許其
 開船究在夷兵未退之先是奏報既屬遲延辦理又形畏葸且屢
 次夷人具稟及吳熊光批示並轟斃夷兵等事俱未入奏亦屬含
 糊吳熊光由軍機章京蒙 皇考高宗純皇帝不次超擢用至軍
 機大臣復經朕簡用歷任三省總督非新進不曉事者可比乃種

種錯謬實屬孤負委任吳熊光前已革職著學問交軍機大臣會
 同刑部審訊定擬具奏至孫玉庭前在廣東巡撫時並不將前後
 情形據實陳奏又不曾同吳熊光迅速妥辦賴弱無能豈可復勝
 巡撫之任孫玉庭著革職回籍所遺貴州巡撫員缺著初彭齡補
 授伊見屆大祥到任時已將服闋其未到以前著章煦將雲南巡
 撫印務交伯麟兼署章煦即赴貴州署理巡撫事務本年章煦已
 派祝釐屆期應由黔赴京若彼時初彭齡尙未到任即著藩司陳
 預暫行護理尋奏上得旨吳熊光辦理此事示弱失體其各官無
 可辭著照撥發往伊犁效力贖罪○諭軍機大臣等百齡奏俟本
 年英吉利國貨船到時先期偵探各情形所見甚是該國夷人素
 性強橫謗詐雖見據夷商喇佛所稟夷兵不敢再來之語亦未可
 深信上年該夷人來澳時吳熊光等不立行查辦既失之於寬此
 時自應濟之以猛者傳諭百齡於本年該國貨船到時先期留心
 偵探如再敢多帶夷兵欲圖進口即行調集官兵相機堵剿備止
 係貿易船隻並遞謝罪哀懇稟件亦應飭令停泊港外該督一面
 奏聞候朕降旨遵行

東華續錄

嘉慶二十七年

三五

五月庚申朔諭本日永愨弘康各道人呈遞請安摺因交軍機大
 臣傳詢伊等遣來之人據稱伊等因端陽慶節遞摺等語殊不成
 話端陽非年節可比無甚緊要今沿襲虛文殊失滿洲舊俗除將
 永愨弘康申飭外嗣後各省將軍副都統等惟當實心任事黜浮
 華而歸純樸似此無謂之摺永遠禁止○改貴州普安州為直隸
 州以新設興義縣隸之○調福慶為理藩院侍郎泰瀛為左副都
 御史以玉甯戴均元為倉場侍郎玉甯由理藩院侍郎戴均元由左副都御史選○辛酉
 初彭齡以疾留京以鄂雲布為貴州巡撫○調慶格為安徽布政

便以廣厚為浙江布政使調教柱為廣西按察使以翁元圻為貴州按察使由雲南道○丁卯授和甯陝甘總督○庚午諭本年朕五旬萬壽前經派出督撫及將軍提督副都統各數人屆期來京隨班祝嘏著傳諭伊等俱於九月十五日以後陸續到京不必前赴熱河亦不准迎赴石槽等處行宮接駕自十六日至二十日此五日內分日具摺請安違者治罪至伊等獻物惟忱見已排定日期准令恭進膳品萬壽正日准各恭遞如意一柄此外惟年例應進土貢及有備進書冊字畫者尚准其呈遞其珠玉陳設等件一槩不准進獻朕不但不行賞收並不准呈覽○諭軍機大臣等阿林保奏朱渥幫船救護道員清華並欲投首一招盜首朱渥與伊弟朱渥前因捕獲蔡逆夥黨許稟等一百六十四名聞金門鎮許松年等兵船駛至正欲解赴投到詎官兵一見賊船即放槍礮東華續錄 嘉慶二十七年 庚午

將朱渥轟死見在朱渥又於深處外洋遇見蔡逆圍劫內渡道員清華船隻立時趕散並懇該道轉稟准令投首覈其情節真偽倘難遠信見在朱渥已出外洋如果往招夥黨相率來投阿林保等當剴切開導以前此伊兄朱渥捕獲蔡逆夥匪欲行投獻彼時舟師駛至官兵等並不知爾等意欲投誠惟遇賊即勦是以開放槍礮致朱渥立時傷斃但擒賊投獻尚係爾等一面之詞並無憑據未便遽准上岸如果爾等真心投首惟當立功贖罪或恐所帶幫船猝被官兵轟擊此後於該船上設立標識知會兵船作為記認庶不至誤遭攻擊一面設法捕盜如能將蔡逆生擒轉獻不特伊兄朱渥罪免戮屍准令葬葬伊嫂等亦准登岸居住即爾朱渥既經救護監司大員又復擒獲巨魁自當奏明准予投首免罪並量加恩賞至所獲許稟等一百六十四名此時自必隨同在船其中

東華續錄 嘉慶二七

或聞有病難逃亡者諒所不免務令嚴實查明將見存各犯悉數送交地方官以憑審訊如此辦理該匪不能施其詭詐亦可收以盜攻盜之益俟朱渥將許稟交到後著阿林保等認明定擬具奏清華由臺灣內渡猝被蔡逆賊船圍劫經朱渥趕散時朱渥與蔡逆曾否對敵清華身在舟中見聞自確著阿林保等一併詢明奏聞○辛未諭軍機大臣等本日都察院衙門奏即墨縣武生李清泰呈控伊胞姪原發江蘇知縣李毓昌奉委查賑在山陽縣赴席是晚回家自縊該武生前往看視未及詳加盤詢經該縣贈以盤費領柩回籍後因查見伊姪箱內皮衣血迹生疑自行開驗見屍身青黑始知被毒身死等語朕詳加披閱其中疑竇甚多必有冤抑亟須昭雪以慰孤魂李毓昌在縣署赴席何以於回寓後遽爾輕生當夜自縊其事已不近情彼時山陽縣知縣隨同署知府驗東華續錄 嘉慶二十七年 毛

明換衣指驗是否於申報後由上司派委抑或另派有同驗之員總未見該督具奏實屬不以人命為重草率因循之至且山陽縣知縣於李清泰領柩時送給路費銀一百五十兩未必不因情節支離欲借此交結見好希冀不生疑慮又將李毓昌長隨李祥存與淮安通判馬連升存與寶應縣二處李祥等不過同僚所役何以俱代為安置周妥其中難保無知情同謀賄屬滅口情弊此案或係李毓昌奉差查賑認真稽覈查有弊端該山陽縣畏其揭報致死滅口亦未可定或其中另有別情案關職官身死不明總應徹底根究以期水落石出著吉綸一面將李毓昌屍棺提至省城派委明幹大員詳加檢驗具奏並著嚴保查明山陽縣並署知府係屬何人及李毓昌長隨李祥馬連升願祥山陽縣差胡姓家人迅速傳集秉公研審如得有確情即將該府縣嚴參並一千人

證解赴山東歸案辦理若不細心研究致兇手漏網朕斷不容汝
 輩無能之督撫惟執法重懲決不輕恕尋諭嚴保查明山陽縣知
 縣先行解任同一千人證解交刑部審訊○丙子諭近日科道諸
 臣尚有章奏而部院大臣都御史副都御史等則寂寂無聞夫人
 臣事君之道首在毋欺當嘉謀入告一切毀譽榮辱之念俱不應
 存於中惟於國計民生除奸剔弊剴切直陳無有隱諱言行相顧
 終始不渝朝廷收讜言之益國家著直臣之效朕實有厚望焉○
 戊寅諭軍機大臣會長麟慶百齡等酌籌民夷交易章程分別
 應准應駁具奏所議甚是嗣後各國護貨兵船俱不許駛入內港
 夷商銷貨令即依限回國並令洋商早清夷欠其澳內西洋人不
 准再行添雇民人眷口亦不准再有增添引水船戶給照銷照俱
 責成澳門同知辦理夷商買辦選擇殷實之人始准承充至向來
 東華續錄 嘉慶二十七年 天
 夷貨到粵皆由該國自行投行公平交易以順夷情今該督等請
 由監督不論殷商之商按股籤掣竟似以外夷貨財為調劑之商
 之計事不可行著仍查明舊例妥協辦理○英倫處核○庚辰諭
 前據董誥奏有肥鄉縣知縣萬承福差人投遞稟帖內有奏摺一
 封求為代遞董誥未敢啟封當即進呈朕閱後因降旨令將該員
 解任來京交軍機大臣詢問茲據萬承福稱伊於上年秋差派辦
 密雲道路時值大雨屢經修墊際資民力用銀二千兩外仍賒用
 銀八百餘兩又天津差務由省派令該縣出大戲十番費銀三千
 兩已交藩庫二千兩尚有一千兩未解屢奉文催因思承辦差務
 州縣力不能捐辦不能不借用民力聞將來尚有五臺差使道路
 較長恐資用民力更多因此冒昧陳奏懇求治罪等語朕躬奉時
 巡凡以修國典勤民事原非為侈遊觀如每年舉行秋獮經過畿

輔各州縣事關綏藩建武時值暑雨途濘即官民稍效勞費均屬
 分所應爾至上年巡幸天津省方觀民兼以閱視隄工屢降明諭
 飭戒疆吏一切繁文糜費舉事損除乃該督等不知仰體朕心沿
 途設有戲臺點綴等項朕當即訓斥其非該督等總以自行捐備
 藉伸忱悃為辭今據萬承福所言仍係派之各州縣即肥鄉一縣
 已派至三千兩則此外各縣所派諒亦大略相仿此皆該省辦差
 官吏下及官親家丁長隨藉以為名人人希圖從中沾潤遂不顧
 貽累地方朕若徹底根究該省大吏豈能當此重咎念其事屬已
 往姑免嚴辦惟該總督藩司辦理不善不可不加以懲儆溫承惠
 著拔去花翎褫去黃馬褂方受囑亦著拔去花翎用示薄懲今年
 朕五旬萬壽即日啓鑾前赴熱河若該督等再於沿途踴躍增華
 但多見一牌樓添一綵飾必將該督等革職示懲至巡幸五臺尚
 東華續錄 嘉慶二十七年 天
 未定期即將來有旨前往設直隸山西途間有建設戲臺等項點
 綴者亦必褫革不貸朕言出法隨彼時毋悔萬承福越職言事本
 有應得之罪念其所言尚正且事有實據著免其治罪加恩發往
 山西以知縣即補其肥鄉任內未交銀一千兩並不許再向催交
 ○辛巳諭昨梁上國告祭回京詢知望祭元太祖元世祖係在德
 勝門外因令軍機大臣查始自何年茲據查皇朝文獻通考內載
 順治八年致祭歷代帝王典禮有望祭元太祖元世祖陵在宛平
 縣北之語順治八年初議致祭歷代帝王典禮其時尚未有暢春
 園圓明園是以遇有典禮即在德勝門外望北舉行祭禮此時若
 仍行照舊則望祭地方轉在御園之南於體制殊覺未協嗣後遇
 有慶典應致祭元太祖元世祖時著於清河以北昌平州以南仍
 係宛平縣所轄界內擇地舉行望祭禮著為令○丙戌諭軍機大

臣等五臺為曼殊師利成道之地從前 聖祖仁皇帝 高宗純
皇帝屢經巡幸朕前有旨令該撫修治廟宇以俟臨莅原以瞻禮
佛相為民祈福且其地界處西北蒙古諸部落赴山瞻拜者每
歲絳釋不絕盤輅經臨辦香展敬亦寓綏藩之意非以侈遊觀也
昨因直隸辦差糜費已降旨將溫承惠等懲處後年朕巡幸五臺
除廟宇行宮業已次第修整外其途閱及山之上下一應戲臺雜
伎假山假亭一切點綴柴不准豫備即廟前斷不准設臺演戲朕
拈香時有喇嘛等在廟前跪接陳設梵樂足備觀瞻至沿途空缺
處所用蓆片搭蓋假山塗飾遮蔽尤為可厭踴路所經民間村莊
廬舍完整者可以規豐盈氣象其頽垣陋室亦可藉以知民生疾
苦正合省方觀民之義又何必紛紛曲加粉飾乎惟墩汛牌坊以
記疆里可仍其舊不過略加粉飾誌明里數用備省覽該撫務當
東華續錄 嘉慶二十七年 三
仰體朕意崇實黜浮屆期如能辦理妥協不累閱朕必加以恩
獎若不遵諭旨妄事揣摩彼時見有陳設點綴等項必將該撫等
斥革遣戍朕言出法隨斷不寬貸無謂教誡之不早也信此諭是
汝之福不信乃汝自作孽彼時必執法辦理將此諭令知之
六月庚寅朔諭本日據慶桂奏發往山西候補知縣萬承福有奏
摺一件將原封進呈朕當加披閱所言直省差務事宜俱屬窒礙
難行萬承福前次違例投遞奏摺本當治以應得之罪因其所言
尙有實據是以特予寬免並加恩發往山西以知縣即補今復冒
昧具摺無論所言差務事宜各條均不可行即使所言或有可採
而該員已發往山西候補即不應妄論直隸地方事務若以知縣
微員俱似此紛紛陳奏尙復成何政體萬承福著交部議處○王
辰以秦瀛為內閣學士溫汝適為左副都御史由通政○萬承風

以學政任內請開缺來京親謁降內閣學士以秦瀛為兵部右侍郎
由內閣○乙未諭漕儲為天庾正供每歲徵收七省漕糧連轉
轉運自漕運總督以下分設多官專司其事經大江河湖運道遇
有汛漲淺阻多方疏導需費帑金不下數百萬誠以京師王公百
官祿薪及八旗官兵俸餉胥仰給於此且舟行附載南省百貨若
過行走迅速貨物流通商賈居民咸資其利倘值糧艘中途阻滯
則商船均不得越渡京師百貨亦因以昂貴每年自春徂秋申誠
漕臣疆吏經營催趲不遺餘力是漕糧為國家重大之務勞費孔
繁乃趨運如此其難而自抵壩貯倉以後該倉場侍郎以及監督
等官均不知慎重職守歷任相沿因循廢弛怠忽疲玩遂至攬和
抵竊百弊叢生前因上年所運北倉米石潮溼蒸變將辦理不善
之倉場侍郎達慶蔣子蒲革職並將坐糧廳監督等分別降革著
東華續錄 嘉慶二十七年 三
賠旋因清理倉儲特派大臣侍衛等分班盤驗查出虧缺數目其
從前缺收浮出重領偷竊等弊均由此破案歷任倉場侍郎總司
積貯毫無整頓咎無可辭其中雖聞有一二素稱明察留心防範
者亦總未能查出積弊及早剔除亦不過虛有其名毫無實蹟皆
屬誤國負恩必應懲治今奸胥蠹役種種贓私全行敗露自應將
歷任倉場侍郎按照年月久暫及失察弊竇重輕分別懲處見就
該花戶甲斗等供明舞弊年分扣算特令自嘉慶三年以後將歷
任各侍郎職名查明開單進呈除宜與傅森劉秉恬均已病故達
慶蔣子蒲先已黜革懲治外鄭炳泰廣音托津在任較久著交部
嚴加議處薩彬圖德文吳璫李鈞簡任內均有累積重領米石之
事失察較重亦俱著交部嚴加議處賈楚克扎布吉翰額勒布在
任均止數月著交部議處和甯到任在一月以上那彥寶不及一

月著交部察議其該倉監督著交部詳查在任年月另行奏明分別懲處○乙巳諭本日係刑部輪班值日止有三名引見官員並未奏事當經召見尚書金光梯及滿漢侍郎等詢以該部因何未有陳奏事件據稱本日係恭寫 神牌吉期若早間刑部選摺正與書寫時候相值是以未經專摺奏事刑名本章仍照常恭進等語所奏殊屬拘泥該部即因本日係書寫 神牌吉期或將處決重案暫緩陳奏其尋常事務儘可於早間奏遞乃率將一切事件全行閱歷甚屬因循疲玩刑部堂官均著傳旨申飭嗣後各部院衙門如再有似此假託避忌實圖安逸者定行懲處不貸○諭百齡等奏查明登花船難於購料成造仍請添造米艇以期迅速竣工俾資緝捕一摺粵洋緝捕匪船米艇俱有成效前此吳熊光忽以米艇不能遠出外洋請改造登花戰艦二十號往來外洋緝捕

東華續錄

嘉慶二十七年

五

將米艇全行收入內洋防守見經百齡等查明此項船隻所需桅舵大料因須在外番購買是以二年以來未能購得且此時即購料成造一經風浪掣損將來亦無料換修仍屬不能應用况粵洋縣亘四千餘里止仗此二十船之力在外洋策應捕盜甯不顧此遺彼此皆吳熊光全無主見不過逞其臆度之詞妄思更改而於空言陳奏之外仍無實際斷不可行百齡等見已估計船身價值計其一艘所需足造米艇兩隻請將原估登花船二十隻工料銀十五萬四千餘兩改設大中小米艇四十號以期節浮靡而便觀駛所議甚是著即照所奏辦理又據奏查明東海地方難建營汛一摺遂溪縣東海地方先經吳熊光議請設立參將專營在督撫各標抽兵防守嗣吳熊光又以東海不產輒木奏請停止建營請改募水師添船緝捕今據百齡等查明該處沙土鬆浮建築城壘

礙難資經久又與廣州灣遙遙相對以一隅駐守之兵當四面可通之路亦復難資控制是此事亦不可行吳熊光始則並未詳細確查繼知事有所難又復回護前議不肯據實奏明更改一味遷延且如何改募水師添船若干並如何派人管帶之處亦全未議及殊屬因循開茸毫無振作茲百齡等請將新造米艇二十隻專在東海巡防以二十隻在西路洋面策應其配屬巡兵即於通省水師撥數勻派既可無庸建立營汛亦無庸改募水師其吳熊光原議裁撤督標後營及提標兵丁之處本與營制不符且陸路口岸防守緊要斷不可輕議裁革百齡等所見皆是此時應行分別歸伍撤募之處亦均照所奏辦理至目下粵洋緝捕緊要而水路營伍均屬廢弛該督等務當振刷精神實力整頓以期設一兵得一兵之力添一船得一船之用方為不負委任○丙午諭朕素

東華續錄

嘉慶二十七年

五

聞南糧在途往往盜賣米石並於虧短之後有用藥發漲情弊見因查辦通倉虧米一案嚴詰已滿倉書高添鳳據稱糧米用藥發漲多在天津一帶地方其藥名為五虎下四川等語直隸自安陸以北道路縣長糧船行走需時必有盜賣之弊著溫承惠即詳細挨查勿稍疏縱並著密派能事妥員將賣藥之人一併拏獲將此藥如何製配係何藥物及平日如何串通舞弊之處徹底訊明據實奏聞○諭古先聖王重農貴粟國家經久之計首重倉儲天庾正供顆粒不容短少每歲漕船抵壩起卸歸倉收貯謹嚴按時支放特設倉場侍郎總司其事該侍郎等經朕委任自當督率所屬慎重鈎稽進米時不容偷減出米時不容浮溢此外一切弊竇尤應隨時查察逐處清釐使奸胥蠹役共知畏憚無從措手方為無忝厥職乃自嘉慶三年以來歷任倉場侍郎俱各怠玩因循毫無

整頓以致已革倉費高添鳳竟敢在彼盤踞串通甲斗花戶損典倉書人等一氣把持無弊不作見在研訊之下據該犯等逐層供吐始而多出斛面少收斛面既而乘運送土米出倉之時夾帶好米以致將王貝勒貝子等俸票重支冒領加以鈞扇偷竊甚至私出黑檔蒙混盜領出米尤多作弊尤大而監督等亦復通同舞弊得賄分肥明目張膽毫無顧忌近日甫將白米各廠派員盤驗尙未查竣已虧短至十數萬石之多殊可駭異似此積蠹橫行官吏訊法不知該倉場侍郎所司何事此而不嚴加懲辦何以肅紀綱而釐職守本應一律褫革惟念同時出缺過多且人才實難若驟予擯斥亦覺可惜因命軍機大臣查明各員在任年月並諸色弊竇係起於何人任內詳細開單進呈朕親加嚴辦按其任事久暫弊竇輕重分別懲處以示公允不必再交部議除達慶蔣子蒲先

東華續錄

嘉慶二十七年

五

查出弊竇但黑檔舞弊非伊任內之事著從寬革職留任著落分賠薩彬圖德文雖均在任未及一年但失察黑檔等弊其咎較重均著降補三品京堂著落分賠其餘任內無黑檔舞弊各員貢楚克扎布在任九箇月著於補官日仍帶降三級留任著落分賠額勒布吉綸在任均止五箇月著降二級留任著落分賠那彥寶在任止一箇月著降一級留任著落分賠至福慶許兆椿均有失察黑檔之咎但到任未久即認真查訪將十餘年積弊據實奏聞一朝破案尙爲留心著加恩寬免處分仍著落分賠其已故之劉秉恬宜典傅森並先經革職之達慶蔣子蒲亦均著落分賠其如何分賠之處將來俟白米各廠盤竣之後交戶部查明確數亦著按照其在任之久暫及任內弊端之輕重分別辦理至素瀛到任不及一月並無失察之咎著加恩免議免賠○諭軍機大臣等據百

東華續錄

嘉慶二十七年

五

加獎許仍著該國王將召溫猛等留在該國地方暫為居住所有
 肅送到關原頒敕印見遵旨收繳送京俟到京後大皇帝續降諭
 旨再行知照該國王欽遵可也○賞松筠二品頂帶為陝甘總督
 由喀什噶爾○以胡克家為漕運總督朱理為刑部右侍郎由光祿寺
 參贊大臣由內閣○調桂芳為吏部右侍郎轉秀甯為禮部左侍郎調成格為禮
 部右侍郎以凱音布為盛京禮部侍郎由內閣○庚戌糧布以疾
 免以蘇楞額為工部尚書調福慶為工部右侍郎轉策丹為理藩
 院左侍郎以蘇冲阿為理藩院右侍郎由內閣○戊午諭昨江南
 省將王伸漢等解到當合軍機大臣會同刑部連日熬訊據王伸
 漢供認向李毓昌商量虛增戶口不允欲行稟揭因而謀害又質
 之先行到案之李毓昌家人馬適升供亦相符殊堪駭異江南省
 竟有如此奇案督撫大員毫無覺察朕知人不明誤用汝輩誠朕
 東華續錄 嘉慶二十七年 五月

病故之員實屬形同木偶較鐵保之咎尤重試思職官身死不明
 顯有疑竇該地方官尚相率蒙混不為究辦若無告窮民衙冤負
 屈又豈肯盡心推鞠為之伸理其草菅人命之事不知凡幾矣外
 省官官相護係向來陋習今官員內有相殘之事不加究詰可見
 相護者乃狼狽為奸耳正直之員那候豈肯庇護惟有傾陷矣著
 將申轉李毓昌自縊身死一案各職名查明參奏鐵保汪日章俱
 著明白回奏汪日章先摘去頂帶並俱著自行議罪俟奏到時候
 朕降旨亦不必交部議

東華續錄 嘉慶二十七年 五月

臣王先謙敬編

臣周潤著恭校

秋七月己未朔諭前因直隸肥鄉縣知縣萬永福違例投遞奏摺解任來京詢出天津差務派該縣出戲技銀三千兩係前任總督麥行簡藩司慶格派定章程溫承惠等循照辦理特降旨令慶格明白回奏茲據奏稱會分派冀州肥鄉深澤平山四州縣三千二千及一千餘兩不等辦理不善自請交部從重懲處等語朕巡幸淀津閱視隄工省方問俗地方官修治道路豫備一切分所當然乃伊等以戲技為名分攤屬員形諸文札濫派虛糜莫此為甚除褻行簡業經身故外慶格著交部嚴加議處尋議降四級調用從之○諭昨據已革山陽縣令王仲漢供認謀毒情實為從來未有

東華續錄 嘉慶二十八

之事王仲漢承辦賑務捏開浮冒從中侵飽甚至將不肯扶同舞弊之委員李毓昌起意毒害實屬兇狡李毓昌詢無子息今王仲漢將伊謀斃不獨害其身抑且絕其嗣情尤可慘著將王仲漢任所原籍家產鈔沒伊見有幾子查明年歲俱發往伊犁交該將軍分置各城以洩幽憤又諭昨據已革山陽縣令王仲漢供查賑各員分肥餽彙均屬目無法紀所有得銀之同知林永陞從九品溫南峰州同龔國烜訓導言姓知事余姓俱著革職拏問一面將任所原籍資財查鈔一面派員押解來京歸案審辦其餘五員著鐵保秉公確查如亦有侵蝕情弊一併嚴參即照此辦理○庚申諭連日訊問已革山陽縣令王仲漢等業經供認謀毒情節見在按例定擬前據朱錫爵奏將李毓昌屍棺提至省垣於檢驗後封貯派員看守等語今王仲漢等既已供吐實情則李毓昌屍骨萬無

再檢之理著吉綸即交委員將該故員屍棺加柳妥協送回即交伊家屬收領沿途官為照料將來定案時尙當另有恩旨至李毓昌近支弟兄子姪尙有何人李泰清係何服制李毓昌之妻見依何親族同居如何度日俱著吉綸詳細確查具奏候朕酌加恩卹○詔停本年秋決○甲子以同興為安徽布政使岳慶為雲南按察使由浙江杭○乙丑諭軍機大臣等據給事中花杰奏前此該給事中奏嚴催長蘆商人積欠一摺戶部議覆之奏係戴衢亨一人主臺因戴衢亨與查有圻兒女嫻親於商人未納官租未交窩價緣由並未詳悉根究並聞查有圻札致長蘆綱總任秉衡宋思德馮錦及代辦之樊宗清等有積欠可以不交窩價可以不還前已與大農言明之語見在該鹽政難以議覆等語前此戶部議覆原摺係請將積欠一項交新任鹽政統覈通溯情形併限辦理窩

東華續錄 嘉慶二十八

價一項因行查內務府無據議令該商等上緊湊繳與該給事中
所聞不符何以該給事中稱查有圻札致長蘆商總已與大農言
明有可以不交積欠窩價之語見詢之戴衢亨據稱並無此言但
查有圻有無此信不可不詳查確實刻又覆詢花杰據稱止須問
之綱總馮錦便知除派徵瑞前往天津與額勒布會同確查鹽務
情形再令查詢外著額勒布就近即向綱總馮錦等數人切實詢
問如查有圻果有此事令其據實呈出即行密封速奏無得隱飾
再嚴詢馮錦平素與給事中花杰有往來之蹤迹否將此諭令知
之○丙寅諭言官有奏事之責如果大臣中有得賄婪贓徇私舞
弊者自當據實糾彈不容緘默朕必徹底嚴查正其負恩誤國之
罪若竟係憑空無據之言豈能任其詆誣不加懲究給事中花杰
前經奏請嚴催長蘆商欠一事已交戶部議覆請交新任鹽政覈

辦上月二十六日復據該給事中奏稱戶部議摺係戴衛亨一人主稟緣戴衛亨與查有圻係兒女姻親查有圻引地最廣積欠最多是以代為徇庇將蘆商積欠官帑未交窩價均未詳悉根究並稱戴衛亨平日於言官冒瀆聖躬者則以為直言於干涉部臣者則以為多事等語朕當即召見花杰面加詢問以所奏關係甚大辦理必須實據如所奏不實亦有反坐之罪花杰除叩頭之外默無一言昨日復據該給事中具摺覆參備陳戴衛亨與查有圻結姻之後查有圻餽送往來饋營甚巧蘆商惟查有圻是望查有圻惟戴衛亨是倚以致盤務廢弛言之鑿鑿而另摺又言戴衛亨於本年殿試閱卷顛倒舞弊將洪瑩援引為一甲第一名進士該給事中曾令一同鄉庶吉士周際釗向戴衛亨私宅查閱門簿探問管門之人得其交通情狀又黃中模策寫俱佳不列入十卷之內東華續錄 嘉慶二十八年 三

黃旭行楷相閱竟置二甲之中指為舞弊實據等語朕因特派大學士鹿桂董誥祿康尙書蘇楞額傳旨向戴衛亨詢問令其明白登答戴衛亨回奏之摺陳辨甚明所有長蘆商欠一事係交該鹽政統覈通網情形併限辦理窩價亦並令該商上緊湊繳皆屬嚴催辦理與花杰所奏不符至戴衛亨因司官辦稟未妥並恐書吏等有招搖情事是以與恩堂官商定主見之後即令司官等在園明園改辦奏稟期於密速亦並非戴衛亨一人定議花杰所奏均屬不實惟戴衛亨欲辦理慎密亦儘可令司官等在署內封閉辦理何必令其在園此一節究屬不合致招物議見據戴衛亨自認疏率懇請處分自有應得之咎戴衛亨著交部議處至於戴衛亨與查有圻聯姻之處查有圻本係宦家與戴衛亨向有世誼並非門戶卑微不可為婚之人安得謂之有心援繫至於姻戚往來歲

時餽送本屬情事之常人孰能免如果因有公事屬託納賄行私確有證據則亦無論其為姻戚與否皆當繩之以法今戴衛亨於議覆長蘆積欠毫無護庇且先於議駁加價以二文入官一文歸商一節於查有圻大無利益公事公辦又何能禁其親戚之不相往來至於此外如戴衛亨因蓋房屋查有圻幫助木料借用桌几以及在南城外置買房屋數處尤為瑣細不足置問花杰逞其筆端輒稱查有圻饋營結納戴衛亨納賄徇私指查有圻為倚勢把持之奸商坐戴衛亨以負恩誤國之重罪連篇累牘極力詆謗甚至謂戴衛亨於言官冒瀆聖躬者以為直言此尤關係重大今確加根訊據花杰指稱嘉慶十一年在御史吳榮光家與戴衛亨之姪戴嘉穀會席談及吳榮光有請暫緩巡幸天津之摺係奉旨申飭者戴嘉穀曾云伊叔甚為欽佩此語並非出於戴衛亨之口入東華續錄 嘉慶二十八年 四

於花杰之耳而見在傳詢戴嘉穀堅稱伊因眾人稱讚亦止隨口應酬實無有伊叔戴衛亨欽佩之語復經鹿桂等傳到是日同席之朱涂切加詢問亦稱不記此言其所稱戴衛亨於言官干涉部務者以為多事一節則云即係伊嚴催積欠之奏戴衛亨不以為然若果以為多事見今據摺催欠並未駁斥原奏如此肆意推拾亦無指證是竟欲以莫須有之事妄與大獄矣至於殿試為掄英大典科場舞弊律有明條若果如花杰所言戴衛亨與洪瑩交結情密援引為一甲一名進士於黃中模黃旭顛倒列置此是何等弊竇何項罪名其告誣者應如何坐罪該給事中摺內且云請將洪瑩復加考試或默寫策對若實係平常請嚴究弊端而於考試無弊則全不反而自思應否治罪殊屬荒誕無理見因該給事中有覆考時尚恐南書房有人設法照應請旨嚴密防範因即如其

所言先向內閣查取洪瑩等殿試各原卷加封進呈一面派滿洲軍機章京將洪瑩由福園門帶至上書房命二阿哥監看令其默寫試策朕親加披閱設字策不符顯有弊實非但戴衛亨與洪瑩獲罪甚重凡此次派出讀卷之大學士董誥等皆當一併懲處朕豈肯稍為寬假今洪瑩所默對與原卷悉符開有數字誤寫用硃筆點出者不過文義小有異同語句先後微有參差試思尋常擬作詩文數日後尚不能悉行記憶今距殿試已逾兩月之久而洪瑩竟能記憶默寫非積學有素安能如此尚有何弊且殿試前十卷進呈時洪瑩本係朕拔置第一並非讀卷官所擬花杰何得指稱戴衛亨一人援引之力至於黃中模黃旭各原卷文理皆可列二甲惟黃旭末四行字畫不能工整如前亦並無一行筆今黃中模列置二甲黃旭置二甲之中尚皆公允此二卷亦非由戴衛亨東華續錄 嘉慶二十八年 五

首先校閱花杰何得指戴衛亨徇情顛倒如此妄行參奏伊自問可以脫然無事乎又花杰摺內稱本年考取南書房四人除王以銜外周系英係英和同年席煜係英和門生姚元之則係英和戴衛亨二人門生文字雖優鑽營尤甚英和平日賞識戴衛亨畏忌英和陰與為附實屬結黨行奸等語本年考試南書房英和會同戴衛亨瑚圖禮保舉十二員朕圈出與考人員選取四員內周系英王以銜本係講官於隨園時朕曾屢次召對加以遴選席煜姚元之試卷本佳並非戴衛亨英和力薦若謂周系英係英和同年則豈是科止英和一人可供文學侍從之選其餘竟無一人可用若謂席煜等係其門生豈戴衛亨英和二人所取之士皆不可選用內廷乎尤為謬妄至名節所繫即尋常一介齊民朕尚不忍令其受人污蟻况戴衛亨任用已久經朕用至協辦大學士今花杰

任意詆訐無所不至朕豈肯任其甘受虛誣花杰著交部嚴加議處並著將洪瑩等殿試原卷及昨日默寫之卷均發交花杰閱看令其心服又諭洪瑩能默寫策問僅謄十數字的係真才實學朕命二阿哥監看封奏朕親自校對大約無弊矣洪瑩平空被誣若實係不能書寫當得何罪若賞紗二件以示獎許花杰誤聽邪言濫行入告本應嚴議恐阻言路改為交部加等議處劉承澍播弄典常殊屬陰險著解任交大學士慶桂董誥尚書曹振鏞侍郎桂芳嚴訊確情具奏○丁卯諭前日給事中花杰參奏戴衛亨各款業經逐一詳查毫無影響該給事中亦自認冒昧本日覆據祿康奏查詢德泰錢鋪中朱姓據稱伊鋪與戴衛亨家交易數十餘年見在尚欠伊鋪內銀六百五十兩又查明與源等五處當舖查對帳簿各鋪皆係查有折所開查有折用銀之時均由當舖送與查東華續錄 嘉慶二十八年 六

有折家使用該當舖從無出過銀票之事是戴衛亨家自與錢鋪易銀與查有折何涉全係捕風捉影空談豈能科以交結行賄實罪且戴衛亨家見在尚欠錢鋪銀兩可見花杰所奏全係虛誣不辨自明見在將此摺給花杰閱看伊更無可置喙至戴衛亨所辦公事即如議覆鹽務加價伊昌阿被長蘆商人懇懇會奏懇引引加價三文以二文歸官一文歸商如果戴衛亨有曲庇查有折之心照議准行查有折每年獲利甚厚而部臣先後兩次俱經詳悉議駁毫不任其含混是以朕不但依議辦理並將伊昌阿降調示懲此實共見共聞尙有何弊至議覆花杰追完商欠繳納窩價一摺亦係議令併限嚴追詳查歸繳並無寬緩是戴衛亨於所辦部務委無絲毫錯誤惟戴衛亨前於伊叔戴均元補放倉場侍郎時即據陳明戶部有交涉事件朕特令不必回避今花杰憑空指劾

以事關姻戚幸意誣讎經朕洞悉情偽降旨通諭然此次亦幸戴
 衛亨與議二事均屬從嚴無可指摘設遇有應行從寬辦理之事
 若戴衛亨有意從嚴豈不有妨公事若準情酌辦又難不恤人言
 一切轉多窒礙且倉場與戶部既多交涉自應回避以符體制戴
 衛亨著以協辦大學士調補工部尚書其戶部尚書員缺即著曹
 振鏞調補○戊辰諭前因山東即墨縣武生李泰清來京呈控伊
 姪李毓昌在山陽縣查賬身死不明一案當將全案人犯提京審
 訊今案情已鞫訊明確除另行按律辦理外李毓昌於上年中式
 進士後朕於引見時以知縣分發江蘇即用經該省上司委赴山
 陽縣查勘水災不肯捏報戶口侵冒賑銀居心實為清正乃山陽
 令王仲漢因李毓昌不肯扶同捏飾侵賑膽敢起意與長隨包祥
 申謀同李毓昌家人李祥顧祥馬連升等將李毓昌始則用信末
 東華續錄 嘉慶二十八年 七
 毒傷繼復勒斃懸挂似此慘遭奇冤實從來所未有允宜渥沛恩
 施以示哀慰故員李毓昌前已有旨令吉綸即委委員將其屍棺
 加槨送回交伊家屬安葬著施恩加賞知府銜即照知府例賜卹
 朕昨親製憫忠詩五言排律三十韻為李毓昌闡揚幽鬱著吉綸
 採取碑碣石料量定高寬丈尺奏明再將御製詩發往摹刻俾循
 吏清風勒諸貞珉用垂不朽並著吉綸派委登州府知府前往李
 毓昌墳前致祭仍俟案犯定擬後將要犯二人解往山東於李毓
 昌墳前正法以申公憤而慰忠魂至李泰清因檢視伊姪皮衣帶
 有血迹心疑身死不明即同伊眷屬開棺驗視辨出毒害情形來
 京呈控俾奇冤得以昭雪殊堪嘉憫李泰清著加恩賞給武舉其
 應如何立祠之處應聽伊自行辦理○諭昨日傳到劉承澍與花
 杰面為質對並令慶桂等嚴加究詰錄取供詞呈覽花杰曾經藉

察通倉因高添鳳案破慮及伊任內失察黑槍輒搶拾無據之詞
 參劾大員莫寬處分殊失臺臣之體花杰前已有旨加等議處俟
 部議上時再降諭旨至戶部員外郎劉承澍於本衙門應辦公事
 不知慎密先將鹽法志借與閱看及議後又將原議帶付閱看
 故為洩洩其居心殊不可問劉承澍著交部嚴加議處○我陝西
 漢中協副將改漁渡營為定遠營○以常英和世泰為內閣學士
 常英由詹事府世泰由副都統遷○己巳諭李毓昌秉公查賬不肯扶同捏報致
 被王仲漢毒斃一案見經軍機大臣會同刑部詳細審明具奏按
 律辦理定例地方賬務係藩司專責所有王仲漢虛報戶口冒領
 賑銀楊獲未經查出且李毓昌為派往查賑之員忽報自縊又未
 訪查究辦會銜率轉至胡克家兼署臬司於此等重案情節支離
 自應反復推求詳為指駁乃僅據該府縣詳稟率請具題殊非尋
 常疏玩可比楊獲胡克家均著交部嚴加議處其該管道員應得
 處分並著鐵保等查明具奏又諭李祥顧祥馬連升俱著凌遲處
 死包祥著即處斬李祥等三犯均謀害伊主而李祥於伊主李毓
 昌查出王仲漢冒賑欲稟藩司之處先行密告包祥轉告王仲漢
 迨包祥與王仲漢謀害伊主亦先與李祥密商該犯首先應允商
 同顧祥馬連升一同下手是李祥一犯尤為此案緊要渠魁著派
 刑部司官一員將該犯解赴山東沿途飭令地方官多派兵役防
 範到山東後交該撫轉飭登州府知府押至李毓昌墳前先刑夾
 一次再行處死仍著摘心致祭以洩憤恨包祥首先設計很毒已
 極著先刑夾一次再行處斬顧祥馬連升二犯著各重責四十板
 再行處死派刑部堂官泰瀛押赴市曹監視行刑至王仲漢一犯
 因李毓昌不肯隨同冒賑輒與包祥謀毒致死應即立予斬決惟

見在尚有質對之處著暫緩行刑○諭軍機大臣等百齡等奏據黃飛鵬稟報見在朱渥幫船有數十餘隻又有夾板夷船甚屬高大共計五十餘隻於五月二十一日在洋蕪洋面分別擄角據險放礮舟師進攻之時該匪仗其船高不避礮火迎頭拒敵師船損壞二十餘隻弁兵亦多傷斃直至午後師船搶占上風奮力擊壞賊船數隻方始竄逃等語朱渥盜船前經阿林保奏稱該犯悔懼投首情詞真切經朕降旨傳諭尚須加意察看不可冒昧辦理今朱渥見在南澳等處洋面率同幫匪多船顯然拒敵並將弁兵殺傷多人傷壞師船不少是其兇逆較著何嘗有愧悔之意阿林保前奏竟屬不實此時粵省官兵因勦辦張保仔等賊船有失利之事該省兵船較少碣石鎮總兵黃飛鵬一路師船已令即行調回堵禦協勦惟黃飛鵬調回之後南澳一帶僅有胡子鉉一路舟師東華續錄 嘉慶二十八年 九

兵力單弱不敷堵勦朱渥一股本係閩省賊匪阿林保不得因有前次投誠之說觀望遷延致貽誤著卽飛飭該省得力舟師駛往南澳一帶會同胡子鉉認真勦辦惟當殲獲務盡不可玩縱○諭王仲漢因冒賊畏懼李毓昌具稟令包祥商同李毓昌家人李祥等謀毒致死一案見經審訊得實已將包祥等按律辦理並降旨將藩司楊護兼署臬司胡克家交部嚴議矣至昨訊據王仲漢供稱伊謀死李毓昌之後卽赴府面見王轅告知實情有求其保全不敢忘恩之語王轅前往督同相驗隨草率了結迨至臘月初間曾送過王轅銀一千兩並許隨後再行報效等語王轅以本管知府於屬員冒賊謀害委員不卽舉發查辦竟敢力爲庇護且收受王仲漢銀一千兩亂法營私通同一氣其罪甚重王轅已有旨革職除俟解到時再行嚴審定擬外應先行籍沒示儆著鐵保等

卽將王轅任所及安徽原籍資產一併嚴密查鈔無任隱匿寄頓其查賑分得銀兩之委員同知林永陞從九品溫南峰等五人前經有旨令鐵保革職送京查鈔家產除林永陞一員見已押運來京業經降旨令倉場侍郎直隸總督派員迎擊外其溫南峰等四人卽著迅速解京勿稍延緩又尙有供未得銀之縣丞章爲棟等五員前有旨令鐵保確查有無通同侵冒情弊亦須據實查明卽行具奏如所查再有遺漏經此閱審訊得實或朕另行訪詢明確則惟該督等是問至江南有如此奇案可見吏治敗壞已極該督等直同木偶尙有何顏上對朕下對民前月已降旨令鐵保汪日章自行議罪尙未見伊等覆奏著再催令卽速議罪上聞候朕降旨覈辦並著將御製懋忠詩排律三十韻鈔寄鐵保等閱看○庚午諭本年朕五旬萬壽屆時准內外王公大臣呈進膳品原以伊東華續錄 嘉慶二十八年 十

等臚歡祝嘏藉聯上下之情不貴豐腴朕聞乾隆年間臣下恭備膳品至有在宮門附近廟宇廣設棚座紛紛備辦者今次亦有欲做舊操者曾有人面奏殊屬多事不惟過事周章且於體制不合所有本年王公大臣等屆當進膳之期著無庸各行備辦惟當將應用食品器具及所需庖人由御茶膳房率同備進俾歸畫一以符體制○王申諭朕每日召見軍機大臣伊等皆兼管部務自卽以該部應辦事件向其咨詢此外部院各大臣亦逐日更番召見無不問以各該管衙門事務伊等遇有公事自應彼此熟商卽或意見不符亦儘可兩議並上乃部院諸臣每先向軍機大臣探問方行定稟以致司員等得以從中搆弄及議妥後輒稱係軍機大臣主見實屬近來惡習卽如戴衢亨議駁長蘆鹽價不許加至三文該商等積欠餉令併限完交均係從嚴定議與蘆商毫無利益

而花杰轉謂戴衛亨庇護伊戚查有圻甚至摭拾瑣屑細故逞其
 筆端有心污穢並以科場大弊壞人名節試思所參屬實不獨戴
 衛亨獲罪甚重凡閱卷大臣皆當得何罪即朕亦不忍出諸口乃
 花杰率行列入彈章此何等事可云得自風聞乎此而不加懲治
 轉非朕開通言路諸事敷實之本意矣至劉承澍身為部員先以
 鹽法志及衙門檔案交與花杰閱看後又將部中議彙故為洩漏
 致花杰得以極力排擠其居心尤不可問本日吏部議處奏上花
 杰著照議降三級調用劉承澍著照議革職至戴衛亨與各堂官
 公商定議後催令在園辦彙不將司員封閉在署辦理致招物議
 部議降二級調用尙覺過重著改為降一級留任○諭江西省山陽
 縣查賑委員李毓昌身死不明一案見經訊明係已革知縣王仲
 漢畏其持正欲行稟揭令家人包祥同李毓昌家人李祥等謀毒
 東華續錄 嘉慶二十八 十一

致死案情明確歷歷如繪昨已將各該犯按律定罪分別辦理乃
 今據鐵保奏此事尙稱毫無端倪欲再加體訪具奏是其始終憤
 憤經朕降旨飭查之後仍為人所蒙蔽而摺內尙鋪敘神鬼之詞
 以為破案來歷豈足昭示天下不知此案交軍機大臣會同刑部
 審訊俱就各犯吐供先後質對並未刑求是以水落石出毫無疑
 義爰書具在又何庸證以渺茫恍惚之談且李毓昌是日歸寓後
 被毒身死而鐵保忽疑其在王仲漢席間中毒因而徧詢同席之
 人致無影響轉將府役等究昏憤糊塗已極是其於案情關鍵亦
 全然不知摺內空陳焦急之語猶欲再為體訪實情豈不可笑鐵
 保從前在司員及侍郎任內曾經屢獲愆尤棄瑕錄用自補放兩
 江總督以後不能敬慎辦公一味偏聽人言固執己見辦河工則
 河工日見做壞講吏治則吏治日見廢弛甚至有不肯劣員藐視

法紀逞其貪戾殘忍全無忌憚致釀成如此奇案而彼猶夢夢不
 知可謂無用廢物不但不勝封疆重任亦何堪忝列朝紳鐵保著
 革職發往烏魯木齊效力贖罪汪日章身為巡撫於所屬有此等
 鉅案全無覺察如同聾瞶尙不至如鐵保之固執謬見伊年老無
 能著革職回籍江甯布政使楊體於查辦災務初尙認真惟於王
 仲漢冒領賑銀竟未能詳細查出其咎甚重應即照部議革職姑
 念其平日辦事尙為實心著留河工效力兼署按察使胡克家於
 此等重案並不詳細指駁反復推求草率詳請具體亦著照部議
 革職留河工效力以觀後效○諭前因花杰奏稱查有圻札致天
 津總商以積欠窩價皆可不交已與戴衛亨言明之語質之鹽商
 馮錦等可知交徵瑞額勒布查詢各商有無此信今據奏總商內
 實無馮錦其人其總商任秉衡等亦均未接此信當覆派慶桂董
 東華續錄 嘉慶二十八 十二

誥蘇楞額桂芳根訊花杰據稱此語實由劉承澍轉告而劉承澍
 狡不供認不可不研究明確以憑駁辦花杰因失察黑檔出米已
 降三級調用復又因前日妄參不實降三級調用著解任同已革
 之劉承澍均交慶桂等嚴訊務得確情無任支飾○調阿林保為
 兩江總督以方維甸為閩浙總督訓成甯為陝西巡撫以金應琦
 為山西巡撫劉清為山西布政使積朗阿為山西按察使○甘肅
 ○以蔣攸銜為江蘇巡撫調慶保為江蘇布政使以朱錫爵為
 山東布政使張彤為山東按察使○道遠○以史積容為江甯布
 政使由大理寺 ○調馬慧裕為漕運總督以陳鳳翔為河東河道
 總督由直隸總督 ○癸酉諭據慶桂等奏將花杰劉承澍二人連夜
 研訊劉承澍於花杰所奏查有圻札致網總馮錦以積欠窩價可
 以不完之語堅不承認而花杰仍執定係劉承澍所言請再加根

訊等語此事花杰劉承澍二人面言之時並無旁人在側無可質證今彼此狡卸非劉承澍有心抵賴即係花杰聽聞不確率意書寫若再加熬訊亦不難水落石出惟究係口舌細故亦不值加以刑鞠花杰已因失察黑榴降三級調用又因參款虛誣降三級調用著即釋回照例在部候選劉承澍業因此案革職著即飭令回籍○甲戌諭溫承惠奏查明康家溝張家灣及通惠河等處河道情形一摺康家溝一帶本非運河正道前因該處衝刷成河張家灣日形淺阻若欲堵築康家溝以復正河又無築壩生根之處是以暫緩未辦即令糧船在康家溝試行一二年再為定議今據溫承惠奏康家溝溜勢奔騰漕船逆流而上大費牽輓該處地勢甚高恐旱乾之歲河水一瀉無餘漕行更為棘手是康家溝必須堵築正河必須修復惟兩岸均係沙灘壩基難立而正河積淤日甚

東華續錄 嘉慶二十八

挑挖費工辦理亦屬不易此事關係漕務甚重著專派戴均元親加查勘詳細斟酌究竟應否修復故道如漕船必須由張家灣行走即將應如何辦理需帑若干應於何時興工何時可以完竣之處通盤籌畫妥議具奏其該督所奏通惠河積淤年久應行一律挑復並該處綠道開墾等項應行修整之處亦著戴均元一併查勘妥議辦理○乙亥諭本年朕五旬萬壽不准辦理慶典該廢員等無庸令其建設經壇致滋粉飾伊等既情殷祝嘏著准令其在禮部陸續報名即交禮部鴻臚寺會議酌定處所令伊等於萬壽正日另班行禮至回鑾時接駕獻冊之處亦著准行○諭據汪日章奏上年江省查辦賑務各州縣戶口銀數必將上兩屆被災情形與此次參考不至懸殊方准放給惟山陽縣較之十一年值多十二鄉而需銀至九萬九千有餘曾經駁查並另委隨帶之員

密查始行覈准動放等語山陽賑務見據王仲漢供認假冒銀六千餘兩伊會致送本府王毅銀二千兩各委員銀一千六百餘兩以王仲漢之貪殘忍戾而該員賑銀九萬九千餘兩之中假冒入己之銀僅止二千餘兩尚恐不實不盡王毅得受王仲漢之銀自亦不止二千兩著留京王大臣會同刑部再加嚴訊務得實情○諭本日慶桂等奏議駁御史周鏡酌易辦賑章程一摺已依議行矣各省水旱偏災事所常有朕痲痺在抱念切民艱一經該督撫奏報到時披覽奏章惻然心目無不立降諭旨令其認真撫恤即需數百萬帑金從無絲毫靳惜五命部臣立為籌撥惟恐後時誠以小民蕩析離居情形最堪憐憫若不設法拯救將何所依國家辦賑章程良法具在如果各州縣實心經理該督撫認真查察自能實惠及民無如地方不肖之員昧良喪心視同利藪而派往查賑之委員等賢不肖亦復迥殊間或有持正之人而嗜利者多轉深憎惡如近日寶坻山陽兩案該革令單幅昌王仲漢皆飢法營私侵肥入己而委員中如李毓昌之持正不阿者更復有幾積窮黎於溝壑圖自贖其身家卒不能倖逃憲網朕代天子民惠鮮懷保斷不肯因此兩案接踵破露慮貪官之牟利致屯百姓之恩膏受汚吏之欺蒙忍奪良民之口食此後設遇被災之區仍當頒帑發粟救其阻飢如前一律辦理惟辦理之得有實濟與否是在督撫如該督撫不知認真經理徒以為立法未周如御史周鏡所言欲於地方官查明戶口之後另委道府承辦試思道府中又豈盡屬賢能見在寶坻一案該管東路同知歸恩燕即曾需索銀三千兩山陽一案該管知府王毅亦曾收受銀二千兩設遇此等道府令其領放賑銀又豈可信又况該府道等於各州縣村莊戶口不

東華續錄 嘉慶二十八

能親歷周查勢必仍行轉派委員分投前往委員之查賑愈繁州縣之費用更廣於賑務無益而有損如督撫等果能一遇災賑先行嚴查覈實而於派往查抽之委員務擇存心公正之人責成查察仍隨時密加廉訪賢者立加獎拔不肖者即予糾參則弊竇漸除亦無慮小民之不需實惠儻督撫等見在寶坻山陽二案破露以為賑務別弊甚難自揣耳目不能周徧惟恐地方劣員侵冒肥己累及上官相率諱災不報如此則玩視民瘼勢必致窮黎無可赴愬而朕惠養元元之澤不能下逮其獲戾尤重一經查出朕不能稍為寬恕也將此通諭知之○丙子 上啓鑾秋獮木蘭○免經過地方額賦十分之三○己卯諭御史陳中孚奏請嚴定大吏濫行薦舉處分以專責成一摺據稱侵蝕賑銀之革員單幅昌謀弄職官之革員王仲漢及已革知府王毅皆由捐納佐雜出身東華續錄 嘉慶二十八年 五

遞遞薦拔該員等不識詩書罔知大義不過以股削民膏鑽營上官為事茲惡劣俱已敗露請嗣後將濫行保薦此等捐納佐雜出身人員之該管各上司照尋常濫保例加倍嚴議等語所奏未免過當國家登進用人原不能竟拘資格各省州縣中由捐納出身者固有不肖之徒即正途出身各員其簞簞不飭逢迎大吏者亦不能保其必無全在該管各上司平日留心訪察秉公覈實必係循聲確著之員方予保薦庶可逃拔真才若將貴綠鑽刺之劣員濫遞薦舉一經發覺該上司處分定例甚嚴即如王毅王仲漢單幅昌等之殘忍貪婪見俱已審明定讞其該管各上司重者已革職道成輕者亦降黜示懲並未稍從寬假若因此追溯從前濫保之各上司查明加倍嚴議則未免過甚嗣後各督撫於薦舉各員惟當倍加慎重以保薦王仲漢等劣員為戒庶再有似此濫保致

干憲典者必將該上司從重懲治亦不在多設科條也○庚辰諭王仲漢之子四人本應全行遣戍姑念年皆幼穉無知著將伊長子恩觀收禁俟及歲時發往烏魯木齊其餘三人加恩釋回以示法外施仁之意○壬午 上駐蹕避暑山莊○癸未以雨詔停秋獮○頒發書籍於盛京各學○以南河河工穩固復吳政二品頂帶○戊子諭戴均元奏查看張家灣康家溝河道情形及通惠河先宜挑淤培築一摺張家灣舊河應行挑復固屬正論但見據戴均元親自測量張家灣河頭不但愈淤愈厚壩基難立計需土方工料銀兩為費不貲而見在時日已迫即加緊趨辦亦非五六箇月不能竣工轉瞬漕運已來河道未復船行轉致有礙是日前勢不能辦亦止可仍在康家溝行走再為察看一年屆時酌量定奪至通惠河為漕白糧及銅鉛轉運要路既據戴均元奏見在河底東華續錄 嘉慶二十八年 六

日淤隄岸卑薄恐明春新漕到壩水勢消耗難行自須趕緊先辦著照所請將河身應行開段挑挖以及隄工緯道有須分別修整之處即於本年全漕運竣之後奏明派員勘估興修勿再遲緩其應行賠修之工著即飭承辦之員勒限賠補

八月己丑朔以故哈薩克汗博羅特于托霍瑪襲爵○壬辰諭軍機大臣等百齡等奏盜幫連日竄入中路海口派撥兵船堵剿業經追出外洋一摺從前賊船在外洋游奕皆恃有打單接濟之資足以度日謀生是以罕入內河自百齡到彼諸事整飭嚴斷接濟該匪等口食無藉其鎗而走險分撥小船向內河各村莊希圖劫掠勢所必至見經百齡等飛調陸路官兵添雇壯勇馳往攻捕殲擒二百九十餘名賊匪陸續竄出濱臨外洋之潭洲一帶聚泊民情均已甯謐至百齡等以未能先事豫防致賊匪竄擾內河自請

議處一節此可不必該省武備廢弛已久今百齡等認真整頓且已將盜船轟出外洋尚非辦理不善惟求治未免過急耳為今之計總須先固藩籬將防堵要策力為講求嚴密布置使賊匪不敢窺伺趕緊添造米艇豫備礮械軍火俟諸事齊備養成蓄銳再行調派官兵駛放山洋自不難一鼓殲除俾無遺類不量力冒昧輕進賊船多而師船少未免心生顧怯設有疏虞賊勢更覺鴟張辦理倍形棘手至中路附近省垣尤為緊要如各隘口水路兵船有可撤者著百齡等酌量抽撥嚴防中路毋令賊匪窺近此次百齡等派履壯勇數百名隨同官兵堵剿為一時權宜之計則可究非長策莫若於近海各處村莊勸諭鄉民各衛身家自行團練賊來既可抵禦賊去仍安本業較之招募實無流弊但必須官為經理始不至漫無統率著百齡等遴選明幹之員督率妥辦切勿藉端滋擾為要其漢軍水師三百名此時既無所用自應撤回歸伍見在盜首張保仔等由潭洲分向蕉門等處外洋逃逸百齡等飛調黃飛鵬舟師及所雇拖風船隻交孫全謀督同勦辦務須斟酌前進計出萬全以期擒獲巨魁無得過於輕率○乙巳諭吉綸奏查明故員李毓昌服姪李希佐承繼為嗣一摺李毓昌目前此委查山陽賑務居心公正立品端方慘遭弄斃情殊可憫除已疊加恩卹外其繼子李希佐並著加恩賞給舉人准其一體會試繼紹書香以示獎忠至意○丙午金應琦以疾乞假以初彭齡署山西巡撫○庚戌諭前因御史陸言參奏浙江學政劉鳳誥於上年代辦監臨各劣款當經派托津等馳往查辦茲據究出上年鄉試劉鳳誥代辦監臨時有江西同鄉鹽庫大使嚴廷燮來見關說仁和縣廩生徐步整曾經劉鳳誥試拔取前列伊因病軀恐不能完場若得沈晉與之聯號誼屬師生即可照應中後還要報恩劉鳳誥入場違例於三場試卷印用聯號見據供認屬實將劉鳳誥等定擬具奏披覽之餘殊深駭異劉鳳誥學問尚優仰蒙皇考高宗純皇帝特加賞拔迨朕親政後由學士用至侍郎又因恭修皇考實錄錫以宮銜屢昇銜文之任疊荷恩施極為優渥當如何潔己奉公勉圖報效乃伊竟敢於科場大典有心舞弊試思監臨大員原藉以彈壓糾察今轉聽受人情印用聯號若徐步整萬一徼倖自思當得何罪味良孤恩莫此為甚托津等以劉鳳誥未經得受財物無贓可計照例擬流請發伊犁尚覺稍輕劉鳳誥著革職鞫伊見經解部著到京時交刑部嚴審再行定擬其餘所議罪名先著刑部覆議具奏至阮元近在同城豈無聞見朕於御史陸言未奏之前即有所聞曾降殊諭交查而阮元覆奏不過摭拾浮詞全無確據阮元身任封圻於學政有稽覈之職外閒既有木榜聯詞伊即應究查參奏况朕特加詢問猶不據實入告今劉鳳誥事已敗露始據稱上年聞後即聞有監臨打監軍對聯是竟知而不言有心袒庇同年不顧公議深負委任豈堪復膺封疆重寄阮元著交部嚴加議處來京聽候部議其餘應行議處各員著吏部議奏○調周兆基為吏部右侍郎轉朱理為刑部左侍郎以初彭齡為刑部右侍郎○調蔣攸銛為浙江巡撫章煦為江蘇巡撫以同興為雲南巡撫素納為安徽布政使福昂為直隸按察使○由西道○以方積為四川布政使常發祥為四川按察使○由西道○甲寅 上自避暑山莊回鑾○諭百齡奏遵旨查明吳熊光任內未經奏明辦結之盜案二十二起見在嚴催提省督同臬司訊辦並分晰開單呈覽一摺各屬報獲盜案係總督

臬司專辦之事果能隨時上緊催提審明具奏何至延閣經年案懸未結且據稱先後具報監繫之犯共有十二名其中法無可貸者倖逃顯戮情有可原者轉痰斃固固是吳熊光與歷任臬司相率因循實均有應得之咎吳熊光前已另案職職遺戍前署臬司蔡共武業經病故及兼署臬司之藩司銜齡任內未結盜案僅止一名俱無庸議外所有查明任內未結案犯四十名之降調臬司吳俊著交部嚴加議處任內未結案犯二十名之候補道員署臬司楊煒著交部議處○乙卯諭軍機大臣等前據百齡奏到越南國王阮福映表奏見將南掌國王召溫猛並乾隆六十年頒給該國王敕印送至諒山關一摺當經降旨諭將敕印速行送京仍著越南國王將召溫猛等暫留該國候旨並令軍機大臣詳查檔案南掌國自乾隆六十年至嘉慶十年召溫猛所進蒲葉表文向不東華續錄 嘉慶二十八年 九

鈐蓋印信復降旨令雲貴總督伯麟將該國咨呈督撫印文查明印信以便與禮部印模覆對茲據伯麟奏南掌國是否被召蛇榮占據偽託召溫猛進貢抑係召溫猛潛赴越南阮福映處真得印信之處於沿途各土司與南掌接壤地方詳細查訪得有確情再行馳奏並將六十年該國王召溫猛咨呈督撫用印公文二件呈覽等語召溫猛於乾隆六十年錫封後年雅無援既經播遷在外十有餘載則嘉慶五年十年兩次遣使進貢屬何人偽託昨越南國王表文內開見在召溫猛是其身自不難向其根究著百齡知照越南國王將召溫猛等送至關外即派明幹大員出關面詢召溫猛於何年接奉敕印何年出奔何以未能歸國伊國中何人占據令其逐一登答俟奏到時再降諭旨○丁巳諭朕體恤民艱痼瘼在抱地方偶遇水旱偏災發帑拯濟從不絲毫靳惜原欲

使顛沛窮黎咸登衽席在職司民牧者即照定例分別極貧次貧戶口實心撫恤猶恐僻壤窮鄉未能周歷巡察致有遺漏乃不肖州縣非惟不認真經理且竟從中侵蝕私肥囊橐官吏多一分侵蝕窮黎即多幾許餓殍是直向垂斃飢民奪其口食豈復尙有人心行為竟同盜賊向來疆吏因辦賑地方國帑攸關未嘗不特派多員會同查辦俾互相稽覈以杜弊端而委員中存心公正者甚難其人扶同一氣者正復不少欲杜弊而轉多舞弊之人欲節用而更增分銀之吏見在留京王大臣會同刑部審擬山陽冒賑一案訊據王仲漢冒賑銀二萬三千餘兩其入己銀數至一萬三千餘兩之多已屬法無可貸且因此謀毒李毓昌斃命貪黷殘忍莫此為甚王仲漢著即處斬王毅身任方面於屬員冒賑謀命重情一經覺察即應據實揭參乃因王仲漢向其懇求保全轉代為容隱於相驗李毓昌屍身時任聽作捏報不過掩人耳目且事後又復得銀二千兩知情受賄同惡相濟正不必計其贓數而罪已無可追留京王大臣等擬以斬候請入於本年朝審情實辦理屆期亦斷難寬宥又何必稽延時日但竟予以斬決與王仲漢又無區別王毅著改為絞立決派刑部侍郎秦瀛監視行刑於九月初四日覆旨所有查賑委員雖訊無事前商同情節而所分銀兩豈有不知係王仲漢冒賑所得且此內林永陞係總查之員又得銀一千兩為數獨多擬以杖流尙覺過輕林永陞著改發烏魯木齊效力贖罪其餘各委員罪名俱著照擬分別杖流從前李毓昌乘公確查不肯浮開且欲將王仲漢侵冒情事稟揭以致受其謀害昨已屢降恩旨用慰忠魂今查明委員內有教諭章家麟同時查辦不特未經得銀亦且覈對所開戶口毫無浮冒於公事尙為認

眞自應量予恩施章家麟著送部引見以知縣即用

九月己未諭軍機大臣等阮元奏舟師剿捕蔡逆得有勝仗該逆向南竄逸見在飛咨緊追一摺據稱接據提督邱良功函稱偵知蔡逆在旗頭一帶游奕折截前進重鎮陞追見盜船即向前揮令各船進剿署守備武定大首先躍過帶同弁兵擊獲盜匪王鳥等五十一名該匪船即竄往東南外洋見已飛咨邱良功等緊蹙剿捕等語蔡逆匪船奔竄靡常蹤迹向無一定此次追剿之匪船究有若干蔡逆是否在內見既據擊獲盜匪王鳥等五十一名即可確切訊究得其實據著傳諭蔣攸銛即將所獲盜匪王鳥等嚴行審訊一面飛咨該提鎮專注蔡逆乘勝進剿一經殲擒即遵前降諭旨速行馳奏○庚申 上還京師○壬戌諭劉鳳誥於代辦監

臨時入場舞弊一案前已降旨將伊革職擊問解京矣監臨入場東華續錄 嘉慶二十八年 三

專司查察弊竇如果士子有串通吏胥聯號等弊方當按律嚴懲以肅場規今劉鳳誥聽受人情轉為應試生員徐步整印用聯號是防弊之人首先作弊實屬事所罕見伊蒙 皇考高宗純皇帝賞拔深思由編修超擢學士朕復加恩游擢侍郎並特加宮保銜乃不知謹慎飭躬力圖報效竟敢玩法舞弊其罪甚重托津等於按律擬流之外請發伊犁所擬尙輕劉鳳誥俟擊解到京時著交大學士尙書會同刑部再行審訊定擬具奏至阮元亦由編修於乾隆年間蒙 皇考高宗純皇帝知遇厚恩超列卿貳朕親政後復擢用巡撫昇以封疆重任前後十年渥荷恩施上年伊因巡查海口不能兼辦科場所有監臨事宜即應照例奏交藩司代辦伊甯不知鄉試士子係由學政錄送入闈劉鳳誥本當避嫌何以輒將監臨之事交伊代辦此一節阮元已屬非是至伊與劉鳳誥本

屬同年如果劉鳳誥在場舞弊阮元實在不知則其咎原不過失

察即或伊知而不肯舉發一經朕詢問及之尙能直陳無隱是雖有瞻徇之情尙不至蹈欺飾重咎乃朕於御史未經參奏之前先有所聞即特降殊筆諭旨向其密加詢問而阮元覆奏之摺亦係親自繕寫乃並無一語確證轉稱劉鳳誥代辦監臨時場規從嚴一切風厲致招深怨竟似伊於劉鳳誥之作弊妄為實在毫無聞見者迫托津等到彼審實之後復向阮元詢及阮元始稱去年聞後即聞有監臨打監軍對聯未經奏聞等語是直佯為不知有心徇隱不但不參奏於先而於降旨密詢之時猶欲撝拾浮詞巧為搪塞明係袒庇同年阮元止知友誼罔顧君恩輕重倒置不可不嚴行懲處即著照部議革職其充當提調監試於監臨舞弊不能覺察舉發之道員舒慶雲知府任澤和均照部議降二級調用不

東華續錄 嘉慶二十八年 三

准抵銷○癸亥以何銑為江西按察使由陝西陝○丁卯刑部奏浙江鄉試舞弊之徐步整等先行分別定擬一摺得旨此案劉鳳誥身為監臨聯號舞弊雖無受賄得贖情事但嚴廷燮為徐步整關說時曾有事後報恩之語如果微倖中式自必盡情酬謝則劉鳳誥等獲罪尤重此案總由徐步整起意舞弊嚴廷燮玩法請託所致該部將伊二人議以近邊充軍尙不足以示儆徐步整嚴廷燮均著改發邊遠充軍餘依議○己巳諭張鵬展奏民風土習吏治相為表裏其要在首正人心並請令翰林科道日進經義奏議一摺所奏因係經生家言惟意欲務實而轉無實際又據所引董仲舒之語正朝廷以正百官正百官以正萬民是欲厚風俗飭官方端自上始朕每日恭閱 先朝實錄誠以 列聖修齊治平之道無不備載典型儀式夙夜寅承即萬幾之暇披覽者亦皆經

史諸書鑒觀得失以期有神治化近日御製尙書五十八篇詩章用闡帝王危微精一之奧古來心法治法孰有過於此者若使翰林科道日進講義其所撰述不過摭拾陳言敷衍入告無論二典三謨莫能窺其涯涘即賈董諸儒論說亦萬不能跋及設敷奏可觀而能言者又未必能行况所敷陳又未必盡出己手若就此獎其學識加以甄拔恐亦未能遽得真才行之日久又生弊端仍復視爲具文於事毫無裨益又豈務實之道乎總之一切政務要在實心經理賞罰勸懲悉衷至當非僅語言文字所能訓化卽如本年王仲漢冒賑謀毒一案於吏治人心大有關係卽行徹底根究據實嚴懲俾天下臣民共知儆惕至於士習文風屢經飭諭崇實黜華以明經爲務以敦行爲本有衡文課士之責者果能悚遵勿懈整飭有方自可漸次轉移蒸蒸日上不料又有劉鳳誥之案朕東華續錄 嘉慶二十八年 三

深愧不知人耳其各省民風尤在封疆大吏督率地方官隨時隨事旌善彈惡去僞還淳庶無負朕端本善則至意若惟朕日矢敬勤而內外臣工不能實力奉行卽使翰詹科道日進經義連篇累牘究屬紙上空談亦豈能遂臻上理乎張鵬展所言近於迂拘於政體未能通達特將朕敦崇實政不尙虛文之處通諭知之○諭張師誠等奏殲除海洋積年首逆蔡牽將逆船二百餘隻全數擊沈落海並生擒助惡各夥黨一摺覽奏欣慰之至洋盜蔡牽一犯原係閩省平民在洋面肆逆十有餘年往來閩浙粵三省擾害商旅抗拒官兵甚至謀占臺灣率眾攻城僞稱王號不特商民受其荼毒官兵多被傷亡並戕及提鎮大員實屬罪大惡極該逆一日不除海洋一日不靖節經降旨諭令該督等嚴禁接濟鼓勵舟師速擒巨孽茲據張師誠奏稱王得祿接到咨會南洋尙有蔡牽匪

船王得祿卽與邱良功連船南下於十七日黎明駛至魚山外洋見蔡牽匪船十餘隻在彼超駛當卽督催閩浙兩省舟師專注蔡逆本船併力攻擊該逆復敢用大砲扎住邱良功之船拚命抗拒邱良功被賊槍截傷其時王得祿緊攏盜船奮擊該匪因不得鉛丸接濟用番銀作爲礮子點放王得祿身被礮傷仍喝令千總吳興邦等連拋火斗火礮燒壞逆船舵邊尾樓王得祿復用本身坐船將該逆船後舵衝斷該逆同伊妻並船內夥眾登時落海沈沒提訊撈獲匪犯十九名並難民六名均供稱蔡逆手足俱被火藥燒傷落海淹斃是蔡逆受傷落海已據所獲賊夥難民供指確鑿毫無疑義王得祿邱良功協力奮追殲除首惡均屬可嘉而王得祿額角手腕各受重傷仍復奮不顧身趕攏賊船追剿致該逆登時落海厥功尤偉王得祿著加恩晉封子爵並賞給雙眼花翎邱良功左臂受傷本船被賊賊撞壞不能前進勞績稍遜邱良功著加恩晉封男爵至該逆用番銀作爲礮子可見鉛丸已屬罄盡總由阿林保張師誠年來於各海口巡防嚴密使一切火藥米石槩行杜絕不得稍有透漏該逆乃日益窮蹙立行殲滅辦理實屬認真總督阿林保巡撫張師誠均著交部從優議敘以示嘉獎至數年以來修鑄船隻礮械籌備口糧並防守口岸杜絕接濟之大小文武各員弁著交新任總督方維甸會同張師誠秉公確查分別具奏候朕施恩其蔡牽義子小仁與逆夥矮牛並著嚴拿務獲以淨根株將此通諭中外知之○壬申諭百齡奏粵省鹽船請酌改陸運並查明程途運費均無窒礙各商民亦俱踴躍樂從請先行試辦一摺粵東引鹽其在省河酌運者向由外海運至省河候配本無不便近年以來洋氛未靖凡運鹽之紅單船隻涉歷外洋其

中不肯船戶或竟私帶水米濟匪獲利見在各海口正當嚴密巡防之際則鹽船出海自應通盤算計酌定章程茲既據該督查明各場引鹽改由陸路輸運一切脚費程途尙無窒礙商民均踴躍樂從而沿海窮民亦得以營趁挑鹽藉資生計著卽照所請行如試辦一二年陸運不至稽遲商民均屬便利竟可永遠遵行○丁丑以五旬萬壽加恩內外一二品文武大臣凡降革留任處分在五案以內者開復一案十案以內者開復兩案過此按數遞加晉封尙書明亮三等伯賞還尙書鄒炳泰總督温承惠松筠百齡一品頂帶漕運總督馬慧裕布政使方受疇二品頂帶將軍晉昌雙眼花翎○戊寅改陝西秦州營歸固原提督轄章昌營歸河州營轄○辛巳諭祿康等奏據山東濟南府國子監學政銜姚萬清等聯名呈請捐輸銀兩代原任濟南府知府張鵬昇贖罪一摺張東華續錄 嘉慶二十八年 五

鵬昇前於濟南府任內請動公項供應廣興旋即歸款前經審明定讞革職遣戍實屬罪所應得該府紳士以張鵬昇在任時惠政甚多且母老無子情願捐銀代贖呈明該省巡撫未經批准所辦甚是茲復來京起步軍統領衙門呈懇代奏此事不可行前次安徵懷遠等縣士民曾有代參令沙琛願懇繳銀贖罪之案沙琛獲罪之由止係因署霍邱縣任內承審重案不實尙屬公罪且知縣職分較小尙可免其納贖予以恩施張鵬昇以方面大員於濟南府任內請動公項供應廣興其罪屬私非沙琛可比見在遣戍吉林將來效力數年或可釋回亦當恩出自上若據該紳士等懇請代爲贖罪是地方大員獲戾者皆得因士民願請納贖免罪此風斷不可開所有姚萬清等呈懇之處著不准行卽飭令回籍○諭軍機大臣等初彭齡密奏一摺劉清平日居官操守尙好而才具

不甚開展朕早有所聞是以此次未令護理撫篆但既不能勝任藩司若調至他省亦係錢糧重寄又豈能辦理裕如且伊並無貽誤之處亦未便遽然撤退今初彭齡竟請將素納更補亦於政體未協至所稱成甯前在山西巡撫任內聲名平常縱容家人在外滋事一節自應徹底根究得有確據方能嚴辦本日因初彭齡所奏山西省近年來竟有十餘州縣倉庫不能全完之語成甯見已到京當卽召見詢以該處倉庫情形據稱各州縣俱係年清年款並無虧短此言卽近於捏飾未可憑信著初彭齡密加查訪將成甯在彼如何聲名平常縱容家人在外滋事實據並倉庫係何州縣虧短據實由驛馳奏其時再將藩司更換亦不爲遲將此密諭知之○賞孫玉庭阮元編修○壬午賞已革總督長齡藍翎侍衛爲科布多參贊大臣○癸未諭軍機大臣等綉武布奏俄羅斯固東華續錄 嘉慶二十八年 五

畢爾納托爾遣使齎書請於明年冬令冰凍時在哈克圖地方來會講辦一切事宜一摺前俄羅斯汗懇請遣使進貢曾經庫倫辦事大臣蘊端多爾濟因來使不行叩拜竟行斥回稍覺嚴厲是以來使卽行回去今固畢爾納托爾復行差人齎書懇請和會看來此次俄羅斯汗或係尙欲遣使進貢著傳諭綉武布告知伊等此事已奏知大皇帝施恩准其來會卽發給咨文但明年來會時若提及仍照前次遣使進貢亦不必過於拘泥斥駁若其懇請之詞恭順卽可據實陳奏准其所請諒俄羅斯人等來京斷無膽敢不行叩拜之理屆時若與來使同來之人過多量加裁減尙屬可行除寄諭蘊端多爾濟外一併傳諭綉武布知之○丙戌諭前會降旨將各省軍流以下人犯加恩分別減等用昭矜宥因恩永遠枷號及新疆遇赦不赦各犯刑部以例不查辦未經奏請但本年朕

五旬慶辰閩澤軍敷此項人犯自應一體查辦著刑部查明起數摘敘案由開單請旨候朕定奪

冬十月辛卯越南國王阮福映表賀 萬壽貢方物○癸巳 上

以五旬萬壽 御太和殿受賀禮成 御靈壽宮賜 皇子及王

以下文武大臣蒙古王公外藩使臣等食 御乾清宮賜 皇后

及 皇子等宴○丙申 上御正大光明殿賜 皇子及王以下

文武大臣蒙古王公外藩使臣等宴並賞賚有差○戊戌諭軍機

大臣等初彭齡奏山西省虧空一摺山西州縣倉庫從前已彌補

完全地方官徵解錢糧從無挂欠何以近年來流弊復滋又有虧

缺卽如平魯一縣見據初彭齡奏降調知縣王敏樹虧欠採買穀

價五千餘兩交代已逾定限尙不完交並據初彭齡訪問係因成

甯閱邊時經過平魯左雲等縣所用車馬稍多是以王敏樹及降

東華續錄 嘉慶二十八年 三

調左雲縣孫耀藉口辦差賠累等語本省巡撫閱邊往來係屬常

有之事何至供億繁多地方官那用公項虧缺至五千餘兩其情

節是否屬實見已明降諭旨將該二員革職嚴訊著初彭齡向其

根究此項辦差銀兩是否於備辦車馬之外另行餽送成甯抑係

成甯家人向其需索該革員等有無別項那用借此開銷情事平

陽潞安等屬見在均有虧短看來通省虧缺尙多未必止十餘州

縣初彭齡見已分別確查著於查明後據實奏聞候朕辦理○壬

寅蔡廷衡絲事革職以陳那為甘肅布政使陳桂生為甘肅按察

使由湖北調○甲辰發劉鳳詒黑龍江效力○諭初彭齡奏審辦

臨晉縣假裝銀鞘大槩情形一摺此案經金應琦在藩司任內當

堂劈兌遂致敗露當即詳明巡撫成甯成甯照詳批交查辦旋卽

調任陝西金應琦接巡撫印後卽將藩司印篆交劉清接受迨初

彭齡到晉署理撫篆於金應琦移交見辦緊要事件內查出此案

面詢劉清據稱如要參奏可否將錢文甄塊情節刪去否則恐奉

嚴旨便難辦理等語此等假裝餉鞘之案非尋常案情可比既經

破露該藩司為錢糧總匯卽應徹底根究方為正辦乃竟向初彭

齡稟請刪減情節意在袒護屬員計圖消弭卽此一語已難勝任

且才具本屬平庸劉清著交部嚴加議處卽來京聽候部議布政

司庫大使郭文照並著解任交初彭齡歸案質訊至金應琦見在

患病未痊所有巡撫印務仍著初彭齡署理尋議上得旨劉清照

讓降四級以從四品京堂補用○諭軍機大臣等初彭齡奏審辦

臨晉縣假裝銀鞘一案摺內稱金應琦本月初四日到貢院往拜

口至督履行動尙須扶掖忽於初七日午後差人持送病愈銷假

奏稟閱看等語金應琦病既未能全愈急於銷假接印自因初彭

東華續錄 嘉慶二十八年 三

齡到彼諸事認真不肯蒙庇伊是以勉強支持意在接受印篆後

初彭齡卽可交代起程回京伊於地方事件遂得任意彌縫著初

彭齡傳諭金應琦令其安心靜養不必急於任事俟病體脫然再

行奏請接篆其平日官聲辦事如何著初彭齡密為訪查具奏若

一味瞻徇情面不顧公事亦難勝封疆重寄其王敏樹孫耀藉口

成甯閱邊辦差賠累一案務遵節降諭旨徹底根究有無餽送成

甯及伊家人需索情事是否該革員藉端開銷據實嚴參至承辦

臺工未及成分之章職停選知縣王殿襄等所領銀兩是否有侵

那情弊並著嚴究所有五臺工程究竟有若干成數初彭齡於

審案完竣赴彼查勘明確另行奏聞○調素納為山西布政使以

李奕略為安徽布政使廣泰為安徽按察使由福建調○丁未賜汪

道誠等五十七人武進士及第出身有差○庚戌諭山西藩司劉

清奏才不勝任懇請開缺一措此奏為從來所罕見藩司為錢糧總匯劉清如自揣才庸不能勝任即應於簡放時具摺懇辭何以接篆已逾兩月始以限於才識奏請開缺自係因初彭齡到彼諸事認真查辦難以枝梧故為此奏前此臨晉縣假裝勒銀一案該藩司違向初彭齡稟請刪減情節意圖消弭已難勝藩司之任當即交部嚴議應降四級特降旨加恩以從四品京堂補用茲復有此冒昧陳奏之摺看來該藩司人本無能並難勝小京堂之任劉清著以員外即補用○阿林保等議津貼州縣兌糧費請有濱州縣每石八折收納 上以病民嚴飭之

十一月丁巳朔諭軍機大臣等吳璥等奏籌催回空渡黃並狀元墩場工暫緩堵合情形覽奏俱悉惟所奏查辦海口一事意欲不挑復舊河仍就北潮河去路展寬挑深將灘面捆束以為權宜治東華續錄 嘉慶二十八年 五

標之策所奏殊不可解謬誤之至海口去路不暢以致上游淤阻河身逐漸擡高非將舊河挑挖深通斷然無益北潮河一帶溜走兩年至今不能刷成河槽佃湖又經淤墊明年更無容納之地及今不挑復舊河將來何所指手此即向來不諳河務之人亦能明悉大局况吳璥等久諳河工非情於籌辦者可比吳璥上年差往南河會主挑復舊河之說即近日陳奏各摺亦以新改之河不能通暢此時正當籌辦喫緊之際何容稍有憚難乃本日摺內奏稱估計挑河有一百餘里之長漫口寬四五百丈又加接築長隄其費需三百六七十萬未免過繁兼恐挑汛前趕辦不及因請於見在歸潮河之路權宜辦理以期節省錢糧等語舊海口挑河築隄堵築各處漫口工段誠繁然每年辦工之時總不過霜降至挑汛以前止此數月今年既趕辦不及明年又將如何趕辦若云錢糧

浩繁專為惜費起見尤屬見小錢糧用度但論其於國計民生是 否有益如果有益即多至數百萬亦所應用若於事無益即所費 稍省又豈可虛擲今吳璥但顧錢糧節省而不期於事有益待至 明年北潮河之路仍不通暢而舊海口又未挑深河水拍岸盈隄 下壅上瀆不知該河督等有何把握恃以無虞彼時此五十萬兩 已成虛耗而估挑舊河之三百數十萬兩仍不能省徒然坐失事 機更增後慮下游民田廬舍以及百萬生靈所關非細一有貽誤 即將該河督等正法亦復何益於事而糜帑一節猶其小焉者矣 吳璥等於此重大要務不能堅持定見欲如此遷就辦理大屬非 是著傳旨嚴行申飭前已於十月二十三日降旨令該河督等即 速親往舊海口履勘籌議辦理章程此時不得再有遲疑著即迅 速詳查確實數估將應行撥帑興工之處據實奏聞及時興辦至 東華續錄 嘉慶二十八年 三

吳璥本主挑復舊海口之說何以目前忽為此奏如果另有為難 窒礙之處亦著詳悉陳奏不得一味含糊諉卸也○戊午諭軍機 大臣等吳璥等會議清務章程一摺江南清賦較他省為最多而 歷年告漕者不一而足是皆由於地方官於收漕時弊端叢生以 致刀生劣監挾制把持告訐成風此時欲大加清釐必須探本清 源方為正辦據摺內稱旗丁應領行月贈五等米見聞蘇松所屬 有每船折米一百石之說旗丁折銀花費長途將正漕侵食盜賣 勢所必至等語此固虧缺之一端而其弊不止於此著照吳璥等 所議飭令稟兌本色另貯一船免致影射蒙混見當收漕之時旗 丁行月贈五等米如尚有每船折米一百石之事即當查拿嚴辦 至向來旗丁等沿途浮費前經馬履泰條奏已通行飭禁並著阿 林保章煦曉諭旗丁以爾等從前因各衙門需索陋規多有浮費

以致長途賄累自不得不於兌運之時向州縣勒索幫規州縣勢不得不於開徵之日向百姓浮收今自總漕撫藩糧道倉場各衙門以及沿途文武各員並督吏經紀等處向來陋規欽奉諭旨嚴禁儻有不遵仍照舊需索准爾等指名首告且該州縣等本有津貼各幫銀兩原為輓運正供而設非為爾等酬應之資其提溜打關刺淺等事比從前不無多用見已令該省督撫量加調劑是爾等浮費既除運費又足儻有仍前藉口橫索幫規必當查拏究辦如此對切曉諭旗丁並出示沿途經過地方俾各知懷遵則旗丁不至賄累橫索兌費州縣亦不能藉此浮收而包漕漁利之徒亦不能從中阻擾滋事庶漕弊可漸次清釐該督撫務宜實力奉行隨時查察毋得日久生懈○庚申諭初彭齡奏審擬降調平魯縣知縣王敏樹等藉口辦差賄累那用公項一摺成甯前在山西巡

東華續錄

嘉慶二十八年

三

撫任內赴省北閱兵何以該縣備辦公館鋪墊等項竟至用錢二百三十餘千且需用騎馬七十九匹馱麻二十頭大車七輛之多又家人錢四需索門包銀五十兩種種均干例禁著成甯明白回奏其應得何罪之處並著自行具奏前任藩司金應琦於王敏樹孫耀二員虧空數目既已失察於前又復任其藉詞抗延接任藩司劉清於孫耀之母具呈控訴時經成甯面交亦不據實揭參轉令承炷代為消弭均屬不合除劉清見已降補員外郎外金應琦著交吏部議處餘著刑部覈議具奏○癸亥諭軍機大臣等查華宮本係西二所為 皇考高宗純皇帝潛龍舊邸至即位後 詔升為宮實為吉祥初地每歲新韶慶節嘉興臣工等樂衍廣吟數十年舉行盛軌乾隆五十年正月經欽奉 諭旨以世世子孫惟當永遠奉守毋事更張至東五所為年少皇子皇孫等公共所居

若照重華宮之例另行興建不特宮牆四圍別無隙地可以拓展亦非朕垂示後昆之意欽此 聖諭煌煌奕葉所當敬守朕從前為皇子時所居之處如東華門內擷芳殿之中所宮內之東頭所二所福園門內之西北所見在即仍准皇子等在彼居住惟毓慶宮係朕於乙卯九月仰蒙 皇考高宗純皇帝敕立皇太子後於是年十一月 特命由擷芳殿移居並蒙 賜額繼德堂 錫福凝祥始基於此迨丙辰元旦寅承大寶 訓政三年朕尚在此宮居住是則非東五所諸屋可比是以自嘉慶四年之後略加修葺以備幾餘臨蒞不復令皇子輩居住所以杜中外揣摩之漸不得不然我國家景運延洪繩繩萬禩將來衍祥紹慶我子孫有如朕之躬沐 鴻庥敕立為皇太子者則仍可居住此宮用昭燕翼著將此旨交上書房敬謹存記並載入宮史續編世世遵守○丙寅

東華續錄

嘉慶二十八年

三

諭向來宮中門禁屢經降旨嚴定章程而於西苑等處尙未申明定制因思瀛臺之西苑門福華門悅心殿之承光左門承光右門陟山門闕福寺之西角門舊例王公大臣等俱至此下馬進內即皇太子亦不得乘騎行走向俱敬謹遵循在王公大臣等恪守功令自不敢乘騎擅入惟恐伊等或因年老廢疾步履艱難藉端私行乘入此風斷不可開若果伊等難於行走不妨據實奏懇僅在門外伺候亦必俯准所請朕於著臣未嘗不曲加優恤而體制攸關斷不可稍踰尺寸至御用馬匹本應在街市騎試亦不得藉試馬為名擅騎出入儻經此次中禁後如有乘騎進內者著該班侍衛章京等攔阻若不遵即著稟知該管大臣指名參奏照違旨例治罪不貸將此通諭王公大臣等知之並著敕入宮史續編永遠遵行○周興岱卒以邵自昌為左都御史轉奏瀛為兵部左侍

郎以萬承風爲兵部右侍郎內閣○乙亥孫全謀以捕盜延玩奪職速問○戊寅以金應琦爲刑部右侍郎實授初彭齡山西巡撫○辛巳諭本日刑部呈進秋審黃冊因四川省有由情實擬改緩決絞犯王厚成一起另繕清單呈覽朕披閱之下其清單後尾竟將直隸省另案由情實改緩決之絞犯梁二小一起清單黏接錯誤當發交該堂官閱看茲據奏陳錯誤緣由請旨將堂司各官一併交部嚴議實屬各所應得朕日理萬幾至爲繁曠然於刑名事件無不加意詳慎即章牘稍多亦自始至終詳加披閱不遺一字該衙門專辦刑名於陳奏要件更當如何慎重况此件清單止有人犯一起篇葉不繁見在三扣之後所餘不過兩行如果略加緝閱其誤立見又何能呈至朕前皆由該堂官等未知敬事不過於定案之後付之司官書吏等草草繕寫校對漠不關心迨至接東華續錄 嘉慶二十八年 三

扣完畢伊等竟無一人覆加校閱者致有如此錯誤殊屬疏忽怠慢朕於尋常奏摺內開有一二字誤寫雖隨時指出更正迨諸臣奏請處分時往往寬免若此次關繫刑名事件其怠玩之咎又豈能曲爲寬恕耶除令該堂司官查明接扣錯誤之書吏自行責處革退外大學士董誥在內廷行走於本衙門奏章不及詳校其咎稍輕若加恩改爲交部議處此外刑部各堂官及承辦司官著交部分別嚴加議處○癸未諭本日召見刑部堂官金光梯朱理二人詢及前日所進四川省擬改緩決絞犯王厚成清單接扣外誤該堂官等因何未經看出據伊二人奏稱向來定案奏稟俱交司官等繕寫校對即行進呈各堂官從不覆看等語殊屬非是各衙門奏摺均係進呈披覽之件豈有各堂官全不寓目之理乃該堂官之意竟似一經定稟其校對正摺止係司官及書吏應辦之事

伊等分不當爲卽或遇有錯誤不過公同奏請處分迨交部懲處伊等亦恬不愧懼此豈敬事之道嗣後各衙門進呈之件均著該堂官等自行敬謹詳閱卽各堂官不能備閱亦應輸出二人檢閱無誤然後恭遞設將來進呈之後看出錯誤詢明堂官中無人閱看朕必從重懲處不稍寬貸○以吳芳培爲內閣學士由詹事選○甲申諭方維甸奏洋盜朱滙悔罪乞降單領夥眾三千餘人投出並將船隻礮械全數呈繳請旨辦理一摺朱滙一幫匪船爲海洋巨寇本年朱滙被官兵用礮擊斃伊弟朱滙接管賊船卽心懷悔懼亟思投首因候風停泊外洋今親身登岸率眾三千三百餘人全行投出並呈繳海船四十二隻銅鐵礮八百餘門其餘器械全數點收海洋盜賊其初本係內地良民或失業爲匪或被脅入夥日久自知罪重不能洵洗自投今朱滙真心悔懼率眾投誠與始東華續錄 嘉慶二十八年 三

終怙惡者不同朕仰體 上天好生之德念此三千餘眾悔罪求生加恩悉予全准其投首且洋面早一日除此巨寇免致爲害商民所全亦復不少著卽照該督所請查照舊例分別遣散回籍安插交地方官查傳鄉保親族人等嚴加管束並徧行曉諭伊等身犯重罪今准投首更生從此倍當安分如再犯法定行加倍治罪其情願隨同緝捕者經該督等挑出精壯一百五十餘人同頭目四十餘人著准其分派兵船隨同出洋緝捕所有派撥弁兵運送礮械以及雇用船隻各費准其於從前撥往臺灣備賞餘存銀三萬八千餘兩項內動支報部覈銷

十二月庚寅漕運總督馬慧裕以前在河東河道總督任內不能著水濟運致回空漕船凍阻降三品頂戴尋命來京以三品京堂補用○辛卯以許兆椿爲漕運總督錢楷爲廣西巡撫蔣繼勳爲

河南布政使陳觀為浙江按察使由福建○壬辰兩江總督阿林

保卒予祭葬諡敬敏○調松筠為兩江總督以那彥成為陝甘總

督由喀什噶爾○乙未諭朕恭閱 世宗憲皇帝實錄內載雍正

二年五月欽奉 諭旨朕惟漕運關係甚大經費本無不敷而運

丁恣行不法者皆由官弁剝削所致如開兌之時糧道發給錢糧

任意剋扣而僉丁之都司監兌之通判又多誅求及至啓行沿途

武弁借催糧為名百計需索又過淮盤查私貨徒滋擾累運丁力

不能支因而盜賣漕糧偷竊為匪嗣後各督撫不時查察如有仍

前需索等弊立即指參從重治罪庶運丁漸有起色保守身家懷

遵約束禁官吏之侵削即所以戢旗丁之刁悍等因欽此 聖訓

煌煌尋源探本可見當日漕運之弊與目前情形正同而所以整

飭而釐剔者數十年以後之措施早垂 成憲近日有漕省分諸

東華續錄 嘉慶二十八年 五月

督撫指陳漕弊無非稱旗丁等提溜打關等項費用繁多其所謂

設法調劑者無非多給兌費殊不知弊端之大費用之廣總由糧

道之剋扣於先弁員之需索於後至提溜打關等項未嘗不稍有

所費而丁力之不足實在此不在彼也旗丁等花費既多復隱有

自肥之計一遇交兌之際藉端訛索毫無忌憚甚且沿途盜賣米

石而州縣官既為旗丁所苦復藉旗丁為名當徵收之時多方浮

折其實在受累者惟花戶而已是則恤民之道全在恤丁而裁弊

之源必須裁費前經屢降諭旨將各衙門需索款項並糧道剋扣

舊習一切禁革淨盡仍交該督撫嚴查密訪若再有隱瞞前轍者

務當據實糾參從重治罪使旗丁刁悍之習不敢自除州縣苛斂

之風不禁自止漕運庶日有起色也懷之○丁酉諭那彥成著兼

兵部侍郎銜嗣後凡遇以二品頂帶授為總督者均著兼侍郎銜

俟加恩給予頭品頂帶吏部再行奏請兼兵部尚書銜著為例○

戊戌諭軍機大臣會同刑部審訊書吏王書常等私雕假印捏指

工程冒領庫銀一案見據擊獲各犯供辭查出假印文領計冒領

得贓已有八次之多閱之殊深憤懣近來部院衙門堂司各官於

一切奏牘文移不但不細心詳覈竟全不看視殊屬疲玩之至前

月刑部於進呈案由清單即有錯黏尾扣之事今內務府於偽造

工部假印文領屢次照文給發毫無覺察此在總管內務府大臣

各員怠玩不職均屬咎無可辭而蘇楞額阿明阿二人見係工部

堂官兩處交稟俱應閱看使於內務府給發銀款時思及工部衙

門並未具奏此件一加查覈何難立破其奸乃被欺多次若謂閱

看時前後俱未看出則是昏愒糊塗如竟未寓目更全不以公事

為重直同瞽目深負朕恩豈堪復勝部院之任蘇楞額阿明阿俱

東華續錄 嘉慶二十八年 五月

著即行革職仍交軍機大臣會同刑部議罪英和常福和世泰俱

著先行拔去花翎仍交部嚴加議處徵瑞本年三月甫經補放又

放差在外兩月情稍可原著交部議處其廣儲司銀庫司員等著

查明奏請治罪至工部堂官失察書吏鋪戶舞弊印由私雕與盜

用堂印者稍有不同所有工部堂官任事較久者著交部議處其

本年到部者著交部察議各部院大臣俱經朕簡用委任嗣後務

各殫心厥職剔弊釐奸振刷精神時以此案為戒朕一秉大公不

肯稍有瞻顧若再因循怠忽是自干咎戾惟執法重懲耳慎之○

辛丑諭軍機大臣會同刑部將書吏王書常等嚴加究鞠又訊出

該犯等於嘉慶十一年至本年九月止復先後朋謀偽造印文捏

款移咨戶部經戶部憑文辦札及交庫陸續冒領三庫銀兩物料

共計六次更堪駭異除嚴審定擬外並令將戶部堂官失察次數

開單呈覽大學士祿康失察共有六次伊總理度支於錢糧出納分應倍加詳慎何以漫不經心毫無覺察尚書德瑛失察亦係六次且札庫先行稟經伊畫諾者三此等文稟並非緊要事件何道不及待之有再前日召見據伊奏稱近日因目力不濟所有稟案曾令伊子代畫筆蹟開有互異並稱進署日多是以先行稟俱係伊閱畫但不察用項之緩急率畫先行此非勤職乃冒昧受人愚弄耳似此精神不能振作目力昏花豈復能勝尙書之任均應量予降補見在長麟久患目疾已閱半載未能克期痊愈著將協辦大學士開缺祿康著革去太子少保銜降補協辦大學士授爲戶部尙書德瑛著革去太子少保銜降補工部左侍郎俱仍交部嚴加議處戴衡亨失察四次趙東冲失察五次較祿康德瑛俱少况伊二人供職內廷不能常川到署著交部議處劉銀之失察四次

東華續錄 嘉慶二十八年 三

又未盡稟著交部議處曹振鏞失察一次托津失察二次英和失察二次桂芳失察一次均著交部察議其失察四次之蘇楞額前已鐫職無庸再交部議祿康所出大學士一缺著勒保補授仍留四川總督之任所有工部尙書員缺著秀林補授○癸卯特克慎以年老休致以王集爲左都御史_{由都}○乙巳成甯以巡撫山西時擾累州縣革職調初彭齡爲陝西巡撫以衡齡爲山西巡撫曾煥爲廣東布政使周季堂爲湖北按察使_{由江}○調陳桂生爲山西按察使積郎阿爲甘肅按察使○己酉諭初彭齡等奏晉省士民望幸情殷願請允舉巡幸一摺五臺爲晉省勝蹟其山近臨塞垣蒙古藩部歲時瞻禮絡繹借來從前 聖祖仁皇帝 高宗純皇帝屢次親臨卽藉以爲民祈福朕昔在瀋邸隨侍 高宗純皇帝巡幸各處惟五臺未曾登陟言念茲山靈泉奧區久留 聖

蹟今既該省士民同殷望幸自應俯如所請著於嘉慶十六年春三月朕恭謁 西陵後卽便道巡幸五臺所有一切應行事宜各該衙門照例敬謹豫備○庚戌諭吏部等衙門奏議處失察假印冒領庫款案內戶工二部及管理三庫各堂官二摺部院各衙門大臣位崇責重於經管事務分應盡心綜覈今蔡泳受王書常等私雕假印冒領庫款一案舞弊至十四次之多設於初起時各該管大員等有一二人精明詳察燭破其奸立時查拏懲辦則罹法者必不至如此之眾而承辦各職官亦不至屢譴多人乃相率因循竟無一人能除奸剔弊者經部臣分別嚴議其各至降革各員本應悉照部議但一時更易多員乏人簡補惟其中情節較重者亦不能不降黜數員以儆疲玩所有戶部各堂官內祿康前已降爲協辦大學士尙書其部議降二級調用著從寬改爲降三級留

東華續錄 嘉慶二十八年 天

任德瑛三次標置先行稟件伊雖常川到署人皆以其年老易於愚弄釀成重案其誤公之咎更甚於曠公前已降補工部侍郎伊精力已衰著卽以二品頂帶休致戴衡亨趙乘冲劉銀之部議各降一級調用俱著從寬改爲降二級留任工部各堂官內費滄係管理工部兼管三庫事務於偽印文領到庫時並不能憶及工部無此奏案其咎與英和常福相等且伊在工部最久失察次數亦最多前已拔去花翎退出工部今部議革任著革去官銜降爲侍郎萬承風見出學差兵部右侍郎一缺卽著費滄署理仍留兼管國子監事務曹振鏞成書蔣予蒲部議各降二級調用俱著改爲降三級留任陳希曾願德慶部議各降一級調用俱著改爲降二級留任其原擬降留罰俸各員均著照部議行大學士一缺吏部無庸進本候朕簡員補授工部左侍郎員缺著福慶補右侍郎

員缺著榮麟調補正紅旗漢軍副都統並著榮麟補授盛京戶部侍郎員缺著馬慧裕補授奉天府尹事務即著馬慧裕兼管此業甚奇朕所恨者不在書吏誑騙多次而在諸大臣及取司員之因循疲玩方今大弊無出此四字者若不各加儆省其患更百倍於此矣朕惟思艱國易以待諸臣之洗心滌慮助朕成一代令主亦無可再論矣將此旨通諭中外知之○諭禮部議覆董教增奏遠年世僕請分別開豁一摺所議尚未允協安徽省徽州甯國池州三府向有世僕名目查其典身賣身文契率稱遺失無存考其服役出戶年分亦俱無從指實特遇其有捐監應考等事則以分別良賤為辭疊行許控而被控之家戶族蕃衍又不肯悉甘污賤案牘繁滋互相仇恨允宜覈實持平以端風化前據董教增奏世僕惟以見在服役為斷見在服役者如主家放出三代後所生子東華續錄 嘉慶二十八年 三

孫方准捐考若事在前代即曾經葬田主之山佃田主之田而出戶已百餘年及數百年者一體開豁為良立論甚為允當今禮部議令自國初以後雖見在不與奴僕為婚並未報官存案者令地方官隨案查明以立案之日起限俟三代後所生子孫方准捐考恐紛紛查辦胥吏從中指勒轉滋流弊著仍照董教增所奏該處世僕名分統以見在是否服役為斷以示限制若年遠文契無可考據並非見在服役養養者雖經葬田主之山及佃田主之田著一體開豁為良以清流品○刑部奏嚴懲婢女革職擬徒前任編修汪庚呈請贖罪得旨汪庚鞭毆十歲婢女致斃情殊殘忍特以主僕名分罪止杖徒茲呈請贖罪若准令納贖則官員恣行酷暴者無所懲戒汪庚若不准其贖罪○癸丑論百齡等奏洋匪郭婆帶率同夥眾五千餘人擒獻張逆匪夥三百餘名呈繳船九十餘隻破四百餘位悔罪投誠一摺粵洋各股盜匪惟郭婆帶與張保仔兩股船數最多滋事已久今郭婆帶心存畏懼蓄意投誠張逆屢次邀令幫助俱不赴援兼與張逆併力開戰見據摺內奏稱轉據歸善縣稟報郭婆帶竟將張逆夥黨殺斃不計其數擒獲三百餘名奪獲張逆匪船十一隻率其夥眾五千餘人大小船七十餘隻大小破四百餘位一併收入平海內港赴官呈繳投誠等語前此閩省奏到朱渥幫船投首一事止將船隻破位呈繳未能擒殺盜夥今郭婆帶將張逆幫夥大加擒斬奪獲多船到官呈繳其真實投首之意尤為確然無疑此時百齡親往查辦著即准其投首並加恩將郭婆帶即郭學顯賞給把總令其隨同捕盜如伊能將張保仔擒斬尙富格外施恩又盜首東海幫幫夥陳勝等四百餘人見已帶領船隻破械一同投首所有郭婆帶等呈繳破位船隻均著留充官用廣東捕務廢弛已久洋匪劫掠橫行毫無忌憚自百齡到任之後認真整頓嚴斷接濟簡練舟師用能壁壘一新俾賊眾膽寒見在郭婆帶及東海幫幫夥投誠並督飭舟師及地方官兩次追剿轟斃賊船大小頭目二十餘名殲賊六百餘名並擊斃賊首鄭一嫂之姪生擒盜夥七名燒毀盜船八隻擊壞盜船十四隻官兵兵丁人人效命大挫賊鋒事機順利此外內河積年兇盜向來為害商民者亦經督飭地方官擒拏分別審辦本日摺內即有一百二十餘名可見其辦理認真無少疏懈實為出力可嘉百齡著加恩賞戴花翎以示獎勵該督惟當倍加奮勉將此時撫勦事宜分別妥辦以靖海洋茂承恩香至孫全謀前因其在赤滌角勦賊鬆勁號令不嚴致賊逃遁降旨革職尋問治罪解交刑部用嚴師律今該督摺內稱孫全謀自知悔恨此二次裁勦逆匪身

先將士因能斃賊毀船經該督查詢確實並無虛捏自可稍贖前愆孫全謀著加恩免其鞫留於廣東效力贖罪如能倍加愧奮則將來尙可施恩儘再畏愆如前當卽嚴參加倍治罪並著百齡隨時察覈據實具奏其督遊擊之守備黃振烈署守備之千總蔡振華因焚攻賊船火勢猛烈以致延燒坐船同時陣亡殊可嘉憫著加恩咨部賜卹○是歲朝鮮琉球越南暹羅南掌來貢○會計天下民穀數各省通共大小男婦三萬五千二百九十萬二十四名口各省通共存倉米穀三千三百五十二萬八千八百五十三石六升八合九勺

東華續錄

嘉慶二十八年

聖

東華續錄

嘉慶二十九年

臣王先謙

臣周澐

嘉慶十五年庚午春正月丙辰朔以瑞雪時晴予在京文武官員加級紀錄有差○丙寅諭本日據祿康奏懇將失察書吏冒領庫項降革司員槩予捐復此不可行該員等甫經部議若遽令捐復原官非惟不足示懲抑且迹涉言利有此政體乎但向來內務府降調人員仍留本衙門補用此案戶工二部司員同時降調者甚多伊等獲咎尙屬因公除革職治罪各員無庸議外其降調各員著加恩比照內務府之例准其各留本部行走以所降之級遇有相當缺出酌量奏補○己巳諭向來分部行走人員三年期滿例應由各該堂官秉公考察分別去留原爲覈實程材之道經朕節次降旨諄諄訓飭乃近日各部院堂官於學習人員報滿時往往以該員等行走已歷三年一經激汰未免缺望遂爾槩行保留藉以沽名釣譽殊不思各部院大臣經理政務自應綜覈名實以公事爲重各司員有分理庶事之責總當視其人之才具能否勝任不可曲徇人情多爲遷就且該員等甄別改用之後亦尙有官可補不至終於廢棄又何所用其瞻顧耶嗣後各該堂官務於行走人員隨時留心察看報滿時將應去應留秉公覈實甄別毋涉冒濫以副朕激勸官方至意○庚午諭軍機大臣等百齡奏派員出關傳詢南掌國酋長召溫猛出奔遷徙情形一摺據稱召溫猛異情無能不克蒙承錫命不卽聲罪已足示矜恤亡酋今流寓夷邦止可聽其去住等語所見甚是召溫猛前於乾隆五十九年請封時已在播遷之際迨祇受敕印後又未能返其國都力圖恢復止

在外潛匿流徙越南國境且於召蛇榮設謀害時倉卒逃遁竟致遺棄敕印似此懦弱不振豈能復掌國事伊既與阮福映有舊自應聽其在越南國居住著百齡傳諭阮福映以召溫猛既受錫封不克自立展轉播遷棄天朝敕印本有應得之罪姑念其流離失所不加聲責但內地不應收留應聽越南國自為安置至所稱南掌國於嘉慶五年十年進貢係何人偽託請交慎省督臣查覆一節該國虔修職貢有年並無得罪天朝之處此時亦不可不必逐細追究也○辛未刑部侍郎金應琦以巡撫山西時失察屬員貪劣降三品京堂○乙亥增廣東廣州駐防漢軍養育兵一千一百餘名○以兵部尚書劉權之協辦大學士○以德泰為廣西按察使由員外郎選○丁丑調秦瀛為刑部右侍郎轉萬承風為兵部左侍郎以賈滄為兵部右侍郎○庚辰命勒保為武英殿大學士○東華續錄 嘉慶二十九年

辛巳諭刑部等衙門奏審擬王府太監李來喜串通書吏韓振邦捏造匿名揭帖訛詐本府親王一案近日諸王咸知謹守法度不敢驕縱妄為莊親王縣課人亦謹飭此案太監李來喜係其本府家奴膽敢因貪起意憑空捏造姦私重情句結外人向本府親王誑索賈屬刁惡異常且據供縣課素日並無將伊磨折酷虐情事而該犯任情反噬干名犯義莫此為甚國家紀綱嚴肅如王等實有違禁亂法欺蹟經大臣科道糾參自必按法懲治若以奴告主名分攸關律嚴犯上從前乾隆年間縣德與秦雄稟結交經太監王忠卿匿名許告訊問屬實 皇考高宗純皇帝將縣德治罪仍將王忠卿按律絞決今李來喜造言污讒縣課各款審係全虛情罪尤重李來喜著即處絞派刑部侍郎朱理前往監視先將該犯於法場重責二十板再行正法並著親郡王等各將本府太監內

擇素不馴良者一二人遣往環觀俾知儆懼至韓振邦見充都察院衙門書吏平日與王府太監交往已屬不安本分茲復敢朋謀句結編造匿名揭帖誣詐王府訛索親王不法已極近來部院各衙門書吏目無法紀作奸犯科肆無忌憚上年甫經辦理王書常等冒領庫款一案乃為時未久又有此奸胥圖詐之事可見伊等刁猾性成昏不畏法不可不嚴辦示懲原擬韓振邦著即照投隱匿姓名文書告言人罪絞監候律絞監候秋後處決餘依議○甲申諭軍機大臣等前因江南吏治民風積習因循必須大加整頓松筠居心公正辦事認真是以特由陝甘簡調前往該督管理三省事務殷繁一切察吏安民整頓營伍以及漕河鹽關等事無一不歸統轄則無一不應經理河工特係所管一事以職任而論則總河係屬專辦總督止係兼管以見在情形而言則吳璣徐端經東華續錄 嘉慶二十九年

理河務有年尚無把握松筠焉能如伊等之熟練詎可師心自用乎松筠惟當於河督呼應不靈之處協力幫助俾免掣肘設其辦理不妥則隨時查察剴切至於應辦事宜惟有與之和衷商榷廣咨博採期於相與有成今松筠甫入江境未經履勘河工即有前日引沁入衛之奏朕披閱時即覺其事有格礙因其既有此議姑發河東總督等詳悉議奏本日閱陳鳳翔覆奏之摺詳查舊案敘述形勢甚為明晰從前康熙六十年及乾隆元年均會有此議俱經彼時熟習河工之大員勸明停止且彼時亦僅欲引沁入衛若依松筠所奏是又欲於入衛之後引之自北而南以圖濟運此無論沁水挾沙帶泥慮致淤墊並沁隄衝決之後有礙各處田廬且以地勢而言又豈能強令南趨非但多糜帑金亦斷無此辦法松筠或係誤聽人言不加詳察率爾陳奏所見甚左此特南河正當

哭緊之時設松筠到彼均如此誤出主見而吳璣等見伊係特簡
調任之人亦即讓其主持觀望推諉一有貽誤則松筠之獲戾甚
重彼時即加以懲治於公事又奚益乎松筠前奏冒昧著傳旨申
飭嗣後河工事務自當由河督專政伊隨時悉心商酌妥協共濟
期於經理有益將此各傳諭知之

二月己丑 上御經筵○諭向例臨御經筵升殿及宣講後講官

同侍班各官均於文華殿丹墀內行二跪六叩禮丹墀中亘甬道
兩旁行禮之處殿內不能俯囑嗣後著改於丹墀上分左右行禮

○辛卯諭三載考績為朝廷激揚大興每屆京察之期擇其勤奮
供職者施恩予以甄敘各大臣三年中偶有小過原可置之不論
而其疏忽尤甚者亦不可不加以儆惕本年京察吏部開列在京
各部院大臣各省督撫名單請旨甄別朕詳加酌覈所有上屆京

東華續錄

嘉慶二十九年

四

察會經議敘之大學士軍機大臣等所管三庫及戶工等衙門於
書吏王書常等假冒領庫銀物料一案全無覺察非尋常玩忽
可比慶桂董誥戴衢亨托津均著無庸議敘其各部院大臣亦多
係獲咎加恩原宥之人並著無庸議敘內除長麟一員患病日久
已另降諭旨開缺外餘俱著照舊供職至兵部尚書明亮舊有勞
績此三年內伊所管兵部並無失察滋弊之處今在京各大員均
未議敘亦不必將伊一人特予甄敘伊曾經三次得過雙眼花翎
俱因事拔去念其數年無過仍著加恩賞戴雙眼花翎以示眷注
大學士四川總督勒保久任封圻辦事鎮靜兩廣總督百齡辦理
洋匪勤撫得宜日有起色福建巡撫張師誠於海洋嚴斷接濟實
心經理均著加恩交部議敘餘俱著照舊供職○諭長麟上年夏
間感患目疾請假調理自朕啓蹕至熱河回鑾尚未就痊供職節

經降旨給假調養迨至冬間又經格外賞假兩月扣至本年二月
初三日即已假滿近日詢問伊兄長坊尚稱長麟體人已見充足
初四五日便可生光屆期仍未見效朕於長麟目疾展轉實假業
經半載有餘原係體恤大臣恩意然在長麟自應以職任為重陳
請開缺乃日久遷延支飾殊乖大臣以誠事君之道即如本日博
輿以患病兩旬恐誤職守奏請解任調理朕方加之憐憫不肯遽
令開缺刑部事務較繁更非理藩院可比伊二人一則念切急公
一則意存戀職顯而易見長麟即著開缺在家靜養如果目疾一
切復元朕必賞給差使所有刑部尚書員缺著瑚圖禮調補其吏
部尚書員缺著秀林調補所遺工部尚書員缺著托津補授托津
未到京以前其工部尚書事務仍著秀林兼署○轉英和為戶部
左侍郎調桂芳為戶部右侍郎榮麟為吏部右侍郎馬慧裕為工

東華續錄

嘉慶二十九年

五

部右侍郎以貴慶為盛京戶部侍郎由內閣○甲午以趙宜喜為
河南按察使由江蘇常鎮○丙申命大學士勒保來京供職以常
明為四川總督調同興為湖北巡撫賞孫玉庭三品頂帶為雲南
巡撫由翰林院○戊戌諭近來升擢各員均於謝恩召對後方換
新銜頂帶因恩履員內有本無頂帶見在加恩錄用者若於謝恩
召對時不用頂帶進內行走殊於體制未協嗣後如無頂帶之履
員經朕擢用著即用新銜頂帶赴宮門謝恩備選朕赴園進宮及
傳膳辦事之日俱於道旁擡頭後再用頂帶豫備召對著為令○
乙巳諭向來 壇 廟大典其陪祀及執事之王公文武大員於
乾隆年間奏明因執事乏人穿孝百日後照常供奉祭祀見在兼
光祿寺之成書又因三年服制未滿不恭捧福昨若以將事道近

有所區別而唱贊福胙皆屬切近差使何以即有參差若以太常寺嬾習禮儀之人較少而色克精額昨在家穿孝恭值祀典並未見讀祝之員至會典開載官員有服制者俱不齋戒陪祀而御前乾清門大臣侍衛等並不上壇仍行禮從若應在家守制而率意當差者即為越禮若本應當差而在家不出者即為偷安種種歧異殊於體制未協著大學士會同禮部悉心妥議章程具奏尋議奏定制旗員子為父母承重孫為祖父母皆在家持服二十七箇月凡穿朝服等處停其行走今在壇在廟無不朝服將事視朝會宴饗禮數有加若二十七箇月內即令其執事行走實與定制未符又文武各官有期以下服皆不與不獨三年之服為然嗣後太常寺有服人員應行回避之處請與各衙門畫一辦理惟期服人員未便與陪祀官一例請改為兩月不與祭其大功以下東華續錄 嘉慶二十九年

仍照舊例得旨此後恭遇郊廟大典即不上壇入殿之員其持服未滿二十七月者亦一體不穿朝服毋庸履從前往止穿蟒袍補服送迎餘依議○丁未以多福為內閣學士由副都統遷○己酉諭本日朕恭閱世宗憲皇帝實錄內載雍正五年二月二十三日諭旨敬覽聖祖仁皇帝實錄內康熙五十一年奉旨山東民人出口種地者多至十萬有餘伊等皆朕黎民既到口外種地生理若不容留令伊等何往但不互相對閱查明將來俱為蒙古矣嗣後山東民人有到口外種地者該撫查明年貌籍貫造冊移送稽查由口外回山東去者亦查明造冊移送該撫覆閱稽查等因此事今尚行否其直隸山西民人有往口外種地者亦照此例行否著大學士等查奏等因欽此嗣經延臣查奏以口外種地民人於雍正元年二年三年陸續設古北口張家口歸化城

三同知管理但地方遼闊各該同知所轄恐有遺漏應令直隸山西督撫查明酌量分交管理並飭三路同知各按所管地方將寄居民人與種地民人查明姓名籍貫造冊咨查各本籍仍令各省州縣將所有出口種地民人記檔以備日後查對嗣後再有出口種地之人俱著該同知一面安插一面移咨本籍查無過犯逃遁等情准其居住耕種年終造冊報部等語當蒙允准施行因思口外各蒙古部落種地民人在聖祖仁皇帝世宗憲皇帝時已因其人數繁多屢經降旨設官管理立法稽查迄今又將及百年內地民人生齒日繁出口謀生者益復加增即原先出口之人亦復滋息日多其自雍正年間添設同知以後見又增設官若干員各寄居種地民人見在作何稽查遇有民人出口者各該地方是否記檔該口外官員等是否將有無過犯等情咨查本籍再行安插年終是否造冊報部著該部查明覆奏戶部奏查古北口張家口歸化城自雍正年間設立三同知管理以後歸化城種地民人由該同知通判各按所管地界照編造保甲之例每年將舊存新到及回籍病故人數各若干註明係何州縣民人造冊咨送臣部查覈除嘉慶十四年人數尚未造報外計十三年分實在民人四千九百餘名古北口以外灤平豐甯二縣向係土著民人按冊輸糧熱河迤北一帶係蒙古外藩游牧處所自乾隆四十二年改設州縣以後民人集聚漸多山廠平原盡行開墾均向蒙古輸租有家資稍裕搬移眷屬者亦有偶值歉收投親覓食者張家口地方偏僻關外東西兩溝雖有山坡墾種地畝無多數十里外即係游牧草地並無可開墾亦無村落商販往來俱由都統衙門給與照票其餘隻身出入民人亦俱取具關內鋪戶保狀方准放

行此山西撫臣造報臣部各關口造報兵部查覈之原委也至古北口張家口外寄居種地民人見在作何稽查未據咨報口外官員等是否將有無過犯等情咨查原籍再行安插之處歸化城並古北張家二口外均未咨報應請旨敕交直隸總督山西巡撫查明妥爲安置按年造冊報部查覈從之○庚戌諭前據山東河東道劉大觀參奏初彭齡在山西巡撫任內任性乖張各款特派天津穆克登額前往查辦並令初彭齡回至山西聽候質詢茲據天津等按款確查分別虛實各取親供進呈請將初彭齡交部嚴加議處劉大觀交部議處並其餘案犯一併定擬具奏朕詳加酌覈尙有未盡平允者上年金應琦患病請假派令初彭齡前往署理山西巡撫伊陞辭時朕並未降旨令其密查金應琦任內有何款蹟乃伊到晉之後遇事搜求動形白簡計前後數月所參司道府縣等官爲數實屬不少其中固有實在應參者而其偏執已見任情憎惡率行剝參者亦正不免今閱托津等查奏各款其最甚者如金應琦查看號簿卽行噴斥一款試思金應琦不過暫時患病之員並非解任去官不應妄行干與者可比伊查看號簿正係留心公事初彭齡自應將應辦之事與之商榷方爲和衷集益何至遽加憎惡甚至向司道前指斥其非是其居心實屬褻瀆至於試用知縣陶榮淦之死固緣賊私敗露畏罪輕生而該員身係職官何得隱而不奏此一節亦屬疏漏且既知朱錫屏辦事不妥已向司道告知並不卽時參辦不免有瞻徇情事初彭齡著照托津等所奏交部嚴加議處仍令陝西本任聽候部議俟議上時再降諭旨至河東道劉大觀參奏初彭齡各款其最重者如稱初彭齡剛減諭旨一事如果屬實則初彭齡之罪甚大見在查明初彭齡

東華續錄 嘉慶二一九

上年奏請將伊門生徐承慶升補汾州府時於接奉申飭諭旨後當經給署藩司劉大觀臬司積則阿公同閱看不過行司札內未經鈔黏止於遺漏實無刪減諭旨情事又所稱陶榮淦之死因初彭齡偏聽朱錫屏之言撤回省城欲行參革旋至自縊一節如果屬實案關重大今查明陶榮淦委係畏罪自盡是所告重事均屬不實又如所參平定州徐承慶虧空一事見據劉大觀自稱前次得自風聞此時會同盤查方知不實等語伊以本省之官言本省之事何得隨意入奏謾之風聞乎劉大觀於初彭齡分居俾屬當初彭齡在山西時既覺其辦事乖謬卽當隨時勸阻乃不面加匡正轉一一默誌其短待其去任之後加以參劾此非因初彭齡有將伊劾奏之處借此報復卽係晉省怨恨初彭齡之人紛紛向其從惡伊遂不顧虛實冒昧臆參此等攻訐上官之風亦不可長托東華續錄 嘉慶二一九 九

津等僅請將該員交部議處所議尙輕劉大觀亦著交部嚴加議處卽來京候旨餘著該部議奏尋議上得旨初彭齡著加恩以四品京堂補用就近侍養其親劉大觀著照部議革職○王子詢軍機大臣等治河所以利漕東南數省漕糧上供天庾是必運道通暢方能源源轉輸近年河工做壞而漕運亦日見阻滯推原其故其始因河湖多故此衝彼漫逐處淤墊以致運道節節梗阻有礙船行繼又因漕務緊要不能須臾停待每值回空重運相繼而行催趲不遑更無修防之暇引黃濟運爲害滋深故無一日不言治河亦無一年不虞誤運欲求兩治轉致兩妨殊爲慮慮從前康熙年間會因辦理河工停運數次始能經理獲效然彼時京通各倉儲積充裕足備敷載之需非如今日下情形每年僅敷支放可比揆之事勢欲做照辦理蓋有所難但先事之慮豈可漫無籌畫前吳

墩會有由清江陸轉之議而費重事繁礙難經理溯查元明時本有海運之法後因積久弊生遂議停止然其始轉輸利賴未嘗不有裨國計此時亦並非輕言改易惟未雨綢繆不得不作萬一之想設竟須計出於此若不先為試辦豈可冒昧徑行聞江浙各海口本有商船赴關東一帶販運糧石者每年絡繹不絕其船隻習於風濤熟於沙線該二省均有出海之路著松筠章煦蔣攸銛體察情形或將本年漕米就近酌交商船運帶若干先為試行以觀成效不妨使商船略需微利俾各踴躍承辦一面仍催趨重運北來總期於運務有備無患是否可行該督撫即熟籌妥議據實具奏

三月丙辰諭慶桂等奏據廣甯門巡役人等盤獲楊姓身藏鴉片煙六盒請交刑部審辦一摺鴉片煙性最酷烈食此者能驟長精神恣其所欲久之遂致戕賊軀命大為風俗人心之害本干例禁該犯楊姓膽敢攜帶進城實屬藐法著即交刑部嚴審辦理惟此項煙斤近聞購食者頗多奸商牟利販賣接踵而來崇文門專理稅務僅於所屬口岸地方稽察恐尙未能周到仍著步軍統領五城御史於各門禁嚴密訪查一有緝獲即當按律懲治並將其煙物毀棄至閩粵出產之地並著該督撫關差查禁斷其來源毋得視為具文任其偷漏○調董教增為陝西巡撫以廣厚為安徽巡撫穆克登布為浙江布政使靈保為江蘇按察使由湖南岳常道遷○辛酉博輿以疾免以佛爾卿額為理藩院尚書由都統遷○癸亥 上親耕藉田○甲子 上啓鑾謁 東陵○免經過地方額賦十分之三○己巳 上謁 昭西陵 孝陵 孝東陵 景陵 裕陵回

變○丁丑諭軍機大臣等百齡等奏粵洋巨盜張保仔香山二等畏罪乞降先令鄭一蛟即鄭石氏來省繼將各家口送省一併安置見據稟報幫船二百七八十號夥黨一萬五六千人全赴香山縣之芙蓉沙海口聽候收驗投誠並百齡親往查辦緣由一摺洋盜本係內地民人不過因餬口缺乏無計謀生遂相率下洋往來掠食伊等愚蠢無知但知趁此營生亦不干犯王法歲月既久愈聚愈多甚至不服捕拏冒死抗拒自百齡到粵以後遵旨斷其接濟水米火藥無從出洋而又圍聚鄉勇整飭兵威認真防範該匪等遂不能上岸掠食見在越南又不能銷賊生計窘迫半年以來各股盜匪皆紛紛棄械投誠而見在張保仔等大股賊匪亦率其夥黨前來乞降在伊等來降之意仍不過為謀食起見並非真知大義自悔前愆但見在既將船隻器械悉數呈繳聽候點驗並將其家口人等先行送省登岸看其情節尙無虛偽若必拒而不許轉致生反側之心亦非甯謐海洋之道且人數既眾亦不忍槩予誅誅但其頭目夥黨有二萬餘人之多安置實屬不易既不應接口給糧又無給產養贍之理伊等為求食而來若無從得食勢必仍去而為匪况前此節次投首之眾已有數千而此後投誠之人尙恐不止於此必須妥為籌畫俱令口食有資不再滋事設遇有滋事者官能擒拏辦理不至棘手方為萬全無弊見在百齡等稱設法安插無稍疏虞伊等究竟如何設法之處即悉心經理據實奏聞至摺內稱張保仔等請留船二三十號下洋緝捕一節伊等投誠之後情願隨同官兵出洋自效未為不可但須散而不聚將伊等分派各船交與妥幹將領留心鈐束使其人少勢孤不相聯絡方為妥協若竟准其自帶多船別為一隊不但將來立功之後礙難驟加顯職且恐伊等因無人管束又復恣行不法劫掠商民

並藉稱奉官派往則查辦尤難此節亦關緊要百齡等務當布置周妥使之遵奉約束幫助官兵如果認真出力不妨量加獎勵若為賊所害即可無庸置議也○戊子 上幸南苑行圍○庚辰增福建福州駐防滿洲養育兵一百六十名○癸未 上還京師夏四月丙申諭豐紳殷德前於嘉慶四年賞給公爵在散秩大臣上行走嗣因被已革長史李福控告革去公爵賞以頭等侍衛補放副都統尚能勤慎供職復賞給伯爵近年來於一切差使俱能小心無誤見在抱病未痊著加恩賞給公爵銜用示眷念○丁酉 上閱健銳營兵○庚子諭口外沿邊地方自康熙年間已有內地民人在彼耕種居住百餘年來流寓漸多生齒益眾雍正元年以後節次添設官員見在吉林盛京直隸山西口外毗連一帶共設有一府一州五縣十二廳此內各廳有隸吉林將軍統轄者東華續錄 嘉慶二十九 十三

東華續錄 嘉慶二一九

克等諭以 皇上軫念蒙古久遠生計慮及開墾益多有妨遊牧嗣後各部落內除先經開墾地畝外不准再有私招民人開墾之事見在該處聚集民人既有十萬八千六百餘戶應責成理事司員州縣等嚴查勿令再添外來流民庶可杜蒙古地畝逐日增墾其窮苦者得以孳息牧產流寓民人安居耕種該扎薩克等亦長得租銀津貼辦公一切均有裨益從之○諭軍機大臣等張師誠奏洋盜悔罪投首分別辦理一摺洋盜沈帶悔罪投誠並將船隻破械呈繳尚非怙惡不悛可以寬其一綫所有沈帶等首夥二百一十名著加恩均免其治罪即照該撫所請酌留三十名出洋配緝餘俱妥為安插又據另摺奏聞洋近日雖無大幫匪船其小仁及鳳尾等幫尚有餘匪目前勦捕更比從前緊要等語所見甚是此等零匪雖非大幫可比然不早為撲滅則日久勾結又致漸成大幫必須悉數殲除不可因投誠者多稍為鬆勁近日廣東盜夥投誠者竟至有數萬人未免存招致之見殊為懸慮此等海洋劇盜人數既眾心各不齊安能保其不再滋事是此時該省餘匪竟當悉力勦捕方為正辦張師誠即一面札會督臣一面嚴飭各鎮將分投勦捕期於辦理淨盡儘領將等泄泄從事即嚴行參辦俾知儆戒○遣侍郎英和帶領侍衛十員往奠故固倫額駙豐紳殷德茶酒賞銀五千兩治喪照公爵銜賜卹○辛丑諭軍機大臣等百齡等奏盜首張保率眾投誠一摺張保懇乞內投出於真情見據該督等准其投首止可如此辦理惟張保請賞留船隻隨同舟師緝捕一節此斷不可行該降匪等果欲立功報效應俟首繳船械後將伊等另配兵船派赴前敵既資其力又可藉以鈐制如有傷亡加以卹賞其奮勇當先殲擒多盜者予以官職用示鼓勵方

六三

為正辦若聽伊等管帶原船自成一隊不特洋面遼闊難以約束
即使伊等實心報效屢有擒斬是專賴降匪之力用之緝捕官兵
竟成虛設豈不為其輕視傷再生反側官兵亦不肯出力尙復成
何政體且人數眾多安能保其悔罪之心盡皆如一設日久衣食
無資又復出而為匪此實必有之事必然之理總須妥為安插使
其各圖生計安分守法不至再生事端為要○己酉召李銘來京
以齊布森為廣西布政使由戶部主事遷○乙卯 皇后行躬桑禮

五月戊午諭前因給事中胡大成參奏川省匿名指訐督藩款蹟
一摺派令托津等前往查辦據稱訪查蜀都賦及對聯起於十四
年正二月間勒保會經巡捕官拾取聯句稟知因查詢無據旋即
寢息朕以此事勒保既早知覺因何不行奏聞當降旨令其明白
覆奏茲據稱蜀都賦實無所聞賦內所云何事亦無從懸揣其拾
取聯句所指係資打生員彭述軒及細縛知縣王應辰二事勒保
因俱參辦有案是以未奏迨來京祝嘏又以事屬已往不敢上瀆
宸聰等語勒保身任封圻既知匿名聯對所言款蹟於己有涉自
應奏明查拏嚴究方為正辦乃隱忍不言已屬咎無可辭迨降旨
詢問勒保惟稱萬分悚懼愧汗交流並不自請議處勒保豈竟以
此二事不應陳奏耶此案匿名控訐編寫賦聯見交托津等確切
訪查將來無論虛實勒保已先有應奏不奏之咎著交部議處○

東華續錄 嘉慶二十九年 十四

壬戌諭軍機大臣等溫承惠奏直隸河澗淤墊情形一摺畿輔水
利關係民生必須盡心講求通盤籌辦今唐河等河七十二川之
水向之由西淀入東淀分三股下注者近年自趙北口十二連橋
以外已多淤墊又北股中股悉皆淤塞僅存南股一線單渠以洩
上游諸大川之水其勢自難容納而東淀下游至楊家河一帶二

百餘里又復節節淤淺以致上游往往潰決附近各州縣村莊地
畝處處被淹小民種藝無成逃荒失業每年議蠲賑補救不遑
而各處大道通衢亦常被水淹漫以致車馬不便有礙經行殊非
體制溫承惠摺內稱計需數百萬金一時礙難請撥且南河大工
尙在未竣應俟經費充裕再行辦理今先委員將趙北口以下淤
沙擇其至要之處相機疏導並勸用民力辦理等語所見尙與國
家經費有常原不可以濫用然關係生民要務則雖多不容吝惜
若如溫承惠之意必俟南河一切工竣始行興辦則南河工程甚
多難以剋期辦竣豈有因此而令畿輔要工日久延誤之理至於
民力有限勢必不敷徒滋科派之累此事竟當通籌全局發帑興
辦以籌水利而衛民生因思天津鹽務加價一項本為南河辦工
而設今即移以辦直隸河工同係正用此外尙有天津關稅一項
著溫承惠即與嵩年會查此兩項每年應解戶部內務府者共有
若干直隸籌辦水利通計實需銀兩若干幾年可敷辦竣著覈算
明晰據實奏聞候朕降旨施行○癸亥諭本日吏部奏議處勒保
照例應行降三級調用無級可降請旨革任一摺勒保仰蒙 皇
考高宗純皇帝簡任有年從前會因辦事獲譴仍蒙 聖恩錄用
游陟封圻辦理軍務因勦捕神苗出力封授侯爵嗣後派令勦辦
邪匪據奏生擒賊首王三槐晉封公爵 鴻施優渥寵越尋常迨
朕親政之後特授以經略重任勒保辦事遲誤且聞王三槐本係
自行投出當經革職述問其獲罪甚重非尋常過失可比朕念其
熟悉川省情形棄瑕錄不數年開仍擢至四川總督游錫崇封
當大功戡定之辰晉爵一等伯上年冬間有大學士缺出因念頻
年川省地方甯輯特將勒保格外加恩未經協辦即補放大學士

東華續錄 嘉慶二十九年 十五

壬戌諭軍機大臣等溫承惠奏直隸河澗淤墊情形一摺畿輔水
利關係民生必須盡心講求通盤籌辦今唐河等河七十二川之
水向之由西淀入東淀分三股下注者近年自趙北口十二連橋
以外已多淤墊又北股中股悉皆淤塞僅存南股一線單渠以洩
上游諸大川之水其勢自難容納而東淀下游至楊家河一帶二

勒保身沐 先朝恩澤又疊次受朕厚恩宜何如實心圖報纖悉無隱乃本年給事中胡大成參奏川省有匿名指計之案朕派令托津等前往查辦據奏勒保在蜀之時即曾經伊巡捕官拾獲聯對向伊告知伊查詢無據寢息不辦等語此係伊干涉本身之事被人指摘即使查辦無獲亦應據實奏明乃勒保當時既不具奏及至上年祝嘏到京經朕召對多次亦從無一字提及迨此時降旨垂問勒保無論事之虛實其前次不行陳奏之罪總無可解免一經接奉諭旨甯不常據誠後奏自請處分乃伊前日奏覆之摺止於摺尾鋪敘悚懼愧汗數言並不自請議處是竟毫無待罪之意亦太不知朕恩矣此事除俟托津等查明虛實再行覈辦外勒保此時豈尙可覲任給雇著革去大學士念伊究有軍功暫降補工部尙書以觀後效祿康曾任大學士加太子少保銜上年因三庫有冒領銀物一案將伊降調但究係失察公過著加恩仍復還東閣大學士太子少保銜著管理吏部事務慶桂著管理戶部事務明亮著以兵部尙書協辦大學士其祿康所遺戶部尙書員缺著托津調補托津未回京以前著瑚圖禮暫行兼署因思漢大學士一缺亦應補放戴衢亨即著加恩補授大學士兼理工部事務仍掌翰林院事務上年亦係因三庫冒領銀物案內失察降調所有工部尙書員缺著加恩即將費瀆補授至勒保未到京以前所有工部滿洲尙書事務仍著秀林兼署○以宋銘爲兵部右侍郎由順天府○乙丑諭軍機大臣等本日據吳璥奏漕運關繫至要河口通塞靡常酌擬剝運江廣各幫俾免誤漕兼利河務所奏不爲無見河漕本相輔而行而經權須相濟而理所有試辦海運一節既屬格礙難行而欲求河漕兩治之道總不免於兩妨似此

年復一年無日不籌治河亦無時不虞誤運正不可不隨時酌劑量爲變通江浙各幫於春夏之交趕緊渡黃尙可無虞淤阻江廣船身笨重最爲滯累該三省漕船共計十九幫若徑用剝船分截則全漕抵通較易而江浙回空得免江廣阻壓之虞自可週年起早一交大汛如黃高於淮即堵閉製黃壩使清水由運河暢注而黃水亦全力東趨以黃刷黃以清刷運皆可日漸深通如此權宜籌辦或於漕運河防兩有神益至計需剝船二千隻所需銀一百萬亦尙易於集事一俟河道順暢即將此項剝船分交北河之天津楊村東河之臨清汶上南河之邵宿等以備剝淺之用亦不爲無濟其應如何籌辦之處著江南湖廣江西各督撫會同漕運總督妥議具奏○庚午諭大學士慶桂等奏會議江南總河吳璥等通籌南河全局請次第修復舊規一摺朕詳加披閱內如惠濟閘應行拆修王營減壩應行修復二款惠濟閘爲湖水入運關鍵王營減壩爲洩黃減漲要工原係必應趕修之款節年議定辦理總緣南河要工過多日不暇給以致展轉稽延河患愈甚此時實不可再遲著該河督等即行趕辦一切照所議辦理此外請於大汛期內趨堵禦黃壩一款該督等係爲暫救倒瀾起見頻年河患由於例灌以爲濟運之資遂致弊不能除而計無所出今該督等奏請堵壩遏黃此於倒灌之弊誠可稍減而漕船未經過壩又將如何飛輓且重運回空源源來去即暫時堵閉於河務大局又有何益前日據吳璥奏請將江廣各幫在清江一帶過壩剝運已交江南江西河南山東各督撫及漕運總督會同妥議本日南漕御史程國仁所請亦大略相同各督撫等均受重恩地方河漕原應無分彼此相助爲理今河漕既勢難並治其應如何及早籌畫俾漕

運不至淺阻河工得以措手而無妨礙之處速行設法辦理勿借
 特借黃濟運暫時堵閉為良策也至於修復毛城鋪石壩一款毛
 城鋪壩基近日寬至五十丈已非新制舊制節次啓放屢有漫口
 吸溜之事兼恐經由入湖之路日漸停淤非當日情形可比儻一
 經壅塞潰漫則下游受害必多是以前經查勘未行今該督等謂
 非此不能減洩盛漲且有此更可助益湖水並以從前係因冬春
 水弱時啓放以致正河停淤今遵舊制止於盛漲時酌量啓放自
 可有益無損等語事關河工救弊之策不厭周詳究竟該督等是
 否能必其啓放後不致旋生他患如果確有把握再行詳細具奏
 候旨辦理又高堰碎石坦坡一事前此屢經議辦並會試作有效
 上年該督等業經奏明定議辦理今忽以分年砌作日久費繁又
 欲改建高堰二隄以資重障二隄雖有舊形而較大隄形制卑狹
 東華續錄 嘉慶二十九年 六
 新土浮鬆焉能較石堰更為得力且高堰為淮揚數郡生靈保障
 關係久遠該督等以碎石坦坡須七八年辦成勢難久待欲汲汲
 於兩三年內趕辦二隄究竟高堰見在情形若何仍著該督等披
 實直陳無稍隱飾以便定議辦理河漕關繫國計民生至為重大
 該督等身膺鉅任自當顧及通盤乃無一日不言治河亦無一年
 不虞誤運徒為救弊補偏之說迄無一勞永逸之圖而又屢議屢
 更忽行忽止殊鮮定見此次降旨之後該河督及各該督撫務當
 悉心詳度協力經理勿涉游移勿存推諉以期河漕兩利方為實
 心任事之道不可畏難苟安僅以敷衍塞責也○辛未岳慶緣事
 降調以顏檢為雲南按察使○癸酉命戴衢亨為體仁閣大學士
 ○乙亥以德文為左副都御史由太常寺卿遷
 六月戊戌增設熱河都統缺裁副都統缺○辛丑以山西旱發倉

穀平糶○秀林以在將軍時不能查禁秋淺降副都統調補
 為吏部尚書勅保為刑部尚書以馬慧裕為工部尚書常福為工
 部右侍郎由總管內務府大臣遷○壬寅以甘肅旱撥四川等省銀一百萬
 兩備賑○辛亥諭前明舊制紫禁城內非特官員等不能輕至即
 大臣亦止在外聽宣不敢無事輒入其時官庭之內狃於宴安延
 僚召對絕少以致內外阻隔下情不能上達綱紀墮壞我朝革除
 一切秕政首在通下情而宣上意每日宵衣視事召對臣僚周諮
 庶政乃至外來道府等官亦俱准其親詣官門遞摺請訓無不隨
 時召對法良意美從無有堂廉隔絕之事然禁城重地咫尺辰垣
 守衛不可不嚴體制不可不肅乃近來門禁廢弛各處直班官兵
 全不認真管轄以致閑雜人等任意闖入毫無稽考即如前日查
 出膳房大蓋于進忠之姪得林在外膳房居住兩月投井身死該
 東華續錄 嘉慶二十九年 五
 直班之文武大臣官員等均全然未知可謂憤憤迨一經懲治之
 後則相率嚴緊紛紛查辦專向各太監下處檢察聞人以為認真
 查禁不過數日之後旋即因循怠玩况禁城之內如各王公大臣
 直班之處以及各館內閣文華殿中正殿各處豈別無閑雜之人
 容留居住何以不一律查辦槩行清理乎又朕昨由圓明園進宮
 時見神武門站班官兵在西邊管轄者尙為嚴整至東首站班官
 兵之外則竟有無數閒人在巷口擁擠該官兵並不早為驅逐此
 等諒係跟隨御前乾清門行走之人然或竟有外來閒人攪雜在
 內亦未可定在各王大臣等進內之時原不能不酌帶跟役但止
 須足供使令又何必隨從多人漫無限制以致閒人亦得冒充混
 入設其時遇有叩關等情成何事體朕又聞午門之外往往有市
 井閒人止圖行路省便穿走朝門來往自如無人過問並聞

廟重地當朕行禮之時常有不及引避之人屏匿 壇壝左近
在意窺望該管官員兵丁所司何事竟鬆懈至此不可不嚴切申
誡以杜將來嗣後各該處直班官兵以及該管大臣等務當隨時
隨地留心管轄不可仍前泄泄尤不可專務一時之嚴緊日久又
復懈弛至於進內之各王大臣文武官員等並須各自檢束無得
多帶跟役稍令滋事如跟役內有不遵法度者一經挈獲惟伊主
是問其該管官兵有查察不嚴私情縱容等事並將該管大臣等
一併嚴行懲治不貸將此通諭知之○王子諭百齡奏生擒積年
巨寇烏石二等首夥各犯並暫匪帶船投誠及盜首東海霸等悉
數乞降海洋肅清一摺披覽之下敬叩 天恩 考佑實深欣感
粵省盜匪在洋面肆劫已非一日百齡自備任後實心經理振作
有為嚴禁口岸杜絕接濟賊匪無慮覓食日形窮蹙前此紛紛投
東華續錄 嘉慶二十九年 三十一
誠已有數萬惟西路烏石二等心持兩端仍行挑拒經百齡備造
船隻撥位派撥官兵分路兜剿百齡雖未身臨前敵而親赴西路
督飭舟師紀律嚴明將弁等畏其聲望無不踴躍用命此次兵船
在儋州洋面追及烏石二等匪船童鎮陸黃飛鵬等即揮令連環
攻擊經首民張保認定烏石二坐船奮勇偏擁首先跳過將該逆
生擒副將洪濬署都司胡佐朝委員花東苑周飛熊等將盜首烏
石三及賊目鄭耀章等擒獲其烏石大一船經孫全謀一意專注
親率弁兵過船又將該逆生擒並擒獲各犯共計四百九十名烏
石二等在洋遊奕日久稽誅今罪惡貫盈已按名俘獲百齡於訊
供後即將該逆等予以寸磔實足以彰國憲而快人心此外臨陣
投出者計三千二十餘名又東海霸股匪三千四百餘名亦恐懼
乞降粵洋著名大股盜匪除投首外均已悉數殲除全皆洋面一

律蕩平九宜特沛殊恩用昭懋賞百齡著加太子少保銜賞戴
眼花翎給予二等輕車都尉世職童鎮陸著賞戴花翎給予雲騎
尉世職洪濬著賞戴花翎交部議敘隨同辦事之道員溫
承志著賞給按察使銜並賞戴花翎朱爾騰著賞戴花翎交部
議敘藩司會煥臬司陳若霖亦著交部議敘孫全謀著賞帶花翎
以遊擊超升副將洪濬署都司胡佐朝俱賞戴花翎交部議敘委
員花東苑周飛熊俱著賞帶藍翎交部議敘千總頂帶張保著賞
戴花翎以守備超升並著將此次在事出力官弁查明分別等次
保奏其兵丁內尤為出力者亦著查明保奏其稍次出力者賞給
一月錢糧以示獎勵至見在投出之盜首東海霸及賊目財富等
十二名百齡請照洋盜案內免死本罪發往黑龍江給打牲索倫
達呼爾為奴實屬罪所應得但念東海霸久有歸誠之意因被烏
東華續錄 嘉慶二十九年 三十二
石二等挾制不能及早登岸其情尙有可原加恩免其發遣遞籍
安置用示法外施仁之意並著百齡宣諭東海霸等以伊等在洋
肆劫積年稔惡即使畏罪乞降尙應貸死遠戍今蒙逾格天恩並
將造罪一併寬免爾等當更加感激回籍後安分守業勉作良民
倘敢滋生事端必當從重嚴懲不能再為寬宥也見在洋面業已
肅清該督等仍當整飭營伍振興吏治俾閭閻各安生理漸返淳
風不得以巨愆已除稍存懈忽將此通諭中外知之○釋吳熊光
回京以六部主事用○復那彥成一品頂帶

東華續錄

嘉慶三十

王先謙敬編

臣周福蕃恭校

秋七月甲寅諭軍機大臣等本日松筠吳璥等奏漕船全數渡黃
亟趕辨要工請撥銀兩各摺國家經理大事總當握其要領專心
一意方克有濟即如醫家治病遇有棘手之證若不究其受病根
源率行下藥雖多方療治其病不除從前辦理教匪則堅壁清野
為要其初游移不辦領兵將帥惟知一味散漫追捕以致數年不
能集事迨後修築堡寨之議行而大功旋即告竣又如辦理洋匪
則以杜絕接濟為要閩粵等省水師日久無功一經陸路將水米
認真斷絕賊勢頓形窮迫首夥各犯悉皆殲斃其投誠者亦皆安
插海疆甯謐實為明效大驗因思辦理河工亦然全河扼要之處

陳華續錄

嘉慶三十

一

全在海口暢流近年河工多事皆由海口淤塞下壅上潰百病俱
生若果海口疏通則河湖水皆有歸宿何至漫決為患朕數年
來屢次降旨飭辦海口而伊等相率泄泄總不肯認真疏導其節
次挑挖亦皆有名無實徒費帑金以致尾閘不通漫溢如故甚至
見旁趨漫溢之水輒妄希更改正河因循觀望徒致耽延本年朕
已照伊等所請定議舉辦而現在糧艘已全數渡黃又目下大汛
時河湖一切工程幸臻平穩天時人事極為應手實不可再有游
移伊等若謂帑項不敷則本日已照伊等所請之項全行撥給即
日可期到工無虞支絀更有何棘手之處該督等惟當立心堅定
加意奮興勿聽浮言勿萌怠志和衷協力共成大功具在松筠回
省審辦案件吳璥在河口堰貯一帶督辦宜防徐端已馳赴海口
覆行查勘所有應行挑挖之處及籌辦料物著即迅速妥定章程

立時與辦務將引河挑濬深通則將來漫口堵閉之後全河水勢
順軌暢行南河自永康安瀾矣勉之○以漕船全數渡黃復吳璥
太子少保花翎徐端二品頂帶花翎○壬戌諭大學士慶桂等奏
酌改票擬章程一摺據稱各督撫違例揀員升調本內如將該員
平日官聲政績臚敘詳明確鑿可據者仍擬雙籤其籠統保奏並
無實蹟者彙照部駁票擬單籤等語各督撫揀選升調人員定例
參罰案件止准在十案以內原以處分過多即不應保舉若不論
任內所有處分之輕重多寡但以各督撫臚列該員政績為斷則
該督撫於處分過多之員自不難加以銷敘亦仍屬具文嗣後該
大學士等於票擬部駁升調本內如處分在十案以外而內有案
情重大者即著票擬單籤並將該員處分案由開單一併呈覽如
僅止尋常參罰之案亦止於處分十五案以內者票擬雙籤其逾
十五案者彙票單籤○直隸永定河溢○癸亥諭方維甸張師誠

陳華續錄

嘉慶三十

二

奏小仁等幫首夥率眾投誠分別辦理一摺閩洋自蔡牽殲斃之
後餘黨離散今其夥犯陳贊等帶同蔡牽義子小仁文幅率眾投
誠又夥犯吳淡曲蹄幅二人亦相率乞投各將船隻器械全行交
出共計首夥一千三百餘名船六隻大小礮五十餘門並鳥槍器
械等四十餘件閱摺內所敘該犯等情詞哀切出於至誠自當一
律加恩准其投首至小仁等各犯方維甸摺內仍分別定擬具奏
因屬按律辦理但所擬未免過重小仁文幅二人雖係蔡牽義子
但小仁親生父母即被蔡牽殺害其時小仁年甫九歲不知原委
被蔡牽收為義子直至蔡牽死後其管事陳贊告知始悉前情隨
日夜啼哭與陳贊等商量投出又文幅亦本係蔡牽船上船工之
子伊親父故時尚在羅祿之中被蔡牽收為義子見在年止七歲

此二人本非逆犯之子不必緣坐且髻髮被劫久陷賊中情殊可憫今皆自行投出竟當免罪釋放妥為安插其吳三池一犯雖曾被蔡牽封為偽職隨同滋擾但今已畏罪投誠其翁吟一犯雖經隨同蔡牽打仗其後畏懼落後不過在小仁船上寫帳今已悔罪投誠其情罪皆可末減吳三池著發往黑龍江翁吟著發往伊犁其餘各從犯均著照該督撫所請擇精壯者三十餘人分配兵船令其隨緝餘俱遞籍安插但須散而不聚免致滋生事端設有滋事之徒即從嚴懲辦不可姑息又據另片奏朱源隨同舟師緝捕奮勉請旨酌量施恩等語朱源投誠以後隨同兵船出洋頗知感勵所有此次擊獲各犯均著審明覈辦其出力弁兵人等並著詳查奏明分別獎勵○壬申 上啓鑾秋獮木蘭○免經過地方額賦十分之三○癸酉秀林以侵用濩餘銀奪職逮問○乙亥普恭緣事降調轉成書為兵部左侍郎調成格為兵部右侍郎以德文為禮部右侍郎由左副都御史遷○丙子諭近來諸臣內執法者少廢法者多大率不肯存任怨之心而惟知蹈市恩之習夫立法創自祖宗百餘年來奉行勿替朕祇守 成憲諸臣即皆係佐朕執法之人自當有善同賞有惡共罰况本朝法度公平一切斷罪論刑從無過嚴失當之舉設使有過嚴失當者諸臣亦惟當執法論奏苟所奏得當朕亦無不權衡未減豈有陽奉陰違私向罪人昵比之理即如近日查出綢武布等獲罪之後發往吉林秀林等竟為之代修住房飲助盤費並且為之措繳官項甚至餽送節禮多次風聞各處遣戍官犯並有與將軍並坐共食者豈不可駭朕於臣下所犯罪名區別詳慎其罪不至死者按照定律分別軍流至於

大臣問擬遣戍者大率案情本重尙不至於死是以止坐請戍令其備嘗艱苦至於日後或加恩釋回或令其多住數年或竟不准釋回皆必詳審再三歸於至當乃朕方令其折磨改悔而該處大臣轉為經營曲庇安其服食便其起居俾得花消逸樂盡忘戍所之苦豈非背法而行必欲與朕意違拂乎且人情照應誰則能免果係舊交戚好見非執法之人逢有請成遠行解囊仗助此亦情事之常若秀林等正係該處執法大臣何得與本處罪人私相交往况其所給銀兩又非己貲不過將婪索贓私供其揮霍蓋緣伊等在彼亦自知營私敗檢之事難免人知豫恐發往之人釋回傳播謠言藉此彌縫而又結交見好豫為他日地步其居心豈復可問乎此等特旨發遣之人該處大員尙敢如此庇護無惑乎上行下效各處地方官於發遣流徒常犯皆一味博覽厚之名全不認真管束以致在配脫逃者絡繹不絕如昨日廣西逃犯復來行在叩關成何事體各省刑禁弛縱如此國法安在朕辦理刑政從不肯有意從嚴天下臣民共知共見而大臣中乃敢市恩取悅徇私廢公用是朕之所惡必欲庇之國之所棄必欲全之將憲典竟可匡撻罪人無所懼朕豈肯以國家成法任伊等廢弛將來勢不得不大加整頓激成猛以濟寬朕亦無如之何矣將此通諭內外臣工其各屏去私心慎遵法度勿徇情濫譽自蹈重愆以副朕諄諄訓誨至意○戊寅 上駐蹕避暑山莊○辛巳吳璫以疾免以徐端為江南河道總督裁副總河缺○以修復雲梯關外海口命工部尙書馬慧裕督辦

八月丁亥命嗣後凡有指定額駝者無論貢舉各項出身均不准再應鄉會試著為令○以直隸水災撥奉天運京小米二十萬石

並命戶部撥近省銀三十萬兩備賑○吏部侍郎榮麟緣事降調
 ○貴慶緣事降調以蔭彬圖為盛京戶部侍郎由光祿寺卿遷○以哈魯
 堪為盛京兵部侍郎由太常寺卿遷○戊戌 上自避暑山莊巡幸木蘭
 行圍○己亥以誠安為左副都御史由太常寺卿遷○庚子調秀甯為吏
 部右侍郎轉德文為禮部左侍郎以哈爾阿為禮部右侍郎由內
 閣學士遷○己酉左副都御史溫汝道緣事降調○王子諭軍機大臣等
 百齡等奏籌議分船巡緝洋面章程一摺廣東洋面緝互數千里
 近年來藏垢納污幾成盜藪自百齡到任以後嚴杜接濟大振兵
 威將各路著名首夥大盜分別勦撫一律蕩除此次復籌議善後
 章程分布各路師船責成巡緝所辦實為周妥此時洋面肅清已
 無大股盜匪但尋常劫奪小盜尚難保其必無若不隨時捕獲則
 日久嘯聚恐又萌孽滋事百齡等務當督飭各鎮將等各於所管
 東華續錄 嘉慶三十 五
 洋面認真巡邏期於有盜必獲但聞弁兵等積習相仍往往於其
 盜不能捕獲轉將海濱無業貧民如漁船蟹戶人等妄擊報官塞
 責邀賞以致誅及無辜從前伍拉納在閩浙總督任內任性妄為
 卽有此等情事最為可恨百齡認真辦事見將粵洋巨盜收捕一
 空海疆甯謐勳績已成業經身膺懋賞其平素居心謹慎豈尙復
 存邀功之心朕亦斷不疑其有此但恐弁兵人等積習未除或妄
 擊滋事用是諄諄訓諭該督等惟當隨時密查凡於捕獲案犯必
 須詳細研鞫以期罰當厥辜設竟有妄擊邀功之人卽當嚴參辦
 理不可姑息仍不得任伊等藉口因循並真盜亦不認真踏捕經
 理方為得宜其所議派員分設巡哨挑用船隻以及酌給捕盜口
 糧等項章程均照該督等所請行○增設廣東水師提督駐虎門
 改左翼鎮總兵官為陽江鎮水師總兵官移駐陽江

九月乙卯諭軍機大臣等與安大嶺於塞北諸山最為崇峻且靈
 應素著屢見於 皇考高宗純皇帝聖製集中向來進哨以前必
 派親王帶領喇嘛兩次前往致祭本年朕行獵木蘭晴雨應時準
 昭順佑應加隆望秩以協懷柔著交禮部查明從前祀典內會否
 載入如本有舊章卽將儀文節目詳錄具奏如未列祀典著禮部
 詳議崇祀卽不能與五嶽並尊亦應做照四鎮之儀酌定典禮並
 擬定神位封號致祭時增設神幃書寫神牌供奉以昭虔敬奏定
 後載入則例永遠遵行尋議照列鎮之例每歲仲春派熱河都統
 望祭至仲秋行獵木蘭由行在禮部奏派王大臣致祭儻遇停止
 進哨之年仍令都統致祭從之○己未 上駐蹕避暑山莊○壬
 戌諭本日召見廣東學政程國仁詢知該員係截取御史業經保
 送繁缺知府將來遇有應選之缺吏部仍行銓選此項出差人員
 東華續錄 嘉慶三十 六
 聞向例本不歸選惟從前吳蔭暄在陝甘學政任內會選補直隸
 州知州辦理殊屬錯誤學政係特派之員職任較重若仍照原職
 歸班選用地方官轉將學政開缺於體制未為允協程國仁著停
 其銓選俟任滿後再照常歸選嗣後應行外選人員有簡任學差
 者應照此辦理著為令○允方維甸回籍養親調汪志伊為閩浙
 總督以馬慧裕為湖廣總督調恭阿拉為工部尚書以福慶為禮
 部尚書轉常福為工部左侍郎調成格為工部右侍郎以明志為
 兵部右侍郎由內閣學士遷○癸亥 上自避暑山莊回鑾○甲子永定
 河漫口合龍○以文甯為內閣學士由大理寺卿遷○己巳 上還京
 師○庚午以榮麟為內閣學士降調○乙亥增南河稽料價銀○
 辛巳復山東漕船春兌春開
 冬十月己丑理藩院侍郎策丹緣事解任○甲午江南高堰山圩

兩應隄壩決穰徐端翎頂○諭軍機大臣等據徐端奏高堰山肝
兩應漫決情形想吳璣在浙自早已得有信息高堰為淮揚保障
要工今衝坍甌石工多至四千餘丈越隄過水固山湖水旺發風
暴狂烈實在人力難施而其受病根由諒非一日究因何潰決至
此吳璣久任河督年來親歷河干定能悉其原委見據徐端奏稱
先將下游歸江各關壩並高郵之車邏大壩悉行開放俾免壅滯
一面擬將仁智兩壩先行趕堵其義壩壩通處所擬將兩頭盤護
仍留口門減洩隨後再為堵堵一切隄工俟春融續辦此時工段
繁多處處著重亟應上緊趕辦但全河大局吳璣較徐端自為熟
悉應否即照徐端所奏辦理或吳璣另有所見著將徐端傳旨詳
詢並酌帶醫生察看吳璣病勢如已就痊即令緩程於歲內來京
以備詢問仍一面先行覆奏如向未能就道即著吳璣先將近年
東華續錄 嘉慶三十 七
河湖受病緣由及目今應如何籌辦之處據實具奏不可一字隱
飾所遞之摺著交蔣攸銜山驛馳奏○乙未諭國家明罰救法以
罪辜之大小定刑律之重輕皆本 列祖 列宗權衡增損合典
昭垂恪遵罔易如刑律內發遣之條其罪原在軍流以上至發遣
為奴則皆姦盜兇徒身干重典或同案人眾不忍驟除法無可
貸外擇其情有可原者量減一等本係法外施仁去死一開之人
以故到配時令其充當苦差以磨折其兇狡之性定例一經逃逸
拏獲即行正法存意恭嚴乃前者秀林於召對時曾經奏及吉林
發遣為奴之犯到彼分給兵丁其人略具貲財向所分之主贖身
以後即聽其所往或擇地謀生或潛行逃遁及至點卯時查出而
所給之主公然以業經贖身與伊無涉登覆其太監綠事發遣為
奴者亦以贖身在彼閒散自由且有置產經營者及釋回後反甘

東華續錄 嘉慶三〇

心犯法情願再遣是以國家嚴懲罪人之例竟聽伊等私行賣放
以致罪人無所畏畏以遠戍之地為樂土豈不與立法之意大相
刺謬乎至官員因事獲罪問擬遣戍亦必情節較重罰令親嘗艱
苦稍贖罪愆乃近年以來有該管將軍與官犯並坐共食者代為
修理房舍致送節禮者徇情壞法相率效尤恬不為怪甚至遣戍
之員轉以在彼安逸毫無苦懼倘復成何事體夫賞功罰罪朝廷
取世之大柄人主從無私好私惡於其間其人有善可錄傳之於
朝則同寅協恭即屬天下之公好其人有惡當懲屏之遠方則執
法明威即屬天下之公惡豈容昵比罪人故與君上之好惡相背
是欲一己博寬厚之名而不顧憲典之廢弛違道干譽國法安在
著通諭將軍都統等該管地方凡有官常人犯發往為奴及當差
者俱遵照定例派撥令其服勤習苦其納贖贖身惡習嚴行禁止
東華續錄 嘉慶三十 八
經此次飭禁之後如有再犯者加倍治罪查係該管大臣徇私廢
法從嚴究治如原給之主私行賣放者交該管官查明一併懲處
朕祇循 成憲詔誥諄諄爾將軍等其各懷遵毋忽○丙申轉蘇
沖阿為理藩院左侍郎以成林為理藩院右侍郎由副都統○丁酉
定宗人府翰林院通政司詹事府太常寺光祿寺太僕寺鴻臚寺
國子監欽天監各衙門冬三月輪班值日例○己亥以廣玉為浙
江布政使劉大懿為福建按察使前任甘肅○辛丑諭萬承風具
題學政任滿一本朕詳加披覽其年月未經另集書寫已照擬飭
行矣至其所書前銜有內廷供奉字樣尤為不合會典所載官職
本無此等名目若萬承風因在上書房行走則周系英黃錢俱係
上書房南書房行走之員同日具題接替學政各本並未列有內
廷供奉前銜萬承風何得任意形諸章奏著交部察議伊原係上

七一

書房行走本欲俟到京之日仍令其在上書房行走今觀其情形
念念不忘內廷殊屬躁妄不必在內廷行走嗣後凡在內廷行走
人員於奏牘內止列本銜不得再書內廷供奉字樣以符體制○
癸卯諭軍機大臣等近年以來南河工程所費帑金不下數千萬
兩而漫工倒灌歲有其事偶值風雨即不能防守平穩且每有一
處漫工遂請帑大辦其歲搶修銀仍不能少減無日不言治河究
之毫無功效朕為民生運務日夜焦勞原不惜多用帑金惟於國
事有濟即千百萬不為濫費若置之無用之地雖銖兩亦屬虛糜
因思節年所發帑項或未必盡實用在工又有如從前莊剛劉普
借端侵蝕私飽囊橐者不可不加確覈著松筠密行查訪自吳璣
徐端以至道廳營汛等官其中有無借工支銷將所領帑項上下
朋分及私侵入己者一經得有實據即據實密奏朕將大加懲創

東華續錄 嘉慶三十

九

置之重典以除積弊若係辦理不得其當矣興無益工程以致帑
項多歸虛擲亦應據實奏聞但不許籠統聲敘以虛言覆奏總須
查明某項工程如何不應興修係某員經手濫用帑項若干逐案
指明以憑究辦松筠素日辦事公正且係新到江省從前各工均
未經手即留心密查或遴選親信之人察訪亦不限以時日查得
時即行密奏毋稍隱諱將此密諭知之○戊申以禧恩為內閣學
士苑卿遷帥承瀛為左副都御史由通政○庚戌增設太常寺學
習贊禮郎三員讀祝官三員

十一月壬子朔諭賽冲阿等奏查辦吉林長春兩廳流民一摺據
稱吉林廳查出新來流民一千四百五十九戶長春廳查出新來
流民六千九百五十三戶等語流民出口節經降旨查禁各該管
官總未實力奉行以致每查辦一次輒增出新來流民數千戶之

多總以該流民等業已聚族相安驟難驅逐為詞仍予入冊安插
再屆查辦復然是查辦流民一節竟成具文試思此等流民多至
數千戶豈一時所能聚集該地方官果能於入境之始認真稽察
何難即時驅逐且各該流民經過關隘處所若守口員弁果能嚴
密稽察何能挈族偷越各該管官種種廢弛於此可見除此次吉
林長春兩廳查出流民姑照所請入冊安置外嗣後責成該將軍
等督率廳員實力查禁毋許再增添流民一戶如再有續至流民
訊從何關口經過者即將該守口官參處至長春廳民人向係租
種郭爾羅斯地畝兼著理藩院飭知該盟長扎薩克等將見經開
墾地畝及租地民人查明確數報院存案嗣後毋許招致一人增
墾一畝如有陽奉陰違續招民人增墾地畝者即交該將軍咨明
理藩院參奏辦理○乙卯諭軍機大臣等前因山盱三壩壩壩通過

東華續錄 嘉慶三十

十

水石工塌卸數千丈河工處處著重特降旨詢問吳璣吳璣
縷悉覆奏其所論甚屬切要朕詢問在廷諸臣即不諳河工者所
言大略相同此時自應以速堵義壩為最要之務據前日徐端所
奏仁壩日內自己堵合水勢專注意壩該處塘深水急堵築斷不
可再遲徐端前奏期於本月二十日內外堵閉斷流已有旨令其
趕早數日務當上緊趕辦尤須工堅料實若再有滲漏湖水外洩
日多河口倒灌益甚明歲刷黃濟運將何所恃徐端不可不慎之
又慎勉力辦理至高堰石工場至四千餘丈隄身狹窄情形自為
著重總須於明年大汛以前一律補砌全竣以資保障其隄工石
料被風浪掣卸仍不過沈落湖濱左近損失不至過多著即一面
著落該廳員等按段打撈數計不足應行購備者今冬即上緊採
備齊全毋誤春融興工剋期歲事其海口挑工吳璣以為黃水場

出則洪湖河口之病悉除徐端並隨時知會馬慧裕嚴飭工員實力挑挖寬深毋得稍有偷減○壬戌賜秀林自裁○甲子諭軍機大臣等松筠密奏一摺朕詳加披閱內稱吳璣議論河務多有不實徐端止知作工欠曉機宜查伊二人任內經手工程如堰圩政建甌石各工老場工改挑毛家灣移建東清禦黃二壩回龍溝挑挖引河清口攔作閘堰種種辦理失宜峰山壩見又堵閉遲逾此外如毛城鋪率請修復海口仍稱高仰語皆摭飾又所用屬員如葉觀潮張文浩繆元滔等皆委任不當或應參不參應賠不賠以致各處工員無所做見在即查有墊款應領銀九十餘萬兩恐有虛捏報帳情弊必須查辦以杜浮冒等語近年河工費用帑銀多至數千萬迄無成功其中自難保無弊混失當之事松筠所奏各款著即乘公參奏朕自當執法辦理至摺內稱懇請將伊調補東華續錄 嘉慶三十 七

為廣西巡撫本智為理藩院右侍郎由京營右翼總兵遷○調張映漢為山西布政使素納為湖北布政使○乙丑調陳預為廣西布政使齊布森為貴州布政使○戊辰諭軍機大臣等松筠在河口督催漕船俱懸立重賞每幫勒限超渡或數百兩或一二千兩均立時賞給因此人夫踴躍本年重運得以無誤見在同空亦如此辦理松筠自係為力趨漕運起見但此項賞銀出於何處計其為數不少非資廉所能敷用松筠操守清廉朕所深信斷不疑其取自官民自係向人借貸但借貸銀兩將來必須完欠松筠何得不豫為計及即如阿克當阿近在兩淮若松筠係向伊借用則伊又豈能解囊借與勢不得不藉資商力又與取之於民何異此更不可況賞之一事非可濫施賞之得當則人皆感奮過濫則視為泛常弁兵夫役人等始而見利爭趨人人忻悅久之視同常例勢將非賞不行且賞亦不見恩不賞即易見怨運船淺阻地方本所時有惟在認真催趨隨時相機其得賞而可以輓渡者可見不賞亦未必停關全在人夫之是否出力辦理之能否得法耳若專以賞項為事則年復一年何所底止恐弁兵夫役人等邀求重賞別生不肖之心甚或於運船可以暢行之時亦復藉稱淺阻賞重則照常輓渡賞薄則觀望不前作偽多端易生流弊松筠不可不防今歲河口阻滯伊權宜辦理亦已成事不說嗣後務當別為相機經理期臻經久可行不得專以懸賞為事也○甲戌諭據阿克當阿奏稱前任揚河通判繆元滔於本年承辦揚河隄岸工程共領銀五六千兩止用錢一千八百餘串人言薪藉無不切齒痛恨等語近年南河糜帑甚多而工程仍未能保護平穩意工員內自必有草率偷減情事今果查有此案弊端亟應徹底究訊繆元滔已因另案革

職著托津初彭齡前往查辦傳旨拏問嚴審定擬具奏吳璣此時病體就痊自已來至清江並著會同查辦勿稍瞻徇回護看來河工此等弊端尙多未必止繆元酒一人如續經查出另案浮冒之處卽行嚴參辦理見據阿克當阿指稱本年吳璣路過揚州時曾向伊述及廳員營弁中誠實者少不肖者多不願無事止求有工曾有人稟報工程一段伊親往查看直不用辦又如外河廳同知王世臣承辦土壩一段伊親往查勘將壩開止有一半工程更有並未辦工之人輒具稟先行借支銀兩以便私用云俟將來辦工時再行扣除自係從前有人辦過方敢如此肆行無忌又伊從前修辦四五座壩工止用銀十萬兩上下如今修辦一壩竟用至十餘萬兩伊在任前後六七年止用銀一千餘萬此數年來竟用過三四千萬實在可怕因此晝夜焦急病勢益劇等語吳璣既知此等弊端何以不行參奏除一面降旨飭詢外著托津初彭齡於到彼後會同松筠蔣攸銛將此數年來河工用過款項通行覈實鈎稽如查有弊混之處卽行參辦其吳璣稱虛報工段者何人稟借銀兩者何人並著逐一指出同辦工偷減一半之王世臣一併查明參奏歸案嚴辦至阿克當阿於河工弊竇既有聞見著於查收海口工竣卽行回赴清江將指內指陳各條以及續行訪聞一切確實憑據俱面告托津等以憑按款查辦○乙亥改湖北襄陽府樊城同知爲鹽捕同知移宜昌漁洋關同知駐歸州新灘改歸州州判爲隨州唐縣鎮州判隨州唐縣鎮巡檢爲東湖縣南池巡檢○庚辰溫承惠以給賑延玩降二品頂帶花翎

十二月甲申泰瀛以疾免謝朱銓爲刑部右侍郎以胡長齡爲兵部右侍郎由左副都御史遷○癸巳以曹師曾爲左副都御史由大理寺卿遷

甲午調福昂爲江蘇按察使靈保爲直隸按察使○乙未洪湖義場合龍○丙申賞廣西一百四十二歲壽民藍祥四品頂帶 御製詩章 御書扁額加賞銀五十兩○丁酉馬慧裕奏雲梯關外馬港口大工合龍黃河由正道歸海得旨嘉獎下部優敘○己亥諭前因江南河務緊要河督一缺簡任乏人特降旨將蔣攸銛補授該撫一聞恩命卽起程前赴新任而於謝恩摺內附陳未請河工深恐才不勝任婉轉懇辭朕以蔣攸銛辦事認真於河防雖非素習必能盡心講求力圖成效是以未經允准本日蔣攸銛奏報接印日期摺內附片稱見雖接手經理一切俱非所請貿然從事無所適從恐一有貽誤關係甚重等語情詞懇切出於至誠看來蔣攸銛於河務實不能知一時驟難諳習初非存心推諉見在工程做壞之時事事均資整頓備稍有貽誤蔣攸銛一身獲咎所關猶小而全河利弊繫乎民生國計者甚大此正所謂學而後入政非可以政學也蔣攸銛竟不必強令任事伊在巡撫任內整理地方官聲本好著仍回浙江原任所有江南河道總督著陳鳳翔調補其河東河道總督著李亨特補授所遺永定河道員缺著溫承惠於諳練河務人員內保舉二員候朕簡補至李亨特到任尙需時日陳鳳翔奉旨後應卽馳赴新任所有河東河道總督印務交吉綸暫行兼署貴州巡撫鄂雲布見已年老著來京另候簡用其員缺卽著同興調補○諭軍機大臣等江南河道總督員缺因陳鳳翔熟諳河工已加恩簡用南河做壞已久河湖受病日深而究其受病之源皆由底高淤墊所致蓋黃水挾沙而行非清水不能刷滌而欲多蓄清水非堰工堅固不能保無漫溢之虞年來論治河者咸以海口未經復舊下游不能通暢以致黃水倒灌運河非

東華續錄 嘉慶三十 十四

特運河受淤而黃河挾沙帶泥下游亦日增淤墊甚至海口阻塞尾閘不通譬諸人之一身無往非病經朕力持定見已將海口挑挖深通堵塞馬港旁趨之路見在河水泊泊東注更無壅遏之虞惟清口倒灌乃全河痼弊昨據馬慧裕奏馬港合龍之後河水消落三尺有餘未知所報何處若清口一帶亦一併消落此時清水遂能高於黃水自可暢出刷黃則事機已臻順利設河水雖已消落而清水仍不能外注則是該處一帶河底墊高清水被其壅遏其為患在咽喉胸膈之間不能宣暢並不專在於尾閘明矣見屆清水力絀之候即使多方籌蓄而一兩月之間豈能即高於河身轉瞬重運經臨清水壅遏不出勢必仍須借黃濟運明知倒灌之害而不能不開門揖盜其弊將何可勝言即見在海口費數百萬帑金挑挖深通亦仍歸無益朕思此時全河大局全在蓄清敵黃東華續錄 嘉慶三十

宜章程具在且湖廣江西創船俱已次第成造陳鳳翔惟當力持定見通盤籌畫勿稍游移仍將河口積淤設法消除俾河身日低清水日高全力下注因勢利導實為尋源探本之法朕於治河諸督並未多閱惟恭讀 列祖 列宗實錄於治河一事 訓誡昭垂總以蓄清敵黃為第一要義此時若不遵循辦理有何把握該河督膺此重任惟當服膺 聖訓勿惑浮言實力實心持以敬慎從此清強黃弱永慶安瀾日有起色勉之望之○辛丑勦平三省那匪方略成○是歲朝鮮暹羅來貢○會計天下民數數各省通省通共存倉米穀三千一百四十四萬三千一百七十七石一升二合一勺

東華續錄

嘉慶三十一

王先謙敬編

周翰著恭校

嘉慶十六年辛未春正月丙辰諭軍機大臣等本日據托津等奏到各摺朕詳加披閱所查河工經費各款大半付之空言河工連年妄用帑銀三千餘萬兩謂無弊竇其誰信之朕特派托津等前往查辦托津係國家重臣初彭齡素稱敢言茲於特交事件如此將就了事此後若別經有人告發或參出實據伊二人將何顏見朕乎且伊等所奏提查工員帳簿見在欽差到彼工員帳簿多係捏造何足為憑托津等不認真訪察僅以查帳為據焉能究出弊端畢竟此三千餘萬帑金原不盡歸侵蝕其中何人浮冒及何處妄興工段濫用虛糜係必有之事著確查具奏毋稍含混至刻下東華續錄 嘉慶三十一

河務情形以清水能否暢出為第一緊要關鍵伊等亦未詳悉奏明目下清水甚弱義壩堵閉之後又會蓄高若干轉瞬糧艘北來如湖水不能暢出將用何浮送朕節節降旨不許再借黃濟運等惟知頌聖並云俟陳鳳翔到任後遵旨辦理究竟不借黃濟運應如何設法引出清水實在微弱則撥運事宜亦應早為計及豈竟互相推諉坐待貽誤此事著托津初彭齡松筠吳璣會同許兆椿陳鳳翔查勘水勢情形熟商妥議鑿定辦法迅速由驛覆奏再松筠職任係兩江總督河工不過兼轄非其專責如河工有須地方官員協力之處伊等同調遣不致掣肘其河員內有使貪不職劣蹟伊等實糾參若一切發帑辦工等事轉不必以身獨任致多牽礙○戊午以巡防南河馬港口河岸新築長隄添設淮海道一員駐紮中河以桃北中河山安海防四廳屬之並設海安海阜同

知兩員守備把總各二員移海州州同阜甯縣縣丞分駐南北兩岸○丙寅允廷臣請編 御製詩二集○壬申增設直隸建昌赤峰二營都司朝陽營守備並千總把總外委各一員兵四百十名○癸酉以百齡為刑部尚書調松筠為兩廣總督以勒保為兩江總督由刑部尚書遷

二月壬午 上御經筵○丙戌諭軍機為極密重地滿漢章京趨公執事先以謹慎為本從前御史吳邦慶條奏大員子弟不准充補軍機章京經軍機大臣議覆自道員以上子弟皆令回籍其有行走在先者並隨時請旨定奪茲據慶桂等奏新授南頓道查清阿之子誠瑞應否回籍朕思謹慎與否總視乎其人而防閑之道亦必當定以限制嗣後文職京官三品以上外官臬司以上武職副都統以上外官總兵以上其親子弟不准在軍機章京上行走東華續錄 嘉慶三十一

其行走在先者亦無庸隨時具奏即令照例回本衙門當差誠端係道員之子無庸回籍○丁亥 上釋奠先師孔子○諭托津等奏查明南河節年銀款工程分別嚴辦參奏一摺近年以來南河鉅工林立費用繁繁統計各項銀數不下四千餘萬而每年歲撥修各工甫經動項興修一遇大汛即有墊場淤墊之事甚至上年堰圩軋石各工掣場四千餘丈之多恐承辦工員自不免有偷減浮冒情弊是以特派托津初彭齡前往徹底查辦茲據覆奏到江後即親赴工次備加察驗並將各年文卷印領逐層覈對所發銀兩與各工所領數目均屬相符是銀款出入尚無虛捏情弊惟支領後該工員不能如式實心辦理以致新工未竣舊工復生而歷任河督等又未能經理協宜均難辭咎其中有自乾隆五十七年起至嘉慶十四年止已經題銷尚未找領之款銀六十萬六百元

器據查此款虛懸日久工程已無可考且經手工員又多升遷事
故未便復行找領致滋冒濫等語著照所請所有前項未領一欸
竟無庸再行找發以歸覈實其十四十五年加培黃運中河大
隄土工夫役增價數計多用銀四萬八百餘兩及上年挑復海口
時酌量接濟疲累工段所借銀數數計共有十萬六千餘兩均著
陳鳳翔分別勒追以清款項又挑空淮北鹽河一事雖係豫行挑
空以備宜洩盛漲但於減壩興工之前該河督等未經先行奏明
殊屬疏忽且查所辦工段已有淤墊處所所有此項工用銀八萬
三千餘兩著吳璣徐端照數分賠完繳均仍交部嚴加議處其另
單所開承辦工員除已故及革職治罪各員外其餘四十五員名
均著照所請革職但念乘令離工一時全易生手未免貽誤且未
便令其置身事外著將各員弁中見任者姑留本任候補者留工
東華續錄 嘉慶三十一 三
效力各限三年如果各知奮勉所修工段並無塌屆時再請開
復如限內再有疏失者陳鳳翔隨時參奏定當加倍治罪至原任
道員葉觀潮所管地方屢有漫口大工實屬漫不經心著即革職
留工以觀後效歷任河督徐端前已降旨懲處外戴均元吳璣
均在任年餘著交部分別嚴加議處那彥成在副總河任內已歷
數月亦著交部議處尋議上得旨吳璣素曉河務前後在任年分
最久因循貽誤且任內又有挑空鹽河應奏不奏一案伊見已衰
病豈能勝尚書之任著照部議降四級調用仍於補官日降三級
留任戴均元在任年餘亦不能查出弊端姑念河工非所素悉其
在任年分較吳璣為淺著加恩改為革職留任那彥成本不諳河
務在任僅止數月著加恩改為降四級留任○甲午 莊如鏡
上至吉安所賜奠○丁酉諭齊布森奏暫護撫策一摺朕因鄂雲

布見在年老令其來京另候備用並非因事罷斥亦非有緊要差
使須伊來京辦理鄂雲布接奉此旨自應一面具摺謝恩仍候同
興到黔之後交印起程方為正理乃齊布森甫經到任一切尙屬
生疏鄂雲布於兩日之內即將巡撫篆務移交護理進行起程實
屬太不曉事昨因文弼換班回京不候接任之員交代將印務護
之陽春會交部議處貴州為苗疆要地巡撫責任較之駐藏大臣
尤為重大且文弼雖恩促回京而陽春尙係同辦事之大臣今鄂
雲布不俟新任交代將篆務交到之藩司護理即行回京其各
視文弼尤重鄂雲布著交部嚴加議處尋議革職得旨加恩以六
部筆帖式用○戊戌諭朕恭閱 皇考高宗純皇帝實錄內載乾
隆四年十二月欽奉 諭旨四執事總管首領將太監李蟠放假
四五日往弘哲處將宮內之事信口傳說太監等告假不過一日
東華續錄 嘉慶三十一 四
兩日豈有四五日在外之理將四執事總管首領查明議罪爾總
管等曉諭旗下太監等既已身離旗下復往何為見今將李蟠夾
訊卽是榜撻等因欽此仰見我 皇考整肅宮廷嚴禁弊端之至
意旗下太監既送進宮內服役卽不應再回伊原主家中所以嚴
內外之防而杜關通之漸乾隆年間宮中太監尙多其由旗下交
進者少彼時尙有如弘哲家所交之李蟠藉放假為名竟敢私回
伊原主家中傳說宮內之事况近來宮內太監較少由旗下交進
者多豈能皆是善良恐磨玩性成未必不出外滋事茲特嚴定章
程嗣後旗下太監一經送進宮內當差不許再回本主私宅該王
公等於交出之後再見該太監潛來私宅卽著立即斥逐勿准片
刻逗留如斥逐不遵或仍行潛往卽著鎮摺奏交以便懲創止治
該太監之罪其本主皆毫無不合若不斥逐擊解或竟任其傳說

宮內之事一經發覺不但重治該太監之罪其本主亦獲展不小必不妨貸將此旨通諭諸王公知之仍載入官中見行則例○丁未諭向來耕藉典禮於親耕後升觀耕臺閱視從耕之三王九卿以次俱畢然後順天府尹等率父老耆民等謝恩維時父老等散布耕田招集需時行禮慮遠未足以肅觀瞻嗣後著該府尹等豫飭父老耆民整齊排列於親耕後升觀耕臺時即率領至臺下先行謝恩朕俟謝恩禮畢再閱從耕用昭整肅

三月辛亥 上親耕藉田○甲寅諭內務府奏開列恭從採桑福晉命婦清單請欽點一摺每年皇后親蠶以福晉命婦七人隨從採桑係屬大典乃近年來開列單內除近支福晉外大率係皇后姻親意在於藉此請安所以年年開送其餘多託故不與此次開列單內僅止九人其中大臣命婦則止有二人自係各該大臣

東華續錄

嘉慶三十一

五

等不令其妻恭與典禮是以託故不行開送似此積漸因循必致開列人數不敷點派成何事體此次姑就單內圈出七人以備典禮嗣後各該大臣命婦除實係有故照例聲明免其開送外餘俱著一併開列如仍前託故規避致人數短少著內務府查明無故不到者將該命婦之夫參處○諭宗人府議駁御史伯依保條奏宗室人員請添派學習行走員數一摺所駁甚是朕朝家法宗室人員以學習清語勤肄騎射為重即文學科名尚非所急是以宗室考試之例從前乾隆年間即會欽奉 皇考高宗純皇帝聖諭停止所以定其趨向一其心志不至荒棄本業也近年來宗室生齒日繁朕慮其無進身之階屢經加恩於六部理藩院添設司員十六缺並准令鄉會試又增添宗室學生六十名見在宗室登進之途不為不廣今該御史又以宗室人多差少請將候補人員分

部行走無論見在宗室候補未經得缺者止有一人該御史人多差少之言已為不確且其意不過欲宗室等多得文職其流弊必至重文輕武或竟希圖外任將來清語騎射鮮有究心之人於滿洲家法殊有關繫該御史年老平庸必係聽人惑誘為此見好之奏應無庸議○己未諭軍機大臣等前據陳鳳翔奏於本月初一日開放製黃壩今已十日尙未據奏到開壩後是何情形見在黃水高於清水五尺有餘而下游將近海口之大淤尖地方又形淺滯即使本年糧運尙可勉強通行日久終恐貽誤不可不豫為之計因思海船試運一事上年據章煦覆奏吳淞一帶尙有沙船可雇果能試行有效則來年即可踵行比之撥運截卸一切事宜皆為徑捷惟地方官辦事之始不無畏難此事全在該督撫實力講求認真經理將此時應擬配若干船隻應撥用何項米石如何設

東華續錄

嘉慶三十一

六

法交卸及旗丁水手如何安置均即熟籌妥辦今歲不拘糧石多寡務即趕緊試行均勿坐視因循又以海洋涉險為詞率行推卸仍一面催趨重運北上至浙省雖向無海運出口章程其應如何幫雇船隻之處將攸銛亦應一體籌商互相經理方為不負委任尋據兩江總督勒保等會議不可行者十二事一漕運惟元至元十九年始為海運至明永樂十三年而罷然元明雖係海運而內河漕運仍不廢今以清黃交會之所消長應常欲易河運為海運俾得專治河淮為一勞永逸之計若海運與河運並行則製黃壩仍不能閉凡漕運官弁一切不能少減徒增海運之費一江南至天津海道必從吳淞江出口由崇明南茶山而北東過山東成山至綠水大洋西過之界山又西北由大沽海口始達天津其開吳淞口之陰沙黃河口之大沙五條沙以及山東貓兒島沙門島等

處沙礁叢雜皆海道極險之處天庾正供非可嘗試於不測之地
一海行欲避外洋之險前代會欲從膠西開整陸地徑通直沽海
口勞費不貲迄無成功雍正初朱軾亦奏開山東膠萊運道卒以
工力難施而止一海運若由旗丁領運則旗丁不習海洋若責成
船戶收兌則船戶非如旗丁有冊編審必致散漫無稽又難約束
且河運有總漕及巡漕御史等統領稽察復有各省糧道及地方
文武押送查催尙不免短缺徵發等事若改海運斷不能設立多
官出洋巡視將來船戶偷盜私賣捏報沈失甚至通盜濟匪等弊
皆所必有甫經肅清之洋面轉恐匪類萌生一海行風信靡常凡
商賈市舶往往飄至外洋經年累月而後返並有竟不能返者漕
船向在內河可以隨地催趨一出外洋其遲速平險皆非人力可
施設有耽延所關匪細一海運籌經費查至元開每石給中統
東華續錄 嘉慶三十一 七
鈔八兩五錢迨及至大延祐間加至十三兩彼時相距不過數十
年而其費已加至三分之一方今物力昂貴以古準今其費必甚
浩大一海運即需用船計造海船一隻其大可裝載二三千石者
估需工價不下萬金以全漕而論需船一千七八百號即需銀一
千七八百萬兩一造船既不能行不得已議雇商船若照民間販
運給值則需費不貲實難爲繼若止給官價則在官發之數已
多而船戶猶形苦累即如閩洋船多係隨時短雇大小多
寡不等悉按受載石數月每石給銀七分截至上年二月已發過
官價銀十九萬餘兩船戶等除領官價外又得行商津貼仍以賠
累爲辭規避官雇今欲長雇運漕尤恐避匿不前難於雇覓况重
洋巨浸必須船身堅大始敢開行吳淞一帶頭號沙船向赴天津
貿易者止有四五十隻每隻帶米不過千石受載無多閩省惟赴

津大船始請北洋水道亦屬不敷供運至粵省相距更遠其船向
不能北行浙省則更無船可雇一查元明海運每年必有漂失之
米統計到倉米石欠交者自數合至一斗數升不等今時生齒日
繁常慮地之所產不敷人之所食豈堪再有漂失之數一海運即
須添設水師防護若令見有水師分段護送兵船少而漕船多選
爲聲援鞭長莫及必致有名無實若每船配兵一二十名即須設
兵三四萬名所需糧餉又復不貲一京師百貨之集皆由糧船攜
帶若改由海運斷不能聽其以裝米之船多攜貨物將來京城物
價必驟加昂貴並恐官民日用之物皆致缺少於生計亦有關係
一運丁所用兵工短絀等項以每船二十人而論見用者八九萬
人窮民賴以資生若改海運均須另募熟悉海道之人而此常年
運漕之八九萬人一旦失業難保不流而爲匪亦非安輯之道得
東華續錄 嘉慶三十一 八
旨前因洪湖洩水過多運河淺涸恐新漕北來阻滯是以令該督
等兼籌海運以爲有備無患之策至其事之需費浩繁諸多格礙
朕亦早經計及今據分款臚陳以爲必不可行自係實在情形此
後竟無庸再議及此事徒亂人意河漕二務其弊相乘其利亦相
因漕運由內河行走已閱數百年惟有謹守前人成法將河道盡
心修治河流順軌則漕運按期遄達原可行所無事即萬一河湖
盈涸不齊漕船不能暢行亦惟有起劑盤壩或酌量截留爲暫時
權宜之計斷不可輕議更張所謂利不百不變法也○壬戌 上
臨莊敬和碩公主圖耶賜奠○諭軍機大臣等本日勅保陳鳳翔
奏報開放禦黃壩幫船行走順利一摺覽奏稍慰伊等以黃水直
灌洪湖致湖身淤墊先將東清壩堵閉始將禦黃壩啓放該處有
二壩擊托又有運口頭二三壩層層鈐束水勢不至建瓴直瀉請

獲平甯見在淮安各幫亦皆接續前進以目下情形而論重運正當喫緊而洪湖水力甚微亦止可如此辦理但此時運河全係黃水將來受淤必深且汛水長落無時恐兩岸漸形著重為今之計惟有速將幫船趕緊趲行多趲一幫則可省一幫之累如果洪湖滿蓄充盈早晚可以刷黃濟運則將來清壩啓放之後漕船自可暢行即不然亦務須將頭二進幫船通行趲渡止留江廣幫船在後亦尚可籌辦刺運事宜須全漕不至貽誤方為妥協○丙寅上啓鑿溝 西陵並巡幸五臺山○免經過直隸州縣額賦十分之三○庚午 上謁 泰陵 泰東陵至 孝淑皇后陵奠酒○壬申免經過順天府大興等五州縣直隸清苑等十七州縣通賦○甲戌諭周系英奏辦理召試章程請旨遵行一摺向來迎登士子加恩召試雖經辦有成案但未明定章程辦理未能盡一自應東華續錄 嘉慶三十一 九 以其父兄官職之大小為子弟應試之限制此次朕巡幸五臺所有應行召試士子京官除見任京室及翰詹科道軍機章京外官除督撫藩司及道府以上之親子姪兄弟俱著回籍無庸與試仍准其進冊其業經病故離任緣事在籍及其餘京外各官之親子姪兄弟俱准其與考嗣後巡幸各省設有召試之典即照此例行○乙亥工部尚書費淳卒賞還大學士銜予祭葬諡文恪以其子戶部主事履升為員外郎○以王集為工部尚書崇祿為左都御史和甯為盛京刑部侍郎由大理寺少卿遷○戊寅免山西五臺縣額賦十分之三

閏三月庚辰 上駐蹕五臺山○免山西全省額賦十分之三○辛巳廣山西歲試學額○壬午賜召試舉人龍汝言等三人內閣中書附生李堂棟等六人舉人○乙酉 上回鑾○諭山西五臺

縣情涼山為文殊演教之區靈蹟昭著我 聖祖仁皇帝親臨瞻禮 皇考高宗純皇帝復屢次巡幸 鑾輅所臨布閣推恩 天章魏煥典禮常昭康熙乾隆年間節經 敕命詞臣纂修清涼山志刊刻頒發惟歷次 巡幸尚未陸續全載本年朕初次臨遊凡行慶施惠各事宜悉遵 成憲推廣舉行亦宜載諸簡冊用示來茲著交文穎館將清涼山志一書續行纂輯所有廟宇行宮及經由道途前書有未載者著該撫速飭地方官繪具圖說咨送該館辦理尋館臣董誥等奏查清涼山志恭載 高宗純皇帝五次巡幸五臺山 聖製詩文惟六巡未經載入今遵照前例敬謹纂入以成完書 皇上啓鑾至駐蹕清涼其開謁 陵閱武備俊諸大典有前志所未備者謹擬纂為西巡盛典從之○減山西軍流以下罪○壬辰復溫承惠一品頂帶○癸巳 上閱正定鎮兵○丙申 上謁 堯母陵 帝堯廟行禮○改雲南大理府同知為東川府巧家同知賓川州赤石唯巡檢為普洱府他郎廳知事○戊戌 上閱直隸督標兵○幸蓮池書院○減直隸軍流以下罪○癸卯 上還京師○丁未以本智為泰甯鎮總兵官吉倫為理藩院右侍郎調同典為山東巡撫以顏檢為貴州巡撫巴哈布為雲南按察使由太僕寺少卿遷

夏四月戊申朔 皇后行躬桑禮○太子少師大學士戴衢亨奉晉贈太子太師命榮郡王縣億帶領侍衛十員往奠茶酒賞銀一千五百兩治喪入祀賢良祠予祭葬諡文端○己酉諭軍機大臣等方維甸前任陝西巡撫時曾迎養伊母在署辦公之餘克資孝養迨爾放閩浙總督之後伊母因道途遙遠於南方風土未習難於就養方維甸當經具摺陳奏一面將伊母送歸江甯原籍自赴



閩省任事上年秋閒伊到熱河陛見時朕施恩詢及伊復歷陳忱
惻朕念伊母高年患病方維旬孝養情殷兩地睽違殊增戀慕若
將伊調任兩江庶可就近侍養而又係伊原籍應行回遊止得令
其閒缺回籍養親此朕不忍拂人子至情曲為體恤也方維旬自
回籍以後承歡侍奉伊母自已日就安健見在太學士戴衢亨因
在臺懷偶患時證不意為醫藥所誤遽於昨日溘逝朕心悼惜此
時軍機漢大臣人少樞務至重朕於中外諸大臣備加遴選惟方
維旬性情公直在軍機章京上年久熟諸事務人地相宜今特簡
用為軍機大臣將來補放尚書用資倚畀伊母從前本在京邸久
住於北方風土素能習慣即此時在江甯居住亦未必如在京邸
之服習伊若奉母來京於散直之餘朝夕侍奉豈不公私兩遂即
遇巡幸亦不令伊隨往朕於方維旬母子之閒所以優加體念者
東華續錄 嘉慶二十一年 十一

之名陰施報復之計以巧試其術者其初列款上聞浮言聳聽及
查明毫無證據若將言官懲罰過重似杜敢言之路而被劾之大
臣一登白簡雖辨明心迹謹責不加究以枉受誣讒使在廷之議
謂其會遭指謫不免中懷畏懼損其精白之衷且君臣之閒亦不
若無此芥蒂益孚股肱心膂之義也即如原任太學士戴衢亨果
於任事惟性急語直每遇部院公事判別是非或從或違安能盡
協人意因此為怨者所詆前被給事中花杰封章參奏指稱伊與
貢士洪瑩交往精密拔置一甲一名又黃旭試卷行楷相閒濫置
二甲經朕密取殿試各卷加封呈覽特將洪瑩帶至上書房命二
阿哥監看令其默寫試策惟時殿試已閱兩月有餘洪瑩所默
試策與原卷悉相符合不過數虛字閒有異同其黃旭原卷未數
行稍欠工整並無一筆行書當即明白宣示剖分曲直本年已巳
東華續錄 嘉慶二十一年 十一



三大祀恭閱祝版時祝版玉帛香亭設於太和殿之西香亭設於太和殿之東及恭閱祝版玉帛香行禮後各安設亭內復詣東邊香亭行禮方始昇行朕恩香亭之設原因祝版通誠於上帝故必於香亭內上行禮至昇行時即昇於祝版亭之前今祝版亭安設在西朕止於香亭前望空行禮尙於義未協嗣後 三大祀閱祝版時祝版亭即設於東邊香亭之後朕閱祝版後再恭詣香亭前向祝版上行禮以昭祇肅○命修築直隸任邱等各州縣千里長隄並雄縣堤道○戊辰以京師及河南山東旱命清釐庶獄○壬申賜蔣立鐔等二百二十七人進士及第有差○癸酉諭軍機大臣等據方維甸遞忱覆奏一摺前因軍機大臣需人朕念方維甸熟習機務是以降旨召伊來京並令伊察看伊母身體情形先行覆奏茲據奏伊母近日心神恍惚難以力疾遠行情詞東華續錄 嘉慶三十一 志

懇切朕聞之甚為憐憫見在天氣漸熱方維甸母子不能暫離若令其母長途跋涉朕心殊為不忍方維甸著不必來京仍在籍安心養親時屆端陽並加恩賞給方維甸之母香珠一匣香袋一匣香牌一匣摺扇一匣方維甸即告知伊母俾其歡欣頤養可也○召錢楷來京以張映漢為湖北巡撫陳桂生為山西布政使錢臻為山西按察使由冀甯道遷○敕直隸祁州州判涑水張強二縣縣丞赤城龍門二縣縣丞設平泉州州判建昌縣縣丞巡檢赤峯縣縣丞承德府司獄

五月辛巳命劉權之為體仁閣大學士以吏部尚書鄒炳泰協辦大學士劉鏞之為兵部尚書錢楷為戶部右侍郎前湖北巡撫○甲申以甘肅早發倉穀平糶○丁亥 上詣 天神壇祈雨○諭本日朕親詣 天神壇虔誠祈雨執事各員宜如何敬慎肅肅乃派充

典儀之贊禮郎國薩於應行唱贊送 神時率行唱贊送燎實屬褻慢不敬若係他人唱贊錯誤不過交部嚴議處以革職即問罪亦止於發遣國薩係會經身犯命案問擬絞罪之人彼時因伊父扎郎阿執誼 壇 廟禮儀特加恩賞發交伊父在家管束嗣據伊父扎郎阿稱其悔罪自新請晚禮節唱贊熟練復錄用為贊禮郎又經補授贊禮伊此次派充典禮自應倍加小心無敢褻越乃竟漫不經心羅此錯誤其咎較重見已革職鎖鑰著交刑部即於明日定擬具奏至扎郎阿並不認真教誨伊子輒屢次在朕前飾詞妄譽此次復將伊子派充典禮希圖見長邀恩實屬徇私不職本應即予罷斥姑念其充當 壇 廟差使有年著加恩降為贊禮郎即補伊子所出之缺哈爾阿明志二人亦屢次在朕前稱贊國薩並將伊派充典禮係祖庇同僚曲為援引均應交部嚴加東華續錄 嘉慶三十一 志

議處惟本日哈爾阿於國薩錯贊送燎之時仍贊引送 神儀注於行禮節次得以如儀尙不致誤哈爾阿著從寬交部議處明志著交部嚴加議處其餘管理太常寺福慶等各堂官均著交部議處惟馬履泰係屬不諳清語著加恩免其議處再本日贊樂之贊禮郎於國薩錯贊送燎時若仍贊送 神樂則錯誤益多今並未贊樂實屬胸有成見又司祝之贊禮郎及司香帛之在前列者俱能循照定儀並未相率錯誤此三人均熟諳儀文著加恩各賞給小卷紗一匹以示獎勵嗣後有似此曾經身犯重罪得邀寬宥錄用之人遇有一切 壇 廟祭祀差俱不准派充執事以昭該肅著為令○戊子 上臨莊靜固倫公主園邸賜奠○諭國薩充當天神壇典儀於應唱贊送 神時輒唱贊送燎實屬褻越不敬刑部擬以斬立決自為罪所應得但念伊年幼糊塗因伊父扎郎

阿平素不行管教節詞妄譽且徇私派充典儀以致唱贊錯誤經刑部審訊尚昏然不知是其身罹大辟實由伊父溺愛之故其罪尚可未減圖薩改為斬監候秋後處決○庚寅雨○命五城設廠平糶○癸巳 上詣 黑龍潭祈雨○甲午復雨○乙未恩長以廢弛降調以長齡為河南巡撫○癸卯調百齡為左都御史崇祿為刑部尚書○乙巳諭倉場侍郎會同巡漕兩御史議奏李亨特請將南糧全數自楊村起剝到場一摺所駁甚是南糧軍船例應到通起卸偶因楊村水淺不得已始用剝船原非定制剝船除官設一千五百隻之外其由直隸添雇者即不能及官設之數軍船遇水大之時起四存六遇水小之時起六存四向係輪轉應用惟三進軍船末後數幫因恐回空太遲開或全數起剝亦緣三進之後更無幫船始可將剝船儘用今若照李亨特所奏頭二三各進東華續錄 嘉慶三十一 五

幫船於行抵楊村之時俱令全數起剝則所需剝船過多何由敷用勢必前後積壓欲速轉運重運回空豈不兩有耽誤所請斷不可行李亨特會任坐轎處乃不能詰悉情形率為此奏殊屬冒昧著交部議處

六月庚戌以王營減場隄工復贖革陳鳳翔領疏防員弁革職速問○王子諭昨諭軍機大臣傳訊明亮令將伊轎房賭博一事會否素知並伊何以知有御史條奏禁止賭博一一據實具奏今據伊登答各條顯多詭飾前日步軍統領衙門奏明亮於伊轎夫另住房屋之時會傳喚該處步軍校到家面為屬付今明亮稱該步軍校並非由伊傳喚前往係因轎夫另覓房屋自赴明亮家關白伊因屬以轎夫儻或滋事即隨時查拏等語步軍校並非明亮所屬若非明亮遣人傳喚何為到伊家中殊非情理至明亮稱伊

於御史參奏轎房賭博一事係聞朝房窗外有人傳說不能辨其為何人聲音等語更不成話明亮會經奏稱伊從前因點放爆竹致將一耳震聾况時常召見常有錯聽朕語之時伊平日既未能審聽語言此時在朝房內何以又聞窗外之言且既不能辨別聲音又何以由詳悉語句其為掩飾更不問而知即窗外私論密奏之事亦必低言細語斷無高聲大吸之理皆由伊從前在軍營中習憤編謊今陋態未除諸欠真實至伊是日遣家人王福進城或竟係送信轎房亦未可定今伊稱係派令進城查察無論其詞不足憑即使果如所言亦屬辦理不善伊既欲查拏轎夫賭博即當不動聲色親自進城徑往查看則轎夫自不能散走何必派人往查致轎夫等聞風逃逸耶此事明亮於奉旨傳詢之後不肯據實直陳本當即行褫革懲治惟念伊舊有軍功見在加恩用至協辦大東華續錄 嘉慶三十一 六

學士年將八旬無庸再向詢問著先交部嚴加議處其究竟有無知情之處著軍機大臣仍會同刑部將伊家人等研訊具奏尋議上得旨明亮身為協辦大學士兵部尚書本應坐轎若僅止失察轎夫聚賭自行據實陳奏請罪不過交部議處即議革任亦必加恩留任乃於轎夫開場聚賭平日既不能約束得信後又授意家人進城送信致令該轎夫等聞風逃逸種種回護欺飾殊失大臣之體不勝協辦大學士尚書之任本應照部議職職姑念明亮前同阿桂平定金川著有功績嗣勦辦三省邪匪於湖北孝感鐵營賊眾保護地方亦有微勞此次係因文職任內獲咎著將伊太子少保銜內大臣協辦大學士兵部尚書鑲藍旗滿洲都統閱兵大臣管理稽察 壇 廟事務尚書房總譜達清字經館總裁紫禁城騎馬雙眼花翎全行革去至伊所得伯爵係由軍功給予著加

恩仍留三等襲勇伯降為二品頂帶賞給單眼花翎並賞給副都統署理富爾璆黃旗漢軍副都統出差之缺仍管理火器營事務輸流直班○癸丑諭大學士祿康兼任步軍統領專司緝捕凡京城內有犯禁不法為匪滋事之案皆當嚴拿悻絕方使奸究斂迹鞏毅肅清乃平日一味寬厚不加整頓致涉懈弛前月御史韓鼎晉奏內城賭風甚熾多係諸大臣之驍夫開局等語朕密飭祿康英和查辦旋據祿康等摺獲二起具奏一係杏花天賭棍一係明亮驍夫而祿康於伊家內驍夫有無開賭情事則全不計及並不首先查辦迨朕詢及明亮伊奏稱心疑祿康驍夫亦不免此是以效尤朕即於初五日密諭英和桂芳查拿英和桂芳於是日晚間查明祿康驍夫徐四開局屬實拿獲案犯數人於初六日具奏當降旨交軍機大臣會同刑部審訊見據徐四等供認係十四年

東華續錄

嘉慶二十一年

七

十月起開局聚賭賭局內夥犯多人一一供出並據供稱每日分給地面官錢八千又祿康宅中之家人張四內監楊二每日錢二三十千不等語是祿康不但失察驍夫在外為匪而於伊宅內家人內監等包庇縱容聯為一氣亦竟恬然不知無能已極然其咎總在失察如果祿康今日自行具摺請罪不再回護則其過究非有心朕無不加之原諒將來吏議上時亦不過革職留任而止乃今日忽據奏稱伊於初六日早開先已將驍夫頭徐四看押正在訊辦適英和桂芳遣人將徐四擊去等語所奏未免虛飾伊果有心查辦則五月二十九日奉旨之後隨時皆可訊問何以候之多日直至初六日始將徐四看押乎况英和等於初五日晚間已將代徐四看房之王三潘二陳四等三犯擊獲交出徐四開賭情事而祿康於初六日早開始將徐四訊問其為開風掩飾豈非

欲蓋彌彰此一節獲咎較重祿康者交都察院嚴加議處其祿康本日交出各犯著與見在拿到各犯均著軍機大臣會同刑部嚴審定擬究竟祿康有無知情一併據實具奏其步軍統領衙門番子頭目王鑑等於偵緝匪徒是其專責乃內城有此等開局賭博之事全不過問並敢於提督屢次詢問之時任意蒙蔽其為知情朋比玩法分肥已可槩見並著歸案審訊加以懲創尋議上得旨祿康前在步軍統領任內因其賦性軟弱特換文甯管理嗣因文甯降調一時簡任乏人仍令祿康兼管乃前後在任數載於地方應辦事件一味廢弛毫無振作罷軟無能又非若明亮尚有軍功可紀本日都察院議上奏請褫職本應照議罷黜姑念祿康供職有年時常患病著革去太子少保內大臣東閣大學士管理吏部事務步軍統領稽察欽奉上諭事件處經筵講官閱兵大臣管理

東華續錄

嘉慶二十一年

六

戶部三庫事務崇文門正監督國史館總裁管理右翼宗學管理西洋堂紫禁城騎馬並拔去花翎加恩降為正黃旗漢軍副都統○甲寅召勒保來京以百齡為兩江總督德文為左都御史轉哈甯阿為禮部左侍郎調凱音布為禮部右侍郎由盛京禮部侍郎調○丙辰加劉權之鄒炳泰托津太子少保○以松筠協辦大學士仍留兩廣總督任調恭阿拉為兵部尚書由工部尚書調○丁巳命勒保為武英殿大學士○以吉綸為工部尚書貢楚克扎布為理藩院右侍郎由都統調○以花尙阿為盛京禮部侍郎由副都統調○以穆克登額為直隸泰甯鎮總兵官轉景祿為刑部左侍郎以成甯為刑部右侍郎由大理寺少卿遷○戊午諭向來九卿科道等遇有條陳劾劾俱封章入奏呈遞時面交外奏事官轉交內奏事太監直達朕前拆封印行披覽其摺內所奏何事無論外開不應有人傳播即內奏事太監

等亦無由得見杜漸防微立法至為嚴密上月二十八日御史韓鼎晉密奏內城有開場聚賭之事當命軍機大臣傳到該御史詢以所指何人即於二十九日由該御史自行覆奏朕始令步軍統領祿康等密行查拏節據先後擊獲賭局共一十六起內有八起於五月二十八二十九兩日散局顯係得信逃匿若非有人洩漏或有人探聽御史條奏此事潛向告知致令逃匿而何此時朕姑不深究其人嗣後九卿科道等有陳奏事件如呈遞之前或奏事處及在朝之人向其詢問所奏何事著即指名參奏若無人詢問而具摺陳奏之後或向外人敘說亦著聞其言者立即揭參均當加之懲治庶不至嘉猷人告以採納之資啓漏言之漸蓋君不密則失臣朕斷不肯先行曉諭以致敢言之臣招怨而臣不密則失身近日此風甚熾朕生平最惡者探聽朝政先欲得信之人樞機東華續錄 嘉慶三十一 九

之發榮辱所關有不可不慎者勿謂朕語誠之不早也如敢干犯決不輕恕將此通諭知之○乙丑湖南按察使傅鼎卒 上念其經理苗疆功予祭葬如巡撫例並加賜祭一次○以沈長春為湖南按察使由直隸天○丙寅論嗣後滿洲六部侍郎年至六旬者著照向例准其坐轎至理藩院侍郎非六部侍郎可比雖年逾六旬仍不准坐轎著為令○諭軍機大臣等景安奏臬司傅鼎因病身故一摺已明降恩旨加銜賜卹矣傅鼎辦理苗疆屯防一切事務緩撫得宜該苗民等畏威懷德聞其逝世自必同深哀悼備有願至其靈前祭奠者不必禁止或有請為建祠者即許其建設並著景安書扁懸挂至湖南辰州永順二府二廳一帶苗民雜處為邊疆要地從前傳鼎鎮撫有法久臻甯謐著景安傳諭見任道員姚興潔於該處應辦各事宜惟當以傅鼎為法所有傳鼎舊定章

程自皆妥協務遵照辦理○丁卯以榮麟為倉場侍郎由內閣學士遷

東華續錄

嘉慶三十二

王先謙敬編

周壽蕃恭校

秋七月戊寅調陳希曾為戶部右侍郎錢楷為工部左侍郎○加

光祿寺少卿盧蔭溥四品卿銜命在軍機大臣上學習行走○邵

洪以疾免以帥承瀛為禮部右侍郎由左副都御史遷○己卯以茹恭為

內閣學士由少詹事遷○辛巳以溫汝適為左副都御史由太僕寺卿遷○壬

午景安以病乞解任允之調廣厚為湖南巡撫以錢楷為安徽巡

撫轉顧德慶為工部左侍郎以初彭齡為工部右侍郎由順天府府尹遷

○甲申以景安為內閣學士前湖南巡撫○壬辰諭西洋人居住京師

原因其諳習算法可以推步天文備欽天監職官之選昨據管理

西洋堂務大臣查明在京者共十一人除福文高李拱辰高守謙

東華續錄 嘉慶三十二

三人見任欽天監監正監副南彌德在內閣充當繕譯差使又畢

學源一人通曉算法留備敘補賀清泰吉德明二人均年老多病

不能歸國此外學藝未精之高臨淵等四人俱已飭令回國見在

西洋人之留京者止有七人此七人中有官職差使者出入往

來俱有在官人役隨地稽查不能與旗民人等私相交接其老病

者不過聽其終老不准擅出西洋堂外人亦不准擅入管理大臣

及官員弁兵巡邏嚴密諒不至有聽其傳教惑眾之事至外省地

方本無需用西洋人之處即不應有西洋人在境潛住從前外省

擊獲習教人犯每稱傳播始於京師今京師已按名稽覈徹底清

釐若外省再有傳習此教者必係另有西洋人在彼煽惑地方匪

徒私自容留不可不加之厲禁除廣東省向有西洋人來往貿易

其居住之處應留心管束勿任私行傳教有不遵禁令者即按例

懲治外其餘各直省著該督撫等飭屬通行詳查如見有西洋人

在境及續有西洋人潛來者均令地方官查拏具報一面奏聞一

面遞交廣東遣令回國如地方官辦理不力致令傳教惑眾照新

定條例嚴參重處若內地民人私習其教復影射傳惑者著地方

官一律查拏按律治罪將此通諭知之○癸巳以慶炆為湖南按

察使由甘肅西道遷○乙未諭兵丁楊朝俊因妬姦故殺本管把總李

定祥身死刑部以李定祥自取陵辱應同凡論將楊朝俊問擬斬

候具奏朕詳覈案情楊朝俊李定祥先後與楊吳氏姦好是晚楊

朝俊正在楊吳氏家姦宿適李定祥潛往叫門楊朝俊即以汛官

不應與民婦通姦向其挾制致彼此爭鬪毆傷楊朝俊先將李定

祥截傷自知難免問罪復恨其奪姦隨起意截殺李定祥心坎殞

命李定祥係楊朝俊本管營官如因姦宿民婦輒將所管兵丁陵

辱以致兵丁氣忿爭毆致命則是死者有罪逞兇者本係無罪之

人應以凡論但科其故殺之罪今李定祥楊朝俊同與楊吳氏通

姦均係有罪之人楊朝俊因妬姦逞忿刃斃本官干名犯義目無

法紀若竟以凡論殊覺無所區別楊朝俊一犯問擬斬候秋審情

實亦必予矜若即行正法餘照該部所擬完結嗣後遇有兵丁故

殺本官之案若兵丁亦係犯罪之人與本官犯罪同者著照例問

擬斬候仍請旨即行正法○丙申 上啓鑾秋獮木蘭○免經過

地方額賦十分之三○壬寅 上駐蹕避暑山莊○癸卯諭據百

齡奏稱查勘海口上下未經挑挖處所倘俱深通即馬港口以上

河身雖經減壩奪流存水亦尚及丈惟中段挑濬之處轉已涸成

平陸詢之河兵土人等僉稱去歲挑河所挖之土即在河灘堆積

並未遠移隄外今春黃水漫灘衝刷土山坍塌仍於河內又挑工

東華續錄 嘉慶三十二

盡處之攔湖壩一道放水時壩根起除未淨以致阻梗水中黃水
泥沙俱爲壩基攔阻停淤特甚本年凌汛後淮海道黎世序卽屢
次將漫水汕開土山必致河身淤墊之故稟明河督陳鳳翔批令
俟秋汛後再行籌辦等語上年特派馬慧裕前往南河督辦挑工
費帑數百萬乃壩根起除未淨又堆積土山逼近河灘以致水過
沙停淤塞幾同平陸馬慧裕係駐工專辦之人實難辭咎著交部
議處陳鳳翔身任河臣本年三四月閒倪家灘一帶既有漫溢之
處卽應親往相度及早籌辦乃該管道員屢經稟請伊轉視爲緩
圖以致河流不暢上游漫口實係該河督因循貽誤且見據奏報
棉拐山李家樓復有兩處漫口陳鳳翔著交部嚴加議處其疏防
之蕭南同知陳熙守備管友仁邛北通判朱楹守備鄭慶瑤及該
管之文武汛官俱著先摘去頂帶戴罪堵築仍交部議處兼管之

東華續錄

嘉慶三十二

三

徐州道張鼎遊擊孔成一併交部議處○諭軍機大臣等百齡具
奏查勘海口情形審度全河局勢一摺所奏甚爲明晰海口見無
高仰形迹亦無攔門沙阻滯其受病之處在去年挑挖河身工段
內積淤三千餘丈又親至馬港口以下見該處積有淤沙且入海
路窄仍以修濬正河爲便所見甚是並擬將龍工尾以下河身加
挑寬深兩岸接築新隄分礮堅實再於七套地方增建減水壩及
修復王營減壩後建磨盤埽等工所議均有條理此事卽責成百
齡盡心籌畫吳璣久任河督於南河情形素爲熟悉已降旨令其
前赴南河隨同百齡辦理一切百齡素能辦事此時責無旁貸務
勤思熟計以副委任○乙巳以慶祥爲理藩院右侍郎由副都統遷
八月辛亥改廣東雷瓊鎮總兵官爲瓊州鎮水師總兵官○壬子
棉拐山漫工合龍○甲寅衡齡丁母憂以成甯爲山西巡撫由右

侍郎 ○己未諭鐵保等奏查擊指稱叛裔名目斂取錢物並捏寫
回經妄添不法語句之首從各犯審明辦理一摺新疆回民久經
安居樂業薩木薩克遠竄窮邊距喀什噶爾尙有五六千里之遙
伊故後其子玉素普窮困無依欲向伊舊日屬下回人斂錢幫助
乃沙朵斯等膽敢私通書信藉名惑眾斂取錢物實屬不法鐵保
等一經訪聞卽能不動聲色密飭阿奇木伯克玉努斯等將案內
首從各犯全數擊獲辦理甚爲妥速鐵保著加恩賞給副都統銜
其本任翰林院侍講學士交吏部開缺照例進本哈豐阿著加恩
賞給二等侍衛阿奇木伯克郡王玉努斯甫經到任卽差七品明
伯克阿布都拉五品頂帶藍翎侍衛愛里巴克依等借清查回莊
爲名悉心訪擊搜獲各項字迹解送到案甚屬奮勉玉努斯著加
恩賞給大段二匹五絲段二匹明伯克阿布都拉著賞給大段一
匹五絲段一匹以示獎勵愛里巴克依係玉努斯屬下之人令其
自行加賞所有案內首從各犯俱著照所奏辦理○庚申增四川
成都駐防養育兵九十六名○壬戌 上自避暑山莊巡幸木蘭
行圍○戊辰加松筠太子少保

九月丁丑諭軍機大臣等百齡等奏籌計南河工用一摺南河頻
年興辦鉅工糜帑浩繁此次必須計出萬全方於國計民生有益
若目前暫圖節省將來仍不能一勞永逸則所費必遠過於所省
總以工歸實濟帑不虛糜爲準固不可任聽浮銷亦不可有心惜
費也至所請各直省督撫鹽政關差司道府州縣等官扣捐養廉
一節所奏非是斷不可行國家養廉之設係爲辦公之用若普行
攤扣在賢者自以急公奉上爲重不改廉隅而不肖者或因此藉
口多方巧取其弊豈可勝言况爲政有體從前辦理軍務費帑數

東華續錄

嘉慶三十二

四

千萬尙未令官員扣捐廉俸此時豈值爲河工創爲此舉見在所
 籌之款已足敷所辦之工但能經理得宜卽爲不負委任也○己
 卯命於木蘭東哨門內建 興安大嶺神祠○癸未 上駐蹕避
 暑山莊○戊子 上自避暑山莊回鑾○乙未以河南安徽水災
 撥長蘆運庫銀五十萬兩備賑○免河南被水之永城縣額賦三
 年夏邑縣二年虞城縣一年○瑚圖禮以吏部銓選錯降降調以
 松筠爲吏部尙書蔣攸銛爲兩廣總督鐵保爲浙江巡撫由喀什
 黃大
 臣遷○丁酉 上謁 昭西陵 孝陵 孝東陵 景陵 裕陵
 ○戊戌諭軍機大臣等百齡等奏查明李家樓漫水安豫兩省被
 災情形籌議辦理緩急次第又與挑減壩以下河身淤墊各一摺
 本年江境兩開漫口見有王營減壩李家樓兩處鉅工未堵其被
 災地方亦廣朕宵旰焦勞時時軫念普天之下未有重於此事者
 東華續錄 嘉慶三十二 五
 百齡等所奏欲堵減壩必須大挑雲梯關內外河身欲堵李家樓
 必須大挑邳北上下河身減壩不能遠堵李家樓亦不能卽堵此
 乃事理之自然原不待煩言而解惟有設法趕緊辦理成功愈速
 則人事盡而災患可弭見在減壩以下挑工業已分段興挑若如
 百齡等所議俟減壩工竣再籌辦李家樓濟河築口之事此則實
 不能待朕已通盤籌畫惟有將王營減壩以下挑工同時並舉可
 以將時日趨前於全局補救甚大在該督等之意不過以帑項不
 足工員不敷二事爲詞昨不待奏請已發給長蘆備辦直隸水利
 銀五十萬兩茲又降旨令粵海關撥給銀五十萬兩迅速解工應
 用儻仍有不敷據實奏請朕不少靳惜其需用工員奏請到日亦
 卽發往想該督等亦更無掣肘難辦之處至若仍執借黃助清之
 說遷延觀望此則太不權利害輕重大小甚屬非宜非大清之臣

僕矣從古治河重在宣防皆以河決爲患未聞有言河決轉受其
 益者刻下安豫十餘縣災地盡在洪濤巨浸之中民情急迫其可
 虞之處昨降諭旨已言之甚明且該督等此次摺內並言洪澤湖
 已日形漲滿開放智禮二壩之後又須啓放仁壩是黃水入湖不
 但無益且恐有害見值霜降水落之時湖內尙不能容若李家樓
 漫口不及早堵合明年伏秋大汛漲水日增安豫被災之區益形
 泛溢所不待言而以全黃之勢直注洪湖設貯堰不能保守其患
 尙可言乎彼時不但河工無從措手漕運又將如何措辦百齡等
 豈可輕聽曲說而不遠慮及此至該督等見欲於蕭南工次搭蓋
 棚廠姑示剋期進堵以安民心此說亦非長策民不可欺指日汛
 水方來漫口未築何忍將此數十萬良民盡付洪水不思援救朕
 承 天 考付託豈肯爲此暴虐之事朕銳意速辦以贖己咎著
 東華續錄 嘉慶三十二 六
 百齡等卽遵照昨降諭旨剋日興挑李家樓以下河身淤墊其所
 需人夫不思短缺王營減壩以下挑工所用者係海沐一帶民夫
 李家樓以下挑工切近安徽河南被災各縣一聞興舉大工數十
 萬之夫可以一呼而至旣可以工代賑使災民藉資餬口並可曉
 諭該處紳士使知國家不惜重帑同時趨辦鉅工用以救災恤患
 恩意傳播民情自必大安其李家樓以下挑工亦著分爲三段吳
 墩雖不能奔走河干若專駐一處督辦伊力所優爲著伊承管一
 段徐端承管一段張鼎承管一段百齡等卽酌分派定並每段各
 撥給委員弁示期一同興挑愈速愈妙但不可稍有草率挑工
 一竣王營減壩合龍後卽將兩處熟諳工程員弁人夫併力堵築
 李家樓漫口如此同時興工而次第自在其中可冀於明年桃汛
 前使河復故道以拯災黎以釋朕憂百齡等卽勉力籌辦以副委

任若再飾詞推諉必將倡議之人正法示眾儆之○免被水之江蘇碭山縣額賦三年蕭縣一年安徽泗州額賦三年宿州靈璧縣二年五河縣一年○調史積容為廣西布政使陳預為江甯布政使○調福昂為雲南按察使巴哈布為江蘇按察使○庚子 上還京師○辛丑諭據豐紳常明奏嶺南化改土歸流一摺據稱嘉定府峽邊廳通判所屬十二支嶺夷自嘉慶十三年夷目約列等震誓天威率眾投誠奏准即令約列等充當頭人管束十二支夷眾認納糧石茲該夷人約列等以川省所轄各路土司向有改土歸流之例情願一心向化永作盛世良民並請升科納糧更名易姓一體當差等語該夷人僻處窮邊不通聲教自歸服業經數載漸通內地語言畏法奉公飲和食德今具詞環籲輸忱內附願列齊民著加恩准其改土歸流以遂其願誠慕義之懷所有戶口東華續錄 嘉慶三十二 七

損無益毋觀往史如前代之侈陳百戲賜餉旬朝方且心薄所為引為監戒况本年南河漫口下游被災各直省亦開告薄收朕軫念民艱肝腎莫釋即值旬慶之年亦必將臚祝慶文樂行裁抑儻朕稍忘民莫侈舉慶儀各大臣言官等必慮上章切諫方為愛君之道乃前日御史景德冒昧奏請欲於萬壽節令城內演戲設劇十日歲以為例朕兢兢業業敦崇實政中外臣庶共見共聞景德竟敢以此言輕為嘗試其視朕為何如主耶本應於陳奏之日立予杖責發遣朕不為已甚先交部嚴加議處茲部議將該御史照例革職實屬咎無可寬景德著即革職並發往咸京交觀明差遣派當苦差成京風氣樸質俾景德在彼覽觀服習當自知其識見庸鄙愧惡無地也○是月兩淮鹽政阿克當阿遵旨密奏百齡籌辦河工悉心經理不避嫌怨地方及屬員賢否纖悉皆知吏東華續錄 嘉慶三十二 八

士一缺向例由外省府教授推升而府教授多係論俸升轉資深年老之員往往不能赴京供職應如何更定選法俾人缺相宜不至曠官著吏部妥議具奏等奏內外各官例有京升班次國子監博士輪用升班時專以各省府教授升用擬於雙單月選班內增入京升一項以學正學錄升用至京外教授推升者亦應勒限兩月赴部從之○乙丑賜馬殿甲等四十九人武進士及第出身有差

十一月丁丑內閣學士常英以讀本錯誤降調○辛巳轉慶祥為理藩院左侍郎以景安為理藩院右侍郎玉麟為內閣學士由副都統

○己丑周季堂緣事革職調陳若霖為湖北按察使以溫承志為廣東按察使由糧道○辛卯轉初彭齡為工部左侍郎調帥承瀛為工部右侍郎以汪廷珍為禮部右侍郎由內閣學士○以成甯為刑部右侍郎衡齡署山西巡撫前任山西巡撫○庚子諭百齡奏江南邳宿

邳宿河應請無庸改隸東省管轄一摺據稱邳宿運河貓兒河一帶古淺之處距徐州僅有一百數十里而距濟甯則有四百數十里

一切撈空雇剝事宜改隸山東運河道不如仍隸徐州道之便且運河道本轄之境已屬路長事劇再加邳宿運河二百五十餘里難免顧此失彼之虞又駱馬湖之蓄水劉老澗之分洩最為中河一應關鍵其地皆在邳宿運河廳境內改隸兩省尤多未便不若仍循舊章以黃林莊為兩省分界等語運河分隸章程相沿已久前因巡漕御史周鉞條奏以邳宿運河全資微山湖放水注請將該廳改易東省一手經管飭交江南山東督撫等會議准行今據百齡等剖陳利弊甚為明晰亦不必再行文議著照所請邳宿

運河毋庸改隸山東一切循舊制辦理又百齡等奏稱江南山東

運河挑濬事宜向歸河員辦理嘉慶十二年巡漕御史文修條陳改歸地方官經理今州縣賠累日多而河道益形淺阻請仍歸河員辦理等語河員專管河務於承辦挑濬事宜自較地方官熟悉且運河平日攔沙蓄溜節宣等事均係河員專責若將挑挖屬之地方官則濬治防守兩易其人轉啓互相推諉之弊嗣後江南山東河運挑濬事宜著仍循舊章復歸河員辦理以專責成

十二月庚戌兩江總督百齡等奏減撥合龍下游諸工完竣得旨獎賚下部議敘賞河道總督陳鳳翔四品頂帶道員黎世序按察使銜徐升敘有差○召袁秉直來京調陳預為江西布政使以胡克家為江甯布政使由淮揚道○癸丑以和甯為威京將軍富俊為威京工部侍郎○以貴慶為威京刑部侍郎由大理寺卿○甲寅以廉善阮元俱為內閣學士廉善由詹事府元由少詹事○己未諭陽春慶惠奏嘉

慶十三年內布魯克巴部長喇嘛曲扎仰懇天恩賞賜王爵寶石頂花翎敕書印信等件彼時經文弼駁飭不准嗣十五年內喇嘛曲勒接管部長事務改請賞給諾們汗名號又經文弼陽春各駁兩次駁飭之時均未入奏茲據實查明奏聞等語布魯克巴部落自雍正年間投誠時 賞賜額爾德尼第巴名號嗣後接充部長

俱仍前號並無更易今該部長曲扎曲勒借越妄求該大臣等自當一而駁飭一面奏明請旨何得僅以咨覆了事既不奏聞甚屬舛誤文弼始終未經具奏著交部加等嚴加議處即回京候議陽春具奏已遲且此時必係因慶惠到彼查出始行聯名入奏著照所請交部嚴加議處慶惠雖經查出具奏伊到任已經數月其自請交部議處著改為察議尋議文弼革職陽春降三級調用慶惠

罰俸一年從之○庚申以普恭為內閣學士由大理寺少卿○乙丑增

浙江玉環廳學拔貢生額一名○己巳以潤祥為威京戶部侍郎
由左副都御史遷○甲戌增設江南淮安府外河通判守備各一員○是
歲朝鮮暹羅琉球緬甸來貢○會計天下民穀數各省通共大小
男婦三萬五千八百六十一萬三十九名口各省通共存倉米穀
三千三百三十九萬六百五石一斗一升五合七勺

東華續錄

嘉慶三十一

七

東華續錄

臣王先

臣周潤著恭校

嘉慶十七年壬申春正月乙亥朔以歲前疊逢瑞雪親王郡王
等銀有差加慶桂董誥太保溫承惠太子少保在京官員及年班
來京之蒙古王公各一級並賞八旗兵丁半月錢糧○癸巳諭陽
春等奏廓爾喀國王稟懇仍照向例專遣噶箕頭目進京呈進表
貢一摺廓爾喀國王向例每屆五年差噶箕頭目進京呈進表貢
一次嗣於嘉慶七年經朕俯念該國王年幼辦事需人曲加體恤
止令將表貢敬謹送至交界由內地派員接收俟該國王能經理
國事時再遵照定例遣派貢使來京本年係該國例貢之期據該
國王稟懇請仍照定例專遣貢使赴京情詞極為恭順著准其遣
噶箕頭目來京呈進表貢陽春等接奉諭旨即傳諭該國王並計
算日期令該貢使到藏派員護送起程於本年封印前後到京隨
班瞻觀○丙申諭御史陳超會奏本年三月舉行大閱典禮各省
營伍請降旨通行一體整飭一摺國家設立兵制原應勤加訓練
其直省遇應行簡閱之年或差在京大臣或交本省督撫兵部請
旨遵行著有成例本年朕舉行大閱典禮各省查閱營伍自有一
定期期無庸因此議加整飭惟是朕召見來京陛見之提鎮大員
詢及外省操閱營伍情形多稱每年春秋兩季時加操演冬夏則
恐妨農務所言殊未覈實古者寓兵於農是以蒐苗獮狩皆於農
隙以講武事今則兵與農分入營充伍者月支糧餉本無事於農
畝即勤加簡校並無妨礙嗣後各直省督撫提鎮有統轄營伍之
責者著不必拘定春秋之期於所屬弁兵不時訓練務令技藝精

嫺有勇知方以簡軍實而嚴武備○己亥改陝西甯道仍為滿漢兼用缺

二月甲辰朔 上御經筵○己酉 御試翰林詹事等官擢徐頌

等四員為一等餘升黜留館有差○癸丑諭晉昌奏稱已革知縣

陳寅之子陳榮禮呈請代父在戍當差一摺陳寅前在廣東英德

縣任內於應訊案件遲延拖累監斃人證四十餘名彼時不行擬

抵僅枷號三月發往伊犁充當苦差已屬寬典迨三年期滿時曾

經前任將軍松筠具奏特降諭旨將該犯永遠不准贖罪亦不准

釋回即係遇赦不赦之犯今伊子陳榮禮以伊父年逾七十老病

衰頹呈請代父遠戍當差係屬人子私情晉昌自應遵照前旨即

行駁斥若以陳寅年老可憫甯不思因彼監斃之四十餘名獨非

民命乎晉昌此奏實屬舛誤著交部議處陳寅永遠不准釋回其

東華續錄 嘉慶三十三年 二

子陳榮禮無庸置議○以蘇冲阿為內閣學士由副都書明阿為

左副都御史由通政使道○己未調胡長齡為禮部左侍郎戴聯奎為

兵部右侍郎○壬戌諭據閱兵大臣等奏稱派出交衝之管理健

銳營副都統蘇齡松齡均不能馳馬等語本日召見松齡詢及據

稱不能馳馬是實馬步箭乃滿洲舊業豈可荒廢蘇齡松齡皆係

管兵之人不能馳馬豈能訓練兵丁實屬無用蘇齡松齡均著不

必管理健銳營並革去副都統加恩仍准在散秩大臣上行走向

例大閱應派巴圖魯侍衛交衝著御前大臣將御前乾清門侍衛

繕寫綠頭牌進呈候朕簡派八員充當交衝差使○命副都御史

書明阿改名書敏○丙寅予新疆駐防八旗兵屯種田二萬畝有

奇以資養贖○庚午諭軍機大臣等聞省自前年辦理降匪之後

洋面已就肅清近日復有零星土匪駛竄各洋屢見奏報見據武

隆阿等奏有漳泉土盜竄臺何劫並據稱該鎮等差役齎選奏摺

舟行至東旋洋面有被盜劫失摺匣之事可見該省洋匪仍未淨

盡近年粵省舟師巡緝嚴密洋面土盜不敢停留粵界而閩省洋

面仍劫掠頻聞是閩省水師緝捕懈弛不及粵省不可不速加

整飭著傳諭汪志伊等嚴飭水師各將弁分探盜蹤認真搜緝悉

數殄除務令海氛永靖儻日久疏懈致匪船勾結成幫辦理又形

棘手則該督等不能辭養癰之咎也

三月癸酉朔兩江總督百齡等奏李家樓大工合龍河歸故道得

旨獎發下部優敘賞河道總督陳鳳翔三品頂帶仍下部議敘在

工出力員弁升賞有差○乙亥 上親耕藉田○丙子 上辟蠶

謁 東陵○免經過地方額賦十分之三○辛巳 上謁 昭西

陵 孝陵 孝東陵 景陵 裕陵回鑾○甲申諭軍機大臣等

東華續錄 嘉慶三十三年 三

陽春等奏接據哲孟雄部長來稟懇將唐古特莊子賞給一所俾

資居住並求差派漢番官員前往分斷界址經伊等嚴行駁斥並

飭帕克哩營官等豫為防範不令偷越等語所辦甚是哲孟雄部

落並非藏屬因畏懼廓爾喀侵欺又慮日後不能保守疆土稟求

在唐古特居住伊見在尙存日呢杆岡多二處地方非比失土無

歸輒豫為營窟之計妄希賞給藏屬莊子邊外部落甚多若因強

鄰侵逼俱紛紛效尤乞賞地方則藏內疆域豈能徧為容納至外

番犬牙相錯各守地界亦不能差派官員一一代為清釐界址著

傳諭瑚圖禮等此次哲孟雄部長既經駁斥之後或仍懷貪圖再

行演稟並以後邊外各部落有似此妄生希冀飾詞稟求者俱當

嚴詞檄諭絕其妄想一而嚴飭邊界營官加意巡防毋致偷越為

要○戊子復建陝西甯陝應舊城移駐廳治○己丑 上幸南苑

行圍○庚寅諭前據陽春等奏布魯克巴頭人等因貨物進關漏稅經帕克哩營官查詰有策忍敦柱輒同跟役郭結卜瓊等將正副營官揪毆經伊等訊供將該頭人等問擬斬梟斬決具奏部議上時業經降旨發往旋又據陽春等奏到接據布魯克巴部長稟稱營官先持刀向戮該番民始行抵格請免治罪因查陽春等初次奏摺並未將營官持刀一節聲敘似有意偏袒營官辦理不公隨又特降諭旨由五百里發去合瑚圖禮等再行詳查起釁根由其策忍敦柱等三人暫緩辦理本日召見松筠論及此事據松筠奏向來布魯克巴進藏貨物例不上稅節經禁革有案並稱營官等均係唐古特充當向來外夷人等與邊地營官及唐古特等鬪毆致斃均依各部落土俗治罪並准收贖罰付死者之家等語此案陽春等所奏策忍敦柱等逞兇治罪根由係因漏稅而起若東華續錄 嘉慶三十三 四
向來既不收稅豈能加以漏稅之咎竟是該營官等勒索擊斃陽春等不將營官滋事之處據實查辦以服輿情轉稱該頭人抗稅起釁且彼時既據跟役幹扎喜有營官先用刀向戮之供摺內全不敘入其檄諭該部長文內亦不敘明以致該部長具稟申辨再營官被毆之傷亦未驗明輕重案內緊要情節伊等均一味含糊不加詳訊顯係偏聽枉斷案情多不確實至外夷與唐古特鬪毆之案既有舊例可循伊等又何以不行查明輒將策忍敦柱等三人問擬重辟陽春慶惠二人辦理此事欺隱外謬糊塗不堪厥咎甚重著交部嚴加議處即來京聽候部議革職○壬辰 上御
瞭應臺大閱八旗官兵○丙申 上還京師○庚子前任山東按察使張彤以親老乞終養允之加賞 御書扁額福字○以章煦為刑部左侍郎朱理為江蘇巡撫由刑部

夏四月甲辰諭軍機大臣等八旗生齒日繁雖經添設養育兵額仍未周普朕宵旰籌思無時或釋因思東三省係國家根本之地而吉林土膏沃衍地廣人稀聞近來柳條邊外採獲山場日漸移遠其閒空曠之地不下千有餘里悉屬腴壤內地流民並有私侵耕植者從前乾隆年間我 皇考高宗純皇帝軫念八旗人眾分撥拉林地方給與田畝俾資墾種迄今人享其利今若仰循 成憲將在京閒散旗人陸續咨送吉林以閒曠地畝撥給管業或自耕或招佃均足以資養贍將來地利日興家計日裕該旗人等可練習騎射其材藝優嫻者仍可備挑京中差使於教養之道實為兩得著資沖阿松爾即查明吉林地方如何酌蓋土銜草房俾資棲止此事經營伊始該將軍等盡心籌畫以副委任○辛亥 皇
后行躬桑禮○丙辰 上閱健銳營兵○癸亥改江蘇川沙同知東華續錄 嘉慶三十三 五
為撫民同知劃上海縣二十二保南匯縣十七二十保各圖地漕稅契等項銀米歸同知徵解○乙丑宗人府奏團禁之覺羅富存自戕身死緣由得旨依議此案富存於上年見另案被母呈送圖禁之人有呈懇釋放者伊心懷憂悶自稱父母俱故不能放出勸慰莫解因而自戕聞其情節亦覺可憫子於父母如有干犯重情早經依律治罪其偶違教令經父母一時之怒送官監禁者情罪本屬稍差伊父母呈懇釋放亦尚有不忍遽絕其子之心設伊父母猝患危疾及衰老身故該犯羈身園土聞信後漠不關心是其天良漸滅無可矜憐若尙知倦念天親哀思悔痛不欲生竟以無人懇釋因而自戕或痃死固圖亦無以廣法外之仁著刑部會同宗人府覈議並此外旗人民人經父母呈送忤逆之犯其父母因病身故有情節類此者應如何訊問本犯酌理準情分別應禁

應釋詳議條款奏定後載入則例遵行尋議上得旨宗人府議奏宗室覺羅呈送子孫違犯分別圈禁年分各款朕詳加披閱多有未協如所稱初次呈送之犯查明素不能承歡膝下又復辭色不遜者請圈禁三年平日不能敬謹依順又向不安分者請圈禁六年賦性乖劣屢訓不悛者永遠圈禁等語不能承歡與不能依順及賦性乖劣雖措辭各異止係空言互較之有何區別若據此定議易於含混必致高下其手轉滋流弊嗣後宗室覺羅父母祖父母呈送子孫違犯者總令其將伊子孫於何年何月因何事違犯之處據實書寫呈送到官將伊子孫按款審訊明確再按其情節之輕重大數之多寡以分別其圈禁之年限或三年六年或永遠圈禁嚴實辦理方足以昭平允又所稱永遠圈禁者經釋放後仍復干犯再經呈送發往盛京嚴加管束一節所辦亦殊非是圈禁之法義同圍土若永遠圈禁釋放仍不知悛改再犯乃發往盛京管束是較之在京圈禁轉得開散自便豈不失之寬縱此等案犯著改發盛京永遠圈禁以示懲儆至所請圈禁之案若係獨子遇親故暫行省釋令其治喪一條除三年六年者准其治喪外其永遠圈禁者既罔知孝道難復望其喪葬盡禮即遇親故亦不准省釋○辛未諭本日刑部具題河南省民人李成謀殺十歲幼孩秦黑翠一本已降旨將李成改爲斬決矣因思定例將未至十歲幼童幼女誘去強行姦污者照光棍例斬決自因幼穉無知橫被姦污特設重典以防淫惡但被姦之幼童幼女並未致死即將強姦之犯問擬斬決至謀斃幼孩之犯仍照謀殺人本律問擬斬候其間輕重未免殊科此兩條例文孰先孰後當日定例時是否別有意義著刑部詳細查覈將謀殺幼孩之案應如何分別年歲定

議斬決斬候之處參酌妥議奏准後載入則例遵行尋議嗣後謀殺幼孩除十一歲以上者仍照律辦理外其逞忿謀殺十歲以下者首擬斬立決若有圖財或因姦情事加以梟示加功之犯俱擬絞立決從而不加功者仍照本律杖流從之五月乙亥以江蘇蘇州府歸松太道分巡○戊寅諭前月二十六日據武英殿御書處奏校刻 皇考高宗純皇帝聖訓告成裝函呈覽朕詳細敬閱內字畫謬誤處甚多而謬誤最重者第二百四十四卷內 世宗憲皇帝廟號第十卷第三十一卷板心內 高宗純皇帝廟號各訛寫一字並未詳校刊正大失敬謹之義校書如掃落葉魯魚亥豕豈能無一字之謬然在尋常書籍過尙可原至若 實錄 聖訓關繫 祖 宗謨烈所存冊府尊藏用垂永遠校勘應倍加小心况卷內恭書 廟號之處更當如何敬謹朕每晨恭讀 實錄凡卷葉內前後書寫 廟號微稱必皆字字恭閱如承 昭鑒近年來館臣及部院衙門有謬寫 廟號者並會降旨嚴懲且諄諄訓誡大小臣工自當共知儆惕乃此次仍復漠不經心怠忽舛錯若律以大不敬之條大小臣工實不能當此重咎此次格外從輕懲治以昭炯戒所有承校此三卷刻本之校對官大理寺評事曹江內閣中書顧英工部員外郎彭鳳儀俱著革職發往烏魯木齊效力贖罪過六年後方准提奏候旨施行提調官編修陳鴻墀在館多年兼辦校勘著革職提調侍講姚元之到館未久著降爲編修仍罰俸二年總裁英和陳希曾二員係翰林出身校書悉所優爲乃不加敬慎厥咎較重亦應革職姑念素行勤勞著降三級調用英和仍留南書房行走管理三山事務儀親王大學士慶桂二人係總理大臣因年老

東華續錄 嘉慶三十三年 六

東華續錄 嘉慶三十三年 七

不能照料周到著退去管理武英殿御書處差使儀親王仍罰職任俸三年慶桂仍罰俸三年至其餘誹謗各處內有盱眙二字者寫日字偏旁查係原本錯誤以致刊校相沿此等處本無甚關繫若係尋常書籍即可免議惟係 聖訓內字畫不能避免所有原充 實錄館各總裁內除慶桂英和二人業已分別處分德英劉鳳誥久經休致革職外董誥曹振鏞均著交部察議此外承校錯誤應議各員一併交部察議○加昆明湖廣潤靈雨祠 安佑普濟龍神沛澤廣生封號命每年春秋致祭○調景安為戶部左侍郎以普恭為理藩院右侍郎由內閣學士遷○調趙秉冲為工部右侍郎初彭齡為戶部左侍郎轉帥承瀛為工部左侍郎○己卯以文孚為內閣學士由副都統遷○戊子諭軍機大臣等溫承惠奏訪獲傳教惑眾邪匪嚴擊究辦一摺據稱灤州民人董懷信因伊父董太於東華續錄 嘉慶三十三 八

乾隆三十八年拜平谷縣人張榮為師傅習金丹八卦教嘉慶二年張榮之子張思勝與董太等在密雲縣地方募錢修廟經官擊獲分別問擬軍徒未經究出傳教惑眾情事嗣董太故後董懷信復與余旺玉等商同惑眾斂錢令林自費等分管八卦各宮經該州訪聞將董懷信等擊獲起出經符板片等件其所存入教男婦名冊乾隆年間有二千二百餘人嘉慶年間有二千九百餘人該督見將擊獲之犯親提嚴審等語畿輔重地有此匪徒倡立邪教惑眾斂錢自乾隆三十八年至今已及四十年見始破案此在初起之時不過三五莠民邪說煽誘如地方官留心查拏立時剪除淨盡原屬易辦之事乃漫無覺察聽其流毒數十年漸傳漸廣以致從教者五千餘人之多礙難全辦四十年以來一味因循姑息歷任大員均無良心實堪痛恨即如三省邪教其初亦不過念經

斂錢追索與既多州縣官查拏不善遂至釀成亂階今董懷信等為首各犯俱經擊獲務須從嚴懲辦其教內分管卦宮及幫同傳教緊要之人俱當按名查緝務獲依律重懲不可又存姑息若不忍用刑何不削髮出家既登仕版當以國事為重豈可存婦寺之見至冊載五千餘人斷無悉數查拏之理若州縣辦理不善或胥役人等仇扳賄縱紛紛滋擾必致激成事端著該督即將首要各犯迅速嚴拏重懲定擬具奏其僅止入教者即照所請俟定案後剴切曉諭收繳經符令出具改悔甘結仍存記姓名時時稽察有一犯已降旨諭知和甯富俊等密擊解直歸案辦理至直隸失察之總督潘鼎元乾隆年間者免究外其自嘉慶元年以後歷任各員另有旨交軍機大臣會同吏部詳查具奏分別治罪將此諭令東華續錄 嘉慶三十三 九

知之○己丑召顏檢來京以景敏為貴州巡撫積朗阿為福建布政使遇昌為甘肅按察使由甘涼道遷○戊戌以王宗誠為內閣學士由詹事府遷

六月乙巳諭近日軍流人犯往往有於配所遣人來京呈遞封章之事實為刁詐之尤不可不嚴行禁止罪囚如因本案屈抑到官申訴即臨刑呼冤亦所不禁至呈遞封章條陳利弊此在平民尙當治其越職言事之咎若不法之徒身犯軍流重罪正所謂屏界遠方俾不齒於眾庶豈得復聽其率臆妄陳希圖僥倖嗣後軍流人犯有在配所遣人來京呈遞封章者無論所言是非虛實均應一體治罪著刑部酌擬罪名定例專條奏明載入則例遵行尋議軍流人犯在配所遣人陳遞封章條陳事務無論所言有無可採原犯軍流加一等調發遣罪無可再加即在配所枷號六箇月若

呈遞密摺奏告人罪無論所控是否得實原犯流罪改發極邊煙瘴充軍原犯軍罪改發黑龍江仍照例分別當差為奴原犯遣罪無可再加即在配所枷號一年儻本案實有屈抑不赴內外風憲衙門申訴違例遞摺除本案准予審明更正外仍將該犯照衝突儀仗妄行奏訴例發近邊充軍如因呈遞封章另犯應死罪名仍各從其重者論從之○戊申諭軍機大臣等朕敬禮 神祇為民祈福大內及御園多有供奉 諸神祠宇每遇祈報就近瞻禮以申誠敬惟水府 諸神如 天后 河神向無祠位凡遇發香申敬之時皆係望空展禮迥違虔悃今擬於御園內添建祠宇著百齡親赴清江浦於崇祀各 神如 天后 惠濟龍神素昭靈應載在祀典者將 神牌封號字樣詳繕陳奏俟廟宇落成照式虔造供奉以迓 神庥○己酉諭國家自平定西域以來和闐葉爾東華精錄 嘉慶二十三年 十一

羌歲貢璞玉山川所產獻之上方亦猶任土作貢之義每歲所貢約踰四千斤擇其良者追琢成器其餘充物內廷歷年所積不可勝數新疆距京萬有餘里輦運勞費頗繁頓置無用何如損之為益乎嗣後宜減其額歲貢以二千斤為率惟歲額既省該管大臣不得以下劣充數宜擇其溫潤精良者備制器之選無俾貨棄於地焉○乙卯以四川雅州改設府治增設雅安縣學將州學原額拔貢一名歸雅安縣仍設府學拔貢一名○丁巳溫承惠以讞獄失實奪太子太保褫花翎黃馬褂降二品頂帶降靈保三等侍衛以慶格為直隸按察使由辦大臣選○壬戌諭吏部議處妄奏偷剪髮辮之御史榮椿議以降四級調用一摺從來訛言弗聽則人心自靖即聖人不語怪之義從前乾隆年間直省訛傳有剪辮之事地方官紛紛查辦毫無證據仰蒙 皇考高宗純皇帝洞燭

情偽飭禁妄率 詔旨甫頒浮言頓息今數十年來無復有傳說此事者前日該御史以市井游談妄行入奏並請通飭查緝朕披覽時即知為子虛當交軍機大臣查詢伊無從指實惟自認冒昧糊塗降旨將該御史交部嚴議日來召詢吉綸據稱京城內外居民行旅安靜往來實無有敢造作妖言者可見該御史所奏毫無影響朕若誤信其言據以查辦豈不株累多人紛紛滋擾耶該御史陳奏謬妄本應照部議降四級調用姑念伊職係言官例得風聞言事若懲治過重恐以後實有關係重大之事伊等亦相率緘默殊於言路有礙榮椿著降一級以六部主事用○甲子命八旗額駙職銜人員不准應試革退後仍准應試著為例○己巳葺移駐盛京宗室廬舍並給地租銀發贖之○大學士會同戶部議覆欽差侍郎阮元等奏吉蘭泰鹽務章程據稱吉鹽自招商承辦以來動皆折本虧課詢據河東商人公稱近年吉鹽滯銷虧課半因路引辦理周密之故若復大興水運必致侵壞潞網如蒙停止吉鹽水運情願做照長蘆之例於河東額餘引外再加活引八萬七千五百道自嘉慶十八年為始每年得課六萬三千五百八十八兩等語復查嘉慶十一年侍郎英和等奏請吉蘭泰鹽船准至磧口起岸十三年原任陝甘總督長齡等奏吉鹽票運至河口而止河口至磧口相去千里而磧口則切近河東引地恐防範稍疏致累潞網應酌中定地示以限制請於河口之南三百餘里黃甫川地方為界將磧口大使一員改為黃甫川大使移駐該處專司稽查所有吉鹽水販止准至黃甫川而止其自磧口商運鹽船仍照舊至河口起卸存倉至吉蘭泰引地實因土鹽蒙鹽歉旺不常未可限額行銷致使商民並累應請將吉引改為活額不必限以

定數俟此次十七年官引八萬餘引銷完之後十八年仍歸商辦先課後鹽隨運隨徵無論引數多少資本若干皆聽商民自便等語查嘉慶十一年晉省潞鹽復引招商將吉蘭泰鹽池一併收歸官辦定額行銷原因從前潞商疲乏改行民運彼時吉鹽充斥晉豫各省私商與販獲利是以定議吉鹽潞鹽並由河東僉商行運迨河東復引以來試行定價比舊額較增商人運辦潞鹽尙無苦累而吉蘭泰鹽斤則因晉省復商疆界既清不能任意侵灌遂致額引壅滯難銷商人誤運虧課招募不前上年復有官辦之議奈售銷無地將來勒派虧那等弊勢所不免查河東鹽務未歸地丁以前惟有乾隆二十二年四十七年因潞地被水請運蒙鹽接濟其餘各年所產潞鹽均敷配運今吉鹽原定引地太原汾州等屬六十四廳州縣既有本地土鹽及鄂爾多斯等處蒙古鹽價廉易購吉鹽道遠值昂自無人售販若仍令吉鹽水道直至磧口既虞侵占各省鹽綱若如該侍郎等所奏票運吉鹽以黃甫川爲界示以限制仍歸商辦亦屬有名無實其改作活引徵解無常尤非覈實之道其吉鹽引額八萬七千五百道應請照長蘆之例定爲餘引以十八年爲始咨部領引交商行運吉鹽引地既歸商承辦無須吉鹽銷販其吉蘭泰鹽池應請飭還阿拉善王瑪哈巴拉仍聽該處人民自行撈運俾藩屬人等及口外貧戶足資生計其課銀六萬三千五百八十兩應如所奏即由河東商人按年完納吉鹽既已停運其阿拉善王瑪哈巴拉賞項應請停其賞給從之

東華續錄 嘉慶三十四 嘉慶三十四 王先謙敬編 周瀚蕃恭校 秋七月癸酉諭本日刑部議奏酌定命盜各案應題應奏條款一摺所議俱是依議行直省命盜重案應題應奏本有一定章程嘉慶十三年復經飭交刑部酌改條款纂入例冊乃近日各督撫仍係意爲遲速於尋常命盜案件亦多改題爲奏以致刑部速議之案日見增多限期迫促若察嚴未周流弊滋甚甚至如本日衡齡具奏山西保德州民人王恒心圖財謀殺幼孩王丑人子一案係謀殺無服族孫照謀殺十歲以下幼孩例問擬斬梟本係例應具題之案該撫業經專奏仍批交刑部速議自此次刑部議定條款者通行各直省一體遵照嗣後各督撫於命盜重案專奏者俱著於

東華續錄 嘉慶三十三 十二 購吉鹽道遠值昂自無人售販若仍令吉鹽水道直至磧口既虞侵占各省鹽綱若如該侍郎等所奏票運吉鹽以黃甫川爲界示以限制仍歸商辦亦屬有名無實其改作活引徵解無常尤非覈實之道其吉鹽引額八萬七千五百道應請照長蘆之例定爲餘引以十八年爲始咨部領引交商行運吉鹽引地既歸商承辦無須吉鹽銷販其吉蘭泰鹽池應請飭還阿拉善王瑪哈巴拉仍聽該處人民自行撈運俾藩屬人等及口外貧戶足資生計其課銀六萬三千五百八十兩應如所奏即由河東商人按年完納吉鹽既已停運其阿拉善王瑪哈巴拉賞項應請停其賞給從之

東華續錄 嘉慶三十四 一 指尼聲明此案係按照刑部議定應奏某條例得專摺陳奏朕批交部議時該部察覈與原定條款相符即行議覆備有強行比附率意改題爲奏者該部即行參奏駁回仍令照例具題以符定制 ○復改江南山東運河各工歸沿河州縣衛疏濬 ○戊寅復設雲南緬甯等要隘土練一千六百名 ○己卯諭軍機大臣等百齡等奏江境黃運兩河伏汛安瀾工程平穩一摺覽奏欣慰本年江境黃河南經挽歸故道伏汛疊次長水仰荷 吳蒼默佑各工平穩見在大溜奔騰東注悉走中泓自係海口通暢之效惟伏汛已過秋汛正長該督等摺內所稱險工林立雖係習見之詞但大河兩岸工段綿長其迎溜頂衝應行防護之處自必不少該督等務督率道將廳營文武員弁倍矢敬勤小心防範趁此溜勢安穩之時將一應隄防埽段認真培築以期有備無患本年秋汛再得保護

平穩則河底刷滌日深從此年復一年濶安工固即可永慶平成也勉之慎之再治河之道本係順水之性乃天地自然之利如清水之於黃水因勢利導以水攻沙水行地中歷來胥資其益後因措置失宜人事不盡拂其就下之性始分流旁溢以利人者害人目下黃河尾閘通暢大有轉機惟洪湖為清水總匯其節宣藥備前人妙用全在五壩啓閉得宜今五壩已壞其四惟餘智字一壩設遇湖水漲滿不足以資宣洩豈不束手無策且各壩底衝壞一經廠裂毫無鈐束之具不特下河一帶橫遭淹浸而清水不能收蓄則淮弱黃強倒灌接踵即黃運兩河仍必日形淤墊此時大局應以修復五壩為緊要機宜著該督等趁此各工無事之時即會同籌辦除智壩外其仁義禮信四壩皆應以次修理完整亦不必拘定次序相度形勢何壩扼要先修何壩前此該督等曾有擬修

東華續錄

嘉慶三十四

二

信壩之議連次摺內亦總未提及是否即先由信壩興修務斟酌妥善全復前人舊規使湖水啓閉由我可以放心收蓄永資以清刷黃之利則湖治而河益治其理本一貫其效亦相因者也該督等即悉心妥籌速辦為要○辛巳諭昨內閣呈進永州鎮總兵武自珍遺本因令詳查舊式從前各大員身故呈遞遺摺者俱多將軍督撫內亦間有齋進遺本者原無一定程式外省題進本章例應鈐用印信拜發時並有行禮儀注本任之員已故則印信封固不當擅用且係何人代為拜發其事全屬蹈虛嗣後內外大員應呈遞遺摺者仍准其照舊呈遞其遺本一項著槩行停止○戊子
上啓鑾秋獨木蘭○免經過地方額賦十分之三○甲午上
駐蹕避暑山莊○乙未申諭直省督撫嚴查所屬私造非刑
八月壬子諭據百齡奏陳鳳翔於禮壩要工自四月開放後並未

親往察看迨至六月水已衝動壩下土舌椿水道廳節次稟報始往察看行至高堰仍不親身籌辦僅委遊擊陳岱堵築陳鳳翔復稽查陳家浦壩工遠赴海口至八月初二日始行赴壩並查河庫所發堵築禮壩工銀已至二十七萬七千餘兩之多仍未竣工清
水大洩下河州縣被水成災據實奏聞等語陳鳳翔在河督任內上年王營減壩及李家樓各工漫口皆其貽誤所致嗣經節用百齡督率辦理將各漫口次第堵合朕念陳鳳翔亦隨同幫辦加恩賞給三品頂帶以觀後效乃陳鳳翔於禮壩要工仍不及早親往籌辦因循玩誤糜帑殃民此而不加懲創尙復何所儆懼陳鳳翔著革職留於河工交百齡等差委令當勞苦差使其禮壩工程所用銀二十七萬餘兩本應令伊一人賠出但為數過多即責令賠繳亦未必能如數全完陳鳳翔著罰賠銀十萬兩其餘十七萬七

東華續錄

嘉慶三十四

三

千餘兩交該督等照例覈辦所有江南河道總督員缺著黎世序以三品頂帶署理俟三年後如果實能稱職再行降旨補授○諭軍機大臣等百齡等奏通籌南河善後工需一摺內稱覈計江南江北地畝若按照新輔舊議每田一畝出銀一錢計算可得銀三百一二十萬兩等語朕惠愛黎元與民休息從不肯議及加賦今令按畝出銀非加賦而何見既據該督等覈計善後各工不過需銀三百萬兩所有前議著即停止無庸籌辦其另摺奏准商捐輸銀四百萬兩並另片請將此項銀兩除撥辦工之外尚餘銀一百萬兩解交內務府備賞等語南河善後工需准商既懇請捐輸通盤估計三百萬兩已可集事商捐亦係民力但取足敷工用而止其額外多餘之數另解內務府殊不必見在外省支撥款項部庫不敷每年尚由內務府撥給數十萬兩朕躬行節儉從無濫

費內務府亦無須如許實項已降旨將准商捐銀止賞收三百萬兩其餘一百萬兩仍給還該商等以示體恤○癸丑諭軍機大臣等百齡等奏阜甯縣境內救生河一道於該處農田利賴且洩水保隄添運運料均有裨益今淤塞日久應行挑復請先於河庫存款內撥銀估辦將來查辦蕩務有增出餘柴應行估價之款即以此項分年陸續歸還等語國家度支自有常經取民亦有定制昨據百齡等奏籌辦河工善後工需援引靳輔舊議於江南江北按畝徵銀可得銀三百餘萬兩朕以事近加賦雖靳輔當日辦有案然自康熙年間至今百有餘載久未舉行小民難以家喻戶曉恐辦理諸多未便當即降旨停止至本日所奏阜甯縣境內挑挖河淤此等河渠水利向係應用民力之事即使民力一時不逮先行借帑興挑事後攤徵還款已屬國家惠民之舉今遽請支用帑東華續錄 嘉慶三十四 四

項雖此一處渠工不過需銀三萬餘兩而該省河渠水道似此應修者甚多若此例一開將來他處士民紛紛援此呈請又將何詞飭駁若槩予准行國家焉有如此帑項足供支用所謂惠而不知為政矣所有阜甯縣挑河一款應仍照舊例借帑興修其如何分年攤徵歸款之處著該督等另行酌議奏請再降諭旨○甲寅以許兆椿為工部右侍郎阮元為漕運總督由工部右侍郎遷○丙辰上自避暑山莊巡幸木蘭行圍○丁巳諭百齡奏禮壩急難堵合見在清水宣洩過多籌備減黃助清一摺據稱禮壩口門連日收窄後尙存寬二十丈壩門水勢斗急堵閉尙須時日惟有籌畫減黃助清以濟糧艘回空河臣陳鳳翔急於開壩於前遲於閉壩於後以致辦理棘手請旨嚴加議處並自請議處將不能匡正之河道黎世序一併議處等語本年李家樓壩工合龍之後河流順軌海口深通黃河兩岸大隄又俱保護平穩溜勢直走中泓再能清水暢出刷黃則全河積病漸除實為南河極好機會乃陳鳳翔不知守著清定見於本年四月下旬湖水並未旺長之時即開放智禮兩壩並不商之百齡迨開放至一月有餘禮壩土舌椿木俱已衝動猶不親勘堵閉自李家樓回署之後數月安坐衙齋直至百齡前赴山盱工次始往察看行至高堰距禮壩咫尺仍不親督籌辦僅委之遊擊陳岱在彼堵築而陳岱任意延緩以致清水大洩下游被淹禮壩口門愈刷愈深急難堵閉此事陳鳳翔怠玩乖舛貽誤全河大局殊堪痛恨前日百齡具奏壩工情形並未將陳鳳翔指參經朕看出降旨將陳鳳翔革職罰賠續又責令查辦災務今伊罪狀昭然視革尙不足蔽辜百齡於奉旨之日傳旨將陳鳳翔在禮壩工次枷號兩月示眾如禮壩剋期堵合再移往他工限滿

東華續錄 嘉慶三十四 五

疏枷發往烏魯木齊效力贖罪俾通工大小員弁共知總河大員一經貽誤尙如此重懲庶忱目儆心羣知炯戒已革遊擊陳岱派辦要工心存延玩著在工次枷號四箇月滿日發往伊犁充當苦差百齡辦理河工事務盡心籌畫此次自請議處原可寬免但伊不早將陳鳳翔奏至事機已誤始行查參究屬遲緩百齡著交部議處黎世序在淮揚道任內見總河開放禮壩錯誤不能力爭匡正亦著交部議處伊見在署理河督當以前任為鑒於一切河工緊要機宜認真講求知懼勉勵副職守至此時回空糧船業已南下黃水高於清水即趕緊堵閉禮壩設法挑通亦未必能使清水暢出敵黃所有百齡奏請開放祥符五瑞閘以資減黃助清之處著即照所請會同黎世序迅速妥辦其下游被淹各處並著百齡迅速派員查明撫恤○戊午諭戶部奏查明各省積欠錢糧

及耗羨雜稅等款銀兩數目一掛直省丁賦錢糧皆國家惟正之
供每歲量入為出以給俸餉諸大端度支所繫國有常經戶部具
報月招毫無額外支銷此中外所共知者且內務歲用所需不特
從不取之部庫歷年以來每將內務餘款撥給戶部應用歲不下
數十萬有將及百萬者而覈計部中正項錢糧積欠竟至一千九
百餘萬兩之多屢經飭催報解寥寥此實歷任直省大吏催徵不
力所致除單內奉天山西廣西四川貴州五省皆年清年款並無
積欠雲南省僅有積欠五百餘兩均無庸議外其安徽山東積欠
各多至四百餘萬兩江甯江蘇積欠各多至二百餘萬兩疲玩尤
甚該省督徵不力之督撫藩司均著嚴行申飭其積欠自百餘萬
數十萬至數萬兩之福建直隸廣東浙江江西甘肅河南陝西湖
北湖南等省各督徵不力之督撫藩司均著傳旨申飭自此次奉

東華續錄

嘉慶三十四

六

旨之日著督率所屬實力催徵毋任延玩拖欠一經徵有成數即
行報部撥解並著戶部於每歲年終將各該省積欠原數若干已
完若干未完若干詳悉開單具奏以報解之多寡分別飭議以重
國課而昭覈實○乙丑安徽巡撫錢楷卒于祭葬○以胡克家為
安徽巡撫陳觀為江甯布政使楊護為浙江按察使由江蘇准
海道遷
九月庚午朔戶部議覆署山西巡撫銜秦稱大學士會同戶部
議覆侍郎阮元奏吉鹽引額八萬七千五百道准令河東商人認
辦即以吉鹽六十四廳州縣行引之地歸於該商一體行運路鹽
等因查河東鹽池僻處省南所食蒙鹽土鹽之陽曲等六十四廳
州縣遠居省北今以河東之商復令兼辦無論道險途長成本必
費而民間素食賤鹽斷不能強令食貴懇將六十四廳州縣向食
蒙鹽土鹽之地仍循其舊所有潞鹽加增餘引八萬七千五百道

請於見行潞鹽引地行銷又原請加增活引實緣見行引地暢滯
不一若令運商按地一律酌加則暢行地方不患難銷而滯銷之
地必致賠累所有見加餘引請察看何處暢銷趕緊配運課額仍
無流弊至甯夏道既不辦鹽務無庸再兼鹽法此外磴口運判鹽
大使吉蘭泰大使河口大使等四缺應俟吉鹽運竣即行裁撤等
語應如所請從之○甲戌給移住盛京宗室每戶田三十六畝○
乙亥諭廣東按察使溫承志前在道員任內隨同總督百齡辦理
洋盜甚為出力經朕擢任臬司並加恩賞戴花翎此次前來熱河
陛見召對數次見其人頗明白能事方資任用陞辭時令其順道
看視伊兄溫承惠茲據溫承惠奏伊弟在伊署內患病身故殊為
可憫溫承志職係臬司例無應得卹典其子溫啓熊係候選員外
郎著加恩俟服闋後以員外郎即用○調趙宜喜為廣東按察使

東華續錄

嘉慶三十四

七

以請以謙為河南按察使由開歸
道遷○丁丑 上駐蹕避暑山莊○
諭軍機大臣等據汪志伊等奏審訊已革護總兵事副將項統尙
無畏惡玩縱情事惟緝捕不力請旨在海口先行枷號三箇月等
語所辦非是項統率領兵船在所轄洋面巡緝因半年之內未據
追獲一船報擒一犯以致吳屬匪船在境疊劫前經該督等參奏
將該員作為兵丁責令緝捕自贖因恐該員尙有玩縱情事當經
降旨交該督等嚴密該督撫審辦此案自應訊明罪狀按律問擬
儻該革員情罪較輕亦不妨據實聲明革職責令效力今該督等
率請將該革員在海口枷號三月試思項統以副將護理總兵係
屬專閫大員豈微末弁兵可比督撫統轄營伍其標下弁兵遇有
獲謹枷杖之事伊等可以自行辦理至於大員開有枷號示儆者
則必出自特旨並無常例豈臣下所可輕擬此端斷不可開恐廢

文員陵轍武職之漸汪志伊等原指發還仍交該督等將項統獲
罪情節覈其應得罪名按律定擬具奏○壬午 上自避暑山莊
回鑾○丙戌復廣東南雄府為州仍裁保昌縣增設嘉應直隸州
州同吏目學正各一員○戊子 上還京師○改江蘇海州營遊
擊為參將並移駐增設各弁兵○甲午以慶柱年老罷軍機處並
領侍衛內大臣仍為內大臣命松筠仍在軍機處行走○以何銑
為甘肅布政使盛惇崇為江西按察使由陝西
糧道遷
十月丙辰以陳希曾為內閣學士降調戶
部侍郎○丁卯調恭阿拉為禮
部尚書福慶為兵部尚書

十一月辛未諭德文等奏據四川崇慶州十一歲女子余酉州以
懇釋赦伊父余長安等情具稟請旨遵辦一摺四川民人余長安
前因控告譚飛農等開賭私宰等事審屬虛誣問擬軍罪發遣湖
東華續錄 嘉慶三十四 八

北殿其情罪尚非常赦所不原該犯到配已閱九年之久見有父
母年逾八旬無人侍養今伊女年甫十一痛念伊父遠遣祖父母
暮年缺養不遠數千里匍匐來京申訴其情甚為可憫余長安著
加恩釋放回籍○佛爾卿額以疾免以景安為理藩院尚書調成
甯為戶部左侍郎以文孚為刑部右侍郎由內閣
學士遷○壬申諭國家
明法定制辨上下別等威尊卑之分禁嚴定例民間詞訟先赴州
縣衙門呈控州縣官聽斷不公則由府道司院以次申訴如實有
冤抑重情准於刑部都察院衙門呈訴奏明代為申理以通下情
以定民志典至善也至封章奏事則各有一定職分內而九卿臺
諫外而督撫司道府准呈遞奏章下至庶尹末僚尚不得越職言
事况齊民乎朕廣開言路嘉慶四年曾有封章言事即以原封呈
覽之旨原以在官而言防壅蔽而達民隱非謂民間尋常訟獄及

無稽浮言皆可直達朕聽也乃近日人情險詐萬端於瑣屑訟案
不向該管官吏控訴輒匿名告許以期封奏上聞甚至將呈詞封
固投遞挾制接受官員不敢拆閱原封入奏此內罪囚盡役廝隸
役夫比比皆是蔑等冒尊較之道旁叩關衝突儀仗者其情節尤
為可惡若不嚴設厲禁其為害於人心風俗者甚大著交刑部覈
議嗣後如有捏稱重情封遞呈詞者其所控得實仍應作何治罪
若所控虛誣應如何加重治罪其罪犯封遞呈詞者再如何加等
治罪分別擬定條例奏准後頒發直省交各督撫分飭所屬州縣
出示廣行曉諭俾愚賤之人共知儆戒以懲刁健而肅紀綱尋議
嗣後軍民人等控訴事件俱令向該管官露呈投遞儘有將呈詞
封固者即令本人開具控情略節一併進呈如所開略節與原呈
相符而所告又得實者照衝衝儀仗妄行奏訴例加一等發邊遠

東華續錄 嘉慶三十四 九
充軍若所控虛誣除罪應斬絞立決者無可復加外原犯斬絞監
候秋審應入緩決者改為情實應入情實者改為立決原犯軍流
遣罪無論已未到配即照本年議定在配遣犯遣人遞摺之例分
別治罪如係應擬笞杖枷號徒罪者即發極邊足四千里充軍儘
呈遞封詞之人不肯開寫控情略節即行擲還無庸具奏如已開
具略節接收官員不為具奏別經發覺者即將從前接收不奏之
員照應奏不奏例議處從之○癸酉諭乾隆六十年正月十五望
月蝕是日例設筵宴仰蒙 皇考高宗純皇帝特命移改宴期以
示謹慄 天戒之意明歲正月十五日亦值月蝕所有年例節次
應設筵宴自當恪遵 成憲酌改日期用昭寅畏上元前一日家
宴阿哥王貝勒著照舊舉行十五日仍照例穿蟒袍補服屆申時
即便換常服其正大光明殿筵宴外藩及王公大臣著移於十六

日辰時皇后內廷家宴著移於十六日未時小宴廷臣著移於十七日未時十七日與宴之王大臣著穿蟒袍補服餘俱常服○戊寅諭軍機大臣等松筠等奏查訊陳鳳翔呈訴大槩情形一摺松筠等奉命前往南河請訓時經朕面諭務當秉公查辦不得以陳鳳翔業已獲罪稍存偏見今松筠等到彼陳鳳翔呈訴華蕩營柴東情弊松筠等即先派員詳細查究據實參辦毫無徇情屬公正可嘉華蕩營所收柴束原以備築壩搶險之用前百齡奏稱所採蕩柴俱係堅韌適用今查明柴質微溼且夾帶雜草充數而斤重大相懸絕是原奏所稱節省銀十餘萬兩全係捏詞誑報朱爾賡額以少報多妄稟邀功轉將據實稟訴之把總錢承勝摘去頂帶勒令裝避實屬任性妄為松筠等面詢該道已自認不無通融情節支離頗有弊竇江南鹽巡道朱爾賡額著革職交松筠東華續錄 嘉慶三十四 十

等提同應行質訊之員弁兵丁等詳加研鞠有無從中圖銷情弊徹底根究嚴行懲辦其隨同督辦蕩柴之南安府知府韓桐著交順天府查明咨行直隸山東沿途派員迅速押赴清江歸案質訊審明後將百齡因何被其蒙蔽率行勘定章程之處一併附參若百齡竟有通同舞弊之事即由四百里嚴參不可姑息至釋放智禮兩壩緣由據松筠等奏稱檢查案卷黎世序因上年陳鳳翔奏定湖水長過一丈三尺酌啓一壩再長再啓本年四月下旬湖水已逾一丈五尺稟請開放智禮兩壩原稟已經百齡批示駁與陳鳳翔原呈所訴相符等語黎世序稟請開壩百齡既有批示其原批之稟自在道署存案著黎世序呈出百齡所批是何詞語與陳鳳翔批准日孰先孰後著松筠等逐一查明秉公覈辦本年智禮兩壩彼時是否應開開放後陳鳳翔堵閉遲緩又於獲罪後辨訴

其胥同屬難追若百齡前曾批准追參奏時並不聲敘全行該過於人含混入奏亦著據實參奏松筠等審案完竣後即前赴高堰下河一帶將派令履勘之高堰隄工河道及下河水利悉心察訪斟酌盡善定議具奏○辛巳諭本日內務府議奏長蘆鹽商義和泰懇借運本銀兩一摺已依議行矣摺內引照乾隆五十一年商人王世榮請借帑銀原案敘稱奉 高宗純皇帝特旨准借措詞殊未審慎各部院奏章關繫重大典禮書寫 廟號 尊諡呈進時朕必敬奉展觀倍加虔肅若尋常事件輒引用書寫轉涉輟廢嗣後各衙門具奏尋常事件凡引用乾隆年間以前舊案但載明年分將奉 旨字樣三摺書寫即足以表示敬恭遇有典禮奏章必應恭引 廟號 尊諡者方准敬謹書寫以昭慎重○諭奕綬於身後追封輔國公係屬格外加恩自應作為未入八分公宗人東華續錄 嘉慶三十四 十一

府於禮部行查時無難覈定者覆乃節次咨詢該衙門明知應照未入八分公之例輒稱是否入八分公抑係未入八分公難以懸擬無憑覆覆等語殊屬顛倒推諉涉瞻願管理宗人府王貝勒等著各罰職任俸半年不准抵銷所有該部奏請應給交綬蓋造墳院銀兩著即照未入八分公例給與嗣後宗室如有身後追封公曾者俱作為未入八分公著為令○高承風以疾免轉戴聯奎為兵部左侍郎以吳炬為兵部右侍郎使選 ○乙酉建直隸永定河 河神廟加封 安流衍澤之神頒 御書扁額○己丑以英和為內閣學士 總管內務 ○甲午諭那炳燾等奏武清縣民人姚翰清等一百餘人公遞呈詞為已革發遣知縣孫成裘指責贖罪一摺本日朕召見那炳燾等並據面奏伊等於接收呈詞後傳集該鄉民等詳細詢問僉稱孫成裘居官清正愛民有素茲聞

其獲罪遠戍不忍坐視是以捐貲代為贖罪其情詞出於至誠等語孫歲喪在武清縣任內克孚輿論呈內臚舉各事蹟該鄉民等同聲愛戴似無虛捏情事但該革令犯事緣由係因縣民高六壽斃韓貴興一案初驗本無錯誤繼因審無確供詳請覆檢致為忤作張寬及伊門丁書吏申通受賄蒙蔽該革令被欺枉聽部議褫革發遣實係罪有應得著鄒炳泰等傳到該鄉民等明白曉諭以伊等同心好義感戴去任之官其意亦屬可嘉惟孫歲喪平素官聲雖好而斷獄錯謾則朝廷執法懲辜不能寬宥若竟徇所請此後官員獲罪者或詭託效尤其弊亦不可不防令該鄉民等將代孫歲喪贖罪銀二千兩即行領回勿許瀆懇至孫歲喪獲罪遺戍並無貪酷情弊其詳請覆檢亦尚有慎重民命之心將來到戍三年期滿該管大臣奏請朕覈其案情亦必降旨釋回茲念其平

東華續錄

嘉慶三十四

三

日居官尚好著加恩於到戍一年半即予釋放回籍國法民情並行不悖該鄉民等亦當共知感激若再行妄訴即當治以應得之罪○乙未諭松筠等奏詳查葦蕩船務營制情形請仍循舊章一摺葦蕩營採辦柴束及船務營兵額官制百齡新定章程既多窒礙難行之處松筠等請交河臣詳酌議奏此事計關久遠恐黎世序一人智慮未周著松筠初彭齡於履勘時下河回至清江時會同黎世序詳悉參酌或仍循舊章或量加損益妥議章程具奏松筠等再由邵宿一路查看運河開座順道回京黎世序俟松筠等啓程後再行來京陛見○諭松筠等奏查訊已革江南河道總督陳鳳翔呈訴各款審明定擬一摺此案陳鳳翔所呈蕩柴弊混一款見經松筠等查明朱爾廣額經百齡委辦蕩務捏詞邀功飾增採之虛名多糜工本無濟實用百齡被其欺蒙率以節省帑銀

數十萬輕改章程冒昧入奏已有失察之咎至啓放智禮兩棚百齡於黎世序稟請開放時批詞內有豫籌減洩甚合機宜之語即與陳鳳翔批准啓放者無異迨後見湖水宣洩過多欲全行議處於人具奏時並不與陳鳳翔合詞請罪輒將陳鳳翔嚴參僅自請議處而於曾經批准情節又匿不聲敘且所參陳鳳翔自李家樓工竣後安坐衙齋數月未赴工次一節見亦查訊在工各員事屬虛誣百齡陳奏不實意存欺飾較之失察屬員其咎更重百齡著革去太子少保銜拔去雙眼花翎准帶單眼花翎降為二品頂帶仍交部嚴加議處陳鳳翔於獲罪後遣人赴訴若所控虛誣自當加重治罪今蕩柴弊混情形伊本擬工竣參奏因革職呈控全實餘亦說非虛捏陳鳳翔著即日疏枷仍照前旨發往烏魯木齊效力贖罪朱爾廣額督辦蕩柴虛糜工本苦累兵丁復飾詞欺稟倚

東華續錄

嘉慶三十四

三

勢作威著在葦蕩營枷號三箇月滿日發往伊犂其隨同辦理蕩柴之南安府知府韓桐著革職按律杖徒參將王福守備安鵬均著革職俟賠項繳完照例免罪開復縣丞墨封王元伊知縣劉平驕侯維藩俱著交部議處黎世序楊履徐忻先於委查蕩柴情弊時草率結案亦著交部議處所發工本銀兩除變價歸款外其無著之款照松筠等所奏按成公賠限追繳左營未運蕩柴並著該督等速籌迎交各廳以免耗折餘均著照所請完結尋議百齡革職黎世序等降三級調用得旨百齡加恩改為革職留任黎世序等降四級留任○丙申諭史從志著即凌遲處死李氏著即處斬其史監科一犯收弟婦為妻按律本應絞決但律又載姦兄弟妻和者絞決原以重倫紀而杜邪淫今該犯收弟婦李氏為妻會與其弟李泳年商明並告知地保姦其情節實係鄉愚不知例禁

並無先姦後娶情事若與兄弟姦妻者一律絞決未免無所區別
史靈科著改為絞監候人於明年朝審情實嗣後有似此兄收弟
妻審明實係鄉愚無知誤蹈瀆倫之罪者俱照此案辦理餘依議
○丁酉諭伯麟等奏因公議革知府請復留滇補用一摺所奏
非是向來官員因公處分部議上時有旨令該督撫出具考語送
部引見原因事屬公過引見時朕察其才具年力如尙堪錄用或
仍予原官或降等改補並非悉照部議罷斥者若被議恩准引見
之員先行自請捐復是不以甄別人材為重將來議革降者人
人希冀捐復或虧帑贖民豫為蓄貲地步殊與政治攸關宋思楷
著不准捐復仍令該督撫出具考語送部引見再降諭旨○免雲
南防守外夷之思茅等二廳縣所屬土司額糧

十二月庚子朔諭東三省為我朝龍興之地因吉林黑龍江二處
東華續錄 嘉慶三十四 西

地氣苦寒從前定例將獲罪人犯發往該處給兵丁等為奴昔時
人數有限到配尙易於管束近緣廣東福建等省辦理洋盜會匪
等案將夥犯情重者俱照擬發往人數積至數千名以外該處兵
丁咸支錢糧本有定額止敷養贍身家今發給為奴者日增日眾
責令收養其生計必愈形苦累且該處習尚澆樸此等為奴之犯
大率皆兇狡性成百千羣聚故習未悛甚或漸染風俗於根本重
地尤屬非宜甚有關繫著刑部即速詳查該二處見在業經到配
為奴之犯共有若干此內數其在彼年久者量減軍流分別改發
煙瘴極邊等處其到配未久未便減等者即著改發新疆並著改
定條例嗣後各省案犯有例應發該二處為奴者量為區別酌留
數條其餘洋盜會匪人數較多之案均酌擬改發新疆及煙瘴等
處奏明條款纂入律例遵行○庚戌諭朕恭閱 皇考高宗純皇帝

帝實錄內載乾隆二十九年 諭旨各省遇有子孫茂倫重案令
該督撫於審擬定讞後一面奏聞即一面正法原因該犯情罪重
大不使稍稽顯戮但事關重辟其中情偽多端亦不應輕率完結
即如廣東遂溪縣監生梁舉朝毆死陳國英之母張氏一案初經
該縣妄斷屍子陳國英殺母及該督蘇昌覆審始究出梁舉朝目
行毆死狡稱陳國英摺斃實情幸而獄無枉縱嗣後各省如遇此
等重案不可不倍加詳慎欽此仰見 皇考慎重民命明允用刑
之至意朕綜理萬幾每遇刑辟重案必再三詳問始行報可原以
人命至重不敢稍存草率之心近因各省奏請即行正法批交刑
部速議之案過多特降旨令刑部分別應題應奏章程飭交刑
衙門遵辦惟恐直省督撫因犯人罪干重辟率以未便稍稽顯戮
為辭動輒奏請即行正法不將案情詳審夫小民訟獄其間情偽
東華續錄 嘉慶三十四 五

百出在尋常命案尙應聽斷平允况倫紀攸關之案尤應細心鞠
助設州縣官少存大意或有富豪勢惡之徒逞兇致斃人命轉行
賄勒供陷死者子孫於極典因以城口使其家申理無人在督撫
僅憑地方官詳報加勘具奏及交部臣駁議亦止據案照覆擬定
爰書即題奏達於朕前而奏當之成亦遂無從指駁試思子孫果
干蔑倫大罪自應立置重典設其中有如從前廣東梁舉朝之案
不加詳審致令死者含冤兇徒漏網則覆盆之枉豈不足召陰陽
履診之災所關殊非淺鮮嗣後各省督撫遇有茂倫重案務須親提
人證再三確審以成信讞毋僅憑州縣供詳輕率定案以期無枉
無縱仰體朕欽恤惟刑之意○裁江南韋務營參將○辛亥諭御
史王澤奏請刊刻治河方略以重河防一摺我朝 列聖相承重
熙累洽制度典章成書大備方今寰區康阜庶績咸熙惟大河修

防爲豫東江安數省民生利賴兼之東南轉漕運道攸關比年以來議濬議築工作頻仍迄未得一勞永逸之策敬念從前 聖祖仁皇帝軫念民依曾 親在淮揚指授方略 世宗憲皇帝特命館臣繕錄成編 高宗純皇帝鑒古準今亦屢申 睿訓詳授機宜百餘年來 神謨莫定 典法昭垂著有成效今河工每有籌策盈庭集議鮮有能練習舊章通曉全局者應詳稽 成憲彙載簡編俾原委昭然用爲萬世遵守著交文穎館敬司其事即行文在京各衙門及河道總督溯自康熙年間以來凡歷次河工所奉 聖諭及大小臣工條議足資參考者俱詳查繕錄造冊移咨該館並令江南河東河道總督將河湖隄堰等工分晰繪圖附冊咨送該館俟各項冊籍略備即奏請簡派總裁再酌擬凡例遴選纂修各員詳慎修輯進呈後刊刻頒行以垂久遠○壬子恭阿拉以東華續錄 嘉慶三十四 六

疾免封三等公爵以鐵保爲禮部尙書轉凱音布爲吏部左侍郎調成甯爲吏部右侍郎以玉麟爲戶部左侍郎由內閣學士遷○金光悌卒以祖之望爲刑部尙書附錄○邵自昌以病免調王集爲左都御史以潘世恩爲工部尙書轉周兆基爲吏部左侍郎調帥承瀛爲吏部右侍郎轉許兆椿爲工部左侍郎以茹棻爲工部右侍郎盧蔭溥爲內閣學士由通政使遷○己未諭御史常文等奏請申禁庶民呈遞封章以歸畫一一摺朕前因近日人情險詐每以瑣屑訟案封詞投遞挾制官員代爲陳奏特降諭旨嚴行飭禁令刑部分別定罪以懲刁風刑部於議奏條例內有令本人將呈控事件開具略節一併進呈如接收官員不爲具奏照應奏不奏例議處一節所議本未允協國家定制臣工奏牘或露章上達或密封進呈原爲職應言事者而設至小民身有冤抑分當具呈控訴聽候審

辦內外大小衙門法制相維何敢不爲申理若尋常詞訟皆欲直透朕前或妄議建言希榮干進此等狡黠之徒必應嚴罰示懲所謂天下有道則庶人不議也今若令其開具略節卽爲呈遞奸民巧詐百出其所開略節未必皆與封詞符合接受官無從查考轉致案無鉅細悉以上聞仍不足以杜刁玩而清訟獄著申諭文武臺諫各員嗣後如有民人呈遞封章者接收之員一面將所遞封章具奏一面卽將該犯鎖拿先行送交刑部押禁附於摺內陳明朕查閱封章覈其案情輕重或照封遞呈詞新例治罪或詞語悖謬再加等治罪交刑部分別懲辦所有刑部前議開呈略節一條著卽刪除○內大臣三等公恭阿拉卒贈太子太保賞治喪銀一千兩○庚申諭百齡性情褊急遇事專尙嚴厲同官每失和衷是其氣質之偏然平日辦事認真不避嫌怨能使屬員畏懼故剔弊盡奸所至著有成效前在兩廣總督任內值地方廢弛洋匪不靖百齡銳意整飭嚴參閥茸文武員弁督率舟師人人用命以次殄除逆寇洋面肅清迄今數年海疆甯謐其功在人耳目嗣因病回京補用京職值江省河防數處潰溢特簡放兩江總督百齡蒞任後稔知河工積弊先將貽誤劣員嚴行參劾親駐工次將王營減壩李家樓各漫口剋期堵合並分飭河員慎守隄岸本年黃流順軌伏秋大汛獲奏安瀾各軍船重運回空亦悉臻迅速此又其實心任事之效昨因陳鳳翔控訴各款特派松筠初彭齡前往查辦所查華營營弁混一事係由朱爾廣額捏稟邀功以少報多百齡委用非人受其蒙蔽此其過之小者至開放禮壩一節今年四月湖水盛漲已逾定誌黎世序稟請宣洩百齡與陳鳳翔先後批准原無錯誤迨後堵閉遲緩將壩基衝壞洩水過多則係陳鳳翔

夕

辦理貽誤非百齡之咎百齡於參奏陳鳳翔摺內亦曾自請議處但未將前此曾經批准開放一節詳悉聲敘此則近於回護隱飾以致噴有禁言其咎較重朕當將百齡降摘翎頂革去官銜交部嚴議部議上時加恩改為革職留任仍限以八年無過方准開復如八年內再有過愆尙當從重治罪朕於百齡功過權衡斟酌當其卒並以封疆重任愛惜人材實毫無曲徇於其間此衷自選天鑒乃本月初間先據太常寺少卿馬履泰奏請將百齡應得處分別交廷臣覈議其意不過欲罷斥百齡以快失意人之私忿旋又據御史吳雲具摺參奏以百齡性情陰險操守平常等詞請旨查辦伊二人既有此奏自當徹底詳查以憑覈辦百齡受恩深重如實有貪私劣蹟雖從前著有勞績亦不能掩覆其短稍從寬宥隨卽降旨諭令松筠等嚴查密訪據實糾參本日松筠等覆奏據

東華續錄 嘉慶三十四 九

九

稱道旨查訪吳雲原摺所參皆毫無確據良由毀譽之詞出諸恩怨之口伊二人實不敢以無據之言瀆聽等語松筠等二人平日辦事公正眾所共知今其所言如此豈能據馬履泰吳雲二人空詞搖惑卽將百齡斥辦耶吳雲身係百官尙得以風聞言事爲詞至馬履泰見係卿員非言官可比似此妄行瀆奏本應加以懲處姑念其年老糊塗亦著從寬免議總而言之百齡實屬有爲之臣朕非虛言所能搖惑之主百齡將來能承恩澤與否朕不能保看其造化此時不能再加重譴以遂讒譖之奸計所有辦理此事前後緣由特明白宣諭俾中外諸臣知之○壬戌緩徵安徽全省積年通賦○是歲朝鮮暹羅來貢○會計天下民數數各省通共大小男婦三萬三千三百七十萬五百六十名口各省通共存倉米穀三千三百五十八萬八千五百八十五石五斗一升七合七

東華續錄 嘉慶三十四

臣王先謙敬編

臣周壽恭校

嘉慶十八年癸酉春正月庚午廓爾喀額爾德尼王吉爾巴納租塔畢鳴爾瑪薩野遣使進貢方物○辛未調許兆椿為吏部右侍郎以蔣子蒲為工部左侍郎由祭酒遷○乙亥以松筠為御前大臣罷軍機處行走命勒保軍機處行走○己卯諭軍機大臣等伯麟等奏檄調邊外不法之土目張輔國抗違不來見督各土司集練會勦一摺土司張輔國即僧人銅金原係漢奸因其悔罪投誠免其治罪並加恩給予土目職記令其約束所屬獮夷無令滋事乃怙惡不悛上年膽敢勾結獮匪搶占各土司地方肆行滋擾又復縱令獮眾焚劫土司地方是該土目罪狀昭著斷難稍事姑容自應

聲罪致討以靖邊隅伯麟見已馳赴緬甯著即在彼督率沿邊將弁嚴兵備禦以壯聲威其應給發該土司等銀兩火藥等項即飭知該道府轉發接濟務期迅速嚴擒以除頑梗各土司如將張輔國拿獲即飭令解至內地伯麟審明後由驛速奏即將張輔國明正典刑以彰國法○諭昨據張映漢奏遵照部文查明湖北彌補無著倉庫確數覈實辦理一摺所奏係屬誤會各直省倉庫錢糧本不應有虧缺前因各省有年遠遞虧或歷任各官身故無著者接任之員不能一時完繳諭令各督撫設法彌補每歲年終密奏一次以備查覈上年戶部奏請將各省欠款報部查覈此內如災緩錢漕及民間積欠原應分晰咨部部中覈其能否依限催徵奏明分別勸懲若倉庫虧空係萬不得已一時權宜密辦之事不可藉以為例若部臣知有數目即當照例奏治罪勒追戶部原奏

未經分晰清楚各督撫若據此即將虧空數目按年報部以空言塞責該管州縣知係已經報部之款或心生推諉亦不上緊完交辦理轉多窒礙著傳諭查有虧空各省之督撫等嗣後仍遵照前旨將所屬虧空認真催追彌補並於新舊交代時徹底盤查每歲年終將彌補確數據實密奏俟奏報全完日朕仍分派大員前往確查如有短虧情弊惟該督撫藩司是問無庸照戶部所奏紛紛咨部徒以成報具文於彌補之法轉致有名無實也○辛卯沿江蘇高郵寶應下游各河○壬辰諭蒙古王公等墳塋向無立碑之例丹巴多爾濟係舊蒙古自幼在內廷蒙養朕擢至御前大臣一切差使謹慎奮勉著加恩准其建碑即刊朕所降恩旨於前祭文於後前賞丹巴多爾濟銀二千兩托恩多隨扈盛京無須如許路費即著將此項建碑以示朕體恤舊蒙古之至意

二月己亥朔諭百齡等奏請將新添海州揚州官兵俸餉等項概由商人捐辦無庸移改清標左營一摺所奏斷不可行國家設兵衛民一切廉俸餉稍悉皆支用正帑直省營伍皆然從無令民間捐辦之事茲該督等以江南海州地方私販充斥時有械鬪拒捕之案揚州存城額兵亦不敷巡緝該二處增設官兵夫徭私禁暴皆保衛民生之事商亦民也亦復何所區別若謂商人等自願綱引出貨雇巡丁屏禦梟賊原例所不禁聽其自辦今既定制建營名為額設官兵而令商人等捐給俸餉朝廷豈有此政體乎百齡阮元阿克當阿何陋見若此均著傳旨嚴行申飭仍交部議處汝三人俱係有才有為之人今如此存心卑陋朕實不解至該二處如必須添設弁兵或清標不能裁撥另於通省各營伍議撥均無不可即江省無可改撥之處或將所增俸餉另行籌款助支

統俟妥議具奏到日再降諭旨○庚子 上御經筵○辛丑諭從前挑選八旗女子官員兵丁閒散之女均經一體挑選自嘉慶十一年曾經降旨令將自筆帖式驍騎校以上之女備選見在八旗滿洲蒙古女子自護軍領催以上女子仍照舊備選外其各項拜唐阿馬甲以下女子著不必備選著為令○免年逾六十五歲之蒙古王公台吉來京如遇年班赴熱河瞻覲○壬寅諭本年京察屆期吏部開列在京各部院大臣及各省督撫名單請旨甄別朕思三載考績為朝廷黜陟大典自當嚴計各臣工三年內功過以示激揚見在朝政肅清紀綱整飭大學士慶桂董誥勒保劉權之協辦大學士松筠鄒炳泰戶部尚書托津內閣學士盧蔭溥或襄贊綸犀或禮承權禁夙夜匪懈恪勤供職均著加恩交部議敘盛京禮部侍郎花尚阿本係棄瑕錄用之人此次任內又有失察邪東華續錄 嘉慶三十五 三

教及諱災不奏過失伊年逾七旬著以原品休致餘俱著照舊供職其直省總督巡撫此三年內均係循分供職無可甄敘之員亦無年老應行罷斥者俱著照舊供職○癸卯以誠安為盛京禮部侍郎由左副都御史遷○甲辰以果齊斯歡為內閣學士由翰林院侍講學士遷○丁未命 皇太子釋奠 先師孔子○癸丑以山東徵山湖凌命引駱馬湖濟運○庚申諭軍機大臣等伯麟奏埽蕩賊巢及攔緝首惡招撫各寨情形一摺南興為張輔國巢穴該逆恃險負固經各路目練奮勇圍攻縱火焚燒傷斃賊匪甚眾餘匪向後山逃逸張輔國乘夜滾巖潛遁見在各練占住南興山寨分頭接捕賊巢業已破毀匪眾無盤踞之地張輔國由山後老林遁匿諒亦不過在附近寨洞伯麟見將應撤兵練及時撤回責成各土司窮搜山谷著即嚴行曉諭以張輔國係肆擾渠魁必應上緊拏獲明正刑

誅責令剋期擒獻庶可邊隅永靖○乙丑以佛佳為左副都御史由大理寺卿遷○以朱紹會為太常寺卿調陳豫為湖南布政使以袁秉直為江西布政使由太僕寺卿遷○以梁敦慎為太僕寺卿李長森為雲南布政使由江南蘇州府知府遷

三月辛未轉成甯為吏部左侍郎以文甯為吏部右侍郎由內閣學士遷○轉秀甯為禮部左侍郎以英和為禮部右侍郎由內閣學士遷○甲戌景敏卒以許兆椿為貴州巡撫調戴聯奎為吏部右侍郎轉吳烜為兵部左侍郎以盧蔭溥為兵部右侍郎由內閣學士遷○轉茹葵為工部左侍郎以陳希曾為工部右侍郎由內閣學士遷○以高杞為刑部左侍郎方受疇為浙江巡撫調素納為直隸布政使以巴哈布為湖北布政使楊懋恬為江蘇按察使由安徽甯池州府知府遷○乙亥 上親耕藉田○丙子 上啓慶謁 西陵○丁丑 上幸南苑行圍○以東華續錄 嘉慶三十五 四

王紹蘭為福建布政使調遇昌為福建按察使由甘肅按察使調○壬午免經迺地方額賦十分之三○癸未諭軍機大臣等百齡奏確勘仁義禮三壩必須移建一摺並繪圖貼朕詳加披閱當即召見履從之軍機大臣及松筠指畫商酌山圩五壩為宜洩洪湖盛漲保護堰工而設康熙年間斬輔原議建仁義禮三壩乾隆十六年 皇考高宗純皇帝特命添建智信兩壩迄今歷有年所地形水勢自必斟酌盡善今該督等奏稱仁義禮三壩近年屢經開放衝跌壩基損壞刷成深塘難以修復即修復亦難經久擬於蔣家壩以南附近山岡之處移建仁義禮三壩並挑挖引河三道儘先改建仁義兩壩將禮壩地基築作草壩以備本年宜洩計需費五十餘萬兩等語仁義禮三壩既不能就原處修復該督等斟酌情形奏請移建但詳閱圖內舊壩之下所繪民莊相距甚遠見擬移建之處

界畫引河三道兩旁民莊鱗次則其開田畝廬墓自必繁庶所空引河淺狹水必泛溢若挑挖寬深恐所傷實多其舊有三壩既不開放則與堰隄無異必須填砌切實與石隄聯為一體方足以資捍禦隄頂處所並應添建舖房派駐弁兵防守方可保無疏失合計各項需費恐該督等所估銀數以之與辦向不敷用事關謀始不可不詳細酌覈朕意或於蔣家壩地方先行改建一壩來年試為廢放若水勢順利足以消滅盛漲並於附近田廬無傷再議續改二壩著該督等再行詳議是否可行並通計引河寬深丈尺若干另行籌度繪圖貼說具奏再降諭旨○丙戌 上謁 泰陵 泰東陵至 孝淑皇后陵奠酒回鑾○庚寅以黑龍江吉林遣犯眾多命嗣後俱發新疆○甲午 上閱健銳營兵○丙申 上還京師

東華續錄

嘉慶三十五

五

夏四月戊戌朔伯麟奏張輔國就擒餘黨悉平○己亥以色克精額阿隆阿王鼎吳焜俱為內閣學士色克精額由太常寺卿阿隆阿由二等侍衛王鼎由詹事府寺卿遷○壬子諭春秋傳稱龍見而雩考古雩祀權輿於此乾隆七年議於孟夏龍見擇日行 常雩禮其義以蒼龍宿見東方則為百穀祈膏雨占星之法總以節候為準非以孟夏朔日為斷也比年欽天監所擇日期在立夏節前後不齊殊於古義未協嗣後 常雩大祀著欽天監定於立夏節後數日內獨吉行禮其立夏節如在三月以內則擇於四月初行禮著為令其明年 常雩大祀期著欽天監查明如原定在立夏節以前即改擇吉日奏准頒行○甲寅 上詣 黑龍潭祈雨○己未 上詣 天神壇祈雨○庚申命五城設廠平糶○辛酉 皇后行躬桑禮○命刑部清釐庶獄○以書敏為盛京兵部侍郎由左副都御史遷○癸亥以富俊

為黑龍江將軍廉善為盛京工部侍郎由內閣學士遷

五月丁卯朔諭軍機大臣等百齡等奏遵旨議覆移建山旰仁義禮三壩一摺山旰仁義禮三壩近年疊經廢放跌塘過深計有三四丈不等勢難修復自不能不議改建蔣家壩地勢高九偏近山根土性堅實壩基可期穩固新挑引河仍可歸舊壩引河宜洩於該處民居亦無妨礙著即照所請改建本年先將義壩建石壩一座挑挖引河一道並將仁壩地基先行盤作草壩挑出引河以備宜洩盛漲所有趕作壩工務須於大汛前一律辦竣引河尤須挑挖寬深俾水勢無旁溢之處如本年節宜得力則三壩分年遞修可以永資保障至舊壩既不開放尤須填砌堅實該處為歷年水勢所趨經行已熟且外有數丈深塘根脚不固必須夯礮結實俟與石隄聯為一體大汛時尤須多派弁兵不分晝夜住宿防護勿稍疏懈是為至要○庚午 上詣 黑龍潭祈雨○甲戌以瑞麟為福建按察使由山西雁平道遷○庚辰 上詣 社稷壇祈雨○壬午封未婚守志貞婦魏女為節義縣主○戊子賜直隸輸贖助賑廩生齊如鑾舉人○己丑以英綬為內閣學士由鑾儀使遷 廣泰為左副都御史由通政使遷○辛卯截留江西漕米十萬石分賑直隸河南山東旱災○壬辰雨○乙未復滿洲蒙古旗人應武鄉會試例

東華續錄

嘉慶三十五

六

六月丁酉命每年春秋致祭密雲縣 白龍潭神祠○甲辰申禁宗室覺羅與漢人為婚○乙巳增設直隸大沽營都司海口營守備各一○丁未諭戶部具題更換左右翼監督已另行簡派矣數日前文孚於召對時面奏伊管理左翼稅務僅三月有餘今屆更換之期恐令其接管伊才短不能照料若俟題本後即不能辭免為此先行密奏乞恩懇請免其接管等語殊屬非是人臣祖職奉

公事無難易惟君所使若意在趨避遇事之稍涉煩難者即豫為推卸設彼此相率效尤甚乖敬事之道此風斷不可長况密奏為公則可為私不可文乎述似小心實則膽大文乎著交部加等議處尋降四級調用○壬子以穆克登額為刑部右侍郎由副都統○癸丑以直隸順德等三府旱撥奉天倉米二十萬石截留湖廣漕米五萬石備賑○乙卯諭朕教幾餘暇披覽往籍見宋范祖禹所著唐鑑一書體敘一代事蹟考鏡得失其議論頗有裨於治道宋平五代之亂近接有唐其政教風俗歷歷可稽故以唐為殷鑒我朝紹膺大統道揆治法遠述百王至有明三百年時代相承其一朝政治亦鑒觀得失之林也宜做唐鑑體例輯為明鑑一書體舉大綱蒐採編次其論斷即令派出編纂諸臣輪流撰擬進呈後經朕裁定勒為成書刊刻頒行用昭法戒○庚申諭生員鮑廷博於東華續錄 嘉慶三十五 七

乾隆年間恭進書籍其藏書之知不足齋仰蒙 高宗純皇帝寵以 詩章朕幾暇亦曾加題詠復據浙江巡撫方受疇代進所刻知不足齋叢書第二十六集鮑廷博年逾八旬好古積學老而不倦著加恩賞給舉人俾其世衍書香廣刊秘籍亦藝林之勝事也○諭晉昌身任伊犁將軍於邊疆務當鎮靜無緩此次俄羅斯與哈薩克台吉罕巴爾因交易爭論係外夷常有之事天朝本不必過問且俄羅斯先在卡倫外四五里居住一經卡倫官員諭令遷移又退出六七十里之外其情形極為恭順乃晉昌聞信後遽派委協領哈芬布前往查辦哈芬布至彼輒於卡倫外安設帳房摘傳俄羅斯安集延頭目為之剖斷議令罕巴爾償還財物辦理實屬舛誤晉昌才識拘隘不勝伊犁將軍之任部議降一級調用因伊本有革職留任之案請旨並任晉昌著革去領侍衛內大臣

斥退伊犁將軍念其人尚不至廢棄已另降清字諭旨令其署理正白旗漢軍都統晉昌俟新任將軍松筠到彼再行交代來京供職仍將革職留任處分帶於新任哈芬布著照部議降四級調用○癸亥准駐防子弟應各省文武鄉試自丙子科始○增設熱河圍場卡倫及兵額

東華續錄

嘉慶三十五

八

王先謙敬編

周瀚恭校

秋七月丙寅諭向例發往吉林黑龍江為奴人犯多係免死減等情罪較重者分給兵丁為奴原使之備嘗艱苦長受折辱乃兵丁不能養贖竟有聽其贖身自謀生理者殊乖立法懲奸之意見已嚴行飭禁惟是該兵丁每月所領錢糧僅足自贖身家令其家養遺犯多人適足以增苦累似不若改給該處官員為奴伊等廉俸較優並約束亦易於為力所有在發黑龍江給披甲人為奴之太監人數無多著即全行改撥於黑龍江官員名下為奴俾其役使管束無許再蹈贖身陋習如有故違者太監加重治罪該官員一併議處至該省發往人犯過多該處官員額缺有限亦恐不敷

東華續錄

嘉慶三十六

一

養贖著交刑部將條例酌量變通再增入盛京及各處駐防以遺犯情形之輕重分地方之遠近到配日均給與官員為奴俾行之日久免滋流弊該部妥議章程奏准後頒發遵行尋議發遣人犯臣等於例內摘其情罪較重者五條仍發黑龍江吉林其情罪稍重者十五條改發盛京情節稍輕者十五條改發各省駐防均給各該處官員為奴從之○丁卯以齊布森為光祿寺卿福昂為貴州布政使額特布為雲南按察使由儘○己巳諭軍機大臣等百齡等奏伏汛期內湖河水勢加長隄壩各工一律穩固一摺所辦俱妥其議覆御史程贊甯條奏河工各款所議亦是朕思目今全河之弊在於河底高仰治河之法惟有將兩岸隄堰修築鞏固並防守料土貯備整齊一遇盛漲官弁兵夫實力保護使水無旁溢之患則溜備中泓河底愈刷愈深海口愈出愈暢一二年河病悉

除即可永底安瀾之績如程贊甯所請疏通下河水利及減水閘壩各款其說亦本之靳輔治河各書殊不知今昔情形不同斷難墨守舊說即如醫生引用成方本皆古人經驗良劑而所施治之證寒熱虛實不能合宜非特不能奏效且至有損非古方之不善用之者不當耳治河之道亦復如是見在經費支絀該督等惟當師古人之意而酌以今之時勢凡河務應辦工程須擇其至當至要者方議舉修不可輕為浮言所惑亦不可專為成法所拘如治病者期於病除而止治河者期於全河順軌即永慶平成之效也○甲戌申禁私販鴉片煙定官民服食者罪○丙子內閣學士色克精額緣事革職○丁丑諭御史馮大中奏京外各衙門辦事遲延怠緩請旨設法稽覈以符例限一摺所奏甚是為政之道敏則有功京外各衙門積習相仍狃於疲玩經朕飭次訓飭而公事積

東華續錄

嘉慶三十六

二

歷之弊仍不能盡除近日部院堂官等奏事直日亦皆夙興待漏循節無愆然詢以本衙門題奏事件或有不能條舉原委者是但勞其身而不勞其心亦於政治奚裨夫大臣坐而論道殫心竭慮全在於公署剖析例案釐剔弊端使所屬憚其嚴明不敢怠忽從事則物無遁情案無留贖自然百務就理若但以奔走趨瞻為盡職失之遠矣即如議處議敘所以明示賞罰惟辦理迅速則身受者立知感畏旁觀者共起勸懲乃任意遷延藉行查加級紀錄為名竟有經旬累月始行議上者殊不足以儆人心而動觀感嗣後各衙門辦理議處議敘皆著依限趕辦無得藉口詳查級紀展緩時日其應行議抵與否不妨於摺內先行聲敘請旨再行查明辦理以免延閣各部院司官尤應手理案牘隨事稽覈使吏胥無所售其奸其有意更敢於情慢者隨時責革嚴儆勿稍寬假庶上下

相攝可期明作有功至於外省因循之習更不可問地方要務不過刑名錢穀二端其於刑名案件不為連結以致株連拖累案情愈益講張於錢穀事務亦不趕緊清釐報銷題覆動輒數年其間任催罔應轉輾牽混百弊叢生皆由該督撫不能精心敏力時加振作遂至吏治日即廢弛嗣後部中題奏事件著照該御史所奏將科鈔咨文何日到部該衙門於何日具題俱於本尾聲明如有遲延即行附參至題本奉旨後行文以及咨行外省事件著各衙門設立號簿登記如有遲延分別記過參處其外省遇有特交咨交審辦各案件如實有不能依限完結者均著分別奏咨以備查覈即聲覆部院咨查事件亦著將何日接准部文何日咨覆一併詳敘遲限者均予參處經此次訓飭之後內外大小官員其各振刷精神力除痼習無即怠荒以期熙績亮工共臻上理將此通諭

東華續錄 嘉慶三十六年 三

中外知之○庚辰以常格為浙江布政使繼昌為陝西按察使由江

南江安○壬午 上啓鑾秋獮木蘭詔於禮成後謁 東陵○免糧道選

經過地方額賦十分之三○以張凱元為陝西按察使由湖北糧道選

甲申以長齡為烏嚕木齊都統調方受疇為河南巡撫以李奕疇為浙江巡撫調蔣繼勳為安徽布政使賞台斐音三品頂帶為河南布政使由二等侍衛選

○戊子 上駐蹕避暑山莊○己丑諭百齡奏前任閩浙總督方維甸見丁母憂一摺方維甸歷任封疆均能勤慎盡職因母老在籍侍養茲伊母吳氏病逝著加恩賜祭一壇派江甯將軍興肇前往奠醊並著興肇傳旨慰諭方維甸令其節哀守禮再圖為國宣勞○方受疇乞假回籍以高杞署河南巡撫由部署

八月乙未朔以瑪哈巴拉為理藩院額外侍郎署刑部○庚戌 上

自避暑山莊巡幸木蘭行圍○壬子諭吏部奏各省舉人自十三年戊辰科大挑後至明歲甲戌科已閱六載應否舉行挑選請旨等語各省舉人從前 皇考高宗純皇帝加恩奉 聖旨特予大挑俾多士及時自效朕親政以來每閱六年按次舉行惟見在分發各直省者為數過多該舉人等挑選以後補缺無期省垣需次資斧為難此次若再照例挑選擬往更形壅滯轉非所以體恤寒士之意所有明歲大挑著暫緩一科於丁丑科會試後舉行並著嗣後每屆四科奏請大挑一次仍照例扣除近三科舉人俟各省挑在人員漸次流通該部即奏明再行照舊辦理○轉穆克登額為刑部左侍郎調成格為刑部右侍郎慶祥為工部右侍郎轉普恭為理藩院左侍郎以瑚圖禮為理藩院右侍郎由駐藏大臣選

○以高杞為熱河都統台斐音署河南巡撫○戊午諭軍機大臣等李亨特覆東華續錄 嘉慶三十六年 四

奏收蓄湖水情形並接閱給事中倪秀條陳一摺據稱微山湖自七月得雨後截至八月初三日共長水八寸見在湖心水止二尺有餘是以前此請於江境添設二閘以期攔蓄河水節省湖流倪秀摺內所言閘座太密漲水難消轉多淤阻似非真知灼見應否添建閘座仍請飭下江省督臣河臣悉心籌畫等語江省邳宿一帶向資微湖灌注浮送糧艘本年湖水不敷鋪注皆上年蓄水短絀所致並非因原設閘少瀉水過多李亨特不思疏濬泉源認真收蓄俾湖水日漸充裕總以江省應添建閘座為詞屢行陳請越俎代謀願係豫為諉卸地步邳宿運河無庸添設閘座前據百齡黎世序等覆奏甚明即舊有利運等閘已俱陸續修復完竣足資鈐束李亨特職任東河籌蓄湖水濟運是其專責本年東省春夏雨澤雖稀入秋以來澍雨優霑微湖上游各處泉源坡水儘敷拒

注即使湖身稍有淤墊亦應設法疏濬俾得及時匯導蓄滯寬裕以便來年重運經臨隨時鋪放方為稱職今不及早經理若屆時再有貽誤惟李亨特是問伊係乘取錄用之人試問能當此重咎否耶悚之慎之○辛酉調吳烜為吏部右侍郎轉盧蔭溥為兵部左侍郎以吳芳培為兵部右侍郎由內閣學士遷

九月甲子朔 上以陰雨減開改出伊瑪圍出哨賞辦道兵丁半月錢糧並免本日經過地方額賦十分之三○命 皇次子

皇三子祿懋先還京師○諭每月朔日向不進立決本章乃本日理藩院由本報具題行劫致死事主之兇犯索密雅間擬斬梟一本並未計算日期送交內閣內閣亦未計算日期輒轉遞行在均屬錯誤內閣理藩院在京堂司各官著查取職名交部分別議處

○丁卯以直隸大名等三府早命都察院左副都御史佛住鴻臚寺卿彭希濂查辦賑務○戊辰 上駐蹕避暑山莊○癸酉 上

自避暑山莊回鑾○乙亥諭李亨特奏沁黃二河水勢異漲南岸雖工下汛二堡無工處所大隄坐墊過水見竭力搶辦自請治罪並請將該管各道廳等分別懲處一摺李亨特本係乘取錄用之人上年微山湖蓄水短少以致本年邳宿運河不敷鋪放糧運稽

緩皆由伊辦理不善本當即行懲處姑從寬令其戴罪自贖茲又有睢州下汛二堡漫口之事可見其平日漫不經心疏防貽誤怠玩已極不能再為寬貸著革職留於工次效力其河東河道總督

員缺著戴均元補授接奉此旨即馳驛前往工次接印任事戴均元曾任江南總河於南河工員內有素知請練堵築者一面奏聞

一面調撥差委至該工督辦緊要見在廣厚陸見來京並著於途次接奉此旨亦即馳驛赴工會同戴均元督率妥辦迅就合龍俟

工竣後廣厚再來京陸見回湖南巡撫之任李亨特在工能否隨同出力並著廣厚等留心察看俟工竣時據實具奏再候諭旨其疏防失事之睢甯通判鮑居垣著革職專管工程之守備裴興鎮著革職並枷號工所俟工竣之日再行嚴辦該管道員陳啓文亦著交部議處○諭軍機大臣等本日溫承惠奏河南滑縣老安地

方有匪徒黃興辛黃興相兄弟並宋姓為首與天理會於本月初七日聚眾滋事滑縣已失縣官被戕直隸長垣縣亦有習教之人

並聞教匪竄往河南考城及山東曹縣一帶見在睢州二堡黃流漫溢台費音馳往該處下游被水一帶查辦災務高杞此時若尚未起程離豫著即挑帶將弁兵丁督同河北鎮總兵包克通阿星

夜前赴該處加意防範並嚴飭沿河文武員弁嚴密防堵勿令偷渡河南致形滋蔓高杞俟方受時到任後再來京赴熱河都統之

任○以溫承惠為欽差大臣偕古北口提督馬瑜馳往長垣滑縣剿賊○命陝西提督楊遇春來直隸協剿○命同興巡防山東邊境剿捕賊黨○調初彭齡為倉場侍郎盧蔭溥為戶部左侍郎

○以章煦署直隸總督○丙子諭軍機大臣等據素納奏接據東明縣朱煒稟報縣屬齊五集鐵匠張文典首稱有長垣縣南樂

集人姜復與託伊打鋼刀十把伊因情有可疑赴縣呈首該縣於是日盤獲姜復與究出伊與滑縣白家道口宋義升長垣縣馬寨

村馬文龍夥同習教會託張文典打刀該縣當將該犯收禁又於初十日接據長垣縣典史劉世治稟報有民人王小白向都司陳

夢熊處首告知縣被害該都司帶領兵勇搶出該縣屍骸看明備身有傷身首異處又據開州知州于曉稟報東明縣城已被圍勢

甚危迫等語該匪等聚眾戕官圍城猖獗可恨已極且俱用白布

東華續錄 嘉慶三十六 五

東華續錄 嘉慶三十六 六

東華續錄 嘉慶三十六 七

東華續錄 嘉慶三十六 八

東華續錄 嘉慶三十六 九

東華續錄 嘉慶三十六 十

東華續錄 嘉慶三十六 十一

東華續錄 嘉慶三十六 十二

東華續錄 嘉慶三十六 十三

東華續錄 嘉慶三十六 十四

東華續錄 嘉慶三十六 十五

東華續錄 嘉慶三十六 十六

東華續錄 嘉慶三十六 十七

總頭身穿白衣看來竟係邪教並非飢民著溫承惠即飛飭富商
 連選弁兵帶領趕赴該處堵剿無令向各處竄逸該督侯兵力到
 齊即統率師干一鼓殄滅至擒獲醜類如有白布纏頭查係真實
 賊犯即槩行正法若無辜被脅之眾不可株連該督當仰體朕意
 總以安民為要其首逆黃興宰黃興相宋義升等犯就獲後即派
 委乾清門侍衛及文武官員嚴密解京候朕親訊處以極刑以彰
 國憲至長垣縣知縣趙綸如平日居官尚好猝被戕害即奏明賞
 給卹典如別有劣蹟無庸置議鐵匠張文典首先到官舉報尙知
 畏法該督查明酌量獎賞○諭同興前次奏獲金鄉縣編造歌
 詞斂錢惑眾之匪徒李允魁崔士俊張文明等十八人見據溫承
 惠奏接據該督撫札稱教匪崔士俊等三十餘人供係長垣縣人
 徐安囑傳授屬令密擊今長垣縣又有戕官之案東省與長垣接
 東幸續錄 嘉慶三十六 七
 壤該匪徒等同習邪教聲息相通於戕官搶劫之後既經逃往東
 省自係糾結黨與山東曹單鉅野一帶順刀會梟匪徒甚多且
 與直隸河南見在滋事之處境宇昆連見派介溫承惠帶兵由北
 堵剿高杞帶兵在河南緊防西南其東路專責成同與防堵該撫
 選派精銳弁兵迅速親自帶赴東省邊界嚴密偵緝勿令匪徒乘
 閒闖入東境潛相勾結致滋蔓延再前該省拿獲之崔世俊等三
 十餘人見在監禁在獄著該撫即嚴行訊鞫是否與黃興宰等係
 屬一黨一面錄供具奏即一面將該犯等先行正法並多發告示
 剴切曉諭居民所有查拿懲辦者俱係鄰省滋事亂民斷不株連
 無辜以靖民心為要○以高杞仍署河南巡撫○丁丑諭軍機大
 臣等本日據色克通阿奏稱滑縣匪徒牛亮臣等十餘人在該縣
 大伾山之東坡聚集匪徒數百打造軍器殺入縣署劫放獄囚見

帶兵前往勦辦等語昨已有旨令高杞接署河南巡撫印務帶兵
 前赴滑縣查拏防堵見在色克通阿已帶兵五百名前來著高杞
 即迎合一處統率弁兵前往勦捕若兵力尙少著即添調豫省官
 兵併力殲除其防堵機宜滑縣南距黃河迤西即係太行山徑該
 撫務周密布置嚴防西南兩路勿使渡黃奔竄亦勿令竄入山谷
 滋蔓難圖惟當堵剿兼施賊之於平原曠野之地則兵力易展四
 面兜圍不難一鼓勦滅淨盡○予死事知縣趙綸祭葬世職○戊
 寅 上駐蹕翠華山行宮○諭軍機大臣等本日同興奏金鄉匪
 犯崔士俊供稱該犯先從城武縣民劉燕傳習八卦離字教上年
 八月間又從直隸長垣縣陳家莊人徐安囑改習震卦教徐安囑
 會告以今歲九月以後要交白洋劫屆時老教首送給白布小旗
 一面插在門首可免殺戮又據獲犯張建木同供本年二月間徐
 安囑亦會到過伊家追崔士俊被擊該犯會寫信知會徐安囑躲
 避等語徐安囑一犯前據溫承惠奏稱接據同興知會已派副將
 舒凌阿前往密拏見在長垣縣聚眾滋事是否即係徐安囑為首
 著溫承惠於勦捕時確實查明具奏正在降旨聞又據同興奏稱
 據曹州府並荷澤縣稟報定陶縣城於初十日黎明被陷文武官
 員存亡未保同興見已派兵分赴曹州東昌等處彈壓並親帶劉
 清率本標兵三百名前往督辦等語見降旨令同興督兵往勦將
 賊匪由東北偏向西南其河南邊界又降旨令台斐音將所帶兵
 一千二百名全數交與高杞帶領防堵溫承惠當飭催直隸派出
 鎮將兵丁迅速前往合力勦捕務期一戰成功又諭本日申刻又
 遞到同興本月十三日由五百里馳奏之摺內稱接據曹州府百
 歲稟報賊匪於十一日續陷曹縣在彼占據見在兗州鎮總兵陳

廣甯已出濟甯帶兵馳往同興亦由東昌集兵前進勦辦等語賊匪於數日之間將定陶曹縣兩處攻陷旋向東南肆逆看來並非東省另起之賊自即係長垣滑縣等處賊匪相率竄往刻已降旨派徐州鎮總兵沈洪帶兵一千名由江省自南而北堵剿前進賊匪此時既向東竄則長垣東明開州一帶賊蹤想已漸遠溫承惡即當迅統大兵由長垣滑縣一帶進發如該二縣已無賊屯聚即探明大股賊匪所在直赴曹州定陶一帶與東省堵剿之兵併力夾擊○轉吳芳培為兵部左侍郎以溫汝道為兵部右侍郎由左副都御史○已卯諭餘名餘愷奏本月十五日午刻突有賊人擅入蒼霞門經總管太監擒獲未刻內右門西又有賊匪越牆入內餘名見事在倉卒取進烏槍撒袋腰刀先用槍將牆上一賊打墜又有手執白旗之賊在牆上指揮復用槍擊斃實出無奈大膽等語餘名東華續錄嘉慶三十六九

係內廷皇子在上書房讀書一聞有警自用槍擊斃二賊餘賊始紛紛潛匿不敢上牆實屬有膽有識乃餘名奏稱大膽無奈詞語謙飾殊覺過當朕垂淚覽之可嘉之至筆不能宣宮庭內地奉有祖考神御皇后見亦在官餘名身先捍禦獲保安全實屬忠孝兼備二阿哥著加恩封為智親王於皇子歲支分例加倍歲給俸銀一萬二千兩以示優獎三阿哥餘愷隨同捕賊亦屬可嘉朕於在廷臣工有功必賞今皇子能如此忠勇自效豈容稍靳恩施此大公之心內外諸臣當共知感知奮也○諭軍機大臣等本日申刻儀親王等遞到勦辦賊匪事已大定一摺據訊取活賊供詞賊匪共進禁城二百名見所呈遞草單三紙內細數斃斃及活拏者共止三十一名其餘賊匪一百六十九名究竟作何下落所奏殊不明晰再成親王訊出賊供地安門外尚有賊五百

名此項賊匪此時是否伏而未動抑係查有蹤迹伊等見在如何辦法摺內亦未提及著儀親王等即速明白回奏至摺內請將格布舍等六人留京勦捕賊匪事屬可行內蘇爾慎格布舍二人著速迎赴行在朕面詢剿賊情形其伊勒通阿等四人留京實令符同搜捕俟朕回鑾後再諭令一同馳赴軍營又諭此次賊匪突入禁門並敢潛匿膳房王公大臣侍衛官兵人等奮勇擒捕實為可嘉內有在內右門以內擒獲賊匪者功績最優在禁城內捕賊者次之著托津等詳細查明開單具奏此內捕賊受傷身死者列為上等其受傷重者列為二等受傷輕者列為三等無論侍衛官兵即家人閒散等俱一律歸入等第開單呈覽候朕分別施恩托津等務須秉公確查不可稍徇情面俟朕進宮後再行呈遞亦不為遲見在二阿哥躬親捕賊忠孝可嘉已施恩錫封智親王著托津東華續錄嘉慶三十六十

等啓知二阿哥不必遠來謝恩朕進宮時在內東華門之內道旁拉頭謝恩三阿哥四阿哥等仍照常任內接駕○詔停謁陵由白澗還京師○以懈弛門禁奪步軍統領吉翰左翼總兵銜王麟職○命托津英和先回京師查辦諸逆匪○命陝甘總督那彥成酌帶勇幹將備馳驟來京○命江南提督烏爾爾額駐徐州安徽壽春鎮總兵官喀勒吉善赴賴毫一帶防守○以成甯為工部尚書轉文甯為吏部左侍郎調秀甯為吏部右侍郎瑚圖禮為禮部左侍郎以禮恩為理藩院右侍郎由內閣學士遷○以佛住為禮部右侍郎由左副都御史遷蘇楞額為戶部左侍郎由內務府總管大臣遷○庚辰上以遇變下罪已詔曰朕以涼德仰承皇考付託兢兢業業十有八年不敢暇豫即位之初白蓮教煽亂四省黎民遭劫慘不忍言命將出師八年始定方期與吾赤子永樂昇平忽於九月初六日

河南滑縣又起天理教匪由直隸長垣至山東曹縣亟命總督溫承惠率兵剿辦然此事究在千里之外猝於九月十五日發生肘腋禍起蕭牆天理教逆匪七十餘眾犯禁門入大內戕害兵役進宮四賊立即捆縛有執旗上書三賊欲入養心門朕之皇次子親執烏槍連斃二賊貝勒蘇志續擊一賊始行退下大內平定實皇次子之力也隆宗門外諸王大臣督率烏槍兵靖二日一夜之力剿捕按拏淨盡矣我大清國一百七十年以來定鼎燕京 列祖列宗深仁厚澤愛民如子 聖德 仁心奚能縷述朕雖未能仰紹愛民之實政亦無害民之虐事突遭此變實不可解總緣德涼愆積惟自責耳然變起一時禍積有日當今大弊在因循怠玩四字實中外之所同朕雖再三告誡舌敝唇焦奈諸臣未能領會愆忽為政以致釀成漢唐宋明未有之孽較之明季梃擊一案何東華續錄 嘉慶三十六 上

音倍徒思及此實不忍再言矣予惟返躬修省改過正心上答天慈下釋民怨諸臣若願為大清國之忠良則當赤心為國竭力盡心匡朕之咎移民之俗若自甘卑鄙則當挂冠致仕了此一身切勿尸祿保位益增朕罪筆隨淚灑通諭知之○論此次賊匪擅入紫禁城經王大臣侍衛官員等奮力按捕擒殲淨盡儀親王成親王在紫禁城內親身督辦晝夜勤勞甚屬可嘉著加恩將所有未經開復處分及未完罰俸悉予開復寬免又本日和世泰奏稱昨據二阿哥告知前日賊匪突入禁城蘇志先入大內經二阿哥將自帶烏槍交給蘇志於二阿哥槍斃兩賊之後亦用槍斃賊一名其餘賊匪始皆畏懼避匿蘇志為儀親王之子係朕親姪如此奮勇出力著加恩賞加郡王銜於歲支員勒俸銀二千五百兩外每年加給銀一千兩以示嘉獎莊親王蘇謀於賊匪奔突之

時親身持械剿捕並射傷賊匪一名亦屬奮勇著加恩將從前所罰王俸未完者全行寬免仍交宗人府從優議敘奕順安成蘇爾慎格布舍四人各殺斃賊匪均屬出力奕順安成著交宗人府兵部從優議敘蘇爾慎著賞給副都統銜仍交部議敘格布舍著交部議敘三等侍衛阿勒罕保親軍校清福亦皆殲斃賊匪阿勒罕保著升為二等侍衛清福著升為三等侍衛其餘出力各員俟托津等查明再行施恩至派出捕賊兵丁經王大臣等帶入紫禁城內者健銳火器兩營兵丁尤為勇銳著查明各賞給一月錢糧前鋒護軍營及八旗步軍營兵丁查明各賞給半月錢糧又諭本月十五日賊匪擅入禁城徐由宣武門入東華門西華門進蒼震門該管步軍統領等門禁懈弛已將吉綸玉麟革職是日紫禁城直班係署護軍統領楊樹會其咎更重楊樹會著革職即日發往伊犁

東華續錄 嘉慶三十六 上
犁效力贖罪至此三門蒼震門係在大內疏防最重東華門西華門次之宣武門又次之所有該班之官員兵丁等除受傷身故及受傷者將功抵過無庸議外其餘著托津等查明會同刑部分別治罪據訊取見獲賊犯供詞多係直隸固安縣及黃村一帶籍貫鄒炳泰李鈞簡在順天府尹任內平日漫無查察以致養癰貽患鄒炳泰著以中允贊善降補李鈞簡著降為編修溫承惠身任直隸總督順天府屬地方皆其所轄著交部嚴加議處劉鏡之費錫章到任未久著交部議處○諭軍機大臣等前同與所奏首犯劉真空潛匿離京二十八里之沙河順天北路廳同知卽駐紮沙河地方該處距圓明園不遠著英和派明幹可靠員弁前往密行緝緝有無蹤迹見在刑部監獄胡審人犯不少又加以逆匪多名著托津等傳諭刑部堂官留心防範英和並添派弁兵小心巡察再

見在格斃各屍除兵役屍首令家屬認領查明再行施恩外其已斃賊屍令活賊指明拖赴外城分地到屍梟示不必盡在街口其見訊逆犯錄供後如無可再訊者先凌遲一二名以後陸續辦理止留爲首要犯四名豫備廷訊所留逆犯此時轉不必用刑俟廷訊時盡法處治見已明降諭旨將門禁懈弛之官兵分別懲辦著托津等於訊供時嚴鞠賊犯未必悉由宣武門入城如有自他門入者亦查明將該管官兵一體治罪再見在紫禁城內既已搜查淨盡無須多兵駐守著托津等酌留若干在禁城內分設堆撥撤出若干在皇城內分設堆撥禁城內酌留之數比之皇城內尙可略少派定後先行具奏至昨降諭旨飭令在京都統護軍統領等各查所轄地面此事非一二日所能辦竣恐草率從事轉屬有名無實著傳知該都統等從容詳辦其挨查之法所有王公以下二品文武大員以上無庸點查著傳令該本家等自行查明實無形迹可疑之人令其出具切結報明該管大臣如有隱匿情事發覺後從重治罪其三品以下官員以及軍民鋪戶人等俱著逐戶挨查除婦女不查外丁男按名點驗勿稍疏漏如有外來行蹤詭祕之人隱匿在家卽行拏究○命那彥成爲欽差大臣督兵勘河南賊匪溫承惠等專辦糧餉○調曹振鏞爲吏部尙書協辦大學士潘世恩爲戶部尙書以章煦爲工部尙書陳預爲刑部右侍郎翁元圻爲湖南布政使伊湯安爲貴州按察使由貴西○辛巳諭本年九月初六日豫東交界地方有亂民戕官滋事拏獲匪犯供係天理會邪教並據同興奏稱會內首逆林姓又捏名劉林在近京藏匿正在降旨飭拏間十五日忽有賊匪潛入紫禁城持械逞兇經王大臣及文武官兵協力圍捕戮擒淨盡嚴究首犯據英和等

東華續錄 嘉慶三十六 三

選派番役於近京之宋家莊地方拏獲林清一犯供稱前生姓劉所有十五日潛入紫禁城賊匪均由伊派撥屬實該犯傳習邪教糾眾謀逆罪大惡極今夥黨殲除首逆旋即就獲仰承 天 祖恩佑欽感實深除將該逆按律懲辦外英和督拏要犯剋日就擒厥功甚鉅英和著交部從優議敘其原拏之官員番役人等著交英和分別等第開單呈覽候朕明日進宮再降恩旨○諭軍機大臣等據托津等奏訊據賊犯陳爽供出太監劉得財等夥同入教等語覽奏實堪駭異該犯等供役內廷膽敢習教入夥並聽從逆犯指揮豫爲引路實屬罪大惡極著托津等將已獲各太監等隔別嚴訊務令將同夥之犯逐一全行供出勿令稍有狡飾隱匿至該犯等以內監謀逆悉當同以大逆凌遲該犯等家屬亦應緣坐著英和等卽刻按名查拏此案入教各太監內劉得財一名係太監內入教傳徒首犯情節尤爲可惡著留備廷訊並再留情罪較重者一名候朕親加嚴鞠盡法處治所有托津等訊出從逆太監見據二阿哥奏交五名外又續交九名托津等陸續訊出如何有在逃者著步軍統領順天府五城及內務府番役一體嚴拏務獲見在無論已獲未獲先查明係在何處當差之人開具清單於明日具奏至林清一犯係屬首逆托津等審訊時務令將夥犯人數悉行供出以便按名根究林清並備廷訊無稍疏虞○撥京倉米五萬石備大名軍精○壬午 上還京師○諭軍機大臣等前日拏獲突入禁城滋事各逆犯究出首逆劉真空卽林清已在黃村拏獲訊據該逆供係八卦教今改名天理教其黨與散布各處磁州頭目係趙得一長垣頭目係賈士元羅文志鉅鹿頭目係楊遇山又饒陽南宮等縣喜峰口並滑縣之大頭目劉玉瀆馮克善各

東華續錄 嘉慶三十六 四

有五百多人等語長垣滑縣賊首自已隨同起事其磁州饒陽鉅鹿南宮喜峰口賊匪仍伏而未動著章煦即選派參將弁前往密訪嚴拏務將賊首緝獲訊明由驛速奏如有抗違拒捕情事即飛咨溫承惠派官勦捕就地殲除毋任竄逸句結又諭首逆林清見經拏獲訊據供認八卦教今改名天理教人數眾多散布各處山東東昌府一路係李萬成爲首曹縣一路係徐安暢爲首德州一路係宋躍濼爲首金鄉一路係崔士俊爲首手下各有數百人等語崔士俊業已正法徐安暢已在長垣滋事其東昌之李萬成德州之宋躍濼尙伏而未動著同興即選派參將弁分往東昌德州不動聲色密訪嚴拏獲犯後訊供由驛速奏備有抗違拒捕情事即速調兵就地勦捕毋任竄逸句結又諭前日據同興密奏拏獲金鄉教匪張建木訊據供稱傳教大頭目劉燭明告知這教

東華續錄

嘉慶三十六

七

山西最多先收集山西多年如今續收山東其收西邊的人係于克敬係山西人見在河南滑縣等語又見在拏獲突入禁城滋事匪犯之總教首林清供稱八卦教今改名爲天理教有良卦頭目王道濼在歸化城傳教等語河南滑縣及山東定陶曹縣等處教匪滋事連陷數縣于克敬一犯雖在河南滑縣此時或潛回山西其王道濼一犯見在歸化城著衡齡即速選派參將弁不動聲色密訪嚴拏務獲拏獲後訊取供詞由驛速奏先須密爲布置不可使聞風蠢動如有糾約拒捕情事著即派兵立時撲滅毋任竄逸句結又諭本月十五日突入禁城各匪犯見已殲捕淨盡其總頭目林清業已拏獲訊據該逆供係八卦教今改名天理教散布各處有乾卦頭目華姓見在宣化府兌卦頭目王忠順見在潼關坤卦頭目魏正中見在安慶著貢楚克扎布朱勳胡克家即速選派

受幹員弁密訪嚴拏務獲拏獲後訊取供詞由驛速奏務須不動聲色將首逆擒獲勿令聞風蠢動如有抗違拒捕情事並著派兵立時撲滅毋任竄逸句結○癸未諭我朝定鼎以來 列祖 列宗愛民如子深仁厚澤洽於寰區朕繼承大統保惠黎元惟恐一夫不得其所凡食毛踐土之倫縱不能家喻戶曉豈身享太平亦竟忘其所自乃本月十五日忽有教匪七十餘眾突入禁門將至大內幸皇太子親執烏槍連斃二賊逆黨始退王大臣督率官兵殲戮淨盡仰賴 天 祖庇佑乘魁就獲餘孽悉平越三日朕由行在遷宮京城內外安堵如常事定思痛此實非常未有之變寇賊叛逆何代無之今事起倉卒擾及宮禁傳之道路駭人聽聞非朕之涼德何以致此但諸王大臣同國休戚今使皇子親執火器禦賊於禁籞之中諸臣其何以爲顏返而思之更何以爲心乎本

東華續錄

嘉慶三十六

六

日特於乾清宮召見諸皇子及諸王文武大臣面加訓諭令王大臣等各殫忠竭慮以匡國治勿再因循怠玩平日文恬武嬉事至則措置失宜事過則泄洩如故素餐尸位益重朕辜夫涓涓不塞將爲江河禍變之來必有由致不究其本患將未已諸王大臣及各言官如能洞見致患之原官常吏治有亟須整飭修明者各據所知剴切直陳朕必衷而行之若瑣瑣焉摘一事改一例博建言之名以圖塞責朕甚無取焉將此通諭知之○諭本月十五日有賊匪突入紫禁城滋事次日朕於行在接據留京王大臣奏報不能深悉情形恐賊黨眾多潛匿市闐當降旨飭令在京都統前鋒統領護軍統領副都統等各於所轄地面逐戶挨查昨日朕進宮時見京城內外一切安堵如常其日前滋事賊匪早經殲捕淨盡逆匪之總頭目林清拏獲審訊據供伊所遣入城謀逆匪徒本止

數十人除見已殲擒各犯餘匪數人聞擊遁歸俱經伊目見都城
實無遺孽所有各旗都統等挨查地面之處著即停止自日本日奉
旨之後如有藉口稽查擾累居民者該管大臣查參嚴懲○諭國
家熙績亮工豈能以一人獨理天下惟賴大臣等盡心竭贊無曠
厥官方克收股肱心膂之效朕眷念舊臣工中宜力有年者多
不忍卽予屏退而陳力就列不能者止在臣子則當自權進退之
義古人七十致仕雖平素才猷卓越者精力就衰卽不肯貽請素
餐况才具素本中平年齒既邁仍居高位其職守所在悉屬曠瘠
而賢路轉因而阻塞見當整飭紀綱之時當先行於貴近大學士
慶桂劉權之俱年老多病於所管事務不能盡職著均以原品休
致慶桂從乾隆年間卽任軍機大臣朕親政後仍贊襄機務前平
三省邪匪與有勤勞加恩賞給全俸以養餘年劉權之曾經獲咎
東華續錄 嘉慶三十六 十七
其年齒雖老在閣臣中資格較淺加恩給予半俸禮部尚書王懿
修亦年力衰頹並著以原品休致○建陝西甯陝廳 文廟○甲
申首逆李文成等據滑縣並屯縣屬之道口鎮命溫承惠赴河南
與高杞合兵勦之同與專勦山東賊匪○命松筠爲東閣大學士
仍留伊犁將軍曹振鏞爲體仁閣大學士托津百齡爲協辦大學
士○調鐵保爲吏部尚書以德文爲禮部尚書明亮爲左都御史
統部○以胡長齡爲禮部尚書轉汪廷珍爲禮部左侍郎以王宗
誠爲禮部右侍郎由內閣學士遷○調章煦爲吏部尚書以周兆基爲工
部尚書轉吳烜爲吏部左侍郎以吳璠爲吏部右侍郎由內閣學士遷○
以周系英鮑桂星俱爲內閣學士周系英由大理寺卿遷○予獲匪
被劫遇害河南滑縣知縣強克捷祭葬世職○乙酉諭台斐音奏
報官兵連次痛剿賊匪濬縣圍解見在進攻滑城剋期收復各緣

由一摺據稱本月十六日色克通阿率領將備行抵濬縣石羊村
有賊匪百餘人迎敵官兵槍礮齊發登時打死數十人生擒二人
餘匪逃逸次日卯刻色克通阿督兵行三里許遇賊千餘人與官
兵拒敵經參將張拱辰陳弼直前搏戰賊眾驚潰官兵追殺三十
餘里殲賊六七百人午後趕赴濬縣城外該匪約有二千餘人占
據山梁縣城被圍運河石橋阻隔復經參將張拱辰陳弼奮勇先
登搶過石橋賊人抵死抗拒官兵槍礮齊發打斃賊匪一千七八
百人擒獲活賊一百餘人濬縣城圍立解奪獲馬駝槍刀旗幟甚
多等語所辦俱好豫境賊匪肅聚搶劫茲官兵甫經接仗卽將該
匪殲斃二千五百餘人生擒一百餘名可見該匪等不過烏合之
眾經此番殄戮業已喪膽指日大兵會集四面兜圍無難一鼓蕩
除總兵色克通阿參將張拱辰陳弼奮勉可嘉色克通阿著交部
議敘張拱辰陳弼交部從優議敘張拱辰陳弼著高杞查明該二
人如向未得有翎支俱著賞戴花翎以示獎勵至摺內所稱此次
打仗守城文武各官先已獎賞仍擇其尤爲出力者另摺保奏官
員效力行開奮勉出力自當加之鼓勵但必須覈實辦理勿蹈從
前軍營陋習稍涉瞻徇致令有功者屈抑無功者冒濫方足以服
人心而勵士氣所有出力各員著高杞確查明開單保奏候朕
施恩○丙戌 上廷訊首逆林清逆黨劉進亭太監劉得財劉金
悉凌遲處死並傳示林清首於直隸河南山東賊匪滋擾地方○
諭國家撫御寰區百數十年來薄海蒸黎畏神服教凡有血氣莫
不尊親乃本月十五日近郊忽有逆賊數十人突入禁門謀逆此
實意外之變經王大臣等派兵殲捕馳奏行在朕於途次聞有逆
賊數人潛逸京外之黃村及董村等處此等助惡逆犯覆載不容

若不盡數誅夷不足以彰國典因派拉旺多爾濟等帶兵掩捕官兵未至董村即望見該處火起延燒拉旺多爾濟等到彼撲熄詢悉在逃逆賊縱火焚燒乘間四逸而良民猝見兵火亦不免驚怖奔逃有展轉溝壑者此外兵役接捕想各居民亦無不驚擾因逆賊而累及良民朕思之轉為之不忍見在就獲各逆犯俱經嚴訊伏法首逆劉林即林清本日廷訊盡法懲治寸磔傳首其妻子親屬均一一按名捕獲照律緣坐鉅案已結毫無株連念附近良民因此等奸宄滋事聞致失所朕斷不肯因近郊有數十秀民稍減愛憐赤子之心著施恩將大興宛平二縣本年應徵錢糧全行豁免以示憫恤見在近畿各處仍恐有一二餘犯在逃尚須嚴密偵緝已嚴諭官吏等確訪指名擒捕不許波及無辜百姓等毋得聞風驚懼自行紛擾惟當感激深恩安靜守法勉為善良共享太平

東華續錄

嘉慶三十六

九

之福其或其頑不靈受人愚惑甚至有隱匿奸黨一經官吏訪獲必從重治罪不貸將此刊刻臚黃通諭知之○諭本月十五日逆首林清潛遣逆夥數十人突入禁城滋事一案嚴訊見獲賊犯據供太監內竟有逆賊六人與謀引路其引賊入東華門者係劉得財劉金二犯引賊入西華門者係張太高廣幅二犯又王福祿閻進喜二犯在內接應續據南城御史緝獲賊夥林四又究出楊進忠一犯亦由西華門引賊入內該逆賊等罪惡滔天為從來所未有除高廣幅一犯於是日經官兵殲斃外其劉得財等六犯俱按名捕獲無一漏網連日軍機大臣會同刑部研究本日朕親自廷訊盡法處治逆賊劉得財等堅供此外再無通同謀逆之人復嚴詰首逆林清亦堅供在內同謀止此七人更無餘黨所有本日執事站班文武大小各員人人聽聞供情毫無疑義即將各該犯凌

遲處死太監等充當差使等級懸殊凡近御者皆馴謹誠樸之人此案逆賊七人平日所當差使俱極疏賤從未見過不知姓名僅於宮內看守門戶從無一名會隨赴御園者宮中所留首領曉事者少平日約束懈弛聽伊等告假閒遊致令交結外人甚至如廣甯門馬駒橋等處數十里之外任其恣意往還聽從賊匪糾約謀逆以致釀成巨案本日朕嚴詰該逆賊謀叛之由皆係首無可供吐復訊以朕平日有無苛待伊等之處該逆賊供稱素來天恩寬厚近日復又加賞錢糧更有何銜怨之處尚口稱佛爺不置是該逆賊等全係被外間匪徒迷惑至死不悟而任其出入自便該首領等疏懈之罪實無可辭嗣後嚴諭總管首領太監等俱不得任各處太監藉詞告假獨自私出禁門其有不得不暫時給假者並著該首領太監查問確實限以時刻必須兩三人同行方准放出

東華續錄

嘉慶三十六

三

如違除本人治罪外將該管首領太監一併治罪至此數犯梟獍性成本非常有見在訊問明確別無同黨之人此外各太監等當感戴主恩照常當差安靜守法不必心生疑畏備有狡諂之徒挾嫌誣扳查明從重治罪斷不寬及無辜將此旨交總管內務府大臣轉交總管太監通諭各等處太監知之並著載入宮史○丁亥以逆匪犯關時雷雨交作殛斃賊黨命 皇次子智親王 皇三子縣愷詣 昭顯廟 時應官拈香○諭諸王大臣等逆匪突入禁城實非常之大變今雖首逆伏誅餘黨就戮聞閭安輯城市如常此正我君臣臥薪嘗膽之日永懷安不忘危之念勵精圖治夙夜在公庶幾補救前非仰承 天眷因思十月初六日為朕壽辰國家典禮自初三日至初九日俱穿蟒袍補褂正日御正大光明殿受賀此定例也今歲突遇此禍若仍照常典禮而行朕實無

顏受賀况軍書交馳邪氛未靖尙有何心宴樂乎非博虛名實無暇也向年俱進如意即日回賞原上下聯情之意耳今遇大不如意之事豈可復行呈進朕不見此物轉覺心安見物思名益增煩悶今酌省繁文副予儆惕之念諸王大臣愛戴之忱仍可得伸著於初五初六初七三日穿蟒袍補褂初六日朕御乾清宮皇子諸王貝勒貝子公文武頭品大臣二品內廷行走諸臣御前侍衛乾清門侍衛俱在乾清門內行禮二品文武大臣三四五品京堂俱在保和殿階下向乾清門行禮除此俱在本衙門行禮作樂排儀仗照常不必宣表行禮後朕酌簡數人進甯壽宮入座賜宴勉盡一日之歡而已至歲朝禮節一切如常彼時亦不矯情剛改此次壽辰實無心緒爾諸臣勿行奏頌副朕苦衷爲是特諭○以果齊斯歡爲兵部右侍郎由內閣學士遷○戊子禮親王昭棟等奏請於萬壽聖節前後初三初四初八初九四日俱穿補服初十日皇后千秋令節擬穿蟒袍一日得旨勉從所請實深愧憤初十日不必穿蟒袍稍示區別願諸王大臣清夜捫心究竟欲作何等人成何等事業三思而行勿甘暴棄朕亦無顏瀆告矣○以寶興黃鐵俱爲內閣學士寶興由少詹事黃鐵由翰林院侍講學士遷○己丑諭高杞奏濬縣賊匪經前次官軍殲擒數千名後餘匪竄回道口滑縣等處連日仍敢前來窺伺該署撫督同色克通阿張拱辰陳弼帶領備弁兵丁槍礮齊發賊匪抵死抗拒官兵奮勇直前殲斃賊匪三百餘人生擒六十一名奪獲馬器械甚多搜出冊檔四本首葉開載有後天祖師林清字據提犯嚴審內蔡成功一犯賊呼爲蔡四大王其偽職卽係林清所封濬滑一帶聽伊句結調遣並有被獲之徐夢林一犯亦受林逆偽封宰相該署撫於審明後卽將該犯蔡成功

等語割示朕等語高杞於馳抵豫省後督率將弁奮勇殺賊生擒受賊偽職之著名賊目蔡成功徐夢林等審明正法並接獲賊黨冊籍甚屬可嘉高杞著交部議敘濬縣知縣朱鳳森經賊匪屢次攻城該縣守禦完固並將城內奸細查拏正法以絕內應朱鳳森著加恩賞加同知銜先換頂帶以示鼓勵○辛卯諭軍機大臣等豫省賊匪見在衛輝滑縣一帶屯聚衛輝迤西係懷慶洛陽接連陝州其迤北由彰德近接太行界連山西澤潞恐賊匪狡計百出乘閒四竄那彥成接奉連次諭旨自己由蘭州起程著迅速行走帶領西安馬隊官兵探明賊蹤迎頭截剿前來毋稍稽遲○裁翰林院筆帖式四員添設於步軍統領衙門○免直隸被賊滋擾之長垣等三州縣新舊額賦○撥長蘆運庫銀二十萬兩備直隸軍需○癸巳諭日前奸民突入禁門仰賴 天地宗 社靈佑東華續錄 嘉慶三十六 主

渠魁就戮餘孽肅清朕欽感 鴻慈涓吉於十月初一日虔申告祭前降諭旨甚明並令翰林院特撰祝文敬達祀謝之忱乃太常寺拘泥是日爲每歲時饗之期於 太廟後殿用新撰祝文 太廟前殿朕躬親告祭轉沿用時饗祝文實屬昏愒謬該衙門二十八日具奏之摺前止聲敘告祭所用祭品其餘恭讀祝文並未明白請旨非尋常錯誤可比太常寺堂官俱著交部嚴加議處速具摺奏不許稍遲時日德文著先摘去頂帶聽候部議尋議禮部尙書兼管太常寺事務德文太常寺卿書與朱紹曾少卿舒甯鮑勳茂均應革職從之○調成甯爲禮部尙書以英和爲工部尙書

由步軍統領選

冬十月甲午朔諭見在未獲各逆李文成劉幅明徐安福于克敏王學禮馮克善六犯俱係震卦教大頭目又前次突入禁門逆犯

內祝現劉第五係林清手下大徒弟見在查拏尙無下落必應嚴
 拏蓋法處治此內李文成徐安幅自係在滑縣長垣起事匪徒股
 內或潛赴直隸句結亦未可定其祝現劉第五二犯於滋事後或
 逃往直隸一帶投歸夥黨著章煦飭知地方文武員弁嚴密查拏
 勿任漏網○丙申祖之望以疾免以韓對為刑部尙書調董教增
 為廣東巡撫以朱勳為陝西巡撫慶燄為陝西布政使山湖南按察使
 ○丁酉以恒敏為湖南按察使通選○辛丑命溫承惠高杞同興
 俱受那彥成節制○癸卯山東鹽運使劉清勦賊於扈家集大破
 之賞布政使銜○乙巳以攻克山東定陶曹縣賊巢功副都統銜
 蘇爾慎等下部議敘○丙午諭逆賊林清滋事一案溫承惠係直
 隸總督順天府所屬地方皆其所轄且在任年久乃於該逆傳習
 邪教煽惑多人八年之久並及早查拏以致奸匪糾眾謀逆昨
 東華續錄 嘉慶三十六 三
 九月十五日竟敢潛布黨與直犯禁門並欲於蹕途伺劫雖其謀
 因兵衛森嚴而止而禁門內則已有匪徒闖入幸荷 天恩垂佑
 首惡伏法餘黨悉誅而河南山東滑濬曹定滋事亂民悉由該逆
 布散邪言同期造反至今餘孽未淨從前山東逆匪王倫滋事之
 案亦因倡興白蓮邪教而起巡撫徐績因此獲咎然王倫於乾隆
 三十九年秋間滋事而其倡興邪教即在是年春間為日尙淺林
 清則於嘉慶十一年業已傳教至今有八年之久溫承惠不能訪
 聞破案其咎本重適前月先聞河南滑縣及直隸長垣賊匪滋事
 之信朕因溫承惠同興俱係本省督撫因各派其帶兵勦賊俾令
 自贖旬日以來同興訪出大逆林清馳奏方能擒賊靖亂此功甚
 偉進兵奮勉連次奏捷是以恕其失察之咎並加恩給予議敘溫
 承惠帶兵由保定前赴大名行走已覺滯帶本月初三日在滑縣

劉固村等處勦賊一次初九日又在滑縣道口一帶得有勝仗然
 兩次勦賊千有餘名賊勢尙未窮滅且直隸本境內如開州長垣
 東明等處亦尙未接勦淨盡其籌畫不周之咎更無可辭溫承惠
 著革去總督拔去花翎賞給五品職銜責令辦理那彥成一略軍
 營糧餉以示薄懲如不知愧知感再有貽誤著那彥成嚴參拏問
 治罪如辦理奮勉將來軍務告成著那彥成奏明再行酌量錄用
 其直隸總督員缺著那彥成補授那彥成未到任以前仍著章煦
 署理○諭張鵬展奏確陳百姓平日不敢首告邪匪緣由並見在
 裏翁情形請區分良莠聯民攻賊一摺所論皆是百姓良善者多
 平居鄉里之間見有邪匪莠民斷無甘與為伍不慮干連之理惟
 因一經首告地方官先畏懼處分相率諱匿甚或將首告之人坐
 誣而匪徒轉逍遙無事於是奸民益與首告之良民積恨成仇必
 東華續錄 嘉慶三十六 三
 乘間肆其荼毒良民即知畏法甯不思自保身家共相隱忍迫為
 日既久奸民黨與漸多肆行無忌寔成叛逆是地方官止因規避
 吏議起見而養癰貽患其害遂至於不可言不知邪惡之積非由
 一日地方官果能發奸摘伏肅其萌孽不但前此失察可逃寬免
 設因此消弭大患並可加以恩獎其始終掩飾既經告發仍姑息
 養奸置之不理者則是縱容奸宄罪在不宥昨因御史恒麟奏及
 已有旨令吏兵二部將文武各員失察處分另行酌議覈其既往
 失察之咎嚴其將來諱匿之罰地方官各宜慎遵毋再玩泄至見
 在滋事亂民其甘心悖逆者本屬無多其餘烏合之眾大半由於
 脅從官兵等臨陣勦殺以及搜捕村莊自應區別莠良嚴禁濫殺
 已連降諭旨飭知領兵大員等務各申明軍紀仰副朕除賊安民
 之意○諭軍機大臣等見在開州長垣東明一帶賊勢蔓延直隸

大兵俱聚於涪滑界內賊股數處轉在我兵之後大名以北又無重兵駐守不特軍營後路空虛如賊匪被剿北竄尤不可不豫為防範馬瑜見任直隸提督富蘭曾任正定總兵該省情形較為熟悉著馬瑜富蘭二人即帶同巴圖魯侍衛數人率領直隸官兵二千名由涪縣繞道速赴開州以北將開州東明長垣三處邊界之賊逐一搜捕總當由北向南步步進剿不必長驅直入務期殲捕淨盡勿留餘孽昨令慶祥等帶領健銳火器兩營官兵各五百名分作四起前赴豫省軍營著馬瑜富蘭於慶祥等所押各起官兵路過大名時即傳旨令其先在該提督軍營勦捕直隸邊境賊匪俟直境肅清後再赴豫省軍營總以願住北面勿使賊匪散竄為要此路勦賊機宜專責成馬瑜富蘭二人其奏報之摺即著馬瑜富蘭聯名具奏毋庸再與欽差大臣會銜俾得迅速遞報以慰廬東華續錄 嘉慶二十六 二五

注○調慶格為山西按察使錢臻為直隸按察使○己酉諭軍機大臣等那彥成奏探明賊匪見在情形通籌全局一摺覽奏實深憤懣豫省匪徒前溫承惠於涪縣道口得有勝仗因其未能大加勦戮辦理遲延降旨褫革乃那彥成於初八日已抵衛輝初十日接收欽差大臣關防十三日發摺時仍在衛輝駐紮並未至涪縣軍營茲奏報見有之兵不敷分勦請調大同鎮及甘肅甯靖綏遠等處之兵並欲俟吉林索倫兵到齊方敷勦辦其言實屬畏葸遷延之至吉林黑龍江兵到齊約計總在十二月間甘肅距遠遠非刻期可至屆期天氣沍寒無論進剿不能得力且此兩月中任賊匪盤踞蹂躪養精蓄銳該督等束手坐視縱賊殃民自作孽矣况目下最好機會乃賊匪安踞涪縣正如魚游釜中若官兵日久不戰賊匪停留長智聞官兵日漸增多斷無延頸受戮之理彼時

豕突狼奔縱西面有兵堵禦而北東南三面何處不可遁逃其勢又如三省教匪辦理需時那彥成受朕深恩畀以重任若老師糜餉使賊首李文成等遁出滑城該督身家性命尚能保乎那彥成著先傳旨嚴行申飭其請調大同鎮兵一千名道路尙近准其概調甘肅靖遠之兵遠不濟急不准調取日內京兵及直隸續調之兵均已到齊那彥成務儘見在兵力相機進取速奏捷音朕惟計日以待也○庚戌諭軍機大臣等昨因那彥成辦賊遲延降旨嚴行申飭本日同興奏據獲賊目曹光輝供稱豫省賊匪實係李文成為首滑縣城中是徐安峒掌管裏約有三千餘人李家莊屯聚亦有二三千人李文成被強知縣拏去散受重刑見在李家莊養病等語計滑縣城中李家莊兩處之賊道口桃源再有屯聚總不過萬人何以那彥成摺內云有三萬人明係屬員捏報見在帶東華續錄 嘉慶二十六 二六

兵已有萬餘人以之進剿何至棘手著傳諭那彥成遵照諭旨鼓勵將領弁兵剋期進剿勿稍延緩李文成一犯係極惡首逆見因般傷養病正可乘其不能動移設法擒獲徐安峒亦係緊要賊目若速將該二逆擒獲則賊心渙散定可一鼓殲除該二逆擒獲後若受傷不重著派侍衛等管押解京以便盡法處治用彰國憲○王子諭豫親王裕豐所屬桑益村居住之包衣開散陳爽等黨魁多人率先肆逆於九月十五日在紫禁城內滋事裕豐平日形同木偶毫無知覺非尋常失察可比理宜革去王爵但念此爵係裕豐高祖多鐸由軍功所封著施恩免其革爵親王俸十年以示懲戒將此通諭各王及貝勒貝子公等嗣後各將所屬包衣佐領人等留心稽查如有似此不守本分兇徒即行稟報斷不可姑容隱匿○甲寅命托津赴河南督辦軍務戶部右侍郎桂芳暫在軍

機處學習行走○以海慶為安徽按察使由龍運訂○給直隸開州等三州縣難民兩月口糧並避難客民回籍路費○乙卯諭軍機大臣等東省賊匪經同興督兵勦辦悉數殲除地方甯謐辦理俱妥惟聞東省因年歲歉收兼遭賊匪焚掠災民逃避四出見聞本境安靜有由河南江南直隸轉回者沿途甚多該民人等蕩析離居情殊可憫著同興飭知地方官認真撫恤務使餬口有資不致轉徙失所事定後各歸本業用副朕軫恤災民至意○丙辰訓移居盛京諸宗室曰 世祖入關救亂定鼎京師諸王貝勒貝子公及眾宗室隨至北京屏藩輔翼於今百七十餘年矣八旗生齒益繁億萬黎民輻輳京邑物產昂貴此必然之勢設官分職經費有常豈能歲增祿糈亦未能盡用宗室置滿洲蒙古漢官於閒地封建直省其失具在前史更不必論矣宵旰殷懷遠無良策敬讀

東華續錄

嘉慶三十六

三

我 皇考盛京賦 啓佑予衷以 祖宗之心為心思惇本睦族

之道莫若移居故土習我舊俗返樸還淳去奢崇儉誠良法也宗室中之明理曉事者必知感鞠謀綏厥之深恩而一二不肖者遂譌傳為竄逐流放之重罰是不但不知予求舊之心亦非乃祖乃父之克家良嗣矣朕志先定詢謀僉同乃命於盛京小東門外擇地建房 文學 武廟衙署成樓成備總計八十區周以垣墉聚族而居肄武習文各恭爾事長途千五百里之遙恐力有不逮特命官雇大車各付官價逐日給盤費先期備行裝下及僕役皆畀以金共用帑項萬一千有奇擇吉季秋上旬中旬分隊起程言歸故鄉欣然就道每起簡大臣照料關內外各派文武官吏護送亦可謂殫思竭慮惠我宗人矣乃有倡為發遣之說煽惑人心者不可不闡明其理夫犯罪之人徒流軍遣律有明條未有發遣至本

省之軍犯今以衣錦還鄉之樂事轉謂斥放遷徙之虐政稍有人心者何忍出此言哉願我宗人遷我故國安常處順念昔先人武備宜勤家語須熟行有餘力學於古訓此日為家之賢子弟他年作國之好大臣拭目以俟可不勉乎○丁巳諭嗣後官內圓明園值御門典禮內閣學士宜本大學士承旨時御前大臣及御前侍衛俱毋庸退下著為令○諭軍機大臣等前因那彥成在衛輝遷延不進特派托津馳往督辦那彥成報稱在道口附近斃賊一千餘名本日復據稱屯聚道口之賊傾巢出掠官兵分頭截擊殲獲甚多那彥成接奉屢次嚴旨頗知畏懼倘有立功自贖之意見在連獲勝仗計算道口賊匪所贖無多勦淨後即可圍攻滑縣惟本日據章煦奏稱長垣東明等處賊匪復又四出焚掠賊勢甚為猖獗馬瑜帶兵往勦恐不得力托津著先馳至馬瑜軍營認真督辦○己未諭前因正黃旗漢軍兵丁曹幅員從習邪教與知逆謀該管都統等均有失察之咎降旨將祿康裕瑞革去都統副都統仍加恩賞給宗室四品頂帶祿康以宗人府副理事官用裕瑞以宗人府筆帖式用茲據訊明曹幅員之父曹綸聽從林清入教經劉四等告知逆謀尤為收眾接應曹綸身為都司以四品職官習教從逆實屬豬狗不如罪大惡極該管都統副都統漫無覺察其各九重祿康裕瑞著革去宗室四品頂帶副理事官筆帖式即日俱發往盛京派令管束移居宗室各戶即在小東門外新建公所居住永不敘用以示懲儆其該管之參領副參領佐領驍騎校等不必交兵部議處著即交刑部治罪○庚申諭逆賊林清肆行叛逆其黨惡匪徒斷不能任其倖逃顯戮除惡務盡法在必伸至林清當日曾藉白洋教為名傳徒惑眾後又勾引紅陽教之人一

東華續錄

嘉慶三十六

三

同謀反此時所誅者係謀反之人至尋常習教者不過鄉愚無知
被其誘惑聞有擊送到官罪止發遣並未濫戮一人此眾所共見
共聞者凡緝捕官役以及軍民人等當知嚴禁案犯重在謀逆不
重在習教即向來習教之人如能將逆犯呈首不但免罪亦一體
恩賞至家藏有經卷圖像不過妄希求福不知邪說異端致禍之
媒林清係傳教為首之人見在身故族滅室家灰燼其不祥孰甚
百姓等何苦以清白之家留此凶穢之物求福乃轉以速禍其有
翻然改悟者自行首送到官當堂銷毀免其治罪列為良民以後
再有告訐者先治告者之罪經朕此番實心苦口飭諭之後百姓
具有天良當開悟迷惑恪守王章勉副朕化民移俗至意○命直
隸屯居漢軍旗人聽州縣管轄同民人編入保甲○辛酉以直隸
籍及漢軍各科道失察林清謀逆曹綸父子從逆下部議俱降調
東華續錄 嘉慶三十六 三九

○壬戌兵部議奏兵部尚書福慶等前任都統失察曹綸謀逆請
照例革職得旨福慶在正黃旗漢軍都統任內失察曹綸與林清
商同謀逆計兩年零一箇月比祿康失察月日較久但祿康係由
大學士獲咎降調後棄瑕錄用之員且曾任步軍統領漫無覺察
是以降旨革職仍發往盛京福慶此次留京辦事遇九月十五日
之事毫無展布朕回京召見數次辭色之間不知愧憤實屬無能
無用著革職姑念未任步軍統領非棄瑕錄用之人暫免發遣德
麟在副都統任內失察六箇月本應將職任世職一併革去惟念
伊父福康安從前屢建軍功懋著勞績仰蒙 皇考高宗純皇帝
錫封貝子身後追封郡王德麟承襲貝勒前因 天壇大祀派令
視牲曠誤降為貝子此次再將伊貝子革去則福康安舊勳幾至
泯沒且福康安又無次子可以改襲朕仰體 皇考恩遇福康安

之心保全勳臣之爵仍留德麟貝子其散秩大臣並所管火器營
事務全行革退賞給三等侍衛在大門上行走仍罰貝子俸十年
控住在副都統任內失察六箇月著革去總兵賞給驍騎校回旗
當差

十一月甲子朔濟山東運河○那彥成勦平道口賊巢進圍滑縣
○丙寅諭近來吏兵二部所定則例科條太繁動多窒礙地方文
武員弁遇有應辦事件往往顧惜慮分憚於舉發賢者困於成法
不敢變通不肖者工於舞文巧為規避以致積漸因循釀成鉅案
國家設官分職期於得人而理其定立處分加之察劾者原以舉
直錯枉俾共知儆惕無曠庶官從前立法之意私罪立予創懲公
罪量為原宥所以區分賢不肖者至為簡當自定例屢經增改之
後條目益多日趨苛細書吏因緣為奸雖有賢能之員日望吏議
東華續錄 嘉慶三十六 三九

而庸碌者或以倖免於甄別人材激敘官方之道甚無益也著吏
兵二部將文武處分則例公罪各條逐加詳覈凡事涉具文無關
政治者一切處分奏明大加刪減務使簡而易遵信而可守賢員
不致掣肘不肖者無所施其伎倆書吏不能高下其手庶地方文
武各官少所牽礙得以展布謨猷盡心職守用副朕蠲滌煩苛敦
崇實政之至意○諭軍機大臣等那彥成奏官兵攻克道口後直
抵滑城布置圍攻先將桃源接應之賊截回滑城內賊匪出城衝
撲俱經官兵擊退已將東西南三面城門堵住惟正北西北兩門
尚未堵合此時緊要機宜必須四面圍定方可併力進攻切不可
於西北正北兩門未合之先率行攻打致留賊匪奔竄之路賊匪
突圍必係悉其精悍乘閒奔逃老弱無用棄之城中設堵合不嚴
則有名賊目悉行免脫克城之後僅收復空城於大局何益乾隆

年開庫車前鑿具在慎之陝甘官兵據奏已出潼關日內即可到營正可補北面圍兵之不足那彥成等務當督率將士合圍嚴密使賊匪無路奔逃先用大砲毀其垣壁我軍奮勇先登即可一鼓掃蕩略遲數日朕亦不降旨飭催若滑縣之賊再行散竄則惟那彥成是問○己巳諭九月十五日逆匪林清潛遣夥黨突入禁門謀逆當經官兵將逆黨殲捕淨盡嗣訊據獲犯供稱是日逆犯等在禁城滋擾時恍惚之中望見 關帝神像該逆厥立時畏懼奔竄悉就殲擒此次逆匪滋事迅即殄除都城安堵前於孟冬朔日蠲潔祀謝 天地 宗 社敬酬 眷佑 關帝廟尙未虔申祀謝著太常寺於冬至前詣吉在地安門外 關帝廟報祀一應禮儀即照春秋二祀之例定期具奏請旨遣皇次子前往行禮用答 神庥○辛未給河南滑滑二縣難民兩月口糧及遊難客民東華籍錄 嘉慶三十六年 三

回籍路費○壬申 上廷訊逆犯曹綸等磔於市○命山東截留漕糧六萬石備賑○調陳觀為山西布政使陳桂生為江甯布政使○癸酉定順天府屬州縣官歸府尹考察升調○乙亥命在京各部院甄汰衰庸官○丙子諭軍機大臣等前日據那彥成奏訊據獲賊供稱馮克善於八月內已往德州本日據方受囑盤獲賊犯車德新等亦據供稱大頭目馮克善因與李文成不和見已前往山東德州等語該逆係與李文成牛亮臣商同起事之人為賊中緊要頭目此次前赴德州斷非在彼潛匿必係勾結同教之人又圖滋事德州與直隸接壤距京止六百餘里該處本有教首宋躍一犯飭拿未獲今馮克善又復潛往看來山東逆夥尚多並聞附近州縣時有焚掠村莊之事難保無匪徒互相糾應不可不加意防範同興駐紮曹州著即迅速派文武幹員星夜馳赴德

州嚴查馮克善及宋躍潛蹤迹務得切實下落設法擒獲○丁丑托津奏勦滅開州賊匪得旨嘉獎與馬瑜等下部議敘○戊寅以文孚齊布森俱為內閣學士文孚由二等侍衛齊布森由光祿寺卿俱為左副都御史扎拉芬由通政使○己卯命直省督撫率幼道府以下官○庚辰諭前日據鐵保奏籌議經費一摺內稱伊曾任督撫有年願照兩江總督俸廉一年之數指銀一萬八千兩以盡蟻忱鐵保久膺外任養廉優厚以祿人所餘還輸公用伊前因南河興辦要工認繳養廉銀四萬兩曾准其解交河庫此次復因積有餘貲請再繳還總督一年養廉事同一例是以准其交納部庫至其所請令京外各員量力報效之處見交該部覈議乃本日鄭親王烏爾恭阿奏稱伊見教匪滋事國用浩繁請扣親王俸二年歸入軍需應用等語所奏殊屬無謂國家仰承 昊佑幹運東華籍錄 嘉慶三十六年 三

盈虛雖有戎事出入度支從無缺乏從前辦理三省邪匪七年之久餉銀用至八千萬兩悉由帑藏頒發從未令臣工輸助彼時王公大臣亦未有奏請者此次勦捕滑縣賊匪地止一隅師行兩月連奏捷音餘匪嬰城已如釜魚檻獸計日即可克復縱或駐師接捕經理善後事一臆底春初定可全師凱撤軍需支發無多不須廣為籌畫今烏爾恭阿倡為此舉設王公大臣等紛紛效尤顯懇捐輸成何政體所請不准行諸王大臣與國休戚相關但當竭忠盡力於職守所在實心整飭能使綱紀修明中外肅父上以感召天和豐登履告下以綏安黎庶奸宄不興數年之閒家給人足國用日充所獲多矣正不必貢獻輸忱始稱忠盡也布告在廷咸喻朕意○甲申李文成奔輝縣之司寨山那彥成分兵騷之○乙酉申命直省各督撫甄別藩臬以下官○賑山東曹州府濟甯州被

賊難民○丙戌申嚴誣告叛逆之禁○丁亥以明亮為戶部尚書
○調景安為左都御史和世泰為理藩院尚書○戊子諭那彥成
奏官兵截剿輝縣賊匪全數殄滅賊斃逆首李文成及賊首劉暢
明一摺所辦可嘉之至本年九月十五日之事逆首林清與李文
成二人內外句結約定同日起事適李文成在原籍滑縣強克捷
訪拏刑訊其黨與見事已敗露不能待九月十五日之期即劫獄
戕官揭竿倡亂林清在京謀逆外援不至迅就捕誅而李文成在
豫省指揮逆黨四出焚劫直隸長垣東明山東定陶曹縣等處同
時繕起戕害生靈經朕簡派領兵大員調集數萬官兵會同剿捕
該逆李文成潛伏滑城見官兵逆獲勝仗於未經合圍之先賊黨
劉暢明等乘夜將該逆擁護出城另糾夥眾數千人由封邱延津
修武竄至輝縣希圖入山奔逸若使遂其奸謀則滋蔓難圖朕之
東華續錄 嘉慶三十六 三
良民受其荼毒者又不知幾千萬人正在慮念適朕前派之吉林
黑龍江馬隊官兵星馳到豫那彥成等派令德甯阿巴爾賽帶領
逆追至輝縣司寨山中殲戮賊匪二千餘人首逆李文成率同賊
目劉暢明等數百人負隅死守本日接那彥成六百里加緊奏報
德甯阿楊芳等統率滿漢官兵奮力攻擊不避槍石拆毀寨牆一
擁而登生擒逆匪二百餘名李文成避入樓房楊芳特依順保色
爾衮德甯阿率眾直入該逆等無可逃避劉暢明自稱其名持刀
躍出被官兵用槍擊斃李文成亦對眾稱名舉火自焚被官兵搶
出業已歷斃查驗屍身刑傷痕迹顯然其餘賊目及從逆夥黨五
六百名全行殲戮並無一名漏網實足以彰國愾而快人心該將
領及滿漢官兵等倍常奮勇宜加優獎色爾衮德甯阿著加恩各
賞加都統銜楊芳特依順保著加恩各賞加提督銜即先換一品

頂帶該四員仍俱賞給雲騎尉世職其本有世職者准其再兼一
雲騎尉乾清門三等侍衛伊勒通阿身受六傷勇力戰著加恩
超升為乾清門頭等侍衛仍給勁勇巴圖魯名號再加賞四喜玉
搬指一箇花大荷包一對小荷包兩箇又發去玉柄小刀十把硃
礮翎管十箇瓷翎管十箇瓷搬指套十箇分賞出力官弁一兩重
銀鍊二百箇五錢重銀鍊二百箇一兩重銀牌一百面五錢重銀
牌一百面分賞出力兵丁仍著那彥成等秉公查明官弁兵丁內
奮勇出力應行獎推者據實保奏候朕施恩陣亡之吉林委參領
福林德著加恩照參領例賜卹逆首李文成著於對屍後傳首河
南直隸山東滋事地方示眾劉暢明亦著對屍梟示其餘擒獲賊
目韓德成等審明即於該處正法此股鼠匪洗蕩淨盡賊黨魁
滑城長圍已合餘賊聞風喪膽著那彥成等迅速進攻佇候捷音
東華續錄 嘉慶三十六 三
再加懋賞將此通諭中外知之○諭軍機大臣等據同興奏拏獲
逆黨宋躍濶訊供逆首馮克善從滑縣走出於十一月初十日到
該犯家中十五日該犯送至景州由獲鹿前赴山西等語該逆馮
克善甫於十一月十五日自景州起身前赴山西由直隸境內行
走計向未能遠颺該署督迅飭各屬按照所供年貌密為查拏逆
首李文成劉暢明等俱已殲斃滑城指日克復惟查拏潛逃匪徒
最關緊要所有著名逆犯徐炎暢牛亮臣等見在滑城困守此外
馮克善一犯即係最要逆目該督當督飭地方文武員弁認真緝
緝如能弋獲必將獲犯之人優予恩施勉之毋怠將此傳諭章
知之○庚寅諭逆賊林清與李文成二人互相句結倡首作亂李
文成會兩次到京與林清而訂於本年九月十五日起事屆時李
文成由豫省帶領匪徒數百人來京接應適滑縣知縣強克捷訪

知李文成謀逆於九月初間將該逆擊獲到案刑夾收禁城黨馮克善等因謀救首逆遂聚集徒黨於初七日入城劫獄並突入縣署將強克捷全家戕害彼時李文成徒眾已在本籍搆亂遂不及分派賊黨進京林清不知外援已絕仍守株坐待旋經捕獲立正刑誅李文成雖一時免脫究因傷重不能步履在滑城潛伏迫後官兵屢勝賊黨劉桐明等於未經合圍之先將該逆擁護出城乘坐大車沿途逃遁究因帶傷不能遠逸旬餘之久僅逃至距滑城二百餘里之司寨官軍星馳追及立予殄滅檢驗屍身傷痕宛在

東華續錄 嘉慶三十六

三五

查明伊尙有無遺嗣著於服滿承襲世職送部引見以示酬獎忠勳恩施優渥之意

十二月丙申予河南封邱等七縣被賊難民口糧○戊戌諭國家求治之道所寶惟賢公孤卿尹朕自勤加甄別至百僚庶司勢難徧觀盡識惟在大臣推賢讓能方台以人事君之義見當整飭紀綱之時尤當博選賢能共襄治理著通諭滿漢文武一二品大臣各舉所知必灼見為才品卓越有守有為者密疏所長登之薦牘古人內舉不避親外舉不避仇果其有裨於國家即屬親故俱不必存避嫌之心朕觀其所舉益可收明目達聰之效該大臣等務各稟公忠薦賢為國用副朕登崇俊良至意○諭據欽天監奏正陽橋護城河水周流環繞直達通潞合之正陽門永定門南北方位正協水火既濟之義今天橋南河沿六處閱年漸久泥土半淤

東華續錄 嘉慶三十六

三五

設立駐防以資控馭地方遼闊道路遙遠各路卡倫驛站繁費在所不免從前新疆經費係由內地撥解備用歲以為常原難一時裁減惟思巴里坤烏嚕木齊已列為郡縣南路各城回民歲輸貢賦亦比於齊民大率與內地無異其伊犁塔爾巴哈台兵丁亦多給與屯田該處自平定以來五十餘年人民日聚土地日闢今昔情形不同因時制宜亦宜量加裁定著傳諭松筠長齡將新疆南北各城及鎮西迪化二府州所屬每年出納大數通盤覈計其地利所產人力所生是否歲有增益不須取資內地者約有若干即不以該處歲入給與該處之用但使經費有所減則於國用不無裨裨此事關繫甚大總在松筠等公忠體國實心肇務務為經久無弊之策朕亦不責以近功速效也○辛丑申禁民間聚賭結會○以東三省官兵技藝優嫻命五年一次挑送京營○壬寅以

審度地勢似涉水火相爭應請將兩岸積土趁勢填實等語正陽門就外城形勢而論地居坎位永定門在其南地居離位正陽橋近北導引河流委輸通潞恭讀 皇考高宗純皇帝聖製正陽橋疏渠記本取坎離既濟之義辨方正位鞏固皇圖彼時司工官未喻 聖意遂空河泊六處我 皇考以成事不說故不待請而為之記茲正陽橋一帶護城河渠淨沙淤墊亟宜疏濬以達流泉其天橋迤南河泊六處該監審度象涉水火相爭與 聖製文協坎以享既濟本義殊不符合其地依形家言為都明堂法宜坦平正直今凸凹參差於 郊壇左右觀瞻亦覺不肅著照欽天監所請交步軍統領衙門即用兩岸積土將河泊六處一律培墊以大和會而昭蕩平敬述 聖製文奠經涂以登皇圖本義該衙門即擇吉辦理○諭軍機大臣等新疆南北兩路自乾隆年間開闢以來

直隸獻縣捕獲馮克善加章煦太子太保擢知縣張翔為知府○
撥兩淮鹽課一百二十萬兩備河南軍需○甲辰詔獎直隸等三
省團練義勇及防護各地方紳士耆民○乙巳陝西岐山縣三才
峽匪徒萬五等聚眾滋事命長齡勦之○丙午那彥成奏攻克滑
城賊渠宋元成劉宗順馮相林伏誅牛亮臣徐安惻王道濬就擒
諭那彥成等田六百里加緊馳奏督率官兵攻克滑城一摺覽奏
欣慰此次逆匪勾結起事始於滑縣縣官劫獄占據縣城其夥黨
在直隸山東邊境者亦同時竊發擾害城鎮鄉村居民被其荼毒
節經派調官兵分路進剿山東曹定等處賊匪早經撲滅直隸開
州長垣一帶亦就地掃除其豫省大股賊匪先經那彥成等將道
口桃源屯踞之賊次第攻克其時逆首李文成率領匪眾竄至輝
縣司寨地方經楊芳等帶兵殲斃兇渠蕩除餘孽惟占踞滑城賊
東華續錄 嘉慶三十六 三

皮馬褂一件四喜玉搬指一箇吉祥白玉牌一箇鑲寶石帶扣一
副黃辦大荷包一對小荷包二箇高杞著賞給頭等輕車都尉在
紫禁城內騎馬並賞給黃面烏雲豹皮馬褂一件四喜玉搬指一
箇鑲寶石帶扣一副黃辦大荷包一對小荷包二箇楊遇春著賞
給二等男爵紫禁城內騎馬並賞給黃面天馬皮馬褂一件四喜
玉搬指一箇鑲寶石帶扣一副黃辦大荷包一對小荷包二箇桑
吉斯塔爾隨那彥成率先登城著加恩在御前侍衛上行走其摺
內圈出各員除那彥成楊遇春高杞外凡攻城出力者俱著交部
從優議敘兵丁賞給一月錢糧圍城各官弁俱著交部議敘兵丁
賞給半月錢糧並發去四喜玉搬指十箇玉柄小刀十把花瓷翎
管十箇玻璃鼻煙壺五箇瓷鼻煙壺五箇一兩重銀牌二百面五
錢重銀牌二百面分賞出力兵丁自九月十二日以後直隸豫東
東華續錄 嘉慶三十六 三

並著帶陝甘官兵迅速前往交長齡勦辦今那彥成得信後已派富僧德隨高杞至潼關探聽消息並將西安蘭州固原各官兵次第撤動密屬楊遇春押後行走甚合機宜至山西大同官兵本非勁旅無庸派往即著張績等帶領歸伍滑城破後直隸山東一帶人心未定向須重兵彈壓所有直隸官兵止可擇其不甚得力者先撤回十分之三東省防兵並知會同興酌量撤回一半俟按捕淨盡再行全撤克城之際民賊涸涸殲斃賊匪一萬七八千人燒斃賊匪七八千人豈無難民在內則救出難民二萬餘人亦豈無賊匪在內此時不可濫殺一人亦不可倖免一賊若不認真辨察儻著名兇悍之賊一經漏網將來餘孽復萌關繫非淺那彥成不可憚煩先將生擒賊匪二千名逐一審出名姓住址並將殲斃賊屍詳加驗認查點飭擊之賊目何在內何人未獲其難民二萬餘人該督派精細之員逐名查訊實無賊匪涸迹其中再行釋放其滑城內偏僻處所並地窖枯井均逐細按查此內賊匪藏匿者固多恐良民亦所不免詳細分別勿令玉石涸淆此後善後事宜最關緊要該督總遵照前旨留彼駐紮緝匪俟滑城附近地方悉臻甯謐再移營大名以次順赴山東聊城一帶查看各處情形均可放心再奏明候旨回京復命○命吳璠赴東河查勘湖河事宜○庚戌以徵瑞為工部右侍郎由總督內務大臣遷○山東教匪首逆朱成貴伏誅○癸丑以岐山縣賊勢漸張命楊遇春率吉林黑龍江兵往勦之○戊午免河南被賊滋擾之滑濟二縣新舊額賦○是歲朝鮮琉球暹羅越南入貢○會計天下民穀數各省通共大小男婦三萬三千六百四十五萬一千六百七十二名口各省通共存倉米穀三千三百七十萬四千四百六十八石二斗七合七勺

東華續錄

嘉慶三十七

臣王先謙

臣用綱

嘉慶十九年甲戌春正月丙寅諭上年逆匪突入禁門時恍惚之中望見 闕帝神像畏懼奔竄本日又據那彥成奏當滑縣克復之時賊匪於黑夜拚命突圍官兵施放槍箭未能真切忽城旁廟宇自行起火照同白晝官兵兩路夾擊始將賊匪截回悉數殄除事定後乃知城旁廟宇供有 闕帝神像廟雖焚毀 神像歸然獨存毫無損動等語此次逆匪滋事屢荷 闕帝靈爽翊衛實深寅感著該衙門於原定封號擬加封二字進呈候朕酌定通頒直省用答 神庥其滑縣廟宇俟重修落成之日該撫再行奏請朕御書扁額敬懋懸掛等加封仁勇二字並頒滑縣廟宇 御書扁額○己巳諭前據侍郎吳璠請開捐例當交戶部覈議具奏茲據潘世恩蘇榜額議請暫開捐例盧蔭溥桂芳趙秉冲議請常例推廣加增托津因甫經回京二摺俱未列名推廣常例事多格礙難行暫開捐例能否於經費有裨或於此二議外別有良策可裕國用著派曹振鏞托津鐵保英和四人再行妥議具奏尋議上得旨前據吳璠奏開捐例朕以捐例本非善政恐無實濟而徒滋流弊特交戶部覈議嗣經部臣兩議奏上其請推廣常行事例者既窒礙難行其請暫開捐例者亦未能確計其足裨國用因再降諭旨派曹振鏞托津鐵保英和四人另行妥議旋據英和單銜具奏極言捐例之弊而其所陳裕國之策一請仍復名糧之舊一請多開礦廠名糧一節前已飭查覈辦若開礦流弊滋多亦不可行本日據曹振鏞等三人議上仍以暫開捐例為請見在軍需河工各

東華續錄

嘉慶三十七

御書

項動用均出常年經費之外國家度支有常實不能不豫爲籌備
斯時既別無善策姑照所請暫開東事例著各該部會同妥議
條款具奏此朕萬不得已之舉非以捐例爲必可行也諸臣食君
之祿皆當忠君之事除此次曾經交議者無庸再行瀆奏外其餘
各大臣果有真知灼見能爲裕國之策者必須字字確切毫無流
弊不准泛作紙上空談仍犯議論多而成功少之病如確有把握
立能濟軍需河工之用奏上時朕採取施行即將捐例停止若止
言捐例之弊而別無良謀其言皆朕所稔知無庸虛陳奏牘也○
庚午諭軍機大臣等同與等奏山東軍需已支用者七十餘萬尚
有各州縣應行裁領之項統計約須百萬懇請一槩無庸報銷在
通省地方官養廉內攤捐分十年歸款等語所辦非是此次賊匪
滋事山東省曹定一帶雖有剿捕事宜但官兵在本境剿賊供支
東華續錄 嘉慶三十七 二
有限如京營吉林黑龍江勁旅以及陝甘他省官兵皆未到境何
至軍需用項計有百萬之多此必局員等濫支濫應漫無節節因
恐報銷致干飭駁遂倡爲通省捐廉之說無所稽察以便浮開冒
混不思國家辦理軍需例應作正開銷部臣句稽考覈應准應駁
皆有一定準則豈容臣下博捐輸之名而轉遂其冒濫之實所奏
不准行該撫卽督率局員速將軍需支款按照定例覈實報部毋
任絲毫浮冒○甲戌 上廷訊牛亮臣馮克善疎於市○丙子諭
軍機大臣等長齡等奏連日痛剿匪徒率獲偽軍師偽先鋒及催
兵分路進剿緣由一摺南山匪徒烏合之眾不早撲滅一經蔓延
各處完善之區遭其蹂躪勞師糜餉其患豈可勝言著勒限於正
月底二月初一律辦竣不准遲逾此時辦理之法先須顧定平原
勿令出山焚劫尤不可令其竄入老林惟當四面堵截使賊所向

輒窮我兵皆新勝之師勇氣百倍又吉林黑龍江勁旅一可當百
必能計日蕪功見在萬五一股經吳廷剛節次痛剿賊有數百人
遁往太白山陳四九九一股向甯陝一帶奔竄祝廷彪帶兵由子
午峪向西截擊麻大旗劉二一股千餘人竄往隴州楊遇春已親
自馳往剿辦獲贖一股千餘人竄至兩富太陽寺地方有副將何
占熬等在彼剿捕吳孤孤一股千餘人楊芳即日帶兵前往截剿
見又有旨飭催養沖阿等由川迎擊著長齡迅速飭知各路領兵
大員督率所帶官兵分投痛剿窮追如某人勦某股之賊此一
股即責成該員一手辦淨不可得一勝仗棄而之他致勦敗之賊又
裹成一夥長齡係總統大員居中調度察看何處兵單卽將辦淨
一股之勝兵飭令前往協助○己卯諭和世泰等奏本月十九日
祈穀壇大祀前期詣 壇齋宿豫備禮與一摺向來恭迓 南
東華續錄 嘉慶三十七 三
郊大祀朕前一日詣 壇例皆乘輦上年冬至乘紅桿八人轎係
特減損儀文虔申告祭茲該衙門因昇輦旗尉尙未嫻習請乘禮
輿試思詣 壇乘輦載在儀注典禮攸關向來出宮進 壇兩班
本用旗尉惟中間換班沿用民尉上年定議全用旗尉得旨已將
兩月何以尙未教演嫻熟顯係因循怠玩藉詞支飾所有鑿儀衛
堂官除長慶甫自軍營回京無庸議外和世泰孟住德克進及該
管章京等俱著交部議處朕此次詣 壇姑乘禮輿見距 常豐
之期尙有數月著該衙門將昇輦旗尉勤加教演屆期毋得再因
循貽誤致干嚴懲不能恕矣○庚辰諭軍機大臣等長齡前任河
南巡撫逆犯李文成等本皆該省民人私與林清勾結往來約期
造反長齡職任封圻毫無覺察上年將伊簡任烏魯木齊都統離
任未久豫省逆賊旋即起事究其蓄謀年月正在長齡任內厥罪

與溫承惠等未加懲處並因那彥成督兵豫省一時乏人將伊簡放陝甘總督伊甫抵任南山亂民滋事非伊之咎但伊積愆甚重此時帶兵剿賊正當奮身自贖目下征兵雲集足敷調度如果於一月內剋期蕩事不但寬免前罪仍當懋加獎賞若辦理延玩則二罪並罰朱勳久任陝西藩司擢任巡撫南山距省甚近飢民乏食滋事該撫不能先事豫防迨焚掠肆擾又未能立時勦辦意存招撫其所派招賊之人旋被賊戕害辦理種種不妥亦與溫承惠長齡無異姑令戴罪自贖著將應需軍火糧餉實力經理不准糜費如果糧餉無缺防堵嚴密俾征兵得以迅速竣事尙可贖其前罪若怠玩貽誤不能寬貸矣至楊遇春謀勇素著因陝西亂民滋事又派令帶領吉林黑龍江勁兵馳往會剿該提督務協同長齡等鼓勵將士一鼓蕩平蕪事後仍再加以賞以獎勵勞將此

東華續錄 嘉慶三十七 四

各傳諭知之○壬午論上年冬間據陝西巡撫朱勳奏稱岐山縣三才峽地方有飢民聚眾滋事之案查係萬五為首該逆等因木商停止工作無慮備工輒敢糾人焚掠不法已極當派長齡楊遇春前往督辦本日據長齡等奏稱萬五股匪經吳廷剛帶兵連次追剿殲獲匪黨多名該逆窮蹙奔潰由太白老林竄入蓋屋山內長齡復派副將達凌阿參將丁永安帶兵協剿於山內設伏以待該逆竄出寬溝伏兵槍箭齊發該逆身帶槍傷經眼目縣役江貴認明擒獲餘匪除淨盡等語萬五一犯乘機倡亂實為首惡茲經官兵臨陣生擒餘黨悉數殄除一月以內均係吳廷剛督力追剿不予以暇該逆無路奔逃故得迅速成擒吳廷剛著加恩交部照軍功例從優議敘達凌阿丁永安探蹤設伏能將首逆生致實屬奮勉達凌阿著加恩賞加總兵銜丁永安著加恩賞加副將銜

仍交部照軍功例從優議敘其縣役江貴賞給八品頂帶入伍以外委即補以示獎勵○以戴均元為吏部右侍郎吳璥為河東河道總督由吏部右○癸未以許兆椿為刑部左侍郎慶保為貴州巡撫調常格為江蘇布政使福昂為浙江布政使以常發祥為貴州布政使調陳若霖為四川按察使以嚴煥為湖北按察使由甘肅○命自立春以後定擬逆犯情節次重者量從輕減○甲申諭軍機大臣等長齡等奏洋縣竄匪踰淺過江分別督辦一摺此股竄渡漢江之賊同日據賽沖阿奏到該將軍行抵沔縣因聞該匪等渡江竄至八寶壩即移兵洋縣先辦此股竄匪其沔縣黑河之賊已派甯羌遊擊林向榮帶領甯羌陽平弁兵五百名在彼堵勦已降旨令賽沖阿督同楊芳祝廷彪先將渡江之賊勦捕完竣再移兵會勦他股並令多隆武督率桂泗羅思舉嚴防黑河之賊

東華續錄 嘉慶三十七 五

南甯其麻大旗一股賊匪人數不少著楊遇春迅速追剿並就近督辦竄近微縣零匪至蓋屋峪內九九陳四股匪著長齡督率吳廷剛等趕緊辦竣此次賊眾多係山內匪徒其意總欲四出亂竄分我兵力總當注成股之賊痛窮追使其無裹脅之暇無掠食之資方能迅速掃除長齡等務勉力速辦勿稍遲延○丁亥諭軍機大臣等蘇楞額奏嚴禁海洋私運一摺據稱近年以來夷商賄通洋行商人藉護回夷兵盤費為名每年將內地銀兩偷運出洋至百數十萬之多該夷商已將內地足色銀兩私運出洋復將低海洋錢運進任意欺蒙商賈以致內地銀兩漸形短絀請旨飭禁等語夷商交易原令彼此以貨物相準俾中外通易有無以便民用若將內地銀兩每年偷運出洋百數十萬歲積月累於國計民生均有關係著將該詳詳查明每歲夷商等偷運足色銀兩

出洋實有若干應如何酌定章程嚴密禁止會同妥議具奏○戊子諭本日那彥成來京復命並陳自滑縣凱撤經過直隸山東沿途地方民情極爲甯謐上年河南滑滑等縣逆匪滋事特命那彥成山陝甘馳赴豫省授以欽差大臣關防總統師干經朕疊加訓飭那彥成感奮自效連奏克捷兇渠授首逆黨悉除辦理迅速完善那彥成克副委任深堪嘉獎伊係阿桂之孫亦由平日習聞祖訓勉紹家聲故能宜力效猷懋膺賞茲追念舊勳著於本月二十九日在阿桂墓次賜祭一壇著禧恩前往奠酒用示朕眷舊酬庸恩意○己丑諭軍機大臣等長齡等奏勦淨麻大旗等股匪實隴肅清其尤九陳四一股經吳廷剛等追至甯陝地方冒雪進攻殲擒七百餘名並生擒偽元帥尹朝貴等嗣賊匪分起東竄又經參將張起蒼勦斃三百餘人賊勢已就衰敗惟此股餘匪見復逃東華續錄 嘉慶三十七 六

至鎮南甯陝交界地方該處路通楚豫亟須併力擱截長齡已派馬元帶兵一千名赴陝州一帶截勦尙恐兵力不敷見在後起凱撤官兵二千名過陝著卽交長齡截留協勦長齡並可於此內酌撥數百名飭知帶兵將領就近取道趕赴馬元一路幫同堵截卽將竄匪就地剿盡勿令竄近豫境爲要再楊遇春見已將麻大旗等一股賊匪辦竣其吳孤孤黃股匪竄至沔縣黑河一帶滋擾賽沖阿移兵洋縣以後僅派遊擊林向榮帶兵五百名堵遏兵力太單恐該匪等四處裹脅人數漸增楊遇春由寶隴一帶前赴沔縣甚近著卽帶領勝兵探明吳孤孤黃二逆見在屯聚何處卽星馳趕赴先將此股賊匪悉數剿除毋令旁竄○庚寅諭軍機大臣等本日據賽沖阿奏稱該將軍追勦渡江竄匪於本月十九日追至木竹壩地方適遇該匪由老漁壩竄至該將軍親身督戰將

東華續錄 嘉慶三十七

賊首楊榮孛獲殲斃賊匪五百餘名其後隊苗小一所帶綠號匪眾千餘竄回漢江北岸該將軍仍帶兵緊躡等語此時漢江以南已就肅清川北可以無虞此股折回江北之賊賽沖阿乘勝追勦當亦不難辦淨惟吳孤孤黃等股匪前據奏稱在黑河沔縣一帶游奕楊遇春勦淨麻大旗二股之後已飭令移兵前往日內會否趕上痛勦不致散竄又吳廷剛所勦尤九陳四一股昨據奏稱逃往甯陝鎮安一帶馬元帶兵擱勦會否截回均爲垂慮著長齡等迅卽具奏再本日賽沖阿奏到賊匪楊榮孛供內據稱該匪等起事之初分成五號黃號係偽總兵段姓紅號係楊二劉濫子綠號係苗小一尤九藍號係偽總兵黃姓該匪係青號頭目並據供稱綠號尤九因擄掠婦女被苗小一將伊殺斃等語此五股賊匪除紅號楊二於投首之後赴賊營招降被殺青號楊榮孛此次擒獲正東華續錄 嘉慶三十七 七

法綠號苗小一見經賽沖阿追勦外其餘黃號段姓見在洋縣河北岸藍號黃姓見竄往五郎山紅號劉濫子見在何處竄逸是否卽在沔縣黑河及甯陝等處賊股之內抑另自分竄他往又綠號尤九一犯既據供稱已被苗小一殺斃何以該督等摺內俱稱尤九與陳四一股在藍屋山內奔竄是否尤九實未被殺賊供難信抑與陳四奔竄者並非尤九均著查明先行覆奏○壬辰以成書爲泰甯鎮總兵官轉果齊斯歡爲兵部左侍郎調曹恭爲兵部右侍郎轉禧恩爲理藩院左侍郎以那彥寶爲理藩院右侍郎

二月甲午 上御經筵○丁酉長齡奏生擒首逆陳四並尹朝貴零匪全數殄滅得旨獎賚下部議敘賞總兵官祝廷彪吳廷剛提督銜○壬寅諭向來雲南土貢例進銅鏡浙江歲進嘉鐘湖鏡兩

一三三

准歲進銅火盆相沿已久歷年所積宮中存貯者甚多朕愛惜物力思以有用之銅斤度之無用之地殊為虛擲見在錢局官銅未為豐裕若省此耗費俾廣為流通於鼓鑄不為無益著傳諭該督撫鹽政此數項銅器嗣後均無庸呈進則鑄造少而地寶得歸利用矣○以殲斃逆首苗小一功封賽冲阿二等男爵賞雙眼花翎○以哈爾阿為內閣學士由太常寺贈選○癸卯諭軍機大臣等長齡等奏勦滅吳孤股匪並將首逆吳孤吳奇殲斃一摺見在各股賊匪次第掃除惟賸有張占鰲小股七百餘人由沔縣旁竄諱貴亦在內楊芳等已乘勝追勦諒可即日辦竣其翼股匪竄入黑河老林賊夥不過八九百人若在平地不難一戰殄除今老林內灌木叢雜兵力不能施展長齡楊遇春各派總兵特依順保副將何占鰲分帶弁兵步行入林搜勦該匪等因獸猶關潛伏叢莽之東華續錄 嘉慶三十七 八

中若乘官兵不備戕害將士即兵丁稍有傷損已屬不值若得力將弁更當慎重保全此等殘敗之賊即譚貴翼貴等均不須按名生擒但將首夥殲斃即可竣事與其冒險投林不如用火焚燒或槍礮轟擊乘其竄出時扼要堵截聚而殲旂較為妥善長齡等相機辦理勿遲滯亦勿冒昧○丙午諭軍機大臣等松筠等奏駁飭霍罕來使見已傾心感服一摺該夷使回霍罕後如果愛瑪爾遵奉飭駁不敢再請則已如再來續請即當諭以爾霍罕部落不過邊外小夷天朝准令來往貿易已屬格外恩施今爾敢為無厭之請試思天朝之人豈無在爾處貿易者在爾境內添設官員稽查稅務向無此例天朝尚不肯為越境之事爾何得妄行生心欲於天朝境內違例妄為此後爾若不恭順小心遵守法度即當通飭各卡倫不准爾處之人前來貿易如此嚴切曉諭愛瑪爾自不

敢再行妄請松筠見已由喀什噶爾起身即將此旨傳知恩長等遵照妥辦○庚戌諭禮部奏請定宗室王福晉以下奉恩將軍恭人以上已故嫡室追封典例一摺向例外藩王公嫡室已故准與繼室一同請封即內外官員嫡繼正室例准並給封典本禮經婦從夫爵之義何以宗室王福晉以下奉恩將軍恭人以上已故嫡室轉例無請封明文自係從前遺漏所有宗室王公以下奉恩將軍以上其嫡室已故未經請封者俱准其呈請追封該衙門即纂入例冊永遠遵行○辛亥諭軍機大臣等長齡等奏生擒首逆翼貴餘匪勦除淨盡並張占鰲股匪經楊芳等追勦殄除所辦甚好見在各路成股賊匪俱已辦完惟譚貴傅老八龍正光喜見劉濫子余姓數犯未經就獲該匪等竄匿山林若不迅速殲除恐又裹脅為患長齡等派兵分別搜捕務須按名辦竣勿留遺孽長齡等東華續錄 嘉慶三十七 九

察看南山內外全行肅清即與賽冲阿等連銜馳奏發摺後賽冲阿即帶領弁兵凱撤回川其陝省善後事宜長齡與楊遇春等會商辦理○以生擒逆首翼貴殲餘匪賞長齡騎都尉世職並花翎晉封楊遇春一等男爵○以周系英為兵部右侍郎由內閣○丙辰諭松筠奏查明喀什噶爾已革阿奇木伯克玉努斯邀功妄殺四命並其餘苦累回厥各款一摺前此鐵保任喀什噶爾參贊大臣時曾據玉努斯稟報有回厥等私斂金錢送給薩木薩克之子一案當經審辦奏請將回子毛拉素皮烏舒爾愛瑪爾沙朵斯四名正法茲據松筠查明此案情節均係玉努斯同伊其洛伯克阿布都拉仔斯商量捏造其所云撥湊金錢等物竟係玉努斯自行備出並將伊父伊斯堪達爾從前招降薩木薩克原書添寫捏造毛拉素皮帶來憑據酷刑取供見在該處大小伯克阿澤等人

人痛恨稱冤經松筠查訊得實覆訊玉努斯審擬治罪先將錢保等參奏請旨等語鐵保前在兩江總督任內王仲漢謀毒李毓昌一案毫無覺察將伊褫革發遣旋又棄瑕錄用授為喀什噶爾參贊大臣游升吏部尚書乃前於玉努斯編造誦言刑求無辜不加詳勘致成冤獄枉殺四命其咎甚重且伊前此辦理阿克蘇錢局一案見被革員官成控告多款可見伊在新疆時仍前溺職自任吏部所言甚屬謬妄毫無膽氣竟無能廢物不能屢恕鐵保著革職發往吉林交該將軍富俊等派撥富差其原任喀什噶爾幫辦大臣伊翠總兵哈豐阿著革職發往烏魯木齊當差當日隨同審辦之額外主事豐安主事銜拜凌阿均著革職發往伊犁效力至恩長玉福二人接任在後未經審辦此案但不能查出參奏且又有失察玉努斯縱容護衛家人回糧貴賣苦累回民之事恩長東華續錄 嘉慶三十七 十

玉福著交部嚴加議處○命陝西被賊地方各幼孩無家可歸者官為收養○調英和為吏部尚書以蘇楞額為工部尚書調果齊斯歡為戶部左侍郎轉普恭為兵部左侍郎調常福為兵部右侍郎轉徵瑞為工部左侍郎調穆克登額為工部右侍郎轉成格為刑部左侍郎以成林為刑部右侍郎台斐音為廣西巡撫調慶汶為河南布政使以盛倬崇為陝西布政使徐忻為江西按察使江道運 ○丁巳王集以疾免以戴均元為左都御史顧德慶為吏部右侍郎○戊午諭大學士會同戶部議駁百齡朱理奏請江蘇及各省當鋪按照成本多寡將息銀輸納二成分作五年給還一摺國家理財用政有常經即權宜取濟亦當準事理之平若商民權子母逐錐刀其事至為纖細豈應官為覈計今該督等欲按當商成本責以輸納又恐取民非制請分作五年如數給還無論

一出入甚滋煩擾試思地方官勸借所部財物尚干功令况以經國之需而謀及庶人不已喪乎至原摺內稱當商等多係仕宦舊族各有報效之心此語尤屬虛誕仕宦家固亦有治生營運者然此輩大抵市僧居多強其所不欲而濫及名器亦太不計利弊重輕矣見在帑項雖未饒裕然綜覈出入尚不至即形支絀何逃謀及下策若此實屬鄙陋日前阿克當阿曾有此奏朕以伊係內務府人平日歷任不過鹽樞諸務未諳政治無足深責當止降旨申飭百齡雖亦係內務府人伊係翰林出身歷任封疆擢至協辦大學士朱理亦由翰林游升侍郎巡撫不應識見庸陋同為此不學無術之言除所奏議駁外百齡朱理均仍交部議處○已未皇五子絳愉生○壬戌諭賽冲阿等奏報南山老林內外漢江南北全行肅清一摺陝省匪徒萬五等因木廂停工乏食糾集夥黨東華續錄 嘉慶三十七 十一

由川界堵截各路將弁兵丁奮勇爭先所向克捷將各股賊匪次第殄除其勦散零匪竄回老林等處者見據賽冲阿分派官兵赴甯羌略陽一帶逐細排搜長齡楊遇春亦自西向東接捕共計各路鎮將接獲及寨民縛獻者又有五百餘人悉行正法實無遺孽賽冲阿會同長齡等遵旨由六百里加緊馳奏此次勦捕南山匪徒辦理實為迅速賽冲阿長齡楊遇春朱勳及鎮將備弁等業已疊次降旨優加恩獎分別升擢所有出力兵丁除吉林黑龍江兵六百名俟到京之日再加賞資其陝西甘肅四川三省征兵著該將軍等查明將已經拔擢賞戴翎支及僅止防堵者扣除外其隨營打仗兵丁加恩普行賞給一月錢糧以示朕嘉獎勤勞恩施周備至意○命減各省軍流以下罪

閏二月甲子諭昨據拉旺多爾濟奏伊祖超勇親王策凌入祀賢良祠牌位本在前祠安設二月三十日伊子巴彥濟爾噶勒請祠行禮見策凌牌位移在後祠東間等語當即降旨交軍機大臣傳到太常寺堂官及看守祠宇官員訊問哈爾阿色克精額二人先行來圍詭稱因係掃除龕座搬移後安設錯誤朕指出欺飾情節種種不符諭令軍機大臣覆加嚴詰據看守祠宇之應祀官單春成供稱上月二十七日成甯哈爾阿俱在賢良祠承祀祭畢成甯因祭文內止有怡親王及巴克什達海之名而無策凌之名令將策凌牌位與巴克什達海互移哈爾阿亦自認是日同在祠內隨同附和未經阻止其時色克精額實未在祠詢之成甯據稱伊未經奏明輒將祠內位次互易實屬冒昧求從重懲處等語賢良祠安設牌位自有一定次序成甯即因祭文內無策凌之名疑及

東華續錄 嘉慶三十七 十二

向來安設錯誤意欲更正亦應詳查例案奏明請旨乃率逞臆見擅自改移成甯年老糊塗福薄災生任意妄為豈復能勝尙書之任著以藍翎侍衛自備資斧前往新疆換班以示懲儆哈爾阿於成甯私移賢良祠牌位時未經阻止已有應得之咎及傳旨詢問又復捏詞支飾色克精額於此事當時雖未與聞不應與哈爾阿隨聲掩飾伊三人均係棄瑕錄用之人厥罪維均斷難輕恕本應板責訊問姑從寬免俱著交部嚴加議處應祀官單春成聽從從堂官指使著無庸議尋議革職得旨哈爾阿色克精額著加恩以六品贊禮郎補用○勒保以病乞解任命仍留大學士在家食俸○以和甯為禮部尙書文甯為熱河都統轉秀甯為吏部左侍郎調佛住為吏部右侍郎穆克登額為禮部右侍郎那彥寶為工部右侍郎以英綬為理藩院右侍郎由內閣○乙丑以姚文田為內閣

學士軸轡○丁卯諭散秩大臣並無辦事之責嗣後無論正委如有擢至都統者俱無庸兼散秩大臣著為令○戊辰 上閱火器營兵○內閣學士阿隆阿緣事降調○庚午諭滑縣知縣強克捷猝遭逆匪搆亂慘及全家殊堪矜憫著於韓城縣為之建立專祠將強克捷並伊家從難者一併列祀以旌蓋節又據章煦奏稱逆匪馮克善於上年劫出李文成突入縣署時將強克捷戕害強克捷有女挺身罵賊不受污辱慘被賊匪倒釘廳柱斃命並著查明據實聲敘奏請建坊以慰貞魂○辛未諭侍講學士蔡之定奏請行用楮鈔一摺此奏泥古迂謬斷不可行前代行用鈔法其弊百端小民趨利若鶩楮幣較之金錢尤易作偽必致訟獄繁興罹法者眾殊非利用便民之道且國家經費量入為出不至遽行匱乏何得輕改舊章利未興而害已滋甚乎如係臺諫之員建言

東華續錄 嘉慶三十七 十三

紕繆因其與有言責尙可將原摺擲還無庸置議該學士係文學之臣以迂腐之見率陳奏牘實屬越職蔡之定著交部議處以為妄言亂政者戒○甲戌諭松筠奏審明玉努斯邀功捏報妄殺四命及擡價賣糧苦累回厥各款分別定擬一摺此案玉努斯捏造逆裔薩木薩克子嗣遣人帶信斂錢將毛拉素皮等刑備成招四人同罹重辟業據玉努斯供認屬實本應照松筠所擬抵罪惟玉努斯因姦娶僕婦色奇納被其鎮壓疊感種種唆使以致迷惑顛倒行類瘋狂業將色奇納正法玉努斯尙有一綫可原且伊祖額敏和卓著有勳勞伊父伊斯堪達爾宣力多年姑援議功之例稍從末減玉努斯著加恩免死解往伊犁永遠監禁案內首先誣捏之阿布都拉仔斯一犯及肆行迎合之伊弟里斯巴克依一犯實屬罪無可貸松筠於審明後已按例正法其阿布都拉一犯妄擊

無辜但到案即行供明著照所擬免死發往黑龍江給兵丁爲奴其餘各犯均著照松筠所擬完結至從前被誣案內發遣黑龍江之回子呢雅斯素皮庫察克二名及毛拉素皮等四名緣坐家屬自應一體昭雪即行釋回其呢雅斯素皮庫察克二名於歸途經由吉林已罰令鐵保捐給盤費銀兩並著松筠傳諭哈豐阿該回民路過烏魯木齊時亦令捐給銀兩以示罰懲其另摺所奏查鈔估變贓物除解京交納外餘著松筠查明被累回眾及臺站回子一體給賞至被誣之毛拉素皮等四名家屬及見在釋回之呢雅斯素皮庫察克二名無辜冤濫情殊可憫著松筠將鈔變銀物優爲賞給以示矜恤葉爾羌阿奇木伯克貝子邁哈瑪特鄂散等隨同松筠平反此案認真查辦貝子邁哈瑪特鄂散著加恩賞給大段二匹阿奇木玉素布伊薩克瑪木特三人各賞給大段一匹即東華續錄 嘉慶三十七 五

於該處庫項內動用分賞以示獎勵○丙子展賑陝西被賊滋擾之蓋屋等八州縣並予修屋銀○辛巳諭江南邳宿運河向賴東省微山湖漕水濟運定例夏秋開收水一丈二尺以資次年鋪放即遇水短之年亦總收至九尺一丈以上從無不敷鋪灌之事茲據吳璣等奏勘查微山湖本年僅止湖心存水二尺及一尺八九寸不等實從來所未有而昆連微湖之南陽昭陽及東岸獨山湖又皆淤成平陸更無可導引之水此皆李亨特在任時因循貽誤疲玩耽延厥咎甚重近又風聞李亨特革職留工效力並不常川駐工仍在濟甯居住公館擅用文武巡捕及差弁多人竟與見任總河無異謬妄尤甚伊係屢次獲咎棄取錄用之人不知激發天良小心愧奮既已玩誤公事罷斥後仍恣意放縱不知儆畏李亨特著傳旨拏問交吳璣同興派委委員迅速押解來京交刑部治

罪○乙酉諭河南歲搶修經費舊例每年動用銀五十萬兩自嘉慶十二年加增料價以兩倍爲止總不得過一百五十萬兩之數以後每年題報俱未逾額此次報銷十七年歲搶修工程用銀至一百五十九萬兩較之倍加之數又復增多若不嚴行駁斥必致逐歲漸增無所底止所有此次逾額銀九萬餘兩即著黎世序及承辦各工員按數分賠不許再藉詞登覆黎世序仍著傳旨申飭嗣後歲搶修經費該河督務遵照原奏均勻敷計不得逾一百五十萬兩之數如有摺節據實題報其逾額者即照此次之例罰賠示懲○命減發遣新疆情輕各犯罪○丁亥諭朕閱 皇考高宗純皇帝實錄乾隆四十六年查辦各省武職名糧裁添養廉挑補實額一事會據大學士阿桂奏稱國家經費驟加不覺其多歲支則難爲繼此項經費歲增三百萬統計三十餘年即須用七千餘萬兩請將武職議給養廉所扣兵餉除邊疆查明增添兵額外其餘腹省均可無庸挑補實額等語當經欽奉 諭旨國家經費原當量入爲出而足兵衛民不得稍存吝惜之見阿桂所奏部庫出入大數大臣謀國自應如此但泉貨本流通之物財散民聚聖訓甚明與其聚之於上毋甯散之於下且在官多一分即在民少一分見在戶部庫銀尙存七千餘萬兩何必於此事總總過計所有阿桂原奏並此旨一併發鈔著大學士九卿科道詳細妥議具奏欽此旋經廷臣議將直省所裁名糧悉行挑補實額仰惟我 皇考深維財散民聚之義損上益下惟願出帑藏以裕軍國 聖訓煌煌高邁千古誠非一切籌策會要所敢幾而當日建議之初阿桂通盤計畫逆料及數十年後經費難繼其深識遠慮亦不愧老成謀國計此項經費自乾隆四十六年至今三十餘年所用已逾

於所存且自嘉慶元年以後辦理軍務河工以及各省蠲緩賑濟每歲度支經費之外所出又豈可萬億計設此時府庫充盈仍與昔年無異則朕亦惟常守散財之訓豈肯鯁鯁計量然使乾隆年開庫貯情形亦同今日則量入為出我皇考當日亦本不以阿桂之言為非况我朝兵制定額已久自增設名糧額缺以來聞各省營伍積弊相沿仍屬有名無實於武備亦未能大有裨益立政之道貴在因時制宜其應如何將增設名糧額酌量汰減仍復還舊制之處著大學士軍機大臣會同兵部詳悉妥議具奏○戊子諭都察院具奏控案每於摺內聲請敕交該督撫審辦或因其在督撫衙門控告即請欽派大臣審辦甚且因有欽差大員在外查辦事件輒指名請交欽差某某審辦舊習相沿大屬非是各衙門具奏控案朕既其案情輕重或敕交督撫提訊或派員前往審辦其中自有權衡豈臣下所得妄擬嗣後該衙門具奏控案止應將情節詳悉敘明其曾在本省何衙門具控幾次一併聲敘不准用請旨敕交查辦字樣如再有率行擬請者必將該堂官懲處不貸○以恩爾玉福照昌俱為內閣學士恩爾玉福山武備院照昌由刑部選○予死事河南滑縣教諭呂秉鈞巡檢劉斌典史陳寶勳世職○調盛悼崇為甘肅布政使何銑為陝西布政使○纂輯全唐文告成

三月丙申諭馬慧裕奏各省分發道府丞倅人員補缺無期請於道府選缺出時一缺歸選一缺外補請旨缺出一缺由部請旨簡放一缺由該督撫開單保奏其同知通判不論何項缺出部選外補相間輪用等語所奏大屬非是部選道府丞倅之缺各有定例不容稍紊若將應選之缺半由外補銓法必致混淆至道府請旨

之缺均係繁要尤非捐納初任人員所能勝任若如所奏分班開補不稱職者必多於吏治大有所損馬慧裕所奏不可行著交部察議仍傳旨申飭○戊戌命減發遣黑龍江各犯及軍臺效力官犯罪○己亥 上親耕藉田○諭宗室鄉會試取中用一文一詩已屬優異若不加以覆試無以鑒別真才著自本科為始宗室會試中式者傳集在圓明園正大光明殿覆試屆時禮部奏明另定試期無庸與本科中式貢士同日其試題仍用一文一詩著管理宗人府之王公等先期傳示應試各宗室舉子俾共聞知○辛丑諭國家不得已而用兵所以戡除暴亂安定善良即行師絕域亦止於斬馘擒渠尙當秋毫無犯以肅軍紀至於內地亂民原係獄吏捕治之罪止緣人數眾多不能不藉兵力以速殲除所謂大刑陳於原野期以當罪而已領兵將弁皆當深知其義約束士卒俾

東華續錄 嘉慶三十七 十七
閭閻良善同登衽席方稱朕用兵衛民之意至克捷蕪事之日逆匪家屬例應查明緣坐其被難民人無依子女亦當由地方官撫恤收養若征兵凱撤之時任其紛紛攜帶在賊匪遺孽既因此漏網而良民子女竟至遠離鄉土淪於婢僕此與俘獲何異甚非仰體朕惠鮮懷保之意也此次滑城用兵朕屢經申諭領兵各大員嚴飭該兵丁等毋許掠取財物而於攜帶子女一節實為意計所不及朕先引咎自責那彥成等知愧與否清夜捫心自問可也若再不認真查辦罪逾重矣前據文孚奏到吉林黑龍江官兵有攜帶子女之事當經降旨查辦旋據管理健銳營王大臣覆奏並未分晰辦理實屬因循草率無恥無能昨據富俊查明黑龍江官兵攜帶子女分別將逆犯親屬照例緣坐凡良民子女派員解交該親屬認領其無家可歸者暫交該官兵收養所辦甚為認真因交

軍機大臣傳齊火器健銳二營所帶子女覆加訊問其籍隸滑濬二縣者僅止十八名其餘一百三名多係順德廣平彰德等府所屬訊係該官兵等於凱撤時沿途攜帶領兵各員漫無約束大屬非是本應將該官兵等治以應得之罪惟念此次軍務告成極爲迅速其奮勇出力者吉林黑龍江官兵爲最火器健銳營官兵次之綠營兵又次之俱經著有勞績而攜帶子女一節又未經誠諭於先姑著從寬一槩免其治罪管理火器健銳營王大臣先經奉旨查辦頗預具奏實屬草率因循怠玩文字首先具奏富俊查辦認真均著加一級見在查出各幼孩內劉喜兒等六名伊父母均係不肯從賊致被戕害實爲節義可憫劉喜兒等六名每名賞銀二兩著該地方官妥爲收養訪明的確親屬再爲給領其有父母兄弟伯叔之四十名口每名賞銀一兩亦著各該地方官傳到親屬令該幼孩認明給領如所指親屬先已身故他往卽於該處養濟院收養長大聽其謀生俱交提督衙門順天府派文武各二員解送本籍地方官收領其無依幼孩七十五名口暫交該官兵等領回收養此與分給爲奴者不同不准作踐胡爲當如子女撫養將來如有親屬來京尋認者卽報官給領毋許勒指至此在京各大臣侍衛官員會經派往軍營者如有攜帶子女及其家人等攜帶者亦免其治罪俱著自行查明報出交軍機大臣訊明分別辦理如隱匿不報以違旨治罪並著吉林將軍等及此次調派征兵之各省將軍督撫副都統提鎮將該官兵攜帶子女俱詳細查明照此次章程分別辦理各自繕摺具奏如辦理草率及因循怠玩者俱以違旨治罪昨降旨令兵部定立例條著將攜帶良民子女及逆犯家屬如何分別治罪及領兵官如何議處一併詳議

東華續錄 嘉慶三十七 九

具奏頒示遵行尋議上得旨均著照所議行王師輯暴安良首嚴軍紀律載官兵擄掠人口若於已附地面擄掠者不分首從皆斬監候此指行師外域新附版圖而言尙當恤其人民以示除暴施仁之意況內地編氓本吾赤子除亂逆者按法誅鋤外其被難流離男婦子女皆應亟爲撫恤若官兵偏袒擄掠豈非自相擄掠耶所有此次攜帶幼孩各官兵均屬有干軍紀本應定擬大辟姑念伊等平日未諳法律帶兵大員亦未先申明禁令是以槩從寬宥著該部將定律同此次議准各條款卽行刊刻頒發京外滿漢各營一體遵照並著於操演日期逐條宣講設遇有微調尤當剴切曉諭俾官兵等恪遵紀律約束嚴明儻有肆意違犯者則軍法具在按律治罪不赦○癸卯諭從來民爲邦本人君撫有區宇以不忍人之心行不忍人之政堯舜三代之治未有不以仁政爲先

東華續錄 嘉慶三十七 九

加都統銜先福為陝甘總督阮元為江西巡撫桂芳為漕運總督
 ○調常福為戶部右侍郎以禮恩為兵部右侍郎轉英毅為理藩
 院左侍郎以玉福為理藩院右侍郎由內閣○以朱理為內閣學
 士調張師誠為江蘇巡撫以陳預為福建巡撫調陳希曾為刑部
 右侍郎以鮑桂星為工部右侍郎由內閣○甲辰加明亮太子少
 保賞雙眼花翎○乙巳諭上年九月十五日禁城滋事逆犯祝現
 在逃未獲屢降旨飭拏祝海慶等係祝現同族之人在豫親王
 裕豐府內當差上年九月初旬並曾至祝現家中裕豐早應據實
 奏明將祝海慶等交出詢問或用以作綫緝捕以期要犯速獲乃
 匿不奏聞以致外間傳播有祝現在豫親王府內藏匿之言前日
 朕派英和查拏祝海慶等三人裕豐尙不知自請處分昨復派縣
 諷英和同赴該王府內查訊祝現蹤迹本日縣課等覆奏查詢情
 東華續錄 嘉慶三十七 三
 形裕豐仍不知自請處分實屬糊塗不知大義裕豐著交宗人府
 嚴加議處○丁未諭前因訪緝逆犯祝現查知豫親王裕豐府內
 有該逆族人祝海慶等當差並伊護衛人等有事前聞知逆謀之
 事當將護衛拜紉阿及祝海慶等俱交軍機大臣會同刑部審訊
 茲訊明上年九月初八日祝海慶因事會至桑堡經伊族叔嵩山
 告以祝現等習教謀逆等語祝海慶次日回城即向胞伯貴山述
 知於初十日回明佐領善貴參領伊精阿及護衛拜紉阿等拜紉
 阿等恐有不實商令傳到屯領催祝瑞令其具結再為呈報拜紉
 阿先面稟裕豐裕豐漠不動念答以俟查明再辦及至十六日善
 貴等帶祝瑞具呈已在十五日滋事之後裕豐接呈次日復有不
 必聲張之語本日令管理宗人府王公會同軍機大臣詢問裕豐
 裕豐亦答前後情節屬實裕豐身為親王聞有首告謀逆重情不

速行具奏又不轉報宗人府及留京王大臣迨事後接收呈詞仍
 隱諱數月不奏實不知其如何居心昏惰糊塗罔知國家大義至
 於此極著暫行革去王爵交宗人府軍機大臣大學士六部尚書
 會同議罪具奏其拜紉阿伊精阿善貴既經呈稟則其各專在裕
 豐惟伊等彼此推諉展轉取結遲延數日是其應得之咎拜紉阿
 善貴俱著開復原官伊精阿著回任俱交兵部議處嵩山於謀逆
 重情首先舉發祝海慶聞知即向該管處據實首報均明於大義
 嵩山祝海慶俱著加恩賞給護軍校貴山一同稟報著賞給藍翎
 長伊三人撥在本旗大營當差○己酉諭莊親王縣課等奏會議
 裕豐罪名一摺裕豐上年九月初十日聞知祝海慶等首告謀逆
 若立時奏報迅將匪黨查拏則十五日禁城之變可以先事消弭
 其功甚大乃伊漠不關心遲延不舉實屬無福承受國恩止知因
 東華續錄 嘉慶三十七 三
 循疲玩反罹重咎逮十六日接受呈詞維時鉅案已成然逆犯尙
 多未獲裕豐據實奏明仍可令祝海慶等作綫將祝現各逆犯按
 名捕誅何至逋逃日久而伊泄泄如前轉云不必張揚實不知其
 是何肺腑至前日事已訪出端倪朕特派縣課英和前往該王府
 查詢伊仍不知愧懼拘泥進班日期不即來園請罪種種昏惰糊
 塗罔知大義皆出情理之外縣課等議請將裕豐問擬杖流折園
 實屬罪所應得惟念伊祖豫親王多鐸從前在開國諸王中勳績
 最著仰蒙 皇考高宗純皇帝復爵紹封追配 太廟國家議功
 議親載在令典朕推念舊勳有及後裔裕豐賦性惰愚不能復列
 屏藩業已革去王爵加恩免其圈禁即令在王府外閒房居住不
 准出門閒遊令其閉門思過上年議罰王俸十年除扣過本年春
 季俸銀外其餘未扣者著責令於兩年內全數繳出交納部庫其

應襲王爵著宗人府照例查辦○庚戌齊布森以請本錯誤降調以常亮為內閣學士由禮部○甲寅調明亮為左都御史和甯為兵部尚書景安為禮部尚書由吏部○乙卯諭前據刑部奏審訊王三等句通天津鋪戶販運米石出城恐有回漕情弊當降旨交那彥成查究茲據那彥成奏稱天津煙戶稠密惟藉商販米石接濟刑部訊出該鋪戶盧德等自上年四月至今共買運細米一萬四千餘石於全漕似無大礙等語奸商私運米石出城本干例禁京城居民繁庶百倍天津此項私運米石一萬四千餘石若云可濟天津民食獨不計都城民食驟少此數乎况天津一帶為漕艘經過通津正係回漕弊藪豈可不嚴密查禁著那彥成仍派員確查該處私運米石若實係細米零星售買無庸究辦倘將蠶米攪混影射回漕即嚴拏按律懲辦以除積弊並著刑部將王三等東華續錄 嘉慶三十七 三

再行提訊該鋪戶等所買米石如有賣給旗丁回漕情弊即確訊某幫某丁開單咨行該督按名查拏究辦○丁巳諭從來兵制與國賦相權而行我朝建設各省營兵久有定額其小有損益亦皆就地地方情形隨時酌定惟乾隆四十六年添補名糧額缺案內一時各省驟添兵六萬六千餘名為數較多迄今三十餘年於武備無甚裨益而帑項已多用至四千餘萬前曾降旨令大學士軍機大臣會同兵部將增設名糧額數酌量汰減詳議具奏本日議上朕披覽摺內見在各省額兵六十二萬四千餘名較之雍正年間及乾隆四十六年以前所增實多自應酌加裁減惟各該省地方情形有今昔不同者亦當熟思深慮各就見在經制參考先後所設兵數以控制情形將應汰應留通盤籌畫庶餉不虛糜而兵皆足用著各省總督山東山西河南巡撫成都將軍河道漕運總

督各將所屬標下各營及該撫提鎮協等營兵內每省可以汰減若干據實具奏彙交原議大臣再行覈議尋奏除直隸安徽山東河南陝西甘肅六省及河東河標或兵額本簡或控制緊要難以酌減外江蘇裁額兵三百六十五名漕標裁八十四名河標裁二十五名江西裁額兵一千八十三名浙江裁額兵七百二十八名福建裁添募暫設兵一千三百五十名馬五百六十四匹湖北裁額兵一千六百三十六名湖南裁額兵一千五百五十四名山西裁額兵一千八百六十五名四川裁額兵六百三十名廣東裁馬六百九十六匹廣西裁額兵六百三十名雲南裁額兵二千三百三十二名貴州裁額兵一千九百五十八名統計裁兵一萬四千二百四十名馬一千二百五十六匹每歲共節省餉銀二十七萬一千九百三十二兩有奇米三萬七千五百五十五石有奇從之東華續錄 嘉慶三十七 三

○戊午 皇后行躬桑禮

夏四月壬戌朔以直隸米價翔貴撥天津北倉米二萬二千石有奇備糶○乙丑諭據滿珠巴喇爾奏查明木蘭各處圍場牲獸甚少本年正二月開大雪數次至今尚未融化三月十九以後又連日大雪道途泥濘異常等語本年內入春以後雪澤尚少山路泥濘再經夏秋雨水自必倍難行走且各處圍場牲獸較少亦應略為寧息所有本年木蘭秋獵典禮著暫行停止俟明年照例舉行至今秋既不行圍亦無庸臨幸熱河○諭御史孫汝奏各省赴京控告咨交本省督撫均有逾限未結者而山東省為甚請旨飭令迅速辦結等語各衙門咨交本省控案前經立有定限逾限查參乃該督撫任意延宕罔知顧忌見在兩江及其餘省分均有十案至三四案不等直隸省有三十二案而山東省則竟有八十九

案之多雖經都察院屢次查參泄泄如故以致原告守候無期本年復紛紛來京具控其因循疲玩實為尤甚同與等敢於如此疏懈不慮朕降諭旨拿問乎所有山東省未結八十九案著責成該撫同與藩司朱錫爵臬司劉大齡三人即速分提審辦勒限一年全數辦結並著伊三人每月將所分股內已結未結各若干案自行具奏一次若再有延玩是有心誤國必加懲處不貸其直隸省三十二案著交那彥成率同臬司錢臻迅速審辦亦著勒限一年每月具奏一次伊二人到任未久各案非由伊等積壓無所庸其同護但此後設再逾限則伊二人亦無所辭各其餘各省未結之案並著各該督撫上緊清釐毋稍延緩干咎○丁卯諭軍機大臣等常明等奏涼山生番出巢滋事會商剿辦緣由一摺涼山生番因夷地歉收分股四出於銀廠溝那裏溝東鄉縣一帶焚掠滋東華續錄 嘉慶三十七 五

擾自應懾以兵威迅速剿辦毋令蔓延為患此時常明已商令多隆武帶兵二千名前往會同永甯道劉斌相機進兵如軍威震懾該提督等到彼剋日辦理完竣即飭令地方官將被擾難民妥為安撫毋使失所備該生番等仍守險拒敵多隆武不能辦竣常明不必親往著在省鎮撫料理地方事務賽冲阿素嫺軍旅著即星馳前赴該處督率剿辦該將軍身受重恩自必倍加奮勉迅除草竊以靖邊隅川省距京較遠軍務情形俱著由五百里馳奏以慰懸廑○庚午諭李亨特前在河東總督任內因事獲譴發往伊犁經朕素瑕錄用命往南河效力於承辦荷花塘漫工執持認真以致壩身已堵復發僅予薄懲發往熱河嗣復擢河東總督李亨特屢邀破格恩施自應感激奮力圖報效乃於微山湖濬蓄事宜不能先期籌辦任其日就淤淺見在湖心存水僅止尺餘即尋

常河泊亦不至枯涸若此李亨特廢弛河工貽誤漕運厥咎甚重且於罷斥後仍恣意侈慢不知儆懼部議發往新疆向不足以蔽辜李亨特著先在部枷號半年再發往黑龍江效力贖罪○戶部右侍郎趙秉冲卒予祭葬賞銀三百兩治喪○以黃鉞為戶部右侍郎由內閣學士遷○辛未以福勒洪阿為內閣學士由內閣學士遷○甲戌改福建分巡甯福道復為糧儲道○乙亥 上閱健銳營兵○己卯諭朕聞裕瑞在盛京不能約束移居諸宗室諸宗室亦皆不服並聞伊初到時即有蕩檢踰閑之事當降旨令和甯緒莊查明參奏茲據和甯等覆奏裕瑞初到盛京即欲買妾經民人張二等商令民人徐恭休妻假捏姓名賣與裕瑞為妾伊等未經查參請交部察議等語裕瑞獲咎請居盛京不知安分思過復買有夫之婦為妾即此一端已屬無恥妄為其別項劣蹟亦無庸再行查奏裕瑞東華續錄 嘉慶三十七 五

著在盛京嚴密圍禁派弁兵看守不拘年限張二等照例治罪擬結和甯緒莊先未參奏迫降旨查詢仍意存掩飾僅自請察議不足示懲緒莊身係宗室不免有心袒護著交部嚴加議處即來京聽候部議其所遺盛京副都統員缺即以和甯降補無庸交議晉昌未到任以前盛京將軍事務仍著和甯署理祿康在盛京居住頗知感畏約束宗室亦甚妥協著加恩賞給主事戴用四品頂帶與文彌傑信一同辦事○以裕豐弟裕興襲豫親王爵○和甯以陳奏掩飾解尚書任以瑚圖禮為兵部尚書轉穆克登額為禮部左侍郎以寶興為禮部右侍郎由內閣學士遷○庚辰 上詣 黑龍潭祈雨○是日雨○調徐忻為湖南按察使恒敏為江西按察使○壬午諭桂芳由嘉慶四年翰林海推侍郎雖資格未深然在內廷行走有年南書房上書房軍機大臣內務府大臣俱供職辦事

明白細心人亦直爽本年春開派令前往廣西審辦事件旋任漕
運總督伊行抵湖北省城染患時疫病證降旨令其安心調理方
冀不日就痊茲據張映漢奏報桂芳於本月初十日因病溘逝夏
才難得深為悼惜著加恩晉贈太子少保加尙書銜所有應得卹
典該部察例具奏任內一切處分悉予開復著伊弟桂莒帶同伊
子炳奎馳驛前往湖北接伊靈柩沿途官爲照料到京時准其入
城治喪伊會授三阿哥讀書侯伊柩入城次日派三阿哥前往奠
酒其隨同桂芳出差之戶部員外郎玉符亦因染疫同日身故著
加恩交地方官將其靈柩妥爲照料隨同桂芳一路行走京時
不得入城尋予桂芳祭葬諡文敏○以李奕疇爲漕運總督許兆
椿爲浙江巡撫轉陳希曾爲刑部左侍郎以朱理爲刑部右侍郎
由內閣○丙戌賜龍汝言等二百二十六人進士及第出身有差
東華續錄 嘉慶三十七 三六

○丁亥諭朱勳奏查明張克捷二子先經回籍並隨任被戕親屬
一摺上年逆首林清勾結河南賊匪李文成等約期九月十五日
進京滋事經滑縣知縣強克捷先期訪聞擊獲李文成牛亮臣等
犯嚴刑拷訊賊黨馮克善等因逆謀已洩糾眾劫獄不克分派進
京逆首林清不知音耗就近遣逆黨入城而外援斷絕立就誅
夷該首逆猶懷疑株待旋就捕誅李文成雖一時免脫緣刑傷過
重不能遠逸經官兵進剿戮於司寨強克捷職膺民社能周知一
縣之事首先訪獲逆黨俾林清李文成等失約敗謀後先投首實
屬傑出良臣功在社稷且以身殉難閭閻被害者至三十餘人深
堪嘉憫覽奏揮淚不止前經降旨照知府例賜卹入祀京城昭忠
祠尙不足以酬忠靈強克捷著加恩賜諡忠烈賞給騎都尉世職
罔替伊長子強達泰即著承襲騎都尉服闋後送部引見次子強

望素著賞給舉人文武聽其自便准其一體會試強克捷長媳徐
氏抗節不辱挺身罵賊致被活釘斃割拋棄遺骸尤爲可慘著賜
諡節烈誥贈恭人照例建坊旌表並著朱勳遵照諭旨韓城縣
爲強克捷建立專祠前層設強克捷牌位後層設節烈恭人牌位
其從難三十五人俱分次設牌從祀地方官春秋致祭以慰忠貞
初次致祭著巡撫朱勳親詣拈香至韓城縣地方登仕籍者有強
克捷之忠良前大學士王杰正色立朝亦籍隸該縣士風淳茂宜
示優旌著加恩賜祭一壇仍將韓城縣文武學額各增五名永著
爲例用示朕獎忠勵俗之至意○己丑以王以銜爲內閣學士

五月乙未諭據初彭齡等奏查明成林原參署融縣知縣錢培善
接緝盜案規避捏供實係屈抑請將草率定案之知府臬司一併
解任歸案審辦一摺此案韋弟大家被盜係十二年九月之事懸
閱多年因循息玩其歷任遲延各員及督催不力各上司均干嚴
議成林並未據實查參錢培善於上年六月甫經到任因犯供翻
異詳請批示並無不合乃成林挾其稟揭前任虧空之嫌嚴參軍
職實屬任性作威不公不法承審知府張業南迎合上司臬司張
凱元率詳請參著一併解任交初彭齡等提同全案人證秉公嚴
審分別定擬其從前延案不辦各員及歷任各上司一併查明參
奏○諭軍機大臣等松筠等奏吐魯番回眾交糧當差頗覺苦累
必須量爲調劑該處地方宜種木棉近來種植甚廣再有南路皮
張商販雲集每因自相交易時滋訐訟莫若官爲經紀按則徵稅
在於城鄉適中之區設立經紀數名給與官秤設票評價每兩徵
收三分仍招股買良民詳請給帖責成該同知經理試收一年得

有成規再行定額所有抽收稅銀每年撥出十分之三由該同知分給四佐領回子並軍臺當差回子以濟困乏其餘稅項解歸道庫以充經費等語吐魯番種植棉花均係回子地畝出租招種若即在產花之區抽收稅銀恐滋紛擾如於商販經由處所如嘉峪關等處酌量抽稅事或可行高杞係烏魯木齊都統見署陝甘總督著詳細查明此項棉花與南路商販皮張從前嘉峪關等處會否定有稅額並體察吐魯番回子如何苦累情形驟增此項花稅有無紛擾之處不妨寬以時日務計議周妥據實具奏○成林草職逮問調那彥賢為刑部右侍郎英綬為工部右侍郎轉王福為理藩院左侍郎以熙昌為理藩院右侍郎由內閣○丙申許兆椿以疾免調陳預為浙江巡撫以王紹蘭為福建巡撫調李長森為福建布政使以額特布為雲南布政使史致光為雲南按察使由東華續錄 嘉慶三十七 三六

○丁酉諭同興奏遵旨分提京控各案趕緊審辦一摺山東省積案逾限未結者幾及百件皆由巡撫潘鼎因循疲玩不認真清釐所致厥罪維均此內同興上年帶兵防堵離省數月兼有查河催漕等事未能專心鞠訊其咎尙有可原至藩司整飭吏治臬司綜覈刑名朱錫爵劉大懿終年安坐省城一任地方要務延閣廢弛各無可辭朱錫爵劉大懿俱著交部嚴加議處即開缺聽候部議○調慶熉為山東布政使以諸以謙為河南布政使和舜武為河南按察使由廣東高 ○以程國仁為山東按察使由光祿寺 ○命旌表直隸山東河南上年死節紳民士女○己亥諭那彥成奏報二麥約收分數一摺單內首開大典宛平二縣約收八分一派虛詞全不足據即此可見悠悠居心怠玩從事大約無福受恩矣本年畿輔一帶雨澤稀少麥苗黃萎都城附近田畝朕出入經過

留心宗看其收成不過在二三分之間今那彥成奏報八分其不實孰甚以此類推其餘各屬稟報真偽亦豈盡足憑食為民天最為地方重務該督於民生本計漫不經心若此恐汝用心於無用之地俾盡作夜飲做福康安之行為乎著傳旨申飭所有收成分數單著發還俟各屬地方二麥判穫登場後確查實在收成分數再行具奏若再行虛飾經朕查出必將該督嚴懲不貸○諭軍機大臣等蘇楞額等奏審擬太監小劉進喜向書吏于漢索取賄料並順義縣辦差給與各太監他坦食物錢文一摺朕每遇巡幸禁止太監等向地方官需索屢經嚴諭至再至三乃猶有太監書吏彼此交涉散給供應之事據于漢供南石橋三家店鬻鬻山三處係順義縣承應密雲瑤亭子等處係密雲縣承應近年均有折給四執事他坦十三處搭鍋臺潔備民夫水桶錢文及雞肉麩米等東華續錄 嘉慶三十七 三六

項業將太監等治罪並書吏于漢問擬杖徒著那彥成即查明近五年以內濫給太監供應之知縣先行革職指名嚴參交涉之書吏均照于漢之例問擬杖徒失察之總督潘鼎奏明交部議處本年八月間祇謁 東陵著那彥成先期嚴行飭知所屬各州縣嗣後踴路經過地方如有太監需索之事即稟明總督據實奏聞懲辦若隱匿不奏或私行給與經朕查出必將該州縣及該督一併治罪不貸慎之○辛丑予死事河南濬縣從九品徐沅世職○甲辰諭高杞奏審擬同知吳邦塘將縣役薛寅柳責斃命一摺外省辦理庶務非失之不及即失之太過總未能準乎情法之平近日民間訟獄玩法逞刁而胥役為尤甚非齊之以刑無以生其儆懼但刑法自有一定規條不可濫事酷虐此案同知吳邦塘審訊縣役薛寅等不過尋常爭毆細故掌責數至二百板責數至八十又

濫及無辜婦女以致碎實傷重斃命實屬違例濫刑暴虐乖張該
署督擬以革職遣戍是其罪所應得至請於省城枷號一箇月此
則未免失當國家設官治民置胥役以供指使其分至為卑賤若
官員以杖斃胥役枷號示眾恐奸胥蠹役因此長喪官藐法之心
非所以嚴尊卑上下之制吳邦壙著革職發往伊犁充當苦差無
庸再加枷號餘著照所擬完結○丙午以阿陞阿為內閣學士
○丁未諭軍機大臣等那彥成奏自陳悚惕下忱請交部嚴
議一摺事君之道總在毋欺言行不符終遭禍患為政之道總在
務實實則有功虛則罔效那彥成近日悠悠怠惰不實心任事今
見朕訓飭諭旨則鋪敘惶悚之詞奏請交部嚴議伊豈不知此等
部議處分即議革職每多加恩改為留任者仍屬有名無實朕果
欲懲辦那彥成無難立降諭旨又何必待伊奏請耶所有那彥成
東華續錄 嘉慶三十七 三

單內之人寶坻地方非該督所屬州縣乎那彥成此時當大加愧
勵清夜捫心何人之孫何代之臣賢不肖之名汝自揀擇認真督
率文武官弁將未獲各犯上緊訪緝以結鉅案如將要犯速獲朕
仍當渥沛恩施若至秋令仍泄泄沓沓一犯不獲必將該督治罪
亦不待伊自行奏請矣○戊申諭各衙門辦事敏則有功全在該
堂官勤以率屬力除因循疲玩積習昨日朕披閱光祿寺進呈黃
冊係報銷上年十二月動用錢糧清漢文俱僅止數葉何難及早
繕辦乃遲至六月之久始行具題殊屬延緩光祿寺堂官俱著傳
旨申飭嗣後該衙門報銷黃冊著改為開一月具題毋許遲逾○
庚戌諭軍機大臣等那彥成奏查明每年春秋二差需費銀數一
摺並開單呈覽向來春秋二差車馬橋道等項例價不敷直隸省
不無津貼但亦何至如該督所奏地方官需貼銀二十餘萬兩之
多實屬大奇若按款鉤稽必致又與大獄矣詳閱單內所開浮冒
實所不免直隸官吏藉辦差為名以少報多那彥成不加詳查即
據以入奏殊屬糊塗冒昧著傳旨申飭其單內由該省自行支銷
者著該督率同藩臬二司詳細參酌大加覈減以節浮費毋得仍
前濫行支用至所開宮門支應一單其所列各件固有實係備用
者而虛開者亦復不少即所開炕桌四百張大小桌椅二百四十
張半桌五十張此等器具若如天津五臺等處行宮係由地方官
豫備陳設者自不能不置備器具若春秋園附近行宮若由內務
府管理其中桌椅等項一切齊全何須地方官另為置辦其所置
桌椅多至數百張行宮屋宇無多亦無虛堆積其虛妄可知又如
行絲燈籠一千箇火把一千根行宮內從不需用此物其餘類此
者尚多大率皆大小官吏備以自用者亦一併列為宮門支應尤

屬不實朕已將此單發交總管內務府大臣查明刪減將必須備用者擇出覈定數目發交該省每次照數豫備將來差次由地方官將所備物件點交內務府大臣官員驗收再由內務府大臣發交各等處大監支領總不得令大監等與地方書吏私自交收以杜流弊又據另片奏大監等隨從出外麩草米豆等項恐其自向街市購買與外間市僧閒雜之人交往可否飭諭內務府大臣等將隨圍大監應給麩米食物覈定數目由州縣呈交內務府大臣發給等語所見糊塗已極大監等給使內廷禁止與外人交接如差次向地方官吏需索食物使費或藉以交通熟識此則必應嚴禁若伊等尋常購買食物與市販等彼此交易此則情事之常不得謂之交接即如御園各處大監其日用所需原准其出福園門西南門自行購買並未加以飭禁若伊等偶食蔬果皆須向內務府大臣代為購備則繁瑣瑣屑成何體制況大監隨從出外賞給路費俾資食用設如那彥成所奏該大監等既領錢糧復令地方為之代備供應有是理乎所奏斷不可行見在辦理大監小劉進喜差次需索一案順義縣知縣陳楷任聽書吏濫給供應咎有應得雖據那彥成查明舊習相沿並非有心交結茲當整飭之時不能不加以懲創已降旨將陳楷革職准其留於該省仍令幫辦差務如果辦差數次妥協無誤再由該督奏請開復其餘五年以內辦差各州縣人數太多著照該督所請查明同失察之總督藩臬奏明照例分別議處其密雲瑤亭濫支供給之書吏等仍遵照前旨確實查明照例治罪○以蔣子蒲穆彰阿俱為內閣學士蔣子蒲由副都御史程瑛○癸丑諭軍機大臣等百齡等奏三進漕船全數渡黃請將催趨出力各員量予鼓勵一摺所奏殊不成話向來

重運漕船渡黃迅速比較上年日期早十餘日或早月餘始將催趨出力之員量加獎勵皆朕特降恩旨恩出自上該督等每屆糧艘北上派員催趨咸以為常即使晚運安速亦其分所應為不當自行奏請鼓勵况本年渡黃日期較上年亦遲六日以閏月節氣計算遲至十餘日該督等即應奏請治罪方為正辦今奏請加恩此語出於何典姑念今夏東境運河水稍晚運維艱即幫船早出江境轉致沿途擁擠故渡黃雖遲不復加以責備豈能復邀甄敘所有該督等開單奏請加恩之處著不准行嗣後每年重運仍應竭力趨前勿許再有遲逾○丁巳諭國史館纂辦臣工列傳向不按年分先後以次進呈其辦理章程本不盡一前日該館進呈和珅列傳和珅連問伏法迄今已越十五年始將列傳纂進已太覺遲緩迫詳加披閱其自乾隆三十四年襲官以至嘉慶四年職東華續錄 嘉慶三十七年 三

三十年間但將官階履歷挨次編輯篇幅寥寥至伊一生事實全未查載惟將逮問以後各諭旨詳加敘述是何居心不可問矣和珅在乾隆年間由侍衛擢大學士晉封公爵精明敏捷原有微勞足錄是以 皇考高宗純皇帝加以厚恩奈伊貪鄙性成怙勢營私狂妄專擅積有罪愆朕親政時是以加以重罰似此敘載簡略見距懲辦和珅之時年分未遠其罪案昭然在人耳目若傳至數百年後但據本傳所載考厥生平則功罪不明何以辨賢奸而昭賞罰國史為信今傳後之書事關彰瘡不可不明白宣示所有承辦和珅列傳之纂修官著查明參奏交部嚴加議處其正副各總裁校勘疏漏均難辭咎除陳希曾甫經到京仍留原館無庸交議外董誥在館年久精神未能周到著無庸兼充正總裁仍交部議處景安見已年老章煦甫經到館均免議處著無庸兼充副總

裁著派曹振鏞托津潘世恩充國史館正總裁盧蔭溥充國史館副總裁將該館纂輯各事安立章程加意整飭其和珅列傳著另行詳查編次進呈尋奏刪纂和珅列傳之編修席煜請革職審訊得旨顧菴原纂和珅列傳彙本內本載有事實四條皆和珅罪狀仰奉 皇考高宗純皇帝飭諭加以譴責者葛方晉節去三條席煜節去一條其居心實不可問除葛方晉業經身故外席煜前已革職即行押解回籍交江蘇巡撫張師誠嚴行管束令其閉門思過不准外出並留心稽察如有怨望詩文即奏聞將該革員拏問治罪○成都將軍賽冲阿等奏進剿涼山番賊殲斃為首兇夷畢格等○戊午以李鴻賓為河東副總河由述清給事中遷

六月庚申朔日有食之○壬戌諭董誥等會議松筠條奏節省新疆經費並查屯地抽收木植二摺烏魯木齊收捐監糧從前雖經東華續錄 嘉慶三十七年 五月 舉行但該處糧價近俱平減此時定額過少恐於內地收捐有礙若定額過多捐輸未能踴躍仍於倉儲無裨朕敬遵 皇考聖諭著照舊停止永不再言此事言者必誅其餘各款著長齡於到任後會同高杞再行體察情形詳慎籌度分晰具奏○福昂緣事降調調額特布為浙江布政使以劉清為雲南布政使由山東鹽運使遷

○調史致光為貴州按察使伊湯安為雲南按察使○癸亥諭御史傅棠奏近日刑部保題員外郎郎中及派秋審處總辦司員該堂官不問辦事能否資格淺深公同酌商輒以家貲殷富年輕資淺之員濫行保派等語朕面詢董誥據稱近日該部因秋審處該班聽事人員較少曾添派指班司員七人兼秋審處行走等語刑部總辦秋審處為天下刑名總匯自應將在部年久諳習刑名之員派令行走以資辦案今該堂官以年輕捐納人員越次派充此

等少年一無知識所謂未能操刀而使割未開以政學者也此時名為資其奔走之勞將來遇有升題保送等事即指稱在秋審處行走豫為占先地步必致各司應練勤能之員轉為過抑殊不足以重公事而示甄別無怪乎嘖有煩言所有此次添派兼秋審處行走之邢承祖王玉璋盛思道均和慶崇慧趙協中俱著撤退飭令各回本司學習行走○甲子史積容緣事革職以葉紹極為廣西布政使由大興寺少卿遷張凱元緣事革職以趙慎畛為廣西按察使由廣西道遷○丁卯裁河南裕州州判改設滑縣道口鎮縣丞○甲戌四川涼山逆番平○乙亥撥福建龍溪海澄南靖長泰四縣歸石碼通判兼轄漳浦平和詔安三縣歸雲霄同知兼轄○張師誠乞假省親以初彭齡暫署江蘇巡撫由名場○己卯諭軍機大臣等那彥成奏直隸省自嘉慶二年至十八年積欠及大兵經由東華續錄 嘉慶三十七年 五月 各州縣民欠地糧並借給折色銀兩共銀三百四十餘萬兩米糧穀豆等項共一十四萬餘石草六萬餘束為數過多請分別蠲免十分之三四五分等語所奏乖謬之極直隸省前此辦理清查之後業已嚴降諭旨各州縣不准絲毫再有積虧嗣後亦不得更藉清查名目以為掩飾虧空地步那彥成到直未久復為此奏自係該省屬員欲將虧空涸入民欠之內冊為此議觀銀逆免那彥成受其德惠大膽冒昧率行入奏著傳旨嚴行申飭總不准再提此事○辛巳潘世恩丁母憂調劉鑾之為戶部尚書以初彭齡為兵部尚書仍署江蘇巡撫蔣予蒲為倉場侍郎由內閣○乙酉諭軍機大臣等那彥成奏遵旨飭委員弁嚴拏逆犯一摺本日據劉鑾之等奏據已革知州吳士鴻等在新城縣姚起營地方拏獲李天相一犯訊據供認伊家三世習教該犯曾經首逆林清偽封自在

王其胞兄李天壽亦有偽封王號與知遊謀並在京南瓜里村擊獲支進才之胞弟李贏子即支贏子一犯見已交部審訊李天相等均係從逆要犯或籍隸新城或在京南附近村莊潛匿又據方受時奏在磁州擊獲滑縣逸出逆賊此皆那彥成所屬地方茲經順天府委員擊獲那彥成亦知愧知懼否耶順天府委員不過數人屢有緝獲要犯那彥成統轄全省所委員弁較順天府不啻數倍乃數月以來並未擊獲要犯一名其所稱遊派文武員弁分投密訪嚴拏之語盡屬空言看來那彥成於緝捕一事仍不免因循疲玩著傳旨嚴行申飭該督據奉此旨務即嚴飭所屬將祝現等要犯並次要各犯上緊偵緝務獲毋稍疏懈仍遵前旨將緝捕情形十日具奏一次再朕本年八月間恭謁 東陵直隸應派隨扈官兵前日已經軍機大臣會議章程奏開降旨令該督遵照辦理

東華續錄 嘉慶三十七 三

近聞那彥成仍欲密備官兵二千名該督自帶一千名在前行走提督帶領一千名在後隨扈此斷不可變與出入警蹕自有常儀若驟增兵衛二千前後擁護沿途駭人觀瞻實覺不成體制該督惟當遵照駁定兵數擇其年壯技優在營年久可靠者挑選足數勿將無籍新兵廁入其各處經過城市村莊著慎委妥員先行逐細詳查臨時加意管轄勿容來歷不明之人叩關煩瀆以昭嚴肅此外毋得率行添兵若那彥成以派兵二千之說曾經奏聞仍私自豫備帶往屆時必將那彥成擊問治罪不貸懷之○丁亥增鴻臚寺學習鳴贊官二○戊子諭縣課等奏審擬贊禮郎富昌呈控伊妹夫筆帖式富勒洪阿懷疑出妻一案已依議行矣國家設官分職辦理庶政大小各有等差如事關重要非臣下所敢擅斷者自應奏聞請旨定奪此外應題應咨之件為類孔多該管大臣應

照例分別覈辦蓬豆之事則有司存况夫婦不和家門猥瑣之事乎非為上者憚於煩勞其體固當如是也此案富昌控伊妹夫富勒洪阿各情節止係夫婦閨房口角糾故既在該管衙門控告弘謙等儘可自行審理咨部完結乃專摺具奏並於摺內恭書 陵寢字樣之下敘述猥褻語句實屬荒謬除前已降旨議處外茲特明白宣示近日內外臣工往往欲避專擅之名於事之不應奏者亦以一奏塞責以見事雖至瑣尚纖毫不敢欺隱設有大於此者必更無所諱匿不知人之才識見大者能知體要其遇事也確有權衡見小者日詹詹於凡近一遇重大之事惜無據依默然不敢置喙如上年林清於近畿句結黨與散布謠言積有月日竟無一人聞知能先期舉發者可見大小官吏做精神於煩苛瑣屑之地而莫知政要舉其細而遺其大於國事又奚裨乎著通諭內外各

東華續錄 嘉慶三十七 三

衙門嗣後於一切庶務皆當詳察事理審度重輕分別辦理勿外涉粉飾之迹中懷怠玩之心屢言小事而轉不言大事名曰無欺而欺罔更甚矣若因有此旨誤會朕意於應行奏辦者轉因循壓閣則獲咎滋重必不赦宥

臣王先謙敬編

臣周倫恭恭枝

秋七月己丑朔以彭希濂為內閣學士由光祿寺卿遷○庚寅諭宗室普

庭准其減等令回至盛京在該處移居宗室公所酌給房屋居住

嗣後緣事發遣宗室其由盛京釋回者即令回京由吉林黑龍江

釋回者即令在盛京居住著為令○調李長森為江甯布政使陳

桂生為福建布政使○辛卯諭朕此次恭謁 東陵著派肅親王

永錫大學士曹振鏞吏部尚書英和工部尚書蘇楞額留京辦事

向來恭遇謁 陵因往還時日無多留京王大臣例不在內值宿

看管合符自此為始凡遇謁 陵巡幸之期派出留京王大臣

俱一體恭請合符輪流值宿每日卯時四人公同進內一人留直

東華續錄 嘉慶三十八

餘三人申初方准散歸此次英和以吏部尚書兼管步軍統領事

務較繁著無庸直宿每日午時先出禁城所有留京王大臣出入

時刻及輪應值宿日期著派阿哥等公同稽查如有遲誤曠班者

具摺附報參奏不可稍遲時刻其餘紫禁城內各該班王大臣等

著留京王大臣每日開列名單呈送阿哥等抽查或將直班之人

傳至乾清門面見或派諸達等赴各直班處所查看備有遲誤曠

班及未見接班之人先散去者亦著阿哥等具摺附報參奏○以

李宗瀚為左副都御史由宗人府丞遷○乙未諭上年山東定陶曹縣

匪徒滋事同興木有失察之咎及帶兵前赴曹州又復畏葸遷延

全賴劉清奮勇當先督兵勦捕得以迅速成功朕因彼時東境先

就肅清加恩寬其罪謫仍留山東巡撫之任乃本年六月金鄉縣

又有匪徒聚眾逞兇之事同興於六月十五日已接據稟報隱匿

不奏半月之久臬司程國仁係漢人到任未久尙知稟請親往同

興身任封疆並不親赴及朕已聞知特派章煦那彥寶前往查辦

同興於七月初二日始專差齎摺補奏以圖掩飾前非似此因循

玩誤斷難再事姑容同興著交部嚴加議處山東巡撫著章煦以

尚書署理食一品俸支食巡撫養廉同興即派員將印信送交章

煦接受自行摘去翎頂來京聽候部議○丁酉諭禮部奏議駁御

史黃中傑條陳優貢考試事例一摺各省優生三年舉報一次與

拔貢十二年舉行一次者年數懸殊如一體加以延試引見錄用

實於體制未協該御史所奏不可行至該部奏稱嗣後優貢生免

其來京朝考以示體恤等語所奏亦非各省優生由學政會同督

撫保題升入太學朝考後始准作貢生斯合貢於王廷之義若停

止朝考殊覺名實不符禮部堂官輕改舊章著傳旨申飭其優貢

東華續錄 嘉慶三十八

朝考仍照舊例行○庚子諭軍機大臣等那彥成奏酌派文武員

弁稽查變略經由地方一摺朕每歲謁 陵係常行典禮秋獮前

期駐蹕熱河變略所經皆在近畿數百里之內如同戶閭一切扈

從兵衛悉有常儀上年京城內雖有逆匪滋事之案而蹕路所過

一塵不驚原無庸過於設備若如那彥成所奏令站道弁兵俱各

手持槍矛紛紛林立豈不駭人觀瞻所有直隸官兵隨扈章程前

經軍機大臣等詳悉會議奏准頒行該督惟當祇恪遵守其沿途

站道弁兵著俱循照向例佩帶弓筒腰刀執持儀棍其烏槍長矛

二項斷不准用如有私自攜帶者屆時立行拏究將該管管員治

罪並將那彥成懲處不貸○增設河南內黃縣主簿駐楚旺鎮○

癸卯蔣繼勳緣事降調以康紹鏞為安徽布政使由大理寺卿遷○戊

申諭朕因大學士勒保目疾未愈每於召見伊子英綬時而加詢

問昨據英綬奏稱伊父近日延請祝由科醫生看視其治法先用
口在太陽穴吹出毒氣隨後再畫符念呪可望有效等語朕以符
呪之事近於邪術因命軍機大臣傳諭英綬令其將延醫緣由據
實具奏本日據英綬摺奏該醫生張泳甯向來俱係按法治病實
無畫符念呪之事並非祝由科亦無傳徒惑眾等情此次為伊父
勒保呪治三次無效已不令醫治等語張泳甯用符呪治病情由
朕先未聞知英綬前日面奏甚明乃於傳旨查訊時驟為推卸前
後奏對情詞歧異矢口亂言英綬著交部議處該醫生張泳甯著交
軍機大臣會同刑部審訊定擬具奏○辛亥諭劉清上年在山東
帶兵剿賊民情甚為愛戴雲南布政使一缺與伊不甚相宜著以
二品頂帶仍留山東鹽運使之任雲南布政使員缺著趙宜禧補
授○調陳預為山東巡撫以顏檢為浙江巡撫由山東鹽運使遷○調和
東華續錄 嘉慶三十八 三
舜武為廣東按察使以韓克均為河南按察使由浙江溫處道遷○壬子
諭英綬前在朕前奏稱伊父勒保延請祝由科醫生呪治目病兼
有符呪等術及朕命軍機大臣傳訊英綬覆奏又稱醫生張泳甯
向係按法治病並非祝由科等語張泳甯吸氣吹瘡術涉異端必
應驅逐遠方以正首善風俗此犯雖非由英綬延致但伊奏對前
後兩歧實有應得之咎部議降三級調用念其兼任護軍統領此
次該營官兵內有中五箭者四人其平日訓練尙屬認真請敘應
加一級可抵去降一級仍有應得降二級調用處分英綬由侍衛
出身於武職尙堪勝任著加恩改為降二級留任所有鑲黃旗護
軍統領正黃旗滿洲副都統左翼總兵俱著照舊管理其於部務
不能諳習工部侍郎著即行開缺○以熙昌為工部右侍郎蘇紳
阿為理藩院右侍郎由內閣學士遷○調韓克均為雲南按察使伊湯安

為河南按察使○癸丑諭朕聞山東省吏治廢弛巡撫藩臬怠玩
因循毫無整頓先後降旨罷黜復派章煦那彥寶前往確查茲據
章煦等奏稱該省吏治廢弛地方凋敝官民交怨訟獄繁興倉庫
空虛人情刁悍詳加察訪畧口一詞同興身任封圻負恩弱職惟
游司朱錫爵之言是聽首府疑圖聲名狼藉一味姑容不加參劾
朱錫爵素好華侈綜理財賦漫不經心支發軍需毫無頭緒並時
令九如堂戲班在署演唱等語同興朱錫爵以撫藩大員如此廢
弛地方厥咎甚重同興昨已照部議革職朱錫爵前降補郎中不
足蔽辜亦著革職○丁巳以楊護為江蘇布政使廣慶為浙江按
察使由雲南糧道遷○調慶格為江蘇按察使楊懋恬為山西按察使○
內閣學士常亮以讀本錯誤降六品贊禮郎
八月辛酉諭汪志伊奏協副將吉耶阿年力正強曉暢營務
東華續錄 嘉慶三十八 四
前因箭未中靶奏請勒限半年再考今考驗得該副將馬步箭中
靶三枝仍請留任等語所奏甚屬非是副將有分閫之寄全在整
飭營務訓練官兵方為稱職至箭靶之中否乃一日之短長豈能
以此定其優劣如果該副將平日於營務認真經理訓練有方即
考驗時偶爾箭不中靶原可寬恕倘因循怠玩諸務廢弛或有別
項劣蹟雖試射合格豈能不加參劾吉耶阿既曉暢營務自應
仍留副將之任汪志伊前後兩奏均覺多事著傳旨申飭嗣後該
督於所屬營伍惟當實心簡覈秉公勸懲不可舍本逐末也○諭
御史蔡炯奏請禁粵民製造竹銃以弭兇關一招所奏非是直省
鞫審命案分別謀故圖殺其致命之傷則有火器金刃他物手足
之不同讞獄時但准情擬律定擬罪名其殺人器具不能強為屬
禁若謂竹銃可以殺人禁民製造凡民間日用金木器物何一不

可戕命豈得槩登例禁其手足傷人者又將何法以治之耶况增一禁令適為胥役增一詭索賄縱之門於戢暴懲兇毫無裨益至該御史所稱竹銃斃命之案招冊內不得聲敘希圖嚇退等詞火器殺人刑部均擬情實秋審時亦必予勾其希圖嚇退乃案情所時有並不以此加之實有招冊據情聲敘豈可槩事刪除該御史此奏所謂因噎廢食者無庸議○癸亥免河南被賊滋擾之滑縣等二縣新舊額賦○甲子 上御經筵○諭軍機大臣等初彭齡奏查辦虧空嚴禁密奏之弊一摺所奏甚是可謂實心任事能任勞任怨矣各省倉庫查有虧缺原應隨時懲辦前因積弊已久見任官大半非原屬之人是以令清查確實截止數目以期分限彌補乃自有清查以來各該督撫不但不能依限勒令彌補且不免有續虧每藉口於原報之數不實不盡以致每隔數年稽查一次東華續錄 嘉慶三十八 五

辨何以做官邪而慎國帑惟此時若即明降諭旨按律查辦不特難於重辟者人數過多且亦於帑項無益各州縣雖同一虧空其實在情形亦有不同即銀數各數亦有差等一經徹底查辦俱不難水落石出百齡初彭齡皆係實心任事之員著即會同查辦將歷任虧空之員各就該員名下查明實據此內貪贖營私損國課以肥私囊者指明參奏辜問寘之重典仍查鈔家產作抵等而下之何等者應革職監追向等者尚可暫行留任勒限追賠分別情罪重輕酌擬章程開單具奏候旨遵行俟江蘇一省辦定章程再明降諭旨令凡有虧空省分俱做照辦理以期國帑清釐咸知儆懼別除積弊再張師誠前因親病告假見將屆兩月其父母病證是否已愈未見具摺銷假江蘇省距伊原籍甚近著百齡初彭齡就近察訪週便摺奏○以安徽合肥等四十州縣水旱災撥藩庫銀二十萬兩採買米穀平糶○乙丑諭向例武殿試御紫光閣第一日閱視中式武舉由西苑門進內趨走不無擁擠本科武殿試朕於十月十八日御紫光閣閱視馬步射十九日在景運門外御箭亭閱視弓石回宮後帶領引見二十日升殿傳臚著為令○丁卯諭凡祭祀齋戒期內適遇忌辰其應用服色總以祭祀為重 南郊大祀前一日如適遇忌辰恭閱祝版時朕御龍袍龍褂執事人員均穿蟒袍補服其餘 大祀 中祀前一日適遇忌辰恭閱祝版時朕御龍褂執事人員均穿補服以昭肅著為令○命 皇太子智親王釋奠 先師孔子○戊辰調成格為工部右侍郎轉那彥寶為刑部左侍郎調熙昌為刑部右侍郎○辛未大學士勒保再以疾乞致仕允之予食伯爵全俸命托津為東閣大學士管理戶部以明亮為兵部尚書協辦大學士調瑚圖禮為戶部

尙書以伊冲阿爲左都御史由都○甲戌諭據那彥成奏請將查

拏逆犯畏蕙遷延之遊擊請旨革職一摺那彥成自抵直隸總督

任後於飭拏要犯未經緝獲一名此次訪有現蹤跡派遊擊副

勒畢善帶同跟緝前往查拏該遊擊遷延觀望以致逆犯聞風他

竄那彥成派委不慎咎無可辭乃僅參奏圖勒畢善並不請議

處甚屬非是嗣勒畢善著革職交京俟逆犯就獲後如訊明實係

祝現再治其罪若僅係次等之犯則革職已足蔽辜免其治罪那

彥成著革去雙眼花翎仍帶單眼花翎並交部議處將來祝現等

六犯悉數擊獲內山直轄員弁拏獲一二人尙可加恩賞還那彥

成雙眼花翎若無直隸員弁拏獲者不能邀恩賞還也○乙亥胡

長齡以疾免以戴均元爲禮部尙書茹茶爲左都御史由工部左

○丙子以王以銜爲工部左侍郎由內閣學士遷○戊寅 上啓鑾謁

東華續錄 嘉慶三十八 七

東陵○免經過地方額賦十分之三○庚辰諭軍機大臣等據伯

麟等奏昨工見辦堵築事宜請共繳養廉銀一萬五千兩解往備

用等語封疆大吏祿入豐厚值國家辦工需費之時情殷捐助亦

屬分所當然但昨工距雲南幾及萬里該處工費前據吳璥等通

則伊等義切急公是亦在所不禁也○辛巳 上諭 昭西陵

孝陵 孝東陵 景陵 裕陵回鑾○召素納來京以錢臻爲直

隸布政使李鑾宣爲直隸按察使由通永○甲申 上還京師○

丁亥以曹師會爲內閣學士由左副都御史遷○以何鏡爲太僕寺卿瑞

齡爲陝西布政使訥福爲福建按察使由山西真

九月戊子朔諭百齡初彭齡參奏藩司不將新虧之弊實力剔除

請先行革去頂帶一摺藩司專司錢穀杜絕那移先須將本年應

解之款依限催提見當清釐庫款之時江甯江蘇兩藩司於本年

上忙銀兩承催不力又不據實揭參實屬玩縱陳桂生常格俱著

革職留於該省戴罪督催如能如數完解該督撫查明另行施恩

賞給差使儘逾限不完卽奏請嚴議分別著賠將經徵玩誤各員

一併嚴參治罪○禁直省督撫以下官延屬員襄理幕務○調瑞

東華續錄 嘉慶三十八 八

齡爲福建布政使以楊懋恬爲陝西布政使調訥福爲山西按察

使以習振翎爲福建按察使由汀漳○辛卯以廣泰慶明俱爲內

閣學士廣泰由左副都御史慶明由太常寺卿遷○癸巳諭李鴻賓奏微山湖水收復

舊規一摺近年微湖收蓄短絀皆因引渠淤塞不能進水又兼各

關啓閉失宜以致耗洩過多不敷濟運朕特授李鴻賓爲河東副

總河督辦收蓄事宜茲據奏稱測量微湖誌椿已收至一丈一尺

九寸二分較之定誌僅短八分見在來源甚旺計可於收符舊制

外更有贏餘其蜀山南旺昭陽等湖均已儲蓄充盈辦理甚屬認

真李鴻賓係嘉慶六年進士由翰林改擢科道資格尙淺朕簡

用副總河後能盡心妥辦不負委任著加恩賞給二品頂帶以示

嘉獎○加托津太子太保○調員安爲戶部尙書瑚圖禮爲禮部

尙書○丙申以南河秋汛安溯于黎世序二品頂帶○癸卯諭軍

機大臣等據御史陳鍾麟奏本年江蘇省被旱歉收亟需調劑聞該省州縣官因藉口設措虧項於民情災務未能兼顧見際顆粒如珠備徵收漕糧借彌補名目多方勒指則弊曲窮黎更形支絀請飭令該督撫悉心妥辦毋得顧此失彼等語江蘇倉庫虧缺皆緣貪官污吏恣意侵欺飽其慾壑平素視國帑為己私指官虧為民欠究之實在致虧之由與民何涉實堪切齒痛恨斷勿令其倖免此時虧空惟當將各該員名下所虧實數按款徹查指明參辦或籍沒或追賠或責限彌補一一罄其私貨償補足數辦理方為允協若州縣因籌補舊虧藉徵收為設措則是官侵吏蝕其累悉歸於民甚或不肖之徒轉復藉此漁利公項未清私囊又飽其腴民伊於胡底江蘇見當荒旱之年米糧缺少正須盡心撫字豈可因官員之不肖苦累蒼生此時果有實欠在民毫無影射伊等查東華續錄 嘉慶三十八 九

明據實陳奏朕仍卽酌量加恩當與官員舊虧分別辦理可也張師誠昨已起身赴任初彭齡於交篆後著作為欽差暫留江蘇仍會同該督撫將此事詳悉妥辦俟辦定章程再來京供職其該御史所奏招徠商販勿過於抑勒市價俾令踴躍運販之處並著該督撫酌量情形隨宜妥辦○以景祿為左副都御史由通政使遷○甲辰諭軍機大臣等本日章煦等奏交卸撫篆各摺陳預接受撫篆後所有地方刑名錢穀事務自應由該撫專辦章煦著以欽差暫留該省此時逆犯未獲將緊要著章煦會同陳預密飭嚴拏勿任久匿違屬是為至要又東省各州縣倉庫虧空一事伊二人應即督同藩司慶放將該州縣所虧實數及致虧之由逐一究出如同與朱錫爵二人及凝圖等有染指得贓情事當不避嫌怨指名參奏如同興等並無染指亦應將州縣內侵蝕肥己者據實嚴參

勿使倖免其餘分別嚴辦此等貪官污吏恃入已久或籍沒或追賠或勒限彌補惟當一一罄其私貨償補足數不得任其以民欠為詞如實有未完民欠伊二人確切查明並無影射奏明後方可酌量施恩章煦俟將此事辦定章程再行來京供職○王子訓普恭為倉場侍郎轉禮恩為兵部左侍郎以恩甯為兵部右侍郎由內閣學士遷○癸丑命河東副總河歲支養廉銀四千兩○以陸以莊為左副都御史由宗人府府丞遷○丙辰諭陳預奏東省藩庫收支款項應令按旬詳報一摺東省藩庫支發各款向不詳明巡撫止有月報而所報又係籠統開載以致節年支發彌補各款膠轉不清殊非慎重出納之道著照該撫所請嗣後飭令藩司將收支銀兩按旬詳報巡撫備案如非常例應支及本款無項而借動別款者俱令隨時詳明巡撫俟數定方准支放庶款項互有鉤稽免致日久弊混東華續錄 嘉慶三十八 十

冬十月甲子召伊湯安來京以琦善為河南按察使由通政使司副使遷○乙丑以伊冲阿為烏里雅蘇台將軍慶溥為左都御史由烏里雅蘇台將軍遷○常福緣事解任調成格為戶部右侍郎穆克登額為工部右侍郎轉寶興為禮部左侍郎以穆彰阿為禮部右侍郎由內閣學士遷○丁卯以安徽廬州鳳陽等府水災撥藩庫銀一百一十五萬兩備賑○己巳諭阮元奏拏獲逆案主謀夥要各犯先行審明辦理一摺此案逆匪胡秉輝買得殘書一本內有陣圖及悖逆俚語即向逆夥邱添澤楊易盧勝輝誇稱解得書內陣圖如得有為首起事之人便可圖取富貴楊易隨以朱毛俚可以假託前明後裔朱毛俚自認不疑遂共赴積善禪林同謀為逆取逆書內俚詞稱為後明晏朝年號偽封胡秉輝等官職展轉糾約入夥給與偽札該逆

等踐土食毛膽敢性同梟獍自外生成實屬罪大惡極阮元到任未久即能飭屬於地方編查保甲嚴密查辦遂將鉅案立時發覺辦理迅速實屬可嘉阮元著賞加太子少保銜並賞戴花翎卽發去花翎一支白玉翎管一箇並賞給大荷包一對小荷包四箇各省承平日久奸惡潛生全在地方大吏飭屬認真查察除秀卽所以安良上年林清一案其倡為逆謀已經數歲如直隸總督順天府尹等於該逆等未經舉事之先早能如此次之訪聞捕獲人數不多豈不甚易乃經歷年所如聾如瞶及至釀成巨逆毗連三省罹於刑誅兵革者為禍甚烈實皆該大吏等因循怠玩貽誤所致各該督撫具有天良能不引以為鑒耶案內胡秉輝等十七名業已分別凌遲斬決辦理程麟祥等三十五犯定擬發遣為奴尙屬輕縱著改為絞監候入於明年秋審情實該撫卽將各犯分交各

東華續錄

嘉慶三十八

十一

府監禁不准與外人交接通信如稍不安靜卽行正法至朱毛僅一犯尤為此案罪魁必應卽時擊獲處以極刑以快人心而伸國法著兩江湖廣閩浙各總督江西福建浙江江蘇安徽湖北湖南各巡撫一體飭屬查拏如於何省拏獲卽由該督撫訊取供詞由四百里具奏一面卽於該省正法各該督撫皆當視朱毛僅一犯在伊境內藏匿飭屬認真嚴密訪拏務在必獲不得以見在已飭鄰省查拏彼此恃有委卸稍為鬆勁如阮元能於江西境內拏獲仍當給予議敘其餘曾化龍等十九犯拏獲後如訊係倡謀推奉朱毛僅為首之犯卽凌遲處死如得受偽封官職並刺約人眾者卽斬立決備明知叛情聽從得受憑票並未受職刺人者擬絞監候入於明年秋審情實將此通諭知之○庚午以那丹珠常英敬徵俱為內閣學士那丹珠由詹事常英由大理寺卿敬徵由刑部統選○丁丑賜丁殿爵等

四十八人武進士及第出身有差○丙戌以慶格為貴州布政使毓岱為江蘇按察使由蘇徐道遷

十一月壬辰徵瑞緣事革職轉穆克登額為工部左侍郎調潤祥為工部右侍郎以德文為盛京戶部侍郎由刑部員外郎遷○王寅調潤

祥為倉場侍郎普恭為工部右侍郎○以陳若霖為四川布政使曹六興為四川按察使由建昌道遷○丁未命英和暫在軍機處行走

○戊申諭軍機大臣等御史陶澍奏紅鬚匪徒日熾敬陳緝捕事宜一摺河南南汝光一帶以及安徽穎毫等處向多紅鬚匪徒屢

經降旨飭緝總未斂戢今據該御史奏稱近來日聚日多橫行益甚每一股謂之一捻子小捻子數人數十大捻子一二百人不等成羣結隊公肆搶劫或奪人貨財或搶人妻女甚至奪人目睛

且有頭目指揮河南之息縣光山正陽羅山汝陽項城為尤甚其

東華續錄 嘉慶三十八 十一

在逃未獲之王妮子卽屬頭目而地方官捏稱為從其在安徽者

有李東山馬大振二人最為出名見在藏匿阜陽縣境內每人手下約有千人州縣顧預不辦等語除奏安良為地方官專責若畏

難不辦日久養癰益滋隱患該御史摺內指稱人名地方官鑿鑿有據其言必非無因且該匪徒夥黨約有千人則在逃未獲之逆犯

祝現劉成章等難保不投入其中冀延殘喘著方受驍胡克家各

遴選委員在河南息縣等處安省阜陽境內將王妮子李東山馬

大振三犯按名捕獲審明嚴辦並密訪各逆犯有無漏迹在內者

設法查拏毋稍疏縱再本年安省積毫一帶收成歉薄饑民甚多

胡克家尤當密諭委員持以鎮靜務須不動聲色將指拏匪徒逆

犯嚴密緝捕首犯就獲則其餘夥黨自必畏懼解散不可張皇海

捕致令夥眾驚擾激成事端此為至要○己酉命開墾伊犁養息

牧廠荒地○癸丑命開墾吉林所屬拉林東南夾信溝荒地○乙卯諭軍機大臣等朕聞本年八九月間有英吉利護貨兵船遠例闖入虎門又有英吉利夷人呵噶喇前於該國入貢時會隨入京師年幼狡黠回國時將沿途山川形勢俱一一繪成圖冊到粵後又不回本國留住澳門已二十年通曉漢語定例澳門所住夷人不准進省呵噶喇在粵既久夷人來粵者大率聽其教訪日久恐致滋生事端著蔣攸銛等查明呵噶喇有無教唆勾通款蹟如查有實據或遷徙安置奏明妥辦○丙辰李長森以疾免調慶格為江蘇布政使以史致光為貴州布政使張暉古為貴州按察使由州道

十二月戊午諭蔣攸銛奏請生監考試擬令默寫 聖諭廣訓以端士習而厚民風一摺向來直省各學政歲科考試取進童生覆東華續錄 嘉慶三十八 試時定有敬謹默寫 聖諭廣訓之條誠以士為民倡果能平時服誦相與宣講內而砥礪躬行外而化導鄉俗自見薰德善良風氣日臻淳厚其直省各學監生不由童試素未誦習而生員於取進後亦日久不復誦誦該生監等身列膠庠為齊民之表率尤應令其修德懷刑導民先路著禮部通行直省各學政嗣後歲科兩試並貢監生錄科考遺均一體敬謹默寫 聖諭廣訓一二百字其不能默寫者按其文藝遞降等第及斥置不錄庶生監等勤加肄習共相漸摩俾細曲小民咸知觀感用副朕化民成俗之意○諭軍機大臣等蔣攸銛等奏密陳夷商貿易情形及酌籌整飭洋行事宜一摺所奏俱是粵省地方瀕海向准各國夷船前來貿易該夷商遠涉重洋懋遷有無實天朝體恤之恩然懷柔之中仍應隱寓防閑之意近來英吉利國護貨兵船不遵定制停泊外洋竟

敢駁至虎門其說詐情形甚為叵測蔣攸銛示以兵威派員詰責該大班始遞稟謝罪此後不可不嚴申禁令該夷船所販貨物全藉內地銷售如呢羽鐘表等物中華儘可不需而茶葉土絲在彼國斷不可少備一經停止貿易則其生計立窮書云不寶遺物則遠人格該督等當深明此意謹守定制內固藩籬不可使外夷輕視嗣後所有各國護貨兵船仍遵舊制不許駛近內洋貨船出口亦不許逗留如敢闖入禁地即嚴加驅逐儘敢抗拒即行施放槍礮以兵威使知畏懼所有該督等請嚴禁民人私為夷人服役及洋行不得搭蓋夷式房屋舖戶不得用夷字店號及清查商欠不得濫保身家淡薄之人承充洋商並不准內地民人私往夷館之處均照所議行○以浙江杭州嘉興湖州三府旱災命浙西湖以工代賑○己未以江蘇吳縣等三縣旱災撥附近倉米六千石東華續錄 嘉慶三十八

備賑○辛酉瑚圖禮卒以穆克登領為禮部尚書景祿為工部左侍郎由左副都 ○癸亥諭前據鮑桂星條奏武英殿刊刻校勘事宜一摺當經降旨交軍機大臣議奏又另片參奏提調劉榮楠等聲名平常即派總理事務王大臣及武英殿總裁會同秉公查奏及蘇恩等奏上時朕召見常福據奏伊等在武英殿查詢時提調劉榮楠對取指稱鮑桂星因熙昌校勘修改恐致遲延會言熙總裁所校不過偏旁點畫可以將就並言近日有旨旗人多靠不住此時督撫多用漢人等語當交軍機大臣傳詢鮑桂星即據認有此語係本年秋間問自周兆基並稱在部與滿員共事見多有徇私背公者適是日周兆基自盛京差回遂著傳詢周兆基兼令鮑桂星將徇私背公係何人何事據實指出隨據周兆基登覆伊於召見時並未奉有此諭旨亦未與鮑桂星言及見在已據鮑桂星

自認彷彿記憶是日赴園太早假寐初醒周兆基所言聽聞不真其鮑桂星所指照日屬託武英殿供事又託將吉林開採煤窯議准及慶溥託伊工程委員等款據照昌登覆實無請託供事之事即鮑桂星亦不能指出所託供事姓名其屬託吉林煤窯一節據照昌覆稱但言吉林請開煤窯係屬好事並非託其議准慶溥登覆止認會在朝房問過鮑桂星所奏何事鮑桂星答以具奏董率工程亦未屬託委員以上各情節如果鮑桂星存心公正則周兆基以召對時諭旨失口向人宣露鮑桂星應立時參奏朕必將伊加以褒獎乃以彷彿無稽之言輒向劉榮勳轉述其誕妄之罪向何所辭即慶溥照昌等果有屬託情弊鮑桂星亦應將所託何人何事原交名條據實參奏乃因口舌爭競牽連率指一經研究全無證據豈能以此坐周兆基等之罪鮑桂星任性乖張妄言亂政東華續錄 嘉慶三十八年 去

著交部嚴加議處慶溥於鮑桂星不同部院其所奏何事本不應與聞乃率行詢問以致鮑桂星疑有屬託慶溥著交部察議周兆基照昌均無庸議等語上得旨鮑桂星指託慶溥照昌等屬託公事一無證據其咎猶小至其所述朕輕滿洲重漢人之語此則妄言亂政之大者朕統御寰區滿洲漢人一視同仁從無偏愛偏憎於其間國家設官定制如東三省及新疆各城並各省駐防文武大員皆專用滿洲此因地制宜之道有漢人所必不能勝任者若直省督撫滿漢開用因材器使惟視其人之賢否何嘗有畸重畸輕之見乎鮑桂星以私意揣度為此無稽之言謬妄已極著即照部議革職不准回籍令其在京閉門思過仍責成五城御史不時稽察如私著詩文有怨望誹謗之詞即行嚴參從重治罪不貸○乙丑以王鼎為工部右侍郎由內閣學士遷○壬申以湯金釗為內閣學

士由詹由通政使遷○甲戌以永祚為左副都御史○庚辰諭軍機大臣等托津等奏查辦初彭齡參奏百齡張師誠大槩情形一摺此案初彭齡原參百齡得受泰場永豐兩場公費一款見查得此項公費從前奏明有案自乾隆五十三年以來歷任總督均提充本衙門公用有案卷可查並非始自百齡不得謂之需索其所稱巡撫衙門提解海關揚關兩處公費並張師誠未經到任先行提用一節據查明張師誠於此項銀兩並未提用見在托津等飭調中軍馬進並提查案卷自可得其原委此內有情節最關緊要必須徹底查明者係初彭齡所稱百齡於兩場公費外尚有縣丞傅祖楮吏目胡開聖檢核陳青照等派管兩場之時百齡得受銀二萬四千兩均係馮湖過付一款又張師誠向劉雲查問關稅致劉雲心疑復索送銀二千兩一款百齡張師誠身任督撫如果婪索賤私必當嚴辦示懲但必須得有確據方能治伊二人以重懲不飭之罪著托津等向初彭齡詢問伊所稱百齡張師誠收受此兩項銀兩究係何人告知有何人堪作證據此時贓物何在即業已用去亦有實在下落伊既稱閩省皆知不難指出向伊告知之人姓名傳案質證果經查訊屬實即將百齡張師誠據實嚴參治罪勿稍贖徇設查究此二款初彭齡不能指出實據則百齡張師誠均係一二品大員亦不能以毫無指實之言妄行參劾汚其名節托津等即將初彭齡陳奏不實之處據實嚴參見已降旨將常格馮湖二人解任交軍機大臣會同審訊一經訊有確供即由驛發交托津等嚴辦托津等當先就提到人證案卷詳細確數以憑質對又百齡保奏幕友縣丞楊德填一節據初彭齡稱楊德填長年在百齡署中幫辦筆墨於河工防禦事宜並未出力等語據百齡稱

該員隨辦軍務晝夜辛勤又因請悉河務復留其在署稽覈工程文案是以兩次保奏會於奏片內切實聲明等語楊德垣是否於防禦河工兩案均屬出力並著托津等就近查明並提奏案覆對據實具奏至江甯各屬是否有積虧六十餘萬陳桂生稟覆初彭齡原稟內稱此項銀兩本未列清查項內見在已經批解支撥者三十餘萬等語果否確實並著托津等查明據實具奏○察未諭托津等奏審擬廖思芳妄擊劉第五一案廖思芳明知並非逆犯有意故陷平民其未過教誘劉第五供認造反及識認林清並一告以林清年歲狀貌係廖思芳指使見已供認確鑿百齡於此等重案不詳慎研鞫率以廖思芳恐嚇教誘供詞冒昧入奏若非部臣平反幾成冤獄百齡不必交部議處著革去官銜及協辦大學士暫留兩江總督之任廖思芳失察伊子妄擊教供著交部嚴加議處已革知縣蔣承紀周以勳承審重案不將傷痕確實相驗又未查出教供情弊著照例開復交部議處○以吏部尚書章煦協辦大學士○增設河南滑縣都司一員○是歲朝鮮琉球來貢○會計天下民穀數各省通共大小男婦三萬一千六百五十七萬四千八百九十五名口各省通共存倉米穀三千八十萬二千八百六十九石九斗一升七合五勺

東華續錄

嘉慶二十年乙亥春正月丁酉諭托津景安奏遵旨查辦初彭齡原參百齡張師誠一案據實查明分別參奏一摺此案前據初彭齡參奏百齡於兼署巡撫時管關道員鍾琦會經幫貼捐差盤費銀一千二百兩張師誠告假在籍時差弁捐奏及到任後遣人回家一切盤費俱在稅項內動支又張師誠向管關道員劉濠查問關稅劉濠因此送銀二千兩並風聞百齡向有收受永豐壩泰壩委員餽送銀二萬餘兩之事特派托津等馳往清江秉公查辦茲據托津等查明此項巡撫衙門提取兩關銀係相沿陋規由來已久此次百齡署巡撫時會因蘇屬出差兵丁口食不敷由藩司議

詳在海關提銀一千二百兩揚關提銀八百兩發賑生息以資津貼至張師誠未到任時捐差等項委係自發盤費即到任後亦未動用稅銀其劉濠解送公費銀二千兩張師誠亦駁斥未收至兩壩解送總督衙門銀兩係奏明批解公費此外百齡並無收受餽送情事是初彭齡原參均係不確初彭齡原奏摺內據稱百齡張師誠節次需索提用銀數係由藩司常格告知經朕派令軍機大臣傳到常格兩次詰訊常格堅稱並無此語昨初彭齡覆奏摺內亦自稱輕率入告陳奏失當不能舉出證據無可置辨等語初彭齡奏事不實咎無可辭著交部嚴加議處伊見在承審銅山縣監生崔雨辰控案審結後即行來京聽候部議百齡提取兩關稅銀項下發縣生息以資兵丁差費雖係以公濟公惟率據可詳並不奏明辦理究屬不合著交部議處張師誠於捐差等項盤費並未

嘉慶二十年

王先謙

周瀚

支用關項其在籍居住時江蘇標弁就近迎至其家張師誠即應以尙未到任飭令回蘇仍留供差遣亦有不合其過尙輕著改爲交部察議至陳桂生前因督催上忙不力經初彭齡參奏續又効其於所屬虧短庫項掩蓋彌縫職職速問今據托津等查明陳桂生先後詳稟各案並無含混隱匿情弊其所催上忙亦已完報七分有餘陳桂生著來京以從四品京堂補用尋議上得旨吏部具奏議處初彭齡等一摺初彭齡秉性褊急素以糾彈爲能朕屢加訓誡以嫉惡過嚴本屬爲公然輕於舉發不察虛實久之爲人窺測卽有造爲謾菲之詞朕令排擊者在己方以爲持正而不知適爲人所用藉以快其私忿此次所參百齡張師誠各款如果屬實試思伊等當得何罪豈僅視職所能蔽辜乃率以無據游詞飛章入奏殊屬輕躁部議降二級調用實爲咎所應得因伊任內有革職留任之案議以革任初彭齡尙不至廢棄著加恩照所降之級以內閣學士來京候補餘依議○戊戌諭軍機大臣等百齡等奏據藩司楊護詳參嘉定寶山奉賢三縣未完下忙錢糧有二萬數千兩一萬數千兩不等請將知縣吳桓姚鳳楷張敏求三員革職並聲稱該三縣均係有漕之處難以驟易生手俱請暫留本任其督催不力之松江府宋如林太倉州朱景昌先行革去頂帶予限督催經該督等查與新定章程不符業經批駁等語官屬民欠情事判然州縣未完之項如係官員虧缺卽當查明嚴參離任若追分別覈辦如係官員虧缺而詭言民欠更應加重治罪以儆貪墨若果係民欠則當於奏銷時按照分數將經徵督催各員分別參處必須區別分明不容消潤江蘇省查辦虧空甫經議定章程期於法在必行今嘉定等三縣未完銀兩究竟係屬官虧抑係民欠

並未查明籠統參辦如民欠屬實則此時奏銷尙早何遽將三縣先予革職處分若竟係以完作欠侵蝕官帑則此時立法之初既已參奏革職又復藉辦漕爲詞聲請暫留本任是又爲不肯芻員開懸缺之門似嚴實寬通省州縣更復何所儆懼新定章程豈不竟成虛設耶所有嘉定等三縣未完下忙錢糧著該督撫確實查明分別覈辦嗣後惟當恪遵新例實力奉行如有應行參劾之員均不得藉經手要事爲名復請留任以杜掩飾○癸卯以吳璥爲兵部尙書李鴻賓爲河東河道總督由副總○戊申戶部議准四川總督常明奏清溪縣松坪土司馬駱氏並所轄柘木園等處二十八堡夷眾請改土歸流以其地之深溪溝爲界東北牛心山柘木園一帶夷民八百四十三戶歸我邊廳管轄西南松坪上堡下堡一帶夷民九百九十戶歸清溪縣管轄照例納糧該土司仍世

東華續錄 嘉慶三十九

一

東華續錄 嘉慶三十九

三

給土千戶職銜從之○己酉諭初彭齡奏茅豫自上年入冬後忽染耳聾病證請回籍調理等語茅豫前在山西河東道任內因參奏陳桂生虛妄降用京職上年隨初彭齡出差嗣初彭齡署江蘇巡撫奏留伊在署辦事當經降旨將茅豫留於江蘇以知府候補此次初彭齡參奏陳桂生失實必係茅豫挾嫌從中從譏見在初彭齡差竣回京茅豫係江省候補人員卽因病乞假亦應由該督撫題奏乃稟請初彭齡爲之具奏顯係規避茅豫著革職永不敘用初彭齡以非其所屬之人代爲陳請侵占事權殊屬專擅初彭齡再者交部嚴加議處尋議上得旨上年初彭齡奉使廣西茅豫由刑部司員隨往初彭齡差旋復命若茅豫仍係司員尙可隨同回京中部請假茅豫前已奉旨留於江蘇以知府候補卽係外省官員非初彭齡所屬伊稟請給假初彭齡自應移咨該督撫驗明

職留任之案議以革任初彭齡尙不至廢棄著加恩照所降之級以內閣學士來京候補餘依議○戊戌諭軍機大臣等百齡等奏據藩司楊護詳參嘉定寶山奉賢三縣未完下忙錢糧有二萬數千兩一萬數千兩不等請將知縣吳桓姚鳳楷張敏求三員革職並聲稱該三縣均係有漕之處難以驟易生手俱請暫留本任其督催不力之松江府宋如林太倉州朱景昌先行革去頂帶予限督催經該督等查與新定章程不符業經批駁等語官屬民欠情事判然州縣未完之項如係官員虧缺卽當查明嚴參離任若追分別覈辦如係官員虧缺而詭言民欠更應加重治罪以儆貪墨若果係民欠則當於奏銷時按照分數將經徵督催各員分別參處必須區別分明不容消潤江蘇省查辦虧空甫經議定章程期於法在必行今嘉定等三縣未完銀兩究竟係屬官虧抑係民欠

患病虛實由該督撫照例題奏設有捏病規避情事由該督撫據實劾參方為正辦乃初彭齡率行入奏並稱一面分咨該督撫辦理實屬專擅初彭齡前經部議革任經朕施恩以內閣學士補用此次復蹈愆尤本應即予褫革姑念伊由翰林出身尚堪以文學自效著加恩以翰林院侍讀侍講降補○辛亥以陳桂生為甘肅布政使候補四品京堂○癸丑九廷臣請編御製文二集○是月江蘇巡撫張師誠奏謝得旨此一番舉動皆由茅謙播弄所致總欲陷害陳桂生波及於百齡及汝初彭齡剛愎性成為所驅使汝不必結怨惟返躬自責勉為良臣朕未昏耄豈能任小人肆其伎倆乎○浙江巡撫顏檢奏謝得旨汝操守好才幹優所欠者愛積小陰功心慈面軟不能振作是以屬員止知懷德而不畏威吏治弊壞皆由此起猛以濟寬汝其勉之

東華續錄

嘉慶三十九

四

二月丁巳朔諭本日章煦等奏山東通省州縣虧缺銀新陳共積有六百餘萬兩該省做壞一至於此實堪痛恨此項虧缺皆起於嘉慶元年以後此十餘年來朕並未舉行東巡致勞供頓其該省大吏亦從無貢獻珍玩等物此中外所共知將復何所藉口皆由歷任巡撫藩司職職玩公縱令不肖州縣將國帑付諸漏卮此內若謂一無賄索其誰信之姑念事屬已往不加深究著軍機大臣查明該省自嘉慶元年起至十九年止巡撫藩司在任年月久暫其業經身故者查明伊子弟有無職官開單具奏候朕酌量分別罰賠以示懲儆尋議請將該省無著銀十七萬八千三百六十餘兩罰令嘉慶元年以後歷任巡撫藩司按照在任月日分賠從之○戊午 上御經筵○調陳桂生為江甯布政使楊懋恬為甘肅布政使慶斌為陝西布政使以和舜武為山東布政使調李繼宣

為廣東按察使以威泰為直隸按察使由通永道遷○辛酉諭軍機大臣等喜明等奏復接廓爾喀王來稟遵旨嚴行駁飭緣由一摺廓爾喀與披楞互相爭鬪自取敗衄天朝豈能過問乃屢次瀆求賞助金銀並向達賴喇嘛班禪額爾德尼等求為幫助口糧殊為貪詐喜明等遵照諭旨嚴行駁飭所辦甚是其達賴喇嘛班禪額爾德尼於接到廓爾喀來信亦俱能正詞駁斥絕其覬覦之心朕披閱進呈各信底均甚妥協著喜明等檄知以爾國見與披楞打仗一事據爾來稟所言爾國兵丁被披楞損傷固多但爾國殺害披楞之人前後計有八千餘名亦屬不少可見爾國兵勢尚足以抵禦披楞若謂披楞廣有金銀爾國既能殺敗披楞所得財物分給爾國兵丁亦可不至窮苦何得飾詞求助况天朝撫馭外藩從無賞給餉銀令與鄰國構兵之理即如緬甸與暹羅國為天朝屬國

東華續錄

嘉慶三十九

五

伊兩國從前果有爭戰之事彼時大皇帝從未偏助今爾等彼此相爭事同一律若此時幫助爾等豈披楞前來求助亦幫助披楞乎如此明白曉諭該國王自不能再行瀆請至陽布地方關係緊要不可不密為備禦固守藩籬喜明等當督率邊界營汛加意訓練留心防範並派明幹將弁在彼時常偵探如披楞與廓爾喀止在邊外搆讐總當置之不問倘或披楞之兵竟敢闖入界內侵擾陽布地方必當示以兵威痛加剿殺立時驅逐出境勿稍疏懈○甲子慶斌緣事降調調陳觀為陝西布政使以吳邦慶為山西布政使由內閣侍讀學士遷○丙寅以海慶為河南布政使敦良為安徽按察使由陝西遷○戊辰諭乾隆年間會纂輯秘殿珠林石渠寶笈正續二編所有列聖宸翰暨古今臣工書畫業經繕寫成書尊藏秘閣茲查續編成於乾隆癸丑迄今二十三年 皇考聖學淵深

無美不備染翰揮毫收藏內府者又積至于有餘件之多朕自丙辰受璽以來幾暇怡情惟以翰墨為事閱時既久卷帙亦繁應一併詮次用志歲月至內外臣工祝嘏抒誠所進古今書畫亦復不少允宜遵照前書定例重為遴選昭示來茲著內廷翰林英和黃鉞姚文田分班至懋勤殿悉心檢閱並添派翰林院侍講學士吳其彥庶子張駿侍讀顧皋洗馬朱方增修撰吳信中龍汝言編修沈維鏞胡敬入人暫停其在館差使逐日隨同繕寫俟辦理完竣後仍回本衙門供職即於本月二十九日入直朕在宮時翰林等著由乾清門出入遇朕駐園巡幸之日著由內右門出入其一切事宜均查照前例辦理○癸酉諭御史孫汝奏查有虧空州縣應飭離任以杜弊端一摺州縣虧空屢經明降諭旨嗣後該管上司一經查出即據實參辦照侵盜那移定例革職拏問按限監追治罪豈僅止於離任見在江蘇山東查辦虧空因其積弊已久展轉接受此時新任官員大率非原虧之人是以另立章程分別責令完繳其中有係新虧之員亦仍照定例參辦未嘗稍從末減致啟玩視至追補舊虧責成該撫藩臬酌調劑各大吏果存心公正自能獎廉黜貪勸懲兼施吏治肅清倉庫亦均收實效不在多立科條動輒窒礙難行毫無裨於實政也○河南睢州二堡隄工合龍○乙亥諭給事中黃中健奏請復禁銅收銅舊例以裕錢法一摺所奏甚屬不知政體國家因時立政期於便民自乾隆初年停止銅禁以來已八十年民間無不稱便而京省各局銅斤亦並無缺額之虞昨歲朕曾降旨停止外省呈進銅爐火盆以節糜費而裕鼓鑄酌盈劑虛道貴適中至民間日用所需安能以數十年弛禁之物一旦設為苛令察及錙銖從前永祚楊燁曾節次奏請禁用

銅器皆經戶部議駁今該給事中復請申嚴銅禁並請飭令官民家內所存黃銅器皿築以三年為限悉數繳官如逾限不繳者查出以違例論罪此令一出必致紛紛擾累胥役訛索鄰里控訐訟案煩滋究於錢法奚裨耶所奏不可行著無庸議○甲申台斐音卒調慶保為廣西巡撫以曾煥為貴州巡撫趙慎畛為廣東布政使廉敏為廣西按察使由直隸口北道遷○調廣慶為貴州按察使張曜吉為浙江按察使

三月丁亥朔 上親耕藉田○庚寅 上啓鑾謁 東陵○免經過地方額賦十分之三○辛卯榮郡王蘇德克圖賞治喪銀五千兩予祭葬諡曰恪○壬辰諭晉昌等奏審明已革佐領烏爾圖夥同賊犯謀殺防禦海甯阿從嚴定擬一摺此案於上年十月內據晉昌等奏坐卡章京捏稟舞弊等情朕即以賊犯黃嚨有偷砍木植

東華續錄 嘉慶三十九 七
烏爾圖既係知情其所報海甯阿患病外出不知去向焉知非卡員等夥同作弊海甯阿一人獨不肯染指致遭戕害與從前王仲漢謀死李毓昌情事相類當飭該將軍等務查海甯阿實在下落勿任稍有枉縱據該將軍等訊出海甯阿於烏爾圖私帶賊犯曾有欲行稟揭之事烏爾圖到案供詞猶復狡展復經朕降旨將晉昌等審辦此案失之寬緩嚴行申飭該將軍等訊明烏爾圖於上年派充坐卡總巡行至邊防邊門即商同黃嚨有私帶賊犯樊十等出邊打牲並私挖人蔭局邊後坐卡防禦海甯阿展向不依又將烏爾圖縱令出邊之黃嚨有張得占等拏獲不允贖放烏爾圖遂與樊十商同誘令海甯阿同赴江邊釣魚乘其不備樊十點槍將海甯阿立時打斃卓青阿黃嚨有幫同擡屍拋棄江中滅迹其與王仲漢謀害李毓昌一案情節相似體骨漂流更為慘

酷果不出朕所料可見聽訟必須細心設竟如晉昌等初奏顛預率結使正兇漏網奇冤莫雪成何事體烏爾圖身係職官夥同賊犯越邊偷竊業已行同盜賊又因海甯阿持正不依遂商同致斃焚十本係賊犯手戕職官該二犯情罪重大俱著即行處斬於行刑時先行重責四十板焚十並著梟首江干示眾烏爾圖之子不論幾人俱著發往伊犁以示重懲黃惘有先有割破海甯阿胸心之語已有謀害之心卓青阿雖會將人命事大之言向烏爾圖勸阻然仍持竿賺海甯阿至江邊釣魚後復幫同棄屍該二犯均屬同謀加功依律問擬絞監候趕入本年秋審情實其餘罪名著軍機大臣同行在刑部再行覈議具奏海甯阿以防禦微員於佐領烏爾圖縱賊出邊屢加阻斥其擊獲黃惘有等之後不肯徇情贖放烏爾圖分給馬匹又拒不受並備呈欲行控揭守正不阿以

東華續錄

嘉慶三十九

八

致被害實堪嘉憫海甯阿著加恩照三品參領陣亡例給予卹典並著該將軍查明伊見有幾子或無子嗣並查明兄弟幾人是否子堪以立繼覆奏到日再行降旨施恩尋奏上得旨海甯阿長子雙英賞給驍騎校○甲午諭百齡等奏覆查茅濂劣蹟並初彭齡各款一摺初彭齡經朕擢用有年內任卿貳外歷封疆宜何如勵精圖報乃於署江蘇巡撫任內沈湎於酒以致辦理棄業親自畫題者五十三件畫行者五十二件其委茅濂代為畫題者五十七件畫行者五百二十一件巡撫衙門案案皆係地方刑名錢穀要務何得假手於人朕日理萬幾於臣工奏牘無不親加批答初彭齡輒敢自耽逸豫倩人畫諾然則署理撫篆所署何事上年初彭齡參劾陳桂生續報收銀文冊先後互異一摺係於十月初九日拜發其摺內稱陳桂生並不聲明何員那解合混具報其實陳

桂生已將署溧水縣知縣劉翰周另詳揭參係與續報收銀文冊同於十月初八日到院業經初彭齡於文面標明日期乃有心隱匿原摺摺內漏不聲敘見據茅濂供稱此件另詳並未給看則初彭齡於此事竟係有意文致陳桂生之罪是誠何心各處欽差督撫奏摺奉有硃批發回應各自祇領拆閱見據茅濂供稱初彭齡與百齡等兩議查辦虧欠章程奏到批回時將百齡等原摺私自拆閱見有不敢昧良孤恩之語遂謂百齡等有心將伊參革發怒臆款將百齡等劾奏至茅濂並未耳聾見據自行供認係屬捏報並稱初彭齡先許代為告病以上各款實屬改弦易轍任性妄為初彭齡兩經部議革職初朕念其平日尚稱敢言且歷官資格較深加恩降為內閣學士嗣又從寬有過降為侍講侍讀茲復查出種種謬妄本應革職發往伊犁以示懲創姑念伊母年已九旬

東華續錄

嘉慶三十九

九

朕所稔知原欲於今歲伊母生辰加以恩賚初彭齡自罹愆咎不能仰承恩眷實為不孝若其母因子遠成晨夕思念或有意外之虞初彭齡雖咎由自取朕心殊為不忍初彭齡著革職施恩免其發遣令在家閉門思過不准出門若再妄為定不輕恕著將此旨並百齡等摺與茅濂供詞交曹振鏞英和景安傳到初彭齡令其閱看俾自知罪愆並可知茅濂之為人初彭齡有何登答著曹振鏞等據實覆奏○吏部議准湖南巡撫廣厚奏永州府屬江華縣之上五堡嶺東二處地方縣巨百餘里距縣城為遠兼之界連兩粵民徭雜處最易藏奸請將與江華縣河城駐紮之永州府理緝同知移駐瀟墟就近督率緝捕因巡檢撫緝緝捕從之○丙申上

詔 昭西陵 孝陵 孝東陵 景陵 裕陵回鑾○甲辰 上 幸南苑行圍○戊申 上還京師○己酉諭將攸銛等奏酌定查

禁鴉片煙章程請於西洋貨船到澳門時先行查驗並明立賞罰使地方知所懲勸等語鴉片煙一項流毒甚熾多由夷船夾帶而來嗣後西洋貨船至澳門時自應按船查驗杜絕來源至粵省行銷鴉片煙積弊已久地方官皆有失察處分恐伊等瞻顧因循查拏不力嗣後有拏獲鴉片煙之案除查明地方委員等有得規故縱情事應嚴參辦理外其僅止失察者竟當槩行寬免處分至所請獲與販煙斤自二百斤至五千斤以上分別紀錄加級及送部引見並軍民人等拏獲獎賞以及誣良治罪之處俱著照該督等所請行○壬子內閣學士廣泰以讀本錯誤降候補主事○甲寅上臨榮恪郡王際億園居賜奠

夏四月甲子 皇后行躬桑禮○轉蘇冲阿為理藩院左侍郎以成甯為理藩院右侍郎由喀什噶爾參贊大臣遷○丁卯以伊揚安為內閣學士東華續錄 嘉慶三十九年

御史由宗人府○丁丑諭軍機大臣等百齡等多奏原任常熟縣知縣黃鶴一摺已降旨將該員革職等因交百齡著辦矣江蘇州

縣虧缺繫繫見在痛加整頓其尤甚者自當重辦一二員俾通省咸知儆惕黃鶴前於江陰常熟兩任內共虧銀至八萬餘兩之多

其丁憂回籍時已在十八年該省清查之後乃於缺交之項全無措繳或坐擁厚貲在原籍置買房地或為子弟捐納職官皆當以

侵蝕人已論罪著百齡等於黃鶴解到時嚴加夾訊如訊出以上各情即將該員擬以重辟請旨即行正法以為闔省侵蝕官吏

之戒○戊寅以姚文田為兵部右侍郎由內閣學士遷○壬午頒 御製

官箴二十六章宣示內外臣工○諭常明奏特參辦理輕縱之總

兵及見在籌辦進剿贍對緣由一摺據稱該督因籌勦中贍對一

事行次鎮城接據羅聲皋稟報中贍對番酋洛布七力畏懼兵威縛獻兇夷朗結七力等十一名該酋央懇上請對及囑噶阿色各土司等保伊出見願以土司印信號紙給伊子阿更承襲該酋徙居於五百里外之囉嚕土司地方以當發遣該鎮已允其所請遣令回巢一面撤退官兵見在兩路官兵均已撤出敷程以外土兵亦皆散而歸巢該督與總兵羅思舉另行酌籌進兵道路相機辦理等語中贍對番酋洛布七力連歲侵擾各部落並敢拒傷官兵情罪重大必須勦辦示懲官兵已攻克宗木多山梁進擊河東礪寨正當乘勝直前揚兵威而寒賊膽乃羅聲皋率聽洛布七力畏懼兵威虛詞遽准其所請遣令回巢即一面撤退官兵專擅糊塗辦理錯謬常明請將羅聲皋革職作為兵丁未足示儆羅聲皋著革職等因交該督嚴審定擬奏明請旨又據奏阜和協都司圖棠

阿前因查辦西甯賊番搶劫之案稟稱行至德爾格忒土司地界該土司帶領頭人在阿隆溝住紮阻止不令前進見在常明親抵該處查知德爾格忒土司調派土兵協同官軍進剿中贍對備辦

牛馬糧食甚多極為恭順出力訪查前次並無阻攔圖棠阿之事該都司因入境後該土司未經連接伺應捏詞妄稟等語撫取土

司番部全在乘公勸懲以服其心若圖棠阿之妄稟洩忿止圖快

其私意罔顧國事甚屬可惡圖棠阿著革職等因交該督嚴行審訊恐尚有需索不遂騷擾恐嚇情事著即從重定擬具奏毋稍徇

縱○甲申增設雲南騰越鎮馬鹿塘大場二汛

五月丁亥諭刑部奏審訊知府王樹勳一犯據供前在廣慧寺為

僧時開堂說法曾有官員及舉人生員等數人皈依受戒見任倉

場侍郎蔣予蒲亦在受戒之列等語該犯假託佛法聲惑聽聞從

前破案時辦理輕縱茲經供指確鑿不可不加以懲處蔣予蒲爾時已為內閣侍讀學士係四品京堂官乃敢於異說受彼五戒實屬有玷官箴何顏出任蔣予蒲著即革職此外被惑之人除已故無庸置議外其餘俱應斥革著刑部查明參辦其王樹勳供詞審訊明確著即按律定擬具奏尋奏擬發往黑龍江充當苦差得旨先在刑部枷號兩箇月再行發遣○庚寅調朱理為倉場侍郎以彭希濂為刑部右侍郎由內閣學士遷○辛卯諭嘉慶十四年方澤大祀因乘輿由外西門轉至北門外降輿路稍紆遠致於內西門外降輿並降旨交軍機處存記俟逾五年後提奏再於內西門內酌量降輿處所見屆方澤大祀相距已逾五年恭查乾隆三十五年以後皇考高宗純皇帝聖壽六旬恭祀方澤係於內西門內齋宮前甬道北降輿朕此時春秋五十有六不敢遽行倣照著內齋宮前甬道北降輿朕此時春秋五十有六不敢遽行倣照著東華續錄 嘉慶三十九 十一

太常寺敬謹相度自內西門外至齋宮前甬道北酌定適中之地鋪設椽薦以備降輿與繪圖貼說先行具奏至南郊大祀禮宜從同自本年冬至為始所有降輿處所亦著太常寺敬謹相度適中處所繪圖貼說具奏○癸巳李鴻賓丁憂以李逢亨為河東河道總督由直隸永定河道遷○予河東河道總督李鴻賓故母劉氏祭一次賞銀三百兩治喪○甲午以嚴煥為甘肅布政使周光裕為湖北按察使由陝西糧道遷○戊戌命開墾吉林所屬拉林雙城子荒地○以毛謨為內閣學士由詹事府學士遷○庚子以姚祖同為河南布政使由鴻臚寺卿遷○壬寅以博啓圖陳嵩慶俱為內閣學士博啓圖由副都統陳嵩慶由翰林院侍講學士遷○甲辰諭軍機大臣等常明等奏官兵攻克藏多山梁及多隆武馳抵鎭城一摺此次勦辦中瞻對參將曹興邦帶領圍噶及下噶對土司頭人等搶占藏多山梁先後殲斃賊番二百餘名生擒阿

甲降錯折力等三十餘名番夷投降者一百餘人又續報投出三百餘戶搶獲刀械牛羊馬匹甚多洛布七力率令餘黨逃入熱籠地方鼠匿該督等見已飛飭總兵羅思舉由下瞻對如那橋過河進抵墨口從熱籠後面與曹興邦合力夾攻多隆武已由鎭城起身前往督辦看來洛布七力勢已窮蹙該督等督飭將弁務將洛布七力擒獲凡抗拒官兵者即分別凌遲斬決其裔從投出者免死發落並傳集番眾將洛布七力等對眾行刑俾番眾觸目儆心咸知震懾此旨到日計已可剋期蕩事常明自應將善後事宜籌辦妥協再回省城○丁未九公主薨追封為慧愍固倫公主○戊申上臨西花園慧愍固倫公主殯所賜奠○己酉改河南荆子開協副將歸南陽鎮總兵兼轄歸德營參將隸撫標裁光州汛千總設光州營都司一○甲寅諭張師誠奏遵旨傳諭宋銘據稱前在京候補道員時曾至廣慧寺與僧人明心相識並無受戒情事後在蕪湖道任內伊來募化給過銀五十兩嘉慶十七年有知府王樹勳進京來謁詢知即係明心遺俗捐官等語宋銘前與僧人明心往來並無受戒情事尚不至干吏議迨後王樹勳來謁時伊身任刑貳且刑部職司法紀知係僧人賸捐職官即應參奏况曾經犯案枷杖尤為有玷名器乃匿不舉發實屬有心徇隱宋銘著交部嚴加議處尋議革職得旨宋銘於王樹勳為僧時僅與往來未經受戒與蔣予蒲有閒著降三級調用補官日仍帶革職留任六月乙卯朔日有食之○丙辰調顧德慶為兵部左侍郎以帥承源為吏部右侍郎服闋○戊午以祝慶承為廣西按察使由直隸通永道遷○戊辰 御製勤政愛民諭宣示廷臣○諭朕閱內務府則例內載雍正四年欽奉 諭旨圓明園奏事八旗及六部都察院內

務府等衙門分爲九日每日一旗一部輪流奏事過值班之日若該旗該部無應奏之事亦著隨班伺候備有緊要之事許其不論班次啓奏欽此我 皇祖世宗憲皇帝勤求治理整飭官聯自是以後圓明園奏事文職衙門輪爲九班武職衙門輪爲十班 皇考高宗純皇帝遵行六十餘年朕嗣統二十年以來亦恪遵罔懈誠以我朝 家法勤政爲先駐蹕御園與官內辦事從無一日少閒部院臣僚書思對命既應在園候值而衙署有應行坐辦之事亦不可僕僕往來致有曠誤分班輪直法至善也惟文職九班內六部各衙門直班之日俱多陳奏事件其鑾儀衛光祿寺直班之日無事可奏殊覺閒曠除武職十班仍照舊例外所有文職九班著減去一班以都察院歸入刑部大理寺合三法司爲第五班以內務府國子監爲第七班理藩院與鑾儀衛光祿寺爲第八班如

東華續錄 嘉慶三十九年 西

此酌量變通則繁簡適均庶無一日曠閒其事繁之部院衙門仍不論班次隨時來園奏事即自本月十九日吏部直班之日爲始各照新例按班輪直朕孜孜圖治宵旰不遑惟以克勤自勛本日御製勤政愛民論宣示臣工諸臣務仰體朕意各盡乃心無忝厥職以亮天功以熙庶績朕實有厚望焉○諭昨日朕披閱內務府進呈則例恭載乾隆三十年 皇考高宗純皇帝諭旨內外各衙門題奏事件遇有地名字面理應遵照全寫乃向來草疏止圖省便每將地名節成一字其謬不可枚舉如熱河之但稱爲熱多倫諾爾之但稱爲諾則其尤甚者嗣後凡有地名字面一槩全寫不得競趨簡易致乖體制欽此嗣於嘉慶八年明亮奏爲增木齊地方事件將下三字節去止稱其地爲烏又經朕降旨訓飭內外各衙門自應一體慎遵乃本日劉鏞之等奏懇留投效委員摺內將

順天府節稱爲留順字樣實屬簡率著通諭各衙門凡有陳奏事件於應載地名字面務遵照定例全行書寫不得任聽幕胥率用省文致乖敬謹入告之體○己巳諭朕御製勤政愛民論宣示廷臣以心勤身勤區別誠偽蓋國家簡用大臣或以德舉或以才選原責以贊襄庶政經國治民非若侍衛羽林庶司小臣但以奔走爲勞也因思朕駐蹕御園諸臣來園奏事每詢及時刻多於子初興起自城內趨直究其問夜過早之故則因奏摺膳牌皆須親詣宮內呈遞因爾不敢稍遲夫人之精神止有此數當亥子之交正安神休息之時乃以顛倒衣裳亟亟就道雖身勤於外未免心怨於內因怨生怠轉致因循庶政矣况散直回城已屆午刻再至衙門辦事以疲憊之心神欲其遇事尋源竟委昭晰靡遺蓋亦難矣部院各衙門事務動關朝廷之得失民生之利害若不悉心考究

東華續錄 嘉慶三十九年 五

草草查諾此雖終夜不寢待漏禁門閒談尋常無謂之事於國事奚裨乎嗣後部院旗營文武各衙門奏摺俱准令司官代遞應遞膳牌大臣准令筆帖式代遞朕每日召見廷臣本在卯正以後諸臣俱以卯初到園不至遲誤屏虛文崇實政寬其筋體之勞粹正以養其心志之敬誠朕恕以待下推君臣一體之懷恐諸大臣蒙犯霜露宵寢不遑俾得休養心神任重致遠諸大臣亦當念朕未明求衣宵旰勤劬孜孜求治務各竭忠殫智爲國爲民能使庶事不虞叢脞海宇共底乂安是即諸臣愛君之實效若上以誠感下不以誠應但懷圖逸之心不畏素餐之誚則威克厥愛愛克厥威朕固並行不悖也○庚午以故榮恪郡王縣億子奕翰降襲貝勒○甲戌原任閩浙總督方維甸卒贈太子少保銜命江甯將軍穆克登布往奠茶酒予祭並諭勸獎賞其子舉人候補中書傳穆進

士一體殿試並免應任應賂銀○己卯諭軍機大臣等常明等奏官兵進抵河西力攻賊寨一摺逆首洛布七力自奔竄河西之後與大頭人巴耳甲結在御至賊寨率眾固守抗拒官兵總兵羅思舉等督率弁兵擒賊賊番達那太等二百數十名上瞻對頭人格格絨太蒂領中瞻對夷人郎卡次力等數人來軍前投誠該提督等准其投誠並傳令各旁寨頭人出見扣留營飭令呈繳刀槍器械所辦是此時番眾投誠無不准彼之理但夷情多詐山路嶮巖四處皆賊番窺我兵深入夷地該夷目等未必不心懷觀望若我兵進得勝仗彼自畏威助順如大兵稍不得力彼或仍附賊首阻我後路則所關匪細該督等當檄諭各鎮將等加意隄防切不可稍存大意多隆武等應曉諭投降番目令其作為前敵而以我兵繼其後一則以賊攻賊可資其力再則該番目已經與賊接東華續錄 嘉慶三十九 六

仗則一離不可復合並可絕其反覆該督等務相機妥辦將洛布七力迅速擒殲以靖邊圉○辛巳予死事山東曹縣知縣姚國旃世職

東華續錄 嘉慶四十

臣王先謙敬編
臣周倫蕃恭校

秋七月庚寅諭昨查鈔太監林表什物內有都司高明德名條當交刑部提訊林表據供向來圓明園營汛都司到任俱用名條來拜總管及花洞首領係相沿舊規等語我朝綱紀肅清太監人等從不准與外廷官員結交來往高明德身係營員與內監毫無交涉事件乃持帖往拜實屬多事本應交部治罪念係歷任相沿不自高明德始姑從寬免究著步軍統領左右翼總兵通飭各營員稟不准與內監投刺往來自飭禁之後如有違犯者必當從重治罪並將失察之步軍統領總兵等懲處不貸○甲午以勦辦四川逆番事竣提督多隆武總兵官羅思舉下部議敘○戊戌諭本東華續錄 嘉慶四十

月十五日恭祭 裕陵經朕特派儀親王永璇前往行禮因本年係儀親王七十壽辰祭後並可藉展私忱在 皇考高宗純皇帝及附葬之 淑嘉皇貴妃前虔申叩謁儀親王備悉朕意深為感激懇請先期於初十起程儀親王自乾隆年間在內廷時屢充祭陵差使豈不知起程均在寅卯之間至遲不逾辰刻昨據儀親王奏稱初十日午刻始行起身已失誠敬之義况雨勢漸大必應及早渡河趕至煙郊乃住宿通州次日至通州北門外河水業已漲發其同時派出之鄭親王烏爾恭阿等俱因初十日早開陰雨趕緊行走於河水未發之前已經渡河儀親王起行遲緩之咎無可辨矣迨十一日不能過渡即應於十二日差人齎摺據實奏明其應否另派員行禮之處候旨飭遵仍一面在彼守候俟河水消落立即遵行方合敬事之義乃儀親王並不差人具奏請旨率行

同京並自向明亮告知行文具勒永琦代為行禮實屬悻悻本應革去親王降為郡王念係朕長兄年已七十朕心實不忍加以重譴著將伊子蘇志前賞加郡王銜及賞加歲俸銀一千兩俱行革去仍照貝勒品級支領原俸其議罰親王俸十年之處加恩改為五年用示薄懲至景綸甫經襲爵當差經朕派令致祭 端慧皇太子因寢其到通州已在儀親王之後旋即隨同回京甚屬懶惰不堪雖復行轉回無論趕到致祭與否均難寬恕景綸無庸罰俸著革去公爵降為四品閒散宗室其應襲公爵著宗人府照例辦理○己亥刑部奏審擬林表等一案得旨此案林表林顯林媽定均係盛灣逆匪林達之子例應緣坐林表林顯因年未及歲解京開訓充富內監本屬免死之犯理宜安靜守法乃喚令伊弟林媽定來京又擅留伊戚劉碧玉在花洞居住將大內膳單戲單聽其東華續錄 嘉慶四十 二

攜至臺灣借勢招搖林媽定漏網倖免緣坐林表等輒為娶妻冀圖生子延後林媽定復將劉碧玉留給瑪蘭田簿託人打點種種不法林表林顯林媽定均著照律斬監候歸入本年朝審情實辦理已革侍衛林寅登身係職官與林表等往還並將林媽定所交瑪蘭田簿攜回寓所不行送官究辦僅擬杖流尚覺輕縱林寅登著改發伊犁俟劉碧玉等解到質訊後再行發遣已故織造和明之子內務府員外郎慶琛會給林顯紗料候補主事普琳於林媽定過蘇州時付給銀三十兩均屬不合慶琛著降為主事普琳著降為筆帖式餘依議○癸卯 上啓鑾秋獮木蘭○免經過地方額賦十分之三○辛亥 上駐蹕避暑山莊

八月甲寅予死事山東定陶縣知縣賀德瀚典史孫世縉世職○壬戌諭軍機大臣等方受疇奏設法嚴拏紅鬍匪徒一摺豫省汝

光一帶紅鬍捻子手等擾害地方必應嚴拏懲辦惟用兵力剿捕則斷無此辦法該匪徒等富販私肆掠時自必聚集多人肆行不法至其平時仍散處村莊自附齊民非如邪匪等句結夥黨聚而倡亂者可比此時若徵兵掩捕伊等必聞風逃逸及至撤伍後仍復出而為匪是調兵一節不特事涉張皇亦於捕務實無裨益此事全在地方官時刻密訪嚴拏過案即辦重法嚴懲日久不懈匪徒自漸就斂或遣派文武幹員自帶兵役於要隘處所專駐巡防事尚可行至署息縣知縣朱邦達著新蔡縣知縣楊廷陞既能認真緝捕著照所請該二員遇有汝光所屬知縣不論繁簡缺出准其儘先揀補其紅鬍匪犯劫掠姦淫情罪本重昨已降旨令刑部依照各省辦理咽喉之例加重另立專條奏明頒發遵行該省嗣後審擬紅鬍等項匪犯即照新例審擬並准專摺具奏○乙丑 東華續錄 嘉慶四十 三

貴慶以疾免以永祚為盛京刑部侍郎由左副都御史遷○戊辰 上自避暑山莊巡幸木蘭行圍○丁丑廣厚卒以巴哈布為湖南巡撫訥福為湖北布政使調習振翎為山西按察使以李廣芸為福建按察使由江蘇遷○己卯諭軍機大臣等向來京城發遣之犯皆奉旨後即日起解出都雖大員獲罪擬遣者亦從不敢耽延乃近日外省發遣人犯竟有藉詞遷延遲至一年半載尚未起解者殊屬怠玩著兵部刑部堂官會同查明得例如原定例限本寬即酌改加緊押令迅速起程不許藉詞逗留以杜捏飾○庚辰諭本年春夏間據湖北江西安徽江蘇等省各督撫先後奏報拾獲匪名揭帖字體怪異語句悖逆上印九龍木戳共有十餘紙此等不法之徒敢於光天化日之下編造逆詞散播數省煽惑人心實屬罪大惡極節經飭令各督撫一體嚴緝速獲逆犯以正刑誅茲據百齡

派委文武員弁先於和州地方緝獲散布逆帖人犯嚴士隨究出偽造逆詞首犯方榮升即於巢縣拏獲並於窩藏方榮升之朱上信家起獲九龍木墩及偽造時憲書違悖經卷字蹟四箱所辦甚好百齡督緝認真能將逆犯訪明蹤迹嚴密捕獲實屬可嘉著加恩賞復太子少保銜並給還雙眼花翎仍交部議敘其首先訪出逆情之已革知縣萬承紀著加恩以知州補用拏獲首逆方榮升之副將鮑友智並拏獲逆黨嚴士隴及描刻木戳匠人王泳興之副將慶廉俱著賞加總兵銜並賞戴花翎仍交軍機處記名其餘拏獲逆犯各員弁經朕圈出者著百齡查明分別保奏再降恩旨

○辛巳以玉輅為甘肅按察使由翰林院侍讀學士遷

九月己丑 上駐蹕避暑山莊○辛卯諭軍機大臣等據成爾奏塔什密里克回匪攻牙墩句引布噶特等焚燒馬廠戕害官兵永東華續錄 嘉慶四十 四

芹帶領官兵及回兵追捕賊眾奔竄出卡逃往偽塔克地方固守永芹在附近回莊山僻等處接捕餘匪令侍衛副護軍參領永明等帶兵與回兵協剿見拏到逆匪訊據供稱攻牙墩於十九年二月三月間即說要奪南八城作王子等語成爾見已年老亦未經歷戎行此事專交松筠辦理即迅速馳往喀什噶爾兼署參贊大臣事務到彼後如攻牙墩尚未就獲即先檄催圖爾第邁莫特上緊追剿如兵力不敷即飛催富永等速帶伊犁精銳兵五百名前來合剿攻牙墩就擒後即在喀什噶爾審訊凌遲處死梟示其隨同謀逆者皆按律斬決俾邊圉回眾共知儆畏再此案攻牙墩潛蓄逆謀已久所有十九年二三月以後喀什噶爾之參贊大臣等均

有失察之咎著松筠查明一併嚴參成爾於事竣後即令自備資斧來京聽候部議永芹身係宗室會充乾清門侍衛且年力方壯

東華續錄 嘉慶四〇

伊既親身帶兵追賊乃並未出卡藉按察為名在中途駐紮實屬畏蕙無能著即革職自備資斧回京無庸留彼效力○壬辰 上自避暑山莊回鑾○癸巳以拏獲首逆方榮升賞兩江總督百齡三等男賜其子六品蔭生扎拉芬五品蔭生○己亥 上還京師

○諭本年八月十五日密雨半日次早雨止朕啓蹕巡幸木蘭於將啓行時莊親王蘇謙忽令奏事太監奏稱二道河副橋座已被衝塌正橋座見已過水一尺有餘蒙古王公等聞有此言遂願懇暫停進哨明係嘗試朕降旨嚴飭即乘馬渡橋河水尚低於橋面尺餘橋座亦甚穩固策馬直抵中關因命軍機大臣詢問蘇謙據稱係由熱河道明山報知及傳訊明山僅向蘇謙告知便橋欹斜並未報有正橋過水情形秋獮肄武緩藩為我朝 家法朕恪謹遵循今蘇謙因河水微長輒造浮言妄希阻止若係滿洲蒙古大東華續錄 嘉慶四十 五

臣必立予罷黜加以板責念伊爵係親王姑從寬議前僅罰俸以示薄懲但蘇謙如此畏蕙豈可表率內廷且一應差使亦俱生疏實不勝御前大臣之任著革去御前大臣並領侍衛內大臣管圍大臣總理行營無庸在裏邊行走其餘所管事務仍著留任以觀後效蘇謙所出御前大臣領侍衛內大臣二缺仍著定親王蘇恩補授其總理行營管圍大臣著奕劻補授明歲春巡秋獮俱令奕紹隨扈前往 祖 考成憲庶不致違亂政務言朕不能聽將此旨通諭皇子皇孫各衙門等處咸使聞知○前任喀什噶爾參贊大臣成富等奏逆回攻牙墩就擒回莊照常安業得旨嘉獎○癸卯以多山為左副都御史由通政○甲辰調玉輅為江西按察使以屠之申為甘肅按察使由通政○乙巳諭秋審朝審情實人犯舊例凡三覆奏本沿古者三刑三宥遺意我朝欽恤民命凡案

犯供情原委備載招冊每年黃冊進呈早經反復推求慎之又慎實不止於三覆其科臣循例題本僅屬具文是以乾隆十四年將直省秋審改爲一覆奏朝審與秋審事同一律嗣後朝審亦著改爲一覆奏已足以存舊制至向來覆奏之本皆於黃冊呈進後隨即奏上距旬到之時甚遲嗣後黃冊仍於八月中旬呈進其秋審朝審覆奏之本皆於本省旬到前五日覆奏一次朕披閱時再同黃冊詳加酌覈以昭慎重著爲令○丁未張暉吉以年老命留京以明山爲浙江按察使由直隸赴

冬十月庚申召大學士松筠回京以長齡爲伊犁將軍○癸亥命直省督撫提鎮甄別衰老屬員○山西河東運城及解州等屬地震命衛齡撫卹之並命那彥寶往勘○丁卯河南陝州等屬地震命方受疇撫卹之○辛未諭朕恭閱 世祖章皇帝實錄內載順

東華續錄 嘉慶四十

六

治十年 諭旨睿王墳園因伊罪竟行廢壞似屬太過其房屋門牆俱著修理柱用黑色仍命信郡王撥人看守欽此嗣於乾隆年間仰蒙 皇考高宗純皇帝錄念舊勳特加昭雪復還睿忠親王故爵世襲罔替其墳園規制如伊家業已改修則已若仍沿用黑柱著加恩令其遵照親王規制一體修復用示朕追念宗勳之意○壬申諭翁元圻奏訪獲西洋人潛至內地傳教訊明大槩情形一摺此案蘭月旺以西洋夷人潛入內地遠歷數省收徒傳教煽惑多人不法已極著翁元圻嚴切訊究審明後將該犯問擬絞決奏明辦理其供出之犯按名查拏務獲並飛咨各該省一體嚴緝究辦未陽縣知縣常慶查緝認真於此案辦竣後送部引見再行施恩○丙子諭明春朕恭謁 西陵回鑾時踰路經由北惠濟廟拈香因憶故大學士朱珪墳塋在該處附近面諭那彥成查明如

相距御道五里以內即親往賜奠若在五里以外即遣官前往茲據那彥成覆奏查看在御道四里以內屆期朕由黃新莊至北惠濟廟紆道親臨賜奠用達眷懷舊學之意其經由道路著那彥成派員修治先行繪圖具奏

十一月丁亥以失察致牙墩謀逆降喀什噶爾參贊大臣成甯三等侍衛爲烏什辦事大臣幫辦大臣永芹三等侍衛爲喀喇沙爾辦事大臣○以喜明爲理藩院右侍郎由副都統銜遷○己丑諭軍機大臣等將攸銘等奏查明洋商拖欠夷人貨帳銀兩業經停利歸本請勒限分年清還一摺此項洋商節年拖欠夷人貨帳銀兩據該督等查明各行欠項自嘉慶十七年至十九年共還過銀一百三十萬兩零見尙欠夷帳一百六萬兩按照欠數多寡分定年限歸還該商等經此次清釐之後自遵照定限一律清還毋令再有拖欠惟是該夷人以貨易貨乃釐斷盤剝任令疲商賒欠即明知有不得過十萬之舊章朦朧報亦應嚴行飭禁近年內地銀兩爲外夷貿易攜去者動逾百萬日久幾同漏卮著該督撫及該監督留心稽察如外夷有以奇巧貨物攜至洋行私行留用此等物件飢不可食寒不可衣令其將中土財貝潛就消耗太覺不值殊爲可惜果能實力禁絕該夷人等知內地不寶異物不能行銷則來者漸少易去銀兩亦必日減亦節財流之一道也○壬辰以齊布森爲左副都御史由太僕寺卿遷○乙未諭軍機大臣等御史盧浙奏直隸省官荒地畝並各項入官地畝積案久延請旨敕令總督遴員查辦一摺直隸天津豐潤青靜海滄鹽山任邱寶坻甯河九州縣馬廠官荒地六萬五千八百餘頃豐甯縣馬廠入官地五千餘頃及旗員鈔產入官並入官抵項私典入官地畝未經辦結者共一

東華續錄 嘉慶四十

七

百九十六案屢經戶部奏准降旨飭令該督等委員勘丈召墾升科乃因循已久有閱十餘年或數十年尙未勘報者實屬怠玩疲懈若係官吏本家私田執肯聽其荒廢耶先公後私之良臣竟少深可浩歎茲據該御史奏稱查明天津涪州等九州縣官荒地畝除造報升科外尙有未丈地萬頃有奇聲請展限迄今二載仍屬虛懸等語此項官荒並各項入官地畝坐落該州縣境內若果認真查勘何至事隔多年尙未勘報完竣見在直隸候補人員甚多著那彥成於候補之道府丞倅州縣內遴選妥幹能事者數人派令分赴各該州縣將此項官荒地畝詳悉查明其已經勘報者即行報部升科未經勘報者逐一履勘普行召墾按則升科報部並將各項入官地畝分別變價招佃一併迅速辦理如有奸胥猾吏侵隱霸占從中抗違者查出從嚴懲辦所有派出各員責成專辦

東華續錄 嘉慶四十 八

此事毋得另有差委該督酌定期限先將該員等名姓開單具奏如果能認真查辦妥速蒞事俟辦竣後奏明將該員等儘先補用以示鼓勵儻玩泄從事即行撤回參處○丙申諭本日戶部等衙門議覆川省勦辦中瞻對軍需條款內將賞需一款議駁均已依議行矣我朝開國以來無論大小軍務從無帶兵大臣擅取銀兩什物作為軍需之事自福康安帶兵勦辦臺灣廓爾喀湖南苗疆歷次任意恣取犒賞由銀兩綉段以至布匹煙茶無所不備在福康安當日原係假犒賞為名於領到後除給賞之外盡皆飽其私橐以後遂紛紛效尤藉此名目虛糜帑項揆厥由來實福康安為之作俑方今宇承平自可無兵革之事即或偶有徵調帶兵大員總不許擅取官帑以為私犒報銷冊內將犒賞一項名目永遠革除如有帶兵大員違禁向承辦軍需之人恣取賞需者即令承

辦軍需之人據實參奏將帶兵大臣治罪若承辦軍需之人徇隱濫應除不准開銷外仍將帶兵大臣及承辦軍需之人一併治罪決不寬貸○丙午諭本月二十日御史果良額奏拾獲匿名揭帖一封內係訐告禮親王昭棟各款其時朕居齋宮因在 園丘大祀齋戒期內未即明降諭旨查辦止將原揭帖交英和密行查訪其揭帖內有陵辱大臣一款從前朕即聞昭棟有與景祿爭論之事二十四日召見景祿詢問據稱伊上年四月內進內接班時方辰初二刻昭棟以時已巳正向其呵斥維時蘇楞額晉隆亦在內接班當以景祿辰刻到班並未遲逾向其勸阻昭棟則稱伊與景祿本有嫌隙並斥言景祿至刑部每審一案總可獲銀一二千兩等語又據景祿奏昭棟並會面斥尙書景安為伊家奴才經景安正言駁斥欲行奏聞為人勸阻而止即此二事其陵辱大臣一款

東華續錄 嘉慶四十 九

已為有據又聞伊家管事之人稱為軍機中堂此一款最重英和並訪得昭棟曾將伊門上人鳴山鎖禁一年又遣人至昌平州拆毀莊頭房屋鈔沒家產並剋扣門上人錢糧等事昭棟以親王如此肆意橫行豈可不加懲辦著管理宗人府王公會同軍機大臣嚴行查問並著英和前赴伊家查起非刑器具及鐵鎖石墩據實具奏○丁未諭禮親王昭棟被訐各款昨派宗人府王公會同軍機大臣查問據昭棟供認各款如與景安爭論王府屬下名分恭嚴此語甚屬狂妄妄自尊大目無君上失為屏為翰之義實自暴自棄之徒景安一品大員與王公等同屬朝臣且與昭棟並不同族非其屬下何得妄行指斥至景祿上班即或稍遲並前在刑部有婪贓之事昭棟止當據實參奏亦不得出言陵辱至伊於府內濫用非刑見據英和起出鐵鎖鑰錄木椿等件並將受傷之莊頭

程建忠程建義傳案經宗人府王公軍機大臣等驗得程建忠等脊背均用磁瓦公刺血痕徧體不忍寓目詢係因偏令增租不從即橫加敲朴以酷濟貪卽此三款已不勝親王之任若係朕之子姪及近支晚輩用此非刑虐下朕必親自重責昭榘著革去王爵交宗人府於空室暫行圍禁其餘應訊各款及一千人證著宗人府王公軍機大臣會同刑部審訊昭榘應得罪名俟全案奏上時一併定擬具奏此旨著上書房照繕存記○戊申諭據方受疇奏豫省拏獲紅鬍匪徒二百餘名請將失察在先之地方文武處分酌予寬免等語紅鬍匪徒久爲地方之害前經降旨令該州縣實力窮除不復究其既往卽如逆案各犯地方官有能拏獲者尙當免其從前失察處分加以獎擢若該省因見獲匪犯究出從前搶劫斃命並私造私藏違禁兇器取私賭博等案歷年未經報官一東華續錄 嘉慶四十

一追溯參處則緝捕各員多所瞻顧轉致心生懈弛所有該省承緝各案除正兇未獲應行限緝者仍照例開參外其報獲各案從前失察之地方文武員弁均著加恩免其處分該撫益當督飭所屬認真緝捕除秀安良毋得日久生懈○免山東積年歉收並被賊滋擾之曹縣等二縣通賦○己酉諭縣課等奏會訊已革禮親王昭榘勒偏莊頭程幅海增租將程建忠程建義非刑酷虐各情此案程幅海之子程建義充當莊頭二年並未欠租兼有長交租錢昭榘因于大海增租謀充莊頭卽將程建義革退並令照于大海加增之數加找二年租銀程建義之父程幅海不從昭榘派護衛柳長壽前往程幅海家搶割莊稼拆毀房屋又將程幅海父子叔姪六人圍禁昭榘自擲磁瓶旋用磁片劃傷程建忠程建義脊背百餘道至於流血昏暈似此以酷濟貪虐我赤子實出情理之

外我國家永不加賦正賦錢糧止於按例催徵每遇水旱偏災仍必加恩蠲緩卽如昨日山東曹定二縣豁免錢糧卽有二十餘萬此外歷年所降恩旨蠲免者殆不可數計蓋損上益下民說無疆全黎庶之身家保國家之根本各王貝勒家衣租食稅亦當仰體此意豈宜分外苛求恣行貪虐昭榘承受世封席豐履厚平日以田租細故在順天府步軍統領刑部等衙門涉訟疊疊而於府第中仍如此非刑虐下實屬奇貪異酷僅止革去王爵不足蔽辜俟結案時仍當治以應得之罪二等護衛柳長壽爲助虐爪牙復侵用人已銀一百兩著卽革退動大刑交訊嚴審治罪程幅海長交租錢二百九十一千零及被割莊稼變賣錢八百九十三千零並搶毀各項什物及拆毀木植著派秀甯穆彰阿彭希濂往該府照數提取至刑部傳程幅海等當堂給還並罰昭榘出銀二百兩分東華續錄 嘉慶四十

賞橫被非刑之程建忠程建義卽予省釋此項地九頃六十畝著卽撤出王府賞給貝子奕純仍令程幅海承充莊頭以示矜恤于大海謀充莊頭從中播弄著革去莊頭交刑部加等刑訊治罪昭榘如此妄爲恐此外尙有別項殘酷款蹟其頭等護衛布音圖德甯俱著解任同該府管事太監劉金馨一併交刑部隔別研訊供詞據實具奏

十二月壬子諭浙江西湖厝棺被賊燒竊一案前據顏檢將獲犯俞瑞祥等審擬具奏經刑部議駁顏檢仍照原審情節奏覆經御史蘇繹參奏特派成格等前往審辦據成格等訊明俞瑞祥壽萬化張阿三三人均非燒竊厝棺正犯係由縣役俞煥等差緝正賊未獲畏懼比責賄屬誣認此案若非特派大員前往查辦幾致以假亂真使正賊轉得漏網成何事體顏檢前任直隸總督卽關茸

不職以致地方廢弛邪教萌孽滋生後遂釀成大案迨由貴州巡撫降補郎中因一時簡用之人又加恩擢授浙江巡撫顏檢蒙屢次棄瑕錄用之恩自當倍圖奮勉乃仍復因循怠玩無能已極且年已就衰難望振作即著照部議革職回籍家居閉門思過其率據原招覈轉之杭州府知府嚴榮前任浙江按察使廣慶及未能查出實情之署杭州府知府涂以翰俱著照部議降調○調孫玉庭為浙江巡撫以陳若霖為雲南巡撫李鑾宣為四川布政使劉珪為廣東按察使由雲南道○以李堯棟為貴州按察使由四川道○甲寅調姚祖同為山西布政使吳邦慶為河南布政使○調明山為廣東按察使以魏元煜為浙江按察使由江蘇道○調李堯棟為江蘇按察使毓岱為貴州按察使○丁巳諭宗人府軍機大臣會同刑部審明昭棟被許各款分別定擬具奏昭棟妄自尊大輒敢陵辱大臣此一款情節最重景祿被其指斥得賊忍辱不行奏辨尚無不合景安係一品大員被昭棟指稱係其屬下爭論名分彼時景安亦知忿怒乃因旁人勸解遂隱忍不行參奏殊屬非是景安著交部議處昭棟利欲薰心貪得無厭將其屬下莊頭人等禁押府內非刑酷虐種種貪暴無狀孽由自作昭棟前已革去王爵著照議圖禁三年以示懲創柳長壽助虐橫行又婪贓入己于大海行劫謀奪莊頭架詞孽孽情節俱尤為可惡柳長壽于大海著枷號三箇月于二海隨同濟惡枷號一箇月滿日再行發往黑龍江等處當差餘俱照擬完結昭棟以佃租細故輒咨刑部催迫甚至如此案程建義長交租錢仍復捏詞追比實屬倚勢妄為嗣後各王公等田租永不准咨部催迫各令自行辦理如有違旨咨部者該部除駁回不理外仍即指名參奏○辛酉諭松筠

等奏辦理孜牙墩謀逆案內各犯一摺松筠前經派往喀什噶爾查孜牙墩一案孜牙墩係謀逆首犯經朕降旨飭令嚴刑審訊即行凌遲處死乃松筠到彼將兩月始將該犯正法至圖爾第遺莫特前據松筠奏稱係與孜牙墩同謀定擬斬梟請旨辦理朕覽其情節不符降旨令長齡覆訊松筠既經請旨自應候旨遵行乃忽又奏報已將圖爾第遺莫特與孜牙墩一同凌遲處死松筠辦理此事實屬錯謬著革去太子太保仍交部議處○壬戌以輔國將軍麟趾襲禮親王爵○丙寅諭軍機大臣等那彥成奏查明石佛口王姓實係邪教總匪惡根已將傳教之人拏獲審訊大槩情形一摺所辦甚好已另有旨加恩矣澤州石佛口王姓其先世自前明以來倡立白蓮教自稱聞香教主流傳至今二百餘年已閱十輩屢經破案其子孫仍怙惡不悛改教名為清茶門種種悖逆情東華續錄 嘉慶四〇

屆封印紛紛趕湊未免草率遂致一時全案且近日該部自請議處之案不一而足如曲朱氏係應擬絞監候永遠監禁之犯誤寫為秋後處決又本年秋審冊內遺漏二案又題本內十九年誤寫為二十年又安徽省處決人犯行文遲逾例限種種錯誤即予蠲革亦屬咎所應得但其中亦有區別董誥見在因病告假伊年逾七旬精神不能周到軍機處事務繁多不必管理刑部著改為管理兵部事務崇祿韓對彭希濂俱係刑部司員出身且常川在署辦事其咎較重崇祿著革去紫禁城內騎馬韓對著革去花翎俱降為二品頂帶彭希濂降為三品頂帶伊三人俱革職留任恩甯穆彭阿年力方壯派令兼署刑部召見時諭令其留心學習乃不思奮勉於部務全不究心甚屬可惡俱著降為三品京堂再觀後效見有大理寺卿一缺即著恩甯補授穆彭阿著以正從三品京

東華續錄

嘉慶四十

五

堂候補盧蔭溥在軍機處事務較繁甚屬盡心暫署刑部不能到署辦事此不過一時疏忽著加恩改為降二級留任漢本房係專辦題本之處各司交到本章並不分晰勻配具題其咎尤重主事得壽年昌阿隆文俱著照部議革職其各司承辦遲延之候補郎中董斯福員外郎豐伸泰誠節章慶洽候補主事趙協中俱著從寬改為革職留任○以貴慶為禮部左侍郎署禮部院常福為兵部右侍郎由副都統○己巳諭昨因刑部本章積壓封印期內不能呈進完竣准令改題為奏此不過暫時權宜不可為例若各衙門因可改題為奏相率效尤恐因循疲玩將來積壓之件愈多不可不加以懲處除刑部堂官及前案已議處各司員無庸再議外著刑部將逾限本章逐一查明將各該司員職名咨交吏部彙行議處○辛未諭向例祈雨雪期內俱不進立決本章但祈雨祈雪

原為京畿附近而設非槩為直省而祈也嗣後祈雨祈雪期內若立決人犯應在京處決者著無庸具奏如係應在外省處決者則奉旨之後行文該省計奉到時已相距日久俱照常進本著為令再刑部議覆立決本章期限亦覺太寬著刑部酌議量減具奏候旨遵行○王申諭甘肅藩庫私借無著銀至二十萬餘兩之多皆由歷任藩司賄徇情面私借私挪毫無顧忌所有歷任正署各藩司除王文湧楊煥廣厚陳祁積功阿盛惇崇業經病故蔡廷衡業已革職外何統德克精阿俱著即革職○貴慶以繕摺錯誤降調以文甯為禮部右侍郎由副都統○乙亥諭陳頊奏查明東省泰充沂登四府屬十五年以後續虧數目一摺東省各州縣虧缺錢糧前據章煦等查明十四年以前共銀三百零五萬五千數十餘兩十五年以後共銀三百三十四萬七千七百餘兩其十五年以後

東華續錄

嘉慶四十

五

虧缺之處因無存司檔案可憑恐不免以多報少以少報多情弊當經降旨展限一年令陳頊確查具奏茲據該撫將十五年以後虧數內之泰安兗州沂州登州四府屬查明確數共銀九十三萬六千四百三十七兩零開單具奏朕披閱單內如見任蘭山縣知縣朱安國一員名下即虧銀至六萬餘兩之多其餘數在一萬兩以上者尚有多人此等劣員以國帑恣其慾壑取攜無忌以致閭省虧缺至六百餘萬兩若不從嚴懲辦尙復何所儆懼著將單內所開各員除病故者仍照原議章程辦理外其虧缺在一萬兩以上者俱著革職拿問解交刑部一萬兩以上者問擬斬監候二萬兩以上者問擬斬決將所虧銀數令刑部分別定限較例限加緊奏明監追限內全完貨其一死釋放永不敘用其逾限不完者刑部於限滿日按名具奏請旨立即處斬斷不寬宥其數在五兩

以上以下者仍照例在任著追依限歸補吉綸同興俱久任山東
巡撫廢弛貽誤至於此極俱應發往吉林姑念同興前歲究出遊
首林清由驛馳奏尚有微勞吉綸著即發往吉林同興著發往盛
京交普恭等派在工程處效力朱錫爵係該省藩司厥咎尤重伊
名下共有罰賠銀十一萬五千六百餘兩除已繳過三萬六千兩
外尚有未完銀七萬九千餘兩著勒限三年完繳後發往烏喇木
齊充當苦差如限滿不完交部治罪○諭那彥成奏查明直隸省
初二兩次及三次清查倉庫案內已未完銀數一摺直隸省三次
清查虧欠各員前經立定期限處分分別任所旗籍催追乃據該
督所奏初二兩次案內十九年止完銀七百五十兩尙未完銀九
十六萬一千九百兩零三次案內十九年止完銀一千二百九十
六兩尙未完銀九十四萬四千九百兩零似此任意拖延帑項迄
無歸補之日著該督將本省勒追各員查明限滿未完者即分別
監追治罪並咨行各旗籍一體勒限嚴追毋稍寬縱見經降旨將
山東省虧缺倉庫各員一萬兩以上者俱革職拿問解部問擬大
辟勒追嚴辦此後直隸各州縣如有新虧者即著照此例辦理○
刑部遵議量減立決本章期限一摺得旨向來刑部屆秋審時因
呈進黃冊遂將各項本章減數呈遞黃冊於進呈後留中朕不時
披覽與每日閱看本章兩不相妨嗣後秋審時刑部各項本章著
照常呈遞無庸減數至每年開印後三日刑部向不進本章著減去
一日於開印後第三日進紙張本第四第五日進輕罪本以後陸
續加數呈進其齋戒祭祀月朔日忌並各項應行回避不進刑名
本不進決本日期亦應酌減著刑部查明開單具奏候旨遵行尋
奏上得旨刑部將不進刑名本及不進決本日期開單呈覽嗣後

冊封妃嬪口及朝審旬到日俱准進刑名本祭 先蠶壇日准進
立決本自小暑節至立秋日止不進見審立決本自大暑節至立
秋日再停進直隸山東山西河南盛京五省立決本餘均照舊例
行○丙子諭前據馬慧裕等奏湖北江陵縣知縣捐升知府李若
璋請加捐離任留楚委用當經降旨准行茲經吏部查明該員任
內有承緝展參各案均干降調與報捐離任之例不符請旨查銷
所駁甚是殊為可嘉直省各督撫具奏事件不將例案原委聲明
朕安能一一鑒悉若一經奉旨允准雖與例格礙之事亦皆遵就
奉行轉非都俞吁咈並行不悖之意吏部駁奏此案朕不特不以
為非尙且加以嘉獎各部院皆當引以為法所有李若璋捐升知
府著註銷令其仍回江陵縣知縣之任馬慧裕係吏部司員出身
此等定例豈得諉為不知乃與張映漢聯銜具奏實屬蒙混馬慧
東華續錄 嘉慶四十一
裕張映漢均著交部嚴加議處○丁丑諭軍機大臣等前因甘肅
省虧缺倉糧特派景安朱理前往查辦並令先福督率藩司嚴煥
協同該欽差等辦理茲復據嚴煥奏該省各屬有續虧銀一百萬
兩有零先經督臣先福奏請檄委隔屬道員互查結報尙未報齊
等語甘肅倉糧既已空虛庫銀又復虧短做壞已極均應徹底查
辦皆因近年所用大員因循疲玩所致實皆朕不明之愆著景安
朱理先福即督同嚴煥將各州縣倉庫實數一併查明大破情面
和盤托出其係何年月日總督藩司任內之事據實分晰久暫正
署由五百里具摺嚴參有贓私入己者亦一併參出所有虧空州
縣即照昨降諭旨辦理山東虧空之例除銀數在五千萬兩上下者
仍准在任著追依限歸補外其虧空至一萬兩以上者俱革職拿
問一萬兩以上問擬斬監候二萬兩以上者問擬斬立決將所虧

銀兩勒限監追限內全完貸其一死釋放永不敘用逾限不完者按名具奏即行處斬正法之員所虧之項亦即豁除無庸再行攤賠以杜藉口貽累此次既將閩省倉庫通行確查定案諒非兩月所能竣事其嚴煨交代展限以查明奏出之日為度亦不必拘定兩月也朕又訪聞得德克精阿時常餽送食物等項高杞任內恐亦不免密訪的確具奏○是歲朝鮮暹羅琉球來貢○會計天下民穀徵各省通共大小男婦三萬二千六百五十七萬四千八百九十五名口各省通共存倉米穀三千八十萬二千八百六十九石九斗一升七合五勺

東華續錄

嘉慶四十

六

東華續錄

嘉慶四十一

臣王先謙敬編

臣周瀚恭恭校

嘉慶二十一年丙子春正月丙戌諭本年元旦乾清宮筵宴宗親輔國公縣懋於本席誤將食梳拂墮彼時朕已目覩並未降旨查問迨至養心殿移時奏事太監曹進喜口奏慶郡王永璘進內向伊告知本日筵宴時縣懋就席稍遲經奕紹推令入座縣懋一時慮遠致將食梳拂墮奕紹並無他意令節典禮有此失錯將如之何屬令口奏等語朕但諭以明日遞摺請罪一言次日永璘率縣懋奏請議處本日宗人府奏上請將縣懋罰公俸六箇月永璘罰職任俸三箇月已依議行矣向來遇有各項筵宴與宴臣工於席間失墮器皿亦事所時有此失縣懋偶有失誤若照例自請議處則失儀小過朕但將縣懋示罰永璘儘可加恩寬免乃永璘先令曹進喜面奏其咎實在於此不能不加以薄懲我朝設立外奏事官員接收章奏再交內奏事太監捧進該太監等不過供奔走呈遞之役其所奏之事毫不許其與聞原以防閑寺人等與外廷諸王臣工交接杜漸防微最為良法美意朕之皇子皇孫面見奏事太監口奏事件則可永璘係藩王則大不可今永璘輒以細事而屬奏事太監口奏事屬違制此端斷不可開朕又聞近日在內行走諸王往往在內奏事太監處所閒坐探聽內事尤屬非是朝廷內外各有限制軍機大臣係內廷行走常川召見之人非遇公事從無至內奏事處者諸王與奏事太監有何交涉而數數往來其意何居必欲探聽是誠何心嗣後在內廷行走之儀親王成親王慶郡王永璘肅親王永錫遇有應奏事件俱在乾清門外及出入

東華續錄

嘉慶四十一

賢良左門交外奏事官員呈遞不准徑交內奏事太監其奏事太監亦不准接收非遇召見及帶領引見朕在官時不准進乾清門在圓明園不准進左門其有無故進內至內奏事處者著御前大臣會同內務府大臣奏聞候旨此旨著鈔錄一通交內奏事處永遠張貼並令儀親王成親王慶郡王永璘肅親王永錫各錄一通敬謹閱看○丙申諭軍機大臣等百齡等奏凌汛工程平穩一措河工爲國家重大之務上年三汛安瀾兆民樂業國用亦多節省朕召見吳焜據云此次河底淘刷漸深可保十年無事吳焜所言如此百齡等在彼目擊情形自亦相同但不可因此遂心存自滿天道戒盈百齡等總當常存敬畏思全河大局關繫國計民生者甚鉅刻刻加意修防方能有備無患見在河口海口俱各通暢湖水高於黃水二尺有餘足收敵黃之效運河水勢深通重運首幫

東華續錄 嘉慶四十一

早已渡黃事機極爲順利此時要務惟當將兩岸隄埝逐處留心查看如有單薄殘缺之處即時補築務令一律鞏固雖無工處所亦不可大意平時補苴罅漏所費錢糧不過千百而太平無事則所省者不可數計該督等常念未雨綢繆防患未然自能永慶安瀾也○壬寅諭軍機大臣等喜明奏接到麻爾喀來稟遵旨駁飭一摺此次麻爾喀來稟內有見在於天朝進貢若投誠披楞就不能容我與天朝進貢等語其詞實屬狡詐喜明等所與檄諭措詞猶未得當應指出紕繆之處責以大義以該國久經投誠即爲天朝臣僕如屆期不行進貢即屬背叛若將此稟奏聞大皇帝必然震怒立即興師討罪是以不敢具奏爾國來稟之意不過要求天朝幫助但天朝於邊外部落彼此相爭從無發兵偏助一國之事爾國與披楞或和或戰即或竟投誠披楞天朝總置不問但屆至

貢期仍當按例進貢倘至期不來即當奏聞大皇帝發兵進剿彼時爾國追悔何及至爾國境內天朝無駐兵之理若係唐古特邊界自有大兵鎮守披楞斷不敢窺伺倘敢侵及邊界立即勒殺該披楞么麼小國何能爲患如此嚴詞飭訓自可破其奸謀但喜明等於各處邊界不可不加意防範倘披楞之兵竟敢駛入邊界俱屬不成事體此時各卡隘原設之兵殊不足恃喜明等即於該處漢番官兵內挑選數百名派得力曉事將弁兵丁帶領移駐該一帶地方鎮靜彈壓隨時偵探如有越界擾及者無論披楞麻爾喀即當痛加勒殺以振邊威見已降旨令費冲阿攜帶欵差大臣關防前往西藏察看情形費冲阿到彼後凡藏內一切事宜著與喜明會同妥協辦理○丙午諭三載考績爲國家激揚大典朕釐工熙績統計三年功過以示甄別見在京察屆期吏部將京外各大

東華續錄 嘉慶四十一

員開單具奏朕詳加覈定大學士松筠近年以來辦事漸覺任性改常凡所陳奏亦多窒礙難行雖不至即予罷黜無庸給予議敘大學士董誥托津在軍機處承旨書諭夙夜宣勤兼綜部務悉臻妥善大學士曹振鏞總理工部兼管三庫事務均屬妥協協辦大學士兵部尚書明亮年逾八旬精力尙健辦理兵部事務毫無舛誤協辦大學士吏部尚書章煦前署直隸總督緝獲逆案要犯多名辦事認真兵部尚書吳璥督辦雖工經理完善戶部侍郎盧蔭溥在軍機處承旨書諭甚屬盡心俱著加恩交部議敘吏部尚書英和戶部尚書劉鏞之辦事均各奮勉但英和兼任步軍統領領劄緩之兼管順天府事務皆有督緝之責年來所獲僅係餘犯於劄緝要犯迄未報獲一名此時朕不將伊二人罷黜降罰已屬施恩不能再邀甄敘兩江總督百齡江南河道總督黎世序於南河事

務經理得宜工程鞏固從此可以長保安瀾百齡並能捕獲逆犯方榮升銷除鉅案河南巡撫方受疇總覈倉庫錢糧並訪獲紅鬍匪犯數百名山東巡撫陳預清釐積案督催倉庫錢糧均屬認真俱著交部議敘餘俱著照舊供職

二月壬子 上御經筵○乙卯諭向來各項引見人員內有大員子弟皆不聲明朕無由知悉速簡用後其父兄具摺謝恩朕始知之嗣後無論京察軍政及京外各項引見人員內凡滿漢文武二品以上大員子弟俱著自行呈報引見時於綠頭籤內註明如有漏報者查出交部議處○甲子諭前據那彥成奏在樂陵甯津交界地方拳獲次要逆犯劉玉澂見已解部審訊實係正犯本日陳預奏接據樂陵縣稟報訪得該縣境內小宋家莊有來歷不明之劉姓會營率領兵役前往查拏已被直隸甯津縣差役獲去當將東華續錄 嘉慶四十一 四

窩留劉姓之宋丑呂廷等拏獲並起獲畫虎一幅鐵錘一箇等語劉玉澂係久經飭緝要犯在該縣境內一年之久作磨畫虎教習拳棒公然與人交結往來並非潛匿地窖山洞可比該縣平日編查保甲訪緝逆蹤所辦何事今該犯已為鄰境拏獲率將虛詞稟報以冀彌縫實屬可鄙可恥前經屢次降旨令陳預飭屬緝拏要犯並諭以如果拏獲即係從前久匿境內不但免其失察之咎仍予恩施原指各州縣自行拏獲者而言若久經窩留境內毫無見聞經鄰境差人捕獲則其咎豈能寬貸樂陵縣知縣唐籍良著革職拏問交陳預審訊擬罪具奏陳預此次京察予以交部議敘原因其在山東巡撫任內二年辦理認真今於所屬境內窩留逆犯漫無覺察即應交部議處姑念平日辦理本省地方事務尚無貽誤著將京察議敘之處註銷免其交議○甲戌 上啓鑾謁 東

陵○免經過地方額賦十分之三○丁丑 上謁 昭西陵 孝陵 孝東陵 景陵 裕陵回鑾○己卯以繼昌為雲南布政使恆敏署陝西按察使由太僕寺少卿署○庚辰 上還京師

三月壬午諭貝子奕純自幼在上書房讀書甚為誠樸茲聞溘逝深堪憫惻著加恩賞給陀羅經被派載銓齋往賜奠仍由廣儲司賞銀二千兩治喪伊子載錫係 皇考高宗純皇帝五世元孫載錫生時會蒙 特恩將奕純晉封貝子且因鍾愛載錫賦詩眷注並幸伊家看視今若照例將載錫降襲公爵朕心實有不忍自應仰體 皇考高宗純皇帝慈愛之意載錫著加恩再襲貝子一次○癸未以同麟為內閣學士由大理少卿遷○以陳觀為太僕寺卿徐斯為陝西布政使海齡為湖南按察使由太僕寺卿遷○丁亥 上親耕藉田○戊子諭本日節屆清明朕恭詣 壽皇殿瞻禮 神御因東華續錄 嘉慶四十一 五

憶嘉慶己巳朕五旬正壽之年清明日恭謁 裕陵行數土禮並舉 隆恩殿大饗及今已越七載朕春秋五十有七自問精力康強如昔敬擬己卯朕六旬正壽之年仍恭謁 裕陵躬行數土禮並舉 隆恩殿大饗朕非敢於過禮敬念仰承 皇考高宗純皇帝付託之重丙辰年 親御太和殿授璽又復 訓政三年罔極慈恩實為亘古所未有朕孺慕之懷與年俱益計惟捧土 珠邱藉可稍申忱悃著禮部太常寺將此旨存記屆期奏請親詣行禮令各該衙門敬謹豫備○庚寅 上啓鑾謁 西陵○免經過地方額賦十分之三○壬辰調帥承瀛為刑部右侍郎戴聯奎為吏部右侍郎○丁酉 上臨慈愍固倫公主園寢賜奠○戊戌 上謁 泰陵 泰東陵至 孝淑皇后陵奠酒回鑾○辛丑 上臨故大學士朱珪墓賜奠○乙巳 上閱健銳營兵○丁未 上

還京師○戊申會煥以母老乞養允之以文甯為貴州巡撫多甯為禮部右侍郎由左副都御史遷

夏四月壬戌刑部奏審擬直隸民婦王李氏因姦毆傷伊媳身死一案得旨明刑所以弼教此案即復與王李氏通姦經李氏之媳香兒窺破李氏欲抑令香兒同陷邪淫與郎復與相商郎復與以香兒性傲止好先向探試之言回覆嗣李氏令香兒與郎復與斟酒香兒不從李氏將香兒毒毆致香兒服瀉自盡詳覈案情郎復與既有先向探試之言是已有圖姦香兒之心以致釀成命案即同羞忿自盡李氏例不擬抵實發新疆為奴若照部議將郎復與減為杖流出於何典實屬疏縱香兒貞烈捐軀竟無抵命之人殊不足以懲姦邪而維風化郎復與者改為絞監候入於朝審情實辦理嗣後有案情似此者均照此例問擬○內閣學士那丹珠

東華續錄 嘉慶四十一 六

緣事降調○乙丑王宗誠以親老乞養允之調姚文田為禮部右侍郎以曹師會為兵部右侍郎由內閣學士遷○以昇寅為左副都御史由太僕寺卿遷○辛未刑部等衙門奏審明領催寶瑛聽從母命帶子投河擬罪一摺得旨律設大法案關倫紀法司不能不依律擬罪而情節重輕其開實大有區別朕斟酌權衡則必使歸於至當此案寶瑛聽從伊母連伊子三人一併投河自盡伊母淹斃而寶瑛被救得生刑部將該犯問擬斬決法固如是惟朕詳閱案情寶瑛於母老劉氏素無違忤情事老劉氏因積憂小劉氏瘋病不能料理家務貧難過活起意自盡寶瑛再三勸解不從以情願同死之言答覆是寶瑛不欲獨生實有以身殉母之意次早伊母攜孫出門伊慮及追往伊母誑稱閒遊至晚伊母執意投河寶瑛又跪地哀求伊母聲言再向阻擋即係不願同死揮之使去寶瑛不敢分

辨甘心併命其三人手腕亦係老劉氏自行拴繫是寶瑛以身從死實屬計無復之情實可憫至汛兵撈救後三人中惟寶瑛一人得生轉在意料之外推原寶瑛當日從死之心實為無罪寶瑛不必問擬斬決著即釋放聽其依守伊母墳墓永不准挑取差使至小劉氏雖係瘋病無知但伊姑老劉氏及幼子圖塔布兩命之死實由伊所致小劉氏應照瘋病殺人例問擬斬監候永遠監禁○

以松甯為理藩院左侍郎由西甯辦○癸酉 皇后行躬桑禮○乙亥諭張師誠奏伊父病勢危篤見將江蘇巡撫印務交藩司代辦即日起程歸省由驛具奏一摺寶屬絕無僅有之事誕妄極矣張師誠身係巡撫封疆責任綦重伊父病既危篤即應早先陳請開缺回籍省視朕必加恩允准乃該撫並不豫為之計接到家信輒將巡撫印務交藩司代理徑自起身回籍藉隸浙江湖州距蘇州甚近若他省督撫大吏等距家遙遠者亦如此效尤豈不以私廢公耶至驛遞原為緊要公務而設凡無關緊要事件擅發驛遞者尚干吏議張師誠所奏伊父患病情形係伊家事輒由驛馳遞實屬冒昧張師誠著交部嚴加議處尋革職○調胡克家為江蘇巡撫以康紹鏞為安徽巡撫韓克均為安徽布政使賞廣慶四品頂帶為雲南按察使降調貴州按察使

東華續錄 嘉慶四十一 七

五月庚辰朔以陳觀為內閣學士由太僕寺卿遷○甲申諭安以失察其子和慶包訟得贓降左副都御史以昇寅為盛京禮部侍郎由左副都御史遷○丙戌以穆彰阿為內閣學士由光祿寺卿遷○辛卯吏部奏議處左都御史茹茶等失察子弟貨緣受賄一摺得旨都察院衙門職司風憲尚當察弊除奸乃左都御史茹茶給事中李培元於伊子弟茹壽彭李之瑄擅訟受財毫無覺察雖數無多其平日不能管

東各無可辭著照部議茹榮降二級調用李培元降四級調用四
川松茂道黃恩震雖遠任外省其子黃華攬訟滋事平日失於教
導著降一級調用○以馬慧裕為左都御史孫玉庭為湖廣總督
調張映漢為浙江巡撫以楊護為湖北巡撫調陳柱生為江蘇布
政使以李堯棟為江甯布政使伊什扎木素為江蘇按察使由江
庫道○丙申諭昨經降旨令內外緝捕衙門將派出訪緝逸犯委
員彙行撤回責成該地方官各就本境認真緝拏原以齊民編戶
比櫛而居由一甲一里以至州縣府廳境址愈近則耳目愈真不
似各委員越境訪查徒勞罔益即如本案首逆林清係步軍統領
衙門官役擒獲其宋家莊董村等處從逆各犯亦皆由本管文武
衙門按名捕誅至李文成牛亮臣徐安綱則係官兵殲捕馮克善
一犯逃至獻縣亦由本管知縣張翔立時盤獲其各衙門越境四
東華續錄 嘉慶四十一 八

出之委員三年以來從未獲一正犯其間誣指妄擊者轉不一而
足朕不忍以為民除害之心致成擾民之舉特行降旨停撤此視
民如傷之心當亦天下黎元所共見也爾小民具有天良食毛踐
土久享太平於此等梟獍之徒諒必矢切同仇憤不共戴天之憤
著各該督撫轉飭各州縣徧行曉諭凡保甲冊內十家為牌一牌
十戶令其互相稽查如有形迹可疑之人即行首報到官能將逆
犯捕獲不但首報之人賜金授職其同牌十戶一併酌加賞資若
窩留逆犯不行舉首經地方官訪聞捕獲窩藏之家即與叛逆同
罪其同牌十戶一併連坐即有先會習教之家見經悔悟能將逆
犯縛送或指告到官捕獲者其習教之罪一切弗問仍給與厚賞
若容隱窩留別經發覺則罪上加罪刑茲無赦朕愛民如子志在
剪除逆孽以安良善凡我兆庶尙其懷茲明訓共勵尊君親上之

心效忠珍惡以稱朕意將此通諭知之○戊戌諭軍機大臣等
沖阿等奏商辦廓爾喀披楞交兵演果一案先行馳檄詰責隨帶
兵前越邊境脅以兵威一摺所奏實屬妄誕之至此次令賽沖阿
帶兵越藏原為嚴防邊界並令該將軍到藏以奉旨詢問達賴喇
嘛呼畢勒罕為名不可稍露風聲乃賽沖阿竟不欽遵辦理輒首
先出名將讓路阻貢之詞分馳二檄詰責廓爾喀披楞其詰責廓
爾喀之詞已屬糊塗無理至詰責披楞則謬妄更出情理之外如
披楞接到檄諭該國王以讓路阻貢之言係廓爾喀捏稟懇請天
朝發兵其將何以應之若恃其險遠竟承認伊向廓爾喀會有此
言又豈能因此一言即大興師旅窮兵黷武乎至廓爾喀屢次投
稟請兵請賞今接到檄文即回稟以前此屢稟駐藏大臣未蒙轉
奏今聞大皇帝特差將軍帶兵前來誠感歡喜其讓路阻貢之言
東華續錄 嘉慶四十一 九

實係披楞所說懇請天朝發兵萬里遠征國家何所為而出此若
如賽沖阿等檄諭所言我兵兩路進搗揚布檄飭披楞攻其南面
則廓爾喀臣順多年不恤其難轉率同外夷夾攻其地堂堂天朝
大體安在賽沖阿此舉首鼠兩端進退無據朕惟自恨誤用無能
奴才之咎曷勝憤懣看來伊因朕派令赴藏即妄起貪功之心欲
搆成邊釁以邀爵賞而置國家大局於不顧是誠何心太不度德
量力矣况如此重大軍情不待奏聞先行馳檄其專擅之咎亦無
可辭賽沖阿著傳旨嚴行申飭先拔去雙眼花翎降為二品頂帶
喜明珂什克並不止阻隨同會銜俱著降為三品頂帶喜明並拔
去花翎見在檄諭已發料難追回惟有靜候該二國回稟再行嚴
辦其回稟齊到時賽沖阿等即將原稟譯出不許增減一字候朕
指示辦理彼時邊疆靜謐賽沖阿即帶兵徑回成都喜明自回前

藏此時惟有嚴防邊境待以鎮靜不許輕舉妄動若賽冲阿等再妄發檄諭或帶兵擅出邊界激成釁端朕必將賽冲阿革職拏問從重治罪○丙午原任禮部尚書王懿修卒遣慶郡王永璘往奠茶酒予祭葬諡文僖○丁未御前大臣喀爾喀賽因諾顏扎薩克親王固倫額駙拉旺多爾濟薨遣御前大臣索特納木多布齋等往奠茶酒賞銀二千兩治喪

六月庚申調那彥寶為戶部右侍郎轉熙昌為刑部左侍郎調成格為刑部右侍郎由戶部右侍郎○調盧蔭溥為戶部右侍郎姚文田為戶部左侍郎黃鉞為禮部右侍郎由戶部右侍郎○壬戌調張映漢為湖北巡撫楊護為浙江巡撫○庚午諭十八年九月逆匪林清句約李文成來京滋事經滑縣知縣強克捷訪破逆謀將李文成獲案嚴刑拷訊逆黨牛亮臣等知事已敗露剝影劫獄將強克捷全家戕害

而李文成刑傷甚重遂不能剋期赴約逆首林清尚遲疑株待因得迅就捕誅是強克捷不獨訪獲所屬境內逆匪兼能破敗林清等勾結奸謀厥功甚大前經賞給騎都尉世職令伊長子強達泰承襲茲據強達泰以自幼未習弓馬恐誤差操呈懇改就文職雖與兵部奏准定例不符惟強克捷功烈偉著不能拘以常例朕覽卹忠盡破格施恩強達泰著准其改就文職以六部主事補用○癸酉寶興綠事降調轉多山為禮部左侍郎調廉善為禮部右侍郎以恩甯為盛京工部侍郎由大理寺卿○丁丑諭錢局匠役係微末小人貪得無厭是其常態全在該侍郎等平日督率監督申明約束此次工局增復料錢本係賞給鐘頭之項該匠役等妄生覬覦即屬不安本分自當立予責處枷示俾知懲創佛住等率領司員齋旨發交閱看辦理已失之輒弱及該匠役等仍不遵奉將該司

員監督等留於局內關閉局門求索不已其時並欲該侍郎等到局設佛住等進局亦被遮留更復成何事體該匠役似此貪昧肆妄佛住等並不據實奏交刑部治罪輒將增復料錢蒙混奏請酌成分給調停了事朕屢次召見詢問工局情形佛住等均奏稱極為安靜希圖掩飾實屬因循疲玩已極似此庸碌具臣斷難姑容佛住吳烜著照部議即行革職以為滿漢侍郎不實心任事者戒○調普恭為吏部右侍郎以誠安為工部右侍郎由左副都御史○轉戴聯奎為吏部左侍郎調王鼎為吏部右侍郎陳希曾為工部右侍郎轉帥承瀛為刑部左侍郎調朱理為刑部右侍郎以陳觀為倉場侍郎由內閣學士○原任大學士慶桂卒遣員勒奕紹帶領侍衛十員往奠茶酒予祭葬諡文恪○戊寅欽差戶部尚書景安等奏

參甘肅前任總督那彥成商同藩司浮銷賑銀應運送糧石腳價東華續錄 嘉慶四十一

蒙混具奏各情弊一摺得旨著托津禧恩馳驛前赴保定傳旨將那彥成革職拏問解京交大學士戶部刑部會同嚴審定擬具奏那彥成之子容照容恩俱著革職○以方受疇為直隸總督調阮元為河南巡撫以錢臻為江西巡撫調姚祖同為直隸布政使以習振翎為山西布政使富綸為山西按察使由雁平道○閏六月癸巳積纂秘殿珠林石渠寶笈成○甲午諭本日都察院奏據山東商人高恆立呈控沂水蒙陰兩縣梟匪聚眾搶奪自十八年十二月至本年五月戕斃巡役割耳挖眼以及搶店毀塔截劫派買擄辱婦女控告到官者共有七十二案陳預於十九年九月到山東巡撫之任其前此地方廢弛尚得該為同興之各陳預接任將及二年地方兇徒恣行不法至於如此伊誰之辜無怪飭緝要犯日久不獲劉玉濬匪境一年茫無覺察及究出祝劉二逆

窩留蹤迹又不能迅速成擒一味因循怠玩毫無整頓封疆大吏所司為何事乎方受囑巡撫河南與陳預均在十八年之後豫省拏獲紅鬍匪徒審明嚴辦者共有七百餘名奸宄斂戢間閭安枕特將伊擢授總督其委往督緝之臬司琦善亦賞戴花翎隨同出力府縣各員並准令登諸薦牘奮發有為者賞以旌功委靡不振者亦罰以當罪陳預著革去花翎降為三品頂帶責令戴罪自贖勉力速拏要犯以蓋前愆該商人呈遞梟匪擾害地方節略著發交閱看令其自知愧恥所有沂蒙二縣各案梟匪即督飭文武員弁勒限按名捕獲嚴審定擬具奏該撫經此次訓誡之後儻仍不知愧奮廢弛怠玩必當重治其罪不能姑恕言出法隨決不容此庸劣具臣貽誤封疆憤之○以茹棻為內閣學士降調左都御史○以明興阿為左副都御史由太僕寺卿遷○戊戌諭本日朕恭閱 聖祖仁皇

東華續錄

嘉慶四十一

十一

十一

十一

帝實錄康熙二十六年宗人府題多羅平郡王納爾圖打死無罪人羅米又折楊之桂著薩保二人手足應革王爵監禁得 旨納爾圖著革去王爵免其監禁欽此因思上年冬閒禮親王昭槿將其屬下莊頭人等禁押府內非刑酷虐經管理宗人府王公軍機大臣刑部會同審明革去王爵擬以圈禁二年朕彼時未曾記憶此 旨以縣課等係照例定擬即依所擬行今思納爾圖從前打死平人又折二人手足向 恩免監禁昭槿雖濫用非刑其被虐之人究未斃命較之納爾圖尚覺稍輕朕敬承 家法著加恩將昭槿釋放甯家○庚子諭那彥成前在陝甘總督任內與已故藩司陳祁商同那移賑銀並捏奏捐廉等情前經大學士等會訊俱已供認惟陳祁提入內署銀二萬四千兩尚無著落見在降旨確查將那彥成監禁聽候擬罪惟聞伊母到京患病沈篤那彥成係

大學士阿桂之孫十八年勦辦滑城賊匪亦有微勞伊係獨子經伊母守節撫孤至於成立朕不忍令其母子兩地推心特破格施恩給那彥成十日之假令其回家省視伊母如十日期內伊母病已痊愈仍令進監待罪儻伊母病有不測准其在家穿孝數日再赴刑部監禁著刑部侍郎成格將此旨宣諭那彥成即帶伊回家另派刑部滿漢司員各一人在伊家住宿看守其住宅前後著步軍統領衙門派兵十名加意巡邏不准那彥成出門與外人相見亦不准外人前往看視○壬寅調章煦為禮部尚書戴均元為吏部尚書○丁未諭直省沿海地方如廣州福州浙江之乍浦江南之京口俱設有水師駐防其綠營在各沿海省分者設有外海水師歲時操演按期會哨定制周詳天津為畿輔左掖大沽等海口直達外洋從前會建設水師駐防後經裁撤該處拱衛神京東接

東華續錄

嘉慶四十一

十一

十一

陪都形勢緊要自應參考舊制復設水師營汛以重巡防其應如何分駐滿漢官兵增設統轄大員及一切建置事宜操防規制著大學士軍機大臣會同該部詳細妥議具奏

臣王先謙敬編

臣周瀚蕃恭校

秋七月庚戌諭朕於二十二日降旨令那彥成回家省視伊母不准外人前往看視那彥成慶放二十三日前往看門兵丁曾向攔阻伊自稱本家堅欲進門若謂看視那彥成之母其母係於二十日到京何以不於二十二日以前前往看慶放捏詞掩飾顯係違旨且年力衰頹著即照部議革職○乙卯賜英吉利國王敕諭曰爾國遠在重洋輸誠慕化前於乾隆五十八年先朝高宗純皇帝御極時曾遣使航海來庭維時爾國使臣恪恭成禮不愆於儀用能仰承恩寵瞻觀筵宴錫賚便蕃本年爾國王復遣使齎奉表章備進方物朕念爾國王篤於恭順深為愉悅循考舊典爰東華續錄 嘉慶四十二

飭百司俟爾使臣至日瞻觀宴賚悉做先朝之禮舉行爾使臣始達天津朕飭派官吏在彼賜宴詎爾使臣於謝宴時即不遵禮節朕以遠國小臣未嫻儀度可從矜恕特命大臣於爾使臣將次抵京之時告以乾隆五十八年爾使臣行禮悉跪叩如儀此次豈容改異爾使臣面告我大臣以臨期遵行跪叩不至愆儀我大臣據以入奏朕乃降旨於七月初七日令爾使臣瞻觀初八日於正大光明殿賜宴頒賞再於同樂園賜食初九日陸辭並於是日賜遊萬壽山十一日在太和門頒賞再赴禮部筵宴十三日遣行其行禮日期儀節我大臣俱已告知爾使臣矣初七日瞻觀之期爾使臣已至宮門朕將御殿爾正使忽稱急病不能動履朕以正使猝病事或有之因止令副使入見乃副使二人亦同稱患病其為無禮莫此之甚朕不加深責即日遣令歸國爾使臣既未瞻觀則

爾國王表文亦不便進呈仍由爾使臣齎回但念爾國王數萬里外率表納賚爾使臣不敬恭將事代達悃忱乃爾使臣之咎爾國王恭順之心朕實鑒之特將貢物內地地理圖畫像山水人像收納嘉爾誠心即同全收並賜爾國王白玉如意一柄翡翠玉朝珠一盤大荷包二對小荷包八箇以示懷柔至爾距中華過遠遣使遠涉良非易事且來使於中國禮儀不能諳習重勞唇舌非所樂聞天朝不賈遠物凡爾國奇巧之器亦不視為珍異爾國王其輯和爾人民慎固爾疆土無間遠邇朕實嘉之嗣後毋庸遣使遠來徒煩跋涉但能傾心效順不必歲時來朝始稱向化也俾爾永遵故茲敕諭○諭此次英吉利國進貢使臣至天津海口登岸特命蘇楞額廣惠傳旨賜宴令其謝宴行三跪九叩禮如合式即日帶領來京如不請禮儀具奏候旨其原船勿令駕駛仍由原路回津泛東華續錄 嘉慶四十二

海遠國蘇楞額廣惠故違旨意徑行帶來又縱令原船私去伊二人之咎在此因事已不妥又命和世泰穆克登額迎赴通州演禮以七月初六日為限限內如儀再行帶來滿限尚未如儀即行參奏候旨和世泰穆克登額於初五日含混具奏初六日徑行帶來朕於未初二刻御勤政殿召見伊二人先詢以演禮之事伊二人免冠撻頭云並未演禮及至再問以既未演禮何不參奏和世泰云明日進見必能如儀此一節伊二人之咎已同前二人矣至初七日早膳後卯正二刻朕傳旨升殿召見來使和世泰初奏稱不能快走俟至門時再請二次奏稱正使病泄少緩片刻三次奏稱正使病倒不能進見即諭以正使回寓賞醫調治令副使進見四次奏稱副使俱病俟正使全愈後一同進見中國為天下共主豈有如此侮慢倨傲甘心忍受之理是以降旨逐其使臣回國不

治重罪仍命廣惠護送至廣東下船近日召見廷臣始知來使由通州直至朝房行走一夜來使云進見朝服在後尚未趕到便服焉能瞻謁大皇帝此等情節和世泰見面時何不陳奏即或遺忘或晚間補奏或次日一早具奏俱可直至將次升殿總未奏明情節伊二人之罪重於蘇楞額矣若豫先奏明必改期召見成禮而返不料庸臣誤事至此朕實無顏下對臣工惟躬自引咎耳四人之罪俟部議上時再行處分先將此旨通諭中外及蒙古王公等知之尋議上得旨蘇楞額革去工部尚書鑲紅旗漢軍都統加恩以三品頂帶降補工部左侍郎仍留總管內務府大臣廣惠降內務府八品筆帖式和世泰革去理藩院尚書鑲白旗漢軍都統仍留公爵總管內務府大臣穆克登額革去禮部尚書鑲黃旗漢軍都統降補鑲黃旗漢軍副都統○以和甯為工部尚書由都統遷○丙辰以戴聯奎為左都御史轉王鼎為吏部左侍郎以茹葵為吏部右侍郎○丁巳以馬慧裕為禮部尚書由署湖廣總督遷○以慶溥為理藩院尚書景祿為左都御史由工部左侍郎遷○以張映漢署湖廣總督出湖北巡撫兼署○辛酉諭軍機大臣等賽沖阿等奏據廓爾喀國王來稟已與披楞講和趕辦貢物稟求示期進獻情詞極為恭順等語廓爾喀與披楞和議已成彼此息爭邊境甯謐賽沖阿奏請俟披楞稟覆到日即行回川計此時披楞覆稟應已到藏該將軍查看無事即回成都本任至廓爾喀備辦表貢請示期進獻該國係久經臣服之國豈有因此一事令添備一貢之理即諭以該國與披楞連年搆兵今和議甫成得以安輯大皇帝體恤藩服俾令休養安息此時無庸趕辦貢物仍遵照一定貢期於嘉慶二十二年差噶箕頭目於年內到京照例朝覲以示懷柔該將軍等接奉

此旨即檄諭該國王祇遵可也至披楞既與廓爾喀講和將來稟覆諒無異說如稟詞極為恭順著由四百里具奏如尚有應行查辦之處由五百里具奏無庸再發六百里急遞致駭聽聞也○壬戌以程國仁為甘肅布政使張五緯為山東按察使由直隸天○乙丑 上啓變秋獮木蘭○免經過地方額賦十分之三○辛未 上駐蹕避暑山莊○以汪守和為內閣學士由詹事遷八月壬辰 上自避暑山莊巡幸木蘭行圍○甲午諭木蘭圍場自 聖祖仁皇帝肇開其地歲時獮狩講武詰戎內外扎薩克蒙古藩部王公等囊鞬隨行以將其忠君親上之忱 恩施優渥賚予便蕃典至重也我 皇考高宗純皇帝六十年率循弗替 聖製避暑山莊後序以木蘭行圍繫於綏藩肆武者至鉅 垂訓後嗣俾世世遵行朕恪循 成憲每歲舉行既躬習勤勞並以撫綏東華續錄 嘉慶四十二 四 潘服訓練軍伍此與 祖訓勿改衣裳騎射同為我國家根本之計 列聖詒謀所當萬年遵守者乃上年自熱河啓蹕之日驟課有雨水衝漫橋梁之奏意圖停止進哨特降旨將縣課革去御前大臣示以罰懲本年由京啓鑿以後兼旬晴霽乃又有以閏月節候較早哨內寒冷為詞者除御前大臣軍機大臣均無此言外卿貳京堂及直隸道府內頗有其人此不獨欲以消滅朕聽且以阻撓眾志是誠何心直同背畔矣此次進哨以來風日暄和毫無雨雪見已行圍過半氣候並未凝寒本日特召見皇子御前大臣軍機大臣宣諭此旨總以歲舉秋獮係我朝 家法必當永遠遵循嗣後每遇進哨大小臣工槩不准以雨水寒冷為詞妄生浮議屆期如實有應行停減之處朕自行降旨備有敢於嘗試仍復造作浮言希圖阻止者則行圍之事與行軍等必將其人按軍法治罪

立正典刑不稍寬貸將此通諭知之○諭據徐銀奏方受晴姚祖同因本年逢閏節候較早恐哨內天氣寒冷公捐棉衣二千件為分賞辦差兵丁之用此舉大屬非是朕巡幸木蘭歲以為常五年再閏從前逢閏之年歷次舉行秋獮從無加賞兵丁棉衣之事方受晴等創為此舉後將援以為例若不能為繼兵丁等將以此生怨且綠營兵丁由伊等捐賞所有隨扈八旗兵丁又將誰為捐給乎方受晴姚祖同市惠邀名而不計沮惑眾心有乖政體俱著嚴行申飭仍交部議處○己亥禮部尚書馬慧裕卒贈太子少保予祭葬○以成甯為禮部尚書

九月丁未朔復松筠太子太保○庚戌諭朕每御行營自御前大臣至御前乾清門侍衛等均各佩撤袋隨扈御前大臣繇恩因其年老特加恩不令佩帶即御前大臣等有豫備手帕差使亦無不佩撤袋之例嗣後御前大臣等不得藉豫備手帕不佩撤袋奕紹雖有管理鑾儀衛差使究係乾清門行走伊因途閒豫備轎車竟不佩撤袋且如朕在途閒更換轎馬不惟御前乾清門大臣侍衛等均各佩撤袋下馬豫備差使即從前御前乾清門大臣內亦有兼管鑾儀衛之員並無推故不佩撤袋者今奕紹止圖便於豫備差使竟不佩撤袋甚屬懶惰本年哨內管理圍場事務亦屬平常奕紹著退出乾清門仍罰職任俸半年嗣後除有豫備鑾儀衛差使毋庸佩撤袋外其帶領豹尾槍差使亦照舊例佩帶撤袋○壬子

上駐蹕避暑山莊○諭那彥成從前屢獲咎愆經朕棄瑕錄用復升任陝甘總督自當竭盡愆忱力圖報效即地方遇有格礙難辦之事亦應據實陳奏請旨遵行乃聽信陳祁之言那移賑銀十九萬餘兩以為津貼採買腳價等項之用實屬膽大妄為經刑

部問擬斬監候將應賠銀三萬九千八百兩勒限一年全完請旨應否免罪茲已於一月內繳完惟那彥成係屬大員雖有清縣勦賊微勞不能即予免罪仍當發往伊犁姑念伊母年老病篤那彥成著加恩暫免發遣即行釋放令其在家終養伊子容照容恩前以那彥成獲咎黜革茲那彥成既經釋放伊子並無他咎著各降一等容照賞給三等侍衛在大門上行走容恩以上虞備用處拜唐阿用○乙卯 上自避暑山莊回鑾○戊午 上閱古北口兵○己未陳希曾以疾免以陸以莊為工部右侍郎彭希濂為左副都御史○以瑞弼為直隸按察使由熱河道遷○庚申調瑞麟為浙江布政使以李廣芸為福建布政使麟祥為福建按察使由浙江前布政使○壬戌 上還京師○丁卯諭軍機大臣等賽冲阿等奏廓爾喀王專遣噶箕恭進表貢披楞部長頭人遵檄稟覆見在兩國講和

東華續錄 嘉慶四二 六
邊界甯謐並遵旨撤兵回川各一摺覽奏欣慰此時廓爾喀與披楞兩國和議已成披楞來稟並有與廓爾喀更加和好永遠和睦之語彼此自可息爭邊境甯謐至廓爾喀貪詐刁頑即或另起爭端亦與天朝無涉其來稟稱有事總欲稟知此時儘可付之不答將來即有稟求之事亦仍置之不問惟當加意訓練漢番兵丁慎守邊疆是為至要至廓爾喀貢期著仍遵照諭旨於嘉慶二十二年年差噶箕頭目於年內到京照例朝覲見在該二國俱已恭順服從邊圍教甯賽冲阿著加恩賞還雙眼花翎頭品頂帶喜明阿什克俱賞還二品頂帶喜明並賞還花翎賽冲阿見已撤兵帶回成都到省後即將將軍印信交常明兼署起程來京陛見計算程期如年內可以至京即作為本年年班至該將軍等此次帶往將弁及文武官員等並未著有勞績有何可鼓勵之處不准保奏一人

喜明於查閱營伍後亦即回前藏供職也○壬申 上臨故御前大臣拉旺多爾濟第賜奠

冬十月丙子朔諭軍機大臣等將攸鈺等遵旨覆奏辦理英吉利貢使到粵回國事宜一摺英吉利國貢使不能行謝宴禮儀乾隆五十八年到粵時並未給與筵宴此次自無庸強令入宴行禮該督等所奏頒賞使臣筵席三桌仍賞給牛羊等物所辦甚是至另片所請再行頒發諭旨宣明該貢使等失禮之咎令該國王自行查辦殊可不必前該督所奏刊刷告示發給該國來粵貿易各船朕即諭以六合之外存而不論降旨飭令停止該督尚未接到復為此奏總之此事蘇楞額一誤於前和世泰再誤於後朕權衡裁度恩威並濟厚往薄來辦理已為允協此後無庸多煩詞說該貢使如此狡詐即頒發諭旨伊歸國後亦豈不能隱匿捏造虛詞以

東華續錄

嘉慶四十二

七

自文其過竟當置之不論較為得體俟該貢使到粵該督於接見時當堂堂正正諭以此大爾等奉國王之命來天朝納貢不能成禮即屬爾等之咎仰荷大皇帝深仁大度不加譴罰仍賞收爾國王貢物頒賞珍品此乃天高地厚之恩爾等回國不可不知感激至爾國向在粵東貿易即係爾國一定口岸儻將來再有進貢之事總須在粵東收泊候督撫具奏請旨遵辦毋得徑往天津即駛至彼處該官吏亦必遵旨駁回爾等豈非徒勞跋涉如此明白宣諭伊等自當畏威懷德不必與之辨論曲直也朕又思英吉利國於乾隆五十八年入貢時懇請在浙江甯波貿易此次該國貢船來往經過浙洋並未寄旋其意似專欲來天津貿易以遂其壟斷之謀該督總當設法將伊國來津之意嚴行杜絕使之不萌此念即來亦不能徑達方為妥善至噉啞等五人既均係夷商見在仍

准該國貿易自不必全行驅逐致啓其疑即聽從其便可也○戊子百齡因病乞假允之以松筠署兩江總督○己亥諭本日潘世恩差人齎摺奏請終養又因伊子中式舉人具摺謝恩潘世恩前以丁憂回籍本年九月服闋又值伊子中式舉人伊係一品大員自應親身來京具摺陳謝即因伊父年逾七旬欲求終養亦應於到京召對時據實陳請朕必俯允所請今伊摺內止云體察伊父精神迥不如前並非疾病沈篤刻不可離潘世恩來京往返不過月餘乃憚於跋涉輕率陳請殊乖人臣之義潘世恩著降為侍郎准其終養俟養親事畢後來京以侍郎補用○命協辦大學士禮部尚書章煦軍機處行走○甲辰諭國家設立部院衙門遇有交議事件各堂官應虛衷商榷俟詢謀僉同方可畫稟逆衙具奏如事關重大有交大學士軍機大臣會同各該衙門議奏者原以一

東華續錄

嘉慶四十二

八

人之心思有限眾人之才識無窮尤應公同籌酌以期事臻盡善或其事眾入皆以為是中有一人獨覺其非即應抒其所見向眾人剴切陳說其言果當眾人自當擇善而從其言不當眾人亦可面折其非如其人心仍不服朝廷本有兩議之例即當自抒己見據實直陳候朕裁定朕執兩用中之是者即降旨允言之非者亦必降旨駁正乃近有公會議之事有一二人又於召見時以所議未協向朕前密陳是竟強勉唯阿而復退有後言其心實私而不公豈忠臣體國之義乎嗣後凡遇特交會議事件務須公同定擬必意見毫無異同方可會銜陳奏若意見不合即單銜具奏其會奏摺內無庸列銜此時在廷並無攬權專擅之臣儻有遏抑羣言阻其獨奏者准其人指名參劾若於畫稟具奏之後向朕前別生異議則是首鼠兩端其人殊不足取茲特明降諭旨詳細

曉諭以後凡特交會議摺內俱先將此旨恭錄於前所有此次御史羅家彥條奏籌畫旗民生計交八旗都統會議一摺奏上時即著將此旨載入○調恩甯為盛京刑部侍郎以多福為盛京工部侍郎由副都統選

十一月丁未改廣東新甯縣鹽場大使為上川司巡檢廣海寨巡檢為主簿○壬子諭陳預奏李達亨於黃河情形不甚熟習近日河勢北趨魏家埠道迤東迎溜頂衝明歲必須加意修防李達亨每喜於隄內添築土壩不惟與水爭地抑且引溜生工轉多糜費豫東二省險工林立李達亨到東河日淺未能曉暢機宜難保不為臆員蒙混等語朕本日召見吳璠據奏稱李達亨於東河河務機宜實未熟諳其言與陳預相符兩年以來河流順軌由於海口深通建瓴直下此時上游修防尤關緊要李達亨於黃河情形既東華續錄 嘉慶四十二 九

未能熟悉著仍回永定河道之任伊在河東河道總督任內並無咎愆著加恩賞戴三品頂帶其河東河道總督員缺著葉觀潮以三品頂帶補授俟明年三汛安瀾後再行施恩又充沂曹道斌良於河務情形亦未諳悉著發往江南以地方道員補用其所遺員缺著張鼎補授○調孫玉庭為兩江總督以阮元為湖廣總督調文甯為河南巡撫以朱理為貴州巡撫彭希濂為刑部右侍郎由副都統選○兩江總督百齡卒贈協辦大學士遺乾清門侍衛博啓圖往奠茶酒予祭葬諡文敏以其子扎拉芬襲男爵○癸丑以莫晉為左副都御史服闋左副都御史○調繼昌為江南布政使李堯棟為雲南布政使○甲寅諭八旗都統等奏駁御史羅家彥條奏籌畫旗民生計章程一摺所駁甚是該御史條陳以為旗民生計艱難欲令八旗老幼男婦皆以紡織為業當奏上時朕即覺其事不可

行今該都統等所奏駁論果俱以為事多窒礙公同議駁本日特召見諸皇子軍機大臣等明白宣諭我八旗滿洲首以清語騎射為本務其次則誦讀經書以為明理治事之用若文藝即非所重不學亦可是以皇子等在內廷讀書從不令學作制藝恐煩於文士之所為凡以端本務實示所趨嚮我朝 列聖垂訓命後嗣毋改衣冠以清語騎射為重 聖謨深遠我子孫所當萬世遵守若

如該御史所奏八旗男婦皆以紡織為務則騎射將置之不講且營謀小利勢必致漸以貿易為生紛紛四出於國家贍養八旗勁旅屯住京師本計豈不大相刺謬乎近日旗人耳濡目漸已不免稍染漢人習氣正應竭力挽回以身率先豈可導以外務益遠本計乎即如朕三年一次閱選秀女其寒素之家衣服尚仍儉樸至大臣官員之女則衣袖寬廣踰度竟與漢人婦女衣袖相似此風東華續錄 嘉慶四十二 十

漸不可長見在宮中衣服悉依國初舊制乃旗人風氣日久華靡甚屬非是不能齊家焉能治國各王公大臣之家皆當力敦舊俗倡挽時趨以副朕崇實黜華之意羅家彥此摺若出於滿洲御史必當重責四十板發往伊犁姑念該御史係屬漢人罔議國家規制但伊識見如此竟欲更我舊俗豈能復勝言官之任著革退御史仍回原衙門以編修用將此通諭知之○己巳韓封丁父憂賞治喪銀三百兩調章煦為刑部尚書周兆基為禮部尚書以茹茶為工部尚書吳芳培為吏部右侍郎署兵部○庚午調繼昌為吏部左侍郎秀甯為刑部左侍郎十二月己卯以廉敬署江西按察使由內閣侍讀學士署○辛巳以莫晉為倉場侍郎由副都統選○庚寅以王引之為左副都御史由大理寺選○戊戌調富倫為安徽按察使以汪如淵為山西按察使由鴻臚寺選

○是歲朝鮮琉球英吉利來貢○會計天下民數數各省通共大小男婦三萬二千八百八十一萬四千九百五十七名口各省通共存倉米穀三千二百六十五萬一千四十三石三斗七升六合五勺

東華續錄

嘉慶四十二

十一

東華續錄

嘉慶四十三

臣王先謙敬編

臣周潤蕃恭校

嘉慶二十二年丁丑春正月己酉諭湖北民人向習邪教經該地方官宣諭開導具結改悔者三四百名可見能知大義化誘為良所全者多矣直隸山東河南向來邪教最多山西近亦有傳習者愚民無知苟圖目前小利不顧日後大害若不導以漸洗之路堪世者堪畏罪隱匿是仍不能化其汙俗咸與維新實堪憐憫莫若做照湖北出示曉諭凡真心悔悟將經卷及一應邪書到官投繳銷毀即奏明免罪朕必照例施恩地方少一誘民即多一良民較之逐處搜查豈不事半功倍乎○甲寅諭國家一日二日萬幾朕辦理庶務惟日孜孜內外章奏無不隨時批答從不稍存遲忌其東華續錄 嘉慶四十三 一 誣吉舉行者皆事關典禮即古人外事剛日內事柔日之義非尋常事件所當比例也乃直省各督撫奏事於拜摺時先擇吉日又豫擇吉日屬令差弁於到京後屆期呈遞是以近日遇開破之日竟全無奏摺過成開之日數省之摺彙齊呈遞朕檢閱時覺書其日必係良辰甚屬可笑可鄙即在京各部院引見奏事亦往往選擇吉辰均屬陋習著通諭內外各衙門嗣後遇有應辦之事務各迅速辦理一經辦竣立即具奏毋得仍前拘忌選擇良辰致有叢臆用副朕勤求治理至意○諭上年曾經降旨俟百齡靈柩到京准其入城治喪並著軍機大臣屆時奏開派皇子至伊家賜奠昨據松筠奏徐州府屬邳州窮民攔路呼號懇請撫恤事關民瘼前此百齡在任時未能查辦周詳使其尚在必當治以應得之罪今已身故姑免追究百齡靈柩到京時無庸奏派皇子賜奠仍准其

入城治喪○定地方官疏脫軍流人犯加等議處例○壬申 上
御經筵○諭朕恭閱 聖祖仁皇帝實錄內載康熙四十七年八
月 諭諸大臣曰近日聞諸阿哥常權辱諸大臣侍衛又每尋釁
端加毒毒於諸王貝勒等諸阿哥見今俱未受封爵即受封後除
伊屬下人外凡有罪過亦當奏聞候朕處分伊等何得恣意妄行
捶撻平朕為天下元后凡事但遵大義而行無罪之人未嘗枉法
處治國家惟有一主諸阿哥擅辱大小官員傷國家大體此風斷
不可長嗣後諸阿哥如仍不改前轍許被撻之人面詰其見撻之
故稍有冤抑即赴朕前叩告朕且欣然聽理斷不罪其人也至於
爾等有所見聞亦應據實上陳若一切隱諱後來漸至殺人亦將
隱而不奏乎爾等隱而不奏即加等治罪矣等因欽此仰見 聖
訓煌煌端本養正之至意見今皇子等恪遵綱紀實無有逞性作
東華續錄 嘉慶四十三
威之事但諭教之道不可不先 聖祖貽謀洵為萬年法守皇子
等皆當聽聽 彝訓知所鑒戒况左右隨從之人如諸達哈哈珠
色太監等遇有過失據實奏明候朕處治不可任性妄行有乖禮
則再朕聞近日上書房四阿哥均係按日授經二阿哥三阿哥不
立課程二阿哥尚閒日撰作詩文三阿哥則經年累月詩文俱置
不作朕在潛邸時未有一日不作詩文今雖日理萬幾於政事之
暇尙時時游藝不肯稍有暇逸御製詩文日月編排卷帙繁富阿
哥等日在書房並無他事又無旗務管理若僅卯入申出不肯留
心問學豈不竟成佚曠夫人之心志不專於此必移於彼豈可別
有所好關係甚鉅奚若游藝詩文發抒經史可以陶冶性情增長
知識且日有常課亦以收其放心其獲益實非淺鮮嗣後二阿哥
三阿哥每日俱應作詩閒三五日必作文一篇不可開斷使業精

於勤勿荒於嬉以收遜志時敏之效著將此旨鈔錄一通交上書
房存記俾皇子皇孫等觸目儆心永遠欽承

二月丁丑釋奠 先師孔子○庚辰諭英和等奏南營汛地南橫
街地方舉人劉經裕家被盜將專汛都司及參將遊擊等參奏交
部議處一摺此案盜犯執持器械嚇禁事主強劫銀物近在禁輟
之下實屬目無法紀著步軍統領衙門五城一體嚴拏務獲按律
懲辦至向例京城地面盜案三月無獲始行提奏未免過寬嗣後
京城外七門以內尋常竊盜案件三月限滿題參如有執械嚇禁
強劫之案二月無獲即行題參其九門以內尋常竊盜案件二月
題參強劫之案一月無獲即行題參著為令○壬午諭和甯等查
明西甯縣私運倉糧並捏報採買大槩情形一摺此案河州知州
前任西甯縣知縣沈仁澍與已革西甯縣知縣楊毓錦交代夥贖
東華續錄 嘉慶四十三
不清沈仁澍離任三年之久忽遣家人董幅赴西甯縣私自開倉
搬運豌豆二千九百餘石實屬膽大妄為沈仁澍著革職拏問楊
毓錦任職沈仁澍家人私搬豆石且該縣倉儲見在查明實貯糧
九萬八千餘石應撥兵糧不過八千一十餘石儘敷支放乃隱匿
糧款另估採買楊毓錦前已革職拏問著和甯帥承源提集該革
員等並沈仁澍家人董幅及倉書人等秉公嚴審確情按律定擬
具奏西甯道龍萬育知府錦明近在同城並不據實稟揭難免扶
同徇隱情弊俱著解任歸案質訊先福於陳啓文稟揭楊毓錦隱
匿倉糧不行查究沈仁澍侵冒銀糧龍萬育徇隱不辦亦不據實
嚴參實屬有心徇庇先福著先行革去頂帶交部嚴加議處即在
蘭州聽候部議所有陝甘總督印務著和甯署理○癸未諭汪志
伊等奏提審改教知縣朱履中稟揭原管道府得受陋規一案解

任藩司李廣芸自縊懷有親筆紙片不肯認誣等語此案前交汪志伊王紹蘭審辦李廣芸係解任之員該督撫並未派員看管以致自縊如李廣芸實無得受陋規之事朱履中肆意誣評該藩司豈非含冤畢命倘實有其事則係畏罪自盡藉免國法汪志伊王紹蘭辦理疏忽咎實難辭俱著交部議處見已派熙昌等前往該省秉公審辦所有案內人證汪志伊王紹蘭均無庸覆審著將已革改教知縣朱履中先行革職解任漳州府知府畢所請先行革職及李廣芸家人黃升並案內應訊緊要人證俱嚴行鎖押分別監禁派員嚴密看管聽候欽差審辦倘再有疏虞定將該督撫治罪不貸○以長齡為陝甘總督由伊犁軍還○以明山為福建布政使韓文綺為廣東按察使由直隸清河道遷○甲申以常英為理藩院左侍郎由內閣學士遷○乙酉奪先福職○乙未諭國家向遇旬慶大典或慶東華續錄 嘉慶四十三 四

輅時巡臣工等例得呈獻詞章明年朕巡幸盛京祇謁 三陵越歲己卯屆朕周甲旬慶諸臣雍容揄揚合諸天保頌君之義原以達下情而光盛典但呈進之人應辨以差等其文亦應示以體裁茲特先期通行告諭凡宗室王公內其能文者俱准呈進在內滿漢大臣京堂翰詹科道在外督撫凡由科甲出身一體照例備進此外槩不准呈遞至廢員係罷斥之人尤不應越分妄干儻有違例僥倖者各衙門槩不准接收再近來進呈各冊往往貪多務博競為纖巧新奇甚非人臣對揚之體朕於宮中披覽舊時臣工所進冊葉每人或詩數首或頌賦一章詞旨敦厚體裁亦復正大嗣後諸臣進冊者每人止進一冊詩文亦各專一體毋許誇多鬪靡華而不實其擇言務求雅正尤當領不忘規期於政事有裨用副朕返樸還淳釐正文體至意○丙申以英綬為內閣學士由副都統遷

三月甲辰朔汪志伊以疾免以董教增為閩浙總督調陳若霖為廣東巡撫以李堯棟為雲南巡撫祝慶承為雲南布政使程卓樑為廣西按察使由直隸大順道遷○丁未 皇后行躬桑禮○諭大挑舉人原以疏通舉晚近來各省分發人員漸覺壅滯昨經大學士會同吏部酌議章程量加調劑朕思南河東河北河三處河工亦需員差委若於此項大挑一等人員內分發試用俾之學習河務以河工之繁簡定人數之多寡既可策勵人材亦可疏通額缺其應如何酌定員數並試用甄別限期及補用缺分章程著吏部詳議具奏尋議分發南河三十員東河二十員北河十員赴工差委一年期滿甄別擇其諳練河務堪膺民社者咨部註冊以知縣用照地方以原銜借補任貳之例先行咨署管河任貳俟經歷三汛後實授遇有沿河調缺知縣缺出准其調補若甄別以佐貳改補者東華續錄 嘉慶四十三 五

得缺後照見缺升轉不准調還知縣得旨此項大挑一等分發河工人員著定為試用二年經歷六汛後甄別該河督秉公察看其能通曉河務者留於河工照新定章程分別補用如河務不能諳習而才具尚膺民社者奏明改撥地方仍以知縣補用其才識迂拘者以教職改補○戊申諭上年大學士會同兵部議奏天津添設水師請將新添水師兵一千名分為左右兩營歸天津鎮總兵統轄該鎮向係專管陸路且每年有催糧清運差使事務本煩今將水師兩營歸其統轄恐洋面一切巡緝操防未能兼顧著再添設天津水師總兵一員將添設水師營弁兵丁令其管轄以專責成其應給敕印俸廉及建蓋衙署各事宜著各該衙門迅速具奏照例辦理若因循疲玩定行重治不赦○辛亥 上親耕藉田○壬子 上啓鑾謁 東陵○免經過地方額賦十分之三○丁巳

上謁 昭西陵 孝陵 孝東陵 景陵 裕陵回鑿○己未
諭伯麟等奏確查臨安邊外夷匪滋事情形分別招撫堵剿一摺
逆夷高羅衣膽敢自稱窩泥王並將附從漢奸等偽封官職裹脅
至萬餘人搶擄江外土司地方復率眾搶掠伺地方官屬罪大
惡極事關邊境軍情伯麟此摺僅由三百里具奏殊屬不曉事體
嗣後奏報皆當由五百里馳遞俟辦理完竣即由六百里馳奏見
在偽封軍師之漢奸章喜業經搗獲訊明該逆等犯事緣由伯麟
雙林等已調派本省官兵及廣南土練定期進剿此事務須一鼓
撲滅不可因循疲玩如見調兵力尙有不敷貴州官兵素稱趨捷
該督卽行添調或一千名或五百名迅速來滇選派會經出師打
仗奮勇將弁帶領迅即進剿此時賊眾初集兵貴神速趁此煙瘴
未起之時立即擒渠堵穴不可斬惜小費遷延時日若辦理遲緩
東華續錄 嘉慶四十三 六
一至暑熱瘴生官兵卽須撤退使賊得以乘暇裹脅秋冬再舉則
勞費更重伯麟等務勉力辦理將首逆高羅衣及逆姪高借沙等
剋期擒獲凌遲處死其餘烏合之眾自必卽時瓦解其章喜一犯
暫行牢固監禁俟首逆就擒質訊明確一併凌遲以伸國法而靖
人心○乙丑 上幸南苑行圍○戊辰周兆基卒以盧蔭溥爲禮
部尙書調姚文田爲戶部右侍郎黃鉞爲戶部左侍郎以湯金釗
爲禮部右侍郎由內閣學士遷○己巳調禧恩爲戶部左侍郎轉常福爲
兵部左侍郎以穆彰阿爲兵部右侍郎由內閣學士遷○庚午 上還京
師○辛未章煦因病解任以吏部尙書戴均元協辦大學士調吳
璥爲刑部尙書盧蔭溥爲兵部尙書以戴聯奎爲禮部尙書汪廷
珍爲左都御史王引之爲禮部左侍郎由左副都御史遷○以汪如淵爲
順天府府尹承光爲山西按察使前任山東道御史○贈故順天府府尹

費錫章兵部侍郎銜子祭葬○壬申諭向來部院遇有議處事件
每因查被議之員有無加級紀錄以致議奏遲延嗣後著於奉旨
五日之內卽行議上其例不准抵者於摺尾聲明卽係應以級紀
議抵者亦無庸先行查計著於摺尾聲明例係應行議抵之案可
否准其抵銷請旨遵行如奉旨不准抵銷無庸查計若准抵銷再
行查明覈辦
夏四月甲戌朔日有食之○丁丑增設曹州鎮總兵官遊擊守備
各一員改東昌營都司爲右營撥鉅野等七營隸之○壬午賜強
克捷子望泰進士○丁亥 上閱健銳營兵○諭陳預奏請將因
公降革送部引見知縣就近捐復原官留東補用一摺向來部議
降革人員降旨令該督撫出具考語送部引見者均係因公案件
引見時朕量材錄用其年力強壯人材可觀者多加恩以原官補
東華續錄 嘉慶四十三 七
用如年齒衰頹卽照部議降革若將送部引見之員先令其捐復
再行送部引見是已准其復還原職引見轉屬具文殊屬取巧所
有該撫請將革職知縣張日昇降調知縣劉東里就近捐復原官
留於東省補用之處著不准行仍遵前旨將該二員送部引見嗣
後各省凡係部議降革有旨送部引見之員俱不准先行奏請捐
復若部議降革未經奉有送部引見之旨者如該員官聲素好熟
悉地方情形准該督撫代爲奏請捐復仍聲明將該員先行送部
引見俟引見奉旨准其捐復再令該員交納捐款以原官補用○
庚寅停伊犁仲夏進馬○辛卯諭軍機大臣等伯麟等奏勦平江
外逆夷邊境肅清一摺首犯高羅衣以江外夷民膽敢謀逆滋事
據該犯供稱因江西湖廣等處漢人在夷地貿易取利甚爲刻苦
遂借驅逐漢人爲名聚眾謀逆等語夷民愚蠢無知多因內地民

人私往夷地或潛相煽惑或激生事端釀成大案致勞兵力戕害生靈此案擊獲之偽軍師章喜一犯即係漢奸見將首從各逆悉數殲獲邊境救甯正當趁此出示曉諭嚴飭沿邊各州縣凡內地民人不准私往夷地貿易侵奪夷人生計若有私越邊境者查明嚴禁治罪務令弭患未形勿再滋生邊隙為要○以勸平夷匪高羅衣首夥各犯加伯麟太子少保○壬辰軍機大臣會同刑部議奏已革知州沈仁澍侵盜倉糧連脚一案得旨此案已革河州知州沈仁澍盜賣倉糧侵蝕運腳並虧缺倉庫共銀九萬餘兩本應即行正法將所虧銀兩在伊家屬名下勒追該革員先經畏罪自盡倖逃國法著將伊子沈德林發往烏魯木齊以示懲儆已革陝甘總督先福身任封疆收受屬員供應餽送又濫保貪墨劣員罪無可追先福著照議發往伊犁效力贖罪前署陝甘總督高杞率東華續錄 嘉慶四十三 八

准沈仁澍領運倉糧黃方承領運腳署藩司德克精阿私發庫銀數萬餘兩並不查究實屬溺職高杞著即革職餘依議○以伊冲阿為理藩院尙書由烏里雅蘇台將軍遷○甲午以吳其彥為內閣學士由事賈允升為左副都御史由宗人府丞遷○戊戌賜吳其濬等二百五十五人進士及第出身有差○壬寅命刑部清理庶獄

五月乙巳減直隸軍流以下罪○丙午諭向來新進士朝考以論詔疏詩四項命題其詔題多係擬古朕思士子文藝試以論疏詩三項其優劣已可槩見擬作古詔不過臨時強記敷衍成篇况可擬古詔本屬無多歷科命題幾徧嗣後新進士朝考著裁去詔一道以論疏詩三項命題著為令○辛酉 上詣 天神壇祈雨○諭那彥成獲罪應發伊犁因伊母年老病篤暫免發遣茲伊終養事畢仍應發往伊犁念其前在滑縣剿賊著有微勞那彥成著加

恩免其發遣在家閉門思過○以博啓圖為理藩院右侍郎由內閣學士○壬戌兩○丁卯諭照昌等奏審訊朱履中稟許道府收受陋規藩司李廣芸被備自縊等情分別定擬一摺此案朱履中以衰庸難勝繁劇改教後許控該管道府得受陋規業經該督撫於參奏後訊據朱履中供明係屬誣控乃汪志伊等以參奏李廣芸解任在前欲資其言屢審屢駁承審之署道涂以朝即心存迎合以李廣芸家人黃升會向朱履中私借洋銀三百圓惟此一欸屬實為數太少難以稟覆督撫定案即向李廣芸私商令其添認銀兩李廣芸並未寫供迨至身故後文卷內忽有供詞一紙稱朱履中曾有代墊修船洋銀一千六百餘圓係應還之欸已措交張均代完公項此供並非李廣芸親筆亦未畫押竟係涂以朝自出己意代李廣芸敘供誣認又拍案厲聲備勒難堪致使李廣芸情急自盡汪志伊於李廣芸身故後慮及自干咎戾復提訊朱履中加以恐嚇以李藩司係伊偪死並以但云餽送節壽陋規屬實就可有命之語向其引誘朱履中遂聽信翻供及嚴究經據朱履中以事本局有不能指實是李廣芸之死由於汪志伊固執苛求而成於涂以朝之勒供陵僞照昌等僅將涂以朝擬發軍臺效力實屬輕縱照昌王引之俱著交部議處汪志伊年已衰邁辦事復如此謬誤毋庸交部嚴議著即革職永不敘用王紹蘭雖無授意情事但隨聲附和疊次聯銜具奏著照所請交部議處所有此案罪名著軍機大臣會同刑部另行覈議具奏尋議上得旨此案知府涂以朝於委審朱履中稟許道府一案既訊明李廣芸實無收受陋規情事乃因汪志伊等展轉駁飭輒於李廣芸供內添入朱履中代墊修船洋銀一千六百餘圓竟行寫入附卷雖據供稱伊與李廣

芸商量依允其言已在李廣芸故後毫無證據其為自出己意迎
合上官情態顯然且涂以翰親書供詞亦稱李廣芸操守清廉眾
所共知乃抑勒陵偏必欲被以貪污之名是何居心涂以翰著發
往黑龍江充當苦差到配之日再加枷號三個月以示懲儆餘依
議○戊辰諭前據熙昌等奏李廣芸故後福建士民感泣祭奠者
踵接於門熙昌等行抵省城有紳士耆民林光天等三百五十餘
人具呈臚具李廣芸生前政蹟願捐資建立遺愛專祠請據情入
奏抑或賜額表揚等語見在朱履中控告李廣芸等一案已據熙
昌等訊明李廣芸實無得受陋規情事但伊家人黃升在船工廠
會向朱履中索借洋銀三百圓李廣芸失於覺察亦有應得之咎
至李廣芸之死雖由於涂以翰勒供陵偏但伊係藩司大員緣事
逮問知果有實在罪愆自當靜俟國法若此心繳然橫遭冤枉亦
東華續錄 嘉慶四十三
應據實控訊朝廷必為昭雪乃率效匹夫溝瀆之諒情性殊為褻
急李廣芸不應特予旌揚若問省士民追思惠政自願捐資立祠
此則斯民直道之公悉聽其便○庚午諭王紹蘭身任巡撫刑名
案件是其專責此案朱履中誣訐道府收受陋規藩司李廣芸被
偏自盡固由於汪志伊刻覈苛求王紹蘭係同審之員果能持正
商阻汪志伊或不偏執已見涂以翰必不敢肆意陵偏李廣芸亦
不至憤激輕生即或汪志伊執拗難回王紹蘭儘可據實軍衙陳
奏乃一味隨聲附和釀成巨案實屬溺職王紹蘭著即照部議革
職○以史致光為福建巡撫毓岱為貴州布政使王裕著貴州按
察使前任江西○壬申頒 御製望雨省愆說
六月甲戌諭乾隆四十三年 皇考高宗純皇帝躬謁盛京 特
降諭旨垂示後嗣必當瞻懷迓滂舊疆再三周歷新於 祖宗遺

精身親目視或無識臣工妄以為不宜當律以停命之罪誅之無
赦朕敬承 聖訓擬於明秋再舉祭禮 三陵大典用展孝思時
向臣工言及尚未明降諭旨今夏九早未得甘霖昨據大學士松
筠摺奏致旱之由因朕欲詣盛京 列聖示象阻止等語實屬夢
囈怪誕極矣成湯遇旱六事自責六事中有謁祖陵乎况一年後
之事先為此言播惑眾心大玷首輔之職矣設若明年直隸及盛
京遇有歉收朕亦不待奏請何難降旨展期乎上年因縣課阻止
秋額會降旨儻有造作浮言阻止者必按軍法今松筠因夏令微
早竟敢阻止明歲上陵鉅典較秋獨為尤甚此奏若在明降諭旨
之後朕必將松筠置之重典仰承 皇考律以停命之罪立行正
法但今逢苦旱之時有罪之犯尙欲減等究在未降諭旨之前是
以交軍機大臣會同吏部議處本日奏上議將松筠革職實屬咎
有應得姑從寬典薄示降諭朕從不因言罪人此等顯情 聖訓
之論不能不懲治也松筠著革去大學士御前大臣領侍衛內大
臣都統並各項差使以二品頂帶補授察哈爾八旗都統仍帶革
職留任八年無過方准開復此朕準情示罰不得已之善衷此心
不詳胡視行天下臣庶其諒之此旨著上書房存記皇子皇孫
慎承勿忽仍通諭中外知之○命明亮為武英殿大學士以伯麟
協辦大學士仍留雲貴總督任調和甯為兵部尚書伊神阿為工
部尚書以晉隆為理藩院尚書由領侍衛○戊寅以舒甯為內閣
學士由太常寺○辛巳加明亮太子太保戴均元和甯盧溥太子
少保○乙酉大雨○丙申諭盛京每歲派員巡緝海口

東華續錄

嘉慶四十四

臣王先謙敬編

臣周澐恭校

秋七月壬子定宗室覺羅養瞻孤寡例○癸丑習振翎以年老不

職革職以周光裕為山西布政使嚴煥為湖北按察使降調甘肅布政使

○甲寅諭太常寺進呈清文則例第三十六卷內 世祖章皇帝

孝惠章皇后 孝康章皇后 聖祖仁皇帝均未出格擢寫該

員等並不敬謹校對非尋常疏忽可比太常寺滿洲堂官俱符交

部嚴加議處其前次奏請議敘之處著即撤銷所有紙工等項均

不准開銷該衙門漢堂官不識清文均無庸議尋議上得旨成甯

著降為內閣侍讀學士候補舒甯色克精額均著降為六品贊禮

郎○丙辰調和甯為禮部尚書伊冲阿為兵部尚書以蘇楞額為

東華續錄 嘉慶四十四 工部尚書果齊斯歡為工部左侍郎由內閣學士選

○戊午諭御史李振 祐奏請禁考試騎射頂替積弊一摺所奏甚是八旗以騎射為根

本是以考試進士舉人生員以及考試繙譯均先閱看騎射其弓

馬生疏者即不准應試此我朝之舊典必應永遠實力奉行若其

人素不練習騎射臨場倩人替代即與文場考試槍替無異必應

按律治罪嗣後凡遇此項考試著各旗都統等親身先行考驗能

騎射者始准送名派出監試之王大臣於考試時令各旗章京等

逐排識認射畢步箭即射馬箭仍令本人下馬至階前報名如查

有替代情弊將雇倩之人與替代之人一併治罪儻監試王大臣

等市惠徇縱別經發覺定將王大臣等一併懲處嗣後遇有考試

著報明御前大臣奏派乾清門侍衛二人至放馬處監視○庚申

上啓鑾秋獮木蘭○免經過地方額賦十分之三○癸亥諭前

據御史葉申萬奏藩司李廣芸自盡一案閱省輿論咸謂由於張

均之多方激成張均前已奉旨革職熙昌等不應奏請開復原官

交部察議當即降旨交董教增秉公確查茲據奏稱確加查訪閩

省實有此案係張均激成之論以張均接收交代朱履中短缺盟

課二千餘兩欲將書欠作抵張均不允催交見銀朱履中情急遂

有稟許原管道府收受陋規之事儻張均稍肯通融朱履中必無

此稟亦可無李廣芸自盡之事竟委窮源羣歸咎於張均交代刁

難等語朱履中短缺盟課以書欠作抵本屬違例張均不肯接收

尚為持正外省州縣交代互相牽混者多接任者不加詳查扶同

徇隱以致虧缺相仍張均之不肯通融正係照例辦理安得謂之

有心挑剔至朱履中之情急捏稟李廣芸之被誣自盡皆非張均

之所能逆料該員之過惟在代朱履中墊銀三百兩以圖自免交

東華續錄 嘉慶四十四 代遲延處分又代朱履中改削捏造家人何佳姓名混請銷案稟

帖有此二節均干例議若張均並此而無之即察議亦無庸矣此

案業已查明張均著仍照熙昌等原擬開復原官交部察議熙昌

王引之所擬並無輕縱著無庸議○乙丑諭成格等奏審擬陽曲

縣派差苦累一摺此案衡齡失察之咎尙輕惟該省藩司習振翎

老病昏庸一任幕友家人主持公事該撫近在同城日日接見豈

得該為不知乃有心徇庇聽其貽誤地方吏部照溺職例議以革

職實係咎所應得衡齡著革去山西巡撫另降清字諭旨賞給藍

翎侍衛前往新縣換班其案內應議各員著交吏部議奏各犯罪

名著交刑部議奏○以和舜武為山西巡撫廣慶為山東布政使

調廉敬為雲南按察使以印樹棠為江西按察使由江蘇道遷○丙寅

上駐蹕避暑山莊○戊辰調印樹棠為山西按察使承光為江

西按察使○己巳晉隆以失察宗室習教從逆奪職以和世泰爲
理藩院尙書由總管內務府大臣遷○以裕恩爲內閣學士由頭等侍衛遷○辛未

諭熱河兵丁向無普賞一月錢糧之例 皇考高宗純皇帝每年

五月駐蹕避暑山莊八月始行進哨該兵丁等安設堆撥直班日
期較多且射靶中箭人數亦多是以 特恩普賞一月錢糧自朕

巡幸熱河兵丁步射尙好是以照舊普賞去年今年均因兵丁等

步射較前平常中箭人數稀少將都統和甯慶博交部察議協領
等議處兵丁等仍賞一月錢糧此二年內該兵丁步射俱屬平常

自係倚恃賞項平日並不留心學習從前 皇考高宗純皇帝五

月閒即來巡幸該兵丁值班日期較多尙能乘暇操演朕七月閒

始來熱河豈轉無暇操練耶此而不示以懲戒恐兵丁等漸習偷

安朕明歲恭謁 祖陵不克巡幸熱河後年朕臨幸若該官兵等

東華續錄 嘉慶四十四

步射仍如此平常不惟將該管都統章京等從重議處並將普賞

一月錢糧之例永行停止將中靶兵丁及厄魯特兵丁照例賞

給此旨著交熱河都統傳諭章京兵丁家喻戶曉一體遵遵

八月丙戌以故和郡王蘇循子奕亨降襲貝勒○丁亥 上自避

署山莊巡幸木蘭行圍○戊戌諭海康見已訊明十八年八月會

經逆犯劉得山將九月十五日起事業已將伊算入林清事成給

伊大官職之言向告伊當即應允該犯身係宗室乃不爲大清國

之臣子甘受叛逆官職狂悖已極慶遙經海康將滋事日期告知

約令人夥亦即應允並於九月十四日在海康家候信海康慶遙

厥罪維均著曹振鏞等即將該二犯按律定擬慶豐僅經慶遙將

九月十五日街上有打搶之言向告並未明露逆謀見又到官自

首將助逆各犯全行捕獲審明辦理其罪尙可未減著照例減等

治罪晉隆敬徵屏翰前以海康等僅止入教豫知逆情是以降旨

止將晉隆等革職仍留四品頂帶並充總族長族長見審明海康

竟欲受逆賊林清官職慶遙亦甘心入夥與曹綸情罪相同失察

曹綸之祿康前經發往盛京該總族長族長等均應照祿康之例

懲處姑念晉隆係總轄之員且伊母年老其兄晉昌又遠任伊犁

將軍晉隆著革去四品頂帶總族長免其發往盛京即令在家侍

養伊母敬徵屏翰俱著革去四品頂帶總族長族長發往盛京在

宗室營房內居住其家屬聽其帶往所遺總族長族長缺著宗人

府另行揀選具奏○命復於木蘭西哨門內建興安大嶺神祠○

辛丑頒 御製訓管理宗人府王公及諸族長文

九月己酉 上駐蹕避暑山莊○辛亥諭曹振鏞等奏審明海康

慶遙從逆罪狀及案內各犯分別定擬一摺我朝自開國以來宗

東華續錄 嘉慶四十四

室中賢才輩出雖支分派別譜系蕃衍其中賢愚不一然從未有

干名犯義如海康慶遙之自外生成者該二犯拜奸民爲師學習

邪教已屬玷辱宗支乃海康於十八年八月經逆犯劉得山告以

九月十五日起事將伊算入之言其時劉得山之父逆犯劉興禮

尙知伊身係宗室從旁阻止不意該犯竟冀圖得受僞職甘與逆

謀慶遙身係奉恩將軍經海康將滋事日期向告約令人夥伊即

允從並於九月十四日至海康家守候信息坐收其利海康慶遙

甘心背叛間擬凌遲處死實屬罪所應得惟是朕以仁心治天下

甯人負我毋我負人該二犯雖情真罪當猶念其究屬宗支實不

忍處以極刑海康慶遙俱著改爲絞立決派奕顯將海康帶往伊

祖父墳前監視勒斃派永珠將慶遙帶往伊祖父墳前監視勒斃

該二犯屍棺俱不准於該二家墳園內埋葬慶豐經海康引伊入

教後即改悔且慶遙告以九月十五日有人打搶之言並未明露
 逆謀嗣恐家人倪六挾嫌告發旋即到官自首習教因此始將海
 康慶遙二犯從逆重情逐一究明其罪應從末減慶豐著改發吉
 林其母妻二子亦俱著改發吉林俾令完聚交該將軍嚴加管束
 海康妻女著照擬發往黑龍江慶遙之妻子女亦著改發黑龍江
 俱交該將軍安插管束即照縣課等所議章程另記冊籍辦理其
 餘各犯罪名著交軍機大臣會同行在刑部再行聚議具奏此旨
 到日著交阿哥等閱看並著管理宗人府王公通諭諸宗室知之
 ○癸丑 上自避暑山莊回鑾○四川總督常明卒贈太子少保
 予祭葬諡襄恪賞銀五百兩治喪○調蔣攸銛為四川總督阮元
 為兩廣總督以慶保為湖廣總督葉紹桂為廣西巡撫富綸為廣
 西布政使嵩孚為安徽按察使由山西歸○調玉格為廣東按察
 東華續錄 嘉慶四十四 五
 使韓文綺為貴州按察使○庚申 上還京師○辛酉諭國家簡
 任大臣職分所在惟當竭誠盡力甞勉奉公若平日素餐耽逸怠
 忽因循及朕召對責問又復飾詞巧辨殊失忠以事君之義順天
 府有緝捕之責兩月以來步軍統領衙門五城奏獲匪犯多名該
 衙門未獲一犯前劉鏞之等至行在接駕朕面加詢問劉鏞之奏
 稱因府屬被旱籌辦撫恤煮賑等事是以未經派員緝捕朕即詢
 以煮賑事宜劉鏞之於設廠地面米石數目又全不能奏對明晰
 是劉鏞之置捕務於不問而於撫恤事宜亦係虛詞搪塞部議照
 例革職實係咎所應得念其供職多年不至遽予罷斥劉鏞
 之著加恩降為侍郎候補以觀後效汪如淵雖辦理遲延召對時
 叩頭引罪並未隨同巧詞支飾著加恩改為革職留任○調盧蔭
 溥為戶部尚書以章煦為兵部尚書病痊協辦大學士刑部尚書○甲子撥京

倉米三千石於大興宛平二縣煮賑○乙丑胡克家卒調李堯棟
 為江蘇巡撫以李燮宣為雲南巡撫曹六興為四川布政使富信
 為四川按察使由浙江南○丁卯以哈爾阿載銓俱為內閣學士
 哈爾阿由太常寺卿由副都統遷○己巳再撥倉米八千石於大興宛平二縣
 煮賑○庚午頒 御製諫臣論於都察院
 冬十月辛未朔日有食之○癸酉加賞五城貧民棉衣○辛巳李
 燮宣卒以李堯棟仍為雲南巡撫陳桂生為江蘇巡撫伊什扎木
 素為江蘇布政使調麟祥為江蘇按察使以廉奇瑜為福建按察
 使由臺灣○乙酉諭盛京為我朝發祥之地 締造鴻規式瞻
 前烈我 皇考高宗純皇帝臨御六十年曾四次 躬詣恭謁
 祖陵並 垂訓後嗣必當瞻懷舊疆再三周歷朕在藩邸時曾隨
 侍 皇考東巡及寅承 大統恪遵 聖訓於嘉慶十年親詣陪
 都祇謁 橋山越今十有二年緬維 祖 宗遺緒莫切奠膺允
 宜再申叩謁敬薦屏馨特消吉於明年七月二十二日自京啓鑾
 前往盛京恭謁 三陵屆期令二阿哥三阿哥四阿哥隨往所有
 一切典禮事宜著各該衙門照例敬謹豫備○庚寅賜武鳳來等
 四十五人武進士及第出身有差○壬辰予故正黃旗滿洲副都
 統福長安都統銜賞治喪銀三百兩○戊戌諭我朝 列聖相承
 廣開言路朕虛懷納諫凡科道所上章疏其言是者無不採納施
 行即或識見迂陋所言不當亦每曲示包容不特不肯誅戮言官
 即如前朝批政廷杖諫臣亦從無其事本日朝審句到官犯內伊
 蘇泰蕭鎮二名俱予句決伊蘇泰枉法婪贓法所難宥至蕭鎮職
 居言路得以上章言事徇情聽屬已干法紀乃竟賄賂條陳以章
 奏為納賂之具欺君罔上孰大於此若不加嚴懲則言以賄行顯

倒是非變亂黑白勢將何所不至特將該犯明正典刑以昭炯戒
內外臣工當知朕所誅者乃壞法營私行同市僧之小人於上章
言事之諫官毫不相涉也將此明白通諭知之

十一月辛酉調韓文綺為四川按察使富俊為貴州按察使○甲
子諭國家設官文武並重大小官員接見均有一定體制不容意
為卑亢朕近聞外省知府同知竟有與提督並行者若不亟為整
頓恐蹈前明重文輕武惡習大有關繫著該部查明會典內文武
相見儀注開列具奏再通行頒示各省令各遵例以禮接見如有
意為軒輊者交該督撫查明參處○乙丑調和甯為兵部尚書以
穆克登額為禮部尚書由直隸奏
補總兵遷

十二月甲午諭軍機大臣等本月 皇考高宗純皇帝聖訓清漢
本刊印全竣頒賞臣工松筠亦與分賞之列乾隆四十三年 皇
東華續錄 嘉慶四十四 七

考親詣盛京恭謁 祖陵降 旨垂訓後嗣當瞻懷遠瀋舊疆再
三周歷或無識臣工妄以為不宜當律以悖命之罪誅之無赦煌
煌 聖諭見恭載 聖孝門內松筠前次妄行陳奏或未會恭讀

聖訓此次頒發到日著松筠敬謹焚香跪讀捫心自問伊率意
妄言當得何罪其時朕僅將伊降誥伊心是否允服知感知懼儻
自謂抱屈亦不妨直言即行繕摺覆奏再松筠昨奏請賞給太僕
寺商都三百五十九羣牧官兵每羣牧各銀十兩朕以賞出無名
且每官兵所得無幾事非長策未予准行本日據松筠覆奏惟稱
今歲口外大雪各羣牧辛勤奮勉是以奏請鼓勵等語察哈爾地
方冬令雪大係常有之事歷任以來從無因此奏請鼓勵者松筠
今歲初為此舉若一年准其賞給則明年必將援以為例歲糜數
千金亦非所惜究之牧羣人眾所獲幾何於馬政更有何裨益且

該處官兵等聞松筠一有此奏早已心生感激及知未蒙允行又
必歸怨於上松筠天性好行小惠煦煦為仁全不思經久長策亦
不知為政大體不可不痛自改悔也至瑞齡身任副都統遇事有
窒礙難行者即應阻止今一味隨聲附和與棍徒克策撈何異松
筠瑞齡俱著傳旨申飭其所奏進哨調馬章程已交兵部駁議矣

○乙未諭本日王大臣等因頌賞 皇考高宗純皇帝聖訓具摺
謝恩我朝 列祖 列宗皆以孝治天下 列聖徽號必以孝稱
誠以孝為百行之首始於宮廷達於四海錫類推仁人人親親長
長而天下平化理之原莫重於此也 皇考聖訓首列 聖孝六
十年中東西 兩陵 躬親展謁四時 廟祀 孝享惟虔盛京
為 王迹肇基之地 列聖以來皆 躬詣陪都祇謁 三陵垂
為典則惟以道途遙遠不能歲舉烝嘗是以或十年或十餘年詠

東華續錄 嘉慶四十四 八
吉舉行世傳弗替我 皇考於乾隆四十三年三詣盛京時 睿
慮深長特降 旨垂訓後嗣當瞻念遼瀋舊疆再三周歷斷於
祖宗遺緒身親目覩勿忘 開創艱難或無識臣工妄以為不宜
即律以悖命之罪誅之無赦煌煌 聖諭炳若日星本年夏間

輔一帶雨澤偶愆大學士松筠具摺陳奏請停止二十三年盛京
謁 陵之舉朕覽奏愕然若律以悖命之罪即不立正典刑亦當
禁錮固圉朕念松筠在乾隆年間任事有年又經朕擢用首獎原
其陳奏尚在未降旨以前僅將伊降為二品頂帶補授察哈爾都
統用示薄懲今 聖訓業已頒賜內外臣工著各恭檢 聖孝門
內 皇考原降 諭旨敬謹跪讀於朕懋處松筠一事當各曉然
於心知朕不得已之苦衷尚失之於姑息並未為已甚也松筠奸
行小惠不識大體必有為伊抱屈之人此等淺陋小人亦不值深

先任彼為之朕亦不懼將此通諭知之○文甯以縱容僕從需索解任調和舜武為河南巡撫以成格為山西巡撫調廉善為刑部右侍郎由禮○是歲朝鮮越南琉球來貢○會計天下民穀數各省通共大小男婦三萬三千一百三十三萬四百三十三名口各省通共存倉米穀三千四百九萬七千七百一十石五斗一升四合一勺

東華續錄

嘉慶四十四

九

東華續錄

嘉慶四十五

王先謙敬編

周曾蕃恭校

嘉慶二十三年戊寅春正月庚子調德文為禮部右侍郎多福為盛京戶部侍郎以明興阿為盛京工部侍郎由左副都○辛丑諭文甯係棄瑕錄用之人復擢至巡撫由貴州調在河南乃一入豫境沿途挑斥供應縱容家人需索站規實屬溺職文甯著即照部議革職○壬寅定盛京大凌河墾種牧地額賦○廓爾喀額爾德尼王熱尊達爾畢噶爾瑪薩野遣使貢方物賜救賞賚如例○甲辰諭軍機大臣等盛京奉祀 陵寢諸宗室向遇東巡恭謁 祖陵均有接駕送駕之例因念前歲移駐盛京諸宗室乃緣支系蕃衍斬其居業嚮善盛京為國家根本之地習尚敦龐移居到彼為之築室界產以養以教使之觀感善俗興起才俊並非獲有罪辜移徙安置也本年朕親在陪京自當令其一體接駕酌予恩施著富俊等詢問該宗室人等其平日所習於文武兩途各述所長習武者或能文能詩及通曉繙譯習武者或能騎射步射豫先報名屆期當加以校閱分別獎勵其接駕處所應與奉祀 陵寢諸宗室各為一班著富俊等擬定地界居期傳知遵照迎送再歷屆奉祀 陵寢諸宗室均係如何施恩賞賚見在移駐諸宗室每年給餉若干每戶分產若干一併查明分別繕寫清單並酌擬章程於啓鑾以前五六月開詳細具奏至宗室內有因獲罪發往盛京管束及國禁者並著查明原犯案由及原定年限另繕清單具奏以備屆時酌予恩宥○丙午 上以來歲 六旬萬壽詔舉恩科鄉會試○戊申諭軍機大臣等松筠奏敬陳感懷下忱一摺松筠自

到察哈爾都統任不過半年先請添設前鋒參領加給協領翎支
繼又無故請賞收羣官兵銀兩嗣又請將每歲行國馬匹改給廩
價三次陳奏皆屬沽名邀譽窒礙難行不思國家自有定制豈可
輕議更張如果利弊攸關有必應調劑之事朕早不吝恩施即前
任大員亦必先行計及何待伊言松筠所至之區惟自知沽名市
惠取悅下人而不顧事之難行一經飭駁即使怨歸於上若共事
者從而阻止亦必為眾所叢松筠所行如此是何居心禮記云
善則稱君過則歸己則民作忠不學無術者未足與言著傳諭松
筠伊在任惟當率由舊章不准再行妄言調劑務痛改前非以收
桑榆之效戒之戒之勿貽重咎○甲寅諭大學士明亮自乾隆年
閱履歷戎行著有勞績經朕簡擢編修見年八十有四精神矍鑠
步履強健若令節勞頤養必更益壽延齡長資倚任明亮著不必
東華續錄 嘉慶四十五
分日赴內閣閱本每日本章著曹振鏞戴均元章煦三人輪流閱
看明亮見兼內大臣亦不必進內值班其所管兵部事務遇有奏
事間一二次不到亦可引見官員明亮無庸承旨即交和爾等帶
領用示朕優眷耆臣之意○庚申以方體為湖北按察使由江蘇
道○乙丑諭主位之母家如高斌縐布花沙布等已入滿洲旗分
俱會各賞滿洲姓氏書寫矣惟 玉牒內 孝儀純皇后慧賢皇
貴妃淑嘉皇貴妃之母家姓氏仍以單字書寫著交宗人府於
玉牒內 孝儀純皇后之母家書寫魏佳氏慧賢皇貴妃之母家
書寫高佳氏淑嘉皇貴妃之母家書寫金佳氏
二月庚午命協辦大學士吏部尚書戴均元兵部尚書和爾軍機
處行走○實授恒敏陝西按察使○乙亥大學士董誥以疾乞致
仕允之予食全俸○己卯張五緯緣事革職以溫承惠為山東按

東華續錄 嘉慶四五

察使由刑部○庚辰 上御經筵○諭從來人君日理萬幾孜孜
圖治復於聽政之暇宣講經書以資啓沃二事並行不相妨礙
惟 聖祖仁皇帝經筵日講無間寒暑後始改於春秋二仲舉行
本日朕臨御經筵六部九卿八旗俱無陳奏事件甚屬非是此次
姑免查究嗣後每遇經筵之日除不帶領引見外各部院八旗內
務府均著照常奏事毋許曠怠違旨偷安定行懲治不貸○諭昨
據步軍統領衙門奏英綬家人達罕呈出素識之直隸都司余國
柄書信申敘孛獲教匪該省承審各官有意開脫並託達罕向部
吏轉託題升遊擊等語達罕係英綬家人當伊呈出書信時英綬
應即自行具摺奏聞請旨查辦此事與步軍統領衙門毫無干涉
乃英綬先持與英和閱看商同聯銜具奏大屬非是從前福勒洪
阿於所管護軍軍假冒官職伊自行訪出後並不據實奏聞移交英
東華續錄 嘉慶四十五
和查辦當將福勒洪阿降為二等待衛派往新疆換班英綬本應
即照福勒洪阿之例懲治但念勒保年老篤疾朕格外施恩英綬
著革退內閣學士並護軍統領止留副都統及右翼總兵逐出乾
清門仍交部議處用示薄懲以觀後效○辛巳 御試翰林詹事
等官擢潘錫恩等五人為一等餘升黜留任有差○諭英和等奏
請交部察議一摺國家建立大臣分理庶政凡本衙門公事必應
公同商酌聯銜具奏如意見不合亦准兩議具奏候朕定奪若遇
有控訴呈詞由一人接收者但事關公務均當與眾堂官公商具
奏不過於摺內聲敘係由何人交出方合同與協恭之義如一人
接收即自行專摺陳奏轉為錯誤至若事與該管衙門無涉而必
應奏聞則何人接收即由何人具奏豈得援引同官會商入告此
次英綬家人達罕呈出直隸都司余國柄書信一事信內如或牽

涉番役則英和等聯銜具奏朕必不加責因其事與步軍統領衙門毫無干涉英綬先持與英和閱看英和令司員商同那彥寶聯名具奏寶屬外誤是以將英綬懲處在英和不必有心干與事外而一二無識之徒遇事即向英和商辨久之相習成風英和必至因此獲咎豈非適以害之朕杜漸防微不能不遠慮及此明白曉諭俾眾咸知其次英和那彥寶自請察議之處俱著加恩寬免嗣後各大臣當倍加謹慎如事非職任所司輒有私向商議者悉皆嚴詞拒絕毋為越畔之行用副朕訓誡成全至意○甲申諭向來蒙古風氣滄樸遇有過犯情節本不甚重是以蒙古條例較刑律為輕近來內地無賴游民潛赴蒙古地方引誘蒙古人肆行不法盜劫之案日多嗣後蒙古人犯事如無民人在內者仍照蒙古例辦理若案內有一民人均照刑律問擬著理藩院通行傳諭各東華續錄 嘉慶四十五 四

蒙古部落俾知儆戒○乙酉諭昨日召見果齊斯歡詢問四阿哥功課據果齊斯歡奏稱甫學屬對詩文俱未能作朕前在藩邸時十一歲即能屬對十二歲即能賦詩壬辰十三歲時 皇考高宗純皇帝命面和 聖製五言律七言律詩味餘書室詩集中即載有朕十三歲詩章四阿哥質性聰明儘可讀書本年已十四歲詩文尚俱未學皆由果齊斯歡學問平常不能循循善誘而又因循疲玩以致耽誤果齊斯歡負恩已極著革去一應差使俾上書房師傅共知儆戒所有四阿哥師傅著大學士會同翰林院掌院學士在翰林中選擇品學兼優者三人帶領引見候朕簡用未經引見以前著陳官俊暫行授讀○調德文為工部左侍郎以哈爾阿為禮部右侍郎由內閣○丙戌以奕經為內閣學士由奉天○丁亥以和桂為左副都御史由通政○己丑 上閱火器營兵○癸

已諭朕五旬誕辰會降旨不准進獻玩好來年六旬正誕督撫等情殷祝嘏因朕壽登周甲或欲加意增華惟是吏治未醇民俗未正方抱愧之不暇况朕敦崇節儉出於本性來年並不舉行慶典除應進土貢外所有金珠玉器槩不准呈進其各懷遵用副朕諄誠○諭刑部奏蒙古搶劫之案有民人在內者請先令承審官分別是劫是搶照刑律強盜各條及搶奪擄搶各條分別治罪似此引例紛繁轉滋混淆正所謂科條既備民多偽態無所措手足矣嗣後蒙古地方搶劫案件如俱係蒙古人專用蒙古例俱係民人專用刑律如蒙古與民人夥同搶劫覈其罪名蒙古例重於刑律者蒙古與民人俱照蒙古例問擬刑律重於蒙古例者蒙古與民人俱照刑律問擬著為令○調伊什扎木素為浙江布政使以楊懋恬為江蘇布政使病痊布政使

東華續錄 嘉慶四十五 五

三月戊戌朔諭直省督撫大吏不准以屬員幫辦幕務屢降旨有奕丁之馬身任總督委屬優厚非不能延請幕友者乃令見任通判陳建入幕辦事既曠職守又招物議實屬違制本應照部議降調不准抵銷姑念一時簡用乏人方受囑著加恩改為降四級留任○己亥 上親耕藉田○庚子 上啓鑾謁 西陵○免經過地方額賦十分之三○壬寅 上幸南苑行圍○戊申 上臨慧愍固倫公主園寢賜奠○諭五公主著追封為慧安和碩公主同慧愍固倫公主著弘善製造牌位二座其歲時致祭禮儀該衙門照例辦理○己酉 上謁 泰陵 泰東陵至 孝淑皇后陵奠酒回鑾○庚戌命章煦為文淵閣大學士兼管刑部○調戴聯奎為兵部尚書以汪廷珍為禮部尚書吳芳培為左都御史周系英為吏部右侍郎署兵部○丙辰雲南臨安邊外夷匪高老五等

1 4 2 7 6 4 反 2 1 4

糾眾滋事命伯麟等剿之○丁巳 上閱健銳營兵○戊午 上
還京師○庚申 上詣 黑龍河祈雨○辛酉諭軍機大臣等蔣
攸銛奏遵旨按款確查將辦理情形覆奏一摺逆酋洛布七力前
據卓秉恬奏並未焚斃且有戕害上瞻對頭人格格絨泰之事是
以降旨令蔣攸銛查明具奏昨據賽沖阿面奏伊在川時亦聞知
洛布七力潛逃未斃事定後復回巢穴向上下瞻對索取地土人
戶與卓秉恬所奏大略相同因復降旨交該督確查訪查此次該
督拜摺時尙未奉到續降諭旨據奏查得洛布七力焚斃之處止
有該酋常用之鐵馬鞍烏槍及手帶之鑲珊瑚金戒指為憑其時
賊體焦爛無從辨認番眾僉稱洛布七力實已焚斃見據派往道
將密訪得二十年勦平中瞻對將地土分給上下瞻對復有洛布
七力尙存向上瞻對索還地方彼此忿爭而去此後七力滾亦未
東華續錄 嘉慶四十五 六
再來滋事上瞻對則恐其復向尋釁時常準備逐細查訪不能得
洛布七力實在蹤迹至格格絨泰其人見存並未破賊是卓秉恬
所奏洛布七力復出戕害格格絨泰之語係屬傳聞不確惟洛布
七力是否焚斃迄無確據該督仍當遵照續奉諭旨再行訪查此
事必須將七力滾擊獲訊明始能辨別真偽七力滾雖屬野番往
來無定但前既有向上瞻對尋釁之事亦難保其不再前來蔣攸
銛營設法偵伺購索如能將七力滾擒擊到案確切供明洛布七
力實已焚斃再將七力滾治其妄索土地之罪則羣疑盡釋方能
杜傳謠之口該督務勉力辦理不可顛預了事○以那清安為內
閣學士由唐○癸亥諭向來新科一甲進士適屆大考翰詹之年
以該員等尙在庶常館教習未經散館皆不就試及考試試差則
以已經授職為辭一體與考事屬兩歧該員等既不與大考之列

則考差亦不應與試著自此次為始凡一甲進士未散館者遇考
試試差時亦無庸與考以歸畫一○甲子撥京倉麥一萬石於大
興宛平二縣平糶
夏四月戊辰朔日有食之○乙亥酉刻京師風霾○丙子諭昨日
酉初三刻有暴風自東南來俄頃之間塵霾四塞室中然燭始能
辨色其象甚異朕心震懼惕思 上著示儆之因稽諸洪範咎徵
恒風為蒙之象皆朕辦事不明用人不當之故或意存怠忽不能
力勤或有下情不能上達者其政事之闕失無所匡正欺抑小民
冤苦壅遏莫聞或內外大臣有奸佞傾邪而朕不及覺歎有言
責者體朕遇災而懼之心其各屏除私意獻納忠言如朝廷所行
之事有似前代秕政應行改革者即剴切論列無有所隱下民橫
被冤抑有覆盆莫白者亦據實直陳代為昭雪其奸邪之病國虐
東華續錄 嘉慶四十五 七
民者或摸稜巧宦旅進旅退者即列款糾參如此則言者出於為
國之公心朕聽之即為應 天之實政若懷挾私意止便身謀又
或造作無稽以洩私忿則顛倒黑白淆亂是非不特負朕求言之
意更足以增晦蒙之象矣朕恐懼修省反復思維虛懷延訪內外
大小臣工各當自省各懲殫勲職業以副朕修德弭災之意○戊
寅諭欽天監衙門職司占驗於星象風信休徵咎徵皆應據實入
告近日該衙門節候占風多擇取吉祥語句聊以塞責昨初八日
風霾之異朕心震懼遲至三日該衙門並未推占具奏所司何事
此等異變竟不具奏豈專事諂媚以取悅於上乎真所謂尸厥官
罔聞知昏迷於天象矣著即詳考占經烈風之變見於四月者主
何徵應全錄原文據實奏聞毋有所隱○諭給事中盧浙奏風沙
示儆請禁緝捕員弁貪功冒賞擾累平民一摺所奏甚是十八年

逆案內祝現等六犯日久未獲朕所以降旨飭緝者原以除莠安良乃承緝之員不能報獲輒思以他犯塞責而番役兵丁等遂乘機肆虐或誣陷平民或藉報仇隙拖累無辜索擄財物及擊解到官審明昭雪而被害者業已家貲蕩盡形骸支離其覆盆之下因而殞命者又不知凡幾實屬可憫乾隆年間謀逆重案如馬朝柱段文經二犯連逃未獲我皇考高宗純皇帝會屢降旨飭緝彼時承緝者並未於案內株連瓜蔓濫及多人迄今數十餘年餘燼寂然是即前事之鑒今林清之案其首先謀叛之元惡大魁均已伏誅所必應緝獲明正典刑者亦惟有祝現等六人為最要其餘各犯不過脅從况在疑似之間豈可徧行羅織害及良民著樂行停緝即次要各犯亦止令刑部存記獲日再行辦理凡內外緝捕衙門惟各於境內嚴密偵訪六犯蹤迹必須訪有確據方可就

東華續錄 嘉慶四十五

八

地擒拏獲日審明實係正犯仍從優獎賞若番役兵丁及白役人等再藉捕逆為名將情涉疑似者妄行控拏或挾嫌指控以圖陷害則誣人為叛逆者即以叛逆之罪坐之或將被害之家財產搶劫者審明計贓治罪仍將該番役兵丁等家產鈔沒賞給被害之人其官弁中有貪功冒賞誣陷無辜者該管上司查出均嚴參一體治罪務俾善良得安以禁苛虐而除擾累將此通諭知之○己卯諭欽天監奏詳查 欽定天文正義內載天地四方昏濛若下塵雨不露衣而土名曰霾故曰天地霾君臣乖大旱又為米貴等語本月初八日暴風驟至塵土晦蒙與正義所載風霾之象相同朕詳思其義如前代君臣睽隔有天子不識宰相之面者不免乖離之象我朝 家法相承君臣一體朕恪遵 成憲每日召見羣臣躬親延訪前席周諮似與乖離者有別然諸臣中實與朕同心

望治者不過十之一二其餘召對時總以政治毫無闕失諛詞容悅豈真以為萬幾咸理無可拾遺補闕乎不敢面折退有後言回護己之爵位罔恤政之得失所謂貌合而情睽即是乖之義也即諸臣於同寮亦每心知其非不肯直言匡正坐視其失而不救甘為小人之同而不為君子之和是亦所謂乖也嗣後當共矢忠誠痛改前失以盡人事而感天和直告在廷勿負朕意○諭匿名訐告最為人心風俗之害其意本因挾有私嫌藉圖傾害一經查辦不特所告之人枉受污瀆並波及案外之人酷遭拖累以無名之飛語令官司荼毒平民而陰謀者乃袖手旁觀以快其私忿其險惡之情甚於鬼域律載投隱匿名文書告言人罪者絞見者即為燒毀若將送入官者杖八十官司受而為理者杖一百被告者雖實不坐立法至為明切嗣後凡有拾獲匿名揭帖者著即將原帖

東華續錄 嘉慶四十五

九

銷毀不得具奏惟關繫國家重大事務者密行奏聞候旨密辦○諭巡視五城御史審理詞訟稽查奸宄近在輦轍之下責任匪輕必須品行端方聽斷明允者方為稱職向來都察院遇有缺出一槩列名請簡並不詳加遴選如蕭鎮之貪黷營私蔣詩之昏謬溺職均有玷風紀之司嗣後巡城御史缺出著該堂官於科道內揀選公正廉明者每一缺保奏二員帶領引見候朕簡用亦不必拘定巡城次數該員一年任內妥協則已如有貪黷似蕭鎮者將原保堂官交部嚴加議處昏謬似蔣詩者將原保堂官交部議處○庚辰 上詣 黑龍潭祈雨○命刑部清釐庶獄○辛巳諭順天府所屬州縣上年春閒被旱秋收亦復歉薄入冬雪澤優霽冀望今歲麥收豐稔稍蘇民困乃三月無雨日來風日曠燥朕昨謁黑龍潭祈雨踴路經過之處所見麥田多未播種小民口食無資

所納租稅從何而出近郊如此各屬情形可想而知朕愛恤黎元
施恩惟恐不速著加恩將順天府屬二十四州縣本年應徵上忙
錢糧槩行蠲免其業經徵收者照例劃抵該府尹等卽出示曉諭
俾眾周知○壬午再撥京倉粟米一萬石於大典宛平二縣平糶
○癸未諭昨因風霾示儆朕降旨求言原冀聞政事之關失下民
之冤苦令各言官據實直陳乃連日京堂御史中竟有三人以松
筠降謫之事爲言請仍召還內用者實屬莠言亂政矣上年松筠
陳奏阻止盛京調 陵大典朕欽遵 皇考高宗純皇帝聖訓宣
示其罪猶念其陳奏尙在未經明降諭旨以前曲從寬典僅革去
大學士降爲二品頂帶仍授以察哈爾都統一品職任此朕準情
示罰不得已之苦衷會令松筠跪讀 聖訓松筠亦惶悚知罪並
無幾微負屈之意朕以松筠多年舊臣歲時賞賚無缺意欲俟一
東華續錄 嘉慶四十五 十
二年後仍復召用乃該京堂御史等妄將此事牽引論列以應風
霾之異其言太覺支離荒謬松筠請降係上年六月之事彼時何
以不見有膏災告儆且言者果以松筠爲屈抑又何以去年不交
章諫諍坐待今日乃爲此無稽之論况風霾之象專爲松筠必無
是理復召與否其權在上豈小臣所得干與耶是言者止意圖邀
名市惠而並不計及政體所關國家進退大臣功罪較然豈容逞
臆妄言撓朕黜陟之大柄此風斷不可長特明白宣諭言事諸臣
務各屏除偏見毋徇私好私惡以淆公是非負朕虛懷納諫之
誠也○甲申諭御史王檢奏各直省審案遲延請遵清理庶獄恩
旨一體查辦一摺直省積案繁多以山東爲最甚本日據溫承惠
奏稱到任未及兩月接收呈詞已有四百餘件尙有歷任未結之
案四千餘件其弊由於知縣疲玩及該管之府州推諉見在勒限

審訊分別懲處直隸積案雖不若山東之多而地方缺兩亦應清
理庶獄以迓祥和著直隸山東督撫卽飭所屬大小問刑衙門各
將見審案件迅速審斷發落牽連犯證槩行查明省釋不得藉詞
延宕其咨部展限之案一併清查審擬如有抗延不結據實劾參
以徵怠玩○丁亥陳預以不能整頓地方降三品京堂調和舜武
爲山東巡撫陳若霖爲河南巡撫以李鴻賓爲廣東巡撫由署禮
部○戊子 上詣 天神壇祈雨○己丑 皇后行躬桑禮○庚
寅免順天府屬二十四州縣旗租並緩徵通賦○辛卯雨
五月戊戌朔諭朕前閱范祖禹唐鑑見其摘取有唐事蹟論列得
失有裨治道因命館臣做其義例作爲明鑑一書蓋以取鑑前代
其善政則因以爲法其秕政則用以為戒亦卽殷監夏周監殷之
意也昨日館臣呈進明鑑五冊於萬曆天啓開載入我朝開創之
東華續錄 嘉慶四十五 十
事後加按語頌語並論及前明用人不稱其職更爲誕妄矣我
祖宗開基遼瀋其事備載於 實錄 聖訓及 開國方略 豐
功 偉烈億禩光昭至明鑑乃係論列有明一代事借鑒得失非
若編年紀月事事臚列今以與朝之 隆業載入勝國卷中於體
例殊爲背謬如該總裁等豫行請旨朕必將不應編載之故早爲
指示乃並不奏明率行纂輯實屬冒昧所有該管總裁曹振鏞戴
均元戴聯奎秀甯俱著交部議處總纂官朱琦纂修易禧善張岳
崧俱著交部嚴加議處原書著發交該館另行纂輯進呈此數節
按語係何人所撰著軍機大臣查明先行具奏○諭陳預自簡任
山東巡撫以來漫無整頓從前和舜武程國仁分任藩臬時地方
積案漸清京控亦少迨伊一人升任後臬司張五緯不能稱職陳
預亦毫無振作吏治日形疲玩溫承惠接任臬司積案已有四千

餘件之多而來京控訴者仍絡繹不絕且滕縣高唐一帶驛路盜賊公然塗面執械搶奪商旅州縣並不認真緝捕但於驛店張貼告示禁止早行昨召見浙江藩司伊什扎木素具奏伊過東省時親見驛店告示沿途劫案頻聞行旅皆有戒心東省地方廢弛至於如此巡撫何所辭咎陳預豈能復勝京堂之任見在吏部因耶城縣捕役案賊上司不行參劾一案將陳預議以降調無級可降應行革任本應即照部議革職姑念其由刑部司員出身於刑名尚為熟習格外施恩陳預著以刑部郎中降補勉圖自效○癸卯諭吏部奏議處纂輯明鑑之總裁總纂纂修一摺朕前降旨命館臣纂輯明鑑一書其體例原全做范祖禹唐鑑乃館臣等意圖卷帙繁富以為書成奏請議敘地步遂規做通鑑輯覽敘次凡書內

御批之關涉明代者全行恭載迨纂至萬曆天啓年間又不請東華續錄 嘉慶四十五 十一

旨輒以與朝之 隆業載入勝國卷中以致按語措詞乖謬謬誤裁等均有應得之咎此內秀甯係滿洲大員武不能教訓兵丁文不能纂編書史况於國朝事實尤宜加意審慎乃漫不留心其咎更重秀甯著降為頭等侍衛前往新疆換班戴均元本有革職留任之案部議降三級調用無級可降著加恩仍改為革職留任曹振鏞戴聯奎俱著加恩改為降三級留任編修張岳崧撰擬按語論明熹宗用人不當已屬失辭又以熊廷弼比方李光弼尤為紕繆著即照部議革職易禧善纂輯明神宗朝事蹟按語頗揚本朝雖乖體例詞句尚無大謬著從寬改為革職留任侍講朱珪此數卷按語皆非其所撰惟覆校時不為改正亦屬疏忽著從寬降為編修以示薄懲○轉廉善為刑部左侍郎調穆彰阿為刑部右侍郎明興為兵部右侍郎以同麟為盛京工部侍郎由內閣○甲辰

同麟以親老命留京補禮部右侍郎調多山為盛京工部侍郎轉哈爾阿為禮部左侍郎○再撥京倉粟米六千石命順天府於四路分廠平糶○丁未再撥京倉粟米五千石粟米五千石於大典宛平二縣平糶○丁巳予告理藩院尚書博興卒賞銀二百兩治喪○戊午諭御史卿祖培奏武職都司以下各官請照文職一體欽派大臣公同揀選一摺當奏上時朕即以其言為是批交大學士軍機大臣會同兵部議奏茲托津等議覆應如所奏辦理向例文職揀發各官佐雜微員尚奏請欽派大臣揀選武舉於會試後揀選營衛亦由兵部奏派王大臣考驗何獨於武職都司守備轉由兵部堂官自行揀選辦理原不盡一自應一體欽派大臣公同揀選以昭公慎卿祖培此奏毫無私見甚屬可嘉言官陳奏事件總當屏除私念如果出於至公實能有裨國事朕必鑒其悃誠降旨

東華續錄 嘉慶四十五 十二

嘉許立予施行著聽屬徇私亦不能曲從所請沽納諫之名誤國家之政也○以琦善為江南布政使敦良為河南按察使由大興寺少卿○王戍新修 玉牒成○乙丑再撥京倉粟米五千石於順天府四路接續平糶六月丁卯朔諭伯麟奏勦平臨安江外逆匪擊獲逆首遊目按律辦理一摺此案逆首高老五係上年臨安江外滋事首夷高羅衣之堂姪因查拏逆黨逃赴藤條江外膽敢糾眾搶掠土司地方襄為漸眾遂僭稱王號偽封官職抗拒官兵並偷渡江內窺伺臨安府城實屬罪大惡極伯麟派調官兵土練督率進剿連獲勝仗該逆匪等逃竄出江潛藏打雀山頂經伯麟所派東路官兵追探兜圍時逃西道何金密派兵練連夜鈔上山頂都司桂朝陽曹得周知州岳輝文員雨領兵黎明齊至賊巢外委冉錫元首先搶入寨

門施放號礮兵練一齊奔入將高老五生擒並殲餘逆辦理尙
爲迅速伯麟著交部議敘冉錫元首先入寨手受刀傷殊覺奮勇
著以千總卽行超補何金桂朝陽曹得周岳輝文著伯麟分別保
奏候朕施恩其餘在事文武員弁擇其尤爲出力者保奏不可冒
濫雙林帶領西路官兵師期馳赴無勞足錄著卽赴古州鎮新任
不必留於江外李慶雲張正揚失防密渡以致賊匪渡江且李
慶雲猝聞賊至輒關閉城門尤涉張皇姑念其戴罪自效尙知奮
勉李慶雲著降爲遊擊張正揚著降爲把總俱留於滇省補用臨
元鎮總兵員缺著該督卽於軍營出力人員內保奏請旨案內首
逆高老五及得受偽封各賊目均已於軍前正法著名逆目馬居
阿亦經續獲惟馬哈雜在逃見在提督張鳳業已渡江著卽督率
兵練務將馬哈雜擊獲續經訊出逆犯一併按名擒捕審明治罪
東華續錄 嘉慶四十五 十四

該旗戶冊年歲均屬相符之處尙未覈實不足爲憑著交戶部檢
齊各該旗報部戶口冊再行逐一確查據實具奏冊內乞補年歲
之內務府文童保助常縣二名亦一併查明具奏其本無戶口冊
之王公包衣希彥等六名著該王公自行查明據實具奏○王中
河南武陟縣沁河溢○壬午諭永瑋等奏懇添設內務府官學一
摺 東陵八旗官學設自乾隆年間進行已久內務府官役子弟
生齒日繁添設官學亦足以資教育加恩著照所請准其於 景
陵 裕陵兩處內務府官圈之內各設官學一所卽於內務府人
員內遴選滿漢通曉文義諳習騎射者派充教習每月給與薪水
紙筆銀三兩在於永濟庫存貯項下動支報銷此外各圈居住之
官役子弟令其就近歸學訓習該管大臣等隨時稽查分別勸懲
以收實效○丁亥申禁州縣等官赴省干謁○戊子免雲南夷匪
東華續錄 嘉慶四十五 十五

不可稍留餘孽以儆夷氛而靖邊圉○戊辰以英惠爲內閣學士
由副都統 已已諭國家造就八旗人材以騎射爲根本其考試文
藝乃末技耳仰蒙 列聖施恩增此一途以廣登進之路卽缺此
一途亦於八旗人材無損定例旗人報考文場必先試以馬步射
方准入闈以示不忘本也承平日久舍勞就逸者多又因科甲人
員升遷較速遂各爭趨文事懼於騎射甚至考試文章竟有私減
年歲莫免馬射者大乖立法之意昨據哈迪爾景祿奏考驗八旗
文童馬步射內有年歲不符者三十八名當派軍機大臣查明具
奏茲據奏正藍旗覺羅邁拉松阿佛珠靈阿二名恭查 玉牒內
開載年歲實係私減捏報邁拉松阿佛珠靈阿不但此次扣除著
永遠不准考試文場其該管參佐領著交部議處考驗不實之都
統英和著交部察議至所奏各旗文童優與阿等二十八名數對

朕一聞許容之奏卽命徐士林前往代伊而徐士林過於固執又
復具摺奏辭是使許容不及見父生面者非朕之過乃徐士林之
罪也將此旨寄彼令彼觀之欽此仰見我 皇考孝治天下於臣
下烏私矜恤備至因思張師誠前在江蘇巡撫任內以伊父患病
先經具摺懇請解任歸省朕已允其所請乃張師誠不候諭旨將
印信徑交楊馥護理自行回籍巡撫大員擅離職守不能不視職
示懲但念張師誠究屬愚孝伊本係翰林出身學問尙可張師誠
著加恩賞給編修服闋後來京供職再劉鳳詒從前恭纂 皇考
實錄曾有微勞學問亦可亦著加恩賞給編修來京○乙未諭據

理藩院奏駁原任巴林公賽尙阿之妻固山格格呈請進京與例不符等語定例凡在游牧居住之格格等如有呈請進京者十年後方准進京但此內格格等之父母若年近六旬十年後方准與格格等相見一次為期太遠嗣後格格等之父母如有年逾六旬者著五年准其進京見在原任巴林公賽尙阿之妻固山格格未進京城已逾三年俟屆五年之期再行進京著為令

東華續錄

嘉慶四十五

六

東華續錄

嘉慶四十六

臣王先謙敬編

臣周倫蕃恭校

秋七月壬寅予告大學士劉權之卒子祭葬諡文恪○辛亥楊蔭緣事降三品京堂以程國仁為浙江巡撫屠之申為甘肅布政使方載豫為甘肅按察使由陝西陝○癸丑諭成格奏土民額留離任知縣據情轉奏一摺直省牧令在官賢否其去留權操自上非士民所當干與若循良之吏聽士民額請留任設有不職之員將不待上司之參劾亦聽士民驅之使去耶此風斷不可開况循吏課勞報最必將薦舉升遷彼時該士民亦不能卧轍攀轅強令不赴他任所有太谷縣士民呈請將前任知縣陳履和服闋仍留本任之處著不准行即再三瀆請該撫亦不准復行具奏○己未吏部奏外任旗員遇有事故回旗日久逗留即應嚴議一摺得旨旗員補放外任遇有事故回旗原不准在外日久逗留是以定例較漢員加嚴但遲一月以上即議降調半年以上即議革職亦未免過重嗣後外任旗員丁憂回籍除正展限期外如起程遲延半年以上者著降一級調用一年以上者著革職○甲子 上啓鑾詣盛京謁 祖陵○免經過州縣額賦十分之五
八月丁卯朔諭連日經過道路多由民田開築時屆西成芟刈禾稼不免有傷農業嗣後凡驛路經臨處所務循照舊途修墊不得取道農田○甲戌免經過奉天承德等四州縣額賦○免經過奉天新民廳額賦○壬午 上詣 北鎮廟行禮○丙戌賚盛京宗室覺羅及移居宗室銀幣○戊子頒 皇朝通禮於直省○己丑閱盛京官員等射○河南沁河漫口合龍○庚寅閱吉林官員等

射○辛卯 上謁 永陵○壬辰行大饗禮○閱與京城○再閱
吉林官員等射

九月丙申朔 上謁 福陵○臨奠宏毅公額亦都基並加恩後

裔命散秩大臣公那蘇巴圖在乾清門行走加尚書和世泰太子

少保大理寺少卿成甯副都統銜起已革尚書福慶為郎中○調

穆彰阿為兵部右侍郎以文孚為刑部右侍郎由副都統○調明興

阿為盛京戶部侍郎以常起為盛京工部侍郎由副都統○丁酉行

大饗禮 上謁 昭陵○臨奠武勳王揚古利墓○戊戌行大饗

禮 上至盛京詣 太廟尊藏 冊寶前行禮○遣官祭 壽康

太妃 懿靖太貴妃 康惠淑妃並公主園寢奠親王貝勒大臣

等墓○遣官祭 長白山 遼陽太子河 巨流河 渾河 北

海 松花江諸神 遼太祖陵○ 御製再舉東巡展謁 三陵

東華續錄 嘉慶四十六 一

大禮慶成記曰盛京為大清肇基之始嗣服瞻依典至重也 三

陵巍然在望水源木本統 傳心真誠展禮不可闕也洪惟

太祖高皇帝興京建業遼瀋開疆 太宗文皇帝 受璽承 天

肇造區夏景錄熾昌 豐功峻德備載於 開國方略自唐虞以

來未有若斯之盛者也 世祖章皇帝定鼎燕京撫綏中外 聖

祖仁皇帝三謁 珠邱致敬盡禮 世宗憲皇帝在潛奉 命往

謁 祖陵是以未舉是典我 皇考高宗純皇帝丙辰 御極癸

亥展祀敬誦 聖製盛京賦觀煥 天文聿昭美備仰窺以 祖

宗之心為心居其要一言賅厥理傳奕禩子子孫孫欽承勿替大

清以運隆長寶繫於此也甲戌 再莅遂至吉林望祀長白鉅典

彌隆 孝思益展矣戊戌 三謁留都九月丁亥 上諭夫以朕

之景仰 前型勤懇若是必三至乃得曉然於心凡我子子孫孫

紹登大統者可不體朕志以為志時懷遠瀋舊疆再三周歷斯於

祖宗遺緒身親而目觀哉又 諭云我後世子孫誠能遵朕此

旨處尊位而常福 前勞覽當年原嶽而興思拜舊里 松楸而

感愴自當慷慨於 天眷之何以久膺懋然於 先澤之何以善

繼知守成之難兢兢業業永保勿墜則我大清累洽重熙之盛洵

可懸延於億萬斯年矣非然者或輕故都而憚於遠涉或偶詣

祖陵視同延擯古蹟而漠不動心是則忘本而泯良設有其人即

為國家之不幸實不願我後嗣之若此也子若孫可不恪奉朕訓

而知儆懼乎又 諭云或我子孫倘知違朕此旨欲在陪京而其

時無識之臣工妄以為人主當端處法官綜理庶政不宜輕出關

外此即我朝之亂臣賊子當律以悖命之罪誅之毋赦煌煌 聖

訓敬守欽遵曷敢少忽乎癸卯歲八月 四巡盛京自承德山莊

東華續錄 嘉慶四十六 三

取道柳條邊經由蒙古部落 特命子臣 及二王隨扈真獻 三

陵敬謹襄事長寧寺寶勝寺拜瞻 衣冠狐矢清盥宮 神幔寫

鏡子臣 等跪領 天語銘泐五中乙卯九月三日 宣諭立 子臣

為皇太子敬悉癸卯謁 祖陵時已將 子臣 之名 默告 列聖

子臣 承此 隆恩實不忍少懈展謁 三陵之寸衷禮也亦情也

爰於嘉慶乙丑秋舉行謁 陵大禮悉遵 舊章作領紀事至今

又十有二年矣祭不欲疏疏則怠怠則忘是以再舉東巡以伸積

慕攜皇太子 皇四子縣忻同來瞻禮庶幾印副我 皇考諄

諄垂訓以盛京為根本重地後世不可不再三周歷之 聖旨感

天佑而欽 祖功承 先猷而啓後嗣予小子躬承 授璽親

聆 訓政兢業守成而致祭 三陵時巡舊國為 傳心之大經

大法言念及此奚可不溯此典實不敢廢此典又何忍闕此典也

子若孫稍存偷安耽逸之心竟闕此典則為大不孝非大清國之
福 天 祖必降災於其身百官士庶若妄言阻止則為大不忠
非大清國之人必應遵 聖訓立置諸法斷不可恕况亂臣賊子
豈可容乎蓋盛京為國家大本 三陵為發祥始基躬親祀事稍
抒懇忱誠要務也彼昏愚無識習惰偷安之徒比擬遊觀又以勞
民藉口竟不知我朝舊制巡狩之典除道成梁皆出官帑令行禁
止絲毫不累百姓屬車所經由之處獨租賜復禁踏田禾夾路就
瞻歡騰鼓舞方遂其望幸之忱全無困苦之態此予屢隨 鑾輅
多年耳濡目染躬親閱歷者也敬誦 聖製南巡記云今歲甲辰
攜諸皇子以來俾視予躬之如何無欲扈蹕諸臣及僕役之如何
守法地方大吏之如何奉公民人之如何瞻親親近有不如此未
可言南巡我 皇考垂訓盛京不可不去南巡必宜遲即不去亦

東華續錄

嘉慶四十六

四

庭訓

可禮典重輕大相懸殊豈可相提並論景仰 前猷懷承 庭訓
盡此誠敬之微忱分別重輕之典故此心日久自明矣伏讀 聖
製盛京賦融會浹洽於深衷奚能述作於楮墨哉恭依 頌言敬
和 元韻稍抒寸誠昭哉嗣服毋忘 先烈期永保我大清萬年
景命遂予之深願願成頌曰戊寅秋仲敬詣瀋陽越十三載再舉
省方深感 帝佑普錫豐穰齊都建極鞏固金墉八門四塔興義
蘊藏殿閣正寢製備九重 開勅鴻業奕葉繁昌我 考四巡
訓言疊沛木本水源 心傳意會盛典昭明 湛恩汪濊夏清冬
溫 訓政是賴秀淨良安靖內綏外致治保邦席豐履泰譯繹
恩綸曷敢怠懈 天作皇清開基拓土五部政修八旗勁旅作邑
設管爰居爰處虔謁 祖陵聿瞻庭宇宴賓望瀋俯頌耆老賜復
獨租博及比戶感荷 考恩迥超往古才疏德薄兢業承基引長

勿替宵旰榮恩秋霜春露悵依鳴鑾遵路禾茂時和修祀展
禮備藏上儀名王扈衛及高句麗心孚情洽班聯久隨執豕侑
神清盥罔寢長發其祥式廓遠瀋東壁霞翻懸留庭枕曉旭曠
雲霞滄海萬福之原陳置祭品 敷訓躬躬跪聆接在銘泐五中
聖謨虔稟永念率由 臨下有赫行慶凝祥香皇鳥奕基自
天開 福由仁積仔肩守成御風推赤故國再巡宮門重闕徵和
考言長欽 祖德聚我宗盟畋田宅崇政朝會十亭布筵禮
藏典備六御和鸞記以述志載賡 頌言 聖孝首諭告我君臣
欽哉無怠惕若藐躬存誠永慕心堅志愴 武受 祐統緒長
縣○子移駐盛京宗室每戶歲增倉米二十二石○己亥釋發遣
盛京吉林黑龍江情輕各官犯○子扈從王公大臣蒙古王貝勒
等加級紀錄有差○釋發遣盛京等處宗室覺羅情輕各犯回京

東華續錄

嘉慶四十六

五

御崇

政殿受賀○詣 文廟瞻禮○臨奠克勤郡王岳託墓○朝鮮國
王李瑣遣陪臣至盛京表貢方物賜 御製詩章 御書福字○
減奉天吉林等處各犯罪軍流以下免○辛丑 上御大政殿賜
扈從王公大臣蒙古王貝勒貝子公及盛京文武官員朝鮮使臣
等宴○免盛京與京等旗地額賦十分之三並上年通賦○免奉
天內務府莊頭通賦○壬寅 上詣 地壇行禮○臨奠直義公
費英東墓並加恩後裔以乾清門侍衛盛貴為散秩大臣○癸卯
廣奉天等府各屬歲試學額○免盛京官員借支俸餉銀○乙巳
賞扈從兵丁等一月錢糧○辛亥 上回鑾○壬子再免奉天承
德縣新民廳二十五年額賦十分之五○乙卯諭盛京陵寢宮殿

以及綠垣桂板各項工程前於十年有旨令盛京將軍會同盛京工部隨時修整並著軍機大臣每閱二年提奏請 簡派宗室王貝勒貝子公暨大學士六部尚書等數人前赴盛京查看一次又向例五年派京卿一員巡查奉天由盛京五部侍郎內奏派二員巡查吉林黑龍江因思派員巡閱原以慎重官守稽查懈怠然定立年限則期可豫知即有弊端不難先期掩飾於事仍無裨益嗣後該三省屆期閱看巡查之例俱著停止奏派朕酌量應行查閱之時特旨派員前往以昭覈實○丁巳怡親王奕勳薨遣熱河都統松甯往奠茶酒賞銀二千兩治喪派散秩大臣宗室奕禮照料喪務回京子祭葬諡曰恪○庚申召巴哈布來京以吳邦慶為湖南巡撫調琦善為河南布政使以恆敏為江甯布政使特通阿為陝西按察使由河南南○辛酉定特派大學士等覆覈朝審人犯東華續錄 嘉慶四十六 六情實緩決例

冬十月庚午 上以萬壽節御興隆寺行宮賜扈從王公大臣等食賞賚有差○資迎慶老民銀幣○辛未 上御興隆寺行宮受賀禮成賜名萬壽興隆寺○賞辦差兵丁半月錢糧免經過州縣額賦十分之二○癸酉 上謁 昭西陵 孝陵 孝東陵 景陵 裕陵○乙亥定守護 三陵總管五年更換例○丙子 上還京師○丁丑子告太保大學士董誥卒晉贈太傅入祀賢良祠遣定親王蘇恩帶領侍衛十員往奠茶酒賞銀二千兩治喪予祭葬諡文恭賞其子清四品京堂○辛巳 上臨故大學士董誥第賜奠○乙酉葉紹桂以與布政使富綸互參解任以趙慎畔為廣西巡撫魏元煜為廣東布政使左輔為浙江按察使由廣東○以張志緒為廣西按察使由陝西陝○解富綸任以繼昌署廣西

布政使由大理○丙戌轉普泰為吏部左侍郎以成甯為吏部右侍郎由副都○吏部左侍郎熙昌卒於湖南差次贈都統銜賞銀五百兩治喪予祭葬諡敬慎○戊子調穆彰阿為工部左侍郎德文為兵部右侍郎

十一月辛丑調成甯為倉場侍郎德文為吏部右侍郎以英惠為兵部右侍郎由副都○戊申諭 天壇望鐘杆木丈尺雍正年間定例原係九丈剛於乾隆年間四川總督阿爾泰辦到杆木較長始奏准通高十丈四尺較原立杆木增長一丈四尺見在杆木因年久閒有蟲蛀處所自應敬謹更換杆木舊有定制若照增長丈尺恐一時採辦維艱著四川總督胡南巡撫仍查照雍正年間定例委員採辦長九丈大徑二尺七寸小徑一尺二寸杆木正副六根外餘木十八根即行運京以備更換○丁巳諭額駙揚古利乃

東華續錄 嘉慶四十六 七開國勳臣故其世世子孫之中均賞一領侍衛內大臣福克津承襲公爵朕加恩賞給散秩大臣年來察看福克津人尚醇樸當差亦勤著加恩將該志所出正白旗領侍衛內大臣員缺即著福克津補授以示朕眷念勳舊後嗣至意○增建江南雖南廳屬峰山開減水石壩

十二月甲子朔免雲南銅廠通銀○戊辰 上詣 大高殿祈雪○乙亥諭朕丙辰元旦仰蒙 皇考高宗純皇帝大廷 授聖賞

惟 皇考臨御六十年普免天下錢糧四次消糧三次 湛恩汪濊淪浹民心朕嗣位以來亦思廣施闡惠大資寰區始緣教匪不靖軍興孔棘繼以黃河泛溢屢舉大工十餘年閱所費帑金數踰十千萬國家財賦既有常經費有不敷出之勢是以朕五旬正

慶雖恩綸載錫而未能普惠閭閻比年仰荷 昊蒼垂佑稔莠蕩除萬方宿謐河流順軌久慶安瀾以正供所入謹制國用尚可無虞匱乏朕子惠元元深念損上益下之義俟將來府藏充盈仍欲覃敷渥澤明歲為朕六旬正壽宜先蠲除積逋俾小民戶免追呼共享含哺之樂所有各省節年正耗民欠及因災緩徵帶徵銀穀著各督撫詳細查明速奏以次豁免先將此旨宣示城鄉村鎮咸使聞知俾官吏胥役無從影射侵欺以期膏澤下究用副朕惠鮮懷保仁壽斯民至意○丙子 上再詣 大高殿祈雪○癸未增甘肅鎮西迪化二府州縣試中額一名○丁亥諭和舜武奏審結積案起數一摺山東巡撫衙門積案一千三百七十四起自和舜武到任後先後審結一千一百二十起臬司衙門積案六千八百餘起溫承惠到任後審結五千四百起該省前此盜風甚熾見在東華續錄 嘉慶四十六 八 匪徒斂戢行旅安然和舜武溫承惠辦事認真著有成效俱著加恩交部議敘前任山東巡撫陳預臬司張五緯因循廢弛實難辭咎陳預著降補刑部主事非奉特旨不准保升張五緯見發往軍臺效力期滿之日不准即行奏請釋回候旨辦理以示懲儆○戊子諭本日領侍衛內大臣總請達內務府大臣等奏派明年二月初七日祭 孝淑皇后陵寢隨從二阿哥之散秩大臣請達內務府大臣此奏未免過早朕經召見那彥寶詢問據奏向於正月內奏派因明年恭值六旬大慶是以改於歲前忌辰具奏此言甚屬非是明年一歲之中如清明中元冬至俱有祭 陵典禮豈能槩行避忌具奏即明年正月內逢忌辰者共有四日彼時奏派並不為遲亦何必早至月餘耶從來人君好言吉祥動輒避忌最非美德明歲值朕周甲之年率土膺歡然中外應行陳奏事件豈必盡

皆美善若似此拘泥那前移後必致事多積壓其有關於政治者非細茲特明白宣示內外大臣明歲凡有應奏事件俱各照常陳奏或值祿服日期斟酌呈遞亦屬臣下忠敬之忱萬不可專意粉飾致妨實政轉非所以仰體朕夙夜孜孜勵精圖治之心也將此通諭知之○庚寅諭昨據給事中李振祐奏都察院此次京察有給事中色成額一員先經列入六法嗣該給事中獨赴公堂辨論干求演習拜跪該堂札行吏科改列三等前後反覆視若兒戲等語當交軍機大臣查明具奏茲據奏調查該衙門冊札等件並詢之色成額及該院經歷等官原冊內色成額先填有疾復經都察院札知吏科改入三等屬實至色成額上堂銷假會演習起跪廳官百昌陶定中親見實未求改三等該給事中下堂後各堂公商札行吏科改入三等請將都察院堂官分別嚴議議處京察為東華續錄 嘉慶四十六 九 激揚大典舉劾皆慎重况都察院職司風憲尤不應稍涉游移此案都察院堂官所定京察冊籍雖未過部但業經公同註考乃輒將六法之員札行吏科改列供職實屬輕率色成額仍著列入有疾是日在署公同議改之都察院堂官景祿吳芳培蔣祥輝齊布森俱著交部嚴加議處和桂隨同畫諾著交部議處尋議上得旨景祿等俱著實降一級調用景祿以副都統候補吳芳培以侍郎候補齊布森蔣祥輝以從三品京堂候補和桂降二級留任不准抵銷○以穆克登額劉鑾之俱為左都御史○以松筠為禮部尚書○是歲朝鮮琉球來貢○會計天下民數數各省通共大小男婦三萬四千八百八十二萬二十七名口各省通共存倉米穀三千五百五十六萬三千一百四十四石八升七合七勺

臣王先謙敬編

臣周倫恭恭校

嘉慶二十四年己卯春正月甲午朔 上以 六旬萬壽頌詔天

下尊恩有差○封 皇三子蘇愷為惇郡王 皇四子蘇忻為瑞

親王 皇長孫奕緯為貝勒○晉封貝勒蘇志縣勳郡王銜賞三

眼花翎貝子奕紹為貝勒鎮國公蘇德爾額駙國公蘇德為貝子晉封

科爾沁貝勒鄂勒哲依圖郡王銜賞三眼花翎予托津雙眼花翎

加章煦太子太保○戊戌以常起為吏部右侍郎明敘為盛京工

部侍郎俱由內閣○以善慶韓鼎晉俱為左副都御史善慶由通

晉由大理寺卿選○癸丑諭御史唐鑑奏請復輪班日講官員及繕進經

史講義一摺經書史鑑皆闕治道人君日理萬幾不廢典學我朝

東華續錄 嘉慶四十七

列聖相承皆本 聖學以成 聖治朕仰紹 論謀孜孜求治

每值幾暇亦惟披覽經史學於古訓然念帝王之學在於貫徹天

人明體達用以見諸施行與經生尋章索句者不同從前康熙年

間 聖祖仁皇帝曾有翰林輪班入直之 命旋即停罷乾隆初

年 高宗純皇帝命翰林科道輪進經史講義其後即有借進講

經書諷諷時事行其詐偽者特行降旨訓飭至乾隆十四年因御

史金相之奏 聖諭以諸臣按日奏御所稱洞達天人發明道奧

者殊不樂見行之十餘載漸成故套 敕令停止自後數十年總

未舉行是以朕嗣位以來亦未議及此事今該御史請復此舉朕

每日常見臣工多至十餘起披覽章奏動輒數十件即使添見翰

林四人多閱講義數篇亦斷不以爲煩苦惟朕召見大臣皆以諮

諏庶政即京堂各官近年增有冬令輪班值日之例其學識之淺

深心術之邪正於召見時亦均可鑒察至翰林院資格本淺俟升

轉至學士以上或擢用京堂改補科道自可敷奏以言如此時遽

令撰進講義輪班入對其能闡聖賢之精義陳古今之治忽者能

有幾人若徒摭拾陳言敷衍入奏或以頌揚塞責甚至妄議時事

豈非徒亂人意乎朕圖治維艱然一切皆求之於實所謂爲政不

在多言願力行何如耳使但博稽古之名而無裨實政殊不如其

已也該御史所奏著無庸議○丁巳諭三載考績爲國家激揚大

典朕於諸臣中察其奉公恪勤尤爲出力者方給予甄敘其有年

老而精神尚不至衰頹者仍可留任供職本年京察屆期吏部將

京外各大員開單具奏朕詳加覈定大學士托津在軍機處夙夜

宣勤大學士章煦管理刑部事務尙屬盡心協辦大學士吏部尙

書戴均元辦事妥協人亦敢言吏部尙書英和辦事認真獲匪

東華續錄 嘉慶四十七

犯多名戶部尙書盧蔭溥承旨書論夙夜慎勤俱著加恩交部議

敘協辦大學士雲貴總督伯麟兩次辦理軍務均能迅速歲事山

東巡撫和舜武整頓地方清釐積案日有起色俱著加恩交部議

敘餘俱著照舊供職○調崇祿爲兵部尙書和甯爲刑部尙書○

罷和甯軍機處行走命刑部右侍郎文孚在軍機大臣學習行走

○戊午增設山西歸化城屬大青山外蒙古扎薩克地方卡倫並

派弁兵巡緝

二月甲子 上御經筵○允廷臣請編 御製詩三集○辛未左

都御史兼管太常寺穆克登額以少卿善祿管儀鑄誤降工部右

侍郎以誠安爲左都御史由工部右○乙亥以四川無通賦免明

年額賦十分之二○免江蘇浙江各鹽場通課○以色克精額爲

內閣學士由太常寺卿選○辛巳命嗣後鄉會試停止考官上馬宴其金

花表裏杯蓋等件卽於午門前宜賜○增建山東南旺湖關○壬辰以貴州無通賦免明年正賦十分之二

三月甲午諭昨降旨將鄉會試點派考官密本屆期派乾清門侍衛齋至午門前拆封宣旨著自本科會試爲始禮部於三月初四日將題本送閣初五日進呈初六日發下卽交捧本侍衛齋往至

鄉試遇朕巡幸之年著該部豫行計算發報日期扣至八月初六日黎明到閣卽早亦必於初五日到閣初六日黎明齋至午門前照新定規制拆封宣讀考官等卽刻入閣不准在內閣先行拆封著爲令○丙申定各省咨報各缺限期○己亥 上親耕藉田是日 上啓鑾謁 東陵 西陵○免經過地方額賦十分之三○

辛丑刑部右侍郎彭希濂以耕藉失儀降調○壬寅 上謁 昭西陵 孝陵 孝東陵 景陵 裕陵○癸卯清明節 上謁 昭東華續錄 嘉慶四十七 三

裕陵再行敷土禮○免山東銅版通銀○丙午山東巡撫和舜武卒贈總督銜○調程國仁爲山東巡撫陳若霖爲浙江巡撫以琦善爲河南巡撫廉奇瑜爲河南布政使彭希濂爲福建按察使

刑部右侍郎○戊申諭軍機大臣等玉麟等奏藏中僧俗人等求定速頒喇嘛呼畢勒罕一摺甚屬非是從前各處呈報呼畢勒罕出世每多附會爭端漸起弊竇叢生 皇考高宗純皇帝洞燭其情設

金奔巴瓶藏名製定之制 睿謀深遠自當萬世遵行今襄塘所報幼孩其所述靈異何足徵信若遽聽其言與從前指定一人者何異玉麟等不嚴行駁飭實爲錯誤著傳旨申飭此次襄塘幼孩

卽作爲入瓶籤製之一俟續有報者再得其二方可將三人之名一同緘封入瓶照定制對眾誦經製籤著將此旨明白傳諭第穆

呼圖克圖毋許再演若來京求請卽查拏治罪○丁巳 上幸南苑行劄○以山西豐鎮廳屬入官地畝爲大同鎮六營牧廠○己未 上謁 泰陵 泰東陵至 孝淑皇后陵奠酒回鑾

夏四月甲子 上還京師○癸酉朱理卒以韓克均爲貴州巡撫嵩孚爲安徽布政使鄒翰爲安徽按察使

試差人員自此爲始四書題文二篇內者減去一篇添五經題文一篇仍用五言八韻排律詩一首著爲令○以山西解州二十五廳州縣上年歉收撥倉穀平糶○庚辰 上閱健銳營兵○

癸未諭明刑所以弼教婦女首重名節舊例婦女和姦悔過拒絕復被倡姦將姦夫殺死者均照擅殺罪人律減一等擬以杖流其未經和姦因拒姦擅殺罪人之婦女轉科以絞候於情法本未平允此案李何氏因拒姦殺死周得估刑部照校候擬覆大理寺於會議時籤商議減所議甚是刑部堂官亦卽許酌奏改條例所辦

亦是著依議纂入例冊其李何氏一案卽照新例辦理至大理寺堂官係何人首先倡議籤商者據實奏明議敘不得以公同看出含混具奏○丙戌賜陳沆等二百二十四人進士及第出身有差○戊子罷安徽鳳陽關江西九江關監督以道員管理○己丑 上詣 黑龍潭祈雨○方體因病乞休以陳廷桂爲湖北按察使

刑道遷 由安襄卽 閏四月壬辰朔諭孫玉庭參奏李奕疇濫派漕委多人滋累幫丁州縣一摺漕委一項前經鐵保等奏明節次刪減迨李奕疇任內逐漸加增派委至一百四十餘人之多該漕督曾向孫玉庭言及漕標候補人多窮苦堪憐不得不舉行差委以資調劑李奕疇多派漕委並以調劑爲詞是明使該漕委等需索旗丁以致大幫幫出銀三百兩小幫每幫出銀二百餘兩旗丁費何由出悉皆取

苑行劄○以山西豐鎮廳屬入官地畝爲大同鎮六營牧廠○己未 上謁 泰陵 泰東陵至 孝淑皇后陵奠酒回鑾

夏四月甲子 上還京師○癸酉朱理卒以韓克均爲貴州巡撫嵩孚爲安徽布政使鄒翰爲安徽按察使

試差人員自此爲始四書題文二篇內者減去一篇添五經題文一篇仍用五言八韻排律詩一首著爲令○以山西解州二十五廳州縣上年歉收撥倉穀平糶○庚辰 上閱健銳營兵○

癸未諭明刑所以弼教婦女首重名節舊例婦女和姦悔過拒絕復被倡姦將姦夫殺死者均照擅殺罪人律減一等擬以杖流其未經和姦因拒姦擅殺罪人之婦女轉科以絞候於情法本未平允此案李何氏因拒姦殺死周得估刑部照校候擬覆大理寺於會議時籤商議減所議甚是刑部堂官亦卽許酌奏改條例所辦

亦是著依議纂入例冊其李何氏一案卽照新例辦理至大理寺堂官係何人首先倡議籤商者據實奏明議敘不得以公同看出含混具奏○丙戌賜陳沆等二百二十四人進士及第出身有差○戊子罷安徽鳳陽關江西九江關監督以道員管理○己丑 上詣 黑龍潭祈雨○方體因病乞休以陳廷桂爲湖北按察使

刑道遷 由安襄卽 閏四月壬辰朔諭孫玉庭參奏李奕疇濫派漕委多人滋累幫丁州縣一摺漕委一項前經鐵保等奏明節次刪減迨李奕疇任內逐漸加增派委至一百四十餘人之多該漕督曾向孫玉庭言及漕標候補人多窮苦堪憐不得不舉行差委以資調劑李奕疇多派漕委並以調劑爲詞是明使該漕委等需索旗丁以致大幫幫出銀三百兩小幫每幫出銀二百餘兩旗丁費何由出悉皆取

幫出銀三百兩小幫每幫出銀二百餘兩旗丁費何由出悉皆取

幫出銀三百兩小幫每幫出銀二百餘兩旗丁費何由出悉皆取

幫出銀三百兩小幫每幫出銀二百餘兩旗丁費何由出悉皆取

幫出銀三百兩小幫每幫出銀二百餘兩旗丁費何由出悉皆取

幫出銀三百兩小幫每幫出銀二百餘兩旗丁費何由出悉皆取

幫出銀三百兩小幫每幫出銀二百餘兩旗丁費何由出悉皆取

幫出銀三百兩小幫每幫出銀二百餘兩旗丁費何由出悉皆取

之州縣州縣費何由出悉皆取之糧戶淨收之弊日甚一日清委
之擾異質啓其端該漕督辦理不善咎無可辭李奕鳴著交部嚴
加議處尋降○以李鴻賓為漕運總督調康紹鏞為廣東巡撫以
姚祖同為安徽巡撫調祝慶承為直隸布政使以玉輅為雲南布
政使劉寶第為廣東按察使由直隸天○癸巳德麟以誤班削爵
命其子慶敏仍襲貝子○甲午調廉敬為廣東按察使劉寶第為
雲南按察使○乙未修山東運河西岸隄工○戊戌諭本年庶吉
士散館考列三等者俱歸原班銓選內強望泰一員係強克捷之
子趙榮一員係趙文哲之孫強克捷前於滑縣殉難趙文哲前於
木果水軍務陣亡均係歿於王事朕優恤忠貞後嗣特加恩將強
望泰趙榮俱用為內閣中書俾得仍列清班該二員其各勤慎供
職勉勵進階○庚子廣慶緣事解任以岳齡安為山東布政使祥
東華續錄 嘉慶四十七 五

此淫惡之徒即應問擬絞決至敦柱先與李康氏通姦迨李康氏
向其告知伊父令將伊母勒死乃並無一言阻止轉以隨爾們鬧
去之言回答並幫同移屍裝棺即與同謀斃母命無異按律罪應
凌遲惟宗室向無凌遲之例著賽沖阿率同棚武布慶係傳集移
居各宗室並喜福一同看視先將敦柱重責一百板打至血肉潰
爛再將喜福敦柱一同絞決李康氏下手勒斃塔他拉氏以邪淫
陷害三命著即行斬決審明後賽沖阿等即奏明分別辦理至棚
武布慶係本有失察之咎念伊二人管理未久著免其議處嗣後
當認真稽查隨時督束務令諸宗室各知戒懼免蹈刑章
五月戊辰調李堯棟為福建巡撫史致光為雲南巡撫○辛未禁
旗人抱養民人及戶下人為嗣○以誠安為熱河都統普恭為左
都御史成甯為吏部左侍郎那彥成為倉場侍郎由禮部○己卯諭
東華續錄 嘉慶四十七 六

列聖神位前獻爵贊引次序錯誤成親王及太常寺堂官俱各自請治罪告祭典禮重大理應敬謹將事乃於昭穆先後次序有紊其咎甚重成親王自乾隆年間親禮壇廟數十年來屢充分獻陪祭差使一應禮儀久經熟諳於心縱使贊引錯誤自當即時指正乃率依導引行禮舛誤按其咎革本應革去王爵交宗人府治罪但念此次初獻亞獻俱未錯誤至終獻先西後東應獻配位四案經松筠向前阻止成親王尚不自覺為開始悟係因年衰體弱起跪更番步履遲鈍以致精神昏惰尚為可原且朕與成親王自幼最蒙 皇考鍾愛同受 厚恩况友于心切此時實不忍遽褫其爵實朕姑息之處成親王既獲重懲而且年老多病難以管理事務所有各項差使著全行革退不必在內廷行走或在城在園均於邸第閉門思過亦無庸隨班上朝仍罰親王半俸十年

東華續錄 嘉慶四十七年

年照郡王食俸至十年後方准開復其子蘇懃革去內大臣隨班上朝在家侍父太常寺堂官於告祭大典派禮儀生疏之員承充贊引殊屬疏懈著交部嚴加議處贊禮郎清安泰即革職鎖鑰交刑部治罪○戊子諭清安泰於告祭大典贊引錯誤部議照大不敬律擬以斬決實屬罪所應得姑念其補授贊禮郎未久儀節生疏一時昏迷舛錯著改為斬監候入於朝審情實辦理

六月癸巳海齡以親老乞改京職命以三品京堂候補以承光為湖北布政使童槐為江西按察使由山東充所○癸卯調松筠為兵部尚書崇祿為禮部尚書○調恩甯為吏部左侍郎以和桂為禮部左侍郎由左副都御史遷○丁未諭伯麟等奏南寧國自內附以來乾隆五十九年曾經 頒給敕印嗣因該國王召溫猛悞悞不振流徙越南經越南國王將 敕印恭繳念其流離不加聲責該國

事聽其以召蛇榮代辨見據召蛇榮之子召蟒塔度膳庚修職貢顯懇再頒 敕印著加恩俯允所請再行頒給以示懷柔○戊申諭軍機大臣等本日召見周系英據奏湖南湘潭縣城外向來江西客民在彼貿易者十居七八本地居民不過十之二三各馬頭挑夫江西人尤多平日恃眾強橫最喜滋事此次與本地居民互毆原因聽戲而起江西商民將本地民人關入公所廟內毆斃無數浮屍蔽江當時知縣會營前往查拏比至公所廟門關閉不放再三叫門僅將知縣營官放進知縣見有許多人被囚並有將手掌釘在牆壁者再四開導始交帶回知縣將帶回之人悉行釋放各馬頭挑夫聚集多人欲行肆鬧巡撫聞知始派臬司會同副將帶兵前往彈壓等語此案前據吳邦慶所奏爭鬪情形本未明晰見據周系英面奏該商民爭鬪及毆斃人數與該撫前奏情節不符著吳邦慶即行身臨其境不可畏難將糾鬪實在情形並毆斃人數確切查明如果情勢兇橫將首先聚眾肆橫之人逐一查拏從嚴懲辦首犯即行正法斷不可存化大為小之見姑息了事益釀刀風○己酉改雲南開化府同知為安平同知澂江府司獄為安平同知司獄裁厘江府經歷增設文山縣分防縣丞○壬子調李堯棟為湖南巡撫吳邦慶為福建巡撫○丙辰裁廣東潮州府稅課大使增設豐順縣留隍司巡檢○丁巳以齡椿為左副都御史

東華續錄 嘉慶四十七年

王先謙敬編

周翰蕃恭校

秋七月壬戌諭朝廷設官分職各有職守分內之事尙且自願不暇何必旁求他務大廷日行政事自有內閣傳宣布告天下原不秘密必欲先知差人偵探其心不可問矣至於日日召見內外大小臣工乃我朝之善政良法永遠奉行切勿怠忽若前明專任中涓宰相皆不識而論胥以亡可不戒乎孰意近來惡習竟將按日召見人名先後次序各處報知以為趨奉鑽營之本其心益不可問有職守者藉口探聽本任差務而別衙門之事皆推卸於附稟事後遁辭其誰欺乎尤可異者毫無職任閒散王公日日差人偵探政事分旗結伴又假手吏胥非但心不可問而且形迹可疑此

東華續錄

嘉慶四十八

內布蘭泰殘廢在家亦差人偵探實屬奇怪至極之事若再不力加整頓必致政出多門壞法亂紀朝綱委靡不能救藥揣摩迎合狗苟蠅營成何政體乎朕兄儀親王年已七十有四精力漸衰所管之處甚多恐有貽誤是以差人探聽况素常並非喜於探聽事務朕自知之總因年長之故其情可原朕不忍煩勞長兄有失頤養止留內廷行走以昭恩眷平日不必入直惟典禮朝賀筵宴迎送等事再進來行走所有各項職任全行開缺另派人管理成親王前已獲咎此次同儀親王俱著寬免以示友于議親至意其餘所有有職任之肅親王永錫等各折罰王貝勒公俸六年不兼職任之禮親王麟趾等各折罰王貝勒貝子公俸十二年載銓等依議所有各家聽事人等本應全行斥革此次姑從寬免自今日始王公大臣再有探聽召見起數及任外公事者本人革職探聽之

人發往伊犁朕言不再各宜懷遠特諭○甲子諭國家神武開基清語騎射乃滿洲舊俗根本重務必當萬年無忘是以巡幸盛京最為鉅典我皇考高宗純皇帝曾因親詣盛京垂諭後嗣當瞻懷遠濬菁疆再三周歷或無識臣工妄以為不宜當律以恃命之罪誅之無赦其次即木蘭秋獮肄武習勞亦必當恪遵成憲永守勿怠皇考聖製避暑山莊後序追述聖祖仁皇帝始建山莊所以詰戎綏遠崇樸愛物之義世宗憲皇帝聖訓後世子孫習武木蘭無忘家法並申諭以敬告後人若後人而忘予此言則與國休戚相關之大臣以及骨鯁忠直之言官執予此言以諫之可也煌煌聖訓昭垂奕禩上年朕東巡祇謁三陵松筠因讖輔小早上章阻止此奏若出於他人朕必律以恃命之罪即予正法因松筠身為首輔且素有忠悃中外之人皆可諒其無他故止以降諭示懲曲從寬典木蘭秋獮皇考慮及後嗣之不能式循尙有望於忠諫設有從而阻止者亦不可不嚴示罰懲茲特明降諭旨嗣後每歲舉行獮典或偶值天時水旱朕心自有權衡如此次降旨啓鑿屆期適遇大雨橋座被衝即降旨改期並非因人奏請儻有無識之徒敢於朕前建言阻止者必將其人立予革職發往伊犁以為阻撓大典委靡不振者戒朕言不再懷之勿忽○庚午以雨詔停秋獮仍詣避暑山莊○甲戌以德奎為河南按察使○庚辰上啓鑿詣避暑山莊○英惠以管道嬾情降三等侍衛調常英為兵部右侍郎轉博啓圖為理藩院左侍郎以裕恩為理藩院右侍郎○免經過地方額賦由京至古北口十分之四由古北口至熱河十分之五○壬午直隸永定河溢命吳璠那彥寶馳往堵築○癸未諭前因傅瑞祥一案

東華續錄

嘉慶四十八

二

誤鈔諭旨究出該王公等各派有護衛探聽公事當降硃諭將該王公等分別罰懲嗣於召見廷臣時詢及俱奏稱各王公等派人聽事相沿已久並非始自近年其最後襲職之王公貝勒貝子等多係年幼之人該護衛沿習探聽向其稟知伊等並不解係不應為之事且前此各護衛姓名俱由薩敏供出其薩敏有未經指實者或知而不言者或竟不認識者該王公等俱俸免罰懲亦未為平允所有原折罰俸十二年之禮親王麟趾等著加恩改罰王貝勒貝子公半俸六年原折罰俸六年之肅親王永錫等著加恩改罰王貝勒貝子公半俸三年儀親王成親王於此事前已加恩寬免罰懲慶郡王永璘原折罰郡王俸六年著加恩寬免四年改罰半俸二年○乙酉撥廣儲司銀一萬兩撫恤南苑被水災民○丁亥免直隸灤平縣被水地方額賦十分之五○己丑撥廣儲司庫銀三千兩撫恤灤平縣被水災民

八月辛卯 上駐蹕避暑山莊○河南蘭陽儀封北岸河溢奪葉觀潮職命吳璣馳往會同琦善堵築○壬辰以善慶為工部右侍郎由左副都御史遷○癸巳以李鴻賓為河東河道總督成甯為漕運總督由都察院遷○乙未命順天府於大典宛平二縣設廠平糶並簡京卿監放○丁酉命順天府於固安永清東安霸州四州縣設廠煮賑○戊戌命李鴻賓赴河南督辦漫口工程程國仁兼辦山東運河事○壬寅予告大學士威勤伯勒保卒晉贈一等侯遣 皇四子瑞親王絲忻帶領侍衛十員往奠茶酒予祭葬諡文襄○撥北倉米十萬石於直隸備賑○戊申諭軍機大臣等本日成甯奏接受漕督印務一摺成甯曾任巡撫於外任事尚為熟諳但伊前在山西巡撫任內即好為華侈致屬員加意供應因此降黜嗣棄瑕錄

用昨以漕運總督一時備用乏人將成甯補授並賞用頭品頂戴成甯當倍加感激勤慎辦公於操守一事尤應力自檢束見在漕務正當剔除積弊大加整頓之時伊年逾七十所謂及其老也戒之在得不可因係頭品頂戴妄自尊大又復好尚華靡再蹈前轍倘有簠簋不飭之事經朕聞知惟有執法嚴懲不能以其年屆桑榆稍從寬貸也○己酉河南黃沁應屬武陟汎河溢命葉觀潮搶築墳罪○改河南商城汎守備隸光州營○癸丑命嗣後盛京戶部官莊六品官缺出 三陵衙門帖式准一體揀選○乙卯上自避暑山莊回鑾○諭程國仁奏參臬司溫承惠日益橫恣事多窒礙一摺溫承惠在山東臬司任內自以曾任督撫大員不肯甘居人下威福自擅設立發審專局調派見任州縣久住省城造言生事樹立黨援又令犯罪之人四出緝捕所至嚇詐頗滋物議

東華續錄 嘉慶四十八 四
種種恣意妄為以致巡撫諸事棘手本月黃河北岸隄工漫溢曹縣適當頂衝程國仁正值入閘以溫承惠會辦河工委令前往查辦溫承惠答以此係藩司之事若委伊往辦即刻告病其情形尤為跋扈溫承惠前任直隸總督身罹重罪經朕棄瑕錄用由郎中外擢臬司一聞黃河漫口不待巡撫差委即當自請前往勉圖自效稍贖前愆乃負氣推諉即此一事斷難輕恕且其年已衰老即罷斥亦無足惜溫承惠著即革職飭令回籍並不准來京逗留○調董槐為山東按察使以孫爾準為江西按察使由福建道遷○戊午上至古北口閱兵
九月壬戌 上還京師○諭吳邦慶奏審訊江西商民與湘潭土民互毆一案正在查辦聞七月二十七日接到侍郎周系英書信一函不敢壅於上聞等語此案見飭秉公審辦周系英何以率行

致書本省巡撫著卽明白回奏○癸亥諭據周系英奏稱因六月開見此案原奏與伊鄉人傳述情形迥異是以致書告知實屬冒昧自請議處等語直省地方事務經朕飭交該督撫查辦是非曲直一秉大公斷不任其稍有枉縱若在京大員於本省案件輒致書督撫私欲庇其鄉閭豈不蕩同明代黨援陋習此風斷不可長周系英私致信函把持公務著交都察院嚴加議處○丙寅諭都察院議處周系英以本省案件致書巡撫請照因事屬託例革職所擬甚是江西客民與湖澤土民互毆一案周系英屢次在朕前面奏當降旨令吳邦慶秉公查辦並恐所奏情形尙有不盡會令軍機大臣向伊詳悉詢問據其所言飭交本省據實嚴查周系英如謂吳邦慶初次奏到之摺與伊所聞情節不符不妨具摺再行陳奏案關地方公務非伊一家私事朕亦不加深責乃輒向本省東華續錄 嘉慶四十八 五 巡撫私致書兩實屬糊塗之至本應照例卽行罷斥姑念其素日人尚樸實學問亦好周系英著革去侍郎加恩以編修用○調顧德慶爲吏部左侍郎以王宗誠爲兵部左侍郎署禮部○調孫爾準爲福建按察使以誠端爲江西按察使由雲南○壬申以恒齡爲內閣學士由奉天潤德爲左副都御史由大理○癸酉 上閱火器營兵○諭軍機大臣等吳璣等奏黃河北岸王家溝地方溜勢驟向北趨刷通沁溝匯注九堡馬營壩口門一摺黃河南岸蘭儀漫口尙未歸注一處今北岸王家溝地方又復將河脣高崖刷塌蓋難北注刷成溝漕直通沁溝匯注九堡馬營壩口門已塌寬一百六七十丈掣溜五分有餘前派葉觀潮專辦北岸武陟漫口乃甫將溝漕五道堵合王家溝又復刷通實屬辦理不善若不嚴行懲治何以示儆著吳璣等卽傳行將葉觀潮先在北岸工次枷

號北岸工竣再移至南岸工次枷號俾通工人員皆知儆畏俟大工合龍再發往伊犁效力贖罪該革員誤工糜帑此時姑免籍沒著伊自矢天良先竭力捐交銀兩以助工需見在北岸漫口雖已掣溜五分餘正河尙有溜三四分著吳璣李鴻賓卽在北岸上緊設法搶堵能使北岸不成大工則南岸漫口尙易於爲力吳璣等務勉力辦理不可稍懈善此時先回南岸集料鳩工察看爾儀二處漫工見已歸併何處督辦整築裹頭各事宜俟北岸工竣吳璣等再赴南岸會同辦理可也○以松筠爲盛京將軍調和世泰爲兵部尙書以賽冲阿爲理藩院尙書由驢驛○壬午永定河漫口合龍○癸未以 六旬萬壽開復內文武一二品大臣降革留任處分有差○戊子以 六旬萬壽寬免王貝勒貝子公等降罰處分有差賞已革禮親王昭榘豫親王裕豐四品頂帶○以禮部堂官於 萬壽旬慶期內忌辰服色未經聲請降尙書崇祿汪廷珍爲左侍郎左侍郎和桂王引之右侍郎周麟署右侍郎王宗誠以正三品京堂補用○以穆克登額爲禮部尙書那清安爲禮部右侍郎由內閣○以黃鉞爲禮部尙書轉姚文田爲戶部左侍郎調王鼎爲戶部右侍郎以吳邦慶爲刑部右侍郎調韓克均爲福建巡撫以毓岱爲貴州巡撫富信爲貴州布政使程贊爵爲貴州按察使由安徽○轉曹師曾爲兵部左侍郎以吳其彥爲兵部右侍郎由內閣○己丑賞已革侍郎鮑桂星編修已革巡撫張師誠中允贊善用已革尙書初彭齡巡撫顏檢都統高杞以六部員外郎用已革尙書吉綸侍郎凱音布翰林院侍讀學士恒福廣西按察使張凱元以六部主事用 冬十月乙未 上六旬萬壽御太和殿受賀禮成 御甯壽宮賜

皇子 皇孫及王以下文武大臣蒙古王公外藩使臣四川土
 司等食 御乾清宮賜 皇后及 皇子 皇孫宴○丙申命戴
 均元那彥寶馳往河南查看河工那彥寶留駐馬營壩督理○丁
 酉 上御正大光明殿賜 皇子 皇孫及王以下文武大臣蒙
 古王公外藩使臣四川土司等宴並賞賚有差○庚子諭吳璥等
 奏從前歷屆大工均有投效之例或認辦工段或交納捐費此次
 武陟大工請援照成例准令各省投效人員赴工捐輸交納豫省
 藩庫除准分發四省三河外其連界之山西陝西安徽湖北浙江
 等省並准分發自道員至佐雜分別授職等語見在武陟大工需
 費浩繁著照所請准令各省人員投效其如何按捐輸之多寡分
 別授職及分發之處仍著吳璥等查照上屆成例妥議具奏○乙
 巳諭軍機大臣等奏本年豫省武陟興辦大工節據吳璥等奏請
 東華續錄 嘉慶四十八 七
 撥解工需銀九百六十萬兩連次奏報止於勘定壩基尚未興工
 進占昨又據奏請暫開投效事例亦准允其所請合計給發工銀
 幾及千萬又有投效人員捐費儘足敷大工之用將來如有贏餘
 工竣仍當覈實奏繳不准再請分毫慎之朕聞向來興舉大工每
 於工次搭蓋館舍並開厠肆玉器鐘表絀段皮衣無物不備市
 儉人等趨之若鶩且有倡妓優伶爭投貨利其所取給者悉皆工
 員揮霍之費而工員財賄無非由侵漁帑項而得此種惡習歷次
 皆有惟十九年雖工較為慎約此次吳璥等務當嚴禁浮靡將所
 發帑項實歸工用不特吳璥那彥寶李鴻賓琦善四人應一塵不
 染所有在工文武員弁俱當嚴行約束勿以國家重大工程為伊
 等漁利行樂之地如有違背小者枷示大者正法法在必行朕言
 不再戴均元見在赴工查勘如有前項陋習伊回京時自必據實

奏聞即戴均元回京以後此數月內朕必再派員前赴工次或令
 人改裝易服密往察訪一經查出弊端不但將工員等從重治罪
 吳璥等恐亦不能當此重咎也此時工需銀兩計已陸續到工吳
 璥等著即剋期興工進占定於明年桃汛前合龍如屆期不能成
 事亦必將吳璥等治罪不貸將此諭令辦工大小官吏知之○丁
 未諭李鴻賓奏不勝河督重任請另賜簡放一摺李鴻賓由京員
 出身於河務本不諳習但既自揣不勝河督之任則於簡放時即
 當據實陳明茲已視事兩月忽奏請辭職顯係因吳璥等辦工遲
 緩恐將來一同獲咎豫為諉謝地步伊既不諳河工即留任河督
 亦屬無益李鴻賓著革去河東河道總督給予郎中銜留於河南
 專司大工錢糧伊曾任大員備工需內有冒濫支應之處准其直
 揭部科如果慎司出納辦理嚴實工竣時交吏部帶領引見候朕
 東華續錄 嘉慶四十八 八
 施恩若不認真稽覈定行治罪不貸又諭葉觀潮前因疏防漫口
 革職枷號工次已足示懲見在李鴻賓降調一時簡用乏人葉觀
 潮平日尚諳河務加恩著即疏枷補授河東河道總督無庸給予
 頂帶如能奮勉出力速成工次再酌量賞給降等頂帶如不知愧
 奮則發遣不足蔽辜必當從重治罪○諭軍機大臣等吳璥由驛
 遞到奏摺朕以為必係開工日期及披閱所奏乃稱見在立限趕
 挑引河仍以料物未能應手為詞欲緩至出月方始擇吉進占太
 覺疲玩矣朕宵旰焦勞無一日不以大工為念即本月初六日慶
 節正辰猶與軍機大臣等籌議河工情形期於桃汛前合龍乃吳
 璥等歷次奏報總以購料為艱遷延觀望夫興工以購料為急原
 在大吏認真督催有延玩者即當嚴參示懲吳璥雖屬年老然以
 欽差駐工督催已不得諉之呼應不靈琦善係本省巡撫通省官

員皆其所屬尤應上緊嚴催迅速購運乃亦任聽所屬延緩毫無振作伊前次疏防漫口本應革職朕特予寬貸不加譴責何竟不知感奮吳璣琦善俱著先行拔去花翎戴罪圖功如果知愧知奮迅速蒞工再當量予恩施如再延玩必當立予嚴譴不稍寬貸見在給發工需銀兩幾及千萬儘足敷大工之用不准絲毫再行請吳璣等接奉此旨務令月內擇吉興工進占趁此天氣晴和人力易於趨辦若延至出月一遇冰雪又將藉口耽延總之桃汛以前必須合龍吳璣等擇定日期先行具奏以後進占情形仍遵前旨進占至一百丈繪圖具奏一次二百丈再繪圖具奏一次二百丈後每得數十丈即具奏一次庶可按期計算合龍吳璣等當奮勉督辦不可再涉因循有負委任○己酉賜秦鍾英等四十一人武進士及第出身有差○庚戌諭本月二十日朕御太和殿專為東華續錄 嘉慶四十八 九

武殿試傳臚其應行謝恩人員尚係附於是日行禮乃臚唱時一甲一名武進士徐開業一甲三名武進士梅萬清均未到班當經都察院鴻臚寺參奏交兵部查詢據稱徐開業梅萬清寓居西城是夜先至西華門因門未開啓繞至東華門以致遲誤等語各進士分住東西城是夜多有由關門進內者一甲二名秦鍾英等均未遲誤何以徐開業梅萬清二人獨未到班所言殊不足信事關典禮非尋常失誤可比本應全行斥革念其究係草茅新進徐開業著革去一甲一名並頭等侍衛梅萬清革去一甲三名並二等侍衛施恩俱仍留武進士再罰停明年殿試一科俟下屆武會試時再與新中式武舉一體殿試其本科一甲一名武進士即以秦鍾英拔補授為頭等侍衛一應宴賓兵部照例給予一甲二名三名均無庸再補○諭吳邦慶奏承差自京回省呈出周汝楨帶寄

同鄉給事中石承藻進士汪燦書信一封不敢遞於上聞謹將原信呈覽等語吳邦慶所辦甚為公正周汝楨係周系英之子輒敢私寄信函內外交通干與公事甚屬藐法周汝楨著查明有何頂帶即行斥革周系英並著解任即日押解刑部交軍機大臣會同刑部堂官審訊○辛亥諭周汝楨係副榜貢生不知讀書安分乃因湘潭土民客民互毆一案致信在籍給事中石承藻等干與公事總由周系英前會寄信吳邦慶以致伊子效尤其失於約束咎無可辭周系英著即行革職周汝楨著交軍機大臣會同刑部定擬具奏尋奏上得旨周汝楨著照部議杖六十徒一年周系英輕聽浮言於召對時屢次面陳又復致書本省巡撫以致伊子效尤因而獲罪周系英業經革職不准在京逗留著即勒令回籍安分家居閉門思過如到籍後再有干與公事之處定行治罪不貸○東華續錄 嘉慶四十八 十

癸丑諭慶保奏見回長沙審訊湘潭縣商民互毆一案犯供旋認旋翻王調松等所供情形及被殺幼孩年貌服色俱有互異等語此案江西客民與湖南土民因此事勢同仇敵非尋常許訟之案可比慶保係滿洲大員江西湖南兩無偏袒惟當嚴究虛實以成信誠至王調松鄧士湖等於殺人祭符一節旋認旋翻又焉知非聞知周系英見已降黜頓思翻案總不可稍存成見該督即會同李堯棟虛衷研鞠使兩造之心俱已折服方可定案不至再有翻控也至周系英前因致書吳邦慶降調昨又因失察伊子周汝楨致書石承藻等革職即日飭令回籍伊到籍後如不知安分仍復把持干與公事李堯棟即行據實嚴參勿稍瞻徇○乙卯以黃水溢入運河命程國仁豫籌明年運道○丁巳命嚴駁河工議敘人員

十一月己未朔諭軍機大臣等戴均元等奏馳抵武陟查看塌工引河及購運料物情形一摺本年馬營塌漫口自奪溜以來已一月有餘兩塌運貯積料僅有一千餘垛是大工辦理遲緩竟由購料稽延所致吳璣等因屢經降旨飭催始奏於十月二十七日開工見在所購料物不過十分之一即使儘數動用進占至五六十分時料物不能接濟勢必停工以待所關匪細吳璣係欽差駐工料物乃巡撫專責見在撥發帑項已將及千萬陸續到工無虞缺乏朕於來往河南大臣官員時常詢問僉稱該省本年未經被水地方秋成俱十分豐稔是產料不為不多雖距工較遠總當設法趕緊購運歷來興辦大工原不盡在附近地方採辦料物豫省本係產料之區尚謂轉運艱難豈鄰省購運轉能捷於本省耶琦善本有疏防之咎今督辦料物又如此延緩著先革去頂帶暫留河

東華續錄

嘉慶四十八

十一

南巡撫之任戴罪圖功即飭所屬於附近府州廣為購買無分晝夜轉運赴工如再有貽誤吳璣等即行嚴參定將該撫革職治罪不稍寬貸吳璣等即督催挑挖引河一面剋期進占務期明年桃汛以前合龍全藏大工不可遲延○庚申以海齡杜瑞俱為內閣學士海齡由光祿寺卿杜瑞由詹事府○辛酉命文孚馳勘山東運河並河南馬營塌引河督催工料○甲子以齡椿為盛京工部侍郎由左副都御史○己巳增設徐州豐汛並額外委及馬良集楊家集外委各一員裁提標五營太湖等六營兵一百二十名增設於趙莊等五集○晉封明亮三等侯爵○壬申諭朕本年六旬萬壽普免天下歷年正耗民欠及緩徵帶徵銀穀節經各督撫查明具奏以次降旨豁免內惟四川貴州二省並無絲毫帶欠特加恩寬免該二省明年正賦十分之二以示嘉獎計所蠲各省積賦全數共銀二千一

百二十九萬六千八百餘兩米穀四百四萬五千二百餘石此皆國家惟正之供朕以大慶普惠奉黎原係特沛之恩若小民等心冀七旬八旬九旬每屆十年必有錫除遂不踴躍輸將州縣官更從中影射以完作欠則大違尊君親上之義即如此次各省積欠銀數至二千五百萬之多而江蘇安徽山東三省居其過半皆由該三省官疲民玩積習較之他省為尤甚嗣後各省督撫應隨時訓飭地方官催徵各宜盡職並曉諭小民應輸正賦及時完納其情徵州縣責成督徵之員層層稽察如有捏報侵那者據實嚴參其江蘇安徽山東三省更當整飭吏治化導民風漸除積習用副朕仁壽斯民至意○壬午諭國家優待臣工王貝勒等例在紫禁城內騎馬滿漢大臣年老者恩賞在紫禁城內騎馬原以曲示體恤節其趨步之勞近聞滿洲大臣中有年者艱於上馬者漢大

東華續錄

嘉慶四十八

十一

臣中有本不諳乘騎者雖蒙恩賞僅令人牽馬隨行嚴冬風雪依然徒步踣躄深堪憐憫見在儀親王年逾七旬成親王將屆七旬均係朕兄定親王赫恩雖係朕姪亦年逾七旬均著加恩即令肩輿入直慶郡王永璘俟年至六十亦准肩輿入直其例應禁城騎馬之王貝勒等及曾經賞馬之文武大臣滿洲人員年至六十五歲以上漢員年至六十歲以上者俱准其肩輿入直至應下馬處下與朕厚恤臣工若此次降旨之後應乘輿者仍徒步行走牽馬後隨則是不知朕恩其矯情之過難以寬恕其精力強健尚能策騎者亦不可因有此旨驟坐肩輿以耽安逸○除山西岢嵐等二州缺額丁銀○戊子調誠端為甘肅按察使以程祖洛為江西按察使由內閣侍讀學士○辛卯嚴禁直省

由內閣侍讀學士

十二月己丑朔以同麟為左副都御史候補三品京堂

州縣諱盜○乙未諭軍機大臣等慶保素湘潭土民互毆一案見
 審情形一摺據稱五月初七日本地人嘲笑戲班被江西客民毆
 打經典史將受傷之本地人許一等四名交公所調養初八日江
 西客民復將本地人劉一元等十五人捉進同許一等一併捆縛
 等語江西客民毆湖南土民該典史既將傷重土民許一等交給
 公所調養何以次日江西人復將劉一元等一同捉進捆縛此十
 九人曾否被江西人戕害究竟作何下落摺內並未敘明其殺人
 祭符及釘人煮人燒人各語言見據訊係已革府書梁金堂保正
 唐日新造播其意因何而起該二犯到案是否供認有無確憑此
 案客民土民互毆互控誣言四播湖南紳士祖其同鄉周系英平
 素鯁直以二品大員因此革職回籍慶保所訊供情若確伊自然
 閉門思咎若稍有不確周系英訪得確據豈肯甘心又李堯棟另
 東華續錄 嘉慶四十八 十三
 摺內稱地方官辦理此案於江西客民驗看情形既多不實一任
 地保書役從中申捏而於本地民人之挾仇故殺失察私埋多命
 至今始行究出不免有化大為小情事等語所云挾仇故殺私埋
 多命各情慶保摺內並無一字提及即此以觀慶保李堯棟會審
 此案尙有意見不符之處豈足以成信謙慶保李堯棟務各屏除
 成見和衷訊辦不可稍有偏執若既經擬結將來復有翻控經朕
 查出恐伊二人不能當此重咎也○庚子吳邦慶以湖南巡撫任
 內於湘潭商民互毆一案不能親往查辦案懸多日降通政使謂
 吳芳培為刑部右侍郎以王引之為吏部右侍郎由通政○癸卯
 撥兩淮商捐銀一百七十萬兩備河南工需○丙午諭軍機大臣
 等董教增奏閩省廈門洋船請仍販運茶葉一摺所奏甚屬非是
 前閩浙等省販粵茶葉多由海道運往經將攸銛以洋面遠闊漫

無稽查恐有違禁夾帶等弊奏請仍照舊例改由內河行走業經
 明降諭旨通行飭禁自諭禁之後洋面日見肅清海口無從偷漏
 即點夷如英吉利不能串通奸商私相售買亦皆遵奉禁令度受
 約束為法甚善必應永遠遵行今董教增忽請准廈門洋船仍販
 運茶葉則與由海販粵何異明係受奸商慫恿冒昧陳請董教增
 著傳旨申飭所奏不准行○壬子截留山東漕米麥豆十萬石有
 奇備賑○癸丑免雲南銀廠通銀○甲寅免甘肅西甯口外番族
 通銀○是歲朝鮮琉球越南暹羅南掌入貢○會計天下民穀數
 各省通共大小男婦三萬一百二十六萬五百四十五名口各省
 通共存倉米穀三千六百七十七萬三千五百五十四石四升四
 合五勺

東華續錄 嘉慶四十八 十四

東華續錄

嘉慶四十九

臣王先謙敬編

臣周潤蕃恭校

嘉慶二十五年庚辰春正月己未諭元旦令節萬壽慶辰王大臣等呈遞如意藉伸頌祝從前俱有等差近來呈遞者太多不可不示以限制自本年萬壽暨明歲元旦為始親王郡王貝勒無論內廷外廷行走俱准呈遞貝子公惟內廷行走者准其呈遞軍機大臣南書房翰林及內務府大臣無論品級俱准呈遞上書房行走各員俱不准呈遞大學士尚書領侍衛內大臣俱准呈遞都統在內廷行走者方准呈遞侍郎副都統俱不准呈遞御前侍衛一品者准其呈遞乾清門侍衛概不准呈遞年班來京文武大員亦准一品者方准呈遞著通行曉諭其各恪遵毋違○辛未再增東河

東華續錄

嘉慶四十九

稽料土方價銀○壬申諭國家於年老臣工每宜格外矜憐以安壽考然若遠令賦閒伊等自以精力尙未至頹唐不免心存戀闕莫如節其奔走之勞俾宜力之餘無妨頤養庶於公私兩有裨益見在大學士明亮年已八十有六尚書和甯年已八旬蘇榜額景安俱將近八旬尙能管理部旗諸務明亮和甯景安三人著於本管部旗直日之期照常來園其餘加班奏事引見之日俱不必來園各在本衙門辦事蘇榜額兼管內務府事務著於本管旗部及內務府直日之期照常進內其餘一應奏事引見之日俱無庸進內用示朕優養耆年至意

二月己丑 上御經筵○癸巳諭禮部向例凡祭祀齋戒期內如遇忌辰有執事及陪祀人員俱常服掛朝珠無執事不陪祀人員常服不掛朝珠嗣後 大祀典禮無論親祭遣官遇忌辰在齋戒

期內者俱照向例行至 中祀之典朕親詣行禮者亦照向例行其遣官致祭者有執事及陪祀人員著常服掛朝珠無執事不陪祀人員仍俱穿素服著為令○戊戌諭甘肅西甯衙門所辦案件多有與蒙古番子交涉事務乾隆六十年曾奉 高宗純皇帝諭旨將該道專用滿洲蒙古人員著為令後經那彥成以龍萬育奏調遂相沿兼用漢員嗣後西甯道一缺仍遵照 成憲專用滿洲蒙古人員不用漢員○壬寅諭成格奏審辦逆倫案一摺此案王步雲因胞弟王步義酗酒滋事不服勸誡肆言詈罵起意勸斃向王步義之子王承彩相商王承彩聽從幫同揆技該撫於審明後業經恭請王命將王承彩凌遲處死將王步雲照律擬絞監候覈其情節王步雲起意致斃伊弟若與他人同謀則故殺期親弟妹罪止絞候今該犯與子謀父既斃其弟復陷其姪以凌遲重罪情殊兇惡王步雲著即行絞決嗣後遇有案情似此者俱照此辦理

東華續錄

嘉慶四十九

二

○癸卯大學士章煦以疾乞致仕允之賞給全俸○命戴均元為文淵閣大學士加太子太保管理刑部調吳璣為吏部尚書協辦大學士○丁未以哈爾阿為內閣學士由太常寺少卿遷○戊申 上閱火器營兵○庚戌諭昨奕綸誤差退出乾清門成親王率同蘇勳來園撞頭並自請處分又英綬釋放回京賞給上虞備用處拜唐阿英惠具摺謝恩均屬非是前經降旨惟祖孫父子遇有加恩事件准其具摺謝恩餘俱不准陳謝奕綸係成親王之孫但業經出嗣即已有開英綬係英惠之弟似此紛紛請罪謝恩未免煩瑣嗣後王大臣之子孫或邀恩遺推或緣事獲咎伊祖父俱准陳謝其餘一概不准陳謝○封湖北武昌府八分山 龍神為宣潤教化之神春秋致祭○乙卯 上臨慶郡王永璘第視疾

三月甲子 上啓鑿謁 東陵○免經過地方額賦十分之三○
以兵部遺失行印命明亮降五級留任毋庸管理部旗仍留內務
府大臣戴聯奎以三品京堂用曹師會常英以四品京堂用常福
賞給四品頂帶管理圓明園○乙丑 上請 明成祖宣宗孝宗
陵奠酒○諭前明諸帝陵寢會奉 皇考高宗純皇帝特諭重修
並 親臨永樂陵閱視酌奠朕仰紹 前謨於嘉慶九年亦會躬
往申奠並飭諭地方官嚴禁樵蘇時加修葺本日朕鑾輅臨臨再
往致祀因念弘治宣德二陵俱列祀典即與永樂陵一同躬臨奠
醴並閱視棧枋牆垣規制煥然松楸亦屬蔥鬱皆由我朝 列聖
德侔天地優待勝國實為從古所未有我萬世子孫允當恪遵
成憲祀事聿修以副祇守 前徽恩禮前朝之至意○丁卯諭朕
弟慶郡王永璘幼齡時仰蒙 皇考高宗純皇帝鍾愛每逢 巡
東華續錄 嘉慶四十九 三
省必蒙 考命同朕及成親王隨扈共荷 恩慈因伊幼年讀書
資性稍次騎射亦未甚嫻習仍邀 眷愛封為貝勒朕親政後晉
封為郡王因其材質中平亦未令管理事務至今二十餘年府第
優閒安分守己謹慎小心甚屬可嘉今春患病命皇子連次看視
二月二十九日朕親往視疾本日據英和等奏伊病勢沉重幾至
不起朕心深為感動慶郡王永璘著加恩晉封為慶親王以示優
眷並著載銓即日馳往面宣恩旨或伊聞而欣慰從此病勢漸瘳
朕所深望焉○戊辰以劉銀之為兵部尚書汪廷珍為左都御史
王宗誠為禮部左侍郎品級三○以阿克當阿吳邦慶俱為兵部
左侍郎阿克當阿由內務府補 吳邦慶由通政使遷○以哈爾阿為兵部右侍郎由內
務府補○己巳諭朕弟慶親王永璘秉性素醇持躬謹飭初諭時仰蒙
皇考鍾愛封為貝勒朕親政後詔篤宗親晉封郡王自本年正

月偶嬰微疾特命皇子連次看視二月間病勢沉重朕復親往
臨視面宣溫諭昨因病日危篤晉封為親王當派載銓馳往宣旨
方冀聞而欣慰從此沈疴漸起茲於本日申刻據英和等奏到慶
親王於十三日卯刻薨逝覽奏深為痛悼前因伊病勢加劇豫派
英和阿克當阿經理其事並諭英和等察看病勢或至不起俟其
薨留之際向其傳述諭旨一切身後事宜俱係官為經理昨英和
等已傳宣恩意想慶親王聞之自可藉慰泉下矣見值朕祇謁
東陵未能即日親往賜奠著二阿哥四阿哥於十四日前往奠醴
二阿哥先行代朕致奠畢再同四阿哥自行酌酒行三叩禮十五
日著三阿哥奕緯阿哥前往行禮致奠阿哥等於到府門時俱服
用青袍褂帽摘纓出門即易常服戴纓帽慶親王長子縣愨於百
日孝滿著即襲封慶郡王次子縣悌縣性百日孝滿即賞給四品
東華續錄 嘉慶四十九 四
頂帶至初祭大祭奉移儀節俟奏到之時再行遣官致祭所有一
切喪儀典禮著各該衙門即行察例具奏尋諭曰僖○庚午諭朕
每年祇謁 東陵俱派慶親王永璘隨扈間遇駐蹕盤山朕拜廟
時慶親王必常隨從或遇賞飯亦必與齊予此次朕祇謁 東陵
再莅盤山慶親王遠經薨逝撫今思昔愴然於懷若仍照常駐蹕
五日於心益覺悽愴著改於二十日自盤山啓蹕回鑾二十二日
進城即親臨慶親王府賜奠所有執事人員俱穿青袍褂帽摘纓
禮畢後是日駐蹕 雍和宮無庸設儀仗作樂隨扈之王公大臣
官員等仍俱服行衣在京諸王大臣官員無庸至朝陽門接駕亦
不必至 雍和宮請安二十三日回蹕圓明園仍設儀仗作樂王
大臣等照常接駕所有隨扈王大臣官員仍俱服行衣○壬申
上謁 昭西陵 孝陵 孝東陵 景陵 裕陵○癸酉 上幸

盤山○程國仁因病解任調錢臻為山東巡撫以瑞弼為江西巡

撫韓文翰為江西布政使章凱為四川按察使由孫前○丁丑河

南馬營塌漫工合龍加吳璣太子少保○以那彥寶為鑲藍旗漢

軍都統調禮恩為戶部右侍郎文孚為戶部左侍郎以海齡為刑

部右侍郎由內閣○戊寅 上還京師臨故慶親王永璘府賜奠

○己卯調吳芳培為兵部左侍郎吳邦慶為刑部右侍郎○甲申

諭豫省南岸儀封三堡復刷成漫口續塌至一百三十餘丈吳璣

等於北岸合龍後遲延十餘日並不趕赴南岸迅速籌辦均難辭

咎吳璣著革去太子少保銜以協辦大學士吏部尚書署理河東

河道總督那彥寶革去都統降補內閣學士署理河南巡撫均撤

回議敘葉觀潮著革去河道總督留於工次效力贖罪琦善著革

去巡撫賞給主事銜隨同吳璣等辦理大工俟合龍後回京以刑

部主事用

夏四月丙戌朔翁元圻以年老命留京以左輔為湖南布政使葉

汝芝為浙江按察使由山西河○癸巳諭吳璣年老不能耐勞河

督事務較繁精力恐難周到河東河道總督著張文浩以道銜署

理專駐豫省籌辦大工及黃河隄岸各事宜其山東運河事務仍

著李鴻賓署理分任其事吳璣俟張文浩到任將豫省應辦工程

籌畫周交代後即馳驛前往江南查勘高堰水勢工程情形回

京供職○甲午 上臨曹八里莊故慶親王永璘殯所賜奠賞其

子縣懋性三品頂帶○丙申以舒甯為內閣學士由太常○己

亥 上閱健銳營兵○調姚祖同為河南巡撫以吳邦慶為安徽

巡撫程國仁為刑部右侍郎由前任○壬寅諭本年三月初七日

兵部查知行印被竊初八日在湯山具奏實屬奇事必應立時嚴

訊刻不容緩當即降旨交縣課等會同刑部堂官審訊乃縣課等

因循怠玩疲惰性成遲至數日始將兵部吏役等傳齊到案此數

日內該部司員以及吏役人等業經串就供詞取口如一而承審

之堂司各官又不即時認真推鞠即如鮑幹於初七日請行印時

乍知失印並無慌張情狀轉以車駕司行印摺抵並將同進庫之

任安太指為犯三此等情節於到案時即應究出乃延宕月餘始

行訊有此供豈非故縱致令苟延乎況既得此供仍不加緊嚴訊

轉稱鮑幹氣體虛弱未便刑求藉詞展緩縣課等於派審此案因

循疲玩推諉遷延實屬各無可辭本日因日久未能審出實據奏

請議處實屬另派他人脫然事外此等伎倆豈能逃朕洞鑒乎縣

課等無庸交吏部都察院議處縣課英和甯韓封俱著先行拔

去花翎曹振鏞和甯韓封俱著降為二品頂帶英和素日辦事較

東華續錄 嘉慶四十九 六

勝於彼姑留頂帶俟五月再降恩甯王鼎海齡俱著降為三品頂

帶所有派審司員等俱著摘去頂帶仍責令上緊研鞫此案經伊

等集訊多日犯供屢改展轉游移斷不能另行派人審辦將來即

將伊等全行斥革仍必令將此案究出實情方能卸責著再限至

五月初五日縣課等三人每日赴刑部衙門會同該堂官督率司

員等將各犯證晝夜熬審自降旨之日為始縣課等及刑部堂官

俱不准來圍奏事吏部引見人員著托津帶領刑部應奏事件著

司員送圍交戴均元具奏縣課英和甯所管旗務俱交該旗副

都統來圍具奏步軍統領衙門應奏事件著左右翼總兵具奏內

務府引見奏事該總管大臣倘有數人英和亦不准來圍如初五

日以前或究出正賊或起獲行印奏上時必當立予開復如仍不

能審出實據朕於初六日再降旨治伊等之罪懷之慎之○乙巳

諭兵部遺失行印一案審訊日久尙未究出正犯昨據縣訊等推
鞠該衙門平日直宿請印情形奏稱該部當月司員夜閒並不直
宿閒有一二人在署過夜亦係一早回家其堂印及庫門鑰匙畫
則由該班之莫即戈掌管夜則歸當月科直宿書吏收存作弊甚
易又查出該部庫後圍牆有新堵門形係該部早隸黃勇典於上
年九月十一日娶子媳開啓直通街外本年三月初七日堵砌黃
勇典旋於四月初一日病故等語各衙門當月司員在署直宿庫
門印鑰即其官守乃並不自行監督全委之吏役人等聽其取攜
自便啓閉隨時至官廨爲辦事公所門戶牆垣關防緊要乃以阜
隸賤役輒敢穿穴圍牆自開門徑其娶媳之花轎裝竟穿衙門
而走而堂司官竟毫無見聞全同木偶實屬溺職即此二事可見
該衙門廢弛已極所有當月司員係每日更換俟審明失印日期
東華續錄 嘉慶四十九 七

屬咎所應得但念其過究與私罪有間尙不至全行罷斥松筠著
革去盛京將軍降補山海關副都統仍帶革職留任俟新任將軍
松甯到任交卸後即赴山海關本任不准來京謝恩和世泰著革
去宮衙紫禁城內騎馬御前侍衛兵部尙書正藍旗滿洲都統留
總管內務府大臣之任管理茶膳房清漪園等處事務仍帶革職
留任普恭署任數日著改爲降三級留任戴聯奎常福曹師會常
英前已降調俱著改爲革職留任○戊申以伯麟爲兵部尙書仍
協辦大學士調慶保爲雲貴總督以張映漢爲湖廣總督調統岱
爲湖北巡撫以明山爲貴州巡撫孫爾準爲福建布政使舒靈阿
爲福建按察使由浙江調○庚戌賜陳繼昌等二百四十六人進
士及第出身有差○辛亥諭兵部遺失行印一案三月初八日兵
部於湯山具奏其時朕即以行印專爲隨營攜帶鈐用而設必係
東華續錄 嘉慶四十九 八

再將是日直宿司員從重懲處其平日任聽官吏懈玩漫無覺察
之各堂官實屬咎無可追戴聯奎等雖經降調不足蔽辜仍交部
嚴加議處松筠和世泰俱著交部嚴加議處普恭於三月初三日
署任雖僅數日亦著交部議處各員之罪限五日內具奏早隸黃
勇典私開牆門本應從重治罪業經身故俾免於法其開門之日
失察之該管司務著查明即行革職自上年九月初三日起至本
年三月初七日止該部當月司員不自行收管印鑰怠惰玩公積
習甚爲可惡俱著永遠停升其有記名應升及加級紀錄錄敘之
處一併撤銷以示懲儆尋議上得旨兵部庫後圍牆該衙門早役
輒敢私開門徑直通街外娶媳花轎任意行走自上年九月至本
年三月新任堂官始行堵閉該部堂司各官漫無覺察廢弛已極
除司務二員業經革職外吏部議將各該堂官照溺職例革職實

上年秋間途間遺失或被盜竊當即傳旨令將行在上年曾經隨
圍之兵部書役莫即戈他庫什等押解回京交留京王大臣會同
刑部審訊縣課等查訊月餘總稱行印確於上年九月初三日驗
明貯庫其遺失在入庫以後因而忽指爲偷竊舞弊忽指爲藏匿
陷害疑實百端供詞日變愈遠愈幻舍正文而旁求迄未究出實
情經朕嚴諭縣課等及派審司員分別降革頂帶飭令晝夜推鞠
始據訊明行印確於上年八月二十八日在巴克什營地方遺失
看印之捷報處書吏於失印後用備匣加封頂充並賄屬兵部堂
書鮑幹合混接收當月之司官並未開匣驗視入庫後鮑幹復裝
點在庫被竊情形以圖抵卸取供照合歷歷如繪見據縣課等呈
遞各供先請將松筠裕恩兵部堂官分別嚴議議處察議司員分
別革職議處此案兵部當月司員何炳彝慶祿二人於行印交到

時並未開看乃初次到案即合詞堅執開匣點驗並捏稱慶祿以手彈印錚錚有聲何炳彝戲言並非石頭何須彈試以質其事且慶祿訊供時復稱如果收時匣中無印願以頭顱作抵抗言申辨在伊二人止圖規避未經點驗處分造作謊言以致承審之王大臣等俱信以為實專在入庫以後追尋被竊情由而於收印以前情迹轉以為無須再問是此案拖延日久全為伊二人所誤其情甚為可惡何炳彝慶祿俱著革職何炳彝發往吉林慶祿發往烏魯木齊效力贖罪慶祿又有願以頭顱作抵之言直同光棍訛賴尤為可惡著先行枷號一箇月滿日即行起解以示懲儆捷報處郎中五福喜輪直晚班典守行印乃假手書吏致有疏虞並於書吏抵充舞弊毫無聞見送印之筆帖式中敏並不點驗交代致被欺蒙均著照所議革職其輪應早班之郎中恒泰在圖失察遺失

東華續錄

嘉慶四十九

九

印信著交部議處至各部院行在印信向係管帶印鑰之堂官自行存貯此次松筠率委之捷報處司員而該司員又委之書吏以致遺失松筠之咎甚重松筠著革去山海關副都統以該旗公中佐領用有缺補授無缺在旗候補裕恩上年署理行在兵部侍郎咎亦難辭著退出乾清門革去侍郎前鋒統領副都統仍留鎮國將軍隨旗上朝和世泰戴聯奎常福曹師會常英前已分別降調此次著免其議處普恭亦著免其察議其交審此案之縣課等見已審出實情縣課英和俱著賞還花翎和甯韓對著賞還頂帶花翎曹振鏞恩甯王鼎海齡俱著開復原品頂帶刑部及各衙門派審司員等俱著給還頂帶兵部行在印信著交禮部即行補鑄將印文印式較舊印量為改易以示區別應用銀兩及鑄造工費著松筠裕恩二人賠繳所有案內舞弊捏供之書吏人等仍交縣課

等會同刑部按律分別定擬具奏尋議上得旨此案書吏俞輝庭因在帳房睡熟以致行印被竊若彼時即行稟報其罪本不甚重乃輒以備匣加封抵充復賄屬堂書鮑幹蒙混接收實屬狡詐鮑幹受賄扶同隱飾又裝點在庫被竊情形詭譎多端尤為可惡俞輝庭著加枷號一月滿日發往伊犁給種地兵丁為奴鮑幹著枷號兩月滿日改發黑龍江給兵丁為奴餘俱照擬完結書吏王振綱首先供明行印另有備匣一分從此究出實情著審案之王大臣等公賞給銀十兩並交兵部存記俟王振綱役滿之日咨送吏部以應得之職儘先選用○以那彥寶為理藩院右侍郎由內閣○王子詢朕每屆巡幸啓輝內閣學士請寶著總管大監先將寶匣當同總管太監啓視局封再行交進以昭慎重○諭兵部行

東華續錄

嘉慶四十九

十

印審明係上年八月二十八日在巴克什營遺失維時松筠管帶行在兵部印鑰其行印本應收存松筠帳房用印時令司員等赴帳房請用乃松筠率委司員收管司員又委之書吏以致遺失弊混事閱半年懵無知覺是此案實因松筠蓋而智昏怠氣所招其咎最重故罰亦如之裕恩署理行在兵部侍郎失察在途失印罰應次之至和世泰戴聯奎普恭常福曹師會常英失印一事均與之無涉其咎在失察當月司員不行開驗印匣半年以來毫無知覺又失察周恩綬私換劄付黃勇與私啓署牆合衙中相率聚賭其咎亦重但較之失印為輕其罰自應寬減各衙門頒給印信典守其重部院堂官初到任時例應瞻拜聞有兼拜行印者有不拜行印者向不畫一嗣後凡設有行印衙門遇堂官到任時令將行印與堂印一併捧至大堂啓積陳設於上一同瞻拜其行印回署

時並令該衙門堂官一人驗收以昭信守

五月壬戌調張志緒為四川按察使章凱為廣西按察使○戊辰以耆宿為內閣學士少卿○庚午諭本日據阿克當阿代慶

郡王蘇德轉奏伊府中有毗盧帽門口四座太平缸五十四件銅路鎗三十六對皆非臣下應用之物見在分別改造呈繳國家設

立制度辨別等威一名一器不容稍有僭越慶親王永璘府第本為和珅舊宅此等違制之物皆係當日和珅私置及永璘接住以

後不知奏明更改相沿至二十年之久設當永璘在日查出亦有應得之咎今伊子蘇德甫經襲爵即知據實呈報所辦甚是所有

毗盧帽門口該府業已自行拆改其交出之太平缸銅路鎗著內務府大臣另行擇地安設並通諭親王郡王貝勒貝子及各大臣

等會典內王公百官一應府第器具俱有定則以昭限制如和珅

東華續錄 嘉慶四十九 十一
之驕盈僭妄必至身罹重罰後嗣陵夷各王公大臣等均當引以為戒凡邸第服物務恪遵定憲謹慎自持甯失之不及不可稍有

僭踰庶幾久膺爵祿永保令名也○辛未諭御史邱煌奏請禁科道遇缺奏事一摺所奏非是朝廷設立言官遇有應奏事件原許

不時入告如其言果是即奏章一上朕必獎勵優加儻撫拾浮言雖累牘不休亦不能遽遞識拔每次引見給事中朕所簡用之人

非但不論開列之先後實不計條陳之多寡也若如該御史所奏遇有給事中缺出未經引見之先即不准御史呈遞封章是將使

言官瞻顧徬徨相率緘默且又稱實係機密重務仍許入告設言官奏事專為圖謀進階將必有以緊要事件故意延閣俟有科缺

始行呈奏者又將何以辨其真偽耶總之言官奏事其心當為公而不為私轉不必豫存避嫌之見如該御史摺內聲明見有漢給

事中一缺業已呈明扣除引見是又近於取巧殊可不必也○癸

酉諭戶部題銷恩賞直隸兵丁錢糧一本嘉慶十二年恭奉皇

考高宗純皇帝實錄 聖訓前赴盛京尊藏禮成朕普錫恩施內有賞給沿途護送兵丁半月錢糧一款乃遲至本年始行題銷計

已越十三年之久外省於應行報銷事件任意耽延因循疲玩相習成風而直隸為尤甚屢經降旨訓飭恬不知改非明定處分不

足以示儆著吏兵二部酌議嗣後各省題銷事件遲延在三年以內者免議其有越三年以上者分別議以罰俸六年以上分別議

以降調九年以上即行革職酌定條款奏准後通飭各直省一體遵行尋議上得旨吏兵二部會議題銷遲延處分條款內遲延三

年以上者著改為罰俸一年四年以上者改為罰俸二年五年以上者改為罰俸三年其六年以上均照所議分別降革吏兵二部

東華續錄 嘉慶四十九 十二
一律辦理至題銷冊籍舛錯經部駁查准其分別扣除程限吏兵

二部亦一律辦理以歸畫一○丙子諭軍機大臣等錢臻奏酌擬整飭章程一摺據稱東省積習民不畏官官轉畏民畏民之弊更

甚於不愛民究其致弊之由皆因上司不能正本清源以致官愈怯而民愈驕此時欲加整飭先在辨上下定民志使民不敢犯上

等語所奏俱是地方官之於百姓猶父母之於子子非生而忤逆因父母不善訓誨日漸縱恣使然為地方官者果能周恤民隱聽

斷勸明官知愛民民亦知畏官則大順之象成若冠履倒置則其象為逆該撫此時力加整頓總在使官能展其猷為民無可施其

挾制挽其逸者而使之順而其要尤在於嚴拏訟棍蓋民之敢於告訐頻仍皆訟棍唆之使然訟棍斂戢則民氣自靖矣至所稱擬

請嗣後東省京控戶婚田土之案及雖係重案在本省控告未經

投審者無庸奏咨斟酌厥斥一節則事屬難行民人赴京具控之
案情重者奏請交辦情輕者咨回本省乃各省之通例若不
咨一槩駁回將行之山東一省乎抑行之各省皆然乎況來京具
控之案豈必盡屬虛誣若真有含冤負屈者悉皆壅於上聞是因
壅廢食也如謂東省民情刁健京控之案或委或咨俟案犯解回
本省審明實係虛妄較之常例再加重治罪以儆刁風可也

六月辛卯諭朕每次巡幸隨帶御寶俱安度寢宮次日啓蹕之先
始行捧出交請寶之內閣學士祇領恭齋前行各衙門隨帶行印
該堂官自應親司收貯上年兵部行印因松筠未經收貯帳房以
致中途遺失嗣後行在各衙門所帶印信俱著在管帶印鑰之堂
官帳房內晝夜存貯次日啓行時該衙門官役親往領取齋押行
走不准先一日齋赴前行以昭慎重違者重處不赦○王辰諭那
東華續錄 嘉慶四十九

彥寶奏審訊已革教諭李訓控案該革員仍戴頂帽不服審問當
堂挺立大肆咆哮見將該革員除去頂帽鎖錘收禁等語此案自
上年八月據程國仁參奏當即將李訓革職交該撫審辦乃數月
未經審結已屬遲延又不將該革員摘去頂帽嚴行管押任其公
然戴頂出入自由此與未經革職者何異是該革員之敢於當堂
咆哮不服審訊皆程國仁因循軟弱縱之使然屬員既不畏上司
小民復不畏官長壞法亂紀端有由開程國仁豈能復勝侍郎之
任著以六部郎中降補以為大員不遵法度市惠沽名者戒○以
韓文綺為刑部右侍郎賞張師誠四品頂帶為江西布政使卹
○甲午諭向來在京發遣官犯俱於奉旨之日即時押令起程
乃外省發遣官犯往往藉交代未清為詞經年累月任其逗留
其刁詐實屬延玩著通諭直省文武大員嗣後發遣官犯於奉到

諭旨之日即勒令起解不許片刻停留如有交代未清事件該管
上司另行覈辦其官員革職者奉旨之日即行摘去頂帶擊問者
奉旨之日即令上鎖收禁均照定例遵行儻有仍前市恩寬縱者
一經查出即行革職不赦懷之○調張師誠為安徽布政使高孚
為江西布政使○召鄒瀚來京調德奎為安徽按察使賞琦善四
品頂帶為河南按察使抽補○乙未郡王銜貝勒勳勳勳郡
王命 皇次子智親王往奠賞銀一千兩治喪○王寅諭定例追

封王等槩不予諡縣勳係追封郡王禮部本不應將擬碑文建
立碑亭之處率行具奏嗣後凡追封王等該部均無庸請諡立碑
○癸卯諭朕夙聞慶親王府內尚有外諸達二員一名碩羅一名
僧克依皇子始有諸達慶親王府於乾隆年間封王分府後尙可設
有諸達迨至嘉慶年間仍有諸達則於例不合所有慶親王府諸
東華續錄 嘉慶四十九

達碩羅僧克依二名即行裁汰並著該管大臣驗看該員等如能
當差即著仍在原充差使上行走如已年老不能當差即以原品
休致或竟行革退具奏請旨辦理仍著宗人府查明近支王公府
內如尙設有諸達者俱照此裁汰著為令○丙午諭松甯奏審明
已革驍騎校溫程喝令毆斃宗室喜受一案另行定擬並附參原
審各員一摺此案溫程明知喜受身係宗室喝令攬毆致斃瑞麟
等將溫程擬以流罪而以共毆之劉二標子擬抵刑部議駁當
降旨交松甯另行審擬具奏茲據松甯奏將喝令主使之溫程照
毆斃宗室律擬以斬候聽從下手之劉二標子照為從律擬以杖
流並餘犯各罪名均屬允當俱著照所擬辦理瑞麟年老無能前
錯擬罪名係伊主稟其各較重著交部嚴加議處即行來京聽候
部議松筠額特布會銜具奏俱著交部議處喜受係屢經犯事之

人該管族長紹昌不嚴行看管縱令私出釀命著交宗人府嚴加
議處刑部議駁此案甚是著刑部堂官查明主彙司員姓名具奏
加恩賞加一級以示鼓勵刑部堂官俱著加恩寬免罰俸二年尋
議上得旨瑞麟前在浙江布政使任內因年老調京嗣簡放奉天
府尹值朕臨蒞盛京伊承辦差務尙爲奮勉擢用盛京刑部侍郎
乃兩年以來瑞麟所辦刑名事務錯謬甚多不但此次溫程殿斃
宗室喜受一案所擬罪名顛倒舛謬卽如其奏文凌自縊一案不
查取文凌家信原委又失察筆帖式相圖等侵分贓罰鹿茸價值
種種昏愎不勝侍郎之任著以六部員外郎降補額特布於錯擬
溫程罪名率同畫題亦著以六部員外郎降補松筠自前歲奏阻
朕巡幸盛京恭謁 祖陵喪心病狂乖謬已極伊從此卽福薄災
生彼時未將伊嚴謹降授察哈爾都統到任後卽爲伊所屬協領
東華續錄 嘉慶四十九 五
請賞花翎一味市恩邀譽見今諸臣爲其所惑者頗多並有稱伊
爲師者嗣復簡用御前大臣兵部尙書又於行在遺失印信其在
盛京將軍任內中前所沙河所盜賊肆行全無整頓文凌相圖之
案亦漫無覺察此案復率爾會銜具題種種孤恩念職不能再邀
寬貸投閒置散實不爲過松筠著以本旗驍騎校降補○以承光
爲盛京刑部侍郎麟祥爲湖北布政使明安泰爲江蘇按察使
西左江○戊申諭本日慶親王永璘之子縣懋縣懋性百日釋
服詣宮門謝恩朕召見縣懋等三人憶及慶親王心甚惻然縣懋
年甫十齡詢以消語俱略能奏對所肄漢書見讀至下論語察其
資性尙爲聰穎著加恩在上書房伴讀該衙門卽於編檢內遴選
授讀之員帶領引見七月初四日與縣懋同入上書房再慶親王
第五女本日進內謝恩甚屬端莊朕膝下見無公主頗覺寂寞著

留於宮內交皇后撫養亦著於是日進內將來遣嫁時一切事宜
官爲辦理以示朕篤念懿親至意○己酉諭給事中葉繼雯奏擬
絞犯婦情有可原刑部不應列入秋審情實一摺所奏甚屬非是
此案保杜氏因伊翁保三雄利貫縱伊與保籍文暨賈生俊先後
通姦該氏恐姦生隙告知伊翁移避致伊翁被保籍文踴躍該
給事中以保三雄之死非杜氏意料所及釁商刑部改緩刑部援
引歷辦服制案件礙難改緩咨覆刑名之案遇有倫紀攸關者刑
部執法定擬例應擬實至情節不同將來尙決時其權衡出自上
裁若如該給事中所奏服制之案此類甚多若俱擬緩決不但有
紊成例朕亦無可免尙之案矣葉繼雯不勝御史之任著以吏禮
兵工四部員外郎補用○辛亥諭前據方受疇奏李長幅等冒充
儀親王府護衛捏造諭帖赴河間縣求免派差等情一案當將原
東華續錄 嘉慶四十九 六
奏令軍機大臣交儀親王閱看旋據儀親王將李長幅等獲奏交
刑部審訊據李長幅供稱伊女係員勒縣志之妾伊冒充護衛赴
河間縣詐求免差縣志實不知情後逃回向縣志懇求庇護經縣
志斥言不能相救等語除本案俟人犯解齊刑部審明另行定擬
具奏外宗室王公等納妾向俱於該管包衣莊頭家挑選縣志私
買民人之女爲妾事前並未稟知儀親王直至生子始行稟明已
屬不合李長幅因在縣志處往來輒敢冒寫儀親王諭帖擅戴劍
頂假冒職官回籍詐騙及逃走回京向縣志懇請縣志又不卽時
回明儀親王究辦遷延多日經朕將方受疇原奏令儀親王閱看
儀親王始知有此事縣志種種錯謬屬咎無可辭縣志著革去
郡王職銜仍留員勒退鑲藍旗漢軍都統署正紅旗漢軍都統並
拔去花翎仍留員勒俸四年作八年扣繳以示懲儆其宗室王公

等有買民人之女為妾者已往不究此後稟行禁止如有違者應作何懲處之處著宗人府定議具奏尋議嗣後親王至奉恩輔國公有私買民女為妾者一經查出即行革爵再包衣參領佐領本有積察包衣人丁戶口之責該員等應隨時稽察如王公內生有子女並請封側福晉側夫人側室等事均責成該員將所生子女之生母其母家旗分佐領姓氏三代開寫清冊鈐用關防圖記限三日內呈報臣衙門辦理儻王公有私買民女為妾及生有子女捏報包衣女子所生等事該員等豫行查出呈報者免議如未查出或竟附和捏報一經發覺即將該員等照例交部嚴加議處從之○甲寅轉那清安為禮部左侍郎以和桂為禮部右侍郎由大

東華續錄

嘉慶四十九

七

東華續錄

嘉慶五十

臣王先謙敬編

臣周綱蕃恭校

秋七月戊午諭賈允升奏各省京控案件請降旨不准發還一摺所奏非是各省民人赴都察院控告案件向來有奏聞者有咨回者有駁斥者嘉慶四年朕降旨不准駁斥以防壅閉係指案情重大者而言若如賈允升所奏無論案情大小不准駁斥即不准發還則一切戶婚田土錢債細事一經京控悉皆奏咨辦理亦於政體非宜國家設官分職大小相維若以部院衙門理及瑣屑之務則直省地方官所司何事且近來訟風日熾使奸民隱計赴京控訴必當一槩准理豈不益長刁風倍增訟獄拖累株連流弊更大賈允升所請不准發還控案之處著無庸議惟都察院向有一兩月彙奏咨案之例嗣後凡發還案件著存記檔冊摘敘案情一兩月彙奏一次即可防掩重為輕之弊其近京旗民控告細事札交五城司坊審斷者仍照舊例辦理無庸彙奏○己未諭成親王奏縣勲之第五子奕繁於本月初一日病故查奕繁亦有未經命名之子其不行呈報係縣勲主意特自行檢舉請交宗人府治其失察之罪等語縣勲生有二子不報知成親王伊子奕繁生子向伊告知伊又不令報知成親王如縣勲尚在自當治以應得之罪今伊已身故著無庸議成親王先未知悉所有自請交議之處著予寬免奕繁之子即由成親王自行命名照例呈報成親王府第一月之內查出匪報孫曾三人前歲怡親王奕勳身故後亦曾查出匪報子女多名以此類推各王公家所生子女未經報出者恐尚不少宗室枝葉繁衍最為盛事該王公等匪不呈報不知是何意

東華續錄

嘉慶五十

見該族長總族長等耳目切近何至全同驛職毫無見聞著通諭宗室王公等凡生有子女俱各遵例即行呈報管理宗人府王公及各族長等亦隨時稽察如有匿不呈報者該族長一經查出立即補報宗人府並將該王公指名參處以示懲儆○庚申特通阿卒以斌良為陝西按察使由江蘇○乙丑諭向來恭值壇廟大祀王公大臣官員及太常寺執事各官滿洲人員內有二十七箇月服制者是否俱不應恭與其滿漢各員有期年服制者亦皆恭與與否著禮部太常寺詳查舊例若何新例若何分晰開單具奏尋奏上得旨王公大臣官員滿洲人員內有二十七箇月服制者朝會祭祀之禮仍一槩不與惟太常寺官員熟諳禮儀者本屬無多若照新例二十七箇月服制之內槩不與祭恐致不敷當差著仍依舊例百日後照常供奉祭祀至御前乾清門大臣侍衛等東華續錄 嘉慶五十

有二十七箇月服制者百日後恭值 郊壇大祀祭前一日著仍穿蟒袍補褂隨至齋宮護衛值宿祭日著穿常服各在上馬處祇候禮成後再一體扈從其滿漢各員有期服及大功以下者不與祭日期俱仍照舊例行○以李宗昉為內閣學士軸勳○己巳命督撫屬員有劣迹顯著及才不勝任者據實劾參不許勒令告病

○壬申 上啓鑿秋獮木蘭○免經過地方額賦十分之三○甲戌諭本日據方受疇奏稱深州地方秋禾多有雙穗至十一種者摘取二十莖進呈朕敬憶 皇考高宗純皇帝實錄內載乾隆年間河南省曾經奏進雙穗四種嘉禾 聖諭以為凡土壤肥沃之處又值雨膏霑足其發生凡勃則一本數穗亦事所恒有不必侈言嘉祥惟以未經成熟之禾遽行摘取轉使數莖嘉穀置之無用殊為可惜仰見我 皇考貴粟重農不尚符瑞之至意本年雨暘

時若直省年穀順成多登上稔朕心深為忻慰國家以豐年為瑞何必以雙歧合穎謂為美談且此所進二十莖亦未免虛耗物力嗣後各直省遇有瑞麥嘉禾但當據實奏聞不可稍加粉飾無庸摘取進呈用副朕務本崇實仰紹 前微之意○戊寅 上駐蹕避暑山莊 聖躬不豫○己卯 上不豫 皇次子智親王 皇四子瑞親王縣忻朝夕侍側 上仍治事如常○以朱士彥為內閣學士由少詹○嚮夕 上疾大漸召御前大臣賽沖阿索特那木多布齋軍機大臣托津戴均元盧蔭溥文孚內務府大臣禮恩和世泰公啓錫匾宣示嘉慶四年四月初十日立皇太子御書諭旨戊刻 上崩於避暑山莊行殿寢宮 遺詔曰朕仰蒙 皇考高宗純皇帝授靈嗣位親承 訓政三年惟以敬 天法 祖勤政愛民為保邦制治之大經履位以來嚴恭寅畏惟日孜孜思 天立君以為民以養以教責在一人親政之初值川陝楚邪匪未靖訓勵統兵大員整飭戎行籌筆四載通寇以次殲除嗣是海宇乂安閭閻樂業朕懷保惠鮮與民休息乃十八年復有奸民作亂闖入禁門逆黨勾連曹滑蔓延三省幸賴 上天佑順渠魁捕戮餘孽殄除為期會不再月中外肅清朕深思教匪之害民屢申訓諭以肅吏治以正人心整綱飭紀期於政清而俗厚蓋未嘗一日釋諸懷也黃河自古為中國患先是雲梯關下海口墊淤下壅上決屢有漫溢之儼朕不惜帑金隄防疏濬俾復故道奏安瀾者越六七年上年秋霖異漲豫河北漫口數處而武陟橫流穿運入海為害最重今春督治甫告成功而南岸儀封復潰飭諭河臣於秋後興築業已工程撥帑計今冬可期歲事朕軫念民生惟懼一夫失所遇四方水旱之災獨租發粟隨奏輒下上年朕六

旬正慶薄海臣民臚歡獻祝愛戴出於至誠朕思遠以實惠詔獨免積欠銀穀凡二千餘萬以期家給人足共登熙皞今歲自春徂夏以及於秋陽雨應時各省皆報豐登朕心豫悅孟秋中旬恪遵彝訓將舉木蘭獮典先駐蹕避暑山莊朕體素壯未嘗疾病雖年逾六旬登陟川原不覺其勞此次蹕途偶感暍暑昨仍策馬度廣仁嶺迨抵山莊覺痰氣上壅至夕益甚恐弗克瘳朕仰遵列聖家法曾於嘉慶四年四月初十日卯初豫立皇太子 親書密緘鋪置祕園十八年禁門之役賊踰宮垣皇太子手發火槍連斃二賊餘黨驚墜禁籬獲安厥功甚鉅因建儲之命未宜先封智親王以獎殊庸今疾彌留神器至重允宜傳付乃命御前大臣軍機大臣內務府大臣公啓密緘皇太子仁孝智勇必能欽承付託其卽皇帝位以嗣大統爲君之道在知人在安民朕嘗論之詳矣

東華續錄 嘉慶五十四

然而行之實難其深思而力持之登進賢良愛養黎庶以保我國家億萬年丕丕基記曰孝者善繼人之志善述人之事可不勉哉朕貴爲天子年逾周甲獲福亦云孔厚惟我後嗣克承予志使天下永享太平之福則朕之願慰矣朕受重後二兄一弟同予侍養今春慶親王先逝自茲存者惟儀親王成親王遂不獲相見其二王一應罰俸處分著槩予寬免書載慶舜陟方古天子終於狩所蓋有之矣况滌陽行宮爲每歲臨幸之地我 祖 考神御在焉予復何憾喪服仍依舊制二十七日而除布告天下咸使聞知○

八月乙巳奉移 梓宮至京○十月甲辰恭上 尊諡曰 受天興運敷化綏猷崇文經武孝恭勤儉端敏英哲睿皇帝 廟號 仁宗○道光元年三月癸酉午刻葬 昌陵 上在位二十五年 聖壽六十有一 上英察果斷寬仁大度親承 訓政三年

爲曠古所未有 親政之初除巨奸祛壅蔽其時川陝楚三省教匪日久稽誅乃嚴逗留之罪懲飾奏之風信賞必罰軍威立振越四載大功告成 高廟未竟之緒雖軒皇版皇帝堯丹水猶不足方也厥後林清肆逆且夕克殲豫東餘孽迅即掃蕩而南山匪徒繼起 特詔領兵大員分途專剿勢不蔓延皆由 燭照幾先不半載而戡定他如定苗疆戡洋匪 聖武布昭海寓康父至於廣開言路籲進賢良有才無德者抑之矯廉曲謹者辨之此尤知人之哲也於恤庶獄慎重民命凡內外問刑之吏於罪名稍有出入必權衡輕重無枉無縱迄今讀 御製慎刑論慎刑續論想見如天之仁無微不至猶復慮水旱之災與宣防之利賜賑蠲租動以萬計 六旬正慶普免積逋至二千一百二十九萬有奇恭儉敦樸出於性成罪珍玩之貢卻供億之煩雖謁 陵秋獮歲以爲常而屬車所臨 特諭疆吏毋飾官觀擾田疇蓋以展 孝思遵 成憲而尤周恤民隱也二十五年中凡典章法制禮樂政刑無不本之以誠將之以敬於歲歲布在方策佑啓雲初聖洪庥康弗祿服教畏神以膺此綿延之祚非 聖人之大德其孰能垂裕若此哉

東華續錄 嘉慶五十四

一第 277 冊 續修四庫全書 第 6 版 史部

東華續錄目錄

道光一

起嘉慶二十五年七月己卯盡九月

道光二

起嘉慶二十五年十月盡十二月

道光三

起道光元年正月盡六月

道光四

起元年七月盡十二月

道光五

起二年正月盡六月

道光六

東華續錄 目錄

起二年七月盡十二月

道光七

起三年正月盡六月

道光八

起三年七月盡十二月

道光九

起四年正月盡六月

道光十

起四年七月盡十二月

道光十一

起五年正月盡六月

道光十二

起五年七月盡十二月

道光十三

起六年正月盡六月

道光十四

起六年七月盡十二月

道光十五

起七年正月盡六月

道光十六

起七年七月盡十二月

道光十七

起八年正月盡六月

道光十八

東華續錄 目錄

起八年七月盡十二月

道光十九

起九年正月盡六月

道光二十

起九年七月盡十二月

道光二十一

起十年正月盡六月

道光二十二

起十年七月盡十二月

道光二十三

起十一年正月盡六月

道光二十四

起十一年七月盡十二月

道光二十五

起十二年正月盡六月

道光二十六

起十二年七月盡十二月

道光二十七

起十三年正月盡六月

道光二十八

起十三年七月盡十二月

道光二十九

起十四年正月盡六月

道光三十

起十四年七月盡十二月

道光三十一

起十五年正月盡六月

道光三十二

起十五年七月盡十二月

道光三十三

起十六年正月盡六月

道光三十四

起十六年七月盡十二月

道光三十五

起十七年正月盡六月

道光三十六

東華續錄 目錄

三

起十七年七月盡十二月

道光三十七

起十八年正月盡六月

道光三十八

起十八年七月盡十二月

道光三十九

起十九年正月盡六月

道光四十

起十九年七月盡十二月

道光四十一

起二十年正月盡六月

道光四十二

起二十年七月盡十二月

道光四十三

起二十一年正月盡六月

道光四十四

起二十一年七月盡十二月

道光四十五

起二十二年正月盡六月

道光四十六

起二十二年七月盡十二月

道光四十七

起二十三年正月盡六月

道光四十八

東華續錄 目錄

四

起二十三年七月盡十二月

道光四十九

起二十四年正月盡六月

道光五十

起二十四年七月盡十二月

道光五十一

起二十五年正月盡六月

道光五十二

起二十五年七月盡十二月

道光五十三

起二十六年正月盡六月

道光五十四

東華續錄 目錄

起二十六年七月盡十二月

道光五十五

起二十七年正月盡六月

道光五十六

起二十七年七月盡十二月

道光五十七

起二十八年正月盡六月

道光五十八

起二十八年七月盡十二月

道光五十九

起二十九年正月盡十二月

道光六十

五

起三十年正月盡是月丁未

東華續錄 目錄

六

東華續錄

道光一

臣王先謙敬編

臣周綱蕃恭校

宣宗成皇帝 仁宗第二子也 母孝淑睿皇后喜塔臘氏原任

總管內務府大臣副都統追封承恩公和爾經額之女以乾隆四

十七年壬寅八月初十日寅時誕 上於擷芳殿中所天表挺奇

宸儀協度履身隆準玉理珠衡自六齡就傅維時編修秦承業檢

討萬承風先後侍學經史融貫奎藻日新迨學問已成猶復時敏

修來與禮部右侍郎汪廷珍翰林院侍讀學士徐頤朝夕講論

聖業益精幼即神武智勇天錫乾隆辛亥秋侍 高宗純皇帝行

圍威遜格爾引弓獲鹿喜動 天顏黃裙翠翎 寵賚優渥 御

製詩堯年避暑奉 慈甯樺室安居聽敬聽老我策驥尚武服幼

東華續錄 道光一

孫中鹿賜花翎是宜誌事成七律所喜爭先早二齡蓋 高宗以

十二歲時木蘭從獮初圍得熊 上則初圍得鹿年甫十齡也

詩又云 家法永遵縣奕葉承 天恩貺慎儀刑則期勛之意深

矣嘉慶元年丙辰冬十一月乙丑 賜成大婚禮是為 孝穆成

皇后越甲申 仁宗奉 高宗幸中所進膳 上捧觴上 壽鞠

膾承 歡 兩朝恩眷日加隆焉四年己未四月初十日 仁宗

遵密建 家法 親書 上名緘藏錫匣默體 先志慎簡元良

由是 壽皇展拜則 命隨行 裕陵敷土則 命恭代隱然以

神器攸歸面稽 列聖寅承對越胥寓 深心 上天性純孝晨

昏問視養 志無違自丁巳春當 孝淑睿皇后大事悲深罔極

擗踊逾恒 仁宗俯鑒肫誠毋值忌辰及清明中元冬至 命躬

親行禮用遂孝思 上孺慕銜哀屢形章句數十年如一日焉自

親行禮用遂孝思 上孺慕銜哀屢形章句數十年如一日焉自

密定儲貳後 仁宗保愛彌至屏窺測杜猜疑用意深遠見於

毓慶宮題詠者不啻再三而長夏延涼則有瀛臺讀書之 命仲

春肄武則有南苑習圍之 命以反 經筵聽講紫閣程材乃武

乃文 心傳若揭至於 郊 壇之所報 陵 廟之薦享時復

主聖代行靈承景福十三年戊辰正月 孝穆成皇后升遐 特

命座罩用金黃色等威區別垂為令典是年十二月復 賜成大

婚禮是為 孝慎成皇后舊制舉行獨典 皇子扈蹕木蘭十八

年癸酉九月因陰雨減圍 上先期還京而逆匪犯闕之變作

上不揚聖武立平大難借 皇三子縣愷飛章 行在奏言本月

十五日午刻子臣等在書房聞各處太監關門總管常永貴等獲

賊二名將近未刻以為無事商同至儲秀宮給 皇母請 安聞

有賊越牆從內右門西邊入子臣實出無奈大膽差人至所內取

東華續錄 道光一

進撤袋烏槍腰刀惟時外兵未進不料五六賊在養心門對面南

牆外膳房房上從西大牆欲向北竄子臣手足失措大膽在宮內

放槍將一賊打墜又有兩三賊仍在牆上一賊手執白旗似有指

揮子臣復將執旗賊打墜餘者方不敢上牆子臣復至儲秀宮奏

明請子臣 皇母放心切屬子臣三弟不許稍離左右子臣至西

長街西廠一帶訪查縣志奕紹成親王儀親王內務府大臣先後

帶領官兵進內子臣屬令將內膳房搜捕復得賊二人並派諸達

侍衛在儲秀宮東長街以防不然子臣 皇母同貴妃等位及子

臣等並九公主仰賴 皇父威福均皆平安伏祈 聖心寬慰時

仁宗旋蹕白淵行宮中途得奏 批答云欣慰覽之即有恩旨

遂封 上為智親王增俸萬二千號所御槍曰威烈 諭內閣曰

係內廷皇子一聞有警自用槍擊斃二賊餘始紛紛潛匿實

係內廷皇子一聞有警自用槍擊斃二賊餘始紛紛潛匿實

屬有膽有識乃奏稱大膽無奈詞語謹飭殊覺過當朕垂淚覽之
可嘉之處筆不能宣宮廷內地奉有 祖 考神御 皇后見亦
在宮身先捍衛保護安全實屬忠孝兼備朕於在廷臣工有功必
賞今皇子能如此忠勇自效豈容稍靳恩施此大公之心內外諸
臣當共知感奮也 上既戮亂禁中功在 社稷而 聖德淵
冲不自滿假謝 恩奏言事在倉卒又無禦賊之人勢不由己幸
叨 天 祖 皇父 皇母鴻福御賊無事 子 臣 年幼無知於事
後愈思愈恐所有 恩綸獎諭之處 子 臣 有何謀何勇實不敢當
若論忠孝二字 子 臣 之所當然至矣哉有大能謙不矜不伐 聖
人之功超邁前古 聖人之量亦負越尋常矣 上宅心澹定珍
奇玩好之物略不關懷定省餘閒日與詩書相砥礪 仁宗課以
詞翰或呈進歌頌或廣和 天章日衍月增積成巨帙養正書屋
東華續錄 道光一 三
詩文集四十卷麟炳炳極宇宙之大觀養正書屋者 仁宗受
聖初元 御書賜 上園居之額也 勉以育德 示以聖功帝
王之學備焉 上祗奉 訓誨身體力行著主敬存誠勤學改過
四箴以自勵臨御後移 璇題於寢殿 前言敬釋顧諟弗忘蓋
聖學欽承用誌終身之慕如此二十三年戊寅 仁宗東巡盛
京 展謁 三陵 命 上隨侍行禮瞻仰 太祖 太宗所藏
法物俾知 締造維艱守成匪易復 御製大禮慶成記首述
高宗密建隆恩卽繼以承 先猷而啓後嗣殆微示付託得人克
繩 祖武之意蓋誕膺多祜 聖 聖相承用能寅紹丕基錫天
下臣庶以無疆之福也○嘉慶二十五年庚辰秋七月戊寅 仁
宗不豫時駕幸灤陽 上隨扈行在額 天虔禱問視彌謹己卯
仁宗疾大漸召御前大臣賽冲阿索特納木多布齋軍機大臣

托津戴均元盧蔭溥文孚總管內務府大臣禧恩和世泰公啓
匣宣示 御書立 上為皇太子戊刻 仁宗崩 上稽顙大慟
擗踊無算恭視小殮畢號慟仆地良久方起○庚辰 上以依清
曠東直房為倚廬席地寢苦每日哭奠盡哀○諭軍機大臣等
皇考大行皇帝臨御天下二十五年 深仁厚澤普洽寰區今
巡幸灤陽邁焉 龍馭上賓朕搶地呼天攀號莫及 梓宮為萬
世闕藏之器此閒並無台制良材朕心益覺難安京城原有豫為
儲備者著留京王大臣內務府大臣即派委員設法運送前來
飭令晝夜行走能早一刻務趕緊一刻即將幫蓋底拆開用覆包
裹俟到此閒再行合成均無不可總以迅速為要萬勿刻遲再朕
三弟五弟俱應速來叩謁 几筵著令其乘車前來但青車恐不
能安速著留京王大臣即備安速車輛豫備乘坐以便克期起程
東華續錄 道光一 四
○諭 皇考大行皇帝龍馭上賓朕搶地呼天攀號莫及即日恭
奉 梓宮回京沿途 蘆殿並橋梁道路著方受疇即速豫為籌
備該督受 皇考深恩務盡心妥辦萬不可草率遲誤是為至要
○辛巳尊奉 母后為 皇太后○命御前侍衛吉倫泰馳驛回
京請 皇太后安○晉封惇郡王縣愷為惇親王封縣愉為惠郡
王○諭軍機大臣等儀親王成親王皆朕之伯恭聞 皇考大行
皇帝大事必皆逾情悲感但俱已年高勉加節抑不必遠道來迎
均卽在京祇候恭接 梓宮再朕初承大統苦塊之際智慮煩營
儀親王成親王有應行陳善納諫之處當啓牖朕衷毋有所隱○
留京王大臣等奏本日卯刻突聞 大行皇帝龍馭上賓慘慟悲
切得旨與言及此五內如焚又奏 皇上至孝性成受 大行皇
帝付託之重跪求節哀批才疏德薄哀懼日增 聖恩深厚甚懼

有孤 付託之重惟賴爾王大臣輔弼躬勉求治道同心同德
 仰承 遺訓朕之至願也又奏保攝 聖躬上慰 大行皇帝在
 天之靈下答天下臣民之望批曷敢當此又奏查得內務府有乾
 隆年間備用枌木 梓宮一分向係拆散收貯便於包裹行走可
 期迅速並將 梓宮外柳包妥於本日午刻自京起程批辦理甚
 好又奏 梓宮內應用各件俱已檢齊恭齋赴園與惇郡王五阿
 哥同看批想必慟絕矣○癸未奉 皇太后懿旨我 大行皇帝
 仰承 神器俯育寰區至聖至仁憂勤惕厲於茲二十有五年矣
 本年舉行秋獮大典 駐蹕避暑山莊突於二十五日戌刻 龍
 馭上賓驚聞之下悲慟搶呼攀號莫及泣思 大行皇帝御極以
 來兢兢業業無日不以天下國家為念今哀遽 升遐嗣位尤為
 重大皇次子智親王仁孝聰睿英武端醇見隨行在自當上膺
 東華續錄 道光一 五
 付託撫馭黎元但恐倉卒之中 大行皇帝未及明諭而皇次子
 秉性謙冲素所深知為特降懿旨傳諭留京王大臣馳寄皇次子
 即正尊位以慰 大行皇帝在天之靈以順天下臣民之望 上
 奉 懿旨愴感靡極恭摺覆 奏本月二十五日 皇父聖躬不
 豫至戌刻大漸 震驚哀慟五中摧裂昏迷失據維時御前大
 臣軍機大臣內務府大臣恭啓鑄匣有 皇父御書嘉慶四年四
 月初十日卯初立皇太子殊諭一紙該大臣等合詞請遵 大行
 皇帝成命以 宗 社為重繼承大統子 臣 遜讓至再至三該大
 臣等固請不已本日恭奉 懿旨命子 臣 即正尊位 皇父 皇
 母 恩慈深厚子 臣 伏地叩頭感悚不能言喻惟是子 臣 德薄才
 疏神器至重實深愧懼惟有勉力圖治以期仰副 恩慈深厚錫
 匣所藏 皇父殊諭恭呈懿覽謹繕摺覆奏恭謝 慈恩伏祈

聖母皇太后懿鑒○召在籍翰林院侍講秦承業來京
 八月甲申朔辰刻 大行皇帝大殮奉安 梓宮於澹泊敬誠殿
 上素慰 皇太后並慮 茲躬過哀另摺請 安○乙酉諭朕
 受 皇考大行皇帝鞠育深恩昊天罔極本年 巡幸灤陽朕沿
 途隨扈 聖躬乃瘧疾三日遂至大漸搶地呼天追攀莫及敬維
 皇考臨御二十五年蕩平寇亂綏靖兆民宵旰勤勞曾無一日
 稍紓 聖慮薄海臣黎仰荷 仁帡共享昇平之福今猝遭大故
 凡有血氣者悲哀感戀罔非出於至誠况朕之受 恩深重萬倍
 恒常者乎欽奉 皇考遺詔喪服仍依舊制二十七日而除朕心
 實所難安惟有恪遵古制敬行三年之喪庶幾稍盡哀慕之忱於
 萬一天下臣民仍照定例行○越南國王阮福映卒嗣子阮福駁
 遣陪臣詣闕告哀貢方物○丙戌諭方受疇飭知承辦橋道各州
 東華續錄 道光一 六
 縣不可藉名科派累民○免直隸承德府屬及經過宛平等五縣
 明年錢糧○丁亥諭伊古神聖之君厥有顯號鴻稱光昭萬世鉅
 典不可易也我 皇考大行皇帝御宇二十五年自初元 受璽
 躬聆 皇祖訓政三年孝敬肫誠史冊罕觀泊乎 親政整飭綱
 紀儆於有位文勵厥職武詰爾戎於是西南三省逋誅之寇悉就
 蕩平萬里鯨波氛翳奄熄數年之間海宇乂安我國家幅員之廣
 亘古所無 皇考撫綏中外兢兢業業敬 天法 祖 勤政
 愛民 壇 廟大祀舉必 躬親歲謁 橋山終身孺慕陪都再
 位緬述 前猷 六聖實錄晨興誦讀無虛日用人行政之
 道咸式遵焉 位位之初首杜貢獻崇獎清廉用俾疆吏無敢廢
 削以厚民生 披覽章奏 召見臣工盛暑祁寒數十年未嘗一
 日或閒 惠愛黎元蠲除賑貸靡有數計拯救河患屢舉大工已

饑已溺之懷恒孜孜焉若恐後時 訓誨宗室 詰誠八旗傲怠以教臣工除慮以安億兆欽恤庶獄明慎不留斟酌刑章寬嚴必當隆教養以崇本務任賢能以端治原此皆我 皇考實心實政天下臣民所共見共聞者也至於 聖學淵深大文炳煥發揮道奧則旨約六經涵泳性天則義賅四始詩文之集超越古今啟詣木蘭 躬親肄武修明戎備赫聲濯靈不啓邊功四裔讐服此又道綜文武統千聖而邁百王者也予以藐躬仰承 遺命寅奉丕基緬維 皇考功德之隆巍巍蕩蕩莫罄名言宜稽徽美之稱用備尊親之典敬循禮制恭上 尊諡 廟號著大學士九卿詳察典禮具奏○戊子頒 大行皇帝遺詔○己丑命議行三年之喪御羣臣以日易月之請○以河南儀封漫口准准商捐銀一百萬兩豫備工需○辛卯諭本日熱河總管祥紹嵩年呈進食物當即東華續錄 道光一 七 斥駁因思各省督撫鹽關向有呈進方物若不豫行宣諭恐仍循例相率入貢朕方在諒陰之中食處皆所不安著通諭各省督撫鹽政織造關差等一應貢獻驟行停止即食品亦不准進呈俟三年之後再候諭旨○壬辰諭養心殿佛堂供奉 考 妣神牌嘉慶二年恭奉 皇祖敕旨每代遞遷四年 皇考大行皇帝欽遵 奉移 聖祖仁皇帝 孝恭仁皇后神牌於 壽皇殿奉移 世宗憲皇帝 孝聖憲皇后神牌於西龕之東恭奉 高宗純皇帝 孝儀純皇后神牌於西龕之西朕祇循 成法不敢有踰應請 世宗憲皇帝 孝聖憲皇后神牌奉移 壽皇殿敬請 高宗純皇帝 孝儀純皇后神牌奉移於西龕之東俟恭上 皇考 皇妣尊諡後祇造 神牌涓吉供奉於西龕之西用昭妥侑所有 一切派員奉移各事宜著該衙門敬謹豫備其圓明園 安佑宮

亦敬謹照此恭移安奉○癸巳諭古稱三年之喪達乎天子持服特其一端昨據王大臣等請依舊制以日易月業經降旨明白宣諭朕受 皇考大行皇帝深恩昊天罔極猝遭大故創鉅痛深惟有恪守禮經藉申哀悃非以持服三年遂為盡孝也今王大臣等復以本朝服制定儀合詞奏請覽奏愈增哀慟敬思雍正十三年 世宗憲皇帝大喪 皇祖高宗純皇帝係持服百日嘉慶四年 皇祖大喪 皇考大行皇帝亦持服百日俱因臣工等籲請再三未遂 聖志朕孺慕私忱雖切亦何敢有踰舊章不得已勉從所請恭遇 郊 社 宗廟祀典朝儀一切服色著王大臣等均查照成例敬謹辦理不必再行瀆請○諭乾隆四十一年十一月 恭奉 皇祖高宗純皇帝諭旨絲字為民生衣被常稱尤難回避將來繼體承統者當以絲作 則係不經用之字缺筆亦易等因東華續錄 道光一 八 欽此今朕當欽遵 成命將御名上一字敬改至臣下循例敬避上一字著缺一點下一字將心字改寫一畫一撇其奉旨以前所刻書籍俱無庸追改尋肅親王永錫等奏臨文不諱 聖主不以為嫌而臣子之心究多惶悚謹按康熙字典字註乃定切引漢書示以康甯一語與 御名下一字音義相通嗣後文移奏牘恭請避寫甯字得旨既知臨文不諱何用瑣瑣仍遵前旨改寫一畫一撇又奏前代避諱原有改用音相近者批不可為法○甲午移直隸南隄九工霸州淀河巡檢駐六工下汛南岸六工霸州州判駐六工上汛○乙未恭奉 大行皇帝梓宮還京師先一日上詣 几筵前行啓奠禮自是日詣 蘆殿朝夕哭奠盡哀○己亥以橋道穩固加方受疇太子太保餘升賞有差○乙巳 大行皇帝梓宮至京師奉安於乾清宮 上居上書房苦次自是日至壬

戊每日親詣 几筵前奠獻三次奉 皇太后居弘德殿每日親

詣問 安○丙午 上詣 大行皇帝几筵前行殷奠禮○諭

皇祖高宗純皇帝嬪御存者惟 晉貴人一人宜崇位號以申敬

禮謹尊封為 晉妃所有應行事宜著該衙門察例具奏○諭

皇考大行皇帝妃嬪承侍宮闈恪恭淑慎均宜加崇位號以表尊

榮 誠貴妃侍奉 皇考最久年齒亦尊謹尊封為 誠禧皇貴

妃 如妃誕育惠郡王尊封為 如貴妃 信嬪晉封為 信妃

恩貴人晉封為 恩嬪 榮貴人晉封為 榮嬪 安常在晉

封為 安嬪所有應行事宜著各該衙門察例具奏○丁未諭悖

親王瑞親王惠郡王釋服後仍著戴用紅絨結頂朝服蟒袍俱用

金黃色○戊申 上詣 大行皇帝几筵前行周月祭禮○大學

士九卿等奏擬上 大行皇帝 廟號 尊諡曰 受天興運敷

東華續錄 道光一 九

化綏猷崇文經武孝恭勤儉端敏英哲睿皇帝天下萬世稱曰

仁宗睿皇帝奏入 上曰廷臣所擬詳慎公允於 皇考聖德神

功實相符台深協朕懷○頒 大行皇帝遺詔於朝鮮琉球暹羅

越南緬甸等國○准發遣吉林黑龍江人犯分別改發新疆及雲

貴兩廣等處著為令○庚戌 上即皇帝位於太和殿遣官告祭

天 地 太廟 社稷是日詣 大行皇帝梓宮前行祭告禮

詣弘德殿 皇太后前行禮畢出 御殿行禮免宣表頒詔天下

以明年為道光元年加恩中外罪非常赦所不原者咸赦除之○

諭朕長兄大阿哥早年殤逝朕兄弟僅有五人惓懷同氣著追封

為郡王應行典禮著宗人府會同禮部內務府酌議具奏尋封為

穆郡王○諭朕沖齡就傅時原任侍郎萬承風在上書房授讀盡

心講貫深資啓沃宜加崇秩以獎前勞著晉贈禮部尚書銜加恩

追諡該衙門察例具奏其子監生萬方熙並著賞給舉人准其一

體會試以示朕眷懷舊學至意尋奏予祭一次諡文恪○加黃鉞

劉鏞之翼沖阿孫玉庭蔣攸銘太子少保○辛亥詔停本年秋決

○是月賑河南許州地震災貸盛京彰武臺邊門等處被淹兵丁

一年錢糧並給修屋費貸巨流河等處一月口糧緩徵江南徐州

府屬修埽借用庫銀

九月己未尊 大行皇帝陵曰 昌陵○庚申諭七月二十五日

慟遭 皇考大行皇帝大故彼時軍機大臣敬擬 遺詔朕在諒

闇之中哀慟迫切未經看出錯誤之處朕亦不能辭咎但思軍機

大臣多年承旨所擬自不至有誤及昨內閣繕呈 遺詔副本以

備宮中時閱朕恭讀之下末有 皇祖降生避暑山莊之語因請

皇祖實錄跪讀始知 皇祖於康熙辛卯八月十三日子時

東華續錄 道光一 十

誕生於 雍和宮邸復徧閱 皇祖御製詩集凡言 降生於

雍和宮者三見集中因命大學士曹振鏞協辦大學士尚書伯麟

尚書英和黃鉞傳旨令軍機大臣明白回奏據稱恭查 大行皇

帝御製詩初集第十四卷 萬壽節率王公大臣行慶賀禮恭

紀詩註恭載 高宗純皇帝以辛卯歲誕生於山莊都福之庭又

第六卷 萬壽節率王公大臣等行慶賀禮恭紀詩註相同至

實錄未經恭閱不能深悉等語朕敬釋 皇考詩內語意係泛

言山莊為都福之庭並無 誕降山莊之句當日擬註臣工誤會

詩意茲據軍機大臣等稱 實錄未經恭閱尚屬有辭至 皇

祖御製詩集久經頒行天下不得諉為未讀實屬巧辨除托津戴

均元俱已年老無庸在軍機處行走並不必恭理喪儀與盧蔭溥

文孚一併交部嚴加議處盧蔭溥文孚年力尚強與托津戴均元

行走班次在前者有閒仍留軍機大臣 遺詔布告天下為萬世
徵信豈容稍有舛錯不得不將原委明白宣示中外著將此旨通
諭知之尋降托津戴均元四級盧蔭溥文孚五級均留任○諭軍
機大臣等據斌靜等奏圖舒克塔什卡倫外之沖巴噶什愛曼布
魯特比蘇爾奇申通薩木薩克之子張格爾滋事賊眾約有三百
餘人業將圖舒克塔什卡倫官兵殺傷並將伊里斯里克卡倫馬匹
搶去其呈報公文馬兵二名被賊匪殺害色普徵額帶同官兵追
捕殺賊五十餘名生擒賊八十餘名賊即紛紛逃竄出卡見調葉
爾羌官兵三百名烏什官兵二百名伊犁派兵二千名俟官兵
到來即帶兵進剿等語此事恐斌靜不能辦理色普徵額亦僅能
帶兵未能籌畫全局調度得宜著慶祥接奉此旨即日選派得力
將備兵丁星夜兼程馳赴該處將為首滋事賊匪奮力擒捕訊明
東華續錄 道光一

以汪廷珍為禮部尚書顧德慶為左都御史調湯金釗為吏部左
侍郎以吳烜為禮部右侍郎由翰林院侍 ○癸亥奉移 大行皇
帝梓宮於觀德殿 上哀號瞻戀不忍暫離每日親臨奠獻奉
皇太后居後殿 上居永思殿苦次每日問 安○撥銀五十餘
萬兩增培南河隄岸代賑○甲子 上詣 大行皇帝几筵前行
初祭禮○諭直省大小官員自雍正年間議設養廉由督撫以至
州縣藉以為辦公之資迄今將屆百年督撫司道俸廉較厚者尚
敷公用至府廳州縣養廉止此定額而差務之費捐攤之款日益
加增往往有全行坐扣祿入毫無者雖在潔清自好之吏一經履
任公事叢集難為無米之炊勢不得不取給陋規以資挹注而不
肖者則以為少取多取均干吏議轉恣意徵求除辦公之外悉以
肥其私囊上司心知通省官吏莫不皆然豈能槩行糾劾遂陽禁
而陰縱之於是箕斂溢取之風日甚一日而閭閻之蓋藏槩耗於
官司之駭削民生困敝職此之由與其私以取之何如明以與之
朕思國家立制必循名責實始能奉行無弊直省相沿陋規如舟
車行戶火耗平餘雜稅存贖鹽當規禮其名不一有此邑有而彼
邑無者有彼邑可裁而此邑斷不能裁者與其號為禁革巧取如
常上司可藉以恐嚇屬員小民可藉以控告長吏何如明定章程
立以限制使無所藉口乎惟各省情形不同著該督撫督率藩司
將所屬陋規逐一清查應存者存應革者革勿博寬厚之名勿為
谿刻之舉務各秉公詳議期於久遠可行或以此之有餘補彼之
不足俾府廳州縣足敷辦公而止奏定之後通行飭諭如再有以
賠累為詞於此外多取於民者一經發覺即行從重治罪不稍寬
貸庶廉吏得以措施貪人無從影射此係朕恤吏之心正所以愛

民之意名實不消吏治清而民生自厚矣○諭向例和碩親王嫡出之子年及歲時封以未入八分公悖親王之子奕繼雖未及歲係伊嫡出之子著加恩將奕繼封為未入八分公本月十六日伊釋服後即賞給頭品頂帶雙眼花翎○諭軍機大臣等本日據斌靜等奏逆犯蘇蘭奇等聚眾滋事前經色普徵額勒斃並生擒一百餘名餘眾二百餘名已竄出卡外見在所謂葉爾羌頭起官兵一百五十名已到派員管帶星馳赴營其二起官兵一百五十名斌靜留守城池色普徵額管帶葉爾羌官兵及索倫錫伯伯克回兵進山追捕並訊據活賊安集延回子總理特里提普供稱張格爾於本年五月內曾向霍罕伯克愛瑪爾借兵來搶喀什噶爾未允遂糾同蘇蘭奇並圖爾第邁莫特之子胡則會集三百餘人前來滋事將圖舒克塔什卡倫城池燒毀戕害副護軍參領音德布東華續錄

道光一
並滿兵十三名餘丁一名王斯圖阿爾圖什六品阿奇木伯克阿布都爾濟亦被戕害等語慶祥接奉前旨自己帶兵星馳前往相機勦捕惟是蘇蘭奇係布魯特比因何遠爾生心謀為不軌欲占據喀什噶爾城池其中必有起釁根由薩木薩克之事傳聞異詞張格爾是否果係薩木薩克之子虛實未定圖爾第邁莫特前因攷牙墩謀逆案內凌遲處死其子胡則數年來逃往何處此次帶兵前來其意可知慶祥到彼均逐細察訪明確據實速奏至斌靜前調葉爾羌官兵三百名原為勦賊今僅令一半隨同色普徵額前往追捕以一半留守城池固係緊要但本城自有官兵防守看來斌靜竟係怯無能留以自衛設色普徵額兵力單弱致有挫失殊於國體攸關慶祥一到當鼓勵將弁兵丁迅掃賊氛以靖邊圉勉之其守卡副護軍參領音德布及滿兵伯克等查明實

係禦賊被戕即行奏請恩施○起松筠為左副都御史○乙丑諭朕元妃鈕祜祿氏應追封為皇后所有應行典禮該衙門察例具奏○丙寅諭軍機大臣等據慶祥奏喀什噶爾卡倫外布魯特滋事豫派官兵一摺此事前據斌靜奏到已兩次降旨諭令慶祥前往查辦矣斌靜原奏內稱係蘇蘭奇串通張格爾滋事蘇蘭奇係阿瓦勒之孫博碩輝之子阿瓦勒在乾隆三十年平定烏什叛回時曾經出力博碩輝並會賞給二品翎頂蘇蘭奇襲職受封安居已久何以此次忽萌異心且僅有眾三百人遽思搶掠城池謀為不軌亦覺太不自量恐斌靜前奏尚多不實不盡慶祥須詳加訪察並訊獲賊供詞如內地官兵有激變情事或有起釁之由即行據實參奏不可稍有隱飾又前奏稱有西布察克愛曼布魯特比拜呢雜爾伊里斯莫特等前來告求助勦其情是真是偽亦不可東華續錄

道光一
不防慶祥到彼後察看大局相機妥辦擒緝賊首解散脅從勿妄殺戮以安眾心而靖邊圉是為至要○調岳齡安為陝西布政使徐忻為山東布政使○調童槐為湖北按察使琦善為山東按察使斌良為河南按察使陳廷桂為陝西按察使○丁卯諭嗣後皇子之哈哈珠色行走五年期滿遇有揀選藍翎侍衛准其送挑此次挑選侍衛惇親王瑞親王皇長子之哈哈珠色八人內准挑送四人至皇孫之哈哈珠色四人內准挑送二人著為令○己巳 上詣 大行皇帝几筵前行大祭禮 上居咸福宮苦次自是閒日親臨奠獻奉 皇太后居景仁宮每日問 安○諭朕久聞外省地方官浮收勒折科斂民財日甚一日而總以俸廉坐扣不敷辦公為詞朕撫恤黎元豈能置之不問然不戒視成遽繩之以法則地方官之辦公竭蹶亦不免苦累是以昨降諭旨令各該

督撫將所屬陋規逐一清查應存者存應革者革期於久遠可行此朕愛民之心不能不兼以恤吏也然立法伊始尤當計及萬全稍一不慎其後必滋流弊各省地方情形不同其所取陋規亦名目不一而地方官每歲辦公之費又視乎其缺之繁簡總在該督撫藩司悉心查覈就各府州縣情形通盤籌畫須知朕此次降旨交議之意原因愛惜民力為閭閻多留蓋藏非為不肖有司頭會箕斂取贏於民也凡議存之項必當酌盈劑虛上無傷乎國體下悉協乎輿情祇期該地方官足敷辦公而止於平日濫收溢取之數有所減無所增方為允協國家取民之道一絲一粟皆有常制此次議存之款因其相沿已久名為例禁其實無人不取無地不然而與其私以取之何如明以與之且示以限制使此後不敢加增若該地方官視此為分內應得之項復於此外設法巧取更或以

東華續錄

道光一

五

奉旨准取陋規因之竭民脂膏益無顧忌該督撫不加查察則與朕意大相逕庭朕非姑息之主必當執法懲治不稍寬貸各督撫受國重寄當為百姓計及八長使官吏共飭廉隅小民永免胥削方為不負委任慎勿苟且塞責或畏難推諉一聽掩耳盜鈴於民生日做吏治日偷皆漠然不一動念其各仰體朕意力矢公忠詳查妥議具奏○庚午 上始御西廠幄次引見官員○詔開鄉會恩科於道光元年舉行鄉試二年舉行會試○壬申改江南邵伯汎把總為千總移把總歸三江營管轄揚州營駐防外委駐馬家橋添設馬家橋北壩汎外委二水北汎額外外委一○癸酉諭軍機大臣會同翰林院戶部工部議覆御史陳鴻條奏繕進經史講義及興修水利營田二事輪班繕進經史講義行之日久徒成具文無補實政所駁甚是至興修營田水利雍正年間於近京設局

經理會著有成效農田為足食之本而溝洫之利尤大使灌溉有資宣洩有備即閒值水旱可資救禦若能於北省多闢水田兼收南方秬稻之利實於民生有裨所有直隸境內著方受疇飭委委員相度各河淀水勢做照雍正年間成規設法經理並多方勸導使水田歲有增墾收穫漸多則小民必樂於從事其山東山西河南並著該督撫各就境內一體籌畫其可以經理水田之處各勸諭農民次第興舉需之歲月以觀其成不可視為具文用副朕惠民重食至意○丁丑諭軍機大臣會同宗人府刑部審擬豫親王裕興強姦使女寅格自縊身死一案國家法令王公與庶民所共愛惜恣意妄為大干法紀若從末減則齊民犯此者又將何以治之且當國服未除親喪未滿之日而裕興輒動於惡不忠不孝罪

東華續錄

道光一

六

孰大焉朕不得已不能不執法懲治著照永錫等所擬裕興即革去王爵交宗人府折圈空室三年期滿釋放餘俱照擬完結其承襲豫親王著交宗人府照例辦理○戊寅 上詣觀德殿 大行皇帝几筵前行再周月祭禮○追封長公主為端悃固倫公主○命督撫切實奏保文武員弁○壬午諭提督楊遇春屢著勞績忠悃可嘉著賞給太子少保銜並賞戴雙眼花翎○是月加賑河南睢州等七州廳縣水災並給睢州等四州縣一月口糧陝西永壽雹災籽種蠲緩河南睢州等九州縣新舊額賦有差

東華續錄

道光二

臣王先謙敬編

臣周爾蕃恭校

冬十月甲申朔裁各省陳設器玩等貢○丙戌諭稽查三庫御史
係近年所設是否有益並著軍機大臣會同都察院議奏尋議戶
部三庫向由江南道御史輪往稽查嘉慶二十五年御史柏清額
奏請每庫各派御史一員眼同收放部議准行今若裁撤仍歸江
南道御史稽查恐事無專責請三庫仍派滿漢科道各一員稽查
按年更換報可○裁稽查軍機處御史○丁亥諭近日風氣競尚
浮夸國家定制凡婚葬祭祀官員士庶各有一定規制若以侈靡
互相矜誇動致非禮僭越其有關於風俗人心者甚大亟宜嚴申
禁令將民間婚喪等事悉照會典規條刊諭務令祇遵不得習尚
東華續錄 道光二

浮華以副朕敦本務實至意○諭本日降旨派出守護 昌陵大
臣內尚書景安蘇楞額並無過失因念伊二人俱年近八旬若令
辦理部務恐精神不能周到或致因公獲咎轉非保全之道伊二
人俱受 皇考深恩俾得依侍 橋山藉伸忱悃想伊等自必知
感也○戊子調英和為戶部尚書那彥成為吏部尚書穆克登額
為工部尚書以普恭為禮部尚書松筠為左都御史由左副都○
以和世泰為理藩院尚書由總管內務府大臣遷○己丑以故追封郡王貝
勒蘇勒孫鎮國將軍載銳襲貝勒○庚寅再撥部庫銀六十萬兩
備河南儀封工需○申禁河務積弊○辛卯鑄道光錢○乙未命
已革吏部右侍郎周系英來京以四品京堂候補○免齊齊哈爾
等處被水額賦○丙申實授繼昌廣西布政使○丁酉以已革豫
親王裕興弟裕全襲爵○庚子移四川成縣龍茂道駐成都兼管

水利○除江南狼山鎮坍沒牧馬地賦○以凱音布為左副都御
史原補戶部主事○甲辰恭上 大行皇帝尊諡 廟號翌日頒
詔天下覃恩有差○諭龍親王成親王係朕之伯年齒亦高嗣後
尋常召對及三年後內廷宴賽均無庸叩拜至坤寧宮賜食祭肉
於朕前亦不必隨眾叩拜遇有賞賜物件具指謝恩不必當面叩
首二王伯無得謙抑過當反失朕心○改雲南騰越州為直隸廳
○丙午諭軍機大臣六部議覆整飭部務條陳一摺所議甚是六
部律令務在持其大綱則政清而易理外省庶務原皆責成於地
方官此在督撫分別賢庸劣舉錯公明自收得人之效其或不
效則督撫豈能辭咎部中多立科條州縣無日不奉行具文轉荒
其教養不務於事何益而公罪繁多賢吏或因此廢黜不肖者巧
於規避部書得以舞文納賄皆由於此嘉慶十八年會 敕吏兵
東華續錄 道光二

二部刪減例條該部未能實力遵行又 諭題調要缺不計因公
處分而該部續議章程仍多牽混殊不知公罪從嚴則中材以下
之官益多巧避嚴其經徵處分則多墊欠而新掩舊即成虧空
嚴其承緝處分則多諱盜而縱惡養姦轉貽大患故曰徒法不能
以自行著吏兵二部各將處分則例悉心確覈於各條下皆註明
公罪私罪字樣其公罪有至降調革職非事關重大者酌改從寬
各部煩苛無當處分例文互商裁汰務歸簡明其公罪處分除盜
案及正項錢糧停升外餘皆不呈推升至題調要缺則一切因公
處分皆無庸計算各纂成例冊呈覽至六部事務繁繁一事到部
無論題奏咨行皆當細心確覈固不當遲延積壓亦斷不能各限
以五日而畢堂官不能每日全行進署若有緊要事件禁止私宅
稟商勢必坐待以致延誤除弊之道殊不在此○戊申 上詣觀

德殿 仁宗睿皇帝几筵前行三周月祭禮○庚戌諭從前軍機處滿漢章京皆由軍機大臣於內閣等衙門傳取嘉慶四年改由內閣六部理藩院保送引見嗣後將保送人員先令軍機大臣考試分別去取帶領引見其記名者挨次傳補立法至為允當惟大員子弟設有回避之例殊可不必防弊之道初不在此如大臣子弟有挑入軍機處者藉以學習教政未嘗不可造就人材嗣後保送軍機章京著無庸回避大員子弟其軍機章京有升通政司副使大理寺少卿及補授科道者即回本衙門行走著仍照舊例行○是月賑江南海州安徽泗州等八州縣及屯衛水災旱災給浙江蕭山等三十三縣貧民口糧並修屋費

十一月甲寅朔諭軍機大臣等軍機大臣會同兵部議覆裁減名糧條陳一摺國家為民設兵民出賦稅以養兵兵任操防以衛民

東華續錄 道光二
其事相權而行我朝百數十年以來具有常制而兵額歷有增添裁減乾隆四十六年添設武職養廉案內將從前虛缺名糧募實兵計增兵六萬餘名其數較多歷今三十餘年帑項多用至四千餘萬嘉慶十九年會 敕下各省酌加裁減維時山西等省共裁兵一萬五千四百餘名又改馬戰兵為步守兵一千二百餘名每歲經費視乾隆年間所添者節減四分之一此因各省險夷衝僻邊腹情形不一事閱數十年亦復今昔異宜此時若悉復乾隆年間未添名糧原額其是否可行原難懸揣然各省見在額兵六十餘萬據所請汰歸所添之半亦僅百分之二豈無可以抽裁之處著交該督撫詳察地方情形無論差操各兵凡在可省者酌加裁減不必留冗兵以糜餉亦不可因節費而裁有用之兵各悉心覈定妥議具奏○丙辰 上詣觀德殿 仁宗睿皇帝几筵前行

百日大祭禮釋縞素○免直隸王田等三縣建蓋行宮地畝銀米○庚申召趙文鴻來京以陶澍為山西按察使○辛酉免兩淮節年未解玉貢折價銀一百六十餘萬兩並展緩積欠各款○乙丑 上奉 皇太后居 壽康宮問 安視膳自是以為常○丙寅 上詣觀德殿 仁宗睿皇帝几筵前行冬至大祭禮○戊辰召陳桂生來京以魏元煜為江蘇巡撫○己巳以程祖洛為湖南布政使葉世倬為江西按察使○以汪如淵為廣東布政使○辛未申諭姚祖同迅挑河南儀封引河○壬申賜昌伊蘇等三十七人武進士及第出身有差○諭武科規制於馬步射之外試以開弓舞刀擲石以

東華續錄 道光二
驗技勇由來已久嗣於嘉慶十八年議令滿洲蒙古旗人與漢軍旗人一體應試滿洲蒙古舊例止試馬步射硬弓遂將舞刀事一律停止今思技勇內既向有舞刀一項滿洲蒙古士子自應一體練習亦不迫以時日著自道光三年為始凡滿洲蒙古漢軍漢人之應童試者俱仍試以舞刀至五年鄉試六年會試均已嫻熟一體考試以復舊制○癸酉以松筠為熱河都統誠安為左都御史

由熱河○甲戌以誠安為鑲紅旗漢軍都統文孚為左都御史那清安為工部右侍郎那彥寶為刑部左侍郎以常英為理藩院右侍郎○添建廣東三水縣蘆包汛卡撥前山營外委駐守○予內閣六部行走正途人員正俸○丁丑諭侍講學士顧莼奏松筠宜仍置左右一摺狂謬怪誕已極朕擢松筠於降謫之餘先用為左都御史又任以熱河都統量能授職自有權衡何分

內外乃願蒞以為擢任左都御史之日羣臣慶於朝萬民忭於野
松筠何足以致之若簡放熱河都統乃使之為國宣力願蒞以為
雖予重大之任若有疏遠之心則尤為信口亂言矣甚至稱或疑
其意氣之懣致拂聖聰或疑其攻擊之嚴致遭眾忌無論朕虛懷
納諫從不以直言為忤且松筠月餘以來亦實無犯顏極諫之事
其於內外臣工更無私毀私譽若以此致疑豈舉朝滿漢大臣除
松筠而外均為譏詔容悅之人乎摺內又稱見雖大開言路然各
部交議者多被斥駁外省飭查者曲致彌縫欲使朕疑言者之多
誣莫言者之少息如此謗訕尤出情理之外朕於臣工陳奏事件
是者立見施行非者存而不論其介乎可否之間者往往交議以
定從違若如願蒞之言凡交議者一槩不許駁正是朝廷政事不
論是非曲直一皆決於言官必將大開門戶黨援之習紊亂朝綱
東華續錄 道光二 五

國是尙可問乎用入行政乃朝廷之大柄願蒞以小臣妄言干預
似此撓風斷不可長著交部嚴加議處以示懲儆○論秦承業奏
為伊高祖母陳請旌表一摺秦承業高祖母方氏當明末寇掠全
家奔避方氏年二十有二自縫衣履投淵捐軀洵屬貞烈可嘉著
加恩准予旌表以闡幽光○戊寅召祥泰來京以廣惠為直隸按
察使由江西廣饒○以童槐為通政使司副使盧坤為湖北按察
使由山東兗沂○庚辰諭軍機大臣等據慶祥奏查明張格爾糾
同蘇蘭奇等謀逆大槩情形一摺此案逆裔張格爾欲圖搶復喀
什噶爾與蘇蘭奇潛通信息糾結謀逆蘇蘭奇煽惑回眾首先接
應燒毀卡倫殘害官兵是該逆等夙蓄逆謀尙無激變枉殺情事
見在賊氛四散餘黨擒惟存張格爾蘇蘭奇竄逸未獲斷無有
因一二通賊帶領大兵深入夷地窮追大索之理慶祥所辦甚是

即曉諭眾伯克及布魯特安集延等協力訪拏並懸賞購獲設法
誘擒以正刑誅而靖邊圉其守卡官兵及伯克等禦賊被戕深堪
憫惻副護軍參領首德布及卡倫滿洲兵十三名餘丁一名在途
被戕滿洲兵二名探信被害綠營兵二名著該將軍即行查明咨
部照陣亡例賜卹以慰忠魂至伯克阿布都爾滿於該逆滋事時
首先稟報被賊拏獲抗言不屈致被戕害深知大義著慶祥查明
從前回子伯克內有效忠盡節者曾作何稟卹並應給伊子何職
援照奏請施恩再降諭旨又另摺參奏斌靜被戕伯克公同控告
行止不端並回務章京綏善廢員賈柄與斌靜家人張得幅結拜
弟兄倚勢婪索陵辱伯克等款朕早已料及實為可惡大干法紀
斌靜綏善均著革職拏問交慶祥嚴行審訊其家人張得幅已經
該將軍截留帶回廢員賈柄另降諭旨飭拏迅速解往慶祥即提
東華續錄 道光二 六

同人證徹底嚴究務將所控各款逐一訊明按律定擬具奏不可
稍有寬縱其色布徵領於此案如有關涉即著歸案審辦若僅於
帶兵時辦理粗疏此時且暫緩交議俟定案時聲明再降諭旨○
免兩浙節年未解玉貢折價銀四十五萬兩○辛巳以普恭為江
甯將軍穆克登額署禮部尚書由工部尚書○召恒敏來京以額特
布為江甯布政使降補員
十二月甲申恭上 皇太后徽號曰 恭慈皇太后翌日頒詔天
下覃恩有差○丙戌免各省滿營兵丁追繳長支銀兩○准番役
子孫應武試仕武職○以和世泰為福州將軍晉昌為理藩院尚
書由右宗○丁亥董教增以疾免調慶保為閩浙總督以史致光
為雲貴總督調韓克均為雲南巡撫起顏檢為福建巡撫由刑部
○舒靈阿以疾免以唐仲冕為福建按察使由江蘇候○戊子

諭從前內外見任滿大臣官員之弟兄子孫越五年考覈一次挑取侍衛拜唐阿富差原以待衛拜唐阿係體面差使將大臣官員子弟挑取則伊等熟習清語騎射而官差冀可得人也自嘉慶二十一年查辦以來今已將及五載又屆應行查辦之時惟思該大臣官員子弟之中亦有不同之處或係身體單弱馬上平常或因自幼讀書一時不能學習騎射似此者即將伊等挑取侍衛拜唐阿又安能得力理宜酌量變通嗣後在京之文職大臣自三品以上武職大臣自二品以上在外交職自總督至臬司武職自將軍提督至總兵該大臣官員之弟兄子孫中如年已及歲與侍衛拜唐阿差使相宜遇五年查辦之時情願挑者該大臣等仍照前例咨報本旗由該旗造冊咨送軍機處彙齊具奏經朕指名查取帶領引見儻若身體單弱而有殘疾或騎射平常未便挑取者該大臣等即據實報明該旗轉行軍機處均准聽其自便該旗亦不必催取名字用示朕曲加量才器使旗僕之意○庚寅以河南儀封漫口命睢州等六廳州縣加設粥廠煮賑兩月○壬辰諭軍機大臣等本日卓秉恬奏陳川陝楚老林情形據稱由陝西之略陽鳳縣東經寶雞等縣至湖北之鄖西中開高山深谷統謂之南山老林由陝西之甯羌褒城東經四川之南江等縣陝西之紫陽等縣至湖北之竹山等縣中開高山深谷總謂之巴山老林老林之中地方遼闊宜種包穀蕎麥燕麥稻糧極微客民給地主錢數串即可租種數溝數嶺江廣黔楚川陝之無業者僑寓其中以數百萬計墾荒種地架屋數椽即可棲身謂之棚民種地之外多資木箱鹽井織廠紙廠煤廠傭工為生惟人聚既多則良莠莫辨不安本分者一遇旱澇之時糧價昂貴傭作無資一二奸民倡之以喫大

東華續錄

道光二

七

戶為名蟻附蜂起無所畏忌山內州縣大者周圍一二千里小亦五六百里遇有事必數日始至其處糾結者既難以輕動遠颺者又莫可追捕且省各有界賊或踰境而免官難越境而謀各處匪會城甚遠若三省大吏往返咨商州縣奉飭恒在數月以後故匪畫老林之策當合三省共議於扼要之地專設大員控制如福建之臺灣廣東之雷瓊湖南之鳳凰永綬等廳皆有道員駐紮其地况老林險隘棚民聚散無定雖陝安道川東道安襄鄂荆道未嘗不分轄其地而地界既分官易推諉查郎陽地方明季曾設撫治大員嗣經裁撤見經生齒日繁若不妥為措置必致日久生事等語川陝楚老林地連三省幅員遼闊山川險阻棚民易致滋事宜如何彈壓撫綏之處著蔣攸銛朱勳毓估確勘情形悉心籌畫會同定議具奏○癸巳加上 孝敬憲皇后 孝聖憲皇后 高宗純皇帝 孝賢純皇后 孝儀純皇后尊諡○乙未諭朕初自熱河回京時召見英和詢以政治據奏各省府州縣養廉不敷辦公莫不取給陋規日益加增不若通諭督撫藩司逐一查明分別應存應革定以限制彼時朕在諒陰之中甫奉 皇考仁宗睿皇帝梓宮回京心緒奮亂又值初親政事於天下吏治民生情性未悉英和人本明白性復敢言聽其言似為近理因降旨令各督撫體察情形詳議具奏諭旨甫下即據湯金釗陳官俊汪廷珍先後陳奏皆以此事為不可行會再降明諭以朕意本以愛民不能不兼恤吏務當計及萬全不可重滋流弊朕心已悟此舉之非矣嗣方受囑來京首先詢及即奏稱格礙難行昨蔣攸銛入對更力陳其不可本日又據孫玉庭等奏稱直省陋規本干例禁方今府廳州縣固不能不藉地方舊有之出息以充辦公之需然未聞准其明

東華續錄

道光二

八

取於民垂為令甲者且為官吏制用而查及舟車行戶事涉瑣屑尤失政體清查陋規後來之獲益未覩而目前之紛擾已甚輿情不協國體攸關等語所言尤為剴切詳明此事不但無益於民生抑且有傷於國體幸而內外臣工知其不可尙肯據實駁正若皆緘默不言聽其舛誤其失可勝言乎朕非飾非文過之主今既洞悉其弊則遷善改過猶恐不及著即明白宣示各督撫停止查辦惟在各大吏正己率屬獎廉黜貪如有苛取病民之事立加黜革釐正斯吏治激清民生日臻饒裕矣至英和此奏雖誤然其心究係為公起見但於外省情形未能周知以致冒昧建言朕於科道條陳之事有窒礙難行者尚不加以譴責此時若將英和遽下吏議恐在廷大臣以言為戒轉非朕虛衷延訪之意惟若仍留樞密之地恐不足以服眾心英和著無庸在軍機大臣上行走其餘一

東華續錄

道光二

九

切管項俱照舊供職英和非無天良之人自必感知奮也將此通諭中外知之○丙申諭昨日明降諭旨停止清查直省陋規矣因是思及為君之難倍增乾惕世有剛愎自用拒諫矜己者固為不善矣若不能辨別是非繁行聽納必致政出多門紀綱紊亂甚則朝令夕改莫知適從如是日漸月積相習成風雖有忠臣志士亦必緘口結舌國政尙可問乎故清查陋規一事雖係英和建白實朕不慎不敏之故彼時何難三思博訪而後宣也然諸臣亦當諒朕之心英和受 皇考特達深恩任事有年朕亦知其才力可取辦事認真不避嫌怨朕擢英和於軍機者此也不料英和聽信邪言謂清查陋規有益於國計民生率爾陳奏在伊實係因公起見並無別故總由朕審度不明幾致誤事朕斷不肯委過臣下亦不肯文過遂非幸朝有諍臣連章入告使朕胸中黑白分明而又

無傷於政體朕不勝欣悅之至汪廷珍湯金釗方受鸞蔣攸銜陳官俊俱著交部議敘孫玉庭具摺陳辨尤為剴切通達直言無隱可謂公忠體國之大臣矣著交部從優議敘以為竭忠盡職者勸將此通諭中外知之○諭山東運河事務仍歸河東河道總督兼管○召吳邦慶來京起李鴻賓為安徽巡撫○丁酉河南儀封漫口合龍予吳璈議敘賞署河東河道總督張文浩二品頂戴○調嵩孚為山西布政使邱樹棠為江西布政使○召祝慶承來京調屠之申為直隸布政使以盧坤為甘肅布政使鄧廷楨為湖北按察使○王寅尊封 高宗純皇帝晉貴人傅察氏為 晉妃 仁宗睿皇帝誠貴妃劉佳氏為 誠禧皇貴妃如妃鈕祜祿氏為 如貴妃信嬪劉佳氏為 信妃○甲辰添設吉林阿勒楚喀地方無品級筆帖式及委官各二員○召麟祥來京以溫承惠為湖北布政使○召敦良來京調誠端為湖北按察使以徐承恩為甘肅按察使○乙巳上詣觀德殿 仁宗睿皇帝几筵前行歲暮大祭禮○丙午尊封 仁宗睿皇帝恩貴人烏雅氏為 恩嬪榮貴人梁氏為 榮嬪安常在蘇完尼瓜爾佳氏為 安嬪○免長蘆退商積欠攤補未繳銀二百九十餘萬兩○召張映漢來京以陳若霖為湖廣總督帥承瀛為浙江巡撫轉韓文綺為刑部左侍郎以王鼎署刑部右侍郎○調嵩孚為浙江布政使以葉世倬為山西布政使嵩溥為江西按察使○已酉以纂輯新疆議略賞已革翰林院編修徐松內閣中書○是歲朝鮮琉球來貢

東華續錄

道光二

十

東華續錄

道光三

臣王先謙敬編

臣周綱著恭校

道光元年辛巳春正月甲寅命明安泰以四品京堂用調廉敬為江蘇按察使以鄭裕國為廣東按察使補道選○丙辰賞刑部員外郎彭齡禮部侍郎銜○丁巳諭軍機大臣等慶祥奏設法擒捕逆匪並密陳回疆情形各一摺張格爾既實有其人藉名和卓後裔冀圖煽惑回眾蘇蘭奇胡則二犯預知逆情巴衣巴哈什蒙達拉克等倡先助逆均應按名捕獲以正刑誅慶祥密派安幹之員前往布魯特各愛曼分投偵訪不洩機宜不動聲色務期必獲並諭知霍罕伯克愛瑪爾令其獻賊立功所辦皆是見在蒙達拉克已報擊獲係於某處就擒被何人所擊著附報具奏慶祥於蒙東華續錄

道光三

達拉克解到後即親提研訊務將此次起釁緣由及見在張格爾蘇蘭奇胡則等下落令其逐一供吐即跟蹤設法擒捕新疆開闢以來已六十餘年休養生息邊圉無事旗民回部富庶恬熙總當安不忘危使各安居樂業該將軍有總統之責凡都統參贊以下廉能者不可壅於上聞貪劣者尤不可稍為回護鎮守邊疆必先藉有可信任之人若待其債事貽患即立繩以法已不如早為辦理見在喀什噶爾參贊大臣一缺已簡任武隆阿其人精力富強結實可靠到任後慶祥仍細心查訪將勝任與否據實奏聞其新疆地方隨時有應調劑者亦可遇便奏聞嗣後新疆南北各城參贊幫辦領隊各大臣有由革職效力人員錄用者准其即支食養廉一半無庸月支鹽菜銀五兩調任加銜後即准全支養廉慶祥受朕委任惟當勉之又勉刻刻留心勿但以空言塞責也○戊午

定京旗開散分駐吉林屯田章程○裁 天壇翼衛官七十二員

兵一千九十名○先是御史陳鴻奏鹽政衙門需索規費請將兩浙長蘆鹽政衙門裁歸督撫管理命大學士軍機大臣戶部會議至是議上得旨托津等會議浙省鹽務改復舊制一摺浙省鹽法做壞不能不隨時變通著照所議將浙省鹽務仍歸浙江巡撫兼管其浙江鹽政一缺仍改為杭州織造兼管南北新關稅務廣泰著補授杭州織造其鹽務正雜各款及關稅數目著新任巡撫帥承瀛會同廣泰分別交代清楚運使以下等官及一應改復事宜並著帥承瀛於履任後妥議具奏至長蘆鹽政立法已久無庸更議更張其所議嚴禁掣規重斤科派供應等款並實力緝私各事宜著各該督撫鹽政詳加體察認真整頓務使積弊廓除以肅政○己未以文字為禮部尚書那清安署左都御史工部右東華續錄

道光三

丙寅命前任江甯布政使恒敬以三品京堂候補○丁卯越南國王阮福峻請遣使進香表賀進方物詔止之○庚午命前任江蘇巡撫陳桂生以三品京堂候補○辛未裁陝甘綠營馬兵三千六百三十名以步兵改補○壬申以修治橋道免宛平等四縣及涿州易州本年額賦○癸酉命前任湖南巡撫李堯棟以三品京堂候補○甲戌嚴禁濫用非刑○乙亥彗星出西方詔兩河防護隄工○庚辰 上御紫光閣閱大員子弟騎射○賜廓爾喀額爾德尼王執尊達爾畢噶爾瑪薩野收諭日昨據駐藏大臣轉奏爾聞仁宗睿皇帝升遐即率領部落人等哀叩成服並呈進奏書金綵段一摺 仁宗睿皇帝臨御二十五年撫綏寰區推廣 皇仁無有不被爾廓爾喀仰承 殊恩至優至渥今聞 升遐即率爾境人等成服向上叩拜焚香念經實屬至誠朕甚嘉焉朕遠道

仁宗睿皇帝大故雖孝思不匱時深哀慟仰賴 天恩朕躬尚屬康健專此曉諭並降詔書賞給熱尊達爾畢噶爾瑪薩野金花段一疋花段一疋八絲段一疋盒子一箇大荷包一對小荷包四箇火鏟荷包一箇嗣後熱尊達爾畢噶爾瑪薩野感戴世受 厚恩照例妥理夷務嚴督屬下和睦鄰封益加奮勉承受朕恩毋怠特諭○松筠以新疆識略進 御製序文

二月壬午朔日有食之○乙酉諭各直省修復社會義倉○辛卯雲南永北廳屬夷匪滋事命總督慶保勦之○壬辰免山西額解錫斤改派福建湖北辦解○乙未溫承惠以年力就衰降六部郎中以廉敬為湖北布政使調誠端為江蘇按察使嵩溥為湖南按察使以戴敦元為江西按察使由廣東高○戊戌協辦大學士吳璥以疾乞休允之○劉寶第以不勝任休致以湯國楨為雲南按察使由廣東高

東華續錄 道光三 三
察使由廣東高○己亥以張映漢為刑部右侍郎前任湖廣總督○庚子修昭陵月牙城○命孫玉庭協辦大學士仍留兩江總督任○加陝甘總督長齡太子少保○辛丑以故怡親王載坊弟載垣襲爵○壬寅 上御紫光閣閱宗室馬步射挑選侍衛○甲辰免江西豐城等六縣節年民借籽種口糧通穀○丙午撥廣東陸路提標外委一歸善縣守備一老隆汎外委一分駐連平州河源縣龍川縣城移龍川汎千總駐老隆汎並撥兵隸之○己酉諭慶祥奏遵旨查明逆回張格爾等滋事緣由及審擬回子伯克控告斌靜家人

張得幅等索詐等款各一摺張格爾糾約蘇蘭奇等滋事實因窮苦起意搶掠並非由斌靜激變見據取伯克出具甘結尙屬可信惟斌靜以參贊大臣鎮守邊疆年老昏愆行止乖方於家人廢員等通同婪索伯克等贓物並恐嚇陵辱以致取心不服毫無覺察

賈屬孤恩溺職除賈柄張得幅二犯業經正法外斌靜著發往黑龍江效力贖罪色普徵額到任未久即帶兵在外其失察情尙可原業經革職已足蔽辜著免其置議緩善身係職官結交奴僕飲酒宿娼卑鄙無恥著枷號一年滿日發往伊犁效力贖罪

三月辛亥朔諭欽天監奏本年四月初一日月合璧五星聯珠朕惟懸象著明肇先七政史冊載高陽氏時五星聚於營室漢代聚於東井宋世聚於奎皆紀為難逢之瑞第日月五星麗天而下行本有度即同明共貫亦祇會逢其適可以推測而知我朝 列聖相承雍正乾隆嘉慶年間天章屢耀仰承 昊佑 景運隆長茲朕初元復遇嘉會敬惟事 天之道遇儆則當思修省徵祥惟益勵寅恭朕嗣統以來兢兢業業猶恐弗及何敢矜言符瑞稍啓侈心古云國家以賢才為寶豐年為瑞惟當夙夜孜孜與內外臣工

東華續錄 道光三 四
共圖上理期於政通人和薄海羣生成登康阜以丕揚我 列祖無疆之庥仰副我 皇考付託之重斯願克遂其為休應孰有大於是者乎此事不必宣付史館用示朕崇實黜浮至意○癸丑以仁宗睿皇帝梓宮奉安 山陵再免經過地方本年旗租並給平毀麥田籽種銀○甲寅清明節 上詣 仁宗睿皇帝几筵前供奠○乙卯 上臨故慶儀親王永璘殯所賜奠○己未 上詣觀德殿 仁宗睿皇帝几筵前行祖奠禮○辛酉 仁宗睿皇帝梓宮發引 上奉 皇太后恭送 昌陵啓鑿○壬戌諭軍機大臣等據玉麟等奏廓爾喀王懇請遣使朝貢一摺廓爾喀王請進登極表貢情詞懇切自應准其恭進惟來年即係該國例貢之期

所有呈進表貢著令其統候道光二年例貢時一同恭齎來京呈進以省跋涉之勞文幹等即檄諭該國王欽遵辦理○癸亥諭軍

機大臣等慶保奏馳抵大姚與提臣札商分別勦辦永北大姚兩處夷匪情形一摺此案永北逆夷傅添貴等哄動愚夷假託妖言旬結滋事見在已有七八千人其偷渡過江在大姚焚劫滋擾者亦有三四千人雖其中多有裹脅烏合之眾然賊數已為不少先因各處派調官兵未集自不便輕率進剿該督等續調官兵合計先後已有八千餘名更加以土練四千兵勢亦不為不厚該督當知會提督張鳳相度機宜分路進剿仍一面防護完善地方安撫夷民勿使再有裹脅總須一鼓作氣痛加勦辦使賊匪震懾兵威則脅從者自必聞風解散首逆勢孤易於擒斷不可遷延時日致令滋蔓難圖至滇省每有軍務多得土練之力朕所深知該土司素來貧乏自應給予鹽菜口糧俾各踴躍從事惟當嚴實辦理毋任冒濫其楚雄協將沙泰於夷匪偷渡過江不能先事防範本東華續錄 道光三 五

應革職治罪惟此時正在進剿者先行摘去頂帶令其帶兵勦賊以觀後效又據另片奏見已購獲梅依者十並要犯沙季得著即確切研訊此次為首之犯是否止係傅添貴及伊妻父陳添培抑或更有同謀倡逆之犯永北大姚兩處共有首逆幾名附逆者實有若干人究係因何起釁敢作不靖訊悉各供即行附報具奏○裁貴州郎岱廳屬六枝土把總○乙丑賞故兵部右侍郎溫汝迺子舉人承梯進士一體殿試○丙寅 上謁 泰陵 泰東陵 昌陵 隆恩殿恭奉 冊寶上 孝淑睿皇后尊諡曰 孝淑端和仁莊慈懿光天佑聖睿皇后○丁卯 仁宗睿皇帝梓宮至昌陵暫安於 隆恩殿○命成都將軍呢瑪善馳赴雲南幫辦軍務○己巳以阿霖為直隸按察使由熱河○癸酉午刻大葬 仁宗睿皇帝於 昌陵○甲戌 上回鑾○加托津曹振鏞太子太

傅○丁丑 上奉 皇太后還京師○戊寅恭奉 仁宗睿皇帝 孝淑睿皇后升祔太廟○己卯以升祔 太廟禮成頒詔天下覃恩有差○是月貨山西岢嵐等十州縣甘肅狄道等五州縣上年災民倉穀口糧

夏四月壬午安奉 仁宗睿皇帝 孝淑睿皇后御容於 壽皇殿○丙戌常雩祀 天於 圓丘恭奉 仁宗睿皇帝配享○丁亥以奉 仁宗睿皇帝配 天禮成頒詔天下覃恩有差○江蘇巡撫魏元煜奏謝恩慶得旨今歲孫玉庭入覲經朕連日召見徧詢民間疾苦地方利弊敷奏詳明直陳無隱可謂國之柱石公忠之懷見於言表且年已七旬精力未覺稍衰朕甚嘉幸凡南省諸務汝宜協衷辦理以期官飭民安我君臣共享昇平之福且汝之聲望久在朕懷今而後若能效法孫玉庭之居官任事始終如一何虞不受朕恩又何患不為名臣矣須加慎勉○庚寅授呢瑪善為欽差大臣督辦雲南永北軍務○除直隸宛平縣屬建蓋行宮占用民田額賦○實授那清安左都御史調阿克當阿為工部右侍郎以成書為兵部左侍郎由太常寺○癸巳諭軍機大臣等前因永北大姚夷匪滋事已閱三月勦辦尚無端緒逆夷裹脅日眾特授呢瑪善為欽差大臣總辦軍務茲據慶保奏大姚一路夷匪業經分路進剿大獲勝仗將首逆陳添培並緊要賊目刁周等已按名擒獲旬日之內即可將賊巢按洗淨盡其芝蔴莊一路夷匪亦經張鳳督率將弁分投攻勦生擒活賊多名並將賊寨燒毀此時惟有永北一路首逆瞎眼唐老大等屯聚公母一寨負隅抗拒慶保等即日將大姚餘匪勦盡即會合兵練齊赴永北進剿呢瑪善見已奏報起程途次接奉此旨毋庸前往大姚著取路徑赴永

北軍營彼時慶保如尙未將公母二寨大股賊眾悉數殲除該將軍即會同慶保商籌辦理迅速蔽功若到彼後慶保等已將逆夷撲滅亦尙有搜剿餘匪安撫難民各事宜並前旨飭查之件該將軍即在彼駐紮查辦至呢瑪善所奏指調貴州營精兵一節滇省先後奏調官兵一萬餘名土練五千餘名列下均會集永北以之攻剿公母寨賊匪諒已足敷辦昨所調貴州兵五千名見已降旨停止呢瑪善到彼察看情形如兵力實有不敷無庸先行具奏即就近知會羅思舉將貴西兵或調派千餘名或數百名令羅思舉管帶前往協助如可不需即無庸飭調該將軍酌籌妥辦統俟軍務全竣再奏明回成都本任可也○大學士三等侯明亮以疾致仕命在家食俸○裁陝西提鎮所屬遊擊一都司五守備四增設千總二把總一○增設山東曹州鎮營守備一千總外委各二

東華續錄

道光三

七

把總額外外委各四單縣營參將守備千總把總各一外委二額外外委四隸曹州鎮轄撥鉅野營所轄單縣汛弁兵歸新設之單縣營補選鉅野營把總一並額兵歸單縣營參將兼轄添設曹州桃源營守備外委額外外委各一改原設千總為守備隸曹右營兼轄添設曹州劉家口汛千總外委各一隸曹中營轄添設兗州鎮營千總三把總四沂州營把總二外委額外外委各一郊城縣紅花埠汛千總外委各一隸臺莊營轄○丙申復未經散館一甲進士與考試差例○庚子恭建 仁宗睿皇帝聖德神功碑○甲辰慶保等奏勦洗大姚拉古賊巢全境肅清永北首逆瞻瞻唐老

歲採進二千斤今查造辦處所貯之玉尙多足以敷用著交和闐葉爾羌辦事大臣等將此項每歲應進貢玉暫行停採○丁未上詣 大高殿祈雨○己酉雨

五月乙卯內閣學士朱士彥以疾免○丁巳諭吏部奏查明在部候選未入流人數過多請將直隸省暫停分發未入流一項仍照舊例發往一摺各省試用佐雜人數過多補缺無期閒住會城旅食不繼因而作奸犯科之事比比皆然若不量為變通仍令接踵而往實於仕風有礙其直隸奏請停止分發亦係不得已之調劑但不激其源而塞其流止可行之於暫而不能行之於久夫佐雜之職雖微亦為佐理民事而設與其兼容並包而聽其壅塞何如嚴覈約選俾就疏通著直省督撫各將試用佐雜人員詳加甄別其實在庸猥陋劣不堪造就者槩行沙汰則才能出眾之員自可

東華續錄

道光三

八

及時自效即分發續往者亦不至受積壓之累行之數年將試用候選均可不虞冗濫豈不愈於穀稗糶雜陳陳相因乎其直隸未入一項仍著暫停分發○戊午撥江南藩庫銀四十五萬六千兩給海州等州縣展賑○己未增設盛京昌圖廳照磨一○命伯麟為體仁閣大學士兼管兵部以長齡協辦大學士仍留陝甘總督任○癸亥詔停本年秋決○丙寅命廣西按察使潘恭辰冊封越南國王阮福暎○己巳諭御史許乃濟奏保舉孝廉方正請嚴實奉行一摺國家頒發明詔令府州縣衛保舉孝廉方正及薦舉才品優長之士原以廣勵人材冀收得賢之效乃比來外省視為不急之務或數郡不舉一人其所舉者又或牽於情賄漫以衰庸充數以致此事竟成具文殊失拔滯顯幽之義夫鄉舉里選古有其制天下之大豈無遺才此次著各直省督撫各飭所屬悉心採訪

務得操履純潔才猷傑出物望允孚可備國家任使者登諸薦牘其行誼幹略各於名冊內切實註明咨部引見以備錄用不得託言矜慎率以無人可舉為辭若以偽亂真所舉不公則國有常罰諒各督撫亦不肯出此也○以松筠為兵部尚書由德河○裁北郊大祀翊衛官二十八員兵四百名 雍和宮翊衛官十五員兵四十名○庚午調廉善為吏部左侍郎成書為戶部右侍郎轉哈豐阿為兵部左侍郎調常英為兵部右侍郎以裕恩為理藩院右侍郎由副都統○壬申夏至祭 地於 方澤恭奉 仁宗睿皇帝配享○癸酉諭呢瑪善等奏永北軍營節次擊獲首夥匪犯分別辦理地方妥謐並大姚接獲餘匪究出緊要賊目各一指雲南永北廳土司所屬野夷因該土司目把將地土典賣與漢民耕種生計艱難各懷怨恨首逆唐老大即唐貴利同逆目陳添培等以東華續錄 道光三 九

勉出力者亟著秉公保奏候朕施恩其餘文武員弁擇其尤為出力者應如何量加鼓勵之處分別開單具奏不可冒濫傷亡兵練咨部照例卹賞所獲各犯除業經正法外餘著照所議分別發遣其善後一切事宜仍著會同妥協辦理永靖邊圉○添設直隸大名鎮總兵官一左營遊擊守備千總把總外委各一額外外委三右營遊擊守備各一干總把總外委各二額外外委四移大名協都司為城守營都司元城汛千總為中軍千總添設把總外委額外外委各一移大名協副將為開州協副將添設東明縣都司外委各一額外外委二長垣縣都司外委額外外委各一故城縣鄭家口遊擊一裁督標提標宜化廣平及天津水師各營遊擊以下共三十缺○以顧皋為內閣學士兼禮部侍郎銜由副都統六月辛巳召康紹鏞來京以張師誠為廣東巡撫調曹六興為安徽布政使以張志緒為四川布政使陳中孚為四川按察使由福建○癸未添築山東韓莊閘上朱姬閘南擱河大壩○甲申安定門災○以湖北富陽縣沮漳匯流處偏近 關帝陵詔建石隄保護○乙酉諭軍機大臣會同刑部議奏奉天省旗民事件請仍照舊章悉歸州縣審理一摺所議是國家設官分職各有專司奉天省所屬州縣自乾隆四十四年經刑部議定凡遇旗民詞訟事件悉歸州縣審理迄今四十餘年毫無窒礙原以州縣管理詞訟是其專責若如該將軍所奏單旗事件即令旗員辦理旗員於刑名例案非所素習強使聽訟必難保其明允設武職人員任性妄為其弊尤不可言至謂旗民一切處分與州縣一體查參若無專司旗人易於玩視京城五營與外省綠營武職均與司坊州縣官一例開參豈能令武職各員俱赴文職衙門共理詞訟該將軍所

奏尤為非理所有奉天州縣旗民事件著仍照定例悉歸州縣自行審理旗員不得干預惟該州縣於尋常人犯並不移知旗員率行查拏刑訊殊干例禁著奉天府尹飭知各州縣除緊要重案仍照舊例准其自行查拏外其餘尋常案犯均知會旗員拏解如仍前率拏交該將軍指名參處以符定制○諭本年順天府屬直隸天津山東近河近海地方蝻孽萌生飭令捕撲惟先應禁止擾累若按畝派夫胥吏復藉端索費踐踏禾苗則蝗孽未除而小民已先受害康濟錄內所載捕蝗十宜設廠收買以錢米易蝗立法最為簡易著將康濟錄各發去一部交該府尹及該督撫飭屬迅辦務使閭閻不擾將蝗蝻接除淨盡以保禾稼而康田功○戊子調承光為刑部右侍郎海齡為盛京刑部侍郎○己丑海齡以親老命留京候補以同麟為盛京刑部侍郎由左副都御史○庚寅 上御

東華續錄 道光三 十一

太和門命鄭親王烏爾恭阿順承郡王倫柱恭齋冊寶詣 孝穆皇后殯宮前行冊諡禮○調孫爾準為廣東布政使以琦善為福建布政使由山東按察使○壬辰以冊諡 孝穆皇后禮成頒詔天下

○調琦善為山東布政使以徐忻為福建布政使羅含章為山東按察使由直隸道○癸巳諭軍機大臣等御史王家相奏收漕加米事類加賦八折收漕之議有十不可如經費尚須調劑或酌量加銀尚屬易於限制等語漕糧為國家正供果能顆粒無浮照額兌運直達天庾誠為盡善無如近年百弊叢生日甚一日幾於積重難返前降旨令有漕各督撫悉心籌議嗣據孫玉庭等以幫費不能盡裁陋規不能盡革浮糜不能盡去議以八折收漕減半給費先去其太甚期於積弊以漸而除官民胥免於累業經降旨允行茲據該御史復力陳其不可著將原摺發交孫玉庭等閱看孫

玉庭係原奏之人魏元煜李鴻賓帥承瀛則前此並未與議江浙漕務情形大略相同其各悉心體察上為國計下為民生如果八折之議實有窒礙難行之處不妨奏明更正不可回護前議然必須熟籌善策既不困民又不累丁使州縣無可藉口而漕運依限抵通方為萬全無弊可以行之久遠若但博不淨收之名而貽誤全漕或仍如從前掩耳盜鈴任聽加五加六莫為之限而外以收清漕不加賦為名是皆可作紙上空談而非為政以實之道該督撫等虛衷商榷深思妥議具奏備彼此意見不同伊等孰有善策即自行具摺陳奏以憑採察○乙未定 皇孫 皇曾孫 皇元孫暨各福晉服色等差○丙申諭軍機大臣等昨據御史王家相奏八折收漕之議有十不可當經降旨交孫玉庭等會商妥議具奏本日復據侍郎湯金釗奏稱收漕之弊非定以八折所能有濟

東華續錄 道光三 十二

且稱伊曾任江蘇學政知從前所言旗丁幫費於定額之外州縣仍不免私自增給恐八折收漕雖有限制之名仍無限制之實使朝廷空被加徵之名於事毫無實濟等語著將湯金釗原奏發交孫玉庭等閱看直省漕糧以浙江為最重孫玉庭等四人係本省督撫所屬州縣收漕兌漕情形其利弊皆所洞悉究竟此事如何辦理方能有利益無弊該侍郎及御史王家相所言不可之處均一一詳悉登覆熟籌審計會同妥議具奏○丁酉諭軍機大臣等前據姚文田奏漕務法久弊生小民苦州縣之淨收州縣苦旗丁之勒索而旗丁又因沿途需費浩繁勢必多索津貼恐所定津貼旗丁每船銀三百兩及見在嚴禁州縣收漕不得過八折之數亦屬虛名請籌議萬全善術等語當降旨令軍機大臣會同戶部議奏今據覆奏連丁之疲乏屢經籌給津貼無庸再議惟州縣淨收積

習難返致累閭閻必任法而兼任人方能進行無弊著各該督撫及漕運總督倉場侍郎通飭所屬杜絕浮收勒折以清其源裁革陋規以遏其流若有不肖州縣陽奉陰違立即參辦或運丁勒索州縣沿途衙門勒索旗丁一併從嚴究治務使官民旗丁均免擾累以肅漕政○戊戌以齊布森為左副都御史由光緒○召成齡來京以李鴻賓為漕運總督孫爾准為安徽巡撫由廣東布○己亥諭各省督撫鹽政織造關差向遇年節萬壽均有呈進方物之例惟是行之有年不免踵事增華有加無已雖皇考屢申飭諭尚未能盡除浮糜茲朕在諒陰之中若不先行示諭定以限制一俟釋服後自必相率效尤紛紛呈獻是以朕將從前貢目詳加披閱例應貢者准其呈進可刪者即行刪去嗣後應進方物之處俱著遵照硃筆圈出之物件數目照例呈進毋得任意加增設遇某東華續錄
道光三
十一
件不敷採辦儘可缺而不貢斷不准將別項數目加增或以他物代進其吉祥貢一端著永行停止發去硃圈貢目仍各遇便繳回以備查覈至廣州將軍並無兼理關稅事務其每年例貢著無庸進呈○以程國仁為廣東布政使前任補郎中○庚子移雲南永北廳經歷駐舊衙坪增設司獄一大姚直卻巡檢一撥楚雄協把總一駐猛連渡口○辛丑諭前據樂部等衙門奏時享太廟初奏樂章僅四言八句茲恭值仁宗睿皇帝升祔奏迎神之樂字簡音長於行禮節儀未協請敬增四句當交大學士軍機大臣六部會議茲據奏太廟時享樂章國初定制初奏開平之章四言十二句乾隆六年高宗純皇帝親定樂章改開平為貽平定以八句 彝憲所垂至今遵守未便輕議更張等語所議甚是祀典升香對越禮惟其節樂惟其和太廟時享樂章經 皇祖高宗

純皇帝親加改定斟酌盡善數十年來依永和聲 神人胥悅自當遵循勿替所有請增初奏樂章之處著無庸議○吏部奏查會典服制圖載子為慈母斬衰三年註云所生母故父令別妾撫養者謂之慈母舊例未經載入見當纂修則例似應增入以廣孝思請嗣後凡官員本身係屬庶出生母早故父令別妾撫養者病故時准令離任丁憂二十七箇月從之○癸卯諭漕糧本惟正之供歲有定額百姓任田納賦斷無不踴躍輸將者如果地方官辦理得宜何容更定科則豫防濫取惟法以久而滋弊而弊又相因而生則欲杜其弊必先察致弊之由而嚴為之計著通諭有漕省分各督撫破除情面力矢公忠州縣如有浮收勒折立即嚴參重懲其旗丁勒索州縣紳衿包納漕糧者亦各執法嚴辦勿稍徇縱均不得借言調劑輕改舊章至沿途僭運謹遵成法毋許延誤仍責東華續錄
道光三
十二
成漕運總督及倉場侍郎凡沿途抵通官役人等需索使費者有犯必懲使羣知儆惕以塞漏卮朕清釐漕務其意本為恤民天庾並無升斗之益諒天下臣民所共悉不可使上被加賦之名而下無便民之實也將此通諭中外知之○甲辰諭成書等奏審明蔣因培被參後刊詞傳播前後情節分別定擬一摺此案蔣因培因山東兗沂各屬調補州縣疑有私弊欲行稟阻經該撫錢臻以越職狂謬挾私阻撓參奏革職輒敢刊刻稟呈詩句肆行傳播而所刻稟彙又與原稟語句多不相符尤為狡詐蔣因培著發往軍臺效力贖罪童槐向錢臻面稟情形訊非誣捏惟蔣因培面阻一事其稟彙係由知府吳階送閱乃於明白回奏摺內不將吳階奏出轉言蔣因培在官廳喧呶係聞自韓公麟顯有諱飾所請開復原官交部議處未免從輕著開復交部嚴加議處吳階於蔣因培私

遞稟稟既不斥阻又不揭參僅送臬司閱看收存原稟迨至查辦之時始行呈出殊屬乖謬著交部議處錢臻見已另旨降補無庸交部察議已革知縣韓公麟既訊無向童槐告稱蔣因培喧嚷之語著准其開復原官○以琦善為山東巡撫調程祖洛為山東布政使降錢臻為湖南布政使

東華續錄

道光三

五

東華續錄

道光四

臣王先謙敬編

臣周嗣蕃恭校

秋七月己酉朔裁貴州貴陽府分駐長寨同知屬吉羊枝土千總
○庚戌刑部尚書和瑛卒贈太子太保賜祭葬諡簡勤○調那彥
成為刑部尚書松筠為吏部尚書晉昌為兵部尚書以穆克登布
為理藩院尚書統選○辛亥調那彥寶為吏部左侍郎廉善為刑
部左侍郎○癸丑諭悼親王長子奕續於初四日酉刻殞逝奕續
曾經承侍 皇考歡顏且朕見在止此一姪遽焉夭折朕心實為
惘悼著加恩追封貝勒其身後一切事宜著派內務府大臣禮恩
妥為經理不必行知各該衙門俱由內務府備辦本日午刻派大
阿哥前往賜奠以示矜恤○免雲南夷匪滋擾之趙州等六十一
東華續錄 道光四
應州縣舊欠銀米並永北廳額銅○乙卯成書卒調穆彭阿為戶
部右侍郎轉阿克當阿為工部左侍郎以果齊斯歡為工部右侍
郎署戶部○己未張文浩丁憂命嚴烜以三品頂帶署河東河道
總督由河南河○庚申定 東陵 西陵總管五年更換例○辛
酉添設侍衛處實缺主事二委署主事一○壬戌吳烜以病免以
初彭齡為禮部右侍郎署禮部○禮親王麟趾薨命散秩大臣張
涇帶領侍衛十員往奠茶酒予祭葬諡曰安○丁卯江西巡撫瑞
弼卒予祭葬○調毓岱為江西巡撫以楊懋恬為湖北巡撫調廉
敬為江蘇布政使以德奎為湖北布政使惠顯為安徽按察使由
○己巳兵部侍郎吳其彥因父病請解任允之○庚午 上
奉 皇太后啓慶謁 西陵○免經過地方額賦十分之三○諭
前定於二十日啓慶恭詣 昌陵行周年大祭禮自十八日大雨

連宵達旦朕冒雨起程行至西安門因前途橋梁衝損暫行還宮
本日途次復值大雨朕衝泥跋涉行次黃新莊 皇太后安輿不
能前進已自中途回鑾據御前大臣軍機大臣合詞籲懇暫行旋
蹕朕未允所請令御前侍衛安福乾清門侍衛容照並總督方受
疇查看前途道路據稱良鄉以南積水汪洋數十里泥淖陷深人
馬不能駐足若俟積水消退已不能如期盡禮賽沖阿等復具摺
諄懇朕灑淚忍痛勉從所請於二十四日還京派瑞親王前詣
昌陵恭代行禮此朕萬不得已之苦衷諒荷 皇考在天昭鑒也
○辛未以杜壻為兵部右侍郎內閣學士○癸酉諭史致光奏首逆
傅添貴就擒照例辦理一摺傅添貴係首先過江肆擾大姚之犯
永北大姚兩處早經肅清惟該犯潛匿稽誅此次經派緝之千總
趙鵬等在龍潭山頂搜獲該犯逞兇拒捕被馬兵張連仲用矛戳
東華續錄 道光四
傷滾崖就擒移時身死經該督委員查驗確實到屍梟示緝捕甚
為認真千總趙鵬已加恩以守備卽升馬兵張連仲著以外委卽
行拔補以示獎勵○加賑甘肅甯夏等四縣水災旱災並免上年
額賦

戴聯奎為禮部右侍郎補授○甲午 上臨故肅恭親王永錫
第賜奠○定兩湖隨營世職輪補守備例○乙未浙江巡撫帥承
瀛奏漕賦為天庾正供關繫甚重通年以來弊竇叢生其始由州
縣之浮收以致幫丁之需索而沿途之陋規使費亦因而逐漸加
增迨幫丁用費愈大需索愈多各州縣亦率為幫費所迫有不能
照例徵收之勢而耗費究歸於小民因之包戶侵漁刁袴挾制皆
由此起積弊相沿挽回無術是以兩江督臣孫玉庭有八折收漕
之議原以去其太甚補救目前無如因弊立法而弊卽因法以生
誠有如在廷諸臣所議者茲仰荷訓示令漕運總督倉場侍郎嚴
禁官役需索使費俾沿途之陋規盡除卽幫丁之用費可省而州
縣浮收勒折之弊復飭各督撫實力查禁洵為截流清源之良法
惟有懷遵諭旨飭屬奉行庶愛民恤丁可期兩有裨益得旨所奏
東華續錄 道光四
皆是但實力奉行不可日久生怠○甲辰以唐仲冕為陝西布
政使調陶澍為福建按察使程贊清為山西按察使以景謙為貴
州按察使○丙午調張師誠為安徽巡撫孫爾準為廣東巡撫
察使○九月己酉諭國家定制登極後卽應選擇萬年吉地嘉慶元年奉
皇祖高宗純皇帝敕諭嗣後吉地各依昭穆次序在 東陵
西陵界內分建今朕紹登大寶恪遵 成憲於 東陵界內選擇
繞斗峪建立吉地著派莊親王繇課大學士戴均元尚書英和侍
郎阿克當阿敬謹辦理詎吉於十月十八日卯時開工○諭秦承
業前在上書房行走學問尚優人亦爽直朕履位之初卽宣召來
京加以遷擢仍令在上書房行走冀其有所匡助及今半載有餘
其所敷陳非迂闊難行卽執謬不通率皆市井之談昨據汪廷珍

奏伊在上書房言語不謹及加詰問汪廷珍不肯指實因降旨令
 秦承業不必在上書房行走嗣後召詢惇親王瑞親王初亦未肯
 直言經朕反復開導再三詳詢二王無可如何始據稱秦承業會
 責備顧皋督責大阿哥所言甚為荒誕狂悖因令軍機大臣等面
 問大阿哥亦稱實有其語上書房為養正之地為師傅者應以孝
 弟睦友慈愛時加訓迪今秦承業如此老諍若不加懲創何以
 示誠秦承業著革職即令回籍此係朕從寬懲辦若按名定讞則
 罪在不赦矣汪廷珍顧皋既聞其言即應據實參奏乃汪廷珍陳
 言含糊顧皋則並未具奏均屬不合著罰俸半年以示懲儆秦承
 業係朕特召用之人乃身在內廷肆言無忌朕知人不明實不能
 不引以為愧也○免河南蘭陽儀封二廳被水應賠倉穀○免綏
 遠城渾津黑河莊頭未完米石○庚戌裁貴州安順府屬土守備
 東華續錄 道光四

土千總土把總各一土外委二○辛亥追封 孝穆皇后父原任
 戶部尚書布彥達齊三等公母吳雅氏為公妻一品夫人○癸丑
 諭給事中盛唐奏檢拾匿名揭帖請飭訪拏究辦一摺甚屬非是
 律載匿名文書告言人罪見者即為銷毀若將送入官者杖八十
 官司受而為理者杖一百被告者雖實不坐定例久經著明嘉慶
 二十三年復奉 皇考仁宗睿皇帝諭旨以匿名揭帖最為風俗
 人心之害凡有黏貼匿名揭帖即將原帖銷毀不准具奏惟關係
 國家重大事務者密行奏聞是惟叛逆重情乃准入告此外皆應
 遵 旨銷毀 聖諭煌煌至為嚴切該給事中豈無見聞乃以匿
 名呈控土棍細故違例具奏除所告無庸查辦外盛唐著交部議
 處尋議革職命加恩仍以編修用○以鄭裕國為江甯布政使蘇
 明阿為廣東按察使由浙江○己未召斌良來京以祥德為河南

按察使由江甯○癸亥以高溥為廣西布政使常德為湖南按
 察使由直隸○戊辰暹羅國王鄭佛遣使進香貢方物溫諭止
 之○己巳召長齡來京陛見以朱勳署陝甘總督盧坤署陝西巡
 撫由甘肅○乙亥福建巡撫顏檢奏閩省歲進荔支樹素心蘭
 二種採辦運送情形得旨荔支樹素心蘭二種措辦匪易乃朕素
 所深知而又係無用之物故去歲特降旨將其停貢彼時內務府
 未能明白傳諭似俟三年後仍行照舊呈進朕意原是永行裁革
 此時不便再行宣示汝當遵此硃諭嗣後二項永遠不必呈進汝
 能如此直陳朕甚嘉焉○是月賑安徽宿州等三州縣水災
 冬十月己卯 上御乾清門聽政自是以為常○以奎照陳嵩慶
 俱為內閣學士兼禮部侍郎銜奎照由詹事府學士○召曹六興
 來京以陶澍為安徽布政使蘇兆登為福建按察使由江甯○
 東華續錄 道光四

壬午諭嗣後考試繙譯奏派左右翼副都統帶兵彈壓著為令○
 癸未移湖南岳州府同知及水師營守備駐君山○乙酉截留江
 蘇解部銀三十三萬餘兩及淮徐兩屬漕糧備賑○丙戌轉果齊
 斯歡為工部左侍郎調裕恩為工部右侍郎以明志為理藩院右
 侍郎由太常寺○丁亥調孫爾准為安徽巡撫以嵩孚為廣東巡撫
 阿霖為浙江布政使由直隸○除河南孟津縣河占地賦○戊
 子移四川太平廳同知駐城口添設訓導照磨各一移原設城口
 經歷駐高觀寺場復太平廳為太平縣設知縣訓導典史各一均
 歸綏定府轄裁筠連縣訓導缺改巫山縣屬之大昌汛千總為守
 備裁大壩營守備缺撥太平營千總一駐通江縣屬之竹峪關移
 陝西鳳翔通判南星巡檢駐鞏坪添設盤屋略陽縣丞各一裁鞏
 坪縣丞並華陰縣丞缺添設湖北鄖陽府同知訓導照磨各一駐

白河口裁德安府通判司獄並保康縣訓導缺改宜昌府司獄爲
竹谿縣豐谿巡檢移房縣板橋巡檢駐馱磨坪○命修造京城內
空地房屋給內務府三旗貧戶居住○調常德爲直隸按察使蘇
明阿爲湖南按察使陳中孚爲廣東按察使以戴三錫爲四川按
察使○移福建霞浦縣林溪巡檢駐三沙○乙未葉世倬
因病賞假以岳良署山西布政使○庚子命江西南安贛
州甯都三府州遣戍流徒各犯由巡道就近審勘○辛丑命中外
營員認真訓練○飭道府提訊所屬控案○甲辰諭本日有兵部
華帖式和書在乾清門呈遞奏摺自陳管見五條朝廷設官分職
定有等差不容越分言事其未職下僚如有確知利弊及冤抑求
伸者或在都察院申訴或在本衙門呈遞該堂官亦斷不敢壅於
上聞若不論品秩崇卑紛紛競赴宮門建言奏事尙復成何體制
東華續錄 道光四 六

損無增茲難於舉行除卻者實朕之苦衷不能以言喻之也後世
子孫若能體朕之心法朕之行成朕未竟之事造次無忘不遜聲
色之諭卽我大清萬世天下臣民之福也其後宮嬪御之制備約
詳明無庸復贅遵而勿改可也孔子曰百姓足君孰與不足百姓
不足君孰與足宮中府中原屬一體非同士庶之私自蓋藏也故
人君不可有私財有私財必有私事有私事必有私人有私人則
不爲其所愚者鮮矣是以貨利之害尙小而立身行政之害大矣
我朝立法嚴明言利之臣立加貶斥惠民之政不惜帑金故任土
作貢自古有之惟是行之既久未免世俗相因漸生侈靡要在爲
人上者知稼穡之艱難力崇節儉返本還淳然節儉之風豈空言
所能感化也務在身踐力行槩從樸實尙虛文卽向應入貢者
亦必察其義之所在定以限制不可稍存自奉之心在詔諫者必
東華續錄 道光四 七

十一月甲寅以故禮親王麟趾孫全齡襲爵○乙卯頒 御製聲
色貨利論曰孔子曰放鄭聲書曰比頑童時謂亂風又曰不役耳
目百度惟貞玩人喪德玩物喪志記曰姦聲亂色不留聰明淫樂
慝禮不接心術由是觀之聲色之爲害大矣因思我朝定制皇子
皇孫均於六歲入學讀書凡聖賢之所言自幼無不誦讀講肄以
爲修身立志之本其奈終身抱道克己復禮者甚難蓋知之非艱
而行之艱也在常人猶不可不檢束身心屏除聲色爲人君者尤
當以禮自防毋爲所惑常人惑之害及一身人君惑之害及天下
敬思朕受 皇考教育付畀深恩欽承 密諭必當力除此弊有

曰尋常之物非珠玉可比價廉值賤獨不思一絲一粟從何而出
哉且由數千里而來以至達於九重其費不知凡幾矣故省一分
天下陰受一分之福於吏治民生不無小補哉至於亭臺苑囿夙
有規模濇樸之風盡美盡備足以供幾餘遊憩其可復待經營乎
書曰峻宇彫牆又曰惟宮室臺榭阪池侈服不可不引爲鑑也
卽以當時而言每歲應修應理者卽不能及時措置何暇復有所
加增乎設遇容悅之臣侵漁之吏多方獻諛取巧逢迎主意則必
曰內廷之興造不同往昔今則自內發帑募夫並非勞民力傷民
財而成之也此乃我大清萬世之罪人卽應立正典刑暴白天下
試思府庫之藏來自何所耶變其名色分其出納又將誰欺乎嗚
呼仍是吾民脂膏也設非 壇 廟宮室城郭官署又何忍以有
常之費恣意消耗於無用之地耶我後世子孫若不遵循舊制縱

欲無厭或有諛佞愛感罔顧是非當時之滿漢大學士軍機大臣都察院堂官暨科道等即持朕諭交章進諫若諫而弗納則爲君者甘爲祖宗之罪人臣工無與焉若不能犯顏強諫惟知自顧身家苟且旁觀尸祿保位則是自外生成爲萬世不忠之臣矣著將此諭交內閣軍機處都察院各錄一道慎密存記特諭○辛酉諭英和等議駁武隆阿等奏請各省綠營馬兵分半作爲旗缺並令駐防子弟一體挑補綠營守戰馬糧一摺所議甚是我朝定鼎以來以八旗滿洲蒙古漢軍屯駐京師以綠營兵隸督撫提鎮分駐各省其緊要地方更設立駐防旗營統以將軍都統副都統城守尉立法至爲周密見在八旗生齒日繁未嘗不籌其生計量爲調劑若以旗人挑補綠營兵缺復以在京旗人往補駐防兵缺無論兵丁得項本微攜眷遠行諸多不便且從此不復回旗是以百數

東華續錄

道光四

八

十年參養之旗人無故屏之遠土朕何忍焉其忠愛固結之忱豈能使之忽然至綠營兵丁平日在營差探倚餉爲生一旦遽撤其半亦何能使之帖服素舊制而失人心莫此爲甚武隆阿秀莖均著交部嚴加議處以爲莠言亂政者戒尋部議革職得旨武隆阿著加恩降爲二等侍衛仍留參贊大臣之任秀莖著加恩降爲藍翎侍衛仍留幫辦大臣之任俱帶革職留任處分八年無過方准開復○諭軍機大臣等武隆阿等奏英吉利夷人給葉爾羌阿奇木伯克遞字求來貿易買馬見經駁斥一摺英吉利係海外夷人向在廣東貿易溫都斯坦一帶地方並非伊國泊船口岸今愛孜圖拉執有夷字據稱係英吉利頭目果迺爾展轉所遣要到西北一帶買馬貿易並欲到布噶爾地方先來給葉爾羌阿奇木伯克遞哈默特鄂散遞字求向葉爾羌喀什噶爾一路行走武隆阿等

令迺哈默特鄂散以己意作字駁斥所辦甚是至所稱英吉利據有溫都斯坦已五六十年其旁克什密爾音底亦皆聽從等語外夷部落荒遠難稽疆圍以外原可置之不問惟葉爾羌英吉沙爾喀什噶爾一帶卡倫均與外夷接壤地方緊要總當留心稽察嚴密防範不可大意武隆阿見已飭向在葉爾羌貿易之克什密爾回人分起探訪其事該夷人究有多少其來意何居一俟探有確情卽行迅速奏聞○壬戌以河防又安加江南河道總督黎世序太子太保賜 御製詩章○己巳諭軍機大臣等文幹等奏哲孟雄部長來藏熬茶妄求地方人口嚴行駁斥遣回並擬定該部長來藏年限一摺哲孟雄部落在唐古特邊外從前福康安進剿廓爾喀時曾檄令該部長乘勢進攻收回被奪之地該部長觀望不前及事定之後屢次妄行祈求均經駁斥今來藏熬茶又向噶勒

東華續錄

道光四

九

丹錫呼圖薩瑪第巴克什稟懇或賞給帕克哩營官之缺或將所屬卓木族卓百姓及卓木雅納綽松百姓賞給管理該部長貪鄙無知竟敢妄求藏地所屬職官民人交伊管理文幹等飭令該喇嘛嚴行駁斥以絕其妄念仍酌賞銀物以示體恤所辦俱是該部長向准來藏禮佛文幹等因其每次來藏輒多乞請擬定或五年或八年來藏一次以示限制著卽以八年爲限但所定年限乃杜其非時前來若屆期不來亦聽其便如未至八年卽行斥駁至邊防理宜嚴密如該部長稟請來卓木避暑時自當隨時批駁飭江孜守備帕克哩營官等小心防範以安邊圉○庚午移湖南辰谿汎守備駐大油谿並撥把總外委各一帶兵駐守○壬申允廷臣請編 御製養正書屋詩文全集十二月戊寅以故肅親王永錫長子敬敏襲爵賞第三子敬效委

散秩大臣○辛巳先是 皇朝文獻通考於朝鮮國殺其議政金昌集中樞李頤命左議政李健命判中樞趙泰采據該國報書謀逆伏誅至是國王李珍奏言四臣之死因李昉病廢無嗣議令李昉爲世弟而相臣趙泰考等潛蓄異謀欲傾李昉遂殺四臣以謀逆入告幸 聖祖仁皇帝恩准李昉冊封其事始定後趙泰考論死四臣咸得昭雪而誣逆之辭尙留簡牘懇恩飭查更正下禮部議尋奏通考所載係據李昉奏報至情之真偽事之反覆遠隔數千里無由深考卽趙泰考伏誅該國亦會奏到而於金昌集等被誣之處並未敘及是其誤由該國聲敘不明並非纂修之譌今既肫誠懇懇爲祖雪冤實係爲人子孫至道且事經九十餘年該國臣民並無異言其爲兄終弟及名正言順似無疑義應請刪去此條以昭傳信從之○壬午調佛佳爲禮部右侍郎書銘爲盛京兵部侍郎○以玉麟爲兵部左侍郎著刑部○癸未命設廠煮賑河南蘭陽等三廳州縣被水災民兩月○甲申以吳榮光爲福建按察使由鹽運使○乙酉移吉林釣魚臺伊吉斯渾邊卡駐海清溝三岔嶺○丁亥 上詣 大高殿祈雪○戊子成格緣事降調以邱樹棠爲山西巡撫鄧廷楨爲江西布政使陸言爲湖北按察使由山東道○召程贊清來京以常文爲山西按察使由甘肅道○庚寅諭前因成格參奏陳官俊於嘉慶二十四年冬閒在太原縣毆打辦差家人又於二十五年六月買妾並稱干預公事妄作威福雖未能實指其苞苴之據而已大開奔競之風等語卽命軍機大臣等傳到陳官俊詳加詢問所參毆差買妾兩款均已承認至密陳地方官員賢否則堅稱實未向人洩漏當令軍機大臣寄問成格向陳官俊鑽營者何人奔競者何人令其明白回奏嗣於十一月

東華續錄

道光四

十

東華續錄 道光四

二十四日具摺覆奏前來聲稱魏元煥邱名泰諸人省中紛紛傳說俱經學院保舉此數人官聲素好所舉原不謬妄又稱陳官俊曾向伊說皇上見差太監前往河東查訪商人控告鹽務一案此則更不成話愈辨愈奇支飾尤甚試思此語若確陳官俊當得何罪必應徹底查訊按其是非治以應得之咎特命長齡於經過晉省時馳赴省城著陳官俊前往山西當面質對令長齡秉公查訊孰是孰非據實覆奏茲於十二月十二日長齡奏到據稱到晉後傳旨詢問成格令其一指證成格惟有伏地叩頭聲稱奏事不實以奇誕無稽之語冒瀆宸聰實屬荒謬不能指實惟求代表從重治罪已降旨將成格陳官俊均行降革示懲矣陳官俊於嘉慶二十四年冬閒毆差於二十五年六月買妾成格因何不卽行參奏乃一味姑容已屬不能秉公持正及至陳官俊奉有密旨留心東華續錄 道光四

東華續錄

道光四

十一

二五九

倭之意於此可見也詎意成格巧詐欺飾以無可質對之言屢行
奏辨是其居心直欲屏朕耳目使不聰明外省之事無敢過問此
其咎之重者也至陳官俊奉命典學惟當盡心考試或有與撫臣
交涉之事原可同商酌至奉有密旨後惟當隨時察訪默而識
之可奏者奏之不必奏者置之不應將密諭顯露公然議論其賢
否是非不特有乖素位而行之誠即與朕之密諭亦大相逕庭矣
躁妄蘊鄙深負朕恩必當立予降黜以為不愼不密者戒朕辦理
庶政一秉公誠賢則用之不肖則去之從不心存成見然亦不能
直受欺蔽也嗣後各省督撫斷不可因成格參奏學政獲譴即有
不公不法之學政亦不肯據實參奏各省學政亦不可因陳官俊
言事不密獲咎明知本省利弊亦皆緘默不言如是則與朕用人
行政之心大相刺謬矣故復行申諭各省督撫學政等知之特諭
東華續錄 道光四

東華續錄

道光四

十一

○癸巳吏部尚書劉鏞之卒命散秩大臣一員帶領侍衛十員往
奠茶酒賞銀五百兩治喪予祭葬諡文恭賞其子兵部員外郎喜
海郎中華海舉人○調盧蔭溥為吏部尚書初彭齡為工部尚書
以戴聯奎為兵部尚書調王以銜為禮部右侍郎轉陸以莊為工
部左侍郎以顧皋為工部右侍郎周系英為內閣學士兼禮部侍
郎銜由翰林院侍○命吏部尚書盧蔭溥不必在軍機處行走○
丙申添設河南考城縣巡檢一○庚子免湖北漢陽等三縣節年
民欠花利銀○是歲朝鮮越南琉球來貢○會計天下民數數各
省通共大小男婦三萬五千五百五十四萬二百五十八名口各
省通共存倉米穀三千五百一十二萬九石一斗六升一合

東華續錄

道光五

臣王先謙敬編

臣周綱蕃恭校

道光二年壬午春正月庚戌召富信來京調糜琦瑜為貴州布政
使以羅含章為河南布政使楊健為山東按察使兩准鹽○壬
子諭朕辦理庶務咸遵舊制從前 皇祖高宗純皇帝每次挑選
八旗秀女皆指配與 聖祖仁皇帝派衍近支宗室 皇考仁宗
宗室今朕挑選秀女自應遵照此例按代指配與 高宗純皇帝
派衍近支宗室著交欽派之王等嗣後呈進宗室等名單時著將
高宗純皇帝派衍近支宗室名單呈進候朕將挑選之秀女量
為指配著為令○諭近來查出旗人抱養民人之子為嗣者俱已
東華續錄 道光五

東華續錄

道光五

十一

另記檔案矣此等子嗣日後皆入民籍伊等之女皆不應與旗人
一併入選著交戶部本年挑選八旗秀女時將八旗滿洲蒙古漢
軍內另記檔案之女俱不必入選著為令○方受疇以病免以顏
檢為直隸總督葉世倬為福建巡撫戴敦元為山西布政使史譜
為江西按察使由浙江鹽○以長齡署直隸總督○甲寅截撥上
下兩江漕米六萬石備災缺兵糧○戊午諭阿哥等年至十五歲
著習學騎射每月演習二三次在京城內則於紫光閣在圓明園
則於閱武樓阿哥等演習騎射時著內廷諸達二人輪流隨往年
十六歲習學鳥槍每年春秋二季在山高水長一月演習一二次
嗣後阿哥等及皇孫皆照此學習著為令○諭總管內務府大臣
等嗣後皇子皇孫一經指婚其福晉父家置備膳廩不得以奢華
相向一槩務從儉約復我滿洲淳樸舊俗將來進呈膳廩清單如

有靡麗浮費之物經朕看出不惟將原物發還並加議處此旨著內務府大臣存記俟經指婚之後即將此旨交福晉之父家閱看敬謹遵循不得逾制至向來俗例有開箱之禮福晉應進朕與皇后衣服各九套著不必豫備呈進以示黜華崇實之意○申禁各州縣貸民籽種加倍取償○辛酉祈穀於上帝恭奉仁宗睿皇帝配享○壬戌諭錢臻奏州縣交代拖延請嚴定章程一摺向來州縣交代本有一定例限據錢臻查明湖南省州縣交代逾限轉轄甚多皆由各員卸事後不俟交代清楚即擅自進省接任之員無憑覈算以致展轉遲延幾成銅習自應亟加整頓嗣後該省州縣交代責成該管府州就近督催依限結報如交代未清即將該員扣留限覈算不准擅自回省其例限已逾除咨部照例察議外將該員委署補缺槩行停止儻接任之員才難勒指亦即據東華續錄 道光五

實懲辦如府州徧徇玩視查明一併參處先虧帑項責令各半分賠即查無虧空亦將督催不力之府州查參以重帑項而杜積弊○召葉汝芝來京以朱桂楨為浙江按察使由陝西調○甲子諭軍機大臣等葉世倬奏查辦丁歸地糧及民間實在情形一摺山西省州縣丁徭銀兩歸入地糧攤徵者除已有八十廳州縣外尚有孟縣等二十一州縣未經議改茲據該護撫查明平定州孟縣二處情形相同所有孟縣丁徭銀兩著自道光二年起即攤入地糧項下徵收其平定州丁銀亦著一律歸併辦理造冊咨部至與縣等十九州縣情形不一自應次第確查分別嚴辦葉世倬見已簡放福建巡撫如一時不能查辦完竣屆期即移交新任巡撫邱樹棠悉心籌畫分別妥議具奏可也○乙丑添設直隸遵化州理事通判裁州同缺○丙寅諭戶部議駁吉蘭泰鹽斤請由水運一

東華續錄 道光五

摺吉蘭泰蒙古鹽斤自嘉慶十七年經大學士等議奏以該處鹽斤行於內地充斥濫竽查照舊章止准陸運不准水運內地既無虞滯銷而蒙民亦不至失所至今遵行已久實係兩無窒礙自未便輕議更張所有阿拉善王瑪哈巴拉請仍復水運之處著不准行○戊辰申諭廣東間浙嚴緝洋盜○己巳命琦善恭修孔林○辛未諭三載考績乃國家激揚大典朕仰承皇考付畀之重兢兢業業與內外諸臣恪遵成憲共圖郵治茲屆京察之期吏部將京外各大員開單具奏朕詳加披閱酌中覈定雖聞有年老之人察其精力尚不至衰頹有誤職守仍堪留任大學士曹振鏞戶部尚書黃鉞辦理部務本屬妥協又自簡任軍機大臣以來敬共所事實力匡襄禮部尚書文孚在軍機處行走有年小心勤慎克盡厥職大學士伯麟人品端方管理部務甚屬盡心吏部尚書盧蔭溥在軍機處行走多年恪恭匪懈前因管理吏部順天府需人特旨調用亦能盡心戶部尚書英和管理部旗內務府事務均臻妥善且於步軍統領衙門尤能不避嫌怨管轄嚴明禮部尚書汪廷珍品學兼優承辦實錄底本勤慎通達盡心纂輯兩江總督孫玉庭陝甘總督長齡四川總督蔣攸銜均能整理地方察吏安民克副封疆重任江南河道總督黎世序宣力多年一切河務經理得宜永奏安瀾之慶俱著加恩交部議敘吏部侍郎那彥寶屢受皇考重恩不知潔己報效先後辦理河工聲名甚屬平常著降為頭等侍衛前往吐魯番更換寶輿回京不准具摺請訓禮部侍郎善慶庸率無能不勝侍郎之任著回副都統之任行走兵部侍郎吳芳培年力衰邁著以原品休致左都御史顧德慶人屬平庸著以侍郎降補餘著照舊供職特諭○諭御史董國華奏請

一六一

嚴汰各部冗員一摺所奏似是而非各部截取外用簡缺知府人員其未經銓選以前仍在本衙門辦事各有本缺職任正可藉資練習若槩令出缺候選是徒與該員以自便之途既非所以造就人才而於部務仍無裨益所奏不可行至京察注入三等人員例得留任以觀後效該堂官原應隨時察看如該員果能奮勉下屆京察尚准列為上考若如所奏必剋期分別去留休改則三年後察典轉無可汰之員於事理殊覺未協所奏亦無庸議○轉常起為吏部左侍郎調佛住為吏部右侍郎玉麟為禮部左侍郎果齊斯歡為兵部左侍郎以舒明阿為工部左侍郎○調明志為禮部右侍郎以色克精額為理藩院右侍郎○以王鼎為左都御史調陸以莊為戶部右侍郎以周系英為工部左侍郎○以顧德慶為兵部左侍郎○癸酉諭軍機大臣等據朱勳等奏東華續錄 四道光五

河北插帳之循化等處九族野番及鹽池一帶空鹽番戶均狡黠背約抗不回巢又蘊依雙勿兩族句結循貴及四川野番盤踞搶掠等因見已令松筠接署直隸總督著長齡將印務暫交屠之申即行馳驛回任會同松廷將如何設法驅逐之處相機辦理不可張皇其事亦不可稍涉因循總以熟籌妥計速令遷移朱勳另片所奏添派卡防官兵及每日酌給銀兩之處均照所請行○甲戌諭國家考績鉅典原所以黜陟賢否朕釐工熙績一秉大公昨因吏部侍郎那彥寶屢辦河工聲名平常業經降旨降黜因思吳璥當時同往工次列名在前其不知潔己報效聲名亦與那彥寶相等事屬已往姑勿深究若竟以其致仕家居置之不議伊轉得濫邀章服之榮是與那彥寶同罪異罰殊不足以昭示廷臣協符與論吳璥著革去翎頂以示朕甄覈持平之至意

二月壬午准給廣東駐防文武會試舉人及引見員弁路費○癸未准八旗抱養民人為子之繙譯舉人生員改作文舉人生員歸入民籍考試○乙酉命奉天暫停海運糧石○申禁民間私藏烏槍火器○免雲南銅廠民欠工本銀○辛卯諭御史黃中模奏請嚴禁海洋偷漏銀兩一摺所奏是定例廣東洋商與夷人交易止用貨物收買轉買不准用銀立法甚為周備近因民間喜用洋錢洋商用銀向其收買致與江浙等省茶客交易作價甚高並或用銀收買洋貨實屬違例病民不可不嚴行查禁著廣東督撫暨海關監督派委員弁認真巡查出口洋船不准偷漏銀兩仍不時查察如有縱放之員即行參革治罪至洋商與外夷句通販賣鴉片煙重為風俗之害皆由海關利其重稅隱忍不發以致流傳甚廣著該督撫密訪海關監督有無收受黑煙重稅據實奏聞並通飭東華續錄 五道光五

各省關隘一體嚴密查拏如係何處拏獲即應究明於何處行走所有各關縱放員弁即參辦示懲如該督撫訪察不力或瞻徇不奏別經發覺立即加之懲處務期洋船出入積弊革除以清關隘而裕民生○命自道光三年為始內務府三旗女子內所有回子番子之女者無庸入排引看○壬辰予安徽祁門縣明季殉難舉人馬嘉入祀忠義祠○癸巳兵部尚書戴聯奎卒予祭葬○以王宗誠為兵部尚書李宗昉為禮部右侍郎○乙未諭先師孔子德配天地道冠古今我朝 列祖 列宗暨我 皇考仁宗睿皇帝親詣釋奠臨雍講學多士圍橋觀聽洵盛典也朕寅紹丕基心誠嚮慕謹於明年仲春上丁親詣辟雍登堂釋奠用昭崇師重道稽古右文至意其應行典禮事儀著各該衙門先期敬謹豫備○己亥以敬徵朱士彥徐頴俱為內閣學士兼禮部侍郎

一第... 頁...

銜內閣學士徐穎由詹事府

二月丁未 上啟鑾謁 東陵○免經過地方額賦十分之三○

已酉改雲南開化府同知為安平同知割文山縣東安逢春永平

三里俱隸管轄改激江府司獄為安平司獄移駐開化府麗江府

經歷為文山縣江那縣丞移駐江那里○庚戌 上謁 昭西陵

孝陵 孝東陵 景陵 裕陵詣 端慧皇太子園寢酌酒同

變○諭工部承辦 壇 廟工程關繫重大理宜敬謹從事承修

司員法克精額等得受官匠分送成頭銀兩復徇情屬託看冊司

員蒙混銷算該堂官漫不經心以致估辦參差司員朋比受賂又

復毫無覺察吏部分別議以革職降補實屬咎所應得姑念人數

眾多一時簡用乏人著加恩將部議革職之曹振鏞穆克登額盧

蔭溥王以銜陸以莊均改為降四級留任八年無過方准開復部

東華續錄 道光五 六

議降二級調用之穆彰阿果齊斯歡均改為降三級留任部議降

一級調用之阿克當阿那清安裕恩均改為降一級留任其分看

鈔冊之司員亦著加恩量為未減所有部議降一級調用之工部

員外郎慶祿宜昌主事圖明額爾炳曾錫恩均改為降三級留任

此係朕格外施恩該堂司官等當知奮勵後務潔己奉公留

心察弊無得再蹈愆尤致干重咎又諭工部堂官失察司員等得

贓冒銷一案其在任較久之員已降旨加恩改為降四級留任但

仍當示以區別曹振鏞盧蔭溥彼時俱在軍機處行走不能常川

到署其餘各員均係專辦部務乃於司員朋比得贓蒙混銷算毫

無覺察其咎較重工部為工程總匯穆克登額年力衰老稽察未

能周密著調補禮部尚書其工部尚書員缺著文字調補陸以莊

法堂事務王引之著轉補吏部左侍郎杜瑋著調補吏部右侍郎

○壬子諭軍機大臣等阮元奏英吉利國護貨兵船停泊外洋倫

行山夷人赴山汲水與民人鬪毆互有傷斃飭諭該國大班及該

國兵官交出兇夷彼此互相推諉當將貨船封禁禁止貿易該夷

兵狃於該國被傷後致死無須抵償之例延不交兇旋即畏罪潛

逃該大班寄信本國奏知國王照例究辦見仍著落交兇並飭諭

辦理等語天朝定例凡鬪毆致死人命無論先後動手均應擬抵

該夷兵在內地犯事應遵內地法律辦理至該國兵船係為保護

貨船之用該大班承管買賣事務其兵船傷斃民人豈得藉詞延

諉今兵船既已揚帆駛逸兇夷自必隨往著照所議准令各船開

船下貨仍飭該大班告知該國王查出兇夷附搭貨船押解來粵

按名交出聽候究辦至該國護貨兵船向止許在外洋停泊買物

東華續錄 道光五 七

取水應由買辦承管既據該督飭諭告知該國王見在粵洋無盜

以後無庸再派兵船赴粵如貨船必須保護亦應嚴諭領兵官恪

遵內地法度彈壓船內夷兵一切俱由大班管束經理均著照所

議妥辦該督仍當隨時稽察嚴密防範勿致別生事端○癸丑

上還京師○甲寅 上奉 皇太后啟鑾謁 西陵○免經過地

方額賦十分之三○乙卯諭前於嘉慶八年因 裕陵 隆恩殿

年久虧朽查勘拆修係莊親王孫課戴均元蘇楞額專司承辦理

宜倍加慎重揀選堅實木料敬謹成造以期億載鞏固乃甫屆二

十年即露虧朽情形實係當時辦理不善其原報及查勘各員又

未據實確查具奏當交宗人府吏部嚴加議處茲據分別議奏未

能盡為允協莊親王孫課承修 陵寢要工始終其事辦理草率

是年十二月內前往衡家樓督辦河工尚可量為末減戴均元著
 加恩降四級留任革去經筵講官太子太保無庸管理刑部事務
 蘇楞額辦理工程年久 皇考念其尚為諳習特加委任今乃疏
 忽從事以致工料未能經久其咎更重著照議革職即在工次聽
 候差使所有 隆恩殿工程明年擇吉興修仍著蘇楞額均元督
 同蘇楞額敬謹妥辦以觀後效其嘉慶八年以後重修案內動用
 錢糧物件及見搭月臺等項統共計以十成著蘇楞額賠繳五成
 蘇楞額賠繳二成戴均元賠繳一成其餘二成著原修之監督司員
 無論見在已故按照辦工月日分別賠繳仍查取該司員等職名
 交部嚴加議處至原報未經確查之果勒豐阿永康均著照議降
 三級調用照例各折罰世職俸半年不准抵銷恩銘彼時係總管
 內務府大臣查工是其專責並未據實具奏恩銘著降四級留任

東華續錄 道光五年

八

王以銜僅止查勘未能周到著降一級留任○諭軍機大臣等文
 幹等奏申嚴邊禁一摺據稱藏屬西南邊缺絨轄爾營官所管之
 納溪山洞向有安都喇嘛磋竹讓珠在彼念經修行上年該喇嘛
 以廓爾喀地方吉絨噶速塔頂坍塌擬請募修當經噶勒丹錫呼
 圖薩瑪第巴克什寄信阻止該喇嘛仍派徒眾十餘名由聶拉木
 出境在陽布雇匠興修廓爾喀亦派彼處喇嘛幫同修理見在塔
 頂已修七層工程將次完竣該喇嘛磋竹讓珠明年即前往開光
 等語廓爾喀地方雖經內附究在唐古特邊外該喇嘛擅派徒眾
 徑赴陽布捐修吉絨噶速塔工實屬私越邊境既據該大臣等查
 明該喇嘛平日修行尚為安靜因不諳定例致蹈愆尤若遽令中
 止頓棄前工恐邊外夷人免心生疑懼著照所議於該喇嘛修
 塔事畢後即將前差徒眾速行撤回並嚴飭該喇嘛磋竹讓珠不

准親往開光嗣後如有欲作善事者須令在內地盡心籌辦無許
 再行私越境界致干重咎至聶拉木營官於該喇嘛出境時既未
 嚴行阻止又不隨時稟報殊屬有乖職守見任營官拉爾吉雄巴
 著即行斥革以示懲儆其絨轄爾營官於境內居住之喇嘛私行
 派赴邊外毫無覺察亦屬疏忽所有兼管該營官之後藏戴琿汪
 金彭楚克著不准其兼管營官事務仍罰俸一年其所出營官缺
 即咨行噶勒丹錫呼圖薩瑪第巴克什另選番弁會同驗放以實
 營額而重邊防該大臣等務嚴飭各邊界營官遵照定例一體嚴
 密稽查不准番夷僧俗擅自出入致滋弊端如有私越邊界者即
 行從重懲辦○命改繞斗峪為寶華峪○戊午 上謁 泰陵
 泰東陵 昌陵○臨奠慧安和碩公主慧愍固倫公主園寢○己
 未清明節 上謁 昌陵行敷土禮回鑾○壬戌 上謁 孝穆

東華續錄 道光五年

九

皇后殯宮前酌酒○臨奠莊靜和碩公主莊敬固倫公主園寢○
 奉 皇太后還京師○丁卯封浙江鄞縣宋翰林院侍讀晁說之
 之神為孚惠侯○庚午諭軍機大臣等長齡等奏籌辦驅逐番帳
 調派官兵並酌給鹽糧歇折等項各等語野番背約遷延名為貪
 戀水草實圖便於搶掠必當示以兵威嚴加懲創既據該督等調
 派督標及附近各提鎮屬官兵八千餘名緊顧東西北三面分途
 併進並咨會蔣攸銛於路通蜀藏處所豫為防範均著照所議辦
 理該督等惟當相機審度籌及萬全如該野番等知難逃迅速
 遷移河南著即停止前調官兵以節糜費如敢恃眾抗拒即當督
 率官兵痛剿俾番族咸知儆邊圍悉臻靜謐至所謂官兵需給
 口糧柴薪及經過州縣應付騎載車馬該督按照各營道里遠近
 酌定齊集日期自離營之日起照出征例支領鹽糧歇折等項按

程行走亦著照所議行○辛未命江西推廣社會成法准民間質押穀石○壬申以辛從益為內閣學士兼禮部侍郎銜由太常寺卿遷○添設河南考城營遊擊守備各一

閏三月己卯申諭各省偶被偏災迅速勘辦○庚辰諭從前盛京吉林捕得虎熊豹俱經進獻惟虎因南苑內演習技藝往往需用熊豹並無用處將此字寄盛京吉林將軍等二十七箇月後該處如捕得虎子仍令照常齎送熊豹著無庸進獻○辛巳命奉天仍運高粱粟米接濟山東登州等府民食○壬午申禁福建廣東械鬪積弊○癸未諭順天武鄉試大典乾隆年開定於十月初五日開弓十一日出榜至嘉慶九年始改為十月初七日開弓十二日出榜因思校藝時日自應稍從寬裕嗣後順天鄉試外場著仍照舊例於十月初五日開弓十一日出榜著為例○乙酉諭孫玉庭東華續錄

道光五
等奏覆查江蘇省攤捐各款確數籌議一摺前據戶部駁議該省攤捐成數過多州縣辦公不能寬裕未便議准當經降旨令孫玉庭等再加確覈如可酌減及以開款調劑之處另行熟籌妥議茲據該督等奏稱常年攤捐各款江淮等屬計算不及二成蘇松等屬計算亦止二成有餘仍可照舊捐辦其蘇州等屬遇事派捐各款較江淮等屬為數稍多請於司庫籌撥銀兩生息係為調劑起見著照所請即於江蘇藩庫耗羨等項下撥銀十萬兩發典生息每年共得息銀一萬二千兩是遇事攤捐之款已酌減十分之四各屬州縣儘可從容辦公此後如有不知檢約藉口虧那者該督等即隨時據實參辦倘有徇隱別經發覺惟該督撫是問○申諭京城內外嚴緝劫案○穆克登布以年老免以禮恩為理藩院尙書由戶部左侍郎○丙戌調果齊斯歡為戶部左侍郎以常福為兵

部左侍郎由部○辛卯以服闋巡撫會煥為兩淮鹽政仍用二品頂帶○予明臣劉宗周從祀 文廟○癸巳諭文幹等奏後藏糧員向派佐雜微員管理多有侵虧情弊請與前藏及各臺糧員一律派委州縣丞倅等語著照所請後藏糧員缺該督即於州縣丞倅內速行揀派飭赴後藏接管糧務嗣後均著照此揀派○甲午 上臨故慶僊親王永璘殯所賜奠○乙未諭軍機大臣等據刑部奏械鬪之案起於閩省漳泉二屬而粵東惠潮為尤甚近來江西湖南浙江廣西各省亦間有致斃多命情近械鬪之案本年閏三月初旬廣東省咨到人命案內有潮州府屬賄買頂兇旋即破案將頂兇之人依例擬徒另緝正兇者共三十七件大半皆火器竹銃殺人而起釁多因口角細故見在報部頂兇之案數日之間至三十七件之多若非串屬賄買何肯輕生頂兇若無主謀斂錢買兇之人又何以械鬪致斃多命之案輒甘心頂認見雖審明頂兇而各案原謀糾鬪之犯並未究出定例主謀首禍罪名實浮於下手斃命之人總應嚴辦主謀稍寬從犯請飭各該督撫查明械鬪情形妥議章程等語械鬪逞兇糾殺多命最為風俗人心之害而地方官規避處分往往分作尋常命案辦理不究首禍之犯致兇徒無所儆畏著廣東福建廣西江西湖南浙江各督撫查明近年械鬪情形應如何申明禁令將斂錢聚眾之人飭地方官留心訪察嚴拏懲辦不至再釀巨案如有糾眾致斃多命之案其首禍原謀應如何按糾眾人數致死命數分別加重治罪及執持火器刀械下手之犯應否分別稍予從寬詳細妥議章程具奏○庚子賜戴蘭芬等二百二十二進士及第出身有差○諭前據直隸藩司屠之申奏直隸差務殷繁議請於每地一畝攤徵差銀

東華續錄 道光五

一分以均徭役當經降旨批示俟顏檢到任後妥議奏聞再降諭旨茲據顏檢查明據實覆奏該藩司減差均徭之說實不可行所論極是賦役之制東南則賦重役輕西北則賦輕役重立法至為深厚若如該藩司所奏是役重而賦並重其意何居嗣後直隸辦理差役著顏檢嚴飭該管道府仍遵舊章各就地方情形斟酌妥辦該督仍隨時查察該州縣如有能體恤民艱公平允協之員據實保舉其有聽信書役任意浮派苛累者指名糾參治罪若有劣矜藉端包攬刁民串通妄控者立即審明按律嚴懲則吏治自肅而民生可期日裕矣至屠之申未能體察情形冒昧陳奏意在藉賦以收減差之實效不知適藉差而添加賦之虛名累官病民其弊不可勝言屠之申著交部嚴加議處尋議革職得旨著加恩降為知府留於直隸候補交顏檢差遣委用○癸卯調鄭裕國為直隸布政使程國仁為江甯布政使以陳中孚為廣東布政使黃鳴傑為廣東按察使由直隸調○是月蠲緩奉天甯遠等三州廳額賦

夏四月己酉諭近來京外各官遇有遷擢皆於召見及接奉批摺後始換升銜頂帶本非舊制嗣後京外升任人員京官自奉有諭旨外官自接到部文後著即換用升銜頂帶○庚戌長齡等奏剛咱等族番賊向西南逃竄官兵馳赴托里地方截擊獲勝○癸丑允戶部議京倉米石以放代盤○甲寅諭英和等奏米石例禁請循照舊章等語嗣後著仍照舊例細米一石以內實係鄉民買食者准其出城其糶米顆粒不准出城城外之米無論細粳不准其出境城內責成城門領催城外責成各營汛員弁等分別實力巡查如有得錢賣放失察偷漏即行據實究辦如管門官兵將鄉

東華續錄 道光五

十三

東華續錄 道光五

十三

民買食細米索詐阻擊照例治罪至米店確房如有違例囤積至五百石以上者查明照例嚴辦以除積弊○丁巳添設四川重慶鎮中營千總一駐浮圖關○辛酉長齡等奏進剿番賊連獲勝仗賞賚有差○辛未尊藏加上 孝敬憲皇后 孝聖憲皇后 高宗純皇帝 孝賢純皇后 孝儀純皇后 尊諡冊寶於 太廟 盛京 太廟並尊藏 仁宗睿皇帝 孝淑睿皇后 冊寶於盛京 太廟○諭軍機大臣等長齡等奏官兵殲斃番目餘賊窮蹙散竄見仍趕緊接捕一招各路鎮將帶兵追剿野番併力攻擊或夜襲賊營或用礮轟擊連獲勝仗殲擒番賊數百人奪獲牛羊萬餘隻餘賊俱向雪山一帶逃匿長齡等慮及餘賊西竄飭令副將丁永安等緊顧西北知會提督齊慎移師南來該提督探有番賊藏匿連夜帶兵進發該匪等恃險抗拒即分布將弁親督官兵直

衝山梁復殲斃番賊二百數十人奪獲牛馬羊隻五千三百有奇生擒噶布古等十六名訊據供出剛咱族大頭目乙旦木已被官兵殲斃見將割取首級及所穿棉甲令喇嘛蒙古等辨認屬實所辦甚好覽奏實深嘉慰提督齊慎著賞給松石馬字翎管一箇白玉搬指一箇大荷包一對小荷包四箇以示嘉獎外發去珊瑚翎管五箇洋瓷鼻煙壺五箇文竹搬指套五箇玉柄回子小刀五把著長齡等分賞出力官弁所有帶傷官弁四員兵九名陣亡兵三名著卹卹部照例卹賞見在擊散番賊俱向雪山一帶竄匿該處寒瘴最甚斷難久延該督等當督率官兵趁此天時暖熱趕將零匪接捕淨盡迅速肅事用副委任

五月丙子諭徐錕奏西安駐防八旗各佐領下生員及已冠童生必須設立書院以資教導請於馬廠地租項下餘贖銀兩並存庫

馬價銀內暫行借撥發商生息以爲延師修脯及月課獎賞之用等語滿洲風俗以清語騎射爲重其有志讀書勤學上進者原可自得師資豈盡在官爲訓課始能獲益且近來各省書院日就廢弛均係有名無實朕所深知該將軍奏請撥款設立書院行之日久必致仍屬具文於造就人才終無裨益所奏著不准行○己卯諭內外臣工陳奏事件原不應有副封關會該管衙門自嘉慶四年欽奉 聖諭飭禁之後各省督撫提鎮等俱各慎遵將另咨軍機處副封奏底悉行禁革乃理藩院衙門向有新疆西北兩路將軍都統大臣及駐藏大臣等將奏事摺底另用副封關會者至今尙未裁革殊屬非是著再通行曉諭該將軍都統大臣等嗣後陳奏之事除審案供招應咨該衙門查覈外槩不准以副封摺底仍前關會儘不祇遵理藩院堂官卽據實參奏將關會之員交部議處若理藩院堂官不行參奏將來別經查出定將該堂官一併懲處不貸○諭各省借項修築民堰官爲經理者三年內如遇衝決照官隄例賠修○壬午諭長齡等奏勦捕番賊已就肅清一摺青海口外野番抗不向巢經該督等率領官兵奮力追勦屢獲勝仗該野番分竄雪山長齡督飭鎮將不避艱險入山搜捕盡數殲除迅速成功甚爲可嘉覽奏欣慰允宜渥沛恩施長齡著加恩賞帶雙眼花翎交部從優議敘並親書御製詩扇一柄賞賜用昭優眷○毓岱以病免以阿霖爲江西巡撫成格爲浙江布政使前任山西巡撫○甲申莫晉以議奏倉場盤查事宜負氣爭論降內閣學士調張映漢爲倉場侍郎卸○乙酉宣示硃批倉場侍郎莫晉奏摺莫晉奏查倉簡易之法懲弊於事後不若杜弊於幾先以意用法則權變無方批以智術馭下朕不爲也又奏執法防姦則稽查有盡

東華續錄

道光五

十四

東華續錄

道光五

十五

批辦理庶政不執法將何所執耶又奏近日以放代盤之議部臣以爲良法美意而臣願斥爲下策拙謀誠以善處事者當行所無事不可轉增無事之擾也太倉陳因之積原非可銖銖而計石石而量批汝之忽遲忽速或略或詳方是無事之擾也此與盤其多少不符者若干厥實虧若干石非自相矛盾乎又奏向例每年欽派查倉大臣查倉御史何嘗不隨時點驗覈實鈎稽原不過得其大槩情形決不能周知底裏非特他人無由信其必無虧短卽以臣之久任倉場亦烏能保其有虧與無虧哉批不因久任亦不如此回護可恨又奏如戶部新例則處處室礙勢必公私交病咎展橫生批又不能指出所以然者恫疑虛喝將誰欺耶又奏徒使各倉場胥役巧借彌補之名陰肆剋扣之術批朕恐無暇及此又奏恃有新陳搭放之例暗操高下其手之權批平素能保其不如此乎又奏但盤查固非可常行尤未可全廢批汝自有良策又奏法有限而弊無窮決非一定之章程所能箝制批一切章程例制全係無用之舉惟一詐字是汝之護身符也又奏莫若先聲後實以勢驅之批又是一派智術又奏昨奉旨交大學士軍機大臣會同九卿覈議自必另有長策復何待臣言願念耕當問奴織當問婢臣久司倉務不敢不效其一得之愚批好比擬可發一大笑此時尙早日後恐不免有問汝之處矣又奏懇於羣臣議上時明降諭旨大意謂天庾正供理宜慎重必當隨時查覈以杜弊虧但部議以放代盤與嘉慶年間名同實異紛紛改變前章殊非善策姑暫行停止俟秋間漕竣後另行降旨徹底清查如此則各倉官吏知不久終必盤查設或有虧必且暗中設法逐漸彌補及至秋冬之交不見盤查又恐來歲舉行終不敢放膽作弊批導朕以詐更可

惡矣又奏嗣後或風聞何倉虧短又或不待風聞特旨專盤一倉
 欽派大臣查驗按照實貯清冊逐版子細覈對止盤其多少不符
 者若干廢實虧若干石嚴行究辦便可懲一儆百時時作欲盤查
 之形及至盤查卻甚簡捷虛聲實法相附而行批一片狂言巧掉
 蘇張之舌又奏或一歲一盤或閒歲再盤又或三四年或五六年
 一盤其期忽遲忽速其法或略或詳使人不能測度批教朕如此
 存心如此辦事朕雖不明亦不至如此庸闇受此愚弄貽笑於將
 來也又奏或可使太倉實貯久遠無虧批必如此多方詭譎止落
 得一箇或字可謂謀國之忠臣矣又批爾大臣等閱此必謂朕勃
 然矣不然朕自幼承受 教訓鞠育之恩擇師誨導涵養有年雖
 不敢自信恢宏亦不至蠢腐褊狹事愈大心愈小情愈急氣愈和
 此朕自勵之常規也即如莫晉任性狂言斷不能受其欺罔亦不
 東華續錄 道光五 夫
 肯治以重罪惟恐因一人一事有誤將來故特將莫晉此奏及朕
 之批駁原委宣示諸卿知之○丁亥以廉善為熱河都統調王麟
 為刑部左侍郎轉明志為禮部左侍郎調齡椿為禮部右侍郎以
 齊布森為盛京工部侍郎由左副都御史遷○辛卯吏部右侍郎佛佳以
 疾免○丁酉以多福為左副都御史由古城領○戊戌諭文學等
 奏研訊承審命案各員乖謬顛倒並已革知縣曾經得贓大槩情
 形一摺所奏訊出各情與朕訪聞無異可見細心推鞠秉公持正
 可嘉之至陝西巡撫朱勳歷任有年於地方人命重案任聽屬員
 顛倒是非舞弊枉法其咎甚重鄧廷楨前在西安府任內承審此
 案堅執已見並不悉心推究且與該縣徐潤信函有將就完結無
 庸開檢之語看此行爲竟是昏庸無識之人且恐別有情弊豈復
 能勝藩司之任朱勳鄧廷楨俱已降旨解任交文學等傳案實訊

矣鄧廷楨已諭令阿霖派員押解赴陝文學等如訊出鄧廷楨有
 賄託別情著據實嚴參即審辦此案之督撫司道如有執法情弊
 亦應嚴懲辦理此案於吏治民風大有關係文學等務須徹底嚴
 究伸直屈枉誅墨傲貪以端風俗而正人心斷不可稍存將就之
 見使該劣員等得以倖免罪戾也○解朱勳任以程祖洛為陝西
 巡撫陸言為山東布政使由湖北按察使遷○解鄧廷楨任以誠端為江
 西布政使調常文為陝西按察使由山西調○己亥諭軍機大臣等長
 齡等奏番賊悉數殲除青海全就肅清一摺長齡等此次勦辦野
 番甫經兩月將蘊依等二十三族野番抗拒者盡數斃俘不留遺
 孽偏脅者咸從寬貸押回原處恩威並用國法不彰見在黃河以
 北全境肅清蒙古邊氓悉皆安堵辦理妥善可嘉覽奏深為欣慰
 前已降旨令長齡等曉諭蒙古王公等勉思振勵自相保衛此時
 東華續錄 道光五 七
 須將善後事宜籌畫周妥該督等當計及久遠詳慎定議俾邊圉
 永臻安謐方為不負委任○定提督以下失察 陵寢禁地盜樹
 處分○調常德為山西按察使以盧元偉為直隸按察使由廣東遷
 ○調黃鳴傑為湖北按察使以李澐為廣東按察使由福建遷○辛
 丑河南漳河決○壬寅停止巡漕御史○召廉敬來京調玉輅為
 江蘇布政使誠端為雲南布政使以潘恭辰為江西布政使由廣東遷
 ○是月展緩河南睢州等十五廳州縣通賦蠲緩河南睢州
 等十六州廳縣沙壓隄占水占地賦直隸滄州等五州縣並嚴鎮
 海豐二場被水賦課緩徵陝西岐山縣山東郟城等六縣衛被災
 新舊額賦
 六月癸卯朔諭定親王蘇恩端謹持躬賢能著續自幼仰蒙 皇
 祖高宗純皇帝恩眷迨我 皇考仁宗睿皇帝親政以來疊蒙

簡昇管理旗營及各衙門事務授為御前大臣俱能盡心職守力
矢公勤不意自上年遺疾時發時愈尙能勉趨公及本年春間
疾作較前加劇朕每派人存問遣醫診治並派惇親王代朕看視
猶冀剋日就痊用資倚任茲聞溘逝實深震悼著賞給陀羅經被
派大阿哥即日帶領侍衛十員代朕前往賜奠並著惇親王瑞親
王同往奠醑加恩於例賞外由廣儲司庫加賞銀五千兩經理喪
事朕再示期親臨賜奠以示優卹所有任內處分悉予開復其餘
飾終典禮著各該衙門察例具奏尋賜祭葬諡曰恭○以京控日
多飭學訟棍○以費丙章為廣西按察使由江甯准○乙巳移宛
平縣丞駐門頭村○丁未 上臨故定親王縣恩第賜奠○諭定
親王縣恩孝友性成忠勤懋著自少至老疊蒙 列聖隆眷益謹
慎持數十年如一日本日朕親臨賜奠悲悅實深特頒御製詩
東華續錄 道光五
章並仰體我 皇祖高宗純皇帝暨我 皇考仁宗睿皇帝眷顧
恩意用廣錫類之仁益篤懿親之典其子貝勒奕紹於百日孝滿
後仍著承襲親王該衙門不必帶領引見所有應行事宜著該衙
門察例具奏並派滿洲軍機章京將本日諭旨及御製賜奠詩齋
交奕紹載銓於王靈幃前焚化至殯送之前一日朕仍親往賜奠
以示眷念宗親有加無已之至意○諭各省請旨簡放之缺不准
以在省候補人員奏請○壬子定漢軍親老人員改近終養例○
癸丑諭伯麟年逾七旬素患骸疾前在雲貴總督任內以協辦大
學士來京供職朕御極以來特加簡任授為大學士仍令管理部
旗事務因其步履艱難格外體恤一切引見差使有時免其帶領
此朕恩體耆臣之心在廷諸臣共知共見伯麟身為宰輔自當循
分盡職本日召見議及到事宜據奏將來旬到尙可調養半月

東華續錄 道光五

勉為趨事至明日御門典禮即不能進跪御前因免冠叩首據稱
若於外任差使不過坐辦尙能報效等語冒昧已極伯麟如果自
揣精力就衰即當引疾求退乃既不辭免轉生出位之思試問以
大學士出就外任非昇以封圻不可伊止知總督之養尊處優而
不知任大責重以伊衰暮之年使加以簡任尙安望其稱職無忝
乎人臣進禮退義原不應竊祿希榮伯麟竟欲以要君之舉堅其
戀棧之心膽大荒謬真此為甚若仍再事姑容何以飭朝綱而服
寮案伯麟著以原品休致念其清文諳熟仍著充 實錄館總裁
並賞給半俸俾得敬專其事以示格外施恩○甲寅賞故漕運總
督桂芳子炳奎六部主事○戊午諭據吏部議奏史致光等請將
經歷姜元吉題升保山縣知縣查明該省見有候補知縣該督等
率將佐雜人員題升實屬違例所有保山縣知縣一缺著照吏部
東華續錄 道光五
所議以高崑補授其違例保題之該督撫著交吏部察議嗣後各
省無論題應調及應選缺出該督撫俱當按照一月具題定限
不准故為延閣其或選員未定不能如限具題須將後出之缺先
行題補著即隨本聲敘緣由以憑查覈如有無故延閣履職請補
者著該部查明嚴參以杜蒙混擇缺之弊將此通諭各直省督撫
知之○己未諭禧恩等奏理藩院議覆烏里雅蘇台將軍特依順
保具奏烏梁海地方驅逐潛住之哈薩克及科布多商人私向杜
爾伯特交易一摺松筠於奉旨交議後會向禧恩言及俟定議後
將摺彙先行送看並向該司員告知理藩院定彙後即行送來
並交圖樣一紙該司郎中珠拉於畫彙後即交員外郎定泰向松
筠繳回原圖松筠向其索彙閱看將彙刪改等語六卿分職各有
專司若將別衙門所辦之事妄加刪改實為罕見罕聞即和坤當

二六九

日之專權橫恣亦未敢公然出此松筠係屢次獲咎之人朕御極以來特加錄用外而都統內而尚書並簡任軍機大臣加恩實不為不厚伊應如何力改前愆圖報稱乃越俎專擅至於此極實屬膽大妄為設軍機大臣於各部院應辦之事皆得越分干預尙復成何政體此而不嚴加懲辦何以示戒於將來松筠著大學士軍機大臣會同九卿議罪禧恩於松筠向其言及議奏之事屬令給稟閱看並不及早參奏又失察司員將奏稟擅交刪改禧恩博啓圖色克精額俱著交部議處理藩院郎中珠拉於該堂官判暨奏稟後不即持回署內轉交員外郎定泰送松筠閱看厥咎惟均珠拉定泰俱著交部嚴加議處○諭長齡等奏青海地方全就肅清移住蒙番防守一摺循化貴德野番前此盤踞助勒蓋克烏蘇一帶原係蒙古貝勒特里巴勒珠爾等六旗游牧地方見今大東華續錄 道光五

兵將野番剿除淨盡該督等諭令該貝勒等各歸原牧僉以移居青海已久人少勢孤不願復業該游牧地方寬闊若強令遷回勢不能防守藩籬著照所議助勒蓋一帶即令察罕諾們汗移居克烏蘇一帶飭回阿里克大百戶住牧均各給予執照俾垂久遠每歲河冰結後責令分段防河並於冬春兩季賞給該諾們汗及阿里克大百戶置備口糧銀各一千兩用示體恤見在阿里克大百戶歡布他拉已故其子喇沁納木扎爾尙未承襲係歡布他拉之弟乙達木代管其事乙達木著賞給六品頂帶及身而止俟喇沁納木扎爾襲職後仍責成佐理以資防守其向年會哨之兵即行停止至察罕諾們汗失察屬下勾結野番屢次搶掠本有應得之咎姑念此次隨營出力又將該旗賊犯查拏送究著加恩免議○命海齡專辦副都統事以明山為刑部右侍郎調嵩孚為貴州

巡撫以羅含章為廣東巡撫調陳中孚為河南布政使以蘇明阿為廣東布政使訥爾經額為湖南按察使由山東兗沂○山東衛河溢○壬戌諭昨因禧恩等參奏松筠刪改理藩院奏稟降旨交大學士軍機大臣會同九卿議罪茲據大學士曹振鏞等會議具奏松筠以吏部尚書在軍機大臣上行走如果於邊疆事宜確有所見自應於召見時據實面奏或恐不能詳盡亦可另摺敷陳即理藩院所議果有未協松筠何難於該衙門具奏後專摺奏駁乃輒將該堂官定議摺稟任意刪改實為從來未有之事大學士等議以革職發往新疆效力贖罪本屬咎所應得但松筠年逾七旬遠赴戍所亦難望辦公出力念其清文尙為諳熟松筠著加恩以六部員外郎候補在上書房繕譯諳達上行走以示朕格外施恩至意○予故直隸總督方受疇祭葬○甲子申禁直省各衙門額

外增置書役○丁卯諭軍機大臣等據孫玉庭奏接兩淮鹽政會煥鈔寄覆奏御史條陳鹽務事宜摺稟內有輪規常散一條會煥意在整頓該督以兩次接陳若霖來信楚省自上年散輪後商人極見相安並無跌價搶賣之事若散售未久仍復整輪水販必致觀望民間將虞淡食並據運司錢寶甫前在湖北鹽道任內稟稱未經封輪以前及封輪以後商運暢旺消乏情形指陳最為明白請交湖廣督臣確查實在岸情隨時制宜再行定議施行等語此事前據會煥奏稱封輪章程行之年久商販相安自散輪之後爭先搶售跌價水販乘機壓勒於國課民食均無裨益請照舊封輪銷售輪規之整散關乎銷引之暢滯而疏引裕課以漢岸為重督銷專責尤在楚省熟籌辦理著陳若霖詳查楚岸見在情形是否必須散輪抑或照舊封輪之處悉心妥議具奏務期鹽引暢消商

本無虞虧折小商不致守候方為至善不可稍有回護○定誣竊致死治罪例○添設江南徐州府峰山河埝千總一協防效用各二天然開河埝把總一協防效用各二○戊辰命長齡為文華殿大學士兼管理藩院事以戶部尚書英和協辦大學士調文孚為吏部尚書禧恩為工部尚書以那清安為兵部尚書玉麟為左都御史轉明山為刑部左侍郎以恩銘為刑部右侍郎調裕恩為吏部右侍郎齡椿為工部右侍郎博啓圖為禮部右侍郎以海齡為理藩院侍郎由副都統遷○己巳以富俊為理藩院尚書由吉林將軍遷○移江西贛州府通判駐大湖江○是月賑山西興縣水災緩徵江蘇海州宿遷縣雹災額賦並邳州等六州縣借修民堰銀

東華續錄

道光五

五

東華續錄

道光六

臣王先謙敬編

臣周瀚蕃恭校

秋七月乙亥定准商辦公銀數革除加帶銀兩場壩黑費趕納豫納及商人首總名目○丙子 上再降故定親王繇恩第賜奠○丁丑命琦善治衛河姚祖同治漳河○甲申諭軍機大臣等呢瑪善等奏遵旨調集官兵籌辦果洛克番賊一摺果洛克番賊搶劫西藏堪布前經查獲原賊係達四等寨所為自應就案辦理大加懲創見據該將軍等查明該處道路可以通行札調漢土官兵前往查辦著桂涵飭令德印先行馳赴該處傳喚索朗丹巴密諭安分之各番寨毋使驚惶並密探達四等寨番賊蹤迹嚴行圍捕桂涵仍帶兵在相距三十里地方暫為駐紮如該番賊震懾兵威將此案正賊悉行縛獻即就地訊明懲辦取結完案備員嚶觀望著卽統率官兵設法勦捕分路拏務期悉數捕誅肅清邊境○姚祖同緣事解任調程祖洛為河南巡撫以程國仁為陝西巡撫戴三錫為江甯布政使魏元煊為四川按察使由雲南巡撫遷○以王鼎暫署河南巡撫由左都御史署○予告大學士三等襄勇侯明亮卒命鄭親王烏爾恭阿賜奠賞銀一千五百兩治喪賜祭葬諡文襄入祀賢良祠○乙酉命嗣後見任官員不准加捐職銜著為例○丙戌諭繇課等奏恭建萬年吉地工程一摺本日特召戴均元英和同軍機大臣入見面諭我朝自開創以來敦尚淳樸 列祖 列宗黜華崇實 貽謀宏遠奕禩昭垂朕紹登大寶恪遵 成憲特派大學士戴均元等於 東陵界內選擇寶華峪為萬年吉地復派繇課戴均元英和等敬謹辦理節經諭令一切工程務使樸質並

諭以寶城內月臺碑亭等工程酌量裁減地宮內之起脊琉璃黃
 甄頭停金券內之經文佛像及二柱門俱行裁撤其石像生一項
 量為收小井上石欄無庸起建亭座茲據縣課等奏稱應裁減者
 俱行裁減大殿舉架落矮之處俟採辦木料時再行覈減寶城頭
 停方城紅牆臺基各尺寸均經酌定俱著照所議辦理國家定制
 登極後選建萬年吉地總以地臻全美為重不在宮殿壯麗以侈
 觀瞻朕於嘉慶二十三年隨侍 皇考仁宗睿皇帝巡幸盛京恭
 謁 祖陵瞻仰 橋山規制實可為萬世法守朕敬紹 先型謹
 遵 前制固不敢稍涉奢靡失朕初心亦不敢過從簡陋有所難
 言但恐將來踵事增華有加無已是以節經降旨槩從樽節俾世
 世子孫仰體此意有減無增永守清樸家風從此累次遞減相傳
 勿替實為我皇清萬世無疆之福也所有地宮應用錢糧數目著
 東華續錄 道光六 二
 工部先行估計交承修各員覈實辦理此旨著另錄一通交上書
 房存記○辛卯諭戶部奏各直省收捐監生歸補封貯銀兩請令
 覈實歸補足額並請將已補足額省分停止外捐監生一摺各直
 省外捐監生原為歸補封貯嗣經戶部議奏以收足十萬兩解部
 以續收五萬兩歸還封貯相間輪轉迄今已閱二十餘年之久據
 戶部查明統計收捐監生銀數除因軍需動用及歷年解部並見
 存司庫外實歸還封貯銀三百七十三萬五千六百餘兩尚未歸
 還三百六十一萬三千九百餘兩此內惟浙江江西湖南江蘇廣
 東五省已歸補足額其餘各省尚未補足著該督撫將此項捐銀
 應解部者即行解部應歸補者即行歸補不得因有需支撥輒請
 暫留應用以期覈實歸款所有已補足額之浙江等五省外捐監
 生即行停止其歸足後續收銀兩儘數解部嗣後何省歸補完竣

即隨時奏明停止自此次歸補足額之後不准擅行動墊如有急
 需奏明動用即行籌歸原款備經理不善任意提支那墊一經查
 出惟該督撫藩司是問以重庫貯而垂經久○乙未 上臨故大
 學士襄勇侯明亮第賜奠○諭廉善奏伊母患病時發時愈口外
 並無良醫恐日久氣體漸頹致伊誤公請開缺侍親回京就醫等
 語廉善著加恩准其開缺回京俟伊母病痊之日另行賞給差使
 此係朕以孝治天下之意念其母病格外施恩為臣子者斷不可
 因有此旨輒以私情率請致啟規避捏飾之漸○丙申命恭修
 仁宗睿皇帝本紀○裁閩洋緝捕米艇○賑直隸霸州等二十一
 州縣水災
 八月癸卯河南新蔡教匪朱麻子滋事命程祖洛捕治之○封故
 浙江嚴州府知府王光鼎為昭應伯○丁未諭陳若霖覆奏查明
 東華續錄 道光六 三
 楚岸散輪後銷鹽暢旺情形請無須照舊封輪又據會煥奏上年
 散輪後商船搶售水販挑剔眾商觀望陳明議整輪規實情各一
 摺此事前據孫玉庭因會煥有輪規宜整之議將楚省上年散輪
 後商販踴躍情形具奏當交陳若霖詳查妥議茲據奏自上年散
 輪之後各路商販雲集向來官引未能流通之處客販亦源源而
 至一年之內比較封輪之年共溢銷鹽二十六萬四千餘引行銷
 實為暢旺商船水販並無搶售跌價乘機壓勒等事湖南湖北兩
 省各州縣民間食鹽價值較減若復整輪換售在水販稽留觀望
 不能源源買運而大商把持壟斷擡價加耗民有食貨之虞私梟
 即得以充斥仍請散輪銷售而會煥復請整輪以培商力輪規之
 整散原為恤商以便民若專顧商情有礙民食其流弊豈可勝言
 既據陳若霖查明散輪後商民兩便並無搶售壓勒之事著照所

議仍行開輪銷售如實有商情未協之處俟試行一二年後再將實在情形奏明辦理該督等不得因定議在前稍存回護遷就之見以致累商誤運○諭那彥成等奏審明渭南縣民柳全壁毆斃人命承審各員辦理乖謬分別定擬一摺此案已革渭南縣知縣徐潤於承審時受人屬託就案詳結以致疏脫正兇事後復得受酬謝賊銀實屬故出人罪著柳號兩箇月滿日發往伊犁充當苦差以示懲儆已革候補知縣姚治雖無聽受賄屬情事惟率將屍親些次掌責殊屬躁妄著加等問擬杖徒解任江西藩司鄧廷楨前在西安府知府任內於所屬命案不能悉心審辦並恐屍遭蒸刷拘泥例文堅不開檢偏執枉縱但訊無貪酷重情著即行革職加恩免其發往軍臺前任陝西巡撫朱勳於屬員勒取悔結審斷乖謬漫無覺察咎實難辭前經部議革職姑念其尚無徇縱別情

東華續錄 道光六 四

著加恩以四五品京堂來京候補長齡審辦此案據實平反惟未能審出徐潤事後得贓實情著交部察議○廣東巡撫羅合章奏請復姓程氏允之○召史致光來京以明山為雲貴總督由刑部○戊申召慶保來京以趙慎畛為閩浙總督盧坤為廣西巡撫朱桂楨為甘肅布政使調吳榮光為浙江按察使以蘇成額為福建按察使由江西○己酉調陸以莊為刑部右侍郎以朱士彥為兵部右侍郎由內閣○新蔡逆首朱麻子就擒○庚戌諭朕恭閱皇考仁宗睿皇帝實錄內載嘉慶十六年六月奉 聖諭部院捐納各員俱係籤分學習行走既云學習則必有優劣之殊該堂官於行走年滿時自當詳加甄別乃近來各該堂官於捐納報滿人員無不保留一味市恩邀譽止圖見好於人不顧登進之濫不辨賢否之別近來大員俱中此病朕實寒心等因欽此仰見 皇

考徵敘官方隨時訓飭至意朕思各部院行走司員不獨捐納一項即正途出身人員籤分學習於行走年滿時亦照例由該堂官察看分別奏留此等人員奏留後即可循資得缺以次游升迨其俸滿截取便膺外任若於奏留時不嚴行甄別則庸劣闖茸之員均得濫竽充數一經外任必致貽誤地方不可不慎之於始嗣後各部院堂官於所屬學習行走年滿司員無論捐納正途務當破除積習秉公和衷據實甄別毋得瞻徇情面濫行奏留如有任意姑容不加察覈將來該員得膺外任於引見召對時經朕看出或別經訪聞查有劣蹟惟該堂官是問○諭軍機大臣等那清安等奏兵部當月司員付送新疆文移等項於巴里坤黃布口袋內拆出匿名揭帖一紙並未黏封謹將原帖呈覽一摺據揭帖內稱陝甘總督長齡等查辦青海番賊一案甫經凱撤官兵旋有賊番復出約有二千餘人分作四股肆行劫掠該管大臣並不派兵堵剿等語青海番賊滋事前派令長齡齊慎前往查辦旋據奏報帶兵剿除黃河以北全就肅清並移住富強蒙古番子以資防守籌議善後章程八條俱照所請行在案茲復有字識匿名揭帖其所稱賊番肆掠情形有滋擾月日及經過地方並搶劫馬牛羊數目如果屬實是長齡等前此奏報肅清盡為虛捏殊出情理之外但揭帖內究係一面之詞亦難遽信那彥成接奉諭旨著即馳驛前赴西甯嚴密確查據實具奏此事關繫邊疆重務不可稍有瞻徇隱飾况營馬搶去三百餘匹之多必不能掩人耳目原揭帖一件發交那彥成閱看並於該處營汛內查訪字識係何人造寫一經訪有端倪即拏獲到案比對筆迹務得確實以憑根究至陝西巡撫印務著交唐仲冕暫行護理其未經審結各案交辛從益審辦處

東華續錄 道光六 五

坤見已補授廣西巡撫著即赴陝西署理巡撫印務俟程國仁到任後再行交卸起程來京請訓再前據長齡等奏助勒蓋一帶即令察罕諾們汗移居克烏蘇一帶飭回阿里克大百戶住牧均各給予執照並於冬春兩季賞給該諾們汗及阿里克大百戶置備口糧銀各一千兩已降旨依議行矣朕近聞河北蒙古二十五旗內該察罕諾們汗較為富強其在游牧處所往往首鼠兩端當大兵經臨之時即督率番族依附官兵及大兵撤退之後仍復勾結野番乘閒搶劫實屬不安本分那彥成於青海情形較為熟悉著一併密行訪查該諾們汗旗下見在有無勾結滋事之處查明設法妥為安置務令安居游牧邊圉靜謐方為妥善○乙卯諭各省佐貳委署州縣隨時專案報部○己未諭軍機大臣等長齡奏野番一千數百人復過河北搶劫察罕諾們汗牲畜並殺傷男婦十數人見已前往趕辦並稱察罕諾們汗不能抵禦亟須另籌防河事宜等語青海野番滋事前據長齡等奏報大加勦戮黃河以北全就肅清並籌議善後章程賞給察罕諾們汗等銀兩以資防守彼時該督等所保人數過多朕因其辦理迅速驟予准行並未斥駁一人其所議章程亦俱准令照辦乃撤兵甫經兩月該番賊復過河北搶掠可見前次辦理不善所奏該處地方全就肅清之言竟不可信即此次具奏野番一千數百人殺傷男婦數十人亦恐不止此數前因該蒙古等不能固守藩籬該督以察罕諾們汗移居助勒蓋一帶足資防守每年賞給銀兩置備口糧其向年會哨之兵即行停止今又稱察罕諾們汗不能抵禦另議防河是長齡於此事毫無把握致前後所奏自相矛盾該督見已前赴西甯著即會同松廷督兵妥速勦辦務期邊圉迅就肅清俾番賊知所

做懼不敢再出滋擾尚可稍贖前愆儻仍辦理不善致番賊於撤兵後又復前來肆行搶劫擾及內地惟該督等是問恐不能當此重咎也○庚申賞已革禮親王昭槤宗人府主事○予故前任閩浙總督董教增祭葬諡文恪○丙寅諭總管內務府大臣等本年順天府屬二十四州縣內據報被災者十八州縣此次謁陵大差派辦車輛民力未免拮据著內務府將所屬各項備差車輛八役可裁減者酌量裁減其乾清宮等處總管首領太監等行李車輛人數亦令酌減實用車輛若干俟有確數奏明交順天府遵辦俾地方官豫備較易以示體恤嗣後仍照向例辦理該府尹等不得援此為例○丁卯河南沁河溢命程祖洛勘辦○戊辰諭御史郭泰成奏請疏通河渠以工代賑一摺據稱直隸入夏以來大雨時行田禾被淹由河渠淤淺水無所歸如果河渠通暢田廬未必受傷年歲仍可豐稔等語疏通河渠以備水滂時宜洩流通固是該地方應行之事但今歲直隸一百四十三州縣被水者有八十州縣之多經朕特發帑金分投賑濟災黎計口授食待賑不暇又何忍藉此可緩之工使民力作若如該御史所奏以賑濟之帑金作興工之費用是未給民食先用民力使數萬飢民驅令枵腹從事大失朕拯恤窮黎之意且被災非一區疏通非一處直隸各州縣所屬河渠難以數計如盡使嗷嗷待哺之民赴功趨事實屬窒礙難行况天氣嚴寒伊邇小民衣食尚艱又迫以力役是未蒙賑而先受其擾也該御史不諳事體所奏紕繆斷不可行○諭軍機大臣等文幹等奏廓爾喀噶箕抵藏呈遞該國王寄來稟件並面陳願懇情形前據文幹等奏廓爾喀呈進表貢當經降旨准其齎遞茲該國王額稱其祖拉特納巴都爾曾於乾隆年間蒙 賞給

東華續錄

道光六

六

東華續錄

道光六

七

寶石頂帶見未奉特旨不敢擅用等語廓爾喀國王輸誠向化著加恩准其戴用寶石頂帶至該國王爲其祖母懇求恩施該國王既賴其祖母盡心撫養朕自必酌加恩賚俟該國噶箕等同國交令帶回其噶箕畢穆興塔巴該國王稱伊見在年幼一切事務全賴辦理甚爲得力著加恩賞給三品頂帶用示朕懷柔遠人至意文幹等卽傳諭該國王遵照可也○改湖北竹山協洪坪塘千總爲白河口千總額外委爲白河口貼防○庚午諭軍機大臣等那彥成奏遵旨前赴西甯查辦賊番復出肆掠一案據稱察罕諾們汗卽白佛僧亦卽蒙古二十五旗之一原牧在循化邊外後移居黃河之南今又潛住河北時與野番勾結爲奸移之則驅而爲賊留之則引賊作賊所論甚是那彥成於野番情形熟悉著卽交那彥成辦理必須籌畫萬全妥爲安置勿使仍前窩賊分賊方稱東華續錄 道光六

至善其匿名揭帖字識務向各營汛訪拏正犯到案如比對筆蹟確有可憑雖該犯計告得實亦按律治以應得之罪至所稱見屈九月西甯地方正值大雪封山之時未便議勦惟嚴飭各提鎮查明各卡隘山口額定兵數照例支給口糧柴薪派令副參各官帶赴各卡隘分紮駐守各提鎮來往會巡嚴密稽察使野番無由闌入內地並盤查漢奸代爲銷贓禁止商民私販茶葉火藥以防爲勦等語該野番本係烏合之眾糾聚搶掠止爲謀食果能實力防制使之無以爲生日久漸形窮蹙正自不勦而潰著卽照那彥成所奏辦理儻察看情形必須進勦俟明歲春融時再厚集兵力痛加勦辦斷不可存畏難苟安之見惟青海蒙古王公台吉等臣服已久迥非外夷可比若如那彥成所奏僅將各沿邊卡倫移駐官兵防守竟置該蒙古等於不問該野番等或於秋冬閒乘隙往彼

搶掠以致該蒙古不能自存亦非安邊撫馭之道况青海一帶爲通藏要路去年卽有進貢堪布被劫之事如該野番等故智復萌道路稍有梗阻殊屬不成事體那彥成亦不可不爲籌及也○撥廣東江西解部銀二十萬兩備直隸賑需○辛未召長齡來京以那彥成署陝甘總督由刑部○是月給河南安陽等三縣直隸霸州等二十二州縣山西歸化城薩拉齊二廳山東恩縣等三縣水災口糧貸土默特被水蒙古口糧蠲緩山東高唐等四十一州縣衛雲南鶴慶劍川二州災歉賦課緩徵齊齊哈爾城被水屯丁逋糧

九月癸酉諭前因順天府屬被災州縣較多當降旨令總督內務府大臣查明此次隨往謁 陵備差應用車輛酌量裁減茲據內務府查明開單具奏各處隨往備差司員應用車輛減去一百四十輛內廷需用車輛節省七十八輛共省減車一百九十二輛著卽照所請行知順天府辦理朕軫念民艱於差役之中時寓矜恤之意該府尹等自應仰體朕心實力奉行卽飭各州縣照此次減定車輛數目備辦此外浮派車輛已派者按名發還未派者毋許添派並著通行曉諭認真稽察如各州縣陽奉陰違書役仍復藉差撞騙勒派病民卽據實嚴參懲辦如辦理不善一經告發或被入揭參定將該府尹等一併治罪決不寬恕○甲戌撥通倉米十萬石賑直隸被水州縣災民○乙亥諭軍機大臣等御史程晉采奏豫省教匪朱麻子等由新蔡糾眾入阜陽滋事若非賴屬匪徒勾結該犯等何敢輕入其鄉查潁州強悍成風爲匪黨逃通淵藪向有捻匪私梟雖非習教傳徒聲勢最爲聯絡風聞艾亨集在阜陽縣西南距城一百六十里捻匪最多卽朱麻子等犯竄匿之

所艾亭集北十五里有馬家店盜首馬皮顯即馬二係該處捻頭夥黨殆難數計縣西十里為桃花店又西南約二十里為章家寨約百里許為地城該處捻匪鹽梟成羣結黨最為地方之害又該縣方家集以南即河南息縣新蔡交界處所巨窩大盜伏處潛藏與捻匪肆行搶劫南汝光一帶客店往來行旅晨宵不敢放行此外如潁屬霜邱縣之三河尖與阜陽接壤三河尖之南十里為臨水鎮與豫境毗連臨水鎮有著名土豪李復白一名業經獲案尚有李天定李振邦二犯日久未獲若不早擊恐習教之徒伏而未動者與捻匪互相糾結滋事等語皖豫兩省毗連處所向有捻匪私梟黨與甚多聲勢最為聯絡節經地方官查拏懲辦淨盡如該御史所奏馬皮顯李天定李振邦等犯擾害閭閻必須及早捕獲見當搜查餘匪之時該省文武員弁分布要隘會同堵拏該處

東華續錄

道光六

十

為捻匪出入之區不難就地查緝以淨根株著孫玉庭孫爾準程祖洛嚴飭地方不分畛域密速按名掩捕無任遠颺仍須不動聲色不可稍涉張皇別滋事端總期匪徒淨盡大夥悉就殲除固不可株累無辜亦無許僅捕零星土匪充數務俾民間安堵即土棍亦不敢自消方合思患豫防之道○以史致儼為內閣學士兼禮部侍郎銜事○成都將軍呢瑪善等奏提督桂涵帶兵勦辦果洛克賊番連獲勝仗情形得旨獎賚○丙子添設雲南永北營苗力大水井巴喇三汛裁其裁汛移於阿喇喇○己卯諭都察院應奏控案遇有陳進事件無論有無違悖字樣俱准一併封奏○調張志緒為江甯布政使戴三錫為四川布政使○壬午姚祖同以儀工用項奏銷辦理謬誤降四品京堂○甲申諭向例簡放道府人員皆具摺謝恩因思副將係武職二品大員著兵部帶領引見

述旨後亦照道府例令該員自行具摺謝恩以備召見著為令○乙酉四川果洛克番賊平○賈授嚴煥河東河道總督○丁亥鄭國裕年老休致調陸言為直隸布政使以楊健為山東布政使調盧元偉為山東按察使以福祿為直隸按察使○戊子永定河漫工合龍○庚寅以蔣汝銜署刑部尚書調陳若霖為四川總督李鴻賓為湖廣總督以魏元煜為漕運總督韓文綺為江蘇巡撫○辛卯堵築山東德州及聊城夏津二縣漫口堰隄○壬辰改雲南騰越直隸同知為永昌府同知○癸巳召徐忻來京調誠端為福建布政使以史譜為雲南布政使調魏元煊為江西按察使蘇成額為四川按察使以邱鳴泰為福建按察使○丙申刑部等衙門議奏懲辦械鬪章程一造謀首禍之人宜嚴行究辦一脅從下手之犯宜稍予從寬一斂財以備械鬪懲從之○戊戌申禁生監包漕○庚子以程國仁為刑部右侍郎調盧坤為陝西巡撫以成格為廣西巡撫○是月給江西瑞昌縣河南武陟原武二縣災民口糧屋費蠲緩雲南麗江縣江西瑞昌縣河南武陟等六縣水災霍災額賦

東華續錄

道光六

十

冬十月壬寅朔諭圖賽前由軍功晉加子爵康熙年間追封一等承恩公嗣於乾隆四十三年改為三等承恩公見在公爵即係舒明阿承襲本年十一月內舉行冊立皇后典禮皇后之父舒明阿應照恭阿拉之例封為一等侯惟舒明阿見已承襲公爵此次應封侯爵著該旗即將舒明阿之子俱行帶領引見候朕簡定一人令其承襲○癸卯諭朕恭閱 皇曾祖世宗憲皇帝實錄內載雍正四年十月奉 聖諭有謂朕進入太驟退人太速者朕在藩邸

時從未與外廷諸臣往還即認識者甚少及即位後有內外員缺甯能不用人乎而素無認識之人不得不博採旁求以用之及用之而徐觀其人實不可用則不得不更易之故大自督撫提鎮至於道府參遊州縣每一缺出苟不得其人朕將兵吏二部月捐翻閱再四每至中夜不寢必得其人方釋然於中此為君之難實不可以言語形容者也等因欽此仰見 皇會祖勤求到治進賢如不得已之至意本日給事中張鑒奏稱督撫司道等官升調太驟各員履任未幾旋即更調該員於民風土俗不暇周悉屬吏尙未徧識歷官之日少奔馳之日多胥吏乘新舊交代之際玩法舞文家人利本官歷任之多飽索規禮弊俱相因而至嗣後請俟數年後察看該員治效再為升調等語所見未嘗不是惟是國家設官分職所以登崇俊良俾列庶位因地擇人權衡務求至當朕敬體

東華續錄

道光六

上

上天付託之重恭釋 列聖寶訓之貽永思治益求治安益求安一遇督撫司道缺出不得不廣諮博訪擇其可用者而用之此朕不得已之苦衷即如督撫中孫玉庭阮元琦善等何嘗不久任封圻昨盧坤由甘肅藩司簡放廣西巡撫朕因其於陝西情形較為熟悉因畀以陝西巡撫之任於簡放之中仍寓人地相需之義如果二三年後各督撫司道俱能盡心職守吏治民風蒸蒸日上朕又何嘗必欲更調令該督撫等僕僕道途為耶至所稱督撫兩司滿漢參用當無分畛域以免更調之煩朕已早諭及此惟期大小相維共臻上理凡在臣僚皆朕股肱心膂視同一體原不豫設成心意存防檢如該給事中所云也將此通諭知之○乙巳賜張雲亭等五十五人武進士及第出身有差○添設內務府掌儀司贊禮郎七員給九品頂帶○丁未以三等承恩公舒明阿子裕寬

襲一等侯爵○署陝甘總督那彥成奏報到任得旨所奏俱悉自謂知識短淺疏忽舛誤未免過當卿受 皇考屢次訓迪深恩刻不可忘惟思一力奉公為國宣猷從前不逮之處全行消洗卿之敢於任事不與世俗浮沈朕所素知助卿者所謂不自大其事不自尚其功高明柔克永矢毋忽以期常承恩眷佐朕以治也慎之○已酉諭前因青海野番滋事特令長齡帶兵前往督辦嗣據奏報黃河以北全就肅清並籌議善後章程具奏朕予准行迨甫經凱撤野番仍復過河搶掠當降旨交那彥成前往確查茲據查明長齡自凱撤後又有野番十餘族移回河北貢額爾蓋及鹽池一帶插帳至搶掠蒙古雖較前稍熄然自夏徂秋尙未盡絕等語長齡前在青海勦辦野番兩次大獲勝仗朕因其辦理迅速加恩賞戴雙眼花翎保奏各員亦未經斥駁乃凱旋甫經兩月番賊復過河搶掠辦理不善咎無可辭長齡著撤去雙眼花翎准戴用單眼花翎仍交部議處尋議革職得旨著加恩改為降四級留任

東華續錄

道光六

上

○諭軍機大臣等那彥成奏確查青海見在情形並酌安卡隘嚴擊漢奸一摺據稱長齡勦辦野番屢獲勝仗所奏尙非虛捏惟撤兵太早且察罕諾們汗實係野番中禍種難媒長齡反為捍護草率輕忽已明降諭旨將長齡撤去雙眼花翎准戴單眼花翎仍交部議處矣野番頑戾性蒙古虐其屬下其屬下反投野番謀生因導引搶掠其主至內地歇家奸販貪利潛往貿易無事則教引野番漸擾邊境有兵則潛與報信近年番勢漸張弊實在此蒙古回民漢奸皆能為番子衣冠始僅勾結鄉導繼或冒名肆掠欲除外患自應先絕內奸其西甯之丹噶爾哈拉庫圖及貴德循化巴燕戎格各屬西漢民人並熟番私販茶葉火藥口糧潛往貿易者

悉屬漢奸至各屬蒙古番子歇家擇山僻處所私開小店銷變賊物亦所不免此等回民熟番與內地奸民搶劫成風甚屬可慮那彥成所奏乃正本清源之道然必須辦理周妥計出萬全以期一勞永逸不可稍有疏失其請分飭提鎮查明毗連番地卡隘通衢要路酌增防兵多不過百名山僻小路增防兵二三十名其路徑叢雜即窅斷以防偷越野馬川一帶暫駐備兵數百員名俱照所議行如番賊仍前占踞明歲春融即厚集兵力痛加驅剿至屯田一節俟河北肅清後再行妥議具奏其各旗戶下相近察罕諾們汗居住及與野番雜處者率皆從賊之人不值復為庇護所有蒙古口糧向准在青海大臣衙門起票換買惟每票定限一年繳銷見據那彥成與松廷籌議著照所請每票准用一次所請用若干口糧即註明糧數人數及牲口數目按程途遠近定以期限繳銷

東華續錄

道光六年

十四

至另摺奏查辦匿名揭帖控告各款內惟蒙古貝子喇特納希第屬下被搶牛羊及察罕鄂博賣運米麵馱子被搶屬實其所稱西甯孳生馬廠及涼屬內地村莊被掠之處均屬子虛至番賊搶劫肅州孳生馬廠並蒙古人等牛羊一節肅州蒙古並無報案該廠弁兵向未提到情節未能遽定著該督即提到該廠弁兵嚴行確審如果虧短馬額捏報被搶即將該鎮及牧弁等嚴參至所控西甯馬廠涼州村莊二案見雖查無其事仍恐該管員弁匿報在先狡不吐實俟獲犯再行嚴訊至造匿名揭帖之人於賊匪分股何由得知其為甘涼一帶隨營未得好處之弁兵匿名訐告已無疑義著那彥成分飭嚴密查訪務獲按律懲辦○實授那彥成陝甘總督蔣攸銛刑部尚書○兵部左侍郎常福以病免○錢臻以年老休致調戴敦元為湖南布政使以廉敬為山西布政使

○庚戌諭御史余文銓奏請革除部費名目一摺所奏是六部綜理各省事件應准應駁自有定例原不許私自關通若該督撫任聽所屬向部中書吏賄託營求成何政體據該御史奏稱外省每遇奏銷地丁則向州縣提取奏銷部費報銷錢糧則提取報銷部費並有由首府首縣行用印文催提者甚至調一缺題一官請一議敘及辦理刑名案件皆以部費為詞有打點照應招呼幹旋各名目河工軍需城工賑恤諸務則曰講分頭所需部費自五六萬至三四十萬兩不等此等銀兩非先事於公項提存即事後於各屬攤派上司既開通融之門屬員遂多浮濫之用剋扣侵欺弊端百出且事後攤派各州縣焉肯自出己貲勢必橫徵苛斂虐取於民在部中書吏受屬舞弊誠所不免而外省司書幕友局員串通京師姦猾藉名部費詐騙分肥者尤居十之七八殊於國計民生大有關係自應嚴行飭禁著通諭各直省督撫查明所屬如有倡為部費名目者即指名參奏並根究京中賄託何人一併從嚴懲辦其事有今昔情形實在不同者接奉部駁後據實奏明辦理一切部費名目槩行禁止以除積習而飭官方○壬子賞候補四品京堂朱勳三品頂帶休致○命候補三品京堂陳桂生候補四品京堂曹六興程贊清均以原品休致○乙卯 上以釋服奉

東華續錄

道光六年

十五

皇太后啓鑿調 昌陵○免經過地方額賦十分之三○丁巳諭刑部奏直隸高邑縣生員李廷珏民人王伸等呈請捐銀為擬遣已革高邑縣知縣范澍贖罪雖據訊明該生員等因范澍居官甚好民情愛戴願為捐贖難保非授意屬託此風斷不可開著不准其贖罪○己未 上謁 泰陵 泰東陵 昌陵○命嗣後臨幸南苑靜宜園均無庸呈進食物○庚申 上謁 昌陵行釋服

禮回鑾○守護 昌陵領侍衛內大臣景安尙書李奕疇都統慶溥均予休致○壬戌轉恩銘爲刑部左侍郎以奎照爲刑部右侍郎右都御史○以敬徵爲工部右侍郎左都御史○癸亥 上奉 皇太后還京師○諭向來回鑾進宮時內廷外廷各王公從無呈進食物之事乃本日常親王呈進食品十六盒甚屬錯謬著卽發遣嗣後如不知檢改仍率意妄行朕惟有按例處治不能稍從寬貸也其慎之○甲子諭呢瑪善等奏果洛克唐四等寨番賊素稱強悍近年糾搶分贓之案甚多經呢瑪善等調集漢土官兵疊次擒獲土日父子及著名兇賊悉行就地正法各路土目番眾咸知畏懼見在揀擇妥實安分之人承充果洛克土目邊境肅清官兵凱撤辦理迅速甚屬可嘉除桂涵前已降旨交部從優議敘外呢瑪善蔣攸鈺辦理此案調度得宜均著加恩交部議敘○申禁收漕

東華續錄

道光六

六

事宜自當敬謹確查舊例卽例無明文亦應先期奏明候朕酌定乃既不查案又不請旨妄行比擬呈進儀注大失敬謹之義且嘉慶六年八月二十一日 皇妣孝淑睿皇后升祔 奉先殿行禮儀注具有成案至今不過二十餘年該衙門何以竟無從檢查看見該堂官平日漫不經心遇事又不認真考覈事關告祭禮儀非尋常舛錯可比太常寺堂官俱著交部嚴加議處內務府大臣隨同畫案未經覆查亦屬疏略俱著交部察議○改湖南古丈坪督捕同知爲撫民同知移桑植縣上下二崗巡檢爲古丈坪巡檢○丁丑添設西甯鎮海營副將都司守備各一千總把總各二外委七哈拉庫圖爾營都司把總各一鎮海堡千總一大通營遊擊一黑石頭汛千總一雙俄卜營守備把總各一外委二黑林口汛把總外委各一武勝溝汛把總外委各一哈瑪爾托亥營都司把總

東華續錄

道光六

七

品頂帶長旺曹師曾明安泰均各罰俸二年仍留原衙門之任玉麟著署理禮部尚書管理太常寺鴻臚寺事務其樂部事務無庸兼管舒英著補授理藩院右侍郎仍兼太常寺行走總管內務府大臣英和文孚禧恩穆彰阿廣泰俱著加恩改為降一級留任准其抵銷○壬午申諭各督撫毋得勒令州縣接收虧空代為彌補○癸未諭顏檢奏各鎮應值年班可否飭令進京叩賀一摺向來每遇元旦直隸各鎮同密雲副都統輪派二人於封印後來京作為年班惟念該總兵等俱有強壓地方之責著自本年為始所有大名正定宣化三鎮及密雲副都統每歲輪班到京祝賀之處永遠停止該總兵等其各盡心職守加意操防用副委任○乙酉以玉麟為禮部尚書慶保為左都御史○丙戌 上奉 皇太后懿旨立 繼妃佟佳氏為 皇后封側福晉富察氏為 恬嬪

東華續錄 道光六 九

那拉氏為 和嬪翌日頒詔天下覃恩有差○陝甘總督那彥成奏謝實授恩得旨所奏均悉虛心實行四字乃朕自勵者也特書與卿時加省察無忽○戊子起松筠為光祿寺少卿○辛卯諭元旦令節萬壽慶辰王大臣等呈遞如意藉伸頌祝應示以限制自明歲元旦為始親王郡王無論內廷外廷行走俱准呈遞貝勒貝子公惟內廷行走者准其呈遞軍機大臣內務府大臣無論品級俱准呈遞南書房翰林惟一二品大員准其呈遞上書房行走總師傅師傳遇萬壽之年亦准其呈遞其餘年分槩不准呈遞大學士尚書領侍衛內大臣俱准呈遞都統在內廷行走者方准呈遞侍郎副都統俱不准呈遞御前侍衛一品者准其呈遞乾清門侍衛槩不准呈遞年班來京文武大員亦惟一品者准其呈遞著通行曉諭其各恪遵無違○移建湖南省城城南書院頌 御書扁

額○壬辰 上詣 大高殿祈雪○命江西貧民質穀無庸官為經理○丁酉以冊立 皇后禮成恭上 皇太后徽號曰 恭慈康豫皇太后翌日頒詔天下覃恩有差○是月賑安徽泗州等七州縣及屯坐各衛河南武陟縣水災旱災給安徽泗州等八州縣甘肅河州等十一州廳縣災民口糧蠲緩安徽泗州等十七州縣及屯坐各衛河南武陟陽武二縣甘肅狄道等六州廳縣江西南昌等七縣並南昌九江二衛湖南澧州浙江海甯等四州縣被災新舊額賦長蘆被水引地兩淮板浦等九場被水新舊額賦十二月癸卯加築江南祥符五瑞等處閘壩○乙巳諭各督撫慎覈州縣不得率請改教○丙午 上再詣 大高殿祈雪○丁未諭軍機大臣等陝甘總督那彥成等奏察罕諾們汗率屬悔罪願歸河南原牧見押令過河並妥為清釐安插一摺察罕諾們汗夥

東華續錄 道光六 九

同野番句結漢奸作賊已久此次經該督將糧茶斷絕立見窮蹙願歸原牧不勞兵力不延歲月易於反掌辦理認真實屬可嘉之至該諾們汗既已悔罪投誠自可寬其一綫其屬下頭目人等向不遵奉約束自應加以嚴懲經該督將同來之圖薩拉克齊小完沖等重責鎖禁斥革並將該旗所管二十族分為左右兩翼照該旗蒙古舊例每翼設員管束稽查擇誠實頭目另行充補其諾們汗獻出之搶劫蒙古賊犯丹達勒等三名業經分別懲辦並委署副將劉印景等押令渡河惟渡河以後必須妥為安插俾約束嚴明互相鈐制令搶劫故智不敢復萌方為經久善策不可將就歲事以致別滋事端又另摺奏清釐河南番族並河北番賊情形見在河南循貴番賊尚知安分自應趁其畏懼之時立法約束該督見傳到各番眾面加曉諭如各族內有逃至河北句結賊番者即

著擒獻無許隱匿其河北野番過河以後查係伊等族內之人自行管束如係漢奸立即捆獻所有各番族頭目准其按計戶口百戶一人每管百戶至三百戶歸一千戶管理百總一人每管五十戶兩百總歸一百戶管理十總一人每管十戶至五十戶歸一百總管理令其公舉誠實公直之人充補其千戶等著照例給予頂帶俟三年無過發給印照號紙作為實缺至易換糧茶章程每年准買兩次由千戶給呈該廳營給予照票如實係良番方准發鋪照買所需布綫等項亦於票內註明一同換買此時河北野番勢成孤立該督仍嚴查卡隘糧茶趕籌肅清至河北番族應趁其過河之時查明安插均著照河南之例辦理俾不至疑懼該督仍察看情形再行妥議具奏又另摺奏審擬漢奸盤踞務盡根株並籌定巡防會哨及稽查山內保甲章程首犯麻木溝經該督等嚴訊

東華續錄 道光六

三

洛奏勘明漳河北徙斷難復令南趨請無庸堵築一摺本年漳河盛漲安陽之馮宿村口門漫水直趨東北由內黃之慶豐莊入衛茲據程祖洛查明慶豐莊以上衛水所經無漳水頂阻之患不至再由袁村旁洩可期全行濟運漳衛分流前此歲淤歲挑之費公河鹽漕運道不至再淤可省挑費被衛淹浸之安陽等縣地畝可以漸次涸復漳河關繫直豫二省民田運道著派大學士戴均元馳驛前往河南會同程祖洛相度該處形勢是否新河所經均極通暢其常善至田市二十餘里應如何疏濬之處悉心妥議據實具奏○癸丑 上以祈雪未應命再虔禱七日○諭嗣後各省協領俸滿來京引見除未經記名者即令回任外其記名之員著於述旨後具摺謝恩豫備召見著為令○以慶保為熱河都統賞松筠二品頂帶為左都御史由光緒寺少刑選○琦善丁憂調程含章為山東巡撫以陳中孚為廣東巡撫楊國楨為河南布政使吳廷琛為雲南按察使由直隸清選○甲寅諭本日軍機大臣議駁給事中袁銑奏嗣後遇有慶典請無講場一摺所議甚是我朝 列聖相承深仁厚澤培養元元恤災減賦不惜數千萬帑金隨時舉行至遇慶典之年復將各省地漕民欠分別蠲除廣布恩膏有加無已煌煌 令典允宜遵循勿替該給事中輒云遇有慶典總無講場是欲改變舊章使朝廷之膏澤不下逮於閭閻大乖行慶施惠之義給事中袁銑言利亂政妄更 祖宗成憲致朕於不仁不惠是誠何心豈可復任言官著以六部主事降補○丙辰調穆克登額為戶部左侍郎轉博啓圖為禮部左侍郎調舒英為禮部右侍郎以耆英為理藩院右侍郎由內閣調○庚申免江蘇安徽嘉慶二十三年以前民欠攤徵銀三十三萬三千六百餘兩○辛酉諭軍機大

東華續錄 道光六

三

臣等帥承瀛奏委員覆查南田封禁地方一摺浙江甯波台州二府聯界之南田地方自前明封禁至今四百餘年無業遊民藉採捕為名潛往私墾見在十有八畝計墾戶二千四百有零已墾田一萬六千七百餘畝其始由豪強占踞招人墾種計畝收租名曰老本以致愈墾愈多此等墾戶若槩行驅逐則實在無藉可歸之貧民必虞失所恐致別滋事端若任其占踞潛匿或更從而影射招邀則紛至沓來匪徒潤迹其中無從辨別人數愈眾措置愈難該撫見飭擊著名老本賴一富等二十名嚴行究辦並出示剴切曉諭檄委甯波府督同該委員等前赴南田復行逐畝查勘該處戶口地畝一俟得有確數著即相機籌辦務出萬全會同趙慎畛妥議章程具奏俾貧民不至流離失所而匪徒亦不至匿迹其間方為至善○壬戌 御製養正書屋詩文集序曰予自六歲入上東華續錄 道光六年 五

書房受誦經史稍長即於講肄之暇留意篇章積累歲時漸成卷帙非欲雕琢曼詞蓋陶冶性情典學不廢藉以自勵而已庚辰孟秋驚承 大命仰蒙 皇考付託深恩仔肩鉅重臨軒以來兢兢業業惟慮民生之未裕政事之未醇用人之未當曩昔所著未暇整次茲內廷諸臣合詞陳請刊布予潛邸時養正書屋詩文集且以我 皇祖樂善堂集 皇考味餘書室集皆於 御極之初頒示海內援請再三卻之不可予乃推述養正之意以序之養正書屋者 皇考受寶初元 御書以賜園居之額也易曰蒙以養正聖功也又曰君子以果行育德王弼注育德者養正之功蓋童蒙之時天理至正渾然無私惟賴教者之啓發則至正之理常保其固有而無所失此養正必原於育德也德既正則見諸行事者亦無不正是果行又為育德之效作聖之基所由始即齊治均平之

道所由推也予弱冠即蒙 皇考殊眷默定儲位而養正二字實肇錫於紀元之始仰見 訓迪深衷所以敦勉藐躬者至深且遠繼自今懷承 統緒敬繹 前言倍加感悚則知天地養萬物聖人養賢以及萬民皆不外此大哉 聖人之言豈僅為發蒙之初基云爾哉是集始乾隆乙卯至嘉慶庚辰刪繁去復得詩若干首女若干篇付之剞劂用志歲月且闡述我 皇考賜額之至意庶願諱常存以循守於勿替焉爾○丁卯諭朕於明年正月駐蹕圓明園內閣六部九卿衙門遇御門理事及本衙門帶領引見該班奏事日期均著輪留室官一人在署辦事不必全行赴園著為令○戊辰諭那彥成等奏玉舒番族每歲馬貢折銀請循舊例交納一摺青海大臣衙門所管玉舒番族向有馬貢折銀由該番目自赴西甯交納嗣於乾隆三十一年改派主事通丁前往催收各番東華續錄 道光六年 五

族供應較繁殊滋擾累那彥成等請循照舊例辦理用示體恤著照所請嗣後此項貢馬折銀著仍循舊例責令該總管千百戶等照數湊齊於每歲九月間交該貿易番目自赴西甯交納仍著青海大臣會同西甯鎮派員兌收貯庫所有主事通丁催徵之例永行停止至該主事前往會盟之年如有自備土儀致送番族及客商私帶貨物一併查明究辦以除積弊○諭軍機大臣等那彥成等奏審明裝番肆劫之重犯即行正法一摺此案麻木溝等假裝野番騎馬持械肆行搶劫不法已極那彥成等業將先後擊獲各犯審明按律辦理各案逸犯趙牙信韓百林趙五等仍著開列年貌住址嚴飭各該屬嚴緝務獲無致一名漏網其黃魁添蔣家娃二犯訊明均止疊次行竊並未與麻木溝等夥搶應分別擬重著即照例咨部覈辦至所稱二十四旗中惟那王沙克都爾屬下偷

竊搶劫之案爲多甚至其台吉藏根等均犯搶劫又貝勒尖巴禮屬下搶劫亦多擬俟查明將該王貝勒斥革另議承襲以示懲戒等語蒙古等被漢奸引竊劫犯案滋多該郡王貝勒不能嚴加約束咎有應得如果查明實有豪賊窩贓確據則是該郡王等作奸犯科不遵法律自應從重懲治若其咎止於失察遠將該王貝勒斥革另議承襲該督等雖爲整飭邊務起見但似此辦理未免過當不足以服蒙古之心著那彥成等詳悉斟酌該王貝勒於所屬竊劫之案是否僅止失察務須查明定例奏明辦理不可稍有偏倚○已諭葉世倬奏開復道員未卽出考並敬陳管見一摺原任福建督糧道吳箴縵事降調例應出具考語送部引見乃本日葉世倬奏請嗣後如有前任內督銷商辦鹽引未完及一切公罪處分例干降調凡係特簡道府部議上時於本內聲明請旨並

東華續錄

道光六

七

東華續錄
道光三年癸未春正月辛未朔諭本年朕於元旦御殿受賀履端肇慶因念諸王誼屬宗親允宜首錫新釐以昭惇敘儀親王之子貝勒絳志著加恩賞還郡王職銜仍於每年俸銀二千五百兩之外加賞銀一千兩惇親王瑞親王俱著加恩在內廷行走慶郡王絳懋著加恩賞帶三眼花翎定親王奕紹之子載銓著加恩晉封二等鎮國將軍以示朕眷篤懿親覃敷闡惠至意○免莊郡王縣課大學士托津等本任前任鑄級處分有差○癸酉諭軍機大臣等那彥成等奏河北野番及察罕諾們汗全數回巢並酌移河南四旗蒙古各一摺青海黃河以北屢經番族占據察罕諾們汗一

東華續錄

臣王先謙

臣周輔蕃恭校

道光七

東華續錄

道光七

七

比照王舒番子之例立定貢馬章程於約束之中仍寓羈縻之意著即妥議章程具奏至另摺奏河南四旗蒙古扎薩克郡王達什仲鼎等較河北各旗稍為富強因屢被野番賀爾族侵掠不遑安居請遷居河北助勒蓋一帶酌給口食並派循貴營員沿途護送等語該四旗蒙古游牧河南已久此時若令移居河北是先示番賊以弱如移駐後該蒙古不能自固藩籬或番賊復行渡河搶掠仍恐不能相安此事務當籌畫萬全不可輕議更張致將來又滋流弊其河北原住二十四旗蒙古除合吉恩開巴雅爾一旗尚堪自衛外餘二十三旗扎薩克大半避入內地並有散處邊內插帳住牧及沿途乞食者自應妥為安置所有各旗蒙古散失戶口著該督即飭令各府州縣於編查邊內居民保甲時查明該蒙古姓名旗分分起押交各該旗王公台吉領回住牧其實係窮苦無依者如捐賞口食銀兩尙有不敷即著奏明酌發賞需以資接濟該督等務須妥為經理使內地不得存留蒙古亦不使蒙古界內私藏漢奸俾各安生業永靖邊陲方為不負委任○葉世倬以年老休致調孫爾準為福建巡撫以陶澍為安徽巡撫徐承恩為安徽布政使蔡炯為甘肅按察使由浙江鹽運使遷○丙子諭惇親王在內侍皇考多年同朕仰承教訓一切禮法靡不周知乃甫經分府即有該王福晉乘輜徑由神武門中門行走之事當即特派王大臣等查明是實朕不得不治以應得之咎然究係無心之過孰意惇親王設法剖辨始則差太監潛赴英和私宅關說繼則致意瑞親王在朕前分辨朕即令刑部將該府太監轎夫等復行詳訊並令傳喚協尉四十八宮堂指實今據刑部覆奏遵旨訊問三面質對實係由中門行走惇親王巧為脫卸強詞苟且無恥之故態復

萌所謂心勞日拙者也當其分府之前伊同瑞親王屢經召見訓示周詳旬日之間舉動若此朕深愧化導無方仍著宗人府遵照前旨加等嚴議三日內具奏所有樂部事務著定親王奕紹管理雍和宮中正殿著慶郡王蘇德管理特諭○丁丑唐仲冕以年老休致以常文為陝西布政使錢寶甫為陝西按察使兩准鹽○召陳廷桂來京以林則徐為江蘇按察使由陝西巡撫遷○戊寅諭宗人府奏遵旨加等嚴議惇親王請革去王爵等語惇親王於伊福晉乘輜徑由神武門行走設法剖辨巧為脫卸宗人府照違制革職例議以革去王爵實屬各所應得惟念惇親王究係甫經分府諸未諳習著加恩改為罰親王俸五年每年仍准支領一半分作十年坐扣○詔諭廓爾喀額爾德尼王熱尊達爾畢噶爾瑪薩野朕臨御天下柔遠能邇俾寰海共享雍熙自王襲爵以來恪守小心恭順阻免一切事宜謹照駐藏大臣指示遵行甚屬可嘉茲特遣噶其達納彭咱邦禮等恭請朕安復賀朕躬御極呈進表貢朕俱嘉閱鑒爾之誠召爾來使賞宴數次茲因噶其達納彭咱邦禮旋歸特降詔書賞爾雜色大段玉如意等物一併交付噶其達納彭咱邦禮齋去給爾祇領嗣後爾尤當感激朕恩遵照駐藏大臣指示仍前恭順竭盡誠盡力管束屬下各令安居樂業以期永沐朕澤欽哉勿怠特諭○己卯諭軍機大臣等孫玉庭奏自陳年力較衰請簡賢能以重東南要任一摺孫玉庭歷任封圻經朕授為協辦大學士仍留兩江總督之任雖年逾七旬而精力未衰正當為國宣勤永承眷注茲該督奏精神漸不如前每遇事冗輒有遺忘恐滋貽誤一片公誠之意朕已深悉尙其益加勉勵努力奉公以副委任所請不允當體朕心○孫玉庭奏謝賞福字壽字得

旨朕所以賜卿福壽二字者止欲卿福壽兼全永承眷注為國宣
力也勉之○壬午 上幸圓明園奉 皇太后居綺春園○甲申
撥河南山東漕十八萬石備直隸省南賑需○丙戌陸以莊以病
免轉程國仁為刑部左侍郎以史致儼為刑部右侍郎○甲申
戊子戴均元等會勘漳河請仍舊舊河允之○庚寅以裕泰為湖
南按察使由四川成縣○甲午諭泰承業前經朕宣召來京加以
超擢令仍在上書房行走因伊老諳言語不謹不能不洽以應得
之罪朕朕懷舊學泰承業究係上書房行走多年之人此時年近
八旬著加恩賞還翰林院侍講學士銜不必來京謝恩以示體恤
○乙未命大學士長齡在軍機大臣上行走○以史致光為左都
御史前任雲南○調恩銘為兵部左侍郎以廉善為刑部左侍郎
○庚子申諭孫玉庭嚴捕賊○是月展賑奉天小黑山白
東華續錄 道光七

東華續錄 道光七

泰張廷玉俱循此例乾隆年間增入超勇親王策凌嘉慶年間增
入大學士傅恒協辦大學士尚書兆惠大學士福康安甚盛典也
朕思原任大學士公阿桂乾隆年間仰蒙 皇祖高宗純皇帝簡
擢平定西陲旋經理新疆事務妥協周詳著有成效嗣辦大小
金川界以將軍重任秉承 方略堅持定見克歲膚功又勦捕撒
拉爾及石峰堡回匪立就殄平圖形紫光閣者四次入任輪扉管
理部務贊襄樞要二十餘年其間奉使獄獄修築河隄捍禦海塘
懋績不著綜其生平端謹持躬公忠體國有古大臣之風嘉慶年
間業經特沛 殊恩 賜諡文成並入祀賢良祠飾終之典備極
寵榮朕朕懷舊學軫念功勳宜隆追配之儀用副酬庸之典阿桂
著配饗 太廟以示朕崇獎蓋臣至意該部察例即行○召左輔
來京調嵩孚為湖南巡撫以程國仁為貴州巡撫戴敦元為刑部
左侍郎景謙為湖南布政使調蘇成額為貴州按察使裕泰為四
川按察使以王楚堂為湖南按察使由福建○壬寅諭軍機大臣
等那彥成等奏據循貴文武各委員將回巢之察罕諾們汗屬下
及野番各族逐細編查已查出歷年搶竊官馬賊物及熟番婦女
見將渡口交各番頭看守並遵旨將河南四旗蒙古仍留原牧
等語回巢各番散處河濱欲其不渡河北全在地方文武員弁實
力稽查周詳妥善俾野番自然懾服乃可歷久相安那彥成等此
次督飭查辦河北實已肅清其叩頭悔罪看守渡口之番目等承
充戶總並未賞給頂帶亦未另予賞號著俟一二年後如果野番
絕迹再行奏請賞給頂帶並著嗣後責成西甯鎮道於春秋二季
輪往循貴點驗門牌戶口如有一戶逃亡即向該管戶總嚴追下
落如係潛渡河北詢明住所飛報西甯大臣總督衙門立往擒拿

二八五

嚴切究辦編查番族為邊疆要務那彥成等務當按照奏定章程飭屬奉行勿怠不可日久視為具文以致番族觀視復行偷渡也

○甲辰以特登額吉倫泰汪守和均為內閣學士兼禮部侍郎銜特登額由通政司副使吉倫泰由頭等侍衛遷汪守和候補內閣學士○丁未釋奠先師孔子○

上奉 皇太后幸惇親王縣愷第命惇親王縣愷仍在內廷行走並免前罰俸三年○辛亥諭禮部議覆通政司參議盧浙奏請以湯斌從祀 文廟一摺原任尚書湯斌學術精醇順治年間有旨褒其品行清端康熙年間有旨稱其老成端謹至其政績卓著則禁侈靡興教化舉善懲貪與利除弊官嶺北時擒獲巨寇以靖地方巡撫江蘇時毀不經之祀化闕復之風奏豁民欠議減賦額還京之日部民送者十餘萬人其他奏議忠言讜論剴切詳明正色立朝始終一節所學主於堅苦自持事事講求實用著書

東華續錄 道光七 六
立說深醇篤實中正和平洵能倡明正學遠契心傳湯斌著從祀文廟東廡列於明臣羅欽順之次以崇實學而闡幽光○癸丑上詣 文廟釋奠臨辟雍講學廣國子監乙酉科鄉試中額諭祭酒等曰成均首善之地風勵天下實始於茲咨爾監臣式茲多士尙其端乃教術正乃典型無即於華無鄰於固入孝出弟擇友親師庶幾成風紹休 聖緒惟爾監臣無曠厥職○諭禮部尚書汪廷珍於嘉慶十七年蒙 皇考簡用上書房師傅與朕朝夕講論非法不道學問淵博迨至二十三年受任總師傅以來倍加勤慎考古證今談皆中道使朕通經義辨邪正受益良多又自朕親政後畀以左都御史尙書之任辦理均能妥協是汪廷珍於師道臣道之義可謂兼備矣本日臨雍講學因思曩者討論之功眷懷舊學用沛恩施汪廷珍著加太子太保銜伊子汪報原見回籍守

制服關來京時該衙門遇有員外郎缺出即行奏補用示朕崇儒重道之意著將此旨鈔錄一道交上書房存貯特諭○甲寅以故成郡王縣勳第九女蘇拉格格未婚守志封貞節多羅格格賜御書扁額額駙廉志殯葬如多羅額駙例○乙卯調祥德為貴州按察使蘇成額為河南按察使○丙辰 上奉 皇太后幸瑞親王縣忻第○己未濬直隸吳橋縣老黃河○是月加給直隸大城縣災民口糧

三月庚午朔諭軍機大臣等那彥成等奏請定商民與蒙古貿易章程並封閉邊外金廠西甯涼州等處向來商民攜帶貨物由西甯辦事大臣衙門給票出口徑赴蒙古游牧貿易既無指定地方去來亦無期限以致漢奸混雜並夾帶違禁器物於邊陲大有關係惟念蒙古以游牧為業若將羊客禁絕誠恐生計日艱如漫無稽察又復諸弊叢生該督等請嚴立章程明定地界自應如此覈實辦理嗣後無論何州縣羊客與河北蒙古及河南蒙古番子交易即以見定地界為限不許徑赴蒙番游牧處所收買至甘涼肅州羊客准由野馬川沿邊一帶行走先行報明西甯辦事大臣衙門分別發給大票小票逐一註明嚴定期限由西甯府知會各提鎮飭知守卡弁兵據實查驗無許浮冒其蒙古羊隻每年定以四月至九月按照指定處所售賣事竣不准逗留以杜弊端至河南番族出售羊隻並飭循貴兩廳於貿易時照給票之例辦理此外甘州之野牛溝肅州之赤金湖等處向有漢奸偷窺金沙見經該督等嚴拏查禁惟大通縣屬之扎馬圖官金廠該匪徒等難保不乘間潛往開採著即嚴行封閉所有應納正撤課金二十八兩零即停其交納此項人夫糾聚已久該督等務須妥為安插無致流

東華續錄 道光七 七
稽察又復諸弊叢生該督等請嚴立章程明定地界自應如此覈實辦理嗣後無論何州縣羊客與河北蒙古及河南蒙古番子交易即以見定地界為限不許徑赴蒙番游牧處所收買至甘涼肅州羊客准由野馬川沿邊一帶行走先行報明西甯辦事大臣衙門分別發給大票小票逐一註明嚴定期限由西甯府知會各提鎮飭知守卡弁兵據實查驗無許浮冒其蒙古羊隻每年定以四月至九月按照指定處所售賣事竣不准逗留以杜弊端至河南番族出售羊隻並飭循貴兩廳於貿易時照給票之例辦理此外甘州之野牛溝肅州之赤金湖等處向有漢奸偷窺金沙見經該督等嚴拏查禁惟大通縣屬之扎馬圖官金廠該匪徒等難保不乘間潛往開採著即嚴行封閉所有應納正撤課金二十八兩零即停其交納此項人夫糾聚已久該督等務須妥為安插無致流

即停其交納此項人夫糾聚已久該督等務須妥為安插無致流

而為匪如經理不善仍有匪徒泐迹偷竄致生事端惟該督等是問○壬申諭禮部奏原任大學士公阿桂配饗 太廟位次朕思追配之文本示酬庸之典其安設牌位自應以服官先後為序兆惠雍正年間即已筮仕傅恒阿桂均係乾隆初年服官福康安係乾隆三十二年始行供職所有配饗西廡牌位傅恒著列於兆惠之次阿桂著列於傅恒之次福康安著列於阿桂之次○癸酉堵築直隸文安縣屬漫口○撥豫酒一萬石發直隸霸州等六州縣平糶並命保定等六縣平糶倉穀○乙亥 上親耕藉田○丙子 上奉 皇太后幸南苑 上行圍○辛巳 上奉 皇太后還京師○再撥南糧六萬石及通倉米四萬石發直隸霸州等州縣平糶○癸未 上奉 皇太后幸含輝樓 上騎射並閱 皇子及親王侍衛等騎射○甲申兩廣總督阮元奏官員子孫仰蒙予東華續錄 道光七 八

步履維艱論以在家靜養仍食全俸並屢遣人存問方冀舊病漸愈今遽聞薨逝實深震悼著賞給陀羅經被派大阿哥即日帶領侍衛十員代朕前往賜奠著加恩於例賞外由廣儲司庫賞銀五千兩經理喪事朕再示期親臨賜奠以示優卹所有飾終典禮著該衙門察例具奏尋賜祭葬諡日哲○是月加給直隸文安縣災民一月口糧

夏四月壬寅免河南蘭陽縣嘉慶二十四年因災蠲贖並熟地逋賦○甲辰諭顏檢自簡任直隸總督以來辦理均無貽誤惟年近七十究恐精力不逮有失整頓著來京另候簡用蔣攸銛著補授直隸總督不准以身係旗人世居寶坻為辭再族人眾多難於約束必然據情懇請蔣攸銛受 兩朝知遇厚恩惟當力圖報效國而忘家無論旗民事務一秉大公而已况伊歷任督撫皆能公幹東華續錄 道光七 九

廉明政聲彰著朕所素知設令再四懇求亦不能俯從所請也為國宣力其遵諭行○調那清安為刑部尚書玉麟為兵部尚書以穆克登額為禮部尚書由戶部左○調楊健為甘肅布政使朱桂楨為山東布政使○丙午轉穆彰阿為戶部左侍郎調恩銘為戶部右侍郎轉常英為兵部左侍郎調耆英為兵部右侍郎以明志為理藩院右侍郎松廷為內閣學士兼禮部侍郎銜辦事大臣○己酉河南漳河漫口合龍○庚戌 上臨故成哲親王永理第賜奠○免福建勦辦臺匪案內節次數減攤扣未完銀一百七十九萬餘兩○辛亥撥奉天復州甯海縣倉穀一萬五千石備承德縣民食○甲寅召丁憂回籍將次服闋前任河東河道總督張文浩來京○庚申裁陝西鳳翔府通判留壩廳南星巡檢各一添設安康縣撫民通判甄坪巡檢各一改甄坪縣丞為略陽縣丞移華陰

縣丞為整陽縣丞○辛酉以顏檢署工部左侍郎○癸亥命於

黑龍潭 覺生寺設壇祈雨 上躬禱於 覺生寺○ 上再臨

故成哲親王永理第賜奠○甲子賜林召棠等二百四十六人進

士及第出身有差○丙寅雨○是月緩徵江蘇邳州等九州縣衛

上年毗連災區各村莊新舊額賦

五月辛未前湖南巡撫左輔以年老休致○乙亥諭嗣後直省徵

收錢糧將墊完民欠名目永遠革除○壬午以內閣學士松廷為

西甯辦事大臣○甲申候補內閣學士莫晉因病乞假回籍允之

○丁亥移四川太平廳駐城口為城口廳定文武學額各三名改

太平廳仍為太平縣以巴州所屬錫圍園等處地方隸之定文武

學額各六名裁巴州文武生額各一名○是月展賑直隸霸州等

三十六州縣災民

東華續錄 道光七

六月庚子築山西河東鹽池馬道護隄並濬姚暹渠李棹堰涑水

河○壬寅命署工部侍郎張文浩會同蔣攸銛查勘南北運河並

永定大清滹沱各河○癸卯前江西巡撫阿霖以年老休致○己

酉召盧元煒來京起訥爾精額署山東按察使丁憂前任湖○甲

寅允蔣攸銛截留江廣漕米四十萬石存津倉備撥○戊午永定

河溢○壬戌北運河決○乙丑添設甘肅循化廳主簿貴德應照

磨各一裁按察司照磨皋蘭縣河橋主簿各一○是月加給直隸

靜海青縣二縣災民兩月口糧貸河南汝陽正陽二縣倉穀緩徵

浙江建德淳安二縣水災直隸趙州等十一州縣旱災雲貴河南

內黃縣雷災新舊額賦山東郊城等八縣雷災額賦並貸籽種

東華續錄

道光八

臣王先謙敬編

臣周綱蕃恭校

秋七月戊辰史致光以疾免以陸以莊為左都御史由署吏部○

辛未以故順承簡郡王倫柱子春山襲爵○庚辰以直隸霸州等

十州縣被淹較重飭撥銀米先行撫恤○裁貴州歸化廳屬生苗

枝土干總○壬午撥京倉米五萬石給五城平糶○癸未免直隸

嘉慶十八年軍需攤廉未扣銀七十餘萬兩○乙酉諭內廷向存

各省道府名單以備查閱朕因歷年已久不符者居多將名單另

鈔一分面交軍機大臣等諭令查明更換並未向奏事處大監等

提及一字乃曹進喜妄逞己見輒敢在勤政門外向軍機大臣等

查問聲稱吏部疲玩詞色俱厲經軍機大臣等面奏朕特派縣課

東華續錄 道光八

汪廷珍那清安將太監曹進喜面訊據曹進喜供認係伊自出主

見令吏部開單送伊閱看並欲定以期限如到期不換伊須查問

並欲向兵部堂官要武職各冊等語我朝 列聖相承 家法極

為嚴肅太監不過供官廷灑掃奔走之役從不許干預朝政所以

杜漸防微者至深且遠曹進喜在內廷參養多年於伊職分內不

應辦之事輒敢越分干預出言無狀實屬狂妄可惡之至此風斷

不可長曹進喜著革去五品總管交乾清門總管太監重責二十

板另派差使並將此旨載入宮中見行則例○分設京城外蘆溝

橋四處飯廠並飭直隸被水各州縣設廠煮賑○丁亥諭載銳係

成哲親王之嫡曾孫著襲封成郡王縣愜係成哲親王之庶子已

封為二等鎮國將軍縣總亦著加恩晉為一等鎮國將軍以示朕

篤念本支惇敘懿親至意○直隸總督蔣攸銛奏請速撥大賑經

費得旨直省連年水澇皆朕不德不能上感天和致我無辜赤子
荐受災荒何忍觀此景象惟有返身修己盡力拯濟庶救顛沛之
危但國家經費有常雖重帑用之於百姓原不稍為吝惜若令奸
胥猾吏趁機吞取則大不可卿受國家任用厚恩且才能素著任
事實心必須妥為經理俾災黎均霑實惠奸猾不得侵漁斯為不
負委任而朕用人亦光顏面矣勉之又勉○戊子移安徽潁州府
驛口橋捕盜同知駐艾亭集為撫民總捕同知並增把總一改前
裁之鳳陽府司獄為巡檢並增外委一均駐宿州時村集增潁州
營方家集亳州營張村鋪宿州營夾溝驛外委各一○己丑撥部
庫及各關稅銀一百八十萬兩備直隸賑需並永定河工需○河
南漳河溢○庚寅諭御史趙柄奏請救停各省停止分發佐雜人
員一招向來佐雜等官因部中銓選較難照例分發各省試用挨
東華續錄 道光八

道府以下知縣以上各官如有才具平常及年老衰邁者著該督
撫等遵照定例甄別改簡降補及勒令休致不得奏請以京職
改補儘違例請改該部即奏明更正仍將該督撫照例議處其從
前改補京職各員並著各該堂官留心察看如有衰庸不能勝任
者即隨時撤汰不得稍事姑容至因病解退之外任官員病痊起
補時槩不准呈請改補京職以歸畫一○諭軍機大臣等原任直
隸水利營田觀察使陳儀著有直隸河渠志於畿輔諸水沿波討
源而於永定河議論尤詳又據御史余文銓將陳儀文集進呈內
載文安河隄事宜四河兩淀私議永定引河下口私議治河蠶測
篇似有所見陳儀籍隸文安又身預水利諸事於畿輔水性地形
知之較悉惟自雍正年間迄今幾及百年其開水道通塞分合或
不免今昔之殊而援古證今足資採取朕前派張文浩等會同蔣
東華續錄 道光八

之例並無議處失察之條且止查禁海口洋船而於民間私熬煙片未經議及條例尚未周備嗣後如有洋船夾帶鴉片煙進口並奸民私種罌粟煎熬煙膏開設煙館文職地方官及巡查委員如能自行擊獲究辦免其議處其有得規故縱者仍照舊例革職若止係失於覺察按其煙片多寡一百斤以上者該管大員罰俸一年一千斤以上者降一級留任五千斤以上者降一級調用武職失察處分亦照文職畫一辦理其文武官擊獲煙斤議敘均著照舊例行至滇省迤西迤東一帶將罌花熬為鴉片必須嚴為禁止著該督撫嚴飭地方官曉諭居民不准私種罌粟以淨根株○己亥初舉經筵 上詣 傳心殿行禮 御文華殿經筵幸文淵閣賜講官及聽講諸臣茶復賜宴於本仁殿自是以為常○庚子命孫玉庭委員採買四川湖廣江西米石備安徽災區平糶○癸卯東華續錄 道光八年 四

復松筠頭品頂帶○乙巳諭軍機大臣等御史程喬采奏直隸貧民出口謀生請敕各關口詢問來歷放行一摺所奏甚是向例民人出口憑票放行原以杜奸匪而嚴管鑰至遇饑饉之年貧民車載襁負或依倚親族或出口傭趁亦屬事所恒有從前乾隆嘉慶年間辦理荒政俱聽其出口謀生係一時權宜之政此等窮黎勢不能紛紛請票但當問明來歷並詢其將往何處投止即行知所往地方俾得有所稽覈本年直隸災區較廣如該御史所奏風聞各處關口留難向阻一槩不准放行該民人甫抵關門又復長途紆折其情極為可憫該督接奉此旨即迅速行知直隸所屬各關口除商賈行旅及形迹可疑之人仍照舊例驗票放行外其實係覓食災民止須問明來歷以備稽查毋得概行攔截俟來歲春融情願回籍耕種者即任其復業可也○壬子諭軍機大臣等前據

蔣攸銛片奏此次恭辦大差未便仍照往年借資民力見給發銀兩敬謹辦理至冬春需用車輛係取自民間州縣不能全數貯墊亦應量予津貼共需銀十萬兩先於運庫生息項下借墊分年攤廉歸還等語已批示依議妥辦矣朕思力役之徵從古所有我朝自 聖祖仁皇帝以來 列聖相承凡遇謁 陵及熱河秋獮巡幸盛京恭謁 祖陵諸大典或每歲舉行或閒歲舉行皆不能不借資民力即間有偏災如嘉慶六年之水我 皇考仁宗睿皇帝於此年七月仍舉行熱河秋獮之典彼時未聞累及閭閻亦未有借墊捐廉之事誠以直隸民賦本輕偶遇災荒則蠲緩賑恤有加無已厚澤深仁至優極渥即偶用民力亦分所宜然本年直隸被水朕恫瘝在抱不惜帑金發給至一百八十萬兩之多截留漕糧前後共五十五萬石又撥奉天粟米十五萬石軫念民依不為不厚若如該督所奏竟不借資民力於庫項先行撥墊攤廉還款是廢力役之徵並未從長計較試思各官養廉為數無多如每差必扣勢必致無廉可領辦公竭歷成何政體且此後謁 陵秋獮必應次第舉行該省地方官無廉可扣又將以何項攤捐且庫項亦不能源源接濟所謂惠而不知為政朕不料蔣攸銛亦復如此蔣攸銛所奏是否體察本年被災情形權宜辦理抑遂欲援為成例摺內並未詳悉聲敘殊屬含混此次姑從所請依議妥辦斷不可通行貼示以致日後扞格難行蔣攸銛接奉此旨須通盤籌畫務思朝廷大體經久可行毋為目前之計此後宜如何設法籌辦方妥之處著即明白覆奏尋奏借款辦理大差係體察被災情形權宜辦理報聞○甲寅命蘆溝橋等四廠外添設二廠並折米散放○乙卯以浙江杭州等三府屬水災免海運商米船稅並留各關

稅銀備賑○是月賑安徽無為等十六州縣水災給河南濬縣等
十三縣水災一月口糧並修屋費江蘇江浦等六縣水災一月口
糧緩徵河南武陟等十五縣水災蠲災新舊額賦湖北黃梅縣水
災錢糧展緩河南蘭陽等三縣歉收新舊額賦並儀封鹿灘租
九月丁卯撥浙江鹽庫銀三十萬兩買米平糶○戊辰諭蔣攸銛
奏請派員查勘紅花隄缺口一摺直隸元城縣境衛河與山東館
陶接壤向有紅花隄一道以禦漳衛二河北來之水嗣因漳河南
徙水無倒灌其隄段久已殘廢迨復經修建後上年豫省漳河漫
水下流由大名元城直達紅花隄潰決隄埝由館陶注入衛河若
將漫口堵築恐滙水無從疏洩元城縣北鄉村莊皆成澤國若不
築復則館陶縣村莊又受其害事關兩省民田廬舍必須熟籌妥
議以資經久著派大學士戴均元馳驛前往該處確切勘辦務令
東華續錄 道光八

鳴傑為浙江布政使調吳榮光為湖北按察使以伊里布為浙江
按察使由山西翼
○調高溥為江西布政使潘恭辰為廣西布政
使○辛巳撥部庫及江蘇各庫銀一百萬兩備江蘇賑需○壬午
上奉 皇太后啓鑾謁 西陵○免經過地方額賦十分之三
○丙戌 上謁 泰陵 泰東陵 昌陵回鑾○丁亥免直隸通
州等二十七州縣水災額賦○己丑 上臨奠端悃固倫公主園
寢及故大學士朱珪墓○ 上奉 皇太后還京師○庚寅命五
城飯廠加米煮賑○賜故大學士朱珪曾孫甘霖舉人○壬辰諭
軍機大臣等戴均元奏查勘直隸元城縣北境紅花隄見在內外
地畝全行涸出業經補種麥苗據戴均元率同該道府等逐加履
勘有大缺口一處約長四十丈係上年漳河漫水沖缺其餘歷年
漫開大小缺口尚有六七處惟漳河上游從何處漫缺下注必須
東華續錄 道光八

兩無妨礙方為盡善至內黃旗屬袁村地方因缺口多年將地畝
刷成河形見在鹽運商民各船隻均以竇公河淤塞改從新刷河
道行走有無阻礙並著詳加查勘後順道赴河南會同程祖洛將
漳水見復東漫民埝不能捍禦宜如何設法宜洩以利修防之處
悉心籌議據實具奏○己巳命浙江暫弛海禁招商赴臺販米○
壬申命浙江平糶倉穀○癸酉免領運奉天賑米船帶商米二成
稅○乙亥諭和孝固倫公主朕之姑也自幼仰承 皇祖高宗純
皇帝鍾愛最篤嘉慶年間 皇考仁宗睿皇帝疊加 恩眷至為
優渥本年春間遺疾朕屢次遣人存問方期剋日就痊茲聞薨逝
實深憫惻著賞給陀羅經被派悼親王帶領侍衛十員即日前往
奠醊朕於本月十四日親臨賜奠所有喪事一切官為經理並派
廣泰在彼妥為照料以示優卹○丁丑永定河漫口合龍○以黃

將來路究明方可疏治著戴均元於馳抵河南安陽縣後會同程
祖洛親歷上下確切查勘應如何設法籌辦據實奏明辦理至元
城境內引河一道由府城東南隅至何家莊穿隄入衛河身窄狹
易於衝潰該民人情願自行改穿著知會直隸總督即飭元城縣
將河身挑直量加展寬以暢其流其紅花隄缺口下有新刷水溝
由館陶之徐家倉入衛五百餘丈該處地勢較窪著將溝槽挑成
河道以期分流洩水並建築東西兩隄俾免旁溢其開溝築隄之
處皆係民田著嚴計地畝豁免錢糧給還地價需用公費即飭該
管知府確估借帑興修事竣攤徵還款○以松筠為吉林將軍穆
彰阿為左都御史調裕恩為戶部左侍郎奎照為吏部右侍郎以
多福為刑部右侍郎由左副都
○是月賑直隸通州等四十州縣
山東臨清等五州縣水災加賑江西德化縣湖北黃梅縣河南武

陟等五縣水災給江蘇儀徵等四縣湖北江陵等三縣水災口糧
並修屋費蠲緩山東臨清等十六州縣衛直隸薊州等五十州縣
水災新舊額賦河南武陟縣湖北黃梅縣水災額賦及屯坐各衛
應徵新舊額賦並給修屋費緩徵江西德安等十三縣額賦直隸
昌平等三十州縣新舊糧租長蘆被水課銀展緩齊齊哈爾等四
城應還貨糧

冬十月癸卯諭戴均元等奏會勘新刷衛河一摺前因內黃縣袁
村地方將地畝刷成河形見在鹽運商民各船均改從新河行走
經朕特派大學士戴均元會同程祖洛將有無妨礙之處詳加查
勘茲據奏稱衛水向係經實公河下注因障水挾洄而來將衛水
頂阻旁決袁村今漳水業經北趨改由慶豐莊歸入正河其實公
河上游止係洄水較前此漳洄合流衝衛情形迥異衛水自袁村
東華續錄 一 道光八

決口刷有河槽則漳衛分流輕減水患實為可乘之機自應通籌
全局開治新河惟衝刷處所閒有淤淺兩岸亦恐旁溢應行挑挖
深通並築隄捍衛著一併相機妥辦其瓠子背東岸溝形一道偶
遇漲水即由龍王廟地方歸入正河著於該處築鉗口壩夏開冬
閉以備宣蓄惟內黃縣境東袁村等村漫水穿村行走居民難免
浸灌著於東袁村大晁村疏濬支流將村口正流堵塞其大杜村
之水無支流可引著於該村前後築隄捍衛旁溢支流悉行堵閉
使全溜俱歸正河所有新河經由處所除直隸境四十餘里黃河
故道本無錢糧外其餘行糧民地久經水衝沙壓雖未咨請豁免
而歷年錢糧多係緩徵著自道光三年為始將河身所占地畝應
徵錢糧並前此歷年緩徵錢糧均確查題請豁免其築隄占用民
地亦著照公占田地之例給予地價工程經費見據該商等呈請

捐輸著直隸總督長蘆鹽政會同程祖洛委員確查籌辦俾衛河
久遠暢行以奠民居而利商運○己酉以武陟阿為內閣學士兼
禮部侍郎銜前在內閣○撥安徽關稅及捐監銀十萬兩並本省
耗羨銀備無為等三十三州縣衛賑需○辛亥撥龍江等關稅銀
三十三萬兩備江蘇太倉等四十七州縣衛賑需○壬子分青海
蒙古河北二十四旗為左右翼每翼添設正副盟長各一每六旗
設扎奇噶克齊一每三旗設梅楞一每旗設扎蘭一○癸丑內閣
學士徐頌以病免○甲寅帥承瀛奏浙商捐銀備賑 上不許仍
准應完各款加展五綱○撥浙江運庫銀三十萬兩備海甯等二
十州縣衛賑需○乙卯賜張從龍等五十三人武進士及第出身
有差○丙辰加恩舊學贈故內閣學士徐頌侍郎銜予祭葬賞其
子綸舉人○添設河南睢寧蘭陽汛額外委一○庚申諭戴
東華續錄 一 道光八

均元等奏會勘漳河漫口池下情形設法籌辦一摺治水之法合
則為患分則安流漳河性本湍悍自乾隆五十九年由三臺村南
徙合洄以來衛水為其頂阻漳與洄每值夏秋同時異漲民檢不
能捍禦以致安陽內黃池下各處頻年衝決此合則為患之明證
茲據戴均元會同程祖洛前往周歷履勘衛水由袁村池東衝刷
成河經百六十餘里至大名縣之岔河嘴而後與漳合洄水復由
原路獨行百餘里至楚旺而後與漳合見在漳河北徙雖無一定
河槽業已分殺水勢自當為因勢利導之計著照所請於樊馬坊
馮馬坊陳家村湘河河幹各處北岸支流築作柴壩堵截使河幹
池上分流歸併一處田市北岸水高南岸一尺有餘即就高灘挑
挖引溝一道俟漫水消涸再將辛莊一帶漫灘之水勘明築壩堵
閉完密以資直隸大名等處捍衛其梗阻河心之田家營等十處

南北兩岸迎溜處所編設柴壩以護民居北岸上游商家村孫陶集兩處壩工卑薄即飭鑲修高厚並加築挑壩土格以期穩固自柴村橋起跨歷新淤河形接連洹河北岸民埝建築土埝一道再將舊民埝培厚加高樊馬坊迤下南岸王家口築作土格土壩以免申流南趨使漳洹不至再合所需工料著程祖洛飭勘確估設河勢再有變遷見在擬辦工程有應量為增減者隨時奏明辦理一切經費先由司庫借項與修事竣攤徵歸款河身所占地方應徵錢糧即飭地方官查明照例題請豁免至修隄築壩事宜著河北道鄒錫澹往來稽察懷慶府知府王康又總司其事妥為督辦前任汝甯府知府王世臣常駐工所會同該府督飭該縣及工員等實心經理務於明歲春融趕緊興辦限四月內完竣仍俟新河行走一年後該撫審度形勢如尚有宜修治之處再行奏辦○壬戌以那丹珠為左副都御史由太僕寺○以廉奇瑜為太僕寺卿吳榮光為貴州布政使宋如林為湖北按察使由浙江○是月賑湖北江陵等三縣衛水災並免新舊額賦給修屋費奉天錦州旗民山東武城縣水災一月口糧直隸天津鎮三營及紫荆關各汛被水兵丁銀米緩徵安徽無為等四十二州縣江蘇高郵等二十九州廳縣山東濟甯等七州縣衛新舊額賦奉天甯海縣款收本年額賦湖北沔陽等十一州縣及屯坐各衛新舊額賦山西五臺縣水災春借倉穀兩淮安豐等九場款收竈課並應還貨糧十一月丙寅以惠顯為福建布政使調齡住為安徽按察使以盧元偉為山西按察使品京堂○辛未裁貴州普定縣屬土千總二土把總五○乙亥以成格為刑部左侍郎毓岱為廣西巡撫病痊○庚辰再撥銀二十餘萬兩備直隸賑需○丁亥諭定例冊封皇

東華續錄 道光八

貴妃貴妃俱祭告 太廟後殿 奉先殿封嬪無告祭之文向來翰林院恭擬告祭文內有冊封嬪文係照成案辦理於成例未能相符嗣後封嬪不必告祭即與妃同日冊封亦無庸將封嬪告祭著為令○諭戶部軍需局係因辦理軍務而設此時自無庸設立專局著照戶部所議將該部軍需局裁汰一切檔案酌量分派陝西山西二司承辦以復舊制其嘉慶年間軍需未結各案亦責成兩司司員上緊清釐以銷糜積而重帑項○申定廣東福建捉人勒贖治罪例○免山東海販奉天雜糧稅○己丑晉封和嬪那拉氏為 和妃 全嬪鈕祜祿氏為 全妃祥貴人鈕祜祿氏為 祥嬪○辛卯敕諭哈薩克汗愛畢勒達曰昨據伊犁將軍奏爾遣弟占圖喇蘇勒坦呈遞回字文稟內稱爾父瓦里蘇勒坦上年病故爾父喪事完畢即遣爾弟占圖喇蘇勒坦等呈報事故恭進東華續錄 道光八 十一 貢馬並爾父故後哈薩克等眾公議願爾承襲汗爵因未奉諭旨不敢稱汗祈朕矜恤施恩等語朕聞爾父身故甚為軫惜爾祖爾父均屬恭順仰受朕恩茲爾父身故爾雖管轄哈薩克等眾因無朕旨不敢稱汗特遣爾弟占圖喇蘇勒坦稟稱朕皆願爾為汗請朕諭旨尚屬出於至誠實堪嘉尚汗爵係爾祖父所遺爾父在時爾即幫辦遊牧事務屬下哈薩克等均皆敬服爾能約束伊等朕所確知特命大臣齋去銀紙等物賜奠爾父爾父汗爵加恩即著爾襲封錫以詔書爾接奉此詔惟當感戴朕恩哈薩克等眾留心妥為管束友睦子弟勿生事端肅清邊陲嚴擊盜匪和輯鄰封凡一切事務悉聽伊犁將軍塔爾巴哈台參贊指示妥為辦理不可絲毫冀倖取巧爾果能如爾祖父勤恪朕必倍加優眷爾宜欽遵恩旨以期萬萬年永受朕恩欽哉勿怠今因頒詔賞爾大段四匹

二九三

齋到祇領再據伊犁將軍轉奏爾遣爾姪阿布齊蘇勒坦伊弟丕
喇伊里蘇勒坦等祈將爾故兄阿帕斯蘇勒坦公爵恩賞阿布齊
蘇勒坦承襲等語此公爵係爾祖父宣力多年 特恩賞給並非
世襲今阿帕斯蘇勒坦病故理應停襲惟念爾姪阿布齊蘇勒坦
遠遣伊弟丕喇伊里蘇勒坦等恭請朕安並進貢馬尙為恭順將
此公爵即賞阿布齊蘇勒坦承襲此係朕矜恤外藩恩施格外不
可為例將此明白曉諭爾姪阿布齊蘇勒坦知之特諭○是月貨
甘肅靜甯等十六州縣災民口糧蠲緩湖南澧州等五州縣水災
甘肅宜禾縣旱災新舊額賦緩徵江蘇太倉等二十一州縣應衛
水災甘肅靖甯等十三州縣歉收新舊額賦熱河歉收莊頭差米
十分之三山東臨清等處被災引課及加價銀奉天各城兵丁應
還倉穀

東華續錄

道光八

十一

十二月辛丑裁貴州長寨同知所屬中順里土外委○壬寅調酌
爾經額署安徽按察使以劉斯唱為山東按察使補缺○以
內閣學士武隆阿為直隸提督○乙巳添設京城南郊飯廠煮賑
○以白鎔為內閣學士兼禮部侍郎銜輔○庚戌以辛從益為
禮部右侍郎○甲寅諭前據松筠奏雙城堡屯田情形請
先移駐在京閒散宗室並以雙城堡原議移駐京旗閒散查有盛
京養息牧及大凌河二處均可籌辦移駐本日軍機大臣會同宗
人府議奏宗室分駐吉林散處各屯諸多窒礙並據音昌奏查明
養息牧大凌河二處牧廠荒地勢難再議開墾各等語養息牧大
凌河二處牧廠試墾不便情形嘉慶年間屢奉 皇考仁宗睿皇
帝諭旨駁飭彼時松筠會以此被議即不應於此時再行瀆奏且
松筠見任吉林將軍實屬越俎該將軍回執前見不顧事理之是

非意在必行其說所奏尤為荒謬松筠著交部議處○賞和孝公
主子輕車都尉富那二品頂帶○以陝西南山地方安靜加陝安
道嚴如煜按察使銜○改江蘇淮安府檢校為清河縣巡檢○清
直隸通惠河○乙卯諭御史王世綬奏請嚴京察一摺國家徵敘
官方三載考績為激揚之大典朕恭讀嘉慶五年十一月 皇考
仁宗睿皇帝特諭近年以來六部堂官所拔職之司員大率以迎
台己意者為曉事之人以執彙剖辨者為不曉事之輩以每日偃
謁卑詞巧捷為勤慎以在司坐辦口齒木訥者為迂拙遂致趨承
卑鄙之憐昏夜白晝驕人仕路頹風幾不可問朕思轉移風氣之
方須立矜式觀摩之準見已將屆京察之期各部俱應慎重選舉
以公心辦公事勿存絲毫私意問心無愧斯可對君此旨著通行
曉諭各錄一通懸於公署朝夕觀覽等因欽此 聖訓煌煌至為

東華續錄

道光八

十三

詳備部院各堂官果能實力奉行自可黜陟允當朕即再降旨申
諭亦不能出 聖諭之範圍如該御史所奏歷屆京察有出任道
府督撫撤令回京者堂官薦之於前督撫劾之於後或保或參互
相矛盾此言未嘗不是然欲守兼優者固屬攸往咸宜其資格較
久謹願樸實之員原有部務熟悉而初膺外任未必裕如者朕屢
飭直省督撫隨時甄別原非一經薦舉即不復加以參劾也其衰
庸各員該堂官等自應嚴加甄汰儻憐其衰憊特予矜全曲徇人
情好為姑息一經發覺惟該堂官是問至所稱候補各員有才堪
造就不妨試以吏案策勵使前似為得人起見然候補人員於案
案事件原應一律講求以期熟悉至補缺先後挨次敘用自有一
定成例各衙門有例可循尚恐堂官以愛憎為取舍不盡公允若
妄更成例越次揀選名為鼓勵人才實以開奔競之門躁進者遂

捷足先得守分者必致補缺無期此端一開流弊滋甚所奏斷不可行至各員簡擢外任或因貧劣被參原保各官吏部本有處分定例亦無庸更立科條也○召廉敬來京以蘇成額為山西布政使鄂山為河南按察使由內閣○丁巳和桂緣事降調博啓圖為倉場侍郎轉舒英為禮部左侍郎調明志為禮部右侍郎以色克精額為理藩院右侍郎由內閣○張映桂緣事降調顏檢為倉場侍郎顧皋為戶部右侍郎顧德慶為工部右侍郎轉朱士彥為兵部左侍郎以賈允升為兵部右侍郎由吏部○戊午論松筠於盛京養息牧大凌河二處牧廠不便試墾之地固執前見率行清奏並自請前赴盛京會勘籌辦實為越俎荒謬部議降二級調用本屬咎有應得姑念其究係因公松筠著加恩改為降二級留任不准抵銷○祥德以病免調宋如林為貴州按察使以王惟東華續錄

道光八

詢為湖北按察使由江蘇○庚申調訥爾經額為山東按察使劉斯媚為安徽按察使○辛酉諭回子阿布都哈里從前曾經賞給原任大學士傅恒使令今平定回疆已越多年各回子王公等俱極恭順出力著加恩將阿布都哈里及伊子博巴克阿布都色默特伊孫阿錫木俱著賞給馬甲錢糧入於正白旗蒙古當差○召陳若霖來京命戴三錫以二品頂帶署四川總督調陸言為四川布政使以福祿為直隸布政使董浩為直隸按察使由通永○是月貸江蘇蘇州等五府州駐紮災區兵丁銀米緩徵浙江秀水等七縣災民口糧湖南安鄉縣被淹湖田額賦展緩雲南被水龍課

○是歲朝鮮琉球暹羅緬甸來貢○會計天下民穀數除直隸武清等三十一州縣江蘇福建臺灣等處未經咨報外各省通共大小男婦三萬七千五百一十五萬三千一百二十二名口各省通

共存倉米穀三千四百八十九萬六千六百六十六石七斗五升四勺

東華續錄 道光八

東華續錄

道光九

臣王先謙敬編

臣周嗣蕃恭校

道光四年甲申春正月壬申諭朕恭擬三月叩謁 東陵以伸誠

悃但直隸兩年收成歉薄彼時正值青黃不接之時民力維艱著

暫行停止前往再今歲秋猶木蘭允宜遵循 成憲肆武綏藩然

不可不審度時勢量為展緩今歲亦著停止此朕不得已之苦衷

非敢耽於安逸也直省大吏務當體朕之心為心懲黜昏墨獎勵

賢能凡有益於民者盡心講求期吾赤子共免顛沛流離以佐朕

順時休養之至意○癸未停奉天採買粟米撥戶部銀四萬八千

兩貸直隸貧民口糧○甲申諭軍機大臣等本日據黎世序奏患

病請假調理已明降諭旨給假兩月並賞人漢五兩俾得安心調

東華續錄 道光九

養河督事務令孫玉庭暫行兼署矣朕思河務一切事宜與地方

情形不同非熟諳修防實心任事之員不能得力懸在平日留心

察看儲養人才方足以資任使孫玉庭兼轄河務黎世序職任總

河均已數歷多年於河務人員自必周知有素著於兩江及豫東

兩省司道各員中有通曉河務結實可靠者即密保一二員據實

具奏○丁亥諭本日據軍機大臣大學士會同戶部議奏保送倉

監督激勸章程一摺所議是各倉花戶飢法總由監督約束不嚴

自應慎加遴選明示勸懲不可僅應故事務從其實以收得人之

效嗣後各衙門保送監督欽天監太常寺鴻臚寺鑾儀衛各衙門

司員俱著無庸保送見任各員不必撤回仍責成該侍郎等隨時

甄別未補各員槩予註銷其餘各衙門仍照向例令各該堂官擇

其明白體面兼有才具者秉公保送其結實可靠之員准其奏留

再任三年備始終奮勉隨時奏請即予升途至京察之年並著添

保一員滿漢相間輪保務擇才守俱優者列為一等不得先儘坐

糧廳大通橋監督以昭公允各倉監督除舞舞得職隨時嚴辦將

原保堂官交部議處其不實心任事者著該侍郎隨時參處庸懦

無能者咨回原衙門行走並著停升三年雖俸滿亦不准保送外

任至花戶舞弊係監督自行查出者即專治花戶應得之罪監督

失察處分槩予寬免向例倉監督給予養廉止領半俸嗣後並賞

給全俸用資辦公即自本年春季為始其萬安海運二倉事務本

繁著該侍郎於各監督內揀員調補自此次立定章程之後務各

秉公選擇實心整頓以杜積弊而慎倉儲○辛卯以劉彬士為左

副都御史兼理○是月展賑直隸通州等三十八州縣上年雹

災河南武陟縣濬縣旱災各一月給江蘇太倉等三十州縣衛安

東華續錄 道光九

徽無為等十七州縣浙江海甯等十二州縣橫浦等四場兩淮

安豐等九場水災山東臨清等五州縣雹災一月口糧貸河南武

陟等十二縣上年水災籽種口糧省穀江西德化等十四縣湖北

黃梅等三縣及各屯衛湖南澧州等四州縣甘肅秦州等十州縣

齊齊哈爾等三城被災軍民籽種口糧江蘇泰興營兵丁兩月錢

糧緩徵直隸通州等一百一十一州縣山東德州等二十州縣衛

本年額賦展緩長蘆豐財等四場上年電丁借銀

二月丁酉諭本日據軍機大臣會同戶部掌官議覆松筠等奏漢

務章程一摺所議是吉林漢務節經立定章程而攬頭創夫尙形

苦累自應量為調劑所有綏芬烏蘇里產濱山場住山過冬創夫

著准其仍復舊規辦理並令各攬頭舉熟習創夫令在蘇城蘇子

海訥思屯呢滿口等處尋採按額交上等好漢挑贖餘漢方准賞

給售賣如有成色蒙混情弊即著落賠換重責示懲其每年留山
創夫不得過每票人數之半如有事故該攬頭於放渡票前註冊
更換責成押票章京隨時稽察備潛行透漏從重究治稍有疏縱
將該員等分別議處並著守卡弁兵查驗勿任黑人夾帶私渡以
昭嚴密至松筠等奏請在小綏芬雙城子達場河一帶屯田墾種
以供創夫糧食耕植採澁本難兼顧辦給農具殊形繁費且道里
遼遠官兵稽察難周尤恐別滋事端轉啟奸民窩藏奇頓等弊著
無庸議朕因松筠熟悉吉林情形簡畀將軍重任乃一赴新任遇
事紛更種種錯謬松筠不勝吉林將軍之任吉林將軍仍著富俊
補授富俊覆奏創夫攬頭等苦累情形請援照嘉慶初年渡餘銀
兩每兩酌減六七兩以十三四兩抽收以裕商力及屯兵交倉糧
石糶價不敷原奏四錢之數並著富俊於到任後察看該處情形

東華續錄

道光九

三

據實詳晰具奏又諭穆彰阿著補授理藩院尚書松筠即補授左
都御史此係朕眷念舊臣格外施恩賞給差使松筠務慎守本任
舊章無得仍蹈故轍致干咎戾○江南河道總督黎世序卒贈尚
書銜晉太子太保以張文浩代之署工部○戊戌撤北新倉種米
三萬石稔米二萬石給五城平糶○禁江蘇浙揚兩關濫徵商課
並申定權稅章程○以誠端署江蘇布政使前任福建○己亥
上御經筵○辛丑諭禮部將原任河道總督黎世序應得卹典察
例具奏覽之倍覺惻然黎世序宣力河防十餘年來懋著勤勞克
盡職守允宜特予恩施以昭勸績著加恩賜諡襄勤入祀賢良祠
並照部議給與祭葬碑價銀兩由該衙門撰擬碑祭文一體頒給
用示朕眷懷蓋臣至意○甲辰以武忠額福勒洪阿張麟俱為內
閣學士兼禮部侍郎銜武忠額由詹事府勅授由太常寺勅授○以程含

章署工部左侍郎辦理直隸水利勘溝護江西巡撫由布政○改
福建艍艍營遊擊為水師參將駐鳴瑪蘭添設鳴瑪蘭營都司千
總各一外委二都司駐伍圍務伍圍守備駐頭圍頭圍千總駐三
紹○壬子諭軍機大臣等原任江南河道總督黎世序經降旨
優予恩施而追念賢勞彌深軫結特製遺問詩一首著交程祖洛
於接奉後俟黎世序靈柩到籍即發交伊家祇領奉勅立石墓前
用示朕眷念蓋臣至意○借撥直隸通永霸昌兩道庫款展賑飢
民○甲寅 上奉 皇太后幸南苑 上行圍○乙卯以直隸水
災命平糶倉穀○己未 上奉 皇太后還京師○裁貴州歸化
廳屬生苗枝土千總○是月給江蘇銅山縣災民一月口糧展緩
河南睢州等二十八州廳縣加價銀緩徵江蘇高郵等五十四州
廳縣衛上年水災額賦

東華續錄

道光九

四

三月甲子朔調毓岱為江西巡撫以康紹鏞為廣西巡撫服闋前
○丁卯頒 御製養正書屋全集於國子監○戊辰以 裕陵
隆恩殿工竣復縣課親王爵數均元太子太保○乙亥 上親耕
藉田○禁直隸屯居旗戶私設總催領催名目○己卯築直隸新
開衛河隄埝並添建壩座○庚辰同麟以病免以海齡署盛京刑
部侍郎轉色克精額為理藩院左侍郎以凱音布為理藩院右侍
郎由左副都○辛巳諭據戶部奏各省關稅銀兩除本省扣充兵
餉及部議准其動撥外餘俱解交部庫以供京營兵餉及一切經
費請飭各督撫毋得自行指撥等語國家薄賦輕徭各項錢糧從
不輕加銖黍歲入歲出俱有定額並非務為封殖各省關稅銀兩
解存部庫原以備庶政之需若任聽外省自行指撥在各關監督
不過節省運費而庫項漸少歲支各款又將何項應用嗣後各省

督撫如有迫不及待之項仍准其聲敘實在情形奏明辦理其非迫不及待之款遇有需用或另籌開款或飭部酌撥毋得率行指撥關稅以符定制○甲申裁廣東潮陽營屬門關礮臺青嶼礮臺把總外委各一添設普甯縣城千總外委各一移石井礮臺千總駐青嶼門關礮臺外委駐石井○丁亥 上閱健銳營兵○以河南省新開衛河支流上游築壩給居民地價並免額賦○初彭齡以年老乞休允之賞半俸以陳若霖為工部尚書○戊子以審辦傳教逆匪馬進忠一案詳慎妥速賞署山東巡撫琦善署按察使訥爾經額花翎餘升補有差○是月展緩浙江幫丁應繳銀

夏四月丁酉修直隸南北運河隄壩並清苑等二十二州縣橋道隄埝○壬寅命程含章會同蔣攸銛籌辦直隸河工○命查嘉慶

八年以前陝西陣亡鄉勇入祀昭忠祠○乙巳諭刑部審理案件必須盡心推勘將真實情形水落石出方足以昭執法之平上年

內閣有遺失金葉表文一案黏桿處有遺失蝦鬚鈎魚竿等件一

案近又有內閣遺失硃籤一案俱經刑部審訊具奏並未究出被

竊緣由及贓賊確據刑部為刑名總匯於各犯到案固不可一味

刑求致使無辜受累然果能悉心研究豈有尋常盜竊之案轉不

能審有端倪若徒以一奏了結則正盜漏網奸猾之徒益復無所

忌憚其何以明罰敕法耶嗣後遇有此等案件該堂官務督飭司

員詳慎推鞠總期人賊並獲按律定擬斷不可顛預了事致滋寬

縱如案已奏結或在逃正犯別經發覺朕惟該堂司各官是問恐

不能當其咎也○諭軍機大臣等本日御史陳漢奏永定河開壩

減河情形據稱前聞河臣張文浩查辦直隸水利議於永定河南

岸建設開壩挑挖減河見已興工於南岸修復金門開挑挖減河

一道又於開上建灰壩一座挑挖減河一道皆為分減盛漲洩入大清河之用查金門開久經堵閉乾隆年間孫嘉淦會於開上開放南岸洩水入中亭河不能容納附近民田受害旋即趕緊堵築今新開減河放水灌入清河與孫嘉淦所為無異况清河壅塞不能容納減水易滋漫溢等語大清河貫串東西兩淀因下游為永定河濁水所淤上游頻年潰決畿南十餘州縣被災獨重必須先從下游疏治俾得暢流入海若專在上游灌輸濁水則壅遏泛濫為患彌甚此事關係全河大局不可不計出萬全著交程含章蔣攸銛再加相度通盤籌畫務使隄障田廬兩無妨礙方為至善尋奏查永定河縣長四百餘里兩岸皆沙不能如江南之土性堅實可以加高培厚自嘉慶六年全河漫口北上汎土山衝刷殆盡此時補偏救弊惟有修復金門開並於南上汎添建灰壩盛漲時出水不過二三尺歷時不過一牛日與乾隆五年孫嘉淦奏准將永定全河入金門開引河下注者迥不相同容親赴永定覆勘妥籌從長計議報聞○戊申諭御史蔡學川奏請嚴禁幕友濫邀議敘一摺所奏是朝廷議敘之典原所以鼓勵人材至幕友襄理幕務由本官自行延請與在官供職者不同若以有職人員舍官就幕遂得濫邀議敘既難免大員市恩瞻徇等弊且開各項人員規避取巧之端嗣後各督撫鹽政等奏請一切議敘概不准將幕友保列以杜冒濫○己酉訥爾經額因病賞假以賀長齡署山東按察使○癸丑恭纂 仁宗睿皇帝實錄 聖訓成○乙卯

上詣 黑龍潭祈雨○辛酉定編譯進士出身之小京官筆帖

式推升漢字堂主事例○以寶興為左副都御史○是

東華續錄 道光九 六

時補偏救弊惟有修復金門開並於南上汎添建灰壩盛漲時出

水不過二三尺歷時不過一牛日與乾隆五年孫嘉淦奏准將永

定全河入金門開引河下注者迥不相同容親赴永定覆勘妥籌

從長計議報聞○戊申諭御史蔡學川奏請嚴禁幕友濫邀議敘

一摺所奏是朝廷議敘之典原所以鼓勵人材至幕友襄理幕務

由本官自行延請與在官供職者不同若以有職人員舍官就幕

遂得濫邀議敘既難免大員市恩瞻徇等弊且開各項人員規避

取巧之端嗣後各督撫鹽政等奏請一切議敘概不准將幕友保

列以杜冒濫○己酉訥爾經額因病賞假以賀長齡署山東按察

使○癸丑恭纂 仁宗睿皇帝實錄 聖訓成○乙卯

上詣 黑龍潭祈雨○辛酉定編譯進士出身之小京官筆帖

式推升漢字堂主事例○以寶興為左副都御史○是

月貨湖北武昌府屬道士洪營荆州城守等營兵丁倉穀江南徐州鎮標中營等駐紮災區兩月錢糧緩徵山東濱州等二十州縣及各屯衛新舊額賦

五月癸亥朔裁貴州貞豐州屬羅炎司土外委○甲子諭刑部奏審訊山西榆次縣民閻思虎強姦釀命大槩情形已據各犯供證確鑿並聞思虎親供是強非和毫無疑義此案該省承審各員顯有賄屬徇縱回護刑偏情弊榆次縣知縣呂錫齡著即革職太原府知府沈琮忻州知府慶純平定州知府賈亮采太原縣知縣章頌椿俱著解任著邱樹棠即行派委委員迅速押解來京榆次縣門丁蘇大尤為案內要犯即著呂錫齡於任所交出不准藉詞脫逃同應訊之榆次縣刑書輩必違早役曹宗洛散役要維郝明武思德郝添源伴作李文及說合過錢之下尊周等一併提齊分起

東華續錄

道光九

七

解送到部歸案質訊該撫務嚴飭委員沿途小心管解趕緊行走儘有疏虞惟該撫是問恐不能當此重咎也○乙丑諭趙慎珍等奏閩洋米艇賊船緝捕不能得力請全行裁汰一摺閩洋米艇船隻前因慶保等以船身遲笨駕駛未能得宜奏請裁汰十五船當經降旨准行並令將裁廢船隻俟應拆修之時照同安梭船式一律改造茲據趙慎珍等查明見存米艇各船仍難適用見屆大修小修若仍舊修造未免帑項虛糜自應全行裁汰著照所請除已改造之勝字六號等米艇八隻堪資得力無庸議裁外所有見在屆修駕廢之勝捷兩字號同擊碎之捷字六號十二船俱著即行裁汰其存營駕駛之勝字一號十號並甫經修竣之勝字三號等三船仍俟屆修之時一律全裁分別變價報撥以節糜費而收實用○己巳 上詣 黑龍潭祈雨○朱桂楨因疾賞假以王檢署

山東布政使使由禮通 ○庚午准江蘇留解部銀十五萬兩濬大湖下游水道○甲戌雨○諭 堂子祭 天典禮甚重見在禮部纂輯通禮著於吉禮中 南郊 北郊大祀之後謹增致祭 堂子之禮以昭明備至 太廟 社稷壇謝福胙之禮俱仍照舊例行

○戊寅諭向例 皇太后萬壽聖節告祭 奉先殿並 太廟後殿典禮甚重自道光元年以來欽天監於祭祀冊內未將告祭日期敬謹載入實屬疏漏欽天監官著交部議處禮部於欽天監初次送到祀冊未能即時詳查駁正亦有不合見經據實檢舉所有該部堂官著加恩改為交部察議嗣後 皇太后萬壽聖節應行告祭 太廟後殿之處著欽天監載入祀冊禮部於通禮中一併增載永遠遵行○申諭浙江江蘇安徽等省編查棚民保甲○庚辰山西巡撫邱樹棠奏遵將承審閻思虎案內之府州縣各員

東華續錄

道光九

八

解京並自請交部嚴議得旨刑部定案時再降諭旨此案初結時未能詳覈已屬草率及奉旨交審後何以又不親提人犯秉公昭雪乃一味疲玩任聽此等不堪之府州縣昏愚欺蒙喪良回護幾將貞白之烈女埋恨九京兇淫之惡棍幸免刑章天理人心不可問矣若呂錫齡者早應罷黜何得反昇以要缺思及此皆因朕無知人之明用此等不識人之大吏使小民動輒含冤實深慚憤懣也○辛巳吏部奏官員為生祖母治喪請仍照舊例無論嫡祖母是否見在彙令治喪一年許其離任從之○乙酉添設山西佛坪撫民同知巡檢各一裁仰陽縣縣丞改監陽縣丞為鎮平縣丞鎮平巡檢為袁家莊巡檢○丙戌添建廣東省垣監獄改河泊所大使為管獄官○壬辰以湖南澧州等四州縣水災命平糶倉穀六月癸巳朔日有食之○丁酉申諭各督撫詳鞠京控案件○辛

丑河南巡撫程祖洛奏祥符等縣呈驗雙歧瑞麥兼有一莖三穗至九穗者得旨止祈一律豐收天恩廣被不必計穗之多寡也○乙巳諭山西榆次縣民間思虎強姦趙二姑一案前經趙添中以該知縣當堂偏認和姦致趙二姑忿激自盡等情赴京控告降旨交邱樹棠親提嚴審嗣該撫仍以和姦擬結御史梁中靖參奏復諭令將人證卷宗提解刑部審訊始據刑部審明據實平反並將該省承審各員賄屬舞弊各情逐一究出此案閻思虎強姦贖命實屬淫兇著照例斬監候入於本年朝審情實辦理趙二姑猝遭強暴捐軀明志洵屬貞烈可嘉著禮部照例旌表已革榆次縣知縣呂錫齡首先承審膽敢執法營私致贖人命昏墨欺蒙情殊可惡著發往伊犁充當苦差解任太原府知府沈琮於所屬知縣聽從賄屬各情毫無覺察及提府審訊又復有心回護其代慶純等

東華續錄

道光九

九

捏敘說單為消弭刑偏勒結地步尤屬詭譎沈琮著革職發往烏魯木齊效力贖罪解任忻州知州慶純平定州知州賈亮采未能悉心推鞠率照和姦取供意存迎合上司非尋常失出可比慶純賈亮采俱著革職發往軍臺效力贖罪解任太原縣知縣章頌椿於填寫屍格迹涉含混並誤取犯供實屬無能溺職章頌椿著即革職按察使盧元偉督審重案所訊各情均係輕重倒置種種錯謬幾成冤獄盧元偉著即革職巡撫邱樹棠以特旨交審之案不即親行審訊任聽屬員草率遷就顯預入奏實屬孤恩溺職即將該撫革職亦係罪所應得姑著加恩降為按察使以觀後效刑部堂官及承審此案司員秉公研鞠伸雪沈琮使兇徒不至漏網辦理尙屬認真俱著加恩交部議敘御史梁中靖參奏得實著加恩賞給四品頂帶仍交部議敘以示獎勵○以張師誠為山西巡撫

○調邱鳴泰為山西按察使以邱樹棠為福建按察使○丙午改湖北白河廳撫民同知為鄖陽府分防督捕同知白河廳訓導為保康縣訓導豐溪巡檢為鍾祥縣巡檢駐豐樂河白河廳照磨為穀城縣巡檢駐張家集九道梁碾磨坪二巡檢仍歸房縣管轄○庚戌諭各督撫不准擅動地丁正項修理各工○壬子建雙城堡義學並禁屯丁過江樵採○乙卯命戶部籌撥銀一百二十萬兩與辦直隸水利○丙辰定 大廟 夕月壇 歷代帝王廟謝福肸禮○庚申調邱樹棠為江西按察使魏元烺為福建按察使

東華續錄

道光九

十

臣王先謙敬編

臣周綱蕃恭校

秋七月丁卯諭國家祀典自有常經邪說誣民本干例禁蘇州府城西楞伽山土人立五通祠前於康熙年間毀祠陪像日久禁弛養饗如故女巫假託神語按簿遺願陋習相沿不獨蘇州一府為然不可不嚴行飭禁著孫玉庭韓文綺即將境內五通等淫祠撤毀其女巫等隨時訪拏嚴加懲治以維風俗而正人心○壬申撥福建閩安營都司千總各一駐閩縣琅琦島○癸酉調裕恩為吏部左侍郎明志為戶部左侍郎奎照為禮部右侍郎以百春署吏部右侍郎由副都統署○丙子韓封因案解任調陳若霖為刑部尚書以陸以莊為工部尚書姚文田為左都御史調周系英為戶部左侍郎程含章為工部左侍郎以辛從益署吏部右侍郎由禮部侍郎

○己卯大學士托津等奏訊明解任侍郎恩銘等請交部嚴議得旨此案解任侍郎恩銘常英與董椿銀錢借貸往還經托津等訊明覆奏皆由董椿借名影射惟該侍郎等以一品大員不知自愛乃與市井匪人往來交結以致董椿向其屬託公事又不即時舉發均屬有玷官箴至常英於董椿事發投案之前至伊家內該侍郎不立即奏明送案意存徇隱咎無可辭恩銘常英俱著交部嚴加議處飭令回家聽候部議尚書那清安前在左都御史任內董椿會以候際清贖罪之事懇其託情當時並不奏請究辦及刑部訊出此案書吏得贓戴均元等請旨回避時該尚書又不據實陳明迨蘇仁壽到案供出諭令明白回奏始據奏稱董椿會向託情雖未允許亦有應得之咎那清安著交部議處尋革恩銘常英職

那清安降四級留任○命禮部增定通禮服制○辛巳大學士戴均元以年老乞休允之賞食全俸○壬午調敬徵為戶部右侍郎以廣泰為工部右侍郎由內務府大臣選○轉著英為兵部左侍郎調凱音布為兵部右侍郎以那丹珠為理藩院右侍郎由吏部選○甲申大學士托津等奏原任刑部尚書韓封親供與盛思道董椿原供全不相符大員未便質證恐其堅不吐實請暫行革職以便提同質對得旨尚書韓封著暫行革職交托津等即提同盛思道董椿三面質對○庚寅裁貴州貞豐州土外委○是月貸湖北衛昌德安二營兵丁倉穀緩徵山東日照縣蠲災新舊額賦

閏七月甲午諭候際清以擬流官犯在刑部衙門呈請贖罪尚書韓封在部最久於刑名尤為諳練乃辦理奏彙時既覈其情節較重仍以可否准贖雙請殊屬取巧含混見據托津等訊明韓封實無聽屬受賄情事惟失察官吏舞弊得贓及嗣子知情親戚撞騙且案內獲各司員恩德等皆係保列一等之人盛思道又係韓封於上年濫行保留種種昏憤即照托津等所擬從重發往軍臺本屬咎所應得姑念韓封年近七十著從寬免其發遣加恩在萬年吉地工程處效力贖罪已革刑部郎中恩德與董椿等商辦贖罪收受不枉法贖一百二十兩以上若僅照例問擬絞候勒限完贖減等發落尚屬輕縱著於完贖後從重發往伊犁效力贖罪已革郎中盛思道為候際清商辦贖罪先後撞騙多贓到案後復任意狡展誣賴情殊險詐可惡著從重發往伊犁效力贖罪已革通判董椿指官撞騙銀兩數至盈千到案後復不據實供吐狡賴誣叛情尤誦詐著枷號兩箇月滿日發近邊充軍已革道員惠豐訊無屬託重情惟謊言回復惠林究有不合著開復原官交吏部照例

東華續錄

道光十

議處其漏查紅供失察官吏得贓之刑部堂官前任科布多參贊大臣那彥寶及兩次畫察之盛京刑部侍郎海齡江蘇巡撫韓文綺候補主事張映漢俱著交部嚴加議處致仕大學士戴均元陝甘總督那彥成於八月內雙請奏稟未能查出弊端亦屬疏漏俱著交部議處原任道員德恩左江道重倫河北道鄒錫澹於吳光斗等藏匿紅供未經查出並失察書吏舞弊及同官得贓俱著交部嚴加議處嗣後刑部辦理贖罪案件著仍照乾隆四十八年原議章程分別准贖不准贖二項奏明請旨嚴定不得以可否字樣雙請入奏以免歧誤○正黃旗漢軍都統三等承恩公孟佳卒賞銀五百兩治喪命皇長子奕緯賜奠祭葬諡敬慎○乙未諭京察為三年考績大典用以整飭吏治激揚人才各衙門堂官果能黜華崇實推賢選能自可為朝廷收得人之效若如近日侯際清

東華續錄

道光十

三

贖罪舞弊一案牽涉官吏實出情理之外恩德盛思道均係刑部司官輒與市井棍徒朋謀撞騙該堂官既不能即時查辦復將恩德登諸薦牘其餘定稟各員亦皆保列一等或被供指得贓或以聽情徇隱似此名實溷淆是非倒置所謂激敘官方者安在因思刑部如是各衙門恐亦不無此弊明年即屆京察之期各部院堂官務當秉公遴拔以備任使若冒濫充數甚至曲徇己私將來該員等款蹟敗露惟原保之堂官是問○辛丑諭本日吏部將侯際清贖罪案內前任刑部堂司各官分別嚴議議處那彥寶等於道光元年五月內具奏時並未查出紅供又於司員書吏得贓毫無覺察韓封業經革職在萬年吉地工程處效力贖罪那彥寶等同為堂官率行畫諾厥罪惟均雖韓封有嗣子知情親戚撞騙情事然定稟同在一堂若專恃韓封又安用諸侍郎為耶著照部議

頭等侍衛那彥寶著於職任內降四級用盛京刑部侍郎海齡江蘇巡撫韓文綺著降四級調用候補主事張映漢著於補官日降四級用戴均元等僅畫八月奏稟一次惟未能查出弊端亦屬疏漏致仕大學士戴均元著降頂帶一級陝甘總督那彥成著加恩改為降二級留任其失察書吏舞弊之原任直隸口北道德恩著於補官日降三級用廣西左江道重倫河南河北道鄒錫澹俱著降三級調用原任廣東惠潮嘉道惠豐並未聽從屬託咎止謊言回覆著降一級留任均不准其抵銷○調多福為盛京刑部侍郎凱音布為刑部右侍郎以寶興為兵部右侍郎鮑廷璽○調張師誠為江蘇巡撫以朱桂植為山西巡撫費丙章為山東布政使賀長齡為廣西按察使由山東道遷○壬寅諭直省道府廳州縣人員平日立品居心官聲輿論該督撫見聞所及隨時察看自必

東華續錄

道光十

四

知之最悉著各於所屬道府廳州縣中有實在潔己愛民誠心辦公眾口交稱者由該督撫出具切實考語秉公具摺保奏數員候朕簡用該督撫務當各矢公忠據實保舉勿許稍有瞻徇冒濫用副朕求賢佐治之至意○添設江蘇吳淞營把總一外委二移嘉定寶山兩縣交界外委協防嘉定汛○甲辰予故明殉難安徽貴池縣副將馬應奎汪思誠參將程宗憲守備曹大鎬入祀忠義祠○丙午予告大學士戴均元回籍賜 御書 御製詩章並命沿途地方官在二十里內者護行○丁未命孫玉庭為體仁閣大學士以蔣攸銛協辦大學士均留總督任○成都將軍呢瑪善卒贈太子少保銜賞銀一千兩治喪賜祭葬諡勤襄○戊申以德奎為左副都御史伊里布為湖北布政使富呢揚阿為浙江按察使鮑運使○庚戌命翰林院編纂嘉慶十八年逆匪滋事案內殉節入

祀昭忠祠各員列傳○辛亥朱桂植丁憂以福縣為山西巡撫屬之申為直隸布政使由清河○癸丑前任成都將軍呢瑪善奏成都止設副都統一員比他省尤關緊要見任副都統蘇冲阿係前任西安將軍德楞額之子未歷外任不諳軍務請另行簡用成都止用外省駐防一員足可勝任緣駐防儉約者多奢華者少非實有軍功不能升二三品大員較之京城侯伯世家似屬曉事得旨足見謀國忠誠不覺倍加悼惜也○乙卯調昇寅為刑部侍郎以善慶為盛京禮部侍郎由調補○免安徽無為等三十一州縣衛上年水災旱災額賦○丁巳諭軍機大臣等前據程含章奏江西各縣缺分苦樂不均請於缺分較優之廬陵等三十二縣每年分別酌提羨餘銀兩津貼大庾等十廳縣以資辦公疊經降旨交毓岱詳查妥議茲據奏稱按之見在情形尚無窒礙事屬可行惟將來或應變通或應停止隨時察看斟酌辦理等語州縣缺分繁簡不同情形亦隨時互異若就目前賠累之缺為權宜補救之方將來又復疊議紛更轉生枝節且地方官應得養廉之外皆係陋規本非令典今為較量肥瘠挹彼注茲一或辦理不善則地方皆得藉口賠累必致肢削民膏肆無忌憚是徒飽貪汚之私囊於吏治民生兩無裨益所有程含章奏請津貼之處著不准行該撫惟當秉公率屬獎廉斥貪則吏治自可肅清不在瑣屑調劑徒滋流弊也○戊午改建浙江防海魚鱗石塘並築復隨塘坦水○是月貸江南奇兵等二營銀米

悉水利亦夙所究心實堪勝任批即朕特派非伊而誰所請甚是○以常文為左副都御史鄂山為陝西布政使阿勒清阿為河南按察使由道謙○甲子刑部等衙門議覆陝西巡撫盧坤題民人趙逆汝強姦伊媳李氏被李氏用刀拒傷依律擬斬立決聲明請旨得旨李氏猝被伊翁強姦情急拒傷與無故干犯尊長者迥別著免其治罪即行釋放○己巳 御試翰林詹事等官擢朱方增等五員為一等餘升黜留館有差○庚午續纂通禮成 御製序文○甲戌諭王府官員有過犯應行參革者五品以上交兵部專案具題六品以下咨部彙題著為令○戊寅 上御經筵○庚辰程國仁丁憂以蘇明阿為貴州巡撫調蘇成額為廣東布政使以錢寶甫為山西布政使鄧廷楨為陝西按察使由道謙○林則徐丁憂以葉紹本為江蘇按察使由兩淮鹽運使○丙戌予告大學士伯麟卒晉太子太保命 皇長子奕緯賜奠賞銀五百兩治喪賜祭葬諡文慎○丁亥毓岱以疾免以成格為江西巡撫轉凱音布為刑部左侍郎以常文署刑部右侍郎由左副都御史○是月展緩河南儀封等十三廳縣水災新舊額賦蠲緩長蘆興國等七場滄州等七州縣上年水災竈課甘肅宜禾縣旱災額賦

九月甲午飭修直隸千里長隄○乙未翰林院奏請將嘉慶十四年以後出洋淹斃官兵雲南四川陝甘陣亡弁兵一體立傳允之○丙申調葉紹本為廣西按察使賀長齡為江蘇按察使○己亥諭軍機大臣等慶祥奏領隊赴哈薩克游牧旋回未能成禮一摺伊犁領隊大臣樂善赴哈薩克游牧封汗賜奠行抵巴彥烏拉地方愛畢勒達前來迎接離巴彥烏拉七十里被俄羅斯勒索租賦將愛畢勒達截去外夷交易起釁本屬常有疆外之事原可不須

過問天朝亦斷無派員再往之理俟其前來請領敕書再行發給至該將軍奏請飭理藩院轉諭薩納特衙門詢問俄羅斯之處竟可不必惟應嚴飭沿邊卡倫謹守邊界如有哈薩克投誠內附者妥速辦理毋許私人開齊以安邊徼其樂善另摺自請議處之處著加恩寬免○壬寅帥承瀛丁憂以黃鳴傑署浙江巡撫調伊里布為浙江布政使費丙章為湖北布政使以訥爾經額署山東布政使起韓文綺為山東按察使詳前○調王維詢為浙江按察使富呢揚阿為湖北按察使○癸卯免安徽無為等十一州縣上年被災學田租銀○甲辰賞理藩院尚書穆彰阿之父已革右翼總兵廣泰二品職銜○壬子添設江南河營蕭下等五汛外委各一○甲寅諭軍機大臣等永芹等奏聞報逆裔前來滋事密派將弁防捕一摺逆裔張格爾由霍罕糾約布魯特多人欲來喀什噶爾東華續錄 道光十 七

滋事該大臣等陸續派員偵探明確隨派官兵同阿奇木邁瑪薩依特派之伯克護衛回兵出卡堵截永芹在城調度一切事宜巴彥巴圖復帶領官兵前往英吉沙爾與領隊大臣色布徵額定議防守即馳赴烏魯克等卡倫設法擒拏該大臣等布置悉為妥協張格爾野性成膽敢仗和卓名色搖惑回眾殊屬可惡著永芹等督飭將弁於各卡倫嚴密防範將該逆犯張格爾及伊弟巴布頂迅速掩捕務獲永絕根株方為萬全若該逆犯等行蹤靡定亦不可遠帶兵役出卡窮追總在該大臣等相機妥辦實力防守勿涉張皇以靖邊圉○丙辰諭前據阿爾邦阿奏長蘆商力日疲請照嘉慶十四年成案鹽斤加價二文津貼商人清完積欠經部議交蔣攸銛程祖洛會查情形具奏嗣據蔣攸銛等奏請酌加一文復經部議俟本年秋成後再行察看具奏彼時朕即以鹽斤加

價究非朝廷善政所以屢交部議不肯輒允所請旋據御史蔡學川奏請停止長蘆鹽斤加價縷陳四條所奏甚是茲據蔣攸銛等奏秋成後察看引地情形仍請酌增鹽價自因收成豐稔糧價平減商力疲乏積欠滋多為調劑蘆商起見朕思直隸節年被災今歲雖獲豐收而民困未蘇豈可再議加徵且據蔡學川所奏溯查嘉慶十四年以南河要工加價今長蘆捐辦衛河袁村等處工需非南河大工可比若加價取償是使民代商捐亦屬不成事體蘆商積欠至九百九十餘萬之多屢次加價以抵完積欠為詞及奏銷之期正課頻年請緩於帑項仍屬無益况加價之後官鹽愈貴私鹽充斥必致官引愈滯商人愈困是恤商而轉以累商也所有蔣攸銛等會議酌增鹽價之處著無庸議○裁貴州冊亨州同屬江邊亭土外委下分亭土把總○是月給陝西甯羌等四州縣災東華續錄 道光十 八

民口糧貨江蘇瓜州營被災兵丁銀米陝西安定等縣水災雹災倉穀緩徵直隸隆平等九縣山東恩縣水災新舊額賦倉穀展緩山東濟甯等八州縣陝西沔縣等二縣災歉地畝錢糧廣東省河疲商課餉

冬十月乙丑諭軍機大臣等永芹等奏守卡官兵輕敵致有傷亡暨將弁即時擊賊紛竄卡外分路追勦情形一摺張格爾自阿賴地方膽敢糾合二百餘人到烏魯克卡倫焚搶滋擾官兵傷亡三十餘人之多經遊擊劉發恒排隊放槍連斃數賊餘賊紛竄卡外見經巴彥巴圖派人追探賊蹤將卡倫趕緊整頓帶兵出卡色布徵額亦帶兵追賊出卡張格爾一見官兵即行遁逃諒不出喀拉他什山左近永芹等前派由伊爾古楚卡倫出去截堵之官兵當已到齊趁此雪未封山即著巴彥巴圖等上緊追擒兩路合圍自

可得手如能擊獲張格爾及伊弟巴布頂明正典刑永絕根株實
為妥善如該逆香無蹤迹亦不必帶兵深入全在該大臣等相機
妥辦以靖邊圉朕亦不為遙制此次守卡官兵禦賊被戕殊堪憫
惻永芹等所奏侍衛一員是否即係花山布外委賈貴格圖被傷
見在是否存亡查明具奏其陣亡滿洲兵十三名漢兵八名通事
回子七名著該大臣等皆部照陣亡例賜卹至接運口糧安汛傳
報等事著酌量道路派官兵協同回子於緊要處所安置務令聲
氣聯絡所奏自伊爾古楚迤南至烏魯克卡倫每卡添兵四五十
名俱著照所請行其阿奇木伯克郡王邁瑪薩依特專派部落並
伯克等帶領布魯特回兵在伊爾古楚卡外協力堵截豫備接濟
烏拉馬匹勇往急公深知大義可嘉之至著永芹等查明該郡王
出力之處俟事定之後據實具奏再降諭旨至色布徵額見經出

東華續錄 道光十

九

卡追賊英吉沙爾地方緊要即著章京全福協同遊擊周悅勝小
心防守並辦理接運口糧其餘各卡倫務飭官弁加意防範毋得
稍涉懈怠致有疏虞○辛未諭軍機大臣等前據魏元煜奏立冬
後黃水未消糧船守候情形降旨令孫玉庭等會籌減黃蓄清俾
糧船及早歸次續據孫玉庭張文浩奏到見在籌啓減黃開座以
便開放禦黃壩趨渡回空糧船迄今又逾旬餘未據續奏黃水消
落情形並幫船會否渡黃朕心實深慮念本年黃水來源雖較上
年稍旺然當此水落之候何至黃水高於清水一尺三寸之多孫
玉庭係兼轄河務大員張文浩身任河督黃運兩河是其專責豈
不知所關甚鉅務各激發天良迅速將清水設法擊托俾回空軍
船足資浮送備欲守待黃水自行消落全無把握自失機宜貽誤
新漕咎將誰諉朕惟該督等是問且糧船守候水次計一千七百

八十隻此時即上緊催趲全數渡竣已不為早况風高物燥火燭
甚為可慮旗丁坐食需時一切費用保無支絀水手人眾龐雜管
束匪易勿令滋生事端一俟河道通暢即嚴飭河標弁兵督同漕
弁等將回空糧船趕緊催挽無分晝夜過一幫即少阻一幫早一
日即少費一日該督等接奉此旨即將見在啓開開壩黃水是否
消落清水是否暢注糧船是否行走無阻各情形由驛奏聞以慰
廑注○乙亥諭軍機大臣等本日孫玉庭等會奏濟送回空幫船
情形已另有旨諭令該督等相機辦理矣本年黃水來源雖旺然
節交冬令至今已屆月餘何以竟未消落張文浩身任河督於修
防諸務理應先事豫籌妥為勘辦乃漫不經心任令清水微弱勢
不敵黃以致漕船阻滯多幫不能挽渡從前黎世序綜理南河歷
年以來汎水安瀾往來利涉並未重有重空船隻阻水停待之事張

東華續錄 道光十

十

文浩甫經接任於一切河務如果循照舊章何至遽有貽誤朕聞
禦黃壩堵遲該河督妄意更改不合機宜辦理錯誤致有此失豈
不大負委任孫玉庭接奉此旨著確加查訪將該河督本年籌辦
情形及如何堵遲貽誤之處據實具奏毋得稍有掩飾自干重咎
○丙子諭軍機大臣等永芹等奏官兵剿賊連獲助逆賊目多名
審明懲辦並酌量撤兵一摺張格爾糾合賊匪到烏魯克卡倫焚
搶旋鼠卡外經巴彥巴圖色布徵額帶兵追剿斬獲槍卡布魯特
賊匪二十餘名並擊獲賊目伊斯拉木經永芹督率郡王邁瑪薩
依特訊出張格爾燒卡與官兵對敵不住率同四五十人盡命奔
逃見探明張格爾僅帶二十六人困乏已極奔投喀拉提錦部落
荷延殘喘其近卡喀拉提依特部落助逆頭人那爾巴他並其弟
西爾就獲搜出官兵烏槍五桿及侍衛花山布所戴花翎又擒獲

為張格爾執旗之頭人阿玉巴什供出巴哈提拜尖胡里圖爾底等經永芹於訊明後將六犯斬梟其雅曼提依特部落頭人西爾噶孜即係孜牙墩作亂助逆之犯業已傷死並殲斃賊匪四十餘名甚為妥善至伊斯拉木一犯係奈曼部落布噶特比五品頂翎愛薩胞弟其德憑張格爾滋事罪不容誅惟竟予正法其兄愛薩必生疑懼著暫交邁瑪薩依特小心看守並諭伊兄愛薩以後如果出力擒拏逆裔即可免伊弟一死如此剴切曉諭或畏罪不敢助逆張格爾無所糾約必將自斃如敢仍前覬覦即著該大臣等隨機擒拏務淨逆孽其隨聲附和之賊自不必重勞兵力曠日持久著派可靠之布噶特比拜尼維爾查拏解該大臣懲辦巴彥巴圖等著即撤兵於可防各卡倫增兵嚴守巡緝加意防範毋稍疏虞所有前次陣亡之侍衛花山布等並此次擒賊接仗陣亡漢兵東華續錄 道光十

道光十

十一

一名索倫兵一名著該大臣一併咨部照例分別賞卹其隨同出力之布噶特比等各帶所屬布噶特於差探不辭勞瘁著准其援照成案每小布噶特一名賞銀二兩每回子兵一名除自備口糧馬匹外酌賞鹽菜銀九錢其滿漢官兵隨營所給口糧准其報銷在事出力之布噶特比回子伯克等著永芹會同巴彥巴圖色布徵額詳覈具奏再降諭旨又另片奏派出伊爾古楚卡倫外迎堵逆裔歸路官兵未能截擊應行究問所奏甚是著俟撤兵回城該大臣查問明確據實具奏○丁丑准山西絳州等二十六州縣丁銀攤入地糧○甲申諭軍機大臣等孫玉庭等奏趕辦啟放王營減壩情形一摺據稱洪湖水勢見蓄至一丈七尺以外無可再蓄啟放祥符五瑞二閘黃水未能速減初七日以後或消或長十六十七兩日清水較高十八日黃水復長七寸萬分焦灼惟趕辦王

營減壩等語前因軍船久阻河北所關甚鉅屢經降旨令該督等會同設法籌辦見已盼望旬餘本日該督等奏到朕以為自係軍船可以趲渡及閱所奏情形仍無一幫渡黃該督等所司何事竟毫無把握遲誤至此本年漕船歸次必須冬兌冬開方可不誤來年新運朕心實為慮念此時宜如何設法趕辦朕亦不為遙制既據該督等請開王營減壩著即迅速相機妥為辦理務令剋期啟放禦黃壩督趨漕船銜尾前進不許稍有脫幫果能悉數渡黃晝夜兼行以速補遲不致貽誤尚可稍贖前愆萬一坐失機宜見屆冬至期近轉瞬河冰凍結孫玉庭係兼轄之員張文浩專管河務責無旁貸自問能當此重咎否耶該督等一俟清水暢注糧船順行即著山驛速奏以慰廬注○予告大學士章煦卒予祭葬諡文簡○丙戌命福建臺灣道兼管臺灣水陸官兵○是月展緩湖北

道光十

十一

東華續錄 十一月戊戌諭孫玉庭等奏回空漕船全數渡黃一摺本年回空軍船停待日久節經降旨嚴催茲據該督等將束清禦黃兩壩大加拆展清水暢順於本月初四日軍船全數渡黃辦理尚為妥協覽奏欣慰見在節逾冬至漕船歸次已不為早該督等務須節節催趨俾銜尾前進趁此天氣融和並無冰凍晝夜兼行以速補遲及早歸次無誤冬兌冬開日期至來年新運北來尤為緊要河口一帶如有淤淺處所必須及早籌疏著孫玉庭張文浩督率河員

趕緊妥辦務令一律通暢勿致臨時再有阻滯致干重咎○壬寅諭臺灣千總把總外委等官三年期滿無庸調回內地○丁未諭吏部奏議處江南河道總督張文浩等請分別革職降調等語本年回空各幫船在河北停阻至數月之久張文浩綜理南河於一切修防是其專責乃並不隨時查勘豫為設法妥辦以致延誤漕行所司何事其辦理錯謬之處即照部議革職實屬罪所應得惟念自前月二十日以後清水暢順幫船陸續開放業已全數趨渡幸未貽誤該河督之罪尚可稍從末減張文浩著拔去花翎降為三品頂帶仍留河督之任以觀後效該河督務當激發天良董率工員將緊要處所及早趕緊疏挑俾皆通暢備明歲重運經臨復有淤淺阻滯之事必當從重治罪不能再邀寬貸孫玉庭係兼轄河務未能常川駐工督辦咎尚可原第以大學士節制兩江既知東華續錄 道光十

張文浩辦理不善乃不早為參奏意存徇隱咎實在此著加恩改為降三級留任不准抵銷○己酉禮部奏定例節婦三十歲以內守節如未逾五十身故必守節已屆十五年者方准旌表今安徽已故民婦王楊氏守節十三年例不准旌惟節婦貞女情事相同乾隆三十六年題准旌表已故貞女不拘年限應請嗣後已故節婦改照見存節婦二十年例限之半已及十年者旌從之○辛亥諭孫玉庭等奏堰圩大隄壩塌過水見籌堵築一摺本年洪澤湖蓄水過多節經酌啟信智兩壩以資宣洩嗣因連日西北風猛烈異常浪濤陡頂旋即凍結工員等併力搶護人夫均難立足以致高堰十三堡隄頂刷掣成槽塌通過水山圩周橋之息浪菴亦過水八九丈各壩內均有掣通處所見據該督等議將十三堡缺口首先堵築餘即分投備辦並啟放通江通海各閘壩以洩漫水此

次石工掣卸雖由風勢猛勁人力難施而該管各官平日漫不經心疏於防範實有應得之咎所有高堰通判穆銘山通判孫厚坤高堰守備汪元音山圩守備尹澍俱著摘去頂帶准揚道沈學廉河營參將張兆遊擊黃廷珠俱著交部議處仍令戴罪督修張文浩綜理全河未能深籌妥協致令要工掣塌過水著交部嚴加議處其壩下附近被水民人有應行撫卹之處著該督查明據實具奏毋使失所至另片奏堵築工需銀兩著准其動借准開存餉二十萬兩濟用俟歲料餉銀解到即行歸款務須嚴飭工員撙節估計覈實承辦不得藉端浮冒虛糜致干咎戾○命文孚汪廷珍馳往江南查看高堰漫口○解張文浩任調嚴煇為江南河道總督賞張井三品頂帶署河東河道總督由河南開歸○癸丑裁貴州歸化廳屬洛河枝土把總冊亨州同屬上分亭土千總○甲寅東華續錄 道光十

論軍機大臣等前據孫玉庭等奏堰圩大隄被風暴掣塌過水見在趕籌堵築特派文孚等前往查勘實在情形朕思此事固由張文浩辦理不善所致然孫玉庭以大學士節制兩江兼轄河務自應及早參奏乃意存徇隱欲為消弭此時若仍留兩江總督之任文孚等查辦恐多掣肘之處著文孚等到清江日即傳旨將孫玉庭解任張文浩革職所有兩江總督事務著魏元煜署理文孚等當細心密訪務使功罪分明毋得稍有畸重畸輕之見○諭吉林伯都訥阿勒楚喀等處開墾荒地移居京旗閒散○命兵部尚書玉麟在軍機大臣上行走○乙卯 上詣 大高殿祈雪○諭向來宗室廢生未及歲者俱不戴用四品頂帶與滿漢廢生未能畫一嗣後宗室內如有恩廢人員無論年已未及歲俱著加恩一體戴用四品頂帶○丙辰周系英以病免調李宗昉為戶部左侍郎

轉辛從益為禮部左侍郎以汪守和為禮部右侍郎朱方增為內閣學士兼禮部侍郎銜
○是月給安徽宿州靈璧縣及屯坐各衛災民口糧貸江甯八旗兩江督標協標兵丁餉銀甘肅甯等十三州縣及東樂縣丞所屬災民口糧展緩直隸昌平等六州縣舊借籽種口糧浙江海甯等十八州縣額賦緩徵宿州等二十七州縣衛水災旱災甘肅狄道等二十一州縣及沙泥州判莊浪東樂二縣丞所屬旱災新舊額賦福建鹽商積欠銀

十二月己未朔 上復詣 大高殿祈雪○孫玉庭奏此次堰肝湖工掣通過水實由暴風狂猛人力難防張文浩但為節省啓閉錢糧堵運禦黃壩蓄清過旺轉致棘手請另簡賢能令該河督留工效力贖罪得旨風暴由天蓄清過旺亦由天平若因節省一二萬金起見朕斷不信總由任性自用不守前規不恤人言以致坐東華續錄
○道光十

令債事此等剛愎自用誤國溺職之人朕決不能姑息也○辛酉命截留江蘇淮安府漕米一萬五千石賑山陽清河二縣水災○丙寅諭軍機大臣等本日孫玉庭等奏趙堵高堰十三堡及智禮信壩各缺口完竣情形據稱見將高堰十三堡興工進占息浪巷缺口跌塘情形亦盤築壩基以次進占併力趨辦山旰智禮信各壩檔內缺口並經委員分投堵竣下游高郵邵伯一帶將昭關壩兩牆擊塌刷去兩頭土隄過水始暢工程俱搶護平穩等語著文孚等逐加履勘嚴督在工員弁將業經堵築處所仍行跟築後餘務期穩實其興工進占及尚未堵辦各口門亦即飭令趕緊辦理庶可剋期竣工毋得遲逾草率誤事惟洪湖水勢經此次漫注之後消耗在所不免明春重運經臨浮送恐未得力引黃濟運之說實非善策文孚等務當先事籌辦相機啟放總當將清水多為

收蓄則幫船行走不至稍有淺阻方為盡善至揚廳昭關壩係上年新修之工所有補築壩錢糧著照例在原辦各員名下責令賠繳○戊辰實授魏元煜兩江總督以顏檢為清運總督調程合章為倉場侍郎辛從益為工部左侍郎轉汪守和為禮部左侍郎以劉彬士為禮部右侍郎
○河南巡撫程祖洛代奏正二品廕生黎學道謝故父江南河道總督黎世序賜諡等恩得旨回思幹國賢良不覺淚隨筆灑九原下諒朕心矣○己巳諭孫玉庭等奏通籌三江水利請借項先修各工一摺江浙興辦水利事關兩省水道農田節經降旨飭令通盤籌畫酌分先後以次興工茲據孫玉庭等查明青浦婁縣吳江震澤華亭五屬承太湖下注黃浦各支河淺滯淤阻應挑應切共估需土方並柴壩單長計銀九萬五千八百餘兩又吳淞江為太湖下注幹河由上海出開東華續錄
○道光十

與黃浦合流入海因去路阻塞流行不暢應於受淤最厚之處大加挑浚共估需土方銀三十萬五千一百餘兩此兩路估需銀兩著准其在捐監撥歸封貯款內照數動給俟工程全竣之日攤徵還款其空廢蕩田如有升科者准予豁免無庸再給產價並著援照民捐成案免其造冊報銷見屆冬令農隙之時著新任總督魏元煜等即責成各該地方官各就坐落處所雇夫應役分投趕辦毋許虛糜草率及稍有剋扣勒派情弊至吳淞江口四孔大閘近因上游杭嘉湖等府溪河每多沙壅若再向下游修建開壩堵禦渾潮必致阻遏上游來水殊於浙省未便其應否修築之處著悉心酌商妥議具奏再另片奏此次工程較大一切應需公費甚繁並無別項可以籌動著准照前乾隆年間奏辦水利之案將河工程銀兩每百兩扣存五兩留貯司庫備雜用俾各州縣無可

第 375 冊 續修四庫全書 第 00 版 正內

藉口賠累以昭賈實○改河南歸德府通判駐永城縣薛家湖集
添設守備外委各一駐永城縣移永城縣千總駐虞城汛虞城汛
把總駐永城縣新橋集改永城縣山城集額外外委為經制外委
添設歸德營存城額外外委二裁開封府儀封廳通判添設汝甯
新息分防通判駐黃湖店改蘭陽縣為蘭儀縣定為衝繁要缺改
儀封廳教諭為儀封鄉學教諭改儀封廳管河經歷為儀封司管
河經歷○癸酉諭軍機大臣等本日侍講學士潘錫恩奏陳借黃
濟運之弊據摺內稱蓄清敵黃為相傳之成法大汛將至急堵禦
黃壩使黃水全力東趨今年漕船早渡張文浩將禦黃壩運堵以
致倒灌停淤釀成大患且欲籌減洩當在下游乃輒開祥符開減
黃入湖壩口已灌於下開口復灌於上黃水俱無出路湖底淤墊
極高若更引黃入運河道淤滿處處壅溢恐有缺口之患等語本
東華續錄 道光十
年南河黃水盛漲幫船阻滯皆因禦黃壩堵運所致彼時節經孫
玉庭等奏稱先將禦黃壩上游祥符五瑞二閘啓放宜洩嗣因日
久消滅甚遲方議趕辦王營減壩雖漕船旋即趨渡而洪湖北半
全為黃水墊高堤堰石工因之掣壩漫口該學士奏以為辦理失
當著文孚等再行詳查張文浩前此議開祥符五瑞二閘是否不
應啓放並啓放後是否因此黃水直灌全湖如果不應啓放則張
文浩於禦黃壩堵運既已坐失機宜又復不守成規妄行債事其
咎更重著即查訪明確據實具奏至引黃濟運殊非善策朕前旨
甚明文孚等務當悉心妥議計及萬全不可將就了事致滋後患
○丙子諭軍機大臣等魏元煜奏准河洪澤湖水勢情形並催重
運趕緊兌開一摺據稱高堰隄工掣通水勢旁洩南趨湖中所存
無幾見雖上緊籌堵而冬令來源不旺收蓄無多是藉黃濟運誠

屬不得已之權宜所慮河道今昔不同並黃水長落變遷非如清
水能用人力節宣且淮河自清江上下以至平橋一帶亦多閒段
淤淺非大加挑濬一律寬深則引黃入運無以為受淤之地見經
估計與挑如果一律寬深趁黃水不甚渾濁之時竭力趨挽尚不
至十分掣肘仍不論省分幫次先到瓜洲口者先提北上如黃水
入運暢行即加緊趕催設黃水入運較小亦可相機起剝等語本
年高堰掣塌湖水宜洩過多明春重運北上清水浮送不能得力
漕糧關繫天庾正供斷不能任其阻滯藉黃濟運本屬下策此數
月內能將開壩趕緊集料次第堵閉收蓄清水來春出口之路譬
律深通使重運得以趨行自屬甚妥見據魏元煜奏准水洪澤湖
水勢情形兼籌及清江上下一律挑濬寬深引黃入運不至受淤
意在權宜辦理朕亦不為選制但河漕全局關繫重大若止顧目
前之計將來運河受病愈深挑濬愈難誰執其咎文孚等接奉此
旨即著會同細心察看通盤計畫籌及萬全務令軍船早日北來
而運河亦無後患方為至善○戊寅移直隸長垣縣縣丞唐縣主
簿駐千里長隄改實堪豐潤玉田獻縣正定元城專河主簿為兼
河缺分管捕務○移四川南部縣富村驛縣丞駐新鎮壩廣元縣
朝天鎮巡檢駐富村驛○己卯召明山來京以長齡為雲貴總督
○孫玉庭奏高堰漫口合龍○癸未諭文孚奏遵查堰圩要工潰
缺情形一摺甚屬明晰前因洪湖蓄水過多高堰掣塌口門二處
並塌卸石工至一萬一千餘丈實為從來所未有之事經朕特派
尚書文孚汪廷珍馳赴該處查辦並將張文浩革職孫玉庭先行
解任茲據文孚等逐加履勘詳訊工員僉稱張文浩於禦黃壩應
閉不開五壩應開不開措置乖方以致失事張文浩身任河督一

切修防要務理宜倍加詳慎妥協辦理乃於五六月間黃水漸長節經該道廳稟請堵閉御黃壩及放壩減洩湖水張文浩一味固執不肯聽信馴致湖水過高將堰貯應工沿隄漫決見在修復堵築並將來挑濬運道種種糜帑誤漕固不待言而下游高寶一帶州縣民田廬舍蕩析離居淹損人口不可計數是其剛愎自用不守前規不恤人言誤國殃民之罪實堪髮指張文浩著在工次柳號一箇月滿日發往伊犁效力贖罪以為河員負恩溺職者戒孫玉庭節制兩江兼轄河務明知堵壩遲延皆由張文浩辦理失當不早嚴參至朕降旨詢問始行具奏有心徇隱回護各實難辭孫玉庭著交部嚴加議處即行來京聽候部議准揚道沈學廉等疏防該管堰工漫口均有應得之咎惟會將應堵情形屢次具稟河督俱未照辦尚非由於該員等貽誤准揚道沈學廉參將張

東華續錄

道光十

九

兆遊擊黃廷珠俱著摘去頂帶同前已摘去頂帶之高堰通判繆鎔山盱通判孫厚坤高堰守備汪元音山盱守備尹連等一併飭令在工效力責成認真趕辦不准稍有延玩俟工竣後再降諭旨○以那清安為熱河都統明山為刑部尚書前任雲貴總督○甲申命奉天採買粟米二十萬石籌備京通各倉○丙戌諭吏部奏嚴議大學士前任兩江總督孫玉庭降級調用因有革留之案請旨革任等語孫玉庭自嘉慶年間總督兩江辦理公事俱屬妥協朕親政以後特加任用並授為大學士仍令管理總督事務伊亦感恩圖報數年以來整頓地方不遺餘力即如查拏鹽梟匪犯節次緝獲至數百名之多按律奏辦商民均資利益且其操守素好正己飭屬殊不愧封疆之寄本年因南河黃水驟漲張文浩將禦黃壩堵遲至有高堰漫口之事彼時孫玉庭明知所辦不合機宜乃遷延

時日不即早為參奏貽誤要工其咎實無可辭本應照部議革職姑念孫玉庭總督任內事務較繁河工究係兼轄前此參奏遲延皆由誤聽張文浩之言所致伊向來辦理地方一切均屬認真尚不至於罷斥孫玉庭著加恩改為革職留任八年無過方准開復並著革去太子少保銜用示朕育過從長權衡至富之意○是月給雲南太和等三縣災民景東廳屬鹽井竈戶一月口糧及修屋費江蘇高郵等五州縣災民並清河縣難民一月口糧○是歲朝鮮琉球來貢○會計天下民數除直隸三河等州縣福建臺灣府未報數除江蘇福建未報外通共大小男婦三萬七千四百六十四萬六千二百六十九升八合三勺

東華續錄

道光十

二十

臣王先謙敬編

臣周嗣蕃恭校

道光五年乙酉春正月癸巳命孫玉庭暫留江南會辦漕運事宜
 ○甲午諭軍機大臣等文孚等奏籌辦南河濟運衛民要工一摺
 此次堰圩缺口堵合後黃水已高清水一丈三尺餘寸即使春閒
 稍有積水亦難敵黃濟運漕船關繫天庾正供斷不能任其阻滯
 若於黃河以北添設撥船接運事亦窒礙難行此時借黃濟運自
 係權宜辦理惟從前嘉慶年間重運渡竣而王營減壩及棉拐山
 李家樓先後失事尤不可不先事豫防籌及萬全著照文孚等所
 議先於禦黃壩外添建壩工三道鉗束黃流俾免漲滿並於禦黃
 壩內外及東清運口各壩兩岸離面築作緯道以資束水行緯其
 東華續錄 道光十一年

緯道內築作土壩數十道以備黃河內進鑲柴備溜至裏揚兩廳
 長河淤淺之段大加挑挖兩岸隄身酌估幫培豫貯料物隨時築
 壩備溜刷淤俾漕行不至淺阻其禦黃壩未啓之前先將東清壩
 以內至高堰八堡一帶引河趕為估挑以便清水漸長導引入運
 禦黃壩將啓之時即將東清壩嚴密堵閉以杜黃水入湖至漕船
 渡江後著無分幫次連舸北上不許脫空河口一帶多備關纜緯
 失以期拉挽迅速分泊船隻以備起剝並著分派文武幹員提催
 照料務於夏至以前黃水尙未渾濁之時全數趕渡堵閉禦黃壩
 其黃河北岸切近運口之王營減壩裏頭及鹽河隄埽等工見已
 鑲築豫備啓放仍著嚴煇逐細履勘再為鑲埽幫隄俾黃流不至
 壅漲斷不可任其分洩日久以致下壅上潰該督等當慎之又慎
 毋貽後患至湖隄為淮揚保障所有殘塌各工自應設法趕辦著

即採辦物料由運河入高寶湖運至堰圩儘場卸入湖之舊石鈎
 撈修砌限大汛前一律砌高十層若湖水再長即啓放山圩之二
 壩三河循序減洩俾下游不至被淹其高堰十三堡山圩息浪巷
 兩處壩工內築裏餞外拋碎石仍多備料土隨時加壓並於坐灣
 犯風各石工多積柴稽料堞以備鑲埽防護並著嚴督工員照估
 加砌務期修築堅實灰漿乾老再行設法減黃相機收蓄漸復舊
 規除王營減壩隄埽各工另估外湖隄掣壩新工例應工員賠修
 著即墊發趕辦仍於各該員弁名下照數追繳還款文孚等即飭
 該管道將等逐細查勘勿任浮冒其借黃濟運工程浩大仍會同
 遴選公正諳練之員分任監催以期妥速堅實斷不可稍有疏失
 又致殃民糜帑此為至要又另片奏見估籌濟重運修復湖隄各
 工約需銀三百萬兩藩關各庫見存銀兩懇即就近動撥下少銀
 東華續錄 道光十一年

六十一萬兩如稍可節減另行覈實請撥等語所奏是所所有江蘇
 安徽三藩庫存銀四十六萬兩揚關存銀三萬兩龍江關存銀三
 萬兩許墅關存銀九萬兩蕪湖關存銀二十萬兩鳳陽關存銀七
 萬三千兩俱著准其就近動撥至下少銀六十一萬餘兩前據琦
 善奏東省豫籌協濟於司庫附貯項下提出銀六十二萬兩再將
 本年報撥銀十八萬兩共湊足八十萬兩以備撥用等語魏元光
 等如勘估無可節減著即一面奏聞一面咨明該督撫就近撥用
 可也○實授戴三錫四川總督○丁酉命浙江修治河道水利○
 己亥命修復陝西河渠水利○庚子諭軍機大臣等前據侍郎朱
 士彥條陳高堰各工程當交文孚等逐條確覈茲據奏體察見在
 情形詳籌妥議朕詳加披閱內如高堰石工為蓄清敵黃最要關
 鍵欲蓄清水必須湖隄鞏固惟蓄水過多從前所築土坦坡斷難

抵禦即著改用碎石俾堰石隄永無塌卸之虞刷黃濟運河漕
 可期並治魏元煜等俟堰貯補修土石隄工辦有端緒即詳細勘
 估具奏至宜洩黃水惟楊莊運口以下之王營減壩減淤最為得
 力著將該壩以內鹽河隄埝勘估加築以備大汛啓放分洩毋致
 偏注南岸其山圩五壩原以備減洩湖水見在仁義禮三壩地勢
 高亢引河淺窄智信二壩又經擡高壩底洩水不暢一遇淮水異
 漲即恐盈滿潰隄著於仁義禮各舊壩處所審擇地勢做照舊規
 添建石滾壩一座以防異漲魏元煜等一俟完工完竣再行勘議
 具奏餘俱著照所議分別辦理文孚等見在查勘河湖要工及籌
 辦重運事宜俱已次第奏明與辦著再體察情形如見無緊要應
 議事件所有一切工程俱交魏元煜嚴煇查照歷奉諭旨妥速趕
 辦文孚等即來京供職可也○壬寅諭軍機大臣等永芹等奏逆
 東華續錄 道光十一
 裔張格爾寬至喀拉提錦近日屢經布嚕特等探報該犯流移不
 定招集匪類名曰格得勒沙一種潛往喀拉霍爾罕地方距卡倫
 遠近不過數日之程附近布嚕特等因其嚇詐搖惑生計不安每
 以風聞報信等語張格爾以逆犯餘孽膽敢向連黨類妄思滋事
 自前此勦捕竄匿之後力窮勢蹙尙復在卡倫附近糾約匪眾仍
 圖覬覦實屬罪不容誅惟該逆見已逃至卡外潛匿無定不值再
 勞兵力遠出追擊永芹等務當剴切曉諭布嚕特人眾如果能將
 該逆等悉數擒獻固屬盡善否則飭令各卡倫隨時嚴密防範毋
 稍疏懈儻該逆等不覺死仍來窺伺立即相機擒捕以淨根株
 切勿坐失機會該大臣等於此事既不可稍涉輕縱尤不得過事
 張皇總宜鎮靜安輯是為至要又另摺奏霍罕伯克遣遞信字分
 別准駁所奏是外夷錢債細故天朝體制原未便代為查辦至曉

諭帖內因該伯克不敢提及張格爾事亦未宜露此意俱屬妥協
 ○辛亥諭三載考績大典攸關諸臣中實能為國家宣勤自當甄
 敘年老而精力尚健者仍著留任本年京察屆期吏部將京外各
 大員開單具奏朕詳加裁定大學士托津大學士雲貴總督長齡
 奉職多年恪恭乃事大學士曹振鏞吏部尚書文孚戶部尚書黃
 鉞管理部務均臻妥善而承書諭旨獻替助勳尤為出力協辦大
 學士戶部尚書英和管理部旗務俱能盡職禮部尚書汪廷珍
 品行端方部務熟習協辦大學士直隸總督蔣攸銛封疆重任克
 盡職守自調任直隸總督以來通省事務日見起色陝甘總督那
 彥成辦理西甯番案甚屬得宜江南河道總督嚴烜前在河東任
 內宣防盡力歲慶安瀾俱著交部議敘署山東巡撫琦善明幹有
 為任勞任怨前辦馬進忠逆案不動聲色誅捕淨盡功尤卓著著
 東華續錄 道光十一
 加恩賞加總督銜仍留山東巡撫之任都察院左副都御史德奎
 人甚平庸不稱風憲之任著以四品京堂降補餘俱著照舊供職
 ○乙卯予明臣黃道周從祀 文廟○戊午宋如林以病免調李
 鴻為貴州按察使以容海為廣東按察使由補選○是月給江蘇
 高郵等四州縣安徽天長縣泗州衛上年水災旱災軍民口糧山
 陽縣民修屋費貸直隸文安大城二縣河南汝陽淮甯二縣陝甘
 甯羌等七州縣甘肅狄道等四十州廳縣及肅州州同莊浪等縣
 丞所屬水災旱災雪災籽種口糧兩淮中正場水災甯戶口糧雲
 南景東廳被水鹽井修費並免上年額課緩徵江蘇泰州等十州
 縣安徽天長縣泗州衛山東恩縣德州衛被災新舊額賦河南杞
 縣山西隰州及平魯五臺二縣通穀
 二月己未朔諭本日松筠到軍機處告知軍機大臣代為奏請帶

內閣中書徐松隨往熱河審案向來各部院大臣經朕派令出差例帶本衙門司員或本衙門無熟悉刑名之人准將刑部司員奏明帶往此次濟克默特扎布及色楞旺楚克互控一案係蒙古事件前經松筠奏帶理藩院司員尙屬可行松筠係都察院堂官中書非其屬下率請隨帶徐松又不於召見時面奏迹近專擅任意妄爲不知檢點且此端一開將來出差大臣皆可於所屬意之人奏請帶往黃緣奔競尙復成何政體松筠所請不准行著傳旨嚴行申飭此係朕曲意成全松筠若不知悔改是無福承受朕恩朕惟有執法而行不稍寬宥也○庚申 上御經筵○癸亥諭軍機大臣等上年江南高堰漫口清水宜洩過多高寶至清江浦一帶河道節節淺阻於本年重運漕船大有妨礙屢經諭令欽差尙書文孚等會同兩江總督及河漕諸臣妥商籌辦均以清水來源本東華續錄 道光十一 五

常徵兌改雇大號沙船分起裝運嚴飭船水人等小心管駕伊等熟悉水性定能履險如夷所有風濤之儆盜賊之事亦可無慮惟事係初始辦理不易然不可畏難坐視漠不相關著魏元煜顏檢張師誠黃鳴傑各就所屬地方情形廣諮博採通盤經畫悉心計議勿存成見務將如何津貼沙船旗丁不至苦累雇用船隻有無騷擾間卸或隨船均須派委員弁照料護押及各該屬由何處水次兌運開行抵北時灣泊何所以便起卸運通之處一一熟籌據實具奏候朕裁酌施行至江廣幫船應否同江浙漕糧一體轉運海口俟江浙等幫海運著有成效再行歸併籌辦亦著一併議奏○甲戌以陸言爲左副都御史韓文綺爲四川布政使調劉斯嘯爲山東按察使裕泰爲安徽按察使以吉恒爲四川按察使北道○以惠端爲左副都御史○戊寅 上奉 皇太后啓東華續錄 道光十一 六

緩一時難期暢注而重運瞬即前進未便停待懇請引黃入運藉其浮送此固不得已權宜之計雖添築閘壩鉗束盛漲自可無虞泛溢第黃水挾沙而行過後必致淤墊恐目前偶資濟運日久貽患滋深終非善策從前海運之說屢據臣工條議有謂可以試行者亦有謂斷不可行者迄無定見果係河流順軌漕船自可照常由內河行走如必欲捨河運之成規輕冒洪波之巨險一切更張舊制固屬勢所不能然漕糧爲天庾正供所關非細設將來運道竟至淤滯各幫船因而遲誤該督撫等身任地方豈有束手無策不爲設法運京之理自應未雨綢繆另籌妥辦朕思江蘇之蘇松常鎮浙江之杭州嘉湖等府屬濱臨大海商船裝載貨物駛至北洋在山東直隸奉天各口岸卸運售賣一歲中乘風開放每每往來數次似海道尙非必不可行朕意若將各該府屬應納漕米照

○是月給安徽天長縣災民一月口糧展緩江蘇吳縣等四縣舊欠銀米長蘆嚴鎮海豐二場舊欠銀

三月戊子朔 上還京師○辛卯景謙以病免調誠端爲湖南布政使以繼昌爲江蘇布政使○壬辰調昇質爲工部右侍郎以武忠額爲盛京刑部侍郎○戊戌諭本年春雨較少農田盼澤甚殷朕齋心默禱本日渥霈甘霖自丑至午勢尙未已極爲深透仰荷 昊慈益深欽感耕藉爲劭農重典朕特命

御前大臣禱恩前往藉田看視茲據奏稱藉田扶犁處所積水甚深四推典禮難以舉行朕思耕藉大禮致祭先農必應躬親祀事以答神庥業經先期進宮齋戒本日閱視祝版十二日仍恭詣先農壇致祭並詣太歲壇行禮禮成後還宮其藉田事宜著順天府尹照例率屬行耕藉禮並率農夫終畝以肅明禮而重鉅典○王寅諭各督撫飭禁獄卒陵虐監犯○甲辰諭黃鴻傑奏臬司出缺請旨簡放前據德清縣生員蔡鴻控徐倪氏謀斃伊姪女徐蔡氏一案兩次檢驗原告未能輸服經該署撫黃鴻傑奏明交該司王惟詢督同覆檢該司忽於覆檢後無故自縊覽奏殊堪駭異之至程含章著補授浙江巡撫祁墳著補授浙江按察使無庸來京即赴新任此案著交程含章督同臬司祁墳將徐蔡氏屍身細心覆檢是否實係被搭身死抑係自縊務得確情以成信讞

東華續錄 道光十一年 七

且祁墳由刑部出身刑名素稱熟悉朕所深知斷不許稍存推諉之見有負委任至王惟詢到任甫經一月覆檢又未定案即因新舊件作各執一詞疑慮甚多該司並非原審之員無所顧忌且既稟明該署撫奏請選派刑部諳練司員到浙會檢已據該署撫應允何至鬱悶遽爾輕生若無別情焉有此事程含章等詳細查訪將該司因何自縊緣由據實覆奏務令水落石出不許稍有含混黃鴻傑著俟全案定讞後再行來京候旨○命琦善以總督銜實授山東巡撫○以申啓賢為倉場侍郎由順天府尹遷○乙巳予國初禦賊陣亡福建總兵官黃監後裔恩騎尉世職○甲寅調凱音布為吏部左侍郎以英瑞為刑部左侍郎由副都統遷○實授百春吏部右侍郎○丙辰諭軍機大臣等孫玉庭等奏趨渡清船幫數並稟河淤墊見在籌辦情形本年因洪澤湖存水無多不得已引黃濟

運權宜辦理原與嘉慶十六年借黃濟運尚有清水鋪底者情形不同其一切啓放機宜該督等即應豫籌妥善見在啓放禦黃壩一月之久重運挽渡僅及三分之一而裏河運口一帶已形淤墊漕船開段阻滯孫玉庭等自當設法籌辦豈能稍有推諉此次所奏將通湖各閘全行啓放使河流暢速下達以免裏河墊淺及應行築壩偏東之處由孫玉庭等相機辦理朕亦不為遙制總期將全漕重運幫船竭力催提務於夏至前一律趨渡不准藉詞停阻即將來漕艘回空南下亦須暢行無阻不准一船滯留河北如有貽誤孫玉庭等自問當得何咎懷之慎之○免河南積年民欠並河工加價攤徵銀○是月貨直隸寶坻靜海二縣甘肅洮州等十七州廳縣及莊浪縣丞所屬災民籽種口糧齊齊哈爾被災旗人耕牛銀緩徵湖北石首縣水衝田租兩准丁裕等六場被水新舊折價口糧銀

東華續錄 道光十一年 八

夏四月戊午朔撥直隸河屯協左營額外委一並各營兵歸茅溝汛把總協防○己未諭軍機大臣等據孫玉庭等奏河口一帶日見淤墊本年節候較早恐黃水漲發未渡軍船為數正多計算時日已遲盤壩接運需用船隻較多應行趕早雇備除將截留江廣代造直隸制船並江省原設官制儘數選用外其餘均須雇民船查黃河內裝載貨物惟豫省之西河船最大見在黃河上游所在均有除在江省者由魏元煜飭屬就近封雇外請於豫省雇西河船四五百隻山東境沿河曹單二邑亦有此船應儘數雇等語著程祖洛琦善接奉此旨即將各該省西河船隻趕緊儘數封雇委員押解務於四月內解至江省以資接運毋得遲誤又山東運河內南陽夏鎮以及臺莊等處多有販運豆麥之船每隻可

裝米數百石著琦善將此項船隻一併雇備解往江省應用所有前項商船該撫等雇定後應如何酌給運脚口糧之處已諭知孫玉庭等會籌妥議即行知照各該撫可也○甲子諭松筠奏隨帶司員請量予鼓勵一摺向來各部院大臣隨帶司員審辦案件事竣即行回京從未有將承審司員率請鼓勵之事或案情重大歷時甚久司員等始終勤慎該大臣偶一保奏尚屬可行此次松筠經朕派審濟克默特扎布及色楞旺楚克互控一案止係尋常案件為日無多松筠率將隨帶員外郎成格勒音德布二員請交理藩院量予鼓勵松筠動則為沽名邀譽之舉昔日性情永不悅改殊屬不曉事體所奏不准行著傳旨嚴行申飭○乙丑免直隸冀州積年通賦○調昇寅為刑部右侍郎耆英為工部右侍郎○丁卯諭軍機大臣等前因運道淺阻藉黃濟運終非善策降旨東華續錄 道光十一 九 令魏元煜等將海運事宜各就所屬地方情形廣諮博採悉心籌議節據該督等覆奏均以爲窒礙難行本日據英和奏通籌漕河全局請暫雇海船以分滯運酌折額漕以資治河各條所奏甚屬明晰國家漕運河防均關重大若止以轉運漕艘爲目前急務而不顧將來河工之貽害則爲患甚巨該督等自當計及萬全俾河漕兩無妨礙本年重運全漕見據該督等竭力催挽並籌備船隻盤壩接運自可以次抵通惟全河大局及本年如何回空明年如何濟運不可不通盤豫籌該督等前此會議各條係爲慎重漕糧節省經費不爲無見然勢值兩難固不可妄議更張亦不可稍事拘泥英和所奏各款意在漕河並治永資利賴該督等接奉此旨務當悉心計議總期不誤轉漕有裨河務勿得稍存成見徒爲目前權宜之計也○實授訥爾經額山東布政使○庚午晉封全

妃鈕祜祿氏爲 全貴妃祥嬪鈕祜祿氏爲 祥妃珍貴人赫舍哩氏爲 珍嬪○辛未以伊里布爲陝西巡撫調繼昌爲浙江布政使以賀長齡爲江蘇布政使慶善爲江蘇按察使○癸未予國初殉難福建沙縣知縣董濤入祀昭忠祠○甲申諭武隆阿奏備戰兵丁請仍照舊額挑派等語直隸備戰兵丁向係於各營汛內酌挑一萬二千名嗣因楊芳具奏添設車礮陣式議請挑派一萬五千三百三十名見在車礮陣式業經裁撤所有備戰兵丁著仍照乾隆年間原定一萬二千名之數該提督移會各鎮並嚴飭轄屬各協營秉公挑選認真訓練毋使營務廢弛○乙酉允創修安徽省通志○是月貸駐紮欽區山西甯武等二營湖北安陸等三營荆州水師營提標後營兵丁倉穀緩徵山西岢嵐等十三州縣通東華續錄 道光十一 十 穀河南永城縣蟲災上忙額賦之半 五月甲午諭我朝家法嚴明從不准太監與外人交結至差往各省之事尤屬從來所未有此內外諸臣無不知者前據張師誠等於許墅關盤獲在逃太監馬長寶竟敢假冒頂帶捏寫奉旨進香黃旗標插坐船並經軍機大臣會同英和等究出該犯行至丹陽住宿公館令該處家人代雇船隻官爲給價似此招搖恣肆更非潛蹤漏迹者可比尤屬可惡沿途文武各員何竟毫無聞見若非許墅關盤獲竟令長途供頓任意妄爲尙復成何事體見已將該犯按律治罪其失察過境之地方官此次姑免深究著通諭直省各督撫嚴飭所屬凡遇通緝在逃太監務當認真緝拏若有捏稱奉差等事無論已未犯法立即鎖拏奏明懲辦毋稍疏縱備再失於查拏將來別經發覺定將該犯經過之地方官嚴懲不貸○丙

申諭刑部奏審訊西二供詞據稱該犯屢次在貝勒奕綺府內演唱奕綺令其服役給與護軍校翎頂並有時身穿便服帶同該犯至寶慶堂及各廟閒遊等語奕綺身為貝勒輒招覓此等匪人演唱服役並在外閒遊其平日不知檢束任意遊蕩已可概見本應按家法懲處姑念其年幼無知無人教管暫從寬貸奕綺著拔去三眼花翎交宗人府嚴加議處嗣後宗室王公等務當各知自愛恪守法度毋得狎比匪人有踰閑檢儻再有似此任情縱恣者一經發覺必當從重懲治決不輕縱懷之慎之尋罰奕綺俸六半年

○丁酉諭戶部尚書黃鉞年逾七旬夙夜趨直未免勞動著無庸在軍機處行走俾得專心辦理部務仍直南書房亦無庸逐日進內王鼎著在軍機大臣上行走並著在紫禁城內騎馬○諭慶祥等奏嚴定回疆斂錢條例一摺新疆回部地方往往有代逆裔寄東華續錄 道光十一

信斂錢之事甚屬可惡不可不嚴立章程著照所議嗣後如有代逆裔寄信斂錢者一經審實將傳遞信物之人即行正法其出錢幫助之人發極邊煙瘴充軍遇赦不赦僅止藉名斂錢希圖肥己者將斂錢之人亦發煙瘴充軍遇赦不赦或被出錢之人亦改發內地近邊充軍該伯克等務須實力稽查認真辦理凡請票出卡貿易回子責令該莊温巴什具保定限按月呈報至安集延貿易出入亦著呼岱達會同伯克隨時嚴查毋得日久生懈○己亥以海口停淤命魏元煜嚴煇履勘雲梯關外長隄○甲辰諭秋識為明刑鉅典預議諸臣原應公同集議以昭詳慎刑部辦理秋審各案向止摘敘略節刊刻招冊分送九卿詹事科道屆期會議其改實改矜改緩之案並不將擬定看語豫行知照僅於會議時令書吏宣唱諸臣焉能備悉案由從而商搆是徒有會議之名而無

議之實豈國家矜慎庶獄之意乎嗣後著刑部將議定改擬各案看語彙齊繕刻於會議前五日分送九卿詹事科道俾豫行查對招冊案情是否允協會議時得各據所見以重刑獄而昭覈實○訓張師誠為安徽巡撫陶澍為江蘇巡撫○乙巳諭軍機大臣等本日孫玉庭等奏黃水消落禦黃壩內外停淤在後幫船均淺滯不能拉挽已於五月十二日將禦黃壩堵閉斷流並將濟運壩啓放導引湖水入運幫船接次上挽起卸漕米隨時盤壩接運等語禦黃壩見已堵合漕幫未能依限趨渡嗣後著無庸接幫具奏其盤壩接運各事宜孫玉庭等自已先事籌備著即查照奏明章程妥為辦理所有剝運船隻見在是否備齊共需用若干何日由省開行及何時一律完竣之處孫玉庭等隨時具奏可也○命琦善赴南河高家堰查視石工並勘河淤情形○丁未諭程含章奏東華續錄 道光十一

查明糧艘水手滋事情形據實奏參一摺前據御史錢儀吉奏嘉白杭三兩幫水手恃眾行兇傷斃多命該府縣營汛畏葸觀望情形與黃鳴傑歷次所奏種種不符當降旨交程含章逐一詳查茲據該撫查明該省糧船舵水向有老安潘安等教名目本年因爭駕新船起釁自二月初四日械鬪至初七日乃息該署撫黃鳴傑形同木偶坐失機宜大小文武各官辦理鬆懈以致該水手等肆行無忌殊出情理之外除秀水縣徐起渭嘉白幫領運千總黃達輝業經革職外杭州府通判袁壽嘉興協都司吉元志杭三幫領運千總朱鳳鳴先事失於防範臨時不能彈壓事後不能緝兇實屬畏葸無能袁壽吉元志朱鳳鳴俱著革職俟定案時再行覈辦嘉興府知府羅尹孚嘉興協副將慶康不能督率營縣嚴行約束坐觀無策致成巨案羅尹孚慶康俱著交部嚴加議處糧道李宗

傳平日漫無約束復不直往嘉興彈壓轉回省城向巡撫請示殊屬不合杭嘉湖道陳鍾麟不即馳往督辦遲至十餘日始行前往亦屬不知事體輕重李宗傳陳鍾麟俱著交部議處署巡撫黃鳴傑並不親往督辦已屬軟弱無能又復有心諱飾含混入奏實屬孤恩溺職黃鳴傑著交部嚴加議處尋議上得旨黃鳴傑著即革職羅尹孚慶康俱著革職李宗傳陳鍾麟俱著降三級調用○戊申召孫玉庭來京○召顏檢來京調魏元煜為漕運總督以琦善為兩江總督調伊里布為山東巡撫以鄂山為陝西巡撫鄧廷楨為陝西布政使姚祖同為陝西按察使由太常寺○辛亥定滿洲蒙古考職例由恩拔副貢生考取一等者以州同用二等三等以州判縣丞用由歲優貢生及考中監生捐納貢監生考取一等者以主簿用二等以吏目用均在旗候選無庸赴部投供○壬子以東華續錄 道光十一 十三

貴慶為內閣學士兼禮部侍郎銜由通政司○癸丑諭軍機大臣等逆裔張格爾自上年九月經官兵勦捕竄投喀拉提錦又來至伊爾古楚卡倫外仍圖窺犯因防捕嚴緊仍復遠竄差人投降數次經永芹等疊派伯克護衛出卡申約曉諭該逆始將猶豫誘約奈曼部落布嚕特比等不從退移二十里外竄去無蹤狼子野心情殊狡詐其擅釋布嚕特比伊滿及呈霍罕伯克原信並懇求釋放伊斯拉木出卡見面種種叵測之處尤堪髮指該逆如敢再來該大臣當相機盡心殲擒不可輕信其言致墮奸計見已竄逸無蹤亦不必徒勞兵力尾追即再來逞詐投降正可置之不理永芹等見派協領等帶兵在木吉地方防其復來所有各卡倫著即嚴密巡緝加意防範毋稍疏虞其喀什噶爾回眾及卡外布嚕特該大臣等當加意安撫俾人人樂為我用得以偵探該逆蹤迹相機

辦理至張格爾之弟巴布頂見在竄往何處是否隨同張格爾句結野夷滋事並著永芹等查明具奏此次差委出力之布嚕特比等雖未將該逆擒獲著有勞績惟始終效順勤奮可嘉所有奈曼部落四品頂帶花翎布嚕特比伊滿自張格爾滋事以來誠心出力差探多次被縛不屈至張逆到木吉句結經伊滿密告伯克等防備得洩奸謀始終勤奮著加恩賞給三品頂帶段二匹五品頂花翎布嚕特比阿布都拉依本不受逆回句結被格得勒沙傷其頭額著加恩賞給四品頂帶段一匹六品頂帶布嚕特比曼勃特率屬擒獲伯克等不至被害著加恩賞五品頂花翎段一匹吐勒額依格爾部落六品頂帶布嚕特比巴哈提拜差探認真著加恩賞給五品頂帶奈曼部落開散布嚕特多列特住瑪喀隨伊滿出探賊情均屬出力多列特著加恩賞六品頂藍翎住瑪喀著加恩賞

東華續錄 道光十一 十四

金頂監開散布嚕特提拉巴爾底等八人差探得力不辭勞苦俱著加恩賞給金頂並共賞盤費銀三百兩以示鼓勵○甲寅諭上年高堰漫口清水洩枯以致本年重運未能暢行是以勉從諸臣所請為借黃濟運之舉屢經飭諭在事臣工詳慎妥辦並以漕糧為天庾正供如軍船稍有阻滯惟孫玉庭等是問旋據孫玉庭等奏稱自二月初九日啓放禦黃壩運河水勢一律深暢見距夏至尙早計可不誤期限備五月初旬黃水已長不過三進在後數幫再籌接運亦可不誤惟當盡心籌畫全運通倉不敢因循自取重咎等語乃經歷三月之久僅過船二千八百十八隻此外未渡黃者尙有四十幫轉以盤壩劍運請幣至一百二十萬兩之多本日據孫玉庭等奏禦黃壩業經堵閉見將在後各幫漕糧盤劍並不能挽抵原議之高坂頭等處就近盤壩是孫玉庭等全無把握

所入奏者無非塞責空談尙得爲之實心實力爲國宣勞之大臣乎朕用人行政一秉大公於諸臣功過從不豫存成見亦不使令掣肘傾心委任孫玉庭等既不熟籌於前又復遲誤於後此而曲加寬貸何以昭懲勸而服厥心孫玉庭前在兩江總督任內不早參張文浩以致坐失機宜本應照部議革職經朕曲加保全改爲革職留任並因伊熟悉該省情形飭令在彼認真經理宜如何激發天良以冀稍贖前愆乃朕屢次嚴行勸諭孫玉庭並不早爲通盤籌計及至事當設法趕辦之時又復束手無策虛糜帑項病國病民實屬孤恩溺職孫玉庭著交部嚴加議處魏元煜本係漕督經朕簡授兩江總督漕運河工皆其所轄頗檢經朕特簡漕督並諭令妥速辦理嚴煇身爲河督河務是其專責皆未能籌辦妥協有誤漕行均難辭咎魏元煜頗檢嚴煇俱著交部議處○乙卯改

東華續錄

道光十一年

十五

湖南永順府古丈坪督捕同知爲撫民同知移桑植縣下向巡檢爲古丈坪巡檢○是月賑貴州鎮遠府屬州縣水災並免額賦貸兵丁餉銀給城衙修費貸湖北荊州城守等四營駐紮災區兵丁倉穀緩徵山東濟甯等七州縣被災直隸寶坻等九州縣水災旱災新舊額賦並貸倉穀

六月戊午諭吏部將大學士孫玉庭等分別議以革職降級調用朕惟國家用人之道貴在賞罰嚴明而賞罰之平尤在權衡功過朕自臨御以來於內外諸臣無不傾心委任從不以其人之功過豫存成見意爲寬嚴孫玉庭經朕特旨留駐清江督辦漕運並不通盤籌畫勉贖前愆乃一味虛詞塞責臨事周章糜帑病民孤恩溺職本應照部議革職念其曾任督撫宣力有年著加恩賞給編修休致顏檢經朕特簡漕督漕務是其專責乃不能妥速辦理有

負委任且年力就衰著加恩改爲降二級以三品銜休致魏元煜嚴煇經朕屢次飭諭均未能籌辦妥協即照部議降調亦屬咎所應得姑念魏元煜甫經簡授兩江總督到任未久嚴煇職司河務此次漕運遲延非盡關河工辦理未妥尙可稍從末減魏元煜著加恩改爲降四級從寬留任嚴煇著加恩改爲降三級從寬留任以示朕甄覈功過務昭平允至意○命蔣攸銜爲體仁閣大學士仍留直隸總督任以禮部尙書汪廷珍協辦大學士○王戍諭戶部議覆魏元煜等奏請添撥南河大汛工需銀五十萬兩及啓放王營減壩籌備銀三十三萬兩南河自上年高堰漫口工用浩繁該督等見因籌辦要工援例請撥著照戶部所議准其撥給河南候撥高堰工需銀三十萬兩安徽潘庫存戶部項下銀三十萬兩兩浙春撥鹽課銀十五萬兩蘇州春撥清項銀八萬兩即令各該

東華續錄

道光十一年

十六

撫鹽政等派委委員解交河庫以備支放南河大汛防險自嘉慶二十四年後並未續請添撥王營減壩自嘉慶二十一年後亦未另案請撥茲以數年裁省之款忽又援案陳請國家經費有常豈容漫無節制該督等所稱隨時籌節亦恐徒託空言總當加意慎重力汰浮糜不得因此次姑允所請遂援以爲常例也至歷來河工事竣僅由工部覈銷殊不足以昭詳密嗣後歲修及另案工程工竣報銷時著將請撥銀兩有無餘賸及餘賸若干留備何項工程之用一併專案咨報戶部以備查覈即自本年爲始遵照辦理以重帑項而杜浮冒○諭軍機大臣等御史汪世祚奏請防糧船水手設教斂錢流弊一摺據稱各幫糧船舵水設有三教一曰潘安一曰老安一曰新安所祀之神名曰羅祖每教內各有主教名曰老官每幫有老官船一隻供設羅祖入其教者投拜老官爲師

各船水手聯名資助統計三教不下四五萬人沿途釋手尙不在
此數水手雇值向例不過一兩二錢近年挾制旗丁每名索二三
十千不等及銜尾前進忽然停泊老官傳出一紙名曰溜子索添
價值旗丁不敢不從水手滋事必送老官處治輕則責罰重則立
斃沈入河中沿途招雇釋手必推曾經械關受傷者為頭目遇有
爭鬪以紅著為號人即立聚新安一教尤多匪徒此次欲在江南
取與集地方招人報復因船未渡黃而止此案水手滋事宜設法
嚴辦以後遇有滋事皆當加重懲明年備暫行海運此數萬人
安保不滋生事端尤宜妥為安插等語糧船水手膽敢設立教名
斂錢聚眾不法已極本年水手因爭船起釁械關至四日之久總
由該撫等庸懦無能以致肆行無忌若不嚴行懲辦將來藐法之
徒何所底止除此案在逃逸犯著程含章嚴拏務獲重辦外並著
東華續錄 道光十一年 七

令諸臣悉心受議計出萬全不為濫制魏元煜乃欲出自宸斷意
存推諉殊非實心任事之道至折色一節業據魏元煜奏稱辦理
恐形掣肘惟各省情形不同見在勢值兩難力求漕河並治英和
既為此奏並著琦善魏元煜陶澍程含章遵照前旨悉心議奏務
須盡善無弊期於公事有裨見在清水已有八尺八寸本年糧船
是否全數回空不至停留河北明年重運北來是否仍可照
常濟運即使不能敵黃而糧船連檣前進能否直達河口開壩趨
挽能否全數渡黃著琦善魏元煜察看清水情形詳悉奏聞至海
運試辦是否可行朕並不豫存成見該督等會商妥議一併據實
具奏○乙丑命加清雲梯關外引河並接築兩岸新隄○丙寅諭
孫玉庭顏檢奏查看幫船盤運情形恐致遲誤請援照成案截留
存貯籌辦一摺本年運道淺阻不得已借黃濟運權宜辦理因孫
東華續錄 道光十一年 六

漕運總督及有漕各省督撫細心察訪應如何示以懲創分其黨
與俾運官旗丁不受挾制及地方官不至規避處分有心消弭並
兩岸奸民不至互相鉤結悉心籌議弭患未然固不可釀成巨案
尤不可激生事端此為至要○諭魏元煜奏籌議漕河全局一摺
前據英和奏通籌漕河全局請暫雇海船以分滯運酌折額漕以
資治河富降旨交該督等悉心計議茲據魏元煜奏稱江浙漕額
殷繁一經折色恐小民觀望拖延辦理轉形掣肘所有江浙漕米
請仍循舊章檣徵本色儘數運通見在堰圩隄工已砌十餘層清
水已蓄八尺八寸計至來春總可在一丈以外如力能敵黃趁清
水直達河口開壩趨挽一月內可期全數渡竣至海運章程事關
初始如蒙宸斷施行再督飭司道詳晰妥議等語試行海運原因
運道淺阻為一時權宜之計朕周諮博訪志在擇善而從是以諭

不能如原議悉抵高坂頭之說巧為嘗試本日又據奏稱非不竭
盡人力趨辦無如水勢短絀難以挽行愈劌愈遠運價更增非但
經費不敷並恐稽遲時日若照成案截留期節經費而免滋擾是
孫玉庭此時方知劌運之難計及經費時日於事何濟不但形同
虛曠試問良心安在且已糜帑無算累民日久尙可謂之節經費
免滋擾侈言不惡實出情理之外前經兩次部議革職朕曲加恩
宥尙賞給編修休致乃前後籌辦情形層層貽誤坐失事機賢屬

溺職孫玉庭著即革職以示懲儆檢會任督撫有年自特簡漕督以來並不盡心通盤籌畫一味游移遷就實屬無能著降為五品銜休致○諭軍機大臣等據孫玉庭等奏稱見在盤運水勢短絀重船難以挽行半月來僅盤運米八九萬石此尚係停泊淮安以北之幫若惟安以南運價更增非但經費不敷並恐稽遲時日請查照成案暫准揚州屬州縣存貯或下年搭運北上或借給回空幫船食米及量為平糶三款辦理等語前因運道淺阻不得已借黃濟運屢經飭諭孫玉庭等將能否令全漕重運渡黃北上悉心籌辦據孫玉庭等覆奏自啟放禦黃壩後運河水勢一律探暢見距夏至尚早計可不誤限期如黃水已長不過將在後三進數幫再籌接運及至奏請盤壩則有未渡之船四十幫即使盤壩之米悉數抵通已屬糜帑病民乃復據奏僅能剝運米一百萬石

東華續錄

道光十一年

九

北上尚餘米一百萬石又請照案截留孫玉庭額檢並不通盤籌畫行一步算一步至此時方計及經費時日天良何在可謂喪心之至魏元煜前此會同籌議一味扶同遷就已不能辭咎琦善係新任總督無所庸其回護著將見在未渡軍船究能盡力全數盤運與否抑或別有籌辦之法即行悉心從長妥議由驛速奏若再不能詳議盡善妥速辦理魏元煜自問當得何咎琦善亦責無旁貸懷之慎之○丁卯申禁湖南洞庭湖濱圍築私坑並復派員巡湖○戊辰撥甘肅西甯鎮外委一駐康家寨堡添設日蘭水塘汛撥巴燕戎格外委一更替稽查○以常文為盛京戶部侍郎副職

編史

○己巳諭軍機大臣等本日戶部奏請將孫玉庭等前請撥銀兩扣出銀四十二萬兩並將此次滯漕剝價各項銀款令孫玉庭等分成賠繳一摺據稱孫玉庭顏檢請帑不已借黃而黃轉病

濟運而運更阻其籌辦盤運奏准需銀一百二十萬兩先撥運一百二十萬兩此次僅能剝運漕米一百萬石計需銀六十萬兩所有多撥銀四十二萬兩應將安徽所撥三十萬兩無庸起解即交江蘇藩庫另款存貯再於廣東應解部銀三十萬兩內扣出十二萬兩解江蘇藩庫另款存貯其盤運米一百萬石將來到通即照原奏駁銷不得稍逾此數如運不足數總按實運到通米數駁給每日運米無多所雇民船盡歸閒曠按日發給食米無非浮費所有此次滯漕剝價較前奏增出之費及將來折耗米石並雇船閒曠日期給領食米等項銀米均不准開銷請飭新任總督俟將來事竣時將各項銀米責令孫玉庭賠繳七成額檢賠繳三成以為誤國病民者戒等語前據孫玉庭等奏察看幫船盤運情形僅能剝運米一百萬石尚餘米一百萬石請照成案截留當降旨交琦善

東華續錄

道光十一年

三

等將見在未渡軍船能否全數盤運抑或別有籌辦之法妥議由驛速奏茲據戶部奏孫玉庭等籌辦盤運案內先請撥銀一百二十萬兩今既稱僅能剝運漕米一百萬石計需銀六十萬兩即應扣出四十二萬兩免撥並令將滯漕剝價各項銀款責令照數分別賠繳該部所奏自係慎重度支朕並不豫存成見見在已經載米渡黃船隻若干前此奏准撥銀一百二十萬兩解到若干已用若干見存若干應扣出若干如按照從前奏定章程盤運米石俱歸實用自應准其開銷此外如續經添出款項虛糜國帑不應准銷各款應如何責令孫玉庭等分成賠繳之處著琦善魏元煜查明據實具奏再降諭旨至江廣各幫應如何籌辦運法著該督等妥議具奏見當伏秋大汛作何防禦海口應如何刷暢河身如何疏通已渡黃之船能否回空已卸載之船曾否飭令歸次並著該督等

通籌妥酌奏明辦理○癸酉諭琦善奏請嚴定工員疏防處分等語定例河工廳員職司修守處分獨嚴近年以來河底淤高險工疊出偶有失事請帑動以數百萬計與從前情形大相懸絕即照例參處尙覺情重法輕乃僅以摘去頂帶工完開復揆之情法未爲平允更恐不肯應訊各員捏工報險河督慮爲挾制不得不發給錢糧殊於吏治河防大有關係著該部將河工疏防文武各員應如何從重處分治罪之處議定奏明頒示如再有疏防即著照新例懲辦不稍寬貸尋吏部議查見行則例衝決與漫決雖分二條其處分不甚懸殊請改爲隄岸衝決如已過保固年限管河防守各官俱革職道員降二級調用總河降一級留任保固限內半年以外衝決者經修防守之同知通判州縣等官革職道員降三級調用總河降二級留任如一經奪溜即照例議處不得藉稱漫口僅以摘去頂帶工完開復題參諒爲屬員開脫地步兵部議已過保固年限隄岸衝決管河守備千總把總外委革職遊擊參將降二級調用保固限內半年以外衝決者修防守備千總把總外委革職遊擊參將降三級調用從之○諭琦善奏察看黃運兩河淤墊幫船淺滯盤運艱難情形各摺本年借黃濟運原係權宜辦理在事諸臣卽應通盤籌計相機妥辦孫玉庭前已獲咎念其熟悉江南情形特令留辦重運事宜勉贖前愆若當開放與黃壩後察看漕艘挽渡艱難卽應據實陳奏趁早變計及降旨詢問猶以計算夏至前不誤重運挽渡期限其回空軍船喫水既輕順流南下亦不至誤歸次乃具奏未幾卽有盤壩接運之請迨盤壩二十餘日僅剝米十萬石則又奏請截留計所奏自開放德黃壩及堵壩之期已三月有餘渡船僅二千八百餘隻茲據琦善奏稱孫玉

庭等前此所奏渡黃船隻有渡黃後等候一月尙未開行並有淤在禦黃頭壩以內二壩以外及裏河運口內三壩四壩之間者共船五十餘隻其應行刺運軍船皆膠柱不能那移有水之處盡被民船擁塞河面窄小舳舻轉運不便且占住河身不能挑挖回空船隻亦無處容納孫玉庭身受 三朝厚恩辦事至於如此自問當得何罪魏元煜身任兩江總督不特有兼理漕務之責且漕督是其舊任乃與顏檢坐觀事機之敝壞隱忍不言糜帑病民是誠何心魏元煜著降爲三品頂帶暫留漕督之任以觀後效孫玉庭顏檢俱著不准回籍交琦善督令將運河淤墊之處一律挑挖深通所需挑費著落孫玉庭魏元煜顏檢分賠如果回空軍船毫無阻滯屆期奏明或可稍從末減備再稍有貽誤著琦善魏元煜嚴參具奏一面將孫玉庭顏檢傳旨鞫問由驛奏明候旨○諭軍機大臣等據琦善奏接印任事察看黃運兩河淤墊幫船淺滯盤運艱難情形及籌辦河朔刺運事宜各摺覽奏俱悉所有查勘湖河工程及東省船隻儘數裝運諸事已諭知嚴煇訥爾經額照辦矣清河做壞一至於此見已另降諭旨飭令孫玉庭等留工將運河淤墊之處著落賠挑琦善卽督飭孫玉庭等照估典挑一律寬深如式俾資湖水暢出挑挽浮送其豫東接運之四十萬石務令設法如期盤竣不誤豫東新船受兌新漕爲要見在河面有水之處既被民船壅塞刺船難以轉運卽派員設法催那騰空河面俾軍船提前一里卽省一里之糜費其渡黃開斷淤阻之紹興後幫船隻亦須及早設法催挽北上方可起卸回空至高堰石工具在辦理情形尙覺稍寬朕懷如有應行籌辦者亦當與嚴煇從長計議務保萬全朕用卿爲兩江總督知必能分朕憂卿其勉副腹心股

眩之任盡力為之無恤其他無論見任離任大小各員如有斷難姑容者即指名嚴參毋稍顧忌以挽頹風勉之勿怠又諭琦善奏河務緊要請救河臣周歷查勘一摺據稱嚴煥自調任南河後即值籌辦借黃濟運各事因南糧未經渡竣不敢擅離不特近今溜勢之變遷工程之生閉該河督未曾目覩即各廳工料是否充足高堰修築各工能否足資抵禦亦不克分身往勘刻已伏汛屆臨請旨飭令該河督將湖河各工親歷履勘等語所奏是南河經管二十三廳工鉅費繁一切修守宜防在在均關緊要該河督必須隨地親歷洞悉機宜辦理方有把握琦善見駐清江督辦漕運未能前往周勘各工屢煩統轄全河責無旁貸著於接奉諭旨後即親赴湖河各工周歷履勘見在堰圩補修石工作成幾層是否鞏固足資抵禦各廳應辦工料是否充足備修防即洪湖存水雖東華續錄 道光十一 三

見日長是否漸可導引敵黃以期回空之時啓壩無誤至河底開段淤墊應若何設法刷通該河督務當逐一認真查勘相機妥辦籌計萬全斷不可顧此失彼並嚴飭各該道廳員弁隨時小心防守永保安瀾毋得稍有疏虞是為至要該河督著俟各工勘畢再行折回籌議漕運與漕督交商速辦可也又諭據琦善奏接運漕米船隻統江南豫東三省封雇本省官剝與江廣解直剝船不過運米五十餘萬石必須將豫東接運漕糧四十萬石先行運送待前船押回始可將浙江漕糧運竣是已雇船隻但可多載一石即多得一石之益乃前此所刺運交豫東軍船之紹興前幫米七萬餘石每船止按七分裝載西河船戶藉詞過關上水難行若非船戶圖帶私貨即屬旗丁豫帶土宜此時船已開行無從查驗惟恐東省軍民船隻聞風效尤或江省前經起運之紹興前幫旗丁船

戶恃強爭執則運通漕糧更形短少等語刺運船隻總須按船口裝足以期多運漕糧若每船止裝七分任令船戶等私帶貨物則四十萬石漕糧斷難全行接運著訥爾經額接奉諭旨後即派委委員前赴濟甯一帶查明東省接運船隻督令按船儘數滿裝如查有帶往貨物即隨地掀卸不准再為轉運備旗丁船戶有爭執情事即行嚴拏究辦毋稍輕縱○伊里布丁憂以訥爾經額護山東巡撫劉斯煊署山東布政使王檢署山東按察使使由○甲戌魏元煜卒以穆彰阿署漕運總督普恭署理藩院尙書前江○戊寅諭軍機大臣等前據英和奏通籌漕河全局請暫雇海船以分滯運酌折額漕以資治河當交各該督撫悉心議奏茲據程含章查照英和原奏詳晰籌議所奏俱悉浙江乍浦海口內河外海中隔石塘塘外積有鐵板沙塗海船不能停泊其甯波府甬江東華續錄 道光十一 三

口可以收泊海船惟由有漕州縣刺運至甯波中隔兩江三壩必須盤剝五次耗費甚鉅浙江明年之米該撫請仍由運河運送入京自係實在情形其酌折額漕一節亦據該撫奏窒礙不可行所有浙江明年全省漕米仍著徵收本色該省海運折色二條均無庸議○己卯諭陶澍奏勸設義倉章程一摺國家養民之道足食為先而裕民之原積貯尤重前年安徽偶遇荒歉賑撫兼施該撫請設立義倉為未雨綢繆之計所議章程如州縣中每鄉村公設一倉秋後聽民捐輸歲歉酌量散給出納悉由民間經手不假官更防侵蝕以禁騷擾矜貧實而杜爭端各條著即移交新任巡撫照議妥為經理仍督飭各州縣實力勸導有成總期經久無弊不必另立倉名○壬午添設山西河東鹽池巡查弁兵如准鹽緝私例○甲申諭琦善奏江廣未渡軍船請提用江南首進回空

船隻接運一摺前因運道受淤糧艘阻淺經孫玉庭等奏請截留米一百萬石存貯淮揚並借給軍船量爲平糶朕以辦理種種貽誤降旨令琦善悉心妥議另籌良法茲據查明本年江南無須平糶借給軍丁亦無實濟淮揚見無空倉可貯搭運必多虧爛孫玉庭等所議囤貯出借平糶三條均屬窒礙難行者無庸議該督於萬難措置之中力籌盤運之法請將本年首進軍船自淮安頭幫至江淮九幫並例不過淮之淮安三江北長淮四等幫共船一千一百八十六隻接運江廣漕米一百二萬九千餘石按船勻裝徑抵通倉見在雨水較多關河行走自可迅速將來幫船回空亦不至中途停滯所有接運漕糧之幫丁接石照民船給值俾免苦累將來首進軍船即令在北岸臨黃運河停泊由江省多備民制渡黃運交其江廣重運船隻即令將貨物起卸俾得就近墊剝所辦東華續錄 道光十一 五

俱好著納爾經額即飭令豫東接運民船暫行停讓並著飭派安幹員弁嚴催首進回空幫船飛挽南下以備接運毋得稍有遲誤所有業經渡黃之二進幫船將來回空歸次及此次接運首進幫船回空守凍分派員弁稽查並酌量回空事宜俱著照所奏妥辦

○諭軍機大臣等琦善奏遵旨籌議海運折漕大槩情形一摺據稱與陶澍面商飭藩司賀長齡親赴海口督同地方官將商船設法招徠並制運兌裝等事逐一籌議章程再行會奏至折漕一事江省漕額較重欲令以米易銀完納足數民力未必裕如更恐不肖官吏增價病民甚至任意侵那將完作欠擬將來歲新漕先儘海運數目確切議定再將未能起運米石設法變價解歸工用儘變價難期迅速再行酌量存貯俟督飭江甯江蘇兩藩司定議具奏至籌辦海運皆在上海一處出口沙船爲數無多儘各省漕糧

俱從上海放洋船隻愈形短少必致連江省議運之米壅滯難行浙省本有甯波乍浦兩海口自可就近辦理其安徽江西湖南湖北四省均無海道請教浙江等省督撫豫籌本年回空勢不能不借黃浮送來歲新運正當湖水消耗如竟開壩越挽實未敢冒險嘗試等語覽奏均恐所有來年海運事宜著俟藩司賀長齡赴海口籌議該督再會同該撫妥議具奏折色既不可行其變價存貯二議亦俟該藩司酌覈情形詳晰定議務期官民兩無窒礙至所稱來年海運皆在上海船隻無多浙省尙可分運惟前據程含章奏浙省乍浦海口中隔石塘不能停泊甯波甬江口遠隔三江五壩盤剝費鉅折漕一節亦窒礙難行已降旨令該撫無庸辦理所有安徽江西湖南湖北四省均無海道著李鴻賓等各就本地情形豫爲籌計如明年清水足資敵黃仍可照舊辦理儻情形尙有東華續錄 道光十一 五

阻滯或量收折色或變價歸工或設法存貯待至下年搭運議定後即一面奏聞仍咨會琦善陶澍妥商辦理事關重大斷不可遷就游移尤不可冒昧輕率總期於事有濟計出萬全勿存成見是爲至要至琦善奏本年回空仍須借黃來歲新運正當湖水消耗未敢冒昧嘗試自係爲慎重起見著與嚴煇會同妥議務令蓄清敵黃漸復舊規照常濟運方爲妥善又諭琦善奏豫籌漕運章程等語據稱洪澤湖石工見在已屆七分以上出水六尺有餘約計八月中旬可以完竣惟明歲海運尙不敷全漕之半自應及早籌畫收蓄清水期於漕糧全數抵通嚴煇身任河督何務是其專責著即詳細履勘就見在情形是否可將清水收足以資敵黃濟運抑或另行設法籌辦務期來年漕糧全數盡抵通倉不至臨時急遽並著琦善會同悉心妥議具奏又諭琦善奏盤壩制運米數及

內河剝船拔壩趕運情形一摺本年未經渡黃漕米前經奏准以豫東軍民船隻接運四十萬石於七月十五日以前到彼交裝以期無誤該省新漕茲據琦善奏稱晝夜趕盤截至六月二十日止前後共運過米三十一萬五千餘石先將外河剝船全數裝運於二十一日一律開行渡黃直運濟甯交送軍船趕赴七月十五日之限並飭委員於交卸後趕即將運往剝船押回至閉阻禦黃壩內之江廣剝船及江省所雇民船見設法拔出外河一面盤運一經裝足八萬餘石之數即可接續開行以便豫東民船接運等語見在盤運米數日見旺盛辦理甚為迅速其沿途經過地方亦應一律催趨銜尾前進俾令及早交裝接運無誤奏定期期著訥爾經額嚴飭沿河文武員弁竭力趨催毋任稍有延滯○乙酉諭軍機大臣等陶澍奏籌議海運及暫收折色停運治河各情形據稱東華續錄 道光十一年 天

折色與停運二者均不可行來年當以海河並運為宜廣招商船分作兩次裝載計可運米百五六十萬石其餘仍由河運而行秋冬之閒即由河督派員將運河挑挖深通計來春湖水益增自可引導濟運等語太倉儲蓄本宜陳陳相因停運之說原未可輕為議及至漕糧改徵折色即與地丁無異以江省額徵漕糧擬計應折之銀為數甚鉅民間以米易銀遠難出糶必致穀賤傷農是折漕一節江省尤難施行此事竟無庸置議海運一事既據該撫奏稱目前籌運之策無論於此與琦善意見相同著俟藩司賀長齡赴海口查勘情形籌畫到日即將一切章程會同妥議具奏惟明年海運漕米不過一百五六十萬石其餘漕糧亦應及早籌蓄清水仍由河運方為盡善昨琦善所議將海運餘賸米石酌量變價存貯亦非萬全之策著與陶澍從長定議相機妥辦勿存成見總

期於國計民生實有神益用副委任其另片奏做照唐代轉運之法於沿淮沿河一帶建置倉廩一節見在既籌河海並運此事暫緩籌辦該督等總當先其所急也○是月貸福建提標五營泉州城守營數價

東華續錄

道光十一年

天

東華續錄

道光十二

臣王先謙敬編

臣周綱著恭校

秋七月戊子諭軍機大臣等據李鴻賓奏籌議海運事宜本年已不及行來年籌運之一百五十萬石雇商船稍費招集恐難定其足數百五十萬之數擬將首二進業經渡黃北上之船俟交卸回空酌留二三十幫約可運米七八十萬石令其停候黃河以北無庸歸次一以濟本年接運之不及一以備來年海運之不敷此時約計首運回空將入江境即再行接運趕抵通州該船來年既不須出運卸米後於北路衛河開河分泊守凍如履覓海船或難如數可酌分數十萬石仍由內河轉運自較穩妥至運河淤厚處所多在淮城以北挑濬工程應自下游南路辦起本年冬季並來

東華續錄

道光十二

年正二月將高寶一帶淤墊挑空歲工專留上游極淤之地俟夏秋挑辦明年糧艘自南而來時當春夏之交洪澤湖水總可蓄至丈餘於頭閘濟運場開放清水接濟猶可挽至高坂頭一帶起米過壩即令北路守凍幫船迎至河口受載殊為省事且暫放清水以濟舟行旋即堵築與挑亦不至有誤清江開等處挑工該幫船本年接運及來年迎運均按額給與行月口糧等項丁舵水手人等復得藉資食用俟下年渡黃歸次亦可趕運道光七年漕糧等語海運事宜前據琦善奏見飭藩司賀長齡親赴海口招徠商船籌議章程再行會奏並將本年滯漕二百萬石由豫東軍船及雇民剝並准安首進回空等幫分起接運赴通惟來年試行海運所雇沙船是否足資裝載一百五十萬石之數抑或挑濬運河俟清水蓄足另籌分運李鴻賓所奏是否可行著該督等會同妥議

具奏其另片鈔呈前河臣張伯行所撰居濟一得書內載回空糧

船出周家橋開草字河亦通行一條見在情形若何並著該督等查明一併議奏○以多山為左副都御史龔鼎坤○調韓文綺為雲南布政使以董瀄為四川布政使張青選為直隸按察使由長瀘鹽○戊戌移湖北提標中營外委駐隨州雙河集撥鄖陽施南武昌漢陽各營兵練之○己亥 上臨故科爾沁郡王追贈親王銜和碩額駙索特納木多布齋園居賜奠○諭軍機大臣等據松廷等奏哲孟雄部長屢次懇請到卓木地方避暑及來藏瞻禮一摺哲孟雄部長前因其來藏禮佛每次輒多妄請經文幹等具奏當經降旨定以八年准其來藏一次未至八年即行斥駁茲據松廷等奏該部長因連賴喇嘛坐牀後屢次懇請瞻禮惟見距該部長前次來藏之期僅止四年本應斥駁姑念連賴喇嘛坐牀係屬吉祥善事該部長近年遵奉諭旨尚屬安靜此番懇請出於至誠著加恩准其暫來一次不准另有乞請仍遵前定章程再屆八年方准前來如未屆年限復行瀆請該駐藏大臣嚴行斥駁以示限制至該部長每年赴卓木地方避暑雖係從前常有之事達賴喇嘛等並不攔阻但卓木曲批乃唐古特境地該部長係自行前來今若明降諭旨准其每年在帕克哩以外居住數月該處係藏外一小部落素尚恭順又有駐防官兵及帕克哩營官等稽察防範或不至別滋事端第外夷貪鄙性成安保其日久不妄生覬覦若附近別部落紛紛效尤又將何以處之邊圍緊要不可不防其漸松廷等率請奉旨後咨明轉飭遵照令該部長開報人數准其前來避暑殊屬不合著不准行松廷等惟當告知噶勒丹錫呼圖薩瑪第巴克什班禪額爾德尼以哲孟雄部長每年來至藏界

東華續錄

道光十二

具奏其另片鈔呈前河臣張伯行所撰居濟一得書內載回空糧船出周家橋開草字河亦通行一條見在情形若何並著該督等查明一併議奏○以多山為左副都御史龔鼎坤○調韓文綺為雲南布政使以董瀄為四川布政使張青選為直隸按察使由長瀘鹽○戊戌移湖北提標中營外委駐隨州雙河集撥鄖陽施南武昌漢陽各營兵練之○己亥 上臨故科爾沁郡王追贈親王銜和碩額駙索特納木多布齋園居賜奠○諭軍機大臣等據松廷等奏哲孟雄部長屢次懇請到卓木地方避暑及來藏瞻禮一摺哲孟雄部長前因其來藏禮佛每次輒多妄請經文幹等具奏當經降旨定以八年准其來藏一次未至八年即行斥駁茲據松廷等奏該部長因連賴喇嘛坐牀後屢次懇請瞻禮惟見距該部長前次來藏之期僅止四年本應斥駁姑念連賴喇嘛坐牀係屬吉祥善事該部長近年遵奉諭旨尚屬安靜此番懇請出於至誠著加恩准其暫來一次不准另有乞請仍遵前定章程再屆八年方准前來如未屆年限復行瀆請該駐藏大臣嚴行斥駁以示限制至該部長每年赴卓木地方避暑雖係從前常有之事達賴喇嘛等並不攔阻但卓木曲批乃唐古特境地該部長係自行前來今若明降諭旨准其每年在帕克哩以外居住數月該處係藏外一小部落素尚恭順又有駐防官兵及帕克哩營官等稽察防範或不至別滋事端第外夷貪鄙性成安保其日久不妄生覬覦若附近別部落紛紛效尤又將何以處之邊圍緊要不可不防其漸松廷等率請奉旨後咨明轉飭遵照令該部長開報人數准其前來避暑殊屬不合著不准行松廷等惟當告知噶勒丹錫呼圖薩瑪第巴克什班禪額爾德尼以哲孟雄部長每年來至藏界

地方避暑相沿已久此時若嚴行驅逐亦非字小之道應由伊等體察情形或照從前容其暫住過時即催令回籍該駐藏大臣等仍隨時查察毋許該部長在藏境逗留並嚴飭駐防及帕克哩營官等不時防範稽察以靖邊徼○辛丑諭訥爾經額奏通籌軍船接運情形議請展限一摺本年東省接運南糧前經琦善奏准展至七月十五日為止儻再過期即行原船長運抵茲據訥爾經額查明江省劍運各幫米船見在尚有未入東境者計算程途斷不能於限內一律趕到著照所請准其再行推展半月以本年七月底為止所有江省運到之米先由豫東軍船接運隨兌隨行毋任停延其續劍米石再交封雇民船接運仍趕緊催催首進幫船回空接運江廣漕糧務使本年全漕早抵通倉不許稍有遲誤至回空限期既緊歸次收兌亦關緊要著該護撫隨時察看情形妥東華續錄 道光十二

速辦理○以興科為四川按察使由湖北制○工部尚書初彭齡卒予葬卹如例○丙午諭致仕大學士戴均元宣力中外歷有年所上年秋間以衰老乞休俯允所請俾得怡志林泉藉資頤養本年十一月十六日為伊八十生辰宜沛恩施以昭優眷除另行頒賞外所有前降頂帶三級若加恩開復仍賞還一品頂帶用示朕錫福耆臣至意○戊申諭軍機大臣等前敷各該督撫籌議海運折漕事宜原為來年疏治河道之計見據陸續覆奏海運一事惟江蘇可以試辦然亦不過運米一百五六十萬石其餘各省漕米既不能概由海運而折漕亦多窒礙紛擾是浙江江廣額漕及江蘇海運餘贖漕米皆須籌畫河運惟本年高堰石工竣後將來收蓄清水情形若何尚難豫定設蓄清丈尺仍不能敵黃明年重運經臨若仍開放禦黃壩復有頂阻倒灌之虞豈不是一誤再誤朕

思海運而外惟盤壩接運既可使漕糧悉數抵通而禦黃壩不開亦可免湖河受病黃水不倒灌入運即可併力東趨以收刷沙之益彼時湖塘亦當充裕俾專刷運河之淤以濟漕行明年若能如此辦理庶河漕兩有神益至道光七年可以仍復舊制豈不較折漕濟工停運治河為得計耶第盤壩經費應如何籌畫不致多糜接運船隻應如何調撥可以敷用均須通盤計慮周妥琦善等接奉此旨後會同體察情形悉心覈議據實具奏不可因係朕特交籌議稍存成見總期計出萬全庶不至一誤再誤也○辛亥諭朕因宗室生齒日繁諭令縣縣等議立章程用昭懲勸前經縣縣等條奏各事宜復交大學士軍機大臣會同各該衙門詳議茲據托津等分別准駁具奏朕詳加披閱內嚴辦滋事一條向例宗室罪犯止分別折罰圍禁惟法輕則日久生玩必應嚴定律令庶辟以東華續錄 道光十二

曉諭凡被毒之人即據實向問刑衙門呈訴並飭番役等一體查拏送官究治其犯笞杖軍流徒等罪審係不安本分者即照此次議定科條分別加責實發如有釀成命案者先行革去宗室照平人律問擬斬絞分別實發其進呈黃冊仍著留宗人府辦理以示區別至被害之人不據實呈訴者按其有無應得罪名分別辦理即著纂入則例永遠遵行又遠支族長宜歸舊制一條族長有約束教導之責必須諳練事體方於族務有裨嗣後著仍由該族內世職章京與見任職官無論品級秉公揀選帶領引見儻該族見無官員則以別族之員揀選暫署俟本族升有職官再行引見補放其學長缺仍由宗人府照例挑補又盛京宗室營主事調補京缺及告假來京章程一條盛京移居宗室多未諳習事體向由族

一五二二一

學長升補營主事三年期滿即調京缺未免過優難資歷練轉擬京員升途嗣後著定立年限營主事年滿先掣盛京五部主事上行行走年滿果能勝任再行給咨引見仍按其資序調轉其不勝任者即奏明黜革至移居宗室內告假來京除親喪婚嫁外俱咨明宗人府俟覆准再給路引並定立年限以杜欺詐又變通生計一條據奏直隸省果有田土准告假清理並准向地方官展限盛京有產業者亦准請假等語近時宗室不自檢束者多若聽其紛紛告假名為調劑生計必致別生事端俟滋事後再由地方官遞回徒形紛擾且宗室例有頂帶該地方官勢不能嚴加約束所奏著無庸議又外任恩賞銀兩分別定限一條外任官員非京職可比國家經費有常豈能將紅白事件槩加恩賞著仍照舊例辦理無庸議增又發遣之人妻女無依者宜加矜恤一條宗室覺羅罪至東華續錄 道光十二 五

發遣妻女無依而又無子可繼者養贖無資殊堪憫惻著照所請分別給予養贖銀米俟罪犯之人赦回即行裁汰又京察宜加鼓勵一條京察為激揚大典自應一體加以鼓勵嗣後京察一等之宗室理事官各部院宗室郎中引見圈出後著准其一體復帶引見候朕酌量錄用其副理事官等員仍照舊例辦理如有不稱職之員亦著隨時甄別又宗人府委署主事筆帖式保送倉庫等差一條據奏倉庫等差人多缺少恐滋壅滯且與上年議定保送倉監督章程不符著無庸議又宗室宜廣登進一條宗室自嘉慶年間准令鄉會試並添設六部司員已為至優極渥至內閣衙門向無宗室額缺今議增宗室中書三年後添設侍讀徒增冗員無裨公事著無庸議其所請變儀衛滿洲漢軍人員內分撥四缺作為宗室整儀尉扣缺相開輪補並太常寺學習禮部讀祝官缺出

揀選閒散宗室十人一體挑選及分別升補章程事向可行著照所議辦理又宗室覺羅滋事嚴定懲罰一條此等滋事之人大半為利而起若因犯至三案輒將本身及父母妻子恩賞銀兩槩不給與犯至六案將每月藍甲銀米盡追入官是令其俯仰無資適足驅之為惡著無庸議又見審案件宜定限制一條宗人府承辦之案田土則會戶部刑名則會刑部該部本有定限若該衙門另立限期辦理轉不畫一亦著無庸議經此次明定章程寬嚴互用貧寒加之優恤才能亦可疏通該管理宗人府王公等惟當實力稽察認真辦理務使疲頑知儆禮義可興用副朕篤念宗室至意

○癸丑諭軍機大臣等琦善等奏查勘堰貯石工並通盤籌議湖河情形一摺據稱洪湖石工計有九分八月可竣惟石工形如壁立必湖水收至二丈始能刷黃上年湖水積至一丈七尺二寸即致失事刻下清水萬難蓄足欲去其病惟有蓄清減黃二法碎石護隄所以蓄清改移海口所以減黃等語黃運兩河受病已深明年欲行海運禦壩即當堅守不放與朕前降諭旨適相符合惟海運止可暫行河漕必計久遠琦善等能念漕運國帑與淮揚數百萬生靈不惜心力朕已洞見其微惟碎石護隄工長一萬七千餘丈需銀六百萬兩之多又須分年辦理不能速收成效其海州所管之灌河口於王營減壩一帶導黃下注則迤東山海等廳二百里淤墊梗阻之河道不復經行河口黃水亦必以新海口掣溜迅急漸次落低即湖水亦無庸多收可以敵黃濟運如果事無窒礙自屬救弊良圖惟改移海口築隄挑河需費若干及一切民田場壩該督等尚未查勘明確著即會同從長計較權利害之重輕計保衛之久暫孰費孰省孰難孰易詳慎妥籌據實具奏此係河湖

全局朕原不惜帑金但必須於濟運宜防實有裨益而又能經久無弊不徒為目前之計方為妥善○是月減免直隸冀州等七州縣積水地額糧緩徵河南安陽等四縣水災新舊額賦

八月丁巳明山以年老命專辦旗務以嵩孚為刑部尚書調康紹鏞為湖南巡撫以蘇成額為廣西巡撫魏元煊為廣東布政使調張青選為福建按察使以王庭華為直隸按察使調題永○己未

上御經筵○以陳中孚為漕運總督調成格為廣東巡撫以武隆阿為江西巡撫調內閣○庚申召已革刑部尚書韓封來京賞三品頂帶署刑部右侍郎○壬戌晉封珍嬪赫舍哩氏為 珍妃

○癸亥諭前據英和奏通籌漕河全局請暫雇海船以分滯運酌折額漕以資治河當交有漕省分各督撫等悉心議奏嗣據各督撫等詳晰籌議安徽江西湖廣離海較遠浙江乍浦甯波海口或

東華續錄 道光十二

七

不能停泊或盤剝費鉅惟江蘇上海商船據琦善等奏可以暫行海運已有旨交議籌辦矣其折色一節據程含章奏窒礙難行請仍收本色琦善李鴻賓陶澍楊懋恬嵩孚等均以為弊費叢生請收本色由州縣變價歸工惟成格張師誠因全收折色不便於民請以本折各半徵收朕以漕糧為天庾正供徵收本色由來已久改收折色易滋弊端所有江蘇安徽浙江湖廣折漕一節已降旨無庸議並將該督撫等變價歸工及本折兼收之議棄予駁斥仍令江西省再行妥議尚未奏到見當秋穫登場各省將次徵收漕米喫緊之時若耽延時日不早定議恐不肖官吏藉端影射舞弊病民所關甚巨著通行曉諭有漕省分各督撫所有應徵漕糧仍照向例徵收本色毋得藉口折漕致滋擾累並著琦善嚴煇體察情形明年各省軍船行抵江境應如何渡黃運通自應早為計及

通盤籌畫據實具奏並咨會各該省督撫妥為辦理俾不至臨時周章總期無誤開兌日期又能全數抵通方為妥善○甲子諭軍機大臣等昨有旨令各省有漕督撫漕糧仍照例徵收本色毋得藉口折漕致滋弊竇本日復據成格奏江西額漕數計七十萬有奇距河距海均千餘里而迤且地極卑溼若仍徵本色恐來年停運存貯易致微變請全數改徵穀石如明春照常濟運即飛飭各州縣趕緊碾碾上兌如仍有阻滯責成州縣變價銀錢並解其穀石不及變價者妥為存貯以待下次碾碾搭運等語漕糧徵收米石由來已久今欲計米徵穀恐不肖官吏以改折為名藉端浮收勢所不免若謂該省卑溼米石不能存貯試思京通各倉分貯漕米陳陳相因積至數年之久尚不至遽行霉變且徵收穀石屆時始令動碾勢必緩不濟急再州縣多此一番碾碾夫工飯食又將

東華續錄 道光十二

八

藉口賠累至所稱銀錢並納必至抑勒紛擾所奏著無庸議該撫仍遵前旨照例徵收本色隨時咨查江南湖河情形如明春照常濟運即全數開兌行備少有阻滯仍著妥為存貯以俟下年搭運或米石不堪久貯再行籌議變價解歸司庫聽候動撥不得輕率改易舊章致滋流弊江西省收漕較早該撫見已調任廣東巡撫如接奉諭旨業已起程即移咨護理巡撫嵩溥遵照辦理可也○丁卯改直隸易州州同為分駐上陳州同宣化縣雞鳴驛丞為化稍營巡檢懷安縣萬全驛丞為柴溝堡巡檢懷來縣土木驛丞為多倫諾爾廳白岔巡檢青縣流河驛丞為遷安縣沙河巡檢裁上陳驛丞宣化府司獄○己巳諭軍機大臣等程含章奏臬司王惟詢自縊一案續訪據巡撫署內茶夫沈泳等供稱該臬司自屍場赴院稟見時與該署撫黃鳴傑談論兩人聲氣皆大黃鳴傑拍

案生氣屬實並訊據伊家人方桂等供稱該臬司審訊徐蔡氏婢女時令其比試自縊情狀即有將來我亦如此之言迨福建作比試搭死情形該司即比搭其頸神情恍惚行坐不安該家屬暨夜防範等語王惟詢因特交審辦之案檢訊未得端倪遽爾輕生原非情理所應有惟既據該撫歷次訪訊情形並無偏迫致死根據即續訪黃鳴傑向該臬司拍案生氣實有其事亦何至偏斃其命是該撫所奏該臬司實由情急心迷所致尙屬可信黃鳴傑見已另案革職著免其再議至徐蔡氏一案該撫自到任以來審訊已三月有餘且已覆行開檢明確何難定讞奏結乃任聽該犯等供詞狡展遷延親望至數月之久瞻前顧後畏首畏尾實屬不成事體該撫督飭該臬司祁墳速行嚴鞫務得確情即據實定擬具奏不得再有延宕致干咎戾○已卯諭軍機大臣等本日據程含

東華續錄

道光十二

九

章奏要案審出實情將從前推諉相驗及檢驗不實各員分別奏參一摺已明降諭旨將黃兆蕙等分別革職解任扣留交該撫提訊矣德清縣民婦徐蔡氏被徐倪氏勒斃一案懸宕至三年之久該省地方官總未審出實情並大小各員通同一氣牢不可破王惟詢以臬司大員因此自縊殊出情理之外茲據該撫督同臬司祁墳設法嚴訊將案內親切要證獲案審出勒斃實情歷歷如繪俾覆盆之冤得以昭雪查辦甚屬認真可嘉之至此案先據湖州府兩次檢驗該屍兩耳根骨有腫上紅色血暈定為自縊今據該撫覆驗耳根骨並無傷痕項頸骨後面血暈又為原檢所無此等緊要部位該委員等從前檢驗何竟如此草率至黃兆蕙於屍親呈報時止係偶爾感冒近在本城自應即時赴驗乃輒稟府委驗希圖諉卸前任武康縣知縣慶辰率以屍腐為詞不行相驗致徐

蔡氏屍身屢遭蒸檢均屬玩視人命此等劣員難保無婪賊故出情事該撫接奉此旨即督同臬司祁墳將全案一千人證不避嫌怨嚴行審訊務令水落石出見雖罪人斯得而從前承審各員尤當逐一嚴究毋稍徇縱以儆官邪而昭炯戒方為不負委任如解任扣留各員續經訊出得贓情弊有應行革審者該撫即一面將該員革職一面奏聞務得確情以成信讞備經此次審訊仍有不實不盡之處或經朕別有訪聞則惟該撫及該臬司是問○辛巳諭軍機大臣等琦善等奏敷議明歲新漕盤壩接運及豫籌微山湖蓄水事宜一摺本年盤壩接運業經辦有章程江南首二進幫船均未經渡黃歸次明年自應堅守製黃壩提用江省各幫回空船隻盤壩運通除江甯揚州淮安徐州通州海州等四府二州明歲新漕各歸本幫兌收盤運及各幫內有滿號九運等船應均扣

東華續錄

道光十二

十

除外所有首二進並減存在次江北各幫船二千二百二十餘隻盤運浙江安徽江西湖廣等省漕米足敷應用著該督等隨時通融辦理前降旨令有漕省分各督撫所有明歲應徵新漕仍照向例徵收本色並令琦善等體察情形咨會各省妥為辦理著該督等仍遵前旨即知照各省並嚴飭各該省押運員弁沿途加緊催趨以期及早抵壩迅速盤運並著依重運到壩之先後隨到隨盤不拘幫次其接運經費除江甯等府州係本幫受兌無庸籌款並各州縣剝運抵壩水腳等項業經另籌無庸請帑外其餘接運外省漕糧即照本年所定水腳等項銀數辦理各軍船並准照例攜帶土宜免其納稅俾旗丁稍資接濟其各船應給水手往返口糧由各省旗丁於應領錢糧內付給沿途提溜打聞亦由各省旗丁自行開發並將接運幫船每船應給食米一石亦令各省旗丁實

給無庸折價其津貼三分著即裁減餘俱著照本年軍船接運章程辦理其江省盤壩處所高坂頭禦黃壩順清河吳城七堡等處分別盤剝著均勻牽算以每石二分八釐計所需帑銀一百萬兩著屆期具奏請旨准其籌款動撥該督等惟當竭力節省總期全漕無誤帑項不至浮糜方為不負委任至山東微山湖為南北濟運水櫃本年自三月啓壩空重軍船往來絡繹雖前據張井等奏運河水勢充足空重船隻暢行無滯第本年全漕運出東境尚須消耗明歲空重幫船又須往返數次終年宣洩耗水尤多前有旨令張井等隨時收蓄以資利濟茲該督等恐明年收蓄不敷濟運於道光七年全漕所關甚巨自宜為未雨綢繆之計所有本年首進船隻於抵通交卸後即在山東臨清開外衛河一帶停泊守凍不必年內回江一俟東省漕糧過竣即著照挑河計明年接

東華續錄 道光十二年

十一

迎新漕六月內自可盤竣趕築湖口大壩並於朱姬莊築作攔壩設法收蓄以補消耗其明年各幫回空亦令先於臨清開外暫行停泊八月後察看湖水已充再行啓閘打放南下俾微山湖得資蓄蓄而幫船仍不誤歸次於河漕均有裨益至糧船水手該督等遵照前旨沿途派安幹員弁於船行及停泊守凍隨時稽查彈壓務令沿途安戢勿使滋生事端此為至要○癸未諭程合章奏要案首犯於取供後在監自縊請將疏縱之典史知縣分別革職解任一摺此案德清縣民婦徐蔡氏被徐倪氏謀勒身死案懸三年之久該省承審各官總未能究出實情經程合章督同臬司邢項將徐倪氏因與徐蔡氏之夫徐敦誠通姦被徐蔡氏撞見用言譏誚起意謀勒致斃情由究出已據各犯證供認屬實正須嚴行究擬明正刑誅方足以懲淫兇而彰國憲乃犯婦徐倪氏於取供

後自縊身死若非鬆放刑具該犯婦何能自解包頭帕縊斃顯有受賄故縱情弊該管各官並不豫飭刑禁人等嚴加防範玩視公事甚屬可惡非尋常疏縱可比錢塘縣典史劉椿著革職擊問錢塘縣知縣汪仲洋著革職交該撫督同臬司邢項提齊刑禁人等嚴審究辦加重問擬程合章入關監臨於此等要犯即應豫飭該管官小心看守臬司邢項承審此案且經該撫令其趕緊研審供詞確鑿業已審定屬實尤不應如此疏忽程合章著傳旨申飭邢項著傳旨嚴行申飭務將全案犯證徹底嚴究並著速行訊結按律定擬具奏如就延時日再有疏虞惟該撫與該臬司是問恐不能當此重咎也○是月緩徵長蘆屬鹽山青縣二縣歲餘海豐二場旱災水災竄課

東華續錄 道光十二年

十一

九月乙酉朔諭那彥成著來京陛見陝甘總督著鄂山暫行署理陝西巡撫著鄧廷楨暫行護理長齡著調補陝甘總督趙慎畛著調補雲貴總督閩浙總督員缺著孫爾準補授韓克均著調補福建巡撫未到任以前著孫爾準兼署雲南巡撫員缺著伊里布於百日孝滿後前往署理武陟阿著調補山東巡撫江蘇巡撫員缺著韓文綺補授王楚堂著補授雲南布政使吳光悅著補授湖南按察使所遺員缺著王鳳生補授長齡趙慎畛韓文綺俱著即赴新任無庸來京請訓趙慎畛未到任以前雲貴總督著韓克均暫行兼署韓克均俟趙慎畛到任後將巡撫印務交該督兼署即行來京請訓再赴新任孫爾準俟韓克均到任後再行來京請訓○丁亥諭本日句到廣東等省情實各犯內官犯齊潤一起朕詳閱招冊內該犯以管庫之員膽敢假造文領描摹印信兩次冒領庫銀數至逾萬作奸舞弄法已極罪無可寬即予句決以昭炯戒

因思該犯兩次冒領俱係升任藩司蘇明阿任內之事上年定案時因係蘇明阿自行查出稟辦姑照部議降四級留任僅銷去紀錄從寬免其降級今查此案情節甚重蘇明阿兩次失察至冒領一萬二千兩之多非尋常疏忽可比豈可復勝巡撫之任蘇明阿著即開缺降為藩司以觀後效各省倉庫錢糧乃藩司專責慎重出入豈容稍有侵虧况係藩司本庫尤不應毫無覺察嗣後務當實力查覈盡心句稽毋使官吏弄巧舞法如再有似此冒領之案必將藩司嚴加懲處決不寬貸○以嵩溥為貴州巡撫降蘇明阿為江西布政使○戊子申諭步軍統領督率五營將備勤習技藝○己丑以寶興為泰甯鎮總兵官轉奕經為兵部左侍郎以貴慶為兵部右侍郎學士選○壬辰諭琦善等奏請將蘇松常鎮太四府一州應徵道光五年分漕糧全由海運議定運送兌收各章程東華續錄 道光十二 十三

東華續錄 道光一一

著戶部將沙船到津在東門外交兌限幾日收竣放行即行議定具奏其需用剝船並著直隸總督飭屬先期多為雇備隨到隨剝俾沙船不至羈累又沿海水師會哨巡防一款除由該督隨時移行該提鎮將備統巡分巡外著山東直隸各督撫轉飭沿海水師提鎮各按汛地多撥哨船分派將弁兵丁巡防護送並著該督屆期奏派武職大員二人押坐商船赴津以資稽考其商船宜分別獎敘及蘇松等府州軍船酌加調劑二款俱著照所議辦理又另片奏議覆御史熊遇泰條陳海運事宜六款除該督等所設章程已經議及外其海船押運到津經紀人等難免需索刁難請派親信大臣赴津驗收監兌一款尚為除弊起見著軍機大臣屆時奏請欽派一二員前往此外如有應行隨時酌辦之事該督等務當豫籌詳妥勿致臨時周章有負委任又諭琦善等奏浙江等省漕糧全數盤運完竣即飭長運抵通一摺浙江安徽及江廣各幫漕糧前此滯留禦黃壩以南者共一百九十餘萬石經琦善等設法盤運見已全數剝竣長運抵通所辦甚好惟天津北河至通州一帶節節均有古淺新淤轉瞬節交冬令水落歸漕恐致淺阻著將攸鈺即飭所屬先期多備剝船排列河干守候遇有淺阻相機起剝俾得迅速抵通其銅鉛船隻見亦經琦善等盤運北上如行抵天津一帶應須起剝之處亦著該督隨時飭屬相機辦理以利儲蓄而資鼓鑄○丙申諭向來督撫等奏摺有關地方公務例俱稱臣從前乾隆年間屢奉 聖諭通飭各省自應永遠欽遵近日各省奏摺不能盡一殊屬未協嗣後各省旗員督撫藩臬除請安謝恩外凡奏事具摺俱著一律稱臣以符體制○庚子實授張井河東河道總督○壬寅諭琦善等奏查明盤運漕支用經費除

三三二

去應行歸墊及賠繳各款數計實銷並節省銀數一摺本年浙江等省滯漕一百九十餘萬石盤運經費前經孫玉庭等奏請約需銀一百二十餘萬兩先於藩運各庫就近撥用銀一百零二萬兩自琦善抵任後節令總局道員力加撙節將用過各款逐一勾稽覈減統計實銷銀七十八萬七千四百八十餘兩較原請銀一百二十萬兩之數節省銀四十餘萬兩辦理實屬認真著准其如數報部覈銷此外有剝船坐口口糧前經部議不准開銷一款據該督等查明民剝船隻皆以逐日攬載為生令其守候停泊不能不計口授食自係實在情形著照所請將此項口糧准其一併開銷其由總局墊支剝船運米過關首進軍船修船並折給舵水食米等費共銀七萬三千七百六十餘兩著於浙江等省糧道扣解歸款至一切例外浮多等項共銀十一萬七千六百七十餘兩自不

東華續錄

道光十二

十五

應准其報銷前經戶部議奏支用盤運經費內如有例不准銷各款責令孫玉庭賠繳七成顏檢賠繳三成降旨交琦善查明據實具奏該督另片奏稱孫玉庭係督催之員顏檢有專司之責魏元煜嚴煥同時共事總局道員綜司出納未能覈實計議均屬咎無可辭議請分別著賠著照所請將應賠銀兩在孫玉庭名下著賠三成銀三萬五千三百兩零顏檢名下著賠二成銀二萬三千五百餘兩魏元煜嚴煥名下合賠三成計各應賠銀一萬七千六百餘兩總局道員福兆沈學廉梁章鉅及前護理准海道之同知萬承紀四員名下合賠二成計各應賠銀五千八百餘兩此項分賠銀兩非尋常賠項可比著勒限二年責令孫玉庭等及魏元煜之子魏亨遠依限全數完繳如敢延宕不交著琦善即嚴參治罪決不寬貸其豫省封雇民船及東省接運軍民船隻所用經費著各

督撫自行覈實報銷○癸卯諭朕恭閱 皇祖高宗純皇帝實錄內載乾隆三十五年五月奉 上諭外省督撫每遇應行審擬之案動輒委員查訊最為惡習其在尋常案件或可循用審轉成規若事關重大及案涉疑難亦復假手下僚則瞻徇蒙蔽顛預了事諸弊皆所不免獄情何由得明督撫為朕簡任大臣其才識自勝於僚屬而心亦公平無所顧忌斷獄或易得實情何憚而不躬親鞫問豈其自願謂不若有司之明習吏事乎抑狃於外任養高積習全不問事理輕重惟恐親身識贖之損失威重乎朕日理萬幾事無巨細莫不詳為披省日召諸臣講論施行儻如該督撫等之見將一切付諸部院覆覆竟可不親身綜攬耶嗣後督撫於應行提審緊要案件務須率同司道等親行研審毋得仍沿委員陋習自取咎戾著為例等因欽此仰見 聖訓煌煌矜慎庶獄至意朕

東華續錄

道光十二

十六

簡用督撫昇以封疆重任凡遇特旨交審之案即與欽差無異其民間上控案件亦應視案之輕重提省親審不得一槩假手屬官予以消弭地步况上司徇庇屬員同官相為隱飾積習相沿牢不可破若於重大之案發交該府州自為審理或委員代為鞫訊無論該管府州心存回護必不肯自翻前案即委員中能不存官官相護之見者得有幾人以致民隱未白枝節更生一經特派大員查辦或解交刑部審訊無不真情畢露昭雪平反即如上年山西省閱思虎近日浙江省徐倪氏二案彼時該撫印樹棠黃鳴傑若能及早親提究審何至案牘久懸被不肖之屬員昏墨欺蒙幾致覆盆不能昭雪乎著再申諭各督撫嗣後凡有事關命盜重情及控涉官吏贓私劣蹟者無論特交及上控之案均應親提人證率同司道詳加研鞠速行擬結庶足杜講張而清訟牘儻此次申諭

之後並不慎遵辦理經朕查出或被科道糾參必將該督撫從重懲處不稍寬貸○庚戌申定世職人員犯贓革職子孫不准承襲例○改直隸順德府同知為水利鹽捕同知保定府通判為兼河鹽捕通判○王子諭琦善等奏接運帶漕全數挽出江境一摺本年接運浙江江廣等幫漕糧軍餉各船見經琦善等飭屬趕緊督催業於本月十九日俱已挽出江境趨辦實為迅速琦善穆彰阿嚴煥俱著交部議敘並著山東巡撫直隸總督嚴飭沿途員弁無分晝夜加緊趨行務使全數抵通毋許片刻泊延致滋貽誤○諭軍機大臣等琦善奏查勘灌河海口內外河窄難高難以率行改移仍不如河隄拋護碎石坦坡一摺前據該督等奏王營城壩以北至灌河口可以改導黃河入海以期黃水掣溜迅疾漸次落低旋經委員查得灌河口外之水不如口內之深必須親往確勘茲東華續錄 道光十二 七

爾咨調官兵揀派前往並續准報稱官兵出卡被圍巴彥巴圖及官兵等同時陣歿各一摺逆夷張格爾慶在卡外滋擾本年夏間復逞詐約降事洩遠竄今又勾結布魯特次劣克拜巴哈什等潛至卡外劫掠覽奏深堪痛恨慶祥接據來咨即派令穆克登布帶兵一千名先行馳赴驍候調遣並豫備兵一千名俟續接知會令烏凌阿隨後帶領前往所辦甚是本日亦據永芹同時馳報雖據奏稱兵氛已過卡內安靜如常逆匪分投遠竄此次永芹等輕舉妄動致損兵威陣傷大員必須痛加勘戮以彰天討惟值節交冬令卡外冰雪在地勢難進兵該將軍見已派員馳往偵探如須親往督辦即著迅速趨赴前經降旨令慶祥來京陛見見有此事即德英阿到彼須會同商辦著暫緩前來候旨遵行穆克登布既帶兵駐紮該處烏凌阿亦隨後帶兵前往如有應須熟請帶兵人員東華續錄 道光十二 六

見在可保無虞而不復再求疏刷河身之策漸至河底日高清水不能暢出隄身遞增城郭居民盡在河底之下惟仗歲請金錢將黃河擡於至高之處所切中時弊每年東河南河歲請修防經費數百萬金在國家保衛民生原不靳惜帑金惟似此年年增培隄堰河身愈墊愈高勢將何所底止前此琦善等因河工敗壞曾有改移海口以減黃拋護碎石坦坡以蓄清二議昨據奏稱前赴灌河一帶勘明灌河口海灘高仰導河必為頂阻擊溜難期迅疾口內河形窄狹膠淤不能刷深一經下游頂阻勢必泛溢四出較見行之海口轉無把握且稽考成案康熙年間屢改屢決嘉慶年間屢議未就自不可輕易更張即碎石坦坡原為保護湖隄之計然亦有議及流弊者亦不可不從長計議見據張井奏陳或逢灣取直或設法疏濬或復新輔濬船成法或築作對頭壩工在張井

東華續錄

道光十二

十九

嚴煥身任河督河務是其專責琦善程祖洛兼管河工亦責無旁貸著即會同籌議或於道將應營員弁內之諳習河務者將海口如何可以大暢河底如何可以刷深悉心講求總期遂就下之性復舊日成規於河工大局計深慮遠籌畫萬全以冀永慶平成勿狃於目前積習方為不負委任也○九吳榮光解職省親以富尼揚阿為貴州布政使源溥為湖北按察使由浙江杭○己未追祀元臣拜住於陝西大荔縣忠義祠○庚午諭琦善等奏堰圩石工完竣請酌添保固年限一摺高堰山圩兩處石工上年被風掣塌當經飭派監催各員分段估修見已依限完竣據該督等查明工程尚無遲誤惟新砌石料內多畝斜空隙僅恃灰漿錠錫難資抵禦其從前舊工尤多偷減等語洪湖石工原以蓄水濟運保衛民生前此在事工員辦理草率誤運殃民殊堪痛恨此次堰圩石工

長至一萬一千餘丈用銀至九十餘萬兩之多非尋常工程可比若僅照例保固將來工員得以置身事外糜帑滋多著於例限三年外再加保固一年如限內稍有掣塌即令原辦之員賠修示懲將來承辦坦坡各員亦著照此辦理俾知儆畏至高堰十三堡山圩息浪庵兩處補還石工著即發銀購料興修嚴飭工員認真趕辦又另片奏長隄新舊石工共掣卸十一段信塌塌餓亦掣通過水見經該道將督飭廳營各員堵合穩固該處塌工甫經辦竣何至一遇風暴即有坍塌所有原作塌餓銀兩即覈明分別賠修見任山圩通判孫厚坤山圩營守備尹澍著即行撤任以為修防不愼者戒○諭軍機大臣等朕因翰林院侍講學士潘錫恩平日尚能留心水利上年條陳海運河工事宜敷奏頗為明晰本日已降旨將該員發往江蘇以道員用矣該員到省後著琦善留心察看

東華續錄

道光十二

二十

如果熟諳河務即於河工道缺中酌量奏補如不勝任亦著據實奏聞不得因係特旨命往人員稍存遷就○以舒明阿為杭州將軍奎照兼署工部左侍郎由禮部○以運河挑竣准孫玉庭顏檢回籍○丁丑 上幸 皇長子奕緯所○庚辰諭京旗戶口前往雙城堡屯田見屆道光六年移駐之期經戶部查明願往者共一百八十九戶較之道光四五年倍形踴躍來年前往者自必更多若照原議章程每年以二百戶為率稍逾奏額即令裁撤該開散等未免向隅且上兩屆每年僅數十戶縱將來人數稍多該處地畝房閒亦可截長補短嗣後著不必拘定二百戶之數該將軍富俊即加意籌畫妥為經理以期旗人生計日臻饒裕其各旗咨報戶口自明年為始著於正月以後即將願往者陸續呈報截至六月底為止該部按照人數多寡先行知照吉林將軍豫為料理至七

月以後報出戶口如人數不多仍歸入該年冊內備人數過多即
另入下年移駐俾京外俱得從容布置○諭軍機大臣等慶祥奏
查訪喀什噶爾地方安靜賊匪遠竄情形一摺據稱見在偵報賊
匪竄至碩拉地方約有五六百里若官兵勢大即欲竄往塔罕見
在卡倫外已有冰雪似不如謹飭邊備以逸待勞就前派去一千
官兵即在卡倫嚴堵伊犁見有哈薩克邊界應辦之事喀什噶爾
業已安靜無庸急往後二起未進官兵應暫停等語所奏雖是
但未盡之處甚多慶祥身膺重寄受 皇考特達之恩在伊犁拉
任有年該逆張格爾屢次犯我卡倫傷我官兵甚至傷我二品大
員同時陣歿者以百計該將軍義切同仇當如何痛心疾首矢滅
此朝食之念乃既不能先事防範事後又一籌莫展所奏無非空
言搪塞了局派去之一千官兵豈能長川在彼防堵所謂以逸待
勞者更不成話窮追盡戮朕亦知其不可然坐令逆夷往來自若
而我官兵時有傷損以我堂堂大清屢挫銳於小醜成何事體即
云見屆冬令大雪封山難保來春冰融該逆夷不復萌窺伺見在
該逆夷已有一二千人若日益增多竟至直犯卡倫又將何以禦
之巴彥巴圖孤軍深入全歸陷歿彼時即應將慶祥交部議處永
芹革職治罪伊等轉可置身事外故姑從寬貸俾得勉贖前愆見
已明降諭旨令長齡署伊犁將軍慶祥俟長齡到任後迅速前往
喀什噶爾會同永芹相機妥辦責成該將軍等務將張格爾及伏
劣克拜巴哈什二逆設法擒捕盡法懲治以張國威而靖邊圉朕
將拭目以待然於盡心籌畫之中尤當加以慎重慶祥等亦不可
因有此嚴旨遂希圖邀功冒昧輕進致有意外之虞若老師糜餉
損威辱國朕惟執法重治慶祥等之罪決不寬宥○以長齡署伊

東華續錄 道光十二 三

率將軍楊遇春署陝甘總督○辛巳召蔣攸銛來京以那
彥成爲直隸總督○召蔡炳來京調源溥爲甘肅按察使
以岳祥爲湖北按察使○是月賑陝西榆林等三縣雹
災緩徵榆林等四縣雹災河南饑封等十八應縣歉收山東高唐
等八州縣旱災蠲災浙江臨海縣旱災風災蠲賦江蘇高郵等十
三州縣水災旱災安徽壽州等二十州縣水災旱災新舊額賦留
古塔旱災額賦十分之五甘肅宜禾縣蠲糧
十一月丙戌諭本年堰貯石工完竣經琦善等奏准於例限三年
外再加保固一年並將新工掣卸之處責令原辦之員賠修該管
員弁撤任示儆茲據工部查明本年七月內嚴煇奏稱已完石工
勘驗實係照估安砌灰漿飽滿見據琦善等奏新砌石料外雖平
光內多敲斜空隙多有碎石填砌灰漿攪混不足以資抵禦並
東華續錄 道光十二 三
新工已有掣卸顯與嚴煇前奏不符嚴煇既不於會奏時據實檢
舉琦善業經查出工料偷減亦並未指名嚴參殊屬含混了事又
據該督等奏稱見在議辦碎石坦坡計至四年限滿已有碎石拋
護隄根隄工似可穩固是前辦堰貯隄工全無實在把握碎石坦
坡並未定有章程刻期辦理設遇意外風浪之虞何所持以爲固
至所請加保固限一年亦係嘉慶十二年奏明堰貯石工成案並
非例外新添意似從嚴實豫爲工員諉卸地步此項石工於河漕
民生關係緊要本年用銀至九十餘萬兩之多若似此潦草完工
蒙混陳奏豈不大負委任將來若有掣卸誰執其咎著交琦善即
將此項工程欹斜空隙以及多用碎石填砌僅恃灰漿攪混之處
確切查明係何工段落何員承修嚴參示懲並如何設法補救以
杜後患妥議具奏毋徒爲敷衍目前之計至報銷到部時並著將

東華續錄 道光十二 三

用何項條石詳細造報由該部分別准駁以歸覈實○以鍾昌為內閣學士兼禮部侍郎銜軸選○丁亥李漢以病免以嚴如煜為貴州按察使由陝西陝○王辰以暹羅國貢船漂沒詔免進土貢封世子鄭福為暹羅國王○理藩院尚書穆彰阿丁憂賞銀三百兩治喪○庚子命大學士蔣攸銛在軍機大臣上行走○癸卯命慶祥總辦喀什噶爾軍務○乙巳 上詣 大高殿祈雪○丁未雪○諭軍機大臣等琦善等奏通籌河湖全局議築碎石坦坡並臚陳利弊請分年辦理一摺朕詳加披閱高堰隄工不固清水未能儲蓄該督等議築坦坡護隄原係補偏救弊之策惟石工段落縣長計非五六年不能竣事此五六年中清水不能蓄足敵黃禦黃壩仍難啓放運道依舊難通且計通工之需與歲修碎石之費為數不貲若即以此項工費將椿朽根鬆隄工開段拆修完固或東華續錄 道光十二 三五

可不築坦坡足資抵禦豈不較碎石為一勞永逸之計並可免滋流弊抑或將隄工修築完固後擇要拋護碎石更為得力均須悉心籌畫計出萬全見據該督等奏稱舊工之草率較新工為尤甚是新工舊工皆不足恃即拋護碎石而隄根不固又豈能當風浪之擊激設經久毫無實效豈不以數百萬之帑金輕付洪流而貽害更非淺鮮著該督等再行詳加履勘將舊工之草率難資擊載者共有若干其從前新輔所修原隄尚存若干是否可能修築完固琦善等務當不避嫌怨無稍回護逐一查明據實由驛具奏其應如何定議之處俟奏到時再降諭旨又諭琦善等奏會議治河大局請修復毛城鋪舊壩及王營減壩以期減黃擊淤等語近來河底日漸淤高清水不能暢出該督等於補偏救弊之中力求萬全無弊之法所奏逢灣取直束水攻沙可收遠效難冀近功自屬

實在情形惟毛城鋪舊壩雖有分洩黃流增益湖漕之利從前黎世序在任時曾經勘明該壩衝廢不能修復於十八里屯中間劃平山頂改為天然滾壩以虎山腰作為重門擊托奏明動帑興修該處壩工亦在徐城以上距毛城鋪不遠如分洩黃流之力與毛城鋪不相上下自較修復毛城鋪舊壩為省便琦善等見已委員前往著即一併履勘是否必須於十八里屯之外再修復毛城鋪舊壩更為得力至王營減壩距清口不遠亦可減黃擊淤自不妨將應修土埽工程豫為籌辦該督等務當詳議周妥奏明辦理總期計出萬全治圖久遠俾河治漕行勉副委任○己酉諭王鼎等奏審訊徐倪氏等於犯案後向經手官吏行賄舞弊分別定擬一摺此案已革德清縣知縣黃兆蕙於蔡鴻鵠案時近在同城借病推諉玩視人命以致屍骨疊遭蒸檢幾成冤獄又於和息時得受賄銀一百圓實屬貪劣不職著從重發往黑龍江充當苦差已革歸安縣知縣馬伯樂雖訊無焚贖情事惟首先承審既未究出實情又失察伊兄馬汝霖及家人刑件等詐索多贖復檢驗不實致釀巨案且於該撫審訊時謂為非刑鍛鍊向副考官投遞書信希圖挾制殊屬刁健著從重發往新疆效力贖罪已革湖州府知府方士淦始則任德清縣藉病推諉繼復聽武康縣以屍腐為詞不如法相驗種種習率無方形同木偶迨委令督同開檢又未能檢出傷痕實屬昏憤著發往軍臺效力贖罪已革巡檢馬汝霖於家人李明求託時得受洋錢三百圓始而不肯成招繼復自行殘傷抗違不到情殊刁詐所擬發附近充軍尚覺過輕著改為邊遠充軍已革錢塘縣典史劉椿於犯婦徐倪氏在監自盡雖訊無得賄故縱情弊惟不加意防範致淫兇首惡倖逃顯戮非尋常疏忽可

比所擬杖六十徒一年尙覺過輕著改爲杖八十徒二年黃兆蕙
家人崔湧爲伊本官過付和息贖銀又自得洋銀二十圓僅擬杖
責亦覺輕縱著改爲杖八十徒二年署杭州府知府張允垂失防
擬徒人犯在獄自盡著交部照例議處所有此案不能審出實情
並失察之歷任巡撫臬司著查取職名交部議處黃鳴傑著卽回
籍聽候部議其程合章前奏審擬謀殺徐蔡氏各犯及仵作訟師
賄屬各情分別定擬見經王鼎詳加查覈情罪相符所有謀殺加
功原議斬決之秋香一犯著卽行處斬徐敦誠訊無同謀加功情
事著照擬杖一百流三千里已革府經歷費文燾以在籍職官於
謀命重案代爲主訟過付作詞捏控情殊可惡費文燾著發雲貴
兩廣極邊煙瘴充軍餘俱照該撫前奏所擬完結至候補知縣党
金衡委提要證桂香辦理妥速復隨同晝夜熬審不辭勞瘁著照
東華續錄 道光十二 五
該撫所請准其儘先補用以示鼓勵○奪永芹職召來京○王子
永芹病故以慶祥爲喀什噶爾參贊大臣實授長齡伊犁將軍○
是月賑甘肅岷州等六州縣水災霍災緩徵岷州等八州縣江西
南昌新建二縣水災額賦江蘇太倉等三十州廳縣衛通賦
十二月甲寅諭近來內外滿漢諸臣能實心實力不避嫌疑爲國
宣勤者固不乏人而因循觀望遇事浮沈者亦復不少卽如山西
閻思虎一案非特旨調京發部覆訊幾致烈女含冤淫徒漏網又
有浙江德清縣之案經年累月未成信讞若非特簡撫臣臬司加
以嚴敷頻頒復命軍機大臣王鼎會同覆勘焉能罪人斯得冤案
平反凡此皆因官官相護罔顧天良盡心力止知竊祿肥家置
民瘼於弗問言念及此憤懣何堪朕深愧一時未能盡除此等聞
茸貪劣之員朕之過也其則有若孫玉庭魏元煜顏檢張文浩受

國厚恩身膺重寄或摸稜取巧或依附和同誤國殃民深孤職守
雖皆按律懲治自咎無知人之明此皆外任養尊處優不肯殫盡
心力之惡習至於京中各部院衙門向來承辦公務尙屬遵例認
眞乃日內禮部議奏浙江監生徐晉鈔錄舊文中式後自行檢舉
請照該撫原奏將該生註銷舉人仍留監生等語已有旨諭矣此
事當巡撫程合章具奏時朕已覺其失於寬建交部議而部臣並
無駁正依據葫蘆甚屬非是試思該革生頭場因病未能完篇是
以錄舊若果偶膺疾病心神不清不能寫作原不出乎情理但該
革生既能鈔襲舊文復加竄改而二三場經策文理亦稱清順此
非重大之疾已可槩見在部臣則當執法而行議以斥革並將該
省巡撫附參方爲正辦不思及此反爲一人委曲周旋又開一條
門路且因病錄舊一語出於何典更不成話矣再科場條例穆克
東華續錄 道光十二 五
登額舒英容或不知若汪廷珍韓鼎晉奎照劉彬士均係科甲出
身何得諉爲不知故爲此有意從輕以邀名譽之舉耶且爲大臣
者務思大者遠者不可因一人增添例文一事留遺弊端多制之
譏豈不問乎總之不能持公秉正動輒畏首畏尾自願之心重竭
誠之念輕朕爲天下主豈不欲人人而悅之試問能乎可乎矧士
爲四民之首如有不遵法度者必當按律懲創不容末減此非薄
待士子正所以端士習厚風俗久遠之謀也嗣後內外滿漢大小
諸官務要共矢丹忱佐予圖治不可染玩愒之習不可存推諉見
好之心庶至於大法小廉綱舉目張是予之至願也毋忽所有此
次率行具奏之該省巡撫程合章著交部察議不行按例議駁之
禮部尙書穆克登額侍郎舒英著嚴行申飭尙書汪廷珍侍郎韓
鼎晉奎照劉彬士俱著交部察議○以浙江海甯等十一州縣禾

苗被風准和種並納○丙辰恭修 仁宗睿皇帝本紀成○諭各

督撫飭屬速驗命案毋任意延○辛酉增設蒼霞後右二門章

京各二○乙丑 上詣 大高殿祈雪○諭慶祥奏查訪喀什噶

爾官兵出卡失利實在情形一摺前據永芹奏巴彥巴圖帶兵出

卡剿賊被害情形朕即疑其所奏未盡確實當降旨交慶祥密加

查訪茲據查訪張格爾於七月間至薩雅克部落居住跟隨僅十

八人經該阿奇木邁瑪薩依特帶同貿易回子及小布噶特等稟

報永芹即令巴彥巴圖帶兵二百名以查卡倫為名前往搜拏行

至都爾伯特津地方將次劣克及伊屬下人等之家口男女大小百

餘名全行殺害詢知張格爾已於前五六日潛匿拜巴哈什處汰

劣克帶同厥布噶特追圍官兵力戰一夜勒殺布噶特百餘人官

兵多有陣亡巴彥巴圖旋因臂中槍傷自刎死是張格爾窮蹙餘

東華續錄 道光十二 天

生甚好機會轉致措置乖方重損聲威實堪痛恨永芹身為參贊

既已調度失宜又復奏事不實若使其身尚在必當革職擊問按

軍法治罪前已降旨將永芹革去都統不足蔽辜其子縣煥縣星

俱著革去輔國將軍二等侍衛降為奉恩將軍永不准挑選別項

差使以為貽誤軍務者戒巴彥巴圖輕率出卡妄殺多人轉致逆

夷張格爾先期竄匿罪有應得姑念其被圍受傷事急捐軀究係

歿於王事尙堪憐憫著加恩仍留都統銜及加賞世職其餘應得

卹典著槩行停止○諭軍機大臣等慶祥奏見查張格爾在托古

斯托羅地方阿坦台家居住汰劣克拜巴哈什瑪達特等俱附近

居住霍卓巴爾迪帶二百餘人往霍罕去已諭令邁瑪薩依特查

探進兵路徑並令曉諭效順之布噶特設法擒獻藉兵威使之合

力懸重賞使之樂從各節籌畫悉合機宜自當如此辦理惟賞項

所需將來若能將首逆張格爾縛獻或將汰劣克拜巴哈什瑪達

特等縛獻俱應准其作正開銷其所奏阿奇木邁瑪薩依特尙能

撫馭回厥辦事亦能認真張格爾於七月間至薩雅克部落汰劣

克處居住跟隨僅十八人係邁瑪薩依特帶同貿易回子及小布

噶特等稟報是該阿奇木之盡心效力似屬可信但所稟報張格

爾跟隨僅十八人尙須詳查確實朕聞巴彥巴圖之輕出卡倫係

有以張格爾此次窮蹙前來投誠為言者永芹始商令巴彥巴圖

帶兵前往以致墮其奸計是當時造言之人即係內外潛通消息

之奸細必應查訪明確密拏懲治著慶祥於到喀什噶爾後再行

密加訪查究係何人倡為此說據實奏明辦理勿得稍涉顛預○

丙寅賜高年頂帶三萬七千三百四十五人○命刑部將緩決三

次以上人犯減等發落○戊辰定查城都統副都統三年更代例

東華續錄 道光十二 天

○丁丑容海因病解任以周錫章為廣東按察使由浙江鹽

寅以福建款收准暫弛海禁販運浙米○是歲朝鮮琉球暹羅越

南來貢○會計天下民穀數各省通共大小男婦三萬七千九百

八十八萬五千三百四十名口各省通共存倉米穀三千二百六

十一萬一百六十石三斗九升六合六勺

臣王先謙敬編

臣周嗣蕃恭校

道光六年丙戌春正月甲申以籌辦雙城堡屯田妥協加將軍富俊太子太保○召姚祖同來京調嚴如煜為陝西按察使以何金為貴州按察使由請西○乙酉諭軍機大臣等慶祥奏接常德札覆須於二月進剿即將前派後起官兵一千名派領隊大臣烏凌阿管帶啓行計二月初間即已到齊等語慶祥前此所奏調度官兵並查探逆夷蹤迹鎮以兵威懸以重賞設法將該逆夷等縛獻種種籌畫機宜尚不為無見何以接據常德札覆二月進剿之言率令烏凌阿將後起官兵管帶前往試思該逆夷竄匿各布嚕特地方並無一定巢穴即使二月間大兵雲集不但張格爾無從擒捕卽汰劣克等亦游移無定卡倫外皆外夷部落路徑叢雜從何進兵剿捕慶祥熟悉彼處情形乃因常德之言轉致游移無據冒昧撥兵前往著傳旨嚴行申飭常德前因擅發急遞交部議處俟奏上時再降諭旨此時計算長齡英惠必有一人行抵伊犁慶祥仍俟伊二人無論何人先到交卸後再馳往喀什噶爾相度情形遵照節次所降諭旨詳籌妥辦其後起派往官兵該參贊到彼察看如必須分派應用卽酌量暫留該處若無須如許兵力卽陸續撤回歸伍伊犁地方緊要烏凌阿等亦有本任應辦事宜如不須二人在彼著於穆克登布烏凌阿二人內酌留一人聽候調遣其餘一員卽令管帶撤回官兵仍回本任慶祥總當堅持定見盡心籌畫用副委任不可輕聽人言致為搖惑也○甲午調劉彬士為刑部右侍郎史致儼為禮部右侍郎○丁未諭軍機大臣等長齡

奏稱此次慶祥所謂伊犁烏嚕木齊及各路換防官兵共有四五千名均係未經軍旅之師帶兵又無得力之員不識紀律如必須進兵尚須妥協斟酌不可輕舉妄動張格爾生長外夷路徑最熟我兵不識路徑又無鄉導且出卡尙係布嚕特再入卽是霍罕地方官兵到處不能不擾及外夷儻若激成事端遂致復啓邊釁該逆見在托古斯托羅等處游奕之說尙係九十月間探聽之言將來我兵出卡定必聞風遠竄否則又令我兵深入另設詭計我兵追捕愈深一切糧餉軍火文報軍臺並無諳熟官兵經理該逆一日不獲官兵一日難撤喀什噶爾又無存貯糧餉接濟必致進退為難等語逆裔張格爾罪犯稽誅隱匿各布嚕特地方句結煽惑必須設法擒獲盡法懲治以張國威第卡倫外路徑叢雜我兵不宜深入慶祥節次所奏陳兵宜威懸賞購獲各事種種尙合機宜

長齡因在途次聞調派各路官兵以為必欲進兵剿辦未悉該參贊籌畫事宜與節次所降諭旨故有此奏並據奏稱見已詳晰札致慶祥該參贊接信後亦必將見籌機宜札商辦理慶祥到喀什噶爾後惟當體察情形堅持定見相機辦理如能得以夷制夷之力將張格爾及巴布頂汰劣克等諸逆悉數殲擒或縛獻數犯固可申國法而靖邊圉如一時不能擒獲或事慶祥自必籌畫善後之計不至曠日持久老師糜餉進退兩難該參贊務將一切情形通盤熟計悉臻妥善不負委任朕亦不為遙制也○壬子岳祥以病免調興科為湖北按察使以吉恒署四川按察使前任四川按察使○是月展賑奉天錦州中前所等處旗戶水災給江蘇沛縣災民口糧貸奉天甯遠州旗民河南鄆陵等七縣甘肅岷州等十二州縣山西襄垣縣直隸寶坻等三縣水災旱災雪災籽種口糧倉穀緩

徵山東濮州等三十三州縣場銜錢濟倉穀

二月癸丑朔費丙章丁憂以邱鳴泰為湖北布政使戴聰為山西

按察使由交際處○丙辰調博啓圖為戶部左侍郎以阿爾邦阿

為工部左侍郎由總管內務○庚申 上御經筵○諭軍機大臣

等琦善奏洪湖石工未能開段拆修請擇要試辦坦坡護隄蓄水

一摺高堰為淮揚保障從前工程木屬鞏固百餘年來從無大患

即開有掣卸亦不至如前年之甚雖因風浪過大蓄清過多實由

近年總未認真修理任其塌卸剝落以致為患甚鉅嚴煥承張文

浩失事之後經朕特簡南河即應徹底勘明認真興辦乃因循疲

玩一載有餘毫無把握所辦石工草率了事仍稱灰漿未老不能

蓄清直至琦善到彼嚴煥始由清江閱視河工見河身淤高所辦

堰工全不足恃無計可施堅主碎石坦坡之議分作五年拋成每

東華續錄 道光十三年 三

年拋石三十餘萬方禦壩業經堵閉兩年是辦成已須七年之久

朕即覺其需時糜帑當降旨令琦善等另行妥議茲據琦善奏運

石湖船每年可運碎石二十萬九千一百六十方是運石之船止

有此數斷不能與前奏每年三十餘萬方之數相符計需八年方

能辦成試思禦黃壩兩年不開河漕俱已萬分掣肘豈能遲之又

八至十年之後耶况此數年中河身無清水刷滌勢必黃水愈高

又將何所措手在嚴煥之意自以數年之內經風擊場又可護卸

於碎石未經全拋以掩飾其前此辦理不善之咎且碎石坦坡需

時甚長所費尤鉅若年年拋護有場即拋糜帑誤工伊於胡底是

碎石坦坡斷不可行所請試辦一年著無庸議琦善經朕簡任兩

江總督無可推諉此事朕惟責成該督一人前據嚴煥奏山海安

阜四廳境內河身坐灣如關家灘孟家灘九套何家社兜灣過甚

擇要酌估挑切引河一二道以備汎漲啟放掣溜成河計估需銀

二十萬兩並接築長隄以備大汎又據陳中孚奏請於高堰後三

隄舊址展築二隄期復蓄清舊制近年河患不僅在清水之短絀

而在河底之擡高欲期河底刷深仍不外東水攻沙逢灣取直之

法朕聞從前黎世序在徐州辦過引河切灘若有成績自應趕緊

辦理切灘引河以收速效辦竣後再籌議接築高堰二隄以期蓄

清敵黃該督即督同淮揚道潘錫恩及河員中結實可靠者次第

興辦總期本年回空船隻無誤進行明歲重運北來可復舊規方

為妥協至河工劣員但知借工侵蝕全不以公事為重主築隄不

挑河之說糜餉誤工其言斷不可聽勉之慎之又該督奏議覆那

彥成奏運通漕糧改用長剝格礙難行一摺那彥成奏到時朕即

覺其說不可行茲據該督奏熟壩挑河均有所礙長途剝載微變

東華續錄 道光十三年 四

堪虞以及經費不充丁情苦累所議俱是著無庸議但該督既知

長剝難行海運又不可久是禦壩斷不能不開總當以疏河蓄清

為己任用正人聽正言矢虛衷而持定見築壩衛清切灘減黃黃

水低一寸清水即高一寸俾禦壩可以開放河湖俱復舊規方為

不負委任○辛酉錢寶甯以病免以王庭華為山西布政使戴宗

沅為直隸按察使由江甯河○壬戌諭琦善奏海運漕糧儘船收

兌見到商船九百餘隻足運米八十萬石所有兌竣船隻先開赴

十效候風初運沙剝到津卸米後前往奉天買豆催令南歸等語

販豆係該商船常年本業且海船利於壓重不能駛放空船自應

准其照常往販惟倘有二次兌運必應迅速南下著奉天府尹飭

各該地方官俟商船到彼即令置貨開行無得勒指並飛咨經過

直隸山東各省轉飭沿途海口催令南歸勿任逗留貽誤○癸亥

諭軍機大臣等據陶澍奏海船初運米石見已儘船儘兌陸續開出十激地方候過二月初八日風信開行若遇順風旬餘即可抵津等語海船乘風開行抵津迅速必須將應用舢船及一切事宜豫爲布置周妥著那彥成即飭陶樾鄭祖琛等遵照節次奏定章程即日籌備妥協以便海船隨到隨卸勿稍遲滯○調邱鳴泰爲安徽布政使徐承恩爲湖北布政使○甲子書銘休致以惠端爲盛京兵部侍郎左副都御史○丁卯諭軍機大臣等據琦善奏稱見在黃水已長至三丈有餘兩岸隄工高出水面數尺設伏秋二汛水漲即可高與隄平目前救急之計自以增培大隄接築海隄較挑切工程爲急等語黃河甫過凌汛而水已長至三丈有餘增培大隄接築長隄固是目前急務第黃水出路不暢若不急籌減落之法僅恃增培隄岸豈能抵禦盛漲是切灘挑河亦係刻不容緩

東華續錄 道光十三年 五

之工見已黃水增長而嚴煇前奏挑河工程尙止約略估計並未切實勘辦該河督所司何事轉瞬桃汛卽屆不能再任延緩見既奏稱關家灘應行挑辦引河之處有民間私築土堰亟宜起除著該督卽飭屬剴切曉諭並親往該處詳加覆勘將關家灘等處河勢坐灣地方何處應切何處應挑察看形勢之緩急遴派妥員嚴實估計奏明妥速興辦勿稍遲延致失事機至高堰後應築二隄前據琦善奏稱止能見功於大隄有失之後不能豫固於大隄未擊之先持論固有所見惟此時隄身入水已深既不能於椿朽根鬆之處一律拆修而碎石護隄之說又迂遠而難行揆諸時勢自以興築二隄爲正辦二隄既築大隄賴有重門保障又築格隄以爲後戢大隄自更有擎托是二隄之有利無弊其事顯然該督到清江一面勘辦挑切引河事宜一面卽將二隄工程勘估奏明次

東華續錄 道光一三二

第辦理如果於此外另有固隄善清善策朕必擇善而從並不稍存成見也○庚午禁各省教職佐雜干預公事○甲戌 上啓鑾謁 西陵○免經過地方額賦十分之三○戊寅 上謁 泰陵 泰東陵 昌陵回鑾○辛巳 上還京師

三月甲申諭軍機大臣等陶澍奏海船初運兌竣仍接續趕辦一摺本年初次試行海運據該撫奏截至二月二十一日止共兌過正耗米一百一十二萬二千餘石事機極爲順利惟海運米石除正耗漕白等米尙有給船耗米通計米數有一百六十三萬三千餘石各船不敷裝載不能不分兩次運送一過春夏之交南風司令北船回滬較難自應令初運沙船迅速回棹俾二運得資趕辦本日據天津鎮總兵克什德奏報長洲縣第十三號船一隻於二十九日早潮引進天津海口日內諒已陸續前來穆彰阿等接奉

東華續錄 道光十三年 六

此旨卽飭該鎮道等遇有海運抵津隨到隨卸不准片刻延滯並嚴飭坐糧廳稽察吏胥經紀人等如有刁難需索立即重懲毋稍姑息總令沙船卸米前往奉天買豆迅速回南以便趕辦二運又陶澍另片奏給船耗米將來兌交額糧後應有餘賸合計不下十萬餘石請查照糧船餘米之例就近官爲收買等語向來南糧餘米俱准在通變賣惟例價尙有一定沙船糧船商各別若官爲收賣轉啓勒指諸弊自應聽其自便著穆彰阿等查照天津時價出示曉諭如有願將耗米變價者卽聽該處民人照市價收買該商既可藉以沾潤於該處市價民食亦有裨益○諭據慶祥奏查明賊眾確實下落見在聚集多人句連串結各布嚙特觀望狐疑不可專恃等語自係實在情形逆夷句結匪黨分聚六處約有三四千人之多並敢於各要隘安設賊目馬匹互爲聲援情實可惡

三四一

亦由於畏懼我兵前往勦捕之故此時調派伊犁及烏魯木齊官兵二千五百名次第到齊分駐各卡適中之地聲威不為不壯該參贊大臣惟當選派幹練員弁勤加訓練如賊眾竟敢近我卡倫即應統師迎勦大加懲創若隨即遠颺斷不可輕易出師致墮奸計總期布置嚴密毋得稍失機宜該逆夷等句連煽惑以致附從日多各布魯特窺測遷延情殊點猾若聽其日相聯絡更恐滋蔓難圖計惟有陽示寬大設法以解散其黨與一面隨時確密偵探相機籌辦著慶祥剴切曉諭各布魯特中其效順者如能計縛渠魁自當立予懋賞即從逆之汰劣克等若能悔罪投誠自相解散亦當待以不死酌予恩施並檄諭霍罕等處如各逆竄投毋許收留容庇若將首賊擒戮不但賞其頭人即出力之散小布魯特亦著數明賞賜使其知感知畏庶可伸威歲事慶祥惟當慎益加慎

東華續錄

道光十三

七

勉益加勉以副委任○乙酉以祁墳為貴州布政使周之琦為浙江按察使由四川○丁亥 上親耕藉田○己丑諭軍機大臣等琦善奏查勘海口及切挑引河情形並籌辦運河隄閘飭估洪湖隄工一招前因高堰石工不固既不能普律拆修不得不亟籌保護是以降旨令琦善將二隄工程勘估與辦茲據該督奏稱准揚道潘錫恩見有建築二隄不若增培大隄之稟並復細詢廳營俱稱建築二隄止可為隄後保障而不能恃以普清二隄地勢較低大隄有失二隄仍不免有過水之虞與潘錫恩之言相同朕閱該道所稟將隄後二河展挑寬深所挑之土即加培大隄東面不足再隔河取土幫成頂寬十丈坡用三收之大隄通隄一律似與普清較為近理惟前此陳中孚等所請興築二隄加築格隄以為後戩總係為保衛大隄起見如果加培大隄更有把握自當擇善

而從著琦善即親往查勘或應專辦大隄或再兼築二隄逐一將各工覈實估計迅速奏明興辦至該道所稟耳水通船一法從前既未經辦過自不宜冒昧輕舉見在黃水不能剋期消落而本年回空南下斷不能不開壩放行其耳水能否即將清水擡高足資抵禦黃流不至有倒灌淺閣之虞琦善察看情形如果照辦可期得濟即於盤壩清糧完竣後先將加運銅船調集試行一切估辦開壩水車等項准其覈銷其增培接築兩岸河隄及切灘挑河各工該督見已詳勘撥銀趕辦務即督飭道廳等照估挑築勒限汛前一律完工其關家灘地勢既勘與九套何家社有迎溜背溜之分未便徒糜經費著俟霜降水落後再行相機挑切其翻泥車一項亦疏濬成法該督已飭廳訊各官督令兵夫如法施行總期有裨刷滌庶免日增淤墊也○癸巳諭據張井奏熟籌早啓禦黃壩

東華續錄

道光十三

八

一摺張井會勘南河情形悉心講求不分畛域甚屬急公於河務亦頗有識見著即調補江南河道總督嚴烜調任南河正當河湖交病之時一籌莫展致禦黃壩至今不能啟放實屬辦理不善姑念其前在東河任內修守尚無貽誤著降三品頂帶署理河東河道總督以觀後效張井嚴烜俱各即赴新任無庸來京請訓○諭軍機大臣等據琦善奏查勘江境湖河做壞已極設法酌籌疏治五條除接築長隄逢灣取直該督等已奏明辦理嚴守閘壩由嚴烜另行酌定外其修復清船築作平灘對壩非緩俟霜降後不能辦理並須一二年後方可收黃水落低之效未免緩不濟急本日又據張井奏熟籌早啓禦黃壩一摺據稱黃河病在中滿擬照阿桂改河避險導使繞避高淤由安東縣東門上下在北面另築新隄即以北隄改作南隄中間抽挑引河約深一丈即由東門工以

下導河改由北面傍舊河行走至絲網浜以下仍歸見在海口中
閒又無淤灘阻隔似可暢順東趨自東門工以上至禦黃壩不過
六十里去路既暢上必掣深計可落水四五尺以外見在黃水高
清水五尺二寸得黃水落低五尺餘則立啓禦黃壩展寬東清壩
並接長蓋壩挑偏清水暢出刷黃底淤更可攻蓋彼時湖水不過
收七八尺其勢已可建飯更無虞風浪傷及石工此時刻期趕緊
六七月閒可開設新河備汛期已屆不妨先行勘估俟霜降後辦
理等語朕思黃河受病已久當此極敝之時若僅拘守成法加高
隄堰束水攻沙一時斷難速收速效自應改絃更張因勢利導以
遂其就下之性且黃河淤墊既甚與其有意外之虞必致淹沒田
廬被災甚廣何如改河避險先以人力變之爲一勞永逸之計所
謂窮則變變則通矣至濱海一帶蘆葦沮洳並無城郭自屬無害
東華續錄 道光十三年 九

張井所奏甚合朕意惟遲至霜降後秋閒不能啓壩漕船仍難回
空何如乘大汛未屆之先刻期辦理見已明降諭旨將張井調補
江南河道總督著琦善卽會同張井親往履勘迅速估計務於六
七月閒開放新河啓除禦黃壩俾一切盤壩海運等費均歸節省
備汛期已屆萬分不能趕辦亦須遴委委員先行勘估俟霜降後
卽行辦理至需用經費據張井約略估計不過三百餘萬兩見在
估築高堰二隄及切灘挑河增培下游四廳兩岸隄工共需二百
數十萬兩果能如張井所議立有成效則前項工程皆可不辦計
所增不過數十萬兩又何必屑屑過計耶惟見在所籌二百數十
萬兩見有若干尙少若干著琦善等一併查明據實具奏張井摺
著並鈔寄琦善閱看○丙申移甯古塔防禦四員駐拉林添設筆
帖式二員○戊戌諭陶澍奏請嚴懲刀械匪徒一摺江蘇省徐邳

淮海一帶與皖豫山東接壤毗連匪徒出沒每以佩刀持械爲能
始則三五成羣藉端嚇詐繼則肆意橫行兇搶擄殺最爲地方之
害茲據該撫以此等佩執兇器匪徒偶然挾詐逞兇平日又無犯
法實蹟按照本例僅止枷號杖責既未便照搜刀匪徒結夥搶奪
及棍徒生事行兇之例強相比附而責釋之後故智頗萌轉以輕
於嘗試長其犯法之心請援照四川廣東懲辦緝匪棍徒之例鎖
繫鐵桿以期小懲大誡著照所請嗣後江蘇徐淮揚三屬匪徒如
有佩帶兇器刀械挾詐逞兇者一經擊獲每名鎖繫鐵桿一支重
四十斤爲度定限一年果能改悔自新卽予釋放若不悛改再繫
一年儻仍始終怙惡卽按其情節照棍徒屢次擄害行兇例分別
從嚴究辦其接近江蘇之山東兗沂曹三府河南汝陳光等府州
安徽穎鳳泗三屬民情強悍地界相連並著一體做照辦理以挽
東華續錄 道光十三年 十

頽風而安良善○己亥召繼昌來京調富呢揚阿爲浙江布政使
以裕泰爲湖南布政使由安徽按察使遷○庚子諭海運見已陸續到津
沙船餘米不下十萬餘石前經降旨照南糧餘米例聽天津民人
照市價收買茲據英和奏沙船宜令速歸趕運二次米石恐該商
等希圖賤價售買觀望不前請由部動用銀二十萬兩官爲收買
著順天府卽派委委員赴部領銀分起解往天津暫存道庫並著
穆彰阿等於正米收竣後卽傳諭江南委員如有船戶願賣餘米
聽該處民人照市價收買如該處不能銷售卽動項照市價官爲
收買其價銀由江南委員轉發船戶毋得假手吏胥致啓勒措短
發諸弊俾沙船得以早歸無誤二次接運○以岳良爲安徽按察
使由陝西遷○先是直隸總督那彥成奏直隸界連山東河南二
省匪徒出沒無常必有窩家藏匪兵役包庇請嚴定盜賊窩主治

罪條例並酌改兵役包庇窩主專條下刑部議至是奏直隸一省除強盜窩主應擬死罪者從重辦理外其有窩賊盜賊按名數多寡分別發近邊極邊充軍兵役句連盜賊坐地分贓於應得本罪上加一等定擬俟該省盜風稍息再行奏復舊例從之○壬寅改

四川雅州府學訓導為雅安縣學訓導○甲辰移福建閩安營都司千總各一並撥兵駐琅崎島○戊申 上親騎射並御含輝樓閱 皇子及侍衛騎射○己酉予唐臣陸贄從祀 文廟○以福

申為左副都御史由大理寺卿遷○庚戌諭軍機大臣等據琦善奏勘明高堰石工請專辦大隄一摺前據陳中孚等請築二隄加築格隄以為後戩當經降旨令琦善親往查勘茲據該督奏親歷移建二

隄處所逐一履勘該處地勢較低必築至二丈八九尺方與大隄相平以及加築格隄建設滾水石壩及建閘等項非動帑三百萬不能興舉且不足恃者有五若專辦大隄即有高二丈之石工以為基址復再普加子堰視新築二隄又高數尺且幫成頂寬十丈

東華續錄 道光十三年 十一

坡用三收更以子堰直接海漫槽土復用坦坡以緩其勢後槽之壘亦輕約需銀一百七十七萬餘兩是二隄費多而無益大隄費省而有憑所見甚是前據張井奏改河避險湖水蓄至七八尺其勢已可建領高堰隄工皆可不辦茲據琦善奏黃水設法疏消不

過落水五尺湖水仍不能不蓄至一丈四五必得隄堰鞏固以為淮揚保障惟見屆農忙大汛將至派員雇夫均非易事著照所請將高堰境內六堡九堡十堡及二十三三十六十七等堡並山圩

境內自頭堡至七堡暨信壩十三堡擇其最為迎風犯浪緊要處所先行趕緊幫戩其全工則俟今秋明春辦理見已明降諭旨將潘錫恩投為南河副總河該督惟當會同張井潘錫恩和衷商榷

總期高堰隄工永資鞏固毋使稍有疏虞朕擇善而從並不稍存成見也○賞江南淮揚道潘錫恩三品頂帶為南河副總河○是月貸山西靈邱縣湖北荊州等五營被災兵丁倉穀緩徵開州等七州縣歉收新舊額賦

夏四月癸丑莊親王縣課薨賞治喪銀五千兩予祭葬諡曰襄○丙辰諭武隆阿奏校閱東省營伍據稱各營將弁年力弓馬均尚強壯惟登州鎮標右營都司夏存字弓馬生疏萊州營千總金洪

烈步箭平常應請分別降革金洪烈著以把總降補夏存字著革去都司惟念該都司之父於嘉慶三年在湖北當陽縣巡檢任內

堵禦川匪殺賊陣亡一門十口同日盡節加等予襲賞給雲騎尉世職該都司先由館班議敘未入流改補營員弓馬非所素習夏存字著加恩以府經歷縣丞改補歸部銓選仍留雲騎尉世職此

東華續錄 道光十三年 十二

係朕垂念忠盡量予恩施嗣後不得援以為例○戊午晉封靜貴人為 靜嬪○賞南河副總河潘錫恩右副都御史銜○己未諭軍機大臣等琦善奏上年接運回空軍船阻守臨清聞外見已催

過淮安三揚州二兩幫臨清開存水僅三尺有餘船多水小至韓莊以上及邵宿運河全賴微山湖水今湖瀦不旺又距夏至甚近恐開壩過遲黃水盛漲各省漕糧不能迅速盤竣等語本年東省

運河水勢不充臨清開存水三尺餘恐自開以上更多淺阻見在重運各船陸續到壩候盤設空船不能依期全抵楊莊致令數省軍剝船隻曠日久待裏揚一帶運河自必擁擠貽誤時屆農忙

又值高堰興辦土工車驢人夫等項雇覓甚難此等小民豈能停待坐食若散而復聚益恐稽遲况此時東省運河空船行走尙且不能迅速將來重船北上何能浮送裕如必致時日耽延所關甚

大嚴煨因南河辦理不善調署東河自應知愧知奮勉贖前愆該
河督等接奉此旨迅即督飭運河道廳上緊妥籌設法疏濬收蓄
俾提空進重毫無稽滯尚可以速補遲備有疲玩員弁嚴參懲辦
如任其短絀致空重各船不能通行將來黃水盛漲不能盤旋惟
該河督及該撫是問恐不能當此重咎也○庚申改江蘇運河營
邵運汎把總爲千總蕭南營蕭汎千總爲把總○甲子 上諭
黑龍潭祈雨○庚午雨○甲戌召張師誠來京以鄧廷楨爲安徽
巡撫徐炳爲陝西布政使諭內閣○乙亥 上諭故莊襄親王
縣課第賜奠○諭逆夷張格爾上年滋事潛逃私聚句結茲復派
頭目赫爾巴什潛赴綽勒薩雅克愛曼一帶糾合夷眾經慶祥選
派將弁分起探拏復曉諭布魯特比那帕斯等帶領百餘人陪同
官兵密往堵拏適赫爾巴什前來率眾格爾官兵回子等揚威齊
東華續錄 道光十三 十三
進該逆旋即逃竄經薩底克追及擒獲並戮斃從逆七名拏獲一
名餘俱帶傷遠竄赫爾巴什係上年戕害主事職銜法里那之要
賊罪大惡極茲被擒獲足以彰國憲而紓義憤慶祥自謂任參贊
以來於一切防堵事宜辦理認真事機極爲順利著頒賞白玉四
喜搬指一箇黃辦荷包二箇以示嘉獎如能將各首逆設法殲擒
必當加以懋賞那帕斯不避嫌疑深明大義前已加賞二品頂帶
此次著賞給大段四匹薩底克富先奮勇生擒要犯尤爲出力著
賞給五品頂帶花翎並銀二百兩噶勒奇雅探信擒賊著賞給六
品頂帶並銀一百兩所有傷亡布魯特三名受傷二名查明咨部
照例卹賞派往之西朗阿富尼雅杭阿及伊斯瑪依爾俱著以應
升之缺升用金頂回子庫爾班差探得力著賞給六品頂帶藍翎
遇有七品伯克缺出儘先補放其餘出力之弁兵回子著分別獎

勵該參贊仍當乘機妥辦速奏膚功以副委任○諭軍機大臣等
慶祥奏拏獲賊官逆夷並差探見在情形已明降諭旨分別加恩
獎勵矣逆夷張格爾等自知罪在不赦潛遣赫爾巴什前赴綽勒
薩雅克愛曼一帶以圖糾結情殊狡詐該參贊分派將弁並曉諭
那帕斯等隨官兵將赫爾巴什首先擒獲並殲斃從逆七名拏獲
一名辦理妥速事機順利覽奏欣悅見據瑪薩依特玉努斯等
查明張格爾等因托古斯托羅人多糧缺差奇比勒迪帶人到沖
巴噶什愛曼附近巴雅爾一帶欲種地以資口食奇比勒迪係著
名逆黨其手下人托克綽爾即係槍傷巴彥巴圖墜馬之犯該逆
見離巢穴其愛曼距卡甚近正可設法擒捕毋使積糧聚眾以爲
抗拒之計該參贊即傳知見派之科凌阿等帶領壯兵回子及占
帕拉特等指示機宜就地殲擒固不可貪功深入亦不可坐失事
東華續錄 道光十三 十四
機再赫爾巴什等所供張格爾因官兵雲集欲先赴霍罕再看
機會汰劣克等與張格爾意見不合該參贊正可趁此機會於效
順布魯特中剴切曉諭懋賞購綫設法誘擒或令自相殘食藉收
以夷制夷之效至赫爾巴什本當亟正刑誅但須暫留查訊張格
爾游奕蹤迹俟拏獲要犯時亦須該犯質認可牢固監禁毋令癩
斃也○丙子賜朱昌頤等二百六十五人進士及第出身有差○
是月給江蘇沛縣災民口糧貸江蘇徐州鎮三營湖北德安宜都
二營災區兵丁銀穀緩徵山東德州等三十一州縣衛歉收新舊
額賦並漕項雜款展緩山西隰州運穀
五月壬午改福建彰化縣海豐港口歸嘉義縣笨港縣丞轄烏石
港口歸頭圍縣丞轄○甲申諭逆夷張格爾前因人多糧缺遣奇
比勒迪帶多人潛赴巴雅爾一帶意圖種地聚糧當經降旨以該

逆見離巢穴正可設法擒捕本日慶祥奏到派委員弁密探奇比勒迪出入蹤迹經占帕拉特率其屬眾就山設伏鐵維克拜帶人前往引誘該逆帶領多人甫進山口官兵回子槍箭齊施該逆惶急奔逸鐵維克拜奮勇當先將奇比勒迪登時槍斃餘逆悉數就戮奇比勒迪係巴斯奇斯愛曼大頭人與汰劣克句結滋事上年首先率眾戕害官兵其手下人復槍斃巴彥巴圖茲復與張格爾聚謀種地實屬大逆不法此次旬日之內將助逆首犯節次擒誅所辦甚合機宜允宜懋加恩賚以示獎勵占帕拉特情殷效順實心探誘可嘉之至伊本係四品翎頂著加恩賞給二品頂帶鐵維克拜深入誘賊槍斃首逆著賞給五品頂帶花翎並照賞格頒賞誘賊殺賊之商伯克布嚕特等銀兩協領科凌阿著交軍機處記名遇有領隊大臣缺出奏請簡用出力之佐領伯克弁兵等俱照

東華續錄

道光十三

十五

所請分別升用賞給翎頂邁瑪薩依特深知大義俟再有成效即當立予恩獎慶祥籌畫有方調遣均能得力洵屬能事著先行交部議敘見在助惡首逆疊被擒誅張格爾等自已聞風膽落且糧乏勢窮誅鋤更易該參贊當趁此聲威益加懋勉俾渠魁悉數殲除邊圉日臻綏靖俟全案告竣朕必渥予恩施○己丑諭富俊奏移駐京旗請再添設總副屯達二名以資約束茲據奏稱京旗陸奏准分左右翼各設總副屯達二名以資約束茲據奏稱京旗陸續移駐二百七十戶分撥中屯兩翼四十屯居住計一總屯達經督二十屯道路紆遠勢難兼顧雖設有副屯達並無頂帶難資差遣著照所請准照吉林中左右三屯之例每一旗五屯再添總副屯達各六名總屯達著賞戴金頂每名月給工食銀一兩遇間加增一月由撥餘項下動支其副屯達亦著賞給虛金頂不必給予

工食與總屯達一體稽察戶口呈報事件著即由京旗開散內挑選充補○諭軍機大臣等琦善等奏勘明安東改河工程恐尚有窒礙請啓放王營舊減壩以期製溜通漕一摺南河黃高於清以致河湖交做運道不通前此張井建議由安東改河以為黃水即可掣低築壩即可啓放見既覆勘籌商多有窒礙不若開放王營舊減壩之較為得力著即照該督等所議辦理見屆大汛不遑未能剋期興辦自應視糧船回空之早遲定啓壩之時日彼時已屆秋深水勢既定且民間秋稼登場漫水下注之處當不至大傷田廬惟一切應辦事宜均須豫為籌議將來黃水一經奪溜必使清口以下即可掣淤清水暢出刷濬深通即趕緊堵合俾全黃仍歸故道漕運永復舊規該督等當加意慎重勉之又勉方為不負委任所有開壩挑河堵合口門並一切土埽工程及撫恤事宜共需

東華續錄

道光十三

十六

銀三百數十萬兩已飭該部豫為籌款俟秋初該督等奏撥時即可迅速撥解工次以資應手○壬辰蘇明阿緣事降調以繼昌為江西布政使前在浙江○甲午諭朕恭閱 皇祖高宗純皇帝實錄內載乾隆四十一年十月奉 上諭向來各省地方有擊獲鄰省盜犯倘令引見錄用以示獎勵若為知府直隸州者能將審轉之案秉公研鞫立予平反則所屬可無冤民較之實心緝盜尤有益於吏治嗣後凡知府直隸州有將關繫生死出入大案審出情實改擬得當經上司覈定題達部議准行者交該部查明奏請送部引見著為令等因欽此仰見我 皇祖慎重民命激勵官方至意國家設官分職大小相維各州縣案件由該管知府直隸州審轉其直隸州案件由該管巡道審轉原因督撫藩臬統轄全省尚恐耳目難周道府直隸州於所屬最為切近分其職任正以專其

責成所屬各員是否廉明案件有無屈抑果能隨時留心秉公查
察斷不至受其愚蒙况 聖訓煌煌垂為功令有善必錄亦何憚
而不為乎乃近年以來從未有道府直隸州於所屬之案平反得
情經督撫題連部臣查明奏聞者總由積習既深官官相護平時
因循疲玩置民瘼於不問遇有案件又務博寬厚之名扶同徇隱
以致各州縣中多有昏憤不職顛倒是非甚或恣意貪婪肆無忌
憚即如山西省閻思虎一案幾致烈女含冤特交刑部提訊始將
淫兇之犯明正典刑又浙江徐倪氏一案經年累月未成信讞經
特簡撫臣臬司並特派大臣會同覆勘方能罪人斯得此等重案
如果該管道府等即時審出實情據實稟揭一經奏聞朕必立加
恩賞乃一味展轉回護固結而不可解迨至水落石出承審官固
罪無可追而該管上司俱罹重譴辱身敗名悔之何及嗣後各省
道府直隸州務當激發天良破除積習勿徇情面勿避嫌怨果能
於所屬之案審出實情改擬得當罪關生死出入者著該督撫據
實題奏該部查明隨案奏請送部引見以示鼓勵儻仍蹈徇庇故
轍致令冤獄難伸一經發覺定行加重治罪朕賞罰一秉大公不
能曲為寬貸也○乙未穆克登額以病免以松筠為禮部尚書那
清安為左都御史由熱河○丙申睿親王端恩薨賞治喪銀二千
兩○丁酉雲貴總督趙慎畛卒贈太子少保賜祭葬諡文恪予其
子戶部候補主事敦詩服闋後遇缺即補○戊戌調阮元為雲貴
總督李鴻賓為兩廣總督以嵩孚為湖廣總督明山為刑部尚書
由熱河○己亥截留漕米五萬石備直隸大名府屬賑需○以山
東東昌府屬旱災暫免利津海豐二海口商販糧稅○宗人府奏
嗣後宗室覺羅婦女遇事控訴合抱告具呈禁止自行呈控從之

○辛丑署刑部右侍郎韓封以病乞回籍允之○添設江南林家
墩汛千總一外委二○免直隸河間等五縣積水地畝地賦○乙
巳濬山東加河廳屬河渠○丙午諭軍機大臣等寄諭兩江總督
琦善江南河道總督張井副總河潘錫恩據給事中楊煊奏啓放
王營減壩關繫重大據嘉慶十一年開放減壩旋有上游之周
汛三堡郭家房蘇家山三次漫口及十六年減壩漫缺旋有上游
之棉拐山李家樓兩處漫口各成案以為黃溜湍急鹽河勢難容
納且下游安東海州境內有葦灘山根攔截阻遏往往挂淤倒濠
等語本年開放王營減壩非為減洩盛漲起見既與嘉慶十六年
漫缺情形不同亦與十一年開放成案各異前據該督等會同籌
議摺內已將應培應加之圍堰官路奏請分別培築自必有把
握不至蹈從前上壅下潰故轍事關全河大局欲其斗落黃水迅
開禦壩下游少有漫淹原所不免且在秋收以後想亦不至成災
惟該給事中既有此奏亦不可不留意詳慎將來開放減壩必期
去路通暢其上游隄岸各工及一切應培應加圍堰亟須倍加保
護慎重妥籌毋使稍有疏虞是為至要○裁貴州耶岱廳屬苗弁
○己酉裁撤嘉峪關外按月會哨弁兵○是月給山東堂邑等十
二縣旱災口糧貸直隸廣平等五縣山東堂邑等十二縣河南臨
漳等十二縣山西陽州營口糧籽種倉穀緩徵直隸廣平等五縣
河南睢州等二十八州縣山東東阿等四縣旱災新舊額賦並漕
項雜款
六月乙卯諭軍機大臣等孫爾準奏臺灣匪徒分類焚搶檄調鎮
將帶兵圍捕一摺臺灣嘉義彰化地方有匪徒糾眾焚搶據奏係
賊匪李通與粵民黃文潤挾嫌糾起實何以數日之間即蔓延

兩邑地方糾夥甚眾竟敢抗拒官兵是否即係李通黃文潤為首抑另有著名首惡乘機煽聚以致附和之眾日益增多必當就地殲除迅速撲滅庶不至滋蔓難圖昨據許松年奏報已馳往查辦該督見飭該鎮道出示曉諭散其黨與並檄調副將邵永福等帶兵在艋舺堵禦防其北竄並調總兵陳化成帶兵會同許松年蔡萬齡三面兜擒所辦悉合機宜該督務即檄飭在事各員一面迅速勦捕一面訪察為首匪徒嚴擊究辦勿得稍留遺孽該督前此奏請俟韓克均到任後來京陛見見在臺灣有匪徒滋事之案著暫緩起程俟此案查辦完竣再行前來可也○丁巳改盛京奉天府屬岫巖理事通判為岫巖鳳城海防通判○免山東軍需攤廉未扣銀九十五萬餘兩○庚申慶祥奏奇比勒迪之子胡達巴爾底姪伊斯瑪依爾潛至奇里克愛曼一帶遊奕窺伺派兵擒獲東華續錄 道光十三年 九

正法得有嘉獎○以韓鼎晉為倉場侍郎由吏部○內務府奏逃走太監治罪例初次逃走投回責六十送進宮差減食五錢賞銀一年被獲及二次逃走俱係投回均責六十發吳甸劍草一年二次逃走內有一次投回責八十發吳甸劍草一年半俱係被獲責一百發吳甸劍草二年三四五次逃走無論投回被獲均責一百三次發吳甸劍草三年四次五年五次劍草未滿年限逃走及五年期滿交進後復行逃走無論投回被獲俱永遠枷號從之○癸亥韓鼎晉以病乞假允之以湯金釗兼署倉場侍郎由禮部

○丁卯諭軍機大臣等據張井等奏籌防黃河隄岸並分減湖漲情形見在甫交初伏順黃場長水三丈九尺一寸比較上年盛漲大一尺七寸比較道光二年盛漲最大年分大一尺一寸均經先期籌備足資抵禦惟洪澤湖水見長至一丈七尺四寸已放三

河兩壩水勢仍有長無消擬啟放蔣家壩以南之欄湖壩並行知揚河廳營啟放車南中新四壩揚糧廳營除昭關壩不放外其餘歸江各壩全行啟放等語張井等因河湖同時驟漲援照嘉慶二十四年成案啟放欄湖壩並啟揚河揚糧各壩意在騰空河面豫備漲水下注為此不得已之舉此時琦善計已馳赴清江防汛務須會同張井潘錫恩和衷籌辦竭力圖維諄飭各廳營等加意巡防嚴守隄岸勿令稍有疏失其黃河水勢盛長防守尤關緊要即嚴飭防汛弁員督率兵夫無分日夜相機搶護不得稍懈至揚糧廳屬甘泉汛東西兩岸甄石工段內除保固限內新工十五丈七尺照例飭令賠修外應修舊工一百三十三丈七尺著飭趕緊估修以資保障此次經該河督等將湖漲分減自當水勢日消化險為平即著該督等由驛奏聞以慰廑注○以海運妥順予琦善議東華續錄 道光十三年 二十

敘賞陶澍花翎○戊辰賞張青選三品卿銜為兩淮鹽政以翟錦觀為福建按察使由廣東○己巳諭軍機大臣等許松年奏查辦臺灣匪徒械鬪一案及堵緝獲犯各情形所奏甚為明晰臺灣漳泉粵三籍民人獷悍尚氣該匪等焚搶彰嘉兩縣均係隨地糾邀各有首夥並非合而為一亟宜撫良捕匪以靖地方毋任滋蔓見在該道孔昭虔駐臺該鎮蔡萬齡駐艋舺提督許松年即駐大甲地方調度北可應接竹塹南可控制彰嘉惟三屬道里脈長路徑紛雜處處均應設兵堵緝以鎮人心該提督因官兵不敷差遣飛調內地勁旅三千名節經孫爾准奏到已調金門鎮總兵陳化成帶兵五百名署閩安協副將邵永福升補澎湖遊擊謝建雍帶兵三百名渡臺防堵續調省標兵三百名延平協標兵二百名興化協標兵五百名交候補副將崇福興化協副將佟權等渡臺

堵捕尙不敷兵一千二百名孫爾準接到許松年札致想已調派令其東渡矣許松年久歷行間明白能事此次臺灣匪徒滋事即責成該提督迅速辦理先行出示曉諭散其黨與總使人心平服自易安撫至接捕各犯務期趕緊殲戮勿留餘孽兵貴神速與其觀望遷延老師糜餉何如厚積兵力一鼓殲擒既可綏靖地方兼可節省糜費孫爾準見在廈門策應調度所有臺灣應用軍火糧餉賞項總須源源接濟隨到隨發俾得應手趕辦並於閩浙二省中平日稔知得力鎮將即飛檄調赴交許松年調遣至該匪等膽敢播造謠言乘機焚搶自係該處地方官平日因循疲玩聽斷不公緝捕不力以致養癰貽患孫爾準自必有所聞見著即據實具奏毋稍袒護許松年見在臺灣聞見尤切著該提督明查暗訪據實奏聞無許瞻徇情面備有不實不盡經朕別有訪聞惟許松年

東華續錄 道光十三 王

是問○辛未以李宗瀚爲左副都御史
督撫嚴懲奸胥墨吏○乙亥慶祥奏擒斬助惡逆首邁瑪呼里得旨嘉獎○丙子諭張井等奏湖河異漲消滅工程平穩覽奏不勝嘉悅本年甫交初伏湖河並漲經該河督等督飭防守並啓放擱河等壩幸得化險爲平此皆仰賴 上天垂佑朕心曷勝欽感著發去大藏香十炷交張井潘錫恩分投虔赴 河神廟暨 風神廟 湖神廟代朕敬謹祀謝以答 神佑此時正屆伏汛以後秋汛方長計琦善日內當已馳赴清江防汛務須會同張井潘錫恩和衷籌辦竭力修防諄飭道將廳營嚴守隄岸務保安瀾不可稍有疏虞又另片奏堰圩兩廳新舊石工見在尙未能興工培補不得不以碎石擇要保護與辦理碎石坦坡不同據該河督等先將顯露各段購辦趕拋此次大水並未掣卸已著成效著迅飭兩廳

各堡斟酌形勢緩急分貯碎石備用所需銀兩即在河庫存項動支務令工歸實用無任藉端冒混○庚辰諭軍機大臣等琦善奏河湖盛漲赴清江籌議防備並將張井等函商奏聞一摺本年春開張井奏改河爲一勞永逸之計惟言其不便者甚多旋據琦善會同張井等勘明安東改河工程恐有窒礙請啟放王營舊減壩以期掣溜通漕當降旨照該督等所議辦理本日又據琦善奏張井復申改河前議似此遲疑不決豈不又如嚴煇之欲辦碎石坦坡延宕經年坐失機會無論改河事多格礙且時日迫促亦萬難趕辦禦黃壩業經兩年不開本年軍船必須全數回空明年重運必當照常行走既據該督等會籌定議道將廳營皆謂減壩可行此時即應堅持定見及早辦理毋再游移觀望時屆立秋漕船回空瞬至儘啓壩稍緩空船歸次稍遲尙無大礙若竟遷延貽誤將來漕船不能回空並誤明春重運朕惟琦善張井潘錫恩三人是問決不寬貸○命嵩孚編查苗疆客民保甲○是月賑湖北江陵當陽二縣水災給河南臨漳等七縣旱災口糧貸直隸大名鎮標等七營被旱兵餉

東華續錄 道光十三 王

東華續錄

道光十四

臣王先謙敬編

臣周綱蕃恭校

秋七月壬午諭軍機大臣等據張井奏熟籌啓放王營減壩實無把握不敢回護前議並以地勢之曲直高下及民間田賦計之將來不得不慮者有三請仍由李工改河避淤較爲暢順等語改河之議原係張井始爲此奏迨將伊調任南河合與琦善等會同妥議則以改河口門有碑石阻遏諸多窒礙莫如開放減壩之較爲得力聯銜覆奏是以降旨照該督等所議辦理見已遲至月餘一切應行培築之圈堰格隄等工俱經勘估興辦而張井復以啓放減壩實無把握改河避淤實可辦理再行奏請該河督既知啓壩有此三患前此聯銜會奏何以並未慮及迨經給事中楊煊陳奏東華續錄 道光十四

輒又申理前說似此游移無定豈大臣事君之道見已盛漲屆臨若不堅持定見反覆遷延何時集事前於琦善奏到時已降旨責令趕辦減壩事宜務於秋深啓放禦壩以期回空船隻如期歸次總之減壩之議原爲減落黃水刷滌河身起見該督等固應籌及久遠亦不能不先計目前此時該督等惟當遵照前旨辦理減黃出清俾河湖不至有意外之虞並使本年回空全數南下明年重運照常北來方爲不負委任至於改河一事無論可行與否總須俟三汛安瀾後該督等再行會同詳加履勘和衷商榷勿得各存成見悉心定議具奏再降諭旨○普恭以病免以博啓圖署禮部尙書卹卹○王辰命武隆阿爲欽差大臣督辦臺灣勦匪事宜以陳中孚署山東巡撫穆彰阿署漕運總督○召楊懋恬來京以嵩孚兼署湖北巡撫○癸巳諭軍機大臣等本日據慶祥奏張

格爾率領安集延布噶特五百餘人由開齊山路突進經舒爾哈善等帶兵迎截共殺賊四百餘名生擒四十餘名賊分路竄回見請添兵防堵又據慶廉奏接到英吉沙爾咨文喀什噶爾回子全行變亂道路不通萬分緊急見咨長齡酌發精兵救援伊犁爲新疆重地該處領隊大臣穆克登布烏凌阿等已在喀什噶爾防勦所存官兵勢難再行分派該將軍總統新疆地方尤不可輕舉妄動惟當相機調度設法策應其各城附近喀什噶爾地方回子是否安靜並著加意嚴防朕見派署陝甘總督楊遇春選帶精銳將弁統領大兵前赴回疆籌辦勦捕事宜所有南路各城務宜嚴密查察妥爲防守不可稍有疏虞此爲至要○命楊遇春爲欽差大臣督勦逆回以鄂山署陝甘總督○甲午諭軍機大臣等昨據烏什辦事大臣慶廉馳奏喀什噶爾回子全行變亂當降旨令長齡相機調度設法策應不可輕動並派楊遇春爲欽差大臣選帶精銳將弁統領大兵赴回疆籌辦勦捕事宜本日又據印登額等馳奏葉爾羌參贊吳亨佑全軍被陷見在賊勢猖獗欲攻英吉沙爾朕心正深注念適接長齡奏報接慶祥來咨喀什噶爾被圍見調烏齊木齊官兵四千名伊犁兵二千名星馳前往伊犁地方緊要長齡在彼駐守調遣策應所見甚是見在喀什噶爾被圍日來又未據慶祥奏報該處嬰城固守必須援兵早到內外夾擊方保無虞此次所派領隊大臣祥雲保等由冰嶺行走自應迅速達凌阿帶領烏嚕木齊兵四千名是否起程未據奏報著即趕緊前往相機前進毋稍遲誤伊犁領隊大臣俱已派往喀什噶爾止有恩緒一人並不

同城著派布彥泰那桑阿忠山馳驛前往伊犁作爲領隊大臣交長齡差遣朕念吐魯番乃新疆各城扼要之地已降旨令多隆武

帶兵駐紮策應所奏哈密為新疆咽喉要地必須大員帶兵駐紮
昨已有旨令楊遇春於陝甘兩省選派精銳官兵分起前進所有
長齡調兵三千名即交楊遇春統帶齊慎不必前往楊遇春出嘉
峪關探聽各城軍情隨時馳奏至哈密地方駐紮再定行止長齡
惟當飛飭各城加意防範以待大兵雲集毋稍疏虞所有軍需糧
餉准其調鎮道庫備貯銀十萬兩即飭英惠撥解帶往所有烏
魯木齊提督印務即著英惠兼署再蘇倫保咨調喀喇沙爾所轄
土爾扈特和碩特撥兵已諭巴哈布如未調遣即行停止○己亥
以故和碩莊親王蘇子交寶襲爵○庚子以浙江樂清慶元二
縣糧價漸增發倉穀平糶○辛丑諭軍機大臣等長齡奏喀什噶
爾葉爾羌各臺站逆回滋事情形覽奏實堪憤恨喀什噶爾葉爾
羌尚未得實在情形伊犁援兵二千計七月望間可抵阿克蘇烏
東華續錄 道光十四 三
噶木齊官兵四千計八月初旬纔可到彼見在賊勢甚眾斷非六
七千兵力所能痛勦萬一輕率前進轉致腹背受敵墮賊奸計著
長齡即飭祥雲保碩隆武達凌阿等沿途偵探何處可以駐紮即
在何處會齊等候大兵雲集會合前進見已飭甯夏將軍格布舍
帶兵二千名前赴哈密駐紮以壯聲援諸事與楊遇春商辦楊遇
春帶領陝甘兵五千五百名計八月中旬可抵哈密相機堵剿又
另降諭旨令富俊祿成挑吉林黑龍江兵各一千名派副都統帶
兵不日前赴軍營聽楊遇春調遣○甲辰諭回疆逆裔張格爾潛
謀煽惑前命楊遇春為欽差大臣帶領陝甘精銳格布舍帶領甯
夏官兵並調烏魯木齊提督達凌阿伊犁領隊大臣祥雲保等帶
領各該處滿漢官兵前往勦辦統計將及二萬名見又飛調吉林
黑龍江勁旅數千前往協勦自必所向有功惟思命將出師事權

宜歸統一大學士伊犁將軍長齡公忠體國老成幹練著授為堪
威將軍並由京頒給印信軍營大小官員悉聽節制楊遇春前已
頒給欽差大臣關防計已自甘肅起程武隆阿由山東來京陛見
亦著頒給欽差大臣關防與楊遇春俱參贊軍務武隆阿起程時
朕再揀派巴圖魯侍衛隨同前往其京營曾經出兵得力官員著
武隆阿奏明帶往如有續行添調官兵之處並著長齡等一面奏
聞一面飛調至軍火糧餉一切經費已飭戶部速行籌款源源接
濟兵精糧足天戈所指無難悉數掃除第念喀什噶爾回子久隸
版圖素稱恭順即布噶特部落亦輸誠歸化有年此次句結滋事
自係逆裔張格爾煽惑所致其中甘心助逆者諒必無多大兵到
日其被脅附和之眾果能解甲迎降投誠乞命皆可量予寬貸仍
令各復舊業備敢執迷不悟抗拒大兵必應殄滅醜類俾無遺種
東華續錄 道光十四 四
該將軍等務當合力同心善體朕意恩威並用首先效順者許以
自新負隅不悛者盡行勦滅向其迅奏膚功緩靖邊域用副朕勦
逆安良至意○乙巳命盧坤馳往甘肅同鄂山督辦糧運○丙午
諭軍機大臣等琦善等奏會籌減壩事宜請酌撥經費一摺前因
該督等會議廢放減壩一切挑河開壩及撫恤等項需費甚多當
飭戶部豫為籌款備用茲據奏已定於八月內開放減壩約需銀
三百八十萬兩除先撥粵海關稅銀六十萬兩外再請撥帑三百
二十萬兩著戶部即將前此籌備工需銀兩速議明春動撥行令
迅解工次以資應手至開放減壩原為落黃洩清之計必使黃減
而禦壩即開清減而湖漲可洩漕運復舊隄堰無虞即數百萬帑
金朕原不加靳惜惟既經廢壩之後能否全行奪溜騰出正河設
法疏濬總須確有把握據奏堵其支流宣其去路皆前兩屆未及

審度之事該督等此次豫為籌備因應如此辦理將來堵築攔黃大壩必須將中段高仰之處大加挑治期於一律深通方可收一勞永逸之效若止補救目前謂本年壩場可開回空可渡而明年重運北來仍難保必無阻滯或一年之間清運可以暫通而經久仍不能無誤是不特運道不通而河朔之敵壞伊於何底前降諭旨垂詢甚明該督等務將開壩後黃水必能斗落清水必能暢出帑項不至虛糜確有成效之處切實由驛速奏以慰廑注再本日據陶澍奏本年啓放潰湖及運河各壩較早僅留昭關壩一處係前月奏明不開之工足備下游田畝六月二十七日琦善路經該處亦諭該員得守且守迨三十日參將張兆前來看視即日將昭關壩開放所有稻田遂歸巨浸而去路不暢湖水仍未消落徒積於下河數百里汪洋一片田畝刻難涸復等語昭關壩既經該督

東華續錄

道光十四

五

等飭諭各員得守且守何以甫逾三日該參將張兆即往開放是否該督等飭令前往抑該參將擅作主張著查明據實具奏且啓壩原為減洩湖漲乃減水無多徒使田禾被淹居民失業成何事體並著該督等嚴飭該管員弁將下游歸海各河速議疏挑俾積水暢消民田涸復無誤將來播種以蘇民困○戊申諭逆裔張格爾持有白帽回子為之接應竟敢糾同布魯特突入卡倫屯集回莊作亂經慶祥先期訪獲奸細究出謀逆情由豫派領隊大臣烏凌阿穆克登布帶兵迎擊殺傷賊匪四百餘人已將該逆裔圍入回莊大瑪雜內因夜雨昏黑草深樹密逆裔張格爾捨死突出逃逸官兵正在追捕該逆回等聞風響應分路迎拒官兵腹背受敵烏凌阿穆克登布竟被槍傷陣亡效命捐軀深堪憫惻烏凌阿穆克登布俱著加恩晉贈都統銜照例賜卹傷亡官員兵丁著該將

軍查明咨部照例卹賞○諭軍機大臣等長齡奏續接據總管額爾古倫稟報喀什噶爾被圍情形及籌辦進援防守各事宜並將該總管等原稟進呈一摺喀什噶爾城門已被賊匪自外堵砌日夜圍攻能否保守至今未得確信英吉沙爾葉爾羌距喀什城甚近勢亦難免該逆等窺伺該將軍請於伊犁烏魯木齊官兵到後湊足七千兵力前往救援惟該處賊匪眾多出沒無定此時進兵往援必能大挫賊鋒使之膽落方於全局機宜有濟若計算兵力尙單止宜在阿克蘇暫時屯駐不可冒昧輕進致墮賊人奸計本日據楊遇春奏於七月二十六日選帶本標官兵一千五百名先行馳往並即諭令該署督於出關後探聽前路情形再行督兵會合相機前進阿克蘇為回疆通中要路務當嚴兵固守加意防範毋稍疏虞至請令齊慎帶兵赴阿克蘇防守之處前因楊遇春奏調

東華續錄

道光十四

六

提督楊芳總兵呂天俸帶兵往剿已諭知該署督陝甘兩省提督未便俱令帶兵遠出總須酌留一員在任俾資彈壓楊遇春馳抵哈密一帶應否派得力提鎮一員帶兵赴阿克蘇防守之處該將軍即馳商辦理至錫伯帶兵總管額爾古倫等官兵共六百九十餘員名未能捐軀行陣退回阿克蘇本應按軍法治罪姑念事起倉卒當逆回羣起為亂時賊勢甚熾原不應派兵輕出至令腹背受敵且該官兵等因城門被賊匪堵砌不能入城尙與臨陣逃回者有間著貸其一死俱行斥革交該將軍飭令各帶原兵在軍前效力自贖又另片奏見署阿克蘇阿奇木伯克色提巴爾第年力已衰請令伊薩克署理所奏是伊薩克曾任阿克蘇阿奇木伯克熟悉該處情形著准其署理飭令該伯克妥為安撫回厥為要烏凌阿穆克登布所遺伊犁領隊二缺已有旨將布彥泰忠山補放

矣至內地官兵行至口外應行調馬更換及就近調取烏什存貯小麥磨麵借用之處該將軍隨宜調度不必事事候旨遵行前經戶部籌撥餉銀三四百萬兩迅速解往又派前陝西巡撫盧坤前往甘肅會同鄂山督辦軍需糧運一切事宜自當源源接濟不至短絀遲誤朕命該將軍總統軍務信任甚專凡軍前一切事宜惟當竭誠盡智隨時相機妥辦遇有應商之事與楊遇春武隆阿和衷商榷期臻妥善朕委心任用不為遙制該將軍亦勿恤人言稍存顧慮也○是月賑江蘇高郵等六州縣水災給湖南醴陵等三州縣山西歸化城水災口糧貸陝西西鄉整屋二縣水災籽種奉天錦州府屬各驛馬乾銀緩徵浙江嘉善平湖二縣興修水利貸

款
八月庚戌朔諭孫爾准奏抵臺查辦北路械鬪情形及參辦理錯
東華續錄 道光十四 七

誤之提鎮副將各一摺覽奏俱悉此案臺灣匪徒李通等挾黃文潤按賊之嫌糾眾尋鬪黃文潤集眾抵禦格殺二人匪徒隨造分類械鬪之譏乘機焚搶經該縣王衍慶手刃數賊匪徒遂鼠彰化境內該提鎮等誤執民自械鬪官兵止可彈壓不便加誅之說致該匪等益無忌憚具結復鬪見因官兵雲集均已解散該督就獲犯供出及難民控指已有五百餘人令各莊總董頭人按名縛送並將著名匪類最多村莊帶兵圍捕指日即可肅清該督務將著名賊首嚴拿務獲盡法懲治附和者隨時解散不必株連以除頑莠而安良善至撫卹事宜著照所請查明瓦草房閱照例分別給銀俾令自行搭蓋以資棲止流民還定安集自可日見殺教所辦俱是提督許松年未能痛加懲辦乃邀集總董勸令講和失體損威辦理已屬錯謬又監提尙未定讞之兇犯吳裕等作縋並身在

行閒乘坐肩輿何以率先將士許松年著卽革職留臺交孫爾准差遣效力贖罪總兵蔡萬齡統轄全臺營匪徒肆橫並不立時撲捕殊屬畏葸亦著革職見有經手事件著暫留臺鎮之任北路協副將趙裕福一籌莫展庸懦無能著卽革職以示懲儆○辛亥參贊大臣武隆阿率巴圖魯侍衛章京等陛辭 上御出入賢良門訓示方畧○以顏伯燾署陝西布政使何承燾署陝西按察使燾

安道 ○王子諭軍機大臣等本日據長齡奏籌派官兵及伊薩克

回兵由草地前往葉爾羌救援一摺同日又據印登額等奏率獲逆匪辦理及長清奏偵探葉爾羌賊匪漸偏催兵救援並夾渭等奏派兵聽候調遣各摺覽奏俱悉和闐草地既可通達自應亟發官兵出其不意前往救援該將軍奏請飭甘肅提督齊慎帶兵前駐阿克蘇以爲聲援前經降旨令楊遇春於提督齊慎楊芳二員內酌合一員回任彈壓見在齊慎早經奏報起程計此時可抵哈密即飛飭齊慎星速馳赴阿克蘇駐守令楊芳回任如接奉前旨已令齊慎回甘卽令代齊慎帶兵之大員星速前往長齡俟德英阿到伊犁卽星赴軍營總統軍務長齡未到任以前一切軍務著楊遇春隨時相機調度總期於事有濟務保萬全至張格爾之弟巴布頂前據慶祥奏去年九月間在鄂羅退帕地方身故乃本日印登額等奏審訊阿布都拉差人牙伙普等有巴布頂已將其吉沙爾城池攻破等供長齡到軍營卽查明該逆實在下落覆奏至阿布都拉一犯身為阿奇木伯克不圖報效膽敢從逆並約鄰封伯克獻城助逆狼子野心可惡已極長齡到軍營後務將該伯克擒獲照叛逆律盡法處治毋任漏網○乙卯諭軍機大臣等富俊奏流民無籍可歸一時難令遷移願免其驅逐仍嚴行查禁不

准再有潛住等語吉林為我朝根本之地該將軍等既聽流民潛住漫無覺察迨積漸增多輒以窮民無籍可歸難令驅逐失所妄思乞恩朕撫有寰區豈不知痾瘵在抱惟此案無業流民始而為傭工遠出投身服役繼則漸向旗人佃種田畝迨佃種既多旗人咸就安逸不知力作必致生計日蹙且耳濡目染習成漢俗不復知有騎射本藝積重難返其害豈可勝言若如所奏從此責令官兵常川稽查不准再來潛住果能如此令行禁止見在流民何至遂有一千餘戶之多前此既已容留則此後嚴查禁絕亦止紙上空言數年之後必又漸積至一千餘戶該將軍不過援照成案一再乞恩而於培塿根本之計有何裨益夫涓涓不塞遂成江河若不亟加整飭於此時准此弊政不思遠圖朕固不能辭責而為是奏者則自富俊始試問能當此重咎否也富俊歷任最久見及仍

東華續錄

道光十四

九

茲斯任著即揀派能事文員會同協領等詳查妥辦該流民等違禁潛往居住本應照例究治此時即察行驅逐亦屬格外施恩惟念該流民無籍可歸未忍遽令失所該處東近遼山西近圍場斷不容令其仍前居住該將軍當不憚繁難另籌善策於吉林所屬各廳或盛京所屬各廳州縣酌分戶口指出地方即令遷移務使分隸散處不至聚集一處方為妥善至該流民等所蓋房閒所墾地畝原非伊等本業念其懇種日久酌中給價收回亦可為將來移駐京旗之用總使清源截流毋得仍滋流弊該將軍如能辦理周妥不但免其前譴即歷任將軍副都統等處分亦當曲為寬貸也所開歷任失察將軍副都統等名單俟將來查辦流民事竣再降諭旨○召惠顯來京以吳榮光為福建布政使補任貴州○召吳廷琛來京調補錦觀為雲南按察使以鄂順安為福建按察使

○丁巳諭軍機大臣等新疆回部向隸準噶爾番索敵賦不堪苦累其附近布魯特者搶劫剽掠尤不勝其欺陵自我朝平定回疆以來各城回子咸隸版圖納賦交糧輕減者奚啻倍蓰而布魯特亦震懾天威不敢入卡滋擾八城回子安居樂業者垂六十餘年雖其結習崇信和卓而愚回素性恇怯久已習為恭順何至遽思變亂總由近十餘年歷任參贊辦事大臣等貪淫暴虐回子等忿恨忍受當時伊犁將軍或漫無覺察或隱忍不言迨至嘉慶二十五年經朕降旨飭交慶祥詳察亦復徇隱未經據實具奏馴至釀成變亂此時雖已聲罪致討而致亂之由不可不根究確實縱不遽正刑誅亦當明示譴罰長齡昇任伊犁將軍見令總統軍務著於前赴軍營時沿途細加察訪以此時之物議證諸曩日之聽聞務將近十餘年歷任各員某某等在任公廉稱職為回

東華續錄

道光十四

十

子等所感服某某等在任荒謬為回子等所痛心疾首逐一查明分別等差據實具奏毋得稍有隱諱至巴彥巴圖上年輕出卡倫妄殺汰劣克家屬一節慶祥所奏起釁根由及巴彥巴圖陣歿情形聞尚有回護不實不盡即如巴布頂尚在而慶祥奏其已故此其一端儻慶祥到任後有失回眾之心及墮奸計之處一併詳查覆奏如巴彥巴圖有妄殺汰劣克家屬之事汰劣克亦可量從末減也再見在張格爾糾約回子布魯特逞其兇狡其中甘心從逆者諒必無多回子素性多疑將來大兵雲集未必不以為玉石難分羣生畏懼或更為逆裔等煽誘裹脅該將軍進兵之始即當用揚威將軍銜廣張告示殫行曉諭以該回眾等久隸版圖素稱恭順即布魯特輸誠歸化歷有年所此次勾結滋事自係被張格爾蠱惑所致豈必盡皆甘心從逆見命揚威將軍統領大兵數十萬

分路進剿天戈所指原期殲厥渠魁其甘心助逆者亦無難悉數
誅夷第念爾回子布魯特恐我大兵壓境不免玉石俱焚以致心
存疑懼用特剴切曉諭凡前被逆裔煽誘者果能解甲迎降投誠
乞命皆當量予寬貸仍令各復舊業如能將張格爾縛獻軍前無
論回子布魯特俱當奏明大皇帝錫封王爵賞賜十萬金從前平
定回疆時如額敏和卓鄂斯瑞霍集斯等輸誠效命懋賞滿封世
襲罔替即此次葉爾羌阿奇木伯克玉素普節次差派親丁回子
擊獲從逆各犯呈出逆字深知大義見已蒙恩賞給二品頂帶花
翎將來事定功成尤當錫封爵土爾等回子布魯特無論是否從
逆但能及早悔罪投誠縛獻首逆必當一律加以封賞斷不究其
既往儻敢始終執迷不悟則大兵進剿必應殄滅醜類俾無遺種
勿謂傳檄之不豫也如此廣為宣示或可解散黨羽而渠魁自不
東華續錄 道光十四 十一

難投首該將軍當善體此意妥為辦理以期恩威並用早蕪大功
並發去硃諭一道該將軍與楊馮春武隆阿閱看此外尙有應行
豫籌事宜亦即早為備辦總期一鼓集事不可不慎之又慎○頒
示硃諭行軍紀律十條○戊午諭琦善等奏籌備啓放王營舊減
壩減黃出清酒船可照常行走請飭各省清幫務於夏初抵壩渡
黃等語年來河湖受弊漕行阻滯朕心日深慮念屢諭琦善張井
等通盤籌畫以期早開製壩照常漕運茲據該督等會奏開放減
壩黃水消落清水刷滌深通來年重運實可不誤見在趕辦抽河
築壩等工所辦已有把握惟黃水須防盛漲應飭清幫早抵壩壩
方免貽誤著有清各督撫及漕運總督所有明年起運南糧並湖
南省尾幫務須早兌早開於四月二十日以前趕抵壩壩五月初
旬全數渡黃無許稍誤期限○乙丑諭軍機大臣等行軍之道出

奇乃可制勝前經降旨令長齡等於進兵時籌畫奇策要截兜剿
以期聚而殲旃近日朕披覽輿圖有由烏什之巴什雅哈瑪山至
喀什噶爾之巴爾昌山草地一路甚屬偏僻非若巴爾楚克由樹
窩至喀城爲民回往來熟徑可比且更近捷若彼時一面統領大
兵由臺站進發一面酌分參贊一人潛率奇兵由草地鈔出前路
兜轉與大兵會合兩面夾擊出其不意掩其不備將該逆裔等就
地殲擒不使臨陣竄逸漏網稽誅惟由草地進兵一切軍火糧餉
更應裹帶充足必須豫爲設法籌辦且經由布魯特游牧地界尤
須加意詳慎勿使驚惶並不至爲賊所覺方爲妥善長齡楊馮春
武隆阿素諳輅略長齡武隆阿於該處道里山川尤爲熟習著於
會集阿克蘇時詳籌熟計如能由此地分兵鈔截先斷其逃竄之
路無難擄穴擒渠即行商辦或此外另有捷徑可以分翼進兵或
東華續錄 道光十四 十二

彼時張格爾已離喀什噶爾又復占據他處亦不妨另行相機行
事朕止就輿圖形勢指示機宜究竟可行與否該將軍等自能審
察決擇以期應手成功不必拘執此論也○諭長齡奏邁哈默特
鄂對自喀什噶爾受張逆主使潛回阿克蘇意圖勾結私遣回子
遞寄書信見訊遞信回子供認屬實與長清札商辦理一摺邁哈
默特鄂對世受國恩承襲貝子既被張格爾擒獲派人看守何以
遽能逃回前據果良額達凌阿奏接據伊薩克稟稱係逆裔遣人
執赴阿克蘇要結取城經押送之情爾回子念其祖父舊恩放令
潛逃情節本屬可疑乃竟私差回子與逆裔潛通消息見據拏獲
之回子邁瑪得里等供認屬實自應即刻刑誅長清等接到該將
軍覆札當已照辦見復降旨令長清等即將伊薩克傳至宣示邁
哈默特鄂對罪狀嘉獎伊薩克自請出征忠誠一面將該逆正法

一面即令伊薩克承襲貝子先換頂帶接管阿奇木事務並諭知長清等當善為駕馭至其居心亦難深信總宜外示優容密加防範即令其將色提巴爾第巴彥岱二人會否接收逆信有無逆迹看其如何稟覆詳加察訪以證其言之信否見在伊犁烏嚕木齊官兵將次到齊除留防庫車兵一千名外阿克蘇已有五千名齊慎所帶甘州兵三千名已飭令趕赴阿克蘇合之前有官兵儘可藉資防守以堵為勦德英阿已奏報八月初四日起程即可刻日馳赴伊犁長齡一經交卸即速赴阿克蘇彼時楊遇春自己趕到大兵雲集即當相機勦辦此時喀什噶爾英吉沙爾葉爾羌情形總未得確實信息即使城已失守亦斷無漢兵及商民無一人逃出之理該將軍務當偵探實情迅速奏聞以慰廑注又諭長齡奏接據長清信稱該城阿奇木伯克邁哈默特鄂對自喀什噶爾逃東華續錄 道光十四 三

同訊其情節倉皇失措旋據干總程謙擊獲回子三名訊係邁哈默特鄂對差往與張格爾遞送書信所遞之信已交魚子巴什送去並據邁哈默特鄂對供稱阿克蘇伊什罕伯克色提巴爾第之子阿布都爾滿並巴彥岱之婿魯吐普拉都領了張格爾書信給伊父伊岳丈約在阿克蘇造反等語邁哈默特鄂對既被逆裔擒獲何能逃脫其潛回情節本屬可疑見又擊獲為逆夷送信回子供係該阿奇木差往屬實是其包藏禍心叛逆顯著若不亟正刑誅何以申國憲而杜亂萌此時長清等接到長齡函復機宜如已照辦則已備向未辦理即將伊薩克傳至告以邁哈默特鄂對罪狀並諭以爾族係忠蓋後裔與張格爾世為仇敵今邁哈默特鄂對不緝先志叛迹顯然應按國法尙念爾誠悃可嘉自願隨征效力應即奏明以爾承襲貝子爾益當感奮圖報即令其先換頂帶

接管阿奇木事務安撫回眾伊薩克接印後該大臣等會同各領兵大員密集在城官兵排列隊伍一面將邁哈默特鄂對傳至當場宣示罪狀即行正法其擊獲回子三名內邁瑪得里庫吐魯克二犯已據供認差送逆信屬實其尼牙斯素皮一犯據供係跟隨愛仔巴依迎伊阿奇木前去於途次遇見與張格爾送信各犯正盤問即同被擊獲是否狡供亦須究訊明確應否將三犯與該逆一同正法著長清等酌量辦理至色提巴爾第之子巴彥岱之婿俱經張格爾差送書信其子阿布都爾滿其婿魯吐普拉是否俱在阿克蘇其書信會否呈出長清等細心查察有無逆迹伊薩克既令承襲貝子亦當善為駕馭至其居心之順逆亦難深信總宜外示優容密加防範其隨時稟報軍情一面再加偵察是否屬實並令其密訪色提巴爾第巴彥岱二人逆迹之虛看該阿奇木東華續錄 道光十四 十四

若何稟覆即可判其真偽見在伊犁烏嚕木齊官兵將次到齊兵威稍振長清等當督率將弁加意防守以堵為勦毋稍疏虞一俟將軍參贊到彼大兵雲集再行相機勦辦其干總程謙擊獲遞送書信回子三名得以究出邁哈默特鄂對叛逆明正其罪甚屬可嘉程謙著以都司即行升用先換頂帶賞戴花翎以示鼓勵此外官弁兵丁如能盤獲緊要奸細亦必優加獎擢至伊犁帶兵之領隊大臣祥雲保碩隆武於六月二十七八等日分起管帶起程由冰嶺行走十五臺站何以遲至七月二十二日始到兵二百名其餘官兵尚未到齊殊屬延緩著傳旨嚴行申飭即飭令帶領官兵小心防守勉贖前愆○辛未臺灣逆匪李通就擒○乙亥諭軍機大臣等長清奏都齊特官兵失陷並見在防守及賊匪分竄情形一摺此次參將王鴻儀千總岳振太在都齊特防堵賊匪由伊勒

都竄至經參將王鴻儀槍斃賊匪四五十名賊匪將千總岳振太圍住因眾寡不敵戰及賊又將都齊特軍臺燒毀王鴻儀疊次打仗前後殺賊五六百名因鉛丸火藥用完戰及於陣該員等為國捐軀情殊可憫參將王鴻儀千總岳振太俱著加恩照例賜卹傷亡官員兵丁著長清查查明造冊咨部照例卹賞其兵丁楊自學供內常守備劉把總馬外委及兵丁李成來鉞侯有旺等三名俱被賊獲著長清查查明該守備等係何名字並兵丁等見在落落遇便覆奏其陣亡之張千總並著查明名字咨部照例賜卹至賊匪經渾巴什官兵打敗四路分竄經制外委施大勇沙雅爾阿奇木伯克伊薩克帶領兵回續獲賊匪五六十名訊出張格爾差來阿渾二名因敗陣同葉爾羌等處逆回由伊勒都轉逃並供出柯爾坪等處從逆伯克經長清分別正法留質並因烏什告急分兵五百東華續錄 道光十四 五

名交祥雲保帶領前往協防所辦甚屬可嘉昨因烏什存兵不滿三百已有旨諭知長清撥兵一千名前往幫同防堵矣賊匪所供柯爾坪等處通賊伯克務須不動聲色拏獲懲辦並就見在留質各犯訊以喀什噶爾英吉沙爾葉爾羌三城見在情形是否嬰城固守及張格爾見據何處遇便覆奏經制外委施大勇著以千總即行升用沙雅爾阿奇木伯克伊薩克前已賞給二品頂帶此次復經出力可嘉之至著賞給大段二匹長清即傳該阿奇木伯克祇領並諭以爾本忠盡後裔疊蒙嘉獎嗣後如有出力之處必當渥膺懋賞用答忠勤所有此次陣亡參將以下等缺即著由該處最為出力人員內遞次奏補其前此擊獲遞送逆信以都司即用之程謙著即升補以示鼓勵長清一面奏聞並一面咨報長齡等其馬步糧餉俱著照所奏辦理其伊犁後起官兵至八月初六

東華續錄 道光一四

日尚未到齊疲玩已極該協領等所司何事節經降旨申飭查參著長清即查明嚴參懲處見在阿克蘇城及東西北各村莊均屬安靜長清見飭官兵防守要口並飭伯克等妥為安撫辦理俱極妥協仍應防備此次敗回之逆匪等又復聚集多人前來窺伺長清務道節奉諭旨與提督達凌阿會商督同副將郭繼昌以堵為勦賊來則擊賊退勿追俟楊遇春到彼大兵雲集再行相機進勦可也○以故睿勤親王端思子仁壽襲爵○以張師誠署禮部左侍郎○前在任○願德慶以病免調李宗昉為工部右侍郎○丙子給事中郭泰成請勸諭捐輸以儲軍需 上不許○是月賑江蘇海州等五州縣水災給薩拉齊廳水災口糧貸山西綏遠城渾津黑河水災口糧緩徵甘肅靈州等五州縣水災旱災電災浙江義烏縣歉收新舊額賦

東華續錄 道光十四 六

九月己卯朔黃鉞以病免以王鼎為戶部尚書○辛巳上幸南苑行圍○諭軍機大臣等長清等奏會商籌辦防勦及和闐失守情形一摺阿克蘇渾巴什河一帶賊匪前經額爾古倫擊敗竄回見復探明洋阿里克又有賊匪屯聚自係該逆等隨處勾結復來窺伺該處沿河一帶及各要隘地方必須分布周密加意防堵見在阿克蘇已到各路官兵及各處換防兵弁據奏除分派各處外存城兵止一千七百餘員名前已有旨飭催甘州帶兵副將胡超等督兵速赴該城聽候調遣自可剋期趕到達凌阿當偵探賊蹤應勦則帶兵迎擊如覺兵力尙單不能制勝則幫同長清嚴密防守慎勿輕敵窮追致墮賊人奸計是為至要巴哈布所帶土爾扈特兵一千名前經降旨令其旋回各防本境此時既已趕到如遵前旨帶兵折回則已若尙在該城即著暫留協同防堵俟

三五七

長齡楊遇春到彼再令旋回至伊犁官兵二千名內前經派往烏什五百名見據奏在阿克蘇止一千名其餘五百名是否尙未到齊抑派赴他處堵禦未經聲明著查明詳悉具奏見在和闐業已失守據兵丁王相泰供詞係因內變所致阿克蘇回子風多更當加意防範善為駕馭以後大兵陸續雲集兵威可以震懾再能遇事令其懷畏自不至心生反覆也至達凌阿另片奏見在情形惟有保護阿克蘇烏什庫車三城並阿克蘇巡東臺站等語所見甚是此時逆賊既隨處勾結和闐已失必又窺及他城前據色里克俱有差派布喇特往取烏什之供其庫車有通和闐小路焉知不潛往煽誘長清等當多設偵探查訪詳細一面傳諭慶廉果良額留心防範偵緝總以遵照前旨保守東西城為要專待大兵會集長齡楊遇春有一人起到再行相機進剿○甲申諭軍機大臣等東華續錄 道光十四 十七

琦善等奏河湖並漲趕緊放減壩壑黃接啟禦壩並搶護平穩及見在辦理情形一摺覽奏均悉河湖連年受病已深本年復同時異漲該督等既知減黃出清非籌開減壩別無補救之計即應堅持定見早為開放乃遲延時日准揚先成巨浸而海州仍不免被淹總由該督等築室道謀辦理延緩所致見於八月二十日開放減壩建飯下注大溜掣動截至二十五日順黃壩誌椿落六尺五寸清高於黃一尺有餘見將禦壩拆通據奏俟黃水再減添辟吳城七堡臨黃大隄俾清水分路暢出以冀大加宣洩當此清水暢出正可斷流著趁此時將淤墊較高之河身挑挖深通另行取道放出清水暢資刷滌再行挽歸舊河俾河槽均復舊規為一勞永逸之計至見在情形不但回空可期無誤即來年重運必可北來但未開禦壩以前清水患其過大宣洩既多清水又患其過弱

此時固期其暢出亦應隨時酌量豫籌收蓄足以濟運至見在河水雖已落低惟距霜降幾及兩旬務須刻刻慎重力保安瀾不可疏忽所奏洪湖於二十三日西北風暴浪湧十三堡息浪庵兩處隄工均有墊塌固由清水過大亦由該工員等所辦石工本不堅固前據該督等估辦堰肝大隄請帑一百七十餘萬必應責成公正明幹道員專司其事總期工歸鞏固帑不虛糜萬不可仍前草率了事及就近取土以便工員任意報銷仍蹈故轍致干重咎其海州東安等處下游被淹處所前據該督等奏請撫恤如此外再有應行撫賑之處即著據實奏聞候朕施恩其山肝攔湖等壩據奏俟湖水消動即以次堵閉俾下游得早涸復本年夏開湖水盛漲開放各壩湖水止消四寸若非去路不暢何至如此著該督等於明年即行勘辦務令去路通暢得以隨時宣洩方為周妥○丁亥 上還京師○戊子諭本日吏部將原任江南河道總督黎世序之子黎學瀄帶領引見黎世序前在南河十有三年殫忱盡瘁久慶安瀾厥功甚偉飾終之典前已備極寵榮茲黎學瀄等服闋來京朕追憶蓋臣尤深眷念黎學瀄本係正二品廕生著加恩以主事分部遇缺即補監生黎學淵著加恩賞給舉人准其一體會試監生黎學澄著加恩賞給副榜貢生應試○己丑轉敬徵為戶部左侍郎調者英為戶部右侍郎阿爾邦阿為兵部右侍郎奎照為工部左侍郎以裕恩為禮部右侍郎續駘○庚寅諭長清等奏見在防堵河口及搜拏附近零匪一摺所奏均悉深堪嘉悅阿克蘇賊匪前經額爾古倫在渾巴什河勦敗此次復敢自喀什噶爾葉爾羌等處糾約回眾五六千人在渾巴什河南岸屯聚希圖窺越並訪知波斯圖哈拉塔爾情蘭回莊前經過河附逆與官兵

第 375 冊 續修四庫全書 第 24 版 反內

打仗潛回本村者有一二百人經長清派參將存柱王登科帶領官兵並令三品伯克巴彥岱等帶領分兩路進剿賊匪用木筏分起過河施放鳥槍抗拒我兵槍箭齊發將賊匪全行擊斃生擒賊匪二名又於樹林內搜獲七名奪獲鳥槍刀矛數十件牛羊一千有餘又二等侍衛阿布都爾滿等探信逆匪二名於訊明後即行梟示均屬可嘉長清辦理防堵事宜俱極妥協此次復獲勝仗為殄賊之先聲著加恩賞戴花翎仍交部議敘參將存柱王登科三品伯克巴彥岱俱著加恩賞戴花翎二等侍衛阿布都爾滿認眞出力著加恩賞升頭等侍衛伊子邁瑪特愛孜斯並著加恩賞給金頂其擊獲賊探之軍臺伯克托克塔著長清優加賞資以示鼓勵長清係兵部司員經尙書玉麟保送副都統朕授為阿克蘇辦事大臣甫經到任即能撫馭回眾督勦賊匪動合機宜玉麟東華續錄 道光十四 九

及刺斃統計臨陣勒殺及墜馬落河傷斃並技獲活賊共一千數百餘名大河以北已就肅清該逆裔屢次差人煽惑附近回莊窺伺阿克蘇今將竄擾股匪殺戮淨盡並將其賊首庫爾班素皮就地殲戮實足以快人心而視賊魄長清遠凌阿巴哈布督率有方俱著加恩交部從優議敘郭繼昌親率馬隊奔路殺賊立解重圍最為奮勇甚屬可嘉郭繼昌著加恩賞給幹勇巴圖魯名號記名以總兵用都司李遐齡著以遊擊升用先換頂帶都倫布與都司孫旺帶兵衝圍兩面夾擊賊始潰散亦屬奮勉都倫布著賞戴花翎孫旺著賞加遊擊銜已革總管額爾古倫戴罪自贖兩次殺斃賊匪多名茲又隨同奮力勦賊著以千總即補並賞戴藍翎見在傷亡滿漢官兵二十餘名除陣亡者先行查明咨部照例賜卹外帶傷兵丁著長清等即行查明奏請恩施其餘此次滿漢蒙古官兵尤為出力者並著長清等據實詳查統交長齡分別奏請鼓勵

○丙申韓鼎晉以病免調張師誠為倉場侍郎以白鎔署禮部左侍郎內閣○丁酉詔諭哈薩克汗阿勒坦沙拉昨伊犁將軍代奏爾遣爾弟台吉江錫爾呈遞摺內知悉爾父托霍木身故朕心惻惻悼惜之至自爾會祖以至爾祖父世世深沐國恩茲爾父身故特由遐荒遣爾弟恭請朕安呈進貢馬及聽如何辦理請示於伊犁將軍情詞甚屬恭順朕心不勝喜悅此汗爵肇自爾會祖延及爾祖爾父爾即係托霍木長子即加恩著爾襲封鈐用御寶降給詔旨並賞給大段四匹到時敬領爾自此感戴朕恩於爾屬下哈薩克人取妥為管束友愛子弟嚴緝盜賊和睦鄰夷遇事俱遵伊犁將軍指示而行常承鴻恩於無替勉之慎之母許忠荒特詔

○是月給貴州松桃廳山西歸化廳江蘇山陽鹽城二縣江西運

花等七廳縣水災口糧銀穀緩徵山東臨清等三十九州縣及屯坐各衛被災通糧直隸滄州等十五州縣被災新舊額賦旗租展緩山東德州等十五州縣直隸開州等十五州縣通賦

冬十月己酉朔諭昨據戶部會同吏部議奏推廣常例酌增事例條款一摺已依議行矣同日又據御史黃德濂奏稱滿漢廕生世職及各正途出身之子孫弟姪俱准報捐易滋流弊更恐新例一開且將常例條款議增必不能及每年常捐之數等語古人籌備軍儲原有輸粟於邊之議見值勦辦逆回軍需繁重雖口外存糧充裕而轉運一切經費必須寬籌斷不能以內地歲入之常經盡出為荒徵行軍之用茲經部臣會同議奏於見行常例之外不得已推廣酌增條款專為見在軍興而設仍嚴定限制以免流品濶濬其常捐事例參酌情形分別應增應減並未一律加增更與另

東華續錄

道光十四

三

開新例者不同御史職司言路凡遇臣工議奏之事有未允協者原可於具奏通行後據實直陳如果所言可採即已經施行亦不難飭令改讓乃該御史於該部會奏時同日陳奏試問該衙門所議條款尙未具奏通行該御史何由得知非有意沽名即近於取巧此風斷不可長黃德濂本應重究念係言官著從寬交部議處
○辛亥諭琦善等奏本年開放各壩以洩洪湖異漲見在趕緊堵閉統計十月初七日以前均可全竣惟昭關壩跌塘較深須俟來源微弱始可剋期堵閉等語見在清水消落將吳城七堡先行堵閉並將東清禦黃兩壩口門收窄蓄清水來年重運自可足資浮送仍須清水暢出藉以刷滌黃淤其高堰隄工亦當及時修補完固並將昭關壩察看情形相機堵閉毋得過遲俾下游各州縣積水田地及早潤復毋誤春耕該督等務當隨時斟酌熟商妥辦

期於河運民生均有裨益○庚申諭軍機大臣等據長清等奏傳詢自喀什噶爾前來兵丁閆義巴爾供稱喀什噶爾漢城於八月二十五日被賊攻破慶祥自縊身死舒爾哈善不知下落賊將官兵商民從城內擄出約有六七百人活捉官兵三百餘人盡行圍起將髮辮剪去翁令投降並將城牆及衙署兵民房屋全行拆毀止留鋪民房屋二處作為辦事地方旋有張格爾辦事回子將伊等帶至城內去看見城牆房屋俱已拆毀又帶至英吉沙爾葉爾羌和闐三處看明衙署民房均被燒毀惟留葉爾羌西府衙門樓房據帶去賊匪合伊等回至阿克蘇告知各處城池房屋俱已拆毀官民全行殺害叫阿克蘇官兵不必來喀什噶爾四城來亦無益並據看明張格爾面貌見在喀什噶爾阿奇木衙門等語覽奏甚勝憤恨該逆裔既將四城攻陷轉將各處衙署民房盡行拆毀

東華續錄

道光十四

三

不為占據堅守之計是該逆等探知大兵雲集一經接仗不利即思就近竄逸已可察見其特地將兵丁閆義等放回之意亦不過欲緩我師期本日據武隆阿奏先後所調各路官兵必須年內方能到齊時屆嚴寒擬令暫為休息統俟一切籌備齊全竟於開正專力進剿此時西四城業已失守無可救援自應籌備周妥再圖克復但兵貴神速若遇有機可乘亦不可稍為拘泥如探明張格爾仍住居喀什噶爾回城外其葉爾羌等處止有賊黨分住自以密速進取喀什噶爾為急一面揚言官兵駐守阿克蘇烏什且進剿以懈賊心一面先分奇兵繞越兜轉斷其歸路再統率大兵由英吉沙爾等處前進兩路會合夾攻總須專注喀什噶爾將張格爾擒獲盡法懲治方足以伸國憲而慰忠魂斷不得稍事疏略致令竄逸有干嚴譴其葉爾羌和闐二城似可作為後圖備張格

爾潛往別城則須另作計較前已有旨令該將軍廣張告示宣諭
布魯特效順幫擒逆裔今武隆阿又有宣威布賞曉諭霍罕安集
延等外夷之請前聞斌靜會強占安集延回子之女經其父將其
女砍落頭顱摺入斌靜署內怨恨已極見據閩義等供果有安集
延頭口助逆情事昨長齡有霍罕將張格爾家屬拘禁之說從前
玉努斯向霍罕購求張格爾不為無因此時應如何設法用閉令
該逆等與外夷彼此猜忌擄離將其獲獻該將軍等當妥速商籌
辦理慶祥嬰城固守為國捐軀朕垂淚覽之可憫之至已明降諭
旨褒卹至其屍身據該兵丁等供稱有兵丁翟鳳鳴移置上房安
置此時衙署被賊拆毀慶祥屍身作何下落務須於克復喀什噶
爾時先行查明輿輓回京其舒爾哈善印登額多隆武蘇倫保奕
湄桂斌及各城被害官弁兵丁均著查明實在情形分別奏咨辦
東華續錄 道光十四 五

解未報玉貢銀一百六十餘萬兩迨會煥抵任後又奏請將商捐
未解銀五百十四萬餘兩全行豁免其餘隨時奏請調劑無不加
恩俞允原冀科則減少從此認真清釐庶離務日有起色且今久
於其任俾得從容辦理乃會煥在任四年有餘並未設法整飭
一味因循了事若稍有天良之人斷不至此此時任滿回京豈能
復邀對品錄用會煥著以五品京堂候補以示薄懲○諭軍機大
臣等琦善等奏減壩池下正河原擬挑深一丈有餘見因順黃壩
上下河身較前跌深估挑正河俱須一律加深確估經費稍有加
增而河底較前深通於河漕大有裨益總冀工用一歸撙節工程
隨處認真等語此次開放減壩估挑正河不惜數百萬帑金原為
一勞永逸之計見自減壩開後順黃壩上下河身既已跌深自應
將減壩池下挑工普律加深庶將來挽復正河暢達東注永收清
東華續錄 道光十四 五

析離居飢寒交迫該督等能無蒿目傷心不但昭關等壩亟宜堵合卽王營減壩亦不能日久開放致下游田畝無涸復之日再謀來年耕種前經降旨飭將下河歸江歸海之路設法疏通若不急於疏治無怪昭關等壩之不能速堵至減壩堵合之期原視正河挑竣之遲早該督等一面速飭委員等疏治下河堵閉開壩一面督飭將正河挑工刻期如式完竣卽速將王營減壩堵合黃流挽復故道俾下游民田早日涸復災黎早日復業方為不負委任○撥江蘇藩關道庫銀一百四十五萬兩賑高郵等三十州縣衛水災○戊辰賜李相清等三十一人武進士及第出身有差○諭河工要務全在冬勘春修每年豫發歲料銀兩飭交工員乘時購備將料堆土牛堆積如式該河督向於霜清水落之後前往沿河詳驗以杜架空浮鬆之弊並將應辦春工周歷履勘悉心覈估

東華續錄

道光十四

五

一交春令次第興修刻期竣事再行親往驗收查明物料用存確數以備伏秋兩汛之需卽遇有險工斗出備料足資應手是以鮮有失事朕聞自嘉慶年間以來各河督等習於安逸往往不於霜降後逐段親詣勘驗以致工員等將虛貯花堆剋扣偷減諸弊視為固然甚或有估辦春工時輒以不應修而修轉將應修處所暗留為大汛搶險地步以便藉另案工程事起倉卒易滋侵冒著各該河督等於例屆冬勘及次年工竣時務須親歷河干詳加勘驗料堆必禁其虛鬆工程必期其堅實各宜不憚勤勞力除結習並嚴飭通工員弁仍不得藉公帑以肥私囊尤須懲奸胥而斥劣幕如有敢蹈前轍仍踵積弊者卽當隨時嚴參懲辦勿稍寬貸○己巳甘肅提督齊慎丁憂賞治喪銀二百兩仍留軍營協剿○辛未皇次子奕綱生○丁丑添設直隸大名鎮中營遊擊守備各一

千總二把總外委各三額外外委六裁天津水師營參將守備各一千總二把總三外委六○是月給安徽宿州等八州縣衛被災口糧蠲緩江蘇高郵等四十七州縣應衛災民新舊額賦緩徵陝西榆林縣湖北沔陽縣等十六州縣河南睢州等二十二州縣安徽宿州等二十四州縣衛災民新舊額賦展緩山東平陰縣通糧十一月戊寅朔諭富俊奏遵令流民搬移設卡倫添立封堆一招吉林為我朝根本重地所有潛住流民必應全行驅逐因恤其無業可歸前經降旨富俊妥議章程飭令依限遷徙茲據該將軍奏該流民陸續搬進卡倫以內分散居住共有六百餘戶尙有三百餘戶內總可搬移淨盡惟額赫穆屯卡倫至黃溝卡倫相距六十餘里並無界限必須添立封堆移設卡倫俾資巡查周密著照所請准其於該兩卡倫之間按地一里空設八尺高大封堆一

東華續錄

道光十四

五

座並將白石砬卡倫改移於額赫穆黃溝兩卡倫適中之地改名三箇頂子卡倫該三處卡倫官兵常川安設三月一換時加嚴查上下班更替時各出具卡倫外並無一戶流民居住甘結以備稽覈該將軍飭令將未遷之三百餘戶務須勒限搬移不准容留一戶嗣後仍當隨時認真稽查斷不准再有民人潛往居住毋得日久玩忽仍蹈故轍致干重咎○移江西贛州府通判駐贛縣大湖江○己卯諭予告戶部尚書黃鉞在內廷行走二十七年勤慎趨公克盡厥職前以精力頓衰加恩在家支食半俸茲據奏擇定行期因念黃鉞年近八旬嚴寒就道朕心彌深慮注著加恩賞給人蔭八兩俸資調攝以昭優眷○辛巳諭李鴻賓等奏稱進勦逆回需費較繁請將粵東藩庫封貯及運庫鹽本項下動支銀三十萬兩解甘備用於該督撫及司道知府養廉內分作十年勻扣歸款

等語各官額設養廉原以資辦公之用若因邊陲偶有軍興輒紛
紛奏請攤扣於用度未免支絀且亦不成政體所有該督等奏請
動支銀兩解甘扣廉歸款之處著不准行○准粵東洋鹽各商捐
輸銀一百萬兩備回疆軍需○壬午諭軍機大臣等據琦善奏宣
洩清水各壩河已堵合昭關壩亦於十月二十四日挂纜合龍
時屆仲冬淮水並不歸槽湖水分開日加長已至一丈六尺五寸是
向例各壩應應齊開宣洩之候本年轉成堵合之時即堰肝大隄
已加幫寬厚及見在趕辦之處究屬土工在常年尚可抵禦若以
禦多蓄之水則風暴斗起仍難保必無汕塌近日上游徐屬黃河
尙報長水臨黃之黃家灣吳城七堡均又清黃相平不能宣洩僅
恃禦壩一路西風日起大局可危正副河臣欲宣洩則各壩俱經
堵合思他籌又別無去路深恐坐待貽誤等語本年務放王營減
東華續錄 道光十四 五

恐貽誤豈以將來事機不利即可以此奏爲卸責地步耶見在擱
黃壩下挑工已有若干若挑竣後不能先引清水刷濬將來挽復
故道以人力之挑空豈能抵黃流之淤墊爲時無幾又將梗阻如
故豈非以數百萬帑金付之一擲該督等自問當得何咎總之經
此次興辦大工之後黃水務期其暢達湖路務保其安恬漕運務
使其順利儘一經債事致遲道再有阻滯惟該督等是問此外無
可再論矣○戊子諭長齡等奏官兵將柯爾坪回莊逆賊勦洗淨
盡一摺覽奏嘉悅阿克蘇官兵前將渾巴什河南岸賊匪勦殺淨
盡該逆裔復派賊目帶領喀什噶爾葉爾羌賊匪並糾約柯爾坪
南北兩莊從逆餘匪通計三千餘人恃險踞守並阻截大兵迫
經楊芳分派將備兩路鈔截賊勢洶湧副將胡超身先步戰斃賊
東華續錄 道光十四 天

賞○己丑以臺灣餘匪悉平加孫爾準太子少保○壬辰諭軍機大臣等據御史汪琳奏淮揚一帶運河減洩之水向由東隄各開壩經下河各州縣境內匯入串場河分流注海中間支汊雖多而入海之路止有鹽城縣之新洋港關龍港東臺縣之王家港泰州之小洋口四處自乾隆年間設開疏濬數十年來海口疏通河流暢順閒遇湖漲宣洩不過稍為浸溢旋即涸退迄今年月深遠湖海諸港口泥沙壅滯今歲七月間啟放昭關車邏等壩減洩湖水見在將及半年而下河各州縣地土未乾田疇莫墾百姓流離轉徙且瀕海鹽場因場河積水未消竈丁束手請將注海各港口及時疏導先由運庫籌款墊給後歸運場各商按引派繳商捐官辦等語本年開放開壩減水下注洩及下河各州縣昨據琦善奏昭關壩已經堵合田畝漸次涸復惟前此宣洩不暢皆由入海港口淤塞所致節經降旨令該督等設法疏導今該御史又為此奏必應迅速勘辦俾民田場壩均為有益著琦善先行遴派委員覈實估計一面與張青選會同商酌此項工程銀兩是否可由運庫先行籌款墊發將來歸運場各商按引派繳其宣導事宜務飭承辦之員妥協經理勿致徒糜工費仍無實效也○癸巳以昇寅為熱河都統特登額為刑部右侍郎由內閣○乙未諭我朝皇子皇孫及近支宗室命名自 聖祖仁皇帝親見曾孫以永字肇錫嘉名迨我 皇祖高宗純皇帝繼見曾元慶衍五代即依派系以永縣奕載四字排序成文按字開支洵足兆奕世雲礽之慶此後宗支蕃衍瓜瓞綿延亦當光紹 前徵豫揆吉語以迓禎祥俾世世子孫引用勿替著大學士軍機大臣公同選擬十字候朕酌定其載字以下輩分即照見定行派之字命名我國家景祚延長繩繩繼

繼遵茲令典接續擬增億萬斯年永承篤祐○諭我國家篤念茲親悼睦宗族自 太祖 太宗派系流傳譜列銀潢者文則增設曹司武則簡備環衛又復許應科舉通籍臺閣其閒散者亦皆月支銀糧人給頂帶俾得榮邀章服優贍身家惟因世緒綿長宗支蕃衍每以限於宗室體制額缺不得與覺羅人員同廣登進朕每宵旰籌思昨閱會典內稱凡 玉牒所載以 顯祖宣皇帝本支為宗室伯叔兄弟之支為覺羅是因派系之親疏以定支屬之等殺稽諸歷代史冊所傳或以九族定尊卑或以五宗紀遠近甚至疏屬散處郡邑幾等編氓我朝誼重親親迥異前代見在派衍日蕃人才輩出與其限於體制多令賦閒曷若釐以等差俾廣進取况 祖 宗成憲具在區分宗室覺羅甚明敬當做照釐定其自 太祖以下支分應以服屬幾世者為宗室幾世者為覺羅之處

東華續錄 道光十四 三十一

著大學士九卿會同宗人府詳覈妥議以聞○丙申諭長齡等奏訊明擊獲活賊供情一摺柯爾坪南北回莊屯聚賊匪前經楊芳帶領官兵勦洗淨盡臨陣殲斃賊目玉奴斯阿渾等五名已經活賊指認見據薩依特等供稱已斃賊目皆係該逆自喀什噶爾葉爾羌英吉沙爾先後遺來其前在阿克蘇帶箭逃回之伊斯拉木素皮見亦於賊屍中令活賊認明屬實是該逆裔所遺賊目悉就誅夷無一倖脫將來大兵進剿自不難拉朽摧枯惟是各城死事大臣官員見據賊供或力竭自盡或臨陣捐軀聞之實深憫惻除慶祥業經賜卹外葉爾羌辦事大臣副都統印登額英吉沙爾領隊大臣副都統蘇倫保俱著加恩照都統例賜卹喀什噶爾幫辦大臣頭等侍衛舒爾哈善葉爾羌幫辦大臣副都統銜多隆武和闡領隊大臣頭等侍衛奕湄幫辦大臣副都統銜桂斌俱著加恩

照副都統例賜卹卹印登額等應得世職俟伊等之子百日孝滿後由該旗帶領引見其未及歲者著該旗奏明承襲已革回子郡王阿奇木伯克玉努斯前經賞給五品頂帶隨同慶祥赴喀什噶爾辦事見亦爲國捐軀著加恩賞給一品職銜照頭等台吉例賜卹其餘死事官員兵丁俱著該將軍查明咨部照例卹賞○諭軍機大臣等長齡等奏訊據活賊供出西四城失守官兵死事情形覽奏實堪憤惋已明降諭旨加恩賜卹矣該逆夷自占踞西四城雖據賊供多用安集延回子管事舊時伯克惟博巴克邁瑪特伊斯二人外他如阿布都拉等皆不管事最信用者是愛薩一賊檢閱慶祥前奏愛薩木薩兄弟二人係霍罕逃臣爲張逆羽翼此時該逆所用之安集延回子焉知非安集延逃出之人爲逆裔所勾引與愛薩相同此時安集延是否助逆總不必深究其來歷見在該

東華續錄 道光十四 三

逆裔終日向從逆伯克索要婦人並縱容夥黨焚索其鼠竊情形已可槩見阿布都拉等從逆之後既不得信用未必不無他志該將軍等前欲引爲內應正可藉此離間其愛薩等見爲張逆所信用總須設法招致或可令其羈縻逆裔不至逃竄俾得一鼓殲擒此時既無布魯特在彼助逆愛薩又係霍罕逃人將來張逆勢弱力感必以安集延爲逋逃藪必當鼓勵布魯特阻其去路方不能越境遠竄該將軍等當悉心妥籌相機辦理武隆阿日內即可到彼自己將該逆裔盤踞處所及分出奇兵道路偵探明確一俟吉林黑龍江頭起官兵到有千餘卽當察審形勢剋期進發不可坐失事機是爲至要至慶祥屍身見有埋葬處所將來事定後當輿送回京俾正首卹葉爾羌阿奇木伯克玉素普會獻阿布都拉逆信見在圍禁在彼俟收復葉爾羌時亦當查出升賞以昭忠蓋再

據奏轉運存貯糧石所雇回子二千名飭令伊薩克選派能事伯克十名分帶管束一節該阿奇木帶兵得力應令其著積軍前其照料運糧事宜止當飭其選派能事伯克前往足資管束所有技獲婦女幼孩一百三名口著卽分賞出力回子斷不得令滿漢官兵私得一人也附報發去密封一件該將軍參贊等密行拆閱○辛丑緩徵供應兵差之甘肅狄道等三十七廳州縣暨沙泥州判紅水等三縣丞西固州同所屬額賦○壬寅諭軍機大臣等琦善等奏堰圩墾塌石工間段湊成三千餘丈業經搶護平穩見仍嚴密防範分別宣洩一摺本年湖水盛漲雖異往昔然已節交冬令又於啓放仁禮兩河後復啓智壩宣洩何以消水仍不甚暢自係湖底淤墊日高未必全由於淮水來源之旺盛見在甫遇西北風暴卽將新修石工塌至三千餘丈之多舊工不過百餘丈可見新

東華續錄 道光十四 三

工全不足恃原修原估工員喪心昧良於斯可見刻因工程緊要用錢糧先由河庫墊發惟此次墊發若干內有著落各工員賠修應行追繳者若干該督等當詳查確估分晰奏明嚴限著追不得稍滋宕延其塌卸二段見雖倉卒搶護必須一律修補完整毋得仍前草率一遇風浪衝擊又形塌塌時值嚴冬風信無常該督等仍當督飭所屬加意保護防範毋致再有疏虞爲要又據另片奏減壩以下挑工分段趕辦年內外卽可蒞事前議估挑引渠繞至攔黃壩以下引清刷濼先經飭令道將督率應營勘估俟正河挑竣之後辦理等語此次挑工原期去黃河中段之梗阻若但憑人力而無清水大加衝刷將來挽復正河之後一經黃水灌注勢必又形淤墊該督等既經委員將引清之路先行勘估自當於正河挑工完竣相機趕爲辦理總期清水實能刷黃黃水暢注歸海

運道河防兩有裨益方為不負委任○癸卯漕運總督署山東巡撫陳中孚卒予祭葬○調程含章署山東巡撫劉彬士署浙江巡撫命邱樹棠以三品銜署刑部右侍郎調梁章鉅為江西按察使以鍾祥為山東按察使由沈道遷○丙午諭已革回子郡王阿奇木伯克玉努斯隨同慶祥在喀什噶爾辦事為國捐軀前經加恩賞給一品職銜並照頭等台吉例賜卹茲據理藩院查奏回疆則例內並無頭等台吉陣亡優卹專條玉努斯應如何賞卹之處著兵部會同理藩院再行覈議具奏尋議上得旨照提督陣亡例給予卹賞銀八百兩其應得世職著加恩授為三等台吉世襲罔替○准淮南捐輸銀二百萬兩備回疆軍需○齊布森以病免以海齡為盛京工部侍郎由副都御史遷○是月加賑湖南茶陵等三州縣災民貸甘肅秦州等十三州縣災民口糧蠲緩盛京牛莊等處水災糧租湖南茶陵等五州縣水災新舊額賦緩徵江西南昌等三縣甘肅河州等十二州縣新舊額賦

十二月戊申朔晉封靜貴人博爾濟吉特氏為 靜嬪○ 御定宗室世次命名用溥毓恆啓四字載字輩分下近支宗室內奉字輩著改用溥字○庚戌諭朕以雲仍衍慶卜世延長前經降旨於奕載輩分以下續增溥毓恆啓四字按序命名引用勿替因思避名之典歷代相沿我 皇祖高宗純皇帝特降 諭旨御名缺筆書寫以存其義復 諭以奕字輩以下亦可推廣此意永遠遵行朕思命名之字既經排次酌定昭示來茲自應崇效 聖訓將缺筆書寫之處諭示折衷以垂法守將來億萬年繼體承統者奕字寫奕載字寫載溥字寫溥毓字寫毓恆字寫恆啓字寫啓嗣後遵茲令典接續奉行萬萬世子孫率循罔替此旨著軍機大臣敬謹

存記並繕錄二道一交內閣封貯一交上書房恭貯敬識前降選用溥毓恆啓四字諭旨一道亦著繕錄一分交上書房存記○癸丑諭軍機大臣等陶澍奏見辦漕務情形嚴禁私棍包漕橫索陋規等語所奏甚是江蘇漕務疲敝已久聞閭閻每苦浮收而各州縣用度浩繁不能不藉資津貼抗玩者即因此挾制以為控端積習成風互相詬病必應力加整頓務令兩得其平既不使不肖官吏婪索病民亦不容私棍把持藉端訐告庶可官民相安而刁風漸息如所奏旗丁津貼一項前經奏定每米一石給銀二三錢多者不得過五錢漕督統轄旗丁自應飭屬嚴查不准絲毫多索而地方大吏深知疲丁苦累亦不得不照奏定數目令各州縣酌量給發俾漕船得以進行此項銀兩計漕多之處即須用三四萬至六七萬不等各州縣稍有浮收原非必藉以入己而包漕私棍藉此橫索陋規不可不亟行革除據奏富豪之家與稍有勢力者皆為大戶亦有本非大戶而覬寄戶下者其刁生劣監平日健訟者則為訟米完納各有成規而訟米尤甚稍不遂意非逞兇鬧倉即聯名捏告藉控為抗包攬分肥人數最多之處生監或至三四百名漕規竟至二三萬兩實駭聽聞各州縣費無所出自必取償於鄉曲之醇良小戶為牽長補短之計而窮民不堪駭削樂於詭寄糧名大戶生監等包攬愈多盤剝併吞勢所不免將致小戶之糧田日少辦漕之經費日絀不釀成巨案不止該撫既經見及自必能早為之計力挽頹風著即督同藩司將收漕章程體察情形分別酌定毋許浮多並嚴禁道府需索漕規及上司同僚掣交幕友長隨等弊一面飭屬遵照一律兌收私棍陋規行裁革此項積弊已八人數眾多當整頓之初怨謗沸騰甚或糾眾肆鬧捏詞京控

因爲勢所必至該撫當不避嫌怨不稍偏徇毋庸豫存畏蕙之見
遇有控告漕案者即查其有無抗欠是否糧戶如實係生監包攬
或大戶紳士恃符刁抗或有漕而米未交清或集審時原告藏匿
或不候訊結潛逃竊控均即提拏嚴審奏明分別治罪朕必從重
懲辦並著該撫移咨學政一體查察如浙江學政朱士彥於貧生
拖欠錢糧無論數目多寡悉行扣考固覺過重若拖欠較多實係
有心抗糧者亦應停其考試俟完清後再行補考倘有仍前縱恣
者該學政亦即查明斥革移咨該撫審辦不得稍涉徇縱至各州
縣被控浮收銀米總宜查明是否格外增添有無侵吞入己分別
辦理惟在該撫一秉至公實心整頓不徒出示曉諭仍成誑誡之
虛文也○以楊健爲湖北巡撫由甘肅布○以訥爾經額爲漕運
總督調賀長齡爲山東布政使以梁章鉅爲江蘇布政使福珠隆
東華續錄 道光十四 三
阿爲江西按察使由浙江鹽運使選○戊午諭昨據戶部奏大興縣民陸
有章宛平縣民伍雲亭等呈請於宛平等五州縣開採銀礦朕以
地近京師及易州一帶非他省可比其於地脈風水有無妨礙飭
令那彥成陸以莊等派委公正大員詳加查勘再降諭旨朕復思
各省銀礦向俱封禁况畿輔重地且附近易州一帶詎可輕議開
挖著直隸總督順天府停止委員履勘至該民人具呈時該部即
應飭司批駁英和身為協辦大學士非不諳政體者可比乃率行
據呈具奏事雖因公但視朕爲何如主冒昧之至不可不示以懲
儆英和著調補理藩院尚書退出南書房總管內務府大臣仍交
部嚴加議處其餘戶部堂官並不詳加體察隨同畫諾王鼎敬徵
湯金釗者英願舉俱著交部議處尋議上得旨英和著加恩改爲
降三級留任王鼎敬徵湯金釗著英願舉著加恩改爲降二級留

任俱不准抵銷○調薩恩爲戶部尚書穆彰阿爲工部尚書
○己未改臺澎鎮標右營遊擊爲北路右營遊擊駐竹塹移竹
塹守備一員駐大甲撥鎮標右營千總把總外委各一員歸守備
管轄移右營把總一員駐銅鑼灣外委一員駐斗換坪○庚申以
桂翰爲內閣學士兼禮部侍郎銜補職誠端爲左副都御史
○辛酉諭朕前聞喀什噶爾歷任參贊辦事大臣種種乖謬
節經降旨交長齡等據實確查茲據奏自嘉慶二十年起該處歷
任大臣內如松福聲名平常各城皆知雖查無實在劣蹟其辦理
不善已可槩見松福著革去三等侍衛永不敘用斌靜在任事事
妄爲姦竊回婦及安集延回子薩賴占之女致薩賴占氣忿自行
割傷幾致釀成人命荒淫已極若於在任時早經發覺即應照乾
隆年間高樸之案立予正法該員業經發往黑龍江釋回兩目俱
東華續錄 道光十四 三
替亦不能竟予寬貸著交宗人府會同刑部嚴行治罪色普徵
額於嘉慶二十五年八月內張格爾入卡滋事時令參將玉森帶
領步隊迎敵該員挑帶滿營馬隊繼進彼時賊眾不過一二百人
該員等追至霍爾罕莊若使趕緊撲捕即可永除後患乃逗留不
進貽誤事機若即時發覺亦應立正典刑茲已事逾數年色普徵
額著革去三等侍衛交刑部嚴行治罪伊子博勒洪武並著革
去二等侍衛逐出乾清門至上年張格爾在卡外游奕永芹與巴
彥巴圖並未確探情形又不詳慎勦辦巴彥巴圖率將汰方克家
屬妄行誅戮旋致全師被害若使其身尚在亦應從重治罪見已
身故著革去副都統銜及加賞世職永芹於巴彥巴圖在卡外妄
殺無辜雖未諒知伊身任參贊大臣辦理疏忽咎無可辭伊子蘇
煥蘇星前已降爲奉恩將軍著將蘇煥蘇星再行革去奉恩將軍

以示懲儆○壬戌以朱桂植署禮部右侍郎西遞關山○丙寅以福建各屬歉收准暫弛海禁販運浙米○戊辰大學士揚威將軍長齡等奏烏什卡外皆布噶特游牧卡內亦有布噶特居住此時大兵漸次雲集正當分紮鎮撫回夷前閱張格爾有遣賊前來烏什之說雖不足信亦不可不防况我兵進剿喀什噶爾應由該處出卡取道潛往此時正可揚言撥兵駐守將後路運糧陸續運存貯見飭提督齊慎帶同侍衛蘇清阿及馬步官兵三千六百餘名前赴該處將祥雲保原帶之伊犁官兵一千名即與巴哈布蘇清阿分帶再於前次撥往之烏嚕木齊滿洲兵內撥出五百名選派諳練協領一員管帶均交齊慎統領於卡內卡外擇要分營駐紮防守其餘尚有烏嚕木齊官兵一千名以五百名留為守城以五百名另派協領一員帶領於卡內各處常川往來梭織巡查再前

東華續錄 道光十四 三五

因阿克蘇地方緊要駐防官兵無多經長清奏明就近調撥喀喇沙爾官兵三百名飭令參將存柱帶領來城防守喀喇沙爾另調烏嚕木齊官兵二百名前往代防見在阿克蘇已有大兵駐紮前調喀喇沙爾官兵等即飭該參將帶回喀喇沙爾其該城所謂烏嚕木齊官兵亦即飭令回營歸伍報可又奏謝領揚威將軍印信恩得旨卿同兩參贊大臣務要合力同心早擒首逆恢復四城速建大勳共膺懋賞朕佇望捷音之至也又奏謝其子桂翰隨營效力恩得旨鋒鏑之下不可妄遣朕以卿年近七旬特命伊隨侍左右兼可練習也○辛未諭據長清等奏查明斌靜色普徵額等前在喀什噶爾荒謬失機當降旨鞫交宗人府刑部治罪茲據審奏斌靜荒淫不法取證確鑿色普徵額逗留觀望貽誤事機以致養癰貽患失陷城池經該衙門均擬斬候實屬罪所應得斌靜著

宗人府圈禁色普徵額著刑部監禁俱歸入明年朝審情實○是月緩徵江蘇高郵等六州縣歉收新舊額賦○是歲朝鮮琉球入貢

東華續錄

道光十四

三六

王先謙敬編

周綱著恭校

道光七年丁亥春正月己卯諭昨因元旦朝賀禮成百官甫退有穿補服二人自東而西在太和門階下趨過降旨查詢本日據那清安等奏向來朝會有御史禮部司官侍衛等分列左右糾察失儀請將該員等察議等語朝會大典自應整齊肅肅該員等於任意趨走之人竟不照例指拏所司何事並聞侍衛處久未派員自係相沿積習亦屬疏忽本應照例將該堂官懲處姑念由來已久並非起自近年著吏部查取此次專司越班失儀御史及禮部司員各職名照例察議嗣後丹墀南仍派禮部司員四人儀仗後仍派御史四人禮部司員四人並著添派侍衛四人分列昭德貞度

東華續錄 道光十五年

門內階下左右專司朝儀遇有越班行走者立即指拏奏辦儻再怠忽從事定將各班堂官一併懲處不貸再向來朝鮮琉球諸國俱列在西班牙官之末蒙古台吉回子伯克在東班行禮者亦俱參差不齊殊屬非是此後著理藩院派司官二人帶領另為一班或應在東班之末或原有一定制例著理藩院查明議奏並著護軍統領於升殿前稽查彈壓一切隨從人等勿許濶入以肅朝儀

○丁亥張師誠以病免調朱桂楨為倉場侍郎由署禮部○戊子諭大學士九卿會同宗人府議奏遠支宗室仍入黃檔釐定章程與覺羅分別辦理一摺朕詳加披閱非窒礙難行則有名無實甚或苦樂不均集思廣益之意安在殊失朕望惟所議宗室親王郡王貝勒貝子八分公等降襲至奉恩將軍世襲其職應予限制一節著宗人府將如何遞降如何停襲軍功恩封者如何區別酌議

章程奏明辦理朕思宗派蕃衍人才輩出可否於在京文武各衙門及三旗侍衛中添設額缺或將滿洲員缺酌量撥改其宗室人員內有賢能出眾者每屆京察軍政年分據實保奏候朕量加簡用之處著原議王大臣等另行妥議具奏本日松筠因會議已經畫彙復有意見不同另摺陳奏自請交部議處著加恩寬免所奏擬將遠支宗室移駐吉林分給地畝招佃收租之處亦無庸議至於特旨交王大臣等會議之事自應虛心籌畫秉公商酌即有意見不同之處亦當平心靜氣同商議即如此一事朕屢次試看負氣者有之退有後言者有之始同終異者有之凡此皆非公忠之道所以失朕望者在此嗣後王大臣等務要各抒忠誠實心任事不可苟且依違任性亂談以致惑人聽聞成何政體勿謂朕一槩不能覺察也懍之○調福珠隆阿為湖北按察使與科為江西

東華續錄 道光十五年

按察使○乙未諭琦善等奏覆查淮漕積重情形據實陳奏一摺前據張青選奏兩淮漕務積重難返見在設法辦理並請將最為疲敝之淮北商人一律借給底馬以資辦運當以所奏未能明晰飭交該督會同該鹽政逐款分晰陳奏茲據查明引積課懸商疲運絀各情形淮北商人積疲已久復因連年運道梗阻鹽池被淹成木虧折因乏誤運在該商等懸課未清自難再加調劑而岸鹽攸關民食亦不得不量為通融著照該鹽政前奏准其照從前借馬成案一律借給底馬自請程之日起限六箇月完繳轉借給如逾限不清即將岸鹽封抵停其後借仍將該商究辦其從前借馬未完之項仍照清查案內奏定章程分綱帶繳一俟商力稍紓該督等當認真督辦不可徒託空言張青選曾任兩淮運司見既將准漕致弊之由及如何補救之方探本窮源詳加考證如有應

行籌辦事宜著即會同琦善逐細商籌妥議奏明辦理鄭祖琛係初任運司一切情形未必如該鹽政熟悉不必俟該運司到任商辦再行具奏也○丁酉長齡等奏上年張格爾滋事派賊目約霍普等占踞和闐並偽封和闐王子等職經長齡等派令年班回至阿克蘇之五品伯克伊敏前往查探該回爪因大兵雲集震懾天威約會民人將賊首約霍普捏克托胡達及從賊阿布都克里本等四名縛獻軍營並將附賊一百餘人全行擊斃復據阿布拉繳到和闐大臣印信安設陣亡大臣官員牌位將七犯凌遲正法致祭奏入獎賚有差○庚子以武忠額為秦甯鎮總兵官松廷為兵部右侍郎輔內閣○是月展賑江蘇高郵等二十三州縣衛軍民兩淮丁穀等九場龜戶水災給安徽泗州五河縣及屯坐各衛奉天白旗堡小黑山二處災款口糧貸直隸開州等十州縣甘肅秦東華續錄 道光十五年

州等十七州廳縣河南原武等四縣兩淮富安等五場江西蓮花等五廳縣災歉口糧籽種河南修武封邱二縣山西薩拉齊廳災民倉穀江蘇川沙廳等三營青村等八營銀米緩徵山東濮州等九州縣衛被災額賦湖北監利縣乞河廢田銀米

二月庚戌 上御經筵○甲寅 皇次子奕綱薨○庚申撥浙離商捐銀一百萬兩備回疆軍需○癸亥以福申為內閣學士兼禮部侍郎銜由左副都御史遷○壬申論據長齡等奏籌定大兵由樹窩子一路合力進剿並酌辦後路一切事宜一摺烏什赴巴爾昌一帶既多戈壁水草缺乏卡外各布魯特又皆蹤迹詭譎恐奇兵深入或有牽制該將軍等議定統領大兵於二月初六日徑由樹窩子一路分為前敵後應突往圍攻所見甚是行軍之道移步換形原在該將軍等密勢相機受辦務保萬全惟兵貴神速必須掩其不

備剋日圍攻既足以振軍聲而視賊魄且使逆裔無竄逸之暇方為妥善布魯特等雖與逆裔聲勢相通見在兵威大振自各心存震懾臨時相機招致定可為我堵禦黑帽回子因受張格爾荼毒已有分類之勢見發檄諭令其糾約族類設法擒渠固是有隙可乘第恐回性反覆無常見雖情詞真切未必悉能實心效順尚須密加防範如果能將張格爾縛獻前來自當照懸格懸加封賞此時大兵進發所過附近從逆各回莊如尙敢負固不服即須順道勦洗廓清後路庶兵行糧運俱無阻滯此時計已到喀什噶爾即當併力進攻設法兜擒並將大小卡倫僻路豫為堵禦斷不可使張格爾戰敗逃遁或有外援賊匪尤當先行相機勦禦總趁此天日融和於三四月間一鼓蕩功方為不負委任朕日日叩祝 上蒼加佑兵行順利佇望捷音之至也此後大兵進剿情形自當隨時馳奏即使無事軍情每屆七八日亦須將軍中見辦事宜奏報一次至遲總不得過十日以慰宵旰殷盼昨據鄂山盧坤奏共解阿克蘇大營兵餉銀二百三十八萬餘兩俱已起解在途運糧駝隻亦俱全行出關見復降旨飭催餉銀兵糧自可源源接濟其粵東兩淮兩浙報效三百餘萬兩前亦飭諭該督撫等迅速解甘備用○甲戌 上詣 黑龍潭祈雨○是月貸江蘇狼山等三營毗連災區兵餉緩徵江蘇海州等十三州縣衛通賦

三月庚辰兩江總督琦善等奏減工啓放正河掣溜通暢兩壩趕緊鑲築即可合龍得旨所奏俱悉尤當倍加慎勉永慶平成也又奏見在黃水落低已飭廳營將禦黃壩啓放催挽重運軍船迅速渡黃得旨禦壩已啓漕行順利朕心深為嘉慰○丁亥 上親耕藉田○已丑諭軍機大臣等據琦善等奏開放禦壩正在趨渡軍

船適遇黃水斗長尺餘漸有倒漾暫堵禦壩數日又復疊長三尺餘寸等語前據該督等奏正河開放黃水奪溜東趨極爲暢順何以甫開禦壩兩日渡船僅四百餘隻輒又斗長尺餘數日之間疊長三尺餘寸竟致倒漾雖係桃汛屆期究是下游新河不能暢順所致據奏關孟兩灘逢灣取直之處老淤膠結急切不能刷寬長河至此一束落少長多挑挖未能實在深通此次興舉大工需費甚鉅原期河湖復舊一勞永逸乃減壩甫於初三日挂纜合龍而黃水斗長復高於清致漕船不能趨渡該督等所辦何事黃流水過沙停若一處稍不暢順則節節淤墊堪虞備經此一番工作新河輒又停淤豈非前功盡棄數百萬帑金竟成虛擲而數郡居民迄未莫安漕船仍前阻隔該督等自問當得何罪見在軍船陸續過淮琦善等總當設法籌辦務使本年重運全數趨渡北上斷不東華續錄 道光十五年 五

准稍有延誤並將黃水斗漲情形細心體察是否旋長旋消抑係長速消遲或止關孟兩灘新河未能刷寬抑竟別有阻滯之處詳加履勘妥爲籌辦總之漕船北上斷不容不啓壩放行新河挑工斷不容復行淤墊著將見在如何辦理並軍船渡黃幫數迅速由驛具奏○庚寅諭阿揚阿奏蘆東各商情殷報效一摺長蘆山東商人因回疆大兵進剿額懇捐備賞需銀四十萬兩分限完納具見忱悃惟該商等素稱疲乏非他省可比所請蘆商捐銀三十萬兩東商捐銀十萬兩之處著不准行○癸巳諭本日正白旗將慶祥長子文輝帶領引見慶祥在喀什噶爾參贊大臣任內已逾半載並未將逆裔探訪明確以致勾結煽亂辦理雖未妥協惟念賊匪圍攻喀什噶爾慶祥嬰城固守將及七十日殺死賊匪萬數千人迨該逆空通地道進城復能率兵巷戰因道遠援兵不至力竭

自盡實堪憐憫文輝前已降旨承襲一等公兼一雲騎尉著加恩賞給散秩大臣在乾清門侍衛上行走其次子文焜年尚幼穉俟年屆十六歲時著該族帶領引見○甲午命病痊前任福建按察使舒靈阿以四品京堂候補○丙申長齡等奏張格爾因大兵進剿派其賊目糾結賊匪聲言五萬人在洋阿爾巴特地方迎拒官兵並派賊數千於大兵紮營後乘夜前來潛襲我兵槍礮齊發賊始竄逸長齡等督率將領官兵於次日進發賊匪排列沙岡抗拒官兵分路撲殺賊眾潰敗逃竄長齡督兵由中路追殺楊遇春武隆阿跟追竄賊三十餘里統計殺賊萬餘名生擒活賊三千二百餘名奪獲軍器馬匹牛羊無算奏入晉長齡太子太保予楊遇春武隆阿優敘均賞賚有差○丁酉 上諭 黑龍潭祈雨○戊戌諭琦善等奏禦壩驟難啟放見將漕船倒塘灌運並自請從重治罪各一摺前因黃流淤墊糧運阻滯經該督等籌議啟放減壩挑濬正河朕不惜數百萬帑金俯允照估興辦原期河湖漸復舊規漕運永臻暢順爲一勞永逸之計節經敕諭該督等通盤籌畫加慎加勉毋致稍貽後患該督等自稱再三熟商並非全無把握嗣經逐段估挑完竣除河頭攔堰黃水奮迅湧注閱七時之間駛行二百餘里溜勢極爲通暢本月初一初二兩日催渡幫船四百三十餘隻初三日堵合減壩黃水倒漾復將禦壩封閉茲據奏酌辦倒塘灌放之法復提進幫船五百五六十隻見已渡黃二百六十隻是此次興辦大工仍不能掣水通漕該督等實難辭咎其所奏挑汛漲旺黃水日見擡高何以開放減壩以來皆係清高於黃甫經放河適遇黃水斗長至關孟兩灘挑切膠淤驟難刷塌該督等又並未豫爲籌計縱使本年重運均可北來而河底未能深

通將來又費周章數百萬帑金竟成虛擲若將該督等立予罷斥重治其罪轉得置身事外其何以專責成琦善著拔去花翎張井降為三品頂帶潘錫恩降為四品頂帶姑示薄懲令其戴罪自贖所有倒塘灌放各費即著落該督等按成賠補不准開銷該督等亟宜相機設法悉心妥辦務於大汛以前將重運埽數渡黃其河湖大局必須籌度萬全斷不得稍有疏失儻漕運仍復遲滯河工或致壅潰必將該督等從重治罪決不寬貸○諭軍機大臣等琦善等前因禦黃壩日久堵閉運道不通盤壩制運既非經久之策海運亦止可偶一試行經該督等會同熟商始定議開放減壩挑挖正河以期掣溜通漕河湖復舊為一勞永逸之計前經飭諭該督等挑竣後不能先引清水刷條將來挽歸故道恐為時無幾又將梗阻如故務須籌畫萬全經理妥善斷不准復東華續錄 一四道光十五年 七

有貽誤昨據奏挑工全竣除掘壩黃水奮迅湧注登時掣溜七分落低二尺六寸七時之間行二百餘里溜勢極為暢達即可剋期堵合減壩朕以該督等相機辦理自必確有把握乃續奏減壩堵合適值桃汛經臨黃水斗長本日又據奏稱實由關孟二灘取直處所膠土壁立不能隨溜塌寬水勢阻遏致大溜旁穿土山仍循南北兩岸舊壩而行土山亦漫塌入河開段淺阻等語桃汛屆期該督等原應豫計切灘處既知膠土壁立亦應將猝難刷塌之處豫為籌及儻挑切稍有未安何難將攔壩暫緩除減壩暫緩堵合乃正河挽復之後黃水斗長四尺六寸轉不若減壩未堵尚能掣溜通漕又踵前弊引黃濟運數百萬帑金已成虛擲將來貽患豈可復言且據奏洪湖存水一丈四尺餘寸一經淮水漲發尚須開昭關等壩洩清若使減壩不堵黃水分洩當不至此汝三人

俱無可辭咎其趕堵減壩究係何人主見著據實具奏汝等請開減壩原為洩黃今並無成效依然倒灌轉思洩放清水不顧淮揚之復被淹浸試問有此辦法耶見在下游壅遏究止關孟切灘新河一處抑此外尚有阻滯處所總須勘明致病之由速籌補救之策其下段停沙又復淤墊若干應如何疏治務即妥為籌辦儘大汛經臨再有阻遏致上游兩岸隄工稍有疏失將汝三人從重治罪固所當然但如國事何至重運漕船見已連檣抵壩既議倒塘灌運姑聽權宜辦理務令及早全數北上按五日奏報一次如有遲誤惟該督等是問○予國初遇賊不屈通判劉廷標後裔恩騎尉世職○己亥諭長齡等奏官兵續獲勝仗一摺覽奏欣悅之至逆裔張格爾自洋阿爾巴特被大兵痛勦復糾約十餘萬賊匪於沙布都爾莊外臨渠排列並決水壑坎用馬衝突仍據險施放槍東華續錄 一四道光十五年 八

礮我兵用連環槍礮轟斃甚多仍敢撲集下壓我兵奮勇搶上飛渡渠水短兵相接長齡等復派馬隊由左右淺渠鈔擊賊匪難支安集延大頭目色提巴爾第猶擊鼓馳騁死力抗拒該將軍等督令馬隊橫截入陣衝作數段槍箭如雨馬甲具洪阿箭斃色提巴爾第馬甲圖明阿奪獲賊馬烏槍鐵甲賊始潰散長齡等復派員督催各路滿漢馬步兵分投掩殺偪至渾水河邊趕勦二三十里殘匪都盡突有援賊數千自西北林來復經楊遇春等趕往迎勦斃賊千數百名餘眾紛竄河西有馬步賊匪二千名擁橋策應官兵用大礮轟擊賊始潰竄統計擒斃賊匪不下四五萬人奪獲槍礮器械馬匹無算並於首級中認出回子大頭目素丕卡克安集延頭目占巴克等俱已斃斃該將軍等懋著勩勤實堪嘉獎長齡著賞給白玉吉祥如意牌一面珠鑲寶石帶版一副白玉鼻煙

壹一箇鑲寶石小刀一把楊遇春武隆阿俱著賞給白玉帶鈎各一副白玉鼻煙壺各一箇嵌銀絲小刀各一把該將軍參贊前經降旨優敘此次著加恩交部從優議敘馬甲貝洪阿圖明阿並著賞戴藍翎此次打仗奮勇以及傷亡官兵即查明同上次出力員弁兵丁等一併具奏候朕施恩○諭軍機大臣等本日長齡等奏官兵續獲勝仗一摺已明降諭旨分別加恩矣長齡等督率滿漢官兵兩次接仗擒戮賊匪事機甚為順利自可迅奏膚功該逆裔見於回莊內糾約二三十萬人十五歲以上均已派出不願者即行殺戮暴虐已極厥心自必怨恨計該將軍等必當乘此機會就近招致諭以爾等被賊脅從無辜受戮不如相約效順縛獻首逆即可懋膺封賞據奏黑帽回子見聞風歸順令其糾約回取擒渠截勦所辦俱合機宜至張逆見在喀什噶爾湊集男婦大小四五十萬人防堵此等烏合之眾正可聚而殲旃且該逆負隅固守攻圍尤易得手止須堵截該逆竄路此時計已就擒佇望捷音迅至○命蔣攸銛穆彰阿馳往江南查勘南河○壬寅以張麟署禮部右侍郎內閣學士署惠顯為左副都御史○癸卯以惠顯為駐藏辦事大臣保昌署左副都御史光緒○甲辰雨○乙巳諭軍機大臣等琦善等奏首進軍船二十四幫全數渡黃並二進等幫船隻跟船打放一摺倒塘灌放軍船原因禦黃壩復行堵閉姑聽該督等權宜辦理見雖將首進軍船全數挽渡而在後各幫陸續抵壩務須跟接催提連檣挽運不許稍有延滯據奏黃水較前又落七寸此後如能再為消落總以啓壩放行為妥該督等當隨時察看水勢妥籌辦理固不可使漕艘脫幫亦不得使河湖淤墊受做也○是月展賑江蘇高郵等州縣災民貸甘肅張掖等三縣

直隸開州等六州縣貧民口糧
夏四月丙午朔日有食之○丁未諭本日據大學士九卿會同宗人府議奏宗室添設額缺一摺宗室人員自嘉慶初年以來節經增添額缺登進之途尚無擁擠惟各衙門文職俱有定額八旗人員為數更多各班已形擁擠未便更張致礙銓法至各旗營參領等官缺出宗室與八旗人員一體升轉向無宗室專缺更難議添所有宗室文武各官俱仍著照舊章辦理其議添侍衛一條雖有增益改撥於額缺仍符舊制即可廣宗室登進之路仍無礙滿洲升途著照所請三等侍衛六十三員內有世職章京不兼侍衛章京什長及不在乾清門上駟院行走者無論係應封軍政時引見賞授之員皆作為額外侍衛所遺三等侍衛員缺暫行存記俟挑選之年揀選補放以足六十三員之數其額外侍衛原食世職章京之俸業經改為額外無庸另給馬銀豆石以節糜費遇有應升之缺仍准其一體升用其黏桿處三等侍衛原設十五缺嗣後每旗添設二缺共為二十一缺該處每旗撥出二缺作為宗室專缺俟出有二缺後至第三缺時補放宗室人員俟補足六缺後即為宗室額缺隨時挑取遇有該處升缺仍與十五缺人員一體揀選升用如遇侍衛升等之年著與大門行走者一體揀選軍政年分統計各項侍衛如已逾一百二十員之數即保舉二員備人數不敷仍保舉一員以昭嚴實松筠另摺奏請於六部理藩院添設宗室郎中員外郎主事額外主事共二十八員從前嘉慶年間業於宗人府額設司官十六員之外又於六部理藩院增添司官十六員已不為少今再議增二十八員事多格礙難行著無庸議其宗人府奏考封襲封之奉恩將軍承襲次數及烏爾恭阿另行具奏

各一招除奉恩將軍內有承祭盛京 三陵以及本支內別無世職者仍照舊准其世襲罔替外凡恩封初封降襲至奉恩將軍均襲至三次而止軍功世爵世職嫡派子孫既世襲罔替其旁支子孫襲封考封至奉恩將軍著加恩襲至五次而止以示區別而歸畫一○戊申諭長齡等奏官兵三獲勝仗一摺覽奏欣悅之至賊匪自沙布都爾莊痛勦後膽敢糾合餘燼在阿克瓦巴特回莊派賊眾十餘萬負隅抗拒經長齡等先派哈喇阿勒罕保等左右兜勦賊匪在网上排列形如雁翅長齡等即督提鎮領隊等率領馬步分爲兩翼一鼓齊進賊據險迎拒我兵奮勇搶撲槍礮兼施賊眾佯退即令步兵用連環槍礮乘風施放噴筒該賊匪馬隊冒火突煙死力衝壓長齡等復令虎衣虎帽民道羅舞藤牌賊馬驚陣亂突有紅衣賊目率領埋伏援應哈喇阿等所帶官兵從莊後東華續錄 道光十五年 十一

設法堵截防其潛遁不啻至再至三乃大兵已臨城下功在垂成猶任逆裔乘閒竄逸覽奏實深痛恨殊失朕望據活賊供稱卡倫以外見有黑帽回子堵截霍罕又與該逆不睦不敢竄往因逃赴英吉沙爾葉爾羌苟延殘喘賊情詭譎均不可盡信並恐逆賊聲言他往爲緩我追兵之計見獲賊甚多逐細向其嚴究當可得逆酋實在蹤迹此時既有該逆帶領騎賊竄逸之供其非臨陣殲斃可知該將軍等分兵追捕當已布置周密總須將張逆設法擒拏務在必獲或直逃往英吉沙爾葉爾羌抑或竟逸卡外務即嚴密兜截迅速掩捕毋得再任遠颺尤當據實奏聞見難安撫黑帽回子於卡外截擊張逆恐尙未能得力必當嚴行檄諭霍罕及布魯特一體效順擒渠照格封賞如竟敢縱匿即當移兵進勦想該將軍等已計畫施行若此番與師致討僅擒一二逆裔家屬即可塞責豈非徒勞師旅虛糜帑項該將軍等屢承諄諭將來何顏見朕見在長齡留駐喀什噶爾帶兵若干楊遇春武隆阿向英吉沙爾葉爾羌進勦帶兵若干兵以分而見單總應隨時隨地體察情形相機調度如此時喀什噶爾賊勢尙須用重兵鎮撫該參贊等即當酌分兵力留助長齡備英吉沙爾葉爾羌兩處軍情緊要喀什噶爾無須多兵駐守即將得力將領官兵酌調前往隨同該參贊等勦捕務期聲氣相通加意慎重毋致墮賊奸計至張格爾之妻前有拘禁霍罕之說今愛則爾畢比等三口是否係其原妻抑進卡後始行招納務須根究明確如是其原妻即行解京若止隨時擄掠該將軍等訊明即在該處正法儻已起解在途亦即酌量前途地方知會該處就地辦理其巴布頂之子阿里雅罕仍即派委委員解京毋稍疏懈尋奏前獲張逆之妻愛則爾畢比等三口

查均係進卡後招納見已正法巴布頂之子阿里雅罕見委副都統容安小心押解進京報聞○甲寅諭軍機大臣等據琦善等奏截至四月初三日共挽渡軍船二千二百四十一隻北運口楊莊頭壩見將兩壩頭拆展外北臨黃浦家莊東西兩岸築作托清蓋黃等壩並將臨黃土壩壩兩壩頭鐵鎖東清水水勢見尚深通足資浮送等語頭二進軍船見雖挽過二千二百餘隻惟黃水消長情形未據奏及想來仍未落低轉瞬大汛經臨水勢有長無消不特在後江廣幫船艘渡費力而南北兩岸隄工在在喫重本日據嚴煥奏報桃汛安瀾摺內據稱本年桃汛長水無多而所存底水較上年大至一二尺測量河身比凌汛淤墊尺餘是下壅上潰之弊不可不早為慮及見在關孟兩灘壅滯之處亟應設法濬治琦善等接奉前旨自已詳勘籌辦將攸銛等到彼即將伊等籌商東華續錄 道光十五年 十一

辦理及下游阻遏情形據實具奏並責成該督等將在後江廣幫船跟接打放總於汛水漲發以前迅催趕渡毋使一幫留滯將來回空南下亦須豫飭妥籌務令刻期歸次不可臨時稍有遲延致誤明歲漕運其大汛防守事宜必應倍加慎重妥為防範若關孟兩灘及下游淤墊處所仍不能及早疏導致水勢壅遏上游兩岸隄工稍有疏虞該督等豈能復邀寬貸勿謂朕言之不豫也○乙卯兩江總督琦善等奏陳感悚戴罪自贖得旨大汛以前漕船務要渡竣全河務保安瀾回空不可遲滯三者有一不妥爾等自問當得何罪懷之又懷○已未諭軍機大臣等本日據琦善等奏春汛長水情形並稱起堵減壩實係公同籌畫並非一人主見惟關孟兩灘老淤膠結未能刷寬緣與估時輕聽雖南同知唐文楷勘估錯謬見經張井親查長河中泓深淺不一溜勢有行新河者

有趨舊河者關家灘則新河淤淺舊河反深孟家灘則新河甚深舊河較淺詢之兵弁居民皆稱旬日以來溜勢已見暢順若遇大汛必能刷出正泓漸臻深暢見將淺阻處所設法疏濬並將兩岸隄工加高培厚備禦大汛等語該督等於估挑事宜全未經歷即應博採眾論何得輕聽唐文楷一人之言致誤要工已明降諭旨將該同知革去頂帶留工以觀後效該督等尤當倍加愧勵勉圖自贖見在漕船已渡黃者計二千九百六十隻總期大汛以前全數渡竣全河務保安瀾回空不致阻滯三者均不許稍有貽誤若果如琦善等所奏大汛經臨刷出正泓可期深暢尚可量加寬恕如有他虞朕惟執法嚴懲決不稍貸看該督等辦理如何耳蔣攸銛等計已到彼著親赴關孟兩灘查閱新河舊河情形是否與琦善等所奏相符並將見在疏濬情形據實具奏○辛酉諭上年逆

東華續錄 道光十五年 十二 齋張格爾滋事朕特命長齡楊遇春武隆阿馳往回疆督辦萬里之外調兵轉餉閱時既久始克會齊進剿朕以天戈所指各城無難剋期收復惟張逆係元惡大愆必應設法殲擒以彰天討而靖邊圉節降諭旨令長齡等同心合力奇正分途總須布置周密毋任竄逸申諭不啻至再至三本年該將軍等由洋阿爾巴特進剿每獲勝仗無不立沛恩施並屢頒賞件俾共知奮勵迅獲渠魁前據奏大兵克復喀什噶爾張逆已先期乘閒竄逸方冀數日之間即可追擒蕘事乃本日馳報官軍收復英吉沙爾張逆尙無實在蹤迹長齡等未能仰體朕宵旰憂勤之意致有疏縱辦理不善自應加以懲創長齡著革去紫轡楊遇春著革去太子太保銜仍留太子少保銜武隆阿著撤去太子少保銜朕賞罰一秉大公該將軍等如能迅速擒渠永杜後患仍當格外施恩懋膺重賞儻竟任

該逆遠颺僅以殲獲賊目收復城池草率塞責則是老師糜餉大負朕望惟該將軍等是問楊遇春之子楊國佐武隆阿之子慶安隨營出力此次本應加恩惟首逆既未就擒無庸遽加升秩其所請桂成固英阿開復侍衛之處桂成著賞給三等侍衛固英阿著賞給藍翎侍衛俱在大門上行走原任漕標副將緣事降為千總之滿德坤著加恩以都司補用巴哈布之子監生扎爾漢著加恩賞給筆帖式其餘單開保奏官弁兵丁著長齡等覈敘確實功績奏到時再降諭旨○諭軍機大臣等長齡等由六百里加緊奏報朕以為必係擒獲張逆飛章告捷或探有實在下落乃披閱奏摺係克復英吉沙爾並馳赴葉爾羌查拏張逆情形仍未知該逆下落殊失朕望張格爾小醜跳梁戕害官弁竊踞城池是以命將出師聲罪致討節經降旨令該將軍等設法兜擒出奇制勝並頒發東華續錄 道光十五年 十五

殊諭勿令該逆免脫或臨陣殲之或圍困誅之若能生致尤非常之功該將軍等接閱後豈竟毫不記憶耶逆回不過烏合之眾本無紀律喀什噶爾等四城何難克復朕所日夕慮念者在擒獲首逆耳節據該將軍等奏到洋阿爾巴特等三戰捷音無不立沛恩施並屢頒賞件將軍自當布置周密分兵兜截出其不意斷其去路一鼓殲擒以彰天討以副委任且朕面諭武隆阿是何等語言無微不至乃並不斟酌輕重一味迎頭攻擊坐失機宜致令該逆聞風潛鼠將軍等所謂謀而後進者在辦理不善咎實難辭再歷次頒發諭旨將軍等上年尚有覆奏數月以來並未一字提及亦屬含混殊不可解已明降諭旨將長齡等前賞紫韁官銜分別撤去用示薄懲儆知愧知懼速將該逆擒獲仍當格外施恩如竟不獲該將軍等自問可稱蔽功否至所奏將葉爾羌戡定即當帶

兵出卡確查張逆所在專力跟蹤追捕等語將獲之時尙且令其逃匿卡外追捕未見必得且路徑荒遠提兵深入恐卡外各部落轉致驚疑擾亂別滋弊端所關甚大况未知張逆下落又將從何處出卡據奏各布魯特冲巴噶什奈曼岳瓦什等送回邁瑪薩依特家屬情形尙屬恭順惟當趁此機會查明該逆逃竄處所整軍揚武忱以兵威示以恩信並遣人招諭各部落及霍罕等處一體擒獻遵前旨照格封賞令其懷德畏威以期必得庶此一舉不虛見在逆首未獲原無可施恩之處姑念將弁兵丁同一盡力尙可量予獎勵惟所奏打仗出力德勝額等各員並未聲敘如何出力之處著將各大員確實功績簡摘敘候朕施恩至請賞藍翎之千總朱成貴等至六百八員之多未免太濫著該將軍等覈實刪減奏到時再降諭旨將此由六百里加緊加快諭令知之○甲東華續錄 道光十五年 十六

子諭長齡等奏官兵收復葉爾羌一摺此次楊遇春等由英吉沙爾進攻葉爾羌先派頭等侍衛阿布都爾滿前赴該城查探情形大兵行至倭巴地方據阿布都爾滿帶領該城大小阿渾伯克迎接投誠並縛賊目烏舒爾巴凱等十一名拏獲逆賊一百六十餘名交出軍火馬匹無數經楊遇春等妥為收撫派兵彈壓將從逆匪黨分別凌遲致祭忠魂並檄諭各部落訪拏張逆所辦俱屬妥協阿布都爾滿上年隨營出力經朕節次施恩賞授頭等侍衛二品頂帶此次收復葉爾羌不煩兵力尤昭偉績著加恩授為散秩大臣署理葉爾羌阿奇木事務以示獎勵阿布都爾滿係郡王銜貝勒哈迪爾之姪伊一門世篤忠貞洵堪嘉尚哈迪爾著加恩授為內大臣伊精力尙健仍著照舊供職用示朕眷念舊臣推恩無已至意○乙丑晉封靜嬪博爾濟吉特氏為 靜妃○丙寅諭琦

善等奏重運軍船全數渡黃一摺本年南糧軍船先由禦黃壩挽渡四百三十餘隻因黃水斗高復堵禦黃壩倒塘灌放陸續渡黃二千一百餘隻尙有五百五十餘隻未渡適值黃水落低該督等照常啓放禦壩催提渡於四月二十二日全數完竣未逾原限該督等前此籌辦未能周妥原有應得之咎惟念該委員等自倒塘以來催趲照料及啓閉各事尙爲迅速不得因該督等辦理不善致沒微勞著琦善等擇其尤爲出力者酌保數員奏請施恩不准冒濫見在禦壩既啓大汛未來該督等當趁此機會務令清水暢出將下游淤滯處所刷濬深通以冀河湖順軌安瀾稍贖前愆

○乙亥張麟丁憂以韓鼎晉署禮部右侍郎

○是月緩徵直隸開州等十州縣逋賦

五月丙子朔以顏伯燾爲甘肅布政使林則徐爲陝西按察使

東華續錄 道光十五年 七

○庚辰諭長齡等奏和闐克復西四城全經載定一摺和闐回軍前已將賊首約霍普等縛獻投誠逆裔張格爾復差賊目噶爾勒玉努斯帶領安集延並情蘭回子一千五百人在彼盤踞將迎候官兵之阿運穆圖巴拉父子及回子伊斯瑪依爾等一併殺害又糾約該處無賴回子三千餘人抵死抗拒官兵經提督楊芳等帶兵前往勦辦探得毗拉滿地方有賊數千隨即整隊前進迎見賊匪排陣擊鼓施放槍礮直前拒敵楊芳等帶領馬步隊迎勦並合兵潛由北面沙山馳鈔賊後四路夾擊見有手執紅旗身穿花衣之騎馬賊目指揮其開馳取死戰我兵奮勇衝殺賊勢業已難支忽於東南沙山後突出執旗賊目帶領馬賊五六百名飛驟前來槍矢交加刀矛相接吉林佐領富爾松阿等帶兵衝入賊陣兵丁田興起被賊砍傷左額富爾松阿韓國彥等將花衣賊目噶

爾勒擒獲官兵乘勢力撲賊眾潰亂奔逃趕殺二十餘里斬賊二千三百餘名生擒一千餘名奪獲駝位刀槍火藥無數乘勝直前卽有舊時伯克等帶領回軍千餘人迎接官兵入城和闐全復楊芳前此隨同長齡等連獲勝仗已著勞績此次專派帶兵收復和闐復能籌畫周妥因賊匪直前拒敵分兵鈔入賊後四路夾擊使賊目不及逃竄登時就擒實屬調度有方深堪嘉獎楊芳及領隊哈喇阿阿勒罕保著加賞白玉翎管各一箇四喜白玉撥指各一箇小刀各一把阿勒罕保余步雲著加賞白玉翎管各一箇玉撥指各一箇小刀各一把以示獎勵其拏獲賊目噶爾勒之佐領富爾松阿把總韓國彥等究係何人首功著該將軍等確查具奏候朕施恩兵丁田興起因衝入賊陣至彼砍傷並著查明該兵丁受傷輕重一併具奏

○壬午陸以莊以病免以王引之爲工部尙書

東華續錄 道光十五年 六

潘世恩爲吏部左侍郎 侯補 ○癸未諭蔣攸銛等奏查明黃水下流切灘阻遏情形一摺前因南河堵合減壩黃水倒漾復將禦黃壩封閉經朕特派蔣攸銛等前往江南將關孟兩灘新舊河詳細察看並令親往高家堰周歷履勘茲據奏稱清黃相爲表裏因南岸黃水節次漫口湖早受淤堰工愈形喫重前年高堰石工坍塌因迫於時日搆估趕辦年年保固賠修仍係入水摸砌見在加築後俄土工亦難深恃該督等因清水不能敵黃止有落低黃河一法請開減壩騰出正河一律挑挖下游山安海防兩廳所屬關孟兩灘俱係膠淤該督等泥於逢灣取直成法並輕聽雖南同知唐文濬兩灘並挑之說決意估辦而河自十數里外已有迅激斜注埽灣之勢乃從埽上攔截另挑取直以舊河寬百餘丈至二百七八十丈之水欲迫而納諸僅寬二十餘丈膠淤之地不能塌寬轉

成倒漾迨拆去灘際之攔黃壩堰大溜始順歸舊河見用沙船往來疏濬可望深通難期速效等語琦善等急於奏功泥於師古並未博採眾論輕聽唐文濬一人之言不加詳察以致數百萬帑金竟成虛擲谷無可辭琦善前已降旨拔去花翎張井潘錫恩分別遞降頂帶仍著一併交部嚴加議處見在漕船全數北上所有倒塘各費已著落琦善等分賠轉瞬伏秋大汛仍責成該督等慮衷商推竭力補救督飭道將應營加意防範其堰圩各工時加保護並本年回空軍船及早歸次僅有疏虞阻滯朕惟琦善等三人是問在工人員除鹽道德啓並未督同估工著無庸議外同知唐文濬狂於從前節次辦法輕率債事糜帑殃民非尋常錯誤可比蔣攸銛等請將該同知革職留工效力不足蔽辜唐文濬著革職再枷號一箇月滿日發往伊犁充當苦差准揚道鄒錫澣淮海道羅東華續錄 道光十五年 十九

琦未將工段難易通盤詳酌致河弁有未能完工情急自盡情事雖無剋減情弊實屬辦理失當鄒錫澣羅琦俱著交部議處○丙戌諭前因河湖交敞經琦善等再三熟商始定啓放王營舊減壩之議據奏挑挖正河引清刷濬將來挽復故道既可製溜通漕而河身亦可日漸深通並稱遲至八九月間啓壩彼時秋稼登場小民更可無虞失所朕以該督等既為此奏自必確有把握是以不惜帑金不為過制悉照所議辦理乃始因湖水異漲大啓閘壩宣洩迫宜洩不暢趕開減壩以為迅啓禦壩暢洩湖漲之計致下游州縣田廬俱被淹浸居民蕩析已屬辦理不善然果能一舉收效尙當權利害之輕重不復深費及至本年堵閉減壩而黃河仍未消落運道依舊不通並將下游挑工前功盡棄是不但將數百萬帑金輕付一擲且使數州縣生靈徒受災浸流離遷徙該督等議

舉大工不知集思廣益輕聽唐文濬一人謬論致誤事機糜帑殃民莫此為甚使該督等捫心自問尙有何顏對數百萬災黎耶茲經吏部議將琦善等照溺職例革職本應悉照部議卽予褫革姑念琦善平日辦事尙屬認真在山東巡撫任內頗知整頓河務本係兼轄著卽開缺加恩降為二品頂帶來京另候簡用張井潘錫恩專司河務種種貽誤其咎更重惟此時若遽將伊等罷斥轉得置身事外豈反令他人代為補救乎張井潘錫恩俱著革去頂帶仍留河督之任以觀後效此係格外加恩俾令戴罪自贖若果能激發天良於伏秋大汛經臨全河悉保安瀾今歲回空明年重運均能無阻尙可稍贖前愆儻河湖運道稍有疏虞必當從重治罪決不寬貸其議降三級調用之准揚道鄒錫澣淮海道羅琦俱著加恩改為降四級留任不准抵銷○以蔣攸銛為兩江總督○丁亥命穆彰阿在軍機大臣上學習行走○己丑調奕經為工部左侍郎奎照為兵部左侍郎○以申啓賢為內閣學士兼禮部侍郎銜降調○辛卯諭軍機大臣等本日長齡等由六百里加緊馳遞奏摺朕以為必係拏獲張逆或得該逆切實下落相機督捕乃披閱摺片僅係帶兵出卡捕逆情形一派空言覽奏實深憤懣安集延布噶爾係該逆遁迹之藪其次則汰劣克阿坦台為該逆黨與長齡俱所稔知前此早應籌及何待今日如夢方醒而為此敷衍塞責耶長齡自到軍營節經降旨勿令張逆逃出卡外不啻至再至三乃張逆於三月初一日從數十騎遁去距四月二十二日發摺時已五十餘日該逆雖如鬼如蜮何至毫無蹤影該將軍等所辦何事汰劣克阿坦台伊里斯滿底等斷無不知該逆下落之理惟汰劣克阿坦台曾經從逆明知其逃匿之所或未必卽肯吐

實但既據抱經設誓已屬回心效順即應向其確切根究伊里斯滿底遺遞馬匹求賞差使經長齡等給以回諭並賞給銀牌綬段等物令其幫擊張格爾伊果能擒逆自應照格封賞惟該夷類多疑詐均未指有確向亦難據以為憑朕意夷眾固屬狡誦或長齡等已知張逆所在因卡外道路紛歧且係外夷地方竟爾束手無策恐未能即時擒獲致罹重咎故為此尙無下落之說若果如此則居心更不可問試思興師動眾若不速得首逆作何了局長齡等將何顏對朕耶前奏馳催霍罕將該逆妻子縛獻曾否得有該處回信是何情形著迅速據實奏聞所奏見商令武隆阿挑派滿漢官兵四千二百名馳赴圖舒克塔什卡外暫行駐紮該參贊若遵照前旨早由烏什草地前進豈但張逆可就擒獲亦必早膺懋賞又何必如此周章也長齡見派官兵在各要隘安營聯絡聲勢東華續錄 道光十五年 三

一面飛諭汰劣克等部落自應如此辦理務須得有該逆確實下落設法擒拏期於必獲此時四城全復張逆苟延殘喘不值久駐重兵致糜糧餉著該將軍等通盤籌畫出卡兵應需若干留防兵應需若干其餘兵丁先撤若干一面具奏一面迅速辦理○戊戌以湖南衡山縣糧價漸昂命平糶倉穀○調張志緒為山西布政使以林則徐為江甯布政使方載濬為陝西按察使按察使○是月緩徵直隸開州等十州縣逋賦

閏五月乙巳朔諭軍機大臣等長齡等克復喀什噶爾已經二月朕無時不懸盼擒獲逆首捷音今既擊獲奸細巴依莫特等搜出逆匪潛通信字究訊張逆見在木吉地方潛匿該將軍等派令安福等四人帶兵二千餘名出卡掩捕惟恐兵力尙單應再於楊芳齊慎二人內添派一人其周志林所帶官兵五百名前往接應必

東華續錄 道光一五

須聲勢聯絡期於前敵有濟楊芳見駐和闐搜捕零匪如能迅速調令出卡最妥或一時不能調集烏什草路距喀什噶爾較近即令齊慎前往會同安福等妥速辦理伊薩克擊獲形迹可疑之布魯特巴依莫特等四名究出張格爾遁匿蹤迹甚為可嘉伊薩克著加恩先賞給白玉翎管一箇白玉搬指一箇大荷包一對小荷包四箇以示獎勵總兵余步雲追捕和闐逸賊玉努斯副將胡超追捕喀什噶爾逸賊左霍爾悉就捕誅所辦甚好余步雲著加恩賞給提督銜胡超著加恩以總兵卽行升用所有連次打仗受傷陣亡官兵著查明咨部照例分別卹賞此時四城已經克復從逆零匪搜捕殆盡逆首窮蹙逃竄指日就擒未便仍留全師久駐荒微虛糜軍餉喀什噶爾見有該將軍參贊等在彼駐紮葉爾羌辦事大臣著派達凌阿前往署理巴哈布著署理幫辦大臣英吉沙爾領隊大臣著派蘇清阿前往署理和闐領隊大臣著派成玉前往署理史善載暫令幫辦該三城止宜酌留官兵鎮撫無須多兵駐守著該將軍等悉心籌畫或將省分較遠之四川省原調續調官兵酌撤數千名及東三省官兵三千名內酌撥二千名派令帶兵大員先行統帶各回原營其餘官兵應先撤若干酌留若干該將軍相度情形一面妥辦一面奏聞不必俟奉到諭旨再令起行其善後事宜亦應熟商妥籌豫為辦理見准該將軍等所奏飭令恒敬速赴喀什噶爾幫同辦理一切方載濬昨已有旨補授陝西臬司並令卽赴新任無庸再令幫辦又據奏伊犁民遣一千五百名除各處民人暨已赦遣犯照凱撤征兵資送回籍外未赦遣犯九百三十九名悉予免罪釋回尙無不可惟請將無家可歸者分撥口內各營入伍斷不可行該將軍等應卽傳旨免罪釋回資送

三七九

該原籍一面行知各督撫妥為安插可也○免回疆被賊滋擾之
八城新舊額賦○丙午諭軍機大臣等昨因四城截定惟逆首張
格爾窮感逃竄即須派兵追捕亦未便仍留全師久駐將善後事
宜及時妥辦朕思楊遇春出關日久陝甘總督事務緊要凱撤官
兵亦不可無統兵大員彈壓所有應撤官兵即著楊遇春分起督
押啓行俟進關後先行陛見再回陝甘總督之任楊芳著補放參
贊大臣該提督素嫻軍旅見既授為參贊大臣凡一切設謀用閒
及調度追勦各機宜必須盡心竭力與長齡武隆阿知無不言言
無不盡總期將張逆設法擒拿務在必獲不可因有將軍在前意
存遷就觀望方為不負委任史善載無庸留駐和闐著即回阿克
蘇等候凱撤官兵到彼酌分一起管帶進關即回本任昨據長齡
等奏令恒敬方載豫赴喀什噶爾幫辦善後事宜因方載豫已放
東華續錄 道光十五年 五

陝西臬司止派令恒敬前往著再調派誠端前赴該處與恒敬幫
同該將軍等妥為經理容安見已有旨補授阿克蘇幫辦大臣其
所解逆裔阿里雅罕已諭令嵩惠迅速迎赴前途小心押解來京
矣○戊申諭軍機大臣等據張井等奏淮水節經報長見在高堰
誌椿存水一丈六尺四寸亟須減洩已先將楊糧廳境下游橋壩
於四月十六七等日啓放使運河之水分注歸江騰空高寶一帶
湖面俾得容納洪湖分減之水旋於五月初一十四等日將山盱
之禮字河仁字河先後開放過水其餘各河壩俟察看水勢相機
酌開等語前據奏近日清高於黃禦壩並未堵閉是清水業已暢
出又經該河督將禮字等河先行啓放湖水仍未見消誌椿存水
較上年尤為旺盛轉瞬大汛經臨仍須堵閉禦壩而湖水亦必接
續增長堰工倍形喫重自不得不豫籌宣洩之計惟下游各州縣

民田廬舍上年因啓放昭關等壩業已全被淹浸蕩析離居本年
籌辦宣洩事宜雖據稱見在嚴守車邊等壩不至淹及民田而此
後湖水日見增高必須思患豫防俾堰工可保無虞而下游亦不
至被患方可稍贖前愆若使災黎年年被淹該河督等自問當得
何咎耶至堰肝土石各工務須及早督催工歸鞏固其南北兩岸
臨黃工程亦應迅速勘辦以資保衛毋得稍有疏虞○辛亥諭戶
部奏州縣虧缺錢糧限滿無完請覈實酌賠一摺直省各州縣經
管倉庫實成該管上司層層稽覈容稍有侵那如果實心查察
遇案即參屬員各知畏懼何至任意虧空動輒盈千累萬乃平日
因循瞻顧冀其自行彌補及至萬難掩飾始以一參塞責參革後
審訊虧空之由往往以因公那移為詞避重就輕開脫遷就以致
帑項多歸無著積弊已極止因向例州縣虧空限滿無完僅令該
東華續錄 道光十五年 五

管知府直隸州知州分賠一半而道員藩司督撫例內並無著賠
專條均得置身事外不足以示懲儆據戶部奏請援照江南安徽
辦過成案責令該管上司一律攤賠著通諭各直省嗣後各州縣
虧空銀米被參後先在本犯及家屬名下照例按限催追如限滿
完不足數查明家產盡絕實在不能追交者即將未完數目作為
十成無論原案是侵是那俱著不行揭報之知府直隸州知州分
賠五成勒限追繳其餘五成著失察之道員分賠二成藩司分賠
二成巡撫分賠一成均照代賠例限按銀數多寡分年完繳儘有
兩案准將前案銀兩依限清完後再行接續追繳至從前已參未
結各案亦照此分別覈賠並著各督撫嚴飭藩司道府凡州縣交
代徵收存庫錢糧悉令遵照戶部前奏限兩箇月掃數提解司庫
仍於年終開單具奏俾帑項不至虛懸追賠俱歸有著以昭覈實

○辛酉徐承恩以病免以吳光悅為湖北布政使龔鯤為湖南按察使
○甲子諭軍機大臣等本日據長齡等由六百里加緊奏報朕意必是擒逆捷音或得其逆屬乃覽奏止係跟捕張逆並殲勒和闐逸匪情形又成虛盼張逆前在木吉藏匿又竄到拉克沙地方距喀拉提錦布魯特愛曼較近經長齡等檄令該部落幫同官兵設法圍擊副將郭繼昌等即在倭里塔克暫紮俟拜哈第等確探的信馳往密捕因獸猶關總須加意隄防乘機掩取勿任再竄至霍罕不肯借兵助逆並有要擊該逆獻功之說其言似屬恭順但長齡等兩次差派回子前往諭擒張逆並令將該逆妻子同巴布頂之子先行送出何以至今未行回報其言恐不足憑信惟既稱擒逆自效亦可乘機導諭催令縛送及獻出逆屬以膺封賞至提督達凌阿送到自卡外投出陝西民人白鳳儀等稱係什克南伯克庫布特差來報信經長齡等飭該民人白鳳儀同葉爾羌伯克回子前赴什克南給諭獎勵令其設法擒獻照格封賞毋洩風聲所辦尚屬妥協朕心懸萬里亟望捷音之至總以必獲張逆為要計此時克復四城已及數月一切應行查辦之事甚多何以未據該將軍次第具奏長齡惟當一面督飭將弁設法擒拏首逆一面將善後事宜悉心覈酌趕緊妥辦毋再以空言塞責至楊遇春已有旨令其來京陛見今奏楊遇春於本月十八日帶領馬步官兵三千餘名出卡接應自係尚未接奉前旨此時該署督會否折回著長齡體察情形如必須楊遇春出卡即著仍留該處暫緩來京如楊芳可以接辦仍遵前旨令楊遇春來京陛見回署陝甘總督本任嗣後拏獲張逆馳報紅旗用八百里具奏或探得張逆確信即日可以成擒用六百里加緊至辦理善後事宜及

東華續錄 道光一五

一切覆奏止准用五百里馳報不准奏用六百里加緊漫無區別致勞驛站所奏赫子爾拉克地方有馬步賊匪數百人經郭繼昌等帶兵追剿賊斃賊匪二百數十人捉獲活賊十四名及在和勒木地方拏獲在逃賊目伊滿等八名俱係張逆信用頭目訊明正法辦理俱好其烏什黑帽回子剝取被戕及曉諭布魯特回報獻馬各情所奏均悉至穆圖巴拉父子效順被害情殊可憫著長齡等確查該阿渾有無子嗣奏請恩卹其伊斯瑪依爾既據伊兄玉素普稟稱該回子曾經從逆其在臺迎候並非出自誠心著無庸議卹以示區別玉素普竟能大義滅親可嘉之至其偽阿奇木伯克阿布拉攻陷和闐甘受偽職前經降旨革去頂帶留營效力該伯克並未出力及暫留待質安集延頭目推立汗狼子野心經長齡等將該二犯凌遲處死亦足伸國法而快人心又據奏巴哈布東華續錄
○道光十五
 甚為出力前已有旨令其署理葉爾羌幫辦大臣無庸飭回本任至呂天俸病未復元漢中地方緊要著即令其回任所帶漢南官兵即派參將唐倬妥為管帶俟事竣再行撤回至凱撤官兵前經長齡等奏撤二千四百餘名茲又據奏凱撤三千六百名俱著照所奏辦理見在軍務大局已定無庸多留兵力凱撤為第一要務著長齡酌量情形四城應行留防若干阿克蘇烏什二城應否酌留若干勦捕張逆需用若干此外多餘官兵即令全撤次第起行以節勞費葉爾羌大臣印信著交禮部補鑄頒發○癸酉諭前據程含章列款密參署浙江巡撫劉彬士不能清白乃心聲名甚屬平常自言窮翰林出身住京廿餘年負欠不少今番須要還債人咸謂餓虎出林浙江鹽務經帥承瀛辦有起色止須率由舊章乃劉彬士諸多挑駁商人心滋不服仁和縣鬧漕一案劉彬士即揚

言不宜動兵其識見偏謬品節不端已可概見等語時孫爾准陛見出都當即密諭該督據實查奏茲據奏稱劉彬士揚言不宜動兵一節於入都路過杭州時見劉彬士據稱初聞程含章勒兵圍拳頗疑辦理過當及提犯審訊其聚眾毀廠細毆書役拒傷官兵均屬實情則用兵圍拳勢亦不得不然嗣於回抵杭州時知此案業經審結其挑駁商人一節見在細察商情頗欠踴躍緣上年奉旨籌加鹽價各商聞知爭先完課劉彬士到任查知奏明勒令各商將餘價照引追繳商人趕完課引之時多有重利借債回賺餘價之利者今按引追補無利可圖諸甲商隨以另款商捐剝費雜費二項銀兩每年用有贏餘呈請以公辦公撥補餘價免另追經劉彬士批駁不准又前任巡撫帥承瀛於商網一款頗有贏餘留存運庫嗣後各任巡撫俱盡數提為公用劉彬士查悉情形曾

東華續錄

道光十五年

七

向人言將來商網用費不敷何能賒墊甲商稟請運司欲以程含章札提置買義地善舉銀兩先在雜費項下暫動將銀撥歸商網備用又經劉彬士批斥不准浙鹽甫有起色須於認真之中寓休養體恤之意業經面為規勸其負欠還債一節細加查訪並無在浙索債之人劉彬士莅任數月辦理庶務頗為盡心操守亦屬謹飭輿論僉同等語朕行政用人一秉大公至正督撫大吏中如果實有簞篋不飭聲名狼藉者大小臣工原許風聞入奏朕從不肯顛頂了事必將貪贖之員立即斥革治罪然必須劣蹟昭著確有憑據豈容以捕風捉影之詞妄行參揭程含章率聽不根之言無端入告伊視朕為何如主輒敢以此等伎倆巧為嘗試耶程含章陳奏不實之咎實無可辭著交部嚴加議處即來京聽候部議山東巡撫著賀長齡暫行署理山東布政使著鍾祥署理其山東按

察使著賀長齡委員暫署○諭軍機大臣等長齡等奏探明張逆藏匿地方分路往捕並卡外回夷來營納款一摺張逆見竄至拉克沙距喀拉提錦較近並與達爾瓦斯輝都斯及布噶爾拔達克山等處相通楊遇春帶領馬步兵三千餘名出卡所過布噶特愛曼隨處撫諭甚為恭順並據副將郭繼昌等探明拉克沙山內有賊黨數百人其山後深河一道上繫鐵索浮橋見飭該副將等選派官兵回子帶同愛曼布噶特比愛散繞山潛往拆毀浮橋見又派楊芳帶領馬步兵一千一百餘名星夜馳往相機督辦並據各部落伯克差人來營納款投誠又據幹竺特星進帕爾西字表文金兩並遞將軍等物件幹罕伯克遞將軍腰刀等件經長齡等諭令趕緊前往設法擒逆可膺莫大封賞該回夷等均稱已派人於各境要路堵截必定生擒送營該將軍照例筵宴優加獎賞並

東華續錄

道光十五年

天

回賞各伯克元寶綉段茶葉布匹等物令其攜回愛曼並派官兵護送出境所辦甚是此時外夷各部落及阿坦台汰劣克等各布噶特均已差人堵截各要隘布置尙屬周密朕日夜佇望馳奏紅旗○是月貸湖北黃州協道士泐營兵丁穀石緩徵山東濟甯魚臺二州縣電災新舊額賦

六月丙子諭軍機大臣等張井等奏查驗黃河上下各工及水勢消長情形摺內據稱本年春閒啟放新河之初惟附近關孟灘一帶頗形淤墊皆係浮沙嗣後經拉浚日久兼以此次汛漲水力猛勁刷出河泓大溜奔湍直瀉不但與張井前次往看情形不同即比四月杪蔣攸銛穆彰阿所見情形亦大相懸殊全河溜勢頗為迅駛長水尙能容納等語本年黃河自五月二十後屢次斗長甫屆伏汛即已水勢浩瀚必須去路暢順河身方資容納據奏前此

淤墊處所皆係浮沙尚易刷動見在大溜奔湍自係仍由舊河東注此後汎漲方長但能如所奏日漸刷深不至壅滯為患豈不甚善該督等即當督飭道將廳營加意防範務保安瀾是為至要另片奏准源慶次報長自應豫籌宣洩見已啟放仁禮義三河及智壩暢洩湖漲如不見消再啟信壩其車運南關中新各壩總不可輕議啟放本年遇閏節候較早農田收穫不至過遲該督等務當體察水勢情形權衡利害輕重相機辦理勿令民田復被淹浸方為妥善其揚河等廳應修掣卸工段尤當嚴飭承修之員照估認真修築毋得仍前草率以資捍衛○壬午 上詣 黑龍潭祈雨

○丙戌雨○己丑源溥卒以薩迎阿為甘肅按察使由蘭州○丙申諭軍機大臣等蔣攸銛等奏來年新漕請仍行海運盤壩一摺近年河底逐漸淤高清水不能暢出以致漕運阻滯琦善等請開東華續錄 四道光十五 五

王營減壩辦理不善仍未能如法通漕本年倒塘灌運未可常恃來年重運亟應豫為籌計該督等請仍行海運所奏乃有備無患之意所有江蘇省來年新漕除江甯揚州淮安徐州通海等四府二州照舊各歸本幫免收轉運外其蘇州松江常州鎮江太倉等四府一州仍雇用海船運赴天津一切海運事宜除成案可循外此內如須量為變通著漕運總督直隸總督山東巡撫江蘇巡撫通盤籌畫定議俟奏到時再降諭旨海運本非良策朕所以勉從所請者原以河漕不能兼辦騰出河身俾去其受病之源用復以清刷黃之舊仍責成張井潘錫恩各發天良實力講求疏淤導滯務令黃水落低清水暢出以期漸復舊規本年江南首二進回空軍船著准其截留河北其蘇松常鎮太等處漕米既改由海運此項船隻原可空出姑令暫留以備萬有一然之需朕意來年河朔

暢順原可無庸盤壩自當即用原船北渡非但軍船暢行即商賈各船亦得源源北上俾商販流通不虞短絀彼時即可將截留河北空船飭令南下歸次若恃有盤壩章程即不加意修防一籌莫展於全河毫無裨益試問該河督等能當此重咎否朕言出法隨決不寬貸毋謂教之不豫也○丁酉諭從前乾隆年間逆回布拉呢敦霍集占以叛伏誅布拉呢敦之子阿布都哈里本係應行緣坐之犯 皇祖高宗純皇帝憐其年幼無知貸其一死賞給功臣家為奴道光三年朕因其為奴已久尙屬安靜加恩照當差回子之例將伊一家入於正白旗蒙古賞給差使今張格爾膽敢入卡肆逆跳梁不靖實為元惡大愆張格爾係薩木薩克之子布拉呢敦之孫阿布都哈里係其胞叔法當緣坐朕仰體上天好生之德不忍予以駢誅然究不便仍令在京居住阿布都哈里並其長子東華續錄 四道光十五 三

伯巴克次子阿布都色莫特其孫阿什木及眷屬俱著交刑部定地發遣並著理藩院內務府通行曉諭在京當差居住各回子以此次將阿布都哈里及其子孫發遣因其本係逆裔又係張格爾親屬應行緣坐不忍誅戮僅予發配即係寬大之恩與另族回子全無干涉此外毫不株連爾等俱宜各安生業照舊當差不必妄生疑畏○戊戌諭阿布都哈里及其長子伯巴克次子阿布都色莫特伯巴克之子阿什木著刑部分撥雲南廣東廣西福建四省定地發配各在該省按察司監內永遠嚴密監禁毋許與外人交接及傳遞信息等事每屆年終各該省臬司將該犯等在監是否安靜稟詳巡撫具奏一次阿布都哈里之妻馮氏女怕特買伯巴克之妻楊氏女大妞著刑部定地發江甯京口杭州乍浦等處駐防為奴其女如年未及歲俱准其母隨帶到配後該將軍副都

統等即咨報軍機處每屆年終著將該犯婦等是否安靜咨報軍機處一次阿布都哈里等分起發配著沿途各督撫派委委員小心押解所有該犯等在京貨產俱著准其帶往其僕婦馬氏石氏及伊家人馬老即儒孜尅馬三即玉笋楊大即阿克底李大即木勒滿等俱屬無干著刑部釋放並著將該犯等配所及分起押解日期具奏

東華續錄

道光十五年

三

東華續錄

道光十六

臣王先謙敬編

臣周瀚蕃恭校

秋七月丙午諭前據劉彬士奏程含章提用商網銀六萬三千兩係屬額外溢支並不追溢完餘價程含章回奏彼此各執一詞當降旨交琦善前往浙江會同朱士彥秉公確查茲據奏稱每年所收商網多則三萬八千餘兩少則二萬一千餘兩銷引有衰旺故輸款有多寡此項商網及備公二款歷任巡撫均係各歸各任扣算提支若照每綱引額科算按年提銀二萬餘兩則遇僅收二萬餘兩之年又將如何找補此項贏餘銀兩從不列款報銷即屬程含章應提之款並非贓私可比上年所完正餘引一百三十餘萬道係自嘉慶二十二年戊寅綱起至道光六年丙戌綱止所完多

東華續錄

道光十六

係舊引豈得謂之溢完該商等雖完課在先查明鹽未銷出仍應著追餘價部議甚明劉彬士將上年九月奉旨加價日起至十二月初六接准部文之日止所完引課比較道光五年計多完四十四萬引一律作為溢完奏准餘價於鹽斛已未售賣轉未確查與成案及部文俱不相符自應照原奉部文查明已未銷售嚴辦等語程含章查無額外溢支及漏追餘價情節其回奏存留商網一千餘兩聲敘舛錯且出費捐辦各項於商網寬裕時照數提還實屬見小至甄別副將鄧宏參將吳賜二員及委令副將徐慶超遊擊李鶴松等遞相接署俱於具奏後始行知照提督亦與體制未協均應交部議處惟伊從前列款參奏劉彬士率聽不根之言妄行人告為先發制人之舉其咎尤重業經吏部議以革職本應照議罷斥姑念其平日居官尚好程含章著加恩以員外郎用以觀

後效劉彬士因恐本年滯銷商綱不敷支用何難設法疏銷俾臻
充裕乃奏請追補餘價既未查照部文又於商綱一款不查明原
委率行項肩入奏亦屬不合劉彬士著交部議處○諭軍機大臣
等御史吳敬恒奏衍聖公官屬濫給劄付請嚴示限制一摺據稱
近年坊刻摺紳內載衍聖公官屬自林廟守衛司百戶管句司樂
以至各屯官等職或每年更換或數月更換雖給劄付咨查原籍
並非該員自充實皆託人頂替其僅執劄付未刊入摺紳者又不
知凡幾並聞該處有包攬之徒攜帶劄付自赴各省私行濫給詎
騙招搖其弊百出且司樂一官秩止七品即挂朝珠黃綠咨送賄
賂公行再衍聖公官屬一接劄付無論父母存歿捏告終養所遺
之缺即另補他員展轉遞讓俱為將來草思地步難保無身家不
清等語國家尊崇至聖先師至優極渥惟四氏學教授學錄例由
東華續錄 道光十六 二

例禁况太監等供奉內廷尤宜安分守法敬謹當差豈得以違禁
器械任意攜入宮禁總由該總管太監等平日漫不經心應查不
查遂至視為故常致有自鳴鐘太監劉得英吳喜在園內私放鳥
槍之事除此案交內務府嚴審定擬外各處太監或不免有私藏
軍器之處自應嚴加整飭以肅宮禁惟令立時舉行交出轉恐該
太監等心存畏懼仍復隱匿不能覈實著予限十日令各該處首
領太監等出具並無私匿器械甘結報明本管總管太監由總管
太監於本管處所復行逐細嚴查覈實具奏仍加結交敬事房並
總管內務府衙門存案經此次查辦後除技勇學太監仍照前定
章程准其學習技藝外如有醫不畏法膽敢仍蹈前轍私藏軍器
之人查係弓箭弩彈等物即照例治罪儻竟敢將鳥槍火藥金刀
器械仍前收藏一經發覺必將其人照違旨例加等問擬即行正
法該管首領太監匿不隨時報出即照為從例治罪本處同伴太
監耳目切近尤易知覺果能立即告知該首領不難隨時敗露如
經告知首領首領尚為隱匿則專治首領之罪首報太監即應免
究若太監等心存瞻顧不行舉發事犯時本處太監無論知情不
知情一槩照為從例治罪其各門首領太監於各處太監出入私
行攜帶時未能查出一併從嚴究治該總管太監等此時不行詳
查將來別經發覺一併嚴懲不貸著通行曉諭宮內圓明園等處
將此旨恭錄懸掛俾各懷遵著為令○王子諭協辦大學士禮部
尚書汪廷珍人品端正學問淵博嘉慶十七年蒙 皇考仁宗睿
皇帝簡用上書房師傅與朕朝夕講論非法不道迨二十三年受
任總師傅倍加勤慎攷古證今深資啓沃朕親政後畀以左都御
史禮部尚書攝囊綸閣晉錫宮銜凡所陳奏均得大體本年閏五

月閒遺疾幾經賞假調理遣醫診治並賞給人養派員署理部務
 猶冀剋期就愈倚任方長遽聞溘逝實深悼惜著加恩晉贈太子
 大師入祀賢良祠賞給陀羅經被派奉宸苑卿奕紀即日齋往大
 阿哥於初十日帶領侍衛十員前往賜奠由廣儲司賞給銀一千
 兩經理喪事其任內一切處分悉予開復所有應得卹典該部察
 例具奏伊次子候選主事汪報原俟服闋後遇缺卽補以示朕篤
 念耆臣至意尋予祭葬諡文端○張志緒休致以葉紹木爲山西
 布政使何煊爲廣西按察使由福建○乙卯以鍾昌爲盛京禮部
 侍郎福勒洪阿署兵部右侍郎由內閣○丙辰以姚文田爲禮部
 尙書湯金釗爲左都御史轉顧皋爲戶部左侍郎調李宗昉爲戶
 部右侍郎以白鎔爲工部右侍郎由內閣○丁巳以吏部尙書盧
 蔭溥協辦大學士○己未諭通州民人王文弼等呈遞封章控告
 東華續錄 道光十六 四

英和家人張天成增租擾累一案見經托津等訊明擬結英和富
 時置買此地並不問明原租致張天成私加租息且徐永祥以在
 官人役司其家事輒聽張天成商令捏情控告漫無覺察迨該佃
 戶等連次將被控情由呈訴懇求減租亦難諉爲不知乃任聽張
 天成等捏詞搪塞不加深究及降旨令其明白回奏又不據實陳
 明意存隱飾本應照托津等所議革職治罪姑從末減著革去紫
 韁卽開協辦大學士之缺仍交部嚴加議處○以富俊爲理藩院
 尙書協辦大學士由吉林○庚申諭國家簡用大臣匡襄治理必
 須謹慎持躬公忠任事方爲無忝厥職永受國恩昨英和於伊家
 人張天成私加租息被控一案其失於覺察尙係過之小者惟徐
 永祥以在官人役輒與伊家人交好已屬漫無約束甚至司其家
 事商同捏情控追租息苦累閭閻若非英和平時信任驅使何至

狐假虎威肆無忌憚英和受 三朝厚恩應如何戒滿持盈益加
 傲懼乃不自檢束聲勢赫耀竟致非其所屬之州縣亦有仰希風
 指意存見好之事此在明季宦族專權縱恣招搖生事或不免倚
 勢欺陵我朝綱紀肅清官方砥礪豈容恃勢妄爲至此從前和珅
 專擅其始不過一二無識之徒趨承依附漸至自作威福中外側
 目莫敢上聞所謂涓涓不塞遂成江河者不至於潰敗決裂不止
 若使大員稍有憑藉卽可妄行則位冠列卿職居津要者將復無
 所底止朝廷豈尙有法紀乎凡爲大臣者承恩愈厚尤當受寵若
 驚夙夜靖共常存敬畏何至啓人迎合自蹈愆尤爲此特降諭旨
 剴切申誡嗣後在廷滿漢大臣務益矢公忠倍加恪慎庶幾克承
 恩眷永保令名以副朕教誨成全之至意○辛酉以那清安爲熱
 河都統松筠署左都御史由禮部○癸亥諭本日吏部議處英
 東華續錄 道光十六 五

和請照違制私罪革職英和在官人役徐永祥司其家事與家
 人張天成商同捏情控告迨佃戶等連次呈訴復任聽捏詞搪塞
 不加深究又不據實陳明本應照部議革職姑念其平日辦事尙
 屬認真亦曾出力英和革去理藩院尙書鑲黃旗滿洲都統並太
 子太保銜拔去花翎加恩賞給二品頂帶補授熱河都統以觀後
 效○除江蘇長洲吳縣義冢地賦○以那清安母老命仍爲左都
 御史○甲子諭軍機大臣等長齡等奏喀拉提錦布魯特比效順
 並卡倫外近日籌捕情形及保奏各城參贊大臣各摺朕閱該將
 軍等所奏喀拉提錦布魯特比薩底克既願出力報效親見張格
 爾帶數十人窮威逃往達爾瓦斯何難在彼設法擒獻乃復遠來
 卡內送信始回該部落與沙伊布拉克伊木商同擒拏是其狡詐情
 狀已屬顯然卽前此各處偵探逆裔潛匿地方迄無定所是否該

逆寇迹無常抑係該夷等虛詞搪塞爲嘗試官兵之計該將軍等不加深究輒以入告試問該逆果有確蹤各部落同心效順何至四五月之久竟同海捕計自克復四城後虛糜帑項不可勝數長齡等不自知籌辦之失宜仍欲留兵荒微俟勦捕得手再行陸續撤回豈不思官兵出卡既不能深入窮追轉令外夷窺我虛實啓其輕視之心所關甚鉅而轉餉之難尙屬其次長齡等接奉此旨著即將出卡之將領官兵全行撤回仍檄諭外夷各部落以張格爾入卡肆逆荼害生靈實爲元惡大愆罪不容誅見在各部落既多輸誠效順情願截擊諒該逆飄泊遊魂不難擒縛來獻以邀封賞大皇帝因官兵出卡駐紮恐爾恭順各部落不無驚懼並恐官兵不無滋擾特降恩旨曲加體恤即將大兵全行撤回卡內爾等部落益當勉竭誠悃商同設法將逆酋張格爾迅速擒擊或獻誠

東華續錄

道光十六

六

軍門必當奏明大皇帝照前懸賞格懋加封賞該將軍等一面繕發檄諭一面即將大兵暫留八千名其餘均卽分起凱撤自楊遇春楊芳齊慎以下將領及御前乾清門侍衛巴圖魯侍衛等悉令進關楊遇春仍遵前旨督押官兵進關後來京陛見再回總督之任楊芳等各回原任前經降旨將東三省官兵先撤二千茲亦著全行撤回歸伍長齡著暫留喀什噶爾督同各城參贊辦事大臣等辦理善後事宜及設法擒擊張格爾務獲俟一切軍務完竣再行奏明候旨所留官兵八千名應如何酌量分布各城即著體察情形辦理所奏蘇倫保骨殖卽著色普清額攜回歸葬並飭沿途地方官妥爲照料以慰忠魂前據鄂山奏善後事宜一摺著鈔寄長齡等閱看是否可行一併妥議具奏並發去新鑄葉爾羌大臣大臣印信一顆交長齡等祇領頒給可也○乙丑以盧坤爲山東

巡撫前在任○戊辰免兵差過境兼辦糧運之伊犁各城甘肅各州縣額賦協濟軍需之甘肅陝西各州縣十分之六兵行過境之盛京吉林黑龍江順天直隸河南四川各州縣額賦十分之四○己巳諭上年逆裔張格爾入卡滋事攻陷城池戕害官弁葉爾羌接壤阿克蘇之伊犁都軍臺官兵被賊傷害追額爾古倫打退賊眾復敢糾約回匪五六千人在距城八十里之渾巴什河南岸屯聚向西北行走逼近烏什邊界烏什存城官兵不滿三百時揚威將軍長齡由伊犁取道那拉特卡倫距大營尙遠賊氛甚熾勢若燎原僅守禦無方致有失事則東四城俱危如朝露尙復成何事體長清甫經到任卽能激勵回兵查拏奸細嬰城固守調度得宜並以烏什輔軍相依分兵防堵鉦鼓相聞聲勢聯絡巴哈布接據蘇倫保求援之信卽調土爾扈特和碩特蒙古兵帶其子札爾漢

東華續錄

道光十六

七

迅速前往奮不顧身達凌阿一聞徵調卽帶勁兵往援與長清盡力防禦渾巴什河南岸及烏什察拉克臺之戰達凌阿巴哈布督兵迎勦殺賊無算並將賊首庫爾板素皮等殲斃已爲殄賊之先聲是長齡等未到大營之先非長清不能力扞孤城非達凌阿巴哈布不能痛殲賊魄保障東四城俾大兵進取有資厥功甚偉見當大功告竣允宜特沛殊恩用酬懋績長清達凌阿巴哈布俱著賞給雲騎尉世職長清之子翰林院筆帖式富春著加恩以六部主事卽補巴哈布之子札爾漢前已降旨賞給筆帖式著加恩以六部筆帖式卽補達凌阿之子慶安年甫十四著俟及歲時加恩以六部筆帖式卽補以示朕論功行賞之至意○庚午諭上年逆裔張格爾入卡滋事朕命將出師聲罪致討天戈所指四城立克若能卽日擒渠膚功全厥則揚威將軍長齡等宜如何論功行

賞殊勳偉績自不待言矣乃張逆先期遁去至今迄未就獲實由長齡等辦理不善所致今當凱撤竣功在事出力人員均應敘績加恩其中亦不能不略示區別長齡前因三戰皆捷已賞加太子太保銜此時無可施恩俟拏獲首逆再降恩旨參贊大臣楊遇春於克復喀什噶爾後親自帶兵收復英吉沙爾葉爾羌二城並派楊芳等攻取和闐調度得宜楊遇春著賞還太子太保銜仍交部從優議敘其子都司楊國佐著賞加遊擊參贊大臣武隆阿前因患病回喀什噶爾後甫出圖舒克塔什卡倫又復因病折回並無出力之處無可施恩今已授喀什噶爾參贊大臣著隨同長齡辦理善後事宜並嚴緝張格爾務獲以觀後效參贊大臣楊芳上年在柯爾坪前敵著有勞績本年收復和闐一切布置俱合機宜並生擒賊目噶爾勒伊本兼雲騎尉世職著加為騎都尉並挑乾清東華續錄 道光十六年 八

門行走仍交部從優議敘新授都統哈喇阿副都統阿勒罕保卓爾琿保倭楞泰吉勒通阿德海新授烏什辦事大臣多貴新授英吉沙爾領隊大臣那桑阿新授喀什噶爾幫辦大臣蘇清阿新授葉爾羌幫辦大臣扎克桑阿俱著交部從優議敘內閣學士容照桂輪副都統新授阿克蘇幫辦大臣容安伊犁領隊大臣恩緒俱著交部議敘新授察哈爾都統安福著賞戴花翎伊犁領隊大臣祥雲保碩隆武上年帶領伊犁官兵行走遲緩本應革職治罪因查由冰嶺難行責令圖功自贖該二員功過僅足相抵無庸給予議敘甘肅提督齊慎陝西漢中鎮總兵呂天俸四川重慶鎮總兵余步雲山東登州鎮總兵成玉甘肅永昌協副將胡超莊浪協副將李士林安西協副將郭繼昌金塔協副將張國相雲南曲尋協副將周志林俱著交部從優議敘其辦理糧臺及轉運各員經理

妥協尚無貽誤俱著交部議敘署陝甘總督陝西巡撫鄂山總理軍需事務繁劇著加太子太保銜並賞戴花翎新授山東巡撫盧坤著加太子少保銜烏魯木齊都統英惠著賞戴花翎新授喀什噶爾幫辦大臣副都御史誠端著賞給二品頂帶英惠鄂山盧坤誠端仍俱著交部從優議敘新授葉爾羌辦事大臣副都統恒敬庫車辦事大臣頭等侍衛那彥寶新授和闐領隊大臣頭等侍衛果良額新加副都統銜授庫爾喀喇烏蘇領隊大臣常格俱著交部從優議敘吐魯番領隊大臣副都統銜廣音泰前因陳奏不實拔去花翎部議降調已加恩改為革職留任無庸給與議敘土爾扈特貝子巴勒丹喇什和碩特頭等合吉烏爾圖那遜前因帶兵出力已加恩挑乾清門行走仍俱著交理藩院從優議敘土爾扈特管旗章京隨吉特甲喇章京額爾德尼等俱著交理藩院議敘東華續錄 道光十六年 九

其跟隨巴哈布打仗之蒙古阿勒巴圖一千名再著賞銀一千兩此次議敘各員均著照軍功例議給用示朕振旅策勳有功必錄之至意○壬申以書諭勤勞晉振鏞太子太師蔣攸銛文學太子太保加王鼎玉麟太子少保○癸酉以琦善為內閣學士兼禮部侍郎銜○是月給奉天錦州等三府州縣水災旗民口糧緩徵山西薩拉齊屬屬水災額賦
八月庚辰以阿勒清阿為廣東布政使桂良為河南按察使
○壬午諭長齡等奏官兵出卡勦洗逆黨情形前據長齡等奏稱探知張格爾逃往卡外在達爾瓦斯之藏堪地方藏匿楊遇春楊芳分帶官兵前往追捕茲據奏於七月初七日在塔里克打坂相近地方遇見賊匪二千餘人當經副將郭繼昌等督兵迎擊賊匪上山用槍抵拒協領壽昌等直上攻擊斃賊二三百名該匪

復敢放槍抵敵協領都凌阿委參領郭全首先攻上均中槍陣歿
嗣經官兵擊斃督陣紅衣賊目三人始敗退後面山梁踞紮旋經
楊芳督同領隊安福等分路進攻郭繼昌等由賊後兜擊賊匪腹
背受敵拚死抗拒官兵兩面夾擊斬擒一千五六百名逃走者僅
百餘人侍衛色克精阿委參領巴爾江阿守備蔡汝寅及參領哲
里善均先後被傷陣亡殊為可惜該將軍等既深知張逆藏匿地
方派兵出卡追捕自應倍加慎重乃虛延時日糜費兵餉竟令零
星殘匪傷我官兵縱將該逆黨斬獲多名已屬不值長齡等調度
失宜辦理不善咎無可辭長齡楊遇春楊芳武隆阿俱著交部議
處安福首先擊賊致受槍傷著賞給譽勇巴圖魯名號其陣亡之
都凌阿等著交部照例議卹所有傷亡官兵著該將軍等查明咨
部照例賜卹○諭軍機大臣等據長齡等奏官兵在卡外勦洗逆
東華續錄 道光十六
黨兵將聞有傷亡霍罕回稟殊不足信並籌議善後請以逆裔管
理西四城各一摺大兵克復四城已經數月迄未得逆首張格爾
寶在蹤迹虛延時日糜費兵餉止遇逃竄卡外零星殘匪竟敢損
我官兵雖據奏斬擒逆匪千餘名逃脫者不過百餘名而我帶兵
將弁及兵丁等已傷亡數十人之多殊為可惜不值之至外夷各
部落內聲言效順者既知其為緩師圖賞之計乃猶稱布魯特威
親兵威或將該逆擊獻豈非仍在夢中其霍罕伯克之誦詐又何
待遣使來營求賞元寶始為派兵擒渠方知其妄長齡等總不咎
前此辦理之失宜迨接奉六月十六日所降諭旨飭將卡外官兵
酌撤始為此奏披覽之下憤懣殊深大兵久駐卡外各布魯特勢
不能不自保其疆圍既有逃竄零星回子依附其地亦止可待其
來而殲之何得聽其詭計深入其阻况張格爾並不在其中更不

能輕勞兵力致損國威而張賊勢至所奏善後之策竟請以久經
內留之逆裔阿布都哈里賞給職銜放歸回部管理西四城回眾
尤為紕繆之至長齡老諄糊塗一至於此武隆阿隨聲附和俱著
嚴行申飭為今之計總當遵奉前旨將西四城仍照舊章辦理一
切分兵防守及清查叛產籌備糧餉並種種未盡事宜作速從長
計議務期經久無弊方為妥善其所奏傳諭霍罕伯克以張格爾
係無足重輕回子該伯克既不肯將其擊獻又不肯將其家屬送
出卽永遠不准入卡貿易一節尚為得體稍合朕意該將軍等一
面籌撤官兵議及善後一面設法擒擊張逆小心防範各城若再
稍有挫失首逆又不可得試問能當此重罪耶○乙酉調鍾昌為
刑部右侍郎特登額為盛京禮部侍郎○巳丑諭長齡等自克復
四城距今已六月之久張逆愈寬愈遠不能立定主見籌辦萬全
東華續錄 道光十六
轉頓兵荒微虛延時日糜費兵餉致零星殘匪傷及官兵雖據奏
斬擒一千五六百名脫逃僅百餘人究屬長齡等辦理不善咎無
可辭本應照部議革職姑念道路遼遠一時難以更換長齡楊遇
春楊芳武隆阿俱著從寬改為革職留任以觀後效○壬辰調多
山為盛京工部侍郎海齡為盛京刑部侍郎○癸巳諭那彥成奏
裁汰通省挂名吏役覈實查辦完竣所辦認真甚屬可嘉直隸大
小衙門挂名吏役過多包差滋擾苦累閭閻前經該督奏奉諭旨
酌定應留名數造立循環冊簿年終報明該管道府具報總督衙
門查點餘皆革退不准額外增添茲據奏嚴飭各屬將各該衙門
酌留吏役名數分別造冊具結呈送查覈並委道府丞倅分往確
切查點按名寫榜出示懸掛城鄉俾眾知曉見據冊報通省革除
吏役竟有二萬三千九百餘名之多官官相護朋比為奸尚復成

何政體直隸如此他省諒亦不免著通諭直省各督撫一律飭查據實裁汰按照那彥成所奏章程辦理備於查辦後地方官復敢額外私增或棍豪冒充肆擾一經查出即將該地方官嚴參議處吏役加等治罪此係各該督撫必當認真查辦之事要在行之以實持之以久毋得視為具文用副朕釐剔弊端至意○以奠守正為內閣學士兼禮部侍郎銜由詹事府○丙申諭軍機大臣等前據蔣攸銛等奏來年新漕仍行海運盤壩當經降旨准其海運惟盤壩一節彼時即不准行其軍船本係空出准其暫留河北以備萬有一然之需朕思海運原非良策以今年河湖情形而論本不可不行惟該督等既以河漕不能兼辦意在騰出河身復以清刷黃之舊要知清水既能刷黃焉有不能濟運之理朕因蔣攸銛到任後或別有所見問抑河湖另有別情是以暫從所請此後並未另有所奏可見伊等所以復籌海運兼將回空軍船截留河北者意在一行海運清水即無庸多蓄高堰可保無虞明春清水不能敵黃又恃截留軍船為盤壩之用總為自卸干係巧占地步止顧目前於國計並不通盤籌畫試問為國乎為身乎受國厚恩任用之人其可不秉天良耶再此項軍船截留河北水手聚集彈壓匪易油艙修理諸多不便伊等恃有此項軍船轉將清水消洩過多明年必不能敵黃濟運成何事體總之清水多蓄固可慮消洩太枯亦是伊等之咎前於張井等秋分河湖平穩摺內批示甚明來歲新漕除蘇松常鎮太倉仍行海運外其餘軍船總期照常北渡即萬不得已亦止准用本年倒塘灌運之法並著該督等各秉天良體察情形海運如可停止仍由內河行走即將前議撤銷可也所有本年江南首二進回空軍船俱著全行及早歸次斷不准截留河北

以為盤壩之用儻明年河道不能通暢貽誤漕運咎有攸歸朕官出法隨決不寬貸○百春以病解任命福縣以三品頂帶為倉場侍郎調盧坤為山西巡撫以琦善為山東巡撫由內閣○是月賑陝西略陽縣湖北江陵監利二縣水災給江淮等處被災幫丁月糧緩徵長蘆滄州甯河縣及嚴鎮場被水竈課緩江蘇高郵等四十七州縣衛廳被水新舊額賦

九月內午諭軍機大臣等蔣攸銛等奏籌備來年接運新漕請先行借撥銀兩為盤壩經費一摺本年大汛已過見交霜降水勢有消無長黃河經汛水刷滌較前暢順洪湖存水一丈五尺餘寸見將壩河全行堵閉不至宣洩過甚看此情形明年新漕抵壩正可乘黃水未漲之前照常開壩放船則趨渡一幫即免一幫之阻滯儻或江廣重船到時汛水業已長發不能啟壩放行亦可仍用倒塘灌放之法俾令原船北來省卻無數周折況今春倒塘渡船均已全數抵通有早無遲何不可以倣照辦理而必亟亟議及盤壩雖據奏水勢長落靡常恐致臨時貽誤為萬不得已之請無非先占卸責地步豈實心為國之道若沾沾目前並不為國是經人計止圖自卸干係則兩江重任盡人皆可為之何必特加簡畀耶該督惟當遵照前旨與訥爾經額等會同妥辦不得再議盤壩所請先於江蘇潘關各庫借撥銀六十萬兩豫備應用之處著不准行

○戊申 上閱健銳營兵○諭軍機大臣等長齡等奏卡外官兵先後撤回楊遇春等帶領酌撤遠省官兵起行並審辦賊目飭擊逆首情形一摺官兵出卡追捕張逆日久未獲早應撤令回營以節無益之費見據什克南將助逆之布魯特大頭目集陽伯克擊獲解營審訊係張逆緊要賊目該伯克庫布特既經此次獎諭

東華續錄

道光十六

十一

東華續錄

道光十六

十一

令其設法擒拿逆首技達克山伯克密勒雅爾亦經長齡等獎其
來使仍令擒渠立功懋膺封賞固可期其認真出力其喀什噶爾
回子多列特胡達巴爾底自願以家屬為質往擊張逆亦尚可信
惟此時止應令伊等自行設法擒獻無須兵力如能有報獲逆
首確信再酌量派兵接應護解來營尚無不可至帶兵大員哈
阿等前已降旨分別施恩伊率領隊大臣碩隆武因上年帶領伊
犁官兵行走遲緩本應革職治罪從寬責令圖功自贖此次隨同
出力功過僅足相抵仍遵前旨無庸給予議敘再前經武隆阿帶
往之山東開復知縣章寅續經程合章奏該員虧短庫項降旨
革職等因見在會否解往山東如尚未起解即著長齡等迅速派
員押解前往歸案審辦又從逆伯克博巴克為張格爾親信黨與
既帶叛回竄出卡外復由霍罕逃出糾約零匪二千餘人往尋張
東華續錄 四道光十六 五
逆經官兵在塔里克打坂地方截擊復敢迎拒傷我官兵將來生
擒該逆時即著派員押解來京盡法懲治以彰國憲再據御史錢
儀吉奏稱此次南路辦理善後非增駐兵丁不足以壯軍威而官
兵既多難盡取給於回部自應照北路開設屯田喀什噶爾之
東大河沿一帶傍烏蘭烏蘇河岸多有舊時溝渠遺迹且由此至
阿克蘇又是捷徑可否於所謂各兵內擇其曾在伊犁烏嚕木齊
屯土種地者酌留數百名於大河沿一帶分築數堡使之居住俟
交春令逐漸開墾所收糧石分貯喀什噶爾及阿克蘇兩城或於
巴爾楚克地方建置倉廩尤為適中之地南北聲勢亦足聯絡等
語官兵留駐各城較前增多自應豫籌經久之策以供兵精練御
史所奏屯田裕餉不為無見第開墾新荒急切難以奏效前經該
將軍飭查報產為數甚多見在會否情釐將來即以查出報產酌

留熟悉屯工種地兵丁分領耕種再將官荒地畝逐漸開墾未始
非邊備之一策惟議及屯田必須先籌水道其大河沿等處地方
是否舊有溝渠遺址此外能否另籌引水灌田溝洫著長齡等詳
勘妥議奏明辦理○癸丑以秋歉失出五起降多山以四品京堂
候補以保昌為盛京刑部侍郎普保署左副都御史補缺○乙
卯命福珠隆阿以三品卿銜巡視兩淮鹽政以張青選為湖北按
察使補缺○丙辰以 孝穆皇后梓宮奉移寶華峪 上詣梓
宮前奠酒○實授伊里布雲南巡撫○實授嚴烜河東河道總督
賞遣二品頂帶○己未富呢揚阿丁憂以慶善為浙江布政使衍
慶為江蘇按察使補缺○庚申 上啓鑿謁 東陵○免經
過地方額賦十分之五○辛酉 孝穆皇后梓宮至 寶華峪暫
安於 享殿○壬戌 上謁 昭西陵 孝陵 孝東陵 景陵
東華續錄 四道光十六 五
裕陵○癸亥諭上年張格爾入卡滋事朕命將出師志在殲除
元惡本年二月進兵天戈所指四城迅就蕩平惟逆首尚未弋獲
朕思該逆荼毒生靈斷無久逃天網之理不值久勞師旅今出卡
大兵全回大營各城辦事大臣俱經簡放一切善後事宜即可及
時經理喀什噶爾見有武隆阿誠端蘇清阿三人長齡無庸在彼
督辦著即來京供職伊犁將軍著德英阿補授伊犁參贊大臣著
容安補授即赴新任見除凱撤官兵外留防官兵尚多不可無大
員統轄參贊大臣楊芳著暫留喀什噶爾所有一切善後事宜會
同武隆阿等妥速辦理事竣聽候諭旨各要激發天良和衷共濟
不准推諉並著四城大臣各就該城情形妥籌經久之策知會楊
芳武隆阿等會同具奏其揚威將軍印信及武隆阿參贊大臣印
信遇有大員入都之便俱著齎帶回京○甲子 上至 寶華峪

臨視 孝穆皇后奉安地宮奠酒畢回鑾○以 萬年吉地工程堅固晉戴均元太子太師復英和一品頂帶○乙丑張青選綠事降調以李文耕為湖北按察使山東○丙寅移湖北穀城縣廟灘千總駐茨河范家寨外委駐廟灘○丁卯 上還京師○己巳添設馬蘭鎮額外委一○庚午程祖洛丁憂以楊國楨為河南巡撫陸言為河南布政使山東○是月加賑陝西略陽縣水災緩徵甘肅甯夏等三州縣山東恩縣等五縣新舊額賦河南臨漳等十一縣災歉通賦齊齊哈爾等四處前貸銀穀冬十月癸酉朔河南巡撫程祖洛奏明巧宦焦芳明史列入閣議不知何時入祀泌陽縣鄉賢祠應請撤去得旨所辦是必須細心酌覈毋得濫入○戊寅諭軍機大臣等德英阿覆奏查議伊犁至喀什噶爾由草地行走道路情形一摺伊犁由特穆爾圖海北至東華續錄 道光十六 六 喀什噶爾草地不但較冰嶺一路平坦易行即比之海南一路亦有樹木可供柴薪惟悔子南北全係布魯特遊牧地方尚須詳加查勘見值大雪封山難以行走著於明歲春融後德英阿容安二人內酌量一人親往履勘再行定議朕聞冰嶺迤西另有一路可通烏什更為便捷惟入經封閉並著詳加躡度程站遠近行走難易是否亦有布魯特在彼遊牧能否於中途豫備馬匹接替更換一併體察情形悉心妥議奏明候旨○己卯諭清語騎射為滿洲根本人所應習各省駐防滿洲人等原係由京分駐非綠營可比亦應一體習學清語昨據廣州將軍慶保等具奏甄別官員一摺竟用漢字書寫而請安摺亦用漢字成何事體廣州駐防官兵不下五千餘人豈無一寫清字之人乃慶保等於循例事件竟亦率用漢摺深染漢人習氣殊為可笑若不加以整飭久之滿洲舊業

必致廢弛慶保巴杭阿花沙布俱著傳旨申飭並著曉諭各省將軍副都統嗣後如係人命詞訟以及奏銷錢糧數目等事向可用漢摺陳奏其滿營循例應辦事件俱著以清摺具奏各省將軍副都統等其仰體朕意將所屬滿洲官兵教以清語騎射俾各精熟毋得漸染漢人習氣廢弛滿洲舊業○庚辰以甘肅應付兵差免嘉慶二十三年至道光五年通省民欠正雜銀兩○丙戌禮部尚書姚文田卒予祭葬諡文僖○以湯金釗為禮部尚書潘世恩為左都御史轉杜堉為吏部左侍郎調辛從益為吏部右侍郎以韓鼎晉為工部右侍郎署禮部○戊子以裕誠為內閣學士兼禮部侍郎銜由副都○調賀長齡為江甯布政使以鍾祥為山東布政使調李文耕為山東按察使以尹濟源為湖北按察使由四川○以吳光悅為左副都御史周錫章為湖北布政使姚祖同為東華續錄 道光十六 七 廣東按察使候補○己丑諭惇親王縣愷著先行退出內廷行走其一切差使無庸管理宗人府宗令著奕紹補授所遺右宗正員缺著尙格補授武英殿御書處著派穆彰阿管理暢春園事務著蘇德管理○諭蔣攸銛等奏遵旨議覆海運事宜一摺各商船運米應給水腳等項及一切經費除天津通州用款按照上屆章程應動漕項銀兩湊撥濟用外其在南經費仍由各州縣將向來辦漕貼費照舊支用如有不肖官吏借端浮勒著即嚴參懲辦毋稍姑容州縣運米前赴上海雇用民間船隻按照市價計日給發毋許胥役人等封捉剋扣並著出示嚴禁有犯必懲其水手人等著各船自行分給津貼俾船商與舵工水手相安無庸官為限制其船商得受耗米原以備盤量折耗及到津補償短絀之用著嚴禁私行折價以杜短交兌米時務押令將耗米全數上船方准

開行其商船到津由海口挽至上圖需雇絳夫見經該督等議定各州縣於兌米時每米一石給船戶制錢四文作為該船到津雇夫工價並著直隸嚴飭地方官禁止絳夫擡價把持毋許延誤其商船卸米空土壓載著直隸地方官豫撥官地若干畝准令空土如有地棍把持情事立即嚴拏究辦其自津運通令經紀親押一節前已降旨仍由直隸派委員分撥押運實力巡查毋許經紀等訛索滋弊總期在南不至以津貼病官以徵收擾民在北不至以刁難累商以剝運傷米方為妥善○庚寅諭昇平署太監苑長青脫逃潛匿一案悖親王於該太監私投入府理應即時送交內務府照例治罪乃任其潛匿直至該衙門行文傳提尚不即行交出轉令人帶出冀圖掩飾見經內務府將該太監拏獲究訊明確據實具奏所有案內人犯除由該衙門按律定擬外悖親王狎比東華續錄 道光十六 大

匪人不自檢束著交宗人府嚴加議處○癸巳諭悖親王縣愷從前在上書房時於文史弓馬全不留心狎比便佞不喜正言 皇考仁宗睿皇帝暨 聖母皇太后屢加訓誡罔知悛改朕御極後篤展親之誼將伊晉封親王念其年逾三十冀可諳習時事近年派管旗務並補授宗人府宗令每於召見時所以教導者剴切周詳無微不至乃伊習與性成不自檢束前曾與太監張明得私相往來旋因張明得在昇平署當差不能常往復起意令將太監苑長青展轉引出於上年冬閒誘令在府藏匿實屬膽大妄為迨經發覺內務府行文該王府提傳尚以府中並無苑姓太監枝梧聲覆直至眾供確鑿不能再匿又私令舒凌阿將苑長青帶至清河地方作為九月閒逃走希圖掩飾是誠何心本日據宗人府議將伊革去王爵固屬各所應得但朕心究有所不忍縣愷前經降旨

東華續錄 道光一六

退出內廷行走並革去一切差使著加恩降為郡王此係朕小懲大誡望其改過自新縣愷宜信知感愧加意檢束諸事小心無負朕教誨成全至意若仍任意妄行復萌故態朕必執法嚴懲不能再邀寬貸也○免哈密回民春借麥石○乙未諭本日朝審句到有官犯斌靜色普徵額二起斌靜前在喀什噶爾參贊大臣任內行止不端失於撫字經刑部會同宗人府照激變良民律問擬斬候色普徵額在喀什噶爾幫辦大臣任內遊回張格爾入卡追至霍爾罕莊逗留不進貽誤事機經刑部照失誤軍機問擬斬候該犯等罪狀若係即時發覺朕必執法從事決不寬貸惟事隔數年並無實在證據該犯等在部亦未經取有確供罪疑惟輕俱從寬免句斌靜著宗人府永遠圈禁色普徵額著刑部永遠圈禁以示朕法外施仁至意○辛丑諭賀長齡奏親母年逾七旬請於湖南東華續錄 道光十六 九

近省量予更調等語所奏雖係實情但各省藩臬經朕簡任原期人地相宜若紛紛奏請或竟有心規避亦不可不防其漸賀長齡見調江甯布政使已較山東為近著即赴新任所奏不准行○是月賑湖北江陵監利二縣及屯坐各衛水災給奉天廣甯縣被水站丁口糧貸山西定襄潞城二縣旱災電災倉穀黑龍江墨爾根城歉收口糧緩徵安徽壽州等二十二州縣及屯坐各衛湖南澧州安鄉縣水災新舊額賦直隸冀州等十一州縣通賦貸糧江蘇高郵等二十五州縣衛被水賦課並太倉等十州廳縣衛節年銀米湖北沔陽等十五州縣被水額賦

十一月癸卯諭前因英和面奏步軍統領衙門番役緝捕得力曾經降旨凡番役子孫准其應試武場出仕武職仍不准由文途考試出仕以示限制茲據御史沈巍奏番役入仕及番役子孫應

三九三

試請仍改歸舊制等語番役專司緝捕原與各項執役人等無異從前嘉慶年間節經欽奉 皇考仁宗睿皇帝諭旨番役中得過頂帶者止准暫用頂帶不准實缺補用其子孫不准選用官職此後亦不准再行應考等因仰見我 皇考激敘官方慎重名器之至意該番役投充之初原不問其身家清白與否一經准其出仕則凡身家不清者或藉此為進身之階不可不防其漸此等人役畀以戎行重任既非素習操防亦復難資表率嗣後番役人等除著有勞績特旨獎賞錄用外該番役及其子孫均不准應試武場出仕武職以符舊制而清流品○乙巳諭前因蔣攸銛等會奏請將蘇松等四府一州仍用海運不許盤壩嗣後該督又單銜具奏請酌量少留數幫經朕嚴飭軍船全數歸次不准一幫暫留因該省已雇備海運船隻是以姑允所請朕意實有未愜茲據該督奏東華續錄 道光十六年 三

稱糧船歸次並不為遲仍可修船出運其海運沙船儘可給還承攬聽其另裝商載所有蘇州松江常州鎮江太倉四府一州請仍照常河運等語以本年河湖情形而論海運本不必行原應如此辦理該督久任封疆自應確有把握何竟茫無定見一至於此若非朕屢加駁斥恐該督尚不免仍執前說也見在海運沙船僅據投具承攬船價均未給領其船商應雇水手及添置蓬索什物均未受雇置備所有前議海運著即停止其蘇松常鎮太倉四府一州仍著照常河運至攔黃埕以內清水塘河底會淤必須大加挑挖張井等勸挑塘淤務須格外加深以免重運阻滯並著漕運總督酌酌額額選派押運幫弁僉丁修船趕緊受兌江蘇巡撫陶澍查照妥為經理毋誤兌運其安徽浙江江西湖北湖南各督撫仍遵前旨將起運新漕督飭各糧道早兌早開總期於四月初十日

以前全數撥至清江剋期抵壩以便渡黃毋許延誤將此通諭知之○諭軍機大臣等長齡等奏探明首逆確蹤分飭截擊防堵一摺張格爾鼠赴庫蘇地方聞擊逃至阿坦台等處意欲糾合各布魯特再來搶喀什噶爾並搶烏什卡倫阿坦台等將張逆留住又據奇里克受滿布魯特比薩底伯克等願往托古托斯羅設法擒擊此等情節俱不可盡信惟該夷犬羊成性難保不隨同附和薩底伯克等或以報信為名探我虛實均未可定自應周密嚴防長齡等賞給銀牌等物諭令擒獻並遣色星額等由彼確探嚴諭阿坦台等兼諭烏什布魯特截擊所辦俱是達凌阿尚未行抵阿克蘇即著折回帶烏魯木齊官兵四百五十名並留防阿克蘇官兵五百名赴烏什駐紮並著移咨德英阿遣協領前赴哈薩克阿布諭令協力截擊又另摺奏善後事宜大槩情形所請喀什噶爾另東華續錄 道光十六年 三

建城垣在迪南二十餘里之喀喇依地方已於九月興工並將逆產銀八萬三千六十兩撥用俱著照所奏辦理惟所稱英吉沙爾葉爾羌二處另築新城建蓋兵房衙署情形殊未明晰著各該大臣酌定分別辦理由長齡分晰具奏所請一切科派陋規永遠革除不准藉端攤派譯寫簡明告示張貼並著勒石以垂久遠係必應查辦之事至留兵一萬八千名自係未經接奉前降諭旨著俟長齡等覆奏到時再行覈辦再前此諭旨內巴爾楚克未准駐兵惟查此地係葉爾羌前往阿克蘇要路著長齡等酌量是否應留弁兵駐守據實具奏所奏大河拐一帶屯田及裁撤卡倫侍衛改設綠營備弁兩條著大學士軍機大臣會同兵部議奏所請口外田地不能科畝房屋俱係土築難照內地造冊報部著照所奏辦理其新城東南建築土堡駐紮伊犁滿兵並將所占新城回子

莊田俟板產搭還並每戶賞給銀兩以爲遷移之資俱著照所請
行前因四城辦事大臣俱經簡放有人是以降旨令長齡回京供
職見在武隆阿患病開缺所有一切善後事宜應辦者甚多長齡
著暫緩來京督同楊芳等悉心辦理如已啓程即行趕緊折回禮
部新鑄喀什噶爾參贊大臣印信著附便發去長齡等轉飭該參
贊祇領○丙午諭蔣攸銛等奏已革河工通判呈請捐復原官一
摺南河已革中河通判萬承紫前因承辦工程草率經該河督等
奏參革職茲該督復以該革員年力未衰在工素稱勤奮奏請捐
復原官實屬先後矛盾若准其所請則辦公草率之員尙復何所
儆畏所請將萬承紫捐復通判原官仍留南河差委之處著不准
行○庚戌予那彥成欽差大臣關防馳往喀什噶爾會同長齡等
辦理善後事宜以履之申署直隸總督由布政○甲寅飭禁丁憂
東華續錄 道光十六 三
人員毋許逗留他省並投效河工軍營○乙卯諭軍機大臣等前
因各城辦事大臣俱經簡放是以降旨令長齡回京供職旋因武
隆阿患病復降旨令長齡暫緩來京如已啓程即趕緊折回喀什
噶爾並因長齡偶患脾瀉復令那彥成作爲欽差大臣會同長齡
辦理一切善後事宜茲據長齡奏四城雖復厥志未定該逆竄至
托古托斯羅地方難保不復萌故智請暫留軍營督辦等語所奏
甚是長齡著仍遵前旨喀什噶爾辦理一切其揚威將軍印信
即著留彼鈐用那彥成到彼尙需時日其一切善後事宜應辦即
辦不必等候至張逆見竄阿坦台汰劣克愛曼距烏什較近前已
降旨令達凌阿折回赴烏什駐紮會同多貴督兵嚴防並著長齡
移咨德英阿遣協領前赴哈薩克阿布拉論令協力截擊儘據
卡外探報即速奏聞○戊午裁回疆額設守卡侍衛三十員○乙

丑裁貴州普安廳屬土守備平遠州屬土把總○己巳以回疆凱
撤官兵過境免奉天遼陽等七廳州縣地丁銀十分之四○庚午
諭英和奏熱河都統衙門事務較繁尙於辦理理藩院刑部司員
外酌派參領佐領一二員幫辦並非奏案亦無定額見復新定章
程旗民案件均歸都統衙門審辦該參領佐領駐防年久迹涉嫌
疑委令聽斷易滋物議惟案牘較前加繁數倍請派刑部主事一
員前往等語著照所請除向例應派實缺司員外再於刑部候補
主事內揀派熟悉刑名者一員前往幫辦不可以無能者充數如
果始終奮勉三年期滿由該都統出具切實考語送部引見量予
補缺以示鼓勵所有舊委刑司兼行之參領佐領等即行裁汰其
向設筆帖式二員專令繕清譯漢不准干預案件○辛未申禁武
職衙署僕役濫占名樹○是月賑甘肅岷州等六州縣水災電災
東華續錄 道光十六 三
緩徵岷州等八州縣江西南昌新建二縣水災額賦江蘇太倉等
三十州廳縣衛運賦
十二月壬申朔諭吏部具題山東省大計卓異本內新城縣知縣
容昂一員該護撫賀長齡原註惻愷慈祥考語爲政之道貴在勸
懲得中若曲徇輿情縱從寬厚勢必至水懦民玩姑息養奸地方
官職司民牧總須審於寬猛相濟之理遇事知所操縱豈因一意
慈祥遽爾列爲上考直省督撫當於屬吏中體用兼備熟明治理
者登之薦牘固不可任武健嚴酷之吏爲害閭閻亦不可長巽便
優柔之習稍形廢弛特通諭各督撫等知之○甲戌命嗣後新疆
地方遇有懷挾私讐殺害本管官之案請旨即行正法○丙子諭
軍機大臣等長齡等奏卡外稟報張逆近日情形及見在籌辦一
摺張逆聞大兵陸續撤回膽敢分遣回子向各愛曼借兵借糧意

欲仍來搶占喀什噶爾可見狼子野心雖竄敗遊魂仍敢覘我虛
實該將軍前次虛延月日一無措置豈未慮及此耶阿坦台等稟
稱張逆跟隨二百餘人不敢下手見在給伊搬至伊里斯滿底處
再來稟知前往掩擊顯藉投稟為名打探官兵數目該將軍面加
諭斥並譯發回字諭帖尙為得體前已降旨留兵一萬八千名並
令那彥成為欽差大臣趨程前來會辦一切該將軍即照所留兵
數分派駐紮要隘星羅碁布嚴密防範斷不可輕率出卡致有疏
虞所有善後事宜應辦即辦不必等候那彥成到彼致延時日○
辛巳敕諭哈薩克阿拉布日據伊犁將軍德英阿等奏接據揚威
將軍大學士長齡咨稱探明張格爾要由布魯特哈薩克路徑逃
往布噶爾之信即發諭帖給阿拉布務將張格爾圍住以便官兵
督同率獲據阿拉布稟稱今年秋收後有霍罕伯克帶人在皮斯
東華續錄 道光十六 三

格克築城寄信哈薩克前去遊牧並允從情願擊獻張格爾差台
吉伊賴里與將軍遞馬等語情詞恭順具見惻誠自爾祖父投誠
天朝世篤忠貞甚為出力朕所深知爾遊牧地方距霍罕甚近霍
罕帶人在皮斯格克築城爾能深明大義不肯前往朕甚嘉焉茲
頒賞蟒袍一襲大段四匹用昭優賚霍罕狡誘性成恐此後仍不
免多方引誘爾須持以定見不為所愚庶不至受其盤剝自貽後
悔爾當督同部落人等安居樂業不可輕易更動儻張格爾竄至
附近地方爾能偵獲縛送伊犁朕必照賞格賞爾元寶三千錠晉
封爾以王爵示承恩眷延及子孫爾既受茲寵錫益當感恩出力
永為天朝屏翰仰副朕撫遠綏來至意○丙戌以吉恒為四川按
察使○乙未召福蘇來京調松廷為倉場侍郎保昌為兵部右侍
郎誠端為盛京工部侍郎署左副都御史○己亥辛從益以病免調白鎔

為吏部右侍郎以申啓賢為工部右侍郎輔士勳○是月緩徵江
蘇海州等三十一州縣衛水災舊欠額賦○是歲朝鮮琉球暹羅
來貢○會計天下民穀數各省通共大小男婦三萬八千三百六
十九萬六千九十五名口各省通共存倉米穀三千一百五十五
萬二千七百六十九石二斗四升四合八勺

東華續錄 道光十六 三

王先謙

周綱著恭校

七

道光八年戊子春正月壬寅諭朕伯儀親王年已八旬有三精神矍鑠步履強健實為天家祥瑞向來入朝雖得於禁筵乘坐二人椅轎惟露夜不免衝寒究非高年所宜著加恩在紫禁城內乘轎行走並於應得王俸之外每年加賞俸銀五千兩以示朕親親敬長之至意○丙午命英和馳往江南會同蔣攸銛查勘湖河○丁未諭軍機大臣等蔣攸銛奏新漕起運渡黃請將幫船所帶貨物暫行起卸一摺所奏是據稱向來漕船到淮挽過清江福興等閘溜急水深未能迅速以致開壩渡黃易於脫空固由過閘稽遲亦船身笨重所致見在順黃壩誌椿黃水高於清水一尺五寸節交東華續錄

春令能否再行暢消照常啓壩通漕勢難豫必惟渡黃必須迅速無論開壩倒塘總以船身輕便為要本年出運幫船於每船額帶土宜之外准其再加三十石船身喫水更重將來行抵清江萬一仍須倒塘北渡如一船阻滯則河口停淤必致灌放羈延更為全漕之累等語本年新漕起運前經降旨務於四月初十日以前全數渡黃若船身笨重趙渡遲延致誤定限自應豫為籌計著該漕督等接奉此旨即分飭各糧道將幫船所帶貨物於高坂頭地方暫行起卸俟渡黃後再將貨物歸載並合該管河員於各閘多添關纜人夫俟漕船到時即加緊催趙渡黃俾臻妥速以符定限○戊申實授劉彬士浙江巡撫以邱樹棠為刑部右侍郎○癸亥諭三載考績為激揚大典滿漢大臣中如能盡心職守勤勞懋著者自應給予甄敘年老而精力未衰仍堪留任其年力已衰或素有

疾病者亦難曲為姑容此次京察吏部將內外各大員開單具奏朕細加酌覈大學士曹振鏞尚書文孚王鼎王麟移彰阿去歲因贊襄軍務承旨宣勸業經分別施恩此次無庸再行議敘協辦大學士理藩院尚書富俊年已八旬精神強固辦事照常前在吉林將軍任內宣力有年公慎勤果克稱厥職戶部尚書禧恩自節授御前大臣以來勤慎履從管理諸事俱能妥協俱著交部議敘工部侍郎韓鼎晉年近七旬身體多病著以原品休致直隸總督那彥成自調任以來盡心職守操兵緝盜等事不遺餘力甚屬認真閩浙總督孫爾準於道光六年辦理臺灣滋事匪徒遠涉重洋克疎安速俱著交部議敘餘著照舊供職○諭長齡等奏生擒首逆由八百里加緊馳報紅旗一摺覽此捷奏實深嘉悅上年十二月逆裔張格爾糾約布魯特多人欲乘隙除潛入卡倫經長齡楊芳

東華續錄 道光十七

二

分帶官兵探聞該逆向阿爾圖什回莊前來因被黑帽回子四百餘人持械攔阻旋即折竄出卡楊芳帶領官兵連夜趕到卡外喀爾鐵蓋山內追及賊尾分路兜剿立斃賊匪二百餘人該逆在前率領馬賊三百餘人迎面衝突我兵排槍抵敵先令馬隊官兵鈔及賊後領隊大臣阿勒罕保等復分路帶兵下壓賊匪向山溝逃竄我兵力追勦斃三百餘人僅獲馬賊三十餘騎擁護該逆上山總兵胡超等飛騎直前追捕山高路滑賊棄馬而上胡超等率領官兵回子亦棄馬窮追斃賊五名餘賊滾山逃竄復奔大路該逆止賊賊匪十餘名擲石回擊都司段永福及額爾古倫胡超各帶兵擁上山巔盡力追及該逆情急將欲自刎胡超段永福錫伯馬甲訥松阿舒與阿兵丁楊發田大武等奮力生擒並獲賊目八名餘賊斃戮無遺飛章奏捷此皆仰荷 昊蒼嘉佑 祖 考垂

麻俾得元兇就縛遺孽剪除洵足以安邊徼而快人心朕寅威之餘與中外臣民同深慶幸長齡等統師進剿若能於克復喀什噶爾時就地擒渠其顯功不續當與兆惠阿桂後先媲美見遲至十月久始將該逆擒獲功已稍次惟念該將軍等督率官兵不避艱險於卡外臨陣生擒巨魁檻送京師與檄諭外夷設計縛獻者迥不相同其在事將領官兵等爭先效命自係該將軍督率有方仍當渥沛殊恩用昭懋獎長齡著加恩錫封威勇公爵世襲罔替並賞戴寶石帽頂兩團龍補服授為御前大臣賞用紫韁換戴雙眼花翎並解賜佩囊二件寶石頂一箇雙眼花翎一支龍補一副白玉雙喜翎管一箇御用白玉搬指一箇白玉吉祥如意佩一件黃辦珊瑚豆大荷包一對小荷包四箇楊芳著加恩錫封果勇侯爵世襲罔替並賞用紫韁換戴雙眼花翎在御前侍衛上行走並東華續錄 道光十七 三

領賞雙眼花翎一支白玉巴圖魯翎管一箇御用白玉壽字搬指一箇黃辦珊瑚豆大荷包一對小荷包四箇其子有無官職見年若干著查明具奏長齡楊芳並開復一切處分楊遇春武隆阿雖未與其事惟前曾督兵進剿克復四城此時首逆就擒大功告成亦應量予恩施楊遇春武隆阿任內一切處分悉予開復總兵胡超著加提督銜賞給騎都尉世職並頒賞白玉翎管一箇白玉搬指一箇大荷包一對小荷包四箇總管額爾古倫著賞加副都統銜都司段永福著賞給雲騎尉世職仍以參將即行升用並頒賞白玉翎管一箇白玉搬指一箇大荷包一對小荷包四箇馬甲訥松阿著賞給佩勇巴圖魯名號舒興阿著賞給紹勇巴圖魯名號俱仍以防禦即用兵丁楊發著賞給直勇巴圖魯名號田大武著賞給確勇巴圖魯名號俱仍以守備即用上四員均照例賞戴

花翎貝子伊薩克自軍興以來諸事奮勉實心出力茲復帶領回眾隨同楊芳等出卡擒賊忠勤可嘉著加恩晉封郡王並頒賞白玉翎管一箇白玉搬指一箇大荷包一對小荷包四箇所有在事出力官弁兵丁著查明秉公保奏候朕施恩其攔阻張逆之黑帽回子四百餘人及隨同伊薩克出卡回子著長齡等查明分別從重獎賞見據該將軍派誠端等押解張逆來京進關後著沿途督撫派令文武大員帶兵接站接替護送毋稍疏虞長齡自赴回疆總統軍務宜力年餘今得獲此大功旋師奏凱著俟那彥成到彼將善後一切事宜詳細交代即迅速來京展覲以慰廑懷將此宣諭中外知之○諭我朝定鼎以來 關帝屢彰靈佑昨據長齡等奏上年張格爾煽亂遣其逆黨擾近阿克蘇富官兵衝擊之時斗起大風塵沙飛揚該逆等遙見紅光燭天遂被殲擒又長齡等督兵進剿師次渾河沿該逆等竟夜撥營風起猛烈官兵乘風衝賊俘敵無算次早接仗時據獲賊僉供又見紅光中兵馬高大不能抵敵即各竄逸此皆仰賴 關帝威靈顯赫默職賊魄用克生擒巨魁永靖邊圉應加展誠敬以期億萬年護國安民著禮部擬加封號數字具奏用答 神麻尋議上得旨加威顯二字封號○甲子以李宗瀚為工部左侍郎 由左副都御史遷 ○翰林院侍講學士銜秦承業卒贈三品卿銜賞治喪銀三百兩○乙丑諭自道光六年喀什噶爾用兵以來軍機大臣曹振鏞等任朕運籌軍務夙夜勤勞承書諭旨巨細無遺去歲因四城雖復首逆未獲曾經稍示恩榮朕意未愜茲元兇生獲紅旗報捷軍機大臣等尤當再沛恩施用昭獎勵大學士曹振鏞著晉加太傅銜賞用紫韁吏部尚書文孚著晉加太子太傅銜賞用紫韁戶部尚書王鼎著賞戴花翎兵部

尙書玉麟著晉加太子太保銜工部尙書穆彰阿著晉加太子少保銜卽在軍機大臣上行走仍俱著照軍功交部議敘其滿漢軍機章京等著軍機大臣編列一二三等候旨施恩○諭楊遇春自簡署陝甘總督以來辦理諸務悉臻妥協前因逆回滋事授爲參贊大臣差赴軍營上年進兵克復喀什噶爾英吉沙爾葉爾羌皆係楊遇春身親督率其派委將領收復和闐亦復調度有方實爲盡心出力著加恩賞授陝甘總督○定回疆員弁管轄考覈章程並增給養廉○丙寅晉蔣攸銘太子太傅復英和太子太保○命那彥成仍帶欽差大臣關防赴喀什噶爾借楊芳辦理善後事宜○戊辰諭昨因車臣汗阿爾塔什達等在理藩院具呈請復奉祀清吉斯汗墳墓舊有之太師等虛名托津富俊二人意見不同各自具摺請旨此案於道光四年經前任歸綏道岳祥等將達爾哈

東華續錄

道光十七

五

京口駐防修屋費殺徵山東濟甯等四州縣衛新舊額賦二月壬申 上御經筵○癸酉以萬方雍爲湖南按察使由內閣士○甲戌諭軍機大臣等長齡等奏訊明擊獲賊目分別辦理一摺此次在喀爾鐵蓋山生擒賊目及陸續接獲活賊梟子駢誅並將賊目邁瑪特玉素普等九犯於昭忠祠前盡法處治摘心致祭忠魂庶可稍紓積憤惟叛逆伯克博巴克與邁瑪特呢雅斯等俱係逆裔親信夥黨得受僞職前由霍罕逃出往尋張逆又於途次迎拒傷及官兵必應查拏務獲盡法懲辦以申國憲見在首逆就擒餘黨悉獲而博巴克等逆賊尙在稽誅會否查有下落諒總不過在近卡各部落藏匿務當設法擒捕更不值動用大兵至所奏阿坦台聞知張逆被獲業經遠竄該將軍檄諭汰劣克等責令阿坦台按捕零賊贖其前罪但使其知感懼不必盡以法繩所見

東華續錄

道光十七

六

佑 宗社鴻庥迅奏膚功永安邊徼朕方日深祗懼豈肯崇尙虛文欽惟我 列祖聖德神功超越往古殊勳彪炳史冊昭垂康熙乾隆年間廷臣屢請加上尊號俱未 允行仰見 聖懷沖抑洵足為奕禩法守惟念銘勳偃武皆由 聖母福庇國有大慶允宜祇循令典備極顯揚朕謹當躬率王大臣等加上 皇太后徽號共申賀悃用昭 慈幃燕喜所有應行典禮其敕所司敬謹詳議以聞○丁丑諭吏部將長齡等公爵侯爵應作何等秩之處查照定例請旨大學士長齡著封為二等威勇公陝西固原提督楊芳著封為三等果勇侯○諭軍機大臣等此次回疆用兵自渾巴什河堵禦賊匪痛加殲戮已為勦賊先聲迨大兵雲集先將柯爾坪伏匿回匪勒洗淨盡絕其應援嗣是長驅直入勢若摧枯迅復四城生擒大魁凡我將士勞績卓著均應給成戰圖以彰武成盛典東華續錄 道光十七 七

著將渾巴什河柯爾坪洋阿爾巴特沙布都爾莊阿瓦巴特攻克喀什噶爾克復和闐及喀爾鐵蓋山各戰功繪圖八分所有各該處山川形勢及將帥士卒若何督兵若何接仗各情形詳晰聲敘分條貼說迅速具奏○癸未以慶敏陳用光俱為內閣學士兼禮部侍郎銜陳用光由詹事選多山楊懌會俱為左副都御史候補四品京堂楊懌會 ○癸巳免忠良回裔被殺後悔罪歸誠之邁哈默特鄂對等治罪○左都御史史致光卒予祭葬○丙申予前明直隸舉人孫奇逢從祀 文廟

三月庚子朔日有食之○諭英和等奏查勘湖河各工完竣一摺前據張井等奏湖河應辦要工四條經朕特派英和馳往江南會同蔣攸銛查勘茲據英和等勘擬情形分別緩急具奏內除添作埽壩一項不能疏通積淤徒糜經費無庸置議並海口接築長隄

俟一二年後察看辦理外其高堰山肝兩廳加砌湖隄石工運河廳修建劉老湖石壩揚河廳西岸補砌石工俱列為急辦中河廳補還南岸緯隄為糧運經行要道亦應及時修整著張井等俟今冬水涸時再行確估又揚河廳西岸增培緯隄揚糧廳東西兩岸補修緯隄甄石並移建昭關壩及林家西建立滾水石壩等工俱列為次辦至高堰山肝兩廳洪湖大隄一律幫寬五丈需項較多著自明年春開為始分三年趕辦見據約估銀三百八萬七千八百餘兩內除劉老湖石壩及堰肝湖隄石工揚河廳西岸加補石隄並修整殘缺土工需銀三十三萬三千三百餘兩業經張井等於奏准撥銀十萬兩先行動用其餘銀二百七十五萬四千五百餘兩著照所請准其分年與辦隨案陸續奏撥此次勘估各工勦帑甚鉅該河督等務當認真督辦嚴切稽查總期料足工堅悉歸實用毋得少有虛糜致干咎戾○壬寅 上幸南苑行圍○癸卯准慶祥入伊犁祠祀○戊申 上還京師○辛亥 上親耕藉田○壬子賞楊芳子承注舉人一體會試○癸丑 上臨故喀爾喀郡王蘊端多爾濟圖居賜奠○甲寅允廷臣請編 御製詩初集○辛酉挑浚吳淞江工竣○以捍湖效靈予故松江府知府附太僕寺卿周中鈇祠祀於吳淞江岸立專祠○甲子以回疆平定頒御製詩勒石喀爾鐵蓋山○己巳諭試差年分停翰林院翰班引見例○是月貸直隸開州等六州縣貧民口糧緩徵直隸滄州等十一州縣水災旱災新舊額賦長蘆嚴鎮海豐二場水災蠲課夏四月乙亥封未婚守志莊襄親王縣課女為誠節和碩格格○戊寅諭軍機大臣等署喀什噶爾阿奇木伯克伊薩克自軍興以來諸事奮勉實心出力忠勤可嘉前經降旨加恩晉封為郡王朕

恩乾隆年間出力回臣如額敏和卓玉素布俱會用為回城辦事大臣伊斯堪遜爾會任喀什噶爾幫辦大臣見在伊薩克於喀什噶爾情形自為熟習其能否堪勝該處幫辦大臣之任著那彥成等留心察看據實覆奏又諭此次平定回疆生擒巨魁大功告成軍營將帥或督率有方或轉戰克捷應擇其勞績卓著者圖像紫光閣以彰武功著楊芳武隆阿各繪小照一分並繪伊薩克小照一分附報呈覽以便繪圖○庚辰以長齡凱旋命其子內閣學士桂輪馳驛往迎並頒賞珍玩○丙戌以全漕渡黃將攸鈺訥爾經額下部議敘賞張井三品頂帶潘錫恩四品頂帶○戊子新修玉牒成○己丑諭軍機大臣等那彥成奏回疆大槩情形所奏俱是向來安集延進卡貿易轉販內地大黃茶葉硝磺接濟外夷漁利其流寓各城者均已私行置產安家與卡內回民無異乃相率東華續錄 道光十七 九

行裁汰前據那彥成奏請加增各城大臣養廉業經降旨分別酌量加增其司員筆帖式等亦著籌議加增鹽菜銀兩茲據奏擬將見辦地畝徵收糧石內籌議津貼各城大小官員自己足敷辦公斷不准再有收受陋規違者嚴參懲辦見在各該城應辦事宜尚多那彥成請與各該大臣會商辦理所見極是此後事關善後者著隨時會商妥議具奏○辛卯添設阿克蘇防兵並移所屬拜城營弁兵隸之○是月貸山西代州等二十四州縣歉收湖北駐紮災區荆州水師各營倉穀緩徵江蘇海州等四州縣山東陽穀縣災歉額賦

五月乙己以淮鹽滯銷申諭江蘇安徽湖廣各督撫飭屬緝私○已酉以逆裔張格爾解送至京遣官告祭 太廟 社稷行獻俘禮○庚戌 上御午門樓受俘逆裔張格爾交王大臣刑部嚴訊東華續錄 道光十七 十

○晉長齡太保賞三眼花翎加楊芳太子太保○壬子 上御廓然大公殿廷訊逆俘張格爾罪○諭逆裔張格爾著即寸磔梟示派協辦大學士尚書富俊尚書明山侍郎鍾昌奕經前往監視行刑慶祥以喀什噶爾參贊大臣遭變被因力竭捐軀領隊大臣副都統烏凌阿因帶兵圍捕臨陣殉難皆由該逆倡亂以致傷我大臣殊堪髮指著慶祥之子侍衛文輝烏凌阿之子侍衛忠泰同往市曹看視俾抒積憤並將該逆摘心交文輝於伊父慶祥墓前致祭用慰忠魂○諭回疆未隸版圖以前各城回眾內受準噶爾之欺陵外遭布噶特之擄掠幾致日不聊生迨我朝戡定以來輕徭薄賦減免者奚啻倍蓰而布噶特亦多向化歸誠咸得各安生計縱有逆首遺孽偷生卡外亦不過亡命逋逃原可網開一面從前逆裔薩木薩克等雖在卡外潛滋煽惑尚未敢公然肆逆乃張格

爾以伏匿餘生竟敢妄生覬覦而布魯特安集延又利彼剽掠助其逆焰遂致屢擾邊圉前年復又入卡煽亂句結逆回抗我顏行傷及大臣官兵竊據四城罪大惡極實為天討所必誅前此命將出師大申撻伐天戈所指有戰皆捷四城迅就蕩平而逆首竟至鼠逸彼時朕即料該逆自作不靖荼毒生靈斷無久稽顯戮之理是以屢諭將軍參贊等總宜設法掩捕不值多勞兵力今幸神靈其魄天網自投業經檻車解京獻俘 廟 社本日廷訊盡法懲治寸磔梟示實足以申國憲而快人心在該逆自取誅夷固無足論惟各城回子受天朝覆育深恩垂六十餘年何至自外生成甘就夷滅總由惑於崇信和卓之習未能消除致被煽誘詎知逆首當竊據之時惟事誅求悉索迨天討所加亦窮蹙奔竄其伎倆不過如是各城回戶中能深明大義矢志忠誠者固不乏人而聽其東華續錄 道光十七 十一

脅誘死於鋒鏑者亦復不少何迷而不悟一至於此見在元惡伏誅邊疆大定該回眾等益當明於順逆之理咸思怙冒之仁懷德畏威交相誠勉慎勿冥頑不靈受人愚惑庶可奕世蒙庥永享昇平之福也將此通諭中外知之○乙卯命奉天吉林圍場添設卡倫以資巡緝○丁巳命繪平定回疆功臣揚威將軍大學士威勇公長齡參贊大臣固原提督烏能伊巴圖魯果勇侯楊芳參贊大臣陝甘總督莽阿巴圖魯一等男楊遇春喀什噶爾參贊大臣阿勒精阿巴圖魯武隆阿都統西朗阿巴圖魯威勇侯哈喇阿護軍統領喀屯巴圖魯阿勒罕保提督銜署固原提督莽阿巴圖魯胡超貴州提督法福哩巴圖魯余步雲庫爾喀喇烏蘇領隊大臣副都統巴哈布副都統奇成額巴圖魯蘇清阿克蘇辦事大臣副都統長清塔爾巴哈台參贊大臣達凌阿多羅郡王博多歡武巴

圖魯伊薩克察哈爾都統格細額巴圖魯安福頭等侍衛法式尙阿巴圖魯巴清德直隸提督強謙巴圖魯齊慎吉林副都統薩奇克起巴圖魯吉勒通阿安徽壽春鎮總兵官伊清阿巴圖魯郭繼昌喀什噶爾幫辦大臣副都統銜果勒明阿巴圖魯額爾古倫陝西西固營都司即補參將阿察本巴圖魯段永福頭等侍衛塔爾巴哈台領隊大臣德勒格爾桑頭等侍衛額圖理巴圖魯華山泰甯夏副都統沙噶巴圖魯伊勒東阿吉林協領剛安巴圖魯壽昌黑龍江協領喀勒崇依巴圖魯鄂爾托彥黑龍江協領阿勒金圖巴圖魯金陵阿黑龍江總管副都統銜舒凌阿伊犁察哈爾總管扎布都勒噶巴圖魯烏齊拉爾三等侍衛維克托巴圖魯得勝額吉林佐領博啓巴圖魯烏凌額吉林佐領蘇彰阿巴圖魯德成額黑龍江佐領蘇爾巴圖魯占布黑龍江佐領扎薩克圖巴圖魯阿東華續錄 道光十七 十二

勒吉訥伊犁錫伯佐領齊朗阿巴圖魯德克精阿伊犁索倫副總管達哈遜巴圖魯哈丹保伊犁錫伯馬甲防禦銜驍騎校法福哩巴圖魯訥松阿伊犁錫伯馬甲防禦銜驍騎校西喇球阿巴圖魯舒興阿陝西馬兵升甘肅甯遠堡守備西吉爾璋巴圖魯楊發陝西馬兵升撫標左營守備騰奇楚克巴圖魯田大武欽差大臣直隸總督那彥成四十人像於紫光閣 御製序曰兵凶戰危古人垂戒深矣然兵可百年不用豈可一日無備歷觀史冊凡開初之初無不兵強將勇中葉以後享承平而尚安逸率以偃武為辭不加練習設遇不逞之徒將何以禦之漸形衰弱職此之由也夫偃武非棄武也蓋不可無故與戎貪功搆戮又豈可不訓練於平時以待不得已之用也况我大清 龍興東土統壹寰區 祖 宗之神謨大烈無遠弗屆伊古以來幅員未有如今日之廣大疆域

愈廣保守愈難予小子仰承 皇考付託之重兢兢業業勉紹鴻圖于今八載深恐弗逮幸天下又安海內無事乃和卓木逆裔張格爾者包藏禍心殆非一日突逞狼貪擄我 皇祖所開之邊域戕害我官兵此國法所難容人心所共憤者也事已至此豈容置之而弗顧實應兵非佳兵也于是特簡元戎邁徵勁旅雖萬里而遙諸端匪易志先定默叩 天 祖勉竭寸忱非敢邀功拓土止以失守舊疆是懼且醜虜無厭得隴望蜀其事尙可言乎幸賴 上天鑒佑 祖 考神威三戰三捷四城繼下附逆眾回雖云喪膽特首逆未擒厥功未竟也豈料逆惡貫盈天奪其魄遂爾故智復萌仍思煽誘揚威將軍長齡參贊大臣楊芳急率精兵不舍晝夜莫不抒忠勇奮雄威卒追擒之獻俘告捷威震邊荒在朕曷敢以功自居而將軍將士不避艱險成此大功於以見我朝東華續錄 道光十七 七

人材輩出其可泥不傳乎回疆大兵之餘撫綏尤要朕命那彥成前往籌辦善後事宜剔除積弊整飭官方規畫周詳厥功甚偉較之掃穴擒渠戰績未可遽分軒輊允宜列其名於諸臣之左與長齡後先輝映而斯事之成始成終亦可昭示來許爰命圖四十功臣像於紫光閣親為製贊所以彰偉績而表殊勳一遵 成憲敬誌保大定功守成不易兵非不得已而不用之意也○命繪軍機大臣曹振鏞文孚王鼎玉麟像於紫光閣 御製序曰朕承大寶日理萬幾孜孜焉惴惴焉嘗恐用人行政或致闕失每遇事必虛懷延納不敢自作聰明而軍機大臣曹振鏞等皆能感戴 皇考之遺澤暨朕之信用是以知無不言一心一德即如前歲西陲用兵諸臣夙夜在公襄贊機謀承書諭旨無不盡心盡力與朕同一憂勤而大學士曹振鏞自簡授軍機大臣以來公正慎勤班聯

領袖尤能殫心據實鉅細無遺茲大功告成特欲循照舊章繪入功臣像而朕之不自大其事不自尙其功亦可昭示來許奈曹振鏞等善則稱君真誠遜讓朕亦難於強勉在朕心終未愜也試思漢高祖之大度唐太宗之英明運籌決勝亦必須藉曹房杜輔助而成也矧兵戎爲國之大事朕臨御以來與戎首舉嘉與內文武諸臣各殫心力迅奏膚功不然則成功未能如此其速籌畫未能如此其善也朕思之再三大學士曹振鏞吏部尙書文孚戶部尙書王鼎兵部尙書玉麟允宜別繪一圖親爲製贊以遂諸臣不敢列入功臣之心而又能彰明帷幄之輔弼得人不亦善乎至大學士蔣攸銛已授外任工部尙書穆彰阿軍興之時尙未入直均可無庸繪入是爲厚○諭前據長齡等奏移建葉爾羌城垣並據恒敬等奏勘定舊城迤西罕那里克地方界址當經諭令俟那彥成到彼相度形勢再行辦理茲據該督查明該處滿城原建在回城之西隅形勢偏仄不足以壯觀瞻而資捍禦復將恒敬等所勘舊城迤西三里許之罕那里克地基詳加履勘該處地居高阜渠流環繞移建城垣衙署形勢亦復相宜著照所請准其在罕那里克地方另建新城所需工費卽著在該城查鈔逆產變價項下支撥無庸動用正項○是月貸湖北駐紮欽區黃州協兵丁倉穀六月己巳朔諭湖北學政王贈芳奏請以陳夏從祀兩廡一摺從前嘉慶年間據給事中喬遠煥奏請以陳夏從祀兩廡經部議駁甚是茲該學政復爲此請甚屬冒昧陳夏道悅周孔雖見稱於孟子不在弟子之列又無言行可考稽諸書傳若陳夏者尙復有人如皆濫行從祀成何體制殊失崇文重道之義該學政王贈芳摺拾空言比擬失當著傳旨申飭所奏不准行○癸酉

揚威將軍長齡等凱旋命鄭親王烏爾恭阿等郊迎○乙亥詢本
 日長齡親詣御園恭繳揚威將軍印信朕御勤政殿行抱見禮見
 其精神矍鑠重定邊疆生擒巨寇朕喜悅嘉獎之心實難備述前
 已加恩晉錫公爵並紅寶石帽頂兩團龍補服雙眼花翎紫韁嗣
 因受俘禮成復賞換三眼花翎晉加大保銜茲當凱旋入覲告厥
 成功允宜再沛恩施用酬偉績長齡著賜御用珊瑚朝珠一盤四
 團龍補褂一件並准即行穿用四團龍補服用示朕眷念忠勤懋
 賞發功有加無已之至意又諭揚威將軍大學士公長齡前此奉
 命專征聲威遠播四城迅復巨寇生擒從茲永靖邊陲厥功甚鉅
 朕嘉績酬庸錫封懋賞而外並授為御前大臣以昭榮寵見值振
 旅還朝必思勉奉厥職惟念長齡年逾七旬精力雖健若令照常
 趨直羽衛奔馳轉非所以示優異長齡兼御前大臣不必進內侍
 東華續錄 道光十七 十五

直並無庸辦理該管事件用示朕體恤耆臣至意○諭那彥成等
 奏請建設義祠以慰忠靈等語葉爾羌舊城為前任喀什噶爾參
 贊大臣慶祥之祖義烈公納木扎爾殉節之所向有義祠此次業
 經燒毀見已另建新城著仍在舊城建立專祠春秋致祭並頒發
 御筆匾額以垂久遠○諭軍機大臣等那彥成等奏霍罕遣人投
 書道喜富經遵旨傳諭該夷使即日撥兵八十名酌給口糧押送
 卡外不與傳見亦無犒賞等語前據長齡等檄諭霍罕布噶爾擊
 送逆裔家屬特降諭旨令那彥成到彼看其若何稟覆具奏辦理
 乃霍罕於未奉檄諭之先遣人投書嘗試殊為詭詐那彥成等於
 該夷使到卡時派撥弁兵嚴密訪查不准與流寓安集延及本處
 回子交接亦不准其開包貿易一面遵旨傳諭並未犒賞即行撥
 兵送出卡外所辦深得大體與朕意相同可嘉之至霍罕每借通

市獲利用以恐嚇附近外夷此時惟嚴守卡倫禁絕貿易該大臣
 等務當遵照前旨妥為辦理其從逆違犯總責令布噶特等嚴拏
 縛送不必派兵出卡遠索窮搜至伊薩克見已蓄留髮辮並伊子
 孫及見充伯克各回子等均願蓄留髮辮情詞真切具見愛戴之
 忱洵堪嘉獎其賞世職之回子等願留髮辮固屬可嘉若習俗相
 沿難於驟改亦聽其便所有新建各城應另錫嘉名前已有旨令
 那彥成將各該處舊有名目一併奏明以便頒給著俟奏到時再
 行覈定見在那彥成於接見阿奇木伯克阿渾時宣諭朕意撫綏
 開導並繕發告示譯寫回字張貼各城所辦甚好發去御筆畫扇
 一柄扇套一箇香袋四箇著交那彥成祇領以昭眷注○內大臣
 賽冲阿卒贈太子太師遣散秩大臣往奠賞銀五百兩治喪命皇
 長子奕緯賜奠予祭葬諡襄勤○免喀什噶爾回民正雜地賦○
 東華續錄 道光十七 十六

移建喀什噶爾英吉沙爾城○己卯裁減回疆添防兵額改甘肅
 涼州鎮總兵為喀什噶爾換防總兵移莊浪協副將駐涼州涼州
 中營遊擊駐莊浪改涼州鎮為協○庚辰諭楊遇春奏新疆駐防
 旗員補署丞倅牧令請照例回避一摺口外府廳州縣等官向由
 陝甘兩省實缺旗員內揀選調補茲據該督奏稱近年率多以該
 處駐防年滿之員輒令補署與例不符著照所請嗣後新疆駐防
 旗員當差年滿經烏嚕木齊都統保奏堪膺民社者悉令回避近
 地准其咨送口內對品酌量補署不得仍留該處以杜瞻徇而符
 定制○以富呢揚阿署福建布政使○辛巳諭前經大學
 士軍機大臣議覆那彥成奏回疆積弊請加考覈摺內請將西南
 兩路各城辦事領隊大臣分隸統屬由該將軍都統參贊大臣認
 真考察如將軍都統參贊大臣有不正己秉公者亦准各城大臣

一第 376 冊 續修四庫全書 第 66 卷 正內

據實參奏以資維制當降旨悉照所議本日朕恭閱 皇考仁宗

睿皇帝實錄內載嘉慶六年二月奉 聖諭向來回疆總辦大臣

遇有公事會同協辦領隊大臣等列名具奏其協辦領隊大臣遇

有應奏之事亦准專摺密陳烏里雅蘇台塔爾巴哈台兩處畫一

辦理該二處協辦之參贊領隊大臣有應行據實密陳者俱准於

請安摺便專摺具奏等因欽此仰見我 皇考整飭邊疆豫垂

成憲曷勝欽服本年所議於北路未經並及所有烏里雅蘇台塔

爾巴哈台二處如有應行密奏之事不惟將軍等職司綜領務期

秉公覈實不得稍有瞻徇即將軍參贊等如有不公不法之處該

協辦之參贊領隊大臣亦准其據實密奏總期互相維制以重邊

陲庶幾仰副 聖訓及朕諄諄申諭之至意○甲申諭軍機大臣

等德英阿等奏查明道路籌議情形一摺冰嶺迤西皆係布魯特

東華續錄 道光十七 七

游牧見經德英阿等派令滿多布前往踏勘明確伊犁西南卡外

各站接替馬匹勢所難行其見通南路之軍臺向由厄魯特游牧

此時亦難將該處軍臺輕議改設但既查得此路可以直通烏什

惟中間七站係布魯特地方著那彥成就近酌量實在情形是否

應於無事時豫為修治備而不用抑或竟行封禁以杜偷越之處

悉心籌度據實具奏○乙酉以費丙章為河南布政使開布○

庚寅以興科為奉天府府尹鄭祖琛為江西按察使由兩淮鹽運使遷○

丙申准江蘇前任兩江總督降補主事吳熊光重赴鹿鳴宴賞四

品卿銜○准廣東前任江南水師遊擊陳書重赴鷹揚宴賞副將

銜○是月緩徵山東夏津縣雹災新舊額賦

東華續錄

道光十八

臣王先謙敬編

臣周翰著恭校

秋七月庚子諭我朝肇基東土 橋山弓劍 謨烈昭垂自 祖

宗以來祇修謁 陵鉅典 皇考仁宗睿皇帝臨御二十五年

曾兩次 躬詣陪都恭謁 祖陵朕實承 統緒已經八載無日

不以躬親展謁為念見在回疆大功慶成雖於本年遣王恭代祇

告尚不足以申悃忱特涓吉於明年八月十六日恭奉 皇太后

安輿自京啓鑾由山海關一帶前赴盛京恭謁 三陵所有一切

典禮事宜著各衙門照例敬謹豫備此次巡幸盛京與每年展謁

東陵 西陵無異各該地方官承辦差務總當仰體朕意力從

節省屏絕繁文所有橋梁道路止須修墊平坦以利進行其各處

東華續錄 道光十八

應修工程均著照舊略為修葺儻仍有前項踵事增華致滋糜費

虛文之弊必重懲不貸至向來辦理大差往往以供應為名藉端

擾累著概行禁止○辛丑諭前因伊薩克實心出力忠勤可嘉諭

令那彥成等看其能否堪勝幫辦大臣之任據實覆奏茲據奏伊

薩克遇事奮勉頗具忠誠其才實屬可用伊薩克著即以喀什噶

爾阿奇木伯克加恩作為該處幫辦大臣仍照伊薩克達爾幫辦

之例一切營制軍民交涉事件不准干預凡遇回務與邊外各事

宜准其會銜具奏名列幫辦大臣之次以示優獎至土爾扈特汗

前因西四城軍興協濟蒙古兵丁打仗出力恭順可嘉近已有旨

加恩將策登多爾濟並其弟白吉呼恩臣多爾濟均賞花翎矣又

另摺奏和闐幫辦大臣富盛阿年力漸衰辦事不洽與情富盛阿

著以原品休致該員曾經出師著續著兵部照例覈辦○諭那彥

成奏敬陳回疆歷年補放伯克積弊擬定章程一摺所議甚屬周
 妥定例各城大小伯克缺出由本城大臣擬定正陪咨送喀什噶
 爾參贊大臣驗放分別奏咨見據那彥成等查明從前伯克缺出
 往往有賄屬營謀等弊積習相沿回民受累見在回疆底定首重
 撫綏欲戢眾心先清弊竇自應明定章程以垂久遠查照所議嗣
 後各城三品至五品伯克缺出由本城大臣查明先儘出力受傷
 或家口被害之人次儘死事人之子孫次儘出力世家並視其人
 才能否辦事逐細聲明照內地體制造具四柱清冊一勞績二資
 格三人才四家世填註事實出具切實考語將應升應補之人開
 列四五員咨送參贊大臣驗看其應升之員亦定為歷俸三年之
 例俸滿者方准保送如有蒙混不清即行駁查如果覆覈無異即
 照各城大臣原送考語開單奏請補放此後該伯克犯有公過與
 東華續錄 道光十八 二

原保大臣無涉若有擾累回眾或將已革陋規改易名目斂錢肥
 己等事一經發覺即將原保大臣嚴加議處其六七品伯克及金
 頂回子缺出由各城大臣詳加遴選查明俸滿應升及應補之人
 亦造四柱清冊著保三四員咨送參贊大臣驗放無庸具奏仍咨
 明理藩院查覈此外回子工匠及阿奇木家人並在京為奴遇赦
 釋回之回子均因通曉漢語充當通事各城辦事大臣以其富差
 熟識或賄徇情面遂至違例升用伯克此輩出入衙門內外串通
 遇事滋擾著於見在伯克內查明如有曾充工匠家人及有罪赦
 回之犯有已放伯克之人即行斥退以後此等出身之回子充當
 通事不准升補伯克至各城阿奇木伯克伊什罕伯克都管伯克
 均有經管糧賦差徭之責一切苛派弊竇皆出其手乾隆年間舊
 例大伯克回避本城小伯克回避本莊近來阿奇木伯克多用本

城回子小伯克以本莊之人辦本莊之事該伯克等情形熟悉剝
 削尤甚嗣後升補各城阿奇木伊什罕都管等伯克回避本城五
 六七品伯克回避本莊如有蒙混錯誤補放者理藩院查出照例
 請旨交部議處該參贊大臣仍隨時密訪如有前項各弊嚴行參
 奏從重辦理以昭炯戒至舊制英吉沙爾屬於喀什噶爾和闐屬
 於葉爾羌屬城與本城著一律回避○裁喀什噶爾副將一添設
 遊擊一都司三守備六千總十一把總二十外委二十六添設英
 吉沙爾守備把總外委各一裁葉爾羌副將遊擊都司各一改設
 參將一添設守備二千總一把總二外委三裁阿克蘇遊擊二改
 設參將一添設都司一守備二千總把總各一外委三裁烏什參
 將守備各一改設副將一添設都司一把總二外委四○癸卯諭
 恭閱 皇考仁宗睿皇帝實錄內載嘉慶七年四月奉 上諭國
 東華續錄 道光十八 三

家設官內外各有體制督撫身任封疆自司道而下皆係幫同辦
 事之人至署中一切案牘自有幕友襄理若由部院簡放督撫者
 皆得各帶所屬司員前往辦事恐司員等揣知該堂官堪膺外擢
 深為趨奉一經簡放督撫即可帶往辦事補用道府易啓屬官營
 求之弊亦不可不防其漸嗣後在京部院大臣除有兵差審案等
 事仍准隨帶司員外其餘放督撫及署理督撫者不但不准請帶
 御史即所屬官員亦均不准奏請隨帶如有違例陳請者即當交
 部議處以肅政體而杜弊端將此通諭知之欽此仰見我 皇考
 整飭官方杜絕貪緣之至意曷勝欽服必當恪遵 聖訓永遠奉
 行因思上年蔣收錫簡放兩江總督奏請隨帶司員王瑞楛前往
 差委俟有相當知府缺出酌量奏補彼時雖准所請究與 皇考
 前降諭旨不符且人才隨地皆堪任用豈必須隨帶之員方足以

資治理王瑞徵著即撤任回京仍在原衙門行走嗣後在京部院大臣簡放督撫及署理督撫者俱著遵照舊章不准奏帶所屬官員以符定制違者朕必重加懲處不貸○已酉諭松筠奏請將未完交項以都統養廉全行扣繳一摺松筠前於嘉慶四年在陝甘總督任內借用養廉銀兩除陸續扣還及奉 恩旨賞免外尙未完銀八千兩又道光二年管理崇文門稅務分賠銀兩除措繳外尙未完銀一萬三千餘兩茲據奏請以每年應支都統養廉全行坐扣陸續完款松筠宣力中外歷有年所其操守廉潔朕所深知所有二項共應支銀二萬一千餘兩著加恩全行寬免以示朕體恤耆臣至意○癸亥賞已故山東曹州鎮總兵劉清子生員瑩舉人○丙寅諭德英阿等奏籌撥稽查北路茶葉大黃章程一摺所議詳細周妥前據那彥成奏稱張格爾滋事悉由安集延內外句東華續錄 道光十八年 四

結請嚴禁安集延貿易茶葉大黃出卡降旨飭令體察情形嚴立章程實力稽查以杜偷漏茲據德英阿等奏南路章程由那彥成議定具奏其界在北路之伊犁塔爾巴哈台在毗連哈薩克布魯特之部落及南路各城必須一律設法嚴禁向來卡外如霍罕諸回部落多食雜茶細茶往往私販出卡有流寓伊犁之安集延豫用重價購買每俟哈薩克貿易事竣時潤雜攜帶以致每年茶葉私販出卡者竟有十餘萬及二三十萬之多該安集延等並有夾帶硝磺違禁諸物於邊防大有關係欲禁安集延交通之弊必先禁外夷所用之茶見在出卡者多係細茶雜茶皆北商自歸化城私販由古城轉運伊犁等處爲安集延偷販出卡之用著卽嚴行禁止不准販入伊犁及塔爾巴哈台境內以絕安集延私販之弊其大茶斤茶安集延外夷尙不與販亦係北商運賣便於兵民

嗣後准其販運其副茶一項向日伊犁置辦官貨時搭買三萬餘斤聽官兵領買著自明年爲始再加置副茶數萬斤隨時酌定數目卽配官引運至伊犁存貯備用毋使奸商居奇以致兵民食貴至大黃一項兵民咸需無幾著一律稽察妥爲辦理所有行茶之法應安設官商經理著烏嚕木齊都統陝甘總督酌定伊犁塔爾巴哈台兩處行商無論商北商均屬便於稽查其未定官商以前商民所販之茶葉大黃著於經過烏嚕木齊時由該都統發給印票註明名色斤數以便查察並於緊要隘口派委官兵驗明與票相符方准放行稍有夾帶雜茶細茶卽照私販究辦儻該官兵等有勒索賄縱及隱匿偷漏情弊查出一併嚴懲並著庫爾喀喇烏蘇領隊大臣派員在所屬之奎屯地方設卡嚴密稽查逐起備文報明伊犁塔爾巴哈台兩處及販至伊犁由該大臣等派委官東華續錄 道光十八年 五

兵在塔爾奇第一臺站復行稽察已刻之後責成撫民同知設立循環簿按月彙數詳報並著知照塔爾巴哈台參贊大臣等一體辦理至伊犁境內各卡倫每於哈薩克貿易事畢派協領等員稽查迭加並無私販茶葉大黃出卡甘結如有偷漏私販將出結加結之員嚴參懲辦以除安集延交通之弊見在安集延因不能私販無利可謀大半自願出卡各歸部落所有寄居伊犁之安集延內有願歸該部落者給與路票分起解送其居住在十年以外者准其編入伊犁種地回子戶籍一體耕種當差不准婚娶置產仍飭該管理事同知等隨時嚴查如有囤積私茶從重懲辦伊犁塔爾巴哈台兩處均無放寬富戶領運官茶著烏嚕木齊都統於議定官商後商民販運副茶卽以配引爲憑其大茶斤茶以古城官商載記爲憑伊犁塔爾巴哈台兩處行銷以該都統印票爲憑無

配引載記印票者悉照私茶懲辦至伊犁歲需茶葉總數著於一年後酌定確數行知陝甘總督及烏魯木齊都統定數配引運銷永遠奉行○是月貨浙江乍浦駐防修屋費

八月庚午諭朕每日召對內外大小臣工分起進見一遵舊制法至善也但宮中園內以及巡幸處所殿宇規模不一頗有不能嚴密之處亦不可不防其漸嗣後無論何處凡豫備次起召對之人及奏事處帶領之總管首領太監等俱著在廊下祇候不准擅進明殿著軍機大臣傳知奏事處總管太監王住責成伊隨時稽查本處首領太監等如有不遵約束之人據實奏聞候旨辦理與伊無涉若日久生懈稍有不慎情事一經發覺除本人從重治罪外總管太監一併重處不貸並著軍機大臣等留心查看一有弊端即行參奏諒卿等必能體朕之心也著將此旨於宮內圖明圍軍

東華續錄 道光十八

六

機處奏事處各錄一通敬謹懸挂永遠遵循毋忽○甲戌 上御

正大光明殿賜揚威將軍大學士威勇公長齡並隨征將士王公大臣朝鮮使臣等宴長齡奉觴上壽 上親賜卮酒餘命侍衛分

賜授飲並賞賚有差○諭那彥成奏裁革各城陋規條款一摺所奏甚是回疆各城大小衙門一切需費繁多阿奇木伯克等往往藉辦公之名向各回戶攤派苛斂從中肥己據那彥成等查明相

沿陋規分別條款或此有彼無或此多彼少其尤甚者每月按戶派錢名爲克列克里克如有不敷再行續派名爲色里克似此行

同饕餮殊出情理之外若不嚴行禁絕何以安回眾而靖邊陲著照那彥成等所議即將前項擾累之事勒石永遠革除一勒各城

大臣衙門一勒各城阿奇木衙門通行刷印分貼各回莊明白曉諭並令各城大臣按季查照有無干犯例禁之人報明參贊大臣

每屆年終彙奏一次至伊犁將軍統率各城尤當破除情面認真查察儻章京伯克等違禁滋擾該管大臣奏明嚴辦若瞻徇容隱經參贊大臣查奏即將該管大臣照例議處各城大臣或受已禁陋規或改易名目仍有侵削參贊大臣奏明參辦即照乾隆年間格額額之例立行正法所有濫應中飽之阿奇木等亦予正法若參贊大臣不能潔身表率干犯禁令及徇庇各城大臣有犯不辜著伊犁將軍訪查參奏並准各城大臣指實揭參如將軍有瞻徇容隱情事別經發覺除將不法之員治罪外定將該將軍一併嚴懲決不寬貸至各城回子如有受該處大小官員賂削者准其赴參贊將軍各衙門呈控如該衙門不爲究辦即於年班進京時赴理藩院呈控備理藩院仍不代奏准其赴在京各衙門控告所控得實免其坐罪其申訴不實或未經在參贊將軍等衙門呈告者

東華續錄 道光十八

七

仍照例治以誣告及越訴之罪自此次明定章程各城大小臣工務當各矢天良潔己奉公毋得仍前敢致干咎戾將此通諭知之○己卯以成格爲熱河都統調盧坤爲廣東巡撫以徐沂爲山

西巡撫史譜爲陝西布政使前任雲南布政使○召戴聰來京以烏爾恭額爲山西布政使由貴州貴州東道遷○丙戌諭瑞親王餘忻自本年春間

邁疾半載有餘醫治未愈不意其未及壯年遽爾薨逝聞之殊爲感惻著賞給陀羅經被派本日在園值班之散秩大臣吉祥保帶

領侍衛十員前往奠醴並派總管內務府大臣敬徵辦理喪事所有一切事宜及將來營建園寢均山官爲經理其餘飾終典禮著

該衙門查例具奏尋諡曰懷○丁亥諭那彥成等奏嚴禁奸商私販茶葉並設局稽查一摺甘肅官引額銷茶葉本年例應出關二

十餘萬封近來行銷竟至四五十萬封之多顯係以無引私茶從

中影射其行銷各城又復遞加價值每副茶一封售銀七八兩至十餘兩不等此等奸商私販句通外夷剝削回眾不可不嚴行禁絕見據那彥成等酌請每封官為定價阿克蘇價銀不得過四兩喀什噶爾葉爾羌不得過五兩作為永定之價不准增添並於嘉峪關地方照殺虎口歸化城張家口等處設立稅局阿克蘇照古城設立稅局喀什噶爾葉爾羌為行銷總要之區均設立稅局稽查奸商私販以杜流弊俱著照所議辦理其詳悉章程著那彥成等另行妥議具奏尋議上命大學士托津長齡協辦大學士富俊會同戶部嚴議尋奏商人販茶遠赴口外行銷原為利往如層層納稅節節盤驗恐商人仍取給於食茶之人茶價勢必增昂回民轉滋苦累若慮回民買食價昂抑勒商人減價銷售尤恐該商等裹足不前回民或致乏食關繫非淺且原奏內稱商人因避西四東華續錄 道光十八年 又

城茶稅將茶斤賣與東四城回子轉運西四城販賣若令回子在西四城一體納稅是因徵商稅而並及回眾於邊地尤不相宜查烏里雅蘇台科布多二城向食北口商茶並未議徵稅課今伊犁等處同係口外地方若令該處兵民買食納稅費茶亦不足昭平允俱無庸議從之○那彥成等奏驅逐南路各城流寓在十年以內安集延回子出卡查起囤積茶葉大黃入官其餘未經驅逐各外夷一體編入回戶當差種地如有干犯禁令及囤積違禁物件即行驅逐每年逐出若干將增減戶口責成參贊大臣查覈具奏一次數年之後不難驅逐淨盡得旨數年後果能驅逐一空豈非安邊之良策總要實力奉行斷不可日久疏懈又奏各城見充伯克之回子等均因伊薩克得蒙恩獎紛紛請留髮辮以表愛戴之忱但漫無區別轉不足以示優獎應請嗣後凡阿奇木以下至四

品伯克及盡忠有功伯克之子孫方准蓄留髮辮以昭寵榮其餘俱不准妄自蓄留以示限制從之○已丑諭瑞親王蘇忻薨逝伊子奕約甫及周歲著派定親王奕紹管束伊府中大小官員人等內務府大臣敬徵管束首領太監並一切家務妥為經理其園內居住之房屋著內務府管園大臣於瑞親王靈柩進城後派員接收看守俟奕約及歲時再行賞給居住○壬辰命直隸承德府屬刑錢案件改歸熱河都統辦理○甲午定喀什噶爾城名按武葉爾羌城名嘉藝英吉沙爾城名輯遠和闐城名威靖阿克蘇城名普安烏什城名孚化庫車城名鞏平喀喇沙爾城名協順○乙未准熱河添設蒙古官學復揀派協領佐領幫辦刑司案件舊制○是月給浙江瀘安等四縣水災口糧貸長蘆被淹龍戶工本蜀後浙江瀘安等四縣新舊額賦緩徵直隸滄州等三州縣被水龍課東華續錄 道光十八年 九

長蘆被淹龍戶貸款 九月戊戌朔日有食之○庚子諭那彥成等奏請建貿易亭控馭外夷通商杜弊一摺喀什噶爾葉爾羌地處極邊卡外各部落商販往來均必由霍罕經過該部落皆以貿易為生未便因禁絕霍罕不與通市而令恭順各部落生計缺乏茲據該督等查明要隘處所請照伊犁與哈薩克貿易章程辦理係為因時制宜起見著照所請於喀什噶爾卡倫外明約洛地方建設貿易亭修展堡卡派都司守備一員帶兵二百名前往彈壓稽查一切貿易貨物均照伊犁官鋪章程辦理惟所奏嗣後貿易各物當議定價值以貨易貨永禁內地元寶出卡商民回子中有以銀置貨者一經查出將所置之貨概行入官仍從重治罪果能如此辦理自係籌邊良法但恐有名無實日久玩生嗣後該大臣等總當認真查禁永遠遵

守母任玩法滋弊餘俱照所議行○諭那彥成奏查明伊犁通烏
什道路酌議封禁備用一摺伊犁西南卡倫外直通烏什捷徑經
由布魯特地方前飭德英阿派員查勘據奏應於無事時豫為修
治平坦各在原設卡倫添兵巡防每年由伊犁烏什派員會哨一
次當經降旨令那彥成悉心籌度茲據奏南路通伊犁捷徑如巧
塔爾達板阿爾通霍什均經奏請封禁此路並無險阻為行兵捷
徑亦請封禁備用著伊犁將軍烏什辦事大臣即將伊犁西南哈
布拉克卡倫烏什迤北貢古魯克卡倫各添派官兵認真巡防不
准夷民取道往來儻有匪徒潛越一經盤獲照越度邊牆例從嚴
治罪儻守卡員弁不實力稽察任令潛越卽一併嚴參懲處該將
軍前奏每年會哨修治之處著無庸議○丙午 上啓鑾謁 東
陵○免經過地方額賦十分之三○丁未諭前據奕緒等奏 孝

東華續錄 道光十八 十一

穆皇后陵寢木門外牆根潮溼情形當派敬徵前往會同寶興將
地宮內外逐處履勘務查明存水之由據寶興覆奏茲據奏稱木門
內單門券兩邊馬蹄柱門枕石下往外浸水明堂券穿堂券地平
石縫金剛牆根俱有浸水處三層門洞券門枕後及金券寶牀下
三面石縫俱有浸水一二分不等復履勘各券牆根似有消水溼
氣數寸木門後陰溼微溼尺餘究其券內存水之由竟係空山水
由地平浸溼泛溢所致等語寶華峪地宮新建甫經夏令卽有由
內浸水之處迫經擦拭隔宿又復舊行積水二分據敬徵等查明
情形若此是該監督等於地平以下工程辦理不善喪盡天良難
保無偷減情弊必須嚴切根究總監督內閣侍讀學士牛坤及始
終承辦後段監督內務府郎中百壽員外郎延鳳並接辦後段監
督郎中慶玉監修主事定善候補筆帖式長瀆副司庫瑪彥布俱

著革職交留京辦事大臣會同刑部嚴審牛坤見在隨扈著行在
刑部派員押令回京聽候審辦英和承辦萬年吉地之工始終其
事其罪尤重著先行革去頂帶拔去花翎其餘先後承修各員查
明在工年月具奏再降諭旨又諭寶華峪地宮浸水情形由於地
平以下工程辦理不善據軍機大臣查明承辦工程各員在工年
月及開工並地平整落成年分開單具奏其在工最久始終其事者
惟莊親王蘇謙及戴均元英和三人伊等受恩深重應如何鄭重
詳慎督同工員覈實妥辦乃一任承辦之員草率從事使蘇謙其
身尚在朕必加以嚴譴今已身故著與已故之阿克當阿同年慶
惠均免其置議仍俟將來定案再行照例罰賠致仕大學士戴均
元前因工程加恩賞加太子太師銜並伊子戶部員外郎戴詩亨
以郎中補用今查明工程辦理不善豈能復邀恩賚戴均元著革

東華續錄 道光十八 十一

去官銜降為三品頂帶伊子戴詩亨仍降為員外郎候補英和已
降旨革去頂帶拔去花翎著卽革職以示懲儆穆彰阿接辦時地
平尚未完工不能指斥妥辦著交部議處仍俟定案後分別議賠阿爾
蘭鎮總兵兼辦工程均著交部議處仍俟定案後分別議賠阿爾
邦阿敬徵寶興接辦時已在前項工完之後恩銘交卸馬蘭鎮總
兵時甫經開工俱著加恩無庸置議○己酉 上謁 昭西陵
孝陵 孝東陵 景陵 裕陵詣 孝穆皇后陵寢奠酒○諭寶
華峪地宮積水情形前據敬徵等節次查勘水痕旋旋浸本日
朕復親臨閱視金券內北面石牆全行溼淋地面開段積水細驗
日前積水痕迹竟逾寶牀而上見在 孝穆皇后梓宮微溼之痕
約有二寸計存水有一尺六七寸之多與木門以內各券水痕尺
寸相同是必有山泉湧溢亟須妥為相度修治著派敬徵阿爾邦

阿寶與帶同精於堪輿諳習工程之人詳加履勘奏明辦理此項工程當開通時如果詳慎體驗豈竟毫無情形乃蘇課等屢經帶同堪輿相度漫不經心昧良負恩莫此為甚前經降旨不足示懲蘇課之子莊親王奕寶著即降為郡王戴均元著即革職英和之子兵部侍郎奎照通政使奎耀俱著革職作為拜唐阿交敬徵等帶赴工次效力○調常文為兵部左侍郎以多山為盛京戶部侍郎由左副都御史遷○庚戌 上詣 裕陵行大饗禮回鑾○辛亥諭前經降旨命留京辦事大臣會同刑部堂官將寶華峪地官開通土工時有無山石夾雜泉水浸泛及地平以下工程作法向已革監督等切實根究本日據奕紹等奏訊據百壽等供稱當開通時土係黃色惟北面壙幫開有石母石內滴水該革員等曾告知英和用土攔擋令水旁流不使流於壙內自興工及完工時均未見壙內有水又據供伊等開工時恐日久壙內微溼原議兩旁安置龍鬚溝出水因英和告以不用安置是以停止並據牛坤供稱伊止管開發銀兩不管工程亦無剋扣情事等語前於寶華峪開工時曾經詢問英和所開土性若何有無泉石顯露據奏土性甚純並無泉石其龍鬚溝應否安置亦據奏地甚乾潔可以停辦至牛坤則稱不管工程是此三事顯敢在朕前欺飾是誠何心英和著即擊交刑部添派盧蔭溥文孚會同奕紹等切實究訊務令逐一供明伊見在患病著伊子奎照奎耀隨往刑部並嚴訊已革監督等英和牛坤有無侵蝕格項暨會否將開出石母滴水情形告知蘇課戴均元伊二人曾否親往驗視商同辦理仍遵照節次諭旨逐細根究毋任稍有隱飾○諭嗣後殺死一家三四命以上之案審明被殺之家實係絕嗣將兇犯之子年未及歲者送交內務府關

訓奏明請旨分賞著刑部禁入例冊循照辦理○調富呢揚阿晉江西布政使以程含章為福建布政使刑部員外郎前任巡撫○壬子諭軍機大臣等昨據奕紹等向已革監督百壽等究出寶華峪開通土工時有石母滴水情形是此時金券內存水之由似竟係地泉湧溢所致當時相度山勢曾經堪輿宋泗等隨往履勘宋泗之外尙有何人同往所見有無異同著奕紹等即傳提宋泗等究訊彼時擇定寶華峪伊等俱稱為盡善盡美抑尙有指摘之處其土中山石夾雜會否有人看出及開通後顯露石母滴水伊等是否服同開看會否將開出情形聲明抑商同回護前失務當逐一根究不可稍存狡飾此外一切應訊之處遵照節次所降諭旨向英和等嚴切究明據實具奏○癸丑 上還京師○甲寅 上啓鑾謁西陵○免經過地方額賦十分之三○丙辰諭軍機大臣等寶華峪地官既有浸水情形朕昨親臨閱看所辦工程亦多草率是該監督等顯有偷竊侵蝕情弊見究出百壽等會將開出石母滴水之處向英和等告知商同指護並飭奕紹等向百壽等嚴切根究著者英福泰即將英和牛坤及已革監督百壽延鳳已革監督定善長馮瑪彥布等七人家產嚴密查鈔福泰見在駐圍營中營副將謝麟代為值班福泰即會同善英前往查辦勿任稍有寄頓○諭奕紹等奏連日究訊英和等並堪輿宋泗供情一摺寶華峪北面壙幫有石母滴水情形既據見犯僉供如一其所稱灰漿未能乾透及地氣蒸溽之供斷無其事若果係灰漿蒸溽則一經擦拭當必立見乾潔豈有屢拭屢浸之理即便空山水所致見已時交霜降水泉力弱似亦不應頻經擦拭浸溢如故看來此水或係自下上湧或係自外內注必須詳細根究明確不得稍涉含混當時

戴均元等所帶堪輿既有宋泗趙佩琳蔡鴻升姚紹基統慶等五人究係何人首先看定其餘所見是否相同有無指斥此地當有石泉之論其宋泗所供之玉風水是否即係筆帖式統慶除趙佩琳蔡鴻升業經出京已有旨令該撫等即行解部審訊外其欽天監擊壺正姚紹基筆帖式統慶奕紹等即應提同嚴訊務得確情見查出吳烜等覆勘實華峪時曾帶同監生吳瀾刑部主事余統祥兵部主事周彥前往詳勘伊等所見有無異同會否指摘此地土色泉石不純亦應向該監生等詳加詢問不得因此時復行充詰意存回護至地內石母滴水情形該監督等既向縣課戴均元英和等三人告知其以後接辦之穆彰阿阿爾邦阿敬徵及兼辦工程之馬蘭鎮總兵官恩銘等俱曾經該監督等告知與否當時看出石泉商同擋護係止用土抵禦抑用石填塞其如何作法均東華續錄 道光十八 十四

須向百壽等切實究明母任稍有隱飾此項工程既經開有泉石若果該監督等認真修築其浸水情形何至如此之速朕昨親臨開視所辦工程本多草率是否侵蝕偷減奕紹等務向百壽等嚴切究訊勿涉顛預○添設伊犁錫伯索倫部落防禦各二撥兵隸之○丁巳 上諭 泰陵 泰東陵 昌陵○諭軍機大臣等昨經降旨令奕紹等傳到相度實華峪山勢之原看覆看各堪輿詳加詢問自已傳集覆訊此案雖究出石母滴水情形然皆由土石工程未能堅固如式致有浸溢其罪在於承辦工程各員與相度官本無干涉節經降旨向宋泗等研訊之意原欲得其前後相度實情並伊等所見所論之有無同異同論者若何異論者若何既可知此地之純疵於全局有無妨礙若從前有議論此地開至若干丈尺即應有土石者此時證諸所言不謬將來即當再令前詣

詳勘並非因地宮業有浸溢情形即坐伊等以相度不實之罪惟恐伊等畏罪不肯將當日所看實情據實陳明奕紹等即將此意向伊等反復開導勿令畏懼務實供當特係何人首先看定後至之人或不肯直斥其非或因業經奏明不復指摘在戴均元等及吳烜等前後所奏之摺亦未必盡將伊等所見所言悉行入告見經特旨垂詢若因戴均元等未經奏出輒復隨聲附和將來別經詢出則是伊等本無咎愆轉自陷欺飾之罪奕紹等當善體此意隔別訊問詳加開導務得確情不可稍涉含混又諭實華峪地宮浸水情形前據奕紹等向已革監督百壽等究出開通土工時北面擴習間有石母滴水之處曾經告知英和等商同擋護連日訊據英和供稱地宮地盤開至北面見有似石非石似土非土幾塊土人謂之石母縣課戴均元俱曾親見伊在工時並未見有水滴東華續錄 道光十八 十五

嗣經監督告知有時滴水即與縣課戴均元公同商酌用土擋護等語實華峪山勢係戴均元首先帶同堪輿相度此地既有石泉當時同往堪輿五人豈無一人指摘及此即使彼時所看之人並無異議迨開通地盤顯有石母究於風水有無關係亦應妥為籌議何以直至該監督等告知滴水情形始商同用土擋護彼時若不同護前失即應據實奏明何以始終並無一言奏及著韓文綺即向戴均元傳旨詢問務令逐一詳細登覆見仍令奕紹等向在工人員嚴切究詢若戴均元所供與京中所訊各供相符是尙自知其罪若稍有不實不盡即是敢於欺飾伊自問當得何罪令其據實書敘親供韓文綺即迅速由驛具奏○戊午 上諭 昌陵行大喪禮回鑾○己未諭那彥成等奏回疆各城印房章京請復由京揀派舊劄並酌留在外奏補一摺回疆各城額設印房等處

章京向俱由京揀派嗣因京員情形不熟不能得力每於駐防筆帖式內遴才奏補日久相沿難盡覈實且該員等把持固結流弊日滋茲據該督等請復舊制並酌留三缺俾駐防筆帖式中才堪造就者亦不至阻其上達之階著照所請除英吉沙爾向無章京外其餘七城印房章京七缺悉用京員作為掌印章京喀什噶爾回務章京一缺亦著由京揀派其京牧一缺公事無多改歸印房掌印章京兼管其缺改為印房幫辦准其留補駐防人員葉爾羌原設印房章京二缺內一缺已用京員作為掌印章京其一缺准其改為幫辦留補駐防人員喀喇沙爾夷回章京一缺亦准其留補駐防人員以上所留三缺遇有缺出該城大臣務擇其才品兼優者保送該參贊大臣覈定奏補不得仍前徇情濫竽其由京揀派章京缺出著照所請將通曉清漢文義之滿洲筆帖式由各部東華續錄 道光十八年 六

院衙門保送一員彙考錄取帶領引見補放作為委署主事前往換班三年期滿如果得力出色奏明咨部以主事即選得缺後即由部奏請咨取帶領引見更換俟由京揀派之員到日再行給咨回京嗣後遇有掌印章京缺出永不准通那奏補駐防人員違者照徇庇例議處見在各城印房章京或早經奏補或甫經升調未便一時更撤著俟各該員年滿再行奏請照新定章程辦理○定回疆防兵操練行圍○准回疆駐防人員掣眷○那彥成等奏回疆西四城三品至五品伯克四十六缺請以托克托尼維爾等升補並請裁改喀什噶爾英吉沙爾等處伯克員缺得旨照所請升補責成各城大臣隨時察看如果實在傑已辦公俟一年期滿出具考語咨明參贊大臣另行奏請實授如不稱職立即撤參另揀委員請補至葉爾羌所屬之色呼庫勒地方設五品阿奇木及

伊什罕等小伯克距卡倫較遠與什克南巴達克山連界非本莊之人熟悉情形不能勝任毋庸照卡內回遊本莊之例著遇有缺出由該城大臣秉公揀補咨明參贊大臣分別奏咨辦理喀什噶爾額設五品納可布伯克五品密圖瓦利伯克五品莫提色布伯克三員管理工匠及田房地契等件均無重任罕愛里克和色爾布衣二莊回戶較多原設六七品伯克照料難周察拉根地方係大河拐開墾新田處所向無伯克經管著將前項五品伯克三員各給與五品阿奇木職銜移設罕愛里克等處駐紮其阿爾瑚莊額設六品阿奇木伯克與六品哈資伯克品級相等無所統屬著將六品哈資伯克移駐察拉根管理農田又阿斯圖阿爾圖什莊額設七品明伯克五員著裁撤二員以一員移駐察拉根幫辦農田事務以一員移駐阿爾瑚莊抵補六品哈資伯克裁缺英吉沙爾額設四品阿奇木一員並無伊什罕伯克幫辦該城公事較繁所有六品哈資伯克著照拜城之例賞給五品伊什罕職銜以資襄理○庚申諭奕紹等奏覆訊已革監督等供情並詳究堪輿宋酒等原勘覆勘情形一摺寶華峪相度山勢朕特委任戴均元承辦工程則責成英和見據案犯僉供地宮土盤開至距金井四丈餘城邊顯露石母浸出水珠每逢陰雨涓滴不止且城底土性潮溼開雜細碎腐石應手即破經該監督等向縣課戴均元英和告知不即改圖仍商同用土攔護其修砌石工取材既腐又未堅固如式遇有不能合縫之處輒用松香白蠟調和黏補究其草率之由僉供屢經英和飭令牛坤督催緊急伊等竭蹶從事如期報竣等語當時開通地宮朕會履向英和詢問土性乾溼若何伊不但未將滴水攔護情形奏及並稱普律乾潔且自開工以後從未向

英和催促何以飭令牛坤剋以期限任聽該監督草率繡縫英和之罪實在於此至戴均元帶同各堪輿相度吉壤會據宋泗以點穴太後恐穴中有石應移前十丈戴均元輒拘泥規制僅止移前五丈以致北面開出山石朕前令戴均元勘定福基會經降旨止期地臻全美不必拘四至之廣狹即照從前規制稍從儉約亦無不宜乃師心自用並不據實陳奏迨至目擊浸水之處仍復商同攔護會無一言奏及開工未幾旋即乞休伊年雖居八旬精力尙健何至遽思歸田明係潔身遠引其心尤為可惡戴均元前已降旨革職著韓文綺即傳旨擊交刑部治罪派委妥員迅速解京朕即日回鑾仍派奕紹托津富俊盧蔭溥會同軍機大臣刑部堂官嚴審定擬具奏穆彰阿會派辦工程應行回避至刑部侍郎英瑞因與英和誼屬師生摺內並未列銜殊失公爾忘私之義著傳旨

東華續錄

道光十八

六

申飭即不必令其會審○諭軍機大臣等戴均元因寶華峪地窩積水已先後明降諭旨革職並擊問解交刑部矣著韓文綺即親赴伊家將戴均元本籍財產嚴密查鈔勿任稍有寄頓○辛酉上還京師○王成諭寶華峪地窩浸水情形見據奕紹等向已革監督等究出開通土工時北面墻幫間有石母浸滴水珠英和與縣課戴均元公同商酌用土擋護其修砌石工用材既窳又未堅固如式致有浸溢寶華峪山勢係戴均元穆克登額阿克當阿三人首先帶同堪輿相度勘定福基乃拘泥規制點穴未臻全美縣課英和等派辦工程未能督率監督等認真修築任其草率從事除英和戴均元等業經降旨查鈔家產擊交刑部究詢恩銘在任時尙未興工敬徵接辦在地宮工竣之後均無庸議外其餘在事各員均應照例分別罰賠以示懲儆縣課辦工最久著罰賠銀十

萬兩穆克登額係相度之員著罰賠銀三萬兩阿克當阿亦係相度之員兼派辦工著罰賠銀四萬兩其接辦未久之穆彰阿著罰賠銀八千兩阿爾邦阿著罰賠銀二千兩至前任馬蘭鎮總兵兼辦工程之嵩年繼昌著各罰賠銀三萬兩廣泰著罰賠銀六千兩慶惠著罰賠銀八千兩寶興著罰賠銀二千兩所有此項罰賠銀兩俱著按限完繳毋許稍有延宕○癸亥諭莊親王蘇謀派辦寶華峪吉地工程經歷數年之久伊係親王受恩深重經朕特加簡派應如何慎重詳審督率工員妥辦乃漫不經心一任承辦之員草率從事實屬昧良負恩蘇謀之子除奕寶已有旨降為郡王外奕勝著革去不入八分輔國公奕敷著革去鎮國將軍委散秩大臣奕興著革去輔國將軍奕慶著革去頭品頂帶以示懲儆○甲子諭我朝掄才取士於定立制科之外復設繙譯科目既以廣八

東華續錄

道光十八

九

旗士子登進之階亦識不忘本業立法洵為至善無如近日旗人力學者少轉視科目為迂途不復勉圖進取即如從前乾隆年間繙譯鄉試滿洲約五六百人蒙古約五六十人本年應試人數計考滿洲繙譯者僅一百三十餘人蒙古繙譯者僅二十餘人人數既較前多寡懸殊取中之卷自係簡拔其尤乃昨日覆試中式滿洲繙譯舉子八名內即有文理欠通錯誤太甚者四名罰令停科其餘未經中式之卷文藝字畫概可想見清語騎射為旗人根本近日八旗生齒日繁而勤學應舉者轉日見其少豈國家設立科日本意特降旨申諭八旗人等嗣後務當父教其子兄誡其弟勤加策勵共效觀摩期於精研本業以備旁求毋負朕諄諄誥誡至意○丙寅召姚祖同來京調烏爾恭額為廣東按察使以額騰伊為山西按察使

由江蘇

道遷

○是月賑兩淮海州屬中正等三場竈戶

水災貸回西四城兵丁茶價銀展緩山東荷澤等四縣歉收通賦齊齊哈爾等四處貸款河南蘭儀等七縣積歉額賦緩徵山東德州等二十一州縣水災額賦

冬十月庚午諭奕紹等會同嚴審英和等辦理吉地工程草率分別定擬一摺此案英和承辦寶華峪吉地要工始終其事自應慎重詳審乃明知壙幫石母滴水因係廢墻商同縣課載均元用土攆護並以龍鬚溝恐洩地氣奏明停辦而於石券旁議請添設疊落石格漏之處又復駁令中止其砌牆海墁等石工遇有碰楞僅用松香白蠟攪和石麪拘抹且飭令牛坤催促工程初限完竣英和於此等要工但止信用牛坤一人以致工多草率遂有浸溢奕紹等審訊明確比以定例擬斬監候本屬罪所應得姑念英和曾任尚書協辦大學士於此案訊無贓私尙可寬其一綫且吉地工程係朕一人之事不肯因辦理不善誅戮大臣既不置之於法即不必久繫固圍英和著加恩發往黑龍江充當苦差以示朕法外之仁伊見患病未愈伊子奎照奎耀亦不必交敬徵等帶赴工次效力著即隨侍黑龍江伊孫應生候補員外郎錫祉著即革職牛坤派充總監督常川駐工監視較之各監督責任尤重雖訊無剋扣侵蝕情弊惟不能監視妥辦著發往伊犁效力贖罪已革監督百壽延鳳訊無偷減侵蝕情弊惟既於認領工程結內自限七年完工不知及早妥辦臨期竭蹶任令工匠草率黏補俱著發往烏魯木齊效力贖罪已革監督定善長瀉瑪彥布監工是其專責目擊工程草率所司何事俱著發往軍臺效力贖罪已革監督慶玉到工接辦在地平落成之後免其發往軍臺著在工次效力○庚辰諭嗣後凡遇朕御養心殿召見時除內廷諸臣例得由內右門

行走者仍照舊行走外其餘文職三品以上武職二品以上各大臣內有年逾六十五歲者均加恩著奏事處官員帶領一體由內右門出入以示體恤○辛巳以佟景文爲廣西按察使由兩淮鹽運使遷○丙戌諭直隸總督那彥成經朕派赴喀什噶爾辦理善後事宜歷次具奏籌畫諸務悉臻妥協雖未經親歷戎行其勞績實爲卓著那彥成著加恩賞太子太保銜賞戴雙眼花翎賞用紫韁並發去雙眼花翎一支白玉翎管一箇元狐馬褂一件碧霞私鼻煙壺一箇黃辨珊瑚豆大荷包一對小荷包四箇交那彥成祇領以示優眷○己丑以故瑞愷親王孫忻子奕約襲郡王予半俸○甲午諭朕幾餘披閱宮內錄存皇考仁宗睿皇帝批摺內有朕與惇郡王繇愷具奏嘉慶十八年賊人擅入蒼震門滋事情形一摺彼時事在倉卒經朕自用烏槍擊斃二賊餘賊始退朕於深夜擬出

東華續錄 道光十八年 王 摺奏令惇郡王繕寫馳奏仰蒙 皇考哀嘉批示今恭覽淚垂益深欽感因念上年惇郡王引出大監苑長青藏匿府中又復私令逃走希圖掩飾年幼無知不能不加之懲創將伊降爲郡王冀其改過自新見在追思往事急難禦侮咸切同懷且伊自獲咎後距今已及一年尙知愧悔若不曲予恩宥朕心實有所不忍緣愷著加恩賞還親王嗣後益當加意檢束諸事小心用副朕誼篤懿親愛誨成全之至意○諭松筠奏承德府屬一州五縣請仍專用旗員以符舊制一摺所奏甚是直隸承德府所屬一州五縣前經將攸銛等奏准於出缺時先儘本省口內實缺旗員州縣及理事同知通判內揀選分別升調如不得人卽咨部揀選會任外省州縣之旗員請旨補放嗣經那彥成奏明開以漢員對調茲據松筠奏外藩蒙古非漢員所能制馭且口外命盜案件一切詞訟多係蒙

東華續錄 道光十八年 王 行走者仍照舊行走外其餘文職三品以上武職二品以上各大臣內有年逾六十五歲者均加恩著奏事處官員帶領一體由內右門出入以示體恤○辛巳以佟景文爲廣西按察使由兩淮鹽運使遷○丙戌諭直隸總督那彥成經朕派赴喀什噶爾辦理善後事宜歷次具奏籌畫諸務悉臻妥協雖未經親歷戎行其勞績實爲卓著那彥成著加恩賞太子太保銜賞戴雙眼花翎賞用紫韁並發去雙眼花翎一支白玉翎管一箇元狐馬褂一件碧霞私鼻煙壺一箇黃辨珊瑚豆大荷包一對小荷包四箇交那彥成祇領以示優眷○己丑以故瑞愷親王孫忻子奕約襲郡王予半俸○甲午諭朕幾餘披閱宮內錄存皇考仁宗睿皇帝批摺內有朕與惇郡王繇愷具奏嘉慶十八年賊人擅入蒼震門滋事情形一摺彼時事在倉卒經朕自用烏槍擊斃二賊餘賊始退朕於深夜擬出

古與民人交涉旗員審斷蒙古信服漢員視民人較爲親近辦理交涉事件與蒙古言語不通需用通事傳話難免有聽斷維艱情事自應仍循舊制以資治理著照所請准其將承德府府屬一州五縣專用旗員至俸滿州縣既經撤回儘省中一時無缺升補著卽送部引見以應升應補之缺不拘省分儘先選用所有俸滿人員俟新任到後交代清楚卽行咨回內地分別升補毋庸留於地方協辦見在新調赤峰縣知縣秦恒齡尙未到任其赤峰縣知縣一缺著咨會直隸總督於口內應調旗員揀選調補如不得人著咨部揀選曾任外省州縣之旗員奏請補放備揀補之人卽於京察一等記名以同知通判人員內揀選帶領引見候旨補放○乙未諭河工需費爲度支之大端近年例撥歲修搶修銀兩外復有另案工程名目自道光元年以來每年約共需銀五六百萬兩

東華續錄 道光十八

三

藏供此漏卮前經降旨不得藉口另案名目任意虛糜嗣後該河督等務將年例撥解工需加意撙節如有應辦之工不能不假手應汛員弁然總須責成該管河道各矢天良認真督辦有犯必懲該河督等亦應破除情面時加查察稍有偷減虛冒等弊該道徇隱不揭卽一併嚴參懲辦以期力挽錮習工歸實用經此次飭諭之後無論歲修搶修及隨時興舉要工仍不能工堅料實致令帑項虛糜或經朕訪聞或被人糾參定將工員河道及該河督等一併執法嚴懲不稍寬貸毋謂誥誡之不豫也將此通諭知之○諭軍機大臣等張井等奏見在黃高於清不能開放禦黃壩情形並據另片奏清水尙存一丈六尺較尙冬令存水過大見啓智壩宣洩等語南河近年做壞已極費帑動逾鉅萬原冀漸有轉機見值天寒水落之時黃水尙高於清數尺不能啓放禦壩資其刷滌

東華續錄 道光十八

三

轉以清水過大不能多蓄復暢放智壩分洩固由於河身高仰湖隄不固若似此年復一年何時始復舊規據奏黃河下游高仰丈餘兩年來嚴守閘壩漸有刷深之機必須各工歲歲平穩積淤始能漸去是卽河湖永保安瀾尙須遲之又久方有轉機設或稍有疏虞豈非前功盡棄張井等處萬難措手之時亦須集思廣益加意講求務期河湖迅復以清刷黃舊制方爲不負委任至拆展智壩宣洩清水固爲保守堰工起見然分洩過多更無敵黃之期該河督等當察看情形如來源不增卽應封堵以資蓄蓄或日內黃水落低立即拆展禦壩庶使河湖兩有裨益其移建雙孔礮心石閘並改建鉗口柴壩等工務期如式堅韌覈實驗收以收實效○丙申諭向例親王郡王年未及歲止准支食半俸惠郡王縣愉見係內廷行走並在上書房讀書著加恩自明年春季爲始賞給郡

王全奉○是月賑江蘇海州等三州縣衛浙江建德等五縣水災給江蘇高郵等九州縣安徽泗州等二十六州縣水災旱災一月口糧貸奉天廣甯等處水災旗民口糧浙江富陽縣貧民穀石齊齊哈爾等處旗營官莊銀糧蠲緩江蘇海州等三十六州廳縣衛安徽泗州等二十六州縣浙江海甯等十三州縣旱災水災新舊額賦緩徵湖北荆門等十二州縣奉天新民屯山東鄒平縣水災旱災新舊額賦山東膠州等十二州縣水災額賦並德州恩縣屯莊貸款湖南茶陵等四州縣水災通賦

十一月戊戌英瑞以病免調海齡為刑部左侍郎特登額為盛京刑部侍郎凱音布為盛京禮部侍郎轉貴慶為吏部左侍郎調裕恩為吏部右侍郎色克精額為禮部右侍郎轉那丹珠為理藩院左侍郎以寶興為理藩院右侍郎由副都統遷○以高惠為左副都御

東華續錄

道光十八

五

史由光祿寺卿遷○壬寅諭軍機大臣等御史張曾奏風聞廣東自行使錢文內有光中通寶景盛通寶兩種最多聞有景興通寶景興巨寶景興大寶嘉隆通寶謂之夷錢攙雜行使十居六七湖州尤甚並有數處專使夷錢內地奸民利其錢質澆薄依樣做鑄等語廣東福建濱海地方俱與外夷接壤各該夷人通市貿易自應以銀易換制錢豈可令外夷錢文公然於內地攙雜行使且有奸民利其錢質澆薄依樣做鑄著該督撫嚴飭所屬確切查明如有前項弊端立即嚴拏究辦○癸卯諭那彥成等奏建設堡卡酌定分巡駐守章程一摺前據長齡奏請裁撤喀什噶爾等城卡倫侍衛改派綠營官兵駐卡防守當經降旨准行並令那彥成查明大小卡倫應加兵額若干及如何分布巡防稽察弊竇之處妥為籌辦茲據奏喀什噶爾葉爾羌英吉沙爾三城通共卡倫二十處中間俱

有開齊小路各卡相距數十里至百數十里不等向來每卡駐兵十名稽察未能嚴密請於各卡倫適中要隘之地添建土堡及官兵額數分巡駐守著照所請喀什噶爾所屬卡倫八處內喀琅圭圖舒克塔什烏帕拉特三卡為通霍罕等外夷要路該三卡適中之明約洛地方著築土堡一處遴派得力都司守備一員管帶綠營兵二百名駐守其貿易亭即建設堡內並於巴爾昌伊蘭瓦斯伊斯里克三卡適中阿爾瑚莊內及玉都巴什伊爾古楚兩卡適中之馬廠地方均築土堡一處每處遴派得力千把總一員各管帶綠營兵六十名駐守以上三堡俱著酌量兵數添建兵房其餘各卡各派千把外委一員帶兵十名專司稽查出入探信瞭望及押送來往夷人與各堡策應遇有探報事件就近報明駐堡員弁派兵接報該城再於各卡添設滿營驍騎等官一員各帶兵七

東華續錄

道光十八

五

名專司查對開齊信牌逐日踏看有無偷越蹤迹該駐堡之都司守備千把總逐日派兵稽查所屬卡倫及小卡開齊路徑閒日帶兵親查會哨至葉爾羌所屬卡倫七處內亮噶爾卡倫通巴達克山等外夷庫庫雅爾卡倫通克什米爾等外夷均係要隘著於該二處各築土堡添建兵房每處安設得力千總一員各帶綠營兵六十名駐守其餘和什喇普玉拉里克奇靈桑珠賽里克等五處卡倫均非外夷必由之路著各派把總外委等官一員帶兵十五名駐守其查對開齊等事與喀什噶爾一體辦理英吉沙爾所屬卡倫五處惟烏魯克為通各外夷及布魯特要路著於該卡建築土堡兵房遴派得力千把總一員管帶綠營兵六十名駐守其餘圖木舒克特爾克齊克特比斯鐵列克四卡各派兵十名責成駐堡千把總周歷巡查足資控制至和闐所屬卡倫十二處並不

與外夷相通每卡兵數著仍其舊以上各官兵均著按月更換並著各該城大臣隨時派委大員帶領兵丁抽查開齊如查有私越形迹該管官未能盤獲及匿不稟報者即行嚴參懲處其各守卡官兵如有偷避潛回及私放茶葉大黃出卡或訛索外夷入卡貿易並稟報遲延不實情事一經發覺即按軍法辦理各城所需建築土堡兵房工費著歸於城工案內彙奏○諭那彥成等奏請設喀什噶爾等三城銀庫並按例嚴定經管章程一摺回疆南路八城每歲食茶至少二十餘萬封每附茶一封三斤雜茶以五斤准附茶一封自嘉峪關至阿克蘇及喀什噶爾葉爾羌等三城共四處抽收稅課請於各該三城設立銀庫以昭慎重著照所請准其於喀什噶爾葉爾羌阿克蘇三城大臣衙署內各設銀庫一所專派掌印司員經理應設書吏著各該大臣於換防營兵內選擇東華續錄 道光十八年

每城定為額設庫吏經承二缺貼寫二缺專管簿籍並一切有關庫項文案所需工食銀兩准其照例支給作正開銷惟是各城庫貯既多若不嚴定章程必至日久弊生致滋侵蝕嗣後各城庫項如大臣中有那移情事准章京等援例阻止儻敢違功令准章京庫吏揭報照上司備勒所屬那移庫項之例治罪匿而不舉者同罪章京與庫吏通同舞弊短錢糧照監守自盜不分首從併贓論罪章京與庫吏舞弊互相舉報各照監守自盜本例治罪知情不舉照故縱例治罪各該大臣及章京人等務當奉公守法認真妥辦其管庫章京三年期滿由該管大臣查明庫項一無弊混准其咨部議敘庫吏五年役滿考取典史一名准其咨部銓選照回疆各城額設書吏道光四年吏部奏定章程一律辦理俾知懲勸再各該大臣每遇遷轉更調當造具清冊交代新任歸新任大

臣具奏司員班滿亦造具清冊交代接手司員由本城大臣造冊咨部查覆備該大臣司員尚未到任暫署之人亦應將庫官冊據查報分別具奏如有造報不實及匿不奏報者查出從重辦理○諭軍機大臣等那彥成等奏請以黑帽回子之材具明白者挑補伯克一節向來各城伯克曾否將黑帽回子一體挑補若向無此例該回子阿渾等既與白帽回子素不相能今竟補放伯克白帽回子未必咸相悅服在我朝撫恤夷眾原無分於種類惟恐伊等因此更相猜忌轉或別生弊端著那彥成再行體察情形籌畫周妥奏聞候旨遵辦○甲辰恭上 皇太后徽號曰 恭慈康豫安成皇太后○乙巳已加上 皇太后徽號禮成頒詔天下覃恩有差○丙午移廣西容縣大筒墟巡檢駐自良墟○己未諭奕紹等奏會同嚴審戴均元帶同堪輿相度寶華峪情形一摺此案戴均元相度福基自應倍加詳慎乃既未將石母滴水處所豫為測量詳明迨目擊地盤填幫滴水情形仍商同用土攔護並未據實奏請及早籌辦僅於會奏摺內聲明閒有石塊有意增減緊要情節見經交紹等訊明比例擬斬監候實屬罪所應得即減等量予遣戍亦是從輕寬貸惟念戴均元尚未始終經手工程且已年逾八旬毫不加刑著加恩免其死罪並免發遣即行逐回原籍用施法外之仁其子戴詩亨著革去員外郎其孫戴嘉秀著革去知縣戴嘉會著革去鹽大使戴嘉德著革去舉人以示懲儆○辛酉署直隸總督屠之申奏各屬得雪分寸得旨 天恩如此優渥吾君臣惟有誠敬存心精勤莅事情正愛民之員擢之不次尸祿殃民之官去之勿遲庶日慎一日永保 天庥之佑也○壬戌諭朕伯儀親王明年八旬有四精神步履甚屬康強但遇有典禮仍與諸王

東華續錄 道光十八年

大臣等一體拜跪高年勞勩朕心實有所不安嗣後凡遇 皇太后及朕升殿朝賀大典俱著免其行禮以示朕敬長篤親至意王其勿辭○癸亥諭朕於明年親詣盛京特為恭謁 祖陵所有閱兵行圍均屬無暇著奕額將豫備閱兵行圍事件概行停止其吉林為盛京鄰省博啓圖必赴盛京接備請安博啓圖儘可親自前來接駕毋庸帶領豫備行圍官兵黑龍江墨爾根兩處人等亦著不必前來屆時著奕額止將應射布靶官兵按照從前豫備○甲子申諭明年前詣盛京辦差官員毋得任意科派並禁內監執事人等藉端需索○是月賑浙江富陽縣水災給盛京甯古塔等處水災口糧並緩徵新舊額賦緩徵山東臨邑等七縣水災雜糧十二月丙寅朔裁貴州貞豐州羅浪亭土把總○己巳加賞瑞郡王奕約俸銀一千五百兩○庚午諭軍機大臣等張井等奏遵旨將見在湖河水勢情形據實覆奏摺內稱查外南應順黃壩誌椿及高堰誌椿較量水面黃高於清約有一尺餘寸如向後再消尺餘即當相機啟放禦壩然亦僅能通漕不足刷黃以清水必高於黃水三數尺又必啟壩時多閉壩時少乃能暢出淤刷從前乾隆年間湖高於河自七八尺及丈餘不等一交夏令拆展禦壩至一百數十丈故能洩清刷淤秋冬始收蓄湖漕濟運後因何底漸墊至嘉慶年間改禦壩為夏閉秋啓已與舊制相反雖亦時啓禦壩而黃水偶漲即行倒灌今又積墊丈餘縱遇清水能出亦止高於黃水數寸及尺餘且或暫開即堵僅能免於倒灌不誤漕運殊未能收刷滌之效等語江境禦黃壩上下一帶黃河積年淤墊如該河督等所奏以昔證今已成不可救藥之勢思之曷勝憂憤該河督等止知洩清水而保高堰閉禦壩而免倒灌不思經久之規但

東華續錄 道光十八年 天

為目前之計增工請帑總未能漸復舊制一歲獲保安瀾則為萬幸似此年復一年日後愈難施措如國計民生何試思南河利害全繫清口非藉清水刷滌有何去淤之方該河督等身膺重任當如何激發天良力圖補救豈貪天之功幸無失事遂足以塞責耶該河督等接奉此旨務將湖河全局熟計妥籌設法辦理期收啓壩刷黃之益斷不可再事因循致失機宜○免喀什噶爾所屬私墾地畝應增糧石○辛未諭軍機大臣等前因卡外各部皆賴商販為生未便因禁絕霍罕致令羣夷生計缺乏特允那彥成等所奏章程辦理見在布噶爾額爾德貿易該部落雖亦有逆裔家屬潛匿在彼尚未若霍罕之公然助逆准其通市事尙可行惟必須認真查察不至令霍罕夷商影射冒混方為妥善若名為禁絕霍罕而仍墮該夷術中不但該夷不知儆懼轉為他夷所竊笑見據那彥成等查詢布噶爾夷商實苦於霍罕之剝削懇由喀拉提錦及巴達克山繞越前來悉聽其便但當時加訪察不得任其與霍罕狼狽為奸致滋流弊此時立法之初派出稽查彈壓官弁伯克等或尙知奉公守法惟恐日久弊生殊於邊防大有關係著武隆阿額爾古倫伊薩克督率所屬實力奉行毋任稍滋弊端致肇邊費○壬申諭前據楊遇春奏請以陝西延安府理事同知廣崇調補伊犁撫民同知當交吏部覈議茲據奏理事同知例止准升用京職與撫民同知例得在外升轉者不同廣崇係理事同知若以調補撫民之缺則該員即可由外升轉不復以京職推升班次酒清於銓政殊有關係且各省援案奏調易啓屬員奔競之風該督所奏著不准行所有伊犁撫民同知員缺著該督照例另行揀員調補如不得人卽行奏請歸部於記名撫民同知人員內揀選帶

東華續錄 道光十八年 天

領引見○乙亥諭國子監蒙古助教專司訓課蒙古文義向例由蒙古筆帖式教習內考選錄用嗣准以蒙古繙譯進士舉人一體考試倘以其通曉蒙古文義得預考選迨後因調劑滿洲蒙古文舉人始准以大批二等者亦得銓補蒙古助教見據李宗昉等奏新選蒙古助教明魁係由二等文舉人銓補不諳蒙古繙譯難資訓課是其未經考選僅以班次輪用逆得濫竽殊於督課名實不符嗣後著仍復舊例由理藩院會同國子監考試通曉滿洲蒙古繙譯者擬定正陪引見候旨錄用不得以二等文舉人銓補見補蒙古助教明魁著即撤任交吏部遇有各項科甲小京官缺出不入班次儘先補用○甲申諭軍機大臣等將收銜奏欽奉諭旨敬謹查察辦理一摺前據張井等奏撥南河火辦各工經費銀一百二十九萬餘兩降旨令該督嚴密稽察河員有弊即參茲據奏隄東華續錄 道光十八年 三

場各工皆屬循照舊制次第興修惟堰肝幫寬大隄由於水中摸砌石工不能堅實果能放盡湖水拆卸大隄重砌可禦風浪再將二隄修復更為重門保障張井等以放水築隄萬不能行而修復二隄不如幫寬大隄之得力且可節省經費本年秋冬間屢遭風暴若非前次幫足十丈之土餒幾致擊通此其明證見辦此工請銀六十萬兩亦僅照原奏先辦三股之一實於保衛湖隄為最要其承辦工員隨時稽察如有偷減草率立即參懲等語河務機宜最關緊要如果係應行籌辦之工朕原不惜帑金撥給妥為修治若工程疊次興舉動款輒逾鉅萬仍於河務無裨國家經費有常豈能供此漏卮見據該督查奏情形以在工各員辦理並無浮冒究竟此項工程是否應辦實於河湖兩有裨益該督公正居心精勤莅事朕所素知見在河湖舊規未復歲歲仰荷 天慈幸保安

瀾而修治訖無良法要知河湖日敝漕運攸關倒塘海運不可恃以為常至於盤壩徒增糜費尤為不得已之舉朕宵旰焦思徒深憂愧該督務當通籌全局期於河湖復舊漕運通行而又無減洩橫流之患是為至要若徒以工員並無偷減侵冒而於興辦之工不問其有益無益帑項仍屬虛糜殊失朕委任之憲矣○己丑諭○最為安靜嗣因沾染陋習間有一二不肖之徒不知自愛蕩檢踰閑近來積習更深往往以不干己事挺身而出控藉端訛詐不一而足此風斷不可長若不明定科條何以儆刁頑而挽頹俗著軍機大臣會同宗人府刑部酌議條例具奏○癸巳諭軍機大臣等雷罕每藉通商貿易漁利外夷又以逆裔家屬在伊部落居為奇貨此次因將安集延驅逐出卡嚴禁茶葉大黃不與通市該處管東華續錄 道光十八年 三

事頭目明巴什邁瑪特習里譜巡道回之毛洛阿奇木德德遣人送信雖不似前此僭肆而詞語仍復不馴那彥成等仍未令其謁見即派人押送出卡所辦極是見自禁絕貿易以來外夷各部落因諸多不便怨懟雷罕如果各城認真嚴禁該夷無利可牟日久自當窮蹙將來誠心懾服斷不敢大言不慚若以其意欲修好即信以為實必致以誇耀外夷豈非墮其術中該督等自見及於此必當妥為籌計務當嚴飭各城稽察要隘不准茶葉大黃稍有偷漏在卡外恭順各部落自應按照奏定章程通市貿易惟不可任雷罕夷商有影射冒濫情弊致查禁有名無實轉為外夷所竊笑見在送出之官兵回子等固是無關輕重即張逆家屬在彼潛匿不過苟全生命亦不值與之相較責令必為獻出該督摺內既稱張逆之子布素魯克至極不過又一張逆一二萬兵便可平定是

亦有何緊要該督惟當遵照節次所降諭旨示以無足重輕斷不可勒令縛獻如吳雷罕因絕其通市實形悔懼將張逆家屬送出絕其根株固屬甚善若必加之以威而仍居奇如故或竟以假消真彼時又將如何辦理豈不又生枝節耶該督等業已向送回兵丁回子德克金布等詢問雷罕情形惟恐或有串捏不實不盡著即於官兵回子等二十二人內擇其明白誠實者督同伊薩克隔別訊問務將雷罕一切情形及近日情形逐一詳加研鞠據實具奏至送回之兵丁遣犯回子等二十二名因被脅送至雷罕與甘心從逆者不同著加恩免其治罪德克金布等釋回本旗不准再挑差使沈長發等釋回原籍交地方官嚴加管束回子等交該伯克就近安置嚴管其五品哈資伯克阿布都拉係黑帽回子因不降張逆送往雷罕情尚可原著加恩賞還翎頂仍交伊薩克察看

東華續錄 道光十八年 三

如無他故將來遇有五品伯克缺出仍准錄用○諭那彥成等奏招致附從雷罕之阿提格訥布噶特部落指與特依劣克達巴罕地方妥為安置等語覽奏嘉悅之至阿提格訥前此為雷罕所脅強占其地見困苦於悉索遵檄率其部眾前來投誠俾雷罕頓失羽翼固屬甚善然受降易撫降難在該部落見與雷罕為營敵或不至有虛假惟伊歸附雷罕有年一旦遵我檄諭前來未必雷罕不以我納彼叛人為詞設以此遣使致問豈不又生邊釁且特依劣克達巴罕地方既在卡外該布噶特等自往往牧則可亦未便即為天朝指與地方令其安置該督等當體察情形妥為辦理慎勿視為易易凡撫馭之方或通商等事尤期經久無鮮該部落向為雷罕羽翼今復徙居他所豈肯棄若做屣設有鬻屬相爭之事該布噶特等必當求援不應則失信外夷應之則無此政體亦當

豫為議及該督等當諭以爾部落既誠心歸命大皇帝嘉爾效順將該比阿里瑪卡加恩賞換二品頂帶與效順各布噶特愛曼一視同仁善為撫恤爾等當自安生計永作藩籬惟與外夷有構怨與兵之事天朝體制從不過問不但爾部落一處為然並非稍有歧視如此豫為晚諭庶將來有求不應不至稍生缺望也○乙未准福建臺灣另編田字號中額一名○是月展緩兩淮丁雞等場通課長蘆嚴鎮海豐二場工本銀緩徵江蘇泰州等二十八州縣衛水災通賦○是歲朝鮮琉球入貢○會計天下民數數各省通共大小男婦三萬八千六百五十三萬一千五百十三名口各省通共存倉米穀三千二百九十八萬二千二百五十四石七斗四升一合六勺

東華續錄

道光十九

王先謙敬編

周瀚蕃恭校

道光九年己丑春正月壬寅諭軍機大臣等張井等奏南河見在
 清高於黃開放禦壩日期一摺前因禦黃壩日久未啓節經降旨
 令該河督等將河湖全局設法妥辦期收刷黃去淤之益茲據奏
 年來堅閉上游各閘不使分流力守禦壩不使倒灌正所以杜致
 病之源使大溜挾沙併力趨海特受病太深為效較遲見在較量
 內塘清水已高黃水尺餘即於二十二日啓除臨黃堰放清水外
 出禦壩內外河口淤沙稍資刷滌計見存水誌比上年底水落低
 二尺一寸是於黃河不無小效等語河身高仰惟有蓄高湖水藉
 以漸去積淤然欲另勘三隄勞費需時固屬未可輕議以見在情

東華續錄

道光十九

形而論止有東水攻沙之一法該河督等業已詳細講求於海安
 海阜兩處隄盡處酌估接築以專歸墟之力其外南應顏家河等
 河寬溜散處所則相機築壩以束漫流務當盡力為之俾河湖漸
 復舊規朕亦不責成近效但啓壩固以滌淤而蓄清乃可濟運該
 河督等仍當體察湖水情形可放則放應閉即閉斷不可任其宜
 洩消耗過多或致重運艱難資浮送總之河湖日敝籌畫必須
 萬全務使空重漕船無阻長河永保安瀾方為不負委任儻或辦
 理不善稍有疏失惟該河督等是問懷之勉之○諭朕聞閩廣江
 浙各省洋面近來雖無大夥匪船仍時有盜劫之案地方文武非
 竟不查拏每因解省經費無出遂存化大為小之見並不認真嚴
 辦若果如此豈非因噎廢食戢暴安良係地方官專責核督撫等
 自應將緝捕及一切經費豫為籌畫各州縣距省道里遠近不齊

既不能槩以解費浩繁有所藉口况離省萬遠之處除罪應斬絞
 並斬絞案內遣軍流徒餘犯外皆有就近解巡道審轉之例何至
 輒形苦累外海營汛地方如是內地土盜因此從輕完結者亦可
 想見該督文武果能不分畛域和衷共濟縱或一時偶疏防範迨
 經緝犯懲辦功過原可相抵每據該督撫陳奏朕無不槩從寬宥
 其緝捕勤奮者亦皆量予鼓勵豈得稍有畏難養癰貽患各該督
 撫接奉此旨除向有緝捕等項經費各處無庸籌款外其餘俱應
 一律酌議量加經費並嚴飭該管文武各官一體和衷力改前習
 以期安行旅而靖閭閻如嗣後仍有因循規避觀望延閣者即當
 據實嚴參懲辦該督撫等亦當認真查察勿涉頽預致干咎戾○
 丁未諭軍機大臣等據那彥成等奏差人赴卡外籌辦各逆犯情
 形一摺朕命那彥成前往喀什噶爾止為籌辦卡內善後事宜業

東華續錄

道光十九

經將八城善後諸大端籌辦周妥即為不負委任是以疊經賞資
 前降恩旨甚明至逆夷家屬及從逆餘黨潛匿卡外原無足重輕
 止可檄諭外夷各部落如能擒獻固佳否則任其偷生視息亦不
 過釜底游魂有何緊要在我示以寬大無意購致尙恐外夷居為
 奇貨若屢次差人赴彼暗索窮技終不能得豈不為外夷所竊笑
 其布嚕特各愛曼有來歸附者止可撫戢羈縻亦不必特地招致
 指給游牧收地方設日久谿壑難盈又將如何籌辦前經屢諭及此
 該督何以總未領會豈非必欲邀功轉生出許多枝節見在善後
 諸事業經辦竣已另行飭諭武隆阿等遵旨領辦該督接奉
 此旨著即迅速起程來京勿再遲留○壬子諭本日楊芳來京召
 對見其精神強健朕心實深喜悅楊芳宣力邊疆生擒巨寇前已
 加恩錫封三等果勇侯爵賞用紫緞換戴雙眼花翎在御前侍衛

上行走並將伊子楊承注賞給舉人一體會試嗣因受俘禮成復賞加太子太保銜茲當凱旋入覲允宜再沛恩施楊芳著加恩晉封二等果勇侯晉加太子太傅銜在紫禁城內騎馬並賞給人潑四兩綽絲蟒袍一件大卷八絲段袍鞋料各一匹大卷江細袍鞋料各一匹大荷包一對小荷包四箇用示朕慈賞庸有加無已之至意○戊午諭朕因宗室近來積習往往以不干己事具控藉端訛詐降旨令軍機大臣會同宗人府刑部酌議條例具奏茲據查明定例分別從嚴酌議嗣後宗室覺羅人等告訐之案察其事不干己顯係詐騙不遂者該管衙門立案不行仍將該原告咨送宗人府照違制例杖一百實行重責四十板如敢妄捏干己情由登准及至捉集人證質審仍係訛詐不遂串結捏控者即將該原告先行摘去頂帶嚴行審訊並追究主使教誘之犯儻狡辯不承

東華續錄

道光十九

三

照例先行板責訊問審係控款虛誣除坐誣罪應斬絞者仍照向例請旨辦理外其餘誣控之案無論詐賄多寡已未入手但經商謀捏控不分首從俱實發吉林安置到配仍重責四十板以示懲儆其主使教誘以及添威助勢之犯無論軍民人等不分首從均照例發近邊充軍仍先加枷號三箇月滿日再行發遣係旗人照例銷除旗檔一律辦理即使所控得實但因串詐不遂捏情圖准者亦即照此例定擬不准以事出有因量為援減著宗人府刑部即各纂入例冊永遠遵行並由宗人府刊刷條例通傳近支遠支各族及八旗滿洲旗分咨行步軍統領衙門出示曉諭務令周知用示朕明刑弼教之至意○己未命楊芳叩謁 東陵 西陵○庚申諭昨日兵部將擬補甘肅甯遠堡守備楊發陝西撫標左營守備田大武帶領引見該二員年力精壯均堪造就著交楊芳隨

時訓練策勵成材並著兵部將楊發田大武俱調補固原提標營守備俾得就近隨同學習用示朕培養人材之至意○諭軍機大臣等御史章沅奏粵洋通市不得違例私易銀錢請旨飭議章程一摺向來外洋與內地通市止准以貨易貨例禁蒸嚴近日洋商貨物務為奇巧炫惑漁利取值不啻數十百倍據該御史奏稱該洋人賦性狡黠純用機心賣物則必索官銀制錢買物則製用番銀夷錢銀低錢薄僅當內地銀錢之什七或仍以番銀給還則斷不收納是以番銀之行日廣官銀之耗日多至鴉片煙一物流毒尤甚該處偽標他物名色夾帶入粵每歲易銀至數百萬之多非尋常偷漏可比若不極力嚴禁將何所終極嗣後該省通市務當恪遵定例止准易貨毋許易銀其番銀之在內地者行用已久自難驟加遏絕至內地官銀則分毫不准私出其違禁貨物尤應

東華續錄

道光十九

四

隨時稽察不准私入著李鴻賓盧坤延隆會同詳查妥議章程具奏○壬戌以劉斯喟為山東布政使 服闋貴州 是月給安徽泗州等五州縣並屯坐衛江蘇海州等十五州縣衛災民口糧展賑兩淮板浦等三場被災貧丁貸山西代州解州水災籽種河南上蔡縣水災倉穀緩徵山東德州等二十三州縣被災額賦二月乙丑朔諭前據那彥成等奏請將黑帽回子挑補伯克當降旨飭查各城是否向有成例籌議具奏茲據奏稱向來伯克挑用黑帽回子居多白帽回子歷久相安其阿渾向不當差亦不挑用伯克各阿渾子孫人多者止有一二人充當阿渾其餘或自謀生理或充當伯克均聽其便等語著通諭各城以後無論何項回子當阿渾者止准念習經典不准干預公事其阿渾子弟有當差及充當伯克者亦不准再兼阿渾以昭限制○諭軍機大臣等據那

彥成等奏布噶特全部效順酌定歲俸以示羈縻一摺所奏甚屬
冒昧從前乾隆年間平定回疆卡外各布噶特愛曼甚多並無賞
給歲俸之事彼時愛曼中之出力者並非無人如必須給予歲俸
各該辦事大臣早應籌議及此當年從無一人議及可見此事斷
不可行何以那彥成等此次辦理善後因各愛曼陸續來城請安
遞馬極為恭順援引乾隆年間奇里克沖巴噶什希皮察克等愛
曼曾有世襲歲俸甄行分別等差給予翎頂銀兩段匹發給劄付
令其按年分季持照領賞並令烏什照辦卡外各布噶特部落如
果奮勉出力朕原不靳帑藏量加恩賞見在該夷等雖相率來歸
並無勞績不過請安遞馬那彥成等遽欲給俸以為羈縻之計國
家無此政體那彥成等即有此議自當先行具奏請旨乃並未奏
明率行發給劄付那彥成扎隆阿俱著傳旨嚴行申飭此時業給

東華續錄

道光十九

五

劄付殊不成事必當設法停止著那彥成扎隆阿體察情形妥為
籌辦據實具奏那彥成著仍遵前旨迅速起程於六月內到京○
諭奇諭噶爾參贊大臣扎隆阿幫辦大臣額爾古倫伊薩
克據那彥成等奏差人前往霍罕要出黑帽阿渾奈瑪特等四人
並霍罕伯克差人請安遞伯勒克等情朕命那彥成前赴喀什噶
爾籌辦善後事宜並未責成伊於卡外接捕要犯及逆裔家屬乃
那彥成有意邀功屢次遣人赴卡外刻意投求殊大負委任之意
本日復據奏報設法要出黑帽阿渾奈瑪特等四人給予翎頂及
賞給元寶細段茶葉等物並有諭霍罕伯克說帖欲其將逆屬弋
獲送出斷絕根株如此布置殊可不必見在善後奏定章程業已
周妥該大臣等務當遵照前旨嚴密稽察勿任大黃茶葉偷漏出
卡亦不得仍令該夷隱混貿易即為妥善至於卡外各犯既已畏

罪遠竄總當置之不問斷不可意存招致妄生邊釁如辦理稍有
不善或致大黃茶葉仍有偷漏惟伊等三人是問恐不能當此重
咎也○丁卯釋奠 先師孔子以平定回疆告成太學 上親製
碑文勒石大成門外曰征而滅之謂之勦生而致之謂之擒命將
出師聲罪致討此可必得之數也戰手張拳生鼎駢繫此不可必
得之數也矧既已遁逃而猶望其自投羅網尤難之難矣乃失之
而復得之且生得之此豈人力哉天也逆回張格爾者為薩木薩
克之子自稱係和卓木後裔嘉慶二十五年沖巴噶什愛曼布噶
特比蘇蘭奇與張格爾糾煽回眾殺傷卡倫官兵欲圍喀什噶爾
經官兵擊敗張逆等竄逸道光四年張逆復糾合回眾夜搶卡
官兵殲獲助逆賊目張逆復遁五年差人詐降句結四百餘人為
亂因奈曼部落不從仍復竄赴薩雅克部落句結汰劣克等同來

東華續錄

道光十九

六

喀什噶爾滋事巴彥巴圖帶兵出卡遇賊仗中槍自刎朕諭慶
祥往喀什噶爾督同永芹辦理勦捕事宜旋因永芹病歿以慶祥
為喀什噶爾參贊大臣六年六月張逆率安集延布噶特五百餘
人夜由開齊山路突至阿爾圖什回莊眾回從逆者多分投搶城
臺路斷絕所調援兵路梗未能猝赴英吉沙爾葉爾羌和闐既分
兵應援存城兵少賊勢猖獗各城紛紛告急烏什阿克蘇二城亦
俱戒嚴朕遂授長齡為揚威將軍楊遇春武隆阿為參贊大臣先
後調派吉林黑龍江官兵三千名各路官兵三萬二千餘名又簡
派巴圖魯侍衛章京等馳往帶兵進勦隨頒發硃諭十條指授機
宜而賊匪擾至阿克蘇渾巴什河南岸屯聚伺隙渡經長清達
凌阿巴哈布等督兵晝夜嚴防兩路夾擊殺賊甚夥賊首奔竄追
斃之楊芳按劄阿爾坪從逆賊匪殲戮殆盡七年長齡等於二月

初六日統大兵進剿二十三日至洋阿爾巴特甫經接仗賊勢披靡布魯特俱奔竄二十五日進至沙布都爾莊鏖戰擒戮賊匪數萬二十八日進至阿瓦巴特回莊三次續獲勝仗三月初一日克復喀什噶爾張逆先已乘閒竄逸長齡留喀什噶爾楊遇春等帶兵進剿英吉沙爾葉爾羌以次收復楊芳分勦和闐亦克復其城朕以四城雖定逆首未除諭長齡派兵各要隘安營務確探張逆蹤迹期於必獲五月長齡奏張逆在木吉地方潛匿飭安福等出卡追捕添調楊芳督辦張逆復竄拉克沙地方檄令喀拉提錦部落助擒朕諭楊遇春來京入覲楊芳授為參贊大臣長齡奏請仍留喀什噶爾朕允其所請並諭以張逆勢難窮蹙難保其不復來窺伺該將軍等當嚴加防範設法勦擒張逆果於十二月二十七日潛由開齊山路入卡長齡楊芳分統將領連夜勦捕追及於喀什噶爾

東華續錄

道光十九

七

爾鐵蓋山兩路並勦眾賊逃竄張逆僅贖賊黨十餘人情急將自絕頭總兵胡超等奪刀生擒之餘賊殲戮無遺隨將張逆解大營檻送闕下獻俘長齡等紅旗報捷閱二十日遞至京師爰錫封長齡為威勇公楊芳為果勇侯其餘將士升賞有差朕思回疆自皇祖高宗純皇帝平定以來休養生息六十餘年彼回眾踐土食毛無不感承 聖化乃張格爾以逆裔遺孽招集沙蟲之族潛行梟獍之謀朕何敢不導揚 先烈勉迪 前光是役也擒渠於萬里而遙奏績於一年以內備有從之眾一鼓就殲而煽惑之魁隻身遠遁事未稱為盡善功猶墮於垂成且逆首或畏罪自戕或拒追被戮雖伸國法未快人心是既得而猶未得也今則飛蛾赴火自蹈危機臨陣生擒束手就縛與檄諭外夷設計縛獻者厥功尤偉然此豈人力所能為哉罪人斯得 天奪其魄也我武惟揚

天之所助順也禮曰執有罪告成於學故據事書之繫以銘曰惟我 皇祖拓土開疆大小和卓自取滅亡背恩反噬敢肆鴟張爰敷將帥翦彼狼狽二首授首獻誠廟堂懾 威懷 德綏靖遐荒濟惡作奸薩木薩克遂匿深藏苟延喘息弗忍加誅投畀有北逞其詭謀為鬼為蜮助虐者誰狠心叵測曰安集延曰布魯特根株弗斷滋蔓難圖蠢張格爾甘自速辜巧營三窟雄長一隅窺邊越卡常苦覬覦有時擊敗窮若囚拘乘閒而遁終為逃遁煽亂游魂稽誅遺孽搶占城垣棄離巢穴虺毒豺兇蜂屯蟻結竟抗顏行羣效據竊前圍後攻左牽右掣療之方揚如火烈烈恭行 天討詰爾戎兵卜云其吉命將遄征三戰三捷克復四城以少勝眾猛助軍聲狡哉鼠竄惜死偷生神人共憤星掃機槍窮狼投林枯魚泣釜遜迹莫偵孰製而虜自夏徂冬以防為堵彼若不來我焉能取

東華續錄

道光十九

八

惟 天不容俾羅網罔故智復萌餘勇欲賈霜鋒雪甲桓桓我師賊棄馬走高山屢屢揮弓雷閃激矢風追逆渠生縛援戈而麾自我勦之自我擒之堂堂正正盪定西陲將軍長齡首功懋賞參贊楊芳壯猷優獎爾公爾侯用衰忠諫大小臣工恩波浩蕩押獻戎俘父安邊壤紫閣銘勳凌煙畫像凱歌除夕慶洽元辰萬方送喜九寓同春肇應靈序允惠黎民如 天之福如 天之仁告功太學勒碑成均嚴恭實畏 天之懷遵○己巳 上御經筵○庚午上奉 皇太后幸惠郡王綿愉第○調那丹珠為盛京兵部侍郎由理藩院○王申諭軍機大臣等從前乾隆嘉慶年間每逢聖駕巡幸盛京恭謁 祖陵盛京吉林各將軍均有例進土貢但止就各該處所產土物呈進以輸忱悃原不准踵事增華徒滋糜費朕本年八月恭奉 皇太后慈輿前詣盛京祇謁 祖陵該將

軍等著仍准照例呈進士貢惟此次諸事繁從節省該將軍等所進士貢務當比照從前酌加覈減斷不准稍有增多致負朕勤華崇儉之至意○以福勒洪阿為理藩院左侍郎由內閣學士遷○癸酉展緩山東道光七年以前通賦○戊寅諭那彥成等奏請重申抽收外夷稅課定例一摺回疆自開闢以來曾經奏定章程外夷貨物入卡貿易每三十分抽稅一分原非重科特藉以稽察各夷出入慎重邊防立法本為至善乃近年以來各城大臣往往因外夷懇求免稅即量准減免且有全行免稅者殊屬不知大體著通諭喀什噶爾葉爾羌烏什各城大臣嗣後各夷入卡販易務當遵照舊制每三十分抽稅一分無論何處部落聚不准絲毫減免如各城大臣濫行減免稅課著該參贊大臣據實參奏倘參贊大臣有減免情事著伊犁將軍及各城大臣據實參奏均照違制例交部嚴

東華續錄 道光十九年

加議處毋得日久玩視以肅法令○諭軍機大臣等那彥成等奏達爾瓦斯部落遣使遞馬懇求內附酌加賞賜一摺前據那彥成等奏卡外各布魯特愛曼全行歸順聲明酌賞俸銀俸段朕即以其事涉冒昧降旨令那彥成扎隆阿設法停止茲復據奏達爾瓦斯伯克差額爾沁沙阿布都拉等帶同跟役前來請安遞馬並呈遞稟帖情詞恭順擬照見議酌賞布魯特等果有誠心歸附者亦止語邊疆重務全在鎮靜撫綏即布魯特等果有誠心歸附者亦止當就地羈縻從無酌給歲俸之事達爾瓦斯遠在霍罕西南若以其向與霍罕為仇人民亦屬強富遂欲將該部落招致收服以為鈐制霍罕之計實屬不成政體且外夷部落如果變觸相爭天朝從不過問那彥成等所稱該夷希冀中國勦滅霍罕坐收其地諭以靜聽霍罕輕離巢穴乘機深入俟有用汝等之時再差人告知

一節殊不成語此等外夷貪黠性成豈肯真心樂為我用正當開誠布公使知安分守己何得以此言向其傳說致該夷妄生冀倖朕命那彥成辦理善後事宜原不應妄圖卡外之事乃於此處費心饒舌甚可不必所有諭帖內酌賞達爾瓦斯銀段給與劄付之處斷不可行著仍遵前旨設法停止至另片奏達爾瓦斯伯克懇求瞻親諭令靜候諭旨再定行止所見尚屬得體著那彥成等傳諭該伯克差來之額爾沁等以爾伯克情願遣人進貢具見惻誠深堪嘉獎但爾部落距京寫遠見已奏明大皇帝不忍爾等跋涉毋庸進京如此剴切宜諭該夷等必當感激恩施那彥成接奉此旨仍著迅速起程限於六月內到京○以卡外夷情靜謐裁減喀什噶爾等五城換防官兵並定年限○壬辰諭軍機大臣等張井等奏重運首幫漕船於本月二十一日相機倒塘瀆放已過幫船

東華續錄 道光十九年

三百九十餘隻並將銅船船艘放全數渡黃水高於清水尺餘尚未倒灌等語所辦好此時來源頗旺漕船抵壩守候不能不權宜灌放嗣後幫船陸續前來該督總當察看水勢相機妥辦遇有可乘之機立即啟壩放船俾得迅速趨渡當不待諄諄勸諭也

○甲午裁山西平定州甘桃驛驛丞復設陽曲縣蘭村主簿

三月己亥 上親耕藉田○庚子召董清來京以桂良為四川布政使惠吉為河南按察使由山東充沂○丙午 上幸南苑行圍

○辛亥諭軍機大臣等惠顯等奏拉達克部長呈進奏書哈達花繡謝恩一摺前因拉達克擊解遊回加恩賞給該部長及小頭目薩莫等頂翎綉段茲據惠顯等奏該部長敬備奏書一分哈達一方花綉一匹祈為代進因典禮制不符未敢遵行呈進亦不便即行駁回見將遞到各件暫為收存請旨辦理等語西藏沿邊小部

落遇有事件向未呈遞奏書拉達克本非廓爾喀之列在藩封者可比今呈遞奏書等件原與向來體制不合該大臣等所見尙是但該部長究因賞給頂翎備物謝恩且奏書等件業已遞到收存若遠行駁回轉恐該部長別生疑慮所有此次呈遞之件著該大臣等遇便呈進並著傳諭該部長以爾部落原不應呈遞奏書茲經本大臣據情奏聞大皇帝嘉爾恭順姑准呈進此乃格外施恩並示體恤之意○壬子 上還京師○癸丑諭鄂山奏請將丁憂同知服闋仍發陝省補用等語陝西丁憂同知鄭謙服闋後例應歸部銓選茲據該撫奏稱該員熟悉地方情形請於服闋後仍發原省補用與例不符且恐各省紛紛陳奏易滋流弊所請著不准行○甲寅 上御閱武樓閱京營兵○戊午召琦善來京以訥爾經額爲山東巡撫朱桂楨爲漕運總督調卹樹棠爲倉場侍郎以東華續錄 道光十九 十二

勒令休致所請以教職改用之處著不准行嗣後各省督撫甄別屬員務須遵例覈辦如有蒙混具奏者定即重懲不貸○己卯諭松筠等奏拾獲匿名揭帖因關繫通省政治官方據實密奏一摺匿名告訐最爲風俗人心之害會奉 皇考仁宗睿皇帝諭旨有拾獲者即行銷毀不准具奏茲松筠因揭帖內指控該省大吏不敢不密行陳奏摺內已將定例聲明尙無不合惟揭控各款如果屬實何不出名呈控遲此鬼蜮伎倆甚爲可惡著將所拾揭帖發交松筠即行銷毀嗣後凡有拾獲匿名揭帖者仍照定例將原帖銷毀斷不准率行入奏致干吏議○諭松筠等奏參直隸疏失餉鞘審辦錯謬各員請分別交議一摺此案外委白勤被誣到官保定府知府白明義並不虛衷研鞠訪求賊証率以傳播謠言疊次熬審致令病斃又不將白勤致死緣由即行稟報直至二月初三日始行出詳尤屬任意遲延署臬司清河道陶樾風聞無據之言不行確查輒稟該護督提省審辦又不嚴飭該府悉心查審咎有應得白明義陶樾俱著交部嚴加議處委審候補知縣歐聲振隨同鞠訊未能究出被誣實情著交部議處護理直隸總督屠之申於御史王琦慶所參欲爲屬員開脫處分一節雖非徇庇究屬遲延且於白勤被誣之案不察虛實輒委守備楊銘查拏既不能究出教供情弊又未審有端倪率行具奏雖於摺內未經聲敘白勤病故緣由因該府遲延所致何至近在同城漫無覺察迫據詳報又不即時奏辦種種錯謬咎無可辭著交部嚴加議處尋議屬之申降三級調用陶樾降四級調用白明義革職歐聲振降一級調用從之○壬午以松筠署直隸總督○調顏伯燾爲直隸布政使由甘肅以李振勳署直隸按察使由天津○癸未以方載豫爲甘肅

布政使孔昭虔為陝西按察使由江西○丙戌 上奉 皇太后

御含輝樓閣 皇子及侍衛等騎射○顧皋以病免調汪守和為

戶部左侍郎轉史致儼為禮部左侍郎以楊懌曾為禮部右侍郎

由左副都御史○戊子賜李振鈞等二百二十一人進士及第出身有

差○是月貸湖南乾州等五廳州縣上年旱災口糧籽種山西朔

州等二十三州廳縣歉收倉穀緩徵江蘇阜甯等五縣衛水災額

賦

五月丁酉奉移 孝穆皇后梓宮於寶華峪正殿 神牌於東配

殿命 皇長子奕緯行禮○己亥諭每年恭祭 太廟祝文內敬

書 列后徽號向不恭讀嗣後祝版除敬將 列后廟號尊諡照

常恭繕外無庸再書 徽號以昭敬慎○乙巳諭本年朕恭奉

皇太后前詣盛京經過直隸地方一切除道清塵止須酌派近屬

東華續錄 道光十九 十三

各員幫同承辦官分段經理不准仍前多派以重職守○己未諭

內外各衙門題奏事件遇有地名字面理應遵照全寫如熱河之

但稱為熱多倫諾爾之但稱為諾烏嚕木齊止稱為烏順天府節

稱為順乾隆嘉慶年間歷經 聖諭訓飭並載入則例凡遇地名

字面不得率用省文各該衙門自宜永遠恪遵本日據扎隆阿等

奏請將餘糧酌改折色摺內葉爾羌書寫葉城並有阿烏喀三城

字樣實屬簡率不成文理著再行通諭各衙門嗣後於應載地名

字面務遵定例全行書寫斷不可任聽幕友胥吏止圖省便致於

體制有乖○辛酉諭軍機大臣等李鴻賓等奏越南國差官護送

廣東遭風生監回省順帶貨物來粵售賣並請通市貿易一摺此

次越南國王因內地生監遭風漂收到境恤給衣糧盤費護送回

粵實屬恭順可嘉所有帶來各貨及將來出口貨物均著加恩免

其納稅至該國王請由海道來粵通市貿易一節自當照例駁回

但須妥為曉示著李鴻賓等傳諭該國王見據爾國王請由海道

來粵通市業經奏聞大皇帝以爾國王久列藩封素為恭順爾國

地界毗連兩廣向與內地商民有陸路交易處所貨物流通足資

利用非他國遠隔重洋必須航海載運者可比外夷諸國如有於

各海口越界求通貿易例禁甚嚴今若允爾國王所請誠恐各外

夷船隻偶有攙越滙入以致滋生事端於爾國王諸多未便轉非

所以示體恤是以仍令爾國王恪守舊章於廣東欽州及廣西水

口等關各陸路往來貿易毋庸由海道前來此係大皇帝格外恩

施曲加優眷爾國王其善體此意敬謹遵循為要如此明白宣諭

於示以限制之中仍寓撫綏之道該督等接奉此旨即行遵照妥

為辦理○定三四品京堂服滿通補例○是月貸湖北荊州城守

東華續錄 道光十九 十四

水師二營及宜都營被水倉穀緩徵河南濟源杞縣災歉額賦

六月丁卯以桂齡為左副都御史由大理寺卿○甲戌以玉麟為伊犁

將軍調松筠為兵部尚書仍署直隸總督以博啓圖為禮部尚書

由內大○癸未以薩迎阿為河南布政使程喬采為甘肅按察使

由蘇州○己丑命那彥成回直隸總督任○葉爾羌顯忠祠成予

新舊殉節諸臣入祀並附祀殉節伯克回民○是月貸三姓地方

上年被水倉穀展緩兩淮板浦等三場積歉速課

臣王先謙敬編

臣周瀚蕃恭校

秋七月癸巳朔命張井籌辦南河蕭南廳等工並改建運河淡水壩○辛丑諭朕召見武隆阿詢及喀什噶爾軍務情形伊奏對時詞多掩飾特令御前大臣軍機大臣公同詢問據稱伊在軍營聞張格爾復來卡外窺伺曾向長齡言及欲行前往長齡向其阻止伊云尙可勉力督帶馬隊武隆阿前於大兵進剿打仗三次旋即患病至張格爾復行進卡時伊尙不能乘騎安能督帶馬隊其派令黑帽回子截擊張逆本係長齡在彼公商定議出示曉諭乃伊在朕前口稱係伊指派實屬有心含混不知愧懼且於陝甘凱撤征兵一事又復辦理不善武隆阿著降為頭等侍衛在大門上行

東華續錄 道光二十

走伊子侍衛慶安著逐出乾清門亦在大門上行以示懲儆○以周之琦為廣西布政使王定柱為浙江按察使由兩淮鹽運使遷○癸丑諭軍機大臣等此次隨往盛京之總管首領太監等人數眾多恐有不法之人沿途生事業經諭令總管內務府大臣定立章程嚴查需索訛詐之人按例究治矣因思 壽康宮及壽康東宮儲秀宮鍾粹宮之首領太監等侍無見證難保無假捏指稱諸弊著隨扈之總管內務府大臣等隨時嚴密稽查此四處之首領太監內如有向隨扈大臣官員或地方官員指稱傳行情事無論事之大小著禮恩等即行指名封奏立將該首領太監鎖鑿交慎刑司重責八十板即日發黑龍江給兵丁為奴遇赦不赦該管之總管罰月銀半年決不寬恕此係朕防微杜漸之深意禮恩敬徵寶興務善體朕

心認真查辦並諭那彥成奕顯知之如有此等情弊必當隨時具

奏如緝摺不及而告軍機大臣可也諸臣稍存姑息避就之見獨

不慮日後發覺何顏見朕耶○丁巳諭外夷各國貢道或由水路

或由陸路定制遵行未可輕言改易越南國遣使來京進貢自康

熙年間議定由陸路行走今該國陪臣於進表後在禮部呈遞稟

啓欲改由廣東水路該部以事涉更張實不可行議駁甚是所

該陪臣稟請改由水路以省勞費之處著無庸議至該陪臣稟稱

該國王之母年已七旬需用人蔭調養懇請賞賜蔭斤以例賞各

件折給一節此係該國王孝養至情與無故率行祈請者有間著

加恩賞給人蔭一斤其例賞各件仍著照例賞給○庚申諭每年

朕於八月由圓明園進宮設儀仗作樂王公文武大臣於三座門

前接駕繁文縟節朕無取焉著自本年為始每屆八月進宮回園

東華續錄 道光二十

之期將儀仗作樂及王公各大臣接駕之處俱行停止○是月賑

廣西雒容永福二縣水災免安徽泗州五河縣鳳陽泗州二衛上

年被水錢糧十分之一

八月壬戌朔禁隨行校尉等沿途滋事犯者照搶奪例治罪○以

戴宗沅為河南布政使花杰為直隸按察使由四川鹽運使遷○乙丑諭

御史張曾奏請飭禁刊刻落卷以端士習一摺所奏是掄才大典

棄取一秉至公在士子果有屈抑原許赴該管衙門控訴若於未

發榜以前鈔錄開文送人批點並榜後刊刻落卷均干例禁茲據

該御史奏稱本科有浙江舉人顧宗伊刊刻落卷散布流傳之事

是否屬實著禮部查明具奏○己巳暹羅國王以平定回疆遣使

表賀進方物○庚午以惠顯為理藩院左侍郎由駐藏大臣遷○丁丑諭

工部奏查明張井奏道光七年另案工程銀數比較單內共用銀

二百九十七萬三千二百二十九兩零內稱專案辦理各工用銀六十五萬二千三百四十五兩零非常年所有之工不入比較南河自道光六七兩年增培堰圩大隄用銀一百四十八萬五千八百餘兩該河督奏內並未聲明堰圩缺口善後係奏明增培或統歸比較其餘均係常年另案工程該河督何得於此內復行剔出銀六十五萬二千三百餘兩以為專案辦理非常年所有為詞殊非覈實辦公之道國家經費有常自宜加意撙節若每年比較懸殊於另案之外復添專案名目豈非為開銷地步著該河督嗣後彙奏一年另案銀數單內除歲修搶修定額外如實係與舉大工應於摺內奏明不入比較其餘常年奏明另案工程均合併入單內開明將上三年用過銀數聲明比較毋得另立專案辦理名目以杜虛浮而昭覈實○以戴三錫署工部左侍郎前任四○已卯東華續錄

諭禮部查明御史張曾奏浙江舉人顧宗伊刊刻落卷屬實並檢查所刻卷內附載致同考官袁文祥書大肆譏評此風斷不可長考試為掄才大典士子若實被屈抑原有准赴該管衙門控訴之條乃該舉人不安義命妄生怨尤輒刊刻傳布且附載譏評該同考官原札實於士習人心大有關係顧宗伊著即褫革舉人以示懲儆至檢討袁文祥閱看試卷如僅將士子頭場三藝點看起請即行棄置實屬草率見在顧宗伊已將原卷領出回籍著劉彬士即飭屬追取攜回場卷送禮部查驗如果屬實再將該檢討袁文祥移咨吏部議處其批點之內閣學士朱方增翰林院修撰朱昌頤工部候補主事顧椿俱著交部照例議處○以鐵麟為左副都御史由光祿寺卿遷○庚辰 上奉 皇太后詣盛京謁 祖陵啓鑾○辛巳定江蘇沿江沿海新漲沙洲石佃章程○丙戌免經過大

興等八縣通州等四州本年額賦十分之五旗租十分之三○丁亥諭審忠親王多爾袞當 太宗文皇帝時統師征明戰功甚多厥後首先率師入關將流賊立即驅除大勳著定恭迎 世祖章皇帝定鼎燕京忠誠懋著乾隆四十三年我 皇祖高宗純皇帝特降 諭旨復爵予諡配享立後用敘成勞朕此次祇謁 祖陵路經永平指日出關皆係當時殄滅流賊之地王之大勳偉績實堪嘉尚著賜祭一壇派惠郡王縣愉前往王墓代奠眷親王仁壽著加恩賞戴三眼花翎在內廷行走御前大臣戶部尚書禮恩著加恩賞戴雙眼花翎以示朕眷念勳親至意○是月緩徵廣東南海三水二縣水災額賦長蘆被淹電課

九月壬辰朔日有食之○癸巳免經過甯遠等五州廳縣本年額賦及幫辦差務之遼陽等九州廳縣本年額賦十分之五○戊戌東華續錄

上詣 北鎮廟行禮○己亥諭朕恭謁 祖陵經過關內關外秋成豐登閭閻安謐黃童白叟夾道歡迎實深嘉悅仰惟我朝肇基東土二百年來 列祖 列宗厚澤深仁周徧寰宇朕鑾輅經臨瞻雲就日愛戴出於至誠可見小民具有天良朕無日不以敬 天法 祖勤政愛民為念封疆大吏當仰體朕意潔己惟清泣 事惟公嚴貪冒之防戒因循之習務期大法小廉吏治蒸蒸日上俾民皆安居樂業尊君親上之心油然而生風俗益厚人心益淳有厚望焉○甲辰諭軍機大臣等扎隆阿奏接據布庫愛曼布噶特比却喇遣五品頂翎巴喇特到卡稟報汰劣克見被誘獲當令伊薩克飭令巴喇特旋回遵照前發諭帖傳示並未遣人出卡查探並咨會烏什辦事大臣常德等一律辦理等語汰劣克從前雖為張逆助勢未敢進卡近因釋放其子遣人叩謝感激天恩今却

喇與之自構費障將其誘獲意圖賞賚藉洩私仇該參贊大臣鑒其肺肝拒絕不問所見正大之至該大臣有如此安邊材略朕嘉獎之餘別無可論著發去玉翎管一件玉雙喜佩一件小荷包四箇交該大臣祇領以示恩賚○乙己 上親射並閱盛京官兵等騎射○丙午閱吉林官兵等騎射○丁未 上謁 永陵○諭本日蹕路經行至馬爾墩嶺東見有民人欲由御道之右行至左邊彼時博啓隨扈在右止須勒馬即可攔住乃僅用馬鞭略為指揮徑即前行並未回顧以致該民人竟從御道後經過博啓圖近在御前漫不經心所司何事非尋常疏忽可比著交行在吏部議處三日內具奏再本日博啓圖等奏盛京吉林官兵射中布靶恩賞銀兩摺單內並未將銀數分晰開明亦屬含混博啓圖寶興俱著傳旨嚴行申飭○戊申行大饗禮○閱興京城○己酉諭行在

東華續錄 道光二十

吏部議奏御前大臣禮部尚書博啓圖照約束不嚴例加等請降三級調用得旨博啓圖著革去尚書都統降補兵部右侍郎仍降三級留任不准抵銷○以耆英為禮部尚書調寶興為戶部右侍郎轉保昌為兵部左侍郎○壬子 上謁 福陵○臨奠宏毅公額亦都墓○癸丑行大饗禮 上謁 昭陵○臨奠武勳王揚古利墓○甲寅行大饗禮 上至盛京詣 太廟尊藏 寶册前行禮○遣官致祭 壽康太妃 懿靖太貴妃 康惠淑妃並公主園寢奠親王貝勒大臣等墓○奉 皇太后居介祉宮 御崇政殿賜御前大臣及蒙古王公等茶○遣官祭 長白山 遼陽太子河 巨流河 渾河 北海 松花江諸神及 遼太祖陵○免盛京興京等十五處旗地額賦十分之五及積年逋賦○免盛京各莊頭本年應交倉糧○乙卯 上詣 天壇 堂子行禮○

詣 文廟瞻禮○臨奠克勤郡王岳託墓○加恩開國王裔封賞有差○定喀什噶爾西北邊界添設八處卡倫弁兵輪巡章程○朝鮮國王李玟遣使進表貢方物○賞隨扈蒙古王貝勒貝子白吉等銀○廣盛京滿合二號及奉天所屬科考學額○丙辰 上以恭謁 祖陵禮成奉 皇太后御頤和殿行慶賀禮 御崇政殿受朝賀頒詔天下恩賚有差○賜扈從王以下及盛京吉林將軍等食並賞賚有差○免奉天官兵借支俸餉銀○戊午 上詣地壇行禮○臨奠直義公費英東墓○以場古利後裔玉芳為頭等侍衛額亦都後裔巴雅爾綽克托和世泰費英東後裔盛桂為散秩大臣○己未 上御大政殿賜扈從王公大臣蒙古王貝勒貝子公及盛京文武官員朝鮮使臣等宴 上奉 皇太后回鑾○諭閩浙總督孫爾準閩浙總督福建巡撫每年秋閒例貢蜜

東華續錄 道光二十

浸荔支是物並無供獻之需且恐發熱朕又不嘗實屬無謂著自本年為始永行停止並諭韓克均知之○庚申諭那彥成奏州縣自理詞訟請仍實成道府稽查以符定例一摺前據松筠奏清釐案牘覈定功過章程令各州縣將已結未結控案按月具報統計三箇月奏聞一次見據該督奏稱已屆彙奏之期查明各屬詳報自理詞訟月計不下數千案積至三月累牘甚至萬有餘件瑣細繁多殊於政體未協至考察州縣記功記過向止飭司存記並不具奏亦不報部若即以此定為勸懲形請奏贖是又於議敘處分之外復添條款實屬紛雜著照所請除題奏咨部外及內控上控案件逾限照例參處外其各州縣各理詞訟仍照定例實成道府廳州縣嚴查循環簿籍將已結未結寢息續控案數按季造冊報明督撫衙門及藩臬兩司查考仍比較勤惰分別功過歸於年終

甄別案內彙總覈辦如有過多功少才不勝任者奏明分別降改以符體制所有松筠議請三箇月具奏一次之處著即停止○是月緩徵河南延津等十一縣款收陝西西安乾州二府州旱災新舊額賦

冬十月壬戌朔兩淮鹽政福森奏查明鹽務大槩情形得旨兩淮鹽政弊端已極皆由歷任鹽政自顧身家不以公事為重或苟且因循不知天良為何事實堪痛恨汝係朕特用之人必當奮發有為力挽積習盡心整理任勞任怨諄記勿忘如有起色何患不承朕恩若同前任依樣葫蘆汝自知之勉之又勉○甲戌 上奉

皇太后幸澄海樓○戊寅諭容安奏籌禁大黃茶葉潛通外夷詳酌見行實在情形一摺庫爾喀喇烏蘇所屬奎屯地方設卡稽查不准細茶雜茶販入伊犁塔爾巴哈台境內一年以來西北兩路

東華續錄

道光二十

七

私販之源已絕而安集延交結偷漏之弊亦除伊犁塔爾巴哈台

兩處所需附茶及大小斤茶該商民等照常販運食用無虞缺乏

見在邊境相安著該將軍參贊嚴飭奎屯派撥官兵認真稽查嚴

禁細茶私販入境並奎屯及塔爾奇第一臺卡房兵弁毋許勒索

留難違者准商民等控告懲辦加等治罪其沿邊各卡倫隨時加

意巡防不可日久稍有疏懈○己卯召烏爾恭額來京調程福采

為廣東按察使以惠豐為甘肅按察使由直隸新○庚辰召富呢

揚阿來京以岳良為江西按察使調惠吉為福建按察使以麟慶

為河南按察使由開歸陳○壬午 上謁 裕陵命倬親王麟愷

詣 昭西陵睿親王仁壽詣 孝陵慶郡王蘇愨詣 景陵行禮

貝勒奕綸祭 孝穆皇后殯宮○甲申以吳光悅為江西巡撫韓

文綺為左副都御史由江西○乙酉 上奉 皇太后還京師○

庚寅諭御史姜梅奏書吏役滿飭令回籍原因該書吏等充役有年熟悉衙門事務易啓句通賄屬之弊是以役滿不准逗留在京立法至為嚴密如該御史所稱近來役滿書吏回籍者不過十之一二並有因役滿之後又有冒入大興宛平籍貫改名捐納微職

以候選為名遂得潛留京中串通綫索或說事過財或指名撞騙或造作假偽或幫同訛詐其弊不一而足至戶部捐納房書吏向係本衙門貼寫充補亦俟五年役滿另行更換該書吏等雖係貼寫亦應與役滿經承一體飭令回籍嗣後各該衙門書吏役滿後著隨時行知順天府五城勒限即回原籍其充役將及五年無故具呈告退者亦著督飭回籍備有役滿後改名冒入大興宛平籍

貫捐納職官並戶部捐納房役滿貼寫著一併嚴查照例辦理不准在京稽留以除積弊○是月給安徽泗州等五州縣衛一月口糧緩徵山東濟甯等二十一州縣衛直隸滄州等十二州縣水災

東華續錄

道光二十

八

早災浙江仁和等五縣旱災額賦安徽泗州等二十四州縣衛水

災旱災江蘇高郵等三十三州縣淮安等四衛被災湖北荆門等

十三州縣衛水災新舊額賦展緩湖南澧州等三州縣積缺額賦

十一月辛卯朔賜吳鉞等三十六人武進士及第出身有差○丁

酉 皇三子奕繼生○戊戌諭御史何輝綬奏請定保舉御史章

程一摺所奏甚是御史為風憲之官必當慎重遴選此次保送御

史內兵部郎中李煥曾任湖北荊州府知府因才不勝任改用今

職刑部郎中錢學彬前在福建泉州府知府任內有意規避以才

不勝任請改京職部議革職旋經捐復員外郎推升郎中復蒙混

截取繁缺知府部議降調又經捐復郎中此等人員何得濫行保

送御史李煥錢學彬均著該部即行扣除無庸帶領引見嗣後各

部院堂官於所屬司員內凡因私罪降補京職及不勝外任特旨
改用人員不准保送御史並不得截取外用○辛丑封未婚守節
輔國公拉旺哩克森聘妻莊襄親王縣課女為貞憫和碩格格○
己酉定一子兩祧服制○丁巳以裕恩為熱河都統調保昌為吏
部右侍郎轉博啓圖為兵部左侍郎以桂輪為兵部右侍郎由內閣學
士○是月賑奉天遼陽等五處被災旗民口糧緩徵錦縣歛收額
賦甘肅狄道等十五州縣水災新舊額賦

十一月甲子緬甸國王孟既以生擒逆裔遣使表賀○乙丑諭軍
機大臣等李鴻賓奏英吉利商船延不進口及曉諭防備各緣由
等語所奏甚是各國夷船來粵貿易惟英吉利大班等因洋行連
年閉歇拖欠夷銀疊次呈控並臚列條款具稟查辦該督業經咨
提商人訊追並將所稟各款飭司妥議諭令洋商轉諭恪遵該商

東華續錄

道光二十

九

船仍然觀望停泊澳門外洋延不進口該國貨船每言在粵海關
約納稅銀六七十萬兩在該國以為奇貨可居殊不知自天朝視
之實屬無關毫末且該洋船私帶鴉片煙泥入口偷買內地官銀
出洋以外洋之腐穢巧獲重貲使內地之精華潛歸遠耗得少失
多為害不可勝言必應實力嚴查此次該洋商業經該督將來稟
嚴行批飭如果漸知悔悟相率進口即可相安無事儻仍所求未
遂故作刁難著即不准開船駛行驅逐即少此一國貨稅於國帑
所損無幾而洋煙不入官銀不出所全實多該督已密行咨會李
增階飭令各營將弁等不動聲色整齊防備所辦甚是該督等務
當鎮靜防閑詞嚴義正斷不可稍涉遷就其該洋商稟內夷船規
銀不論船隻大小一律徵收懇請分別納餉等款尚可量為變通
著該督等妥議具奏○召誠端來京以富呢揚阿為盛京工部侍

郎前任江西○戊辰 上謂 大高殿祈雪○以回疆軍務高堰
隄工告竣免兩淮鹽斤加價○己巳以劉重麟為江西按察使由
建臺海○辛未定科布多各卡並滿洲蒙古綠營各臺站屯田官
兵糧穀分別折給銀兩章程○癸酉諭伊薩克所封郡王著加恩

世襲罔替○丙子諭禮部議准御史牛鑑奏請以李容從祀 文
廟一摺先儒升祔學宮祀典至鉅必其人學術精純經綸卓越方
可俎豆馨香用昭崇報若僅著述家官闡明心性未有躬行實踐
超越等倫列祀鄉賢已足彰褒旋之義豈宜升祔 廟廷稍滋冒
濫綜覈李容生平學行雖足為闡黨矜式然似此者亦豈乏人何
能盡登兩廡該部請如該御史所奏准其從祀 文廟之處著無
庸議○諭軍機大臣等朕聞外夷洋錢有大髻小髻蓬頭蝙蝠雙
柱馬劍諸名在內地行使不以買貨專以買銀暗中消耗每一文
東華續錄 道光二十 十

抵換內地紋銀計折耗二三分自閩廣江西浙江江蘇漸至黃河
以南各省洋錢盛行凡完納錢糧及商賈交易無一不用洋錢番
船以販貨為名專帶洋錢至各省海口收買紋銀致內地銀兩日
少洋錢日多近年銀價日昂未必不由於此又鴉片流行內地吸
者日眾鬻者愈多幾與火菸相等耗財傷人日甚一日皆由番船
裝載鴉片駛至澳門廈門等處附近關津停泊或句通書差暗中
抽稅包庇進關或巡哨兵役游奕往來私為奸人夾帶代為發販
或得規容隱任聽番船分銷各省商船載往各處售賣行銷之路
既多來者日眾該兵丁等且藉以抽分吸用賤價留買南北各省
情形如出一轍較洋錢之害為尤甚若不究明弊源嚴行查禁不
特徒滋紛擾轉使作奸犯科之輩益復無所顧忌前因內地閒有
夷錢攙雜行使曾經降旨飭禁然尚不似洋錢行使之多折耗之

甚至鴉片煙泥則又以外洋之腐穢潛耗內地銀兩昨據李鴻章等密陳英吉利請改貿易章程摺內亦經籌議及此該督等通達治體深悉積弊必須將如何截其來路如何禁其分銷期於言出法隨不至徒爲文告故事有名無實方爲妥善該督等素稱曉事當能仰體朕意○戊寅以聯順爲內閣學士兼禮部侍郎銜

由頭等侍

東華續錄

道光二十

十一

東華續錄

道光二十一

臣王先謙敬編

臣周綱蕃恭校

道光十年庚寅春正月乙未諭正大光明殿入宴之大臣等皆在廊下謝坐謝宴著爲令○丙午程含章以病免以魏元烺爲福建布政使

○庚戌諭軍機大臣等寄諭大學士兩江總督蔣攸銛湖廣總督嵩孚江西巡撫吳光悅河南巡撫楊國植兩淮鹽務見在敞壞已極固由歷任鹽政辦理不善而引滯課虧亦未必不由於私梟之侵越上年福森奏請本年開印後馳赴楚省會同該督撫設法疏銷朕以江西口岸見已滯銷諭令該鹽政酌量便道至江西一併察看惟淮鹽之累總由引積而疏引之法首在緝私私鹽之爲害不獨有妨引課且梟徒聚集擾害地方尤爲可

東華續錄

道光二十一

一

惡淮鹽引地最廣各口岸私販多該地方官或以事涉鹽務意存畛域並不實力緝拏必致梟徒毫無顧忌愈積愈多勢將何所底止著各該督撫嚴飭所屬文武員弁認真巡查遇有大夥私販立即嚴拏懲辦務期奸徒斂迹鹽務日有起色倘因循不辦以致私梟充斥惟各該督撫是問○乙卯定喀什噶爾等處商回私越卡倫出入交易罪例○丙辰以徐鑄爲貴州按察使

由四川成縣

○丁巳暹羅國王鄭福以回疆底定遣使表賀貢方物○是月賑江蘇沛縣安徽盱眙等六州縣水災旱災銀穀展緩山東陽信等二

州縣甘肅皋蘭等十四州縣水災旱災銀穀展緩山東陽信等二

十一月州縣衛水災旱災風災蟲災新舊額賦

二月壬戌 上御經筵○乙丑諭御史王璋慶奏六部重修則例

宜率舊章如有更改應專摺奏明通行一摺各衙門頒行例台原

期垂諸久遠其有今昔異宜者固應隨時酌改然不必定限十年
即開館重修一次若如該御史所稱各部則例十年一修往往不
能依限告成每遲至六七年始刊刻完竣又未能即時頒發其開
數年之久各省官員既無新例可遵又謂舊例已改茫無所措而
書吏得以高下其手及至刊刻頒行將屆則例重修之時新例又
成廢本無所遵循且有舊例本屬美備因回護辦法兩歧或致舍
例就案輕爲更改甚或因開館爲書吏邀請議敘地步種種情弊
實不能保其必無嗣後各部已頒成例毋得輕議更張如有因時
制宜必應更正之處隨時專摺奏明改定立即通行各省一體遵
照以免書吏影射弊混不必定限十年開館重修致滋流弊○甲
戌諭軍機大臣等楊遇春奏懇免口外梨貢一摺口外梨貢向例
由陝甘總督衙門差派弁兵赴吐魯番採買進貢該處距內地數
千餘里所辦梨果仍交伯克代爲採購惟念該處窮苦回子咸藉
所藝梨果爲生每年差往弁兵雖經嚴立期限飭令照額採辦毋
許擾累誠恐道遠稽察難周其承辦之大小伯克展轉假手亦不
免有藉端滋擾之弊著自本年爲始將此項梨貢即行停止以杜
滋擾而示體恤○癸未頒 御製詩初集○丁亥建喀什噶爾死
事諸臣祠賜名彰忠

東華續錄 道光二一

東華續錄 道光二一

審結咨案○己亥 上親耕藉田○壬寅 上奉 皇太后啓鑾
謁 西陵○免經過地方額賦十分之三○甲辰飭逐盛京城內
外戲班雜劇○丙午 上謁 泰陵 泰東陵 昌陵回鑾○戊
申 上恭送 皇太后還京師○己酉 上幸南苑行圍○甲寅
上還京師○是月緩徵河南湯陰縣涸復地賦貸湖南乾州等
五廳縣屯丁及苗佃籽種口糧
夏四月庚午申禁銅鉛各船夾帶私鹽○甲戌諭鑾儀衛奏此次
恭祭 天壇請照例豫備玉輦禮轎一摺朕思恭祭 天壇惟在
心存誠敬即不乘輦亦無不可著交該衙門嗣後如遇恭祭 天
壇日期玉輦金輦俱著在天安門外豫備所有擡輦人役或另派
差使或酌量裁減數名之處著鑾儀衛會同內務府議奏○己卯
諭那彥成奏勘明渾水淤淀刷隄請動項估辦土埽各工一摺前
東華續錄 道光二一

東華續錄 道光二一

四三五

關隘俱有賄屬巡役明目張膽任其往來賫本既多黨與益眾公然立有約束於販私之外不許有劫盜客商等事以爲要結人心之計且聞該犯於大小衙門俱有句結耳目凡有舉動無不先知上官爲屬員蒙蔽或陷於不知下僚以畏蒞偷安相期於苟免且恐釀成事端反蹈辦理不善之咎以致上下相蒙惟恐多事所獲者不過肩挑負販零夥小梟藉此爲敷陳張大之詞官弁升遷之地苟且塞責而已近見該督撫所奏以儀徵爲私梟窩踞之所請將王用賓調補是督撫等亦慮及於此王用賓前在流陽任內勤於緝捕自係能事之員然此等巨梟聲勢已重豈縣令一人所能制服而巨梟不除又何以清鹽務而杜後患等語江南爲腹心重地此等巨梟肆行無忌地方官豈竟毫無聞見若恐查拏激變不及早翦除相率容隱是不第爲害鹽務日久養難貽患必致釀成東華續錄 道光二十一年 四

他變蔣攸銛接奉此旨務當不動聲色密速掩捕一面將辦理情形先行由驛覆奏惟該犯聲勢既重黨與必多江海船隻時常往來在官人役皆其耳目若稍露端倪或聚眾拒捕或聞風遠竄尙復成何事體著該督酌量情形如須藉用兵力即當隨宜調度儻江省文武員弁於辦理此事不能得力他省文武各員內如有該督稔知其可備任使者亦即據實奏明飭調前往總期將黃玉林一犯先行拏獲嚴究黨與盡絕根株既不得輕率債事亦不可任令潛逃懷之慎之○禁各省實缺人員赴省逗留○是月賑西藏喀喇烏蘇等處被災番民

定以限制豈容影射滋弊擾累閭閻若如該御史所奏山東州縣差役大縣至一千餘名小縣亦多至數百名一省如此他省可知此等白役遇事生風在官多一巨猾卽地方添一積蠹不惟鄉愚受其魚肉該管官亦何以稽察亟宜嚴行裁革前此直隸省因各州縣挂名吏役過多經那彥成奏請以八十名爲限當經降旨允准各省州縣俱應仿照辦理著各該督撫酌量州縣缺分之繁簡嚴定章程大加裁汰至繁地方差役不准過八十名其餘事簡地方以次遞減編立卯簿具報該省督撫責成該管官及該管上司嚴行稽察所有白役槩行禁革儻仍私自容留該管官漫無覺察從嚴參處如該管上司及該督撫查察不周仍屬有名無實將來別經發覺必當執法嚴懲決不寬貸○予廣東安定縣前明勦賊捐軀五品官王昌言祠祀○丁丑諭軍機大臣等蔣攸銛等奏逃流販私帶同夥犯船隻鹽斤赴官自首情願效力贖罪一摺黃玉林一犯本係福建省逃流在儀徵等處販賣私鹽見在帶同夥犯伍步雲等八名並船隻鹽斤赴官投首情願效力贖罪據該督等奏見值兩淮亟籌靖私之時懇恩寬其仍發原配流罪責令指引緝私並將伍步雲等一併免其治罪留作眼綫等語兩淮離務滿敝多由私梟充斥黃玉林既熟習販私之路又多識販私之徒自願隨同官弁引拏並據淮南總散商人僉稱用以緝私定能見效官引必可暢銷情願聯名結保且前此查拏斬犯賀三虎係該犯指引拏獲久有悔罪自贖之心其情亦尙可原自無妨寬其既往予以自新但黃玉林本有應發原配流罪見在責令指引緝私卽能拏獲巨窩積梟官引得以暢銷亦止可免其流罪不得冀倖格外恩施如該犯但圖苟免一時不能立功自贖仍當從重加等治

東華續錄

道光二十一年

五

罪至伍步雲等八名隨同黃玉林販私不記次數斤數業經畏罪
投首照律應免治罪該督等見擬留作緝私眼綫如稍不安分即
當嚴行究辦惟該犯等本非善類將來應如何稽查安置之處亦
當豫為籌及毋得稍貽後患此事係屬權宜辦理朕因緝私緊要
且據查明該犯等於私梟出沒路徑最熟緝捕可以見功是以姑
允所請該督等務當隨時體察籌計萬全總期私梟斂戢官引暢
銷不令該犯等別滋事端始於該處離務實有裨益斷不可遷就
一時轉滋流弊○戊寅纂平定回疆方略成 御製序文○是月
緩徵直隸磁州等三州縣地震災下忙額賦江蘇海州沭陽等二
州縣水災上忙銀糧及節年漕價銀

六月辛卯禁回空漕船夾帶私鹽○蔣攸銛有疾以陶澍署兩江
總督○甲午諭托津等奏會議稽察役滿書吏回籍章程一摺在
東華續錄 道光二十一 六

京各衙門役滿書吏並不同籍往往逗留京師招搖影射亂法營
私據托津等遵旨會議章程具奏所有已滿書吏逾限不即起程
及半年不到原籍潛行來京分別革去職銜治罪司坊官分別勸
懲疏縱原籍之地方官參處告退革退之吏勒限回籍五城司坊
官督率總甲認真查報冒籍大宛兩縣者役滿令歸原籍其籍隸
大宛者不准充當書吏至貼寫酌定額數責令該經承連環取保
其有加捐佐貳等官無庸在部投供者勒令回籍直隸鄭州商販
人等嚴禁包攬代捐各條均著依議行並著都察院堂官滿漢科
道留心查察如有役滿逗留及地方官容留疏縱等弊隨時
據實嚴參懲辦不得日久視為具文○乙未召康紹鏞來京以程
祖洛為湖南巡撫由工部右○丁酉以拏獲假照案內要犯加陶
澍太子少保○己亥翟錦觀以病免以李義文為雲南按察使岫

東華續錄 道光二十一 七
使運 ○癸卯定查禁內地行銷鴉片章程○乙巳諭昨將編修
王炳瀛升授右春坊右贊善本日據文慶等具呈代奏謝恩向來
升任人員其應行謝恩者例於吏部次日述旨後再行遞摺乃文
慶等於旨未述下時遽行代奏於各衙門未能畫一殊屬不諳定
例文慶沈岐鄂木順額吳邦慶俱著傳旨申飭○諭蔡繩祖履煥
任松字劉東昇等以戶部捐納房貼寫贖政私辦假照得受多贖
目無法紀已極見在業已破案將該犯等擊獲自必徹底根究以
儆奸徒而清積弊惟該捐生等多係受其欺騙如有知情攬捐者
自應提究懲辦其實係被騙捐生一槩不必傳訊仍當遵照前旨
無庸調驗假照以免拖累並著該督撫府尹等曉示各該捐生等
不必暗生疑懼妄聽邪言將來定案後分晰辦理亦不致令屈抑
並責成該地方官隨時查察如有猾吏奸胥藉端嚇詐勒索立即
從嚴究辦著將此旨即行刊刻謄黃徧行曉諭俾眾咸知以杜紛
擾○乙卯以林則徐為湖北布政使服開布○是月緩徵河南汲
縣等五縣水災新舊額賦安陽等六縣雹災地震災額賦

東華續錄

道光二十二

臣王先謙敬編
臣周澗蕃恭校

秋七月丁巳諭前因兩江總督兼轄江西相距遙遠恐有鞭長莫及之勢降旨令大學士九卿會議具奏茲據托津等奏不歸總督兼轄並無格礙曹振鏞等奏請將兼轄之處仍循其舊松筠並於會議摺外另摺具奏朕詳加披閱所議均屬明晰惟江西地方武備尤為緊要曹振鏞等查明兩江總督兼轄三省兵額幾及七萬巡撫專任江西合撫鎮標營兵額僅止一萬二千數百名除留防省城及各府州縣倉庫各標營防汛外兩鎮可調官兵不過數千名儻遇應行水陸分道並進實慮兵力不敷總督若不兼轄該巡撫必須一面具奏一面咨調鄰省官兵臨事耽延時日所關甚鉅

東華續錄

道光二十二

兩江總督兼轄原為控制以期聯絡聲勢徵調官兵呼應較靈所有江西一省著仍循其舊統歸兩江總督兼轄毋庸另議更改○贈故休致署工部左侍郎戴三錫尚書銜予祭葬○己未移江蘇揚州營守備駐高郵改原設千總為城守千總○修浙江東西海塘並添建塊石坦水○乙丑定外任改補京職人員不得保送倉差例○丁卯改建浙江蕭山縣西江石塘○甲戌倉場侍郎松廷邱樹棠以姑容患病屬員不行甄別降調○乙亥諭禮部奏朝鮮國王李玢差齋咨官李應信赴京投咨稱該國王世子李昊病故請照例備物遣官致祭等語朝鮮國王恪守藩封歲修職貢於屬國中最稱恭順今聞其世子病故深為悼惜著加恩於例賞祭品之外加一倍賞給以示優卹該國王正在壯年亦不必過傷俟得有子嗣即行奏明冊封世子承續宗祧用延國慶○丙子免江蘇

卓甯等四縣通賦○調保昌為倉場侍郎鍾昌為吏部右侍郎特登額為刑部左侍郎由盛京刑部侍郎調○調史致儼為倉場侍郎楊澤曾為禮部左侍郎以龔守正為禮部右侍郎由內閣學士遷○以吳椿為左副都御史由大理寺卿遷○丁丑調惠顯為盛京刑部侍郎轉常文為理藩院左侍郎以容照為理藩院右侍郎由內閣學士遷○己卯諭托津等會同刑部奏審訊蔡繩祖等私雕假印夥辦假照將已獲案犯先行定擬一摺此案蔡繩祖龐瑛任松宇劉東昇會充捐納房貼寫膽敢雕刻部監假印私辦真監職銜封典文照致冒名器累月經年得贓難以數計且敢句串貼寫常醇等偷出案件竄改彌縫覓法作奸莫此為甚見經托津等訊明分別定擬均屬法無可貸原未便稍稽顯戮惟案內尚有應須查訊之處若將該犯等全行處決轉恐有不實不盡蔡繩祖龐瑛先行處斬派長齡戴敦元前往

東華續錄

道光二十二

監視行刑並傳集六部書吏各數人前往環視俾共知儆懼任松宇劉東昇二犯著照擬斬決暫留備質一俟無可質訊奏明即予處決常醇著絞監候秋後處決趕入本年朝審情實辦理至戶部捐納房司員既失察貼寫私辦假照又於該犯等句串書吏偷竄扣換漫無覺察迨假底捐生加捐率據偷改案件批准並不詳查照簿庫收即有各省送到身家清白冊結亦從不覈對以致該犯等肆行無忌見派湯金釗等詳查彙案俟查對明確與失察之該堂官及各該衙門應議各員再降諭旨分別懲處○壬午諭朝鮮國久列藩封最為恭順天朝每於懷柔之中曲示體恤之意此次派往正副使務宜恪守舊章不准於例外收受儀物該使臣差竣回京路經奉天山海關著該將軍監督等留心查察如於正禮外多帶儀物即據實奏參毋稍徇隱○定京控案件取具原告切結

例○是月緩徵直隸磁州等九州縣地震災新舊鹽課霸州等十州縣水災電災新舊額賦並貸倉穀

八月戊子諭軍機大臣等據張井奏確勘歸江各河道情形年來淮水歸海之路不暢每遇來源極旺之時若不將山盱各壩全開則歸江各路難以分減盛漲下游多被淹浸請於揚糧廳東岸八塔鋪及商家溝二處各斜挑一河匯流入江可以分減漲水又請將揚糧廳境內芒稻河東西兩閘拆除挑空淤灘可抵新開一河之用等語淮水去路不暢自應早籌宣洩茲據該河督確勘歸江各河道情形請將揚糧廳境內之芒稻河東西兩閘全行拆除再加挑深文餘並將引河抽挑增寬河面連金灣四壩挑空淤灘可以抵開新河一道不至多用帑項著該河督即將河庫存項於霜降後派員趕辦無庸另請錢糧俟明年試放後如果減水下注歸東華續錄 道光二十二

路暢消即無須再關新河以歸樽節○癸巳諭軍機大臣等陶澍覆奏兩淮漕務一摺兩淮漕務敝壞已極原不止私販一節即以私販而論亦不止黃玉林一起前此准令黃玉林效力自贖原係權宜辦理若因有自首免罪之條遂將販私之人紛紛招集成何政體且見在黃玉林等一起陶澍等已不能妥為安置儻再有心招致日積日多又將如何安插黃玉林一犯本有應發原配流罪其夥犯伍步雲等八名隨同販私不記次數斤數亦有應得之罪見已准令指引緝私即能擊獲巨窩積梟官引得以暢銷亦止可寬其既往不得冀倖格外恩施即入伍食糧亦斷不准行如但圖苟免不能立功自贖仍當從重加等治罪陶澍等務當隨時體察籌計萬全斷不可遷就一時遇有投首者濫行收納使奸徒無所做畏儻辦理未能妥協於漕務既無裨益轉致養癰貽患別滋事

端陶澍等自問當得何咎保之慎之至商人既充總商即當一體辦運若並不辦運復藉辦公為名攤派散商所獲之利轉加於辦運者數倍乘機壟斷不可不嚴行飭禁該處總商鄒同裕鮑有恒據陶澍奏均不辦運著即行革退不准暗中影射身後辦事陶澍等即督飭運司另招股實之商充補並明定章程剔除浮費以肅漕政○丁未移福建漳州左營守備駐赤湖並添撥弁兵換防○庚戌命蔣攸銛來京供職實授陶澍兩江總督兼署江蘇巡撫○諭兩江總督陶澍看汝人爽直任事勇敢故畀以兩江重任汝當益勵才猷實力整理廣封疆重寄者勿避嫌疑勿憚勤劬自不待言矣然當今之世憲章具在法令森然若能大法小廉奉行以實不肯虛心察吏吏不肯實意恤民遇事則念及身家行法不計及久遠朕所懼者在此所恨者亦在此欲求一堪膺重寄者不可多得河工鹽務均係兼轄尤當實力講求破除一切積習漸復舊規日如何而能若是曰在得人毋忽毋忽○辛亥追封順治九年湖南陣亡定遠大將軍和碩敬謹親王尼堪為和碩莊親王○以奕紀張麟俱為內閣學士兼禮部侍郎銜奕紀由乾清門侍衛選○以徐鏞為順天府府尹吳邦慶為貴州按察使由少詹事○壬子申諭各督撫提訊上控案件○調盧坤為江蘇巡撫以朱桂楨為廣東巡撫命吳邦慶以三品銜署漕運總督調李文耕為貴州按察使以趙盛奎為山東按察使由光祿寺卿選○是月加贖湖北監利等四縣水災緩徵山東濟甯等二十三州縣衛水災旱災湖北江陵監利二縣低窪田新舊額賦

九月丁巳諭前因各省京控咨交案件提解逾限各員惟江蘇集

奏請旨交部議處安徵稟奏咨參其餘各省係定案時隨案咨參
辦理兩歧降旨交吏部明定章程改歸畫一茲據奏查明各省京
控咨交案件前於嘉慶十五年經都察院會同步軍統領衙門奏
准統計一年咨催兩次彙參兩次並令該督撫每屆半年詳查逾
限各案將承審各官開列揭參交部查取職名議處久經定有章
程惟各省案件多寡不同以致辦理兩歧請飭一體照例遵辦嗣
後各該督撫府尹均將京控咨交逾限未結之案每屆半年彙奏
請旨交部議處一次以歸畫一俾承辦各員咸知儆畏至向例承
審遲延與提解遲延處分輕重懸殊並著各該督撫府尹嗣後每
屆半年彙奏之期確切查明如係承審遲延即行據實指參不得
槩以提解遲延為詞致啓避重就輕情弊○戊午諭軍機大臣等
本日據楊遇春由六百里加緊馳奏據喀什噶爾等處大臣咨報
東華續錄 道光二十二年 五

喀什噶爾有安集延賊匪撲入卡倫與官兵打仗滋事幫辦大臣
塔斯哈追擊至明約洛地方遇伏陷殺並將帶兵策應之副將賴
永貴一併被困勢甚危急葉爾羌亦有不靖等語回疆各城戡定
未久乃安集延回匪復敢入卡滋事並傷陷大臣官兵見喀什噶
爾嬰城守禦勢在危急葉爾羌亦有不靖情形阿克蘇等各城兵
力無多且尚須防守本境地方斷難兼顧自應調集內外官兵前
往台勒以期迅就肅清伊犁烏魯木齊以及喀喇沙爾所轄之土
爾扈特和碩特等處官兵相距喀什噶爾葉爾羌等城較近業經
降旨飭令玉麟容安成格薩迎阿等即照該處所調兵數各一二
千名派員迅速馳往救援琦善選調四川官兵三千名馳赴肅州
並令固原提督楊芳甘肅提督胡超迅速出口一路迎探情形至
阿克蘇再行相機進剿所有挑帶各鎮官兵及西安滿洲營馬隊

一切事宜均著照該督所請行陝甘總督已降旨令鄂山馳驛前
往署理著楊遇春將應需官兵糧餉一切事宜與藩臬兩司籌商
料理後即挑帶督標官兵一千八百名並委蘭州道圖明額等馳
赴肅州即在彼駐紮妥辦後路事宜無庸出關其軍需銀兩著即
在甘肅藩庫封貯銀內先行動支應用○以徐忻署陝西巡撫阿
勒清阿署山西巡撫由刑部左○己未以楊遇春為欽差大臣○
命都統哈喇阿赴回疆協剿○召王楚堂來京以鍾祥署雲南布
政使前任山東○癸亥諭軍機大臣等前據玉麟奏喀什噶爾逆
夷犯卡勢甚危急已飭領隊大臣額爾古倫等帶兵前往並飛咨
提督哈豐阿管領烏魯木齊官兵救援當降旨令玉麟容安均在
伊犁嚴密防範無庸前往本日又據奏容安已督兵前進自己加
緊進行與哈豐阿先後抵阿克蘇會同長清相機妥辦惟是一切
東華續錄 道光二十二年 六

防守進剿事宜務須和衷商榷不可各執己見致有疏虞○甲子
那清安丁憂以寶興署左都御史由戶部右○免湖北監利等五
州縣衛水災額賦十分之一○乙丑諭軍機大臣等常德等奏偵
探盜入喀什噶爾賊匪名目並烏什阿奇木伯克等懇請捐辦烏
拉馬匹一摺據稱烏什卡內五品頂帶藍翎布噶特比庫曲圭並
阿奇木伯克木薩差派六品頂帶回子多列特金頂莫洛雅和普
克里木出卡探得霍罕賊匪頭目安集延愛散木薩前次從逆之
喀什噶爾白帽回子伊閎察克等句結布噶特比阿坦台沈省克
沙提伯克斯底克帶領各變曼布噶特等入卡滋擾卡外仍陸續
糾約尚無從小路直撲烏什確信等情布噶特比庫曲圭等均著
該大臣等一面傳旨獎勵其如何加恩之處即奏明請旨又據奏
探得喀什噶爾英吉沙爾二城白帽回子從逆者甚多烏什雖有

白帽回子均甚安靜該大臣等務須嚴密稽察激勵兵回妥爲防範至阿奇木伯克木薩率領阿渾及眾伯克等稟稱伊等世受深恩斷不能從逆並率同海孜伯克伊薩克巴吉格爾伯克伊雜克明伯克胡魯板等懇請除前次捐辦烏拉馬二百匹之外情願再捐六百匹等語情甚可嘉著該大臣等即飭阿奇木伯克木薩將所捐烏拉馬六百匹令其在城附近牧放以備烏什馬隊及偵探官兵輪流騎用○丁卯命大學士公長齡爲欽差大臣馳往新疆督辦軍務○己巳伊犁將軍玉麟等奏南路逆謀已逞恐賊料我兵盡數南行萬一乘虛北至關繫匪輕批此言是分布亦好又奏徵調勦辦南路官兵之外應請另簡派大員管帶精兵二萬出關後分路直來伊犁即由伊犁出卡先滅塔什坦伯克部落直下吹塔拉各城進勦霍罕與南路同時夾擊俾腹背受敵庶可淨掃賊氛批此計早在朕心思維已久如爾等所議乃攻心之計然可言而不可行試思卡外步步非吾土處處非吾人各布噶特愛曼必應厚加撫恤糧餉必應充足後路必應接濟臺站必應安設兵餉不知幾何矣即獲全勝而歸在霍罕可爲落魄而日後奸回中如霍罕者又能保其必無乎即欲大彰天討永定邊疆亦必籌一萬全之策若以二萬師干成此大舉或前或後稍有疏失汝二人雖萬死不能償誤國之罪也朕非柔懦畏難乃審天時度人力之苦心也○癸酉諭軍機大臣等將攸銛等奏查出投首效力梟犯復圖私販審明定擬一摺前經降旨令將攸銛等緝獲儀徵縣私梟黃玉林嗣據該犯帶同夥犯並船隻鹽斤赴官投首經將攸銛等奏請寬其既往責令指引緝私效力贖罪朕即覺其辦理未善疊經降旨查詢無非敷衍具奏因兩淮亟需靖私姑允所請原係權

東華續錄

道光二十二年

七

宜辦理茲據將攸銛等奏該犯故智復萌於伊跟人懷內搜出鴉給隨同投首之伍步雲等書信有恐人占去老虎頸馬頭致伊進退無路屬令仍回儀徵守定巢穴之語見已審訊明確擬發新疆將攸銛復片奏請將該犯交陶澍即行處絞不知是何居心該犯前因發遣遇赦後復犯罪擬流逃回販私乃准令自贖後仍不知悛改反覆無常實屬自外生成若不明正典刑必致奸徒藐法爲害地方益復無所顧忌黃玉林替即行正法以示懲儆將攸銛於黃玉林投首率行奏請迨屢次降旨詢問並不據實陳明見在訊明罪狀既與陶澍聯銜具奏將該犯改發新疆復恐其到配潛回致貽後患請即行絞決單銜密奏朕綜理庶政光明正大一乘至公將攸銛辦理此案事前既無主張事後又復苟且以大學士膺封疆重寄者固應若是耶著交部嚴加議處福森身任鹽政於鹽梟投首並不慎重詳查輒行奏請免罪王鳳生明知私梟充斥不即實力查拏轉出示招致投首詳請具奏辦理均屬謬誤之至福森王鳳生若一併交部嚴加議處陶澍於黃玉林投首會銜具奏屢次降旨訊問又不確切查明咎亦難辭著交部議處○王定柱以病免調孔昭虔爲浙江按察使以楊名勳爲陝西按察使
道○乙亥 上閱火器營兵○丁丑諭將攸銛前於私梟黃玉林投首率行奏請免罪迨屢次降旨詢問並不據實陳明嗣因其故智復萌訊明罪狀既與陶澍聯銜奏請改發新疆復恐其到配潛回請交陶澍將該犯即行處絞單銜密奏將攸銛辦理此案事前既無主張事後又復苟且經吏部照溺職例議以革職實屬咎有應得姑念其歷任封疆宣力有年平日辦事尚無大誤著革去大學士加恩以侍郎降補福森身任鹽政於私梟投首並不慎重詳

東華續錄

道光二十二年

八

查輒行奏請免罪署運使王鳳生明知私梟充斥不即實力查拏轉出示招致投首詳請具奏辦理均屬謬妄之至本應照部議革職惟該二員在任未久福森王鳳生俱著加恩改為降四級調用陶澍於黃玉林投首會銜奏請免罪屢次降旨詢問並不確切查明咎亦難辭念其前在巡撫任內究無管理鹽務之責僅係隨同具奏著加恩改為降四級留任○召徐所來京以顏伯燾署陝西巡撫由直隸布政使署○戊寅璧昌等奏賊由喀什噶爾潛來葉爾羌東北奎里鐵里木回莊窺伺分派官兵回民趕至莊前相持一晝夜旋有賊眾撲回漢兩城我兵併力擊斃數百名賊勢潰散得旨嘉獎賞璧昌副都統銜常豐三品卿銜花翎俱交部議敘○命盧蔭溥為體仁閣大學士以李鴻賓協辦大學士仍留兩廣總督任調湯金釗為吏部尚書王引之為禮部尚書以潘世恩為工部尚書

東華續錄 道光二十二年 九

朱士彥為左都御史蔣攸銛為兵部左侍郎○辛巳諭軍機大臣等據王麟奏接據長清信稱喀什噶爾英吉沙爾固守尚存此次賊匪皆前次從逆之博巴克為首葉爾羌回眾尚無從賊之心又烏什報稱上屆從逆阿奇木薩達特之兩子暨明伯克之弟胡達巴爾底等俱係賊目並布魯特比遣人至喀什噶爾邊外探得霍罕伯克並未親來先遣愛薩依閱察克率眾句結阿坦台汰劣克入卡攻城未破賊目玉都克素皮帶人在樹窩子潛匿令賊匪往阿克蘇探聽大兵信息其餘各賊均在喀什噶爾新城附近回莊居住因攻城未能得手遣人至霍罕求援阿坦台汰劣克復行出卡仍回薩雅克愛曼等語此次喀什噶爾英吉沙爾被逆賊滋擾先後調派官兵不下三萬有奇原欲痛加剿辦永靖邊陲惟逆犯博巴克阿坦台汰劣克等本屬張逆餘黨倖逃法網狡諛異常若

大兵經臨聞風先遁追兵撤後又復前來實屬不成事體必應大加懲創以期淨絕根株著長齡於途次面晤楊遇春到軍營見楊芳總須從長計議務將博巴克阿坦台汰劣克及愛散伊閱察克胡達巴爾底等犯悉數就擒應如何截其歸路毋致竄逸熟籌制勝之策以杜後患儻該逆犯等竟已遁逃尤當相度機宜探明藏匿確切地方如須加以兵威前往追捕或懸賞格購緝設法擒渠方為不虛此舉該逆匪等無論由我兵擒獲及各夷回縛獻不得就地遽行正法俱著解京訊辦若該賊匪逃竄卡外勢有難行之處亦毋庸徒託空言仍歸無益反致為所輕視長齡等務當通盤籌畫計出萬全以副委任○癸未命顏伯燾馳往肅州會辦軍需以史譜護陝西巡撫由布政使署調○是月賑直隸磁州等三州縣地震災四川彭城等二縣水災緩徵陝西咸甯等十五州縣歉收倉穀

東華續錄 道光二十二年 十

奉天承德等五州縣旱災湖北監利等六州縣衛水災新舊額賦長蘆上年水災蠲課

冬十月乙酉朔諭軍機大臣等前以該犯玉素普在布噶爾地方種地念經度日是以未經搜捕此次竟敢糾約回夷入卡逞逆占據回城顯係倚恃和卓後裔煽惑愚回復敢書寫回字逆信妄思句結見據阿布都爾滿查獲送信回人究出逆情業已降旨加恩以為忠順者勸玉素普父子為逆種禍根一日不除則邊疆終未能永靖該都統等當設法擒拏斷不可使竄逸無論何人臨陣生擒或計令縛獻必立加懋賞此時當以合兵進剿長驅直入其圍自解如能內外夾攻尤可聚而殲旃朕計日以盼捷音之至○兩江總督陶澍奏兩淮鹽梟情形不一有回匪俵匪與非匪而暗地夾私者前准黃玉林投首原欲資其引緝以杜回俵商私之弊與

蔣攸鈺札商先將混冒投首希冀多得工食之餘眾遣散再將該犯嚴行拘束諒必不安思遁因而治之可以示懲黃玉林果因發營管束過嚴寄信同首之人圖遁當將書信搜獲經蔣攸鈺發交江甯藩司及該府審辦其同來之伍步雲等八人於六月在儀徵引緝私梟十二名又於八月在高郵緝獲巨梟一起惟黃玉林既經懲辦此八人見亦收監擬一併發遣以絕根株至辦理投首由署運司王鳳生出示在先原其意在急收緝私之益平時亦無偏見儻將來果有未妥自當另請簡放斷不至稍事姑容報聞○葉爾羌辦事大臣璧昌奏追捕舒克舒回莊賊匪至科依喀察爾地方槍斃布魯特十餘名將所搶人畜全行奪回餘賊逃竄得旨嘉獎○戊子諭朕聞劉彬士性情多疑遇事游移不決降旨令孫爾準於前赴浙江查閱營伍時就近密訪該撫聲名辦事若何據實具奏茲據奏劉彬士遇有應委應調缺出既經懸牌委調後旋又換人率以為常於屬下情形未能諳悉信用紹興府南塘通判吳岷不赴本任歷署繁缺知縣近更常住省城盤踞招搖致滋物議等語是劉彬士辦事不能決斷又復信用非人豈能勝巡撫之任著來京以三四品京堂候補○諭軍機大臣等玉麟奏續接葉爾羌獲勝情形並差探和闕回情安賊該處至葉爾羌臺路向通其草地一路暨阿克蘇軍臺亦皆妥謐又葉爾羌所獲活賊薩底爾阿比爾等各供稱玉素普已占據回城博巴克充偽阿奇木派令賊目薩木薩克及胡爾班素皮察克等分擾英吉沙爾葉爾羌二城玉素普之外甥推拉罕及莫洛邁瑪底敏愛散巴圖魯率眾圍住喀什噶爾新城等語此案著名逆賊妄思句結為奸深堪痛恨前疊經降旨諭知長齡及帶兵各大員所有玉素普博巴克等按

東華續錄

道光二十二年

十一

名擒獲將來大兵進剿必須搗穴擒渠務將前後指出逆首及各賊目悉數就擒斷絕根株毋使一名漏網致貽後患至玉麟奏霍罕在吹塔拉地方築城一節已諭令玉麟派委委員前往密查著長齡於軍務辦竣後將霍罕所築各城情形確實訪查具奏○以富呢揚阿為浙江巡撫由江西布政使遷○乙未諭軍機大臣等玉麟奏探得逆首是玉素普及其一子尚有張格爾在布噶爾所屬布哈拉地方所生一子年已二十不知其名霍罕從逆者依薩木薩胡什伯克布魯特從逆者阿坦台次劣克冲莫得特奇布勒得依並糾結巴侯斯希布察克冲巴噶什等愛曼人眾說有七萬人到喀什噶爾打仗塔什坦伯克雖未同往卻將搶得哈薩克之馬匹幫助賊匪此外布魯特不肯從逆者尙多喀什噶爾黑帽回子多不從逆有逃往阿克蘇者其白帽回子亦不盡從等語逆回玉素普父子前經獲賊邁瑪特供明在喀什噶爾七里河子回莊目親惟張格爾止有一子名布素魯克今據鄂勒吉拜所聞張逆先在布哈拉生有一子見已長大是否屬實著確切訪查如果隨同玉素普進卡滋事正可乘機捕獲著長齡迅速行知軍營帶兵大員將玉麟所奏逆回家屬並著名逆匪依薩木薩等犯設法擒拿毋任聞風逃遁前據長齡奏稱喀什噶爾黑帽回子誠心恭順今玉麟訪察情形與長齡面奏之言相符此次黑帽回子戮力同心多不從逆甚屬可嘉著長齡飭知帶兵各員務須加意撫恤毋許兵丁稍有騷擾該回子等如能奮勉出力著即奏明加以恩賞以示朕勦逆安良之至意○仍授長齡為揚威將軍命哈喇阿楊芳參贊軍務○丁酉諭前因喀什噶爾馳報有逆回入卡滋擾新城被圍蔓延英吉沙爾該處堅守孤城待援甚急當即調派伊犁官兵民

東華續錄

道光二十二年

十一

勇及烏魯木齊並喀喇沙爾所屬土爾扈特等處官兵星馳援救疊經嚴催帶兵大員無論何人先到阿克蘇即會商長清趕緊進發毋得觀望致誤事機乃本日容安等奏稱伊犁官兵民勇四千五百名已抵阿克蘇以之進剿則有餘以之分布烏什阿克蘇並前路進剿則不足見飛催烏魯木齊及土爾扈特官兵俟到齊分撥防守容安再會同哈豐阿等分隊進剿等語覽奏實深憤懣伊犁官兵民勇已有四千五百名全抵阿克蘇軍聲大振必當迅速進發能早到一日即得一日之用若猶謂兵力不厚亦應先行起程馳往葉爾羌一帶以壯聲威不日烏魯木齊等處官兵相繼而至會合赴救即可解圍殲賊况葉爾羌已獲勝仗軍臺廓清道路無虞梗阻乃容安等觀望遷延坐視不進捨二危城於度外是何居心至稱分布烏什等處防堵更不成話試問飛調援兵因為何

東華續錄

道光二十二年

十三

事且援兵未到之前烏什阿克蘇未能防守耶容安以帶兵大員任意宕延怯懦無能著交部嚴加議處長清於伊犁官兵到後私心自用止知防守阿克蘇並不催令前進亦屬遲誤著交部議處以示懲儆○戊戌以失察假照降顧皋四品頂帶休致鑄黃鉞等級有差○庚子諭軍機大臣等陶澍奏遵旨將鹽梟黃玉林正法並辦理大槩情形一摺黃玉林一犯業經正法其隨同投首之伍步雲等八名於黃玉林復圖販私是否知情同謀必應嚴行根究該犯等見已提至江甯省城收禁委員審辦著該督於回署後親提各犯審訊明確按律定擬具奏至老虎頸地隸儀徵為淮南監掣捆鹽之場兼係泊船馬頭據該督奏該處舟航櫛比時有私鹽船隻雜出其中其代為雇覓掩蔽抽分微利謂之外代黃玉林外尚有回倚各匪在彼爭占等語此等匪徒見在雖因懲辦黃玉林

後四散逃走而利之所在已散者難保其不來不可不實力查拏以淨根株該處情形據奏不在梟徒之冒法販私而在小民之情迫食私且販私者不盡在梟徒而商賈商夥與運鹽之江船夾帶實甚見交冬令若再不稱製行運則此細鹽之夫役數萬人何從得食尤應籌度善策妥為經理陶澍身任兩江總督兼轄鹽務責無旁貸於該處私梟應解散者即當設法解散緝拏者當飭屬緝拏總使私梟欲戢鹽務日有起色方為不負委任至老虎頸及丹徒江都扼要之區應如何移駐官兵彈壓之處著該督酌量情形詳細籌議具奏○辛丑諭容安帶領伊犁官兵民勇四千五百名行抵阿克蘇即使酌留一千名防守各處尚有三千五百名之多且各路援兵接續趕到儘可先赴葉爾羌一帶以壯聲威俾喀什噶爾英吉沙爾兩處賊匪聞風震懾其圍自可立解即如葉爾

東華續錄

道光二十二年

十四

羌防守兵力無多尙能大獲勝仗今擁此重兵觀望不進實屬怯懦無能况據容安等奏委員前往大路一帶地方偵探齊蘭堂以南並無賊蹤是前途軍臺廓清道路無虞梗阻正可乘時進發若云阿克蘇等處尙須留兵防守何以援兵未到之前阿克蘇烏什皆安堵如常調度乖方藉詞延宕遲誤之咎實無可辭容安著暫行革職將來喀什噶爾英吉沙爾二城獲保安全或可施恩另賞差使若該二城日久力竭援兵不至容安必當從重治罪伊所襲子爵著容照承襲長清著照部議降三級調用仍留阿克蘇效力暫停開缺俟軍務告竣再行降旨○癸卯諭軍機大臣等常德等奏烏什夷回安靜偵探喀什噶爾賊勢情形一摺據奏探報喀什噶爾英吉沙爾二城見雖被圍該城官兵守禦甚固霍罕安集延賊目明伯克愛散等假玉素普和卓之名煽惑勾結而從逆者多

係上次附逆倖逃法網之犯及白帽回子情關回戶見今被偏從
逆回眾均盼大兵前往救援其阿坦台汰劣克沙提伯克斯底克
等均已先後出卡等語朕料該處情形亦必如此容安帶兵不肯
急速前進甚屬可恨已降旨將容安革職前已疊諭胡超哈豐阿
等到彼迅速進兵又諭哈喇阿楊芳趕緊馳往援剿此時各路援
兵雲集無難剋日廓清常德等當激勵兵回嚴密防堵毋得稍有
疏虞○乙已諭本月十三日朕進宮時大阿哥因病未痊住圓明
園皇后亦未進宮昨據該總管太監奏儀親王於十八日前往看
視徑入福園門至大阿哥所內當時值班官兵及太監等攔阻不
聽等語國家體制門禁森嚴不准擅行闖入即如博親王惠郡王
係大阿哥之叔及內廷行走之慶郡王蘇德定親王奕紹自必俱
為繫念然亦止能差人探問不敢自行擅入乃儀親王率行進門
東華續錄 道光二十二年 五
不聽阻止殊屬不合想係年老神昏故習未悛伊子蘇志不能從
旁勸阻甚屬非是其宗人府右宗正及正白旗漢軍都統俱著開
缺所有圓明園駐班之阿爾邦阿等並該門值班官兵及太監等
不能力阻俱有應得之咎此次姑免懲辦嗣後務當遵照門禁章
程慎重恪守如再有似此擅入禁門之事定當分別嚴懲不貸○
丁未諭容安等奏接據葉爾羌信稱賊匪滋擾急待援兵酌量派
兵由和闐進援及分撥阿克蘇烏什防守以待胡超等商勦一摺
覽奏實深憤恨前經疊降諭旨令帶兵各員無論何人先到阿克
蘇與長清會商即行進發不可因前途軍臺已斷稍有耽延致滋
貽誤乃容安等於伊犁烏嚕木齊等處官兵行抵阿克蘇後並不
迅速起程前進嗣接璧昌來信以葉爾羌有三百馬賊直撲回城
當派官兵二百名令臺市把總羅延帶領民勇二百名兩路

出隊賊始遁去又一股賊匪約二百名轉向東南搶伯什汗回莊
此莊距和闐坡斯坎木頭臺三十里若被賊阻斷則與阿克蘇文
報不通須速行發兵二千由和闐軍路前往即可安保等語前據
長清等奏伊犁頭二三起官兵於九月初一日至初七等日抵阿
克蘇容安等奏官兵民勇係九月十二日全行到彼見據奏烏嚕
木齊土爾扈特兵丁於九月二十二日至十月初一日陸續趕到
如果及早進兵先赴葉爾羌一帶以壯聲援何至該莊尚有賊來
滋擾乃於兵到一月有餘之久且已接璧昌告急之信猶復觀望
遲疑坐擁八九千兵尙云兵力較單恐賊計誘我大兵深入試思
以大兵進至葉爾羌何得謂之深入實屬怯懦無能藉詞延宕且
據奏稱哈豐阿孝順岱定期前往和闐察看情形再向葉爾羌進
發葉爾羌情形如此緊急竟置諸度外尙欲先赴和闐探無賊蹤
東華續錄 道光二十二年 六
再行援剿似此畏葸不前喪盡天良必應嚴行示懲以儆延玩容
安前已降旨革職著即擊問交長齡派員押解來京訊究長清哈
豐阿俱著交部嚴加議處○諭雲南巡撫伊里布由驛馳奏一摺
據稱伊前於滇省永北大姚軍務曾經帶兵茲聞喀什噶爾等處
有回匪入卡滋事請派令馳往隨同統兵大員勦辦等語同仇敵
愾固係人臣分所當然但滇省距京師程途幾及萬里京師距喀
什噶爾又有一萬餘里之遙該撫遠在滇南於回疆外夷不靖之
事不能悉其梗槩輒自謂會辦永北大姚軍務即可勦撫邊陲師
心自命視為易易從前雲南永北廳野夷糾眾擾及大姚係因該
土司將地土典給漢民耕種起釁與喀什噶爾等處夷匪滋事情
形迥不相同何得以此比較乃該撫因尋常帶兵安撫即自恃身
經行陣不度德不量力妄行馳奏徒勞驛站實屬不知輕重冒昧

糊塗已極伊里布著先行拔去花翎交部嚴加議處○戊申諭軍機大臣等阮元等奏越南國王咨稱內地縣官擅擊夷目委查並非彼境應行照會該國一摺雲南建水縣之禮社江以外巴發河以內六猛地方自國初以來投誠內附久隸版圖乾隆年間安南國王屢次以申畫疆界為詞均經駁斥嘉慶年間越南國鎮目傳詞各猛意圖越占復經奏明駁斥並將各猛各寨開寫清單照會該國恪守舊規茲該國來咨一稱刁國麟被擊監斃一稱刁政定等在昭晉州被擊據該督等查明係內地所轄各猛應行治罪及拘訊之人該國佯為不知干預查問自係故智復萌先行嘗試以為單占猛地之端內地與外夷毗連地方界畫分明絲毫不得越猛賴等六處久歸內地管轄納糧請餉且有土練兵丁數千安設多年豈容該國妄生覬覦借名單占該督等擬錄敘舊案行文東華續錄 道光二十二年 十七

曉諭直斥其非必應如此辦理著即將乾隆嘉慶年間疊次舊案詳晰行知該國王曉以大義諭令懷遠舊規不得攪越滋釁邊圍交界最為緊要該督等務當嚴行檄諭俾知恪守界址斷不可令外夷妄啟冀倖有違天朝體制至內地與該國接壤處所遇有查拏人犯誠恐書役等藉端騷擾不可不隨時約束此係內地應行查禁之事嗣後著嚴飭所屬凡遇傳提人證務當指實確查秋毫無犯儻有意滋擾激成事端以致生釁外夷必當從重治罪決不寬貸○諭據慶保等奏查有英吉利國大班喇喇帶番婦來至省城到公司夷館居住又該夷商由船登岸坐轎進館並因訛言有派兵圍逐之說心懷疑畏通信黃埔灣泊各夷船令水手百餘人乘夜將砲位數座及鳥槍等件收藏船內偷運省城夷館經慶保等密飭文武員弁留心防範彈壓業將鳥槍搬去水手散回其

砲位尚藏放夷館門內並况洋商代求稍寬時日再令番婦回澳見在嚴飭速將番婦押往澳門砲位運回各船妥為辦理等語向例番婦不准來省居住夷商不准坐轎進館其攜帶鳥槍砲位止係外洋備防賊盜尤不得私運進城慶保等務當嚴切曉諭令其遵守舊章嗣後不得稍有違犯致干禁令倘仍敢延抗即當設法驅逐示以創懲亦不可稍存遷就總須酌籌妥辦於懷柔之中仍不失天朝體制方為至善○壬子轉買允升為兵部左侍郎以張麟為兵部右侍郎由內閣學士遷○守故兵部左侍郎蔣攸銛祭葬如何書例○是月賑直隸大城文安二縣災民給安徽蕪湖等五州縣衛口糧貸黑龍江等三處旗民倉穀甘肅皋蘭等十一州縣貧民口糧緩徵直隸文安等三十一州縣湖北漢川等十縣衛安徽蕪湖等二十八州縣浙江仁和等九縣江蘇上元等四十三州縣東華續錄 道光二十二年 十六

縣衛湖南武陵等五州縣甘肅皋蘭等十四州縣水災旱災雹災新舊額賦齊齊哈爾等四處旗民浦款展緩河南杞縣等五縣通賦

十一月丁巳諭前因七品以下人員違例僭用素金帽頂經大學士九卿議定章程降旨嚴申例禁茲據給事中陶廷杰奏違例僭用者見尚不免朝廷制用頂帶章別等威何得准行僭越况經降旨申諭並責成科道等據實糾參豈容視為具文不加察劾朕思吏部月選官驗看時每次遊派各部堂官八員科道各四員其驗看官內有八九品未入流等項人員如違例用素金頂者著即指名嚴參嗣後若有七品以下人員僭用素金帽頂者並著科道等隨時糾參按律懲處以重名器○庚申壁昌等奏葉爾羌境內賊匪勾結情願回子在附近驅逐本地回子槍擄馬匹有馬賊五

六百名步賊六七千人全聚東北二十里之內亮嗎爾屯紮已斷
兩城臺路經阿奇木伯克阿布都爾滿等將通大河渠道上游空
開使賊不能近城十月初七日派即補副將任貴邦守備黃泰邵
蕙王瑛把總羅延分隊迎勒阿布都爾滿帶領伯克等亦出城分
撥迎敵賊踏水而過將及南岸任貴邦奮勇當先殺賊三百餘級
賊首先逃隨後跟追四十里外並將鍋帳旗幟等件奪獲得旨嘉
獎賞賚有差○辛酉定欽派大臣揀選五城兵馬司指揮副指揮
吏目例○丙寅楊健以年力就衰並辦理公事隨擊附和降三品
頂帶休致以楊懌會為湖北巡撫由禮部左侍郎遷○丁卯定戶部防範
假文及覈對冊稟章程○轉襲守正為禮部左侍郎以桂齡為禮
部右侍郎出左副都御史遷○允賀長齡乞假省親以陸官為江甯布政
使服闋河南○壬申 上詣 大高殿祈雪○癸酉諭松筠等奏
東華續錄 道光二十二年 九

理藩院左侍郎由左副都御史遷○調林則徐為河南布政使以額騰伊
為湖北布政使調夏修恕為山西按察使降徐炳為湖南按察使
○是月賑河南安陽等三縣地震災給江西廬陵縣水災
修屋費緩徵安徽貴池等三縣衛江西南昌等十六縣衛水災河
南武陟縣饑荒地賦江蘇青村袁浦二場水災鹽課甯古塔旗民
通賦
十二月丙戌諭軍機大臣等璧昌等奏葉爾羌近日賊匪情形並
救援官兵到城一摺據稱十月二十九日西路科科巴熱特營盤
有賊匪千餘騎自英吉沙爾前來撲擾將出敵之商伯克玉素普
等四人裹去小回子等膽怯驚散該賊復暗會城東賊匪及從逆
情蘭賊眾於三十日到城屯於南北回眾之後當即飛差兵回往
迎接兵整隊備戰十一月初一日賊眾繞城而攻經璧昌調派官
東華續錄 道光二十二年 十
兵出城接應常豐在城上督率調撥槍砲打死賊匪甚多南關外
又有賊匪竄入復斃殺十餘名餘皆竄逃我兵民等僅陣亡四名
受傷五名初三日賊眾徑撲回城經官兵伯克等用槍砲打死五
十餘名連日賊眾退聚西南附近回莊屯紮以致臺路文報不通
正在危急適哈豐阿率領帶兵前來於初五日由城東南回莊
直奔賊營殺賊無數生擒六十餘名餘賊披營西竄璧昌等即調
東門外紮隊官兵接應復擒數十名槍獲槍矛馬匹鍋帳等物
追殺賊蹤已逃過喀拉布扎什頭臺隨即合兵一處公同計議等
語此次葉爾羌復有賊匪滋擾經該大臣等即時勦散哈豐阿等
援兵已到見議先追至西路喀拉布扎什頭臺戈壁地西英吉沙
爾交界地方暫為紮營相機再進其東路愛吉特虎頭臺賊匪自
必聞風膽落不敢再來至從逆情蘭回子甚屬可惡前已諭知長

諭到阿克蘇後派員查明痛加勦洗該大臣等務即諭令何布都爾滿設法先行招集分別擊獻以免逃竄後勦辦費力此時胡超等帶領官兵已由樹窩子直驅喀什噶爾計日大兵雲集自可迅解二城之圍該大臣等務當小心防守勿使賊匪竄入以固邊圉而副委任○丁亥諭明年朕五旬萬壽各省督撫及將軍提鎮等俱不准奏請來京祝嘏○戊子裁貴州普定縣屬上五苑枝土千總○己丑諭總管內務府大臣等嗣後王公一二品大臣使用太監數目不必限以定制多少聽其自便自明年為始宮內當差太監如人數不敷者仍照舊例由宗人府傳知各王公按從前數目由內務府行知著令交進當差○以德興為左副都御史由太常寺卿遷

○辛卯諭軍機大臣等據常德等奏烏什卡外布魯特比托依莫特遣伊姪愛達爾伯克等報稱喀什噶爾所有霍罕安集延賊眾東華續錄 道光二十二年 三

聞得大兵由葉爾羌進勦口稱霍罕有事必須回去僅留圍城賊匪數百名屬令俟賊眾出卡較遠再隨後出去均於十一月初九日逃竄出卡仍回霍罕係托依莫特同弟愛散克勒底及眾布魯特眼見之事等語此等烏合之眾一聞大兵將臨即紛紛逃竄早在朕意料之中是以屢催迅速進兵使該逆匪等猝不及防即可痛加勦洗乃遷延至今兵到已在賊遁之後見據托依莫特所報情形如果屬實是喀什噶爾已無賊勦所謂臨陣生擒之說徒託空言此時該逆匪等雖已逸出卡外安知不就近潛藏伺我動靜長齡當豫為籌計必須將著名逆犯悉數擒拿除後患應如何設法按捕及懸賞購緝令就縛獻之處著即飛咨哈喇阿楊芳胡超妥速辦理見在局勢可無須如許兵丁若因已經征調巢令前往非特虛糜糧餉且恐所需柴薪等項不無擾累回莊看來不過

需兵一二萬即可足敷調遣著長齡察看情形酌量裁撤以節尤費至胡超前已奏明由樹窩子直驅喀什噶爾嗣據楊芳奏該提督因途次接到楊芳前咨令由軍臺大路行走旋即折回並稱樹窩子以至牌斯巴特俱有埋伏道路空斷等語胡超既已由樹窩子前進復又折回大路如因樹窩子一帶恐有賊匪埋伏即不由彼處行走備無別路可行豈遂可駐兵不進况統領重兵如途次遇有伏賊正可就勢迎勦焉有轉避賊匪之理今據常德等探報賊情俱已逃逸出卡是所言樹窩子一帶俱有埋伏及道路空斷之說並不確實此言是否出自胡超抑係楊芳因探有此信令其折回其言究竟得之何人並折回改道究係何人至見著長齡密加確訪據實嚴奏又據常德等奏喀什噶爾逃出黑帽回子受孜木沙等供出賊目偽密拉普伯克委拉提偽阿奇木霍扎什俱在

東華續錄 道光二十二年 三

前開賊目名單之外著查明悉行捕獲以淨根株再昨據富俊那彥成條陳善後事宜各一摺著將原摺發給長齡閱看與前次寄給之松筠鄂山條奏各摺片同哈喇阿楊芳一併籌酌妥議具奏

○壬辰諭軍機大臣等昨因胡超前已奏明由樹窩子直趨喀什噶爾嗣後折回由軍臺大路行走並稱樹窩子至牌斯巴特有賊埋伏特降旨令長齡查明此信得之何人改道行走究係何人至見據實覆奏本日據胡超奏行至沙湖兒拏獲逆回薩木克色提巴爾第二名訊稱樹窩子一帶安集延布魯特及白帽回子因前次大兵由此路進援此次俱安有埋伏將道路空斷擊有柵子阻截官兵並接楊芳咨稱由大路前進更合機宜暨昌等亦咨令速援葉爾羌與哈豐阿等會合夾攻賊必逃竄該提督恐由樹窩子進勦欲速反遲耽延時日是以不敢拘泥前奏仍行折回由大

路進兵等語是胡超此次所奏已屬明晰所有昨諭長齡訪查之處著無庸覆奏○哈豐阿奏十一月初六日行至五十里湖灘探得喀拉布扎什軍臺迤東有馬賊數百步賊千餘帶兵夾攻將賊截為兩斷斃殺百餘生擒五十餘賊竄回莊復放火燒斃五百餘追殺百餘因天晚在彼暫紮俟胡超一二日後趕到合兵西援英吉沙爾即可直抵喀什噶爾得旨嘉獎○甲午諭軍機大臣等楊芳奏接據扎隆阿來信賊已竄逸一摺據稱十一月十七日扎隆阿差丁常奉清齋到信函內稱賊人自月初以後漸次移營至初十日夜全行逃遁惟細繹來函有此次賊來由於內有句結猝致失事之語當即訊據常奉清供八月初聞得卡外滋事塔斯哈帶兵去後伊薩克即報稱我兵大勝與扎隆阿並兵民道喜扎隆阿隨差伊偵探知官兵全行陣歿伊薩克所說盡是虛言扎隆阿因東華續錄 道光二十二年 三

此疑或伊薩克又請派接應扎隆阿並未准行當差人前往伊薩克署內暗查適有眾商民稟稱街上見伊薩克車內坐有前次與塔斯哈帶路之五品伯克一同進署扎隆阿即派官兵同商民數百人將其衙門圍搜房內並地窖中藏匿許多回子並搜出刀矛器械交官存貯扎隆阿將要緊頭目存留質對其餘俱殺見將伊薩克並伊妻派人看守嗣後官兵商民屢次打仗殺賊無數等語伊薩克自上屆軍興急公報效著有勞績經朕加封王爵授為幫辦大臣此次伊子愛瑪特捐糧馬嘉其忱悃亦復疊沛恩施見據長清奏愛瑪特自聞喀什噶爾被困思念其父時常涕泣隨同籌辦一切極為出力見聞賊遁喜形於色並於九月間將其子阿密提送至伊犁避賊看其光景伊薩克感激天恩不應遽懷攜貳朕思必無其事且上屆克復四城生擒首逆天戈所指迅就蕩平

伊薩克曾經目視豈不知震懾天威乃反思句結自料有何力量足以抗拒官兵伊薩克雖極糊塗亦不至此再前據長清奏稱米攷呼爾供伊在喀什噶爾聽說前伊薩克帶領官兵並黑帽回子打仗傷壞一千多賊因此人人都恨或者播造謠言扎隆阿與伊薩克素不相能誤聽蜚語亦未可定此時該將軍計已行抵阿克蘇見在賊匪全行逃竄臺路廓清正可輕騎趕緊直抵喀什噶爾著長齡即作為該將軍之意密行飛寄扎隆阿將伊薩克妥為看守勿令稍有傷損倘或有意外之虞惟扎隆阿是問長齡到彼即將扎隆阿所稱伊薩克暗為句結及常奉清所供伊薩克各款逐一研訊明晰務得確情據實具奏至所稱地窖中藏匿器械容有其事若藏匿回子多名扎隆阿同在一城何竟先無見聞並著一併詳細查明長齡等若稍有含混遷就不但負恩誤國一生威望東華續錄 道光二十二年 三

掃地盡矣諒長齡等必不至如此再頃據長清奏接到楊芳來信令其將愛瑪特看守業已拘禁在署愛瑪特應否即在阿克蘇訊問抑須解至喀什噶爾質訊或即交長齡帶往著長齡酌量辦理○哈豐阿奏十一月十二日由葉爾羌前進至黑色爾迤南山邊一帶追賊沿途斃殺二百餘餘向英吉沙爾逃竄一半竄入黑色爾回莊官兵圍回莊全行搜捕隨追至英吉沙爾迤東之頭臺托巴拉賊匪遠竄城內已空即行星馳前進報聞○以沈岐為內閣學士兼禮部侍郎銜由詹事遷毛式郛為左副都御史由宗人府○丙申諭哈豐阿等奏援兵追賊西進已將英吉沙爾喀什噶爾二城解圍一摺稱十一月十四日帶領伊犁烏魯木齊滿漢官兵民遣壯勇等跟蹤剿賊馳抵英吉沙爾賊匪先經聞風西竄回城已空面見棍楚克策楞詢知阿奇木伯克斯底克久已從逆官兵疊

次打仗得勝賊匪灌水空城計無所施困守數月至是圍解人人歡忭卽於是日戌刻拔營飭令伊犁委佐領廣音泰率領滿洲營馬隊沿途在各莊按捕追剿該提督等率領馬步官兵及民遣壯勇順路跟追殺賊多名生擒三百餘名追至距喀什噶爾十數里地方適扎隆阿多隆武帶領城內官兵齊隊前來詢悉賊匪俱往西北一路逃竄卽將兵會合一處同至喀什噶爾安撫夷回守護城池一面偵探賊情密拏餘匪俟胡超統兵到時勦洗等語喀什噶爾英吉沙爾被圍已久待援甚亟前經調派各路官兵疊次嚴催帶兵大員無論何人先到卽趕緊進援乃容安味良觀望坐失事機哈豐阿等領兵先到復聽容安指使繞道和闐再從葉爾羌大路進發以致日久稽延此次賊勢並未猖獗本易勦散哈豐阿等如早勦賊解圍尤當重加懋賞此時雖覺稍遲惟念見在臺東華續錄 道光二十二年 三

路廓清圍城已解究由哈豐阿等首先到彼尙屬可嘉哈豐阿著賞給雲騎尉世職進勇巴圖魯名號孝順仗著賞給副都統銜仍均著交部從優議敘以示鼓勵幫辦大臣塔斯哈前因賊匪滋事出卡追擊副將賴允貴帶兵前往一併俱被陷殄情甚可憫塔斯哈著照都統銜賜卹賴允貴著照總兵例賜卹俾慰忠魂扎隆阿多隆武督率官兵困守三月有餘終保孤城不失國體可嘉可憫著交長齡查明該大臣等守禦情形據實具奏再行降旨施恩至哈豐阿等單開尤爲出力之官員兵勇及另片奏請施恩之伊犁遣勇九百六十九名並著長齡一併查明候旨辦理○已亥胡超奏行抵距木蘇里克莊整隊前進賊匪七八百人抗拒官兵經副將張國相等迎敵殺賊一半餘俱逃竄官兵趕向回莊四面圍攻生擒百餘殲斃數十訊據賊供薩漢莊有賊千餘該副將等前後

夾擊賊披靡四散追殺三十餘里統計殺賊六七百生擒五百餘報聞○辛丑諭從前內外八旗大員之弟兄子孫每逾五年查閱一次挑取侍衛拜唐阿當差原因侍衛拜唐阿係體面差使大員子弟挑取侍衛拜唐阿後伊等益得演習清語技藝騎射差委得人自道光六年查辦以來已屆五年又應查辦之期惟念該大員子弟內各有不同或因身弱馬上平常或因自幼讀書一時不及學習騎射似此之人縱使挑取侍衛拜唐阿焉能得力理宜量加調劑嗣後在京文職三品以上武職二品以上外任文職自總督起至按察使止武職自將軍提督起至總兵止該大員之弟兄子孫內如有年已及歲堪任侍衛拜唐阿差使每遇五年查辦之期情願挑取者該大臣等仍照上屆呈報本旗由該旗造冊咨送軍機處彙題經朕指出帶領引見備身弱有疾或弓馬平常不稱侍衛拜唐阿者該大臣等卽據實報明該旗轉行軍機處聽其自便該旗亦無庸催取名字以示朕培養旗僕因材器使之意○癸卯上詣 大高殿祈雪○甲辰諭軍機大臣等本日據史致儼奏橋並御史卞士雲奏接到儀徵縣紳士公信據稱向來淮南綱食引鹽俱歸儀徵掣捆數萬夫役得受傭資以敷口食因聞有鹽課改歸場鹽之議夫役人等恐嗣後掣捆不歸儀徵頓失生計約會千數百人赴縣奔訴該知縣已往省代稟等語兩淮鹽務敝壞已極朕特派王鼎等前往江南會同陶澍查辦其課歸場鹽一節前據王鼎等具奏大槩情形已委員查勘見尙未據覆奏該處夫役等一聞此信恐失生計連行約會多人赴縣奔訴實屬愚民無知此事關繫兩淮大局該尙書等務細心籌議如果改歸場鹽實有裨益卽嚴實會辦妥立章程不可因該夫役等口食無資遂存畏

難苟安之見但事屬改敝更張必期經久可行毫無格礙斷不可稍滋流弊以致激成事端總當體察情形酌量可行與否定議具奏○乙巳諭據王鼎寶與奏請將兩淮鹽務改歸總督管理一摺兩淮官引滯銷釐務疲敝見據王鼎等奏稱由該鹽政無管轄地方之責文武員弁均非所屬疏銷巡緝難期令行禁止著將兩淮鹽務改歸兩江總督管理所有鹽政一缺著卽裁撤鍾靈著回京當差○戶部尚書王鼎等奏會籌兩淮鹽務擬定章程十五條一兩淮雜費除養廉兵餉外水脚部飯等項作正開銷此外普濟育嬰書院義學等項亦從其舊惟各堂董事濫則多名 御書樓務本堂孝廉堂等處歲需銀二十餘萬兩應行裁汰各衙門公費及鹽政運司書役辛工紙飯並之商月捐等項歲需銀八十餘萬兩應加刪除再漢口各岸商按引抽捐各衙門公費定爲每引捐銀

東華續錄 道光二十二年

四錢永不加增各費共減銀一百十餘萬兩科則成本可以稍輕一運商請引先向有窩之家出價買單然後赴司納課商家展轉私售以一紙虛根先正課而享厚利致商本加重昂價病民惟相沿已久姑留根名每綱每引酌給銀一錢二分嗣後請引按綱給單不准豫請數綱一領運舊例名目過多致運司衙門書吏多至十九房商人辦運請引文書展轉至十一次鹽務大小衙門節節稽查有名無實徒爲需索陋規之具應交運司查明刪併一商課入庫不分正雜籠統動支迨遇緊餉百計湊解有豫納減納貼息印本抵課等弊俱應查禁將正項貯庫候解並聽部撥雜費另貯外庫不許將正項那墊及商人干預一淮南設有總商籌辦通商公事應擇各商內公正醇謹行鹽最多者數人爲辦事之商至辦公一項照減定額數指領不准立總商名目一庚寅綱引見已冬

抄尙未行運已丑仍餘積引三分辛卯應開綱豈能一年行三綱之鹽請於道光十一年正月卽開辛卯本綱其庚辰已酉積引隨時帶銷另款存撥遇暢銷提綱時仍補銷以符原額一准南北商欠若接綱帶徵仍致套搭占礙新綱應分別停緩俟課款充裕時歸補內惟幣本利息一項仍在新綱引內攤徵一收鹽桶秤舊有定制請由運司烙發不准私製實成場官隨時稽察運司於運河要道北橋處所規在抽秤如格外重斤將秤驗各官參撤一運鹽水脚埠頭串通商夥從中勒扣船戶意圖帶私甘心忍受且有出錢買裝者應將例價照實覈發各船擬次統號連環保結備仍蹈故習查出嚴辦該埠保一併治罪一鹽船遭險例有津貼並准批補沈失之鹽免其輪課近以守輪待售時日遷延船戶盜賣後整沈空船運商例有津貼批補且可分裝多船越輪先售遂相效尤

東華續錄 道光二十二年

應停其津貼准其補運不准免課一儀徵河道淤阻應勸估挑港卽以挑出之土培築泰隄俾速轉運以輕商本一運鹽向自儀徵運至漢口折回轉售於各岸往返脚價加重至引地爲江船糧船各司所隱占應飭鹽道查明各口岸每年額銷引若干將水程豫爲給發商運赴該處俾水販就近領賣水程照例彙繳以免越運轉折一船至漢西兩岸大商撞價封輪挨賣守候既久百弊叢生漢岸滯鹽不下二千萬石應派公正之員駐守漢岸會同鹽道辦理散輪事宜不許再有整輪以免滯銷一鹽務之官有與人聯姻換帖者俱令回避各場分司大使應照州縣之例察看人地隨時調換湖南北鹽道督銷功過應歸兼轄鹽務之總督考覈會同該省督撫具奏以專責成一准北湖運各岸近年額引銷不及半積鹽無商收買各商額求調劑應先行籌款收買鹽以濟口食

其鹽存貯各廠俟來年秋單發運時查照銷帶各岸委員領運售
鹽繳價以還原本得旨均著照所議辦理該部知道○辛亥免被
賊滋擾之英吉沙爾等城額賦○是月賑雲南普救縣水災貸江
蘇蘇州等四府州屬駐近災區兵丁銀米緩徵江蘇上元等三十
一州縣衛雲南恩安縣額賦○是歲琉球暹羅朝鮮來貢○會計
天下民穀數各省通共大小男婦三萬九千四百七十八萬四千
六百八十一名口各省通共存倉米穀三千四百五萬四千一百
七十二石二斗七升六合二勺

東華續錄

道光二十二年

完

東華續錄

道光二十三年

臣王先謙

臣周瀚

臣蕭恭校

道光十一年辛卯春正月戊午 上以五旬萬壽詔開恩科於本
年八月十二年三月舉行鄉會試移正科鄉會試於十二年八月
十三年三月舉行○以履端錫羨加恩宗親封儀親王孫奕綱為
入八分輔國公慶郡王蘇德弟蘇梯為不入八分輔國公定親王
奕紹子載銓為不入八分鎮國公命成郡王載銳在內廷行走賜
三眼花翎賜定親王奕紹金黃蟒袍俸親王蘇德惠郡王蘇愉及
奕約銀有差○乙丑諭長齡奏遵旨審擬容安等罪名一摺前因
英吉沙爾喀什噶爾二城待援甚急容安統領伊犁官兵於九月
十二日全抵阿克蘇儘可趕緊由葉爾羌進發解圍乃遷延觀望
東華續錄 道光二十三年

坐失機宜且先據奏明由大路進兵嗣復欲由和闐前往以有用
之兵轉於無賊之處繞道行走以致耽延一月之久無謀無勇措
置乖方並欲厚集兵力防守阿克蘇烏什再行前進身為統兵大
員不知緩急輕重任意延宕喪心昧良莫此為甚當降旨將容安
革職擊問嗣以此等怯懦無用之人不值如此辦理復諭長齡將
容安解赴阿克蘇看守旋又數其四罪令長齡到彼後逐層嚴審
按例定擬並將長清等分別擬罪茲據長齡審明容安等罪款定
擬具奏容安坐擁重兵畏葸不前孤負國恩貽誤事機本應照軍
法從事在阿克蘇即行正法姑念見在二城之圍已解尚可寬其
一綫容安著加恩照長齡所擬依軍臨敵境違期三日斬監候律
斬監候秋後處決即派委員押解刑部監禁趕入本年朝審情實
辦理長清但知留兵防守並不通盤籌畫催令進援亦屬咎有應

得惟該大臣究非奉派帶兵之員而撫馭夷回向為安靜且扎隆阿致信令將伊什罕伯克托克托呢雅爾等家產查封並將緣坐人犯一併拘禁該大臣均未照辦頗有識見長清著加恩革去副都統賞給二等侍衛仍作為阿克蘇辦事大臣哈豐阿係烏魯木齊提督本不應受容安節制乃聽其指使迂道前行稽延日久實屬錯誤姑念此次進援究係該提督帶兵先到雖未接仗殺賊惟令賊眾一聞兵到即行遠竄得以解圍哈豐阿著加恩改為革職留任額爾古倫貴成孝順仍進兵究屬遲延一併交部議處○諭軍機大臣等長齡奏請將扎隆阿先行撤任辦理緣由一摺扎隆阿所稱伊薩克句結內應一事朕於楊芳等初次奏到時即以伊薩克身受重恩不應違懷擱貳恐係扎隆阿有心傾陷降旨令該將軍親提密辦嗣據扎隆阿屢次陳奏並於該將軍咨提人證時東華續錄 道光二十三年 二

不即將伊薩克起解疊經降旨諭令秉公審訊並傳旨將扎隆阿解任及伊薩克一併提解茲據奏行抵阿克蘇而晤長清告知並據常格咨稱前接扎隆阿來信並咨令將托克托呢雅爾等家產查封緣坐人犯一併拘禁等情該大臣等以案情尚未確實恐違查辦致滋惶惑並未照辦所見甚是見在訊據布魯特毛拉等各供及詢悉情形所稱逆首明巴什因攻城不得手向愛散問計愛散告以見有伊薩克在城是以回心固守須得先將伊薩克誣蟻及該城兵民於賊匪圍城之際將伊薩克衙署鈔沒殺斃大小伯克回子二百餘人均稱此次賊匪進卡滋事係伊薩克所使強令扎參贊看守又於圍城時有兵民千餘人口稱伊薩克有句結情事齊赴阿奇木署中拏住伯克回子等約二三百名並不待參贊之諭登時殺戮淨盡財物搶擄一空伊薩克夫婦先赴參贊署中

東華續錄 道光二二二

僅以身免各等語雖未可遽為深信而於伊薩克句結情事未真扎隆阿辦理錯謬已可槩見且任聽兵民人等恣行殺掠並將大小伯克回子殺斃至數百人之多姑無論所稱伊薩克句結內應是否屬實即此任聽妄殺一節扎隆阿昏謬之咎實屬難辭該將軍以該參贊所奏情節與詢問情形迥不相符難保其不無回護任聽妄殺之前愆轉受兵民之挾制因而巧為彌縫所料不錯其於該將軍咨提人證時不即將伊薩克起解轉藉口恐奸細探聽在途劫奪並非玩泄實屬有心違抗昨已有旨令該將軍傳旨將扎隆阿解任見據奏到亦請即行解任並以摺報往還需時恐該員稽留多日或致別生枝節一面奏明一面先將該員撤任好極好極能如此不愧朕推心倚任矣扎隆阿於案情未定之先妄行殺戮已失本處良回之心況任聽兵民恣肆毫無約束復分致阿東華續錄 道光二十三年 三

克蘇庫車令其查封拘禁以致二城回眾亦各惶惶似此謬妄糊塗之員不但不能無罪仍當治以重罪扎隆阿著即革職該將軍見飭知哈豐阿令其即帶馬步官兵千餘名護解伊薩克一千人證迅速赴阿克蘇以免疏虞所見又是此事關係重大必應秉公查辦該將軍之心即朕之心所奏情形與朕疊次所降諭旨均相符合可嘉之至此時伊薩克等計可陸續解到該將軍務須嚴切根究期於水落石出如果伊薩克有應與提到人證實訊之處固當令其質對即扎隆阿有應與各犯質對之處見已降旨將伊革職伊既不知自愛不值為伊顧惜顏面亦著令其質對將此案虛實悉心研究務得確情按律定擬具奏備審明伊薩克實無句結情事著於審明後將道光十年十二月初十日初次寄諭該將軍之旨向伊薩克明白宣示俾知伊忠悃素著此次被人傾陷朕早

四五三

鑒及以安其心至喀什噶爾參贊大臣昨已有旨令哈喇阿楊芳暫行護理著仍遵前旨飭令籌辦一切所請令胡超幫辦之處著毋庸議至另片奏此次起釁根由詢之該布魯特比及回子等皆稱由於鈔沒安集延驅逐出卡因此懷恨勾結等語究竟該布魯特等所稱是否屬實著再行詳細查明據實具奏本日據玉麟等奏體察邊界見在情形酌籌辦理所稱那林距喀什噶爾卡倫較近由彼經過特木爾圖淖爾迤北即是吹塔拉斯一帶當為討逆所必至請飭長齡等於派兵出卡捕擊逆犯之便願赴吹塔拉斯等處確查等語著長齡自行酌量如須派人前往著飭令由伊犁前往會同確切查勘無須派人前往即咨會玉麟等妥為查勘辦理又另摺奏體察中外情形新疆茶政及夷商貿易似應酌復舊章並著長齡詳查妥議○丙寅諭國家赦宥之典法外施仁欲東華續錄 道光二十三年 四

海內咸知遷善遠罪以成太平之治朕祗遵 成憲兢兢業業以愛育黎庶為懷茲當紀年開表寰宇又安允宜循照舊章用宏矜恤所有刑部及各省人犯除常赦所不原外著酌量案情減等發落俾獲邀肆赦勉圖自新以副朕欽恤庶獄咸中有慶之至意○庚午召徐忻來京以楊簧為湖南按察使由江蘇○壬申諭軍機大臣等長齡奏訊據大槩供詞一摺伊薩克案內常奉清一名業經守備楊應元解赴阿克蘇據該將軍訊取各供具奏內常奉清稱參贊衙門書辦說幕友周姓因兵民鈔殺伯克回子人數過多並沒憑據都是一片疑心將來甚難入奏又楊應元稱當日鈔殺時即係常奉清與劉漢閣良貴為首彼時參贊聽見嚷鬧即差章京金奇賢持令箭前去攔阻不住各等語幕友周姓係案內要證其劉漢閣良貴既據楊應元稱鈔殺時曾與常奉清為首亦應提

到質訊即章京金奇賢自當一併訊問著即迅速咨提到案嚴切根究前因扎隆阿有心違抗傳旨解任旋據奏到亦請即行解任復經降旨將扎隆阿革職與伊薩克一併提解此時人證計已陸續到齊該將軍務提集人證秉公審辦如扎隆阿供詞狡展即一面鞫問一面奏聞總須水落石出鞠訊明確按律定擬具奏本日又據扎隆阿奏到二摺一係密奏伊薩克之事一係搜獲逆賊訊取供詞分別辦理均著長齡查辦所稱逆犯毛拉庫恰克托胡達呢雜爾二名著即歸案嚴審又另片奏買辦糧料及派員辦理軍務公局等事著即行飭知哈喇阿楊芳妥為辦理至喀什噶爾參贊大臣前已降旨令哈喇阿楊芳暫行護理朕意將來即以璧昌補授喀什噶爾參贊大臣並將常德賞給升銜作為葉爾羌辦事大臣其烏什辦事大臣一缺何人可以勝任著該將軍保奏一員東華續錄 道光二十三年 五

請旨簡放至喀什噶爾向設幫辦大臣見在是否仍須補放著該將軍體察情形據實覆奏如仍須補放亦著該將軍擬保請旨又據奏常奉清供賊人圍城數日後有安集延一人向城上告稱且不要放槍砲那些圍城千餘賊都已跪下令通事來說我們是喀什噶爾阿克蘇伊犁等處逐出的安集延在卡內買賣多年並未隨張格爾造反忽於八年間將我們的茶葉大黃全行鈔沒入官並不給價驅逐出卡無以為生後來有布魯特在我們愛曼擊著茶葉誇說這是大皇帝賞還的我們更加氣忿因此進卡止求將茶葉大黃給還仍准在卡內作買賣就是恩典等情又十二日有本城許多黑帽回子擊著羊麪瓜酒並未擊著器械各等語該將軍奏出關後訪聞情節與所供均屬無異著再行詳細訪查覈實奏聞○調鍾昌為吏部左侍郎貴慶為刑部左侍郎○丙子諭三

載考績實為激揚大典滿漢諸臣有能盡心所事任勞任怨者自應甄敘有年老而精力不衰者仍當留任茲京察屆期該部將京外各大員開單題請朕詳加酌定大學士曹振鏞吏部尚書文孚戶部尚書王鼎工部尚書穆彰阿久任軍機大臣贊襄勤慎承旨詳明大學士長齡中外宣勤懋績顯著茲又奉命再莅回疆協辦大學士兩廣總督李鴻賓歷任封疆實心任事陝甘總督楊遇春身經百戰絕域宣勞昇以封疆克勝鉅任陝西巡撫鄂山兩次總辦軍需誠實精詳毫無貽誤俱著加恩交部議敘兵部左侍郎賈允升盛京戶部侍郎多山俱年力就衰著以原品休致福建巡撫韓克均辦事遲緩不能振作尚無劣迹可指亦著以原品休致餘著照舊供職○轉張麟為兵部左侍郎以吳椿為兵部右侍郎由副都御史○調凱音布為盛京戶部侍郎以鐵麟為盛京禮部侍郎由東華續錄
○道光二十三年
六
御史遷 ○以魏元煊為福建巡撫孔昭虔為福建布政使陳變為浙江按察使由廣東鹽運使遷
○戊寅調吳椿為工部左侍郎以何凌漢署兵部右侍郎由大理寺卿署
○己卯召葉紹本來京調邱鳴泰為山西布政使以恩特亨額為安徽布政使色卜星額為安徽按察使由甯池太
○辛巳諭軍機大臣等陶澍奏接受兩淮鹽課並陳見辦情形一摺據稱兩淮鹽務積敝之餘章程甫立節目尚多如裁浮費去根窩慎出納禁淹消散輪規減價敵私諸款皆商情所不樂應申明國法從實安辦一有磨玩即併其從前弊混之罪追革查鈔至文武員弁向於疏銷巡緝不肯認真出力甚至得規包庇必應整飭等語見當整頓之際功令森嚴該督務須實心查辦力除積弊俾各商及員弁等咸知儆畏於銷引緝私方有裨益至所稱見在商人力能辦運者不過二三十家新商僉募尚需時日兼

之漢口積引不下數千萬祖非三兩月所能罄盡江西情形亦然前綱既滯則辛卯新鹽即截清界限於春月開綱而行抵楚西各岸已在夏秋之際明歲奏銷勢不能如期完竣等語自係實在情形所有明歲奏銷著准其稍寬時日屆期奏明料理此後仍當年清年款不得復蹈故轍其餘未盡各事宜並著該督隨時察看分別奏咨覈辦該督身受重恩總當任勞任怨悉力籌辦力圖振刷以期鹽務日有起色勉副委任方為妥善諒該督亦必不甘蹈會煥等之覆轍也○刊 御製文初集成 御製序文○是月給江蘇沛縣安徽蕪湖等八州縣浙江富陽縣被災口糧貸三姓雙城堡兵民直隸磁州等九州縣湖南安鄉華容二縣河南武安縣甘肅會甯等五縣被災口糧屋費籽種蠲緩吉林等四處被水兵民新舊額賦緩徵直隸磁州等五州縣山東鄒平等五州縣衛被東華續錄
○道光二十三年
七
災正雜額賦
二月己丑 上御經筵○壬辰諭長齡奏查訪逆回起釁根由一摺此次逆回滋事前經降旨令該將軍查明起釁根由據實具奏不准含混茲據奏行抵阿克蘇後詢據布魯特比等僉稱霍罕安集延逆賊入卡滋事由於鈔沒貨物驅逐出卡以致懷恨句結與沿途所訪輿論相符復據各城咨覆均與傳訊各供無異是起釁根由顯係驅逐安集延查鈔家財斷離眷口禁止大黃所致那彥成上屆係特奉諭旨前往辦理善後事宜乃不能體察情形籌畫妥善行之未及二年又有逆回滋擾之事誤國肇釁罪有攸歸著先行革去太子太保銜拔去雙眼花翎並革去紫韁交部嚴加議處伊子容照著逐出乾清門並革退理藩院右侍郎鑲白旗護軍統領正黃旗蒙古副都統國史館清文總校著賞給三等侍衛

在大門上行走○癸巳調惠顯為理藩院右侍郎以鄂順安為盛

京刑部侍郎調孔昭虔為貴州布政使以惠吉為福建布政使光

聰諧為福建按察使由湖北調○甲午命陶澍裁減鹽務浮費○

乙未奪那彥成職調琦善為直隸總督以鄂山為四川總督史譜

為陝西巡撫調裕泰為陝西布政使以吳榮光為湖南布政使使

○己亥以廖鴻荃為內閣學士兼禮部侍郎銜由少詹事普保

何凌漢俱為左副都御史普保由大理寺調○辛丑 上啓鑾

謁 西陵○免經過地方額賦十分之三○乙巳 上謁 泰陵

泰東陵 昌陵○ 上閱視萬年吉地賜名龍泉峪○丙午清

明節 上再謁 昌陵行敷土禮 隆恩殿行大饗禮回鑾○己

酉 上還京師○是月貸湖北荆門營上年被水兵丁倉穀

三月癸丑朔諭朕本年五旬萬壽慶辰業經疊沛恩綸覃敷闡澤

東華續錄 道光二十三年 八

所有莊襄親王絳課之子莊郡王奕寶著加恩賞還親王英和著

加恩即行釋回伊子奎照奎耀俱著隨同回京○己未廣東黎匪

滋事命李鴻賓等勦之○辛酉諭軍機大臣等有人奏廣東貿易

夷人日增築英吉利自恃富強動違禁令其餘各國相率效尤

道光十年該夷等違例乘坐綠呢小轎又帶夷婦入城在洋行居

住當經兩廣總督及粵海關監督出示申禁而英吉利大班等統

領各夷向該督監督等衙門屢次遞稟語多誕妄經該督調兵彈

壓膽敢統率水手搬運槍礮器械到館儼有抵敵之勢是直以有

恃無恐之情行其有挾而求之計不可不嚴為防範又稱漢奸從

中唆使傳遞消息斂弄是非以遂其肥己之計澳門居民半通夷

語其各洋行服役之人及省城之開設小洋貨店此內均易藏奸

更有匪徒練習快礮船隻為夷人運私偷稅賄通兵役朋比為奸

俱應嚴密查拏盡法懲治又稱夷人違例八條一致斃漢民藏匿

正兇抗不交出—在省城橫行街市漢民不敢與較一夷婦生子

多雇漢乳媽服役及向漢奸私買婢女—內地書籍例不出洋近

日漢奸多為購買並有課其子弟者—上年夷人在洋行門外私

設臨水馬頭以為偷稅地步—上年該督等所出告示皆被夷人

塗抹夷人擅出告示禁止洋商坐轎洋商不敢不遵—向例夷人

不准進靖海等門上年二三百人以探聽批稟為名擅自擁入莫

敢攔阻—夷人銷貨完竣不准逗留近則往往在粵省過年等語

以上各情節於海疆重地大有關係豈可一味因循長其藐玩著

朱桂植逐款嚴密訪查據實具奏毋許含混並查明地方官如有

苛虐夷人情事亦當一併參處示懲勿稍隱飾○癸亥 上親耕

藉田○丁卯調寶興為吏部左侍郎博啓圖為戶部右侍郎轉桂

東華續錄 道光二十三年 九

輪為兵部左侍郎調那丹珠為兵部右侍郎惠顯為工部左侍郎

右侍郎由理藩院○戊辰李鴻賓等奏上年春開崖州黎匪黎那雞等因

乏食出掠經瓊州鎮道府督兵圍捕即殺首犯投首十一月內復

有黎匪糾集搶劫調兵查擊訪係章邑容張紅鬚張亞基數人為

首命迅速捕獲究辦○壬申兩江總督陶澍奏捕獲盜匪俾梟分

別懲辦得旨可見廢弛已久汝係朕特加信用之人能如此存心

為國宣力不但汝承恩澤朕亦得知人善任之名當勉之又勉

有加無已以副朕望○辛巳重修康熙字典成○是月貸湖北督

標撫標暨武昌黃州各營兵丁倉穀山東海豐場水衝修灘費展

緩河南內黃等六縣逋賦並雜款

夏四月丁亥諭內監潛逃例有應得之罪嗣後各直省督撫府尹

等遇有逃走太監一經地方官盤獲無論有無滋擾情事著一面

具奏一面解交內務府○戊子 上閱健銳營兵○辛卯 上臨視 皇長子奕緯疾○甲午諭大阿哥奕緯自上年秋閒違疾至今春甫經就痊茲復患病旬餘竟爾不起深為悼憫著追封多羅貝勒所有應行典禮著照皇子例辦理並派總管內務府大臣寶興經理喪事其一切事宜著各該衙門察例具奏○戊戌諭奕紹等奏查定例貝勒女封郡君止准封嫡長女一人其餘嫡出庶出之女俱不授封又追封之爵皆不傳襲其子女亦不照追封之爵授封向來均照此辦理多羅貝勒追封成郡王繇勲並無嫡女俱係庶出例不應封除伊第八女第九女俱因聞夫故過門守節授封縣主不計外其第十女於道光五年出聘時禮部照例未經奏請授封辦理並未錯誤本年其第十一女出聘時禮部即奏請授封旋復請將第十女補封均與定例不符所有繇勲第十女第十東華續錄 道光二十三年 十一

一女俱著照定例不准授封其道光五年將繇勲第十女請封指駁之承辦司員係照例辦理著免其議處本年繇勲第十一女出聘禮部堂官並未詳查宗人府遽請授封與例不符著交部察議

○庚子 上閱大員子弟馬步射○癸卯 上詣 黑龍潭祈雨

○乙巳諭軍機大臣等陶澍等奏清水敵黃重運漕船行走順利惟洪澤湖水勢浩瀚暫消復漲及下游揚糧啓壩洩水各情形一摺覽奏均悉本年三月底清高於黃將禦黃壩啓通之後黃水旋長旋消重運漕船均係順流渡送無須倒塘灌放臨清攔黃兩堰免於啓閉行走尚為順利其挽上三閘因上水高於下水三尺有餘逆流繞挽較為費手經該督等分委員弁併力趕辦該督等時往督催見在三進幫船截至四月十二日止已渡黃六百二十餘隻下餘幫船一千一百數十隻可以計日渡竣惟洪澤湖水勢已

長至一丈九尺餘寸刻當夏令雨水漸多以東清壩及仁河信壩三處分洩尚停積不消備此後再有增長勢必不能容納該督等擬俟在後幫船全過邵伯鎮即將上游洪澤湖之智壩義禮二河下游運河之灣頭壁處人字等河刻日啓放騰空湖面以備積漲著該督等督同工員務須認真加意防守俟漕船渡竣後應如何宜洩盛漲並隄堰壩各工應行修築之處即當妥為籌辦毋致稍有疏虞○己酉以捐辦上年回疆口糧並防守出力免葉爾羌和闐回戶本年應徵普爾錢並減運布匹○庚戌李鴻賓奏黎匪韋色容等伏法地方肅清○是月緩徵直隸磁州等三州縣河南安陽臨漳二縣上年地震災新舊額賦

五月甲寅寶授鍾祥雲南布政使○己未諭陶澍奏准北商力積疲請暫籌借項官督商運等語准北商力疲累已久此時招商僉東華續錄 道光二十三年 十一

辦難得其人且各處需鹽孔迫不得不先籌運濟據該督查明永豐壩見有存貯歷次運庫發銀收買官鹽九萬一百七十二引應擇誠實商人借給水腳領運分赴各岸並遴員督運俟其到岸售有課銀收回應完錢糧及鹽價借項繳庫歸款其各滯岸銷鹽無多即由附近暢岸隨時撥往接濟所需運腳銀兩著照所請准其在於已丑殘引加斤案內帶徵課銀催商趕緊交完先行酌動銀二十萬兩以十二萬兩為前項運腳之需其餘八萬兩因海州分司所屬板浦中正臨興三場運商久不捆鹽窳戶困苦著查照上年原奏辦理趕緊收買即將收買之鹽存貯各場俟本年秋季單發運至壩飭商領運繳價還庫所有收買發運事宜即責成准北監掣同知陳在文妥為經理仍趕緊招商接辦以肅漕政○予 皇長子貝勒奕緯諡曰隱志○甲子移直隸鳳河汛把總為永定河

南八工下汛把總○丙寅湯金釗緣事降兵部右侍郎罷上書房總師傅○調潘世恩為吏部尚書以朱士彥為工部尚書白鎔為左都御史調申啟賢為吏部右侍郎以何凌漢為工部右侍郎姚祖同為左副都御史由通政○禮部左侍郎龔守正緣事降通政使○辛未雨○乙亥諭戴均元子戴詩亨加恩以七品小京官用伊孫戴嘉德加恩賞還舉人英和孫錫祉加恩以六部筆帖式用○左副都御史姚祖同以原品休致○丙子諭軍機大臣等有人奏鴉片煙積弊請杜絕來源一摺據稱洋船私帶煙土來粵於附近虎門之大魚山洋面另設夷船囤積稱為鴉片壘並有夷目兵船名曰護貨同泊一處句通土棍以開設錢店為名暗中包售煙土呼為大窩口如省城之十三行聯興街多有此店奸商到店與夷人議價立券以憑到蕙交貨謂之寫書又有包攬走漏之船名

東華續錄

道光二十三年

十三

曰快蟹來往如飛呼為插翼其船星夜過關津遇有巡丁追逼竟敢施放槍礮關吏莫敢誰何又不報官懲辦是以肆無忌憚此種快蟹見有一二百隻之多凡由蕙送貨至窩口者皆係此等船包攬各巡船通同作弊按股分贓包庇行私其弊尤甚其銷售各路如福建之廈門直隸之天津廣東之雷瓊二府皆由窩口立券到蕙交貨其餘各省私販入口出境均係快蟹船包送出境必由之口如南海屬之仙館汎關石汎紫洞口落松海口香山屬之黃圃三水屬之西南汎蘆包埠等處其由大窩口分銷內地悉因奸民串同各衙門臺役開設私局名為小窩口各處城鄉市鎮所在皆有查煙土一項私相售賣每年紋銀出洋不下數百萬是以內地有用之財而易外洋害人之物其流毒無窮其竭財亦無盡等語鴉片煙流毒最甚前已屢降諭旨通飭各直省督撫各就

地方情形設立章程嚴行查禁惟鴉片煙多係來自外洋實聚於廣東若不杜絕來源是不揣本而齊末雖內地嚴定章程於事究無裨益見經有人條奏所陳各弊是否實在情形著李鴻賓等確加查覈如何使煙土不能私入洋面不能私售各夷於貨船之外不得另設船隻之處悉心酌議務將來源杜絕以淨根株勿令流入內地以除後患該督等若能盡心盡力除中原一大害厥功不小矣勉益加勉○己卯 御製慎德堂記曰崇儉去奢慎修思永孰不知其所當然哉非知之艱行之惟艱在士大夫猶患其位不期驕而驕祿不期侈而侈腐天命紹大統者可不兢兢焉惴惴焉懷夫皇天無親惟德是輔念夫祖功宗德創垂不易後世子孫坐享承平之福縱不尚奢華無所加增自問已覺不安矣若敗度敗禮視富貴為己所應有是直不可與言者也又奚能常保厥位耶

東華續錄

道光二十三年

十三

况我大清 龍興東土首重樸實 列聖丕承凡心法治法無非以勤儉訓後誠以世變風移敝化放心有不期然而然之勢苟非操之固審之精樸素自甘慎終始始難與言儉也至於飲食勿尚珍異冠裳勿求華美耳目勿為物欲所誘居處勿為淫巧所惑此猶儉德之小者不作無益害有益不貴異物賤用物一絲一粟皆出於民脂民膏思及此又豈容逞欲妄為哉所謂無為而治俾天下陰受其福而民不知者是也然行儉責在一人不以天下自奉非槩從慳吝也若救饑拯溺去暴安良國用之常經民生之休戚正措施之不遑又何可稍存吝惜於其間也是以修身務存儉約之心以期永久圖治之道可不加慎而切記之乎

六月壬午調裕泰為安徽布政使恩特亨額為陝西布政使○乙酉 文宗皇帝生 上之第四子也○己丑召慶善來京調恩特

亨額為浙江布政使以楊名履為陝西布政使調李義文為陝西按察使以何煊為雲南按察使服開按 ○乙未 皇五子奕諒生 ○己亥命賑安徽舒城等二十五州縣水災 ○辛丑 上詣 黑龍潭祈雨 ○丙午諭阮元等覆奏查禁鴉片煙章程一摺滇省沿邊夷民向有私種罌粟收取花漿前齊名為芙蓉以充鴉片內地民人亦復栽種漁利自應設法查禁茲據該督等奏稱民間私種罌粟綠費工少而獲利多積習已久該省又多深山窮谷若不峻立其防則奸民易犯惟所稱每年冬令罌粟出土之時該地方官會同營員親往躡查鋤毀一次次年春末開花結苞之時再躡查剷毀一次等語該處深山窮谷較多若令種植之家鋤剷是必不可信之事若豫帶多人以備鋤剷之用又無此查辦之法且據稱飭各地方官於關津要道稅口加派誠妥胥役不時督率稽查行

東華續錄 道光二十三年 十四

旅商脚販帶之弊試思胥役之中焉有誠妥可信者若添派多人責令稽查不但有名無實且轉滋紛擾無非多增一弊所議皆不過紙上空談於事何濟此事惟當責成該地方官隨時留心訪查不必拘定月日或於稽查保甲之便前往躡查或於猝不及防之時親往查察如有奸民私自種植即行擊究懲辦儘查無私種將來因案發覺該督等派員前往查出弊端即將該地方官嚴參懲處並著該督等於每年年終具奏一次至土境夷民栽種罌粟係在迤西迤南邊外著照所議責成該管道府嚴飭土司曉諭夷民毋得栽種並於每年冬間由土司親查如有私種即令目練拔毀照例枷責田地歸土司招練承種以為練田如該土司不能認真查察即行參究示懲毋許寬縱 ○以江蘇水災命買運奉天河南川廣米麥免各船關稅 ○丁未雨 ○是月給江蘇上元等九縣衛

水災口糧貸江蘇淮安衛災屯籽種緩徵直隸大興等十四州縣河南延津等十六州縣被災新舊額賦

東華續錄 道光二十三年 十五

東華續錄

道光二十四

臣王先謙敬編

臣周嗣蕃恭校

秋七月癸丑高郵湖河溢○調林則徐為江甯布政使陸言為河南布政使○丙辰以蔣祥墀為左副都御史由太常寺調遷○戊午命陶澍偕程祖洛籌辦江蘇災賑並借張井勘辦漫口隄工○己未命留安徽藩庫正項及鳳陽蕪湖關稅銀五十萬兩備安徽賑需並免各關米稅○辛酉改直隸豐潤霸州營田仍歸地方官經理○己巳命白鎔查勘江南災賑○癸酉諭長齡等奏扎隆阿參奏伊薩克句結謀逆一案審明盡屬虛誣並究出商同捏造之委員迎合承審之章京及教供誣證之通事回子等按律分別定擬一摺此案已革喀什噶爾參贊大臣扎隆阿身任邊疆重寄於卡外賊情未能覺察率派滿漢官兵冒昧輕出以致全行陣歿又不將官弁伯克回民等妥為布置令其併力防堵一任伯克等奔入新城潛匿回城失守轉因民眾浮言將回眾全行拘集遂致兵民乘亂殺掠扎隆阿束手無策已屬罪無可追迨圍解之後又復姑息奸民聽信劣幕竟敢藉賊匪反閒之輩言捏構疑獄圖陷伊薩克以叛逆重情嗣被參解任仍復摭拾虛詞妄奏肆抵是扎隆阿汚蟻伊薩克之罪尚小其以無據之詞妄行入奏欺君罔上之罪為大本應在軍前即行正法示眾否則解京廷訊後再行正法實屬罪所應得姑念其在喀什噶爾防堵三月保守城池究有微勞尚可暫寬一綫著照所議斬監候秋後處決歸入明年朝審情實辦理先在阿克蘇柳號兩箇月滿日派委委員解交刑部監禁委員候選同知直隸州周彭齡於扎隆阿奏參伊薩克句結之事慮及枉

殺多人難以入奏輒任意羅織希圖構成冤獄長齡等擬以發往軍臺效力尚覺情重法輕周彭齡著革職在喀什噶爾柳號一箇月滿日發往伊犁充當苦差以為劣幕舞文者戒喀什噶爾印房幫辦章京主事職銜金奇賢於委審各回子供證一味迎合任聽這事莫洛人等串供誣指實屬故入人罪照例罪應杖流念其隨同守禦微勞著革職免其治罪喀什噶爾印房章京國子監助教升用同知春祥與金奇賢會同審訊厥罪維均亦著革職喀什噶爾換防總兵多隆武於兵民乘亂殺掠恃眾挾制不能彈壓約束已有應得之咎迨哈喇阿咨詢該總兵輒依扎隆阿原奏誣捏各款扶同咨報實屬錯謬多隆武著即革職參贊大臣哈喇阿楊芳草率取供輒行入奏亦屬不合著一併交部議處回子郡王銜阿奇木伯克伊薩克著仍留軍功王爵飭令駐京當差其次子邁瑪特准其隨帶進京伊長子愛瑪特著仍回阿克蘇阿奇木伯克之任回務章京福奎見經訊明伊薩克並無謀逆情事其前被扎隆阿奏參失察請革職治罪之處著無庸議即飭令回任供職藍翎千總升任漢中鎮屬守備楊應元於差探旋回時因疑妄稟見雖據實供明惟前後供詞狡展本應治罪因該弁守城殺賊面受傷亦有微勞著拔去藍翎降為把總以觀後效兵丁閻喜詭言有賊致眾人一齊擁進又民人劉漢閻良貴派充民勇頭目不遵禁令不督束眾民著將閻喜革退名糧與劉漢俱發邊遠充軍閻良貴因守禦受傷著減為杖一百流三千里常奉清供情始終含混殊屬狡詐著發邊遠充軍劉紹濬李紹庚始以懷疑率請參贊接查嗣後任意妄供亦屬狡詐俱著杖一百徒三年布魯特比把哈提拜占帕拉特訊未從逆且被賊鎖禁用銀贖免乘閒投回著酌

東華續錄 道光二十四

加賞資飭令各回游牧回子通事七品明伯克阿布都吉里教供
誣指著革去七品明伯克發給各省駐防官兵爲奴其在喀什噶
爾供證伊薩克句結之各回子見俱到案供明均著免其置議至
喀什噶爾民衆當賊匪圍城時妄肆浮言搶掠財物濫殺無辜不
法已極本應悉行正法姑念其隨同守城三月尙有微勞著從寬
免死將來安置各處儻有稍滋事端無論所犯何事卽行正法其
無辜被戮之大小伯克著該將軍等查明一併照陣亡例給予卹
典同時被殺之回眾並著確查有無家屬按名照例給予卹賞銀
兩以示優卹○諭軍機大臣等據長齡等奏會籌善後事宜一摺
前將內外諸臣各條奏回疆善後事宜發交長齡覈議並派玉麟
一同悉心籌酌務期經久可行茲據奏參贊總理八城應請移駐
葉爾羌乃能適中扼要措置咸宜該處地廣戶繁可以多駐官兵
東華續錄 道光二十四 三
去秋回子用命著有明效該城距喀什噶爾六站外夷進卡接見
在不遠不近之間足資控制其幫辦大臣仍照例專管本城事務
再將和闐領隊大臣移駐一員隨同參贊就近聽其調遣喀什噶
爾卽留換防總兵一員在彼統兵駐守英吉沙爾仍駐領隊大臣
一員在於葉爾羌阿克蘇適中之巴爾楚克一帶添調總兵一員
統兵駐守以爲樹窩子咽喉鎖鑰添此一鎮則六城相距均不過
數百里聲氣易爲聯絡和闐在一隅止留領隊一員足資辦理其
滿漢防兵額數請於西四城見有兵六千餘名外再酌留伊犁烏
嚕木齊馬隊二千名陝甘綠營兵四千名通計原額新增共滿漢
兵一萬二千餘名除阿克蘇烏什見各有兵一千二三百名無庸
議增外喀什噶爾擬駐綠營兵三千名以總兵統之作爲前敵防
守邊卡如探有卡外情形隨時具報如遇大股賊匪卽稟報參贊

發兵援剿英吉沙爾擬駐伊犁馬隊五百名綠營兵一千名領以
遊都佐領等官統歸領隊大臣管轄爲前後二城中權接應巴爾
楚克擬駐綠營兵三千名以總兵統之擇地築堡駐紮和闐僅有
防兵二百餘名擬再添兵二百餘名共足五百名以上各處防兵
均令各該管官認真操練此外滿洲兵二千名漢兵四千餘名擬
令全駐葉爾羌應以副將協領等官分領該參贊等務令加意訓
練合力操防至防兵應需糧餉於各省綠營兵額內暫裁百分之
二每年可節省銀三十餘萬兩所有酌添防兵六千名卽在此項
節省銀內支給有贏無絀等語均著照所議辦理至所稱新增兵
額酌量隨時抽撤之處究竟將來如何情形方可裁撤及裁撤之
後又將如何辦理始臻妥善必須預爲籌畫計出萬全見經此次
籌議自必控制得宜賊匪斷不敢遽萌窺伺備萬一入卡來犯總
要無須內地籌餉調兵方爲妥善必應從長計議庶免撥運之勞
而成久遠之道卽屯田一事以回疆物產供回疆兵精均應酌定
章程善爲經理將來各城改設各官必須慎揀得力之員以資委
任該將軍等久駐回疆該處各員賢否自必深悉著出具切實考
語詳晰開單保奏候朕簡放至茶葉大黃等物准其弛禁其違部
落輸忱納款並霍罕果能獻出賊目請罪投誠再准其通商交易
以示羈縻至上年入卡各賊目前次開單交該將軍等按名查拏
務須將著名之犯多獲數名不可任其逃匿惟卡外夷情詭詐百
出借縛獻賊目爲名妄希重賞切勿受其所愚致爲外夷所笑又
喀什噶爾換防總兵多隆武見已革職著卽先行派員署理以重
職守○以辦災遲緩降額騰伊爲江蘇按察使以衍慶爲湖北布
政使由江蘇按察使選○丙子頒 御製文初集○戊寅召薩迎阿來京

調嵩惠為盛京工部侍郎以普保為理藩院左侍郎御史○
己卯命穆彰阿朱士彥馳往江南查辦災賑○調鄂順安為盛京
戶部侍郎凱音布為盛京刑部侍郎○是月給湖南武陵等五州
縣貴州桐梓縣石峴衛水災口糧貸江蘇江甯等六營災區兵餉
展緩直隸冀州等五州縣歉收通賦倉穀緩徵貴州貴筑縣水衝
沙壓田賦

八月庚辰朔諭各督撫慎選州縣查辦災賑並緝拏會匪○己丑
賞曹振鏞雙眼花翎○辛卯晉長齡太傅○壬辰諭上年戶部堂
官失察蔡繩祖等私辦假照一案吏部等衙門按照本任年月久
暫及失察名數多寡分別議以降級調用朕因人數過多一時簡
用乏人加恩酌降頂帶分別留任本年因係朕五旬萬壽慶辰特
降旨將各該管堂官頂帶賞還並將降留處分悉予開復各部院
東華續錄 道光二十四 五

堂官管理事務理宜督飭司員嚴查弊端假照一案書吏營私舞
弊自嘉慶二十一年至上年破案時已及十有餘載如果歷任各
堂官留心察看燭破其奸隨時懲辦何至經年累月書吏等肆無
忌憚所獲贓私難以數計釀成如此重案且彼時如王開雲巴齡
阿盛唐柏凝劉光三等均有條奏之件該堂官等亦應及時儆省
覺察嚴加防範乃平日既漫不經心而於有人條奏議定章程之
後猶復視為具文並不嚴飭司員實力奉行似此因循疲玩相習
成風實於官常吏治大有關係不可不亟加整頓著通諭各部院
堂官嗣後務當振作有為痛改因循積習除奸剔弊督率司員於
應辦公事認真稽覈毋許仍前怠玩任聽書吏等散法營私致干
重咎儻司官中有不實心任事者即著隨時劾參不得有意姑容
遲俟三年京察屆期方行甄別經此次訓諭之後各該堂官如仍

不知振刷精神盡心乃事或存推諉之心或存附和之意捫心自
問能無愧乎若仍任聽書吏作奸犯科一經發覺必將各該堂官
照部議分別辦理不稍寬貸朕綜理庶政一秉大公各該堂官總
當激發天良隨時儆省毋謂寬典之可以屢邀也○乙未松筠以
病免調穆彰阿為兵部尚書富俊為工部尚書以博啓圖為理藩
院尚書調桂輪為戶部右侍郎轉那丹珠為兵部左侍郎調鐵麟
為兵部右侍郎以那彥成為盛京禮部侍郎○丁酉諭大學士九
卿會議整飭各部院註銷章程一摺各部院辦理事件每月兩次
造冊赴科道衙門註銷載明已完未完各若干件科道月終題奏
如有遺漏逾限者參處各部又設立督催所查催各司所辦事件
以防積壓其見辦事件按季具奏各部院復於年終赴河南道照
刷文卷由河南道彙題必註明有無漏辦難結事件似此層層稽
覈立法至為周詳承辦各員果能依限辦竣認真查察何至有積
壓未辦之事任令該書吏於註銷時混行填寫且各司收文均有
號簿每件之下必註明收文辦稿呈堂行文各日期如果細心查
閱自不至遺漏遲延據大學士等奏稱若有專員稽覈自更有所
責成著照所議令各部院於各司中揀派滿漢司員各一人專司
查覈於文書收發逐件清釐填寫註銷時再為詳細覈對掌印主
稿司員仍不時留心稽察不得以派有專員管理即置不問其督
催所司員又將各司事件按限查催趕辦恐日久視為具文該科
道等必應認真稽察於每月註銷事件年終照刷文卷之時逐條
磨對倘有未完事件書吏捏填已完者著隨時參奏懲辦以防延
閣而杜弊端○己亥諭朕本年閱看三旗侍衛弓箭因思我朝自
發祥以來 列聖垂訓八旗兵丁均以弓箭為重必應永遠遵行

東華續錄 道光二十四 六

於平時勤加訓練使知激勸方足以成勁旅而資捍衛見在八旗都統副都統均係朕宗支親屬信任大臣如果認真整頓俾兵丁咸能得力即養育兵閒散人等亦均知所觀感八旗營務自然日有起色該都統等盡心職守克副倚畀不獨朕知人善任深為嘉悅即該都統等亦覺與有光榮近因承平日久武備漸就廢弛各都統等於挑選披甲時往往計及於兵丁家口並不視弓箭之優劣為去取殊不知兵餉之設原以養有用之兵並非養贍貧乏戶口各旗披甲均有應行練習差使與養育之調劑生計者不同顧名思義自不應以技藝平常庸懦無能者濫行挑補虛糜帑項且遇缺挑選隨時可以整頓並非另立操練章程何難實力奉行各省駐防兵丁固須悉心校閱八旗拱衛神京關係尤重不可不加意講求著通諭八旗都統等嗣後遇有披甲缺出務當認真考驗

東華續錄 道光二十四

七

必須弓力較強箭有準頭者方准挑補不得藉口調劑以致有名無實並著查旗御史於各旗挑缺時留心查察如該都統等意涉瞻徇所挑之兵仍有弓箭平常者即行據實嚴參其各省駐防挑缺時並著該將軍等一體遵照均以弓箭為重以副朕講明武備訓勵旗人之至意○辛丑 上詣 黑龍潭祈雨○壬寅諭用人行政全在賞功罰過一秉大公方足以示勸懲本年春開因那彥成上屆在喀什噶爾辦理善後事宜不能妥善行之未及二年又有逆回滋擾之事降旨將那彥成革職昨因那彥成於嘉慶年間曾在軍營出力道光年間兩任總督辦理地方公事均無貽誤且追念伊祖阿桂宣力多年是以推恩後裔仍將那彥成補授盛京禮部侍郎本日據長齡等奏行抵喀什噶爾據哈喇阿壁昌等述知霍罕先後差來頭人密致依斯邁提毛拉愛克木等三人呈遞

東華續錄 道光二四

親供申訴五年以來斷絕貿易之苦累總以鈔沒驅逐為詞懇求照舊通商等語是上年逆回入卡滋擾實由那彥成嚴禁貿易鈔沒驅逐安集延所致如果那彥成上屆辦理善後事宜體察情形籌畫周妥俾逆回各安生業何至激而生變卡外回夷藉口聚眾入卡滋擾伊身受重恩特奉諭旨前往並不悉心體察以致釀成事端一年以來勞師糜帑卡內回民復遭蹂躪那彥成誤國肇釁即照例治罪實屬咎所應得豈可復邀錄用著即革職以示懲儆○論軍機大臣等據長齡等奏馳抵喀什噶爾署阿奇木伯克作霍爾敦率領城莊大小回眾二萬餘人於數十里內夾道歡迎念稱感戴皇仁誓不從逆經該將軍等親加慰諭接晤哈喇阿壁昌等述知霍罕先後差來頭人密致依斯邁提毛拉愛克木等三人呈遞親供追敘七十餘年通商納貢之悃誠申訴五年以來斷絕

東華續錄 道光二十四

八

貿易之苦累總以鈔沒驅逐為詞懇求照舊通商該將軍等以屯兵既久賊目迄無一獲若遽允所請不但霍罕不知感畏並恐卡外諸夷輕視因將該夷使等傳至接見責令縛獻賊目送出裹去民回諭以爾伯克果能遵辦必為奏懇恩施准令通商納貢該夷使等稟稱尚須遣人回去告知該伯克定奪情願酌留一人候信該將軍等擬照例筵宴酌加賞賚遣令旋回其所留之人交作霍爾敦妥為管待等語霍罕差人呈遞親供額求通商果無他意正可趁此責合縛獻賊目送出民回以為一勞永逸之計著該將軍等俟該夷稟覆到日妥為辦理據實具奏至善後章程前經該將軍等酌擬大局入奏當即降旨諭令妥籌嚴辦茲據奏於經過各城留心體訪復咨行各該大臣將見行事宜有無格礙應行變通之處確查咨覆一面先將喀什噶爾必應籌辦之事與壁昌等豫

四六三

為高酌仍俟奉到前摺批諭欽遵等語該將軍等悉心籌畫逐件妥議具奏務出萬全毋任稍留後患方臻妥善其上年喀什噶爾英吉沙爾兩處官弁兵民等困守三月有餘屢次勦殺賊匪以寡擊眾艱苦備嘗殊堪嘉憫除該將軍等業將守禦出力之兵民酌加賞賚外仍著確切查明再行覈實具奏候旨施恩所有見在大營駐紮滿漢官兵應裁撤者即行裁撤著該將軍等酌量奏明辦理○調普保為盛京禮部侍郎以恒格為理藩院左侍郎由副都統調○以保昌為熱河都統蘇成額為倉場侍郎吳榮光為湖南巡撫調恩特亨額為湖南布政使以吉恒為浙江布政使調花杰為四川按察使光聰諧為直隸按察使以鄭祖琛為福建按察使按察使○甲辰以德厚為左副都御史由大理調○丁未諭前據松筠奏稱伊近來腰骸不能得力兩目昏花畫案手顫且遇事健忘懇請東華續錄 道光二十四 九

開缺調理朕平日待人以誠松筠係年老大臣既據奏衰病自應曲加體恤當即降旨准其開缺並令安心調理昨據奏精力見已如前請賞差使朕復經降旨令署理正藍旗滿洲都統朕於松筠奏請開缺及銷假時兩次均經召見察看精力如常並無患病情形乃數日之間忽稱衰病難支忽稱精力見已如前既請開缺旋即請賞差使進退自由輕率陳奏君臣相與之際總當以誠為主朕於各大臣推心置腹既以誠相感各大臣身受重恩尤當以誠相應似此任性自便殊失朕優禮大臣之意不知松筠自問於心能安與否嗣後各大臣務當仰體朕心共矢敬恭恪守事上以誠之意用副恩眷將此通諭知之○戊申雨○以浙江米價增昂准暫弛海禁販運臺米○是月給江蘇甘泉等十一州縣湖北江夏等十六州縣江西德化等二十縣水災口糧籽種修費貸江南江

甯駐防及溧陽營兵米緩徵江西德化等二十一縣水災新舊額賦

九月庚戌朔揚河廳永安汛十四堡漫工合龍○乙丑調貴慶為吏部左侍郎轉特登額為刑部左侍郎調凱音布為刑部右侍郎以裕泰為盛京刑部侍郎佟景文為安徽布政使多容安為廣西按察使由浙江鹽運使遷○丁丑諭御史恒青奏在京各衙門咨送刑部案件請查照定例以專責成一摺定例五城及步軍統領衙門收審案件除罪應徒流以上及事涉宗室覺羅者方准咨送刑部其餘戶婚田土錢債細故並竊盜鬪毆賭博及一切尋常罪止柳杖笞責者均不得濫行送部緣刑部為刑名總匯各省題咨案件均須覈覆其見審情罪較重之案尤在專心推鞠始能無枉無縱至在京各該衙門衙門遇有細小事件例應自行清理隨到隨結乃東華續錄 道光二十四 十

近來各該衙門收審案件一經訊問每因兩造各執一詞致費推求不問其罪名輕重輒以本衙門例無刑訊為詞率行送部迨經部訊其中竟有罪止柳杖笞責或併無罪可科者即使照例駁回而展轉查傳已不免耽延時日拖累無辜且一經送部愚民無知畏罪情急轉使吏役人等得以乘機詐騙百弊叢生殊失國家設官分理清釐庶獄本意嗣後著照定例五城及步軍統領衙門收審案件如訊係罪犯徒流以上及事涉宗室覺羅者送部審辦若罪止柳杖笞責等案必須隨時判結不得以案情稍介疑似濫行送部至刑部遇有各該衙門將不應送部之案率意咨送者亦不得濫行收審即將原案駁回仍據實奏參以專責成而省訟獄○戊寅諭軍機大臣等長齡等奏見在籌辦情形一摺據稱欲令守邊兵丁實心出力莫如屯田之法但改防為眷事涉紛更一時礙

難辦理請將各省綠營兵額各按馬步守兵分別均勻於每百名內暫裁二名咨照各該省覈辦即各省裁缺所節經費由部彙撥解交甘肅藩庫自道光十二年為始歸入回疆經費項下搭運前往以資支發已另降諭旨交該部查明具奏至所稱喀什噶爾英吉沙爾葉爾羌去秋守禦極得兵民之力即回厥亦咸知兵威民力實足以捍衛地方正宜因勢利導俾聯為一體此時該將軍等先將西四城可種之閒地招民開墾有願攜眷者聽之其回子地畝亦不禁其租給民人耕種見令璧昌出示招諭著妥為辦理如試種有效皆知地利可守安家者漸多有願入伍者即准其充食名糧收一眷兵即撤一換防兵額其防兵在戍既久有自願徙眷安家者亦聽其便數年之後可成一半眷兵一半換防之局節費自屬不少且既有眷兵即有餘丁種地之人日多挑兵之人不思東華續錄 道光二十四 十一

其寡彼時換防之額不難陸續撤回內地所謂以回疆物產供回疆兵糈兵民日益蕃昌則回心日益固結是屯田一事實為安邊便民足食足兵之良法俱照所議辦理其民戶如何安插編管高地如何設法引渠牛具籽種如何樽節經理試墾之初如何分段認種成熟之後如何按畝交糧此時招民開屯必須無礙於回眾生計將來因屯募兵必期無礙於邊地操防一切詳細章程著長齡玉麟與璧昌熟籌妥議務期經久無弊方為盡善俟議定即行會同具奏至茶葉大黃等物前經降旨准其弛禁所有新疆各城茶政著仍循舊例通行概免查禁又據稱前經諭令霍罕夷使縛獻賊目送出喪去之民回見在該夷使尚未旋回霍罕狡詐異常即使此次人來竟能遵諭獻出賊目亦未可全信為真自當防其詭詐如果實在悔罪投誠許其通商交易萬一犬羊之性難以德

乎亦不值久駐重兵惟當妥籌控制固我邊陲俾頑梗不敢復萌窺伺所論俱是至前次奏請於西四城見有兵六千餘名之外酌留伊犁等處兵六千名通計原額新增共滿漢兵一萬二千餘名茲據覈計分駐西四城及巴爾楚克等處綠營兵較前通計總數尚多一千餘名著即查改畫一又喀什噶爾巴爾楚克總兵員缺道光八年奏案係將涼州改鎮為協以該處總兵作喀什噶爾換防之缺今該將軍等擬於巴爾楚克添總兵一員陝甘地方緊要擬將涼州鎮總兵仍改歸原地見擬安設總兵二員即由陝甘實缺總兵內不論滿漢擇其熟諳行陣平日訓練有方者揀派前往如一時總兵內難派換防或即揀選堪勝總兵之副將奏請賞加升銜署理換防總兵亦著照所議辦理見在喀什噶爾換防總兵員缺據該將軍等查明涼州協副將周悅勝久歷戎行邊情均所東華續錄 道光二十四 十一

熟悉著即派委署理以資熟手○是月緩徵陝西葭州綏德州山東長山等三十二州縣甘肅碾伯等四州縣直隸大城等十一州縣陝西清澗米脂二縣水災旱災蟲災電災新舊額賦展緩河南洛陽等九縣水災電災新舊額賦

冬十月辛巳以貴慶為泰甯鎮總兵官轉奕經為吏部左侍郎調桂輪為吏部右侍郎阿爾邦阿為戶部右侍郎那丹珠為工部右侍郎以裕誠為兵部左侍郎學士○乙酉嚴烜以病免以林則徐為河東河道總督趙盛奎為江甯布政使經額布為山東按察使○丙戌諭長齡等奏請暫免喀什噶爾回子應徵布匹一摺喀什噶爾每年額運伊犁布一萬一千一百一十四匹由各回戶按額徵交惟上年賊匪滋擾該回眾流離遷徙未盡歸業若令照舊輸將誠恐力有不逮加恩著照所請將道光十一十二兩

年喀什噶爾回子應交布匹暫行停徵免其交納以舒回力俟道光十三年該回戶等元氣漸復再行按額徵收○乙未命截留江西漕米八萬石於南昌九江府屬設廠煮賑○辛丑長齡等奏回疆參贊大臣請移駐葉爾羌總理八城統轄兩鎮兼提督銜其幫辦大臣一員仍照舊制專管葉爾羌本城兼轄和闐裁和闐領隊大臣一員移駐葉爾羌為領隊大臣共駐滿漢防兵五千名改喀什噶爾幫辦大臣為領隊大臣又駐總兵一員共滿漢防兵四千名駐和闐辦事大臣一員兵五百名英吉沙爾領隊大臣一員兵一千名巴爾楚克總兵一員兵三千五百名四城兩鎮合舊駐新增計滿漢防兵一萬四千名其印房等處各官既將參贊大臣移駐應將喀什噶爾葉爾羌兩城章京筆帖式互易葉爾羌設經牧章京一員專司牧事裁喀什噶爾葉爾羌糧餉章京二缺改設糧東華續錄 道光二十四 十三

餉同知二員再於葉爾羌喀什噶爾英吉沙爾巴爾楚克各設巡檢一員下軍機大臣等議尋議上諭軍機大臣等軍機大臣會同吏部兵部議覆長齡等奏請添設回疆官兵一摺回疆地方遼廓見辦善後事宜自應將官制兵數量為變通悉臻妥協為長治久安之計所有參贊大臣移駐葉爾羌有總理八城統轄兩鎮之責著兼提督銜參贊大臣業經移駐其印房等處各官亦著將喀什噶爾葉爾羌見設之章京筆帖式互相移易並著於葉爾羌添設經牧章京一員專司牧事喀什噶爾葉爾羌糧餉章京二缺著裁去改設喀什噶爾糧餉同知一員葉爾羌糧餉同知一員添設巴爾楚克糧餉同知一員再著於葉爾羌喀什噶爾英吉沙爾巴爾楚克等處各設巡檢一員同知管商民回子詞訟戶籍屯田巡檢管緝捕盜獄稅課均作為邊遠差竣由陝甘兩省派往其英吉沙

爾分防巡檢歸喀什噶爾糧餉同知兼轄新添文職各官由各該大臣專轄參贊大臣統轄至拜城距阿克蘇較遠著添設分防拜城巡檢一員管理拜城賽哩木二處商民回子詞訟由陝甘選派作為差缺此次所設同知三員巡檢五員俱著陝甘總督遴選操守廉潔辦事勤能之員前往該管大臣隨時甄別儻有不職之員將濫行派往之各上司參處至喀什噶爾等處添設滿漢防兵俱著照該將軍等所請辦理○壬寅諭軍機大臣等據昨日長齡等由五百里馳奏各城大臣咨請酌改各事宜分別條款一摺已明降諭旨依議辦理矣朕因該將軍等久在西陲夷回情形素所熟悉習見在辦理善後事宜是以一切添官添兵之議勉從所請惟綜閱該將軍等奏議不過添兵堵禦添官經理皆尋常計畫何人不能溯查乾隆年間戡定西陲 廟謨神算辦理周妥六十餘年久安長治從未議及增兵如果必須添兵以壯聲威當日諸臣早經議及何待今日且從古以來未見有竭內地之兵力堵禦四夷而又能行之久遠者况回疆之極邊於居重馭輕之道大相刺謬儼然回疆添一省會日後何能治理必致內外俱困將如之何哉此時即照該將軍等所議竟能一勞永逸將國家有常之經費為外夷無益之張羅實不值如此辦理儻仍不能安靖徒勞罔功尙復成何事體若該將軍等明示霍罕以大皇帝天恩浩蕩許該夷仍舊通商其茶葉大黃俱在所不禁並免其貨稅如此明白宣諭義正詞嚴霍罕即犬羊成性亦當感激天恩不至倔強猶昔自可保其無事其縛獻賊目送出回民一節竟可置之不問以示大方至喀什噶爾添兵四千亦似太多終非經久之計且恐不免有擾累民回之事堂堂天朝轉為霍罕牽制豈不為外夷所輕視見在葉

爾差既設參贊大臣添兵五千似已足壯國威如果喀什噶爾換防總兵可以不設或酌留兵一千名足以濟事更無慮擾累民回較爲妥善著長齡等悉心遠謀熟籌妥議據實覆奏○甲辰左副都御史德厚蔣祥墀以職司糾儀失儀遲誤又不具摺請罪降二級調用○是月賑安徽無爲等二十三州縣衛江蘇上元等二十六州衛浙江仁和等七縣衛兩淮丁谿等六場水災給安徽桐城等十州縣湖南武陵等五縣江西德化縣口糧修屋費貸甘肅皋蘭等十八州廳縣口糧湖南武陵龍陽二縣民隄修費緩徵湖北江夏等二十九州縣衛安徽無爲等四十二州縣衛江蘇丹徒等四十四州廳衛江西建昌安義二縣兩淮丁谿等十五場湖南武陵等八縣衛浙江仁和等十七州縣場衛陝西葭州貴州桐梓縣災歉賦課展緩黑龍江等五處被災營屯驛站通款

東華續錄

道光二十四

五

十一月己酉朔諭儀親王見已八十六歲年紀過高不宜勞動嗣後壽皇殿安佑宮行禮免其隨往如遇應行禮日期著於府第內向上行禮以展其誠敬之心○辛亥諭軍機大臣等軍機大臣會同吏戶兵三部議覆長齡等奏各城換防員弁並新設差缺文職各章程分別准駁一摺著卽鈔給長齡等閱看回疆情形非內地可比見在議屯添兵雖爲慎固封守起見第兵增固足示威而官增究嫌糜帑况各城營伍惟期慎重操防俾收實效足以震懾夷回原不必悉照內地營制該將軍等請添各城武職員弁之處著照軍機大臣等所議令其仍照前奏再行酌量刪減以節糜費而昭覈實至請添文職同知巡檢各員雖前經照議准行此次復酌擬由內地選派及期滿升用各章程惟思該將軍等此番籌畫均係尋常計議溯查乾隆年間擬定西陲廟謨廣運妥協周

東華續錄

道光二四

詳六十餘年邊圉綏靖爾時從未議及增兵亦未議及增官如果必須添設文職方資治理當日諸臣定當早經籌及詎待今日且果照所議增設未必歷久之無弊况文職尤非武職可比武職員弁性情粗率儻或任意妄爲尙屬易於覺察文職各員由內地調派若年老衰庸者自難任事其年富力強稍有才具者希圖任滿升遷或致夤緣謀調轉不足以收得人之效况夷回異俗必不能以內地禮法繩之徒滋紛擾又既添文員必須書吏此輩舞文弄法因緣爲奸必致貪婪需索苦虐窮回卽經發覺官畏處分巧爲彌縫邊陲僻遠易於消弭是內地回子先受添官之累於控制外夷之道實屬無益而有損卽令得人而任而回疆紛紛添設文職衙門是儼然添一省會殊失居重馭輕之策亦不值如此辦理所有添設同知等官雖經議准仍著該將軍等悉心籌畫從長商酌自以不必添設文員更爲妥善總之久安長治全在撫馭得宜斷不可徒事鋪張顧此失彼日後轉多流弊以致內外俱困則悔之晚也○以賽尙阿爲內閣學士兼禮部侍郎銜事大臣選○丙辰大學士托津以病免予食全俸○實授吳邦慶漕運總督○壬戌以鄂木順額劉彬士俱爲左副都御史鄂木順額由大理寺副

東華續錄

道光二十四

六

○乙丑諭特登額等奏審訊蔣兆璠致書徐寅第列款詆毀一案訊據徐寅第供稱松筠前在直隸交卸督篆進京時言及前赴科布多審案需用茶葉哈達備賞屬伊遣人赴張家口代買伊隨差家人帶銀購買用銀五百八十兩松筠發還銀五百兩係屬買在先發價在後覈與松筠原奏不符著松筠據實明白覆奏○丙寅諭松筠於交卸直隸總督後派赴科布多係審案差使何以率辦茶葉哈達賞需卽欲自行置辦亦應遣家人購買何得率屬直隸

四六七

道員代辦前經降旨諭令松筠據實覆奏又未將屬買在先發銀在後詳晰聲敘與特登額等審訊情節不符種種錯謬咎無可辭松筠著交部嚴加議處尋議革職得旨革內大臣賞三品頂帶休致○庚午諭朕恭閱康熙五十九年 聖祖仁皇帝實錄內載吏部等衙門會議各直省督撫題裁閒冗官共三百三十六員應照所題裁汰奉 聖諭口北道缺不必裁餘依議欽此復據吏部查明以後各省裁汰文職閒冗官員單開雍正年間共裁二百五十餘員乾隆年間共裁三百三十餘員嘉慶年間共裁二十餘員道光年間裁汰二員朕詳加披閱仰見我朝 列聖相承激敘官方刪除冗濫至為詳慎國家設官分職原以保乂民生必使閭閻獲益方足收指臂之效若任令冗員濫竽充數其本任既無事可辦而各員官廩一切公用不能盡出已貲勢必取之民間是多設一

東華續錄

道光二十四

七

官百姓反多受一官之累即如近日徐寅第收受節壽陋規一案顯係州縣賤削脂膏藉以供應據此一端已可概見嗣後若分別裁汰則閒冗相仍冒濫欲衛民而轉以病民朕心慮保赤非為節省俸精起見總期有裨民生官不虛設始足以臻上理各直省督撫及各河督鹽政悉心覈議於所轄文職閒員如有可裁者酌量裁汰據寔奏聞請旨用副朕慎簡官僚勤恤民隱至意○諭前因琦善奏參蔣兆璠徐寅第一案當派特登額等赴直隸秉公審訊業已訊出徐寅第得受蔣兆璠餽送節壽陋規至二千四百兩之多經特登額等按律問擬當降旨照所議完結在徐寅第所屬二府五直隸州四十八州縣既經收受陋規必不止蔣兆璠一人惟蔣兆璠不能指出實據各州縣僉供並無致送節壽陋規情節並出具切實印結朕亦姑免深究徐寅第在直隸平日居官尚非

聲名狼藉之人而其得受陋規已盈千累百至於此極因思各直省道府賢愚不等豈盡皆廉介自好之員似此得受陋規者恐亦不少國家設官分職原以安撫百姓道府大員營私肥己該州縣等豈能自出己貲無非剝小民脂膏以為逢迎上司之舉實堪痛恨是多設一官百姓即多受一官之累非以安民適以病民矣各督撫經朕特簡具有天良務須破除情面力挽狂瀾嚴查所屬司道府如有得受陋規者嚴參懲辦以儆其餘不得以狷潔自持即為無忝厥職嗣後各直省督撫固宜潔己奉公尤須正色率下儻正己而不能率屬則是形同木偶於地方有何裨益一經訪聞惟該督撫是問決不寬貸○裁古北口外吉爾哈朗圖阿穆呼朗圖兩處千總副千總並盤山委署千總各二○壬申諭軍機大臣等長齡等奏訊據自霍罕回之伯克等稟述情形悉心籌議一摺朕自上年九月派長齡等前往新疆節經降旨不過令設法購綫並未特令向霍罕伯克縛獻賊目送出回民該將軍等沾沾向霍罕要人堂堂天朝轉為霍罕牽制豈不為外夷所揣摩其弔噶爾拜一名留之何益著即遣回備霍罕遣使來求通商當明示以大皇帝天恩浩蕩爾等如要通商我當奏聞大皇帝許爾仍舊通好其茶葉大黃俱在所不禁從前鈔沒安集延物件亦可發還兼可免其貨稅如此明白宣諭義正詞嚴庶可折其倔強之心而示我寬仁之度該將軍等既令作霍爾敦寄信即將信稿過便呈覽務須得體不可草率至霍罕伯克邁買愛里年僅二十五歲其事務俱係明巴什作主何以所屬夷眾都願通商獨明巴什一人不肯明巴什是否即係賊目或另有奸謀著密查具奏至所請暫留哈豐阿郭繼昌二員既有壁昌在彼鎮撫何以又須該提鎮督同操

東華續錄

道光二十四

六

朕自上年九月派長齡等前往新疆節經降旨不過令設法購綫並未特令向霍罕伯克縛獻賊目送出回民該將軍等沾沾向霍罕要人堂堂天朝轉為霍罕牽制豈不為外夷所揣摩其弔噶爾拜一名留之何益著即遣回備霍罕遣使來求通商當明示以大皇帝天恩浩蕩爾等如要通商我當奏聞大皇帝許爾仍舊通好其茶葉大黃俱在所不禁從前鈔沒安集延物件亦可發還兼可免其貨稅如此明白宣諭義正詞嚴庶可折其倔強之心而示我寬仁之度該將軍等既令作霍爾敦寄信即將信稿過便呈覽務須得體不可草率至霍罕伯克邁買愛里年僅二十五歲其事務俱係明巴什作主何以所屬夷眾都願通商獨明巴什一人不肯明巴什是否即係賊目或另有奸謀著密查具奏至所請暫留哈豐阿郭繼昌二員既有壁昌在彼鎮撫何以又須該提鎮督同操

練惟據長齡等奏璧昌止能居中調度未便出敵著該將軍等自行酌量如必須在彼即令暫留或辦理善後完竣即令各回本任朕亦不為遙制其另片奏各城新添官兵應需糧料就近籌備供支見在葉爾羌城添駐官兵五千餘名糧料倍徙於前請改徵本色如數交納此外不敷糧八千餘石及巴爾楚克新設官兵俟璧昌另行籌款等語該將軍等止顧目前不思遠圖總之添兵不能不添糧添糧不能不採買採買不能不擾累回眾豈不令回眾寒心勢將句通霍罕更難辦理終必歸朕所云內外俱困而後已該將軍等仍遵前旨再行妥議務令壯我國威仍不至擾累回子方為妥善○是月貸奉天鐵嶺等五州廳及巨流河四處口糧江西南昌等六縣水衝圩隄修費蠲緩甯古塔雙城堡雹災霜災新舊額賦緩徵奉天鐵嶺等四州廳縣江西南昌等三縣甘肅河州等

東華續錄 道光二十四

九

二十州廳縣災歉新舊額賦
十二月乙酉命富俊為東閣大學士管理兵部以吏部尚書文孚協辦大學士調穆彰阿為工部尚書以那清安為兵部尚書昇寅為左都御史由綏遠城將軍遷○戊子轉桂齡為禮部左侍郎以陳用光為禮部右侍郎由內閣學士遷○以恩銘為理藩院右侍郎由烏里雅蘇台參贊大臣遷○己丑諭軍機大臣等長齡等奏詳議善後事宜及會籌查勘邊界各一摺據稱額爾古倫兩次出兵回疆地勢夷情均所諳習今調補喀什噶爾領隊大臣可期勝任向來回疆參贊大臣總理八城事務各該辦事領隊大臣及換防總兵均受參贊節制各城常行事件俱報參贊備查緊要事件俱咨商參贊嚴辦著飭令額爾古倫遵照向例辦理惟喀什噶爾地處極西儻有邊務緊要情形探訪得實應一面馳奏一面飛咨參贊嚴辦並著飭知該領隊

大臣遵照至喀什噶爾葉爾羌舊設回兵各四五百名據稱向來回兵挑補兵額止圖免納錢糧並不操習技藝若能勤加訓練俾自保身家防禦外患更可收以夷制夷之效惟見在喀什噶爾英吉沙爾葉爾羌回眾疊遭兵燹甫經招撫歸業生計尙形拮据該將軍等與璧昌商酌擬俟回眾元氣漸復即令阿奇木將舊額回兵先行挑補令綠營將弁認真教習操演如將來嫻熟技藝即可陸續頂補防兵著照所議辦理此時屯田一事最為緊要該將軍等前將喀什噶爾查出叛產地畝出示招集民人撥種見經璧昌招得五百餘人陸續認耕著趕緊妥為經理以期寓兵於農實為經久良策其葉爾羌地方能否招民開墾亟應查看見既令璧昌親往葉爾羌巴爾楚克一帶踏勘築堡建蓋兵房地址之便詳加周歷勘明即行會同詳議具奏至哈喇阿暫留回疆應駐紮葉爾

東華續錄 道光二十四

十

羌或即駐喀什噶爾著該將軍等察看情形酌量辦理其哈豐阿郭繼昌巴清德德勒格爾桑齊克唐阿及吉林兵二十名著一併留駐交哈喇阿差遣將來隨同哈喇阿回京至籌議查勘邊界事宜據稱邊地幅員固未便置之不問而兵行卡外必須計出萬全此時不值輕出偏師或致別生枝節伊犁巡邊係常行之役請俟來歲屆期由伊犁多添兵力著派領隊大臣照例巡查布魯特邊界令其不動聲色靜密查察如能徑赴吹搭拉斯地方勘明有無夷人興築嘯聚之處即據實奏聞倘未便前至其地即作為常例巡邊整隊旋回以昭慎重所見甚是著照所議屆時酌派領隊大臣一員於巡邊之便妥為查辦再見在葉爾羌駐兵五千名喀什噶爾前經降旨酌留兵一千名又巴爾楚克駐兵二千餘名烏什一路樹窩子一帶從前齊慎在彼駐兵處所酌派官兵一千名或

數百名在彼駐紮統計兵數九千餘名亦足敷用所需軍火行糧務須豫為籌備萬一卡外或有蠢動總要無需內地調兵籌餉方為妥善該將軍等當通盤籌畫從長計議以免撥運之勞而成久遠之道至見辦屯田以回疆物產供回疆兵糧將來挑補屯兵即可節省防兵之費所謂事豫則立勿致臨渴掘井該將軍等不可徒事鋪張總須計出萬全以期經久方為不負委任○己亥長齡等奏嚴計兵餉經費得旨兵雖不虛增帑雖歸實用總是分損內地精華置於邊外之極邊以禦去來不定之醜夷我大清統壹寰區修明武備凡滿洲綠營分布天下認真教養以固邦基而有天下若如此長征遠戍即獲保平安無非代內地回疆看守家園如有不妥立費周章况重兵布列彼必不來是空竭精力也若守禦不足伊又逞其伎倆是仍勞救援也更恐日久奸夷探知吾意故

東華續錄 道光二十四

為牽制使我去守兩難勢不得已必致多加兵力耗竭糧餉於奸夷毫無損傷試問成何事體又虞久駐多兵將領或失教練保無騷擾回眾者若內地回眾稍有離貳彼同聲同氣更不可不思及也是以總須得一外示羈縻暗收以夷制夷之道斯為至善朕屢次所降諭旨無非在是○庚子諭儀親王明年八十有七雖精力如常不宜過勞來歲元旦暨正月十四日宗親筵宴均免其入宴著管理膳房之內務府大臣屆期頒果品茶般一席以示朕篤眷懿親體恤高年之至意○諭陶澍奏江西引鹽滯銷實由粵私侵占贛縣攸鎮地方粵省開設子店熬鍋日增全行衝銷准地請援照王守仁之法於贛州准粵交界之地設廠凡粵鹽之衝入者照淮課之數收稅即以其稅撥補准綱之引課須於贛州收進一步地方勘明有可攔截之隘口設卡堵截如粵鹽再進仍作私論等

語著江西巡撫吳光悅就近切實確勘地界廣為察訪可否設廠試行妥切籌議辦理江西既設廠抽稅必須熟諳之員履勘形勢釐定章程原任贛州府知府陳煦緝私督銷頗為出力該員見已起復著照所請准其留於江西交吳光悅差委辦理鹽務○諭陶澍奏開綱以來淮北止捆二萬餘引較定額不及十分之一本年將官收鹽鹽督商辦運均擇暢銷之岸先行運往以冀早收庫項而滯岸仍無鹽濟售民間既無官鹽不得不買向民販竈丁積有餘鹽亦不能不賣與民販等語著照所請准淮北暢岸仍歸商運其餘滯岸即做照山東浙江票引兼行之法於海州所屬之中正板浦臨興三場分設行店聽民投行購買運往售賣擇各場要隘之地設立稅局給與照票註明斤數及運往何處字樣凡無票及越境者仍以私論著陶澍即飭運司妥議條款酌量試行○乙巳

東華續錄 道光二十四

諭軍機大臣等長齡等奏酌議善後事宜一摺據稱葉爾羌等處毋庸改設同知仍留葉爾羌喀什噶爾糧餉章京二缺令其管理民事著照所議辦理惟所稱僅裁英吉沙爾巡檢一員仍留葉爾羌巴爾楚克喀什噶爾及阿克蘇所屬拜城等處巡檢共四員此時葉爾羌等處既不改設同知所有此項巡檢四員亦著毋庸議增免滋流弊見計各城共添滿漢營官四十五員於喀什噶爾綠營舊額減去官弁三十四員實於西四城原設官弁外僅添十一員各該城邊界共設大小卡倫三十餘處需用綠營官弁較多准照前奏減定之數以資差遣至所稱將來通商事定夷情靖謐即可由該參贊隨時酌量減撤見在添設防兵原係暫時權宜之計既據奏請通商事定即可隨時酌量裁撤究竟如何減撤之處著長齡等再行切實聲敘並詳議章程具奏以免將來藉詞延緩其

烏什所添滿洲營官三員又由喀什噶爾原防額內減去綠營兵三百一十五名移駐該處酌用守備千總把總各一員仍著照前議准其安設該將軍等所保出力各員已另降諭旨酌量分別加恩已足以酬其勞績其另片奏請將革員牛坤扣滿成限三年釋回之處著不准行○以吳邦慶為江西巡撫蘇成額為漕運總督鍾昌為倉場侍郎特登額為直隸馬蘭鎮總兵官轉凱音布為刑部左侍郎以恩銘為刑部右侍郎奕紀署理藩院右侍郎由內閣學士署○調鍾祥為江西布政使以潘恭辰為雲南布政使由內閣學士署○調吉恒為廣東布政使以程番采為浙江布政使楊振麟為廣東按察使由浙江監○是月展賑湖北江夏等十六州縣水災給江蘇上元等二十五州縣衛及丁谿等十五場水災口糧貸江蘇鎮江等二十七營湖南常德澧州各營水災兵餉展緩湖北咸甯等東華續錄 道光二十四 三

四州縣衛新舊額賦緩徵浙江烏程等四縣江蘇上元等七州縣安徽青陽縣水災額賦吉林三姓旗莊逋賦○是歲暹羅琉球朝鮮越南來貢

東華續錄

道光二十五年

臣王先謙敬編

臣周瀚蕃恭校

道光十二年壬辰春正月癸丑諭向來盛京五部侍郎及各省將軍都統副都統城守尉總管等有年班輪替進京之例嗣後著自到任之日起扣滿三年奏請陛見俱無庸年班進京至直隸總督古北口提督每遇變輅巡幸時得以扈從召見其年班進京之例亦著停止○甲寅諭軍機大臣等據長齡等奏遵旨嚴議具奏一摺此次酌減滿漢防兵二千五百名各城文武員弁亦大加裁減統計舊額新增各大臣官員兵丁書識等歲需糧料合併西四城額徵各色糧石通融撥用已足供支無庸採買津貼又據和闐阿奇木伊斯瑪依爾等呈請歲捐糧一千二百石供添兵口食烏什東華續錄 道光二十五 一

阿奇木木薩等呈請在寶興屯工地內捐貲建築回城令屯兵歸城操演每歲額交糧石由回戶照數交納又西四城徵賦錢六千七百餘串除搭放外每年存贖普爾錢五千餘串見據該將軍等議定暫添防兵五千餘名需銀不過十萬兩若將存贖賦錢以二百二十文合銀一兩折算可充經費銀二萬三千餘兩此項存贖賦錢向係各城備貯充公按年報銷用款不一不皆散在兵取若將五千餘串錢文全數搭放兵餉則散有常期城市錢源益加充裕不至錢貴銀賤至安鑪鼓鑄止阿克蘇一城普爾錢文行用止在回疆非內地可比額鑄之錢與歲俱增展轉流通總不出八城地面見駐喀什噶爾征兵一萬數千人並未因此錢價騰貴等語既據該將軍等查明均係實在情形俱照所議辦理總在撫綏得宜以收長治久安之策○以喀什噶爾善後大局已定撤滿漢官

兵歸伍○庚申裁山東撫標及兗州等三鎮兵額○乙丑毛式郁
 丁憂以沈維鏞為左副都御史○丁卯諭軍機大臣等長齡等覆
 奏疊奉訓諭一摺覽奏俱悉此次暫添防兵既據該將軍等查明
 每歲需餉不過十萬兩各城額徵糧料足敷供支既無須採買即
 可不至擾累回眾著即照所請辦理並於回戶中挑選兵丁食糧
 充伍抽撤換防兵額其應撤征兵七千餘名亦著分起撤回仍著
 璧昌等察看情形隨宜辦理朕前次降旨因各城添設文員流弊
 滋多竟可概不議增此次請將巡檢一併裁撤仍照舊制所辦是
 其請暫留哈豐阿郭繼昌二員教演操防俾璧昌專辦地方事宜
 哈豐阿郭繼昌俱著准其留駐督同各該弁派撥操防勤加訓練
 俟通商事定再奏明各回本任其從前齊慎駐兵處所既據查明
 在烏什卡外該處久已平靜自未便再往紮營轉令布魯特等疑
 東華續錄 道光二十五年
 懼見在烏什有防兵一千七百餘名足壯聲威該將軍請就西四
 城留防兵數通融分設較卡外紮營更為得力著照所請行仍准
 留周悅勝唐倬二員分投巡防彈壓俾聲勢益為聯絡設遇緩急
 相機應援出奇截擊至喀什噶爾英吉沙爾和闐兵數據該將軍
 等查明驟難減撤著俟通商後再將喀什噶爾換防總兵裁撤並
 將各城換防官兵次第刪減喀什噶爾見無籌辦事件長齡等即
 赴葉爾羌巴爾楚克一帶會同履勘後在阿克蘇暫駐候旨遵行
 ○長齡等奏查勘喀什噶爾等城應行修築並添建滿城衙署兵
 房即將叛產變價興工下部知之又奏遵查明巴什阿哈胡里又
 稱明伯克係霍罕管事頭人滋事梗化皆其主謀今既照常貿易
 明巴什有利可圖自不至如前倔强從此卡內卡外可期靜謐報
 聞○陳若霖以年老休致以戴敦元署刑部尚書由左侍○庚午

裁山西撫標及太原大同二鎮兵額○辛未以惠豐為湖南布政
 使慶林為甘肅按察使由廣東鹽運使遷○壬申諭正紅旗滿洲都統奏
 和孝公主之子福恩年已及歲仰懇賞給差使一摺福恩著加恩
 賞給委散秩大臣○予江蘇前任浙江温州鎮總兵李景曾重赴
 鷹揚宴賞一品銜○癸酉王引之丁憂以汪守和為禮部尚書由左侍
 ○甲戌調裕誠為工部左侍郎凱音布為兵部左侍郎鄂
 順安為刑部左侍郎嵩惠為盛京戶部侍郎裕泰為盛京工部侍
 郎常文為盛京刑部侍郎以德興為盛京兵部侍郎由左副都○
 調申啓賢為戶部左侍郎湯金釗為吏部右侍郎以王楚堂為兵
 部右侍郎由大理○丁丑定白陽白蓮八卦紅陽等教首犯遇赦
 不赦從犯亦不准援減例○是月展賑安徽懷甯等二十一州縣
 水災旱災並給懷甯等十七縣衛貧民口糧貸直隸大名等四州
 東華續錄 道光二十五年
 縣河南商邱等三縣災民米穀陝西葭州等四州縣江西南昌等
 十六縣湖北江夏等二十州縣衛湖南武陵等十州縣衛甘肅
 渭源等七州縣貴州桐梓縣災民口糧籽種緩徵山東鄒平等二
 十一州縣衛上年額賦及雜款
 二月戊寅朔諭軍機大臣等本日據盧坤及海凌阿由驛馳奏湖
 南江華縣錦田匪糾眾滋事起程前往督辦各一摺上年十二
 月二十九日江華縣錦田鄉匪人趙金龍聚集九冲鄉人五六百
 人在兩河口等處劫殺男婦二十餘名口經遊擊王俊帶兵往捕
 格殺匪男婦十四名口擊獲匪五名本年正月初五六日匪
 匪復至洪江寨黃竹寨傷斃兵丁一名及書差民人男婦共四十
 五名口又總兵鮑友智正月初十日馳抵江華查明匪趙金龍
 聚集長塘坪各寨糾眾約有千餘均給紅布數尺褒賞為號該總

兵飛飭營縣派撥弁兵鄉勇將各衝路口概行防堵陸續擊獲應
援奸匪二十餘人徭民向稱安靜自入版圖以來百數十年從未
滋事今事起倉卒定有起釁激變之由是否與毘連村民懷有夙
讐抑被漢奸盤剝窮極變生必須將為首要犯趙金隴生擒嚴訊
其因何糾眾搶劫務得確情並將抗拒殺人之徭匪盡法懲辦先
行出示曉諭散其脅從不得稍涉張皇致滋擾累其安分徭人仍
設法撫綏俾免驚擾吳榮光已於十九日帶同長沙協副將嵩齡
前往查辦但湖南省城甚為緊要不可無大員彈壓盧坤見已帶
兵赴彼吳榮光著即折回省城無庸前往海凌阿見已在彼督辦
朕思羅思舉久歷行陣更為得力並著盧坤酌量檄令該提督迅
速前往至擒獲之徭匪盤生堂所供趙金隴提劍作法銜水變火
結草變牛顯有妖言煽惑情事總須趁此勢未燎原迅就撲滅或
東華續錄 道光二十五年 四

四面兜擒聚而殲旃勿令竄往他處方為妥善其廣東廣西毘連
處所見又飛飭該督撫提鎮於交界地方一律防堵其各府州縣
凡有徭民雜處地方一律嚴密防範妥為撫綏俾免煽惑勾連別
生枝節以致滋蔓儻須添撥弁兵即於湖南就近營分酌調以期
捷速而免糜費○諭本日據嵩溥奏藩司孔昭虔患病不能護理
撫篆請俟鍾祥到黔令其護理再行起程來京等語孔昭虔已明
降諭旨令其開缺回籍調理貴州藩司將麟慶補授鍾祥著仍遵
照前旨迅速前赴江西藩司新任嵩溥著暫緩來京俟新任貴州
藩司麟慶到任將印信交其護理再行來京陛見可也○裁東河
河標兵額○調經額布為河南按察使以蘇廷玉為山東按察使
由江蘇蘇○已卯 上御經筵○辛巳裁雲貴督撫鎮協各營兵
額○壬午諭李鴻賓等奏查禁鴉片煙來源一摺鴉片煙來自外

洋必應遏止來路見據該督等查明載運銷售各路嚴定章程絕
其洋面私售之由著照所請嗣後洋人來粵貿易該督等剴切出
示曉諭並嚴飭洋商開導勿將煙土夾帶貨艙儘經查出不准開
艙賣貨並嚴諭以貨船之外毋許另設船隻以杜私入之源仍於
省河禁止走私快艇潮瓊各屬商船不得攏近零丁洋面並著直
隸閩浙等省各督撫嚴飭海口各地方官凡出洋販買船隻逐一
給與牌票並驗出入貨物毋許仍前偷販情弊該督等務當隨時
查禁有犯必懲不得日久生懈○癸未以文慶為左副都御史
連冤抑所致不知政體是誠何心從來稂莠不去嘉禾不生愚民
習教傳徒妖言惑眾愈聚愈多必致滋事若一味姑息竟欲因噎
廢食則涓涓不絕將成江河養癰貽患伊於胡底惟懲一儆百防
東華續錄 道光二十五年 五

患未萌無使滋蔓此正朕為民除害同享太平之至意經正民興
蒸蒸日上朕實有厚望焉○丁亥移建南河山盱應信壩於夏家
橋○修安徽銅陵縣江壩○己丑諭軍機大臣等向來直隸總督
古北口提督馬蘭泰甯兩鎮總兵每遇朕謁 陵時於行在進獻
活鹿鹿嗣後俱著停止○賞授戴敦元刑部尚書調史致儼為刑
部左侍郎以劉彬士為倉場侍郎○由左副都 ○調那丹珠署刑部
刑部侍郎統憲 ○壬辰以奎照為理藩院右侍郎業遷 ○乙未
閩浙總督孫爾準卒贈太子太師予祭葬諡文靖賞其子慧惇進
士慧翼員外郎○以程祖洛為閩浙總督林則徐為江蘇巡撫吳
邦慶為河東河道總督周之琦為江西巡撫鄭祖琛為廣西布政
使鳳來為福建按察使由湖南 ○丁酉諭軍機大臣等據盧坤奏

報剿敗逆擒奔竄情形請飭調帶兵大員前往剿捕以期迅速肅功又據吳榮光等奏查明鎮守先期進剿逆擒雖有殺獲未能兜擒首逆以致逃竄襄將各員參辦並見在添調官兵堵捕緣由各一摺覽奏均悉湖南江華縣錦田鄉被匪滋擾經遊擊王俊等帶領弁兵鄉勇由黃竹寨直搗賊巢焚毀追殺賊匪三十餘名復進攻殺賊四十餘人擒獲二人餘皆逃散毀其房屋衣糧與遊擊李方玉兩路進攻長塘賊匪併力抵敵官兵施放槍礮復用火彈拋擊賊廠火發立時延燒殆盡計殺斃燒斃賊匪約三百餘人首逆趙金隴與其夥黨奔逃擒獲匪供稱首逆逃往大竹山又有潛逃廣東八排之語又據鮑友智擒獲男婦八人供稱趙金隴弟兄先欲逃奔廣東八排至連州交界被兵截回見往九疑山並據逆擒福秀供伊係趙金隴手下藍旗大將管領百人被官兵東華續錄 道光二十五年 六

打敗即將藍旗丟棄逃走趙金隴無處可走總想竄入九疑山躲藏與匪婦盤李氏等供詞相符見經該撫等派令官兵速赴大竹山搜捕復派長沙協副將嵩齡等前往藍山九疑等處堵捕據報匪首入藍山境之五水嶺山到處搶劫裹脅至二三千人欲入九疑山安頓巢穴見竄入江華所屬之麻岡地方搶劫黃河魯觀洞等處俱已派兵防堵此等烏合之眾不難迅速剿除見經該督飛調湖北提督羅思舉迅即挑選將備帶領熟練精兵一千名馳往剿辦統計前後所調官兵共有四千餘名之多足敷防剿湖南省城不可無大員彈壓吳榮光著仍遵前旨於面晤盧坤後即行交代起程回省所有應用一切軍火器械寬為製備後路糧餉亦須源源接濟務派委員認真經理以專責成不可稍有遲誤盧坤此時自已行抵該處著即督同海凌阿等及早剿滅免滋蔓延並

將首要各犯一併就擒毋任遺竄至首犯趙金隴務要生擒解京盡法處治以彰國憲該逆有潛往八排之信已諭令李鴻賓等派員馳往緝拿並令廣西提督蘇兆熊前往該處與湖南交界處所堵守以防該匪竄入該撫等所參輕進及防堵不力之鎮守等官已另有諭旨分別降調○己亥以姚元之為內閣學士兼禮部侍郎銜事○庚子諭軍機大臣等本日據長齡等覆奏疊奉諭旨一摺覽奏均悉見在籌辦善後事宜必須熟商久安長治之模為一勞永逸之計其添兵固守一節係屬權宜之策所奏官兵減撤日少回兵挑選益多操演又復精銳設被誘脅轉屬藉寇以兵於邊防有損無益所慮甚為遠到此次議添兵糧歲需經費止在十萬兩以內一二年間再察看情形隨時減撤從此天威遠振即使張逆之子長成卡外諸夷亦不敢從中德德復萌覬覦俟西四城東華續錄 道光二十五年 七

元氣漸復將回兵舊額補足認真教演以備調遣無庸再為加增以防後患俱照所議行屯田一事見據長齡等查喀什噶爾大營駐紮處所有地名喀拉赫依計延袤二百頃有奇見令已招之五百餘人分認耕種將來逃散回戶歸來即以見存叛產照數撥給嗣後再有承種民人於大河拐一帶附近荒地酌量分撥葉爾羌境內毛拉巴什賽克三一帶荒地俟巴爾楚克接連樹窩子等處築堡設汛後廣為招徠其修渠引水牛具籽種按則徵收各事宜須試種一年由璧昌詳議章程均著照所奏辦理惟添兵全在加意操防屯田亦宜廣為開墾總須實力奉行多一兵得一兵之力墾一項收一項之糧儘添兵不過虛糜糧餉屯田不過敷衍目前設有緩急仍須內地徵兵調餉尙復成何事體玉麟係伊犁將軍有統轄之責璧昌係葉爾羌參贊大臣有總理八城之任必應隨

時認真稽查遇有訓練不精耕作不力即據實嚴參懲辦儻扶同
隱飾經朕別有訪聞則惟玉麟璧昌等是問○是月貸湖南洞庭
水師營駐紮災區兵餉華容縣被水各坑修費緩徵湖南鳳凰等
七廳縣歉收屯田租穀江蘇句容等十八州縣衛水災通賦
三月己酉諭軍機大臣等本日據盧坤等由五百里馳奏提督進
剿被害並見在嚴堵要隘籌辦糧餉一摺覽奏俱悉提督海凌阿
在甯遠下灌地方遣寶慶協副將馬翰領兵前進至池塘墟地方
馬翰被槍陣亡海凌阿揮兵衝入賊羣勦殺連發數矢因路滑墜
馬被賊鬼蜮逆猖竟傷提督大員深堪髮指揮淚覽之朕心悼惜
之至已明降諭旨將該提督等賜卹並交部旗查明該提督等有
無子嗣立沛殊恩以酬忠蓋該督等即飭令各文武員弁於各要
隘督兵固守毋稍疏縱並著於生擒各逆犯中嚴訊該提督副將
東華續錄 道光二十五年 八
究係何人所傷一經拏獲即盡法處治以伸國法而抒憤激至陣
亡遊擊守備弁兵等並著該督等查明咨部一併照例賜卹所奏
兵糧軍火均關緊要用費較繁不得不寬為籌備既據藩司恩特
亨額稟稱庫貯項下可籌備三十萬兩並於附近水次各鄰縣派
碾倉穀陸續運解其永州及省城設局支銷著照所請行但不得
張大其事致啓浮冒之弊至該匪烏合之眾除跳擲外別無他技
見在江華甯遠藍山常甯各地界有猺山寨游竄掠食並圖襲脅
自以堅壁清野為上策尤須廣行出示散其黨羽毋令裹脅日多
致成滋蔓其附近各土猺寨著撫諭安帖土猺等亦令其自相團
練保衛其各要隘嚴密防堵各鄰縣團練鄉勇俾猺匪無食可掠
無人可裹方為妥善羅思舉見選精兵一千名備調可謂老練精
於用兵者一俟兵力既足即四面兜圍一鼓殲除至新任藩司惠

東華續錄 道光二五

豐據楊遇春奏留辦理秋審到任尙需時日前任藩司恩特亨額
因丁憂開缺見當軍興之際籌撥糧餉豫備器械又設局委員各
事宜自未便遽易生手恩特亨額著暫留湖南藩司之任辦理軍
需俟軍務完竣再回京守制至鎮守綏靖兩鎮均係苗疆重地未
便更易見在湖南提督員缺請調齊慎所見原是但伊業經告病
余步雲久歷戎行身經百戰就近調任必可得力已另降諭旨令
其挑選精兵一千名帶同得力將弁迅速前來羅思舉未到之先
著盧坤兼署提督羅思舉到永州即著羅思舉兼署計余步雲到
彼當亦不遠余步雲接印後與羅思舉相機商辦勦力同心自當
及早戡定○辛亥 上親耕藉田○壬子 上啓鑾謁 東陵○
免經過地方額賦十分之三○以粟毓美為河南布政使朱樹為
湖北按察使由甘肅甘○乙卯 上謁 昭西陵 孝陵 孝東
東華續錄 道光二十五年 九
陵 景陵 裕陵回鑾○己未 上幸南苑行圍○予海凌阿一
等輕車都尉世職馬翰騎都尉世職○庚申諭軍機大臣等長齡
等奏霍罕遣使懇求通商籌酌辦理一摺此次霍罕伯克遣夷目
遞稟照議允准至所稱該伯克情願抱經盟誓永遠翊戴此言未
可盡信惟善後大局章程已定喀什噶爾總要商量長治久安之
策妥為防範萬一有事斷不宜輕易帶兵出卡其如何嚴密布置
並葉爾羌等城如何聲勢聯絡務使彼此緩急足恃若赴援稍遲
致有失誤定以軍法從事決不寬貸又弔噶爾拜等供稱霍罕屢
被俄羅斯欺壓該伯克意欲帶兵前往理論由那林及哈薩克愛
曼一帶經過備布噶特等播造謠言懇祈勿聽等語霍罕與俄羅
斯遠在卡外蠻觸相爭原可置之不問惟不許擾及邊界伊犁將
軍等總當豫為防備固不可稍存大意尤不宜輕率追捕致起釁

四七五

端亞著玉麟知照常德一體遵辦哈豐阿郭繼昌二員著暫留該處俟明春察看情形再行酌量哈阿應否留於該處或即可飭回著長齡等商酌定議長齡見在善後事宜已竣著即起程回京路過甘肅仍遵前旨與楊遇春安商南路換防官兵酌量變通事宜據實具奏玉麟著即赴烏嚕木齊審訊郭勒明阿案俟事竣仍回伊犁將軍本任○癸亥 上還京師○甲子裁甘肅馬蓮井州判狄道固原甯隴西安定中衛六州縣訓導○乙丑諭前據陶澍奏鹽務奏銷屆期請稍寬時日並察看淮北未盡事宜分別覈辦當交戶部議奏茲據奏稱兩淮鹽務疲乏已久見在銷鹽雖多均係已丑以前已經納課之引與新綱無涉其新鹽發運斗值各省被水轉運遲滯亦係實在情形自應量予展緩惟奏銷寬展一日即占礙下綱一日之引該督遠請展限半年恐新綱難以接辦著東華續錄 道光二十五年 十

予限四箇月展至本年六月內造報奏銷至楚西各岸均屬暢銷該督即迅飭各商及時捆運其次年如何提前以復原限之處並著確定限期據實具奏至兩淮例入奏銷課項共銀二百十餘萬兩此外加斤正課並應解帑利及外支外銷各款當大加釐剔之後俱應按款造報見在辛卯本綱將屆一年期滿並著該督速即分晰造冊報部以備查覈其淮北未盡事宜亦著迅速妥議章程分別辦理○戊辰諭軍機大臣等據李鴻賓等奏廣東連山一帶猶匪解散仍於楚粵交界各處派兵防堵一摺覽奏均悉廣東連山廳屬黃瓜冲等處間有猶匪搶劫業經該督等調撥各營官兵前往防剿此時均已聞風畏懼羣相解散該處八排猶人俱屬安靜其搶劫各匪實係八排外各冲散猶該督等分別良莠自應出示剴切曉諭以官兵齊集專為拿辦匪猶凡屬良善猶民均毋驚

恐妥為撫馭俾安眾心至連山搶劫各匪見雖潛匿仍恐被楚猶誘脅或與彼潛通消息不可不於各隘口僻徑逐處嚴防堵絕往來要路見經該督等前後調兵共三千六百餘名又團練鄉勇一千餘名兵力不為不厚務當嚴飭將備兵弁分股堵禦毋令楚猶乘隙竄入不得稍有疏懈○庚午命戶部尚書禧恩盛京將軍瑚松額馳赴湖南勦辦猶匪○辛未改廣東崖州營參將為崖州水陸副將海口協都司為崖州協陸路中軍都司駐崖州海口協副將為海口營參將駐海口海口協右營守備為海口營中軍守備添設崖州協水陸外委六並撥督標提標各營弁兵隸崖州協○乙亥迫予國初殉節知縣孫如芝吏目鄭亮世職○是月展賑湖北江夏漢川二縣水災給安徽青陽縣災民口糧貸甘肅皋蘭等七州縣災民湖南乾州等五廳縣屯丁口糧籽種湖北督標提標東華續錄 道光二十五年 十一

及武昌城守營被災兵丁倉穀

夏四月庚辰諭軍機大臣等前據嚴煥奏豫省上南等廳險工酌拋碎石當以東河歷年拋護碎石歲料防險等項並未節省降旨交林則徐悉心體察情形覆奏茲據奏稱詢之年老兵民僉稱既辦碎石每遇險工緊急潰塌隄力加拋護功效甚著至東河採運碎石方價倍徙難以多辦而其化險為平頻歲安瀾之效未嘗不資於此惟何以未能省料之故詰詢員弁兵夫據稱統計兩岸隄工長至二十餘萬丈隄前有埽者不過六千八百餘丈埽前有石者甫及二百七十餘丈河而寬闊溜勢變遷購料防險諸費即難概省等語此項東河碎石工程起於道光二年嚴煥試辦僅拋兩段而止自道光五年至十一年已拋碎石共用銀六十五萬餘兩上冬估辦上南三廳方價七萬三千餘兩尚不在此數內覈之

歷年採辦歲料及請撥防險銀兩均未減少碎石既增歲料自宜節省歲料不省碎石豈不虛糜吳邦慶並非河員出身無所用其回護著於交卸後迅赴新任與林則徐見面詳細詢問悉心體察情形如果估拋碎石化險為平以後歲料漸可節省照運河各廳臨湖隄工兼用碎石歲銷錢糧無多豈不甚善若年復一年徒添出碎石費用則是於歲料外又增一項開銷國家經費有常豈能供此無底之壑至林則徐奏稱工員果悉機宜善揣溜勢則於工之將生未生豫築挑壩使溜向外趨壩即可省一壩得力可護數段之工所省無算所奏不為無見著吳邦慶於到任後實心實力講求利弊破除情面不可任聽工員致滋浮冒總期無枉費之工無妄開之費方為不負委任○兩廣總督李鴻賓等奏遵旨籌議崖州善後事宜漢奸入黎盤剝及攢充糧總浮收勒索應申明定東華續錄 道光二十五年 十三

例嚴禁至黎人設立黎總崗長哨營原所以專責成應飭小大各黎村公同充選如有黎丁不遵管束及漢奸放債滋擾許捆送究治黎人犯事除劫奪謀殺重情向由地方官飭差協擊其餘情罪稍輕著黎總等交出審究不許差役擅入句拘藉端索擾黎人食鹽及牛羊器具等物應准照常售買不得擡價阻買以杜弊端至鐵器除應用外如烏槍利刃近於軍械者不准賣給黎俗不通有無田無溝洫應示諭黎總崗長等通力合作多開溝渠庶旱澇有備得旨著照所議實力奉行○癸未盧坤等奏逆匪趙金隴由新田楊家鋪竄至桂陽州交界之白水洞屢次衝突州屬之非前墟卡隘該州王元鳳會營督率抵禦斃匪多名賊退至楊家鋪官兵復於茶園坪殺賊百餘該匪由上流崗貓兒十三灣越嶺入山追至半山斃匪百餘又在白水洞口截殺四百餘至新田縣毛栗山

嶺人趙文鳳被該逆句結經武岡州知州王景章曉諭安撫解散過半餘匪竄至白水洞該匪被官兵兜圍不能四出遊竄往來於新田之上流崗楊家鋪常甯之羊泉黃崗桂陽之白水洞茶樓等處約共四五千入惟南路藍山甯遠江華為入粵門戶隘口較多須嚴密防範羅思舉於三月初十日抵永州商議該提督由中路進兵既可遏其南路又可與北路領兵之署總兵霍隆武首尾相應添調承順協副將祥福沅州協副將馬天保帶兵千二百名與羅思舉兩路夾攻並於附近旁通祁陽道州零陵之翻山小路節節隄防得旨嘉勉○丁亥諭據戶部奏自道光十年分以來陸續撥給各省軍需賑卹河工各項銀兩加以被災省分緩免錢糧並兩淮短徵鹽課統計一二年間多出少入已逾二千餘萬雖見在酌撥尚無支絀惟不能不先事豫防寬為籌備等語國家經費有常自宜加意節用量入為出著各督撫責成各藩司於一切工程河工及各項借墊雜支銀兩務須大加撙節嚴實動用毋得任意開銷至各該省經徵錢糧總須認真督催按期撥解並將上年該部奏准飭催之節年未完積欠及咨催各項應解未解銀兩迅速趕緊催徵完報分別入撥解部經此次降旨後儘再催徵不力仍前延宕該督撫即將該藩司及徵收各員據實嚴參按律懲辦若完報入撥後或為數短絀著戶部即將該督撫指參懲處決不寬貸○戊子諭長齡等奏卡外諸夷進卡貿易懇恩一體免稅等語見在霍罕免罪通商並邀恩免稅其貿易諸夷事同一律嗣後葉爾羌喀什噶爾卡外各部落暨布喇特等進卡貿易著加恩一體免稅以廣仁施而示體恤○諭長齡等奏遵旨籌議設立駐廠章程一摺前據長齡等奏請將阿克蘇軍需局收到內地置買協濟

官駝挑選二千五百隻分撥葉爾羌等處設廠牧放諭令妥為辦理茲據籌議章程具奏著准其就各城原撥數內量為裁減於葉爾羌巴爾楚克共撥駝八百隻每屆出廠時以四百隻分交各軍臺兵丁運送布棉以四百隻分撥該兩城兵丁運送糧石柴薪統由經牧章京管理喀什噶爾撥駝二百隻以備兵丁駝運柴薪阿克蘇撥駝五百隻運送冰嶺布棉硝磺所有各城派牧兵丁作為廠兵免其差操各廠駝隻照伊犁特穆爾廠之例不取孳生亦不准倒斃除運送官物仍給盤費外空閒之日准各廠兵自行營運定以限制不得潛越庫車以東所得腳費即添補繩索鞍屐不准另行開銷每屆年終各城將存駝數目咨報參贊查覈勿任日久滋弊俾不至有累回眾以期隨時調用而實軍儲至其餘駝一千隻即著咨交烏嚕木齊都統收明按照舊例飭令一體牧養聽撥

東華續錄

道光二十五年

丙

○甲午盧坤等奏白水洞楊家鋪兩股賊匪會合常甯黃尚猗匪同竄至羊泉地方該處街長數里賊即盤踞固守三月二十二日蜂擁攻奪羊泉營卡都司郭宏升等帶兵斬獲無算羅思舉令官兵層層圍於二十九日三鼓乘其不備冒雨進攻逆獮四五千入併力死守經官兵殲斃百餘羅思舉親督將弁盡力攻圍四晝夜殲斃約共八九百人擒獲綠袍頭目黎阿四等供稱趙金隴見已被圍惟功在垂成需用大礮見飛催趕運一鼓作氣掃數殲除得旨嘉勉○以朱為弼為左副都御史由宗人府○丙申諭科道風聞言事原應以重大事件入奏於國計民生俾有關繫方為不負厥職所有會匪王老頭子即王法中等習教一案係給事中隆勛於上年冬閒訪聞奏請擊辦茲據軍機大臣等會同刑部審出該犯等拜師傳徒斂錢惑眾實情分別定擬復究出尹老須姬三

白等犯習教重情尚在研訊此等匪徒任其潛匿煽惑日久蔓延為害閭閻不小若非隆勛奏請懲辦該犯等反得倖逃法網實非戢暴安良之道且所關甚鉅消惡於未萌實有神於國家非淺足見隆勛於此種重大案件頗能留心訪查不愧言官殊堪嘉尚隆勛著加恩超擢太常寺卿以示獎勵○命運山東倉穀接濟江南被水災民○江西巡撫吳邦慶奏遵旨勘明贛州府設廠抽稅窒礙難行緣南贛二府久歸粵鹽引地自不能仍行設立稅廠如於贛州淮粵界內設廠而淮界水陸分途四通八達已難到處設廠且必至藉稅衝淮淮界日形迫促淮引愈見銷滯將以杜弊而反有害報聞○致仕刑部尚書陳若霖卒予祭葬○辛丑賜吳鍾駿等二百六人進士及第出身有差○癸卯諭軍機大臣等前據張井奏請撥大汛工需銀一百五十萬兩當交戶部速議具奏復降

東華續錄

道光二十五年

十五

旨以國家經費有常令該河督極力撙節不可年年按時奏請習為故事任聽工員因仍浮冒茲據奏自該河督調任後所有歲滄修及常年另案工程用款遞次減少惟上年江淮並漲堰圩等處處處危險用項過多本年殘缺隄埝必須汛前一律趕修而此後清黃水勢消長更難逆料河庫已無存款不得不據實具奏等語河工歲搶修及另案用款每年該河督奏請朕無不飭部籌撥惟見當經費短絀之時若不隨時節省年復一年伊於胡底儻將來無款可籌即按年奏請朕亦不准如數動撥該河督務當恪遵前旨激發天良悉心籌覈於應辦各工可節省者隨時節省其不應辦者不可任聽工員恣濫為開銷浮冒地步總期工無枉費款不妄開俾絲毫皆歸實用而嗣後歲撥銀兩漸次減省方為實心辦事克副委任○乙巳諭本日盧坤等由五百里馳奏攻勦逆緝大

獲勝仗一摺覽奏欣慰逆猶趙金隴等偏聚羊泉地方經我兵四面圍攻斃匪千餘該逆起意詐降總兵霍隆武帶兵堵羊泉西北兩面羅思舉率副將祥福等自街東進攻參將王錫朋等自街南進攻我兵奮勇爭先冒險直入約斃逆猶千餘生擒頭目康發林等餘逆閉門拒守羅思舉激勵弁兵都司郭宏升等帶領弁兵爭搗賊巢斫門燕火攻破十餘宅斃匪二千餘生擒趙金隴之子趙幅金趙滿仔及趙金隴之弟趙金旺頭目趙文鳳李德明等連逆黨五十餘人奪獲大礮七位刀槍器械三千餘件自四月初六日起至十六日止計擒殺逆猶六千餘人餘匪不及十分之一首逆計日可以生擒辦甚屬可嘉之至盧坤羅思舉余步雲俱著先行交部從優議敘並頒賞盧坤白玉翎管一箇白玉搬指一箇小刀一把黃辦珊瑚豆大荷包一對小荷包四箇羅思舉白玉翎管一箇白玉搬指一箇小刀一把大荷包一對小荷包四箇余步雲白玉搬指一箇小刀一把大荷包一對小荷包四箇以示嘉獎該將弁兵勇等因連日陰雨俱站立雨水泥淖中朕心深為軫念並發出玉柄小刀九把象牙柄小刀十一把大荷包十對小荷包二十箇著盧坤等分賞尤為出力將弁兵丁其被脅男婦千餘人著令眼同認明是否有趙金隴在內訊明分別辦理○丙午諭三載寶輿為掄才大典各直省主試經朕特加簡任宜何如滌慮洗心認真校閱務求為國得人順天同考官及會試同考官俱係翰詹科道部屬該員等甲第本高又經朕親加校試尚無荒謬之人充選所以得人較盛各直省同考官則年老舉人居多勢不能振作精神悉心閱卷即有近科進士亦不免經手簿書錢穀文理日就荒蕪各省督撫雖照例考試廉官仍恐視為具文全恃主試校閱

落卷庶可嚴去取而拔真才士子握槩懷鉛三年大比一經屈抑又須三年考試或竟有終身淪棄者豈不可惜該主試俱係科甲出身試回思未第之先芸窗誦讀與多士何異若止就薦卷照常挑選而於落卷漠不關情設身處地於心何忍嗣後各直省督撫務將廉官認真考校不得以年老荒謬之員濫行充數其典試各員必須將闈中試卷全行校閱不得僅就薦卷取中方為不負委任見屆簡放雲南貴州考官之時剴切詳明特申誥誠儻各省正副考官草率從事一經朕別有訪聞即將該主試嚴懲不貸○是月再給江蘇揚州水災倉穀

五月丁未朔裁福建水陸各營及浙江馬步兵有差○壬子諭盧坤等由六百里加緊馳奏連日焚勦逆猶掃蕩平首逆趙金隴業已殲斃一摺覽奏欣慰此次湖南江華縣逆猶趙金隴聚眾滋事傷及大員官兵深堪痛恨經朕調派羅思舉等前往勦辦並令盧坤親往會剿昨據奏報該逆等在羊泉地方被我兵四面圍攻自四月初六日起至十六日止計擒殺逆猶六千餘人餘匪不及十分之一業已勢窮力感茲據奏二十一二等日羅思舉親率副將祥福等帶領弁兵由東南面余步雲親率副將張必祿等帶領弁兵由西面總兵會勝等帶領官兵由北面合力進攻用火彈火藥擲入賊巢斃逆不計其數二十三日仍用火焚攻斃逆匪數百人投出男婦幼孩一百餘名二十四日復挑選湖南湖北各營果銳兵勇一齊進攻槍斃兼施直至未刻將賊巢所踞房屋槩行燒毀焚斃逆猶無算生擒多人二十五六等日官兵逐細搜尋賊匪實已全殲並無一名漏網當就生擒各犯及趙金隴子弟詳加訊問均稱該犯已死於羊泉街內且自羊泉圍困以來先後獲賊數

千人並無一人供稱首逆逃竄之語其為趙金龍被戮尙屬可信該逆罪大惡極必應生擒解京盡法懲治方足以彰國憲而快人心今據稱殲斃未能生擒不滿朕望惟盧坤等此番勦辦該逆一切機宜俱臻妥速且調度有方深堪嘉尙盧坤羅思舉俱著加恩賞戴雙眼花翎並賞給一等輕車都尉世職余步雲著加恩賞給太子少保銜仍交部從優議敘以示獎勵其總兵副將以下各員著該督等擇其實在尤為出力者酌量保奏候朕施恩其餘將弁兵丁及在事出力文員並著細覈等第奏請分別鼓勵所有羊泉陣亡千把總三員兵一百五十八名受傷官二十二員兵五百九十二名即著分別題咨照例辦理發去雙眼花翎二支著盧坤羅思舉祇領○甲寅諭富俊奏謹抒管見一摺國家尙儉去奢原所以挽澆風而臻上理然亦須化之以漸若一味束縛馳驟尙復成

東華續錄

道光二十五年

六

何政體富俊前請申明舊例嚴禁借用服色業經降旨准行此次復請將條款出示曉諭朕詳加披閱亦屬會典所有至請嚴飭步軍統領衙門順天府五城嚴拏違禁服用者治罪並請剝拔入官以備變價獎賞捕人則是開棍徒訐告之風而啓吏胥擾累之弊所請文武一品大臣賞給家人虛金頂二箇文武二品大臣賞給家人虛金頂一箇尤屬非是惟名與器不可假人此輩地處寒微不過給使令之役卽大爲防閑猶恐倚勢作威若准其戴用金頂何所顧忌必至恃符滋事而後已其所稱窒礙觀瞻之處實屬自相矛盾所奏斷不可行著無庸議○裁東河泉河通判○裁山東泰安武定兗州曹州沂州東昌青州萊州登州九府司獄並臨清州稅課大使○乙卯軍機大臣刑部奏審擬王法中結會傳徒案內究出尹老須聚眾習教一案得旨此案尹老須卽尹資源接管

劉功離卦教自稱南陽佛創立朝考等場黑風等劫名目神奇其說煽惑至數千人之多旬結至三省之遠狂悖已極尹老須卽尹資源著卽凌遲處死仍傳首犯事地方以昭炯戒尹明仁聽從伊父習教多年實屬世濟其惡尹明仁著卽處斬韓老吉蕭滋依議應斬著監候入於本年朝審情實辦理其失察之地方官及查辦不實各員著吏部查取職名分別議處○丙辰諭御史陳焯奏請整飭吏治一摺所奏是從來稂莠不去嘉禾不生而莠民中惟會匪之惑人最甚州縣一有見聞卽認真查辦自可淨絕根株近來不肖州縣非但不肯查拏更復多方掩飾卽訪出會匪名目該督撫意存消弭遂令匪徒有恃滋生厲階卽如趙金龍逆黨六七千人其中豈無會匪乃地方官專以緝匪滋事爲詞幸免失察之咎各直省大率類此嗣後各督撫務須嚴飭所屬留心訪察遇有會匪卽嚴密查拏毋許諱飾除莠卽以安良而會匪自絕矣近日京控事件每有山僻兇徒聚眾毆斃之案地方官因其地僻人罕不敢緝拏往往案懸數載致令僕僕來京具控國家設官分職本以敢奸宄而安善良若漏網可容覆盆莫雪彼無知之民習見其事已萌去良爲暴之意而一二點桀之徒設法勾引千百爲羣動釀巨案此吏治所以日壞兇殘罔知所做也著各督撫飭屬嚴拏兇頑羣毆等案按律懲治不得存化大爲小之見則國法森嚴火烈難犯良民各安耕鑿矣州縣遇有緝拏案件不能不用胥役而會匪梟徒土豪巨盜皆能賄通胥役其尤黠者令黨與潛充盤踞遇事諱飾地方官清謹自守尙不免爲其所欺况蠶蠶不飭從事苞苴以胥役爲爪牙則得錢賣放之弊不在吏而在官尙復何所顧忌著各督撫嚴飭州縣官遇有查拏人犯限日務獲如有賄縱盡

東華續錄

道光二十五年

九

法處治獲案後尤宜虛衷研鞠務得確情毋任胥吏變亂是非則
虛堂憑鏡不至講張爲幻矣至於奸民巢穴多在交界處所此舉
彼竄地方官遇事推諉不肯認真遇有奸盜延閣不辦而匪徒潛
藏其間毫末不拔將尋斧柯弊有不可勝言者其安徽賴毫與河
南毗連鹽梟最易充斥儻不認真查拏必致釀成巨案各省交界
似此者亦復不少著各督撫留心稽察遇有奸邪密咨鄰境不分
畛域嚴拏務獲勿令漏網則積習立破奸宄無所匿矣朕勤恤民
隱惟日孜孜常思懲兇頑於已著禁邪惡於未萌法紀肅而吏不
爲奸淵藪靖而罔干予正總在督撫大吏體朕之心爲心以民之
事爲事正己率屬賢者知所勸不肖者知所懲吏治蒸蒸日上
理實有厚望焉○諭軍機大臣等昨據楊遇春等奏貴德卡外思
昂拉千戶所管八大族住牧循化卡外地面內有楊弄右弄弄弄
東華續錄 道光二十五年 三
鐵哇合爾哇東什當水乃害各番聚集多人騎馬持械各路搶劫
當即飭委署循化同知州判夏日瑚等帶領撤拉回民一千名漢
土弁兵三百名前往彈壓該番等膽敢抗拒柏斃撤拉回民二名
該署同知等督率漢土官兵開槍轟擊打斃番賊六名燒毀房屋
數十間番賊等逃竄入山經撤拉回民就近接捕殺斃番賊十五
名帶傷逃跑者十餘名經該文武各員派委土千總楊萬士等喚
出該族總管千戶觀木卻合諭令獻出積匪並拒敵番賊二十名
出具永不爲賊搶劫甘結等語朕聞撤拉回民賦性獷悍時常械
鬪素非安靜之徒向來卡外小有不靖從未派令前往拒敵誠以
用其力而不稍示以恩必生怨望若遽加以獎勵而若輩自恃爲
國出力其恣肆又有不可勝言者且回性貪婪恐未易滿其覬覦
之意儻此端一開將來該回番等互相尋釁仇殺尤不成事體流

弊所滋不可不防之於始此案事屬既往姑勿深究至此次派用
撤拉回民是否係恒敬一人主見抑曾與該督往返札商著楊遇
春確查情形有無滋弊及究係何人主見之處據實明白覆奏○
庚申 上諭 黑龍潭祈雨○兩江總督陶澍奏籌議准北試行
票鹽章程民販納稅請票應自十引至百引以上爲一票每鹽四
百斤爲一引於板浦中正臨興三場適中處建立局廠由運司遴
委委員每局一人於三六九日各照票引發鹽眼同民販逐包稱
驗再於水陸交通之海州房山大尹山吳家集設立三卡由運司
委員督查如有查出多帶惟局員是問卡員亦不得稽留需索其
餘經過各關及鹽捕衙門驗票放行毋得擾累稽延至臨興場所
屬唐生興莊柘汪三噶向設膏口食鹽店今既改行票鹽應即裁
撤如有地棍土豪私立鹽關索費包送應嚴飭文武地方官認真
東華續錄 道光二十五年 三
查拏如有私梟偷渡黃河應責成黃河北岸之邵北宿北桃北外
北山安海安南岸之宿南桃南外南海防海阜等十二廳營督率
文武汛官即將渡船水手加重治罪暢岸運商如有願認旁近滯
岸者其暢岸應仍按原引完課以免虛占票地轉致暢岸缺銷至
文武衙門往往私設陋規書役更多需索一經商販訐告或別經
發覺即嚴行究辦以除積弊而肅鹽政從之○癸亥諭嗣後凡遇
貢院考試奏派都察院滿漢堂官各一員專司稽查○乙丑諭各
督撫遇有題調缺出先儘正途不得以佐雜應升人員超越○戊
辰 上諭 天神壇祈雨 御製祝文○己巳詔刑部清釐庶獄
○辛未諭軍機大臣等李鴻賓奏獲匪土匪串通窮獗搶劫連次
接捕並親往查辦一摺覽奏均悉前因楚獗趙金龍滋事廣東調
往各兵防堵楚獗多派西路分駐隘口東路各汛兵單獗匪遂乘

機窺伺糾約乏食窮獨赴村搶劫四月初六日獨匪二三百人至
 倒流汎焚搶經汎兵抵禦傷斃獨匪數十名十三日獨匪復聚仍
 向倒流汎毗連之竹子坪搶劫經副將王科派兵攻擊槍斃獨匪
 五名十八日官兵屯駐鐵坑聞後山新寨獨匪聚眾兵勇合力圍
 攻槍斃獨匪二十餘名奪獲鳥槍等件燒毀新寨獨房一百餘間
 又於二十四日經官兵入山搜捕先將老寨獨匪房屋盡行燒毀
 官兵踰山涉險行至大木根地方見獨匪數百人經擊散旋又
 趕來先後擊斃七八十人餘匪退入山崗東路獨匪一月中雖已
 解散至今出沒無常遣人查探仍然意圖搶劫自應實力圍捕見
 在調往連州兵丁共六千名兵力不為不厚况湖南逆獨已於羊
 泉全行殲斃該獨定已聞風膽落所有防堵要隘各兵正可撤回
 歸併西路協力擒捕該督見在行抵連州即著督率提鎮激勵將
 東華續錄 道光二十五年 五
 備兵丁一鼓作氣聚而殲旃勿留餘孽以靖地方朕計日以待務
 須趕緊妥協庶事毋稍遲延干咎○予江蘇殉節之元人吳江吳
 清明人任皞臣祠祀○壬申裁廣東廣西馬步守兵有差○乙亥
 諭在京部院及旗營於所屬文武員弁嚴行激汰○定刑部見審
 各案開具略節註明收審月日每月具奏一次例○是月貸山西
 大同等三縣被災兵民倉穀緩徵山西臨汾等四州縣通穀江蘇
 蘇松及江西各幫屯田餘米緩徵江蘇上元等六縣水災新舊額
 賦及河灘學租
 六月戊寅命會勝帶兵二千名馳赴廣東協辦獨匪○庚辰 上
 步詣 社稷壇祈雨 御製祝文○辛巳諭京師入夏以來甚形
 亢旱昨經躬祀 社稷壇虔誠步禱尙未渥沛甘霖朕甚懼焉因
 思本年辦理尹老須等案緝拏犯證官役四出擾及閭閻百姓皆

吾赤子若一身習教累及一家一家習教累及一鄉即此已干天
 和朕夙夜兢兢非特有所不忍實有所不敢嗣後除逆情已露為
 國法所不宥外其前次令該督撫查拏餘犯著琦善陶澍爾經
 額楊國楨林則徐鄧廷楨善體朕意妥為辦理無枉無縱○壬午
 諭朕思致旱之由必有所自應天以實不以文在平時即當夙夜
 維寅以消祲沴至遇災而懼已屬補救於臨時况敢以規為瑣乎
 著在京各衙門例准奏事人員於恒暘之由請雨之事國計民生
 之大用人行政之宜據誠直言各抒所見○諭自古帝王覺世牖
 民止此君臣父子之經禮義廉恥之訓朝廷以是為修明師儒以
 是為講習無二教也自邪說誣民創立教名展轉傳習流毒無窮
 一經破案貽害多人求福轉以速禍深堪憫惻各督撫務須剴切
 徧諭愚民俾知迪吉逆凶各安耕鑿毋再結會傳徒致干罪戾○
 東華續錄 道光二十五年 五
 裁直隸天津府海防同知宣化府同知廣平府通判大名府通判
 河開府泊河通判新安縣知縣並管河縣丞及典史教諭訓導
 州清河管河州判晉州州判武清縣管河縣丞及典史教諭訓導
 縣丞高陽縣管河縣丞武清縣東陽村管河主簿任邱縣管河主
 簿正定縣兼河主簿故城縣鄭家口行唐縣兩嶺口交河縣新橋
 延慶州永甯各巡檢保安州訓導○甲申諭鄧廷楨奏釋回習教
 案內遣犯延不歸籍請分別查辦一摺所奏甚是邪教煽惑愚民
 最為世道人心之害前回城各遣犯經該將軍等奏請念其稍效
 微勞准令免罪釋回其邪教案內人犯亦在奏准之例實冀該犯
 等消除舊惡勉為良善如果感激恩施痛改前非業經該將軍等
 給與路照自必心戀故土趕緊回籍茲據該撫查明安徽省釋回
 遣犯十餘名僅張臣柱等三名到籍其餘各犯迄今並無蹤迹難

保其不潛匿異地故智復萌備鄉愚一經誘惑是該犯等甫邀法外之恩轉使多人陷於法中爲害甚鉅安徽一省如此他省亦恐不免除釋回各犯內其尙知畏法已經回籍者各督撫嚴飭該管地方官隨時稽察嚴加督束其延未歸籍或仍在配所或匿在中途不可不分別查辦著陝甘總督並直省各督撫確切查明釋回各省邪教案內遣犯如已得有路照在中途逗留即係自外生成不思悛改之徒一經查獲即由拏獲地方仍照原犯罪名發遣不准釋回以杜滋蔓而靖地方○丁亥 上詣 黑龍潭祈雨○諭各督撫於所屬有潔己愛民誠心辦公者秉公保奏○己丑諭京師入夏以來甚形亢旱見在節過小暑迫不可待風日炎燥深切憂勞前經親禱 三壇復躬祀 社稷壇虔誠步禱小雨廉纖未蒙優渥朕敬 天之威軫民之依中心如焚倍形焦灼特親撰祝文擇於本月十八日敬舉告祭 方澤典禮虔申步禱十五日先期進宮撤膳虔齋思過待 命以期 皇祇眷佑立沛甘霖庶回百穀之生而蘇萬民之命所有應行典禮各該衙門即照例敬謹豫備其齋戒閱祝版告祭服色均照步禱 社稷壇禮行應否設立 配位之處著軍機大臣會同禮部堂官速議具奏尋奏伏查告祭 方澤典禮例無明文應請做照 大雩典禮不設 列祖配位所有樂章照 方澤大祀惟減去進俎樂一成其餘典禮均請照 大雩禮行從之○辛卯諭軍機大臣等李鴻賓等奏分路勦捕緝匪因中路卡房火藥焚燒與東西兩路將弁兵丁均有傷亡見仍設法勦辦一招朕盼望捷音日日以冀乃李鴻賓等奏到勦捕情形雖據稱三路進兵殲斃緝匪六百餘人而中路都司王珍東路遊擊謝國榮西路遊擊史鶴均因燒傷石傷槍傷致斃

東華續錄 道光二一五

其中路弁兵因火燒斃及墜巖跌斃者約五十餘員名傷亡者約二十餘員名東西兩路傷亡弁兵約共十餘員名覽奏實深憤懣且所奏俱係敷衍空言尙多不實不盡廣東緝匪自上年十二月楚逆趙金隴滋事即已句結本年二月初間在連山西路余高汎一帶搶掠若使及早撲滅何至分作三路屯聚至六七處之多其中路緝匪經劉榮慶帶領總兵余得彪分爲五路鈔圍自己至酉未能得手措卡暫息以備次早再勦至二更時候有匪撲卡經余得彪被斃數人兵丁向藥桶取藥該匪等自山頭將火包拋入致火藥轟發草木延燒弁兵站立不住紛紛墜巖尤堪駭異此必有奸匪乘夜劫營出我不意以致墮賊奸計傷亡多員實堪憤恨所奏東路沿途山路被匪壅斷此又明係數月之久惟事防堵將弁等未嘗親發一矢俾匪徒得以從容先期將要路壅斷山徑無處東華續錄 道光二一五 三五 通行雖殲斃六百餘名所得實不償所失試思該省調集官兵已六千名兵力不爲不厚據奏五月以前因楚緝尚未撲滅粵省未敢防勦兼行致該匪壅斷不能前進即繞山越險其門前又係懸巖置柵壘石堵築高堅礮驟難打進兵貴神速豈有觀望鄰省賊匪撲滅再行進勦之理李鴻賓即不知兵亦何至束手無措一至於此其所奏稍寬時日殊不成話該督等既已玩泄於前豈宜復遷延於後前據禧恩瑚松額盧坤奏派新授南韶連鎮總兵阿精阿帶領見未回營之貴州鎮軍道標等營兵勇五百名再令會勝分兵五百名交參將與安泰帶領先赴連州聽候調遣會勝俟辦理逃匪完竣後再帶精兵一千名赴粵策應等語見已降旨令余步雲署理廣東提督余步雲久歷戎行該督等俟余步雲到粵即會同相機迅速勦辦聚而殲旃勿留餘孽稍贖前愆毋再遲延

四八三

干咎懷之慎之又李鴻賓另片奏劉榮慶不嫻戰陣且年將七十兩耳重聽近又染瘴似此年老無能豈復能勝專閫重任劉榮慶已明降諭旨勒令休致其應得處分俟事竣補參余步雲未到粵以前著蘇兆熊暫行署理廣西尚有防堵事宜不可無大員彈壓俟余步雲接印後即回廣西提督本任所奏廣西省調兵三千八百餘名鄉勇二千餘名陸續撤回並將鄉勇妥為安置俱著照所請行備廣東省須用廣西兵勇酌量調用可也○壬辰諭前因逆獠趙金隴滋擾事起湖南在廣東界屬毗連即有一二搶掠匪徒亦不過被其勾結當湖南進剿之時即降旨交李鴻賓妥辦若果先事豫防經此數月之久一切調度自必得宜何至任其蔓延致匪徒得以肆啟狡謀先將要路空斷用兵之道貴在神速該督聞信即應迅赴該處趕緊督辦乃因循姑待直至四月間奏請前

東華續錄

道光二十五年

三

往五月十三日始抵連州且據奏稱俟湖南猺匪辦竣後再行籌辦尤屬有意觀望坐失事機又據奏劉榮慶年將七旬兩耳重聽勤辦未能得力此等衰庸之員早應參劾何得久事姑容濫玷專閫及至統兵前進又聽其一籌莫展不能迅速藏功李鴻賓即不知兵於地方匪徒既不能查辦於前而委任統兵復不得人種種錯謬厥咎甚重著交部嚴加議處劉榮慶既經前抵連州即當妥為籌辦乃身膺提督大員竟束手無策咎實難辭昨已降旨勒令休致著一併交部嚴加議處尋議上得旨李鴻賓照溺職例議以革職實屬咎所應得惟猺匪尚須勦捕調兵籌餉正在喫緊之時李鴻賓著拔去花翎改為革職留任以觀後效劉榮慶昨已降旨勒令休致著照部議革職○癸巳 上自 地壇門外步詣 方澤祈雨 御製祝文曰伏思天下之廣不免水旱難齊即偶遇

陽缺雨銜誠致禱均蒙立沛甘霖咸叨 恩賜今歲入夏以來經月不雨非常亢旱 雖憂懼難名亦無補救步禱 三壇 社稷未荷 殊恩總緣 愆尤日積不戒於驕侈即有敗度敗禮之行或一念之差有干 天罰或用人行政逞己見而失正當茲當垂慈示儆雖深自咎悔已云無及謹齋戒祈禱步叩 方澤欽惟后土皇地祇德配 上天 功昭下土當茲旱既太甚之時序逢小暑之後萬姓嗷嗷百穀難望君為輕民何罪嗚呼愧悚交加莫知所指敬祈 后土皇地祇赦 已往許以自新立沛 恩膏以拯萬姓 無任憂惕懺悔之至○甲午命定親王奕紹詣 泰山祈雨 御製祝文○乙未諭富俊奏年力就衰並因天時亢旱自陳奉職無狀懇請休致秦漢以來往往有因災異策免三公之事詩書不載唐虞三代固未之聞我朝設立大學士即古之三公

東華續錄

道光二十五年

三

居是職者亦未嘗因水旱愆咎陳情乞罷大學士贊治綸屢當此恒陽不雨宵旰焦憂尤當實心為國佐朕勤勤求理以冀默感天和何事遽求引退自即便逸為耶至奏稱年已八旬有四精力衰邁試思滿漢諸臣擢用為大學士者雖不盡論年資亦必數歷既久宜力有年年齒雖高朕方倚畀而臣下轉藉詞乞身亦非以誠事君之道此端斷不可開富俊自請休致之處著不准行○諭盧坤等奏參革知州自揣年力強健不甘廢棄情願自備貲斧留於襄陽等屬幫同緝捕等語前任隨州參革知州徐步雲於隨州任內客民周俊英等六家同日被搶僅將二案詳報參奏革職嗣經訊明因金光大等於喊稟後遣人補報未開失單差傳又不到案是以未將同日被搶情由一併聲明尚無抑勒諱飾情弊此等人員業經議以革職自應早日飭令回籍豈容任其遷延觀望藉事

黃綠前因劉提參革後四年之久不肯回籍陶澍等奏請降捐通判特旨駁斥乃該督等仍以徐步雲熟悉地方情形輒令會同偵緝盜匪並聲請俟所獲各犯審擬完結再行酌量辦理顯係該督等瞻徇情面為屬員見好乞恩地步希圖起復此風斷不可長徐步雲著即飭令回籍毋得聽其任意逗留○丙申諭軍機大臣等據哈喇阿等奏霍罕伯克邁買底里遣使進表帶領貿易安集延一百餘人送出裏脅喀什噶爾回子八十餘名攜帶貨物馬匹羊隻進卡哈喇阿等即向夷使弔噶爾拜等宣示恩旨通商免稅該夷使畏威懷德感激出於至誠覽奏欣慰霍罕既經悔罪輸誠自當赦其已往准令入卡貿易並免課稅哈喇阿等即嚴飭本城回商向該夷頭目公平定價與內地商民妥為交易並嚴禁官役人等從中干預別滋事端壁昌總理八城回務是其專責尤宜隨時東華續錄 道光二十五 天

隨事悉心稽察務期杜絕弊端永綏邊圉備經理不善將來又有苛求剋扣貪婪不法情事致啟釁端惟該參贊是問懷之慎之繕寄諭帖一道哈喇阿等閱看後應如何發交霍罕之處仍照上次辦理哈喇阿俟通商事定察看夷情帖服於筵宴後再行奏明起程回京○丁酉諭昨據哈喇阿等奏霍罕伯克邁買底里遣使進表送出裏脅喀什噶爾回子八十餘名攜帶貨物馬匹羊隻進卡經哈喇阿等宣示恩旨通商免稅當將表文給伊薩克閱看並令譯出與哈喇阿等所奏相符該霍罕畏威懷德感激出於至誠從此邊圉可期綏靖因思松筠曾經奏及霍罕通商邊境即安靜無忠松筠在西陲最久所奏不為無見上年松筠因蔣兆璠稟許徐寅第案內牽涉以三品銜休致朕不以人廢言且念其究係三朝老臣松筠著加恩賞還頭品頂帶署正黃旗漢軍副都統以示朕

東華續錄 道光二一五

眷念耆臣之意○以桂良署江蘇布政使前任廣東御史馮贊勳奏請復設巡察官觀風整俗一摺得旨著大學士軍機大臣會同吏部都察院妥議具奏尋議奏該御史請照雍正年間設巡察官徧行各府專司巡察其地方呈詞督撫已審結而翻控者准其親提審訊惟各省督撫悉由灼知慎簡受恩既深數歷亦久若盡委其任於巡察是未示信任於重臣而專寄耳目於新進設奉使非人私謁苞苴皆所不免是畀以糾劾官吏之權適足開餽遺逢迎之漸所請應無庸議從之○己亥諭前因京師亢旱朕躬祀天神壇 社稷壇本月十八日復步禱 方澤祈雨竭誠懇懇均蒙濃雲四布微雨飄灑尚未渥沛甘霖見在節屆大暑迫不可待朕心彌形焦灼敬稽乾隆二十四年 皇祖高宗純皇帝恭行大雩之禮朕夙夜戰兢省躬思過特親撰祝文擇於六月二十日東華續錄 道光二十五 天

日敬舉 大雩典禮據誠步禱為民請命以祈 天佑二十五日即進宮撤膳虔齋敬謹待 命齋戒之日戴緯帽穿常服不挂朝珠二十七日閱祝版恭詣 天壇齋宿戴雨纓帽穿青鞋二十八日禮成後穿常服不挂朝珠所有應行典禮各該衙門即照例敬謹豫備○命五城設廠平糶○辛丑裁河南浙川縣知縣湯陰縣宜溝驛驛丞改南陽府同知為浙川撫民同知駐浙川縣浙川縣典史為照磨兼司獄事南陽縣縣丞為荆子關分防縣丞駐荆子關歸浙川廳轄○裁江蘇安徽各標馬步兵有差○壬寅 上乘馬至 天壇門外步詣 南郊齋宿○癸卯 上自齋宮步詣 園丘行 大雩禮 御製祝文曰嗚呼 皇天世不有非常之變不敢舉非常之典今歲亢旱異常經夏不雨豈但稼穡人民候罹災患即昆蟲草木亦不遂其生臣忝居人上有治世安民之責

四八五

雖寢食難安焦憂悚惕終未獲沛甘霖日前 社稷壇 方澤致齋期內已經濃雲四布微雨飄灑而不能暢施仰見 天心仁愛總緣 皇日深鮮誠鮮敬不能上感 天心而叨 鴻貺敬稽乾隆二十四年 皇祖高宗純皇帝恭行 大雩之禮 臣於萬不得已仰溯 成規戰兢干冒省躬思過冀可仰邀 赦宥抑 臣視事不敬驕侈之心不覺萌而萌與日久怠於庶政不能憂勤惕勵與出言不謹有干譴責與賞功罰罪輕重不得其平與重起陵園勞民傷財與任官不得其當以致政有叢脞與刑罰不得其平含冤無所控告與懲辦邪教濫及無辜之人與官吏欺蒙民隱不能上達與西陲連次用兵未免殺戮之慘而務邊功與南省災民賑恤不得其宜委於溝壑者眾與楚粵逆猖勦撫不當以致民遭塗炭與凡此者皆 臣思慮所及宜加勸勉省改其思慮所不及者蓋有

東華續錄 道光二十五年 三

之矣伏祈 皇天赦 臣愚蒙許 臣自新無辜萬姓因 臣一人是累 皇更難追矣夏徂秋至實難再逾叩禱 皇天速施解作之恩立沛神功之雨以拯民命稍贖 臣 臣嗚呼 皇天其鑒之嗚呼 皇天其惠之 臣不勝憂懼惶恐之至○是日雨○甲辰諭軍機大臣等本日據禮恩等奏詳查逆猖案內審訊各情節並粵省竄入楚境迅即撲滅擬事竣前赴連州各摺覽奏均悉據禮恩等奏提到兵丁熊生發等訊明在洋泉街殺斃之猖匪所指面貌各情節似與逆猖趙金隴年紀面貌尚屬符合其各處搜捕零匪並無該逆藏匿蹤迹其為實係斃斃之處似屬可信該逆之妻趙盤氏已被官兵勦斃趙幅銀妻子見飭屬嚴擊此外並無逆屬竄出趙文鳳之弟趙文彪趙文鳳之妻趙盤氏無庸解京應即照律擬罪至稱粵匪三四百人一起在蘭山之爛泥坳至江華之豪江沖聚

築寨約已有二千餘人由大小林崗沖劫掠斷錦田糧道經禮恩等飛檄文武員弁防堵余步雲會勝於五月二十一日到錦田飭參將興安泰帶兵五百名至豪江堵截猖匪衝出撲營該參將施放槍礮將賊目擊斃二十三日副將張必祿參將王錫朋興安泰在前探剿余步雲會勝率隊繼進跟追四十餘里至銀匠沖猖匪占據三處山頭張必祿王錫朋奮力上攻會勝督同興安泰等向賊占右山仰擊余步雲向賊占左山鈔殺立斃猖匪數十名賊奔退逃竄殺斃不計其數尚有賊一二百人欲由葛藤沖竄回廣東經防堵大橋之都司色成額守備楊昌凱攔頭勦殺擒獲五十餘名餘向麻崗沖逃竄復飭將弁嚴加按捕據報在麻崗地方將該匪趙仔青暨該匪妻子女擒獲趙仔青訊明凌遲處死其妻楊氏子趙狗兒女趙三妹由盧坤歸入逆犯案內照例辦理各等語此

東華續錄 道光二十五年 三

次粵省趙仔青竄入楚境沿途裹脅至二千餘人之多往來遊奕俱在深山密箐勦捕較難禮恩等咨會余步雲並飭會勝會同防捕兜勦旬日之內將猖匪大股殲除並將首匪趙仔青生擒正法餘匪亦悉就擒辦理尚屬迅速業經明降諭旨將盧坤等交部議敘王錫朋等加恩升補至未獲之猖匪趙仔濫數十人逃竄著即查拏務獲勿致漏網湖南官兵如此奮勇勤勞粵省則庸懦不堪可惡之至設若湖南提督鎮將等亦如粵省之無能則最爾猖匪不知欲釀出何許事端粵省當逆猖趙金隴滋事時並不速為籌辦以致猖匪滋蔓竄入湖南境界已屬玩延見在連州等處猖匪仍復跳梁尙未戡事禮恩瑚松額請前赴該處妥籌勦撫之策所見甚是抵粵後即確查該省辦理情形何以數月之久尙復蔓延如此從嚴參辦○是月貸江蘇淮安衛水災屯田籽種緩徵直隸

臣王先謙敬編

臣周瀚蕃恭校

秋七月乙巳朔諭前據楊遇春等奏貴德卡外思昂拉番族搶劫
 派用撤拉回民彈壓接捕朕思撤拉回民賦性犷悍向來卡外小
 有不靖從未派令前往拒敵當降旨令楊遇春將此次派用撤拉
 回民究係何人主見據實覆奏茲據奏恒敬酌派兵回前往後始
 行札知該督是此次派用撤拉回民自係恒敬一人主見不知事
 體之輕重實屬冒昧著傳旨申飭嗣後如有卡外搶劫等案不得
 派用回民仍令報官查辦以杜流弊○丙午雨○諭本年英吉利
 國商船駛至福建江蘇浙江等省已經各該省督撫嚴飭沿海將
 弁驅逐出境本日又據訥爾經額奏六月十八日有英吉利商船
 東華續錄 道光二十六年
 復駛至山東洋面並刊刻通商事略說二紙大意以粵省買賣不
 公希冀另圖貿易為言已經訥爾經額嚴飭將弁在彼彈壓不許
 居民私相交易一俟南風稍息即督押南駛驅出東境因思該國
 向例止准在廣東貿易立法甚嚴乃明知故違且以廣東買賣不
 公為詞是否廣東洋商貿易不能公平抑或另有他故著李鴻章
 等體察情形據實具奏至夷船駛入內地必先由廣東洋面經過
 如果水師員弁實力巡堵何至令其北駛至一經關入內洋則洋
 面遼闊阻截較難即多派兵船驅逐截回或致別生事端實屬不
 成政體著李鴻章等妥籌防堵章程並諭以天朝定制該國止准
 在廣東貿易不准任意駛入內洋就地銷貨俾恪遵定例是為正
 辦並飭李增階督率水師隨時稽查備有北駛夷船力行截回如
 再有闖入沿海內洋者惟該督等是問○丁未大雨○諭前因原

任伊犁參贊大臣容安身為統兵大員不知緩急當英吉沙爾略
 什噶爾二城待援甚亟容安庸懦無能坐擁重兵不趕緊由葉爾
 羌進發乃令哈豐阿等繞道和闐前往以致耽延一月之久畏葸
 不前貽誤軍務業經擬大辟解部監禁入朝審情實辦理實屬
 罪所應得姑念伊會祖阿桂平定西陲經理新疆周詳妥協嗣
 辦大小金川又勦捕撒拉爾及石峰堡回匪立就殄平入任綸
 贊襄樞要二十餘年懋績丕著有古大臣之風嘉慶年間 賜諡
 文成並入祀賢良祠道光三年加恩配饗 太廟功加於時實堪
 嘉獎那彥成雖經獲咎而在嘉慶年間曾在軍營出力道光年間
 兩任總督宣力中外尚無貽誤若使容安觀望遷延英吉沙爾略
 什噶爾二城竟至失事朕必照軍法嚴辦示懲斷不能曲加寬宥
 彼時二城安堵見在霍罕伯克遣使進表極為恭順一切善後事
 東華續錄 道光二十六年 二
 宜經長齡等妥為辦理朕念蓋臣推恩後裔容安尚可寬其一
 綫量從末減著加恩貸其一死發往吉林充當苦差○己酉諭昨
 日吏部將滿洲二品廕生分部學習期滿以主事補用之庚長一
 員帶領引見因念伊祖托津以大學士管理部務宣力有年人甚
 謹飭庚長著加恩准其留部遇有主事缺出即補○庚戌撥米二
 千二百石交五城開廠煮賑○壬子撥戶部銀一百萬兩常平倉
 穀二十萬石江西新漕三十萬石備直隸賑需○癸丑命順天府
 分設七廠平糶○戶部議准協辦大學士兩廣總督李鴻賓等奏
 外夷各國均已產鉛請暫停白鉛出洋一摺得旨依議粵東濱臨
 大海通洋河道甚多見在白鉛停止出洋誠恐日久疏於防範以
 致奸商販運復有偷漏營私等弊著該督等嚴飭關津要隘地方
 各官隨時認真巡查遇有私販鉛斤即照違禁例分別嚴辦仍於

年終取具關廠各官並無出洋白鉛切實印結送部查覈並酌定
 稽查章程報部覈辦以垂永久而杜流弊○己未添設塔爾巴哈
 台各部落委筆帖式一○庚申以失察尹老須等倡立邪教降琦
 善三品頂帶褫花翎歷任各官降革罰俸有差○乙丑廣西賀縣
 猺匪盤均華等滋事祁墳遺兵剿平之○癸酉永定河南六工溢
 ○甲戌裁湖北施南府通判保康縣訓導○是月賑福建澎湖
 風災給湖北天門縣水災口糧展緩直隸大城等八十二州縣
 河南陳留等十六州縣通賦緩徵福建澎湖廳風災新舊額賦
 八月丁丑諭李鴻賓等奏海疆難治要缺人地實在相需請准調
 補一摺前因朱桂植奏請以葉承基調補海陽縣知縣陳鳳圖調
 補揭陽縣知縣當經吏部查明該員與例不符業已降旨斥駁茲
 據李鴻賓等復以人地實在相需再行瀆請豈通省中舍此二員
 東華續錄 道光二十六年 三
 別無勝任之人且葉承基本任高要縣係衝繁疲難兼四繁缺與
 所請海陽縣衝繁難兼三要缺定例頗有不符陳鳳圖歷俸未滿
 三年亦屬違例若各督撫以意為高下易啓夤緣鑽刺之門於吏
 治大有關係該督等所奏仍不准行所有海陽縣揭陽縣二缺著
 該督撫另選合例人員奏請調補○諭從前恬嬾下曾有一女子
 因病出宮並奏請病好仍著進宮近又有皇后下女子一人因病
 出宮經皇后面奏此女子進宮八年甚屬得力俟病好仍著進宮
 均經允准近因檢查見行則例內載凡已出宮女子不許復進宮
 出入傳宣內外一切事情亦不准差人至宮門與本主請安例載
 甚明在皇下病出之女子俟病好仍欲令其進內當差原無別
 項情事况業經病故恐日後互相效尤既出復入必致滋生事端
 不可不防其漸嗣後各宮女子有因病出宮者斷不准奏請病好

仍著進宮通諭各宮知之仍著載入宮中見行則例○已卯裁江蘇華亭縣主簿江甯府鎮江府照磨金壇縣巡檢揚州府檢校○庚辰裁陝西鄜州州同蒲城縣巡檢甯州襄城縣驛丞延安府學河縣學府谷縣學訓導○辛巳諭朕伯儀親王永璇秉性端醇持躬恪慎自幼仰承 皇祖高宗純皇帝恩眷迨我 皇考仁宗睿皇帝親政之初晉封親王 簡畀總理吏部及旗營各衙門事務朕御極後因念王年齒既高凡遇內廷宴養召對特免叩拜王八十壽辰懋加賞資並將前借王俸未扣銀二萬八千兩全免扣繳復因王年已八旬有三特加恩在紫禁城內乘轎行走於應得王俸外每年加賞俸銀五千兩迨王年八十有六不宜勞動免其進坤甯宮喫肉每次頒給背錫肉一分復降旨嗣後 壽皇殿安佑宮行禮免其隨往如遇行禮日期著於府第內向上行禮以東華續錄 道光二十六年 四

春為左副都御史由通政使遷○甲午諭逆裔趙金隴前在湖南潛蓄異謀聚眾滋事廣東界屬毗連不過小醜被其煽結若果早事攻剿必不至日久蔓延半載有餘尚未肅事李鴻賓始則觀望遷延坐失事機及赴連州督師仍未能相機趕辦安速完結朕覺其籌辦不實不善當降旨交福恩瑚松額確切查明據實具奏茲據福恩等奏李鴻賓於五月間始抵連州定計分路進剿山深箐密偵探未確即行進兵墮賊設伏奸計將弁兵勇多有傷亡辦理已屬失宜兩月以來雖聞有斬獲亦僅一二搶掠匪徒並未搗穴攻巢擒渠斬馘且意主招安猶匪正在鴟張非大加懲創安能帖然就撫實屬懦弱無能毫無布置節次所奏軍情與福恩等所查情形亦有未符是其含混入奏不肯從實誤事之罪更無可辭又據福恩等奏該省調至軍營戰兵六千餘名不慣走山沿海各營兵丁多有吸食鴉片煙者兵數雖多難於得力該省營伍皆屬總督統轄如果平素整頓操防實心訓練一兵得一兵之用何至臨陣怯怯有名無實徒致虛糜糧餉且以該省兵丁在該省山路行走尤應熟習何得謂之不慣平日廢弛臨事畏葸訓取種種乖方李鴻賓著革職來京交部治罪已革休致提督劉榮慶營伍乃其專責進剿又不得宜厥罪惟均亦著來京交部一併治罪○諭軍機大臣等據福恩等奏勦辦連山匪徒連獲勝仗見擬添兵進攻一摺廣東大掌嶺大古坳陽公岐各排沖匪匪六七百人於七月二十二日四路全來直撲營卡經福恩等分派都司馬全等抵禦攻擊傷斃匪徒二十餘人二十五日大木根大橋頭六對冰崗四沖匪匪漫山塞嶺直撲大營總兵曾勝整隊迎敵復經福恩等分派都司鄧宏等兩路截殺將大木根大橋頭六對冰崗四沖賊巢全行

燒毀斃匪二百餘人二十七日會勝率兵徑取上下坪並派都司陳連升等分截六對後山官兵奮勇搶占賊隊所踞山梁剿斃
 有匪無算餘匪奔竄所辦俱好見在匪匪灰燼之餘應知畏懼雖
 天討而快人心惟廣東兵丁不甚得力戰兵僅止黔楚精銳三千
 名深入剿辦必須厚積兵力往來接應方能得勢所請再調楚省
 撥飛速前來連州福恩等務當鼓勵士卒直搗賊巢將著名頭目
 按名擒獲絕其萌孽散其脅從永靖邊圉方為不負委任○諭禧
 恩等奏察看八排匪情形一摺據稱於到粵後即馳赴連山軍
 營周歷查看八排山勢周環毗連三省山內猶尚是其巢穴周圍
 小沖七八十處煙戶不下五六萬良莠各居其半匪匪專事搶劫
 東華續錄 道光二十六年 六
 閉有漢奸窩踞該省自本年正月辦理匪劉榮慶帶領防兵三
 四千名剿捕兵力不足彼時各排散匪已被楚省逆匪勾結咸思
 蠢動劉榮慶不能即時分剿止就行劫處所抵禦斃一匪而傷數
 兵得不償失匪匪益無忌憚李鴻賓於五月十三日到連州定計
 進剿未能偵探明確致匪設伏準備總兵余德彪領兵深入已
 屆日暮被匪乘夜來劫拋擲火彈將弁兵勇自相踐踏多有傷
 亡實屬辦理失宜匪匪益肆猖獗兩月以來李鴻賓督兵進剿間
 有斬獲亦僅就出山肆掠匪匪截殺並未深入其阻且自五月二
 十二日進山挫折以後該督意主招安匪匪正在鳴張非大加懲
 創知所畏懼安能帖然就撫該督意圖將就了事實屬懦弱無能
 誤事之罪已無可辭見已明降諭旨將李鴻賓革職交部治罪並
 將劉榮慶一併治罪著即飭令來京兩廣總督已放盧坤並著速

赴連州會同籌辦盧坤未到任以前兩廣總督著禧恩署理又據
 查見在調齊之兵雖有一萬餘名廣東本省兵丁居十分之七向
 來輒弱不慣走山且沿海各營兵丁多有吸食鴉片煙者該省營
 務廢弛平素整頓操防可想而知此時自不能得力所請派調湖
 南湖北勁旅二千名盧坤等接到移咨自已迅速照數調往著會
 同余步雲等相機攻剿務期搗穴擒渠一鼓奏功不得再有遲延
 以致老師糜餉至各排沖醜類繁多如果真心警服仍俟盧坤到
 時商同妥籌安撫以冀迅速厥功所有該省剿捕耽延之咎大概
 已悉至起釁之由仍著確查據實具奏○命阮元協辦大學士仍
 留雲貴總督任○調盧坤為兩廣總督以訥爾經額為湖廣總督
 鍾祥為山東巡撫陳鑾為江西布政使張岳崧為浙江按察使
 運使○乙未調陳鑾為江蘇布政使桂良署江西布政使○壬寅
 東華續錄 道光二十六年 七
 裁江西建昌府九江府通判袁州府撫州府九江府照磨武甯縣
 新淦縣德興縣巡檢○是月給山西朔州水災口糧修費蠲緩安
 徽懷甯等二十九州縣衛上年水災旱災額賦緩徵福建澎湖
 災民雜款銀
 九月甲辰朔阿勒清阿緣事解任以尹濟源為山西巡撫劉重麟
 為四川布政使程懷璟為江西按察使由廣東調○調夏修恕為
 安徽按察使色卜星額為山西按察使○丙午諭軍機大臣等本
 日據張井由驛馳奏奸民聚眾強盜官隄掣動全黃大溜入湖急
 籌堵閉一摺本年淮黃並漲均經隨時搶護平穩八月二十一日
 龍窩汛十三堡有湖內奸民駕船攜帶鳥槍器械攔截行人細縛
 巡兵將大隄剋窺見在口門已寬九十餘丈水深三丈以外大溜
 已掣七分勢將全黃入湖殊出情理之外據張井就見獲從犯孫

在山訊出係民人趙步堂雇令空隄此外認識者尚有本縣生員陳堂監生陳端陳光南劉開成及海金周之子並稱陳端等均有地畝多頃濱臨湖邊連年被水欲乞放黃水希圖地畝受淤等語見在首犯未獲所供止圖放淤肥地之語殊不足信且奸匪不止此數自必另有為首之人別圖不法情事均應徹底根究陶澍見赴安徽江西等省閱伍何處接奉諭旨即著迅速折回將案內人犯嚴審定擬具奏所有全案逸犯務須飭屬密速掩捕細心嚴鞫盡法懲治毋任一名漏網儻有不實不盡致將來另生事端惟陶澍是問再見在黃河勢將全行入湖並著陶澍察看水勢應如何相機鑲築其本年回空軍船尤關緊要是否不至阻滯著陶澍體察情形設法令軍船銜尾歸次毋稍疏虞○命穆彰阿馳往江南會同陶澍查辦事件○丁未論近來外省積習屬員一經升調即

東華續錄

道光二十六年

八

拜認師生凡事略分言情無所顧忌吏治廢弛職此之由古人公忠體國即誼屬師生尚不肯以私恩廢公義况受爵公朝拜恩私室上司因是而庇護屬吏以是為揣摩清夜捫心豈不可恥嗣後直省督撫各宜破除情面賢者舉之不肖者劾之一秉大公毋蹈陋習○諭吏部議處山西巡撫阿勒清阿於已革知縣李聯蒙得受贓銀外聞摺前任山西巡撫阿勒清阿於已革知縣李聯蒙得受贓銀外聞既有傳言無難即時查訊况將此等劣員調補首縣拜認師生迨該革員贓據已露即應自避嫌疑據實參劾乃必待眾議沸騰始行奏請革審又不親行提究遲疑遷就動逾數月該撫平日辦事軟弱此案又復徇情庇護實屬咎無可辭阿勒清阿著即照部議革職山西布政使邱鳴泰山西按察使調任安徽按察使夏修恕冀甯道王志澍太原府知府王世絨於此案未能審出實情早日

結案實屬有意迎合邱鳴泰夏修恕王志澍王世絨俱著照部議降三級調用不准抵銷○調奎照為工部左侍郎以奕紀為理藩院右侍郎由奉宸苑卿遷○以岳良署山西布政使前任江西布政使怡良為安徽按察使由山東鹽運使遷○張井以河隄盜決奪職暫留河道總督任○辛亥諭軍機大臣等據禧恩等奏進剿匪連獲勝仗各排沖繳械之降見籌勦兼施一摺勦辦甚屬可嘉朕心欣悅之至已另降諭旨分別加恩矣據稱各排沖匪聞大兵雲集不敢出山抗拒有軍察馬箭等排約會火燒坪大掌嶺里八崗各排匪目猶老乞降當飭臬司楊振麟剴切宣諭如果真心投降必須將滋事首匪擒獻並將器械繳出真情願薙髮摘環不敢滋事甘結否則仍當進剿該匪目等陸續繳出器械仍未將匪匪縛送經禧恩等督兵進剿連獲勝仗隨有西路紅泥田等十九冲匪眾出寨投

東華續錄

道光二十六年

九

誠懇請免勦禧恩等頒給降旗小旗派員妥為安置其大掌嶺等排後山匪眾因我兵進逼甚為震懼惟陽公岐一冲尚有餘匪潛聚東路各冲匪人亦願出就撫禧恩等派臬司慶林等查勘有貓兒坪老寨及六暗馬頭等十九冲匪眾頂香跪迎情願出具保結並願將從前焚劫之民汛房開賠修東路匪房鴨脚四等俱經六暗冲良孫細送到官疊劫首匪房八等二十餘名已擒獲正法各冲投首自贖情詞真摯當派委員弁親入寨曉諭西路十九冲亦已畏罪歸誠其餘未經投出各冲視大排為進退大排除行祥一排本未被脅已妥為安撫外其餘七排惟軍察火燒坪大掌嶺油嶺四排人數眾多良莠不齊馬箭里八筒橫坑三排勢已窮蹙等語該匪匪如果雲集兵威真心誓服將著名各頭目按名縛獻即當散其脅從而示撫以收事半功倍之效盧坤計已到

彼著卽商同妥籌安撫以期迅速歲功切不可將就了事稍涉疏虞致貽後患是爲至要李鴻賓劉榮慶著禧恩等派委委員押解來京劉榮慶如已起身回籍著咨明沿途湖南湖北等省該革員行抵何處卽由該省督撫委員押解來京○以勦擒連勝予禧恩獎敘賞總兵曾勝子承禧六品頂帶藍翎○壬子諭前以兩淮鹽務自去年辛卯開網後截至今年四月徵收課銀尙未完三分之二降旨詢問陶澍是否確有把握無誤限期茲據奏稱本年奏銷雖已辦竣綱引尙有存留計九月初開壬辰甫得開徵以一年未竣之網應兩年必需之款辦理實形竭蹶並派陳兩淮嵯務疲敝情形又以職任較繁請另簡鹽政專司課務實屬有心取巧國家設官分職豈容私意更張朕以陶澍前任江蘇巡撫擢任兩江總督於兩淮嵯務自所熟悉是以於前此請裁鹽政改歸總督管理東華續錄 道光二十六年 十

之時降旨允准如果准嵯疲敝實難整頓何以於奉命任事之時未思及此並無一言陳奏迄乎兼轄兩年辦無成效又思更改不過以專管兼管其勢甚相懸殊爲此避重就輕之計非爲委卸而何如此居心辦事豈公忠體國者之所爲朕綜理庶政惟知賞功罰過視乎其人之自取從前曾煥張青選福珠隆阿福森尙無推諉情事止因辦理不善且立予罷斥况以總督兼轄鹽政辦理較易責無旁貸何得任意推卸且據稱請飭下湖廣江西安徽等省各督撫凡行銷准引之處招商領運該督既有此奏卽照所請著湖廣等省各督撫一體招徠民商由地方官給照到揚承充領運俾轉運人眾可期起色試思行銷准引之地除湖廣外皆其所轄於緝私辦運招商等務本無掣肘呼應較靈尙且不能辦理豈改設鹽政轉能辦理裕如耶若如是朝更暮改不成政體朕不能爲

而朕亦不能對天下矣陶澍著傳旨嚴行申飭該督如有天良卽振刷精神勉圖自效儻辦理不善有負委任朕惟有執法從事治以應得之罪不能稍爲寬貸曾煥等卽係前車之鑒懍之慎之毋自貽誤致干重咎○甲寅調奎照爲刑部右侍郎恩銘爲工部左侍郎○以桓格爲西安將軍松筠署理藩院左侍郎○以文慶爲內閣學士兼禮部侍郎銜○丙辰裁貴州錦屏縣知縣典史訓導歸開泰縣兼轄改錦屏縣學教諭爲鄉學教諭設錦屏鄉縣丞一裁磐石司巡檢○戊午諭禧恩等由五百里馳奏分別勦撫各排沖見經縛獻首匪率眾投誠嵯山全境肅清酌量留撤官兵並確查起釁根由地方官辦理遲延據實奏參各一摺辦理迅速可嘉之至朕心欣慰此次嵯匪在大古坳被官兵勦散餘匪房大第六等竄入陽公岐及毗連之上腳垠黃瓜沖等處東華續錄 道光二十六年 十一

負固抗拒經禧恩等探明於八月二十二日派副將張必祿等帶領黔楚廣西弁兵由左山梁兜擊陽公岐寨後派副將王錫朋等帶領湖南廣東弁兵由右山梁鈔截前路余步雲與總兵曾勝等帶兵由中路徑進禧恩等在後路接應行至馬頭隘口嵯匪一二百人插旗呼號思撲我兵我兵放槍轟擊立斃十餘人賊眾奔退我兵尾追將及該寨寨內所藏餘匪及奔回匪眾合聚一處抵死迎敵我兵奮勇直入槍礮並發賊匪滾巖落澗者甚多擊斃執旗賊目三人餘由深溝奔潰當卽移兵進剿上腳垠黃瓜沖等處卽有該沖男婦老幼數百人跪地乞命聲稱實係僞脅勉從情願討限設法擊送首匪禧恩等傳諭官兵暫免攻勦勒限三日內縛獻首匪旋於二十三二十五六七等日有大掌嶺降嵯帶出陽公岐等處嵯眾赴營呈繳槍械具結乞降又據軍寮馬箭里八崗火燒

坪油嶺橫坑及行祥各排獵目獵老並各小沖千長人等同赴大營呈遞永不滋事連環保結及各排戶口花名又據火燒坪黃瓜沖等獵眾將疊劫首匪房大第六盤麻三李成意一等三名縛獻並結稱前飭查拏之首匪惟唐阿牛二沈燒酒二名未獲恐已被官兵勦斃容俟寬限訪查不敢隱匿禮恩等察其情詞真摯宜諭威德賞給銀牌花紅並將縛獻之房大第六盤麻三李成意一並前獲之鄧三盤文理盤八唐四李一房六等及土匪李安達李成仲等即在軍前正法梟示使各獵眾環視行刑並諭令大小各排沖俱令薙髮摘環永為盛世良獵該獵眾等俱各伏地叩頭涕泣改悔見經委員親入獵寨編查戶口花名設立門牌隨將大營撤出山外將湖南貴州官兵三千四百餘名先行撤回廣西廣東各兵分別遣令歸伍酌留廣西兵一千名廣東兵二千名分駐連山東華續錄 道光二十六年 十一

劉榮慶已降旨押解來京交部治罪外所有軍需例准開銷銀兩內自五月二十二日起至八月二十九日止一切支銷銀款著落李鴻賓賠繳三成陽江鎮總兵余得彪著降為水師營都司留粵候補撤任南韶連鎮總兵得志著以都司守備降補署臬司慶林著革去按察使以道員月仍交部議處以示懲儆失察文武各員查取職名送部照例議處會勝著調補廣東南韶連鎮總兵其高州鎮總兵恒安著送部引見所遺員缺著阿精阿調補發去三眼花翎一支著禮恩祇領雙眼花翎二支著瑚松額余步雲祇領將此通諭中外知之○以龔綬為甘肅按察使補廣東惠○己未調色卜星額為甘肅按察使龔綬為山西按察使○癸亥諭璧昌等奏烏什所屬之布魯特等進卡貿易可否免稅等語烏什卡外所屬之布魯特等接壤邊卡均極恭順所有進卡貿易之人著加恩一體免其納稅○丙寅裁雲南曲靖府水利同知劍川州阿彌井鹽大使曲靖大理永昌三府司獄順甯府知事○丁卯諭從前乾隆年間逆回布拉呢敦霍集占以叛伏誅布拉呢敦之子阿布都哈里因年幼無知貸其一死賞給功臣為奴道光三年朕因其尚屬安靜加恩照當差回子之例將伊一家入於正白旗蒙古賞給差使七年六月因張格爾入卡肆逆法當緣坐猶不忍斃予駢誅將阿布都哈里及其子孫分撥雲南廣東廣西福建等省安置永遠監禁其眷屬發江甯杭州駐防為奴節據各該省巡撫具奏該回子等在監安靜今張格爾久已明正典刑阿布都哈里伯巴克俱經病故查張格爾入卡滋事時阿布都哈里等並無同謀知情亦無遙應情事朕仰體 皇祖高宗純皇帝寬仁之德念父子兄弟罪不相及阿布都色莫特阿什木馮氏怕特買楊氏大妞俱著

加恩准其釋回派員安送來京仍隸正白旗蒙古旗籍其阿布都
哈里伯巴克之柩並著該省巡撫派人送京以示朕法外施仁至
意○以貴慶為倉場侍郎奎照為泰甯鎮總兵官調鄂順安為刑
部右侍郎凱音布為刑部左侍郎轉鐵麟為兵部左侍郎調奕紀
為兵部右侍郎以聯順為理藩院右侍郎趙輝選○己巳以道慶
為內閣學士兼禮部侍郎銜御勳○辛未裁南河清江閘閘官
丹徒如皋興化三縣縣丞○湖南逆獍趙幅金等伏法○癸酉移
江蘇沐陽縣錢家集縣丞駐高流鎮○是月給江蘇桃源縣湖北
天門等七縣衛水災口糧貸山西山陰縣歉收倉穀緩徵齊齊哈
爾兵丁貸糧

閏九月甲戌朔諭軍機大臣等林則徐奏擊獲兇匪重犯一摺桃
南廳屬奸民聚眾空匪見據林則徐奏稱已將趙步堂劉開成海
東華續錄 道光二十六年 十四

金周並海金周之子海東樓陸續擊獲並獲到供出之犯證十餘
名著穆彰阿等嚴行審訊務得確情分別究辦此外有無知情同
謀之人著向該犯等根究設法緝拏毋許一名漏網至陳端陳堂
陳光三名尤為案中要犯著按名拏獲歸案審辦不得稍有疏縱
○己卯諭軍機大臣等本日據張井由驛馳奏于家灣缺口黃水
入湖之處前經奏明隄南湖內及缺口上下十餘里外即係清水
計其沙淤不出三四十里灘地之內見又坐船探量仍與前次相
做查看于家灣口門順長至外南廳兵二堡水色黃濁以下至吳
城六堡水色淡黃六堡至裏河之束清壩則全係清水毫無淤墊
情形是黃水雖係入湖斷不能入運本年回空固可暢行即來年
重運亦決不至阻滯回空船隻隨到隨渡截至九月三十日止已
入禦黃壩南下計船七百二十二隻等語前因御史鮑文瀆奏南

河入湖恐妨運道又據宗人府府丞潘錫恩奏全黃入湖請急籌
補救以利新漕節經降旨令穆彰阿等將陳奏各條妥籌會議具
奏茲張井查明于家灣缺口黃水入湖計其沙淤不出三四十里
灘地之內至束清壩則全係清水毫無淤墊是黃水入湖竟不入
運回空已暢行七百二十二隻之多似可轉敗為功來年重運尙
無阻滯之患惟回空全竣堵築于家灣口門合龍後其禦黃壩是
否可以不堵竟復舊規抑或須暫堵明年重運到浦時仍用倒
塘灌運舊法著穆彰阿會同陶澍張井體察見在水勢情形仍遵
前旨詳細查明妥籌會議據實覆奏總須加意熟籌於慎重河防
之中無誤來年重運方為至善備來年重運竟有阻滯朕惟該河
督是問○庚辰裁浙江紹興府北塘衛州府糧捕通判杭州府屬
城北務錢塘縣屬西溪務稅課大使湖州紹興二府司獄象山縣
東華續錄 道光二十六年 十五

趙鼎巡檢建德縣縣丞○甲申以故員勒奕亨子載容降襲貝子
○丙戌諭陶澍等奏江西鹽務亟須整頓請遴員分往疏緝一摺
江西鹽務疲敝已久自應亟為整頓該督等酌議做照舊例略為
變通請就江西本省丞倅知縣佐雜中選派分辦著照所請瑞州
府銅鼓營同知張玕候補縣丞徐希綸等准其飭委辦理鹽務以
專責成如果辦有成效准其分別請旨獎勵倘有因循玩縱即著
嚴參示懲俾知奮勵其另片奏饒州府岸銷近年益形缺額有專
岸之名無專岸之實准其按照成案將饒岸額引改攤通岸網店
有力之家一體帶運無須專商賠墊仍照饒岸科則納課以勵眾
商又另片奏前請於贛縣東河上茅店設卡茲詳勘該處與該縣
東關相距較遠聲勢未能聯絡著准其將原議茅店卡移建泥灣
地方其派委員弁兵役一切經費仍照原議辦理○諭軍機大臣

等據穆彰阿等奏會勘河湖運道情形並妥籌辦理事宜一摺覽
奏及圖均悉此次龍窩汛決口地方經穆彰阿等履勘該處黃水
入湖即由吳城七堡仍入黃河其開靠隄之縱橫二三十里多已
受淤係在桃源縣南岸二十圖之內並非湖身至黃水入湖東至
吳城七堡而止既不能入東清壩即不能灌入運口至吳城七堡
順清河禦黃壩等清水暢出刷滌黃淤自七堡以下至海口已刷
深四五尺不等俟湖水再消即可堵閉山盱各壩俾湖水專力刷
黃兼可堵閉昭關壩及高郵四壩俾下河田畝早為潤復至潘錫
恩所奏堵合復故全湖即成平陸據穆彰阿等查明乾隆五十
一年桃源司家莊漫口即在見今口門之上二里與見在情形無異
想不至淤成平陸至南河中滿之患總在桃南桃北外南外北山
安海防六廳見在桃南決口黃水入湖從吳城七堡仍流入黃自
東華續錄 道光二十六年 十六
吳城七堡至禦黃壩以下直至湖口凡外南北下汛及山海兩廳
百餘里內已刷滌漸深而吳城七堡以上高仰如舊即在桃南北
下汛外南北上汛之閒計程二十餘里見當正河乾涸必須趁此
機會著張井估辦抽溝大加挑浚俾禦黃壩以上漸就底平此為
至要其另片奏回空軍船截至本月初五日已渡黃者計一千三
百餘隻於歸次可期無誤覽奏稍慰至來年重運著陶澍張井察
看情形如堵合之後清水暢出即可全復舊規儻仍難暢出即將
東清禦黃二壩及臨清堰等處趕緊收束修復仍行灌塘之法斷
斷不許貽誤○諭本日據陶澍奏商被革乾偉全裁從前之每
年坐食數千金數百金者俱多恐恨兼聞揚人相關紙牌繪一桃
樹另繪一人為伐樹狀以寓詛咒其切齒若此恐誤全局請易專
管為兼管以順物情等語此輩凶堪髮指然為國為公之大臣止

可屏除不顧盡心報國為是應究者處之以法可也漢岸浮費太
甚自應提撥審辦務須秉公覈實勿使虛糜至淮北票鹽業已暢
行從前滯岸額引原止九萬有餘幾於片引不行茲於七八九月
內已請票引十萬有零運銷過於原額似此情形准北票鹽已有
起色若得時和年豐淮南綱鹽當可由漸而暢覽奏稍慰該督惟
當振刷精神於萬難措手之時勉之又勉俾鹽務漸有起色方為
盡心報國之大臣切勿惑於浮議也○丁亥 上閱健銳營兵○
庚寅諭禮恩等奏籌議辦理排猺善後章程臚列八條呈覽粵東
排猺賦性剽悍時為地方之害此次因趙金龍句煽匪徒蔓延滋
事經禮恩等調集官兵大加剿洗既懾猺膽而張國威惟戢匪雖
在一時而弭患常謀久遠所有善後章程應如所請連山綏猺直
隸同知專管八排猺務向係由外題補應揀選熟悉猺情之員俾
東華續錄 道光二十六年 十七
收成效即做照所改湖南永州理猺同知成案定為邊疆要缺俸
滿即升一切猺人詞訟及民猺互控詞訟均責令就近審訊並於
應得養廉外飭司籌款津貼每歲著給銀六千兩以資辦公至三
江扼要地方設有副將一員統率都守備弁三十員兵丁二千名
應責成該副將董率備弁督飭各營汛兵隨時緝捕按月分季帶
兵與界連之湖南廣西各營汛巡查會哨如有擅離汛地或失事
不報及縱兵擅入猺寨者兵則責革官則揭參其向撥把總一員
帶兵一百名若不合猺情即行撤換如辦理妥協俟三年期滿由
該廳協察看詳請升缺以示鼓勵猺人至民墟貿易每為漢奸所
欺嗣後令綏猺廳相度情形准立猺墟有願赴民人集場及民人
有願赴猺墟者應聽其自便至應徵猺糧統令猺長率領猺戶自
行赴廳交納不准胥吏經手以免需索遇有青黃不接時照舊借

給窮猶倉穀秋收徵還各排沖匪猶出山擾害良民者責令猶老
千長交出如徇庇不送並治猶老千長之罪猶民山田地畝從前
售賣民人者聽其照舊執業契限已滿仍准備價收購嗣後猶人
產業止准與猶人互相買賣不准民人契買違者田產斷歸猶人
執管不追原價鳥槍一項有收藏未繳者官為給價收買並禁奸
民入寨私販火藥及不得違例製造鐵器至猶山居民無論已未
報案一律賙恤凡被毀房屋給費修葺蓋田禾不能及時耕種給予
口糧以後良猶出入毋得乘機報復如有漢奸煽惑滋事著落各
千長等捆縛送官並禁土匪嚇詐搶掠以儆刁頑其原設三十六
汛卡房即勘明地勢酌量裁併其原撥守汛之兵添撥緊要汛地
駐紮裕兵力而扼要衝至應否添建礮臺若干座著盧坤等委員
相度地形妥為勘估由本省籌款辦理猶人向分八大排七十八
東華續錄 道光二十六年 六

小沖錯處嗣後應編立門牌以備稽查仍令八大排內各舉老成
知事者立為猶老千長由綏猶廳揀選承充管理一排事宜餘各
小沖係某大排分支統歸某大排猶老千長管領令綏猶同知按
戶給發門牌將大小丁口備載並於八大排內每排添設猶練十
名統歸連山廳把總管帶差遣如有入山藉差嚇詐情事該千長
等到官首告照例治罪其猶老千長及猶練等果能辦公無誤年
終由綏猶同知酌給花紅分別獎賞以上八條惟在各地地方官實
力奉行以安民猶而收成效不得視為具文以致日久生懈○永
定河漫工合龍○丙申論本日據大學士會同軍機大臣議奏京
員揀發河工學習章程河防關繫重大必得通曉熟練之員方有
裨益著於內閣翰詹六部都察院各衙門不分滿洲漢人擇其正
途出身清慎勤敏者每衙門保送一員咨交吏部帶領引見候旨

發往東南兩河學習如不得其人無庸濫保並著定為兩年揀派
一次該員到工後隨同該河督等專心學習估工查料及一切疏
濬堵築各事宜不必承辦要工亦不准經管錢糧並著該河督量
才差遣周歷河湖隄堰查勘情形俾資歷練其有謬妄滋事者不
但該河督應隨時參劾即兩江總督山東河南各巡撫均有兼轄
之責並准其據實劾參毋稍瞻徇其匪勉勤慎尚堪造就者二年
差竣著該河督出具切實考語送部引見候旨錄用此係為慎重
河務起見其不諳河務者准其仍回本任不准乞恩改補地方如
遇大挑年分仍照舊例分發試用著該河督隨時甄別各該員等
務須實心學習期於熟諳宜防釐工熙績以備國家任使○丁酉
飭河南湖北等省會擊捻匪○裁湖南岳州府同知常德永順二
府通判柳道二州州判祁陽縣屬永隆市東安縣屬石期市永明
東華續錄 道光二十六年 九

縣屬桃川市邵陽縣屬黑田鋪黔陽縣屬安江司桂陽縣屬鎮安
司通道縣屬播陽司各巡檢沅江桂東通道石門慈利嘉禾各縣
學訓導○戊戌飭江西巡撫嚴擊會匪○辛丑撥安徽等庫及各
關稅銀三十萬兩備湖北賑需○壬寅諭據禮部奏朝鮮國領時
憲警齋咨官齋到該國王咨文一件查係英吉利商船欲向該國
交易該國王恪遵法度正言拒絕朝鮮國臣服本朝素稱恭順茲
以英吉利商船駛入古代島洋面欲在該國地面交易經該國地
方官告以藩臣無外交之義往復開導相持旬餘英吉利商船始
行開去該國王謹守藩封深明大義據經奉法始終不移誠款可
嘉宜加優賞著賞賜該國王蟒段二匹閃段二匹錦段二匹素段
四匹壽字段二十四匹用示嘉獎即交該國齋咨官帶往○是月賑
直隸阜平等十州縣災民給河南祥符等七州縣陝西興安府水

災口糧貨齊齊哈爾等處被旱兵丁銀穀緩徵直隸三河等四十
七州縣山東博興等三十六州縣河南上蔡等三十七縣山西朔
州陝西葭州災民新舊額賦

冬十月乙巳廣東曲江乳源兩縣土盜勾結猖匪滋事盧坤派兵
勦平之○裁馬蘭鎮標左右兩營經制外委二○乙卯改定葉爾
羌等西五城換防官兵作為三年班次○庚申裁廣東廉州府同
知肇慶府通判長甯始興二縣訓導高州廉州二府司獄南海縣
河泊所大使○壬戌賜李廣金等七十三人武進士及第出身有
差○甲子裁貴州普定縣屬流江土守備○戊辰福建臺灣嘉義
縣匪徒陳辦等滋事命程祖洛馳往勦辦○以文蔚為左副都御
史由大理○庚午諭軍機大臣等本日據魏元烜由五百里馳奏
嘉義縣賊匪戕害府縣添撥官兵糧餉馳赴勦辦一摺據稱接臺
東華續錄 道光二十六年 二十

灣鎮劉廷斌稟稱嘉義賊匪陳辦黃鳳張丙詹通等三股分擾道
路梗塞文報不通閏九月二十七日探得賊匪竄往紅山仔牛朝
山等處該鎮督同北路協副將葉長春追獲六名連日賊匪又在
捕美崙據仔脚店仔口各莊焚劫臺灣府知府呂志恒署嘉義縣
知縣邵用之護安平協副將周承恩分路追捕邵用之在店仔口
被戕該鎮即前赴勦辦惟兵數不敷請內地派兵渡臺又稱呂志
恒聞邵用之被害同護副將周承恩帶領兵勇馳往初二日行至
大排竹地方遇賊賊寡不敵呂志恒被害府印亦失詢之呂志恒
家丁與興泉永道等稟報相同見在先已添調漳州鎮標各營兵
一千名又調水師提標兵三百名金門鎮兵二百名海壇鎮標兵
三百名閩安協標兵二百名派官帶領俱由蚶江對渡鹿港登岸
聽候陸路提督馬濟勝調遣又添撥餉銀五萬兩飭司速委委員

解臺一面移咨水師提督陳化成整齊兵械以備調撥並委臬司
鳳來馳赴廈門帶銀就近接應等語該賊匪分股肆擾戕害府縣
深堪髮指昨日魏元烜奏共調兵三千名合之平慶所奏臺灣有
兵一千六百五十名本日又據魏元烜奏調兵二千名統計六千
六百五十名兵力不為不厚兵餉十五萬兩當已敷用前降旨令
程祖洛速赴福建酌量渡臺此時賊匪三股分擾必應該督親往
相機妥辦六年間該處匪徒滋事前任總督孫爾準即往廈門渡
臺策應該督接到魏元烜函遞及奉前降諭旨即當兼程前往應
帶兵弁官員一面添調酌看情形辦理朕亦不為遙制魏元烜仍
留省城駐鎮以固人心臺灣郡城為根本重地著仍飛飭平慶等
妥為保護該督等務須安撫善良解散脅從將戕害府縣之犯全
數擒獲盡法處治以慰忠魂○是月賑直隸吳橋東光二縣江蘇
東華續錄 道光二十六年 二十一

桃源等三州縣湖北漢川等四縣衛安徽五河縣兩淮板浦等三
場水災旱災給江蘇海州等四州縣安徽五河等十一州縣衛湖
南安鄉華容二縣奉天錦州府屬旗民口糧貨山西大同鎮災區
駐防倉穀蠲緩直隸吳橋等十七州縣江蘇桃源等六十三州廳
縣衛安徽五河等三十九州縣衛浙江海甯等二十二州縣衛仁
和場兩淮富安等十四場湖南安鄉等七州縣衛山西陽州等六
州縣湖北漢川等二十六州縣衛江西南昌等十二縣福建長樂福清
山東東阿等二十一州縣衛江西南昌等十二縣福建長樂福清
二縣甘肅皋蘭等十五州縣水災旱災新舊正雜額賦
十一月乙亥以勦辦猖匪功加祁墳太子少保○戊寅命署福州
將軍瑚松額為欽差大臣都統哈琅阿為參贊大臣馳往臺灣勦
賊○庚辰冊封彤貴人舒穆魯氏為 彤嬪○壬午添設直隸豐

甯縣屬八品委署驍騎校一〇乙酉濬山東運河〇己丑諭朕冲齡就傅時原任侍郎贈禮部尚書銜萬承風原任翰林院侍講學士加三品卿銜秦承業先後在上書房課讀盡心講貫深資啓沃卽朕之今日尙能兢兢自守者兩師傅之功也眷懷舊學特沛恩施萬承風著晉贈太傅其子童生萬方林著賞給舉人准其一體會試其孫候選府經歷萬長齡著遇缺卽補秦承業著晉贈禮部尚書銜其子候選員外郎秦繩會著賞加四品卿銜嗣子監生素象會著賞給舉人准其一體會試用示朕誼篤師儒有加無已之至意〇癸巳 皇六子奕訢生〇丙申撥京倉粟米一萬餘石加賑順天武清等八州縣災民〇丁酉諭大學士長齡等會奏請將李鴻賓等從重治罪一摺已革協辦大學士兩廣總督李鴻賓辦理連山猺匪節次所奏軍情訊無含混情形尙非故意遷延而辦東華續錄 道光二十六年 五

理不善耽延月日罪實難追至連州督師五路進兵夤夜遇賊致傷兵弁所奏率多粉飾又兵丁吸食鴉片煙難於得力雖隨同禱恩等辦理猶匪完竣僅罰賠三成軍需銀兩尙不足以示懲李鴻賓著從重發往烏嚕木齊效力贖罪已革休致廣東提督劉榮慶廢弛營務致兵丁吸食鴉片煙臨事不能得力平素毫無整頓其五路進兵猝遇賊匪傷亡兵弁伊係統兵大員厥罪較重雖年逾七十不准納贖著從重發往伊犁充當苦差〇諭軍機大臣等本日據程祖洛等奏先赴廈門相機渡臺勦辦並探報提鎮先後抵臺日期一摺覽奏均悉嘉義以北匪徒陳辦等因與粵莊爭牛細故毀莊拒捕嘉義以南賊匪詹通等同時響應搶劫衙署汛防拒殺兵民戕害府縣將弁攻圍縣城勢甚猖獗彰化以南亦有匪徒黃城聚眾離縣城數里之荊桐腳加犁莊均被焚毀副將葉長春

會同該縣李廷璧保守城池見在提督馬濟勝已於十月二十八日收進鹿耳門總兵寶振彪於十一月初二日由鹿港登岸臺郡居民安堵嘉義縣雖屢被賊攻劉廷斌竭力固守見計先後調發內地官兵及臺灣道就近調澎湖兵並本年撥成班兵共七千數百餘名兵力不爲不厚程祖洛到廈門後著體察臺灣情形儻馬濟勝等到臺力能進取卽飭會同劉廷斌勦辦程祖洛卽飛速渡臺辦理善後事宜將賊首生擒解京盡法處治再將內地官兵先行陸續撤回以節糜費如賊眾兵單勢難卽行殲除著飛飭馬濟勝寶振彪與劉廷斌遙爲應援以保守城池爲第一要著毋稍輕率或有挫失轉令賊勢鴟張並著程祖洛暫駐廈門不必渡臺朕已派瑚松額爲欽差大臣哈琅阿爲參贊並飛調河南兵一千名西安滿洲營兵三百名此二處均奏報起程並調四川兵一千五百名貴州兵五百名程祖洛卽飛催瑚松額等趕緊進行俟大兵到齊一鼓作氣聚而殲旃勿留餘孽再臺灣四面皆海若賊勢窮感難保不竄入海中擒捕更形棘手著程祖洛豫飭沿海各隘口多派兵弁梭巡嚴密防堵毋任一名漏網儻有疏虞惟程祖洛等是問〇戊戌裁寶華峪筆帖式四〇己亥諭朕每年春月詣吉謁 陵歲以爲常本年夏開亢旱秋收歉薄吾民方辛苦墊隘若明年仍照例舉行蹕路所經不能不藉資民力朕甚憫焉東作方興元氣未復敬思 列祖 列宗愛育黎庶之心何忍以車馬供億重勞吾民著暫停前往想 在天之靈實鑒此心〇撥陝西南鄭等三縣倉穀給安康縣平糶〇辛丑諭盧坤等奏防勦事竣酌議善後章程一摺廣西賀縣猺匪滋事勦捕完竣善後事宜自應隨時變通以期永臻綏靖茲據該督等奏稱猺人生計艱難每

被地棍遊民欺壓著責成各該縣每於季首輕騎赴山傳諭各猺目如有前項人等立即稟究民人侵占猺業者查明退還猺人在山外承佃民業者照舊耕種納租若赴墟市交易不得任聽奸徒欺詐猺人涉訟在官諭令該猺目等交出毋許兵差入山拘擾違者役處官參儻有漢奸赴山勾引為匪者許該猺目等稟究猺人私藏鳥槍著徧行曉諭繳官領價鐵匠鋪戶受賄違例鑄造嚴拏治罪民人賣給火藥照私販硝磺例究治失察之地方官一併嚴參尤不得任聽書役人等以查繳鳥槍為名藉端索擾至猺人之安分與否惟附近猺山紳民人等聞見較真即飭各州縣文武官員於附近猺山選擇公正紳士誠實鄉民隨時曉諭令各安耕鑿毋許滋事如有外來匪徒入山嚇詐及猺頭不能妥為經營致眾猺不服者該紳民等稟報究辦並將懂事員猺隨時獎勵至猺人東華續錄 道光二十六年 五

性多愚拙易於煽惑著就各冲設立義塾於附近紳衿中擇延品端學正之士以四子等書訓課猺童各該縣隨時親臨查察其類秀可教者優為獎勵並恭宣 聖諭廣訓俾猺眾漸知禮法勉為馴良數年之後果能讀書向義酌量奏明設立猺童學額至所請重官守以資治理選猺目以定賞罰二款著該部議奏○是月陝西漢中等五府州廳屬甘肅宜禾縣被災口糧吉林等七處耕種蠲緩甘肅宜禾縣通款

十二月甲辰撥浙江江西倉穀二十萬石濟福建民食○裁福建沙縣長汀縣丞興化泉州漳州延平建甯汀州各府司獄福清莆田浦城清流永定甯德福鼎永春大田各廳縣巡檢○丙午命滑京城內外河道以工代賑○戊申改江西豐城縣土隄為石隄○撥浙江沿海州縣漕米十萬石接濟福建○壬子諭史譜奏額勒

渾莫崇武改由內地行走等語散秩大臣額勒渾頭等侍衛莫崇武致祭阿拉善王事舉本應取道口外行走此次改由內地雖係自雇車馬並未動用驛站惟改道行走究屬不合俱著交部議處○己未諭軍機大臣等程祖洛奏探明嘉義賊匪分莊拒守提鎮兩路進剿並暫駐廈門策應一摺覽奏及圖均悉彰化首匪黃城自攻破斗六門後侵入彰化西螺等處偽稱北路大元帥黏貼告條混造年號詞語狂悖大小股首張丙等十二處在嘉義境內分佈句結抗拒官兵南北兩路文報不通實堪髮指程祖洛因黃綏誥等攜帶銀兩僅止守備一員護送難以放心飛飭副將黃忠貴帶兵八百名改道蚶江與黃綏誥等同渡鹿港並催帶領省標各兵之參將靈德作為後應所辦向妥實振彪自彰化前進已於十一月二十日進嘉義城馬濟勝在茅港尾殺賊甚多二十五日行抵離嘉義城五十里之鐵綫橋紮營連勝二陣雖係探報傳聞之信惟三路會合夾攻尚是絕好機會宜著飛催內地續調官兵星夜東渡參將達明阿等已於澎湖開駕正可為馬濟勝策應該督即遵前旨暫駐廈門催福甯邵武汀州等營兵隨到隨渡並飛咨瑚松額等迅速前進分路控剿不留餘孽解散脅從招集義勇以孤賊勢其單開大股首四名張丙陳連黃番婆詹通偽軍師一名吳殿先聽令股夥三名劉仲劉謀蔡恭小股首八名陳辦吳贊梁信梁辦吳猷吳榮吳和吳棟偽副軍師一名吳有成彰化首匪黃城除臨陣殲斃外著名首匪必須生擒解京盡法處治斗六門陣亡署縣丞方振聲等及兵丁若干名查明照例賜卹所奏調浙江兵三千名處州鎮總兵高明德為總統等語高明德豈能帶兵浙省兵豈能得力所見差矣著仍遵前旨停止浙兵毋令前往又另片

奏原任提督王得祿情願帶兵渡臺等語王得祿曾任水師提督歷著勞績此次請帶兵渡臺並在內地雇備鄉勇五百名殊堪嘉尙該督委閩安右營都司許遠生等帶領精兵三百名渡埔仔脚一帶港汊驅逐賊船自是甚好機會著傳旨褒獎該提督果能乘其不備疾趨嘉義會同劉廷斌南應馬濟勝北接寶振彪並防賊匪竄海之路朕必加以懋賞○壬戌實授文慶禮部右侍郎松筠理藩院左侍郎○丙寅諭軍機大臣等本日據魏元烜由六百里馳奏提臣到臺後連得勝仗擒獲賊匪股首餘匪星散請旨截回各省勁旅一摺據稱提督馬濟勝總兵寶振彪自臺灣府城及鹿港馳抵嘉義與提督劉廷斌會合南北道路已通賊匪各股首雖黃番婆劉港二犯未知曾否就擒而陳連劉仲詹通三名既經報獲又連獲賊目多名大股聚眾三五千者所存二三百人小股止存百餘人或三五十人各村莊圍集丁壯助官獲犯義勇招雇不少所謂之兵陸續抵臺接捕餘匪已敷調遣應將河南四川貴州西安等兵截回等語見已飭令瑚松額抵閩後即行渡臺督同劉廷斌馬濟勝接捕黨與務期悉數殲擒並諭程祖洛渡臺辦理善後事宜河南等處官兵自應撤回歸伍以免跋涉侍衛巴圖魯章京等已令瑚松額酌帶數員渡臺餘著哈琅阿管帶回京其馬濟勝函稱十一月二十六日曾有摺稟聲敘續獲勝仗焚毀賊巢擒獲股首詹通各情形該撫接到後想已即行具奏矣○丁卯李文耕年老休致以吳傑為貴州按察使由廣東選○戊辰諭軍機大臣等據魏元烜奏十二月十二日接到馬濟勝十二月初三日函報擒獲股首黃番婆劉港二名賊夥謝成陳青山二名大賊目戴闊一名匪犯黃水來等六十四名查明前獲劉仲係疊攻嘉義賊

害遊擊周承恩之兇要首犯押赴周承恩墳前凌遲立決見獲劉港係在店仔口與詹通賊害知府呂志恒要犯黃番婆係在府城西關外行劫肇釁謀逆要犯均應凌遲俟該提督前往南路時帶至店仔口等處辦理其餘各犯同劉廷斌擒獲偽帥吳貂柯和尚賴牛軍師林世治黃寅偽先鋒邱據並逆夥一百數十名均在嘉義正法鳳山縣大湖二層行溪一帶賊鼠擾已撥兵一千二百餘名義民四百名交副將謝朝恩督同參將達明阿帶往勦捕又接到廷斌移送摺稟將此案起釁根由及奪獲偽印黃色帽單槍礮賊械俱報督臣具奏此案賊目各處所報不同渠魁究竟何人是否已經正法見已飛催確查賊勢既感見飭舟師及沿海文武加緊巡察並咨浙江廣東一體堵捕復經水師提督陳化成派兵飛渡臺灣通洋各港汊查拏堵截等語覽奏均悉瑚松額程祖洛東華續錄 道光二十六年 三五

見已諭令渡臺接勦餘匪辦理善後事宜此案渠魁已令確查具奏賊匪勢窮力蹙計無復之恐以海為逋逃淵藪已諭該將軍等通飭水陸官兵截其入海之路並飛咨浙江廣東一體巡防該撫務嚴飭沿海文武員弁實力查拏毋許一名竄入四川貴州官兵已降旨撤回河南官兵西安馬隊已諭該將軍等酌量或留若干或全數撤回一面飛咨辦理一面奏聞○己巳召多咨安來京以阿勒清阿為廣西按察使由科布多參○庚午諭本日據馬濟勝劉廷斌由驛馳奏勦捕嘉義賊匪擊獲要犯多名撥兵前赴南路勦捕各摺片覽奏欣慰此次臺灣匪徒聚眾滋事戕害府縣實堪痛恨提督劉廷斌帶兵馳赴嘉義該匪四面圍攻該提督督率守禦沿途打仗殺賊奪獲旗幟器械生擒偽帥吳貂柯和尚賴牛偽軍師林世治黃寅偽先鋒邱據並賊夥一百餘名事經三月之久

一切奮勇出力馬濟勝渡臺後在茅港尾屢獲勝仗生擒股首詹通陳道陳皎黃網林景和抄營進屯鹽水港會同劉廷斌分派弁兵四處截擊獲股首黃番婆賊夥謝成陳清山其股首劉港劉仲經官兵等先後縛送又獲賊目戴闖匪犯黃水來等六十四名逆首張丙黃城賊目廖花匪夥李略等十一名見赴南路勦捕均臻委速俱屬可嘉之至馬濟勝劉廷斌俱著先行加恩賞戴雙眼花翎並交部從優議敘前任臺防同知代理臺灣府事王衍慶於防堵機宜辦理周密著加恩賞戴花翎交部從優議敘發去雙眼花翎二支著馬濟勝劉廷斌祇領將此通諭中外知之○是月貸直隸災區各營兵餉山西豐鎮等六州廳縣災民倉穀展緩浙江仁和等七縣逋賦○是歲朝鮮南掌暹羅琉球入貢○會計天下民殺數除福建未報外各省通共大小男婦三萬九千七百一十三

東華續錄

道光二十六年

三

萬二千六百五十九名口各省通共存倉米穀三千二百二十三萬四千五百五十七石二斗七升八合

東華續錄

道光二十七年

臣王先謙敬編

臣周澗蕃恭校

道光十三年癸巳春正月丁丑諭軍機大臣等本日據劉廷斌由四百里奏報生擒逆首陳辦並擊獲偽帥股首分別辦理一摺所辦甚合機宜朕心嘉悅此次嘉義紳民困守五十餘日兵勇屢次殺賊奪燬焚巢官民依繫若家人父子該縣紳民深堪嘉尚著瑚松額程祖洛查奏候旨施恩所有擊獲偽帥賴和尚及羅雲章黃城暨逆首陳連及在彰化擊獲張臨等各犯俱著瑚松額程祖洛確切查明員弁兵丁義勇候朕懋賞其嘉義新南港總理林振賢等督率莊民林欽瑞等生擒逆首陳辦可嘉之至見在四逆俱擒張丙前已有旨解京其陳辦陳連二犯著即派委委員迅速解京

東華續錄

道光二十七年

一

盡法懲治以彰國憲而快人心其詹通一犯據劉廷斌奏同張丙一處管押亦著一併解京其匪應接捕者務須盡絕根株著瑚松額會同劉廷斌馬濟勝妥為辦理其善後事宜最關緊要本係地方官之責其焚毀村莊應安撫者務須妥為安輯若不趁此時辦理妥協將來大兵歸伍或尚有餘匪竊發朕惟程祖洛是問至劉廷斌於該處安輯後應赴廣東新任即著劉廷斌自行酌量察看該處地方安靜無虞再行起程前往可也○調湯金釗為戶部左侍郎何凌漢為吏部右侍郎以姚元之為工部右侍郎

由內閣

○福建提督馬濟勝奏到臺日期並查探賊匪情形得旨初到之時所見皆是故能以少勝眾不煩內地兵力而奏膚功可嘉之至又奏飭副將謝朝恩等即帶兵赴彰化協勦以分賊勢批彼時光景不知汝何等著急也可嘉可念○丙申以畿輔上年歉收撥京

倉粟米三千石發大興宛平縣屬設廠煮賑○濟京師九門護城河並內城河道以工代賑○丁酉楊懌曾以病免以麟慶為湖北巡撫額騰伊為貴州布政使調怡良為江蘇按察使以蔡世松為安徽按察使由道員○庚子方載豫年老休致以光聰諧為甘肅布政使陳崇禮為直隸按察使由長蘆鹽運使○辛丑諭本日朱士彥等由四百里馳奏桃南廳于家灣合龍壩工暫鎮穩定關門邊堵堵閉情形並將在工出力人員懇請鼓勵一摺向來辦理河湖各工遇有潰決處委係險工疊出猝不及防人力難施事竣後在工人員著有勞績自應給予議敘至上年龍窩汛十三堡奸民聚眾強空官隄該管各官漫不經心疏於防護以致奸民陳端等明目張膽執持器械攔截行人捆縛巡兵將大隄創穿殊出情理之外此次壩工穩定邊堵堵閉各該員縱有微勞亦屬分所應為之事

東華續錄

道光二十七年

二

非歷次大工可比若濫邀議敘尙復成何事體朱士彥等所請懇予鼓勵之處著不准行首犯陳端起意糾眾窺隄日久未獲殊屬延玩著陶澍林則徐嚴飭所屬勒限緝拏務獲審辦不得以于家灣業經合龍河身已復故道置之度外如緝捕鬆懈致要犯日久稽誅陶澍林則徐恐不能當此重咎也張井等若無頂帶不足以資彈壓張井著加恩賞給四品頂帶王貽象張兆薛朝英著加恩賞給五品頂帶均著仍帶革職留任八年無過方准開復

二月壬寅朔以吳傑為順天府府尹王瑞徵為貴州按察使由江蘇道員○甲辰 上御經筵○乙巳以程恩澤為內閣學士兼禮部侍郎銜由廣東道員○丙午以直隸米價增昂發倉穀設廠煮賑○己酉

以楊殿邦為貴州按察使由廣東道員○癸丑諭軍機大臣等姚元之奏臺灣營務亟宜整頓一摺臺灣合漳泉潮粵之民而聚處尋

覓逞忿勢所不免其俗剽悍浮動好事當無事時有人立市一呼今日搶某處某家頃刻之間從者數百絕不為怪此風斷不可長南路有鹿耳門北路有鹿港有八里全無票之人槩不准渡弁兵不免賣放之弊一船恒數百人其沿海僻靜處所在在可以偷渡內地遊手無賴及重罪逋逃之犯潤迹其開臺民利其備不取值多樂容之及不足相養乃羣起而為盜是臺灣盜賊之多實由於此地方大吏必須嚴密稽查以杜其源所奏臺灣一鎮設班兵一萬四千六百有奇到臺即住宿倡家日以聚賭為事攬載違禁貨物欺虐平民官若查拏輒鼓噪欲變甚至械鬪殺人不暇地方官申理不聽本管官鈐束違禁犯法無所不為而水提金門二標為尤甚又有身列行伍不事訓練每操演時本地別有習武匪徒專為受雇替代設有奸宄滋事即依附為其兇黨種種積弊尤為可

東華續錄

道光二十七年

三

惡國家費如許帑金養兵衛民所以戢奸禁暴如該侍郎所奏窩倡聚賭械鬪殺人不服約束尙復成何事體至營中操演有受雇替代之弊則是我兵竟作壁上觀而此輩無藉遊民性本獷悍而又習之以戰鬪假之以凶器豈不相率而為盜耶該鎮將等若竟昏庸毫無聞見則為形同木偶或竟知而不辦則是喪盡天良釀成事端罪無可逭程祖洛甫經到任無所用其回護著將摺內所指各情節實力稽查如有前項情弊即著嚴參從重究辦毋稍姑息此次辦理善後務須大加整頓破除積習妥立章程俾海疆得以永靖方為不負委任○戊午撥江甯藩庫銀三十五萬兩備淮揚等屬展賑○己未四川越嶲廳等處夷匪滋事命那彥寶桂酒等勦辦○己未直隸總督那彥成卒贈尙書銜予祭葬諡文毅釋其子容安回旗○壬戌諭此案庫丁戴雲終因解官不暇同交兌

起意虛立印付侵盜餉銀繼因奎秀等恐虧庫項未允該犯輒敢飾詞懲憑以致阿成等舞弊婪贓實爲此案罪魁執法已極此而不嚴行懲辦何以儆奸蠹而肅紀綱戴雲峰著卽處斬已革給事中阿成聽信戴雲峰等虛出通關截留侵餉得受賊銀一千兩之多該革員身任查庫御史職司風憲盤點是其專責乃舞弊卽係查弊之人尤出情理之外阿成著卽處絞○甲子以恩桂爲內閣學士兼禮部侍郎銜事○乙丑賑臺灣被賊滋擾閩粵難民○再發京倉粟米五十石加賑大興宛平兩縣並添設粥廠○辛未諭軍機大臣等那彥寶等奏官兵疊剿夷匪清溪縣境肅清一摺此次夷匪滋擾經提督桂涵密派將備帶兵馳往沙坪及几子山水桶溝等處截擊官兵行至沙坪三路並進奮勇攻擊斃賊千餘人零匪分散次日移營富林汛聞山後香樹頂有賊派兵馳勦左東華續錄 道光二十七年 四

右兜擒殺賊百餘轟斃亦多餘匪奔竄進勦几子山該處係賊匪眷屬藏匿聚匪無多旋赴水桶溝接捕該處係馬林住居寨堡山梁險峻槍礮轟擊斃賊二三百人馬林房屋當卽焚毀又有阿吾一支夷匪約千餘人占踞山梁前來攻撲官兵三路繞道前進轟斃落巖無算餘匪從後山逃竄提訊各犯據供馬林等意欲奪回漢民地畝分給耕種我們亦因漢民大多占住地方是以隨同焚搶至清溪縣避難民人漸次復業該匪並不占踞屯集沿途禾苗亦未蹂躪辦理迅速頗合機宜前經降旨令那彥寶前往督辦清溪見已肅清那彥寶可以無庸前往惟馬林一犯必應擊獲重懲著該提督設法搜擒以淨根株阿吾地方亦須屯兵以遏分竄之路勿任漏網其大樹堡夷匪畏懼斂迹巖邊一路派兵防堵俟清溪夷匪殲除卽往查辦俾夷疆一律震驚○是月加賑直隸薊州

等七州縣災民貸陝西漢中等五府州廳貧民倉穀緩徵江蘇秦州等二十二州縣衛通賦葉爾羌等三城災回糧石三月壬申朔盧坤奏擒獲粵洋盜首楊就富等○乙亥 上親耕藉田○丙子諭富俊奏請將各部院衙門條例定議畫一俾知道守並請敕臣工認真辦公一摺各部院衙門例案隨時酌量增改自須各定專條俾知遵守原不應界涉兩歧致書吏得以藉端舞弊嗣後各衙門於纂修則例時務須悉心酌議將兩歧例案悉予刪除總不得彼此通融互可援引致令不肖吏胥從中舞弄庶足以昭畫一又所稱臣下辦公不當虛應故事如有顛預怠玩者當卽懲儆等語見在諸大臣認真辦事者原不乏人卽偶有未能振作者朕亦隨時訓飭未嘗稍事姑容諸大臣尤須體朕勵精圖治之心實力奉公各盡厥職以熙庶績而臻上理○允大學士盧蔭溥致仕加太子太保在籍食俸○辛巳 上閱火器營兵○乙酉四川提督桂涵卒於軍贈太子少保賞治喪銀五百兩予祭葬諡壯勇○丙戌展五城飯廠煮賑一月○己丑命直隸興修水利以工代賑○癸巳予臺灣死事縣丞方振聲諡義烈署守備把總馬步衛諡剛烈陳至成諡勇烈均加銜給世職入祀昭忠祠並命建專祠於斗六門以厲賊抗節振聲張氏步衛妻唐氏均諡節烈及從難幕友家人附祀○丙申諭盧坤等由驛馳奏生擒越南巨盜陳加海匪巢盡掃華夷洋面肅清一摺此案越南國奸民陳加海卽阮保與內地遊匪楊就富均在夷洋狗頭山嘯聚陸續擄傷多人入夥共船三十六隻四出行劫先經遊擊林鳳儀等帶領兵船駛赴夷洋圍捕都司余靖生擒楊就富並獲夥犯多名其陳加海船撞礁擊破帶妻屬伙伴逃入深山茲據奏稱越南土目稟報

生擒陳加海即阮保並匪黨阮文軍等男婦十一名口押回州屯
 檻禁並據商船壯勇宋敬利陳金發知首犯已獲遂轉至青藍山
 按獲餘匪陳亞幅等七名斬匪目黃矮二王亞二首級通判陸向
 榮等按獲逃匿逸犯王亞大覃大業二名署瓊州鎮謝德彰等在
 竹山一帶獲解匪犯黃沅洗等十餘名其文武委弁獲解匪黨張
 亞德等二十餘名並經廉州府知府張培春究出此股洋匪尚有
 出海為盜主謀之林致雲見在冠頭嶺外洋遊奕窺伺經該府密
 飭員弁前往躡擊獲解來府提同各犯質證究出行劫實情尚屬
 能事提督李增階見駐儋州督飭參將林開疆等文武緝獲吳亞
 麟等十七名並船隻鐵礮越南國藤牌等件賊巢已掃渠魁就獲
 華夷洋面全就肅清辦理甚為妥速覽奏欣悅著盧坤等即提集
 見獲首從各犯嚴訊確情按律從重定擬毋稍寬縱其在事出力
 東華續錄 道光二十七年 六
 文武員弁著盧坤等擇其尤為奮勉者秉公酌量保奏候朕施恩
 毋許冒濫○戊戌調姚元之為刑部右侍郎以廖鴻荃為工部右
 侍郎由內閣○張井以病免以麟慶為江南河道總督鄂順安為
 湖北巡撫調裕泰為刑部右侍郎由盛京工部○庚子雨○是月貸
 直隸紫荆關營兵奉天錦州府屬兵丁湖南乾州等五廳縣屯丁
 苗佃倉穀緩徵山東積欠錢糧山西山陰定襄二縣歉收新舊額
 賦展緩長蘆山東各商通課
 夏四月辛丑朔調鄂順安為山西巡撫尹濟源為湖北巡撫○丙
 午太子少保前任伊犁將軍玉麟卒晉太保入祀賢良祠賞銀一
 千兩治喪○丁未大雨○戊申以蘇成額為熱河都統貴慶為漕
 運總督調恩銘為倉場侍郎松筠為工部左侍郎轉聯順為理藩
 院左侍郎以寶尙阿為理藩院右侍郎由內閣○己酉命潘世恩

為體仁閣大學士調朱士彥為吏部尙書以白鎔為工部尙書湯
 金釗為左都御史調何凌漢為戶部左侍郎李宗昉為吏部右侍
 郎張麟為戶部右侍郎以朱為弼為兵部左侍郎由吏部○庚
 申麟慶丁憂以張井暫署江南河道總督○辛酉 上奉 皇太
 后臨視 皇后疾○壬戌諭福建臺灣遊匪滋事提督馬濟勝劉
 廷斌會同勦辦殲擒賊匪多名會降旨將該提督等賞戴雙眼花
 翎交部優敘茲據瑚松額等查明上年冬間逆匪張丙等聚黨分
 股戕害官弁惟時全臺官兵有一萬四千餘名之多劉廷斌嬰城
 固守請調兵三萬速赴救援馬濟勝帶兵二千渡臺接仗所向克
 捷賊匪紛紛潰散各股逆首陸續就擒大股戡定見在搜捕零匪
 剋期蕪事全臺得臻安謐朕思上年湖南廣東勦辦猺匪提督羅
 思舉余步雲俱屬奮勇出力特沛恩施加以懋賞但湖南猺匪滋
 東華續錄 道光二十七年 七
 事彼時有總督盧坤駐營調度即廣東猺匪勦撫安速蕪功亦係
 欽差大臣禧恩瑚松額等會同籌度指示機宜茲者臺灣一役當
 瑚松額等未經渡臺以前若非馬濟勝身先士卒有勇知方能以
 少勝多殺賊致果則全局事勢不堪設想是馬濟勝之功較之羅
 思舉余步雲二人尤為偉鉅必當優加懋獎篤眷庸庸馬濟勝著
 加恩賞給二等男爵世職以示朕論功行賞權衡至當之意○那
 彥寶奏逆首馬林就擒○甲子 上奉 皇太后臨視 皇后疾
 ○己巳申刻 皇后崩 上親臨視西刻詣澹懷堂 大行皇后
 梓宮前奠酒諭皇后正位中宮事朕二十六年柔嘉維則孝敬無
 違此宮中府中所共知者今抱沈疴竟成長逝失此內佐痛何忍
 言著派惇親王蘇愷總管內務府大臣禧恩禮部侍郎文慶工部
 侍郎裕誠總理喪儀○庚午 上詣澹懷堂 大行皇后梓宮前

奠酒至庚辰皆如之午刻奉 皇太后臨奠○是月貸盛京義州兵米湖南新田縣民徭籽種展緩直隸通州等四十四州縣衛被旱新舊額賦緩徵山西朔州等五州縣歉收新舊額賦

五月辛未朔賜汪鳴相等二百二十人進士及第出身有差○癸酉調德興為盛京戶部侍郎以德春為盛京兵部侍郎由左副都御史遷

○甲戌以劉韻珂為浙江按察使由雲南道遷○丁丑 上詣澹懷堂

大行皇后梓宮前行殷奠禮○楊芳奏馳抵軍營擬分兵勦辦夷匪越嵩大樹堡地東一帶夷巢經將弁等在哈白堡一帶疊次勦戮匪徒潛匿山嶺應分兵深入以次搜捕越嵩一路有兵六千八百餘名副將何占魁將夷巢殲除過半餘數處夷匪亦多竄匿

因阻雨水尚未周歷留兵二千名責成該副將帶領搜捕遺孽撥兵三百名令遊擊楊麟帶往大樹堡地南甯越營地方交總兵萬榮合原帶兵丁五百名共八百名在彼處鎮靜彈壓其大樹堡為積貯糧石接應各路要隘並防河岸留兵二千一百餘名責成副將馬光宇濬濠建礮為居民捍衛通共留兵四千九百餘名抽出

新疆松潘漢屯官兵一千九百名歸併我邊為進剿之用報聞○戊寅楊振麟以病免以郭承恩為廣東按察使由安徽甯池道遷○辛巳 上詣澹懷堂 大行皇后梓宮前行初祭禮釋服○壬午辰刻 上詣澹懷堂 大行皇后梓宮前行啓奠禮西刻奉 皇太后臨奠○諭王以下有頂帶官員以上百日後雜髮軍民人等一月後雜髮均百日內停止宴會音樂○刑部覆奏兩江總督陶澍等議覆給事中孫蘭枝奏紋銀出洋請明定例案一條查白銀一項雖非銅鐵製造軍器者比惟內地物產應供內地之用若私運出洋則內地轉形支絀應如該督所議另立治罪專條嗣後紋銀

出洋一百兩以上請照偷運米穀一百石以上例發近邊充軍一百兩以下杖一百徒三年不及十兩者杖一百枷號一箇月為從知情不首之船戶各減一等問擬纂入則例永遠遵行從之○癸未 上詣澹懷堂 大行皇后梓宮前奠酒奉移 大行皇后梓宮於觀德殿○楊芳奏越嵩大樹堡地東一帶夷匪經副將何占魁帶兵直進老林堡茶林周火山等處搜捕殲匪百餘四月十九日何占魁帶兵裹糧令土司嶺華封導引躡路直抵恰落果果臨日河地方該匪在果果對山抵拒二十日兵分三路攀藤附葛直抵夷巢奮力攻擊殺斃不計其數賊堡百餘悉行焚燒其未滋事各夷隨時撫馭仍安耕鑿見尙有恃險深匿之匪應遠捕窮按淨其萌孽見在裁邊一路屢被賊匪潛出突殺帶兵啓程馳赴該處將該廳夷匪剋日蕩除報聞○丁亥 上詣觀德殿 大行皇后

東華續錄 道光二十七年 八

梓宮前奠酒○以倭什訥為內閣學士兼禮部侍郎銜由奉宸苑卿遷○己丑楊芳奏四川裁邊廳夷匪首逆桑樹格等就擒○庚寅諭向來奏事處遇有奏摺總當接收其摺中所陳何事原不應問惟遇形迹可疑亦當留心盤詰將遞摺之人扣留以憑訊辦本日有不識姓名人擅遞封章並將摺匣封口事屬糊見奏事處率行收受並未將遞摺之人扣留以致杳無蹤迹難憑究辦太不成事非尋常疏忽可比與保著交部嚴加議處哈阿著交部議處尋降與保三級調用退出奏事處哈阿降二級留任不准抵銷○壬辰諭前因惇親王縣愷文慶來圍奏事朕俱召見據惇親王縣愷面陳與禧恩等共商軍民人等雜髮停止宴會之處於義未協引用百姓如喪考妣四海遏密八音之說惇親王等既有此說是以降旨再交大學士軍機大臣會同禮部詳查例案悉心妥議具奏茲

東華續錄 道光二七

出洋一百兩以上請照偷運米穀一百石以上例發近邊充軍一百兩以下杖一百徒三年不及十兩者杖一百枷號一箇月為從知情不首之船戶各減一等問擬纂入則例永遠遵行從之○癸未 上詣澹懷堂 大行皇后梓宮前奠酒奉移 大行皇后梓宮於觀德殿○楊芳奏越嵩大樹堡地東一帶夷匪經副將何占魁帶兵直進老林堡茶林周火山等處搜捕殲匪百餘四月十九日何占魁帶兵裹糧令土司嶺華封導引躡路直抵恰落果果臨日河地方該匪在果果對山抵拒二十日兵分三路攀藤附葛直抵夷巢奮力攻擊殺斃不計其數賊堡百餘悉行焚燒其未滋事各夷隨時撫馭仍安耕鑿見尙有恃險深匿之匪應遠捕窮按淨其萌孽見在裁邊一路屢被賊匪潛出突殺帶兵啓程馳赴該處將該廳夷匪剋日蕩除報聞○丁亥 上詣觀德殿 大行皇后

東華續錄 道光二十七年 九

梓宮前奠酒○以倭什訥為內閣學士兼禮部侍郎銜由奉宸苑卿遷○己丑楊芳奏四川裁邊廳夷匪首逆桑樹格等就擒○庚寅諭向來奏事處遇有奏摺總當接收其摺中所陳何事原不應問惟遇形迹可疑亦當留心盤詰將遞摺之人扣留以憑訊辦本日有不識姓名人擅遞封章並將摺匣封口事屬糊見奏事處率行收受並未將遞摺之人扣留以致杳無蹤迹難憑究辦太不成事非尋常疏忽可比與保著交部嚴加議處哈阿著交部議處尋降與保三級調用退出奏事處哈阿降二級留任不准抵銷○壬辰諭前因惇親王縣愷文慶來圍奏事朕俱召見據惇親王縣愷面陳與禧恩等共商軍民人等雜髮停止宴會之處於義未協引用百姓如喪考妣四海遏密八音之說惇親王等既有此說是以降旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

旨再交大學士軍機大臣會同禮部詳查例案悉心妥議具奏茲

據大學士長齡等會奏朕詳加披閱內稱乾隆十三年五月二十三日奉 皇祖高宗純皇帝諭旨 孝賢皇后大事一切典禮朕皆斟酌古今務協其宜蓋皇后體原尊貴然以天子之禮視之則節文亦自有別縱令伉儷恩篤亦不可事事從而加厚以致失之太過卽或情誼稍有未洽亦不宜事事從而貶抑以致失之不及朕於 孝賢皇后情誼隆重固天下臣民所共知而經紀喪儀從不肯以一毫私意稍紊典常考明代嘉靖七年孝潔陳皇后之喪閣臣張璠援引古禮以為喪服自期以下諸侯絕特為旁期言若妻喪本自三年報服殺為期年固未嘗絕上宜為后服期等語其折中頗為允當今據大學士等奏禮儀內如升殿作樂一節凡屬大朝祀典照例舉行朕意今年內尋常升殿但鳴鐘鼓樂懸而不作庶為合宜至來年正月將屆期年一切典禮著照康熙十四年東華續錄 道光二十七年 十

之例如常儀欽此仰見 聖諭煌煌斟酌盡善後世子孫總當恪遵 成憲不敢以私意稍紊典常是以朕前降諭旨 皇后喪儀乾隆十三年 皇祖妣孝賢純皇后大事固不敢踰嘉慶二年 皇妣孝淑睿皇后大事尤不敢過與 皇祖高宗純皇帝諭旨不至失之太過不至失之不及二語實相符合茲悼親王縣愷引用百姓如喪考妣四海遐邇八音之語殊屬不倫蔡沈集傳註云遐絕密靜也八音金石絲竹匏土革木也言堯聖德廣大恩澤隆厚故四海之民思慕之深至於如此也儀禮圻內之民為天子齊衰三月圻外之民無服今應服三月者如喪考妣應無服者過密八音註意深切著明豈悼親王等全未寓目不加體察乎况虞書二語係指帝堯而言並非指帝堯之后不學無術信口亂談惟恭查乾隆十三年六月初九日奉 旨副都統海昌奏熱河官兵接奉

部文副都統以下官員以上俱穿二十七日孝服兵丁摘纓二十七日俱過百日薙髮所辦甚是等因欽此此次既經長齡等詳查例案妥議著仍遵前旨王以下有頂帶官員以上均著百日後薙髮期內停止宴會音樂軍民人等均著一月後薙髮百日內停止宴會音樂其在京旗人著照乾隆十三年熱河兵丁之例俟百日後薙髮其餘東三省暨各省駐防及京城外之寶坻縣滄州等處小八旗兵丁俱仍著一月後薙髮毋庸更改至悼親王縣愷來圍具奏時痛哭流涕並奏稱四人共商意見相同妄加援引若將伊等照大不敬律治罪伊等自思能當此重咎乎悼親王縣愷禮恩文慶裕誠著交宗人府吏部嚴加議處此係朕姑從寬典僅予薄懲將此通諭中外知之○癸巳以奕澤為左副都御史由通政使還

○乙未 上詣觀德殿 大行皇后梓宮前行大祭禮○ 上臨東華續錄 道光二十七年 十

故伊犁將軍玉麟第賜奠○丁酉諭本日吏部會同宗人府嚴議悼親王縣愷等分別降調罰俸均屬咎所應得前據悼親王縣愷面奏與禧恩等共商軍民人等薙髮停止宴會音樂之處於義未協並未體察註義妄加援引不學無術信口亂談糊塗紕繆已極朕若將伊等照大不敬律治罪伊等能當此重咎耶試觀見在大行皇后之事較之嘉慶二年儀文已有過當之處因時制宜實不得不然耳朕心深覺不安而抱慟且朕孝養 皇太后時祝無疆之慶卽朕之春秋亦未甚衰乃縣愷等曉曉以天下應百日不薙髮爭辯是何肺腑實出情理之外悼親王縣愷著革去內廷行走並革去都統罰親王俸十年分作二十年坐扣每年仍賞給親王半俸禧恩著革退御前大臣戶部尚書所有總管內務府大臣印鑰交著英佩帶並著著英管理奉宸苑事務禧恩毋庸管理文

慶係翰林出身虞書二語註義深切著明若竟不知則學問亦太淺薄若知而不言大臣遇此等事不肯開誠布公隨聲附和尤屬非是文慶著革去副都統降為三品頂帶裕誠著革去護軍統領退出乾清門禧恩文慶裕誠部議降三級調用之處俱著加恩改爲降四級留任六年無過方准開復此係朕姑從寬典僅予薄懲惇親王繇愷等當知感懼勉圖後效無負朕諄諄訓誡之至意○調穆彰阿爲戶部尚書博啓圖爲工部尚書以禧恩爲理藩院尚書○己亥 上詣觀德殿 大行皇后梓宮前行周月祭禮○楊芳奏查明此次同時滋事分起爲首各堡兇頑尙有甘戶移等哨聚老木孔山峒嚕崖老林派遊擊王連元等帶兵赴山峒擒因峒形紆曲攀藤附葛搶近峒門生擒甘戶移等遊擊包相卿帶兵往嚕崖夷巢奮力分投兜截老木孔及嚕崖首惡悉行東華續錄 道光二十七年 十三
殲除其萬家石十二地熟夷攜眷投誠令其自行指出殺人放火之犯立即正法投首男婦大小四百五十三名口俱各省釋其磨塚等處查拏奸宄撫字良善一律緩輯裁邊河北二十六地滋事夷匪業已廓清見添修船隻進勦河南十二姓又曲曲鳥野夷隨同滋事擬將裁邊掃蕩後卽由該處前進查辦報聞○是月展緩直隸寶坻等十州縣被旱江蘇清河等十二縣衛積歉新舊額賦六月庚子朔日有食之○劉彬士以病免調朱爲弼爲倉場侍郎轉王楚堂爲兵部左侍郎以龔守正爲兵部右侍郎由左副都御史遷○癸卯諭軍機大臣等長清等奏開導霍罕夷使輸服筵宴賞資護送出卡一摺霍罕伯克前遣額爾沁密爾維阿依普進卡求立商頭並欲向別部落抽稅經長清等派章京會同阿奇木伯克等隨時前往開導反復曉諭該夷使自知理屈無可置辨適因交易事

竣懇求出卡並稱以後遵照舊章貿易不敢妄求長清等又傳見宣諭以爾等既知悔過姑且免究並令告知霍罕伯克以後當知感懼畏受厚恩斷不可以非理之事妄生希冀該夷使伏地碰頭自認糊塗甚爲帖服隨卽筵宴酌賞元寶綉段茶葉等物差派弁兵伯克回子護送出卡並以該夷人見雖恭順似無變更究竟犬羊性成其心叵測不可不時加防範以絕其覬覦所見甚是該夷使既經輸服歸誠該伯克以後自可安靜照常貿易萬一覬覦復萌稍存窺伺難保不別滋事端該參贊等務須督率將弁操演兵丁巡查卡倫內外仍通行各城辦事領隊大臣等一體勤慎操防並豫籌儲蓄糧餉務期兵精糧足以逸待勞聲勢聯絡互相應援方爲有備無患○乙巳申禁各省將弁等違例坐轎○戊申調光聰詣爲直隸布政使以色卜星額爲甘肅布政使戚宗彝爲甘肅按察使由廣西左道遷○庚戌申禁粵洋民人以紋銀易貨洋人以洋銀易貨○乙卯諭御史朱嶠奏請慎重名器一摺所奏甚是可嘉之至國家設科取士三年大比錄其文藝優長者試於禮部量才而後官之並於正科之外開設恩科原以嘉惠士子甄拔真才以備朝廷任使上年畿輔荒旱收成歉薄節經賑糶頻施而春雨未透百姓嗷嗷待哺該地方官倡議勸捐適有直省紳士捐輸經該督府尹等奏請朕因花翎以待軍功未便率行賞給而該員等不分畛域急公好義亦不能不量予獎勵是以做照年老諸生未經登第賞給舉人副榜之例分別辦理姑允所議原係一時權宜未嘗著爲定例也若如該御史所奏未登仕版者將可報捐中書已列部曹者又將保送御史甚至買通關節雇倩槍替識趨日卑術業漸廢生富人僥倖之心阻寒儒進修之志亦不可不防其漸

嗣後各直省督撫及順天府尹等偶遇水旱偏災如有摺誠捐輸應須嘉獎之處在士庶或酌給匾額或議敘職銜在官紳或准其加級或予以升途槩不准請賞舉人即使援引成案妄行演請亦斷不能仰邀允准其已經賞給者如有關節槍替等弊國法具在亦不能因加恩在先槩予寬宥朕於勸善之經求賢之道總期並行不悖該士子等務須經明行修敦崇實學自然登進有階無妄生冀倖之心也○丙辰諭軍機大臣等楊芳奏十二地熟夷投首我邊全境廓清擬即進兵曲曲烏石圈子勦辦野夷情形一摺據稱遊擊王連元包相卿等分路進兵並抵鹽井溪該夷匪遁入石圈子老林該提督率領參將樊豐年等帶兵渡河至鹽井溪包相卿等帶領夷人男婦千數名伏地跪迎慮及夷性狡黠兵撤復叛若驟加勦洗又恐其投匪抗拒密派義勇混入曲曲烏夷巢宣

東華續錄 道光二十七年

五

示利害又遣投誠熟夷潛入二十六地曉諭恩威散其黨與該夷匪見兩路官兵同時鈔到據其腹心又見先來投誠之賊目海潮舉等未加誅戮遂出投誠念其尚知悔懼且有竄入曲曲烏石圈子等餘匪或意存觀望自應網開一面因將巨慈海色汪等十數人扣留隨營暗為管押擬即進兵曲曲烏石圈子搜捕餘匪等語該夷匪海潮舉海色汪及鹽井溪投首之夷匪等雖已投誠然狼子野心殊難深信其前次順江場等處慘殺居民挖墳墓戕害兵丁周國棟等多名實屬窮兇極惡且未經官兵懲創雖出投首難保其不終反覆該提督久歷戎行必能情偽周知務須力加鈐束毋稍疏虞至見在進兵曲曲烏石圈子等處該夷匪等如果冥頑梗化自應迅速勦辦毋得稍有遲延以致老師糜餉○己未以潘錫恩為左副都御史由宗人府丞遷○甲子諭福建陸路提督馬濟

勝上年帶兵二千渡臺勦賊以少勝眾十戰成功前經賞戴雙眼花翎交部優敘並賞給二等男爵世職用獎忠勤茲據程祖洛奏該提督所帶漳泉兵丁素稱勇健每多桀驁不馴該提督訓練有方善於駕馭自渡臺以來迄今半年未聞一卒滋事於此益見該提督之忠勇嚴明可嘉之至朕特親書忠勇嚴明四字扁額頒給該提督祇領以為著績戎行認真整飭營伍者勸○諭程祖洛奏臺灣營務情形一摺據稱臺灣營務大弊在於不勤訓練不守汛地上年護遊擊周進龍等督兵擒捕匪徒中途遇賊官兵開礮不能出聲以致為賊所乘如果平時訓練精熟臨陣何至於此又劉廷斌在任多年竟未知城守營石軍守備應駐下加冬地方其各營兵房又多倒塌兵丁借居民房竟有離汛貿易倩代當差值宿種種不法情弊劉廷斌以專閫大員沿習相循罔知振作所司何

東華續錄 道光二十七年

五

事實屬孤恩溺職著交部嚴加議處○臺灣逆首陳辦等伏法○乙丑以恩特亨額署盛京工部侍郎前任湖南布政使○戊辰 上詣觀德殿 大行皇后梓宮前行二周月祭禮○是月貸直隸博野等三縣電災籽種展緩河南河內等八縣新舊額賦

王先謙敬編

周爾恭恭校

秋七月己巳朔諭朕勤恤民隱思日孜孜總其成於上而分其任於督撫為大吏者果能體朕之心為心以民之事為事正己率屬賢者知所勸不肖者知所懲吏治自日臻上理上年臺灣逆匪張丙等滋事其始因搶米起釁經吳贊牽控張丙該縣不辦包米轉出賞格查擊張丙其陳辦因搶米起釁攻打粵莊事本細微若得一良有司秉公辦理自可息爭弭釁乃用之不協輿情呂志恆果於自用遂致戕官攻城竟同負隅之勢及訊問該逆因何造反尙稱地方官辦事不公雖係該逆一面之詞如果循聲卓著該逆等何能藉口總兵劉廷斌訓練不動營伍廢弛該道平慶雖

東華續錄

道光二十八年

操守尙好而不能防患未然咎無可道是以將劉廷斌平慶俱交部嚴加議處總督係特簡大員文武俱伊統轄若使孫爾準其身尙在朕必加以懲處不少寬貸姑念該逆等尙未潛據城邑滋蔓難圖一經馬濟勝帶兵渡臺旋就撲滅邵用之等亦無貪婪劣蹟總督程祖洛未經到任巡撫兼署總督魏元烜為時未久姑從寬概免置議此係朕格外施恩儻邵用之等有貪贖實據或張丙等燎原難撲亦斷不能曲加寬貸嗣後督撫大吏總須以察吏安民為當務之急遇有不肖官吏破除情面立即參劾勿稍瞻徇若再因循疲玩因細故而釀成大患勞師動眾誤國殃民朕必將該督撫拏問從重治罪決不寬貸毋謂訓誡之不早也○以加恩舊學賜陳萬全孫汝楨舉人○庚午諭瑚松額等奏前任提督王得祿親赴嘉義各莊勸諭紳耆聯莊捕匪並親督家屬義勇捐貲購獲

計先後擒獲要犯張紅頭等並餘匪二十餘名等語該提督始終勤勉為國宣勞洵堪嘉獎王得祿著加恩賞加太子少保銜以示朕眷念勳勤至意○諭本日據兵部嚴議前任福建臺灣鎮總兵劉廷斌請照溺職例革職劉廷斌以專閩大員歷任多年並未知城守營右軍守備應駐下加冬地方其各營兵房倒塌兵丁賃居民房竟有離汛貿易倚代當差值宿情弊沿習因循罔知振作及至逆匪張丙等分股滋擾該鎮有兵二萬餘人不能登時撲滅迨馬濟勝帶兵二千渡臺立即蕩平是該鎮兵數雖多竟不足恃上年廣東猺匪滋事已革提督劉榮慶平素不能整頓營伍致兵丁臨時不能得力朕即將劉榮慶革職發往伊犁充當苦差此案劉廷斌平日不勤訓練營伍廢弛本應比照劉榮慶從重治罪姑念其守城數月尙有微勞著照部議革職免其遣戍○丙子調何凌

東華續錄

道光二十八年

漢為吏部右侍郎桂齡為戶部左侍郎轉陳用光為禮部左侍郎以陳嵩慶為禮部右侍郎由內閣學士遷○丁丑諭五城坊官拏獲鄰境逃犯必須本任無承緝未獲之案方准奏請議敘○定陪祀不到參處例○辛巳諭瑚松額等馳奏臺灣逆匪蕩平一摺覽奏欣慰之至此案臺匪滋事始於十二年閏九月當嚴冬寒冽之時海上文報遲滯所調官兵或候風久泊或遭風漂散不能及時登岸自瑚松額程祖洛先後渡臺人心鎮定督同馬濟勝等搜捕餘匪和衷共濟將帥用命復出示曉諭散其脅從黨羽又擒獲大股賊首並賊目多名分別辦理全臺安堵於本年五月全功告竣各莊仍復舊業官兵陸續凱撤歸伍迅速戴功實堪嘉尚瑚松額著施恩賞加太子少保銜程祖洛著施恩賞戴花翎仍各交部從優議敘以示獎勵○甲申 御試翰林詹事官擢田嵩年等三員為一等

餘升黜留任有差○己丑諭楊芳奏疊次攻克險隘石峒曲曲鳥
等處野夷繳械投首全境廓清一摺覽奏欣悅此次野夷滋事業
將清溪越嶺我邊等處剿捕完竣經楊芳帶兵進剿曲曲鳥石圈
子野夷由雀拖至大坪林箐茂密道路險削連日攻克布益頭二
三道溝腦趕至大坪山梁進破窩石爬崖偏崖各峒直抵烏斯坡
峒即曲曲鳥夷地該夷尙敢抵死抗拒我兵奮勇攻擊拾過險隘
一擁直前擒剿賊匪多名滾崖跌斃男婦甚眾搜獲刀矛器械悉
數焚毀糧石牛羊分賞將士各野夷聞風震懾石圈子夷目里維
保先後帶領該夷一百五十餘名曲曲鳥頭人甲興等帶領該夷
一千一百四十餘名並率領附近曲曲鳥之新津古等夷分起繳
械投首該提督諭令各降夷自行指證將隨同熟夷焚搶之阿黎
羊書等一百三十餘名提出訊明並將賊目逃兇一同正法該夷

東華續錄

道光二十八年

三

等環視行刑咸知畏服所辦甚屬可嘉楊芳著賞給白玉翎管一
件白玉搬指一箇黃辦大荷包一對小荷包四箇並發玉柄小刀
六把象牙柄小刀四把大荷包十對小荷包十箇著分賞出力將
士所有攻克險隘石峒之奮勇弁兵及轉運各員著鄂山會同楊
芳查明擇其尤為出力者酌量奏請鼓勵毋許稍有冒濫傷亡弁
兵並著查明具奏○定大考翰詹臨期告病即行開缺例○壬辰
冊諭 大行皇后為 孝慎皇后○朱桂植以病免調補填為廣
東巡撫以惠吉為廣西巡撫花杰為福建布政使調蘇廷玉為四
川按察使以牛鑑為山東按察使由雲南○乙未諭富俊奏請禁
陋習以端仕進一摺國家鄉會兩試原係求賢大典其主考同考
各官特經簡派於文藝之優劣即可知其品學之高下使得士皆
砥行立名方合以人事君之道在獲中者感主司知遇拜認師生

原屬例所不禁衡文者總當以品學相規不得徒以恩情相接若
如該大學士所奏科甲所認師生凡遇一切事件無不暗為關照
及門生外升道府州縣於師生同年處所必須留贈銀兩名曰別
敬以致不計利息重輕甘受奸商盤剝是服官之始已負重累尙
安望其能清白自守克為廉吏耶至在京部院司員經堂官保薦
京察簡放外任及外任各員經督撫保舉皆當秉公遴選務在得
人其拜認師生久經嚴禁儻以保舉為市恩酬報地步是受爵公
朝拜恩私室此風斷不可長嗣後內外臣工於考試所取之士及
保舉所屬人員務當破除情面力挽頹風如有仍前餽送別敬者
一經發覺定予嚴懲決不寬貸至簡放外任各員既已別無糜費
則資斧易於措辦且例准在部借支養廉但能節儉自奉即可無
需負債者步軍統領順天府五城各衙門出示嚴禁如有奸商出

東華續錄

道光二十八年

四

放官債者除將該員照例議處外並將重利盤剝之人治以應得
之罪仍追銀入官庶儉可養廉吏治蒸蒸日上朕實有厚望焉○
丁酉諭軍機大臣等吳邦慶奏東省蜀山湖水勢異漲居民盜空
石隄並未過水業已搶護平穩一摺據稱七月初六日子時突有
蜀山湖鄉民數十人由湖駕船十餘隻駛至湖隄手持長槍施放
鳥槍攔截行人動手空隄署鉅嘉汛主簿俞皋在彼防守立刻鳴
鉦齊集兵夫前往查拏奸民等遙見燈光即上船放槍四散逃竄
當查嘉字十七號隄頂寬長五丈五尺深五尺二寸並挖去大石
一丈一尺裏石四丈五尺石縫間有滲漏該廳聞報趕到即時填
築不至宣洩湖漕該管運河道敬文因衛河斗長先赴臨清聞信
馳回履勘已飭該廳迅速將被挖石工照舊培補詳詢近處居民
僉稱湖之東北有邵家莊及汶上縣各村莊地皆窪下或係該處

民人所為等語國家歲費數百萬帑金修理河湖通漕利運保衛
民居上年南河于家灣有奸民聚眾強挖官隄之事迄今首犯陳
端尙未獲辦此次東省蜀山湖復有奸民糾眾持械乘夜盜挖該
湖爲運河東岸最大水櫃宜濟北行軍船每年請帑興修甚關緊
要若非立時知覺趕緊培修必致湖漕斗瀉貽誤重運並據另片
奏東省捕河廳屬壽東汛運河東岸滾水石壩外該廳捐費加築
土圍堰一道六月初九日夜間有壽張縣民人張聞雅私將土堰
挖開登時擊獲柳賁究辦甫經堵築於是月二十六日復有西岸
鄉民率眾持械蜂擁強挖過水並將該廳自辦料束蘆纜縱
火焚燒圍堰之設既爲慎重漕行擡汶敵衛起見豈可任聽鄉民
自行擅動廳員自購之料卽非請帑亦係官物豈容恃眾焚毀奸
民警不畏法幾至和習成風總因陳端未能立即梟示河干所以
東華續錄 道光二十八年 五

係嫡后及誕聖推恩所封侯承襲時請旨等語若是轉致參差不
能盡一且無限制嗣後嫡后之父及誕聖推恩所封者俱著封爲
三等承恩公其不係嫡后者著封爲一等承恩侯皆世襲罔替並
著將此旨纂入會典則例永遠遵行○甲辰麟慶百日孝滿命署
江南河道總督張井俟麟慶到任回籍調理○丁未以何彤然爲
內閣學士兼禮部侍郎銜由詹事選○癸丑奉 皇太后懿旨晉封
全貴妃鈕祜祿氏爲 皇貴妃攝六宮事○乙卯鍾祥奏擊獲盜
空蜀山湖首犯邵方有等○是月加賑貴州都江等二廳水災
九月己巳 上詣觀德殿 孝慎皇后梓宮前行啓奠禮○庚午
奉移 孝慎皇后梓宮於田村 上親臨目送○壬申 上至田
村 孝慎皇后殯宮前奠酒○乙亥楊芳奏四川夷匪清溪峽邊
及曲曲烏石圈子等處疊經剿撫完竣惟越嶺屬逃匪兇夷及
東華續錄 道光二十八年 六

東省層見疊出亦有此等情事可惡之至著鍾祥嚴飭該管州縣
卽將盜挖蜀山湖石隄及壽東汛強挖土堰焚燒料束各犯勒限
密速訪拏通飭所屬一體查緝務將各犯迅速就獲分別首從嚴
行懲辦不得以湖隄尙未過水漕行無誤稍涉鬆懈儻日久無獲
致令遠颺卽將該地方官嚴參懲處該撫亦不能辭重咎也○召
岳良來京以何焯爲山西布政使圖明額爲雲南按察使由甘肅
道○是月賑貴州古州等四廳縣水災

八月己亥朔伊里布奏越南水尾土州於四月間夷匪蜂起採係
黎維那族人黎維煥先受封職被殺黎維良黎維然等與北勝土
司郭必功郭必在等由清化起事直趨興化富春各處土夷煽惑
該國調兵禦捕報聞○辛丑 上詣觀德殿 孝慎皇后梓宮前
行百日祭禮○癸卯諭會典內載皇后母家例俱應封公爵其不

勇侯交部優敘賞花杰花翎○乙酉展緩福建全省通賦○丙戌
 以張岳崧為湖北布政使由唐○辛卯以李恩釋為廣東按察使
由長蘆鹽運使由長蘆鹽○壬辰以貴慶為熱河都統調嵩溥為清運總督史譜
 為貴州巡撫以楊名賜為陝西巡撫調何焯為陝西布政使以徐
 鏞為山西布政使由大理○甲午免雲南昆明等十州縣地震災
 本年額賦並予賑○丁酉諭陶澍奏查緝漕船夾私正以速趨回
 空未使任帶蘆鹽致使鹽漕兩誤一摺所議甚是前據貴慶奏籌
 議江廣回空軍船酌增食鹽給課交票章程五條朕即覺其不可
 行惟以鹽漕並重不厭精詳當交部議旋據戶部奏增買蘆鹽有
 妨准引降旨令陶澍悉心妥議茲據該督於未奉諭旨之先接該
 漕督咨文即力陳誤鹽亦且誤漕甚為明晰漕船回空帶私為歷
 來之痼弊並有隨幫風客除本分利坐占淮南數十萬引綱額句
 東華續錄 道光二十八年 七
 引泉匪肆行無忌漕船停泊買私尤有誤於趨運前經陶澍派委
 文武大員於黃河南北及淮揚等處嚴密巡查並令漕員會同押
 空幫弁於直隸山東隘口認真堵緝即寓催趨於查緝之中回空
 歸次亦較前迅速糧私既絕官引自銷江廣等省雖連值水災銷
 數尚增本年漕船實由兌運艱難以致稽緩儘可嚴行催趨以速
 補運若將漕弁撤退則幫丁舵水人等俱知禁令已弛必致放膽
 買鹽明縱透漏既害漕綱欲速反遲尤誤漕運至該漕督請於例
 買食鹽四十斤外請在長蘆加買過揚納課不但有誤回空並且
 有誤重運漕務水手素稱桀驁加以順帶官鹽必有梟犯出資附
 和以天庾正供之船為聚集匪黨之藪且所賣盡長蘆之私所缺
 盡淮南之課實為自壞藩籬至丁情苦累准帶土宜津貼以綏綱
 為丁舵沾潤之計國家無此政體著直隸總督山東巡撫長蘆鹽

政天津鎮總兵仍嚴督沿河營汛州縣查拏梟匪窩圍堵截私鹽
 透上漕船並著漕運總督仍派幹練漕弁於各要隘會同幫弁堵
 截按查其有已經議撤者仍行添設不准帶私停留務期迅速南
 下其楚西網岸不至於歉歲滯銷之後再受糧私侵占並著貴成
 陶澍實力整頓以期鹽務日有起色不至滯銷庶鹽漕均有裨益
 ○是月賑江蘇上元等六縣水災緩徵山東鄒平等二十三州縣
 衛河南榮澤等二十一縣江西南昌等二十二縣水災電災新舊
 額賦
 冬十月丁未命瑞郡王奕約在內廷行走賜名奕誌○丁巳賜牛
 鳳山等三十八人武進士及第出身有差○命訥爾經額等飭緝
 湖北濱江等處盜匪○己未諭向來武會試內場取中試卷先於
 雙好字號內選取如不足額再於單好字號內選取是以各武舉
 東華續錄 道光二十八年 八
 試卷彌封後仍送外簾御史各照原箭冊印明雙單好字號馬箭
 地毯步箭弓刀石於各卷面上分六項填註移送內簾以憑去取
 此定例也武科之設以外場為主其弓力強弱尤足定其優劣至
 馬步箭本有一日之長短第能合式自可命中即如朕御紫光閣
 試中式武舉馬步箭其能全中者再閱時未必仍能疊中至默寫
 武經又其餘事斷不能憑此為去取本科會試特派白鎔胡達源
 為正副考官宜如何認真考覈為國求材乃殿試後特命軍機大
 臣覆覈箭冊除貴州本無雙好此次中式單好武舉王家燮陳正
 坤應無庸議外辰字圍福建武舉見有雙好一名取中單好許達
 時一名陝甘有雙好四名除呂廷魁丁定國二人中式外取中單
 好馬興臨一名宿字圍滿洲蒙古有雙好五名除慶喜陸山雅爾
 胡善三人中式外取中單好烏和哩一名列字圍山東有雙好六

名除紀冠宜府汝潯模夢麟三人中式外取中單好楊雲鳳一名廣東有雙好五名除韓南輝何如啓二人中式外取中單好李達元池化鰲二名此數人俱僅開十力弓惟烏和哩開十二力弓及派員覆試又復不符其馬與臨許逢時二人覆試弓亦不符尤不可解究竟該考官等置雙好而中單好以何為憑若以中箭多寡為辭則陝甘雙好中均係馬步全中何以舍此取彼若以默寫武經為去取則是重其所輕伊等有心枝梧欺飾強詞奪理其咎更重至內簾監試御史蘇芳阿給事中黃爵滋試卷原不寓目亦不應干預考官取中之事第見有雙好字號考官取中單好出關後即應據實劾參何竟緘默不言亦安用此監試為耶白鎔胡達源蘇芳阿黃爵滋俱著單銜各具摺明白回奏不准會商連銜○辛酉諭本科武會試正副考官白鎔胡達源取中武舉有置雙好而東華續錄 道光二十八年 九

本日據吏部奏嚴議武會試正副考官白鎔等分別降調降留均屬咎所應得歷科武會試內場取中試卷先於雙好字號內選取如不足額再於單好字號內選取此定例也本科會試特派白鎔胡達源為正副考官自當認真考覈以備干城之選乃置雙好而中單好至有六名之多及至派員覆試許逢時馬與臨烏和哩均以弓力不符停科其未經停科之楊雲鳳李達元池化鰲均以衛守備用可見此次中式單好武舉六名拔藝俱極平常其外場監射較射王大臣考校尙屬秉公並未屈抑人才而白鎔等悍然不顧以千人共見之技竟至上下其手實不平允朕不為己甚姑勿深究白鎔著降補大理寺卿胡達源著降補翰林院侍講以示薄懲御史蘇芳阿給事中黃爵滋部議降二級留任之處均著加恩改為降一級留任不准抵銷此係朕量從寬典該員等當知感愧東華續錄 道光二十八年 十

上元等六十州廳縣衛兩淮富安十場雹災水災旱災新舊額賦墨爾根等七處道款展緩兩淮劉莊伍佑二場通糧

十一月丁卯朔論武科為掄才大典所有派出監射之王大臣宜如何公平考校以副朕求才若渴之心歷科中式武舉俱有能開出號弓者是以一甲進士即在此內挑取上年壬辰科中式武舉雖有出號弓而比較馬步箭及刀石技勇之優劣拔取一甲一名李廣金係十二力本科朕親試中式武舉內牛鳳山孫和平俱報開十二力弓朕見其從容引滿因賞給十三力弓仍能開滿可見此中不乏人才皆由監射較射之王大臣自願考成慮覆試殿試時弓力不符先為此避重就輕之舉武科大典竟無一出號弓成何事體若使牛鳳山等竟不能開出號弓朕憑何取中一甲武進士乎嗣後各省考試武場當認真挑取練習挽強之技其派出

東華續錄

道光二十八年

十一

監射較射之王大臣等務須秉公校閱為國求才用備干城之選不得規避處分屈抑人才豫為弓力不符地步再八力弓係屬三號歷科間有備數充選之人究非上乘本科會試中式武舉陳正坤常奎基余碧元王家變俱係開八力弓未免過多甚不出色嗣後有似此開八力弓而刀石並無頭號者該王大臣等即不准挑入好字以杜倖進而拔真才○庚午諭本日常審句到情實官犯內奎秀福英阿一起常犯庫書史禹亭一起法無可寬均已予句處決矣此案奎秀福英阿身任庫官均有監臨之責聽信戴雲峰等虛出通關截留侵蝕各分用銀一千兩庫書史禹亭膽敢句串官吏舞弊贓刑部定案時有完贖不准免罪字樣不得不執法懲治以儆貪邪前經刑部奏該犯等均於定案後陸續完繳贖銀彼時若不准其呈繳恐豫先漏洩風聲因而畏罪自戕轉致倖逃

法網是以未經駁斥第法不可廢不能以業已完贖稍從末減今各該犯均已明正典刑所有奎秀福英阿史禹亭完繳贖銀均著擲還交其家屬領回○乙亥怡良丁憂以陳鑾兼署江蘇按察使由布政使兼署○丁丑盧坤奏越南國黎維良糾合北勝土司在清化起事保樂州農文雲聚黨攻打收馬九月初諒山鎮夷官黃文權帶兵救援敗績沿途雖設有排柵地方遼闊兵力少單見派兵嚴防隘口報聞○庚辰復琦善頭品頂帶○甲申諭御史尙開模奏請飭禁幕友濫邀議敘一摺朝廷甄敘之典所以鼓勵人材其襄理幕務由本官自行延請與在官供職不同朕會通諭各督撫鹽政等概不准將幕友保列以杜冒濫前據盧坤奏請將襄辦文案出力之幕友候選州同宋緒加以獎勵朕因係五品虛銜與授職稍有區別是以降旨准行今該御史奏此端一開各省相率效尤將有職人員延入內署商推公事以為將來保薦地步其需次各官藉此資緣招搖均所不免實不可不防其漸所有候選州同宋緒賞給五品銜之處著即撤銷盧坤違例奏請並著交部議處嗣後各省督撫概不准以本省屬員入幕襄理如再有以幕友濫行邀請議敘者著吏部查明參奏以重名器而肅官常○丙戌上

東華續錄

道光二十八年

十二

詣 大高殿祈雪○以史譜為光祿寺卿裕泰為貴州巡撫調恩特亨額為刑部右侍郎以烏爾恭額為盛京工部侍郎圖明額為奉天府府尹錢寶琛為雲南按察使田長蘆鹽運使運○以李羲文為四川布政使莫爾廣阿為陝西按察使田廣西右○裁東河榮澤縣北岸主簿汲縣縣丞堂邑縣丞通關官○戊子修浙江海塘○丙申定湖南苗生鄉試隔別號舍例○是月給江西德化等三縣浙江開化縣水衝民房修費緩徵吉林三姓地方甘肅皋蘭等二十

七州廳縣浙江海甯等十四州縣被災新舊正雜額賦

十二月辛丑諭本日召見福建陸路提督馬濟勝年屆七旬精神強固朕心甚為嘉悅上年冬閒臺灣逆匪張丙等聚黨滋事分股肆擾戕害官弁惟時全臺官兵一萬四千餘名不能得力該鎮等嬰城固守請調兵三萬赴援馬濟勝經魏元烺派往獨帶兵二千渡臺接仗身先士卒所向克捷以少勝眾十戰成功各股賊匪紛紛潰散逆首陸續就擒不煩內地兵力當瑚松額等未經渡臺以前全局戡定厥功甚偉前經賞給御書忠勇嚴明四字扁額二等男爵世職雙眼花翎茲來京陛見允宜優加懋賞篤眷庸庸馬濟勝著加恩賞晉二等子爵世職在御前侍衛上行走紫禁城騎馬並賞御書福壽字各一方寶藍絳絲蟒袍一件纓緯兩匣大卷八絲段兩件大卷江紬兩件頒給祇領以獎忠勤再臺灣一役福建東華續錄 道光二十八年 十三

東華續錄 道光二十八年

巡撫魏元烺於奏請調兵時稔知臺灣府城為根本重地一面奏聞一面派馬濟勝帶兵前往迅奏膚功辦理甚合機宜魏元烺著賞戴花翎仍交部從優議敘以示朕論功行賞權衡至當之意○乙卯 誠禧皇貴妃薨○丙辰諭前據保昌等奏吉林三廳紳士捐貲建立考棚請令學臣按臨考試一摺朕即覺其不可行當交禮部議奏意該部必將該將軍等所奏議駁方為正辦乃本日據禮部奏該處自設立學額以來見在民字號及滿合字號應試生員若干名童生若干名均未詳細聲明備人數較少驟令學臣前往考試不獨來往跋涉尤屬徒擾驛站所有該處各廳見在捐建考棚及讀書應試者共有若干人應飭交該將軍查明分晰開單咨送到部再行覈議等語殊屬非是朕恭閱 列聖實錄所載俱以我滿洲根本騎射為先若八旗子弟專以讀書應試為能必將

輕視弓馬怠荒武備其各省官弁子弟不准廢騎射本業該將軍

副都統等通行飭諭訓課子弟以騎射為首務其攻肄舉業者仍當嫻習騎射務臻純熟毋得專尚文藝 聖諭煌煌久已垂為成憲自當恪守舊章况吉林為我國家發祥之地非各省駐防可比尤宜以騎射為重何得專以應試為能轉致拋荒弓馬舊業即謂有民人與試而國家承平百數十年吉林民風古樸正見其不習氣何必以攻習舉業為臻上理耶今欲添設考棚無論文風未必速優即使絃誦日增而弓馬轉致輒弱大非朕教育旗人之意也保昌等率為此奏殊屬忘本關繫不小保昌倭楞泰禮部堂官俱著傳旨申飭所奏著不准行嗣後吉林士子仍著循舊例令其附奉天省寄棚考試總須恪遵 聖訓以嫻習騎射為當務之急毋得習尚文辭轉瀆樸樸以副朕黜華崇實之至意○丁巳東華續錄 道光二十八年 十四

東華續錄 道光二十八年

上至吉安所 誠禧皇貴妃金棺前奠酒○辛酉諭軍機大臣等麟慶奏近年河湖交徹欲復舊制不外古人蓄清刷黃一法其關鍵全在運口本年空運仍用灌塘自屬權宜濟運但河底淤高非清莫刷湖水連年北行止以運河為熟路一旦黃水落低關展東清禦黃二壩暢放湖水運口無所籍制古人引導清水濟運刷黃全在致力磨盤埽自廢棄後河務漸壞嘉慶年間建築蓋壩旋又塌短不能得力今擬隱復磨盤埽舊制以備引清刷黃之用至湖堰水寬工險臨湖各壩蓄水之時多封柴土至盛漲動輒損壞另建糜費不貲應做照滾壩成法分別勘辦又山盱五壩分消湖水下游車運等五壩分洩來源河水長符定制即次第啟放水勢一定亦即堵合至於黃河情形查工時體察平險節可緩之埽段辦緊要之土工以收刷深實效漫灘暗險用堵截支河之法飭屬照

辦至黃河底淤非人力所能強刷疏濬器具止可備運河挑空之用黃河惟儲備料土遇險即搶以防為治等語所論頗為正當該署河督務當體察河湖大局情形相度機宜隨時妥辦至河身淤墊日高如果清高於黃即當啓放禦黃壩挾溜攻沙以資刷濬嗣後務須酌量情形於盛漲以前或將禦黃壩早放數月即多收數月之功至秋冬以後水勢歸槽更宜相機啓放俾河身日益深通近年倒塘灌運究非正辦斷不可年復一年因循遷就致失事機

○甲子諭給事中金應麟奏漕船訛詐滯運累商一摺據稱江浙內河一帶長互七百餘里每年漕船歸次之後凡商民船隻經過小則訛詐錢文大則肆行搶奪其訛詐之法或將漕船橫截河中往來船隻非給錢不能放行名曰買渡錢或擇河道淺窄之處兩船直長並泊使南北船隻俱不能行必積至千百號之多阻滯至

東華續錄 道光二十八年 十五

三四日之久有沿河地棍名曰河快向各船科歛錢文給付漕船令其抽單分泊以便各船行走名曰排幫錢迨至受兌開行又另以捉船撥米為名如遇重載商船該水手用糧米一石傾入船內非給費不能前行否則加以搶糧名目人船並鎖藉稱送官究治即可得錢設遇無貨船隻即留為分載私貨之用並須送至清江交卸始得放回並有豫結數人故與商船尋釁不法水手從旁搶奪船戶稍為理論即擲棄水中毫無顧忌商民以州縣不肯查拏未敢上控州縣以兌米畏其挑斥置若罔聞其訛詐之處如嘉興府東門外之宣公橋蘇州府胥門外之虎銜澣墅關之市河常州府之東西兩埠鎮江府丹陽縣之市河丹徒縣之月河開豬婆灘都天廟大開口等處最為受累地方其所訛錢文每幫均有總頭收掌除彙總分派各船之外領運員弁之家丁差役人等多有分

肥等語江浙兩省漕船較他省為多水手之強悍亦較別幫為甚若如該給事中所奏漕船水手沿途訛詐擾累商民種種不法情弊必致遲誤重運為害地方不可不嚴行懲辦著林則徐當呢揚阿嚴飭所屬於內河地方凡漕船停泊經行之處訪查積弊嚴行申禁如仍有前項弊端即責成地方官隨時懲辦其徇縱之運弁立予參革以肅漕政而除民累○是月賑江蘇上元等十二縣衛水災展賑安徽銅陵等十七州縣水旱災貸江甯旗營江蘇撫標城守及太興等六營兵餉緩徵廣東南海等十一縣江蘇太倉等七州縣水災松江府屬場壙桃源等三縣窪地新舊額賦直隸河開縣通賦展緩浙江德清縣通賦○是歲朝鮮越南琉球緬甸入貢○會計天下民數除福建湖南未報外各省通共大小男婦三萬九千八百九十四萬二千三十六名口各省通共存倉米穀

東華續錄 道光二十八年 十六

三千五十五萬五千七百一十五石六斗三升三合六勺

東華續錄

道光二十九年

臣王先謙
臣周濟著恭校

道光十四年甲午春正月丁卯朔諭大學士長齡曾振鏞富俊俱年在八旬內外襄贊翰屏精神強固朕心實深嘉悅長齡歷任封圻由大學士總理部務前在回疆宣力克奏膚功並辦理善後事宜俱臻妥協敷歷中外懋著勳勞曾振鏞由乾隆年間供職詞垣嘉慶年間游擢至大學士朕御極之初簡授軍機大臣承旨詳明倍加勤慎富俊前在將軍任內宣力有年迨朕簡畀大學士耿介公勤克稱厥職均經歷事 三朝為朕股肱心膂之臣念其夙夜趨公宣勤佐治允宜特沛殊恩以節勞動長齡曾振鏞富俊均著加恩在紫禁城內乘坐車轎用示朕優禮耆臣至意○以科爾沁

東華續錄 道光二十九年

扎薩克郡王僧格林沁輔國公載銓為御前大臣○庚辰廣東儋州黎匪滋事盧坤飭屬查辦緝靖○壬午調花杰為廣西布政使鄭祖琛為福建布政使○丁亥命大學士潘世恩在軍機大臣上行走○戊子諭三載考績大典攸關滿漢諸臣中有為國宣勤盡心職守者允宜甄敘年老而精力未衰者仍應留任本年京察吏部將京外各大員具題請旨朕詳加酌定大學士長齡功宣絕域同德同心大學士曾振鏞久任軍機克勤克敬年登八表精力如常大學士富俊宣力有年公勤清慎年已八十有六精神頗健洵為盛朝人瑞協辦大學士文孚戶部尚書穆彰阿王鼎承旨精詳匡襄是賴禮部尚書耆英管理步軍統領事務諸事認真頗知振作兩江總督陶澍辦事實心兩淮鹽務日有起色陝甘總督楊遇春中外宣勞功勳懋著俱著加恩交部議敘工部左侍郎松筠年

東華續錄 道光二一九

過八十精力大減著以都統銜休致餘著照舊供職○轉裕誠為工部左侍郎調養尚阿為工部右侍郎以奕澤為理藩院右侍郎由左副都御史選 ○是月展賑直隸曲陽縣貧民給江蘇上元等八縣浙

湖北武昌等十八州縣陝西葭州等十四州縣江西南昌等六縣蘇武進等七縣上年災歉額賦展緩直隸曲陽等十六州縣上年被災通數

二月丙申朔諭軍機大臣等長清等奏卡外色喀庫勒回莊被賊滋擾見在辦理情形據稱葉爾羌所屬卡外色喀庫勒回莊於上年九月被霍罕頭目諾爾巴依帶領布魯特五百餘人前來擄掠

東華續錄 道光二十九年

並稱欲向該莊收稅雜時霍罕額爾沁弔噶爾拜已至葉爾羌即令阿布都爾滿向伊實問該額爾沁極口分辨懇求遣人出卡曉諭驅逐該頭目諾爾巴依稍有解散尚有數十人駐紮該莊附近地方經長清等派令伊斯瑪依爾復向詢問據額爾沁稱遣人回霍罕告知該伯克將該回莊人眾撤退並留額爾沁為質等候回信等語此次該額爾沁前來送出裹脅兵民回子一聞色喀庫勒莊被霍罕頭目率眾滋擾即遣人出卡曉諭並懇求遣人回霍罕告知該伯克將該回莊人眾自行撤回尚屬明白恭順此時該參贊等務當曉以大義令額爾沁遣人先回諭令該霍罕遵守舊界長受天朝厚恩貿易通商妥為約束屬人不准妄生覬覦復滋事端即留額爾沁在此為質俟該霍罕伯克回覆到時再行奏

五一七

明辦理該回莊遠處卡外夷人反覆靡常該參贊等務令該伯克豫為戒備加意隄防並通飭各城嚴巡各卡倫一體小心防範不許輕出邀功以免疏虞而弭邊釁○己亥 上御經筵○諭軍機大臣等祁墳奏接據越南國來文勦辦夷匪完竣一摺上年十月間該國保樂州夷匪農文雲等分路攻破三岐牧馬等鎮及文淵州又圍攻諒山勢甚猖獗迨十一月間該國王於收復三岐後又調派夷兵招募土人分兩路勦捕一潛越山嶺占奪保樂州城一由黎京直趨諒山鎮救授夷匪勢力不敵諒山圍解退據牧馬地方旋探越南國阮藩派統領軍務官吳文陞參贊官武文清帶兵三千餘名前至九封牧馬一帶征勦於九封噲噲地方接仗保樂夷匪大敗復乘勝攻打牧馬該夷阮祐謹阮祐旋等窮蹙即將牧馬倉庫燒毀逃散見在諒山九封牧馬等處均已收復諒山已東華續錄 道光二十九年 三

立墟市並有新放夷官到任惟農文雲無獲向未撤兵恐該匪勢窮內竄經護右江鎮滿承緒撥兵分布要隘並據阮藩咨稱獲匪供農文雲攜挈妻小夥匪百餘人向雲南邊地投竄呈懇雲南省擊解等語越南國稱藩納賄恭順有年茲夷地既已肅清邊境又安朕心實深欣慰夷匪農文雲既向雲南邊地逃竄自應嚴行擊緝著阮元伊里布盧坤祁墳惠吉嚴飭各邊界一體堵緝毋令匪徒一名逃入並嚴諭沿邊居民不得容留面生可疑之人致滋洩迹潛藏儻農文雲潛逃內地被獲該督等一面奏聞一面轉交該國自行懲辦○祁寓藻丁憂以史譜為內閣學士兼禮部侍郎銜事遷○甲辰調怡良署江蘇按察使由安○乙巳釋李鴻賓劉榮慶回籍○丙午以江蘇糧價增昂免四川湖廣商米各關船稅○己酉諭吳邦慶奏詳議查泉章程以備蓄水濟運一摺東省運河

本無來源全恃引泉濟蓄泉河通判見准復設查泉事宜自應酌定據該河督妥議各條朕詳加披閱內泉務宜遵舊例責成道府兼管山東有泉十七州縣非泉河通判所屬嗣後仍責成沂曹濟道兗州沂州泰安各知府兼管就近督率各州縣實力妥辦並令隨時抽查於泉務更為有神其地方管泉佐雜等官除東平州同甯陽主簿嶧縣縣丞向歸運河道廳管轄外其濟甯州同泰安沂州二府經歷汶上鄒縣滕縣泰安滋陽各縣丞及新泰縣巡檢著照所請俱歸泉河通判管轄所有管泉佐雜十二員嗣後均責成該廳於春秋查泉時察其勤惰分別功過該河督會同巡撫三年覈計始終奮勉優加鼓勵始勤終惰者歸入甄別辦理其廢弛不職者隨時撤參○戚宗彝以病免以伍長華為甘肅按察使由東運○辛亥以寶善為左副都御史由通政○乙卯以龔鏞為東運由通政○道光二十九年 四

內閣學士兼禮部侍郎銜由太僕寺卿遷○丁巳諭愚民不明福善禍淫之理以為敬神進香可邀福庇奸宄之徒藉此歛錢聚眾必致滋蔓難圖著地方官出示曉諭各安本業即可受福斷不准結隊成羣越境燒香如仍蹈前轍即嚴拿究辦該地方官平日善為化導端其趨向齊其心志庶幾經正民興日臻上理○庚申申蔡坊肆售貨淫書小說○辛酉調湯金釗為吏部尚書汪守和為工部尚書以史致儼為禮部尚書何浚漢為左都御史調桂齡為吏部右侍郎轉張鏞為戶部左侍郎調吳椿為戶部右侍郎轉廖鴻荃為工部左侍郎以程恩澤為工部右侍郎由內閣學士遷○癸亥 上親耕藉田○乙丑大學士富俊卒贈太子太傅命成都王載銳奠茶酒賞銀二千五百兩治喪賜祭葬諡文誠入祀賢良祠予其子員外郎恩成卽補○是月給江蘇上元等八縣衛上年被災口糧貸費

州古州廳上年被災籽種展緩江西鄱陽等縣湖北沔陽州節年
貸款

三月丙寅朔以實缺人員告假捏飾規避申嚴出結官處分○庚
午諭前據盧坤奏將勦辦文案出力之幕友候選州同宋緒懇恩
賞給五品銜實屬違例業經降旨撤銷並將盧坤交部議處茲又
據奏查明定例據實直陳並將該幕友勦辦軍務與尋常幕務不
同且非本省屬員率以五品虛銜與授職有開曉曉瀆請甚屬非
是國家賞以勸功所以策勵人材懋獎勞績然賞不可濫務當一
秉至公使人心翕服不應將佐幕私人濫行列入妄希恩澤殊非
循名責實之道該督身膺疆寄於地方應辦事件自應實力整頓
豈容存市恩干譽之見輒以督署私幕濫廁薦章宋緒無非勦辦
文案之人有何超眾出力之處如此瀆請朕實不解博取名譽汎
東華續錄 道光二十九年 五

愛眾是該督短處當戒之毋忽以副朕告誡成全之意也至於保
題議敘原以獎勵傲情鼓勵人心設遇有事差委設官分職文武
各有攸司必要濫用不干之人非出自實緣希圖保薦而何此係
外省最可惡之惡習朕所深知正欲力除此弊該督尙執迷耶嗣
後務當痛前積習斷不可徇情濫保違例邀恩所奏著不准行盧
坤著傳旨嚴行申飭○明山以病免以成格爲刑部尙書由烏魯木齊都統
○辛未諭內大臣戴花翎穿黃馬褂之處會典並未載明該大
臣礙難奉行嗣後遇有補授內大臣人員俱著准戴花翎至行在
隨鑾之內大臣俱著准穿黃馬褂○壬申改河南夏邑縣縣丞爲
夏商永三縣分防縣丞睢州州判爲分防州判○癸酉 上啓鑾
謁 西陵○詣田村 孝慎皇后殯宮前奠酒○免經過地方額
賦十分之三○丁丑 上謁 泰陵 泰東陵 昌陵回鑾○庚

辰 上還京師○壬午 上臨故大學士富俊第賜奠○丙戌免
四川夷匪滋擾之清翁等三廳縣並甯越越兩營上年額賦○
壬辰前任刑部尙書明山卒贈太子太保子祭葬○是月貸湖南
乾州等五州廳縣歉收工佃口糧籽種布魯圖等八臺一年兵餉
夏四月丁未儀郡王蘇志堯命惠親王蘇愉奠茶酒賞銀二千兩
治喪子祭葬諡曰順○己酉以史評爲內閣學士兼禮部侍郎銜
由少詹事遷○添設喇嘛印務處貼寫筆帖式二學習筆帖式四○甲
寅 上臨故儀順郡王蘇志第賜奠○以故儀郡王蘇志子奕綱
襲貝勒○丁巳命侍郎趙成奎在籍前任河東河道總督嚴煥會
同浙江巡撫富呢揚阿查勘海塘應行修建各工○戊午命各督
撫嚴查驛站缺額並擅遞供應積弊○甲子 上詣田村 孝慎
皇后殯宮前行周年祭禮○廣西巡撫惠吉奏率獲越南國內竄
東華續錄 道光二十九年 六

夷匪阮克鏢等解回該國自行辦理得旨嘉獎○是月貸山西岳
陽等十二州廳縣歉收民屯倉穀緩徵江蘇上元等三十六州縣
衛民屯積款正雜通賦

五月丙寅改江蘇山旰廳通判爲同知海安廳撫民同知爲通判
○己巳以嵩溥署兵部左侍郎恩銘署漕運總督鐵麟署倉場侍
郎由兵部左侍郎○壬申以凱音布爲察哈爾都統轉恩特亨額爲刑
部左侍郎調祥康爲刑部右侍郎以貴慶爲威京刑部侍郎病痊
○辛巳 上至田村 孝慎皇后殯宮前奠酒○乙酉諭積貯爲
民食所關各省倉儲務令足額原爲地方偶有水旱得資接濟秋
成之後照數買補出陳易新法至善也乃近年有司奉行不善積
弊相沿一經動用多視買補爲具文每於交代時折價抵數而積
貯遂致有名無實直省額設倉穀多至二三百萬石少亦百餘萬

石如果實貯在倉何至一遇荒歉即致左支右絀總由各地方官不肯認真經理豫為籌畫獨不思民閒既鮮蓋藏而倉庚又無儲備一旦年穀不登其何賴以無恐乎著直省各督撫嚴飭各州縣將額設倉穀見存若干據實報明其私行侵那者固法在必懲即有因公動碾者亦著於每年所報收成分數摺內查其年歲豐稔立令買補還倉並將實存數目隨時造冊報部庶於各省倉儲多寡瞭如指掌一遇賑糶之需即可由部照冊指撥經此次訓諭之後各督撫務當隨時稽查盡心釐剔儻仍有虧短虛懸等弊一經查出特將各州縣嚴行治罪並將各督撫從重懲處決不寬貸

○丙戌諭軍機大臣等有人奏近聞英吉利國大船終歲在零丁洋及大嶼山等處停泊名曰躉船凡販鴉片煙者一入老萬山先以三板艇刺赴躉船然後入口省城包買戶謂之窩口議定價值

東華續錄 道光二十九年 七

同至夷船館兌價給單即雇快艇至躉船憑單交土其快艇名快蟹亦名扒龍礮械畢具每艇壯丁百數十人行駛如飛兵船追擊不及各洋呢羽等貨稅課較重亦多由躉船私行售買等語海防例禁甚嚴豈容售私漏稅且鴉片煙流毒內地疊經降旨嚴行飭禁自應實力查拏務使根株淨盡若如所奏躉船之盤踞不歸快蟹之飛行遞送灌輸內地愈禁愈多各項貨物恃有躉船售私紋銀之出洋關稅之偷漏未必不由於此著該督等飭屬即將躉船設法驅逐快蟹嚴密查拏勿任仍前停泊致啓售私漏稅等弊如或驅此泊彼巧為避匿即責成巡哨水師認真巡緝從嚴懲辦勿得稍有諱飾

○庚寅宗人府奏近來宗室覺羅婚娶無論繼至數室皆得給賞未免毫無限制請嗣後宗室覺羅三娶及休妻再娶者不准給與至祿稍較優之鎮國將軍輔國將軍外任城守尉本

身妻室子女紅白賞項擬應裁減其曾經犯案折閱釋放本身婚喪事件亦應裁減自溺者往往託詞失足應一概不准支領從之

○癸巳改安徽鳳陽府同知為鳳廬分防同知移壽春鎮標千總駐下塘集作為分防千總下塘集額外委駐朱家港○是月貨淮安大河二衛歉收屯田籽種緩徵江蘇高漕等九州縣水災蠲災新舊額賦

六月壬寅准山東已革大學士孫玉庭重赴鹿鳴宴賞四品頂帶

○丙午禮部議准浙江學政陳用光奏宋臣孫觀品行不端出處至不足道請將奉祀生裁汰從之○癸丑廣西巡撫惠吉奏探得越南撤兵後農文雲仍占住高平所轄農通地方該國調兵進剿飭各隘卡嚴密巡防報聞○壬戌實授恩銘漕運總督鐵麟倉場侍郎轉奕紀為兵部左侍郎實授嵩溥兵部右侍郎○是月蠲緩

東華續錄 道光二十九年 八

葉爾羌等三城回戶進糧展緩兩淮板浦等三場災歉應戶進課

臣王先謙敬編

臣周瀚蕃恭校

秋七月乙丑飭查漕運虧短積弊並申禁京城私販接濟回漕○
 戊辰諭軍機大臣等本日據興德奏稱霍罕伯克因准令通商免
 稅實深感激遺額爾沁愛連巴依等恭齋表貢懇求年班入覲等
 語該伯克謹備表貢遣使入覲實屬恭順自應准其隨同年班各
 伯克進京瞻覲額爾沁愛連巴依等行抵葉爾羌時該大臣即照
 例筵宴賞賚妥為辦理務使悅服並將起程日期先行具奏所有
 張格爾後裔及兩次用兵各情節均不准向額爾沁愛連巴依等
 提及一字至將來定有行期例應派員護送除哈密辦事大臣陝
 甘總督另行寄諭外其餘由葉爾羌啓程經過各城地方著該大
 東華續錄 道光三十

臣等一體遵照辦理並派員沿途妥為照料毋稍疏忽○己巳起
 李鴻賓為翰林院編修○庚午命蘇清阿查勘巴爾楚克喀什噶
 爾試墾屯田○甲戌四川我邊廳十三支赤夷內雅扎等支夷滋
 事命瑚松額楊芳等查辦○丙子工部尚書博啓圖卒贈太子太
 保命御前侍衛哈喇阿奠茶酒賞銀五百兩治喪賜祭葬諡敬僖
 ○調者英為工部尚書以昇寅為禮部尚書敬徵為左都御史調
 奕經為戶部左侍郎轉桂輪為吏部左侍郎調奕紀為吏部右侍
 郎轉嵩溥為兵部左侍郎以寶善為兵部右侍郎由左副都○王
 午楊國楨以母病乞養允之以桂良為河南巡撫怡良署江西布
 政使裕謙為江蘇按察使由湖北刑○召潘恭辰來京以經額布
 為雲南布政使楊振麟為河南按察使前任廣東○戊子東河朱
 家灣漫口命鍾祥培治之○庚寅申禁各州縣佐雜丞倅擅受詞

訟○是月賑江西南昌等十三縣水災給湖南武陵等七縣衛被
 水軍民口糧並修屋費

八月甲午諭盧坤等查辦廣東械鬪頂兇各案並定民人學習鳥
 槍罪例○戊申諭各直省將軍督撫等遇有應奏事件自應隨時
 陳奏以免積壓近來萬壽年節等日各省奏章甚少迫數日後紛
 至沓來轉形擁擠朕日理萬幾縱奏章全集披覽固不憚煩然該
 將軍督撫等觀望揣摩任意延閣必致漸滋叢脞嗣後各省奏章
 務須隨到隨遞不得因值萬壽年節等日稍存成見備仍前拘泥
 意為遷就是不能仰體朕懷殊失敷實辦公之道也○己酉改建
 浙江北海塘為石塘○辛亥以惟勤為左副都御史由○癸丑
 以嵩溥為熱河都統調聯順為兵部左侍郎轉奕澤為理藩院左
 侍郎以隆文為理藩院右侍郎由駐蘇辦○甲寅實左副都御史
 東華續錄 道光三十

文蔚副都統銜為駐藏辦事大臣○庚申諭瑚松額等覆奏辦理
 夷案完竣情形一摺四川我邊廳十三支赤夷內雅扎等支夷因
 夷地荒歉乏食並因所管娃子竊奪漢民竹筍致被毆斃藉圖報
 復出巢滋釁句結馬邊廳支夷糾集焚搶經楊芳前往督同將備
 按名查拏茲據該將軍等查明楊芳函稱我邊廳屬十三支赤夷
 內惟雅扎一支與烏拋家石畢等向不安分見在赤夷十二支頭
 人俱來投首情願將各本支附和滋事娃子自行清出捆獻雅扎
 與石畢等為此案起事首犯恃其地險抗不出見經楊芳調兵派
 令將備分路直搗巢穴殲斃賊匪三十餘名並將雅扎賊首哈兒
 立時殺斃生擒黑骨頭夷目雙甲等其烏拋賊首石畢亦經義勇
 隨同官兵一併擒獲其餘未投各支聞風知畏陸續投見願同十
 二支赤夷公舉夷長各自鈐束娃子永保安靜是此次夷案業已

辦理完竣其各犯起釁根由著訊明分別定擬並將該地方官查明一併據實參奏朕思邊境等境漢夷雜處全在該地方官撫綏得宜方可邊圉永靖乃楊芳上年奏報三廳地方一律肅清邊境二十四地皆所親歷並稱撫其馴服誅其獷悍不至復行滋事何以未及半年即有此焚搶之案且此次趕緊辦理調派兵將已閱數月之久若能杜絕萌芽不至再肇弊端方為辦理妥善備經此次懲創之後該夷等再有句結滋擾搶劫逞兇情事更屬不成事體楊芳兩次在彼督辦情形是所熟悉瑚松額鄂山俱有控制之責著悉心籌畫設法防範毋貽後患方為不負委託如辦理草率閱時未久復有夷匪滋事該將軍等不能當此重咎也○諭軍機大臣等盧坤等奏英吉利自公司散局各自貿易事無統攝本年六月內有該國夷目律勞卑來粵稱係查理貿易事務至省外夷館居住當即飭令洋商查訊不肯接見呈遞致盧坤書信一函係平行款式寫大英國字樣盧坤等以體制攸關申明例禁反復曉諭違抗不遵總不將辦理何事說明原委又不將兵船開行回國請照例封船將該國買賣暫行停止量加懲抑如果改悔即准其奏請開船見在密派員弁在省城內外及澳門一帶分投布置鎮靜防範仍飭該府縣訪查漢奸嚴擊懲辦並查明該商等有無情弊嚴參究處其澳門附近洋面等處所有密派弁兵隊為籌備等語所辦尚妥所見亦是英吉利國向與中華不通文移未請例禁自應先行開導及早改悔照常恭順懇求貿易即准奏請開船但能無傷大體毋庸過事苛求儻陰蓄詭謀不聽約束則驅逐出省不能不示以兵威其省城內外及澳門一帶大嶼山砲臺等處務須密派弁兵加意巡邏不動聲色鎮靜防範至外夷在內地通市

如能照常安靜自當一視同仁曲加體恤況天朝嘉惠海隅並不以區區商稅為重該國貿易百數十年諸事均有舊章總當通盤籌畫設法整頓固不可稍事遷就亦不准稍涉張皇至內地漢奸暗中唆使必應嚴飭該府縣密訪擊從重懲辦其貿易係洋商專責茲該商等既不先行稟報節飭傳諭又無一能為殊屬玩忽著該督等查明有無情弊嚴參究辦其見在籌備防範各處該督等當約束弁兵密飭稽查防守以備不虞不准輕啟釁端致煩兵力仍將辦理情形隨時據實具奏毋稍含混○辛酉 上詣田村孝慎皇后殯宮前奠酒○是月給盛京蓋州等三處浙江建德淳安二縣江西西南昌等二十五縣水災口糧並修屋費貸甘肅皋蘭等六州縣旱災倉穀蠲緩江西南昌等二十五州縣新舊額賦九月癸亥朔諭近日朕看八旗前鋒護軍各營章京步射見其一東華續錄 道光三十 四
體穿用藍色袍服由此觀之率多競尚虛文何所取義夫八旗營員惟期技藝嫻熟衣服無關緊要著管理八旗各營大臣等明白曉諭所屬官兵嗣後遇有射布靴及引見人員惟期騎射嫻熟弓箭齊整所穿袍服袖布俱可不必再拘顏色縱使不甚鮮明亦無不合之處該管大臣等務令所屬章京兵丁各期騎射精強操練衣服毋尚奢華以副朕敦本崇實之意○乙丑諭本日據盧坤等由驛馳奏英吉利兵船闖入內河調兵驅逐一摺此次律勞卑來粵貿易不遵法度兵船二隻番稍共三百數十人寄泊外洋經該督於六月間即咨會水師提督李增階派委參將高宜勇前往海口防範並檄行提標將弁督飭砲臺嚴密看守迨該督等照例封船以後又復咨令防堵乃竟疏於防禦致該兵船於八月初五日乘潮水漲發開進海口各砲臺弁兵開砲轟擊隨拒隨行於初九

日駛至離省六十里之黃浦河面停泊見經該督等調派水師艦
行驅逐廣東水師提標中軍參將高宜勇於六月間即經派往海
口堵禦輒任該兵船駛入內河已屬疏玩復據稱乘潮駛風阻擋
不及更難保非有心掩飾高宜勇著先行革職枷號海口示眾仍
著該督查明如有玩縱掩飾情弊即行從嚴參辦再降諭旨所有
守臺怠玩各弁既經派人接替俱著先行枷號各礮臺示儆仍查
明疏縱情形一併嚴參水師提督李增階海防是其專責看來各
礮臺俱係虛設武備廢弛一至於此該提督平日所司何事李增
階既因病請假亦斷不堪起用著先行革職事定後再降諭旨兩
廣總督盧坤既稱於六月間咨商防堵並非措手不及事出意外
者可比自應遴派得力將弁嚴行備禦何至今駛入內河不能防
阻是該督無謀無勇咎無可辭有損國威深負委任盧坤著革去
東華續錄 道光三十 五

護貨物緣海口兵丁開礮轟擊亦放礮自護深知悔錯該督等因
律勞卑既已認錯眾散商節次籲求自應寬其一綫即准該商等
赴粵海關請領紅牌該督派文武委員於八月十九日將律勞
卑押出兵船二隻亦於是日開出虎門海口所有調防各處水陸
官兵概行撤回分別歸伍歸巡外夷不諳例禁之處不值與之深
較朕亦不為已甚玩則懲之服則舍之該督等辦理此案尚合機
宜前因該督不能先事豫防是以降旨分別革職示懲今既能辦
理妥善不失國體而免釁端朕頗嘉悅盧坤著加恩賞還太子少
保銜並給還雙眼花翎其前此疏防亦難辭咎著仍帶革職留任
所有海防各營汛乃水師提督專轄前任水師提督李增階業經
革職見已事定著毋庸議即令回籍已革水師提標中軍參將高
宜勇著俟枷滿一月後即行釋放其看守礮臺怠玩各弁著一併
東華續錄 道光三十 六

太子少保銜拔去雙眼花翎先行革職暫留兩廣總督之任戴罪
督辦如果辦理迅速諸臻妥協尚可稍從末減儻因循貽誤致滋
後患定當以軍法從事決不寬貸懷之慎之○庚午 上閱健銳
營兵○癸酉諭本日據哈豐阿等由驛馳奏英吉利兵船出口一
摺律勞卑來粵貿易不遵法度擅令兵船二隻闖入海口進至內
河黃浦地方經該督調派文武員弁兵丁並咨調旗營提標師船
及新會等縣內河巡船分布前路及兩岸扼要處所該兵船人等
見水面木排橫互槍礮如林大小師船排列數里陸路亦處處駐
兵紮營聲勢聯絡軍威嚴整內外消息不通惶恐悔罪懇求給牌
下澳該督飭令洋商伍敦元等嚴加詰問因何不領牌照擅將兵
船闖入內地且於兵丁開礮轟擊時輒放礮回拒令其明白登答
方准出省旋據該商加律治等覆稱兵船進口實因商船封船保

柳滿釋放此係朕格外施恩該督等惟當知感知懼力加振作於
營務海防隨時認真訓練務將從前積習痛行消除俾士卒悉成
勁旅以壯聲威而副委任○甲戌以受慶為左副都御史由通政
○丁丑永定河溢命琦善督辦○以明訓為內閣學士兼禮部侍
郎銜由詹○戊寅諭各部院援引舊案分別存銷覈實確對以杜
弊混○乙酉命敬徵吳椿馳往浙江會勘海塘工程○是月展賑
直隸宛平等七州縣水災給奉天新民等四州廳縣水災口糧並
修屋費貸廣東廣州肇慶二府水災籽種打牲烏拉被水旗民倉
穀蠲緩直隸大城等五十一州縣山西太原縣水災新舊額賦緩
徵山東歷城等二十六州縣衛旱災水災蠲災軍民新舊額
賦山西五臺縣災民逋穀
冬十月癸巳諭軍機大臣等有人奏粵商近增私稅拖欠夷錢請

明定章程杜絕弊端等語外夷與內地通商本係天朝體恤所有應納稅課果能按額徵取自必樂為輸納日久相安若如所奏近來粵商頗多疲乏官稅之外往往多增私稅奸人又於其中關說牟利層層剝削甚有官商拖欠夷錢盈千累萬以致釀成弊端是粵商等假託課稅名目任意勒索無怪激生事變即如本年英吉利律勞卑等將兵船闖入內河未必不因粵商等多方婪索心有不甘著盧坤等確切查明備有前項情弊立即從嚴懲辦毋稍徇隱著悉心籌議將應如何稽覈之處妥立章程據實具奏○諭盧坤等驅逐洋面躉船並申禁內地匪徒勾結販運鴉片○戊戌諭昨日健銳營官員引見衣服樸素箭皆中靶崇實務本不失滿洲舊風朕心嘉悅之至此外各營果能相觀而善紀律嚴明俾各知騎射為滿洲根本無或廢棄本業永久飭遵何患技藝不精舊風東華續錄 道光三十

不復也其各實心實力勉助毋怠○甲辰諭大學士曹振鏞由乾隆年間供職詞垣嘉慶年間擢至大學士朕親政之初簡授軍機大臣久贊綸扉倍加勤慎見在年登八秩精神強固朕心實深嘉悅允宜特沛殊恩以昭懋眷伊孫曹紹楨著加恩賞給舉人准其一體會試用示朕篤祐耆臣有加無已之至意○己酉册立皇貴妃鈕祜祿氏為 皇后翌日頒詔天下加恩有差○庚戌追封 皇后父故乾清門二等侍衛世襲二等男頤齡為一等承恩侯諡榮僖以其孫瑚圖哩襲爵○王子恭上 皇太后徽號曰恭慈康豫安成莊惠皇太后翌日頒詔天下尊恩有差○丁巳加培永定河大壩新工○辛酉那清安以病免以徵徵為兵部尚書奕顯為左都御史仍兼署禮部尚書○是月給湖北黃梅等三縣衛湖南安鄉等四縣衛被水軍民口糧貸甘肅皋蘭等八州縣旱

災雹災口糧展緩黑龍江等處款收貸款蠲緩吉林十旗打牲烏拉八旗湖北黃梅等二十六州縣衛湖南安鄉等九州縣水災新舊額賦緩徵河南榮澤等十八縣安徽懷甯等三十四州縣衛雹災水災新舊額賦湖北永綏廳屯租

十一月癸亥諭本年武鄉試特派桂齡襲鎧為正副考官自當認真考覈遵例去取乃於內場取中試卷置雙好而中單好辦理錯謬復蹈上年白鎔胡達源等前轍當降旨將該考官等交都察院吏部分別嚴議議處茲據奏請將桂齡襲鎧降四級調用八十二降二級留任桂齡著降為從三品候補襲鎧著降為正四品候補其不具摺參奏之監試御史八十二著降二級留任不准抵銷○以劉彬士為吏部右侍郎前任倉場侍郎○前任兵部尚書那清安卒贈太子少保予祭葬諡恭勤○甲子命晉封靜妃博爾濟吉特氏為東華續錄 道光三十

靜貴妃彤嬪舒穆魯氏為 彤妃○調汪守和為禮部尚書史致儼為工部尚書○壬申禮部尚書昇寅卒贈太子太保賞銀三百兩治喪予祭葬諡勤直○以奕顯為禮部尚書恩銘為左都御史朱為弼為漕運總督調王楚堂為倉場侍郎轉襲守正為兵部左侍郎以史譜為兵部右侍郎由內閣學士遷○癸酉刑部尚書戴敦元以病免○己卯調史致儼為刑部尚書以王引之為工部尚書○以陳官俊為內閣學士兼禮部侍郎銜由詹事府遷○前任刑部尚書戴敦元卒贈太子太保予祭葬諡簡恪○庚辰諭敬徵等奏會勘海塘工程的議辦理一摺據稱此次修理塘工前議由念里亭汛甲字號起至尖山汛石字號止於石塘外改築柴工見在已鑲柴工尚能抵溜惟塘身緊要應乘此柴工外護將此內坍卸石塘即時修整完固著速飭工員趕緊興修以資保障至鎮海汛啓字號起

至戴家橋汎積字號止原議改建竹簍塊石工程本係前人成法自乾隆四十五年以後迄無辦過成案而保護鱗塘之法以修復條石坦水較為得力烏爾恭額遵旨會同履勘仍與前次情形相同殿煥稱坦水與竹簍均係海塘成法富呢揚阿請仍修坦水見據敬徵等公同商酌意見相同所有原議改建竹簍塊石處所著仍照舊制修復條石坦水二層以護塘基限於明年四月內將頭層坦水修整堅固其二層坦水接續趕辦統限於明年九月內竣工著烏爾恭額吳椿不時稽查如有草率偷減情弊立即嚴參懲辦惟各項工程未能同時並舉著將烏龍廟以東原奏添建鱗塘限明年七月竣工者暫為推緩俾專辦坦水樁木條石以濟要工其海甯繞城三層坦水及原議繞城塘工加高二層著俟明年大汛時察看情形再行奏明辦理至請修坦水段落除賠修不計外

東華續錄

道光三十

九

爾恭額為浙江巡撫由盛京工部侍郎遷○命吳椿留浙會辦海塘工程○丙戌命瑚松額鄂山緝查四川文武衙署蠶役積弊○命文孚為東閣大學士管吏部事調穆彰阿為吏部尚書協辦大學士耆英為戶部尚書敬徵為工部尚書奕顯為兵部尚書以載銓為禮部尚書○工部尚書王引之卒予祭葬諡文簡○丁亥以何凌漢為工部尚書吳椿為左都御史調姚元之為戶部右侍郎劉彬士為刑部左侍郎張鱗為吏部右侍郎龔守正為戶部左侍郎以沈岐為兵部右侍郎由內閣學士遷○廖鴻荃以病免以沈維鏞為工部左侍郎由左副都御史遷○移江蘇金山縣知縣典史駐涿涇鎮涿涇鎮巡檢駐舊治之衛城○是月給浙江麗水縣水災口糧蠲緩浙江建德等十六州縣衛水災新舊額賦緩徵江蘇上元等六十五州縣縣衛甘肅皋蘭等二十九州縣湖北黃岡黃梅二縣災歉新舊額

東華續錄

道光三十

十

察克歸順當派五品伯克皮魯斯出卡查探並傳諭安集延呼位
達派人會同前往曉諭皮魯斯面見霍罕差來之邁買西里普論
以該處乃葉爾羌所屬向設阿奇木伯克及伊什罕伯克等官爾
等不應侵占地方乃邁買西里普一味狡展不肯輸服旋據霍罕
勒什噶爾胡什伯克差人遞稟見仍派令皮魯斯出卡偵探等語
色喀庫勒孤懸卡外為葉爾羌咽喉要地該夷於上年藉稱向布
噲特收稅妄肆搶擄經該大臣等飭令額爾沁弔噶爾拜派人出
卡曉諭見在又遣人前來直欲強占地方披閱該夷稟詞實屬狡
強可惡若不嚴切曉諭絕其覬覦之心恐由此益無忌憚於邊疆
大有關繫該大臣等擬寫諭帖甚合機宜著即將帖交阿奇木伯
克伊斯瑪依爾轉行寄知仍飭令該伯克另行寄諭霍罕伯克不
准任聽所屬之人侵占地方並傳諭色喀庫勒阿奇木伯克庫爾
東華續錄 道光三十

察克等加意防守不可稍有疏失俟皮魯斯查探實在情形旋回
時即行據實具奏○丙申諭四川岷邊夷匪出巢滋擾上年即係
楊芳督辦據奏三廳地方一律肅清我邊二十四地皆所親歷並
稱撫其馴服誅其獷悍不至復行滋事未及半年該夷匪仍肆焚
搶復經楊芳統兵前往剿撫於本年八月間函致瑚松額等率稱
事有把握即可完竣其餘支夷永安靜乃甫及月餘該夷匪又
復出巢擄搶輒以求釋前獲之雙甲為詞是楊芳節次辦理此案
總未妥善毫無把握鋪飾妄奏本應照部議革職姑念前在回疆
著有勞績稍示懲儆以觀後效楊芳著降為二等侯革退御前侍
衛以總兵前往甘肅候補毋庸來京陛見瑚松額鄂山部議降二
級留任本屬咎所應得念其於該夷匪滋事雖未親往督辦於楊
芳辦理夷寨不善尚不贖徇情面據實參奏著加恩改為降一級

留任不准抵銷○庚子以吳傑為內閣學士兼禮部侍郎銜牛鑑
為順天府府尹程林采為山東按察使由陝西○以毛式郇為左
副都御史服闋左副○壬寅以卓秉恬為內閣學士兼禮部侍郎
銜由宗人府○甲辰以奕經為黑龍江將軍調奕紀為戶部左侍
郎文慶為吏部右侍郎聯順為禮部右侍郎由兵部○丙午轉寶善
為兵部左侍郎以廉敬為兵部右侍郎由庫倫辦事大臣○壬子諭前據
御史許球奏兩淮鹽務辦理支飾情形當降旨交戶部查覈具奏
茲據奏兩淮歷年題報額徵課款覈算癸巳綱徵完銀數較辛卯
網實少徵銀二十三萬餘兩其自癸巳綱起停止加帶配割正引
未完正雜課銀仍有三十餘萬兩並未能多交銀一百七八十萬
兩較辛壬兩綱又少完加斤銀四十餘萬兩計自嘉慶十二年
至道光六年章算每年解過銀四百餘萬兩道光七年解過銀六
東華續錄 道光三十

百萬兩覈與該御史所奏比較各款銀數均屬相符至帑利等銀
向係分解京外衙門之款總未據造冊報部見據在京各衙門均
有奏催之案著陶澍仍遵前旨迅即按款造報以備稽覈又據查
該御史所奏趕銷積引毋誤奏銷並籌及票鹽各情形均係准釐
緊要關鍵計壬癸未運各引實已積至一綱有餘見在已屆年
終備尚有未清積引勢必年復一年愈積愈多又聞牽混之門永
無清釐之日更復成何事體兩淮鹽課奏銷例有定限前據該督
將辛卯奏銷奏請展限經該部議覆予限四箇月自應運清積引
依限奏銷並逐漸提歸二月原限斷不可再有遲延又滋轉轉著
該督即將未清積引掃數銷完其新綱奏銷仍確遵奏定期期不
准稍有遲逾以正綱分而免積壓至准北見行票鹽該督前奏試
行有效並請推廣辦理若如該御史所奏見在搶案紛紛疊出駭

與該督前奏情形迥有不同倘稍滋流弊因鹽務而累及地方所
關甚鉅著該督認真查辦將如何稽查防範不至滋生事端並見
在有無搶案疊出之處據實具奏毋稍含混兩淮鹽務改歸總督
兼轄疏銷緝捕呼應較靈且裁革浮費清釐積欠截前杜後永斷
葛藤正應剔除弊端年清年款提歸每年二月奏銷原限乃正雜
各課及帑利等銀逐年短絀舊欠未完新虧又積年復一年伊於
胡底朕綜理庶政惟知賞功罰過視乎其人之自取從前會煥張
青選福珠隆阿福森辦理不善立予罷斥即係前車之鑒該督如
有天良即當實力疏銷通盤籌畫振刷精神勉圖自效儘稍存回
護粉飾彌縫苟且一時毫無實效帑課攸關豈容因循貽誤朕惟
有執法從事治以應得之罪斷不稍為寬貸○癸丑 上詣 大
高殿祈雪○甲寅申禁雲南流民租種苗田○是月貸直隸災區
東華續錄 道光三十

各營兵餉江甯八旗官兵銀米廣東南海等九縣籽種並圍基修
費展緩陝西榆林等八州縣旱災電災額賦廣東南海等九縣水
災新舊額賦緩徵山西山陰縣貸穀○是歲朝鮮琉球緬甸暹羅
來貢

東華續錄

道光三十

王先謙敬編

臣周濟蕃恭校

道光十五年乙未春正月壬戌以 皇太后六旬萬壽詔開恩科
於本年八月舉行鄉試來年三月舉行會試○甲子諭大學士曹
振鏞學問淵博獻替精醇公正慎勸老成持重自其父曹文植供
職內廷渥承 皇祖高宗純皇帝知遇擢至戶部尚書嗣曹振鏞
仰荷 皇祖特達之知由翰林洊升詹事 皇考仁宗睿皇帝親
政以來洊加升擢簡任綸扉朕御極之初特授軍機大臣十四年
餘一德一心深資啓沃絲綸首掌鉅細畢周夙夜在公始終如一
實朕股肱心膂之臣服官五十餘年歷事 三朝身躋崇要從未
稍蹈愆尤動循矩法克副贊襄念其年躋八秩特命肩輿入直俾
東華續錄 道光三十

節勞勩上年因 微疾請假派員存問俾安心在寓調養優加慰勞
方冀速痊照常入直詎意數日之間遽成長往頓失腹心之臣不
覺聲淚俱下悼惜難堪著加恩入祀賢良祠賞給陀羅經被並手
串煙壺煖手各什派穆彰阿帶領侍衛十員即日前往奠醊朕於
本月二十九日親臨賜奠並著賞給廣儲司庫銀二千兩經理喪
事其任內一切處分悉予開復應得卹典著該部察例具奏伊子
曹恩煇著賞給四品卿俟服闋後遇有四品京堂缺出著該部開
列請補用示朕軫懷舊恩賚有加至意○王申諭朕勤求上理
惟日孜孜用人行政總求一實字各直省督撫皆係朕特加簡權
大員察吏安民是其專責非徒潔己奉公遂云稱職也為大吏者
果能振刷精神以整飭官方為己任遇有不肖屬員劣蹟昭著一
經訪聞即當隨時參劾立予重懲若徒博寬厚之名見好屬員多

方御隱必致該屬員等積久生玩相率效尤於吏治官常大有關繫况回護一不肖屬員市惠甚小而一方隱受其害何可勝言該督撫等深受國恩所司何事問心能無愧乎即如湖南湘潭縣知縣靈秀謀娶捕役之女為妾又復展轉售賣已革通判葉起鵬收受部民壽禮並誣指紳民為鬧漕兇棍前經御史劉誼參奏經朕特派賽尙阿等前往查辦見已審明屬實已將靈秀葉起鵬分別發往伊犁烏魯木齊充當苦差矣該二員一則行止鄙劣一則居心貪詐既已遠播京師該省大吏若謂毫無聞見則是形同木偶若竟有心容隱更屬深負委任且該撫保薦靈秀旋因訪有劣蹟將該員奏參而於謀娶民婦重情未經查明具奏葉起鵬雖經另案參革而於誣稟鬧漕既經委查明確並不從嚴懲辦止知代為彌縫不肯據實參劾其自為謀則善矣豈以實心行實政者之所

東華續錄

道光三十一年

二

為耶湖廣總督統轄兩省湖南巡撫及藩臬兩司為本省大吏均有統率之責何以於該二員種種貪劣款蹟漫無覺察湖南一省如此恐他省亦所不免積習相沿殊堪痛恨所有此案失察之湖廣總督湖南巡撫及藩臬兩司俱著交部查取職名分別照例議處以示懲儆因思天下之大兆民之眾一人耳目豈能周徧儻事必待朕訪聞或經科道糾參始能水落石出則此外未經訪聞未經糾參之事各督撫置之不辦者正不知凡幾國家設官分職各有攸司若外省事件動煩派員查辦不特無此政體又安用爾督撫為耶嗣後各直省大吏務當激發天良不避嫌怨於屬員之賢否認真訪查一有貪劣款蹟立即指參重治其罪庶可懲一儆百俾不肖各員不至肆無忌憚貽害地方方為不負委任儻經此次諄諭之後仍復狃於綱習輒存官官相護之見不能破除情面

有犯必懲一經發覺朕惟知執法從事定將該督撫等嚴行懲處決不寬貸勿謂誥誡之不豫也○癸酉諭朕親政之初見大學士曹振鏞人品端方學問優長特授為軍機大臣用資啓沃十四年餘靖共正直歷久不渝雖身躋崇要小心謹恪動循矩法從未稍蹈愆尤凡所陳奏均得大體老成持重懋著忠勤實朕股肱心膂之臣從前乾隆年間大學士劉統勳嘉慶年間大學士朱珪仰蒙皇祖高宗純皇帝 皇考仁宗睿皇帝鑒其品節 賜諡文正易名之典備極優隆曹振鏞實心任事體用兼優外貌訥然而無替不避嫌怨朕深倚賴而人不知揆諸諡法實足以當正字而無愧茲據該衙門奏請予諡著加恩賜諡文正用示朕眷懷良輔寵錫嘉名至意○甲戌諭向來各直省學政閱文幕友不准延請視學省分之人至該學政延請本籍幕友原屬例所不禁本日據鄂

東華續錄

道光三十一年

三

山將四川學政王篤閱文幕友姓名籍貫照例開單呈覽朕詳加披閱該學政幕友六人均係陝西籍貫而籍隸韓城者居其五竇向來所未有學政有教育人材之責校閱自宜公明而防弊尤須周密若幕友盡係同鄉不但易滋物議設遇有通同舞弊情事稽察更恐難周不可不防其漸著王篤即將見在幕友酌量更易數人並隨時嚴加查察以肅關防嗣後各直省學政務擇品學兼優之士稟校文字不得專用本籍之人致滋流弊○戊寅諭前據理藩院奏稱霍罕夷使在該衙門呈遞稟詞懇求奏請施恩該衙門撰給駁飭諭帖一併進呈辦理尙屬得體昨日召見大學士長齡奏稱該夷使曾到伊寓所餽以土物僅收受葡萄一盤該夷使復向長齡呈遞稟詞經長齡接受籍寫呈覽人臣義無外交長齡身為大臣自當深知國體該夷使餽送土物時長齡即當諭以天朝

體制概行拒絕至所遞稟詞亦應當即駁飭令其向理藩院衙門自行呈遞乃長齡並不正詞曉諭絕其妄瀆率行收受葡萄並將原呈代奏殊屬不合長齡著交部議處尋降四級留任革御前大臣罷兼管戶部○諭軍機大臣等寄諭葉爾羌參贊大臣與德昨據理藩院奏稱霍罕來使愛連巴依在該衙門投遞呈詞懇將從前發遣安集延回犯男女十名口奏請釋放俾得順便帶回經該衙門撰給諭帖以此項人犯非據該伯克之意懇求止係各犯親友情託且各犯緣事發遣均未敘明語涉含混奏明駁飭嗣據長齡復將該夷使向伊呈遞稟詞呈覽人臣義無外交長齡接受稟詞不即諭令向理藩院衙門投遞率行呈覽實屬不合已降旨交部議處矣至該夷使愛連巴依稟詞內稱赦回發遣犯人下賸一半懇求施恩上年據該大臣查明除釋回外見存回犯三十六名

東華續錄 道光三十一 四

均經奏明該犯等情願告存該處永遠為奴已飭該大臣無庸查辦又稱入官回子地畝懇求施恩此項鈔獲驅逐安集延田地早經變價給還其六年從逆案內鈔獲叛產不在其內不應給還又稱各處免納稅銀下賸二處一巴達克山一克什米爾懇求施恩十二年閒業經降旨准令葉爾羌等卡外各部落暨布魯特等一體免稅此二處見在如何辦理著該大臣查明具奏又稱發遣安集延回犯四名懇求施恩業經理藩院駁飭亦著無庸查辦又稱喀什噶爾回婦被漢人娶去懇恩放回上年據該大臣查明實無其事嗣後遠近各莊仍飭隨時嚴查有犯必懲該夷使情詞詭詐瀆請邀恩即如巴達克山克什米爾免稅與否與霍罕毫無干涉尤為多事天朝統馭外夷總須於體恤之中申明例禁絕其搆貳之念堅其向化之心如該夷使回抵該城另有稟求事件該大臣

當正詞曉諭酌量駁飭宣布國威誠心開導俾該夷無虞無詐歷久相安以示羈縻而崇國體○己卯諭昨因長齡收受霍罕夷使葡萄並將原呈代奏業經降旨將長齡交部議處矣人臣義無外交在廷各大臣遇有外藩使臣向其餽送自當正詞曉諭絕其妄瀆方為得體惟新疆西北兩路各城向有夷使致送該將軍大臣等馬匹等物原准其量為收受加倍賞賚所以厚往薄來用示懷柔之意至該夷使等年班來京本不准與內地官民私相餽問各大臣職有攸司尤不應與屬國陪臣互相酬酢此理甚明各宜慎遵至我朝與蒙古世聯姻好其王公台吉等多係公主格格瓜葛之親因事來京向內地王公等餽送土物彼此酬答原屬例所不禁此外在廷諸臣與該王公台吉等既非姻親自應概絕餽遺以避嫌疑嗣後回城伯克外藩夷使及蒙古王公台吉等如有違例

東華續錄 道光三十一 五

候問及投贈等事該大臣等務即申明例禁力斥其非概行辭卻以杜請託夤緣之弊儻不能破除情面違例收受一經發覺定將該大臣等從重治罪決不寬貸勿謂言之不早也○癸未諭軍機大臣等前據御史許球奏兩淮鹽務辦理支飾情形經戶部查覈具奏當降旨交陶澍認真查辦實力疏銷毋許稍存回護茲據陶澍將歷年辦理離務實在情形據實具奏朕詳加披閱自係前降諭旨該督尚未奉到此次所奏尚無支飾強辨情詞惟兩淮離務當積疲之後必應竭力整頓以期日有起色漸次挽復舊章且以總督兼轄鹽政呼應較靈正宜清釐積欠剔除弊端年清年款提歸每年奏銷原限從前曾煥張青選福珠隆阿福森辦理不善立予罷斥即係前車之鑒該督當振刷精神勉圖自效毋稍貽誤致蹈覆轍甲午新引見已開網該督即督飭運司趕緊督運以符奏

銷期限務歸年清年款方為不負委任○乙酉諭朱為弼奏查禁糧船水手滋事酌議章程一摺糧船水手沿途恃眾滋事必應迅速查拏嚴刑懲辦茲據該漕督奏稱押運北上例隨尾幫其在前各幫難於遙制所有在前各幫水手滋事著責成押運官弁會同地方文武官嚴拏務獲不獲分別嚴議拏獲之犯即交地方官訊明按律從嚴速辦本船照舊開行前進毋誤限期所犯之罪除重應正法輕應枷號外其應發遣並軍流以下罪名訊明後著先於犯事地方枷號示眾俟漕竣後再行覈辦地方官儻有疏縱情弊即著該省督撫嚴行參辦毋稍寬貸至投充水手定例責成頭舵分別雇用確知姓名籍貫保結又有前後船十家保結有犯連坐嗣後水手有犯頭舵能查明稟報者著酌給獎賞十家保稟報免其連坐仍給獎賞其頭舵十家保能將重犯縛送運官究辦者優

東華續錄

道光三十一年

六

加獎賞若知情徇隱亦著加倍治罪幫弁於雇募水手到幫及停泊時按船查驗腰牌如敢仍前虛應故事並不認真稽查即著該漕督從嚴懲辦以儆奸徒而肅漕政○以錢寶琛為浙江布政使調程懷璟為雲南按察使以周天爵為江西按察使由安徽道遷○丙戌諭楊遇春奏精力漸衰舊疾復發懇請開缺回籍調理一摺楊遇春起自行開歷事 三朝自少壯從戎每遇軍書旁午無不在事馳驅忠勇嚴明深嫻韜略功勳懋著洵邀五等之封朕御極後特加簡擢昇以陝甘總督重任復能盡心職守於邊省事務控制得宜訓練軍實整肅官方實力實心不避嫌怨老成威望中外皆知寶朕股肱心膂之臣茲因年近八旬舊疾舉發懇請懇開缺調理若重違所請朕心實有不忍楊遇春著准其開缺俟瑚松額到任交代後即緩程來京陛見親加慰勞量為施恩以榮

其行且俾伊得伸瞻戀之忱屆時再令回籍息心頤養優游林泉以示優待勳臣眷念無已至意○以富呢揚阿為科布多參贊大臣恩桂為盛京工部侍郎由內閣學士遷○以瑚松額為陝甘總督由成軍○戊子諭大學士曹振鏞 先朝耆舊久直內廷端謹老成靖共正直十四年餘嘉謨嘉猷深資倚賴前因溘逝特崇懋典用獎前勳業加恩賜諡文正並准其入祀賢良祠伊子曹恩浹服闋後以四品京堂補用朕追維良輔迭沛隆施茲復派令惠郡王前往賜奠伊孫曹紹桐著賞給舉人准其一體會試將來靈柩回籍時著沿途地方官照料妥為護送用示朕篤念耆臣有加無已至意○是月展賑奉天牛莊等三處被災旗戶給江西南昌等九縣甘肅靖遠等六州縣口糧貸山西太原等三州縣江西南昌等二十六縣湖南安鄉等四州縣甘肅秦州靖遠縣被災倉穀籽種緩徵

東華續錄

道光三十一年

七

直隸大興等十四州縣山東歷城等十九州縣衛甘肅宜禾縣被災新舊額賦展緩直隸保定等四十四州縣江蘇上元等三十五州縣衛通糧

二月丙申吉恒休致以阿勒清阿為廣東布政使宋其沅為廣西按察使由浙江鹽運使遷○己亥命阮元為體仁閣大學士管理刑部以伊里布為雲貴總督何焯為雲南巡撫牛鑑為陝西布政使蔡世松為順天府府尹調周天爵為安徽按察使以陳繼昌為江西按察使由直隸通運使遷○以戶部尚書王鼎協辦大學士○丁未賜故朝鮮國王李玘祭一次諡宣恪並追予故世子吳封爵○癸丑以連貴為內閣學士兼禮部侍郎銜由太常寺卿遷○乙卯惠吉奏越南保樂土州農文雲見被該國官兵擄破賊巢潛逃不見蹤迹報聞○己未調廉敬為刑部右侍郎恩桂為兵部右侍郎奕澤為盛京工

部侍郎轉隆文為理藩院左侍郎以慶敏為理藩院右侍郎由內閣學士

三月癸亥莫爾慶阿以病免調李恩繹為陝西按察使以王清蓮為廣東按察使由山西冀甯道遷 ○丁卯 上詣田村 孝慎皇后殯宮

前奠酒 ○山西巡撫鄂順安奏本月初四日趙城縣突有匪徒滋事燒毀監獄大堂知縣楊延亮不知存亡又據靈石縣稟報霍州被圍調兵勦捕 ○癸酉兩廣總督盧坤等奏防範貿易洋人酌增章程八條一外洋護貨兵船不准駛入內洋一洋人偷運槍礮及私帶番婦至省責成行商一體稽查一洋船引水買辦由澳門同知給發牌照不准私雇一夷館雇用民人應明定限制嚴防句串

作奸等弊一洋人在內河應用無蓬小船禁止開遊一洋人具稟事件一律由洋商轉稟以肅政體一洋商承保洋人商船應認派東華續錄 道光三十一年

兼用以杜私弊一洋船私賣稅貨責成水師查拏嚴禁偷漏得旨所議俱妥務須實力奉行斷不可日久又成具文也勉益加勉 ○乙亥 上親耕藉田 ○幸南苑行圍 ○諭軍機大臣等本日據鄂

順安由五百里馳奏生擒斃賊匪多名查明起釁情形及該管知縣全家被害一摺此案山西趙城縣匪徒曹順傳習邪教因該縣知縣楊延亮訪聞查拏膽敢指令韓奇等糾眾負夜滋事焚燒衙署監獄將該縣知縣楊延亮殺斃楊延亮之母及妻並四子二女暨幕友楊成鼎均同時被害又殺斃家丁二名婢女一口楊延

亮因訪拏教匪以致全家被害並無激變情事深堪憫惻著該部即照強克捷之例奏明給銜賜卹並賞給騎都尉世職著在該縣城建立專祠其母及妻四子一女幕友楊成鼎家丁婢女均著一併分別附祀並著查明楊延亮原籍有無子孫奏明候旨首逆曹

順務飭趕緊拏獲並訊明動手戕官之犯摘心致祭以慰忠魂至該犯等所習係屬何教平日傳授徒黨是否止在趙城一縣抑或蔓延他處及直隸山東河南鄰近省分必須嚴訊夥黨切實根究不可稍有顛預以絕根株首逆曹順及在逃匪犯務飭分路追緝弋獲究辦不准稍有鬆懈哈喇阿祥康見在省垣已諭令先赴陝西校閱事竣再回山西補閱營伍 ○改四川越嶲通判為同知城口廳同知為通判 ○庚辰 上還京師 ○辛巳諭山西趙城縣知縣籤升雲南南安州知州楊延亮因該縣匪徒曹順傳習邪教訪聞查拏該匪徒膽敢糾眾焚燒衙署監獄將該縣知縣楊延亮殺斃並其母妻子女及幕友家丁婢女同時被害該故員職膺民社訪聞習教匪徒立即查辦以身殉難閩署被害者十有三人深堪嘉憫前經降旨交該部即照強克捷之例奏明辦理茲據吏部查東華續錄 道光三十一年

明具奏楊延亮著即照知府例給與卹典並著在該縣城建立專祠將家屬幕友等一併附祀並准其入祀京城昭忠祠照例賜諡以慰忠魂至所請賞給騎都尉世職罔替之處因思從前強克捷在河南滑縣任內訪知李文成逆謀先期將該逆拏獲刑夾受傷以致林清在京不得遂其句結奸謀立即破案同正刑誅厥功甚鉅此次楊延亮因訪拏曹順傳習邪教其全家被害之慘與強克捷同惟此案匪徒該故員雖經訪聞查拏尚未拏獲到案旋即被害與強克捷稍有不同楊延亮著賞給騎都尉世職俟襲次完時以恩騎尉世襲罔替用獎忠盡而示區別尋予諭昭節 ○癸未諭鄂山奏官兵進剿雅扎等支夷匪已將險要各路截平一摺四川我邊應屬雅扎等支夷前因辦理未安心生玩視以致句結各支負隅抗拒經鄂山等奏請添兵進剿茲據鄂山奏稱據署提督馬

騰龍等督率將弁分兵十隊以五隊循迤西上路而進以五隊由迤西下路環繞而出於二月十九至二十七等日連獲勝仗六次險要處所俱經攻克夷目戶租等三十六名積憤搶擄之著名兇夷訥賊等十八名兇夷自虎等六名及連雞等四名均已生擒兩路夾攻殲斃賊匪千餘名賊勢已極窮蹙辦甚屬可嘉鄂山前因未能控制合宜降一級留任處分著即予開復署提督馬騰龍著交部議敘此次在事尤為出力員弁著該督酌量保奏數員毋許冒濫傷亡兵丁照例辦理該督即督飭馬騰龍等一鼓作氣趁此破竹之勢搜捕淨盡務期一勞永逸以伸天討而靖邊圉○甲申諭軍機大臣等寄諭山東巡撫鍾祥河南巡撫桂良河工之要首在破除積習經理得人次在節省錢糧工歸實用有人奏吳邦慶接任以來十二年以河南候補同知黎淦候補通判沈廉改撥東華續錄 道光三十一

河工十三年以試用縣丞龔國良改撥河工上年又以河南候補通判羅傑候補州同沈鏞候補府經歷周昀改撥河工如果差委乏人不難奏請分發乃以地方候補人員紛紛改撥無非為屬員謀缺地步歷年安瀾保舉不過十餘員上年保至二十五員之多未免冒濫東河南北廳屬動用銀兩上年安瀾摺內稱各員摺節錢糧埽工碎石兩項省銀三十餘萬兩而十月報銷摺內則云比十三年省銀十二萬餘兩其碎石留存可值十五萬兩前後所奏數目不符且碎石乃例應籌備之項今年仍應開銷不得謂之節省東河自道光元年至十年每年動用正項錢糧多至一百萬兩以內其用至百萬以外者不過三四年惟十一年搶辦險工用銀一百十四萬今吳邦慶任內十二年十三年十四年俱用至一百十萬兩以外較之十年以前有多無少是所謂摺節錢糧一語不

過為屬員升官考語按之實際仍屬子虛未免意存隱飾河工正項動支之外尚有找補不敷銀兩此三年中多找銀二三十萬兩即係多支銀兩之證再聞吳邦慶年老重聽自十二年到任即調河南候補通判沈廉在署辦理摺奏改撥河工補用曹考廳通判仍不時密商事件該通判在外招搖無所不至又引沈鏞為心腹亦得保舉沈鏞係在河北道署二十餘年幕友沈亦周之子聲名甚為平常改撥縣丞龔國良即下北河同知上年保舉道府龔慶祥之子候補通判羅傑係在京開張廣泰銀號羅嶼之子羅嶼往來工次承辦東河奏銷包攬一切為河工之蠹各等語該撫與吳邦慶駐紮不遠見聞必確著詳晰查明該河督保舉有無濫冒其錢糧摺節數目是否與原奏相符見在果否重聽通判沈廉是否不時與該河督密商事件在外招搖以及沈鏞等各員有無劣迹東華續錄 道光三十一

一併詳查明確即據實迅速具奏不得遲延觀望此係專交查辦事件該撫自當破除情面毋稍瞻徇儻有不實不盡經朕訪聞或別經科道參劾該撫不能當此重咎也○是月給甘肅皋蘭等五州廳縣災款口糧緩徵江西南昌等八縣修隄通款展緩湖北黃陂等二十四州縣衛災民運賦

夏四月壬寅調龔守正為吏部右侍郎轉姚元之為戶部左侍郎調程恩澤為戶部右侍郎以吳傑為工部右侍郎由內閣學士遷○癸卯諭鄂山奏官兵進剿我邊廳屬雅扎等十三支夷匪全境肅清一摺四川我邊廳屬雅扎等十三支亦夷頻年句結滋事罪在不赦此次經該督調兵進剿連次克捷節據委署提督馬騰龍藩司李義文等陸續稟報分路攻克於二月二十八九至三月十九等日焚毀賊巢殺斃夷匪多名巨魁悉數殲擒其夷賊年兒等二名格

夷一名黑夷阿租等八名巨兇馬日等六名月立等八名雅扎首
兇我我蠻和尚等八名均已生擒自衣巫哈曲殺蠻溪至大小木
瓜等處十三支夷地自經而月以來無險不克並附和夷人之鳥
拋悉已蕩平其奔逃零星餘匪及該夷家屬等見在投誠乞命已
據馬騰龍等察看真誠傳令具結永不滋事又另片奏馬邊應屬
之大烏拋及阿車家越馬騰龍之沈渣家均與十三支毗連應乘得
勝之師示以兵威俾附近各夷咸知震疊所見是所辦可嘉之至
鄂山著加恩晉太子太保銜賞戴雙眼花翎發去雙眼花翎一支
白玉翎管一箇交鄂山祇領馬騰龍著賞加提督銜李義文著賞
戴花翎馬騰龍李義文均著交部從優議敘所有擒獲兇夷者就
地正法以儆兇頑其在事尤為出力員弁著仍遵前旨酌量保奏
毋許冒濫傷亡兵丁查明照例辦理○己酉鍾祥奏匪徒曹順等
東華續錄 道光三十一年 三
三犯由觀城縣境內偵獲提省研鞫曹順實係習教滋事首犯張
文炳即張汝斌李五堯實名李吉星均各供認聽從滋事同謀不
諱命解往山西歸案辦理○以桂森為內閣學士兼禮部侍郎銜
由詹事府○王子盧坤等奏越南渠魁殄滅夷地悉平報聞○甲寅賜
劉繹等二百七十二人進士及第出身有差○丁巳 上詣 黑
龍潭祈雨○戊午 上詣田村 孝慎皇后殯宮前奠酒
五月癸亥諭軍機大臣等鄂順安奏審辦逆犯情形一摺趙城縣
逆犯曹順等率眾進城戕官焚署若非豫謀不軌何以驟能起事
見據該撫訊明曹順習教傳徒始則僅圖歛錢繼而漸生逆志捏
稱其教可避火器因該故縣楊廷亮訪聞飭拏縣差內狄思亮趙
法玉即係習教之人潛通信息遂起意先行動手三月初四日夜
曹順派令韓奇率眾滋事時趙法玉偕同狄思亮在署接應執火

引路其徒楊潮法素充驛站馬夫膽敢在距城五里之窩子鎮地
方搶劫驛馬分給賊眾乘騎該三逆罪大惡極可恨之至狄思亮
先已殲斃該撫見將趙法玉楊潮法並審定供詞之李廷標等八
十二名先後凌遲斬決戮屍傳首梟示所辦大快人心至見在續
獲之靳恒倡等二十餘名並據平定州獲解之楊潭供出趙城縣
人吉甫清衛習倡洪洞縣人鄭立德等著該撫督飭各員嚴切根
究並遊員迎提曹順傳邦凝等犯一俟解到即提同各要犯逐加
研訊並此外有無餘黨務須徹底究明密速查拏按律懲辦毋使
一名漏網以淨根株不得草率完結稍有不實不盡致貽後患是
為至要○以王植為內閣學士兼禮部侍郎銜由大理寺○丁卯
諭本年正月閒楊遇春因年近八旬舊疾舉發懇恩開缺回籍調
理朕不忍重違所請降旨准其開缺諭令緩程來京朕見親加慰
勞俾伸瞻戀之忱茲到京朕見朕於召對時見其康強矍鑠神明
不衰篤念功勳倍深嘉悅楊遇春自乾隆年間以武舉效力戎行
每遇軍務無不在事馳驅身經百戰歷事 三朝懋著勳勤渥承
恩眷前於嘉慶年間平定滑城賊匪仰蒙 皇考仁宗睿皇帝賞
給二等男爵紫禁城騎馬旋晉一等男爵朕御極後賞加太子少
保銜並賞戴雙眼花翎嗣因克復回疆四城晉加太子太保銜旋
加恩賞用紫纒特擢陝甘總督重任八年以來於邊疆事務控制
得宜訓練軍實整肅官方盡心職守老成威望中外皆知恪恭忠
盡實國家股肱心膂之臣允宜特沛恩施以昭殊眷著加恩晉封
一等侯爵在籍支食全俸俾得頤養林泉以示朕優待勳臣寵眷
有加至意○己巳諭本日定親王奕紹六十生辰朕篤念宗親優
加賞資奕紹在內廷行走有年小心勤慎辦理旗務請孫安協伊

子戡銓經朕簡用御前大臣擢任尙書於部旗等務辦事實心載銓本係不入八分鎮國公著加恩封爲奉恩輔國公以示朕錫類推恩有加無已至意○辛未逆首曹順伏法○丁丑 上詣 黑龍潭祈雨○戊寅諭前據給事中金應麟參奏吳邦慶保舉過濫動撥較多等語並據吳邦慶奏嚴煇查工時收受各廳紅封銀兩告病回籍需索盤費各等情尙降旨派文孚馳赴山東會同鍾祥查辦茲據文孚等查明東河歷年安瀾保舉亦有多至二十餘員者吳邦慶上年所保人數尙非獨多地方人員前經吏部奏准不得改撥河工吳邦慶前請將同知黎淦等六員改撥俱在部議以後其報銷案內所稱省銀十二萬餘兩係專指節省埽工而言安瀾摺內所稱約省銀三十餘萬兩係將節省埽工並存積碎石及下年緩辦埽工合計而言前後牽湊銀糧尙無浮冒通判沈廉未東華續錄 道光三十一年 十四

補缺時曾擬過湖水例摺寫過書啓稟二次其密商何語招搖何事如何引沈鏞爲心腹均無確據又沈鏞與國良羅傑亦查無聲名平常及包攬奏銷實迹至吳邦慶所參嚴煇所用碎石虛拋埽前所查埽工未經錐試丈量既無存記無從查勘又同知吳拱辰所收張崇鼎碎石三百方查經稟明充公並未給價其嚴煇需索盤費一款據吳邦慶稱得自風聞並無憑據又紅封始於嚴煇一款訊之前充巡捕前站之河弁三員據稱吳總河初次查工會經廳員錢熙陳翔家人送銀備賞均經吳總河申斥退還並訊據守備楊廷標稱跟隨嚴總河查工時各廳俱未聞有送銀之事等語河道總督統轄全河責任綦重自應正己率屬破除情面力杜賄緣積習其每年所用錢糧尤應加意撙節以歸嚴實吳邦慶違例奏撥河工人員又以屬官辦理幕事於廳員送給銀兩不卽參處

運至三年之久始行具奏又參奏嚴煇收受紅封盤費銀兩俱不能指出實據殊屬錯謬冒昧吳邦慶暫交部嚴加議處卽來京聽候部議嚴煇雖訊無收受紅封盤費之事惟於吏部甫經議駁改撥河員之後卽以從九品金觀業夾入安瀾摺內奏請改撥嚴煇開端於前以致吳邦慶效尤於後實屬蒙混取巧嚴煇著交部議處通判沈廉及歷次敘入安瀾摺內奏請改撥河工之從九品今升縣丞金觀業候補同知黎淦試用縣丞龔國良候補通判羅傑州同沈鏞府經歷周均等七員俱著仍改歸地方照各該員等見任官階補用通判陳翔於家人致送備賞銀兩不得諉爲不知著交部議處嗣後南河東河道總督等於各該省地方人員概不准藉稱駕輕就熟修防有裨率行敘入安瀾摺內奏請改撥河工並不准以該員等堪膺河工之選專摺具奏以杜隱混而昭嚴實東華續錄 道光三十一年 十五

尋降吳邦慶編修嚴煇降二級調用○以栗毓美爲河東河道總督由河南布政使遷○己卯以朱樹爲河南布政使程銓爲湖北按察使由福建遷○庚辰雨○辛巳休致工部侍郎前任大學士松筠卒贈太子太保子祭葬諡文清○是月實山西鳳臺沁水二縣被旱倉穀緩徵陝西西安等三府州山東歷城等三十六州縣災歉新舊額賦展緩山西右玉等二十一州廳縣通款

六月辛卯諭前因文孚查訊山東撤任知縣恩福逞刁瀆訴一案既經查明鍾祥原參實無偏倚並不按律定擬以懲劣員刁詐之風僅將該員懷疑呈訴處分聲請應否免議殊非大臣任怨之道特降旨將恩福革職並將文孚交部議處茲據吏部議以降三級調用自係照例辦理姑念其事屬因公著加恩改爲降四級留任近來內外各大臣公正無私不偏不倚者固有其人然僅能謹慎

自守遇事瞻顧不前以沽名邀譽置身於無過之地為得計問願實心故事之道因循推諉不肯任勞任怨者頗有其人積習相沿深為寒心朕綜理庶務於內外大小臣工一切功過無不準情酌理照例覈定從不稍存成見畸輕畸重嗣後各大臣等惟當善體朕意振刷精神消除積習不避嫌怨以歸覈實而免委靡用副朕諄諄誥誡之至意○丁酉以王維誠為雲南按察使由浙江溫處道遷○癸卯諭滿洲蒙古文職二品以下及五六品京堂各員著自本月十九日起各按單開輪日在圓明園宮門伺候考試俱不准託故不考○己酉諭御史許球奏請嚴激敘以重部務所奏甚是六部為綱紀庶務之地責任非輕欲剔弊釐奸必勤勤懲情豈容年力衰邁才具平庸者涸迹其閒無所區別不足以淬勵人才尤非所以整飭部務近年各部書吏舞弊之案層見疊出皆由各該司員不能認真辦事所致朕思司員之賢否勤惰總在各該堂官之留心考覈不獎賢能何以理庶務不去衰庸何以拔真才各該堂官專示優容不肯以直任怨隨時嚴加甄別以致衰庸者既可藏身賢能者轉生退阻殊非激敘官方之道所有該御史指出之禮部郎中羅宸戶部郎中嵩峻均係精力就衰著該堂官查明具奏六部中似此者恐復不少正須力加甄別以示懲勸著各該堂官查明所管部院中如有衰庸戀棧不堪供職者秉公據實參劾一經查出即行具奏以副朕用人行政黜陟公明之至意若甫經奉有此旨即參劾司員迹涉迎合則轉非朕勤求治理整飭官常之意也○辛亥諭前據御史許球奏參禮部郎中羅宸精力就衰當降旨飭部查明具奏茲據奏參該郎中羅宸實係精力就衰不能辦事並據查出郎中福申選補一年有餘並不常川入署亦不實

東華續錄

道光三十一

六

心辦事員外郎佛楞額目力昏眊才具平庸堂主事張景泗心地糊塗不堪供職羅宸福申佛楞額張景泗俱著勒令休致試思禮部司員本不眾多而其中闖茸之人不一而足其餘五部及理藩院司官人數眾多豈能盡皆盡職之人各該堂官若仍不肯秉公甄別則是甘為因循疲玩止知取悅於人置公事於度外捫心自問能無愧乎贊襄庶政有是理乎諸臣當懷之勉之以副朕望焉○乙卯申禁各省濫委佐貳佐雜署理州縣積弊○丙辰諭朕因滿洲侍郎以下至五品京堂人數眾多其能否通曉清文未能概知是以特命分日進內考試其中繙譯通順及能繙而有錯誤者不過十之三四竟不能落筆者過半焉此則甚屬非是清語乃滿洲根本並非分外之事無論何項出身俱應熟習况辦理部旗諸務皆有清文事件若不通曉將何異於漢官豈止為人所笑不有東華續錄

東華續錄

道光三十一

七

忝於乃祖乃父耶嗣後我宗室覺羅暨八旗臣僕務勤修本業勉紹家聲斷不可不曉清語不識清字以副朕務本成全諄諄誥誡之意將此通諭知之慎勉毋忽
閏六月丁卯諭國家設立欽天監掌測候推步之政令及凡占驗選擇之事遇有應行典禮先期諏吉向俱恪遵 欽定協紀辨方書考其宜忌敬謹選擇奏明辦理本年舉行 孝穆皇后 孝慎皇后梓宮奉安典禮由欽天監擇吉奏聞經敬徵等於九月內選擇二十一二二十八兩日開列請旨朕因二十八日係屬平日是以取用二十一日舉行奉安典禮朕於幾暇偶閱 欽定協紀辨方書將是日干支合其宜忌殊覺未協當將是書發交軍機大臣會同敬徵循其義例詳細推求有無妨礙旋經軍機大臣及敬徵將忌用各條於書內夾籤進呈朕覆加披閱是日舉行奉安典禮實

不相宜敬徵經朕疊加任使擢至尙書管理欽天監事務有年於
 詎日宜忌素為熟諳宜如何慎重揀選此次所擇奉安日期紕繆
 至此如知其不宜勉強湊合則居心直不可問如於是日忌用之
 處並不遵照協紀辨方敬謹詳查選擇反稽諸不經外傳此係何
 等重大之事乃如此漫不經心將就草率莫此為甚且經朕指出
 責令會同詳查敬徵亦知其忌用並不具摺請罪喪心病狂種種
 荒謬實屬孤恩溺職敬徵著革去尙書都統及一切差使拔去花
 翎賞給三品頂帶仍留內務府大臣其內務府應管事務准其照
 常管理並仍著管理欽天監事務以觀後效其隨同具奏之欽天
 監堂官著查取職名交部嚴加議處所有奉安日期著軍機大臣
 會同禮部欽天監敬謹選擇另行具奏○調載銓為工部尙書以
 恩銘為禮部尙書武忠額為左都御史由烏里雅蘇臺將軍遷○甲戌諭國
 東華續錄 道光三十一 六

家分設部院大臣紀綱庶務全在振興人才欲剔弊釐奸必勤勤
 懲惰舉錯公允則英俊既資造就而中材亦可奮興賢否混淆則
 庸碌藉可藏身而才能亦生退阻各部院司員人數眾多豈能盡
 皆稱職之人全在各該堂官留心考察隨時試其能否勉迪兼施
 儻有衰庸不職者泐迹其閒自應隨時甄別不得稍事優容前據
 御史許球奏請激汰司員以重部務當降旨飭令各該堂官秉公
 察覈隨據各部院將衰庸不職者或一二員或三四員陸續查明
 據實參劾均經照議准行嗣後遇京察之年固當考其勤惰第其
 賢否舉劾並行以昭激勸即在平日於各司員之賢否勤惰秉公
 覈實隨時察看其有闕茸無能怠惰自安者一經查出即行據實
 參劾斷不可因此次甫加甄別遽示姑容又蹈因循故轍以副朕
 勤求治理整飭官常之至意○庚辰慶敏以不勝任開缺以惟勤

為理藩院右侍郎由左副都御史遷○甲申以溥治為左副都御史由通
 運○乙酉諭前已有旨閱看八旗兩翼兵丁步射朕思滿洲兵丁
 首重技藝衣服樸素方稱本分斷不可徒尙虛文著曉諭該營此
 次駕前步射人等俱著穿用布袍布褲儻仍有任意穿用綉段者
 惟該營之前鋒統領護軍統領等是問

東華續錄 道光三十一 九

道光三十二

臣王先謙敬編

臣周瀚著恭校

秋七月乙未賞楊廷亮父世懷四品頂帶嗣子澤萬襲騎都尉世職○甲辰諭大學士文孚在軍機大臣上行走有年謹慎小心前歲因年近七旬奏請解職朕察其精神尚健未經允准昨日召見時而稱近年兩耳重聽聞復健忘據實陳懇情詞剴切朕不忍再違所請文孚著以大學士管理吏部事務無庸在軍機大臣上行走以節勞勩而示體恤○命刑部右侍郎趙盛奎工部右侍郎賽尚阿在軍機大臣上學習行走○甲寅陳用光以病免調杜塢為禮部左侍郎以申啟賢為吏部左侍郎服闋○是月給陝西沔縣洛陽縣被水湖南華容等三縣衛被旱口糧展緩甘肅茶商通課東華續錄 道光三十二

八月丁巳朔鄭祖琛乞終養允之以賀長齡為福建布政使前任布政使○癸亥調趙盛奎為戶部左侍郎姚元之為刑部右侍郎○甲子諭朕寅承丕緒撫馭萬方旰食宵衣無日不以勤恤民依為念十五年中劬農重穀減賦停徵疊沛恩綸覃敷閩澤所願四海蒸黎家給人足共享昇平之福因思各省民欠錢糧自嘉慶年間蠲免以後迄今又閱十餘年矣比歲以來仰蒙 慈佑慶協穀豐民氣和樂本年恭逢 聖母皇太后六旬萬壽欽惟 慈禧光被歡洽敷天允宜申錫無疆普錫通賦所有各省節年正耗民欠錢糧及因災緩徵帶徵銀數並借給籽種口糧牛具及漕項蘆課學租雜稅等項即著各該督撫將軍府尹等將道光十年以前實欠在民者詳悉查明按照該省所屬之某州某縣銀數若干速行開單具奏候朕以次降旨全行豁免並著先將此旨臚黃宣示城鄉

村鎮咸使聞知俾官吏胥役無從影射侵欺以期膏澤下究用副朕錫羨延 釐普惠實區至意○癸酉鍾祥奏英吉利船隻駛入東省劉公島洋面派委員弁巡堵不准進口命直隸奉天江蘇山東福建浙江各督撫府尹等嚴飭沿海文武員弁巡防堵截並嚴禁內地奸民交易接濟○丙子奉移 孝穆皇后梓宮由寶華峪啓行○庚辰諭科道為朝廷耳目之官責任至重凡政治利弊攸關如有真知灼見俱應據實上陳直言無隱近來科道中馮贊勳金應麟黃爵滋曾望顏等平日遇事均屬敢言聞有指陳亦皆明白曉事其有關繫國是切中時宜者無不量加採納立見施行是以將該員等擢任京卿所以風勵言官即是廣開忠諫之路該員等益當仰體朕意遇事敢言一切毀譽榮辱之念俱不應存於中惟於國計民生實有裨益或除奸剔弊確有見聞均當剴切直陳東華續錄 道光三十二

毋有隱諱儻謂既非言官遂甘緘默則是以建言為梯榮之具驟得升階即圖保位似此沽直聲於前而思緘口於後不幾與朕用人圖治之意大相刺謬耶嗣後務當屏除私見盡心盡職不避嫌怨力矢公忠不特政務關係民生國計及牽涉內外臣工者仍應據實指陳不可妄生疑懼即朕用人行政之際稍有闕失亦當隨時進言以資採納朕總理庶政一秉大公即聽言一節深望諸臣切實敷陳不憚再三詰誠期以察天下之治忽非徒博納諫之虛名其有徇隱姑容前後易轍者尤當深以為戒言行相顧始終不渝朝廷收讜言之益國家著直臣之效朕實有厚望焉○太子少保兩廣總督盧坤卒晉贈太子太師賜祭葬諡敏肅子其子員外郎端黼服闋後即補○以鄧廷楨為兩廣總督色卜星額為安徽巡撫梁章鉅為甘肅布政使病痊布○辛巳 上詣太平營 孝

穆皇后梓宮前奠酒目送○癸未 上詣田村 孝慎皇后梓宮前行祖奠禮○甲申 上啓鑾謁 西陵是日奉移 孝慎皇后梓宮由田村啓行○免經過地方額賦十分之五○是月給陝西府谷縣雹災口糧並緩徵額賦展緩江西上高等四十廳縣被旱新舊額賦及借欠銀數

九月戊子 上謁 泰陵 泰東陵 昌陵詣龍泉峪閱視 寶城○以 萬年吉地工程堅固整齊晉監工大臣穆彰阿太子太保賞紫纒加阿爾邦阿太子少保復敬徵二品頂帶花翎賞奎照花翎○賞相度 萬年吉地之大臣耆英太子少保晉禮恩太子太保奕紀太子少保○己丑 孝穆皇后 孝慎皇后梓宮至龍泉峪奉安於 饗殿 上親臨奠酒○庚寅 上回鑾○癸巳

上還京師○戊戌實授麟慶江南河道總督○辛丑諭前據敬東華續錄 道光三十二 三

敏等奏工部郎中嵩曜呈請代奏一摺當降旨著載銓明白回奏並派大學士軍機大臣傳集嵩曜等訊明具奏茲據大學士軍機大臣將傳訊嵩曜等各供詞呈覽與載銓所奏情節相符嵩曜等係工部派充總辦奉移事宜司員載銓身任工部堂官其於各員沿途差務自當備細查詢係為慎重公事起見並無不合至嵩曜係定親王奕紹哈喇阿並非包衣可比載銓在官言官與屬員講論公事不應牽引及此指詞過當實屬率載銓著交宗人府議處嵩曜於載銓稱為家裏人之語當以是哈喇阿明白登覆尚無不合惟於差竣後具呈轉請代奏恐開屬員訐告之漸此風斷不可長嵩曜著交部議處○壬寅諭昨因載銓查詢該部司員嵩曜沿途差務措詞過當並嵩曜負氣具呈當降旨將載銓交宗人府嵩曜交部議處因思雍正嘉慶年間曾經奉有 諭旨疊加 訓

飭當著軍機大臣恭錄進呈朕恭閱雍正四月間 諭旨內載從前下五旗之人其心止知有君上不知有管主朕事事效法 祖宗願爾等亦效法爾之祖父忠誠自矢一念不移又嘉慶二十五年間 諭旨內載景安係一品大臣被昭梈指稱係其屬下隱忍不行奏殊屬非是 聖訓煌煌所以垂誠臣工者至為詳備允宜永遠遵守著通諭各該旗王公等嗣後當慎遵 訓諭益矢恪恭不可稍存自大之意從前下五旗佐領分與諸王等令其管轄作為哈喇阿並非包衣可比國家承平日久各旗人員均屬滿洲臣僕朕一律看視望其為國宜力各據忠誠該王公等當知哈喇阿人等為國家任使之不得盛氣陵轍率意指摘該哈喇阿人等亦不得曲意逢迎顯違定制其各慎遵毋忽○乙巳定順天鄉試中式舉人覆試例○丙午朱為弼以病免以恩特亨額為漕運

東華續錄 道光三十二 四
總督山刑部左 丁未轉廉敬為刑部左侍郎以特登額為刑部右侍郎容照為馬蘭鎮總兵官 由左副都 御史遷 ○庚戌惟勤蔡世松以監臨鄉試於士子亂號未能認真詳查覆奏隱飾降二級調用○以吉倫泰為理藩院右侍郎 由內閣 學士遷 ○乙卯諭鄂順安自簡任山西巡撫諸事疲軟不能實力整頓即如本年三月趙城縣逆匪糾眾滋事焚署戕官該匪等不過烏合之眾一經官兵進剿即紛紛逃竄立就肅清其失察習教傳徒各員無難迅速查明奏請處分該省距京甚近遲至半年尚未入奏河東道但明倫霍州直隸州知州惠馨於所屬匪徒滋事未能先事覺察轉為奏請寬免處分流犯褚勤係擬斬減流之犯即使奮勇出力該撫不過自行酌量給獎乃遽行入奏均屬非是此次保奏各員文職多至十餘人武職僅止二員流犯尚請予釋罪而弁兵竟無出力可保之人該撫

兼提督衙節制各鎮營務皆其所轄乃一遇地方不靖竟似全藉
文員料理戴事而行伍出力者轉少則是武備廢弛平日不能認真
訓練已可概見山西事務較簡辦理尚如此竭蹶鄂順安實不
勝巡撫之任著降為三品頂帶補授盛京禮部侍郎○以申啓賢
為山西巡撫調陳嵩慶為吏部左侍郎以卓秉恬為禮部右侍郎
由內閣○調貴慶為刑部右侍郎特登額為盛京刑部侍郎○召
盛京禮部侍郎普保來京○召徐鏞來京調經額布為山西布政
使以伍長華為雲南布政使慶林為甘肅按察使由河南開歸○
是月給兩淮板浦中正二場被水龜丁口糧緩徵陝西榆林縣葭
州雹災江西金谿等九縣旱災額賦

冬十月戊午子故大學士前任伊犁將軍松筠入祀惠遠城祠○
壬戌特登額以母老命留京以富呢揚阿為盛京刑部侍郎由科
東華續錄 道光三十二 五

皇太后六旬聖壽恭上 皇太后六旬聖壽節 恭慈康豫安成莊惠
壽禧皇太后○乙丑 皇太后六旬聖壽節 上率王公大臣詣

壽康宮行慶賀禮御製 皇太后六旬壽頌十章 上御太和
殿羣臣進表行慶賀禮頌詔天下尊恩有差○丙寅召惠豐來京

以龔綬為湖南布政使調慶林為山西按察使以程德潤為甘肅
按察使由山東鹽○乙亥賜波啟善等五十九人武進士及第出

身有差○己卯以富呢揚阿為烏魯木齊都統鄂順安為刑部
侍郎以明訓為盛京禮部侍郎由吐魯番領○庚辰以廖鴻奎為

兵部左侍郎前任○癸未諭本年九月開舉行奉安 孝穆皇后
孝慎皇后梓宮典禮嵩暉係工部派充總辦事宜司員載銓於

事畢後在梁格莊行營查詢沿途差務率指嵩暉為家裏人嵩暉

當以哈喇阿明白登覆差旋後復向敬敏等呈請代奏當降旨令
載銓明白回奏並派大學士軍機大臣傳集嵩暉等訊明具奏隨
據將傳訊各供詞呈覽與載銓所奏情節相符朕因載銓措詞過
當並嵩暉負氣具呈恐開屬員訐告之漸復降旨將載銓交宗人
府嵩暉交部議處旋經宗人府將載銓照例議罰職任俸一年吏
部將嵩暉照例議罰俸九箇月朕酌覈情節均屬允協業經降旨
准行此案載銓以堂官查訊司員差務係為慎重公事起見本無
不合使非載銓措詞過當嵩暉敢於負氣具呈朕必將載銓處分
寬免重治嵩暉訐告長官之罪公是公非權衡至當本無畸輕畸
重於其開茲事隔兩月之久御史楊鵬率行奏稱載銓處分過輕
請再交宗人府量加議處並請將嵩暉處分寬免等語朕綜理庶
政一秉大公從不設以成見遇有應行處分事件或特旨施行或
東華續錄 道光三十二 六

交部覈議總期情理悉協眾論允符若事經數月於奏定准行事
件紛紛演請妄議改更無此政體且賞罰為朝廷大權豈容臣下
妄行干預揚賜此奏率意瀆陳實屬不知事體輕重不勝御史之
任著仍回原衙門行走○太子太傅予告大學士托津卒晉贈太
子太師命慶郡王綿懿奠茶酒賞銀一千五百兩治喪入祀賢良
祠予祭葬諡文定○甲申御史易鏡清奏三場試策請改用律例
一道下禮部議尋議國家設科取士貴以報稱者甚多不獨在理
刑一端若於進身之始先責以名法之學無論勸說雷同無裨實
用卽真心講貫者亦必荒其本業旁及專家以法律為詩書更恐
揣摩求合之士承迎風旨因緣為奸士習之不端關防之不密多
由於此不可不防其流弊該御史所奏應毋庸議從之○是月給
山西陽曲等五州縣湖南岳州衛浙江海甯等十三州縣被災口

橙貸奉天金州水師營兵數獨緩湖南華容等十四州縣衛浙江
海甯等三十一州縣衛被災新舊額賦雜款緩徵湖南乾州等五
廳縣山西文水等三州縣河南鄭州等十三州縣山東鄒平等四
十一州縣衛安徽懷甯等三十六州縣衛甘肅宜禾縣江蘇泰州
海州揚州被災新舊額賦雜款緩徵湖北江夏等三十二州
縣衛新舊額賦浙江仁和等三縣通賦

十一月壬辰以文德和為內閣學士兼禮部侍郎銜由內閣侍讀學士遷○
癸巳諭三公主年甫十一歲資質敏慧性情和順今於本月初八
日薨逝甚為悼惜著加恩封為端順固倫公主並派總管內務府
大臣禧恩經理事宜一切均照固倫公主例辦理○丙申 上詣
大高殿祈雪○戊戌 上臨端順固倫公主殯所酌酒○臨故

大學士托津第賜奠○癸卯以棍楚克策楞為內閣學士兼禮部
東華續錄道光三十二 七
侍郎銜由塔爾巴哈台參贊大臣遷○是月給吉林等三處歉區口糧展緩江
蘇長洲等三十六州廳縣衛通賦陝西西安等三府州額賦緩徵
直隸霸州等四十一州縣江蘇上元等四十七州縣衛江西玉山
餘干二縣甘肅皋蘭等二十八州廳縣被災新舊額賦浙江仁和
長亨二場釐課

十二月丁巳諭昨據理藩院會同刑部將文孚等審明扎薩克貝
子德勒克色楞一案遵旨嚴議具奏因處分過輕業經降旨示懲
此案經朕特派文孚會同嵩溥查明所奏各情節多有不實不盡
即如該貝子因墜馬傷足不能騎馬曾坐椅橋打圍等語文孚等
任其狡飾即據供入奏至該貝子回旗演戲自屬相沿陋習文孚
等奏請旨飭禁經理藩院覆查道光八年間有禁止演戲一案僅
於指尾聲敘至克興額彼時如何懲處並未敘入該貝子於奉諭

通飭禁止後復敢蹈此惡習應如何定擬示懲亦未議及外省案
件既欽派大員前往審議自應實心做事不避嫌怨其嚴議衙門
亦應秉公執法無稍瞻顧若俱顧預了事必待朕細心看出分別
功過覈實持平朕日理萬幾儻稍不經意則各案畸輕畸重在所
不免諸臣受恩深重於古大臣善則歸君過則歸己之義豈芒乎
未之聞耶乃相率因循以置身無過之地為得計所謂任勞任怨
者安在嗣後務各振刷精神消除積習事歸切實政賴匡襄毋負
朕諄諄誥誡之至意○壬戌 上詣 大高殿祈雪○癸亥賜陶

澍 御書匾額○以朱崢為內閣學士兼禮部侍郎銜由唐事遷○乙
丑 孝穆皇后 孝慎皇后梓宮奉安地宮○庚午諭前因兩淮
鹽務疲敝已極經欽差大臣查明具奏降旨專交兩江總督管理
數年以來民商均便據陶澍奏章程既定釐務已有起色總督事
東華續錄道光三十二 八

繁勢難專顧鹽務請還舊制復設鹽政以專責成等語兩淮鹽務
既有轉機自須因時因勢持以久遠俾國課日見充裕陶澍來京
陛見朕連日召對見其精神才具結實周到正當乘此時實力整
頓悉心經理方不愧為國宣力之大臣况兩淮鹽政裁撤未久若
如所奏復還舊制忽撤忽設國家亦無此政體所奏著不准行○

諭本日據申啓賢奏查閱省城營務請將參將守備等員分別降
調留任已降旨允行矣巡撫職兼提督校閱營伍據實考覈分別
示懲本屬分內應辦之事申啓賢甫膺外任營伍素未諳習一切
操防訓練諸事猶恐未便盡滿朕意然如所奏虛報弓力鳥槍擡
礮竟有全未中靶者撫標係巡撫專轄城守近在省垣果能留心
訓練其強弱更易周知前任巡撫鄂順安在任數年營務如此廢
弛實屬孤恩滿職至本年山西省輪應較閱之期哈喇阿祥康皆

係朕親信大臣特派前往宜何如實心甄別不避嫌怨今省城滿漢營伍若此各營似此者尙不知凡幾是其校閱時一味顧頹搪塞了事全不以公事爲重殊失朕特簡大臣整飭營伍之至意哈喇阿祥康鄂順安著一併交部嚴加議處嗣後各督撫平日務當認真訓練加意別釐其有經朕特派查閱之大臣各宜破除情面一秉大公甄覈嚴明無異朕親臨閱視方爲不負委任尋降哈喇阿二等侍衛祥康副都統鄂順安藍翎侍衛○癸酉予前任盛京禮部侍郎普保休致○甲戌召李義文來京以蘇廷玉爲四川布政使多歡爲四川按察使由通政司○丙子阿爾邦阿以病免調文慶爲戶部右侍郎恩桂爲吏部右侍郎以溥治爲兵部右侍郎由左副都御史遷○己卯以邵甲名爲浙江按察使由湖北○是月貸江蘇撫標及城守劉河二營災區兵餉蠲緩貴州松桃廳被水額賦東華續錄 道光三十二 九

展緩陝西綏德等四州縣被旱額賦○是歲朝鮮琉球來貢○會計天下民穀數各省通共大小男婦四萬一百七十六萬七千五百十三名口各省通共存倉米穀三千五十三萬一千九百八十二石六斗五升一合一勺

東華續錄

道光三十三

臣王先謙敬編

臣周澐蕃恭校

道光十六年丙申春正月丙申光聰諧以病免調賀長齡爲直隸布政使以鳳來爲福建布政使張禮中爲福建按察使由直隸大○辛丑諭前因御史鄭世任參奏湖南學政龔維琳信用門丁顧四隨棚索賄並索加棚規勒繳自刻詩賦價銀等情當降旨交趙盛奎查訊究辦茲據該侍郎審訊明確定擬具奏學政爲士林表率自應公正廉明關防嚴密方爲無忝厥職此案湖南學政龔維琳雖訊無加索棚規等項情弊惟該學政衙門丁役無多何難稽查約束乃於門丁顧四到處挑斥需索毫無覺察並將自作詩賦刊刻板片存留書鋪任其刷印售賣大屬非是龔維琳著交部嚴東華續錄 道光三十三 一

加議處湖廣總督訥爾經額前奏該學政考試公明士論翕服並未聞有幕友家丁不自檢束之語見據訊明顧四有到處挑斥需索情弊尙得謂該學政家丁能自檢束乎訥爾經額未經查明所奏不實著交部議處湖南巡撫吳榮光既知該學政有刊書售賣情事並不據實奏聞及知有人參奏始以飭查未覆爲辭先占地步殊屬巧詐且吳榮光爲本省巡撫其咎較重吳榮光著交部嚴加議處尋龔維琳職召吳榮光來京以四品京堂用○乙巳調裕泰爲湖南巡撫以賀長齡爲貴州巡撫調梁章鉅爲直隸布政使以趙炳言爲甘肅布政使楊慶琛爲湖南按察使由安徽南池太廣道遷○丁未河南巡撫桂良奏謝寬免失察知縣虧缺倉庫銀數處分得旨官官相護朕所惡也舞文取巧朕所惡也言行不實朕所惡也至用人行政偶有小失審度未能周妥一經發覺立即秉公辦

理不稍回護是無私心也朕必寬其既往仍望其將來識之○辛亥命洗馬杜受田充 皇四子師傅○是月賑浙江義烏等三縣水旱災展給奉天廣甯等處水災旗民口糧貸甘肅金州等十四州縣江西蓮花等五十一廳縣陝西葭州等九州廳縣湖南澧州等四州縣山西保德等十五州縣水旱災看災口糧籽種倉穀緩徵山東濱州等三十五州縣衛山西太原縣水災蠲災正雜新舊額賦展緩直隸霸州等四十一州縣江蘇高郵等三十九州廳縣衛通賦

二月丙辰以麟魁為左副都御史由通政使遷○尹濟源以病免調周

之琦為湖北巡撫以陳鑾為江西巡撫調怡良署江蘇布政使以李恩繹為江西布政使李振壽為陝西按察使由廣東鹽運使遷○戊午

上御經筵○甲子諭每年正月內山高水長所用煙盒花爆等

東華續錄 道光三十三年 二

項向由兩淮鹽政豫備解京應用嗣後著永行停止○己巳 上

閱火器營兵○癸酉 上啓鑾謁 東陵○免經過地方額賦十分之三○丙子 上謁 昭西陵 孝陵 孝東陵 景陵 裕

陵回鑾○湖南巡撫吳榮光奏武岡州匪徒藍正樽聚眾滋事見

帶兵親往督辦命吳榮光毋庸來京會同訥爾經額勦辦○己卯

上還京師○壬午訥爾經額奏接據武岡州營稟報二月初六

日賊匪二三千人分路撲城經千總張大宏等開放槍礮殲斃多

人餘匪漸退初七日復帶兵追捕生擒首逆家屬起有黃布令字

旗等件賊眾分途逃竄擊獲主謀助逆要犯張和尚陳仲潮及夥

匪多名均稱藍正樽即藍沅曠係新甯縣痞生習教傳徒聞擊起

事命訥爾經額等嚴拏首逆追捕餘匪○陳嵩慶以病免以李宗昉為吏部左侍郎原閣侍郎

三月丁亥 上親耕藉田○壬辰杜場以病免轉卓秉恬為禮部

左侍郎以陳官俊為禮部右侍郎由內閣學士遷○癸巳申諭各直省稽

查會匪毋得諱匿及藉端需索○吳椿等奏海塘大工全竣○丙

申諭刑部見行律例並無旗民結婚作何辦理專條戶部則例載

有民人之女准與旗人聯姻一體給與恩賞銀兩旗人之女不准

與民人為妻亦並無違者作何治罪明文此案陳陳氏將次女許

給高緯保為妻業經聘定著准其完配嗣後應如何明定條例著

戶部妥議具奏尋議請嗣後八旗內務府三旗旗人內如將未經

挑選之女許字民人者主婚之人照違制律治罪若將已挑選及

例不入選之女許字民人者主婚之人照違令例治罪民人聘娶

旗人之女者亦一例科斷至已嫁暨已受聘之女俱遵此次恩旨

准其配合仍將旗女開除戶冊以示區別俟命下纂入則例從之

東華續錄 道光三十三年 三

○丁酉仍命吳榮光來京○壬寅命頒清漢對音字式○癸卯裁

安徽潁州營艾亨集把總一添設守備一○戊申以蔣立鑄為內

閣學士兼禮部侍郎銜由少詹事遷○是月緩徵山西朔州等十州縣

通穀

夏四月癸亥召惠吉來京以梁章鉅為廣西巡撫陳崇禮為直隸

布政使托渾布為直隸按察使由福建遷○庚午申禁漕船私帶違

禁器械○丁丑賜林鴻年等一百七十二人進士及第出身有差

○諭本日據訥爾經額由驛馳奏勦捕武岡州滋事匪徒已就肅

清一摺此案湖南新甯縣逆匪藍正樽即藍沅曠膽敢聚眾倡亂

圍撲武岡州城先經該州營率領兵勇殲擒潰散復經該督撫督

率地方文武員弁嚴行搜捕節次勦擒匪犯千有餘名並究明餘

黨盡法懲治及分別按律辦理惟首逆藍沅曠尚未弋獲著該督

等嚴飭所屬並咨會鄰省一體嚴拏務獲明正刑誅以快人心而彰國法該地方文武於上年十一月間既將習教傳徒之潘明德等犯拏獲本年正月間復經得有風聞並續獲逆犯吳立鶴等彼時若能細心根究先事豫防即可消患未萌何至釀成巨案是該地方官失察之咎本無可逭姑念此次逆謀甫著即行殲除見已一律肅清不至重煩兵力辦理尙爲迅速此時若即將首逆拏獲立正典刑所有該管地方文武失察處分自可量予末減儻不能實力梭查致該首逆日久稽誅仍當重治其罪其見獲各犯除業已正法外餘著刑部速議具奏○是月貸甘肅秦州等八州縣被災口糧緩徵山東膠州等五十一州縣被災正雜新舊額賦陝西西安等三府州通穀

五月癸未朔諭軍機大臣等據興德等奏霍罕伯克差額爾沁前來呈遞稟帖開導曉諭一摺克什米爾巴達克山並非霍罕所屬其人在此貿易多年素稱馴順長齡從前所給諭帖止准伊等設立呼岱達約束伊等買賣人安靜貿易並無准向克什米爾巴達克山抽稅之詞該伯克遣人前來呈遞稟帖欲求抽稅殊屬可惡興德等反復開導嚴切曉諭該額爾沁無詞置辨既已輪服照舊筵宴賞賚並給該伯克諭帖護送出卡所辦俱妥惟霍罕大羊性成變詐叵測經此次曉諭之後儻或貪心不足遣人再來遞呈惟

有據理斥駁興德等總當督飭所屬勤加操演務使兵力精銳備豫不虞仍不時巡察邊卡加意防範並密諭喀什噶爾阿奇木伯克作霍爾敦差派妥靠回子出卡偵探該夷使回去如何光景據實具奏尋奏偵探該夷使密爾雜阿玉普妄造謠言霍罕伯克並未聽信張格爾之兄玉素普已於六月開病故又據葉爾羌卡外

色喀庫勒阿奇木伯克庫爾察克稟稱有霍罕頭目布古奇帶領安集延布魯特數百人前來滋擾搶取牛羊經該伯克率眾抵禦殺賊二十餘名將牛羊奪回報聞○戊子諭本日引見新進士內正白旗滿洲進士慶廉一名形同殘廢步履甚艱因思我朝錄用旗員首重騎射八旗士子應試必先試以騎射合式者方准入場此乃一定之例不可廢者也慶廉既有殘疾豈能考試馬步箭適據御史永桐奏請飭查覈實等語著兵部查明派出監射之王大臣如何定爲合式准其會試之處秉公據實具奏並著監試王大臣及咨送考試之正白旗滿洲都統等明白回奏○庚寅諭前因正白旗滿洲進士慶廉形同殘廢步履甚艱當降旨著兵部查明准其會試之處據實具奏並著監射王大臣及咨送考試之都統等明白回奏茲據兵部及該旗都統監射王大臣等奏中樞政考

內載凡遇考試進士舉人生員人等其有手拐者免考馬步箭等語並准兵部呈送大清會典暨中樞政考經軍機大臣開單進呈朕詳加披閱會典內載係手疾字樣中樞政考所載係手拐字樣著兵部即遵照會典改正以歸畫一該監射王大臣及咨送考試之都統等於會試雖屬遵例免其考試馬步箭但慶廉形同殘廢尙不止於手疾該都統等不行駁斥率准送考自係瞻徇情面不肯認真該監射王大臣按照原冊不復行查依據葫蘆不能實心任事於此可見睿親王仁壽縣恩及正白旗滿洲都統文孚等俱著交各該衙門嚴加議處慶廉著仍照前旨歸班銓選○辛卯以梁萼函爲浙江按察使由光祿寺少卿遷○壬辰諭前據御史許球參奏陝西巡撫楊名勳各款當降旨著湯金釗文慶前往查辦茲據湯金釗等查明楊名勳被參各款或事出有因或風聞未確逐一研

求俱無賊私情節惟失察家人與鋪戶交結往來並在門房邀飲又不能禁絕屬員眷屬出入衙署實屬關防不嚴復於一家四命重案並不上緊督辦兇犯日久未獲糾捕又復鬆懈揚名颺著交部嚴加議處○諭前因回子郡王伊薩克在京當差不習水土當降旨加恩飭令即回本處調養茲據國樁奏稱該郡王病已痊愈懇請代奏額求賞給差使朕心甚為欣慰但念該郡王年逾六旬若使遠道來京依舊不習水土轉增勞勩伊薩克著無庸來京隨時加意調攝以示朕體恤有功回臣至意○丙申 上詣 黑龍潭祈雨○丁酉命刑部清理庶獄○戊戌諭前因文孚上年四月開派審山東撤任知縣恩福一案並不按律懲辦九月間派審土默特貝子德勒克色楞一案不實不盡降旨訓飭並予以處分各大臣等自應振刷精神消除積習乃近日正白旗滿洲都統等於東華續錄 道光三十三年 六

谷送慶廉考試之件瞻徇情面濫行送考派出監射王大臣亦即按照原冊不復行查實屬不能實心任事經兵部照例嚴議具奏文孚雖在出差期內未幾即已回任且係一旗之都統推諉摸稜不知檢改並不檢查案卷秉公駁斥竟爾緘默不言且於明白回奏時並未將出差原由聲明安福拘泥例文於慶廉形同殘廢並不止於手疾率准咨送監射王大臣鑲白旗漢軍都統睿親王仁壽鑲藍旗蒙古都統蘇德依照原冊免考不行據實查辦朕綜理庶政十六年矣諸王大臣倘不知朕惟求一實字耶文孚著革去都統安福著革去副都統仍各罰俸二年仁壽蘇德均著革去都統仍各罰職任俸二年俱不准其抵銷此係朕格外從寬辦理諸王大臣惟當益矢慎勤不避嫌怨無負諄諄訓誡之意○禮部尚書汪守和卒贈太子太保予祭葬○以吳椿為禮部尚書李宗昉

為左都御史轉龔守正為吏部左侍郎調卓秉恬為吏部右侍郎轉陳官俊為禮部左侍郎以史評為禮部右侍郎由內閣學士遷○己亥以廉敬為泰甯鎮總兵官轉貴慶為刑部左侍郎以明訓為刑部右侍郎薩迎阿為盛京禮部侍郎由哈密辦事大臣遷○辛丑命步軍統領五城順天府及直隸清釐庶獄○乙巳調廖鴻荃為工部右侍郎轉史譜為兵部左侍郎以祁寯藻為兵部右侍郎前任內閣學士○丁未上詣靜明園 龍神廟祈雨○辛亥 上詣 天神壇祈雨○王子諭前據御史陳功奏兵部司員辦理考試蒙混當派耆英武忠額查奏茲據慶廉於道光十一年送考時曾經監射王大臣駁除十一年監射大臣係奕繪那清安辦理甚屬認真本年將慶廉送試之監射王大臣等業經量予處分奕繪等秉公持平自應酌量加恩以示平允奕繪見因病開缺著加恩賞食半俸那東華續錄 道光三十三年 七

清安見已身故伊子全慶著賞加二級此案兵部司員容恩伊齡安俱著解任交大學士軍機大臣訊明具奏○是月貸直隸寶坻縣歉收口糧展緩江蘇海州等四州縣歉收新舊額賦

六月丙辰諭嗣後凡緣事革職降調應行離省之員該督撫於交代清楚後不給咨令其回籍及回籍候補赴部候選轉將該員留省差委藉端保奏者著照委署別缺之例定為降一級調用私罪該部即載入則例通行各直省著為令○庚申諭前據耆英等查明御史陳功參奏兵部司員辦理考試蒙混一案當降旨交大學士軍機大臣訊明具奏茲據長齡等奏稱本科進士慶廉係兵部員外郎容恩胞姪容恩以該部掌印司員於胞姪應試輒與伊齡安會同辦理通行伊齡安以向無通行之例輒因檢查慶廉圖片改換例文通行八旗實屬有心舞弊容恩伊齡安不必交部議處

著即行革職以示懲儆兵部堂官於該員等同堂辦理並無覺察
著查取職名交部議處見任兵部各堂官未能將此案溯查亦屬
疏忽著交部察議慶廉會試自係內場憑文取中然非容恩等蒙
混行文該監射大臣等濫行咨送豈能倖邀入場且此次覆試殿
試俱名次在後朝考又未經入選即以文理而論亦屬平常著革
去進士以為蒙混倖邀者戒嗣後八旗士子必實係有手疾者方
准遵照定例免其考試騎射不得以有疾蒙混概行免考以符定
制而拔真才○辛酉諭國家營制之設原以校閱操防習勞肄武
自提鎮以至備弁莫不有訓練兵丁之責必須平日講求騎射操
演認真俾士卒悉成勁旅方為無忝厥職至筆墨文藝本非武弁
所重若留心肄習轉致荒廢營務則是重其所輕必至輕其所重
於一切校閱操防安望其實力經理耶近來各省武弁竊知文義
東華續錄 道光三十三
好弄筆墨以致營務廢弛者頗不乏人著各省督撫於大小營員
隨時訓誡俾知前除舊習專心操練如有仍蹈前轍不知檢改者
立即指明參奏至文職人員科甲出身者多文藝本其素習一經
出膺外任自當以地方公事為重實力講求尚恐民隱未及周知
政務或有貽誤若更分心筆墨必致公事拋荒殊非恪共盡職之
義並著各督撫隨時悉心察看儻有專耽文事不以公務為
重之員務須嚴加甄覈無稍贖徇用副朕勵華崇實之至意○癸
亥雨○命嗣後咨送八旗士子考試添派滿洲御史一員監射○
丙寅以劉重麟為安徽布政使前任四川○丁卯命劉重麟以三
四品京堂候補以程林采為安徽布政使調慶林為山東按察使
以唐鑑為山西按察使由江蘇江○丁丑以吳文鎔為內閣學士
兼禮部侍郎銜由詹

臣王先謙敬編
臣周壽蕃恭校

秋七月壬午朔諭汪振基奏山西省壽陽等縣均有三教廟 至
聖先師孔子與佛老同廟供奉與祀典不符著申啓賢通飭各屬
即行更正其各省有似此同廟供奉之處著各該督撫一律更正
以崇正學○癸未程祖洛丁憂以鍾祥為閩浙總督經額布為山
東巡撫楊殿邦為山西布政使調唐鑑為貴州按察使慶林為山
西按察使李振壽為山東按察使以劉鴻翔為陝西按察使由甘
州道○乙酉諭哈豐阿奏參在京大員干預本地公事並將原給
書信條議一併呈覽一摺御前侍衛都統高喀爾負恩膽大自取
罪戾著即革職交御前大臣軍機大臣會同審訊具奏又諭本日
東華續錄 道光三十四
據哈豐阿參奏高喀爾以在京大員干預地方公事據實直陳可
嘉之至哈豐阿以武職出身人員乃能秉公持正不避嫌怨誠不
愧為滿洲大臣著賞加太子太保銜授為內大臣所有應賠款項
加恩全行寬免以示嘉獎朕綜理庶政十六年來訓誡臣工惟求
實心實政力挽瞻顧徇庇之風使內外臣工皆能振刷精神破除
情面勉副朕意何患不紀綱肅清日臻上理耶嗣後內外文武大
臣皆當以哈豐阿為法祇知尊君親上各矢公忠屏卻私情而挽
積習朕有厚望焉○丁亥諭昨據耆英檢舉高喀爾前向索看戶
部議覆黑龍江調劑牲丁摺底曾經將手摺給看等語部院辦理
事務各有專司即如戶部所辦議覆摺件惟應該衙門堂官互相
商榷外此不得與聞即事已奏定亦不應將摺底交給外人致滋
干預耆英於高喀爾向伊要摺底閱看輒將摺底交給高喀爾殊

屬疏率者英著交部議處○已丑諭高喀爾以一品大員於黑龍江歷久遵辦公事輒因私意妄託該將軍更改章程恣憑奏辦國家設官分職內文武衙門各有專司一應公事俱不得越俎干預高喀爾身受殊恩在內廷行走有年宜何如小心謹慎飭已奉公乃敢私致書函屬託公事負恩膺大自取罪戾見經御前大臣等密訊將高喀爾擬發軍臺效力贖罪不足蔽辜高喀爾著改發熱河充當苦差伊子安興阿克陞阿俱著即行革職一併發往熱河充當苦差以示懲儆已革藍翎侍衛那提順代高喀爾書寫信函係聽從主使並無干預別情惟未能阻止亦有不合著開復原官乃交部照例議處○癸巳諭前因高喀爾以在京一品大員內廷行走多年輒以私信屬託公事且有牽涉九卿戶兵二部代為通融等語負恩膺大自取罪戾業經將伊併其二子一同革職發東華續錄 道光三十四 二

往熱河充當苦差以示懲儆因思東三省暨西北兩路以及各省大員與在廷諸臣書信來往亦時有其開干預公事私相屬託未經舉發者實不能保其必無在廷諸臣於地方應辦緊要公事如果確有把握不妨據實奏聞備可採納朕必立見施行若以私書屬託公事挾持地方官意在必行玩法孤恩莫此為甚封疆大吏均經朕特加擢用自當各矢公忠不避嫌怨方為不負委任嗣後倘有似此干預屬託一經舉發高喀爾即其前車之鑒地方大吏備受其屬託或代為徇隱不即據實參奏別經發覺一併執法嚴懲決不寬貸將此通諭中外知之○甲午諭御史董宗遠奏請飭禁各省班館一摺州縣為親民之官辦理詞訟務宜速審速結小民庶免拖累即地方囹圄之設所以待有罪尋常案件原不准其私押近來外省州縣竟有設立班館羈押人證甚至經年累

月隨意拖延以致胥役勒索民冤莫伸不可不嚴行查禁以靖閭閻著直省各督撫督飭各州縣毋得設立班館審理詞訟務須遵照定限即行審結倘仍有久羈未結案件即將該州縣據實嚴參本管道府扶同捏飾即由該上司一併參處決不寬貸○丙申大學士文孚以年衰乞免允之予食半俸○戊戌諭前因有人參奏上年廣東隨帶司員白讓卿陽金城等有得受苞苴之處當降旨將白讓卿等解任飭往廣東交恩銘趙盛奎等密加訪查據實嚴訊恩銘等即提訊石綸亭實有託寄箱隻情事自應俟白讓卿等到案質訊乃據奏稱自粵起程迎至前途提訊已有不肯認真問訊之意本日恩銘等奏查審情形輒據白讓卿陽金城一面之詞遂謂所供並無收受苞苴情事尚屬可信審理案件於案情無可依據之處尚須逐細研究出端倪方成信讞此案既有寄東華續錄 道光三十四 三

託箱隻之石綸亭代寄通州之知縣趙桐無難三面質對至陽金城所帶衣箱如許之多已出情理之外又有家丁可究即使見在未盡隨至廣東查傳提訊不過稍掩時日何得賴預將就豫存和專之見據其所具親供信以為實乎朕非謂白讓卿陽金城必有得受苞苴情事然查辦事件總須得一實字似此查奏豈非有意草率枝梧迹近欺罔殊失朕以誠委任之義恩銘趙盛奎俱著交部議處○庚子命穆彰阿為武英殿大學士管理工部以琦善協辦大學士仍留直隸總督任調耆英為吏部尚書奕勳為戶部尚書禧恩為兵部尚書以武忠額為理藩院尚書凱音布為左都御史由察哈爾○壬寅革恩銘尚書都統降為三品頂帶仍帶革職留任革趙盛奎侍郎軍機大臣降為四品頂帶以三品京堂候補仍帶革職留任○以貴慶為禮部尚書降恩銘為刑部左侍郎○

訓奠守正為戶部左侍郎轉卓秉恬為吏部左侍郎調陳官俊為
吏部右侍郎轉史許為禮部左侍郎以王植為禮部右侍郎由內閣學士
選○丙午諭盛京為根本重地風俗素稱淳樸前因有演戲賭博
等惡習屢經降旨飭令該將軍等實力嚴禁力挽頹風因思陪都
地方近因五方輻輳難免漸染紛華演戲雖經禁革難保必無賭
博之習尤為人心風俗之害甚至服飾競為新奇耳濡目染勢所
必至著該將軍府尹等隨時整頓實力稽查戲班賭棍驅逐嚴拏
其服飾新奇不合舊式者立即嚴行禁止以期還淳反樸力挽頹
風○戊申諭正白旗漢軍都統奏本年致祭明陵侯朱貽坦出缺
該族中並無品級較大之員惟有候補通判書桂請即派書桂代
為致祭等語書桂品級尚小未便致祭此次著派委散秩大臣樂
英致祭嗣後春秋二季致祭明陵著仍照舊派承襲侯爵之人前
東華續錄 道光三十四 四
往致祭如無襲爵之人或另有事故不能前往即派伊族中品級
較大之員代為致祭若該族亦無品級較大之員即由該族請旨
派散秩大臣致祭著為令用示朕加禮前朝之意○是月展緩河
南原武縣歉收新舊額賦有差

作為歌詞隱匿姓名巧相誣讒即審明實無其事全係捕風捉影
之談亦得置身局外無從究治其罪是此等鬼蜮伎倆實與匿名
揭帖無異於風俗人心大有關係不可不嚴行查禁嗣後各省
大吏遇有傳播歌謠指斥公事者惟當虛衷體訪嚴密根追並究
明編自何人一經得有捏寫主名即行密拏到案訊明平日有伺
仇怨照例嚴行懲治毋稍寬縱以省株累而挽頹風
九月癸未諭軍機大臣等據御史陶士林奏棚民開山種植病農
藏奸請飭查禁一摺江南地方素稱沃壤若棚民開山種植日漸
加增土鬆石碎大雨衝刷盡納於下游河港之中年復一年必致
游塞河道且棚民俱係外籍蹤跡難測匪奸窩盜難保不滋生事
端著陶澍等嚴飭所屬各州縣於棚民墾種處所設法嚴密管束
或寬予限期令其漸回本鄉其未經開種之山著即嚴行查禁務
東華續錄 道光三十四 五
當通盤籌畫毋令日久滋弊是為至要○戊子添設龍泉峪妃園
殿內務府主事副內管領各一○庚寅史譜以病免轉刑部為
兵部左侍郎以潘錫恩為兵部右侍郎由左副都御史遷○楊名慶緣事
解任以湯金釗暫署陝西巡撫由吏部尚書署○壬辰諭軍機大臣等昨
據湯金釗等奏參楊名慶業經降旨解任交辦矣楊名慶歷任陝
西多年如果查有簠簋不飭等事著即一面革職查封任所貨財
不准偷漏隱匿一面具奏嚴辦其袒護同鄉一節亦著逐細查明
具奏至李廷錫既署臬司於地方重案自應嚴實辦理何以被該
撫指參撤任之後始赴湯金釗等處呈遞稟詞難保非挾嫌訐告
亦應徹底根究以成信讞而昭平允湯金釗等俱係朕特簡著破
除情面無枉無縱勉副朕嚴實辦公至意○以德興為泰甯鎮總
兵官調德春為盛京戶部侍郎以惠吉為盛京兵部侍郎前任廣西巡撫

○以富呢揚阿為陝西巡撫由烏魯木齊都統遷○庚子 上閱健銳營兵
 ○壬寅以李象鵬為江蘇按察使由江西吉甯道遷○甲辰諭本日據
 刑部奏審擬太監張爾漢等屬託公事一摺已依議行矣此案太
 監張進忠因賭博被獲自有應得之罪總管太監張爾漢輒向者
 英懇求釋放首領太監許福善從旁幫說均屬不合此等小人不
 知事體輕重冒昧干求者英身為一品大臣如其事關重大自應
 據實奏聞即使情節較輕亦當正色拒絕面斥其非乃輕聽張爾
 漢等懇求之詞遽令所屬員弁留供取保解回當差殊非公正辦
 事之道此案情節本屬細微惟太監人等於外廷事件妄有干預
 者英既不能嚴行拒絕又復聽其請託如此瞻徇卑鄙尙安望其
 秉公持正為國宣力耶著英著交都察院嚴加議處即來京聽候
 諭旨所有前交查辦江西事件如尙未完結即著朱士彥會同陳
 東華續錄
 道光三十四
 六
 變辦理其廣東應查各案著朱士彥會同廣州將軍蘇勒芳阿秉
 公查辦○丙午諭刑部侍郎明訓經朕由內閣學士游擢卿貳昨
 日到京召見並未叩首謝恩何以處率至此明訓著降為內閣學
 士候補○諭湯金釗等奏遵旨確查據實具奏一摺陝西巡撫楊
 名魁辦理工程並未將甯陝等五十七廳州縣應領墊辦兵差銀
 兩捐輸修建緣由明白聲敘輒以率同城司道府縣各官捐廉督
 辦等詞含混入奏實屬巧飾且於臨潼富平等缺輒將同鄉謝長
 年謝長清調補並因謝長年調補時出差未回復令謝長清前往
 署理弟兄前後接任顯係為人擇缺意存袒護楊名魁著交部嚴
 加議處定遠廳同知謝長年富平縣知縣謝長清因與該撫同鄉
 均得調補並以同胞兄弟接任交代迹涉夤緣著交部議處至各
 直省州縣等官弟兄同在一省照例應否回避著吏部查明具奏

○調隆文為刑部右侍郎轉吉倫泰為理藩院左侍郎以功普為
 理藩院右侍郎由左副都御史遷○戊申以李振祐為左副都御史由宗人府遷
 ○圓明園三殿災○己酉諭著英以一品大員於太監人等
 懇求之詞不行拒絕經都察院遵旨將著英議以革職自屬咎所
 應得姑念其平日辦事無誤此案情節尙輕惟履霜堅冰不可不
 防其漸著英著革去尙書都統步軍統領內務府大臣加恩以侍
 郎降補以示薄懲朕綜理庶政一秉大公議過之條務期允協在
 廷諸臣其各體朕心勿事瞻徇勉副朕諄諄誥誡至意○以奕經
 為吏部尙書由盛京將軍遷○以凱音布為成都將軍敬徵為左都御史
 侍郎遷○是月賑盛京大白旗堡等處山西朔州等十一州廳
 縣貴州松桃廳災民展賑陝西神木縣災民蠲免山西朔州等十
 一州廳縣陝西榆林府屬被災新舊額賦
 東華續錄
 道光三十四
 七
 冬十月壬子諭楊名魁於辦理工程含混入奏已屬巧飾又於臨
 潼富平等缺輒將同鄉謝長年謝長清調補並因謝長年調補臨
 潼時出差未回復令謝長清前往署理弟兄前後接任顯係為人
 擇缺意存袒護楊名魁著即革職定遠廳同知謝長年富平縣知
 縣謝長清因與該撫同鄉均得調補並以胞弟兄接任交代迹涉
 夤緣謝長年謝長清均著降三級調用毋庸查級議抵再直省調
 署各缺例由兩司具詳不得以巡撫意存袒護一味迎合所有謝
 長年謝長清調署具詳之布政使按察使著陝西巡撫查取職名
 送部加等議處至州縣中弟兄同在一省例不回避其同在一府
 者例文本未明晰向經該督撫咨請到部均照鹽場與地方官員
 父子同官一府之例令其回避以別府所屬之缺調補嗣後州縣
 官兄弟同在一府者著以別府所屬之缺調補該部即纂入則例

通行遵辦○甲寅慶郡王綿懋薨賞治喪銀四千兩予祭葬諡曰
良○乙卯 上臨故慶良郡王縣懋第賜奠○諭慶郡王縣懋為
朕親叔慶僖親王之子秉性樸醇持躬謹飭自秋閒避病展轉增
劇竟爾溘逝本日朕親賜奠悲惋實深敬仰體 皇考友于之誼
著加恩再承襲郡王一次綿懋見無子嗣其應行立嗣承襲之處
著宗人府照例辦理縣懋性俱著賞假兩箇月辦理喪事○丙
辰加福州將軍長清太子太保○己未諭向來科道等官於京外
各省事件如有風聞原許據實陳奏請旨查辦至應如何辦理之
處豈容妄逞臆見率行瀆請茲據給事中寅德奏江西廩生陳泰
來前因呈報開採鉛礦致被斥革請開復廩生飭令前往採辦實
屬糊塗冒昧寅德不勝給事中之任著回原衙門行走○庚申命
儀順郡王次子奕綵繼慶良郡王縣懋為嗣仍襲郡王爵○丁卯
東華續錄 道光三十四 八
以琦琛為左副都御史由大理寺卿遷○庚午賜王瑞等六十人武進士
及第出身有差○壬申諭馬成金著准其以文生員兼襲騎都尉
世職嗣後承襲一二三等輕車都尉及騎都尉世職比照雲騎尉
恩騎尉之例准其以文武生員兼襲應試支食世職俸銀該部仍
於帶領引見時將應否兼襲之處聲明請旨其捐貢監人員概不
准其兼襲亦不准以本非文武生員將輕車都尉騎都尉世職改
作生員應試以示限制該部即纂入則例永遠遵行○甲戌諭給
事中鮑文瀄奏陶澍違禁私刊奏疏一摺並將原刊奏疏呈覽朕
詳加披閱其所刊刻俱係發鈔事件惟封疆大吏身膺重任所奉
硃批理當慎密方為不負委任陶澍輒行刊布迹近沽名殊失公
爾忘私之義陶澍著交部議處至另片奏准北票鹽辦理不善等
語准北改行票鹽總期於國課民食兩有神益如該督於每年奏

東華續錄 道光三十四

銷鹽課短絀該部自能參奏即令民食不便其所行票鹽各省該
督撫亦必具陳利弊候朕施行鮑文瀄此奏摺摭瑣屑意涉挾嫌
此風斷不可長鮑文瀄著一併交部議處尋部議陶澍鮑文瀄均
降三級調用得旨陶澄改為降四級留任鮑文瀄著回編修任○
是月貸甘肅涇州等八州縣山西山陰縣災歉口糧倉穀籽種獨
緩直隸景州等十二州縣水旱災新舊額賦緩徵河南安陽等十
縣陝西綏德等九州縣湖北沔陽等十三州縣衛安徽壽州等二
十州縣衛甘肅河州等十四州縣奉天三姓地方水旱災雹災
新舊額賦展緩黑龍江等三處通穀湖南茶陵等九州縣並賦兩
准板浦等三場通課
十一月丙戌諭前據馮贊勳奏參廣西宣化縣知縣楊時行署任
月餘責斃數命當交恩銘趙盛奎秉公確查具奏嗣據查明該員
東華續錄 道光三十四 九
實無濫刑斃命情事復據馮贊勳將楊時行責斃各犯姓名案由
月日開單呈覽並奏請密飭覆查適因新任廣西巡撫梁章鉅來
京陛見當將原摺清單交該撫帶往嚴密訪查務得確據茲據該
撫奏稱檢查案卷覈對各犯被押月日並無將卷宗抽換消滅之
弊其用小竹板笞訊賊犯亦無杖以百計之事且各犯發保病故
相距自一二十日至數月不等見經查明民人馮大學開場誘賭
經楊時行於訪聞擊獲該犯口稱伊姪見居京職求全顏面該員
照例責懲毫無瞻徇可稱不畏強禦甚屬難得著該撫察其才具
如果始終奮勉遇有應升之缺酌量保奏以為州縣各官實能除
暴安良者勸梁章鉅甫經升任巡撫於交查之件即能悉心體訪
據實奏聞使賢能之員不至屈抑甚屬可嘉著加恩交部議敘至
言官風聞奏事當為國計民生起見馮贊勳兩次陳奏俱云得自

五四九

家書並將責斃各犯開具姓名月日乃一經查訪全不相符且其所奏竟係一片私心輕信族人無據之辭意圖報復似此紳士書役扶制地方官其風斷不可長馮贊勳著交部嚴加議處○戊子諭予告陝甘總督楊遇春數歷中外宜力三朝朕每軫念勳勞渥承眷注本月四川總督鄂山來京朕見經朕詢問楊遇春在籍頤養安和精神強固甚為欣慰朕特親書福壽二字並頒給內府人淺十兩著鄂山帶回賞給楊遇春祇領以迓麻祥其子前任河南巡撫楊國植因丁母憂在籍著於服闋後迅即來京候朕簡用以示優待蓋臣有加無已至意○己丑諭本日據吏部遵旨將馮贊勳嚴議具奏言官為朝廷耳目所寄責任綦重凡所敷陳當為國計民生起見其有關繫國是切中時宜者朕必量加採納立見施行即或偶爾失實而所奏尚屬因公亦必曲加寬恕從不遽加東華續錄 道光三十四 十

詆責朕於大小臣工賞功罰罪一秉大公斷不稍存私見即如本年高喀爾於黑龍江歷久遵辦之事輒因私意妄託該將軍更改章程從憑具奏尚係為地方公事惟不自行據實陳奏膽敢私致書函屬其奏辦即屬有心干預是以於訊明後立予重懲不稍寬貸馮贊勳前任言官時遇事敢言聞有指陳尚堪採取經朕加恩擢至四品京堂宜何如屏除私念力圖報效以慰朕用人求治之意乃逞其一片私心於署宣化縣知縣楊時行杖責竊匪本無愆刑斃命情事輕聽族人無據之詞兩次嘵嘵奏意圖誣陷地方官隱遂其報復之計其居心實不可問此端一開在京大員藉端扶制地方官必致每事掣肘吏治尙可問耶馮贊勳著即照部議革職以為徇私忘公者戒○壬辰諭御史富隆額奏請究查捏造浮言一摺國家設立科道等官廣開言路原期興利除弊摘伏懲

奸於國計民生兩有裨益數年來科道中每有陳奏朕無不虛衷採納其建言得體有裨政治者或加恩外擢或簡畀京卿其或事涉瑣屑指陳無據亦不予以嚴譴所以獎勵激勸俾令知無不言言無不盡乃近來妄肆譏彈捕風捉影甚且扶嫌誣陷報復逞私尙復成何事體經朕將該員等分別懲處實朕萬不得已之苦心在廷臣工有言事之責者宜如何仰體朕心靖共獻納勉副朕孜孜求治之意若如該御史所奏言官奏事應究風之所自起聞之所由來是使進言之人心存畏憚瞻顧不前必致民生疾苦吏治廢弛悉墮上聞豈不於朝廷設立言官之意與朕達聰明目之心大相逕庭耶所奏著無庸議○福建提督馬濟勝卒晉贈太子太保賞銀五百兩治喪予祭葬諡昭武○甲午諭申啓賢奏恭刊御製人臣儆心錄 欽定訓飭州縣規條頒布通省官員一摺所見甚是州縣為親民之官果能各盡其職則天下自無不治庸是職者宜何如精白乃心勤求民事以副朕愛養元元之意若如該撫所奏州縣蒞任之始不問地方之利病先問缺分之肥瘠凡前人不敢存諸寤寐者今則直言請大廷廣眾之中而無忤容一切公事委之幕友任之書役以故營私作偽徇利曠官積習相沿恬不為怪夫吏治之廢弛全在該管各大員設法化導多方振作使知愧奮思勉自可力挽頹風該撫刊刻書函俾各該州縣實力講求消除痼習洵為正本清源之論著照所奏辦理因思晉省吏治如此各直省想亦不免所有雍正八年 欽定訓飭州縣規條一書其中條列州縣事宜允為牧令守法守著各該督撫即遵照原書敬謹刊刻頒發所屬各該州縣俾得細心究習實力奉行有所據依以為準則儻有陽奉陰違執迷不悟者即著該督撫據實參

劾毋得稍事姑容務使民咸樂業比戶可封大法小廉吏治蒸蒸日上朕實有厚望焉○乙未諭軍機大臣等本日據興德等由四百里馳奏色喀庫勒地方被賊滋擾一摺據稱十月初三日霍罕列什格爾胡什伯克帶領賊人到色喀庫勒地方將城垣用礮打開阿奇木伯克庫爾察克率眾抵禦互有殺傷庫爾察克帶傷被擒其餘伯克被傷身死逃亡者尙復不少伊什罕伯克邁熱木等家眷均被搶去大約賊有二千餘人見籌防禦等語霍罕夷人犬羊性成貪黷無厭見在胡什伯克既將色喀庫勒地方占據難保不由彼進卡肆行滋擾計廉敬到彼尙需時日奕山接奉此旨著卽迅速馳赴葉爾羌並與特依順保妥商於領隊大臣內酌派一二員隨同前往將興德等摺內所稱各情節詳細確查先行知照喀什噶爾辦事領隊大臣等將胡什伯克差來之阿布都爾滿等東華續錄 道光三十四 十二

卽行通盤籌畫將應如何辦理之處據實具奏固不可示之以弱亦不可過事張皇是爲至要至前交查辦各件著候廉敬到葉爾羌時再行會商辦理○戊戌訓惠吉爲盛京刑部侍郎文蔚爲盛京兵部侍郎○庚子定親王奕紹薨命惠郡王麟愉往奠茶酒費銀五千兩治喪予祭葬諡曰端以其子載銓襲郡王爵○以敬徵爲工部尙書調武忠額爲左都御史以奕紀爲理藩院尙書轉文慶爲戶部左侍郎調賽尙阿爲戶部右侍郎以奎照爲工部右侍郎總兵選○辛丑 上臨故定端親王奕紹第賜奠○壬寅以奕紀署御前大臣○癸卯 上詣 大高殿祈雪○是月給陝西府谷等四縣霜雹災口糧蠲緩直隸安州等三州縣水災額賦緩徵山東德州等六十一州縣衛江蘇高郵等五十二州縣衛江西蓮花等四十三廳縣水旱災新舊額賦展緩湖北荆門等七州縣捕東華續錄 道光三十四 十三

六人嚴行看守毋許放令出卡務當體察見在情形備該夷人等膽敢肆意擾亂勢須調兵該大臣卽一面調派官兵一面據實具奏並嚴諭各城一體防範如該夷人等進卡滋事自當實力勦捕惟不准擅行出卡致開邊釁並著該大臣馳抵葉爾羌後卽書寫諭帖曉諭霍罕伯克素稱恭順並能約束卡外夷人俱臻安靜是以大皇帝加恩准予通商並免納稅色喀庫勒係屬天朝地方今聞胡什伯克帶領多人在彼滋事該伯克諒不知情是屬下之人敢於擾我邊陲妄行抗拒該伯克身受天朝浩蕩之恩務卽查明此次進卡滋事之人自行懲辦並嚴諭所屬嗣後務當各守藩籬永遠約束儻再擅入邊界致生事端恐大皇帝天威震怒絕其貿易不准通商是該伯克不能承受天恩自貽伊戚也如此剴切宣諭該伯克果能悔罪輸誠自可不煩兵力儻竟執迷不悟該大臣

十二月辛亥諭向來秋審人犯內緩決三次以上者人數積多每屆數年諭令刑部查明奏請分別減等以示法外之仁今自道光九年查辦之後至本年秋讞入緩決者又積有一萬二千三百餘名著刑部將本年秋審朝審緩決三次以上各犯照節次查辦之例逐一查明所犯情節奏明分別減等發落以昭矜恤○丁巳 上再詣 大高殿祈雪○壬戌 上再臨故定端親王奕紹第賜奠○轉溥治爲兵部左侍郎以耆英爲兵部右侍郎○癸亥 雪○甲子以李宗傳爲山東按察使由四川成縣○丁卯諭宗人府奏御史永桐因揀選員勒未經入選具稟瀆辯永桐係宏旂之子乾隆年間宏旂因莊頭事件使人至通永道屬託革去貝子都統治罪是宏旂所犯本係私罪何得謂爲無罪之人卽嘉慶年間

賞給奉恩將軍准其隨班入朝係屬 特恩棄瑕錄用此次宗

人府揀選承襲貝勒未將該員入選辦理本無錯誤乃永桐率行

具稟曉曉陳訴實屬不合著交部議處○授鄭親王烏爾恭阿子

肅順委散秩大臣○己巳晉封彤妃舒穆魯氏為 彤貴妃貴人

郭佳氏為 佳嬪○庚午諭軍機大臣等據鄂順安奏廓爾喀國

人呈遞表章譯係該國王因哲孟雄部落侵占該國疆界請示辦

理又夷人熱雜阿幫里表章內稱該國王聽信謠言將伊祖官職

革去伊父無辜被殺求照伊祖官職賞給並將該國王苦累百姓

見有頭目人等私議將地土交與披楞掌管等語撫馭外夷之道

惟在鎮守邊防持以鎮靜即遇有夷人控訴之案止可曉諭以天

朝法度爾外國之事從不過問遣人送出卡外况既無該國王印

記正好駁斥乃輒稱該夷人以平民擅遞封章妄希官職本應鈔

錄原稟札飭該國王治以應得之罪又恐該國王斥其赴訴再加

陵虐等語鄂順安欲以內地例文科斷外夷太不曉事著交部嚴

加議處關聖保接奉此旨無論行抵何處迅即兼程前進親赴邊

界體察情形並隨時派人密探儻該夷人等蠻觸相爭該大臣等

惟當嚴飭所屬漢番官慎守卡倫嚴密防範不准一人擅出邊界

致釀事端是為至要尋降鄂順安四級調用帶所降之級仍留該

處效力暫停開缺○癸酉以慶林為奉天府尹圖明額為山西

按察使由奉天府○以周天爵為陝西布政使徐寶森為安徽按

察使由廣西右○是歲朝鮮暹羅來貢○會計天下民數除福

建湖南等省未經查報外各省通共大小男婦四萬四百九十萬

一千四百四十八名口各省通共存倉米穀二千九百六十七萬

六千七十四石二斗五升九合七勺

東華續錄

道光三十五

臣 王先謙敬編

臣 周潤蕃恭校

道光十七年丁酉春正月己卯朔以奕紀為御前大臣○賞長齡

四開襖袍潘世恩太子太保僧格林沁黃糧○丙戌諭國家設立

營伍訓練操防原期有備無患而兵丁之能否得力實當慎之於

挑缺之先茲據孟魁奏稱廣州每年彙報部旗挑選兵丁缺冊僅

用姓名頂補字樣並不註明年歲易啓遷就之弊等語兵丁冊報

部旗原所以資考覈僅以姓名更換其弊不可勝言廣州如此他

省恐亦不免爾後各省彙報部旗缺冊著即註明年歲毋許含

混儻仍用姓名頂補字樣並不註明年歲著該部旗即行駁斥更

換以昭嚴實而肅戎行○諭孟魁奏請除駐防積習一摺我朝修

東華續錄 道光三十五

明武備以騎射為先該管大臣平日勤加訓練挑選差使破除情

面方足以成勁旅而資捍衛茲據孟魁奏上年四月間前赴教場

挑缺該協領佐領等以計較家口養贖為重不論騎射之強弱積

習相沿牢不可破且查明未及成丁而食錢糧者有九十餘名甚

至騰那底缺弊實滋多實屬良違例蘇勒芳阿孟魁俱到任未

久自無所用其回護更不准稍事隱飾知而不言協領海俊佐領

色勒敏如何含糊蒙混著即查明嚴參懲辦嗣後凡遇挑缺總當

以人材精壯箭射有準者充選不得以養贖戶口藉詞調劑以致

有名無實儻因循姑息仍蹈前轍惟該將軍副都統是問決不寬

貸○壬辰兵部尚書王宗誠卒予祭葬○以朱士彥為兵部尚書

尚書○癸巳諭奕綵已承嗣慶郡王爵蘇德前經有旨加恩令

其承襲郡王毋庸帶領引見因念蘇德係朕叔慶僖親王之

子朕敬仰體 皇考友于之誼允宜渥沛恩施晉加一等縣悌著
加恩封為不入八分鎮國公縣性著加恩封為不入八分輔國公
縣悌縣性務當仰體朕意慎勉趨公以副朕篤念懿親成全造就
至意毋忽○乙未命慶郡王奕綵在御前行走○召楊殿邦來京
以陳繼昌為山西布政使管通羣為江西按察使由長蘆鹽運使遷○丙
申諭軍機大臣等據邵廷楨奏稱英吉利國公司散局以後大班
不來上年十一月內該國特派遠職來粵總管本國前來貿易之
商賈水手等語該國來船絡繹自應鈐束得人以期綏靜今既領
有公書文憑派令經管商榷事務雖與向派大班名目不同其為
鈐束則一著准其依照從前大班來粵章程至省照料並飭令粵
海關監督給領紅牌進省以後住澳住省一切循照舊章不准逾
期逗留致開盤踞之漸該督等正可藉此責成彈壓不准干預滋
東華續錄 道光三十五 二

侍衛降補湖廣總督訥爾經額兩省文武是其統轄乃么磨小醜
日久不獲既失察於前復玩泄於後實屬無能著降補湖南巡撫
再予限一年緝拏藍正樽務獲以觀後效餘著照舊供職至兩江
總督陶澍辦事勇敢但鹽務尚未大見起色閩浙總督鍾祥精明
沈細兩廣總督邵廷楨才學俱可山西巡撫申啓賢辦事實心皆
履任未久諸臣務當清慎持躬公勤莅事朕有厚望焉○以林則
徐為湖廣總督調陳鑾為江蘇巡撫裕泰為江西巡撫由湖南調○調
功普為盛京工部侍郎以文德和為理藩院右侍郎由內閣學士遷○甲
辰諭軍機大臣等與德等奏查探霍罕賊目列什格爾胡什伯克
業經旋回並見在卡外色喀庫勒地方仍有賊人占據情形一摺
據稱霍罕伯克已將胡什伯克調回胡什伯克於回去之便沿途
逗留留喀什噶爾英吉沙爾卡外一帶各布噶特愛曼妄肆煽惑
東華續錄 道光三十五 三

事仍應密飭該管文武及洋商等隨時認真訪察儻越分妄為或
有勾結漢奸營私私法情事立即驅逐回國以絕弊源○庚子諭
三歲考績乃激揚大典滿漢諸臣有能實心實力克稱厥職者自
當甄敘平庸不能勝任者亦難姑容茲屆京察之期吏部將京外
諸臣開單題奏朕詳加酌覈大學士長齡宣力多年登八十而
精神強健大學士潘世恩穆彰阿協辦大學士王鼎克勤克敬不
愧贊襄吏部尚書湯金釗品學醇正奉使公明刑部尚書史致儼
精力如常刑名詳慎協辦大學士直隸總督琦善辦事認真營伍
整飭陝甘總督瑚松額不露鋒銜細心認事雲貴總督伊里布熟
習邊務鎮撫得宜江南河道總督麟慶修防無誤獲保安瀾俱著
加恩交部議敘內閣學士桂森廉率無能不堪造就著以二等侍
衛降補盛京工部侍郎奕澤才具平庸不勝侍郎之任著以頭等

復遣人致信於西皮察克愛曼布噶特比愛里雅爾亦係勾引之
詞該布噶特比愛里雅爾素稱恭順未肯聽從見在胡什伯克率
領賊眾旋回霍罕仍留賊目阿達那帶領二百餘人在塔什霍罕
塔哈爾瑪莊等處居住勾結布噶特在附近地方往來騷擾色喀
庫勒伊什罕伯克仍在通莊防堵各等語控制外夷總以不動聲
色慎守邊防俾外夷震懾天威潛消覬覦方為有備無患上年所
降諭旨甚為明晰著奕山等仍遵前旨鎮靜防守一面差派員弁
嚴巡各卡倫一體防範總不輕舉妄動出卡滋事是為至要○戊
申諭鹽引暢銷總期裕課便民各該督撫奉公盡職原應不分畛
域而所轄引地亦宜劃清界限以杜侵越方為辦理妥協茲據陶
澍奏稱安徽之徽州府與江西之廣信府例食浙鹽均在兩省腹
地私鹽由漸滙入以致安徽江西各府均被侵占在浙商總以便

民食為詞每於徽州廣信等府界開設私店而淮鹽受害漸有侵
占之虞著烏爾恭額嚴查奸商禁止偷販除假公濟私之弊杜越
境售私之習整頓自為得力各省一體照辦俾行鹽則各依疆界
緝私則無分彼此庶離務日有起色而轉銷各有責成矣○是月
貸山西朔州等十一州廳縣陝西葭州等九州縣甘肅金州等十
三州縣並莊浪縣丞所屬水災旱災蝗災雹災霜災倉穀口糧籽
種緩徵直隸西甯縣山東德州等二十三州縣衛水災旱災額賦
江蘇高郵等三十二州縣衛通賦展緩直隸景州等十一州縣通
賦

二月庚戌 上御經筵○庚申召圖明額來京以瑞元為山西按
察使由福建程道遷○甲戌諭嗣後凡京堂御史緣案降補以及原係京
職降調補官指明以何官降補或仍回本任並廢員起用捐復降
東華續錄 道光三十五 四

捐人員如係一體升轉其原案內並無不勝外任及奉特旨停升
者計俸合例俱著准其保送京察一等並著吏部於本內將該員
等原案情節詳晰聲敘吏部即纂入則例通行各該衙門遵照辦
理○釋已革都統高喀爾回京以頭等侍衛休致賞其子已革三
等侍衛安興阿克與阿克藍翎侍衛○丁丑諭朱士彥等奏查明隨
帶司員並無贓私一摺此案解任刑部主事白讓卿於隨帶廣東
審案時曾託銀號代寄箱隻解任江蘇蘇松太道陽金城攜帶箱
隻至十七隻之多經朱士彥等提同該員家丁等反復研究俱係
置買物件委無婪索情弊復檄調巡捕股輔等質訊僉稱實無私
謁餽送等情至南雄州知州吳毓鈞奉委進省與白讓卿等素不
相識無從進謁查白讓卿等尚無得受苞苴餽賂實蹟惟以隨帶
審案司員不知違嫌致滋物議均有應得之咎白讓卿陽金城俱

著交部議處○是月貸山西吉州等七州縣倉穀緩徵山西朔州
等二十九州廳縣款收運數

三月己卯命定郡王載銓在御前行走○丁亥 上親耕藉田○
琦善丁憂以穆彰阿署直隸總督○庚寅 上奉 皇太后啓鑾
幸學藝山○免經過地方額賦十分之三○癸巳回鑾○甲午
上奉 皇太后還京師○福州將軍長清卒贈太子太傅○以書

英為熱河都統倭什訥為兵部右侍郎明訓為內閣學士兼禮部
侍郎銜候補內閣學士○陳崇禮以病免以吳榮光為福建布政使候補
京○乙未 上啓鑾謁明陵○丙申 上詣明長陵獻陵泰陵景

陵永陵奠酒○諭本日朕親至明成祖等五陵酌奠並遣大臣分
詣諸陵行禮懋眺山林松楸無恙敬念 皇祖高宗純皇帝特諭
重修規模煥若 皇考仁宗睿皇帝兩次 親臨酌奠朕仰紹

東華續錄 道光三十五 五
前模特行親祀凡茲林木蔥鬱殿宇巍峩皆由我朝 列聖德侔
天地以時培護所致朕鑿輅臨臨再申禁例著該地方官飭令守
陵人戶敬司灑掃嚴禁砍伐樹木永遠無懈用副朕祇守 前徵

加護勝國陵寢至意○以明後裔延恩侯書桂為散秩大臣並賞
看守陵戶銀○丁酉 上還京師○辛丑諭予告陝甘總督楊遇
春自乾隆年間以武舉效力戎行每遇軍務無不在事馳驅身經

百戰歷事 三朝懋著勳績前於嘉慶年間平定滑縣賊匪仰蒙
皇考仁宗睿皇帝賞給二等男爵紫禁城騎馬旋晉一等男爵

朕御極後賞加太子少保銜並賞戴雙眼花翎嗣因克復回疆四
城晉加太子太保銜賞用紫韁由提督擢任陝甘總督於邊疆事

務控制得宜老成威望中外皆知恪共忠盡實為國家股肱心膂
之臣前年因年近八旬舊疾舉發懇請開缺回籍調理朕不忍違

其所請特命來京陛見追念勳勞加恩晉封一等侯爵准其回籍
支食全俸用昭優眷上年冬閒四川總督鄂山來京陛見朕特親
書福壽二字頒發內府人漫十兩令鄂山帶回賞給祇領方冀願
養林泉永膺祉福茲聞溢逝悼惜難堪披覽遺章不禁垂淚楊遇
春著加恩晉贈太子太傅銜兵部尚書照例賜卹入祀賢良
祠賞給銀二千兩在四川藩庫給發俸得經理喪事任內一切處
分悉予開復應得卹典該衙門察例具奏伊子楊國佐著賞加副
將銜所有應襲侯爵著楊國楨承襲服闋後即來京陛見以示朕
優卹勳臣有加無已之至意尋賜祭葬諡忠武

夏四月乙卯添設山東魚臺縣千總一南陽鎮外委一為魚臺汛
協防移原設魚臺汛外委一駐古村集為滕縣汛協防統歸沙溝
營都司轄○戊午諭朕思為政之道首戒欺蒙蓋欺則情理不實
東華續錄 道光三十五年 六

蒙則弊端所由作故六部九卿各衙門之公務無論鉅細必當遵
依例案而行遵依例案即所以防書吏舞文弄法之奸庶可免其
欺蒙也即如日前兵部議奏三等侍衛男爵克興額一摺既知按
例應行革職即當按例具奏不應援引湖廣隨營效力雲騎尉李
紹西仍留世職之事比擬甚屬不倫旗僕侍衛與綠營員弁已難
並論而情理又迥不相同一則弓馬平常一則規避不到其輕重
分明何憤憤若是耶此無他非任聽庸劣司員妄行援引即堂司
俱受書吏欺蒙矣此事尚無甚緊要若動輒皆然堂官數人止知
依據畫諾漫不經心其患豈可勝言總因不能實心之故也又如
廣東盧應翔一案以尋常之案屢控不休欽差三命成何事體始
而賽尙阿那頃訊結雖無大錯而所辦甚不切實繼以恩銘趙盛
奎鄧廷楨率意判斷致長刁風在賽尙阿等諒不敢有別情而承

審之員未必皆能清白乃心是賽尙阿等亦難免有被欺蒙之處
奉使者不肯實心苟且從事莫怪乎人之欺蒙也試思萬幾待理
朕曷能纖悉無遺雖居九五之尊心神精力與人同耳念及此惟
增愧增懼孜孜自勉厚望我諸卿奮發振作各盡乃心各揚其職
誠實趨公佐臻上理勿貽後人有欺蒙之誚朕之至願諸卿其善
體苦衷特諭○以柏葰為內閣學士兼禮部侍郎銜由詹事府○已未
定發遣宗室給與車輛例○庚申諭軍機大臣等本日據陶澍奏
淮甯實在情形一摺兩淮鹽務最為繁重一切催徵催運各事宜
該督責無旁貸已故運司劉萬程竭慮急公本屬職分所當為見
因病發輕生該督正當督飭新任運司陸蔭奎認真經理期於課
額無虧方為不負委任何得因劉萬程一人輒謂諸事掣肘遠請
欽派大臣前往查議籌辦此奏殊出意外太不成事總之引課奏
東華續錄 道光三十五年 七

銷原係該督專責如果辦理得宜自可日有起色即謂兩淮責在
督運其督銷之任分寄諸湖廣江西安徽各督撫獨不思江西安
徽均係該督統轄省分其應如何實力堵緝趕緊疏銷無難與兩
省巡撫妥為籌辦至湖廣分銷各口岸與淮南本屬一氣相通前
已有旨令林則徐盡心籌畫不分畛域如有應行會議之處儘可
隨時咨商從長計議該督受恩深重惟當實心籌辦不得以力單
任重為詞藉圖卸責備畏難觀望以致離務不見起色朕惟該督
是問○申定 皇后以下無所出者無庸載入 玉牒例○癸亥
調隆文為吏部右侍郎惠吉為刑部右侍郎以麟魁為刑部侍郎
由左副都御史○甲子何煊卒以顏伯燾為雲南巡撫張澧中為直隸
御史○乙丑左副都御史琦
布政使常恒昌為福建按察使由光祿寺少卿○丙寅梁章鉅奏越
琛以前任坐糧廳失察經紀已滿復充降調

南夷匪農洪仁於農文雲滅後復出滋事邀約上下五郎州夷目
攻打久村牧馬報聞○戊辰以德誠善燾俱為左副都御史德誠
大僕寺卿善燾由○是月貸山東濮州等二十四州縣衛山西甯武
縣倉穀緩徵山西定襄等三縣額賦並朔州等十七州廳縣通穀
山東濮州等二十四州縣衛通賦

五月戊寅貴慶以病免調奕紀為禮部尚書以武忠額為理藩院
尚書奎照為左都御史調聯順為工部右侍郎以道慶為禮部右
侍郎由內閣
學士遷○己卯賞特亨額都統銜為葉爾羌參贊大臣以周
天爵署清運總督由陝西布
政使署○庚辰以楊振麟為陝西布政使張
祥河為河南按察使由山東
糧道遷○辛巳諭禮部奏各省辦理重赴鹿
鳴筵宴咨奏兩歧一摺恭查嘉慶二十一年奉有 諭旨除三品
以上大員仍准專摺奏請與宴外其四品以下者俱著該督撫咨

東華續錄 道光三十五 八
報禮部准令與宴等因欽此業經該部纂入科場條例通行各省
在案前據色卜星額奏安徽泗州學正萬保廷並非三品官員何
以該撫仍專摺奏請色卜星額著交部察議嗣後各省督撫著
仍遵照舊定章程辦理以杜紛歧而昭畫一○甲申調陳繼昌為
直隸布政使張禮中為山西布政使○甲辰以那斯洪阿為內閣
學士兼禮部侍郎銜由通政使
司副使遷○是月緩徵山西山陰縣新舊額
賦

六月庚戌諭御史朱成烈奏銀價昂貴流弊日深請飭查辦一摺
所奏甚是銀錢價值兩得其平方於國計民生均無窒礙近來錢
價日賤自係紋銀不足所致推原其故固由於風俗奢侈耗於內
地而禁煙一物貽害尤甚耗銀尤多若如所奏廣東海口每歲出
銀至三千餘萬福建浙江江蘇各海口出銀不下千萬天津海口

出銀亦二千餘萬一入外夷不與中國流通又何怪銀之日短錢
之日賤也前據鄂廷楨奏擊獲出洋紋銀業有旨將出力各員弁
量加鼓勵並准其將所獲之銀全數充賞惟所擊之數尚不及百
分之一且此等奸民情變百出難保不因廣東查擊甚緊遂暗與
浙閩諸處交通巧為透漏是一處之搜擊不足戢眾奸之偷越著
直隸山東江蘇浙江福建廣東各省督撫並海口各監督嚴飭所
屬文武員弁統於沿海要隘處所隨時隨地認真稽查遇有出洋
快蟹等船務當實力巡查備敢裝載紋銀妄冀偷漏出洋立即設
法截擊按律懲辦毋稍輕縱除將搜獲銀兩全數分別充賞外並
著查明實在出力各員弁據實保奏請旨鼓勵如有疏縱亦即嚴
參懲辦該督撫受恩深重具有天良當思紋銀出洋於國計民生
大有關係惟當同心協力不分畛域處處堵緝周密即有好民何
從施其伎倆若經此次諄諭之後仍復奉行不力致有好民吏胥
包庇私運出洋不行查擊者別經發覺不特將沿海各員弁從重
治罪定將該督撫等嚴行懲處決不寬貸○壬子諭昨因沿海各
口岸紋銀出洋於國計民生關係非細已降旨嚴飭沿海各督撫
認真查辦該督撫等均受朕厚恩自必共矢忠勳力加整頓但思
錮習已久非破格示以勸懲驟難挽回嗣後如該督撫等仍視為
具文並不實力查辦必當從嚴懲處其沿海文武員弁巡緝不力
甚至書役包庇奸民句串仍有偷漏即著該督撫嚴參加等治罪
如海口文武員弁果能實力堵緝或連獲數起或破除巨案即著
該督撫據實保奏朕必施恩破格升用以示獎勵自此次諄諭之
後該督撫等其各竭誠體國務絕弊源勉副朕力挽頹風至意○
戊午命左都御史奎照戶部侍郎文慶在軍機大臣上學習行走

○已未琦善百日孝滿命督直隸總督○壬申諭本日朕恭閱
皇祖高宗純皇帝實錄內載查辦浙省虧空 諭旨仰見 聖謨
不煥炳若日星屬在臣工允宜永遠遵守朕御極以來用人行政
總求一實字方今各直省督撫及方面大員內貪黷營私者尙無
其人而眞能剔弊釐好事事覈實者亦不多見大約自守廉謹則
有餘而率屬嚴明則不足卽如各州縣虧空倉庫一節原當隨時
據實分別懲辦方足以儆奸貪近來虧空各案層見疊出甚至盈
千累萬罔知顧忌其中豈無侵吞官帑私飽囊橐之人何以一經
查辦輒稱因公那移將就了事顯係該督撫司道等不能破除情
而因而設法彌縫爲劣員卸罪地步涓涓不塞將成江河日後釀
成巨案咎將誰執該督撫等豈置身局外耶督撫大吏受恩深重
各宜激發天良嗣後遇有虧空之案總當一秉至公認真確查其
東華續錄 道光三十五 十
有性近奢華任意揮霍甚或私債累擲動倉庫者但經查訪得
實卽行指名嚴參按律究辦庶懲一儆百俾不肖州縣擊知炯戒
有所憚而不敢爲經此次醇諭之後該督撫等儻仍狃於積習一
味因循止知見好屬員竟置國家倉庫錢糧於不問則是有心徇
庇甘蹈欺蒙將來別經發覺朕惟知執法從事不能倖邀寬典也
○四川馬邊廳夷匪滋事命鄂山等勦辦○四川總督鄂山代前
任河南巡撫楊國楨奏謝襲侯爵恩得旨覽奏不覺追念先臣英
姿矍鑠猶在目前致朕悼惜彌深也○癸酉訥爾經額奏擊獲從
逆各犯究出首逆藍正樽被鄉勇毆斃情形命解交林則徐會覈
審辦○甲戌奕山等奏上年冬閒胡什伯克在該地方擾亂並留
賊目阿達那帶領賊眾在彼占據茲有該處回子吐爾阿沙探得
賊目阿達那分派賊眾赴各處擄掠城內僅贖阿達那等八人因

糾約回眾潛入城內將賊目等全數擊獲陸續解赴葉爾羌派員
訊明分別正法命將邊卡準備情形籌畫迅奏○是月貸江蘇淮
安大河二衛被災籽種

東華續錄

道光三十五

十

東華續錄

道光三十六

臣王先謙敬編

臣周澐蕃恭校

秋七月壬午浙江巡撫烏爾恭額奏遵旨察看新選温州府知府那興阿堪以勝任得旨應對明敏內務府之長技斷不可墮入毅中慎之○調裕誠為戶部右侍郎轉聯順為工部左侍郎以恩桂為工部右侍郎出內閣○戊子諭各省將軍副都統皆係朕特加簡用之人於旗營一切利弊原當和衷商榷認真查辦方為無忝厥職近來該將軍副都統內固不乏遇事敢言之員而求其實心任事同寅協恭者亦不多見前因蘇勒芳阿孟魁互相攻訐各執一詞嘵嘵不已特派寶興馳赴廣東會同鄧廷楨秉公查究嗣據寶興等逐款查明據實覆奏其短少庫銀一節本非蘇勒芳阿任

東華續錄

道光三十六

內之事惟既經查出並不奏明辦理輒以為數無多率行攤扣辦理實屬錯誤是以照部議降一級調用孟魁所訐各款見經查明虛實參辦惟懸賞招告意圖傾陷居心險詐不正原當重治其罪非僅予革職所能蔽辜姑念其平日於應辦公事尚能留心是以部議上時加恩免其革職仍賞給二等侍衛在大門上行行走若並無懸賞招告一節則遇事敢言雖未盡實儘可不加深責朕賞功罰罪一秉大公各省將軍副都統等惟當仰體朕意前除積習遇有旗營緊要公事務當虛心商辦期於共濟不得稍存成見互相攻訐尤不得因此案分別降調遂爾扶同徇隱緘默不言致公事或有貽誤儻經此次諄諭之後仍有玩泄從事不肯認真經理者別經發覺必當加等治罪決不寬貸勿謂誥誡之不豫也○辛卯諭前據御史李純奏請將東河甄工暫停燒造當有旨派敬徵馳

往查辦並命李純隨同前往茲據該尚書查明具奏所議甚是據稱道光十五年該河督栗毓美因原陽一帶隄工與重本係無工處所物料不備即時收買民甄拋築擋護試有成效因欲多辦甄工以期減埽節費該尚書周歷履勘下北祥河等廳拋成蟄定之工壓蓋碎石跟澆土戩見在尚屬整齊並據各道廳密稟水淺溜緩之處拋甄壓石以及保灘護厓均堪得力其水深溜急之處有甄石並用放手加拋始經站定者有屢拋屢塌改用埽工方能穩固者用甄搶辦險工未可深恃等語治河之法不外以土制水取其柔能抵剛碎石質重體堅用以防風護埽亦得剛以濟柔之義甄本土成原可濟料石之不足於河工亦不無裨益該河督前請沿隄立窯燒造新甄本為搶辦要工起見惟土性沙城坯難堅實且近隄例有取土之禁近料宜防意外之虞行之日久流弊滋多

東華續錄

道光三十六

是燒甄不如採石之無弊用甄不如用石之一勞永逸也著栗毓美即將已拋甄工酌量壓石澆土以期穩固所有未拋之甄嚴飭道廳員弁確切報明存貯河干以備應用毋庸再行燒造以符舊制而杜弊端○癸巳重修圓明園三殿成 御製記曰予自踐阼以來於今十有七年兢兢業業惟慮政治之未修民生之未裕一切興作概從簡略非慕卑宮之名惜露臺之費蓋事必權其緩急心必戒夫逸豫惟懷永圖不敢不慎也若今者圓明園三殿之重修蓋有說焉三殿者前曰圓明園中曰奉三無私後曰九州清晏溯自 聖祖賜額 世宗定居 皇祖 皇考因循守樸不改成規爰逮藐躬德輔任重亦惟祗承基緒曷敢不念負荷之艱乃以丙申九月二十六日戌亥之交融風告警鬱攸從之雖縶伍有備而塗徹已多予心怵惕不遑啓處惟茲三殿乃 祖 宗締構所

貽居御園之中為寢興之所非若山茨水榭僅備游觀若不及時
修復何以自安爰命內府諸臣庀材鳩功繕完補闕惟期示儉於
後不敢增美於前工未逾年制已復舊於以昭不彫不斲之風亦
以守不愆不忘之志版築之興洵不得已也抑予之說更有進焉
周書大誥梓材兩言作室既底法矣繼之曰肯堂肯構既勤垣墉
矣繼之曰塗墍茨自古帝王肇造丕基規模遠大非第令後世無
以加也亦謂數傳而後其張弛損益因乎時存乎人焉故勅業務
期可繼而守成亦貴有為若因循翫泄有廢莫舉所謂堂構塗墍
者安在耶然非值必不可緩之事有必不得已之心動輒更張矜
言改作則前人底法之善必至紛然失其所守其弊更有不可勝
言者是舉也惟願我後人念作室之不易則圖易而思艱瞻履成
之孔安則居安而慮殆慎憲省成庶幾乎無廢事焉且知官室之
東華續錄 道光三十六年
制度已備國家之經費有常工不可以勑興役不可以輕舉持盈
保泰庶幾乎無侈心焉夫無廢事勤也無侈心儉也勤者治之本
儉者福之源也繼自今以引以翼攸芋攸躋鑿成憲以無愆鞏洪
圖於勿替是則予之厚望也夫工既竣乃述頌末而為之記○丁
酉諭前據御史黃樂之奏請將山東鹽務改歸巡撫統轄當降旨
交戶部議奏嗣據該部議准請歸巡撫管理復諭令經額布妥議
具奏本日據該撫奏稱該省鹽務見當設法清楚之際非就近督
催難期得力鹽政駐紮天津相隔千里遇有繁雜事件稟函往返
動須月餘實屬鞭長莫及等語山東鹽務著即改歸巡撫管理以
歸簡易其前經奏准章程各條務當實力奉行認真經理如有應
行損益之處著該撫隨時督同藩臬運三司悉心講求總期裕課
疏綱日有起色仍符年清年款舊制其運庫出納尤宜留心查察

不准再有懸款備經此次更定章程之後辦理仍無成效朕惟該
撫是問○壬寅陳繼昌以病免以托渾布為山西布政使熊常緯
為直隸按察使由山西莫○是月緩徵江蘇鹽城縣挑河貸款
八月丁未戶部右侍郎程恩澤卒賞其子德威舉人○調那爾漢
為戶部左侍郎以吳其濬為兵部左侍郎由內閣○甲寅諭奕紀
等參奏值班大臣曠誤道慶奕興既有值班差使自應輪流值宿
以昭慎重據奕紀等查明誤班日期道慶在先其咎較重奕興次
之道慶著革去禮部侍郎退出御前侍衛著在乾清門行走毋庸
管理圓明園奕興著罰俸六箇月以示懲儆○以連貴為禮部石
侍郎道慶為內閣學士兼禮部侍郎銜○丙寅以毛樹棠為內閣
學士兼禮部侍郎銜由詹○戊辰成都將軍凱音布等奏查夷
匪起釁緣由及飭辦情形查馬邊廳屬夷地與雷波屏山峽邊等
東華續錄 道光三十六年
廳縣接壤環繞涼山此次該夷等因阿什子家黑夷三和與大烏
拋家黑夷熟果互打冤家起釁擾及內地遂有乏食夷支乘機附
和在毗連老林居民場市肆行焚搶並有漢奸熟夷從中勾結該
夷恃山高箐密可以藏匿兵退復來習為故常見將沿邊匪悉
行捕滅嚴飭該鎮等相機籌度實力窮技以免後患報聞○甲戌
諭軍機大臣等關聖保等奏廓爾喀年貢到藏起程日期一摺又
另片奏該國王例進貢物逐一查點與上屆相符惟另有小銅礮
一尊又洋鏡洋表珊瑚璣片等件共七箱據該噶箕等稟稱銅礮
係該國王另外呈進其洋鏡等物係該國王之妻呈進等語此次
該國王於例貢之外另進貢物自係倍加恭順惟天朝撫馭外藩
具有定制例進貢物應仍照舊章辦理其額外進呈各件著該大
臣等妥為存貯俟該噶箕等回國時仍令將原物帶回並著該大

臣等向該噶箕等告以天朝制度俱係照例辦理爾國王之妻向無呈進貢物之例業經代為奏明大皇帝以爾國王恭順可嘉格外體恤年例貢物照舊賞收是爾國王向化悃誠已蒙洞鑒所有另行呈進及爾國王之妻呈進各件仍交爾等帶回嗣後爾國王務當仰體大皇帝愛惜爾國民力之意毋再額外貢獻以符定制至該國王求賞銀兩之處俟該噶箕等到京進表時再降諭旨○是月緩徵甘肅皋蘭等四縣暨東樂縣丞所屬被災新舊額賦九月丙子朔諭鄧廷楨等奏請復承商舊例一摺粵東洋商自嘉慶年間設立總商經理其選充新商責令總散各商聯名保結後因夷船日多行戶日少照料難周易滋弊竇是以量為變通准以殷戶自請充商暫行試辦停止聯名保結之例茲據該督等查明見在招補缺商已復舊額足敷辦公自應仍復舊例以示限制嗣

東華續錄 道光三十六年 五

後該商遇有歇業或緣事黜退者方准隨時招補此外不得無故添設一商亦不必限年試辦以歸覈實其承商之時責令通關總散各商公同慎選殷實公正之人聯名保結專案咨部著充並著該督等隨時查察毋許該總商等仍蹈從前推諉斷惡習俾保充者務求覈實而走私漏稅諸弊亦實有攸歸以裕課餉而杜奸私○丁丑以松峻為內閣學士兼禮部侍郎銜由詹事選○己卯張祥河丁憂以成世瑄為河南按察使由江南江安道選○庚辰諭軍機大臣等本日據奕山關福馳奏查辦色喀庫勒情形並霍罕遣使遞稟悔罪輸誠及發給該伯克回諭並將該伯克原稟譯漢呈覽所奏具悉上年冬閒霍罕胡什伯克在色喀庫勒地方滋擾占據嗣經該處回子將賊目阿達那等八人擊解葉爾羌經該參贊等訊明正法當有旨令奕山等將見辦情形迅速具奏茲據奏稱該參贊

等前於四月二十八日撰給諭帖一道發交呼岱達派人送往見據霍罕伯克差派夷使木特拉隨同呼岱達阿布都烏舒爾來至葉爾羌投遞稟帖譯出原稟該伯克情詞甚屬恭順並無狡強且於阿達那被擒一事未敢提及稟內並稱再不准我們的人往卡內騷擾地方等語霍罕伯克遣使遞稟悔罪輸誠見經該參贊等酌加賞賚派送卡並發給諭帖一道又據色喀庫勒回子邁瑪托胡達等四人由卡外逃回據稱列什格爾說阿達那騷擾被擊此係自取並經該參贊等探明色喀庫勒塔哈爾瑪莊等處並無賊人占據地方見已空閒此等回眾犬羊性成情多反覆見在雖甚恭順防範仍不可稍懈著該參贊等隨時體察情形嚴密防守總期永臻安靜無稍滋生事端方為安邊長策其色喀庫勒回眾前有逃至通莊躲避並遷住卡內者著即悉心籌畫妥為曉諭飭令照舊遷回故土復還本業毋得日久逗留卡內嗣後發給霍罕諭帖時止須申明大義杜其窺探之私不必再用大兵出卡字據奕山接奉此旨如一切事件俱已辦竣著即旋回伊犁參贊本任恩特亨額抵任後即將此旨交給閱看務當通籌全局揆度情形使一應防邊要務悉臻妥善方為不負委任○壬午諭國家設官分職大小相維督撫職在封疆責任甚重凡屬員之賢否自當隨時查察無稍徇隱至各省藩臬道府人數無多考覈尤易從前乾隆年間特頒諭旨令各督撫年終密封具奏一次原以嚴考察而備簡用該督等宜如何破除情面於密註考語時字字覈實不稍假借以副國家旌別淑慝之望乃近年各督撫視為具文僅以一奏塞責經朕留心察看往往與所註密考大不相同即如江南河庫道李湘茵在任多年庫款出入是其專責見經欽派尚書朱

東華續錄 道光三十六年 六

士彥馳往查辦據稱款目牽混輕輻不清是該員才難勝任已不待言檢查道光十五年林則徐密封內稱該員明練樸誠辦事細緻十六年開陶澍密封內又稱該員心地明白謹飭安詳似此支銷出入種種錯誤尚得謂之細緻明白乎可見該督等平日非隱受欺蒙即意存瞻徇於與賢去不肖之義漠不關心是上以誠求下不以實應殊失朕望除將李湘莖革職示懲外陶澍林則徐均著交部議處嗣後各省督撫惟當仰體朕用人之苦心事事求一實字其考察屬吏尤應就其所辦公事認真稽覈一秉至公儻再狃於積習虛應故事不肯據實註考則是有心欺罔將來別經發覺定將該督撫等嚴行懲處不貸毋謂朕語誠之不豫也○乙酉諭昨因陶澍林則徐於河庫道李湘莖註考不實降旨交部議處茲據吏部照例議以降二級調用實屬咎所應得朕不難即予降

東華續錄

道光三十六

七

調並非簡用乏人惟念究係年終循例註考與特保者尚屬有開陶澍林則徐均著加恩改為降四級留任不准抵銷嗣後各省督撫務當振刷精神各盡厥職於與賢去不肖之道尤宜細心講求俾收得人之效儻年終註考仍不能詳慎覈實致涉蒙混掩飾或意存瞻徇一經發覺朕必將該督撫等從重懲處決不稍貸○己丑移四川崇慶州汛左哨千總為邛州千總仍歸城守右營守備轄右哨頭司外委為新都縣汛右哨二司把總改歸城守左營守備轄新都縣汛右哨頭司把總為崇慶州汛左哨頭司把總歸城守右營守備轄○庚寅實授周天爵漕運總督○癸巳諭林則徐等奏嚴審毆斃首逆情形一摺前據納爾經額奏擊獲從逆各犯供出首逆藍正構已被鄉勇添國良等毆斃當降旨著林則徐覈實研究不准以疑似之詞消弭遷就茲據林則徐等奏藍正構

被鄉勇追趕與兩賊同逃該逆等同時斃斃該二賊身上衣物被眾扯散獨將藍逆屍身剝去大衫小帽並解其所帶火鑪煤管各一件旋據逆妻逆子藍明玉逆女藍秀蘭及從逆之鍾順二並鄉勇等均分別認明實係該逆生前所用衣物該逆彼時混入賊夥鄉勇毆斃三賊時藍逆在內等語當鄉勇追賊時搶取死賊衣物俱已扯散何以藍逆衫帽等件尚復完全留為日後證據近於裝點且火鑪等件俱係尋常用物到處皆有破衣縫補並非罕見何以逆妻逆認係其縫補逆子逆女年僅八歲十二歲何以一見遂認為其父之物種種疑竇欲蓋彌彰且據奏稱衣物在鄉勇處存留直至擊獲鍾順二等供出毆斃情形始取出呈驗零星小物已難為憑況事隔年餘遠以此為該逆毆斃實據尤為不近情理酌爾經額身任封疆受恩深重於此等要犯日久稽誅及予限查拏

東華續錄

道光三十六

八

又不能迅速緝獲明正典刑在藍正構么腐小醜原屬無足重輕今乃以被毆致斃草率完案儻日後他處擊獲該撫自問當得何罪訥爾經額疲軟無能智窮詐生不勝巡撫之任著交部嚴加議處即來京聽候部議湖南巡撫著龔綬暫行護理林則徐平日辦事尚屬認真故將此案特交詳鞠乃以事非本任與己無干遽隨同附和遷就了事甚非覈實辦公以誠事君之道蓋外任之惡習沾染日深不自知其為非林則徐亦著交部議處嗣後務當振刷精神勉副委任至另摺奏審擬逆案餘匪鍾順二一犯既係從逆要犯審明後即應正法止因係藍逆毆斃要證尚留請旨其意蓋以證據見存並未殺之滅口巧則巧矣誠實二字安在鍾順二著即正法餘著刑部議奏其該逆緣坐妻子即著照例定擬完結在逃之逆子藍琢玉著該地方官嚴密查拏毋任漏網○甲午以錢

寶琛為湖南巡撫程壽為浙江布政使服闋布○戊戌諭前因
 訥爾經額於逆匪藍正樽日久稽誅迫予限查擊又不能迅速輝
 獲明正典刑乃以被毆致斃支飾完案林則徐隨同附和遷就了
 事當降旨交部分別嚴加議處茲據該部奏請將訥爾經額照滿
 職例革職林則徐降三級調用均屬咎所應得惟訥爾經額年力
 正強若竟予罷斥轉得置身安閒著賞給三等待衛作為駐藏辦
 事大臣換回鄂順安訥爾經額接奉此旨即由驛起程前往不准
 來京林則徐著加恩改為降五級留任不准抵銷○諭軍機大臣
 等鄧廷楨等奏諭逐疊船並籌議擊辦竄口走私章程一摺據奏
 英吉利等國疊船貨船近年藉詞避風駛入內洋見已諭飭洋商
 傳諭該國領事將伶仃等處洋面寄泊疊船概行遣令回國毋許
 仍前寄泊逗留並飭總商等俟疊船開行回國即行稟報查考其
 東華續錄 道光三十六 九
 快蟹一項業已盡淨而走私匪艇名目尚多實與竄口奸徒均屬
 難容已飭道府標鎮協營嚴督所屬巡邏查緝等語夷船停泊內
 洋句結偷漏為粵省之積弊該督等諭飭以後該領事是否遵奉
 見在疊船會否開行務須確實查明令其全數回國無稍逗留如
 敢將就了事日後經朕訪聞或被入糾參朕惟該督等是問至各
 項走私船隻尤須設法嚴擊期於根株盡絕亦不得因偶有獲案
 遂謂驅除已盡仍貽弊竇也○甲辰免直隸阜城邢臺二縣被旱
 額賦十分之一○是月緩徵直隸景州等四十一州縣山東濟甯
 等四十一州縣暨各屯衛水災旱災雹災新舊額賦
 冬十月丙午 上臨大學士公長齡第視疾○乙卯轉王植為禮
 部左侍郎以吳文鎔為禮部右侍郎由內閣○己未以培成為內
 閣學士兼禮部侍郎銜由乾清門頭○戊辰內務府大臣奏遵

逃走太監治罪章程太監逃至河南山東山西及東三省枷號一
 年發往黑龍江給官員為奴遇赦不赦如逃至各省即係越省違
 屬永遠枷號禁斃另有案情從重辦理仍將容留之人治罪如止
 逃回順天直隸本籍者照舊例辦理逃往別州縣離本籍五百里
 以外枷號六箇月發往打牲烏拉給官員為奴三年釋回如復行
 逃走即照逃往河南山東山西三省之例治罪從之○辛未停
 吉林採珠例貢○甲戌調花杰為江西布政使李恩繹為廣西布
 政使○是月給陝西保安縣被災籽種口糧並貸穀德等四州縣
 倉穀蠲緩山西應州等十州縣齊齊哈爾等三城被災新舊額賦
 緩徵江西建昌新建二縣河南睢州等二十一州縣湖北沔陽等
 二十一州縣暨各屯衛湖南華容等五縣並岳州衛安徽泗州等
 三十七州縣暨各屯衛陝西綏德等五州縣被災新舊額賦
 東華續錄 道光三十六 十
 十一月丙子諭前因各衙門保送內閣侍讀學士除戶部郎中寶
 壽外皆非京察一等人員當降旨著吏部妥議章程具奏茲據奏
 稱查覈各條例內所載不一以致各衙門歷次保送不無參差嗣
 後內閣滿洲侍讀學士通政使司參議光祿寺少卿鴻臚寺少卿
 並內閣蒙古侍讀學士各項京堂缺出輪應部員升用著各衙門
 先儘一等人員揀選保送如一等無人或一等人員另有不合例
 事故及出各項差使方准保送二等人員其應保舉二員者如該
 衙門一等止有一員先將一等保送外仍准保送二等一員以足
 二人之數此項人員於引見時有患病告假扣除者著照侍班不
 到例議處再過京堂缺出仍將該員保送不得另行更換如有保
 送後連次患病告假者該部照例參辦以杜規避其漢員內閣侍
 讀學士鴻臚寺少卿二項輪用郎中時亦著照此次酌定滿洲人

員章程一律辦理以歸畫一○丁丑諭凱音布鄂山奏勦辦夷匪情形一摺此次兇夷滋事係馬邊雷波所屬且有涼山野夷句結附和必應兩路夾攻再行進剿茲據奏稱總兵張必祿帶領將弁由走馬坪進攻老林等處險要斬獲無數或分或合計獲勝仗八次提督余步雲齊慎等由那比汛油羅溝進攻千萬貫等處要隘或分投夾擊或併力攻剿計獲勝仗五次每股生擒夷目及燒毀寨落搜獲器械不計其數其餘槍斃跌巖者甚夥並救出被擄民人男婦二百七十餘丁口俱已妥為安撫辦理甚為妥協惟此時兩路官兵已在天喜地方會合逼近涼山該夷匪前次膽敢猖獗必當實力痛剿方足以儆兇頑此外尚有吉薩大木干西普庚札易呼等支及起釁之烏拋並乞黑等支亦應一併懲創俾該夷等知所震懾不至甫散復聚著鄂山等嚴飭將弁相機進剿迅速肅東華續錄 道光三十六年 十二

一併聲敘庶勸懲並用彰輝兼施可收指臂之效而吏治自蒸蒸日上矣若但以究出實情等語空言保薦斷不能倖邀恩准也○庚子免色呼庫勒被兵回眾歲徵布匹三年○是月貸甘肅金州等九州縣貧民江西南昌等十三縣陝西葭州等五州縣被災籽種口糧倉穀展緩山西岢嵐定襄二州縣江西南昌等十三縣運賦緩徵甘肅狄道等十七州廳縣陝西葭州等五州縣江蘇高郵等五十四州廳縣衛被災新舊額賦兩淮富安等十一場被水竈地遺課

十二月丁未諭本日據凱音布鄂山由驛馳奏官兵勦辦夷匪情形一摺據稱夷匪以涼山為逋逃淵藪其中阿合等支地險族繁素多依附見經張必祿等帶兵自天喜地方會合以後先驅勦捕進攻吉薩拉姑依達至夷車壩並月鹿山水本角等處大加勦戮連獲勝仗余步雲齊慎等亦屯聚要隘備敵各有斬獲經張必祿率領漢屯官兵分為四路鈔襲直攻巢穴該兇夷納茲膽敢在山頂指揮抗拒被屯守備阿爾烏用槍轟斃官兵乘勢擁上將兇夷必茲石確一併殲斃搶獲殺戮不計其數見在將阿合一支勦洗之後各支夷聞風膽落紛紛投誠叩求免勦隨將獻出被擄男婦分別撫恤並移師至干洛三溪等處盡力搜勦等語該夷匪兇頑性成見經痛勦自必震懾逃竄著鄂山凱音布嚴飭張必祿等務當一鼓殲除毋留餘孽其應續加按勦之處亦著相機妥辦迅速戴功張必祿勦辦奮著先行交部從優議敘其在事出力文武員弁著鄂山等查明保奏毋許冒濫至屯守備阿耳烏升途等級應如何鼓勵之處著鄂山等查明具奏候朕施恩○戊申兵部奏議處冊封朝鮮國王妃正副使倭什訥明訓沿途多索車輛照例

議以革職得旨倭什訥著革去侍郎護軍統領仍帶革職留任免其革退世職明訓著革去內閣學士以三品京堂候補缺後仍帶革職留任其沿途濫應該管地方各員著直隸總督盛京將軍查取職名交部議處○調功普為兵部右侍郎以德誠為盛京工部侍郎由左副都御史遷○以李振祐為內閣學士兼禮部侍郎銜由左副都御史遷○甲寅諭鄧廷楨奏子店熬鍋難以限額請照舊辦理一摺前田陶澍等會籌楚省釐務奏請嚴禁鍋口當有旨令鄧廷楨查禁永興子店鍋口不准私增茲據該督奏稱粵鹽例准生熟兼銷永興一帶戶口繁多子店銷熟十倍於銷生且開歇靡常不惟熬鹽鍋竈斷難定額即子店多少亦不能定數見在銷數日絀若再限以鍋口於民食課餉兩有妨礙等語各省釐務漸形疲敝該督撫鹽政等果能藩籬自固實力緝私既免灌浸之虞自收暢銷之效若因楚省額引短絀輒更粵省成規限以鍋數不特於兩淮毫無裨益即粵省釐政轉多窒礙難行所有湖南永興子店行銷粵引著准其仍照舊章實心經理該督惟當隨時體察總以鹽銷之滯旺酌鍋口之減添並著督飭所屬各歸本界認真巡查訪有私梟立即嚴拏懲辦不得稍存畛域之見互相觀望以裕國課而肅鹺綱○己未諭軍機大臣等我朝木蘭秋獮原以習勞肄武嘉惠蒙古朕臨御以來向未舉行敬念 成規未嘗一日敢忘即我後世子孫亦當敬謹率由遵守勿替惟熱河為駐蹕之所一切殿宇房開規模宏敞閱年既久修理不易前經降旨傳諭該總管等查明寬大處所將應行收貯各件妥為歸併此項房開毋庸修理因思異日即舉行舊典駐蹕熱河信宿經臨房開座落亦無須如許之多其陳設物件看管兵丁及各廟喇嘛等棲止之所均應通盤籌畫以歸簡易著文慶著英奉到此旨或審案之暇或結案之後親赴各該處督同該總管等逐一查勘所有陳設等件何者應行歸併存貯何者應行運送來京分別開單隨摺呈覽至房開既歸併看管兵丁較為省便其應撤兵丁嗣後應如何安置或撥給開田耕種俾資餬口至各廟喇嘛前經理藩院奏明陸續裁撤見在裁撤幾何其廟宇年久傾圮者舊有佛像自應歸併供奉其不堪棲止之廟宇應作何辦理均著該侍郎等悉心體察情形妥議章程據實具奏○庚申以琦琛王璋慶俱為左副都御史琦琛由王璋慶由光祿寺卿遷○己巳李宗昉丁憂以卓秉恬為左都御史轉陳官後為吏部左侍郎調龍守正為吏部右侍郎轉祁寯藻為戶部左侍郎調吳其濬為戶部右侍郎以朱嶠為兵部左侍郎由內閣學士遷○是月貸陝西定邊安定二縣來春口糧籽種並緩徵新舊額賦展東華續錄 道光三十六年 十四

籌畫以歸簡易著文慶著英奉到此旨或審案之暇或結案之後親赴各該處督同該總管等逐一查勘所有陳設等件何者應行歸併存貯何者應行運送來京分別開單隨摺呈覽至房開既歸併看管兵丁較為省便其應撤兵丁嗣後應如何安置或撥給開田耕種俾資餬口至各廟喇嘛前經理藩院奏明陸續裁撤見在裁撤幾何其廟宇年久傾圮者舊有佛像自應歸併供奉其不堪棲止之廟宇應作何辦理均著該侍郎等悉心體察情形妥議章程據實具奏○庚申以琦琛王璋慶俱為左副都御史琦琛由王璋慶由光祿寺卿遷○己巳李宗昉丁憂以卓秉恬為左都御史轉陳官後為吏部左侍郎調龍守正為吏部右侍郎轉祁寯藻為戶部左侍郎調吳其濬為戶部右侍郎以朱嶠為兵部左侍郎由內閣學士遷○是月貸陝西定邊安定二縣來春口糧籽種並緩徵新舊額賦展東華續錄 道光三十六年 十四

緩廣東南海四會二縣貸款○是歲朝鮮琉球暹羅越南來貢○會計天下民數數各省通共大小男婦四萬五百九十二萬三千一百七十四名口各省通共存倉穀三千三十五萬三百一十五石九斗四升四合七勺

185 275 4 6 5 5

臣王先謙

臣周澂著恭校

道光十八年戊戌春正月甲戌朔諭貝子縣德遠事 皇祖高宗

純皇帝近支宗室昔日同朕在上書房讀書者見在止伊一人著

加恩晉封多羅貝勒用示朕追懷曩昔篤念宗親至意○命奎照

文慶在軍機大臣上行走○乙亥諭大學士公長齡由部曹荷蒙

皇考仁宗睿皇帝簡膺外任洵歷封圻朕御極後特任綸扉令

在軍機大臣上行走從前乾隆嘉慶年間屢經出師著有勞績道

光六年逆回滋事復帶兵申討克復四城生擒首逆懋著偉功年

來管理部院事務詳慎勤能克盡厥職中外敷歷無愧贊襄上年

因病陳請開缺未允所請朕特親臨視疾諭令安心調理昨因入

東華續錄 道光三十七

十生辰念其宣力多年晉封為一等威勇公賞賚疊施面加溫諭

方冀春融調理就痊用資倚畀茲聞遠逝實深震悼著加恩入祀

賢良祠賞給陀羅經被並佛一尊經一冊煙壺撤指各一件派奕

紀帶領侍衛十員即日前往奠醑朕於本月初三日親臨賜奠並

賞給廣儲司庫銀二千五百兩經理喪事任內一切處分悉予開

復應得卹典該部察例具奏其一等公爵著桂輪百日孝滿後承

襲無庸俟年終辦理用示朕軫懷耆舊恩賚有加至意尋賜祭葬

諡文襄○丙子 上臨故大學士公長齡第賜奠賜其孫麟慶員

外郎○乙酉諭凱音布鄂山奏勦辦夷務完竣撤兵歸伍一摺據

稱官兵自青岡普洛移駐攔馬椿六阿娜南地等處進至皎米其

閒夷寨繁多俄雷呷多二支最為兇悍大木干等支互相依附經

張必祿等直搗巢穴奮力撲擊槍斃賊目斬獲不計其數齊慎余

步雲等併力鈔襲攻奪要隘殲斃夷匪救出被擄民人千餘三溪

部落內五家夷人率眾投誠懇求免剿其餘均經一律按緝勦撫

兼施計自天喜會合直進涼山表延幾及千里見已勦辦完竣等

語此次夷匪滋事經張必祿等帶兵攻勦辦理尚為妥速張必祿

著賞加提督銜齊慎余步雲著交部從優議敘多歡謝興曉隨營

出力著鄂山等查明勞績與在事文武員弁仍遵前旨覈實保奏

候朕施恩所調漢屯各官兵著即分別撤歸原伍傷亡弁兵照例

造冊咨部議卹至馬邊一帶嗣後應如何設防雷波一路應辦善

後事宜均著該督等飭令經手辦理之員分別親勘覈實妥議章

程務期經久盡善以肅邊徼而靖閭閻○是月貸甘肅固原等十

州等四十一州縣江蘇高郵等三十二州縣衛山東德州等三十

東華續錄 道光三十七

三州縣衛甘肅岷州被災新舊正雜額賦

二月癸卯朔命琦善為文淵閣大學士仍署直隸總督以雲貴總

督伊里布協辦大學士仍留任○甲辰 上御經筵○乙巳史致

儼以病免以祁墳為刑部尚書怡良為廣東巡撫調程喬采為江

蘇布政使以唐鑑為浙江布政使調李象鵬為貴州按察使以裕

謙署江蘇按察使○辛亥命直省改簡道府引見後豫備

召見○乙卯以琦琛春佑許乃普俱為內閣學士兼禮部侍郎銜

琦琛由左副都御史春佑由乾 是月貸陝西懷遠府谷二縣款

收籽種

三月丙戌以京師天氣尚寒命五城展賑一月○丁亥 上親耕

藉田○以陶廷杰為甘肅按察使○戊子 上奉 皇

太后起鑾謁 西陵○免經過地方額賦十分之三○壬辰 上

謁 泰陵 泰東陵 昌陵詣 孝穆皇后 孝慎皇后陵寢奠酒○臨奠端順固倫公主園寢回鑾○乙未 皇太后還京師○丙申 上幸南苑行圍○己亥諭京師南苑為我朝肄武之地皇子皇孫亦於此講武習勤操練弓馬家法相承垂諸久遠斷不可廢之典乃近年來園場牲畜甚屬寥寥此皆管理不善之故試思牲畜以草木為淵藪若叢林豐草翦伐過甚既無藏匿養育之所又有盜賊偷竊之虞必致圍獵之時一無牲畜向復成何事體且扈從各官有例應攜帶鳥槍者此外影射偷打牲畜必有其人藐視法度可惡之至即皇子跟隨人等所帶槍數向來亦無定限難以查考嗣後苑內草木應如何禁止砍伐扈從各官及皇子跟隨人等應如何設法稽查酌定限制著御前大臣軍機大臣會同管理奉宸苑大臣妥議章程具奏○庚子 上還京師○是月貸山東華續錄 道光三十七 三

西遼州等十三州廳縣上年歉收倉穀並緩徵渾源等三十七州廳縣逋穀

夏四月壬寅諭中福奏請鼓勵勸建書院捐修出力人員一摺書院之設培養人才振興文教係各督撫地方官應辦之事烏嚙木齊地處邊陲與內地各省情形不同該都統等惟當講求武備實力操防開墾屯田廣儲糧餉方合足食足兵之道其撫馭商民尤宜示以恩信俾人人知感知奮緩急有資若照各省州縣建立書院之例徒務虛名是重其所輕必致輕其所重又安望其認真訓練克盡職守耶此事初建之初係由長清誤會諭旨並未專摺具奏富呢揚阿到任後又未詳查奏明請旨均屬不合除長清業經身故無庸議外富呢揚阿著交部議處此次中福摺內並不將前此案由詳細聲敘率為承辦各員乞恩實屬冒昧著一併交部議

處所有懇請鼓勵之處著不准行○辛亥諭林則徐等奏請將湖南提督常駐辰州府一摺湖南提督統轄全省營伍常德辰州二府俱建有衙署茲據該督等察覈該省形勢辰州較常德地方更為扼要湖南提督著准其常駐辰州府城以資彈壓其每年應行前赴常德駐紮之處仍由該提督隨時酌量無庸拘定時日○以明訓為左副都御史 品候補三 京堂○庚申諭前因富呢揚阿於烏嚙木齊建修書院並不詳查奏明請旨中福摺內不將前此案由詳細聲敘率為承辦各員乞恩當有旨交部議處茲據該部等查例具奏富呢揚阿中福均議以降二級留任請旨應否抵銷烏嚙木齊地處邊疆全以武備為重該都統等特膺簡命自當知講求訓練實力操防安輯兵民撫馭回眾俾得有備無患方為不負委任似此不知所重率以振興文教為詞勸修書院是舍本逐末必致武備廢弛安望其悉成勳旅緩急有資耶富呢揚阿中福均著不准抵銷嗣後新疆各處將軍都統各大臣等惟當認真教練使人人有勇知方平時則習於戰陣有事則足備干城儻再狃於積習舍實政而務虛名則咎等曠官法難曲貸朕必嚴加懲處以為喜事好名者戒○癸亥以勸辦臺灣義縣匪徒出力加在籍前任提督王得祿太子太保餘加銜升敘有差○甲子周之琦丁憂以伍長華為湖北巡撫劉鴻勳為雲南布政使李鈞為陝西按察使 南禮 道選○丙寅賜鈕福保等一百九十四人進士及第出身有差○丁卯 上閱火器營兵○諭前因御史章煒條陳五城事宜當交吏部會同都察院議奏茲據奏稱吏目本係雜職向例不准擅受民詞若令其於戶婚田土詞訟案件傳人敘供即與擅受無異再查吏目專係捐納出身流品既雜且久於其任雖有巡城御史稽

查鈐制而御史每年更換防範恐有未周該御史請將城內案件改歸正指揮管理之處不為無見等語所議甚是嗣後城外案件仍歸副指揮報城內案件除竊盜關賭博一切緝捕事宜仍歸吏目分管外其餘戶婚田土詞訟案件向歸吏目管理著均著改歸正指揮衙門詳城聽各該城御史批發嚴辦即關因戶婚田土起者一切傳人敘供仍歸正指揮管理毋許吏目干預以符體制而專責成○戊辰諭昨據吏部議奏五城事宜業經降旨將城內戶婚田土詞訟案件均改歸正指揮衙門詳城嚴辦毋許吏目干預是該正指揮等責任甚重嗣後著巡城御史留心查察如該正指揮等有縱容吏役營私舞弊及才具平庸不能稱職者隨時參奏毋稍姑容儻該吏目等仍有干預擅受情弊亦即嚴參懲辦以專職守而儆官邪○是月緩徵山西懷仁山陰二縣積欠新

東華續錄

道光三十七

五

舊額賦展緩山西應州等二十二州廳縣通數兩淮板浦等三場

閏四月癸酉諭前據御史阿克丹奏請考試宗室步射以勵人材當有旨交該衙門會議具奏茲據宗人府議請嗣後照挑選大門侍衛之例於考驗宗室步射時一體試以騎射等語著各該衙門即於本年八月內詳加考驗總不得過一百五十名之數屆時奏開請旨閱看所請馬步箭並試之處朕於下屆再行閱看○以王青蓮為山東布政使喬用遷為廣東按察使由甘肅發○乙亥諭翰林院侍讀以下詹事府庶子以下各員著自本月初十日起每日二員豫備召見如遇外膳日期即改於次日伺候其餘各員以次遞推○諭嗣後刑部審辦天主教案無論該犯等改悔與否均著該部堂官當堂親訊明確其情願改悔者著即將該犯家內供

奉之十字架令其跨越以昭覈實○丙子 上詣 黑龍潭祈雨○以左副都御史明調為察哈爾副都統○辛巳雨○鴻臚寺卿黃爵滋奏請嚴塞漏卮以培國本近年銀價遞增每銀一兩易制錢一千六百有奇非耗銀於內地實漏銀於外洋蓋自鴉片煙土流入中國粵省奸商勾通巡海兵弁運銀出洋運煙入口查道光三年以前每歲漏銀數百萬兩三年至十一年歲漏銀一千七八百萬兩十一年至十四年歲漏銀二千餘萬兩十四年至今漸漏至三千萬兩此外福建浙江山東天津各海口合之亦數千萬兩日甚一日年復一年誠不知伊於胡底耗銀之多由於販煙之盛販煙之盛由於食煙之眾今如實力查禁必先加重罪名聞紅毛國法有食鴉片煙者必集眾環視繫於竿上以礮擊之入海外夷如是何況中國應請嗣後內地有吸食鴉片煙者限一年內務各

東華續錄

道光三十七

六

斷絕煙癮如一年後仍然吸食是即不奉法之亂民俱罪以死前並嚴飭各督撫轉飭各府州縣清查保甲豫先曉諭居民定於一年後取具五家鄰右互結如有犯者准令舉發給與優獎儘有密隱一經查出本犯照新例處死互結之人照例治罪得旨黃爵滋奏請嚴塞漏卮以培國本一摺著盛京吉林黑龍江將軍直省各督撫各抒所見妥議章程迅速具奏○甲申諭前降旨飭令御前大臣等會議南苑章程茲據該大臣等妥議具奏嗣後凡遇臨幸之時除健銳火器二營派出進班兵一百名仍照例攜帶排槍一百桿外所有御前乾清門侍衛內兼御鳥槍者准各帶鳥槍一桿統於派出隨圍後查明確數先行知照御前大臣總理行營大臣等以備稽查虎槍營之御鳥槍十人仍准各帶鳥槍一桿向有獵打牲畜野鴨之事著一併禁止以杜影射此外扈從官員人等概

不准攜帶屆期由御前大臣總理行營大臣詳細稽查備查有私帶鳥槍之員立即指參懲辦至阿哥等學圍時應用鳥槍及諸遠所帶鳥槍每阿哥名下止准各帶五桿仍由該門官兵稽查並責成隨往之總譜達散秩大臣管理南苑大臣隨時查察所有隨園人等均不准施放火槍濫射牲獸備聞有施放槍聲即時查擊究辦苑內開墾地畝過多養草束不敷刈割著該管大臣將見種地畝詳查四至丈尺有無浮開等弊仍責成三旗苑丞總領章京及九門章京率同兵丁查有私扒根植之人立即懲辦並著隨時酌量有可拋荒之地陸續拋荒以符舊制至禧恩此次莅任未久從前管理多年朕曾屢加面諭認真整頓自應力挽積習經理妥協乃漫不經心廢弛疏懈咎實難辭禧恩著去太子太保銜兵部尚書以示懲儆○調成務仍革去三眼花翎賞戴雙眼花翎革去紫緞仍交部議處經此東華續錄 道光三十七年 七

次訓諭整飭之後該王大臣等務當認真經理力挽積習以復舊規○己丑諭前因禧恩管理南苑未能妥協當經降旨將禧恩革去三眼花翎紫緞並交部議處茲據吏部議請將禧恩降三級調用自係照例辦理禧恩從前管理奉宸苑多年朕屢經面加訓諭令其認真整頓自應妥為經理力挽頽風乃漫不經心廢弛疏懈咎實難辭禧恩著去太子太保銜兵部尚書以示懲儆○調成格為兵部尚書以鄂山為刑部尚書寶興為四川總督由盛京遷○庚寅調奕紀為戶部尚書成格為禮部尚書奕巖為兵部尚書由戶部○以惠吉為熱河都統調麟魁為刑部右侍郎以松峻為盛京刑部侍郎由內閣○癸巳 上詣靜明園 龍神廟祈雨○丁酉諭禧恩自道光初年即經朕派令管理奉宸苑事務後緣事撤退旋復令其兼管是禧恩歷任最久受恩深重宜如何實心任事嚴

絕弊端茲據載銓等查出所屬各員那移挂欠種種弊竇豈得諉為不知乃竟一味因循毫無整頓孤恩喪良莫此為甚本應將禧恩及見任司員等革職審訊重治其罪姑念事隔多年逐款追究亦屬煩瑣姑不為已甚之舉著從寬革去經筵講官領侍衛內大臣閱兵大臣管理理藩院事務都統總管內務府大臣加恩以內閣學士降補仍管理圓明園八旗事務其餘各項差使著一併革退以示薄懲其歷任管理及奉宸苑卿並著載銓等查明在任年月奏請分別議處○戊戌劉彬士以病免轉姚元之為刑部左侍郎調吳文鎔為刑部右侍郎沈岐為禮部右侍郎以許乃普署兵部右侍郎由內閣○是月緩徵山東德州等二十五州縣歉收新舊額賦展緩福建積欠鹽課

五月辛丑朔諭昨因僧格林沁奏參親軍扎克達那私赴直隸晉州知州伊父任所看病當即查明福克津並未公同商酌畫稿咨行率行給假已降旨將福克津交部嚴議矣扎克達那身為親軍如果私行出境應即擊交刑部治罪即使請假省親亦應回明管轄大臣公同照例覈辦乃止回明福克津一人遽行出京殊屬膽大扎克達那著即革退親軍並著琦善派員押解回旗毋許逗留○丙午 上詣 黑龍潭祈雨○諭福克津於親軍扎克達那請假時並不公同商酌畫稿咨行率行給假實屬玩法自專擅作威福著革去領侍衛內大臣都統仍照部議罰世職半俸十二年免其降調世職○己酉詔刑部清理庶獄○是日雨○庚戌大雨○召楊夔來京調唐鑑為江甯布政使以牛鑑為江蘇布政使布政使○癸丑大學士阮元以年老乞休允之賞食半俸○命王鼎為東閣大學士仍管刑部調湯金釗為戶部尚書協辦大學士朱士

彥為吏部尚書以卓秉恬為兵部尚書姚元之為左都御史轉吳文鎔為刑部左侍郎以許乃普為刑部右侍郎由內閣學士遷○丁巳雲貴總督伊里布等奏緬甸國王孟既襲國已久見因病廢欲讓與其弟孟薩瑪佈低襲國近復有親屬目官開闢之事前曾遣目至九龍江欲令車里士司帶練赴緬鎮撫令地南道會鎮曉諭該目告以內地土司從不越赴外域報聞○癸亥諭昨據都察院奏民婦穆陳氏以伊夫穆齊賢在惇親王府內囚禁等詞前赴該衙門呈控當即派載銓奕紀聯順隆文分往惇親王府第將單開各犯按名查拏本日據載銓等覆奏並開單呈覽所有寓園起獲原單有名者十三名單內無名者三人府第起獲原單有名者三十一名單內無名者二十九名及見獲之全順即安保全路即定保希孟著交軍機大臣會同刑部隔別嚴訊務期水落石出斷不東華續錄 道光三十七 九

東華續錄 道光三十七

交宗人府議處茲據敬敏等定議具奏蘇愷著革去內廷行走宗令都統閱兵及各項差使仍照議實罰親王俸三年不准抵銷○是月緩徵山東德州等三十州縣衛被旱新舊額賦六月辛未免四川夷匪滋擾之馬邊雷波二廳通賦及各廠應解銅鉛○乙亥諭前因惇親王府第寓園囚禁多人當降旨飭令軍機大臣會同刑部審訊茲據會審具奏惇親王蘇愷既違例囚禁多人復將優伶藏匿府內並令拴住等冒名引見又將部庫領出官員俸銀罰扣抵補私虧卑鄙謬妄怙過不悛實出情理之外蘇愷著交宗人府嚴加議處太監李秋澄違禁吸食鴉片煙並令閩府官員兵丁等站道請安復將護衛郭升阿等擅責又將郭隆阿尙安太私囤私放實屬目無法紀李秋澄著枷號兩箇月滿日發往黑龍江給兵丁為奴遇赦不赦優人全順全祿著交兵部連伊東華續錄 道光三十七 十

五六九

一之處著宗人府悉心妥議章程具奏嗣後八旗官員人等文職自四品以上武職自二品以上其本戶均毋庸作為哈喇阿以示區別著為令○丙戌沈維鏞以病免轉廖鴻荃為工部左侍郎以李振祐為工部右侍郎由內閣學士遷○甲午諭軍機大臣等據凱音布等奏雷波馬邊廳等處窮夷近因播種失時潛至沿邊一帶搶掠居民糧食牲畜該文武督率兵勇擊斃多夷並擒獲漢奸兇夷就地正法附近老林處所向復時出窺伺等語此等猥夷上年甫經大兵戡定自應震懾天威照常安業何以閱時未久即有搶掠情事難保無內地漢奸從中勾結見經該將軍等酌調官兵並招募鄉勇派委文武各員弁馳詣緊要隘口加意防堵所派究係何員自應奏明並飭令確切查究係何支何夷起意出掠並有無孽費之處相機迅速妥辦毋得遲誤致令日久蔓延備將就完結釀成東華續錄 道光三十七 十一

邊患是該將軍等前此辦理不善未能永就肅清咎無可辭斷不能再邀寬典也○召阿勒清阿來京以熊常錚為廣東布政使周開麒為浙江按察使由山東鹽運使遷○乙未諭前因歷任管理奉宸苑大臣及奉宸苑卿開墾租出地畝並失察那移挂欠錢糧降旨著該部分別議處茲據該部按照地畝多寡失察年月久暫照例擬議開單呈覽所有休致都統那彥寶著照部議革去頂帶內閣學士禮恩部議降四級調用之案著加恩改為革職留任十年無過方准開復仍帶降四級留任革職留任吏部左侍郎桂翰部議降三級調用之案著加恩改為革職留任八年無過方准開復仍帶降三級留任已革甯夏將軍英和著照部議降二級調用並革職留任註冊其另片奏嘉慶十年以前應得革職處分並著照議以革職註冊頭等侍衛景行部議降二級調用之案著加恩改為革

職留任六年無過方准開復仍帶降三級留任餘著照所議辦理此案降級留任之處均不准其抵銷○是月給貴州鎮遠府屬被水兵民口糧緩徵直隸阜城縣被旱本年額賦

東華續錄 道光三十七 十二

道光三十八

臣王先謙敬編

臣周澗審恭校

秋七月辛丑以徐士芬杜受田俱為內閣學士兼禮部侍郎銜由
翰林院侍讀學士遷○丙午諭前因各親郡王貝勒貝子公等所屬哈喇阿
名數多寡不齊降旨令宗人府妥議章程具奏茲據該衙門查明
將軍功王公及恩封王公所屬外旗佐領各數目分別開單呈覽
道光二年曾特降諭旨嗣後恩封親王著撥給外旗滿洲佐領六
蒙古佐領三漢軍佐領三郡王撥給外旗滿洲佐領四蒙古佐領
二漢軍佐領二貝勒撥給外旗滿洲佐領三蒙古佐領一漢軍佐
領一貝子撥給外旗滿洲佐領二蒙古佐領一奉恩鎮國公奉恩
輔國公均撥給外旗滿洲佐領一蒙古佐領一該衙門並未隨時
東華續錄 道光三十八
查辦亦未纂入則例以致此次單開恩封各王公見有佐領數目
仍復參差不齊自應照數增減以歸畫一至軍功世襲雖與恩封
不同而所屬之哈喇阿亦不可漫無限制所有軍功單內除輔國
公恒明見無滿洲蒙古佐領崇錫見無蒙古佐領毋庸撥補外其
軍功襲封之各親郡王應有佐領均著照恩封親郡王准給之數
各加外旗滿洲佐領二蒙古佐領一漢軍佐領一輔國公應有佐
領均著照恩封輔國公准給之數各加滿洲佐領一舊有逾額者
查明裁撤不足額者即予增添其恩封單內王公除貝子蘇岫輔
國公載寬向無佐領毋庸撥補餘俱著照道光二年所定額數分
別裁撤增添以符定制此次軍功恩封各王公名下裁去各佐領
除見抵應添各處外著歸各該旗公存以備將來分封王公時撥
給之用宗人府即將此旨纂入則例永遠遵行至該衙門並未隨

時查辦於續修則例時又未將道光二年所降諭旨纂入實屬玩
忽所有應任該管堂司各官著查明自道光二年十一月起在任
年月交部分別議處○丁未免直隸宛平等八縣坍沒地賦○戊
申刑部尚書鄂山卒贈太子太師賜祭葬○以賈興為刑部尚書
蘇廷玉署四川總督劉韻珂為四川布政使郭文匯為廣西按察
使由山西河○辛亥前任刑部尚書史致儼卒贈太子太保賜祭
葬○王子以阿勒清阿為左副都御史前任廣東○戊午諭本日
據步軍統領衙門奏拳獲職官吸食鴉片煙已降旨將該員革職
並將販賣人等交刑部審訊矣吸食鴉片例有明禁官民蹈此惡
習已屬執法至於開館引誘設局營私尤為可惡該犯等以開設
皮局為名顯係影射販賣煙土招致無賴誑騙引誘輩輩之下豈
容奸匪溷迹亟應嚴加整頓以挽頹風著步軍統領順天府五城
東華續錄 道光三十八
一體認真訪拏有犯必懲毋稍疏縱至各省官民人等吸食鴉片
在所不免開館設局者亦必有著各直省將軍督撫等飭屬嚴
密訪查一經報官立即懲辦其省會地方商旅輻輳該奸匪等開
館射利更所難免尤當加意偵察驅除淨盡以祛積習而儆兇頑
○壬戌王楚堂以病免以趙盛奎為倉場侍郎寺卿○戊辰申
定刺字盜犯改過緝盜例○以楊慶琛為山東布政使王藻為湖
南按察使由廣東○己巳以梁寶常為陝西按察使由江蘇
八月己卯以二十一年 六旬萬壽詔開恩科於二十年八月舉
行鄉試二十一年三月舉行會試其鄉會試正科先一年舉行○
丙戌諭林則徐錢寶琛奏查拏煙販收繳煙具情形各等語鴉片
煙流毒中國為害已久見經該督撫等剴切曉諭嚴行禁止設局
收繳煙具數月以來軍民人等咸知畏法該地方官等亦能力加

振作見在湖北省擊獲及首繳煙土煙膏共一萬二千餘兩收繳煙槍一千二百六十餘桿湖南省報獲煙販十餘起收繳煙槍三千五百四十餘桿均已分別劈毀所辦甚屬認真可見地方公事果能振刷精神實心查辦自可漸有成效該督撫等惟當督飭所屬乘機諭戒有犯必懲呈繳者予以自新隱匿者力加搜捕斷不准始勤終怠日久視為具文總期散靡積習立即挽回方為不負委任所有擊獲煙土為數最多之湖北漢陽縣知縣郭觀宸著加恩賞加知州升銜以示鼓勵○戊子致仕大學士阮元回籍加太子太保○已丑成格以濫保屬員免以奎照為禮部尚書恩銘為左都御史轉麟魁為刑部左侍郎以善燾為刑部右侍郎由左副都御史

○壬辰諭軍機大臣等據保昌毓書等奏哈薩克伊扎噶土等率眾私越開齊潛入烏梁海土爾扈特等遊牧搶奪滋擾派委官兵前往驅逐等情各一摺哈薩克伊扎噶土等屢次潛入烏梁海遊牧侵占草廠歷經驅逐不知悛改此次膽敢率領二千餘戶擾害土爾扈特等處抗拒官兵不法已極自應調兵防堵驅逐出境以安遊牧所有毓書調派杜爾伯特左右兩翼官兵一千名蒙古官兵一千名及保昌奏調兵二千名俱著車林多爾濟帶往剿捕保昌著無庸前往毓書著留於科布多彈壓地方轉運糧餉其由屯田當差兵內抽調之六十六名並漢兵六十六名俱著留於科布多以資防禦所有毓書派出之文武各員著車林多爾濟酌量帶往差遣以專責成車林多爾濟務當相度機宜奮勇剿捕悉數迅速驅逐出境以示懲創儻匪徒畏懼逃竄出卡亦不值深入窮追致煩兵力統書於轉輸糧餉各事宜是其專責尤當豫為籌備源源接濟毋得遲延如有貽誤惟統書是問○大學士穆彰阿丁

母憂實治喪銀五百兩○是月給陝西安定府谷二縣災民口糧並緩徵府谷縣新舊額賦

九月丙午諭莊親王奕劻輔國公溥喜身為王公輒赴尼僧廟內吸食鴉片煙實屬藐法無恥奕劻著革去王爵溥喜著革去公爵仍各罰應得養贍錢糧二年鎮國公蘇順帶同妓女赴廟唱曲尚無吸食鴉片煙情事著革去公爵所遺和碩莊親王爵著宗人府即將從前承襲支派內見在有無職任之人查明具奏其奉恩輔國公爵及不入八分鎮國公爵均著照例揀選承襲○丁未上閱健銳營兵○己酉諭鴉片煙流毒內地官民煽惑傳染日深前年太常寺少卿許乃濟奏請弛禁朕即以爲不得政體本年鴻臚寺卿黃爵滋奏請嚴禁當降旨飭令直省將軍督撫各議章程昨復令大學士等會議朕於此事深加痛恨必欲淨絕根株毋貽遠患並於召見內外臣工時詳加察訪從無一人議及弛禁者許乃濟冒昧瀆陳殊屬紕繆著降爲六品頂帶即行休致以示懲儆○辛亥諭關聖保等奏博番捆獻賊首解藏訊辦一摺此案賊犯朗札起意糾眾滋事戕害官兵實係渠魁阿旺蓋桑策忍札喜彭錯策坡均聽糾眾打仗劫營殺斃官兵罪不容誅所有朗札等五犯著即行正法傳首犯事地方示眾以彰國法而儆兇頑其在逃之仁侵策旺等各犯著嚴飭下博窩頭人等查明存亡另行辦理毋任倖逃顯戮並清查附近博窩被擾地方妥爲安撫毋令一人失所至此次出征漢番官兵口糧賞需等項俱係捐辦著免其造冊報銷其打仗陣亡之番官番兵等家屬即著關聖保等會同噶勒丹錫呼圖薩瑪第巴克什妥爲撫恤並查明打仗出力及捐備賞需之漢番兵弁分別奏請鼓勵所有單開善後章程該大臣等務

東華續錄

道光三十八

三

東華續錄

道光三十八

四

當實力奉行以期邊陲永靖毋得始勤終怠日久又成具文○戊午諭奕寶所遺王爵除奕寶親兄弟子姪不准揀選外著於譜內各支擇見有官爵人去得者揀選帶領引見溥喜所遺公爵著將溥吉載銘帶領引見仍准其承襲入八分奉恩輔國公餘順所遺公爵著將蘇壽帶領引見○以成剛為左副都御史由大理寺卿遷○庚申諭軍機大臣等寄諭兩廣總督鄧廷楨廣東巡撫怡良本日據琦善奏見經天津鎮道等在大沽一帶金廣興洋船上拏獲煙土八十二口袋計重十三萬一千五百餘兩並取獲煙具軍械訊據奸商鄧然即鄧繕水手郭吞等供稱鄧然係廣東三水縣人與南海縣人余暉順德縣人崔四福建龍溪縣人郭有觀即郭王西各出賃本在廣州府城外水西街萬益號有香山縣人李四經手向東華續錄 道光三十八年 五 毒最甚見在天津地方於一船之內控獲如許之多此外浸灌各省海口者更不可以數計既據該犯供稱買自夷船由香山縣人李四經手可見廣東奸民積慣句串外夷銷售煙土本省大小文武養奸貽患喪盡天良深堪痛恨著該督撫等密速派員將省城外水西街萬益號內香山縣人李四立即拏獲到案嚴行追究夥黨及代人員運次數逐一窮詰務得確情從嚴懲辦不得稍有疏縱致令免脫尋奏查訊李亞彥即李四莫亞二即莫仕梁或假充經紀或私立字號代買煙土至數十擔之多莫仕梁應按律從重發往新疆給官兵為奴李亞彥應革去監生發近邊充軍逸犯余暉等候緝獲另結下部議從之○辛酉調錢寶琛為江西巡撫裕泰為湖南巡撫○乙丑諭軍機大臣等本日據車林多爾濟統書奏驅逐哈薩克情形各一摺覽奏均悉哈薩克等烏合之眾見經

驅逐西去著仍遵前旨不必窮追車林多爾濟帶兵到彼察看情形如該匪等逃竄遠颺即著陸續將所調官兵裁撤歸伍毋庸重煩兵力至毓書奏稱臺站兵丁每站四五人不敷差委著毓書即於每站酌量再添數名毋許浮濫總當慎守邊圉示以鎮靜斷不可鋪張喜事勞師糜餉○諭把總外委兼襲雲騎尉照七品以下文職例具題請旨○吏部尚書朱士彥卒贈太子太保予祭葬諡文定○調湯金釗為吏部尚書吳椿為戶部尚書以龔守正署禮部尚書由吏部侍郎兼署○丁卯湖廣總督林則徐奏江漢安瀾隄防一律鞏固仍當乘此水落之後飭屬查照盛漲水痕將各辦歲修工段及早估辦工料愈加堅實丈尺愈見高寬俾來歲捍衛有資得旨凡事若能如此有何不可挽回朕意在言外卿其善體朕心決意勉為之○戊辰以已革莊親王奕寶族叔蘇護襲爵○是月給東華續錄 道光三十八年 六 山東濰縣災民口糧緩徵山東濟甯等十七州縣山西隰州武鄉二州縣災歉額賦 冬十月辛未召程銓來京以鄂順安為湖北按察使由駐藏幫辦大臣遷○丙子諭前據鴻臚寺卿黃爵滋奏河南汲縣潞州屯地方有墳塔廟碑實為邪教祖庭請飭查辦當降旨交錢福昌於考試衛輝府時密行查訪並著桂良嚴密查訪旋據錢福昌奏衛輝府甫經過考派親信子弟將該處情形查明具奏茲據桂良奏稱派委臬司成世瑄親往訪查並將搨出碑文呈覽朕詳加覈對所稱均屬相符惟錢福昌所奏較略係因汲縣知縣聞擊匪徒先將各碑無生老母字迹剗鑿以致無從鈔錄該縣劉銘本既已赴廟目擊情形並不稟明該上司查辦乃遽將廟內碑碣字迹剗削是誠何心著即革職拏問該府知府耿省修亦不據實揭參著一併解任交桂

良質訊有無情弊分別辦理其無生老母塑像以及廟塔著該撫即派員全行拆毀並著桂良於本年校閱營伍時就近親至該處查驗屬實即將墳墓平毀飭屬嚴行禁止軍民人等毋許再有聽信邪說煽惑人心等事以絕根株而安良善○乙酉兩江總督陶澍奏起獲窩頓煙土為數甚鉅得旨嘉獎員弁升賞有差○丁亥賜郝光甲等四十五人武進士及第出身有差○諭武殿試一甲向取三人此次朕親加校閱一甲第三不得其人未便遷就符額用示朕覈實掄才之意○己丑以哈薩克賊匪遠遁命撤兵歸伍○丁酉閩浙總督鍾祥等奏先後擊獲出洋販賣煙土等犯嚴審定擬得旨早應如此嚴辦姑寬既往勿論嗣後務當嚴行督飭文武勸懲兼施無論與販吸食官兵百姓一概認真查辦斷不准仍前鬆懈海口尤當加意查緝務要認真禁止卿其勉力佐朕除中東華續錄 道光三十八年 七

國一大患也○戊戌裁葉爾羌領隊大臣缺○是月獨緩直隸深州二十三州縣江西南昌等二十二縣安徽壽州等三十四州縣衛河南內黃等十一縣湖南澧州等八州縣衛奉天甯遠州被災新舊額賦展緩湖北沔陽等二十二州縣災歉額賦

十一月壬寅嚴禁雲南種植罌粟○乙巳以李宗傳為浙江布政使邵甲名為山東按察使服闋按察使○己酉諭鴉片煙流毒傳染日深實堪痛恨屢經降旨飭令中外嚴擊懲辦乃近來此種痼習不但軍民人等紛紛漸染即世職官員竟亦相率玩法節據步軍統領衙門查獲犯案之男爵特克慎候補鹽大使春齡伯爵貴明均經分別按律治罪該員等身任職官輒敢蹈此惡習玷辱官常嗣後文武官員軍民人等儻仍不知悛改一經查拏定行嚴辦決不寬貸○賞還惇郡王蘇愷紅絨結頂金黃蟒袍○庚戌 上詣

大高殿祈雪○壬子諭凱音布等奏夷務實在情形請厚集兵力多籌糧餉以張捷伐一摺四川夷匪連年出擾屢經降旨飭令該將軍總督等或剿或撫認真妥辦該將軍等自當激發天良籌畫盡善為一勞永逸之計乃因循數年徒事補苴糜餉老帥邊陲未靖若使鄂山尙在必當重治其罪凱音布在彼多年始則隨同鄂山將就了事茲復會同蘇廷玉冒昧陳請速籌大舉此等小醜跳梁重煩兵力多糜糧餉殊屬不值且內地夷匪滋事從來無此辦法總緣積年經理不妥日久愈費周章多歎親歷戎行所有會剿及善後事宜均屬責無旁貸張必祿由該處總兵擔任提督勦堵是其專責於該夷匪滋擾邊境勦辦既未淨盡防堵又未得宜該將軍等種種紕繆實屬有孤任使凱音布多歎張必祿均著交部嚴加議處多歡著拔去花翎蘇廷玉於防勦夷務情形未能籌畫妥善復與凱音布連銜演請殊屬無能著降補四川按察使以示懲儆○以寶興為四川總督恩銘為刑部尚書裕誠為左都御史調隆文為戶部右侍郎恩桂為吏部右侍郎松峻為工部右侍郎德誠為盛京刑部侍郎以柏棧為盛京工部侍郎由內閣○癸丑諭湖廣總督兼兵部尚書銜林則徐頒給欽差大臣關防馳驛前往廣東查辦海口事件所有該省水師兼歸節制○以周天爵署湖廣總督鐵麟署漕運總督功普署倉場侍郎由兵部○甲寅諭軍機大臣等前因琦善奏聞廣洋船因天津查拏鴉片嚴緊不能仰貨已有一百二十三隻起碇出口慮其前赴奉天月謀銷售咨明該將軍一體訪捕富有旨令耆英委員堵截以防偷漏迄今兩月有餘未據奏到本日復有人奏奉天地方近來兵民沾染惡習吸食鴉片其沿海地面如錦城之天橋廠海城縣之沒溝營田莊

臺蓋平縣之連雲島金州之貔子窩岫巖廳之大孤山數處海口
為山東江浙閩廣各省海船停泊之所明易貨物暗銷煙土本年
九月開山東榮成縣所屬洋面搜獲商船一隻夾帶煙土一萬三
千四百餘兩訊係欲往奉天售賣可見該處煙販往來斷不止此
一起等語奉天乃根本重地風俗醇樸豈容染此澆風總由該地
方文武員弁不能認真搜捕以致外省奸徒膽敢前赴該處肆意
興販著旨英接奉此旨務即遴委妥幹員弁馳赴各海口會同該
州縣不動聲色密速查拏從嚴懲辦儻各該州縣仍前因循苟且
畏縮不前或任聽吏役人等得賄縱放以為消弭地步一經查明
即行指名奏參從重懲處斷不准意存徇隱化有為無致干重咎
○丙辰諭軍機大臣等朕近年因鴉片煙傳染日深紋銀出洋銷
耗彌甚屢經降旨飭令該督等認真查辦但錮蔽日久恐一時未
東華續錄 道光三十八 九
能盡行破除若不清查來源則此患伊於胡底昨經降旨特派湖
廣總督林則徐馳赴粵省查辦海口事件並頒給欽差大臣關防
令該省水師兼歸節制林則徐到粵後自必遵旨竭力查辦以清
弊源惟該省窠口快蟹以及開設煙館販賣吸食種種弊竇必應
隨時隨地淨絕根株著鄧廷楨怡良振刷精神仍照舊分別查拏
毋稍鬆懈斷不可存觀望之見尤不可有推諉之心再鄧廷楨統
轄兩省地方事務殷繁若專責以查辦鴉片以及紋銀出洋恐顧
此失彼轉不能專一心力盡絕弊端見派林則徐前往專辦此事
該督自當益矢勤奮盡泯畛域應分辦者各盡己責應商辦者會
同奏聞趁此可乘之機力救前此之失總期積習永除根株斷絕
想卿等必能體朕之心為中國祛此一大患也○丁巳 上再詣
大高殿祈雪○諭昨因凱音布等辦理四川夷務未妥並冒昧

廣陳當降旨將該將軍等交部嚴加議處茲據兵部等衙門定擬
具奏凱音布在四川多年於勦捕事宜既未辦理妥協復會同蘇
廷玉請兵請餉部議請將該將軍革職實屬咎所應得姑念凱音
布究未親至軍營著加恩降為二品頂帶拔去花翎仍帶革職留
任八年無過方准開復蘇廷玉雖未親至軍營然身膺重寄不思
籌畫萬全冒昧陳奏與凱音布厥罪維均業經降補臬司著拔去
花翎仍帶革職留任八年無過方准開復張必祿多歡上年俱親
往查辦將就了事以致夷情未靖著即照部議革職張必祿留於
該省交實與差道多歡著即回旗○甲子諭奕紀奏正白旗揀選
佐領據參領福拉納稟稱副都統功普遺家人交伊私信名帖求
將前鋒枝吉慶選入引見功普身係二品大員揀選本旗佐領自
應秉公辦理乃率以私情公然屬託實屬孤恩膽大功普著即革
職交軍機大臣會同宗人府刑部嚴訊福拉納吉慶著一併聽候
傳質○以德興為兵部右侍郎兼署倉場侍郎琦琛為泰甯鎮總
兵官由內閣○乙丑諭昨因功普於正白旗揀選佐領給與參領
私書令向奕紀屬託求將前鋒枝吉慶選入引見當降旨將功普
革職審訊本日據奕顯奏稱伊因吉慶平日在健銳營馬步箭俱
屬可觀見令教習伊子因向功普說知可否列入揀選等語奕顯
身係一品大員乃為其子教習展轉屬託實屬孤恩病狂以公濟
私奕顯所有職任及各項差使著全行革去交軍機大臣會同宗
人府刑部一併審訊定擬具奏○以裕誠為兵部尚書隆文為左
都御史調聯順為戶部右侍郎文蔚為工部左侍郎以成剛為盛
京兵部侍郎由左副都○丁卯諭朕恭閱 皇考仁宗睿皇帝實
錄嘉慶元年二月欽奉 諭旨鑲黃旗都統查出該旗漢軍秀女

內有纏足者並各該秀女衣袖寬大竟如漢人裝飾著各該旗戲行曉示禁止等因欽此仰見 皇考訓誡周詳允宜永遠遵守今相沿日久恐奉行不力又復視為具文或致再蹈此等習氣不可不重申例禁加之整飭我朝服飾本有定制不惟愛惜物力亦取便於作事若如近來旗人婦女往往衣袖寬大甚至一事不可為而其費亦數倍於前總由競尚奢靡所致至倣效漢人纏足尤屬違制此等惡習大約內務府漢軍及屯居漢軍旗人俱所不免於國俗人心關係甚鉅著八旗滿洲蒙古漢軍都統副都統等隨時詳查如有衣袖任意寬大及如漢人纏足有違定制者一經查出即將家長指名參奏照違制例治罪儻經訓諭之後仍復因循從事不能實力奉行將來經朕查出或被入糾參定將該旗都統章京等一併嚴懲決不寬貸○是月賑陝西懷遠安定二縣甯古塔東華續錄 道光三十八年 十一

三姓地方兵民口糧緩徵甘肅河州等十九州廳縣陝西懷遠等三縣江蘇高郵等五十八州廳縣衛墨爾根城等五處甯古塔三姓被災新舊額賦兩准丁豁等四場浙江浦東下沙等場龍課十二月戊辰朔貴州仁懷縣匪徒謝法真等滋事命伊里布勅之○己巳諭奕顥因正白旗揀選佐領輒將教習伊子之前鋒校吉慶名帖送交功普免求揀選引見以一品大員不知檢束恣意妄為實屬狂謬膽大功普於奕顥私交名帖輒阿附尙書代為展轉央求殊屬卑鄙見據敬敏等會同定擬具奏奕顥毋庸交宗人府議處其公爵即行革去伊子三人自不應列入應封著即扣除引見功普毋庸罰養贍錢糧奕顥功普均著發往盛京效力贖罪以為大員徇私請託者戒所遺公爵著宗人府照例辦理○庚午諭在京各衙門堂官皆係朕簡擢大員受恩深重於一切應辦公務

及考察屬員賢否原當和衷商榷一秉至公方合同寅協恭之義豈容徇情屬託以公濟私乃昨奕顥將前鋒校吉慶名帖送交功普免求揀選佐領膽大妄為意存自滿功普身任侍郎與奕顥同堂共事並無統屬何至甘受指揮不敢辭卻輒致書參領福拉納令轉向奕紀代求是其委曲周旋尤屬卑鄙不堪已有旨將奕顥功普革職發往盛京效力贖罪因思各部院尙書侍郎各旗都統副都統等品級雖有等差其為堂官則一遇有屬託公事何難破除情面立為駁斥若似此聽受指使展轉營求尙復成何事體見在奕顥功普業已破案此外各堂官內瞻顧私情通同徇隱未經屏除積習持正秉公概不准瞻徇人情自干咎戾儻經此次諄諭之後再有蹈此覆轍者奕顥功普即其前車之鑒經朕查出或被東華續錄 道光三十八年 十一

人糾參定將該堂官加等治罪決不寬貸朕言出法隨勿視為誥誠具文也○辛未 上幸惇親王蘇慎第賜奠○諭朕弟惇郡王蘇慎自六齡隨朕在上書房讀書友愛甚篤前經派管宗人府及旗務諸事亦能盡職本年因事獲咎由親王降為郡王昨加恩賞還紅絨結頂金黃蟒袍伊年當富強方冀長承恩澤何意遽爾薨逝聞之實深感惻著加恩賞還親王並賞給陀羅經被朕即日親臨賜奠並派總管內務府大臣阿靈阿辦理喪事所有一切事宜均著官為經理其餘飾終典禮著該衙門察例具奏尋予諡曰恪○壬申諭昨因惇親王蘇慎薨逝當即親臨賜奠朕心感惻良深本月十二日二十二日朕再行親臨賜奠用申篤眷並著四阿哥五阿哥六阿哥於初六日前往祭奠十二日亦著隨朕前去二十三日仍著阿哥等前往奠醑○乙亥 上再詣 大高殿祈雪○

丙子諭悼親王見無子嗣而近支無堪以承繼之人悼親王福晉著賞給郡王半俸以資養贍俟將來有可承繼者宗人府再行照例辦理○癸未諭軍機大臣等本日據都察院奏籌調師船將備聯幫駐泊洋面堵截民夷售私並水陸交嚴以除錮弊一摺著林則徐馳抵廣東後即將各該處情形悉心體察所有摺內所議駐洋守堵各事宜會同都察院通計熟籌務臻妥善覈實辦理○甲申允耆英奏添 永陵青椿並禁附近開採煤窯○丙戌 上再詣 大高殿祈雪○丁亥以關聖保關福俱為內閣學士兼禮部侍郎銜由伊穆參贊大臣遞明訓為左副都御史由副都○己丑諭向來秋審朝審人犯內緩決三次以上者人數積多每屆數年諭令刑部查明奏請分別減等以示法外之仁今自道光十六年查辦後至本年秋讞入緩決者又積有一萬一千六百餘名著東華續錄 道光三十八年 十三

各上司勢必意存瞻徇諸多掣肘此風斷不可長姚元之與張寅係屬姻親於該員被劾之案業經奏結後輒指該撫迹近挾私已屬臆斷即所稱該員去任時百姓祖道甚多生員臚陳政績亦係外省常有之事何得以此遽定賢能是其冒昧瀆陳殊屬非是若非職司風憲例許建言必當加以嚴議姑念姚元之見任左都御史非無言責者可比著交部議處張寅於因公動用銀兩並未先行報明著該部仍遵前旨照例議處○移庫倫幫辦大臣駐科布多為科布多幫辦大臣○辛卯實授賽尚阿理藩院尚書○甲午諭蘇勒芳阿奏請將蒙古人戶移駐河北一摺青海察罕諾們汗一旗前因滋事驅逐過河見據該盟長車凌端多布等體察情形該旗近來被搶窮蹙該諾們汗年甫七歲懇請移駐河北等情加恩著照所請所有察罕諾們汗一旗著即嚴飭實德廳文武員弁乘此水橋未泮將安分守法之人妥為照料移過河北以示體恤該盟長等既情願承保著即責成車凌端多布代為管理並著隨時留心稽察如有滋事作賊之人混行移過惟該盟長是問○乙未諭本日據吏部奏遵旨照例議處請將姚元之降二級調用一摺在京部院大臣於外省督撫舉劾屬員本不容妄有干預左都御史姚元之以一品大員與南昌府知府張寅係屬姻親乃於該員被參之案指稱該撫迹近挾私並將該員去任時百姓祖道甚多生員臚陳政績代為陳奏實屬冒昧非是若使事關重大必當嚴治其罪姑念姚元之究係言官且其所奏止為張寅申辨其事尚小姚元之著照部議降二級調用以示薄懲○諭本日據伊里布等由四百里馳奏官軍攻破賊巢並殲擒首從各要犯一摺所辦甚為妥速可嘉之至此案貴州匪徒謝法真假託降神捏造天

書聚眾謀逆偽封名號穆繼賢先為困山大王嗣封川主統領眾目抗拒官兵經伊里布等揀調兵弁親往督剿該逆等仍敢恃險負嵎突出迎敵並於地道中暗放槍礮傷我兵丁余步雲及藩司慶祿等籌添鐵裹搆牌及土囊柴草一切火攻器具統率兵弁四面協攻竭一晝夜之力殺斃賊匪二百餘人並焚毀賊巢燒斃斃斃之賊不計其數墜牆投池及自行縊斃者亦不下二三百人復經各員弁分路撲攻四出搜捕合計殺獲首夥各犯約及千名其首逆謝法真及穆繼賢袁明倫等均已就擒地方業已肅清該督等悉心籌畫督率有方俾滋事匪徒全數就獲不至蔓延各處糜餉勞師自應特沛恩施以示嘉獎伊里布著賞戴雙眼花翎仍交部從優議敘並賞給玉搬指一箇玉翎管一箇雙眼花翎一支黃辦大荷包一對小荷包四箇玉鼻煙壺一箇余步雲著晉加太子東華續錄 道光三十八 十五

太保銜仍交部從優議敘並賞給玉搬指一箇玉翎管一箇黃辦大荷包一對小荷包二箇賀長齡在省督辦糧餉經理得宜著交部議敘布政使慶祿著賞戴花翎仍交部從優議敘其川黔兩省自總兵阿精阿張作功以下在事之大小員弁兵丁著該督擇其尤為出力者嚴實保奏候朕施恩並將見在首先擒獲首要各犯之員弁分別查明據實覆奏其陣亡各弁兵照例賜卹至署仁懷縣知縣王鼎彝前因將穆繼賢袁明倫因案擊獲復行出外滋事革職審訊仍著該督遵照前旨確切根究不得因見已歲事稍存遷就○以興守正為左都御史調廖鴻基為吏部右侍郎以杜受田為工部左侍郎由內閣學士遷○是月緩徵陝西葭州等十一州縣積款新舊額賦○是歲朝鮮琉球暹羅來貢○會計天下民數數各省通省通共大小男婦四萬九百三萬八千七百九十九名口各省通

共存倉米數三千八十二萬八千八百四石四斗一升八合一勺

東華續錄

道光三十八

十六

臣王先謙敬編

臣周澐蕃恭校

道光十九年己亥春正月戊戌朔晉封惠郡王縣愉為親王○甲寅諭鄉會試考官憑文取士中式者感其識拔誼等師生尙屬禮緣義起至新進士殿試朝考一經館選即與閱卷官認師生已屬非是若京察一等大計卓異者概與堂官上司認師生受爵公朝拜恩私室甚非國家考績求賢之義至外省風氣州縣與府道認師生府道與督撫認師生種種夤緣皆由此起又安望其持正秉公各盡職守耶嗣後內外臣工總當守分勵品斷不准藉師生稱謂攀援干進部院大臣及各省督撫尤當正己率屬以人事君遇有藉端干謁者即行屏斥庶屬吏共知敦品以杜奔競而肅官方

東華續錄 道光三十九

○壬戌申諭各衙門揀發河工學習人員不得以額外行走未經奏留之員率行保送○以奎照氣體不充罷軍機大臣○癸亥諭向來回子伯克每年朝覲九班輪流四川土司三年朝覲兩班輪流在該伯克土司等輪忱展覲不敢告勞惟念萬里馳驅載塗雨雪朕俯懷况瘁為期未免過勤著加恩自道光十九年起回子伯克年班改為二年朝覲仍照舊九班輪流第一班著於道光二十一年來京第二班著於二十四年來京此後照此辦理四川土司年班改為五年朝覲一次仍照舊班輪流第一班著於道光二十四年來京第二班著於三十年來京此後均照此辦理用示朕懷柔遠服體恤優加至意○甲子兩廣總督鄧廷楨等奏遵旨力除鴉片共矢血誠俾大患得旨卿等同欽差大臣林則徐若能合力同心除中國大患之源不但卿等能膺懋賞即垂諸史冊

朕之光輝豈淺鮮哉而民生之福政治之善又非淺鮮諒卿等亦不煩諄諄告誡也勉之勉之朕拭目待之此摺給林則徐看○是月貸湖南武陵縣陝西葭州等九州縣甘肅固原等五州縣水旱災燬災口糧籽種緩徵直隸深州等二十三州縣山東臨清等十州縣衛被災新舊額賦江蘇高郵等二十九州縣衛被災通賦二月丁卯朔鄧廷楨奏南澳洋面本非洋船經由之路近因中路伶仃各外洋洋船寄碇之處守堵甚嚴先後有洋船八隻駛來拋泊見經該鎮總兵親督將弁舟師逐去三隻餘仍遷延觀望復經調集師船將該五船圍繞防範並諭以如再逗留定行開礮轟擊各該船已向東南外洋駛去報聞○以李品芳為內閣學士兼禮部侍郎銜由詹事府遷○己巳 上御經筵○庚午聯順緣事降調調善齋為戶部右侍郎以阿勒清阿為刑部右侍郎由左副都御史遷○壬申

東華續錄 道光三十九

諭軍機大臣等據寶興奏川夷自道光十七年溜馬礮官兵失利後大肆鴟張千百成羣直撲村場市鎮肆行焚殺上年出掠經兵勇殺斃多匪亦有擒獲我邊廳之十三支及干洛三溪有互傳木刻出擾之議見在四廳一帶原派防堵兵勇未便裁撤惟馬邊道路歧難防範較難請酌調精熟槍礮刀手兵五百名委已革提督張必祿帶往作為遊兵在各路周歷儻有夷匪竊發即出其不意用鴟勦之法轟擊一經逃竄無庸追捕等語四川省各路夷匪深恃懸巖斗壁往往出巢焚掠迨經官兵進剿輒復竄匿老林我兵不能進攻著如該督所議平時惟當妥為防堵俟其出巢滋擾即痛加勦戮如其逃竄入山亦無庸追捕務使該夷匪等知我備禦甚嚴受創數次自必不敢出山劫掠庶居民得以安堵而兵力亦不至重煩方為妥善○壬午 御試翰林詹事等官擢李國杞四

員為一等餘升黜留館有差○諭軍機大臣等據鄧廷楨等奏籌議虎門海口勦造木排鐵鍊添置礮臺礮位分別繪圖貼說開單呈覽一摺虎門海口為粵海中路咽喉通商番船絡繹往來見在籌議海口章程自應妥為布置以密巡防據該督等奏稱涉海登山周覽形勢請於橫欄山前海面較狹之處勦設鐵鍊木排並於威遠礮臺迤西建大礮臺一座安放大礮六十位以壯聲威所有估需各項銀八萬六千兩既係洋商伍紹榮等情願捐辦著免其造册報銷該督等即飭催原派文武各員務於本年三月內將排鍊礮臺一律趕造完竣並將新添礮位如法製造其泗水兵丁由該提督關天培如數飭募隨時演習以期得力至排鍊等項每年修費及添設排鍊官兵月餉並排鍊礮臺各兵丁四箇月增給口糧春秋二操軍火賞號共歲需銀八千三百餘兩除商捐存銀三千七百六十餘兩外尚不敷一歲之需著該督等另行籌款奏明辦理○丙戌諭軍機大臣等林則徐奏體察洋面堵截情形據奏見在躉船既經移動自須到處跟蹤即使該躉船駛出老萬山猶恐內海匪船前赴外洋句結等語著林則徐即親赴虎門澳門等處相機度勢通計熟籌務使內地匪船不敢潛赴外洋私行句結嚴密巡防盡除錮弊方為妥善俟中路辦竣再往東路察看機宜覈實辦理該大臣係特簡前往查辦大臣務須悉心籌議從容辦理不必急於蒞事要期除惡淨盡方為不負委任○乙未諭前據御史周春祺奏江甯布政使唐鑑於江甯省城為女建祠其胞弟唐紫玖見在省城並該司係屬病軀終年不去藥餌等語當降旨先後交福泰及湯金釗等查奏茲據湯金釗等勘明該省天界寺前有唐孝女墳冢碑坊並無建立專祠燒香聚會情事其壽星橋

房屋一所勘係該司故父祠堂唐紫玖先曾在內居住見已回籍亦無黃緣鑽刺等弊該司語言步履均無患病情形公事尚無廢弛惟於伊弟前來江省任令署外居住請旨交部議處各等語餘與福泰所奏大略相同唐鑣即唐紫玖既經該尚書等查無倚勢招搖劣跡該藩司令在署外居住尚無不合著無庸議惟伊故父唐仲冕在江甯置有房屋建立祠堂唐鑑於簡放江甯藩司時不即據實聲明伊女在伊江安糧道任內病故並不送回原籍輒借寺旁隙地營葬致招物議唐鑑著交部議處○是月展緩山西太原縣積欠額賦

三月己亥 上親耕藉田○諭自查禁鴉片煙以來各省紛紛具奏民間呈繳煙土煙具投首者甚多行之既久恐滋流弊不可不防其漸蓋呈繳之後地方官不復查察轉得優游吸食漫無顧忌東華續錄 道光三十九 四

是寬縱一二人而效尤者將不止千百法令所由廢弛且朕聞煙膏煙具多有假造地方官或意在邀功貪多務得或心存避咎苟且塞責託收繳之名以售其蒙混之術其弊不可勝言國家矜憫愚民原欲開其自新之路該軍民人等果能革其舊染無難實力戒除何必呈繳煙具以自表其改悔即如酗酒有干例禁如果改悔無難自行禁止亦從無繳出酒具之條嗣後各省拏獲吸煙人犯不准以呈繳煙膏煙具入奏其從前投首不實之犯仍著各督撫等嚴飭該地方官隨時查察如有再犯即加重治罪以杜蒙混而歸覈實○庚子 上啓鑾謁 東陵○免經過地方額賦十分之三○辛丑吳椿以病免調何凌漢為戶部尚書以陳官俊為工部尚書調許乃普為吏部左侍郎趙盛奎為刑部右侍郎 由倉場

○以龔守正為禮部尚書廖鴻荃為左都御史調李振祐為吏部

右侍郎兼署倉場侍郎以徐士芬爲工部右侍郎由內閣○癸卯
上調 昭西陵 孝陵 孝東陵 景陵 裕陵詣 端慧皇
太子園寢奠酒回鑾○命嗣後調 東陵禮成後並將大學士公
長齡開列奏請派員賜奠○乙巳陶澍以病免調林則徐爲兩江
總督未到任前命江蘇巡撫陳鑾署理以桂良爲湖廣總督朱樹
爲河南巡撫鄂順安爲河南布政使卞士雲爲湖北按察使由長
運使 ○丙午 上幸南苑行圍 ○丁未諭前據黃爵滋奏請飭查
河南汲縣境內無生老母廟宇當有旨交桂良嚴密查拏按律懲
辦本日據桂良將全案人犯審明具奏又據片稱該省各州縣查
出無生老母廟三十九處俱係建自前明見已全行拆毀等語各
省地方淫祠假託荒誕不經名號聚眾燒香最易煽惑地方官果
能隨時查禁何至錮習相仍執迷不悟河南省習教重案屢經查
辦何以尙留餘孽膽敢重修祠宇肆無忌憚此皆從前不能認真
查毀所致且恐該省見有淫祠亦尙不止此數著該撫嚴飭所屬
留心訪察其境內如有此等廟宇立即拆毀毋稍徇隱至附近河
南之直隸山東山西各處亦恐有此項祠宇著各該督撫等一體
嚴查飭屬拆毀斷不准意存消弭致貽後患以正風俗而淨根株
○庚戌諭前據步軍統領驛獲售賣鴉片煙土之于五等富有旨
交刑部審訊茲據蘇魯查明于五所供之人卽係伊子奕運並將
案犯袁全福袁文兒交出著刑部會同宗人府嚴行審辦其蘇魯
自請嚴加議處之處著俟定案時再降諭旨尋訊明于五照煎熬
鴉片售賣例發邊遠充軍劉文祥照與販鴉片例枷號一箇月發
近邊充軍傅大照爲從例杖徒奕運因病買食應請革退鎮國將
軍所犯杖徒照宗人府例折圍得旨奕運著革去鎮國將軍其犯

杖六十罪著宗人府照實折打發往盛京圍禁餘依議蘇魯著宗
人府嚴加議處○辛亥 上還京師○乙卯諭本日據林則徐等
由驛馳奏查辦躉船儘數呈繳煙土一摺所辦可嘉之至躉船私
販煙土希圖脫逃經林則徐等截回躉船二十二隻起獲煙土二
萬二百八十三箱該督等奏請酌賞茶葉之處著照所議辦理至
此項煙土爲數甚多俟收繳完竣卽查明實在箱數派委明幹員
弁解京以憑覈驗林則徐等查辦妥協自應量加獎勵林則徐鄧
廷楨著交部從優議敘怡良豫堃關天培著交部議敘○諭粟毓
美奏豫籌備工需以防串溝隱患一摺又另片奏甄工得力省
費情形等語著照所請惟其於北岸黃沁廳屬之馬營原兩隄
南岸下南廳屬之祥符下汛陳留汛每廳各購甄五千方於情形
險要之處酌量多寡分段堆貯備用凡所築土壩飭令工員用甄
擇要包砌此項甄價先由道庫墊發俟秋闕於奏請購石項下撥
還歸款此外洋河曹曹河糧河上南商虞各廳應先事豫防者
著該河督隨時督率道廳妥商辦理並於查驗工料時認真稽察
如工員購甄不實卽行嚴參著賠以重工需至用甄搶辦險工較
鑲埽更爲便捷且較石價多寡懸殊錢糧節省又所占河面無幾
不至有與水爭地之虞該河督既確有把握朕卽責成辦理總期
行之無弊方爲不負委任其應貯甄塊仍令向民間收買不必應
員設窯燒造之處亦著照所議辦理○諭軍機大臣等林則徐等
覆奏堵截洋船情形請暫緩議斷互市及頒行各國檄諭等語所
見是此次查辦海口防堵躉船各國業經遵繳煙土自應加恩准
予照常互市以示懷柔所有斷絕茶葉大黃著暫緩置議其英吉
利既有在粵領事經該大臣等就近諭知辦理所有檄諭該國之

處亦著暫緩頒行統俟議定與販吸食各罪名頒行新例時於善後章程內另行詳細籌議仍遵前旨擬稿進呈再行頒發○林則徐奏呈進諭各國呈繳鴉片示稿本大臣既帶關防得便宜行事若鴉片一日不絕本大臣一日不問誓與此事相終始批覽及此朕心深為感動卿之忠君愛國皎然於域中化外矣○以恩銘為熱河都統隆文為刑部尚書由左都御史選○丙辰以鐵麟為左都御史嗣德興為倉場侍郎德春為兵部右侍郎德誠為盛京戶部侍郎以明訓為盛京刑部侍郎武忠額為左副都御史候補三品○丁巳武忠額以精力就衰休致以惟勤為左副都御史前任吐魯番領隊大臣○鄂爾端為左副都御史由大理寺卿選○庚申諭向來越南國二年一貢四年遣使來朝一次合兩貢並進琉球國開年一貢暹羅國三年一貢在各該國抒誠效順不敢告勞惟念遠道馳驅載塗雨雪東華續錄 道光三十九年 七

而為期較促貢獻頗仍殊不足以昭體恤嗣後越南琉球暹羅均若改為四年遣使來貢一次用示朕綏懷薄服之至意○壬戌諭前據林則徐等馳奏躉船鴉片盡數呈繳請解京驗明燒毀當降旨允行本日據御史鄧瀛奏稱廣東距京程途遼遠所繳煙土為數較多恐委員稽察難周易啓偷漏抽換之弊等語林則徐等經朕委任此次查辦粵洋煙土甚屬認真朕斷不疑其稍有欺飾且長途轉運不無借資民力著毋庸解送來京即交林則徐鄧廷楨怡良於收繳完竣後即在該處督率文武員弁公同查覈目擊銷燬俾沿海共見共聞咸知震警該大臣等惟當仰體朕意嚴實稽查斷不准在事員弁人等稍滋弊混○諭軍機大臣等本日據鍾祥等奏擊辦臺灣滋事匪徒一摺此案匪徒胡布因謀反未遂膽敢勾通內山賊匪洪保等分立股夥並糾結街民蕭紅等為內應

攻汛戕兵不法已極經該鎮道等帶兵馳往店仔口地方會商捕辦拏獲首夥十二犯審明正法辦理尚屬迅速惟未獲餘匪均已潛入內山若非盡力捕獲悉數就擒難保不勾結山內匪徒復出滋事著該督即責成該鎮達洪阿督兵分路接捕務將竄往潛匿各匪即日淨盡斷不准稍留餘孽以靖奸宄而絕根株○是月緩徵山西隰州等八州縣遺穀

夏四月丙寅朔諭軍機大臣等寶興奏夷匪出巢滋擾酌添防兵一摺上年雷波馬邊廳等處夷匪屢出擾害業經辦完竣何以本年二月間復有焚掠等情據稱越嶲之西糾糾米吉施等支夷眾聽從馬邊等廳夷匪勾結是否有漢奸從中煽惑抑係上年勦捕未能淨盡根株該廳地方縣長數百里兵力單弱不足以資防堵著照所請酌添兵丁分段設守並飭令署提督桂明分派各兵東華續錄 道光三十九年 八

周宥布置竭力防範相機勦堵齊慎早晚到任務當會同商辦總使夷匪知所畏遠不出滋擾方稱妥善該夷匪等藏匿老林原不值重煩兵力深入窮追然兵集則逃兵撤復出相尋不已糜餉老師終非良策著寶興等悉心籌畫計及久遠不可徒顧目前意存姑息將就了事○調薩迎阿為盛京戶部侍郎明訓為盛京禮部侍郎德誠為盛京刑部侍郎由盛京戶部調○辛未召魏元烜來京以吳文鎔為福建巡撫調王植為刑部左侍郎沈岐為禮部左侍郎以王瑋慶為禮部右侍郎由左副都御史選○甲戌諭據林鴻年等奏上年十月自琉球回棹該國王尙育懇請代奏令陪臣子弟四人入監讀書等語加恩著照所請所有該國陪臣子弟四人俱准其入監讀書用遂其觀光之志○丁丑調周天爵為河南巡撫朱樹為漕運總督○己卯 上詣 黑龍潭祈雨○庚辰林則徐等奏

洋船存貯鴉片二萬二百八十三箱前諭令駛至虎門陸續隨繳
剝船與蘆船高下懸殊煙土起至一半蘆船水迹浮高風信靡定
不免終日坐守見在所繳鴉片數之原報數目已逾十分之八東
路南澳地方閒有數船至長山尾等洋遊奕雖經該鎮隨時驅逐
而旋去旋來其三板等船分載煙土駛往南澳亦不可不乘此機
關一槩招回悉數呈繳擬即乘勢清理報聞○壬午諭鴉片煙流
毒日深自上年查禁以來京城內外各衙門拏獲各犯分別奏咨
交刑部審訊者不下數百起承審各員果能細心研鞠何難就見
獲人犯將煙土來歷與販夥黨及何處何人開設煙館同吸食者
共有幾人逐層根究朕為天下除此禍患大小臣工宜如何仰體
朕意同心協力思所以前綢習而挽頽風嗣後刑部堂官惟當督
飭司員凡承審煙案總宜切實根追固不可累及無辜尤不可將
東華續錄 道光三十九年 九
就結案務使人人畏法積弊全銷用副朕除惡務盡之至意○戊
子 上詣萬壽山 廣潤祠祈雨○以端華為內閣學士兼禮部
侍郎銜由頭等侍衛通○庚寅以帥承瀚為左副都御史由通政使遷○甲午
准致仕大學士盧蔭溥致仕尚書李奕疇重赴鹿鳴宴晉盧蔭溥
太子太傅加李奕疇太子太保
五月己亥王大臣等會議查禁鴉片章程三十九條一沿海奸徒
開設窩口句通外洋囤積鴉片首犯擬斬梟為從同謀及接引護
送之犯並知情受雇船戶擬絞監候該管官知情故縱者革職失
察者分別議處一沿海員弁兵丁受賄故縱擬絞立決知情徇縱
俱發往新疆官弁充當苦差兵丁為奴失察者分別議處兵丁杖
徒一合夥開設窩口並合夥與販者以造意為首餘俱以為從論
一沿海奸徒寄存洋船煙土照開設窩口從犯治罪一官役拏獲

販煙吸食之犯得財賣放者與犯同罪贓重者計贓以枉法從重
論失察之該管官分別議處一收業人犯如有禁卒人等將鴉片
煙私行傳遞或為代買者發極邊煙瘴充軍其解遞之犯解役人
等有犯前項情弊發近邊充軍贓重者計贓以枉法論失察之該
管官分別議處一兵役匪棍以查煙為由肆行搶奪並挾嫌誣賴
者俱發極邊充軍贓一百二十兩以上者為首擬絞監候失察之
該管官分別議處一鴉片煙案內流罪以上人犯告稱留養者稟
不查辦一事未發而自首者免罪聞拏投首者減一等首後復犯
加一等治罪一吸食之案止准官弁訪拏不許旁人許告一開設
煙館首犯擬絞立決從犯及知情租屋者發新疆給官兵為奴兵
役包庇與犯同罪有贓計贓枉法從重論失察之該管官分別
議處一栽種罌粟造製煙土及販煙至五六百兩或與販多次者
東華續錄 道光三十九年 十
首犯擬絞監候為從發極邊煙瘴充軍與販一二次數不及五百
兩者為首發新疆給官兵為奴為從發邊足四千里充軍兵役賄
庇與首犯同罪贓重者計贓以枉法從重論其知情租給房地之
業主受雇之船戶一年以外者發邊遠充軍一年以內杖流半年
以內杖徒州縣官知情故縱者革職永不敘用失察之該管官分
別議處一栽種罌粟尚未製煙售賣及收買煙土煙膏未售賣者
為首發極邊煙瘴充軍為從杖流一吸煙人犯均予限一年六箇
月限滿不知悔改無論官民擬絞監候一平民吸煙在一年六箇
箇月限內者擬杖流如係旗人銷除旗檔一體實發一在官人役
並官親幕友一年六箇月內在署吸煙者照平民加一等治罪該
管官知情故縱者革職失察者降調一職官吸煙在一年六箇月
內者發新疆充當苦差一兵丁吸煙在一年六箇月內者發近邊

充軍該管官知情故縱者革職失察者分別議處一開設煙館栽種罌粟製煙與販首從各犯除見擬死罪外其餘俟一年六箇月後均擬絞監候一吸煙人犯雖經改悔戒絕但有存煙灰者杖一百一製賣鴉片煙具者照造賣賭具例分別治罪失察及擊獲之該管官分別議處議敘一同居子弟有吸煙者家長照不能禁約子弟為竊例治罪一職官因吸煙發往新疆者概不准各城大臣因事保奏一宗室覺羅吸煙者發往盛京嚴加管束如係職官及主公均革職革爵發往盛京永不敘用如犯在一年六箇月限滿後者照新定章程加重擬絞監候宗人府會同刑部恭進黃冊請旨一太監內如有從前吸食者限一箇月內自首免罪再限三箇月內令總管太監認真按查如有收藏煙具者審明從重治罪如三箇月限滿半年以內有在禁門以內各值房吸食者均擬絞監候在外圍值房吸食者枷號六箇月發極邊煙瘴永遠枷號遇赦不赦失察之總管首領及同屋太監奏請分別降革治罪如係首領吸食均照禁門以內新擬罪名辦理失察之本管總管奏請分遣究出販煙之人同罪若係民人交刑部加等治罪至 陵寢首領太監等有吸食者照外圍辦理其王公門上及各大臣宅中之太監等有吸食者交慎刑司永遠枷號不赦如半年以後仍有吸食在宮門以內者擬斬監候外圍等處及 陵寢當差並王公門上大臣宅中並已為民太監等擬絞監候各項失察處分仍照前議辦理一洋商住澳住行賣貨完竣即飭遵照定限起程如逾限久留照違制律治罪一官兵查擊鴉片煙遇有大夥拒捕者准放鳥槍格殺勿論一銷燬煙土令督撫親驗真偽以防偷換一沿海各省洋船進口督撫派公正大員實力接查一各省海關監督於

東華續錄

道光三十九

十一

洋船帶煙進口知情縱放者革職失察者分別議處一各省擊獲煙犯將由何處購買何人包庇護送及經過地方逐一根究分別懲辦該管官受賄故縱者革職治罪知情者革職失察者分別議處一擊獲吸煙人犯承審官徇情開脫照故出人罪例治罪一吸食已戒平民例得免罪惟職官為民表率如曾經吸食者均勒令休致一擊獲囤積與販各犯無論鄰境本境均准給予議敘仍分別送部引見一訪獲吸食者亦准酌請議敘一在京各衙門及外省督撫將吸煙之員列入京察卓異即將原保舉官議處一京城地面五方雜處稽查尤應嚴密應責成步軍統領衙門順天府五城隨時訪察仍嚴禁番役等訛索擾累一各省保甲飭地方官認真編查如牌長有受賄知情等弊一體懲辦一地方官朔望宣講後即將吸食鴉片之害傳齊眾人明白宣示庶父誠兄勉咸知自愛奏入得旨上年黃爵滋條奏鴉片積弊請旨設法嚴禁當交各將軍督撫等各抒所見妥議以聞嗣經陸續奏到並據科道等官先後條陳特降諭旨交大學士軍機大臣會同各該衙門議奏茲據詳議章程會同奏入朕詳加披閱尙屬周妥俱著照所議辦理並著纂入則例永遠遵行各該衙門即速行刊刻頒發各直省將軍督撫等轉行所屬地方文武員弁一體遵照明白出示曉諭咸使聞知朕惟姑息非所以愛民明刑即所以弼教鴉片來自外洋日甚一日兼以內地栽種罌粟影射漁利軍民人等受其毒者始則被人引誘繼乃習為泛常甚至蕩產戕生罔知悔改關繫於人心風俗者甚鉅若不及早查禁永杜弊源則傳染日深其害伊於胡底朕惻念在抱欲為天下除此後患不憚再三訓誡特議刑章以期易俗移風還淳返樸因思海販窳口實為禍首罪魁非一

東華續錄

道光三十九

十二

律從嚴概置重典不足以防偷漏而塞來源至吸食之弊一日不
斷則興販之來一日不絕亦不得稍從寬宥今定以死罪立限嚴
懲此外種種流弊尤應隨時隨地實力稽查歷久不懈庶幾根株
淨盡力挽澆風惟是有治人而後有治法該將軍督撫等果能早
為查辦何至流毒如今之甚朕姑寬其既往自此大明定章程以
後其各激發天良湔除積習同心協力仰體朕懷為民除害其有
不肖屬員諱飾不辦者立即據實嚴參重治其罪儻仍意存玩泄
視條教為具文或畏難苟安或始勤終怠則是甘心翫法自喪天
良朕言出法隨決不寬貸其各懍遵毋忽○庚子諭內閣紫禁城
內值班王大臣例應於辰刻進內接班其出班之人應俟接班者
進內面行交替始准散歸茲據濟克默特奏本月初五日應行接
班之王大臣內共有五人遲至申刻甫經到班殊屬玩誤所有是
東華續錄 道光三十九年 十三

大臣等竟敢不候交替任意紛紛散值實屬膽大違制咎無可辭
慶郡王奕綵侍郎溥洽副都統連貴內大臣肅親王敬敏散秩大
臣書桂前鋒統領中山均著交各該衙門嚴加議處至濟克默特
於中山未經守候交替遽行先散之處不行參奏本應嚴議姑念
是日進班尚早且此次奕綵等五人均係該貝子指參僅於中山
早散未及參奏其咎稍輕濟克默特著交該衙門議處○達洪阿
等奏接捕臺灣內山逆匪全竣○乙巳諭昨因紫禁城內值班王
大臣於出班進班不遵定例任意遲早並有應參不參等情當降
旨將該王大臣等交各該衙門分別嚴議議處茲據各該衙門遵
照嘉慶十九年 諭旨請將該王大臣等爵職一併斥革實屬咎
所應得惟念年歲久遠積習相沿恐以前曠班者尚不止此數人
若但將永康等懲治轉不足以昭平允姑從寬免其斥革予以薄
懲永康著罰公俸六年覺羅常喜著革去副都統並一切差使仍
罰世職俸四年張瀆著革去散秩大臣仍罰侯俸四年慶郡王奕
綵著退出內廷行走仍罰王俸六年肅親王敬敏著革去宗令內
大臣仍罰王俸六年書桂著革去散秩大臣仍罰侯俸四年常恆
全慶溥治連貴中山俱著降二級調用濟克默特著加恩改為降
四級留任不准抵銷○丙午以關聖保為禮部右侍郎由內閣○
以倭什訥為兵部左侍郎已革○軍機大臣等奏議覆欽差大臣
林則徐請定洋人攜帶鴉片煙土入口售賣治罪專條擬請此次
洋人如帶有鴉片煙入口圖賣者為首照開設窩口例擬斬立決
為從同謀者從嚴擬絞立決由督撫審明交地方官督同洋人頭
目將各犯分別正法起獲煙土全行銷燬仍行文兩廣總督以奉
文之日為始予限一年六箇月如於限內將煙土全數呈繳者免

其治罪從之○戊申諭本月初五日禁城內值班王大臣等進班
出班均未面行交替本應遵照嘉慶十九年 諭旨槩行斥革姑
念歲久相沿幾成積習此外未經發覺者當不止此數人是以恩
寬格外量予薄懲因思該王大臣等散歸太早入值較遲皆係怠
惰習成性耽安逸朕何難恪守 前謨立予罷斥惟伊等咎由玩
愒若竟置身閒散轉得遂其偷安自便之私故不令廢棄終身俾
可贖前愆而圖後效嗣後該班之王大臣等如輪應進班借詞推
諉曠誤不到及出班之人容隱不奏俱仍照嘉慶年間 諭旨革
去爵職決不寬貸其進班遲延已逾辰刻及出班之人彼此未經
面晤即自散歸並容隱不奏者均酌量情形做照此次辦理該王
大臣等惟當各勤職守夙夜在公毋得日久玩生仍蹈故轍並著
將此次諭旨各錄一道懸掛該班處所俾觸目儆心共知戒懼○
東華續錄 道光三十九 十五

辛亥諭刑部清釐庶獄○壬子諭朕因鴉片煙流毒傳染日深已
成錮習若不及早為民除害伊於胡底見在廷臣遵旨會議嚴禁
章程已頒發各直省遵行矣該官民人等咸懷王章遷善改過自
不難湔洗舊習革除前非共享生全之樂藉免刑戮之加即各地
方官亦不難懷遵新例認真查辦悔過者予以自新怙惡者不令
倖免但積習相沿已非一日若數月之間遽使各省一律肅清恐
不免有諱飾等弊故予限一年六箇月俾查拏不至遺漏而改悔
亦不甚難及至限滿仍復舊法是自外生成無可顧情置之重典
尙復何詞此朕愛民之心先德後威中外所共覩也惟官民人等
皆朕赤子既欲衛其生而除害不能不視其死而垂憐况法立如
山再三申諭將來限滿後再犯者必難倖邀寬典朕甚憫焉著各
省大吏趁此儆動之機振刷精神認真查辦務將興販吸食各犯

悉數破案照例懲創此時限內多獲一人即將來限外多獲一命
切勿因循懈息視為具文儻該地方官等姑息養奸除莠不盡日
後該犯等身罹重典乞貸無從是該大吏以民命為輕朕亦斷不
寬恕也○戊午以馮芝為內閣學士兼禮部侍郎銜由詹事○壬戌
諭軍機大臣等林則徐奏外國商船來粵貿易必在該國請領牌
照頒給禁約方准駛入內洋乃近來英吉利港脚地方夷人並未
領照經商往往偷渡越竄並因中國員弁遇有違禁來洋船隻不
過驅逐而止虛張聲勢以槍礮相恐嚇該大臣等奏請遇有此等
越竄船隻即令師船奮勇剿除及雇募善泅駕船載草備帶火器
立住上風漏夜乘流縱放之處著林則徐鄧廷楨體察情形相機
籌辦務使聞風懾服亦不至驟開邊釁方為妥善○是月賑雲南
滇穹鄧川二州縣地震災並本年額賦緩徵山東臨清等二十七
東華續錄 道光三十九 十六

州縣衛歉收新舊額賦山西吉州等九州縣倉穀
六月丙寅諭總督統轄兼圻責任重而體制嚴所有關防尤為緊
要鍾祥赴泉州府閱伍講習武備眾所觀瞻宜如何外示嚴明內
存敬慎况關防係隨時攜帶之物並非照料難周何至匪徒在其
住屋偷竊如入無人之境儻即時人賊並獲嚴行懲辦尙可從寬
乃日久無獲是該省吏治武備廢弛已可槩見鍾祥著即照部議
革職○以周天爵為閩浙總督牛鑑為河南巡撫裕謙為江蘇布
政使張晉熙為江蘇按察使由浙江鹽運使遷○戊辰諭國家經費有常
度支有節凡各省應納之賦及其餘稅課均於徵收後隨時入撥
報解不容絲毫短少所以重帑項而權出入茲據戶部查明積年
漸久延欠類仍綜計欠解銀數除鹽務懸引未完及帑利等款准
其分別展緩外其餘拖欠有二千九百四十餘萬兩之多若不亟

加整頓何以備度支而裕國用著各直省督撫將軍府尹鹽政監
督及該管司道等認真稽考將未完各款逐一清理應解者按限
提解應撥者趕令入撥如查有州縣彌縫掩飾等弊迅即嚴參示
懲斷不准通融隱飾將就目前經此次查辦之後儻仍延宕不完
一經發覺定將各該管大吏重懲不貸○庚午大學士軍機大臣
等議覆四川總督寶興籌議防邊章程五條一添兵額以資防禦
查馬邊等廳縣原設兵額四千一百一十三名實形單薄應如該
督所請於該省營務稍簡之處抽撥額兵二千名分駐馬邊雷波
越嵩我邊屏山各廳縣並添募練勇一千六百名妥為防堵一改
營制以資控馭查馬邊廳原設遊擊守備各一員越嵩雷波各廳
均原設參將都司守備各一員我邊廳原設參將一員守備二員
勢難兼顧應將綏定協副將改為馬邊協副將綏定協中軍都司
東華續錄 道光三十九 十七

罰無事則耕作營貿有警則閉柵登陣足資守禦一定巡查以壯
聲威每年春夏之交請飭建昌道前往越嵩我邊等處永甯道前
往馬邊雷波屏山等處均各巡查一次秋冬之交由建昌鎮提督
分赴巡行以重邊防一優獎勵以昭激勸見在馬邊越嵩兩廳同
知撫邊緊要應俟三年俸滿以升銜留任再滿三年准題調選三
項知府升用其我邊雷波兩廳通判三年邊俸期滿准其應題應
調同知直隸州知州升用從之○庚辰李恩繹以病免以陸費瓊
為廣西布政使金應麟為直隸按察使由鴻臚寺卿遷○丁亥太子少保
前任兩江總督陶澍卒晉太子太保入祀賢良祠予祭葬諡文毅
賜其子枕主事○戊子諭匿名文書告言人罪拾獲者將帖銷毀
不准具奏定例恭嚴近來人心叵測明知匿名者例不查辦因而
假託姓名臚列款蹟希冀拾獲之人不敢隱匿得遂其污噴陷害
東華續錄 道光三十九 十八

東華續錄

道光四十

臣王先謙敬編

臣周潤蕃恭校

秋七月乙未諭前據刑部奏審明孫三等並無放火情事與景綸等原奏不符當降旨將原審草率之郎中枚功等及率行具奏之景綸等交該衙門嚴加議處本日據各衙門查例覆奏朕詳加披閱吏兵二部所議甚不允協此案 景陵恭膳餉房先後失火事閱八年之久如將縱火要犯訪獲究辦一經審實應即擬斬景綸等即訪有形迹可疑之人宜如何細心研究務得確據乃輒挾其成見有意邀功率令承審司員任意熬審刑倡誘供該司員等復敢迎合上司有心鍛鍊若非刑部據實平反豈不釀成冤獄景綸有麟均著照宗人府所議革去公爵容照聯名具奏厥罪惟均東華續錄 道光四十

著一併革去子爵所遺之爵著該衙門照例辦理工部郎中候補理事官宗室枚功兵部郎中中國隆阿禮部員外郎華封內務府郎中博啓通額承審要案迎合見好幾致陷人重辟非尋常承審不實可比部議降調實屬輕縱枚功國隆阿華封博啓通額均著即行革職遵化州知州袁正林隨同覆訊亦有應得之咎惟先因案無憑據礙難懸揣究已備文申詳與枚功等尚屬有間著加恩改爲革職留任吏兵二部堂官於特旨嚴議之案並不將全案情節及誤入罪名詳細覆議率以尙未成招一語巧爲開脫實屬糊塗不曉事體著交各衙門照例議處○丁酉以左副都御史鄂爾端爲泰甯鎮總兵官○丙午命周天爵等查卹兩湖水災○辛亥以溥治爲左副都御史品候補三○乙卯諭喀什噶爾等四處歲貢改爲間二年一次○辛酉周天爵奏報任事謝恩得旨卿之果敢從

公朕所素知兩湖一切政務次第認真整頓可也○以奕毓爲內閣學士兼禮部侍郎銜由禮部右○王成趙盛奎以病免以王璋慶署刑部右侍郎由禮部右○是月給湖南華容縣水災口糧

八月庚午以經額布爲成都將軍托渾布爲山東巡撫調陸費瑛爲直隸布政使以王惟誠爲廣西布政使孫善寶爲雲南按察使由直隸○庚辰林則徐等奏洋船遷延不去希冀在澳門交易並欲偷賣新來鴉片更於毆斃民人之案不將兇手交出見在禁絕柴米食物撤其買辦工人 上諭令悉心商酌相度機勢籌畫盡善○癸未改陝西平利縣白土營左哨千總爲城守營千總○是月給陝西葭州等三州縣被災口糧並緩徵華州等七州廳縣額賦

九月乙未以下士雲爲湖南布政使文冲爲湖北按察使由直隸東華續錄 道光四十

○丁酉諭據林則徐等奏巡閱澳門抽查華夷戶口情形一摺澳門爲夷商聚集之所夷樓屯貯煙土久成弊藪乘此查辦之時必當於該處先清其源方爲盡善該大臣等既委該地方官查明戶口復由香山統領將備整隊出關宣布恩威申明禁令並查洋樓見無存貯煙土辦理甚屬妥協惟該處華夷叢雜保甲難施且由同知縣丞每歲編查恐有名無實易滋流弊至督撫兩司分年輪往抽查之處亦涉煩瑣其應如何立定章程以清弊竇而垂久遠著該大臣等另行妥議具奏○林則徐等奏英人以乞食爲名先放火礮經參將賴恩爵施放火礮擊翻洋船轟斃多名復經守備黃琮拋擲火藥焚毀船隻我兵奮勇大挫其鋒該領事義律跪西洋夷目懇求轉圜仍命相度機宜辦理○辛丑 上閱健銳營兵○丙午諭容照前因案革職並將所襲子爵斥革其所遺之爵

著該衙門照例辦理茲據該旗奏稱查明那彥成之子容安會因
貽誤軍機問擬死罪容恩亦因私改例文獲咎褫職該兩支名下
均不宜承襲應將襲爵敕書繳銷等語那彥成在嘉慶年間滑縣
軍營著有勞績仰蒙 皇考仁宗睿皇帝賞給子爵俾伊世襲乃
伊子容安等所獲之咎均屬難追本應照例停止以昭懲戒姑念
那彥成從前懋著軍功渥承 寵眷容照雖已獲咎尚無賊私劣
迹所遺子爵著該旗於年終將容照之子二人帶領引見候旨○
戊申調李振祐為倉場侍郎那爾蘇為吏部右侍郎轉吳其藩為
戶部左侍郎調王璋慶為戶部右侍郎以黃爵滋為禮部右侍郎
使通政○癸丑諭馬蘭鎮標左右兩營管理 東陵風水地方向
係分爲八段按年輪派千把總一員經制外委一員專責防守前
經容照奏准做照秦甯鎮章程按千把總額數分爲十五段各管
東華續錄 道光四十 三
各汛茲據琦琛奏稱自改爲分汛各營之後員弁兵丁各分畛域
諸多窒礙難行亦於巡防無益自係實在情形著照所請即將馬
蘭鎮左右營所管地方並各處要口仍改歸舊制按年輪派千把
總經制外委在彼駐守防護以專責成該總兵仍當嚴飭所屬各
官認真督率實力巡防如有懈玩立即懲辦以重防守而收實效
○乙卯林則徐等奏接查洋船出具切結並勒限將空薙驅逐回
國○戊午貝勒奕綺緣事奪爵○壬戌諭鄧廷楨奏查緝鴉片三
載於茲刁狡豪猾之徒本厚利豐一經確訪嚴拏已獲者刑儆及
身未獲者通逃亡命身家既失怨讟遂興始而風影訛傳繼且歌
謠遠播以查拏為希旨以掩捕為貪功以偵緝為詭謀以推鞠為
酷罰甚至誣以納賄目為營私譏廷議為急於理財嘗新例為輕
於改律種種狂悖無非為煙匪洩忿等語朕因鴉片煙流毒傳染

貽害生民特派林則徐會同鄧廷楨等嚴行懲辦以挽頹風乃該
匪徒等輒因查拏嚴切肆行詆毀深堪憤恨前於道光十六年閒
曾經降旨以為此等鬼域伎倆實與匿名揭帖無異飭令各直省
大吏遇有傳播歌謠密拏懲治乃申諭未久該匪徒等竟復覓法
作奸阻撓新令若不亟加懲辦何以儆狡猾而息刁風况林則徐
鄧廷楨怡良等皆朕親信大臣畀以重任見在查辦鴉片正在喫
緊之時斷不可因羣言淆惑稍形懈弛林則徐等務當協力同心
勉益加勉嚴飭所屬明查暗訪將編造歌謠之人拏獲到案訊明
起自何人有無投意主使從重定擬治罪毋稍疏縱○是月緩徵
奉天復州廣甯二州縣水旱災額賦
冬十月丙寅諭向例各直省地方官朔望宣講 聖諭廣訓俾鄉
曲愚民皆知嚮善且法美意允宜永遠遵行惟州縣地方遼闊宜
東華續錄 道光四十 四
講仍慮未周嗣後各學政到任即恭書刊刻頒行各學生童令人
人得以誦習並著翰林院敬謹推闡 聖諭內黜異端以崇正學
一條擬撰有韻之文進呈候朕欽定飭各學政一併恭書頒發鄉
塾俾民間童年誦習潛移默化以敦風俗而正人心○丁卯以四
川越嶲馬邊等廳距省遙遠命提鎮等各就所轄按期分駐巡防
○甲戌命考試蒙古筆帖式一體先較馬步射著為令○山西巡
撫申啓賢卒予祭葬如尙書例諡文恪賞其子承祖主事以楊國
楨為山西巡撫右侍郎○丁丑李宗傳以病免以孫善寶為湖北
布政使費開綬為雲南按察使通江鹽○癸未命嗣後滿洲京
堂缺出科道到班題請簡放者改由吏部引見著為令○甲申林
則徐等奏英國躉船駛出老萬山回國空船二十三隻均經驅逐
淨盡並遵式取具切結○壬辰頒 欽定訓異端以崇正學四言

韻文○是月賑安徽無為等十一州縣及屯坐各衛水災加賑湖北黃梅等三縣災民給湖北沔陽等九州縣山東蒙陰縣陝西府谷神木二縣湖南華容縣岳州衛水災旱災口糧蠲緩安徽無為等三十二州縣湖北沔陽等二十六州縣河南睢州等二十一州縣湖南澧州等九州縣衛水災新舊額賦緩徵直隸安州等二十九州縣山東濟甯等三十八州縣衛陝西葭州等五州縣甯古塔三姓旗民被災新舊額賦

十一月甲午諭前降旨將越南國二年一貢改為四年遣使朝貢一次以昭體恤茲據禮部奏稱該國王以四年例貢品數應否照舊遵辦咨部請示該部請照兩貢併進之數減半呈進並擬單呈覽越南國向例每屆四年兩貢併進今既改為四年一貢所進貢物自應減去一次其舊例兩貢併進之處著即停止用示朕綏懷

東華續錄

道光四十

五

藩服之意○庚子諭內務府大臣等向來欽安殿當差之首領太監等每年正月二月八月九月十月十二月均有辦道場之期每月又有拜斗之日朕思該太監等供役內庭原為灑掃殿宇差使嗣後該處首領太監在欽安殿辦道場及拜斗等事著永遠停止其八月初十日傳進光明殿法官道眾在欽安殿辦道場及十二日在順貞門外搭臺舉走香鑪之處亦著停止至圓明園佛樓慈雲普護舍衛城永日堂廣育宮關帝廟法慧寺河神廟亦俱有首領太監充當僧人上殿念經等事著一併裁撤該首領太監等均著留髮當差有年老不願留髮者聽其在原處當差終身而止亦不必上殿念經至佛樓念經之幼僧十三名道童十名原係由外廟撥來著全行撤出仍令歸廟由內務府妥為安置其每年傳進外廟僧官在佛樓念經等日亦著不必傳進所有欽安殿首領太

監等應用之道衣法器經卷著派敬徵率同總管太監劉進禮前往查明圓明園佛樓等處首領太監等應用經卷法器著派裕誠率同總管太監趙喜查明開單具奏嗣後每屆欽安殿 天穹寶殿斗壇及圓明園佛樓等處拜斗拈香日期著敬徵率同總管太監房先期請旨並著總管太監等傳諭各該處首領太監此後照常供獻上香敬謹灑掃著為令○林則徐等奏英人前次先放火礮旋經剿諭仍向結兵船潛圖報復此次吐嚙洋船復首先開放火礮又占據官涌地方接仗六次我兵連獲勝仗並將尖沙嘴洋船全數逐出外洋請將該國貿易停止所有該國船隻盡行驅逐不必取具甘結並出示曉諭各國列狀宣布各國照常恭順仍准通商儻包庇潛帶入口一經查出從重治罪從之○以廣東水師提督關天培奮勇直前身先士卒賞給法福靈阿巴圖魯名號交部

東華續錄

道光四十

六

優敘○癸卯移湖北崇陽汎把總駐江夏江夏汎外委駐崇陽○甲辰安徽巡撫色卜星額卒贈太子太保○以程林采為安徽巡撫邵甲名為安徽布政使調徐寶森為山東按察使以文麟為安徽按察使○甲寅諭朕弟惇恪親王於上年薨逝迄今十二月初四日已屆周年之期眷懷同氣良用愴然著御膳房豫備祭品一桌派惠親王縣愉屆期前往代朕奠醑○乙卯諭前降旨令八旗兵丁射箭俱穿用布衣布鞋並因引見八旗兩翼官兵仍穿絀段將該管大臣傳旨申飭自降旨以後各旗營引見六品以下旗員均能恪遵諭旨連日兵部帶領引見王公護衛各員亦無穿用絀段之人甚合朕崇實黜浮之意惟本日具勒縣營門上護軍校四人竟有三人仍穿絀段本應嚴懲示儆姑念縣營見值臥病在家著加恩暫行寬免嗣後六品以下旗員仍當慎遵前旨

穿用布衣布鞋如再有穿用絀段者除將本身斥革外必將該管大臣嚴行懲處○是月給江西德化等七縣山西應州等四州縣災民口糧蠲免江西南昌等二十三縣山西應州等八州縣直隸安州等五州縣被災新舊額賦緩徵江蘇高郵等六十州廳縣並淮安等七衛浙江烏程等四縣甘肅河州等十九州廳縣水旱霜雹災陝西綏德等四州縣積款額賦兩淮富安等十四場新舊寬課展緩齊齊哈爾等處逋賦

十二月癸亥朔署兩江總督陳鑾卒贈太子少保賜祭葬如總督例賞其子慶涵舉人○調鄧廷楨為兩江總督林則徐為兩廣總督○以裕謙為江蘇巡撫調邵甲名為江蘇布政使以管通羣為安徽布政使劉體重為江西按察使由河南彰○甲子九林則徐奏移高廉道暫駐澳門查辦夷務○庚午諭軍機大臣等據琦璣東華續錄

奏管庫司員隱匿公文侵吞帑項一摺已明降諭旨派文蔚馳驛前往會同查辦矣此案慶玉將總理工程處印文藏匿八月之外長領銀兩造入開除項下又私自收受蓮化州批解租銀並另片奏訪聞該員種種不法情事殊屬可惡管理籌備庫四品銜郎中慶玉著即革職擊問派琦琛親赴該員家內嚴密查鈔毋許走漏風聲致有藏匿寄頓所有扶同徇隱之郎中明吉員外郎色欽魁安著俟文蔚到時會同審訊該總兵自請察議之處俟定案時再降諭旨○乙亥調黃爵滋為刑部右侍郎以毛式郇為禮部右侍郎由左副都御史遷○丙子諭軍機大臣等據琦琛奏查出收留寄頓慶玉財物一摺此案已革郎中慶玉於未經查鈔之先將財物寄頓各處經該總兵出示曉諭即據翼長西林等呈出寄頓物件翼長西林內管領廣運文志章京富勒歡麗清收留慶玉寄頓自有應

得之咎但既經呈出尙知畏法著免其革職無庸查鈔仍解任交文蔚會同琦琛嚴訊確情毋許不實不盡其收留慶玉寄頓各家如果始終代為隱匿一經查出自當從嚴辦理該侍郎惟應確切根究按例懲治至慶玉之子副內管領魁明伊孫主事恒齡伊姪員外郎恒安著一併革職並生員孫縉及家人車夫等俱著歸案嚴訊○戊寅撥直隸盤山汛千總一黃崖關外委二駐青山嶺作為專汛○己卯調伊里布為兩江總督鄧廷楨為雲貴總督○壬午諭軍機大臣等本日據琦善奏籌議水田情形覽奏已悉北直水田之利自雍正年間辦理以後迄今百有餘年規制率多更變著琦善於來春校閱營伍之便察看經過地方實在情形分別覈辦並著布政使陸費瑔俟明歲春融親歷各該處周稽博採如有可作水田之地確切查明具奏候旨辦理此事原期經久盡善不

東華續錄 道光四十四年 八
在同時全行興辦要使得一頃即有一頃之益得一畝即有一畝之益行之以漸持之以恒於國計民生實有裨益○癸未命刑部尙書隆文在軍機大臣上行走○甲申諭軍機大臣等據御史杜彥士奏英吉利攜帶鴉片煙土在閩省海口銷售已非一日見當廣東查辦喫緊之時福建係接壤之區必當一律嚴辦聞漳泉各處有洋船往來寄泊水師員弁收受陋規營弁包庇販賣與奸民句串洋人接濟水米水師哨船代為交易運送鴉片各處銷售各等語鴉片見當嚴禁廣東不能容留必致轉趨福建若不一體嚴辦則來源未絕紋銀仍不能不出洋且由閩省侵灌各省在所不免見已降旨派祁雋藻黃爵滋馳往福建查辦並將鄧廷楨調任閩浙總督鄧廷楨著會同祁雋藻黃爵滋將以上各款查明懲辦毋許稍有徇隱○調鄧廷楨為閩浙總督桂良為雲貴總督○乙

西諭前因查辦慶玉一案究出送信根由係戶部主事全孚牽涉工部尚書陳官俊當降旨分別訊究朕於此案並不計其隱匿寄頓之多寡惟須究出送信之人從嚴懲辦本日據載銓等將陳官俊告知具奏而陳官俊則過涉枝梧以情理而論言者或出無心聽者早已有意即令陳官俊偶有不檢撫拾空言亦不至遽罹重譴何以親具供詞竟無一語著實朕綜理庶政一秉大公在廷大臣無不相待以禮今遇此等案件既有旨訊問自當據實供明朕亦斷不疑陳官俊與慶玉有私故為送信著陳官俊再行據實具供毋得稍形影響儻經此次訓諭之後仍復含混飾詞必將該尚書革職嚴訊勿謂朕薄待大臣也○丙戌諭軍機大臣等文蔚奏會審案件牽涉大員請旨審訊一摺已降諭旨將琦琛解任並將全案解京派載銓等嚴行訊究矣此案前據琦琛查鈔慶玉家產

東華續錄 道光四十 九

究出官員差役收留寄頓情弊降旨令文蔚會同琦琛確切根究見在琦琛業已解任著文蔚將已經查出物件檢明封固開單呈覽此外有無收留寄頓之處著文蔚嚴切查明據實具奏如有不實不盡日後別經發覺惟文蔚是問○命戶部侍郎文慶無庸在軍機大臣上行走○丁亥申諭東南兩河籌節經費○戊子諭查辦慶玉各款與陳官俊原不相涉惟陳官俊傳詢全孚時稽覈經手工程不應以臆揣之詞提出難免動家字樣以致全孚藉端送信指虛為實已屬失於檢點至降旨飭令明白回奏並解任取供兩次所陳俱含混隱飾及至嚴旨切責始行供明殊失大臣之體陳官俊著照部議革職全孚係陳官俊隨帶辦工之員輒因詢問工程遂將陳官俊疑似之詞為成誼家屬通信先事豫防實屬有心漏洩全孚亦著照議發往軍臺效力贖罪以示懲儆○以廖鴻

荃為工部尚書祁雋藻為左都御史沈岐為吏部右侍郎轉毛式郁為禮部左侍郎以馮芝為禮部右侍郎由內閣學士遷○是月緩徵江蘇橫浦場山東海豐霑化二縣暨鹽場鹽地額賦○是歲朝鮮琉球入貢○會計天下民穀數除湖南福建二省暨臺灣府屬淡防等七廳縣未經咨報外各省通共大小男婦四萬一千八十五萬六百三十九名口各省通共存倉米穀三千一百六十一萬五千四百石一斗一升五合

東華續錄

道光四十

十

王先謙敬編

周潤蕃恭校

道光二十年庚子春正月壬辰朔加王鼎太子太保○丁酉上

奉 皇太后臨視 皇后疾○戊戌以阿勒清阿為熱河都統調

德誠為刑部右侍郎以惟勤為盛京刑部侍郎由左副都○己亥

諭昨因理藩院禁止哲布尊丹巴呼圖克圖設用旗徽並未奏明

嗣經該呼圖克圖呈出乾隆年間案據該堂官等又未具奏當降

旨將該衙門堂司各官交部嚴議茲據該部奏擬革職實屬咎所

應得交紀著革去御前大臣戶部尚書總管內務府大臣並革去

紫纒毋庸管理藩院事務姑從寬加恩仍留都統賽尚阿著革去

都統從寬降為二品頂帶奕紀賽尚阿吉倫泰文德和均帶革職

東華續錄 道光四十一

留任處分八年無過方准開復郎中惠麟著照部議革職○調隆

文為戶部尚書以鐵麟署刑部尚書由左都御史兼○壬寅丑刻 皇

后崩 上親臨視辰刻奉 皇太后臨奠○諭 皇后正位中宮

先後事朕多年恭儉柔嘉壹儀足式竊冀侍奉 慈幃藉資內佐

遽爾長逝痛何可言著派惠親王蘇愉總管內務府大臣裕誠禮

部尚書奎照工部尚書廖鴻荃總理喪儀○癸卯 上詣澹懷堂

大行皇后梓宮前奠酒至巳酉皆如之○丙午諭前據已革郎

中慶玉於被參後供出琦琛收受銀米馬匹當將琦琛解任交王

大臣等歸案質訊茲據載銓等呈遞琦琛親供已據供認不諱解

任馬蘭鎮總兵兼總管內務府大臣琦琛以二品大員收受屬員

餽送本應治以應得之罪惟慶玉係積年巨蠹經該總兵列款參

奏見經訊明各款均已得實琦琛著革職從寬免其治罪○戊申

上奉 皇太后詣澹懷堂 大行皇后梓宮前臨奠○諭 皇

后鈕祜祿氏德秉安貞禮彰雖蕭瑋瑋協度夙嫺九御之儀禕翟

流徽早攝六宮之事溯 萱殿祝釐之日 玉旨恭承迨椒庭作

配之年璇儀益茂順昭四德借侍膳以承 歡勤贊萬幾佐求衣

而警且遠紹練裳之儉爾館垂型廣推樛木之仁蘭軒毓秀綜地

道而成妻道厚德應乎坤元自宮中以達府中芳譽傳其異順茲

於道光二十年正月十一日崩逝賸徽音之不著咸仰遺規宜燉

諡之崇加式昭懋典念自入宮伊始即華錫以嘉名迄乎正位以

來洵克符乎實行奉 慈幃而成順孝秉淑德而著醇全惟孝全

二字之微稱駭 皇后一生之懿範應即諡為 孝全皇后所有

應行典禮該部照例奏聞○諭向來察木多帕克巴拉呼圖克圖

每逾三年遣使進貢一次惟念察木多地方距京程途較遠嗣後

東華續錄 道光四十一

著加恩改為開五年一次即自道光十九年為始至二十五年再

行遣使進貢以後照此遞推用示體恤○四川提督齊慎奏督辦

馬邊廳等處邊防將新舊兵勇嚴定賞罰章程逐日訓練數月以

來咸知奮勉一洗從前惰怯積弊得旨果如是無怪乎從前愈辦

愈壞也○已酉林則徐奏英吉利國王遺義士登頓來粵係因義

律所為不合換人經理請一併堅拒勿與通商從之○林則徐奏

遵旨籌議御史駱秉章奏請整飭洋務章程一新例嚴禁煙土如

查有夾帶分毫即將該外國商人及保辦之洋商一併斥革治罪

並訪查洋商如尚有朋充負欠者輕則革退重則治罪一查外國

語有孛菴名目即華言所謂買賣人也漢奸即在其內以致暗地

句通見飭洋商令通事買辦等逐層擔保如有營私舞弊者惟保

人是問一見在停止英國貿易所有英人不准一名住省其各國

貿易良夷亦勒令遵例依期回國酌留一二人住冬仍防閑出入不准與內地人民交接一前因三板船向無定額於十八年十一月設立順字三板七隻見議將此項三板一併裁撤給米利堅等國護照二張凡外國人進省及寄信往來均令另雇民艇赴各礮臺隘口驗明方准內駛一外國人帶來洋銀務令以銀準貨不使餘贖帶回下軍機大臣議從之○庚戌 上詣澹懷堂 孝全皇后梓宮前行殷奠禮○壬子 上詣澹懷堂 孝全皇后梓宮前行初祭禮○癸丑巳刻 上詣澹懷堂 孝全皇后梓宮前行啓奠禮申刻奉 皇太后臨奠○甲寅 上詣澹懷堂 孝全皇后梓宮前奠酒釋服○移 孝全皇后梓宮於觀德殿○原任廣東巡撫朱桂楨卒賜其子鎮舉人○丁巳諭三載考績激揚是重滿漢諸臣有能公勤任事實力實心者必當甄敘年老而精力並不東華續錄 道光四十一 三

衰頹者仍應留任茲當京察之歲該部將京外諸臣開單題奏朕一一詳覈大學士穆彰阿潘世恩王鼎矢慎矢公費襄攸賴刑部尚書祁項執法精詳奉公敬慎大學士直隸總督琦善坐鎮畿疆克副委任協辦大學士兩江總督伊里布久任雲南邊防靜謐江南河道總督麟慶河東河道總督栗毓美慎厥修防安瀾奏績俱著加恩交部議敘餘著照舊供職○戊午命 皇四子詣觀德殿 孝全皇后梓宮前行大祭禮○庚申諭此案已革都統奕紀以一品大員管理理藩院事務撫綏外藩係其專責乃於沙布朗代送銀物並不正言拒絕輒取回收存至八日之久方始退還厥咎較重奕紀著發往黑龍江充當苦差以示懲儆已革理藩院郎中惠麟係承辦司員輒於書吏詐贓知情徇隱並聽許收受外藩銀兩情節亦重著發往烏魯木齊效力贖罪理藩院堂官雖訊無收

受餽送情事惟各有失察之咎並於京察時將惠麟保列一等著交部查取職名嚴加議處尋議上尚書賽尚阿侍郎吉倫泰文德和均請革職得旨均著加恩降為三品頂帶仍帶革職留任八年無過方准開復○辛酉諭皇子百日後常服掛朝珠王公大臣二十七日後常服○是月展賑安徽泗州等七州縣衛災民給江蘇邳州等五州縣衛安徽泗州等十六州縣衛災款口糧貸江西德化等十縣山西忻州等十州縣陝西葭州等五州縣湖南華容武陵二縣甘肅秦州等六州縣倉穀口糧籽種緩徵山東濟甯等二十州縣衛災民額賦展緩直隸滄州等二十九州縣江蘇高郵等三十一州縣逋賦

二月壬戌朔日有食之○癸亥以阿勒清阿為刑部尚書由熱河都統遷○丁卯戶部尚書何凌漢卒贈太子太保予祭葬諡文安○調卓東華續錄 道光四十一 四

秉恬為戶部尚書以祁雋藻為兵部尚書沈岐為左都御史調潘錫恩為吏部右侍郎由兵部調○戊辰諭此案已革郎中慶玉承修工程並不遵照原估開設運料門口輒用地車載運重石致 神路輒有轍迹碰損門框其房地建造亦多違式僭越又將回乾樹株掉換木植應行存貯公所印文稿件攜回家內任意積壓其歷次承辦鍍金活計雖未貽誤要工惟將領到官金陸續積存至二百兩之多種種把持盤踞貪贖營私情節甚為可惡慶玉著發往伊犁充當苦差年逾七十不准收贖已革內管領魁明身任職官違例吸食鴉片著發往烏魯木齊充當苦差○己巳以魏元煊為兵部右侍郎由大理寺卿遷○壬申 上詣觀德殿 孝全皇后梓宮前行周月祭禮○甲戌以故克勤恪郡王承碩子慶惠襲爵○丙子慶祿以病免以李象鵬為貴州布政使文倫為貴州按察使由山東使

遷○丁丑諭翰林院侍讀侍講詹事府洗馬中允贊善等官京察列為一等者向例並無加級與別項一等人員殊不畫一自此次為始京察一等之翰林院詹事府等官均著准其一等加一級著為令○以祈禱靈應封浙江慈谿縣古靈山神漢驃騎將軍張意暨其子齊芳為廣顯侯○壬午諭前後藏堪布入都進貢每年於新正呈遞丹書克豫於上年臘月抵都此次據理藩院奏稱前藏堪布羅桑敬邁等於正月十五日到京已令於三月初一日呈遞丹書克矣因念該處距京萬里之遙自因山川阻隔雨雪載塗以致行程不能豫定若仍令其每年輪班入貢恐屆時急於趨程跋涉開關更增勞勩殊非優體喇嘛之意所有前藏堪布業已來京其後藏著於道光二十二年入貢輪至二十五年前藏再行入貢此後每開二年入貢一次以次遞推用示恩施格外體恤優加至東華續錄 道光四十一 五

意○癸未以德興為馬蘭鎮總兵官調德春為倉場侍郎以端華為兵部右侍郎由內閣學士遷○甲申諭嗣後傳習天主教人犯於赴官首明出教及被獲到官情願出教俱著遵照嘉慶年間諭旨將該犯等家內起出素所供奉之十字木架令其跨越果係欣然試踏方准免罪釋放如免罪之後復犯習教除犯該死罪外餘俱於應得本罪上加一等治罪已至遺罪無可復加者即在犯事地方用重枷枷號三箇月滿日再行發遣該部即纂入則例永遠遵行○以德厚祝慶蕃俱為左副都御史德厚由詹事祝慶蕃由太常寺卿遷○河東河道總督栗毓美卒贈太子太保予祭葬諡恭勤賞其子耀進士○以文冲為河東河道總督林紱為湖北按察使由山東運道遷○乙酉諭楊國楨奏查擊鴉片情形一摺據奏在官人役及官親幕友長隨人等託足公門勢必互相容隱巧為彌縫請變通新例准軍民人

等告發等語上年新定章程止准官弁訪擊不許旁人訐告原以杜挾嫌誣控之弊凡在官人役及官親幕友長隨人等自應責成本管官隨時查察遇有犯案嚴究有無徇隱縱庇情弊分別參辦若准軍民告發不但仍啓挾嫌誣控諸弊且恐在官人役句串徇隱或至化有為無以實作虛犯法者仍致漏網首告者轉罹反坐種種弊端在所不免該撫惟當督率所屬破除積習法行自近有犯必懲務令衙署肅清以冀愚民觀感所請軍民告發之處格礙難行著毋庸議○己丑 上詣觀德殿 孝全皇后梓宮前奠酒○是月給安徽桐城縣貧民口糧貸山西河保等營兵丁穀石三月丙申吳文鎔奏福建大陸梅林等洋面於上年十月間有外國船隻停泊經提督帶領水師驅逐用礮火攻擊該船抵拒致傷兵丁見已轟擊逃散命鄧廷楨等飭屬防禦相機擊逐嚴查奸民東華續錄 道光四十一 六

句結銷運之弊○丁酉諭軍機大臣等見在英吉利國貿易業經降旨停止所有粵海關每年例進貢物三次呢羽鐘表等件如有不能齊全之處著該監督即行據實具奏不必多方購求尋豫整奏呢羽等物出自佛蘭西等國者亦堪服用該國僉謂可以多製貨物來粵貿易英吉利貨物無可居奇得旨見在雖能照舊承辦設或日久有變動之處仍應遵奉本年諭旨不必設法購求以副朕務事殷實之意此批摺著入於交代並著督署存記○林則徐等奏英人船隻被逐逗留督飭武弁裝駕火船由長沙灣前進將近洋船寄棧處驟用火攻燬船二十餘隻並擊獲漢奸嚴訊定擬具奏○林則徐奏澳門寄居西洋人歷三百年之久自嘉慶十三年間英人突占澳門礮臺旋被官兵驅逐西洋人始有戒心見因西洋夷人稟稱澳內華夷雜處若兵役圍擊恐致擾動特限以日

期驅逐淨盡若過期尚未妥辦即暫停西洋貿易以示操縱之意
 得旨從長計議務出萬全又奏謝賞福壽字慶鹿恩批願卿福壽
 日增永為國家宣力也又奏廣東水師提督關天培於洋務極力
 講求見在籌議勦捕之際請緩陞見批必當先其所急可奏請時
 再行奏來○己亥以王藻為湖南布政使王允中為湖南按察使
 由直隸天 ○庚子以恩華為內閣學士兼禮部侍郎銜由乾清門
侍衛遷
 ○辛丑 上詣觀德殿 孝全皇后梓宮前行二周月祭禮○己
 酉諭鄧廷楨暫駐泉州辦理海防○以賈楨為內閣學士兼禮部
 侍郎銜由少詹
事遷 ○辛亥湖北提督羅思舉卒贈太子太保賞銀三
 百兩治喪予祭葬諡壯勇○是月貸山西吉州等九州廳縣倉穀
 緩徵山西代州等四十四州廳縣逋穀陝西神木府谷二縣旱災
 額賦

東華續錄

道光四十

七

夏四月壬戌冊諡 孝全皇后禮成頒詔天下○丙寅起陳官俊
 為通政使○丁卯以成世琦為江甯布政使張祥河為河南按察
 使服閱按 ○戊辰以續齡為左副都御史由大理
寺卿遷 ○辛未命 皇
 四子詣觀德殿 孝全皇后梓宮前行三周月祭禮○乙亥鄧廷
 楨奏洋船駛至閩洋梅林澳寄泊署水師提督程恩高陸路提督
 余步雲率將領弁兵兩路夾攻窮追遠遁予程恩高余步雲議敘
 ○己卯 上詣觀德殿 孝全皇后梓宮前行百日祭禮○壬午
 吳榮光年老休致以瑞元為福建布政使陳嘉樹為山西按察使
 由廣東鹽運使遷 ○乙酉賜李承霖等一百八十人進士及第出身有差
 ○熊常緯以病免以梁寶常為廣東布政使李星沅為陝西按察
 使由河南糧
鹽道遷 ○改廣東澄海協副將為大鵬協副將駐大鵬九龍
 山澄海協都司為大鵬協中軍都司兼管左營駐大鵬所城大鵬

營參將為澄海營參將駐澄海協大鵬左營守備為澄海中軍左
 營守備駐縣城澄海左營守備為左營左軍分防守備仍駐蓬州
 均作為外海水師題補缺添設大鵬左營把總外委額外委各
 二左營千總把總各一外委額外委各二撥把總二分防右營
 官涌及九龍山礮臺移九龍山礮臺千總並新設額外委各一
 防左營尖沙嘴礮臺外委一防紅鐘汛○戊子 上詣 廣潤祠
 祈雨○是月貸直隸紫荊關及所屬浮圖峪等三營弁兵倉穀緩
 徵山東汶上魚臺二縣水災新舊額賦

五月戊戌雨○己亥諭各省藩臬運司道府出缺不得以隔品及
 試用人員濫行署理○癸卯楊振麟以病免以陶廷杰為陝西布
 政使岳鎮南為甘肅按察使由浙江鹽
運使遷 ○丁未以朱士達為四川
 按察使由雲南道
遷 ○丙辰賞還賽尙同一品頂帶吉倫泰文德和
 東華續錄 道光四十 八

二品頂帶○是月緩徵山東德州等二十四州縣衛江蘇邳州等
 七州縣災民新舊額賦
 六月辛酉鄧廷楨等奏洋船來至閩洋圖銷鴉片奸民勾通販運
 隨地蔓延督飭員弁分路攻擊洋人受傷落水無算生擒二人並
 邀截漢奸船隻人煙並獲○丁卯以色克精額為綏遠城將軍轉
 關聖保為禮部左侍郎調薩迎阿為禮部右侍郎惟勤為盛京戶
 部侍郎柏葰為盛京刑部侍郎以德厚為盛京工部侍郎由左副
都御史
 ○戊辰以季芝昌為內閣學士兼禮部侍郎銜由詹
事遷 ○己巳已
 革協辦大學士英和卒賞三品卿銜○辛未添設雲南邱北縣知
 縣裁恩樂縣知縣移師宗縣訓導為邱北縣訓導恩樂縣典史為
 邱北縣典史改鎮沅直隸州知州為鎮沅直隸廳同知駐恩樂縣
 改邱北縣丞為鎮沅廳分防經歷鎮沅學正為教授吏目為司獄

一第 276 冊 續修四庫全書第 8 版 壬午

恩樂縣教諭為鎮沅復設訓導移臨安府捕盜同知駐阿迷州雙水塘改開化鎮屬石榴紅汛為營阿迷州屬雙水塘為汛移開化鎮右營都司千總把總各一外委二額外委一駐石榴紅營臨元鎮千總一駐雙水汛添設廣西州屬臚草電汛移廣西州營把總外委各一駐守移臨元鎮右營都司把總外委各一及蒙自縣屬箴巖汛外委一駐蒙自縣城仍撥箴巖營守備歸臨元鎮右營留外委一駐箴巖汛改蒙自縣屬二塘為汛移縣城把總一駐守改阿迷州屬大小石牙隸文山縣歸開化鎮轄○丁丑林則徐等奏查英吉利近日來船兵械較多仍載鴉片在彼總欲愚弄漢奸阻撓禁令臣等前次燒船二十三隻後仍嚴飭水陸文武嚴擊懲創以洋船最畏焚燒函商水師提臣關天培等分帶兵勇暗伏島澳於五月初九日夜將火船移近洋船聚泊處所先後燒毀載煙東華續錄 道光四十一 九

洋船一隻大小辦艇十一隻近岸蓬寮九座其衝突竄逃各船彼此撞碰叫喊不絕燒斃溺斃及被煙毒迷斃者不計其數我兵並無被害○庚辰諭烏爾恭額奏洋船駛入浙江定海縣登岸滋事情形一摺前因查禁鴉片煙廣東省已斷絕貿易疊經降旨令沿海各督撫嚴加防範何竟毫無准備形同木偶致令登岸滋事烏爾恭額祝廷彪均著先行交部嚴加議處○命福建提督余步雲馳赴浙江會辦洋務○甲申諭烏爾恭額等由驛馳奏定海縣失守見籌堵禦一摺官兵遇寇自應出奇制勝謀定後動迺該總兵張朝發復諫撤守以致喪師失城情罪重大遊擊羅建功等於敗後旋即回鎮亦復罪有應得定海鎮總兵張朝發署中營遊擊羅建功護左營遊擊錢炳煥護右營遊擊王萬年署中營守備龔配道均著革職拏問交部分別定罪烏爾恭額祝廷彪籌備不力前

東華續錄 道光四一

降旨交部嚴議茲據該部奏請革職尙不足以蔽辜惟見當防堵之時若予罷斥治罪轉得置身事外烏爾恭額祝廷彪著先行革職暫留本任戴罪圖功以觀後效署定海縣知縣姚懷祥典史全福不屈投水被害身死實屬可憫著該部加等議卹○命鄧廷楨選派閩省大員帶領舟師赴浙會剿○戊子添設盛京總旗族長二○以瑚松額為熱河都統訥爾經額為陝甘總督由熱河都統遷

東華續錄 道光四十一

十

五九七

東華續錄

道光四十二

臣王先謙敬編

臣周澗蕃恭校

秋七月庚寅以隆勛為左副都御史由通政○癸巳乍浦副都統長喜奏洋船一隻直偪乍浦海口諭奇明保派兵策應防堵○甲午諭前據御史焦友麟條奏部員壅滯亟宜整飭疏通一招當交軍機大臣會同吏部議奏茲據穆彰阿等詳議具奏嗣後外任改補京職人員如奉旨指明衙門員缺補用者著令其先赴該衙門行走准其遇有選缺出時先儘補用毋庸兼補題缺○鄧廷楨奏英國兵船駛進廈港稱欲求和經該文武阻斥不許上岸該船換旗開砲直撲砲臺船頭一人甘語嫚詞守備陳光福放箭射斃兵丁連放鳥槍擊中二人落海護參將陳勝元執矛刺中一人身

東華續錄

道光四十二

二

死哨船及岸上弁兵槍砲聯絡中傷甚多予在事出力人員獎敘有差○丙申諭烏爾恭額以封疆大吏事前既無準備臨事不合機宜且該撫奏報後朕心方深慮注乃相距已及半月摺件仍照常由驛馳遞實屬督率無能糊塗不曉事體著即革職仍令隨營效力贖罪浙江巡撫著劉韻珂補授劉韻珂接奉此旨即著馳驛迅赴新任無庸來京請訓其未到任以前著鄧廷楨兼署○賞已革閩浙總督鍾祥三品頂帶為四川布政使○丁酉諭軍機大臣等昨經降旨飭令鄧廷楨余步雲先後馳赴浙江勦辦本日據鄧廷楨奏定海被圍情形並福建廈門尚須嚴密防堵前月定海失守該督此時諒已得信接奉諭旨自必兼程前往惟閩省海口歧出處處均關緊要余步雲接奉前旨諒已帶兵赴浙陳階平又復賞假醫治若鄧廷楨再離閩省恐不足以資彈壓本日已降旨頒

發欽差大臣關防令伊里布赴浙勦辦浙江巡撫派宋其沅護理鄧廷楨著無庸前往如已起身仍即折回督率將弁認真防堵○命伊里布為欽差大臣赴浙江查辦事件以裕謙署兩江總督○己亥奇明保奏乍浦海口洋船被擊後退竄外洋見已哨探無蹤○庚子諭軍機大臣等此次英吉利沿海內犯攻陷定海致寇根由傳聞各異有云絕其貿易有云燒其鴉片究竟起釁實情未能確切著伊里布於到浙後密行查訪得其實據該大臣由協辦大學士雲貴總督調任兩江今復授以欽差大臣關防專辦浙江軍務受恩深重且於從前辦理並未涉手無所用其回護著悉心訪察務得確情據實具奏○鄧廷楨奏定海失守後探聞洋人於城內張榜招商銷售鴉片兵船二十餘隻聚泊港口內地師船恐難驟近必須改造堅實大船多配兵丁礮火開道而進一擁登山命

東華續錄

二

伊里布到浙後相機妥辦○甲辰諭軍機大臣等本日據琦善由驛馳奏英吉利遞字訴屈見仍飭令在擱江沙停泊聽候奏奉諭旨遵行等語辦理甚為妥協所有呈遞該督字據覽奏均悉惟既據稱尚有別項公文應須呈遞著琦善委員查問接收一併進呈仍飭不得妄越進口俟奏奉諭旨再行遵辦○丙午以江南貢院積水命鄉試展限一月武闈鄉試展至來年三月舉行○庚戌林則徐等奏續獲販煙人犯得旨外而斷絕通商並未斷絕內而查擊犯法亦不能淨無非空言搪塞不但終無實濟反生出許多波瀾思之曷勝憤懣看汝以何詞對朕也○癸丑烏爾恭額奏探明定海城內外到處防閑較前更密大頭目名伯麥次義律布耳利兩人近聞有一頭目已死尚未探有確名其兵船遊奕南至石浦北至乍浦分頭潛探未敢近岸即駛至鎮海洋面旋停旋去亦不

敢近偏口岸見在浙江省各海口俱已列兵防堵○乙卯琦善奏連日查探洋船全行起碇自係前往山海關奉天等處節次派員前往履與面晤據稱自廣東封港後所帶貨物資本賠累難支是以各處尋覓馬頭錠而走險窺其詞色似有愧悔之心見既由臣接其字據即由臣傳旨曉諭或冀取信臣惟待其回至天津隨機應變詳細開導令其返棹南旋○是月賑湖北沔陽等三州縣水災緩徵甘肅洮州等五廳縣地震災霜災通賦

八月甲子以邵甲名署江蘇巡撫使署○庚午副都統裕瑞奏瞭見洋船一隻相距老龍頭海口五里桅桿高大煙氣上衝係洋人探信所用並非兵船見在南駛仍帶兵加意巡防○丙子邵廷楨奏英吉利船二隻至福建廈門七月二十五日懸挂紅旗駛進青嶼直趨水操臺提督陳階平督令水師員弁開礮轟擊登中船東華續錄 道光四十二 三

尾並擊碎杉板一隻次日該船又駛向水操臺開礮副將靈德等放礮打中其船兩次旋即退出復放下杉板船隻尾追商船該遊擊謝國標追及偏進嶼仔尾山後小港開礮擊中洋人五名跌倒在船旋即起旋遠去無蹤○丁丑以縣性為內閣學士兼禮部侍郎銜○已卯琦善奏英人船隻全行起旋南旋並稟稱沿海各處如不開槍礮亦不敢生事端定海之兵亦可先撤一半上命琦善為欽差大臣赴廣東查辦並諭伊里布宋其沅裕謙邵甲名托渾布邵廷楨林則徐等一體遵照防守要隘洋船經過或停泊外洋不必開放槍礮○調訥爾經額署直隸總督以瑚松額署陝甘總督○以玉明為內閣學士兼禮部侍郎銜○辛巳署兩江總督裕謙奏英人呈遞書字語句狂悖本不敢據以上聞因前次

奉有諭旨不敢不代為具奏得旨所見大差遠不如琦善之遵旨曉事原字原書一併封奏使朕得辨別真偽相機辦理若似汝之顧小節而昧大體必致債事殷鑒具在不料汝竟效前明誤國庸倭之所為視朕為何如主耶試思我朝之所以興開國時一切情偽無不上達之故前明之所以亡事無巨細率皆壅蔽故國事日非措置失宜可不懷之又懷在汝亦不值朕發此議論遇事觸懷信筆而作○是月給江蘇上元等十四縣水災口糧並修屋費

九月庚寅諭前因鴉片煙流毒海內特派林則徐馳往廣東海口會同邵廷楨查辦原期肅清內地斷絕來源隨時妥為辦理乃自查辦以來內而奸民犯法不能淨盡外而興販來源並未斷絕本年福建浙江江蘇山東直隸盛京等省紛紛徵調糜餉勞師此皆林則徐等辦理不善之所致林則徐邵廷楨著交部分別嚴加議處林則徐即行來京聽候部議兩廣總督著琦善署理琦善未到任以前著怡良暫行護理○辛卯托渾布奏洋船八隻已先撥船三隻由大洋南回見來船五隻亦由該省洋面開帆南駛情形極為恭順命托渾布體察情形將前調防守各官兵酌量撤退歸伍以節糜費○召邵廷楨來京以顏伯燾為閩浙總督張澧中為雲南巡撫喬用遷為山西布政使王庭蘭為廣東按察使

○甲午以常恒昌為浙江布政使徐廣縉為福建按察使○乙未革林則徐邵廷楨職命赴廣東備查問差委○已亥諭軍機大臣等本日據伊里布馳奏剿辦防堵情形及探明進兵路徑覽奏均悉前派琦善馳赴廣東查辦會飛示伊里布等一體遵照此次伊里布督率兵勇將其船隻擊沈礮位搶獲並生擒多名自係在未經接奉廷寄之前見在該大臣業經接奉廷寄自必

相機妥辦該目所投回文於交地退兵之事並未覆及該大臣惟當剴切曉諭告以爾等之來原為訴冤乞恩起見前在定海係因言語不通以致互相攻擊傷我文武各員此次我兵擒獲多人仍仰體大皇帝中外一家之意優加參養未行傷害爾等果能迅速退兵交還定海定將歷次所獲男婦剋日釋回天朝誠信待人斷無欺誑之理該大臣如此曉諭一面密派明幹之人分頭偵探如果確係退兵交地始可將擒獲之人全數交還至此在事各員弁兵勇著該大臣暫為存記聽候諭旨○逮烏爾恭額下部治罪○壬寅以奕山為正白旗領侍衛內大臣在御前大臣上學習行走○乙巳以王炳瀛為內閣學士兼禮部侍郎銜由甘肅鎮○戊申皇七子奕譞生○乙卯以蘇彰阿為湖南按察使由甘肅鎮○是月給江蘇泰興縣水災口糧

東華續錄

道光四十二

五

冬十月辛酉賜趙雲鵬等七十一人武進士及第出身有差○亥諭前據督通翠明白回奏稱伊父卸任時會將記欠陋規兼養廉湊足銀八千兩發商收領等語當降旨交訥爾經額等查明具奏茲據奏稱提訊綱總朱敦復等並檢查運庫案卷交領銀數均屬相符惟發銀諭帖及該商領狀但稱留補變抵不敷之用並未指明此項銀兩係記欠陋規並養廉湊發該藩司原奏係以收存陋規留為分賠之用殊屬牽混管通翠著交部嚴加議處尋革職○己巳以徐寶森為安徽布政使王篤為山東按察使由甘肅鎮○辛未諭軍機大臣等本日據伊里布馳奏專弁前往定海一摺覽奏已悉此次差弁前往定海與該目面見是否定在海城中抑在船上原奏未經聲敘其定海居民見在是何景象該弁等既經前往自必目擊情形著伊里布於接奉此旨後詳訊該弁據實奏聞至

所呈各物該大臣奏稱恐生疑貳收貯充賞等語甚屬非是著嚴行申飭天朝大臣斷無收受外夷餽獻之理見在收貯各項如未經充賞著即全數發還仍善言曉諭告以天朝定制嚴禁苞苴並無厭憎拒絕之意至所稱繕發告示諭禁等語發至何處張貼著明白具奏○己卯諭朕因鴉片煙流毒中外傳染日深屢降旨飭令地方官嚴行查辦上年頒發新定章程嚴立科條寬予期限務使吾民漸除惡習永絕根株惟自定例以來各省大吏奏報擊獲煙犯所在多有薄海內外必已父戒其子兄勉其弟咸知畏法自新誠恐愚民狃於積習尙存觀望冀倖之私即日限期屆滿或以無知觸法朕甚憫焉著通諭各省將軍督撫等督飭所屬認真查拏至京師為首善之區所有部旗文武大小各衙門尤當合力同心嚴查究辦若心存推諉試問盡職乎抑溺職乎斷不可因罪

東華續錄

道光四十二

六

名較重稍存姑息之心仍蹈養奸之習如果實力奉行不留餘孽即從前查辦不嚴原可寬其既往儻因規避處分仍前玩泄以致錮習不除朕必不能輕恕是在內外滿漢諸臣訓諭督催不遺餘力轉瞬限滿無一藐法干罪之人用副朕除惡務盡之意勉之望之○壬午以 孝全皇后梓宮奉安龍泉峪陵寢 上詣觀德殿行祖奠禮○癸未 孝全皇后梓宮啓行命 皇子奠酒行禮○是月賑直隸滄州等三州縣災民給安徽東流含山二縣軍民口糧貸奉天白旗堡小黑山水災口糧蠲緩直隸滄州等三十三州縣湖北沔陽等八州縣衛水災新舊正雜額賦緩徵山東德州等五十九州縣衛及東平所永阜場河南睢州等十七州縣江西南昌等二十縣安徽壽州等四十九州縣衛水旱災歉新舊正雜賦課盛京十里岡五屯被水站丁倉糧

十一月己丑 孝全皇后梓宮至龍泉峪奉安於 饗殿○庚寅

上啓鑿謁 西陵○免經過地方額賦十分之五○甲午 上

謁 泰陵 泰東陵 昌陵並詣 孝穆皇后 孝慎皇后陵寢

奠酒 孝全皇后梓宮前行遷奠禮○乙未 孝全皇后梓宮奉

安地宮 上親臨視命 皇子行禮○臨奠端順固倫公主園寢

○丙申以阿靈阿為工部右侍郎由內務府總管遷○丁酉 上回鑾○

戊戌諭軍機大臣等本日據怡良奏撤防師船歸營猝被轟擊奪

去米艇兵丁一摺覽奏之下不勝駭異該夷在天津業經約定前

赴粵省靜候查辦並有沿海各處如不開礮渠亦斷不滋擾等語

且據怡良奏稱天津情形火輪船已為傳說不得諉為不知何以

遽行開礮天朝從不失信既已相約戢兵且專派欽差大臣前往

查辦代為昭雪何以於撤防兵船猝加轟擊是誠何心著琦善一

東華續錄 道光四十二 七

面詳加詰問要回擄去船隻一面嚴飭文武員弁密加防範毋許

駛入內洋是為至要○己亥 上還京師○辛丑諭余步雲奏請

留浙江隨同防堵一摺所請甚是見在該提督雖無承辦要件而

海口仍須防堵著俟定海收復後與欽差大臣伊里布一同奏明

再回本任○伊里布奏英人起旋赴粵尚有留住定海之人惟恐

兵船全撤伊等無可挾持是以仍將一半留住定海命伊里布隨

時密探○湖廣總督周天爵奏違例用刑自請先行革任得旨著

俟吳其濬等審明定案後再降諭旨又批嫉惡過嚴原當若是例

外非刑有是理乎自古嚴明之吏未聞劫造非刑即使情真罪當

已為過舉若有不自於其閒於心忍乎於法平乎所謂猛以濟寬

除惡務盡並非逞一時之忿專尚酷毒也○壬寅調岳鎮南為直

隸按察使以程德潤為甘肅按察使原明按察使○撤陝安漢中二鎮

派赴巴爾楚克換防兵丁二百名以巴爾楚克屯民募補並裁把

總一經制外委四○乙巳劉韻珂奏英吉利據守定海情形命於

武備事竣馳赴鎮海會同伊里布查辦○裁貴州長寨廳土把總

○戊申諭烏爾恭額以封疆大吏責在守土不能先事籌畫以致

定海倉卒失守復調度無方一籌莫展似此昏憤無能罪無可追

見據軍機大臣會同刑部遵旨議罪擬將該革員發往新疆充當

苦差尚不足以懲儆烏爾恭額著改為絞監候歸入明年朝審

情實已革署遊擊羅建功護遊擊錢炳煥王萬年業經罪坐主將

照原擬發往新疆充當苦差已革署守備龔配道業經革職應毋

庸議○吳文鎔奏琉球國遣使來閩額請照舊開年進貢一摺向

來琉球國開歲一貢上年降旨改為四年遣使朝貢一次原所以

體恤外藩茲據該撫奏該國王遣使來閩請照舊開年進貢情辭

東華續錄 道光四十二 八

極為真摯著如所請行所有該陪臣子弟四名准其隨同貢使北

上入監讀書○壬子諭軍機大臣等本日據伊里布奏歷次夷情

一摺朕前此准令琦善赴粵查辦欲因勢利導及早戢兵原係為

斯民謀久安長治之策澳門定海為海疆要區安可聽其貿易此

朕深慮熟籌早有定見者也見在琦善想已到粵如聽受訓諭則

退還定海無俟勞師實為上策儻竟不遵約束則琦善必據實奏

聞另籌辦法統俟粵省奏到再示機宜各路調兵見已陸續歸伍

而本地營兵為數不少分隘散布巡察防堵全在加意整飭無稍

疏虞該大臣片奏鑄礮六十餘位正可於閒時操演有準以期得

力儻粵省查辦不能妥協其勢萬不能已彼時應調何處弁兵著

伊里布一面檄調一面奏聞該大臣尤當先事籌計出萬全是

為至要儻籌辦疏懈將來有誤機宜朕惟伊里布是問○癸丑諭

吳其濬等奏審明委員非刑斃命及總督信用屬員濫刑滋擾各情一摺此案已革候補知縣楚鏞在督署審案擅用非刑酷訊斃命並因委辦鹽卡違例株連刑責並將繫桿人犯任意疊杖拖斃多命慘酷已極楚鏞著先在省城枷號兩箇月滿日發往烏魯木齊充當苦差湖廣總督周天爵册造非刑信任楚鏞在署審案並派總管鹽卡於應歸地方官審辦之件違例專委訊辦以致恣行威福拖斃多命並將匪犯親自拍傷兩目成醫種種妄為見經欽差侍郎逐款訊出該督以一品大員輒逞一時之忿專尚酷毒實屬負恩任性周天爵著即革職發往伊犁充當苦差其該督署內伺候扛擡夫頭永行禁革所置非刑即著盡行銷毀並嚴禁問刑衙門效尤私設○以裕泰為湖廣總督由湖南○丙辰以吳其濬為湖南巡撫調許乃普為戶部左侍郎轉潘世恩為吏部左侍郎

東華續錄 道光四十二 九

調王植為吏部右侍郎轉黃爵滋為刑部左侍郎以周之琦為刑部右侍郎○是月賑江蘇上元等十六縣直隸天津縣水旱災貸江蘇江南駐防及督協各營駐紮災區兵餉黑龍江墨爾根城水災屯丁口糧屋費蠲緩江蘇泰州等七十二州縣衛直隸天津縣山西河曲縣新舊額賦緩徵陝西葭州等十州縣甘肅金州等十九州廳縣山西岢嵐州被災新舊額賦兩准丁豁等七場新舊額賦展緩黑龍江等四處及甯古塔三姓旗民站丁通賦

十二月戊午琦善奏英人回粵詞氣傲慢情形諭軍機大臣等該大臣以水師參將出名代撰發給文稿仍於虎門密防所辦尚屬妥協著琦善詳加體察善議戢兵一面整飭營伍妥為布置如實係恭順仍遵前旨查辦儘有必須勦辦之勢著即一面奏聞一面相機辦理總之該大臣受國厚恩必當為久遠之計至義律既稱

患病回國而派人前往投文出艙面見並無病容是其別有肺腸已可概見著琦善訪探確情據實具奏○己未申諭沿海各將軍督撫嚴密海防○癸亥琦善奏粵省實在情形並節次奉旨飭查事件除廣州將軍阿精阿等奏團練水勇前督臣林則徐奏請鼓勵員弁俟事定再行議奏外一洋人索償煙價緣林則徐示令繳煙時節次諭文均有奏請賞犒獎勵字樣洋人頗存奢望迨後每煙一箱僅給茶葉五斤該洋人所得不及本銀百分之一而又勒具以後再販鴉片船貨入官人即正法之甘結迄未遵依此費所由起也一硃筆點出林則徐奏躉船二萬餘箱係英國領事義律自行遞稟求收等語查義律遞稟距林則徐撤退買辦業已五日可見窘迫而然非出情願時義律僅止孤身設有黨援未必降心俯首一諭查英吉利國王給林則徐文書並無其事惟呂宋國王

東華續錄 道光四十二 十

會給林則徐文書或因此誤傳一硃筆點出林則徐奏言定海陰溼洋人病死甚多等語咨詢伊里布據覆該洋人穀米牲畜尙充疫癘病斃數百餘人多係兵丁舵工頭目死者不過數人又諭查御史曹履泰奏粵東澳門傳有洋人私信等因從前洋人書信祇言貿易官員向不過問自林則徐到粵欲悉洋情多方購求即有漁利之徒造作播傳真偽互見此時紛紛查探適墮術中所奏應無庸議一諭查林則徐奏米利堅佛蘭西等國會請英船若不早回伊國必遣船前來與之講理硃筆復點出林則徐另片各國因英人阻其貿易氣憤不平語訪問各國會有此說並非林則徐謊言然迄今未見兵船前來前有米利堅船二隻乘英人不備之時進口至今未敢駛出情狀畏葸如斯縱力足頑頑恐未肯傷其同類一硃筆點出林則徐奏虎門燒毀煙土時洋人觀者撰文數

千言紀事等語事誠有之但詞含譏刺並非心服一殊筆點出林則徐奏具結之後查驗他國來船絕無鴉片等語如指上年而言則事屬已往船貨無憑若指本年而言來船尚未進口盤查既不能知其有亦安能信其無奏入論軍機大臣等本日據琦善奏查明粵省情形逐條詳覆並將各件呈覽一摺覽奏均悉又奏見在籌辦一摺匪特澳門等處緊要隘口不能准其貿易即沿海各口岸何處非海疆重地著琦善一面與之論說一面妥為豫備如桀驁難馴毋得示弱需用兵丁著一面飛調一面奏聞又論本日據琦善奏查探夷情漸形迫切見在兵船日增駛進虎門其設心已可槩見等語從前命琦善查辦原係朕慎重用兵之意今所願甚奢其勢不得不加以剴懲除諭令琦善隨時馳奏外著沿海各將軍督撫等仍遵前旨加意操練以期有備無患各省濱海地方港東華續錄 道光四十二 十一

漢紛歧著各酌量形勢分撥防兵嚴密布置毋得稍有疏虞自干重咎○丁卯以李鈞為貴州按察使服闋按察使○戊辰諭軍機大臣等本日據伊里布奏接准廣東來信相機籌辦一摺又另片奏見在密加守禦等語覽奏均悉該大臣既探明夷船自粵回浙後情形與前不同並將船內礮械運岸排列該大臣將前擬撤退尙未起程各兵仍留浙省所見甚是如並無滋擾情事仍著嚴密防範勿任窺伺儻接到廣東知會必須用兵著遵前旨迅即督令將弁分路進剿伊里布駐浙數月諒於進兵路徑及何處可以戰守一切情形均已熟悉所需槍礮船隻自必豫為儲備著仍遵前旨熱籌妥協勿令坐失機宜○以鐵麟為察哈爾都統恩桂為左都御史由吏部右○調福建提督余步雲為浙江提督○已已諭前據載銓等查訊舉人熊少牧跟隨文慶入閣閱文當降旨令文慶明

白回奏並著胡林翼將閣內如何閱卷據實具奏茲據該侍郎等各各具摺覆奏自請嚴議議處直省正副考官向不准帶人入閣閱卷此次文慶攜帶舉人熊少牧前往江南與之參論覆看甚屬非是文慶著交部嚴加議處編修胡林翼初次具摺覆奏於文慶攜帶熊少牧入閣一節未據聲明迨經降旨再令覆奏始以失察請議亦屬不合胡林翼著交部議處舉人熊少牧著交部照例治罪○調善書為吏部右侍郎麟魁為戶部右侍郎柏葰為刑部左侍郎由盛京刑部侍郎○以王惟誠為太僕寺卿程爾采為廣西布政使服闋布○移直隸霸州營遊擊為葛沽營遊擊葛沽營都司為蘆臺營都司永甯營守備駐霸州滴水崖千總駐永甯撥天津鎮把總經制外委各一駐北塘口宣化鎮經制外委一駐滴水崖○庚午諭軍機大臣等本日據琦善馳奏籌辦情形既非情理可諭即東華續錄 道光四十二 十二

當大申捷伐所請廈門福州兩處通商及給還煙價銀兩均不准行再或投遞字帖亦不准收受並不准遣人再向理諭見已調湖南四川貴州兵馳赴廣東聽候調度著琦善督同林則徐鄧廷楨妥為辦理如奮勉出力即行據實具奏並著琦善整飭兵威嚴申紀律相機勦辦朕志已定斷無游移該大臣受國厚恩責任綦重固不可失之冒昧尤不可少有畏葸務須計出萬全妥為籌辦○命訥爾經額赴天津防堵○調成剛為盛京刑部侍郎以道慶為盛京兵部侍郎由內閣學士○調程爾采為江蘇布政使邵甲名為廣西布政使○癸酉冊封靜貴妃博爾濟吉特氏為 皇貴妃琳貴人烏雅氏為 琳嬪○諭科道有風聞言事之責內外官吏貪庸不職原許列款糾參至賞罰大權操之自上豈容疏越小臣妄行干預前據給事中周春祺奏參浙江提督祝廷彪應行治罪等語

已屬非是至祝廷彪年逾七旬精力就衰恐其調遣不能得力是以降旨休致並不因該給事中奏參始有此諭本日又據周春祺具摺言事輒謂休致祝廷彪之旨係伊參奏所致竟似朝廷用舍賞罰大權言官可以意為操縱若相率效尤成何政體此風斷不可長周春祺不勝給事中之任著回原衙門行走○甲戌諭從前京外大員兄弟子孫每屆五年查辦一次挑在侍衛拜唐阿上當差原以待衛拜唐阿差使體面大員子弟一經挑取之後愈得熟習清語騎射自道光十六年查辦以來迄今將及五年又屆應行查辦之時惟念該大員子弟亦有不同或身軀軟弱馬上平常或自幼讀書不暇兼習馬步箭即挑取侍衛拜唐阿又安望其得力宜量為變通辦理嗣後在京文職三品以上武職二品以上在外文職自總督至按察使武職自將軍提督至總兵該大員兄弟子

東華續錄

道光四十二

十三

孫內有及歲似與侍衛拜唐阿差使相宜值五年查辦之期情願送挑者該大臣等仍照上次報於本旗由該旗造冊咨送軍機處彙總具奏將朕指出者帶領引見儻身弱有疾或馬步箭平常不堪送挑者該大臣等即據實報明該旗轉行軍機處聽其自便該旗亦無庸催取職名用示朕曲成器使放僕至意○諭文慶經朕派充江南鄉試正考官理應嚴密關防盡心校閱輒敢私帶舉人熊少牧入閱幫同閱卷實屬違例著即照部議革職副考官胡林翼與文慶同在內簾於熊少牧藏匿闈中豈竟毫無聞見既不據實奏參迨經降旨詢問又不據實回奏該部議以降調咎有應得著即照部議降一級調用不准抵銷監臨官安徽巡撫程霖采監試官江防同知周維新僅止失察著加恩改為降二級留任不准抵銷○諭吳其濬等奏審明已革知縣稟許總督各情分別定擬

一摺此案湖廣總督周天爵前已降旨革職遣戍著無庸再議湖北巡撫伍長華於飭交嚴查之案未將應提人證到案質訊僅據周天爵咨覆結案殊屬阿附不職伍長華著與隨同審訊之布政使孫善寶按察使林紱均交部嚴加議處武昌府知府明峻於周天爵諭令查訊李毓華行賄一節見雖據實稟明惟於該撫飭查時未經明晰聲敘亦屬不合著交部察議尋議伍長華革職孫善寶林紱降四級調用明峻降一級留任從之○調文蔚為戶部左侍郎以特登額為工部左侍郎○乙亥調朱士達為陝西按察使李星沅為四川按察使○丙子諭軍機大臣等本日據琦善奏籌辦情形一摺覽奏均悉前兩次由六百里諭知一切諒已欽遵辦理該大臣酌調各兵分別密防與朕意相合見在湖南四川貴州各兵想已陸續抵粵即可分布要隘乘機痛勦朕不為遙

東華續錄

道光四十二

十四

制切勿畏難苟安致失機宜所需軍費無論地丁關稅准該大臣酌量動用作正開銷儘有不敷迅即奏聞請旨見在定海一帶早已飛諭伊里布等加意防守即盛京等處各直省海口亦已妥為防範該大臣斷不必慮及粵省攻勦過甚竄入他省朕所望者惟當計出萬全謀定後動其善體朕意毋忽○戊寅諭向來秋審朝審人犯緩決三次以上者人數積多每屆數年諭令刑部奏請分別減等以示法外之仁今自道光十八年查辦之後至本年緩決者又積有一萬一千四百餘名口著刑部將本年秋審朝審緩決三次以上各犯奏明分別減等○己卯調吳文鎔為湖北巡撫以劉鴻翱為福建巡撫調梁萼為雲南布政使以郭文匯為甘肅布政使寶清為廣西按察使○以劉體重為湖北布政使存與為江西按察使

使遠

○辛巳諭軍機大臣等據伊里布馳奏請調各省官兵一摺已由六百里飛飭安徽湖北湖南照數調撥矣其前已飭回之文武各員除謝朝恩留浙彈壓外其林明瑞會得勝黃冕孫逢堯陸獻封耀祖等均著准其調赴鎮海差遣委用本日又據裕謙奏審度制勝之謀一摺據奏定海之西境有粵名岑港為定海全境第一險要之地應以精兵先據岑港再行分兵守險並言各省皆可議守浙江必應速戰等語所辦均不為無見著伊里布體察情形按照摺內所指各條相機妥速辦理該大臣係朕特簡大員受恩深重必能公忠體國敵愾奏功斷不可稍存彼此之見致誤事機○壬午在籍前任浙江提督王得祿奏道旨會同臺灣鎮道商辦海防事宜得旨嘉勉○起奕顯為理藩院右侍郎○以瑞元為烏什辦事大臣會望顯為福建布政使徐廣縉為順天府府尹裕

東華續錄

道光四十二

十五

康為福建按察使由浙江鹽運使遷○癸未奕顯以重聽休致以慧成為理藩院右侍郎由通政使署○是月給福建龍谿南靖二縣水災口糧

屋費貸江蘇江陰等三營兵餉蠲緩浙江長興等四縣水旱災新

舊正雜額賦○是歲朝鮮入貢○會計天下民穀數除福建湖南

未報外各省通共大小男婦四萬一千二百八十一萬四千八百

二十八名口各省通共存倉米穀三千二百三十六萬九千六百

二十五石六斗三升七合八勺

東華續錄

道光四十三

臣王先謙敬編

臣周麟蕃恭校

道光二十一年辛丑春正月己丑琦善奏英吉利不等回文於十五日早開起旋分隊直撲虎門外沙角大角兩礮臺又有火輪船四隻直撲師船我兵奮力回擊無分勝負見拒守虎門及於烏涌口堵禦並增兵防守水中礮臺命照議妥辦並分諭沿海各處防守○庚寅以正白旗領侍衛內大臣奕山為御前大臣○辛卯諭我朝撫馭外夷全以恩義各國果能恭順無不曲加優禮以期共樂昇平前因鴉片煙流毒日甚特頒禁令力挽澆風惟英吉利不肯具結是以降旨絕其貿易乃突於上年六月間駕船數十隻直犯定海占據城池復於福建浙江江蘇山東直隸奉天各省洋面任意往來多方滋擾因念投遞書函自鳴冤抑不可不為之查究以示大公特命大學士琦善馳赴廣東據實查辦自應全數赴粵聽候辦理乃一半起旋南行一半仍留定海迨琦善抵粵後明白開導仍思索償煙價又復請給馬頭朕早料其非信義之所能喻特於年前簡調精兵前赴廣東浙江豫備攻剿茲據琦善馳奏該夷於上年十二月十五日糾約漢奸乘坐多船直逼虎門洋面開礮轟擊傷我官兵並將大角礮臺攻破沙角礮臺占據見在各省勁兵計可趕到著伊里布剋日進兵收復定海並著琦善激勵士卒奮勇直前至沿海各省洋面疊經降旨嚴密防範著各將軍督撫等加意巡查來則攻擊並曉諭官民人等入思敵愾志切同仇迅贊膚功共膺上賞朕實有厚望焉將此通諭中外知之○以大角沙角礮臺失守琦善交部嚴議革開天培頂帶戴罪立功○甲

東華續錄

道光四十三

午琦善奏查英吉利進兵情形向共知其僅長水戰今詎料其並設有陸兵戰船則大小悉備火器則遠近兼施占奪砲臺後勢將直擊虎門進攻省垣拒守實難不得已允其代為奏懇於外洋寄寓一所又英人仍欲於廣州即行開港俟發摺後再將必須俟奏奉諭旨方可開港之處備文照覆向其竭力論說備英人漸知改悔固萬分之幸如執迷不悟再事狡逞奴才祇得不避重罪從權辦理諭軍機大臣等本日據琦善額懇恩施等語覽奏十分憤懣該大臣自因省垣倉庫重地復因居民繁多恐有激變故為此權宜之計暫示羈縻見已降旨授奕山為靖逆將軍隆文楊芳為參贊大臣赴粵協同勦辦又添派兵丁接應一俟將備到齊不難整頓戎行亟籌攻勦將軍阿精阿近駐省城提督郭繼昌統轄陸路官兵俱有守禦之責著該大臣等趕緊團練兵勇獎勵士卒並東華續錄 道光四十三 二

儲備軍需糧餉槍礮火藥俟奕山等到後和衷共濟協力進剿克復海隅萬不可稍有畏葸致失機宜○命御前大臣領侍衛內大臣奕山為靖逆將軍戶部尚書隆文湖南提督楊芳為參贊大臣馳赴廣東軍營○命賽尚阿在軍機大臣上行走○丁酉命 皇四子詣 孝全皇后陵寢行周年祭禮○琦善奏英人情願繳還定海沙角等處諭軍機大臣見已明降諭旨布告天下昨復派奕山隆文楊芳帶兵赴粵勢難中止今據該大臣奏稱恐係緩兵之計儻甫經撤兵旋復猖獗是我兵進退反無所據此時惟有密為防範不可稍有疏懈至香港地方離省遠近若干里地形寬狹若何在彼開港是否有利利害著一併查明迅速具奏再降諭旨○己亥前任浙江巡撫帥承瀛卒予祭葬如總督例賞其孫遠燦舉人○辛丑伊里布奏水陸兩路須同時並舉俟大兵齊集設法進

勦命仍遵前旨乘隙進剿不得因琦善有不宜輕進挫衄損威之語藉口廣東來信稍遲時日○甲辰徐璣以不勝任降道員以張日最為湖北按察使由四川建○乙巳諭軍機大臣等本日據伊里布奏浙江宜暫緩進兵一摺覽奏憤懣似此畏葸何能迅速奏功裕謙平日辦事尚屬勇往著即作為欽差大臣兼程馳赴浙江鎮海軍營接印余步雲專辦攻勦事宜前所謂安徽兵一千二百名湖北兵一千八百名湖南兵一千名諒已先後到浙務富一鼓作氣克復定海竹塹懋賞裕謙到浙後一面傳旨接受欽差大臣關防一面將寄信諭旨親交伊里布祇領原摺一併發去兩江總督印信著交給程希采暫行兼護另有寄信諭旨一道著即加封交給程希采並令轉交陳化成祇領○命伊里布回兩江總督任會同提督陳化成防堵江蘇海口○命刑部尚書祁項馳往廣東東華續錄 道光四十三 三

督理糧臺○丁未以周開麒為甘肅布政使蔣文慶為浙江按察使由甘肅簡○庚戌奕山隆文率侍衛等陛辭 上御勤政殿訓示方畧○諭本日據伊里布馳奏粵省查辦完竣見飭繳還定海一摺奕山等經朕命往督辦惟當一意進剿無論是否繳還定海總須一鼓作氣斷不可為其所惑致誤機宜且香港地方豈容給與泊舟寄住務當毋為所據即使將來繳還香港亦俟屆時奏明請旨○辛亥琦善奏英人獻出沙角大角礮臺並遣人赴浙繳還定海懇俯准所請給與香港寄寓命革去大學士拔去花翎仍交部嚴加議處○命楊芳迅赴廣東○琦善奏英吉利見已遣人前赴浙江繳還定海並將粵省之沙角大角礮臺及原奪師船鹽船逐一獻出均經驗收兵船全數退出外洋奴才查勘各情形地勢則無要可扼軍械則無利可恃兵力不固民情不堅若與交鋒實

無把握不如暫示羈縻得旨朕斷不能似汝之甘受欺侮迷而不返膽敢背朕諭旨仍然接受夷書懇求實出情理之外是何肺腑無能不堪之至汝被人恐嚇甘爲此遺臭萬年之舉今又擗舉數端恐嚇於朕朕不懼焉○署兩江總督裕謙奏宜乘時克復定海得旨已有旨命汝馳往鎮海接受欽差大臣關防矣正可相時而動克成大功用膺懋賞朕惟望捷音耳慎勉行之○是月展賑奉天白旗堡水災旗戶給江蘇江都丹徒二縣水災倉穀奉天小黑山站丁江蘇廟灣場竈丁安徽東流繁昌二縣水旱災口糧貸湖北沔陽等八州縣衛湖南武陵縣甘肅金州等五州廳縣水災籽種江蘇上元等十一縣甘肅皋蘭縣水災口糧山西河曲縣霍災倉穀緩徵直隸滄州等三十四州縣山東濱州等四十六州縣衛江蘇高郵等三十州縣衛水災新舊正雜額賦

東華續錄 道光四十三 四

二月戊午諭四公主著指配奈曼王阿宛都瓦第扎布之子頭等台吉德木楚克扎布授爲固倫額駙所有派借老大臣選擇吉期下嫁事宜著內務府大臣照例辦理○雲貴總督桂良奏道查緬甸國王因病久廢讓與伊弟孟坑即孟薩鴉佈低接襲見在夷情安帖邊境肅清報聞○己未 上御經筵○庚申諭前屢降旨令伊里布迅速進兵不必俟廣東知會即行攻勦乃伊里布不遵諭旨惟知順從琦善屢次奏報始以兵礮未集藉詞緩攻繼以接得繳還定海之札卽信以爲實已有旨令折回本任命裕謙馳赴浙江作爲欽差大臣會同提督余步雲迅速勦辦伊里布未回任以前所有兩江總督著程裔采暫行兼護矣本日據裕謙馳奏飭兵前進一摺所辦均是朕佇望該大臣迅奏膚功懋膺上賞斷不可因見有繳還定海之說稍事遲回又蹈琦善伊里布孤思誤事

之故轍懷之至伊里布身膺特簡疊次催令進兵並不遵旨勦辦株守數月觀望遷延其屬畏蕙不堪伊里布著交部嚴加議處○辛酉諭琦善到粵以節節經諄切話誠迷而不返自稱專辦夷務不令阿精阿怡良等與聞於一切防守勦堵事宜置之不問並因有繳還定海之言輒將義律呈遞伊里布文件及該目給留浙頭目信代爲由驛遞交伊里布以致伊里布聽言順從遲延觀望香港地方緊要前經琦善奏明如或給予流弊不可勝言旋又奏請准其廣東通商並給香港地方泊舟寄居前後自相矛盾已出情理之外况此事並未奉旨允行何以該督卽令公然占據朕君臨天下尺土一民莫非國家所有琦善擅與香港擅與通商膽敢乞朕恩施格外且伊被人恐嚇奏報粵省情形妄稱地利無要可扼軍械無利可恃兵力不固民情不堅摘舉數端危言要挾更不知東華續錄 道光四十三 五

是何肺腑如此孤思誤國實屬喪盡天良琦善著卽革職銷差派副都統英隆並著怡良揀派同知知州一員一同來京嚴行訊問所有琦善家產卽行查鈔入官○以祁墳爲兩廣總督李振祐署刑部尙書王炳瀛署倉場侍郎○實授訥爾經額直隸總督以恩特亨額爲陝甘總督○乙丑諭琦善奏查明上年沙角大角礮臺陣亡受傷及續卽因傷身死之水陸將弁兵丁懇恩分別賜卹一摺覽奏實堪憫惻三江協副將陳連陞及其子陳舉鵬同時殉難尤屬忠義可嘉著加恩加等賜卹餘著照例賜卹以慰忠魂○琦善奏遵查沙角大角地方接仗陣亡及傷亡水陸將弁共四十四員兵丁七百十八名得旨遇此不忠督臣俱各捐軀爲國實堪憫惻○丙寅越南國王阮福昫身故遣使告哀詔停進貢方物○戊辰伊里布奏英人兵船全數起旋定海業經收

復 上以其庸懦無能革協辦大學士拔雙眼花翎暫留兩江總督任仍帶革職留任八年無過方准開復○命寶興為文淵閣大學士仍留四川總督任以吏部尚書奕經協辦大學士○壬申琦善奏英人聞大兵將集意圖先肆滋擾命奕山等兼程前進○癸酉諭軍機大臣等本日裕謙奏馳抵鎮海接受關防籌辦情形一摺辦理尚屬周妥定海既無礙位著照所議迅於沿海地方酌量抽撥先行解往以資抵禦督同文武員弁體察居民地方情形或應撫恤或應擇要固守其城垣橋梁應否即時修復添設礮位應否督匠趕辦均著悉心妥籌毋稍草率見在大兵業已渡海務當督率總兵鄭國鴻王錫朋葛雲飛等加意偵察毋誤機宜○乙亥予陣亡副將陳連陞祭葬世職如總兵例並其子舉鵬加等賞卹均入祀昭忠祠○戊寅琦善奏英人於本月初三初四等日駛駕東華續錄 道光四十三 六 火輪船隨帶三板多隻疊進三門口內衝撞簾樁施放火槍經副將慶宇等督兵抵禦至初六日酉刻敵人擁岸上山橫檔永安礮臺已被占奪靖遠鎮遠威遠鞏固礮臺據稟亦俱失守提督關天培不知下落○命齊慎為參贊大臣赴粵會剿○庚辰諭軍機大臣等裕謙等奏辦理善後一摺所有定海城鎮鄉村中實在無力難民無論極貧次貧均著給予三箇月口糧其焚毀房屋查明開數照例給銀令其自行搭蓋以資棲止餘著照所議辦理○周開麒以託故推諉革職以程德潤為甘肅布政使王兆琛為甘肅按察使由安徽補用○壬午琦善奏英人攻陷虎門礮臺及烏涌卡座諭琦善等奏虎門礮臺失守提督陣亡一摺廣東水師提督關天培香山協副將劉大忠遊擊麥廷章署湖南提督祥福遊擊沈占鰲守備洪達科先後被害殊堪憫惻俱著加恩照例賜卹以慰

忠魂其傷亡兵丁亦著查明照例辦理○甲申諭軍機大臣等本日據楊芳馳奏抵粵日期防守情形一摺據奏老城尙屬完厚士卒協力防守分段援應可保無虞等語覽奏稍紓憂念見在前後調赴粵東官兵已有一萬六千餘名長春段永福等所帶之兵不及十分之三計後此赴粵之兵日內必續到可不至有城大兵單之慮著楊芳阿精阿怡良郭繼昌相度機宜和衷商議備續到之兵足敷調遣遇有可乘之機斷不可拘泥專俟奕山等到省然後剿辦兵貴神速楊芳自知若稍存觀望坐失事機豈不大負委任所奏豫備竹排木桶迎燒及設法購致水勇等事均著照所議妥速辦理楊芳久歷戎行受恩深重阿精阿怡良郭繼昌均有守土之責務須合力同心妥議熟商應守則守可戰即戰一切勦辦機宜朕亦不為遙制也○賜故吏部尚書朱士彥子百行百谷舉人東華續錄 道光四十三 七 百城百梅副榜○是月展賑江蘇江甯通州二府州災民三月丙戌朔釋周天爵赴廣東軍營○己丑命怡親王載垣在御前大臣上行走○庚寅予陣亡提督關天培總兵祥福等世職祀副將周芳世職○辛卯諭楊芳奏陣亡鎮將備弁三十一員兵丁四百十五名除業經降旨賜卹外其餘均著該督撫查明分別奏咨議卹以慰忠魂至楊芳經朕特授參贊大臣抵粵後即能相機布置籌備合宜危城立保無虞各軍民等見在安堵如常同心協力指日大兵雲集即可迅奏膚功楊芳曉暢軍務先聲奪人深堪嘉悅著先行交部從優議敘○癸巳諭軍機大臣等據祁垣奏中途疊奉廷寄欽遵辦理並先飭藩司運解餉銀安設糧臺等語著祁垣酌量妥辦總期源源接濟無誤供支是為至要再據駐藏大臣孟保等奏廓爾喀國王稟稱披楞與京屬汗爭戰被京屬燒

毀洋船情願去打抄榜等語經該大臣等飭駁旋查得披榜為英吉利所屬該國人常在廣東貿易其與京屬打仗據稱在聶噶金那地方因在外洋不能指實界址惟知披榜之東係噶哩噶達地方直達廣東又稱第哩巴察為西南一大國噶哩噶達及披榜皆其所屬而該夷向呼英吉利為第哩等語披榜是否即英所屬與廣東相去遠近若何並著那墳查訪具奏尋奏查加爾格打係孟牙拉地方之內城為英吉利屬國因夷人呼加為噶呼爾為哩故亦名噶哩噶達其地計水程二十餘日可到廣東披榜在噶哩噶達之西亦英吉利所屬英人呼官長為第哩未聞有第哩巴察之名聶噶金那即聶噶釵那倒譯作在中國海岸五字報聞○甲午上啓鑾謁 西陵○免經過地方額賦十分之三○乙未致仕大學士文孚卒贈太保命惠親王蘇愉奠茶酒賞銀一千五百兩東華續錄 道光四十三

治喪予祭葬諡文敬入祀賢良祠予其孫裕英主事○丙申楊芳奏英人於二月二十四日駛駕兵船闖進省河當經先期豫備擇要埋伏敵船開礮轟擊南鎮總兵長春被礮子擦傷右額皮破血流仍復奮不顧身開礮擊沈三板船二隻人船俱沒並將其大兵船擊斷大桅敵人勢極倉皇即時退出予楊芳優敘賞長春花翎並巴圖魯名號○戊戌 上謁 泰陵 泰東陵 昌陵至龍泉峪 孝穆皇后 孝慎皇后 孝全皇后陵寢奠酒○己亥清明節 上再謁 昌陵行敷土禮詣 隆恩殿行大饗禮回鑾○壬寅 上還京師○丙午 上臨故大學士文孚第賜奠○戊申諭軍機大臣等本日據楊芳等馳奏英夷退出省河遵旨力籌堵禦一摺據奏米利堅等國向准貿易商船駛進黃埔乘時貿易等語米利堅等國原可准予通商惟該大臣前奏有米利堅等國稟

稱英商情亦急迫可否一體貿易俾兵船有所顧忌等語英商雖未隨同助逆總係英人斷不准其通商此次各國貿易如有蒙混影射等弊即著嚴行查辦萬不可稍存遷就計奕山隆文那墳當已先後進省各處調兵亦必陸續抵粵該將軍等一面防守省城一面相機勦辦所奏退出省河是否仍在虎門以內著仍遵前旨履募水勇准備兵礮奮力合剿朕拭目以俟捷音之至也○庚戌諭前據海齡奏請將沿海通商各馬頭暫閉當降旨令伊里布裕謙議奏旋據伊里布奏擬一律封閉朕即覺所議窒礙難行降旨駁斥茲據裕謙奏封港之議徒有礙於本分商漁而於杜絕接濟仍未得要等語所見極是沿海通商各馬頭著仍照舊准商民往來貿易毋庸封港並嚴飭文武員弁於商漁船隻出入實力稽查如有匪徒透漏消息接濟米糧硝磺等物即著懲辦以順輿情而東華續錄 道光四十三

杜句結○賞林則徐四品卿銜馳赴浙江軍營○辛亥 上親耕藉田○壬子諭前經降旨命楊芳先行會同怡良等領兵攻勦今據楊芳等奏各省調兵到粵已有八千餘名之多尙不知及時進勦遲延觀望甚至仍請准令英屬之港脚商船在粵貿易是有意阻撓怠慢軍心殊出情理之外楊芳怡良著先行交部嚴加議處○諭軍機大臣等本日楊芳怡良奏請准港脚貨船通商一摺又另片奏省垣情形等語覽奏憤懣之至已明降諭旨將楊芳怡良先行交部嚴議矣見在各路徵調兵丁一萬六千有餘陸續抵粵楊芳乃遷延觀望有意阻撓汲汲以通商為詞是復蹈琦善故轍變其文而情則一殊不可解前經奏請各國通商朕因俯順輿情勉從所請今復以港脚船隻尙無助逆情事敢於嘗試若如此了結又何必命將出師紛紛徵調官兵且提鎮大員及陣亡兵弁此

等忠魂何以克慰楊芳等止知遷就完事不顧國家大體殊失朕望即所稱貨船附載洋米等語全不可信况鴉片來源即在於此又何以示禁令而除流弊奕山隆文經朕面諭一切必能仰體朕意見已到粵兵多糧足自當與楊芳齊慎協力同心為國宣勞以膺懋賞斷不准提及通商二字坐失機宜此次批摺著發給閱看閏三月乙卯朔諭前因楊芳怡良不能及時進剿仍請准令港脚商船在粵貿易降旨先行交部嚴加議處茲據該部議照溺職例革職實屬咎所應得惟見當辦喫緊之時若竟予罷斥轉得置身事外楊芳怡良俱著從寬改為革職留任以觀後效○辛酉以故豫親王裕全子義道襲爵○丙寅諭吏部員外郎陳起詩因被保送倉差意圖規避輒敢擅遞呈詞指名訐告實屬居心險詐著即照部議革職協辦大學士吏部尚書湯金釗於該員呈請改派東華續錄 道光四十三 十

將呈詞空補發還並諭無庸呈遞各堂致令該員得以藉詞挾制實屬錯謬亦著照議降四級調用不准抵銷○調卓秉恬為吏部尚書協辦大學士祁寯藻為戶部尚書以許乃普為兵部尚書調杜受田為戶部左侍郎轉徐士芬為工部左侍郎以賈楨為工部右侍郎由內閣○丁卯諭據奕山等馳奏到粵察看大槩情形並籌備一切等語見在攻戰之具尚未齊備惟有趕緊製造並嚴拏漢奸不使偷漏消息所需木排礮位仍飭南韶連道楊九晚廣東藩司梁寶常分別趕緊採辦鑄造一俟戰具齊備該將軍參贊等即行乘機進剿以慰朕懷該將軍等斷不可因目前用竊廢之計稍存觀望坐失事機朕日盼捷音之至○諭本日據裕謙奏續查伊犁布差人赴吏船論話並派家丁同去等語已明降諭旨令伊犁布來京候旨兩江總督著裕謙補授矣裕謙接奉此旨即將定

海應辦事宜交劉韻珂余步雲周開麒等妥為經理該督即赴兩江總督新任如有未了之事必須親身督辦者或於到任後再行赴浙查辦亦無不可至伊犁布有填塞吳淞海口之議其患不可勝言已降旨令伊犁布將已填者速即開通未填者即行停止裕謙到任後仍飭屬遵辦以利民生所有伊犁布家丁張禧已令伊犁布自行帶京其陳志剛一名即著裕謙解京聽候查訊○召伊犁布來京以裕謙為兩江總督調梁章鉅為江蘇巡撫以周之琦為廣西巡撫調王植為刑部右侍郎毛式郁為吏部右侍郎馮芝為禮部左侍郎以毛樹棠為禮部右侍郎由內閣○以張晉熙為河南布政使宋劭毅為江蘇按察使由廣東○乙亥諭奕山等撫綏各國洋商○是月貸山西吉州等十州縣暨和林格爾廳上年歉收倉穀緩江蘇蘇宿遷縣被水灘租

東華續錄 道光四十三 十一

夏四月己丑命裕謙仍為欽差大臣督辦江浙防堵○甲午以李煌為內閣學士兼禮部侍郎由少詹事○乙未諭英隆奏押解琦善將次到京一摺琦善著交刑部鮑鵬亦著一併解刑部派容親王莊親王惠親王定郡王大學士軍機大臣六部尚書會同刑部審訊○丁酉增設圓明園兵額四百名並申定操演章程○壬寅奕山等奏洋船自大黃灣二沙尾兩路連檣近偏省垣四月初一日飭令將弁挑選熟習水勇一千七百餘名交都司胡倬伸等帶領分起攻剿暗藏火器乘駕快艇埋伏各處並督令官兵在沿岸轟擊該弁勇等分為三隊先鈔後路攻其左右同時火發弁勇伏身水上直撲船底鉤住船身拋擲火器須臾燒毀西路白鷺潭大兵船二隻大三板船四隻小艇三板船數十餘隻東路二沙船小三板船數隻被擊溺死者不計其數總兵張青雲等復於西歌臺

督兵開礮洋人上岸均被殺斃次日洋船救援又被官兵開礮擊沈三板船一隻英人始退子奕山隆文楊芳祁項優敘並賞賚有差○甲辰先是吳文鎔奏接到琦善咨會見在英人繳還定海已給咨令由海道馳赴浙江統撤師船回棹並給發照驗沿途准其購買食物命顏伯燾吳文鎔詳晰具奏至是奏閩省接琦善咨會後並無英人持照買物顯係詭謀藉令粵省弛備以致虎門失守謹將咨文照驗呈覽報聞○奎照以病免以色克精額為禮部尚書由綏遠城○戊申奕山等奏英人兩路分攻東西礮臺經總兵段永福琦忠長春張青雲等督率將士併力抵禦轟沈火輪船一隻並被兵勇拋擲火箭焚燒三桅兵船一隻東礮臺打折敵船大桅一枝次日又復擁至經遊擊伊克坦布等督率兵勇擊斃數名英人開礮自炸轟碎三板船一隻惟續浦火船竟被漢奸焚燒復東華續錄
道光四十三
於接仗時拋擲火礮火毬焚燒房屋見已擊獲多名訊明梟示齊慎日內可到即令分駐佛山石門一帶督率總兵等擇要堵禦上嘉勉之○己酉以惇恪親王繇愷奉移園寢 上親臨賜奠○賜龍啟瑞等二百二人進士及第出身有差○庚戌諭軍機大臣等裕謙奏接奉廷寄籌畫駐紮地方一摺覽奏均悉江浙兩省為海防關鍵必應防守周密裕謙見已接授兩江篆務所有上海寶山各海口諒經布置妥協著酌量兩省適中之地在彼駐紮易於策應如遇浙省有應辦事件仍可馳往調度裕謙赴浙時即著程商采至上海會同提督陳化成實力巡防其鎮海軍營事務著派劉韻珂徐步雲辦理並著林則徐暫行協同籌辦備浙江省垣有應辦公事劉韻珂回至省城即著徐步雲與林則徐周開麒會同妥辦如有摺奏林則徐毋庸列銜○辛亥諭伊里布見已到京著

派睿親王莊親王惠親王定郡王大學士軍機大臣六部尚書會同刑部傳訊家人張禧著交刑部歸案審訊○癸丑奕山等奏洋船攻擊省城督兵保護幸尚無虞而體察局勢難以久守省垣重地為全省關繫稍有疏失則各府州縣匪徒必至乘機蜂起日夜焦思萬分無術據守堞兵丁探報城外洋人向城招手似有所言當差總兵段永福喝問該目即免冠將兵仗投地向城作禮稱不雅貿易貨物不能流通貨本折耗負欠無償止求照前通商並將歷年商欠清還即將兵船全數撤出虎門以外復據居民及眾洋商紛紛稟懇臣等通盤籌畫虎門藩籬既失內洋無所憑依與其以全城百萬生靈與之爭不可必得之數似不若俯順輿情以保危城是以公同商酌派署廣州府知府余保純妥為查辦暫准其與各國一體貿易先蘇民困俟洋船退出漢奸解散之後先從省東華續錄
道光四十三
河以及虎門各處要隘添築礮臺添籌礮位門戶既固庶辦理有所措手諭軍機大臣等寄諭奕山等朕諒汝等不得已之苦衷准令通商惟當嚴諭該目立即將各兵船退出外洋繳還礮臺仍須慎遵前定條例止准照常貿易不准夾帶違禁煙土並著該將軍等會同該督撫悉心籌議安定章程各礮臺及防守要隘等處趕緊修築堅固另片奏城外居民房屋多被焚燒著祁項怡良即派委委員查明妥為撫卹○是月緣徵山西朔州等六州廳縣通賦
五月丙辰劉韻珂奏浙省有洋船遊奕命裕謙馳赴勦辦各省海口申嚴兵備○戊午諭嗣後新進士朝考閱卷著照覆試之例擬定一二三等進呈○己未顏伯燾奏洋船兩次滋擾銅山飛容前任提督王得祿赴澎湖駐防○癸亥諭國家設立兵丁勤加訓練

所以嚴武備而戒不虞總督有統轄之責必應於平時認真督率將備加意練習使之有勇知方一旦猝遇外侮何患不破敵摧堅立功奏凱道光十二年兩廣總督李鴻賓廣東提督劉榮慶因辦理軍務臨事不能得力平素毫無整頓曾經遣戍前任兩廣總督鄧廷楨履任多年懈惰因循不加整頓所設排練空費錢糧全無實用以至該省兵丁柔懦無能諸多畏葸思之殊堪痛恨前任兩江總督林則徐經朕特給欽差大臣關防辦理廣東事件繼復令其實授總督全省軍務皆其統轄既知兵丁染習其深便應多方訓導勤加練習其於夷務亦當德威並用控馭得宜乃辦理諸未妥協深負委任鄧廷楨業經革職林則徐革去四品卿銜均從重發往伊犁效力贖罪即由各該處起解以為廢弛營務者戒○奕山等奏洋船陸續退去大黃滯獵德各砲臺已派兵防守提督吳東華續錄 道光四十三

建勳赴虎門查收砲臺此次洋船闖入省河俱是漢奸引導業經傳諭鄉勇分路梭殺多名至撫卹被火民人招集流亡堵塞河口分兵彈壓各路俱議陸續辦理○調李星沅為江蘇按察使張日晟為四川按察使以趙仁基為湖北按察使由江西吉南○己卯奕山奏洋人在香港對面之裙帶路建蓋寮篷修建馬頭命奕山設法收復○參贊大臣戶部尚書隆文卒於軍贈太子太保子祭葬諡端毅賞銀二千兩治喪○訓敬徵為戶部尚書賽尚阿為工部尚書以恩桂為理藩院尚書奕山為左都御史由都○壬午調吳文鎔為江西巡撫錢寶琛為湖北巡撫 六月庚寅革伊里布職發軍臺效力贖罪○癸巳諭軍機大臣等本日據奕山等奏請撤兵分期啓行已明降諭旨照議辦理並諭令沿海各督撫酌量情形奏請撤兵矣至省河及大黃滯獵臺據

奏必須修造據守著即趕緊興工所有砲位一百二十餘尊即妥為分別安放一切善後章程實成奕山齊慎那墳怡良和衷商推妥議辦理備有辦理不善之處惟奕山等四人是問○命楊芳回湖南提督任養病○甲午奕山等奏英吉利兵船退出虎門恩准通商向來恭順洋商貨船聞風入港告請驗貨英人額慶歡欣免冠感伏聲言永不敢在廣東滋事從前商欠業已代為清還論軍機大臣等見當該將軍等辦理善後必須計及久遠一勞永逸毋徒將就了事著奕山等即飭諭出具切實甘結不得夾帶鴉片等申內地民人其通商口岸及船泊何處均照舊章辦理不得另求馬頭至貿易納稅向有定限已歷年所亦毋庸輕議嚴減各沿海省分俱有將弁防守毋許駕船分赴各處句串銷貨備不遵約束被兵弁攻擊或擒獲治罪不得妄生舐望其餘善後章程仍遵前

東華續錄 道光四十三 旨周密妥辦以副委任○乙未以廣東軍務情形傳聞迴異命廣西巡撫梁章鉅詳晰具奏尋奏廣東官兵於四月初一日攻擊英船初二日洋人駕火輪船一隻駛至省西泥城一路開砲兵勇望風而逃被燒船隻六十餘號初三四五等日洋人駕船十餘隻開砲攻打岸上防兵四散遁走被燒民房甚多占去四方砲臺經廣州府知府余保純向洋人面議息兵初十日有鄉民數萬人圍困義律等取功在須臾因余保純得義律私書出城彈壓鄉人始漸解去洋人將大角沙角橫槽等砲臺甄石移往香港起造馬頭房屋又於香港潛開大路一通香山一通惠州開門揖盜咎在琦善而受其指使者為余保純歷訪廣東情形與諭旨所聞無異謹將在梧州時所接員弁報單呈覽報聞○丁酉祁墳等奏遵查正月初三日琦善在蓮花城會晤義律一次十九日又在蛇頭灣會晤

一次止鮑鵬在船傳話隨往員弁與不與聞琦善諭令鮑鵬履覓鄉勇文稟稱爲職員所捐何職無案可稽鮑亞聰因販賣煙土經林則徐訪拏未獲是否即係鮑鵬應由刑部向鮑鵬究訊報聞○戊戌王大臣刑部奏琦善以欽差大臣查辦洋務宜如何計出萬全乃妄以香港地方許給於一切防守事宜並不豫爲設備以致將礮臺攻陷要隘失守實屬有誤機宜應照守備不設失陷城寨者斬律擬斬監候得旨著照所擬秋後處決○癸卯河南下南廳祥符汎河溢命文冲堵治之○辛亥諭軍機大臣等文冲奏拾堵漫口人力難施見已掣溜一摺前因下南廳祥符上汎三十一堡隄頂漫塌疊經降旨著該河督趕緊設法搶堵茲據奏稱見在漫缺之處已刷寬八十餘丈掣溜七分文冲身任河道總督河務是其專責乃未能先事防範致有漫口咎實難辭文冲著卽革職

東華續錄

道光四十三

十一

縣積歉新舊額賦

東華續錄

道光四十四

臣王先謙敬編

臣周瀚蕃恭校

秋七月乙卯命林則徐折回東河效力贖罪○丙辰諭軍機大臣等牛鑑奏河南省城自上游水勢大溜掣動以後由城北護城隄衝入斜向南行刷成深槽直衝而下黃水經過之處已成河形去路已暢不至再有他虞並飛咨安徽江蘇等處先事豫防見在北兩岸各廳物料接濟開段趕築挑水壩三道外砌甃坡深資抵禦五城分設五廠賑濟難民並於朱仙鎮等處購糧運濟又將鑄餅分給城外災民以資全活等語所辦均屬周妥惟見當伏秋大汛來源正旺水勢靡定牛鑑務當督率文武員弁極力設法疏濬毋令省垣受衝所有城內城外被水災民著妥爲撫恤勿令失所

東華續錄

道光四十四

十一

一俟水退卽當分別安輯復其舊業其下游陳留等縣被淹亦著派員會同地方官查明妥辦○命大學士王鼎通政使慧成赴東河督辦大工○張祥河緣事解任以况澄署河南按察使陳開歸署○起鄂順安署河南布政使丁憂布○王成諭軍機大臣等牛鑑奏保守省城情形一摺據奏正河業已斷流各廳無工可施護隄缺口勢難搶築惟以保守省城爲要等語著牛鑑仍遵前旨多集夫料趕緊鑲築見在秋汎方長該撫保衛省城責無旁貸不得藉口水勢漲發人力難施致有疏失至旁溜注射之水亦著設法疏消以免浸灌其下流歸宿之處得有確耗卽行迅速奏聞○以李振祐爲刑部尚書調毛樹棠爲倉場侍郎以王炳瀛爲禮部右侍郎由內閣○以郭熊飛爲湖北按察使由陝西選○癸亥諭裕謙奏查明原任廣東水師提督關天培見有子孫並該故員尙有

親母等語關天培次子關從龍見年已十八歲著於服闋後送部引見伊母吳氏年逾八十著地方官每月酌量給予銀米以養餘年○戊辰賞前任甯夏將軍特依順都統銜作為參贊大臣赴廣東辦理洋務○辛未諭軍機大臣等牛鑑奏省城水圍而月來源盛漲見在喫重情形一摺據稱省城自黃水全掣以後西城稍見安定北城又添分溜注射勢漸裏臥情形更為危迫其餘四面城身久泡酥損等語著牛鑑設法疏消以免浸灌其如何挑溜勿令水勢衝射之處仍著悉心妥辦見當秋汛正長尤當加意防護毋得再有疏虞所有河南司庫報存正雜銀除分解湖北南河外實存銀三十五萬五千一百二十餘兩又庫存封貯銀十五萬兩均准該撫動用事竣覈實報銷惟省城猝被水圍百姓困苦情形已堪憫惻設使水勢日長急切不能消退百萬生靈俱歸沈沒朕心

東華續錄

道光四十四

二

實有不忍因思與其拆移輒石剝肉補瘡徒事補苴終難保護莫若即所撥庫銀以為遷徙賑恤之需著牛鑑悉心妥酌剴切曉諭凡此城內居民各有父母妻子趁此及早遷徙以冀生全如有安土重遷不願輕去其鄉者亦不可加以逼迫其文武官員兵丁人等儘至事出危急亦即隨時酌量就近遷避不必以城已就湮因有守土之責徒作無益之舉據奏本省被水各屬亦著分派幹員前往加意撫恤其下游水勢究竟作何歸宿該撫務即偵探確信迅速馳奏以慰朕念○戊寅王大臣奏鮑鵬以疊次代人買煙之犯夤夜前赴洋船傳話並隨琦善前赴粵東擬照交結外國例加等發遣山東濰縣知縣招子庸明知鮑鵬係不安本分之人不加拒絕仍留住署內薦舉傳話咎無可辭應交部議處命發鮑鵬往伊犁給官兵為奴遇赦不赦並革招子庸職以山東巡撫托渾布

聽從招子庸薦舉鮑鵬亦有不合命交部議處○己卯諭桂良等奏南掌國遣使敬關恭請入貢一摺南掌國長召喇嘛呢呀宮滿情殷祝嘏並例首屆期遣使敬關呈進貢物所有該國使臣計八月內方可行抵雲南省城該督等於該貢使到省後務令照常行走於封印前到京並派委文武各員妥為護送○裕謙奏浙省沿海口岸加築土城礮臺安設礮位已極周密江蘇洋面無洋船蹤迹守禦完備擬陸續裁撤兩省防兵從之○予告戶部尚書黃鉞卒贈太子太保予祭葬諡勤敏入祀賢良祠○錢寶琛以病乞免允之○庚辰顏伯燾奏英吉利兵船於七月初九日闖進青嶼口門臣親自督戰開礮擊沈火輪船一隻兵船五隻洋人一面回礮一面蜂擁而進是日南風大作洋船又占上風我軍煙火迷目以致廈門失守臣退守同安請嚴加治罪 上命顏伯燾督兵克復

東華續錄

道光四十四

三

廈門吳文鎔迅調精兵赴閩應援○諭奉天及沿海各省申嚴兵備○賜故越南國王阮福駁祭一次以其子阮福暉為越南國王命廣西按察使寶清往封
八月壬午朔諭軍機大臣等牛鑑奏河南省城被水情形斷難議遷並日內保護綏輯一摺又另片奏省城西北角以至西門趕緊作挑水大壩以資抵禦等語覽奏均悉河南省城屢次危險獲保安全該撫虔祀 河神大溜劃分兩股離城身五六尺得以搶築完固此皆仰叨 神佑曷勝寅感著發去大藏香五炷交牛鑑祇領敬謹祀謝至城內民人見留十分之七有難以遷徙之勢自係實在情形著牛鑑督飭文武員弁將應辦各工迅速妥辦見在節交白露可冀水漸消落仍當察看大溜勿令衝射據稱物料不敷已降旨飭令文冲趕緊運赴省城源源接濟不准稍有遲延該撫

驗收料物後即派熟習幹員督率夫役分工堵築毋得遲緩誤事
至省外被水各屬亦應查明派員撫恤下游水勢作何歸宿仍遵
前旨確查具奏○允裕謙奏請截回撤防官兵○癸未以桂輪爲
熱河都統調麟魁爲吏部左侍郎端華爲戶部右侍郎以慧成爲
兵部右侍郎由通政使○以恩華爲理藩院右侍郎由內閣○乙酉
諭軍機大臣等據麟慶奏祥符漫口全黃入湖見在拆展禦黃東
清等壩仍不足以資宣洩除禮智信三壩早已啓放義河亦經啓
通過水惟林家西壩難議輕啓酌俟湖水長至二丈一尺以外再
行啓放等語該壩地當湖心洩水過猛下游喫重且堵閉費大著
該河督督飭員弁將堰貯二廳石工加築子堰添備料物極力巡
防林家西壩能不至啓放自爲上策如秋風司令湖水增長情勢
可危再行啓放以保湖隄該河督務當慎重辦理不可稍涉大意
東華續錄 道光四十四 四

前旨分撤其各營所帶糧礮著准其擇堅固者留粵備用至香港
地方昨有旨令奕山等乘機攻復見在招練戰勇願效前驅正可
一鼓作氣該將軍等務宜妥速酌辦慎勿再失機宜○裕謙奏鎮
海定海交界之青龍港洋面有洋船五隻火輪船一隻甯海縣大
佛頭洋面有洋船三隻命裕謙嚴密防勦○予廈門陣亡金門鎮
總兵江繼芸世職卹典○庚寅以朱襄爲河東河道總督由江蘇
○辛卯諭文冲身任河道總督河務是其專責乃未能先事豫
防致有漫口當經降旨革職暫留河東河道總督之任責令戴罪
圖功以觀後效乃遷延日久並不趕緊搶堵致大溜全行掣動下
游州縣多被漫淹糜帑殃民厥咎甚重著即革職交王鼎等傳旨
即將文冲枷號河干以示懲儆朱襄未到任以前所有河東河道
總督印務著王鼎暫行署理○顏伯燾奏我兵正擬進勦洋人悉
東華續錄 道光四十四 五

勢惟下游田廬有無被淹著查明具奏○戊子諭前據牛鑑奏署
河南藩司張祥河因省城被水稟商河督欲於上游胡家屯一路
設法宣洩等語當交王鼎等前往查辦茲據奏稱查詢該署藩司
寶因省城危迫眾紳民等均以上游設法宣洩爲詞據情稟商河
督原非意在必行取具親供呈覽張祥河以藩司大員於省城猝
被水圍之時輒據紳民之情遽爲稟商殊屬輕率張祥河著交部
議處○諭軍機大臣等據奕山等奏分鄉團練撤兵募勇一摺據
稱客兵不可久居見擬撤兵募勇分鄉團練等語該省見練有水
陸義勇三萬六千餘名並將各鄉丁壯分成團練此項練勇俱係
民兵祁項怡良有守土之責著會同奕山等和衷共濟派委員弁
管束認真訓練加以激勸俾收實效所有前調各省官兵著仍遵

不日復來留船五隻未開見團集兵勇埋伏要地俟其登陸盡力
攻擊○甲午裕謙奏擒獲登岸洋人即時正法以堅眾志並將原
定賞格及洋人供詞開單呈覽諭軍機大臣等見在廈門留泊兵
船五隻其餘三十餘隻業經開駛本日據裕謙奏青龍港洋面又
有火輪船遊奕難保非即廈門開放之船來浙滋擾著裕謙嚴飭
將弁分路防堵併力轟擊斷不可掉以輕心失之大意是爲至要
提督余步雲從前效力邊疆尙無貽誤於海洋要地或非所宜難
資得力該督如於各省提督內有真知灼見決其必能殺賊立功
或無論何省總兵各員內有堪勝海疆重任者著即據實奏明請
旨候朕酌定○撥安徽太和等五縣倉穀接濟民食○丙申諭戶
部奏請飭催各省開鑄一摺各省鼓鑄錢文搭放兵餉以便流通

見據該部查明停鑄省分至十一省之多且停鑄多年恐錢法漸至廢弛不足以資民用著直隸山西陝西江蘇江西浙江福建湖南湖北廣西貴州各督撫務照每年應鑄卯額迅速開鑄其有鉛斤不敷之處亦著趕緊購辦毋稍遲逾○丁酉裕謙奏洋人駛放三板小船在雙畧地方登岸放火經太平營參將文斌督飭守備黃夢賚擊傷洋船奪獲器械洋人逃竄回船其石浦洋船亦據署同知李華等稟報擊退惟盛畧洋人大船仍在該處十餘里外遊奕福建分甯之洋船三十餘隻據報駛往東北浙洋未見大幫情事叵測○命怡良馳赴福建查辦事件以梁寶常署廣東巡撫由政使

○己亥諭軍機大臣等本日據奕山等馳奏七月二十六日有火輪船一隻三桅兵船三隻自洋外駛泊橫檔海面縱火毀拆蓬寮牆屋又有火輪船兵船駛入大石四沙等處攔阻填河焚燒東華續錄 道光四十四 六

船隻並在近村搜搶食物見在加意防範等語前此准令通商本非正辦此時若再有要求斷斷不准議及前據該將軍等奏南海番禺兩縣村社練有義勇三萬六千餘名省城所留精銳官兵亦有五千餘名如果謀勇兼施兵民齊奮見在乘此挑釁生事之時激勵士民收復香港先聲所至閩浙各處防勦事宜均易為力勉之又勉○諭據奕山等奏六月初四日海面颶風斗發所有尖沙嘴裙帶路帳房寮蓬悉被吹捲無存所造之屋亦並拆毀塌蕩一空等語是該處亦無房寮可住自不至仍有夷人占踞乃昨據裕謙奏香港地方見在岸上有兵一千名兵房數百間與該將軍等所奏情形何以迥不相符著即詳細查明據實具奏再關天培陣亡時不肯點礮及火門透水之兵丁必應嚴擊從重治罪並慶宇達邦阿二員究竟如何下落均經降旨飭查何以延未覆奏著即

一併查明迅速具奏○顏伯燾奏廈門各處街巷並無洋人蹤迹商民復業臺米流通命寬免治罪仍交部嚴加議處○庚子以趙炳言為湖北巡撫由江蘇布

○辛丑裕謙奏大幫洋船闖入內洋調兵堵剿臣不肯以保全民命為辭接受洋人片紙 上嘉勉之

○以陳嘉樹為江西布政使羅纘典為山西按察使補道題○命前福建布政使鄭祖琛赴鎮海軍營隨同裕謙商辦事件○甲辰裕謙奏敵船併幫攻犯盛畧石浦等處官兵兩次擊退○乙巳裕謙奏八月十二日洋船二十九隻挂帆起旋先有火輪船二隻引帶大洋船二隻乘潮闖入竹山門經定海鎮總兵葛雲飛在半塘土城看準苗頭開礮擊斷頭桅一枝洋人無暇拒敵冒死竄出吉祥門旋復繞入大渠門又經鎮標左營遊擊張紹廷在東港浦土城督率弁兵迎頭轟擊洋船即時退出我兵一無損傷 上以裕東華續錄 道光四十四 七

謙督率有方交部議敘加葛雲飛提督銜張紹廷以參將升用○戊申裕謙奏八月十三日洋船駛至竹山門總兵葛雲飛等督兵開礮擊斷洋船大桅當即竄去十四日洋人由竹山磯登岸經總兵鄭國鴻督兵開放撞礮擊殺無數十五日在五奎山支搭帳房我兵猶擊斃十餘名十七日進攻定海葛雲飛親自開礮擊中洋船火藥當即焚燒洋人分作三路進攻我兵前隊陣亡後兵繼進所用撞礮至於紅透不能裝打猶捨命轟擊該總兵等苦戰六晝夜連得勝仗無如連日風逆浪大洋船梗阻策應之兵無從東渡我兵實難抵敵十七日定海失守自請從重治罪予裕謙交部嚴議陣亡總兵王錫朋鄭國鴻葛雲飛著定海縣知縣石浦同知舒恭受均交部賜卹○己酉諭兩江總督裕謙經朕特簡欽差大臣駐紮浙江專辦防海事務乃會同提督余步雲在鎮海軍營籌辦

半年之久未能先機布置致定海縣城失守昨已降旨將裕謙交部嚴議余步雲亦著交部嚴加議處浙江巡撫劉韻珂專在省城籌防未能兼顧與烏爾恭額尙屬有開著交部議處○是月給陝西華州大荔二州縣河南睢州等八州廳縣水災額賦

九月癸丑諭向例固倫額駙之衣服等項俱係照貝子之例穿用固倫額駙德木楚克扎布著加恩賞給寶石頂帶三眼花翎及衣服等項均照貝子之例○諭浙江定海鎮總兵提督銜葛雲飛處州鎮總兵鄭國鴻江南壽春鎮總兵王錫朋當定海失守之時同時陣亡已降旨令該部照例賜卹本日據裕謙奏此次轉戰六晝夜開礮焚船惟葛雲飛所練親兵最爲得力陸路壽春處州官兵均極勇敢勦殺千數百名因眾寡不敵以致失事見在葛雲飛鄭國鴻屍身業已從厚殯殮王錫朋屍身尙無著落覽奏爲之墮淚

東華續錄

道光四十四

八

該總兵等効命疆場深堪憫惻除照例賜卹外加恩各賞銀五百兩由各原籍藩庫給發並著各省督撫查明該故員子孫幾人據實具奏葛雲飛鄭國鴻王錫朋俟定海收復後建立專祠王錫朋仍於該原籍建立專祠該故員等靈柩回籍時並著各該地方官妥爲照料此次隨同葛雲飛鄭國鴻王錫朋陣亡將弁兵丁除分別奏咨照例卹賞外並著裕謙確切查明分咨原籍督撫將其家屬從厚撫恤用示朕憫節昭忠有加無已至意○諭軍機大臣等本日據裕謙馳奏籌備堵剿一摺據奏夷船二十八隻散泊遊奕阻我道路尙有船十餘隻除焚毀擊損外不知去向見有四隻駛進蛟門該大臣已豫備攻剿一有捷音卽行馳奏至定海縣義民徐保兄弟四人竊負葛雲飛鄭國鴻屍身來營有踰牆走壁之能卽著裕謙量材委用從前三省教匪滋事之時儘有由義勇出力

擢至大員者署定海縣舒恭受前已有旨賜卹如果未死令善爲調養以備驅策所請改撥解閩軍需業已降旨准行其葛雲飛等陣亡情形亦明降諭旨加恩優賞矣○以楊殿邦爲內閣學士兼禮部侍郎銜勳○甲寅諭兵部奏請將王錫朋鄭國鴻照總兵例賜卹葛雲飛可否照提督例賜卹具奏請旨得旨葛雲飛前經賞給提督銜先換頂帶著卽照提督例賜卹王錫朋屢著戰功被害尤慘著加恩亦照提督例賜卹鄭國鴻照總兵例賜卹該故員本兼雲騎尉世職此次應給騎都尉世職如何歸併分襲著該部覈議具奏至同知舒恭受請卹之處著該部聽候諭旨遵行○乙卯諭軍機大臣等本日據奇明保等奏鎮海失守一摺已授奕經爲揚威將軍哈喇阿胡超爲參贊大臣馳驛前往浙江辦理軍務矣杭州省城緊要劉韻珂著駐紮杭州會同奇明保恒興督率滿

東華續錄

道光四十四

九

漢兵勇協力防堵並於定海鎮海兩處招集散亡安撫居民仍嚴防奸宄洩迹以杜內應所奏保護紹興等處已飭臬司蔣文慶帶兵前往並另委候補知府王壽昌帶銀雇募鄉勇等語均著照所請辦理據奏余步雲尙無恙著仍移駐甯波府督同鹿澤長鄧廷彩招集兩處兵勇協力固守俟剋日大兵抵浙會同攻剿所有前調江西湖北安徽各兵已由六百里諭知裕泰吳文鎔程霖采飭令帶兵各員迅卽赴浙並令胡超帶領陝西官兵先行抵浙應用軍需已飭戶部速議矣其鎮海失守情形著卽查明迅速奏聞○命協辦大學士吏部尙書奕經爲揚威將軍正藍旗蒙古都統哈喇阿固原提督胡超爲參贊大臣馳赴浙江辦理軍務○命前任福建水師提督陳階平仍以提督用赴浙江軍營○丙辰諭軍機大臣等昨日據劉韻珂等馳奏浙江鎮海縣失守當卽由六百

里加緊諭令余步雲等督率滿漢兵勇協力防堵本日據余步雲奏鎮海失守一摺仍遵前旨招集散亡安撫居民嚴防奸宄涸迹以杜內應據奏見在退守甯波會同道府督率文武收集散兵著加意防堵郡城一俟大兵雲集再當協力進剿至摺內所稱裕謙退回郡城隨即起程前去等語究竟裕謙見在何處著查明具奏其陣亡鎮將兵弁亦著確查咨明該撫辦理○諭寄諭浙江巡撫劉韻珂昨因鎮海失守已由六百里加緊諭令該撫妥籌辦理矣因思大兵指日到浙必應設立糧臺廣為儲備方足以聯眾志而壯軍心著該撫妥為籌畫應設立何處最為妥協該撫總理局務其派管之員即著遴選潘泉監司專司稽覈儻浙省大員不敷差遣即著奏明請旨此事關繫重大務使源源接濟毋誤軍精儻臨事遲誤惟該撫是問○降閩浙總督顏伯燾三品頂帶革職留任

東華續錄 道光四十四

○命怡良為欽差大臣會同顏伯燾劉鴻翱督理福建防堵○以牛鑑署兩江總督鄂順安署河南巡撫由署鄂○釋琦善赴浙江軍營效力贖罪○釋遣成黑龍江已革尚書奕紀往廣東軍營效力贖罪○丁巳諭軍機大臣等本日據余步雲由六百里奏甯波郡城空虛設法捍禦一摺昨因鎮海失守該提督退保甯波郡城儻能捍禦無虞尙可為浙省障蔽茲據該提督奏稱礮位無存兵丁無可調撥空虛景象遙想可知如該地方鄉民等力保孤城正在危急著劉韻珂設法救援惟省城尤為緊要是在該撫通盤籌畫擇要防守如甯波已被滋擾占據即著該撫傳旨飭令余步雲同在省城協力防堵其紹興郡縣與甯波毗連儻有可救援之處亦著極力設法分別扼守總之勢能兼顧務當勉力為之以副朕望○命戶部左侍郎文蔚為參贊大臣赴浙江協助胡超仍駐天

津防堵○已未諭兩江總督裕謙功臣後裔世篤忠貞經朕擢任封圻特派為欽差大臣辦理浙江軍務該督銳意圖功方資倚畀茲以鎮海縣城失陷投水殉節為國捐軀深堪憫惻著加恩贈太子太保銜照例賜卹任內一切處分悉予開復伊祖班第於乾隆年間在伊犁殉節入祀昭忠祠今該督臨危致命不忝前人著附祀昭忠祠並俟軍務竣後再於鎮海縣建立專祠以彰盡節其靈柩回京時著沿途地方官妥為照料並著伊弟裕恒前赴江蘇迎接到京時准其入城治喪應得卹典該衙門察例具奏○諭軍機大臣等本日據劉韻珂奏欽差大臣裕謙殉節一摺已明降諭旨加恩賜卹矣至所稱裕謙家人稟內牽及提督余步雲心懷兩端等語已諭知揚威將軍奕經到省查辦以期水落石出此時不可稍有漏洩所有江南城守副將豐伸泰著該撫迅即調赴浙

東華續錄 道光四十四

○實授牛鑑兩江總督○命參贊大臣特依順改赴浙江協助哈喇阿仍回山海關防堵○命戶部尚書那鴻藻在軍機大臣上行走○庚申改發奕紀天津效力贖罪不准進京○辛酉奇明保等奏八月二十九日洋船八隻駛進甯波府城連開大礮轟擊城內兵數無多即行失陷曹娥江為緊要關隘見飭在籍藩司鄭祖琛會同總兵李廷揚道員鹿澤長等協力堵禦並令臬司蔣文慶駐紮聲援安設糧臺命劉韻珂會同奇明保恒興竭力保守以待大兵○改發琦善往軍臺充當苦差○釋已革巡撫烏爾恭額發往軍臺充當苦差○壬戌命怡親王載垣在御前大臣上學習行走○癸亥諭前有旨將琦善烏爾恭額發往軍臺充當苦差茲據兵部奏稱軍臺止有效力贖罪並無苦差可以充當既係向辦成案琦善烏爾恭額均著改為發往

軍臺效力贖罪○甲子諭軍機大臣等據孟保等奏拉達克夷人
森巴生番占據唐古特邊界見在添派番兵剿捕並籌辦口糧等
語拉夷向結森番侵占藏境奪據達壩噶爾及雜仁補仁三處營
寨經前派查辦之戴琫比喜與賊接仗互有殺傷賊勢猖獗自應
添派番兵以資堵禦除前次派往番兵一千三百名外著再行揀
派如琫二名甲琫四名定琫二十名前後藏番兵五百名兼程前
往飛飭前次派往之噶布倫等相機設法攻剿所需口糧准其將
各營官寨所貯青稞趕緊於大雪封山之前全行運到軍營毋稍
遲誤該大臣等務須妥為籌辦以期迅速完竣○諭余步雲奏甯
波失守退守上虞收集散兵一摺曹娥江距上虞數十里之遙爲
省城門戶最關緊要昨據劉韻珂奏見已飭令鄭祖琛李廷揚鹿
澤長等協同堵禦並令蔣文慶駐紮聲援著余步雲趕緊收集散
東華續錄 道光四十四 十一
兵認真防堵不必赴省○丙寅奕經陛辭 上御勤政殿訓示方
略越三日文蔚陛辭亦如之○己巳 上閱火器營兵○癸酉申
諭海疆督撫扼要屯兵置墩築堡並商民捐資助餉及募勇造船
鑄礮者逾格請獎○丙子 上閱健銳營兵○丁丑諭前因廣東
副將陳連陞父子陣亡有旨令祁墳察看該故員等子嗣才具奏
聞候旨茲據奏稱該故員等子嗣陳起鵬陳受桂等見在湖北原
籍並未來粵無憑察看等語著湖廣總督裕泰就近傳喚察看才
具奏明候朕施恩該副將父子同時盡節忠孝兼全勇烈尤著准
其一體在陣亡處所建立專祠以慰忠魂○劉韻珂奏洋人占據
甯波府城後復闖入餘姚縣城破縣監放走監犯衙署縣庫均
被拆毀退出後又至奉化縣境內量水窺探居民紛紛竄避慈谿
縣監犯乘間逸出見派撥兵勇扼要守禦余步雲於鎮海失守時

退還甯波情節查係與裕謙同時退回與裕謙家丁原稟不符命
奕經查訊具奏○己卯諭軍機大臣等據倉場侍郎德春等奏豫
籌積貯以裕支放一摺漕糧爲天庾正供必應先事豫籌著朱樹
分咨有漕省分各督撫將道光二十二年漕糧除蠲緩外實在起
運約計若干萬石確切查明咨復由該漕督彙齊趕緊先期具奏
毋令玩延貽誤○子裕謙世職○子鎮海陣亡總兵謝朝恩殉節
縣丞李向陽世職○是月賑奉天遼陽等六州縣水災緩徵陝西
葭州雹災奉天承德縣民地歉收額賦
冬十月辛巳朔奕山等奏原報香港房屋掃蕩一空係指蓬寮木
棚而言嗣洋人又搭造房屋貯貨藏身並圖招商走私原奏實無
捏飾關天培係激於忠義毅然誓死並非兵心叛貳以致自盡惟
當礮臺攻陷之時兵丁散失致令主將陣亡擬將首先散走之兵
東華續錄 道光四十四 十二
丁嚴訊重辦香港地方洋人並不久居見在填塞省河並不阻撓
業已趕緊興工建臺鑄礮○江南河道總督麟慶奏遵查黃河大
溜直奔河南省垣西北城角分流爲二匯向東南下注至距省十
餘里之蘇村口又分南北兩股其北股溜止三分南股溜有七分
計經行之處河南安徽兩省共五府二十三州縣被災輕重不等
見在勘估挑河若歲內興工即可以工代賑得旨江南興工於附
近窮民自有裨益若遠方遷徙之民紛紛覓食人數眾多不能徧
及難保無流離之苦著河南安徽巡撫妥籌善策多方安撫俾災
黎無憂失所以副朕軫念民依至意○乙酉賜德慶等七十一人
武進士及第出身有差○辛卯達洪阿等奏本年八月以來洋船
疊向臺灣外洋遊奕停泊飭屬嚴防堵禦是月十六日卯刻洋船
駛進口門對二沙灣礮臺發礮攻打經該參將邱鎮功等將安放

大礮對船轟擊淡水同知等亦在三沙灣放礮接應邱鎮功手放一礮立見洋船桅折索斷退出口外衝礁擊碎洋人紛紛落水死者無數其上岸及乘船竄者復經該參將督同署守備許長明等帶兵駕船趕往生擒格殺多名復經即用知縣王廷幹等駕船出洋幫同出力生擒多名並見洋人自行投水其時復經千總陳大坤等駕船開礮擊沈三板船一隻格殺並生擒多名又據曹謹等在大武崙港外追獲外竄三板船一隻刺死生擒多人並撈獲屍身礮位接獲圖冊此次文武義首人等共計斬獲一百六十五人撈獲礮位十門賞提督銜臺灣鎮總兵達洪阿雙眼花翎臺灣道姚瑩花翎並予達洪阿姚瑩臺灣知府熊一本優敘在事出力員弁兵勇義首人等命據實保奏候旨施恩○命王得祿赴臺灣協勦○丁酉以連貴侯桐為內閣學士兼禮部侍郎銜連貴由太常寺卿侯桐由東華續錄道光四十四

通政司 裁減廣東省城馬額四百六十四匹添設礮手四百名改弓箭兵三百八十五名為槍兵○甲辰諭軍機大臣等前經特派奕山為靖逆將軍楊芳齊慎為參贊大臣諭令會同該督撫妥籌進剿並調撥兵丁一萬餘名如果彼時謀勇兼施痛加勦洗何至蔓延他省禍及鄰邦即云虎門失事之後藩籬未固不敢輕動乃近來屢次奏報據稱已招募義勇三萬餘名又稱已收回漢奸一千餘名並稱省河亦次第修復堵塞似此防守可恃即應趁時修築虎門各處礮臺並進兵收復香港何以數月以來奏報摺件多係尋常事件任意敷衍搪塞而於進剿之方未及一語是該將軍等所稱由內及外由近及遠等語全不足信此時若不相機攻擊更何所待况聞該省士民志切同仇該將軍等既募有水勇多名復收回漢奸使之策應正可激勵兵民同心敵愾乃竟袖手坐視

隱忍苟安不圖攻剿之謀止為退縮之計老師糜餉是誠何心朕於此事屢經降旨至再至三該將軍等置若罔聞豈半年之久竟無可乘之機耶奕山等見在坐守粵省辦理何事究竟是何意見該將軍等空糜糧餉坐失機宜能否當此重咎著據實具奏○戊申諭軍機大臣等前因裕謙家人呈訴余步雲心懷兩端並於陣聲言保全生靈顧惜妻子等情當經面諭該將軍等到浙後確查究辦本日據余步雲奏銜署被毀請給王命旗牌等件因思該提督當鎮海將陷之時裕謙決意殉節余步雲有妻女三十餘口可憐並伊女今日出閣之語迫鎮海失守退入甯波甯波失守退保上虞所稱巷戰被傷殊不足信見稱銜署盡被拆毀文卷全行焚燒如果屬實則該提督三十餘口妻女勢必不能生全疊據奏報情形並無家口被擄被殺情事是但知保護家屬而於王命旗牌等要緊物件一切置之不問著該將軍等確切查訊如何向裕謙密語如何連次退避甯波失守以後該家屬等有無被難如何出城逐一查訊明確務使水落石出如果該提督實有心懷兩端臨陣退避及保護眷屬罔顧職守情事一面由驛具奏一面傳旨將該提督革職拿問嚴行懲辦浙江提督著段永福暫行署理再余步雲奏陸續收回散兵三千餘名此項散兵自係定海鎮海甯波三處潰散之兵即不能盡數誅夷亦當分別懲治若臨陣任其退縮事後招回入伍該兵丁等復何憚而不畏死偷生耶見當軍務喫緊之際各省精兵勁旅固當體恤愛護此等失律士卒必應明正軍法俾將士知所儆懼著奕經等訊明逃散實情將首先潰敗之人於軍前正法示眾即稍有可原情節亦當分別輕重按律懲處斷不可任其濫廁軍籍仍糜糧餉反使勇將勁兵見而解體

再定海鎮海甯波失守以後陣亡將士朕已逾格施恩至逃避將弁必當重治其罪亦著該將軍等確切查明按律究辦毋任諱飾避就以肅戎行○己酉 上臨壽安固倫公主園○是月賑湖南華容縣岳州衛江西德化等十縣水災加賑湖北沔陽等九州縣山西薩拉齊廳災民江蘇上元等十五縣衛災民並免額賦給安徽無為等十二州縣水災口糧屋費並免額賦緩徵安徽和州等三十州縣江蘇高郵等六十州縣衛直隸滄州等十七州縣湖南澧州等九州縣衛山東濟甯等三十六州縣衛湖北沔陽等三十一州縣衛江西南昌等二十二縣山西薩拉齊廳岢嵐州河南尉氏等二十六縣被災新舊正雜額賦齊齊爾爾根城通賦十一月甲寅予故戶部尚書隆文入祀賢良祠○丁卯文冲遣戍伊犁○庚午改湖北荆州周正關為柳關移設柳家集改周支關東華續錄 道光四十四 六

勦軍心著揚威將軍參贊大臣等查明失守各城首先逃走之將弁兵丁嚴切訊明即照軍法從事毋稍寬縱惟犯法者既正刑誅立功者當膺懋賞激勸以壯其氣錫賚以獎其勞全在該將軍開誠布公助以忠義俾人人有勇知方同心敵愾若使紀律嚴明賞罰必信自可迅奏膚功茲特發去內庫花翎五十支搬指八十箇翎管四十箇小刀九十把火鑷七十五把六品頂六十箇七品頂八十箇著珠勒亨等帶往軍營交揚威將軍奕經等祇領其將弁兵丁及檄訓各省官弁人等內如有拔幟先登不避鋒鏖者該將軍等即將殞去各件優加賞賚仍敘述事迹據實保奏朕必破格施恩該將軍等務當恩威並用整飭戎行以副朕綏靖海疆至意○改山東曹州府糧河通判為曹單通判○甲申劉韻珂奏英人於十五日駕火輪杉船及內地漁釣等船由甯波駛至餘姚各處東華續錄 道光四十四 七

私不接濟恐又係徒託空言藉此延宕至前奏每月軍需幾及三十餘萬該將軍等擁兵坐視株守省城何時方可蕙事著奕山齊慎祁墳各抒所見不必會同分摺密奏備仍以浮詞搪塞亦斷難逃朕洞鑒也○戊子諭前因顏伯燾陳奏廈門失守情形恐有不實不盡面諭端華馳往密查茲據該侍郎奏大致均屬相符即新兵水勇數目多寡亦不甚懸殊惟以總督大員駐紮廈門專辦防堵事宜已閱半年之久乃廈門失守輒即退保同安泉郡庸懦無能罪無可逭嗣因廈門業已收回從寬免其治罪降為三品頂帶革職留任原期愧奮圖功藉資補救近閱歷久奏報無非虛詞搪塞全無實際其見應如何設法攻剿之處槩未籌及種種荒謬實屬孤恩溺職顏伯燾著即行革任○以楊國楨為閩浙總督西巡撫○己丑帥承瀚以病免以何汝霖為左副都御史由宗人府○東華續錄 道光四十四 大

以梁夢涵為山西巡撫岳鎮南為雲南布政使李德為直隸按察使由大順○以李星沅為江西布政使崇恩為江蘇按察使由廣○庚寅諭軍機大臣等孟保等奏攻剿拉夷森番得獲勝仗收復補仁營寨情形一摺前因拉夷森番占踞藏境經該大臣等奏請添兵進剿茲據奏稱嚴飭噶布倫等進兵攻剿殲斃生擒賊匪多名收其險要克復補仁營寨惟該匪占踞唐古特地方計已一千七百餘里其餘營寨尚多必應趁此獲勝之後一鼓作氣設法進攻以期全行收復所調唐古特騎馬土兵著分撥前赴軍營並將藏營所存劈山大礮交該兵隊運往以資攻剿毋稍遲延○癸巳奕經等奏英人竄入奉化旋復退出○丁酉諭軍機大臣等見當軍務喫緊之際非賞勸不足以激士氣而勵軍心昨降旨發去翎支等件並諭令揚威將軍等隨時將有功員弁兵丁敘述事

蹟保奏施恩諒已宣諭軍中同深歡忭惟念軍營用人之際流品不齊而得力之處又不能拘定一格其有勞績頗著者不可不優加賞賚立見施行俾眾相觀感愈形踴躍惟軍營得賞之人攜帶重貨轉覺不便若不明示以信又恐阻其奮勉之心茲先行發去新製武功賞牌七百五十張註明銀兩數目計銀七萬兩交奕經等祇領其有爭先出力奮勉立功者著即覈其功之大小隨事酌量分別賞給並於執照內註明俟大功告竣後或由戶部或由各省藩庫驗明支領該將軍等務即曉諭軍民人等及時自奮銳意圖功以副朕鼓勵軍心有加無已至意○召鍾祥來京以寶興兼署四川布政使兼署○壬寅諭軍機大臣等本日裕泰等奏湖北崇陽縣匪徒聚眾攻入縣城一摺據稱該縣刁徒鍾人杰前因包庇程中和竊煤圖利擬徒配逃查擊未獲與民人挾有夙嫌欲圖報復等語該犯鍾人杰以無賴匪徒何至因有釁端輒敢聚眾入城搶劫監獄倉庫拒捕細官情節殊難憑信據該縣師長治之子稟稱匪徒黨與甚多恐係蓄謀已久該縣僻處山陬地面並不遑闊何以匪徒聚眾該縣毫無聞見其中顯有別情著裕泰趙炳言一面派兵緝拿各犯一面飛咨鄰省協力防堵其為首之犯務當即速擊獲毋任遠颺滋蔓裕泰見已帶兵前往並有郭熊飛等會同兜擊著即嚴切訊究起釁根由何人為首是否係地方官激成事端總須水落石出分別嚴辦迅速完結湖北省城一帶飢民甚多趙炳言坐鎮省垣必須妥為彈壓不可令其聞風驚疑或致句串儻見獲各犯供出黨與散在各處亦即密咨分緝勿留餘孽是為至要○癸卯諭軍機大臣等裕泰奏匪徒戕官踞險見在添兵剿辦一摺據奏崇陽縣幕丁稟稱匪徒鍾人杰陳寶銘等糾集

東華續錄 道光四十四 九

黨與二三千人設立帥臺占據縣城戕害知縣見據擊獲奸細供稱浦圻接壤之洪下地方見有匪黨僧人占據拒守等語匪徒聚眾據城戕官罪大惡極必須一鼓殲除斷不可耽延時日致有滋蔓該督見已續調省標官兵督同勦辦如兵力尙單准於北南兩省附近營分酌補以期早爲撲滅計該督此時當已行抵縣境著卽探明路徑出奇夾擊迅速蒞功並先就所獲各犯確訊起釁根由毋稍諱飾至該縣師長治城破被害家屬同時殉節又典史外委是否自盡均應確切查明據實具奏○乙巳梁章鉅以病免以程尚采爲江蘇巡撫調李星沅爲江蘇布政使以費開綬爲江西布政使葉名琛爲雲南按察使由江道遷○以徐廣縉爲四川布政使李德爲順天府尹文柱爲直隸按察使由山西河○丙午劉韻珂奏雙桅洋船四隻小船數十隻於本月十七日駛入乍浦所東華續錄 道光四十四 二十

轉之彩旗門洋面見已飛飭堵禦十八日復有火輪船二隻駛進海甯州尖山口內旋即退出命奕經等併力防堵○戊申達洪阿等奏英人復於九月間乘駕三桅船隻至淡水雞籠口滋擾突進口門直撲礮臺大礮齊發勢甚猛烈經我兵開礮回擊三沙灣地方復有英人登岸其勢甚兇亦經我兵開礮擊斃二人眾始駕駛逃竄當此洋人滋擾之時突有北路嘉義匪徒鳴鼓搖旗乘機滋事當卽親統精兵馳往勦辦擊獲股首江見等及夥匪多名並槍斃殺死賊匪無算其先因播散謠言擊獲在監欲爲內應之江坡一犯亦經該府熊一本提出杖斃正在按拏餘黨復有南路鳳山匪徒豎旗響應亦經調集兵勇兩路夾擊生擒股首吳慈等及夥犯無算見在賊匪均經擊散地方安靜賞達洪阿騎都尉世職姚登熊一本雲騎尉世職在事出力員弁兵勇義首人等命據實保

東華續錄 道光四十四

奏傷亡弁兵咨部賜卹○是月賑江蘇新陽縣災民展賑河南祥符等六縣江蘇上元等十縣災民貸河南睢州柘城縣貧民籽種口糧並平糶淮甯縣倉穀緩徵江西南昌等二十二縣逋賦浙江橫浦浦東二場鹽課○是歲朝鮮琉球南掌入貢○會計天下民穀數通共大小男婦四萬一千三百四十五萬七千三百一十一名口存倉米穀三千二百六萬一千五百四十四石三斗六升三合四勺

東華續錄 道光四十四 三

六二二

東華續錄

道光四十五

臣王先謙敬編

臣周翰蕃恭校

道光二十二年壬寅春正月庚戌朔以怡親王載垣為御前大臣

○辛亥命齊慎往湖北會勘○丙辰楊國楨以病免以怡良為閩

浙總督梁寶常為廣東巡撫存與為廣東布政使文俊為江西按

察使由廣東監○丙寅以陳官俊為戶部右侍郎由通政○己巳

諭本日裕泰由驛馳奏官兵勦擊賊匪大獲勝仗一摺據稱正月

初十日崇陽縣逆匪數千人由通山縣西越嶺突入又有數千從

小路盤踞高山欲行撲城施放槍礮經派防參將清保等率兵迎

勦把總魏鴻興奮勇先登官兵齊上奪據險要殺傷賊匪百餘人

追殺擊斃不計其數該匪等身受重傷者數十人皆被擒獲於軍

東華續錄 道光四十五

前斬首餘匪逃散又經官兵追擊斃賊數百名奪獲槍礮器械多

件又初九日賊匪用小船多隻擁至蒲圻占據城外東南山坡官

兵轟擊先後斃賊數百人該匪恃眾拒敵四面撲城勢甚猖獗經

揀發副將雙福等帶領兵勇奮力進攻擊斃二千餘人落水死者

百餘人生擒多名奪獲礮位燒毀船隻賊匪復於十一日撲城守

備王貴登城抵禦中槍傷復經雙福策應賊始敗去見在追逐

接查等語覽奏甚為欣悅賊匪恃眾撲城該兩邑派防文武員弁

合力堵擊用少擊眾連次大獲勝仗挫其兇鋒可嘉之至把總魏

鴻興先登奪險加恩著以守備儘先升用先換頂帶揀發副將雙

福著賞戴花翎遇缺即補守備王貴著賞戴花翎以都司儘先升

用該督裕泰勦辦逆匪見在崇陽通城兩縣雖未即時克復惟該

督派委員弁連獲勝仗尙屬調度有方著加恩賞戴花翎在事出

力員弁仍著該督查明保奏候朕施恩傷亡兵勇查明咨部照例

議卹○辛未以故莊親王縣護弟縣諱襲爵○壬申諭孟保等奏

攻勦森巴番夷殺斃首惡一摺森巴大頭目倭色爾蠻食侵占邊

外大小部落實屬強橫茲復帶領賊眾搶占唐古特營寨數處並

敢屢次抗拒官兵洵為此案渠魁見經該大臣等札飭噶布倫等

帶兵四面夾攻將倭色爾殺斃又殲斃大小賊目四十餘名賊匪

二百餘名餘賊紛紛潰散逃往賊寨並據拉達克頭人及八底部

落部長等呈獻軍器情願投降所辦甚好著該大臣等即將逃散

餘匪設法追擊搜勦淨盡務使不留遺孽仍飭該噶布倫等將喀

壩噶爾等四處營寨夷賊探明多寡虛實進兵勦捕及早肅事至

此次攻勦出力官弁著即查明據實保奏候朕施恩○甲戌諭軍

機大臣等本日據裕泰等奏防兵續獲勝仗見在分道進剿一摺

東華續錄 道光四十五

覽奏欣慰已明降諭旨令該督酌保出力員弁矣據奏先復通城

以孤賊勢密飭台湧帶領官兵由臨湘巴陵進取副將雙福等督

帶兵勇由開道馳往通城收復該縣以後即由南面進攻崇陽又

派參將清保等攻奪界頭賊卡由東面進攻崇陽其西北兩路派

遊擊謝正國等帶兵奪取小嶺賊卡劉允孝擬由白楊畝奪據西

嶺等處進攻等語所辦甚好似此四面兜擒必膺小醜無難一鼓

殲除朕佇待捷音之至也○丁丑諭本日據裕泰等由六百里馳

奏收復崇陽縣城生擒首要各犯一摺覽奏欣慰之至湖北崇陽

縣逆匪鍾人杰本係在逃徒犯膽敢聚眾戕官連陷崇陽通城設

立鍾勤王偽號並豎都督大元帥紅旗分設知縣千總偽職遣令

匪黨攻撲附近城池罪大惡極覆載不容經總督裕泰馳往咸甯

就近調撥官兵分守要隘賊匪攻犯通山蒲圻均經官兵擊斃副

提督劉允孝帶兵會剿調集官弁分兵五道同時並進昨據報到連奪賊卡已降旨將裕泰劉允孝交部議敘本日據奏大兵將次進攻先遣前署威甯縣知縣夏廷樾前署崇陽縣知縣金雲門懸賞招覓土民羈縻首要各犯劉允孝亦募紳民嚮導內應白石盤山進攻夏廷樾會同遊擊謝正國在黑橋接仗陣殲賊匪三百餘名追殺一百餘名距賊巢白蟻橋五里地方又殺賊五十餘名該巨紳士誘令首逆出城經官兵義勇趕至合圍立將首犯鍾人杰及要犯陳寶銘汪敦族一併生擒該督即由洪上地方前進攻復崇陽縣城安撫居民分兵前往通城接應收復等語逆匪於上年十二月十二日據城戕官建立偽號經該督等調兵防剿謀勇兼施在事文武官員弁兵紳民均能同心協力迅掃穢槍甬經四旬收復崇陽縣城生擒首要各犯辦理迅速甚屬可嘉裕泰前已賞

東華續錄

道光四十五

三

齊慶歉收倉穀江蘇災區京右等營兵餉獨緩浙江海甯等九州縣衛水災新舊額賦緩徵山東濟甯等十州縣衛正雜額賦展緩江蘇高郵等二十八州縣衛直隸安州等十七州縣通賦二月辛巳 上御經筵○諭據裕泰等由六百里馳奏收復通城縣城續獲逆黨一摺覽奏欣慰據稱首逆鍾人杰攻占通城後派令逆黨汪敦族為偽知縣隨帶崇陽匪徒千餘人在彼踞守嗣聞官兵分道進剿即將汪敦族招回派令但扶瀧為通城偽官該縣士民探聞崇陽各逆首就擒即於正月二十二日將踞城逆黨但扶瀧及要犯但十沈長細送行營見派文武員弁馳往安撫居民等語此次逆匪先後占踞兩城擾害地方經裕泰劉允孝帶兵屢次挫其兇燄又經吳其濬台湧堵截去路不至蔓延該督撫提督等調度有方剋期蕺事尙屬安速除裕泰劉允孝業經加恩湖北

東華續錄

道光四十五

四

戴花翎著加恩賞加太子太保銜並賞換雙眼花翎劉允孝亦著加恩賞換雙眼花翎發去花翎二支交裕泰劉允孝祇領在事文武各員弁並嚮導內應羈縻誘獲之紳士民人及出力各義勇均著據實保奏候朕施恩據奏該督行營經過地方紳民燕香跪道帶兵各員均能不妄殺戮見在地方救謐朕心甚慰所有留撤官兵及善後事宜均著裕泰妥籌具奏逆匪鍾人杰陳寶銘汪敦族著遴委委員檻送京師盡法處治以伸國憲而快人心○以德誠為泰甯鎮總兵官調成剛為刑部右侍郎

○戊寅命齊慎回四川提督任○是月展賑安徽無為等十二州縣衛奉天遼陽等六處新民等四廳縣災民給安徽泗州等二十二州縣衛浙江海甯等七州縣水災口糧貸江西德化等七縣湖南武陵縣湖北嘉魚等九縣衛陝西葭州等五州縣水災籽種口糧山西薩拉

杉板船三隻擊斷三桅大船頭桅燒去上蓋復於鎮海城外焚燒
 三桅大船一隻梅墟一帶亦經開礮擊壞杉板船兩路擊斃洋人
 四百餘名此次官兵未能得手應請將臣等嚴加議處 上命暫
 免議處仍策勉之○壬辰諭軍機大臣等麟慶奏查勘洪湖水勢
 請改建滾壩豫籌宣洩一摺洪湖蓄洩機宜最關緊要近年逐漸
 墊高設有盛漲勢難容納自應添籌分洩之路見據該河督查明
 山盱仁河原建壩底過水猛驟易於衝跌請改建滾水壩一座較
 舊制增長三十丈俾洩水得以舒暢並於壩下添築順堰攔堰等
 工自係為慎籌宣防起見惟工程較大本年既難應用設遇大汛
 經臨信智等壩斷不足以資分減據稱擬將舊義河再行權放一
 次而衝跌過甚越堵為難該河督於全湖形勢素所諳悉此次所
 議改建石壩及權放義河之處於全局大有關係該河督仍當悉
 東華續錄 道光四十五 五
 心相度斟酌盡善妥籌辦理也○諭本日據奕經等奏長溪嶺慈
 谿山營盤被焚文蔚退回紹興府城奕經帶兵渡江應援尖山一
 帶已諭令嚴密防範矣江蘇上海寶山一帶與浙洋地面毗連著
 牛鑑督飭在防員弁小心偵探認真防備毋稍疏虞○命齊慎仍
 馳赴浙江軍營○命鄂順安堵治河南渦河○癸巳諭刑部奏各
 省辦理火器殺人案件多涉遷就請飭另行審擬一摺所奏甚是
 向來因爭鬪施放鳥槍殺人者以故殺論斬定例甚嚴從前舊案
 閒有因本犯正欲捕打鳥獸適與人口角爭鬪被毆失跌以致震
 動火機斃人命酌擬絞候原以其事出無心量從寬典近來外
 省問刑衙門感於救生不救死之說每遇火器傷人案件動輒援
 照定擬案情之真偽既雜則罪名之出入易淆若各直省俱似此
 辦理或聽兇犯狡供或任書吏蒙蔽何以飭法紀而重民命嗣後

著該督撫將軍都統府尹遇有火器傷人之案督同問刑各員詳
 細推鞠務得確情不得驟以震動火機為辭稍涉遷就所有湖南
 省傳四發槍傷傳賤隴身死一案江西省溫儀豐斃傷甘景安身
 死一案著該撫等另行審訊實情定擬具奏○甲午改江蘇揚州
 府總捕同知為糧捕同知通州糧河通判為運河通判○乙未
 上臨壽安固倫公主園○諭王鼎等奏祥符大工合龍一摺上年
 六月河南祥符上汛漫口當派王鼎慧成前往會同朱襄鄂順安
 籌辦堵築事宜茲據奏稱二月初八日兩壩挂纜合龍尚未盡行
 閉氣恐有滲漏經該大臣等駐工督率員弁兵夫不停力作見在
 大工告竣層層壓實涓滴皆無十分穩固引河亦通暢東注全黃
 悉歸故道更喜鉅工告成在未交桃汛以前此皆仰賴 天恩默
 佑 河神感應朕心實深敬慰發去大藏香十炷著朱襄虔赴工
 東華續錄 道光四十五 六
 次各處 河神廟代朕敬謹祀謝以答 神庥所請動項建造廟
 宇著准其勘估派員監造其封號扁額俟奏到時再降諭旨王鼎
 等在工實心實力經理得宜允宜特沛恩施以示獎勵王鼎著賞
 加太子太師銜仍與慧成朱襄鄂順安交部從優議敘並均著開
 復革職留任處分所有一切善後事宜著朱襄妥協經理倍加詳
 慎以期隄防鞏固永慶安瀾○丙申諭軍機大臣等寄諭揚威將
 軍奕經等劉韻珂奏大兵在慈谿失利事勢深可危慮一摺此次
 大兵進剿勢將得手旋被橫衝以致各兵潰敗人心惶惑所奏俱
 係實在情形見在奕經等分據要隘務當各矢血誠安撫士民保
 衛郡縣省城為根本重地劉韻珂調度守禦力恐不支該將軍參
 贊等必應極力防堵毋稍疏虞其曹江尖山乍浦等處均應分兵
 防禦處處周密斷不可因偶爾失利自隳銳氣以期勉贖前愆又

另片奏壯勇戰敗潰散連日攜帶器械紛紛抵省該撫業經咨會各督撫等語此項壯勇本皆獷悍之徒該將軍等務當從長計較或酌留備用或咨令回籍毋滋後患其已經出境者見已降旨由四百里諭令江蘇安徽山東河南各督撫沿途妥為彈壓毋令滋事並將健壯酌留備用所持器械追繳入官諒該督撫等必能遵照妥辦本日已降旨飭將伊里布改發浙江效力並令耆英馳赴浙江署理杭州將軍不日均可抵浙該將軍惟當協力同心攘外安內切不可再失事機也○己亥奕經等奏英人呈遞書函酌擬暫示羈縻並請續調官兵力圖進剿得旨事已如此添調何難前番布置似乎確有把握一經動作受虧退步又欲俟數千里外續調之兵到齊再行進剿無論曠日持久必能保其成功乎○庚子諭裕泰奏請將殉節之知縣等分別賜卹一摺湖北崇陽縣知縣東華續錄
道光四十五
七
師長治到任甫及百日倉卒遇難典史王光宇及該縣師長治之妾吳氏姪女師氏同時自盡並被殺之家人曹斌均堪矜憫應如何分別賜卹之處著該部查議具奏尋予師長治王光宇世職○癸卯命齊慎仍為參贊大臣○賞伊里布七品頂帶赴浙江軍營○移貴州都勻縣訓導駐八寨廳○丙午諭前因奇明保年逾七旬精力就衰降旨命耆英馳往浙江署理杭州將軍因念省城為根本重地防堵尤關緊要將軍參贊分駐各處要隘止有特依順一人帶兵在省恐不足以資控制耆英著頒給欽差大臣關防馳驛前赴浙江省城會同特依順嚴密防守如兵力尙單應調本省及他省官兵卽著斟酌情形一面飛檄調取一面由驛具奏儘有疏虞惟耆英特依順是問劉韻珂身任巡撫守土是其專責一切防堵事宜亦著會同籌辦至浙省沿海各處口岸仍責成奕經文

蔚齊慎擇要防守相機攻剿該將軍大臣等惟當協力同心以期戰勝守堅毋負委任勉之望之○是月展賑盛京遼陽等處江蘇上元等八縣災民
三月壬子 上幸南苑行圍○諭軍機大臣等奕山等奏籌議戰守情形並祁墳等奏軍需數目應辦事宜各一摺據奏樸鼎查自浙駛回香港添船自固並邀他國貨船同泊議戰實無把握惟議守省城可保無虞等語覽奏均悉著卽責成奕山等嚴密防範慎固封守備有疏虞惟奕山等是問惟所奏添造兵船曠日糜費又係徒託空言殊屬無謂至虎門十處礮臺據稱無船不能護修若必待船隻造成始行動工爲日甚長何時方可蕙事其酌截兵勇一節准其將廣西兵一千八百名留東備防貴州四川江西湖北各兵著分別盡撤另挑本省兵勇防守儻本省之兵勤加訓練可資得力卽廣西之兵亦可隨時酌撤再見存義勇二萬六千餘名爲數亦覺太多著該將軍等會同遴選擇精銳得力者令其協同官兵分地駐守餘著酌量再行裁減仍須妥爲安頓不可別滋事端所奏每月需銀十三萬九千二百餘兩如能將兵勇逐漸裁撤經費自更節省著祁墳梁寶常力加撙節毋任虛糜○乙卯諭奕經等奏查明接仗陣亡各員請分別賜卹一摺覽奏深爲惻憫浙江金華協副將朱貴在長谿嶺軍營身受三處槍傷臨陣戰歿其子武童朱昭南隨同打仗身受兩槍同時殉難實屬忠義可嘉朱貴著照總兵例賜卹朱昭南一併議卹仍著該將軍等查明朱貴見尙有子幾人及朱昭南有無子嗣之處卽行具奏候朕施恩甘肅西甯鎮左營遊擊黃泰陝西隆德營守備徐宦陝甘督標都司下馬關營守備陳芝蘭四川大金河千總加副將銜巴圖魯阿本

穢瓦寺土守備哈克里浙江候補知縣顏履敬均著照例賜卹以
 慰忠魂○丁巳 上還京師○己未諭壽臧和碩公主著指配二
 等男爵侍順之子開散恩醇作為和碩額駙所有派出借老大臣
 選擇吉期下嫁事宜著內務府大臣照例辦理○諭軍機大臣等
 穆彰阿等奏遵議帑項軍儲一摺據奏財賦所入歲有常經糧餉
 所資用無定數請飭各督撫體察輿情熟籌良法等語國家經費
 有常必應量入為出見在軍務緊要費鉅用繁尤須妥為籌畫前
 據鄂順安奏豫省城工勸諭紳民捐輸與築此外山東兩淮浙江
 長蘆均經先後報捐是在外籌畫一費即在內省撥一項著各該
 督撫體察輿情熟籌良法其應如何因地制宜於經費實有裨益
 而仍無拂於民情即行條議具奏至應徵一切新舊正雜錢糧亦
 著統行查覈轉飭按款依限徵收毋使短絀○辛酉命前任四川

東華續錄

道光四十五

九

布政使鍾祥以三四品京堂候補○太子太保前任浙江提督二
 等子王得祿卒晉贈伯爵並太子太師賞銀五百兩治喪予祭葬
 諡果毅○庚午奕經等奏二月二十五日夜閒飭鎮海縣知縣葉
 堃商同鎮海縣生員王師真統領火藥船隻及水勇數十名由僻
 港駛至鎮海緊對英人大船發火即將停泊稅關道頭之大船後
 尾燒然洋人驚起呼號不及解放杉板紛紛竄入水中彼時生員
 王師真即乘勢督催水勇頭目人等將火藥船隻重重繼進各杉
 板船四面圍住過船投查火具觸動機關各船火藥立時並發附
 近暗伏鄉勇亦各發火開槍作為疑兵應援鄉勇水勇陸續撤退
 並無一人受傷焚毀洋船及燒斃洋人不少賞王師真六品頂帶
 藍翎葉堃上年失守縣城免其治罪○丙子奕經等奏原任處州
 鎮總兵鄭國鴻之子候補批驗所大使鄭鼎臣等前經派令招集

水勇雇募火攻船隻會同營員渡洋暗伏定海縣城內外並各帶
 島豫備焚燒攻勦三月初四日鄭鼎臣暗向各船裝載柴草火藥
 等物駛至梅山港分三路向北前進守備徐積寶督率火攻船隻
 先由十六門分作七排放進道頭該處停泊大洋船三隻各排船
 隻重重繼進圍住洋船即時引然正值東南風大作火光燭天人
 聲鼎沸洋人始猶用礮轟擊繼見篷索全然無處躲避向三板船
 逃竄武舉蔣忠清等帶兵接應亦開槍放礮迎面攻擊洋船驚亂
 復自相觸沈多隻並有退回仍被焚燒者其逃走三板洋船奔向
 竹山門水勇頭目袁高榮帶船自小渠山駛來該洋人用槍箭向
 射轉將柴草燒然直向噴燒又焚洋船多隻其蝦時港停泊最大
 洋船一隻千總韓慶瑞王廷鰲並壯勇頭目李世茂等帶領大號
 火攻船二十餘隻一齊放進乘風發火首先燒然大桅篷索等件

東華續錄

道光四十五

十

洋人僅止開放四礮船板均已引然不及解放三板船各焦頭爛
 額鼻水逃生洋船火藥被燒煙酸飛過山頂即時桅倒船沈不見
 蹤迹維時軍功頂帶詹成功把總吳大升在定海城內望見火燄
 知係火攻得手當即放火延燒房屋擊殺洋人數十名生擒一名
 奪獲刀槍等件其城外埋伏之委員銀沆等焚燒沿城房屋以助
 聲勢鄭鼎臣復見五奎山有洋人屯紮上山攻擊旋即潰散我兵
 追殺十餘人其自北駛來接應之火輪船二隻亦被開礮擊破統
 計燒毀大船四隻三板船數十隻燒斃沈溺擊殺三四百人我兵
 並無傷亡奏入賞奕經雙眼花翎白玉喜字翎管一文蔚頭品頂
 帶與特依順均交部優敘在事出力員弁著查明據實保奏○陝
 甘總督恩特亨額卒予祭葬○以富呢揚阿為陝甘總督璧昌為
 陝西巡撫由伊犁參○命文麟以四品京堂候補以萬貢珍為安

徽按察使由甘肅平○丁丑湖南提督楊芳以病免賞食全俸○是月蠲緩河南鄭州積澇地畝逋賦

夏四月癸未達洪阿姚瑩奏據淡水同知曹謹署鹿港同知魏瀛

澎湖通判范學恒彰化縣知縣黃開基護副將關桂稟報正月三

十日有三桅洋船及杉板船在淡水彰化交界之大安港外洋欲

行入口見兵勇眾多攻撲不進復退出外洋經貓霧揀巡檢高春

如及大甲巡檢謝得琛所募之漁船粵人周梓等與洋船上廣東

漢奸作土音招呼誘從土地公港駛進果為暗礁所閣其船欲側

入水該處理伏兵勇齊起關桂及署北路右營遊擊安定邦督令

署守備何必捷千總何建忠李青雲把總翁標桂林飛鵬等施放

大礮奮力攻擊其船遂破洋人紛紛落水死者不計其數復有數

十人手持短械跳上漁船該廳縣將備同大甲巡檢謝得琛竹塹

東華續錄道光四十五 十一

巡檢汪昱外委蕭振輝李吳魁等及義首總理兵勇奮力圍擊殺

斃生擒數十人奪礮十門及鐵礮鳥槍腰刀圖書各件賞達洪阿

太子太保阿克達春巴圖魯號姚瑩二品頂帶均交部優敘在事

出力員弁均著保奏○丙戌諭向來京外大員子弟每屆五年查

辦一次挑取侍衛拜唐阿嗣後如遇挑取侍衛年分所有大員子

弟著無庸挑列○己丑奕經等奏自鄭鼎臣等焚燒大小洋船甯

鎮兩城洋人驚惶無措又加伏勇隨處驚擾自二月以來先後擒

斬沈溺各逆不下數百名益覺窮蹙見經管帶官兵之遊擊高峻

及分帶壯勇之請升副將托金泰帶兵趕進乘勢截擊洋人遙見

兵勇至至不敢迎拒紛紛奔上船隻遁赴鎮海即於三月二十七

日收復甯波郡城○壬辰諭孟保等奏攻克幾湯賊寨收復達壩

噶爾等四處營寨地方一摺上年森巴番夷句結三部落賊匪侵

占唐古特營寨地方經該大臣等進兵攻勦殲賊首倭色爾並

擊獲句結滋事之拉達克賊目古明堪等四名前後共殺斃森巴

及拉達克賊目四十餘名投降者八百三十六名計幾湯克復未

及兩月即將夷賊所占之達壩噶爾等處營寨地方一千七百餘

里全行收復見在邊境肅清孟保海樸督辦軍務調度有方肅功

迅速均著交部從優議敘所有出力官弁著即查明據實保奏候

朕施恩陣亡番官番兵查明照例辦理其堆噶爾本各營寨逃散

番民並著札飭噶布倫等妥為安撫應辦善後事宜著孟保等體

察情形妥議章程具奏○耆英等奏初七日午刻有火輪船二隻

大小洋船二十餘隻由乍浦所轄之黃盤山東首洋面而來未刻

火輪船拖帶三板船自彩旗港駛入西行停泊旋復往來遊奕已

函致副都統長喜會同揚威將軍派令員弁督率兵勇晝夜防守

東華續錄道光四十五 十二

並委令伊里布帶員馳往設法羈縻○甲午 上詣 黑龍潭祈

雨○諭軍機大臣等奕經等奏浙洋海水由鎮關直達慈谿餘姚

擬於蜀山渡及梅墟地方相度形勢釘椿築壩設法收復鎮海定

海等語覽奏已悉羅卜丹帶領千餘人在招寶山踞守鎮海洋船

停泊三隻意圖牽制我兵得以大幫分擾他處見在乍浦已有船

二十餘隻該處毗連江蘇地方緊要尖山一帶係屬省城門戶關

繫非細該二處兵力如覺單薄自應添兵防守若以全力攻復鎮

定二城轉致乍浦尖山或有疏虞實屬得不償失著該將軍等一

面於曹娥江餘姚等處嚴密防堵一面速派參贊一人統帶得力

弁兵馳往乍浦相度機宜可勦即勦當守則守切勿顧此失彼致

墮詭計昨據耆英等奏派委伊里布威齡馳赴乍浦設法羈縻一

節驚惶失措辦理殊未得宜已明降諭旨令耆英即赴廣東將軍

任矣所帶伊里布威齡即交奕經留營差遣如無可委用之處即
 一面奏聞一面飭令回京該將軍等受國重寄責無旁貸務當通
 籌全局不致蔓延江浙沿海地面方為不負委任勉之又勉○劉
 體重以病免以朱士達為湖北布政使傅細助為陝西按察使
 東勝運 ○乙未諭軍機大臣等著英等奏本月初九日洋船排列
 陣勢另用杉板船數十隻分撲西山齊唐家灣等處大船開放大
 礮直向內偏復由燈光山等處登岸火箭齊發城內漢奸接應各
 兵紛紛潰散乍浦失守等語省中地勢縣長嘉興府城為江浙咽
 喉之地設有疏失關繫非細甯波鎮海俱係殘破之城收復自可
 從緩著奕經等接奉諭旨酌留參贊一人在曹娥江一帶駐守杜
 其竄入紹興之路該將軍同參贊一人迅即統得力弁兵馳往嘉
 興駐紮應援省城儻該二處稍有疏虞惟該將軍等是問懷之至
 東華續錄 道光四十五 五
 此次官兵並未接仗遂爾紛紛潰散此皆平日紀律不嚴所致思
 之深堪痛恨著奕經等查明是日情形究竟若何其首先潰散弁
 兵著一面即在軍營正法一面據實奏聞毋得稍存姑息其江蘇
 防堵事宜已諭知牛鑑陳化成嚴密辦理矣○以乍浦失守奕經
 文蔚特依順劉韻珂下部嚴議尋議上得旨均著加恩改為革職
 留任奕經前次賞戴雙眼花翎文蔚賞加頭品頂帶並交部議敘
 及特依順前次交部優敘之處一併撤銷○己亥兩○命抽查漕
 糧御史仍駐大通橋○庚子諭浙江提督余步雲經朕畀以海疆
 重任上年定海失陷總兵王錫朋等帶領各路官兵轉戰六晝夜
 之久該提督並不督兵應援以致孤城失守迨至鎮海甯波接踵
 失事總督及總兵等先後殉難余步雲輒敢節節退避當鎮海甯
 波未失之時與定海尚隔海洋若使鼓勵士卒奮勇當先嬰城固

守地勢既據上游精兵復聚重鎮何至四路潰散頃刻不支言念
 及此實堪痛恨總緣該提督平時既訓練無方臨事復貪生畏敵
 首先退縮大懈軍心作此厲階罪難推髮早經降旨飭令揚威將
 軍奕經查明屢次退敗情形按律治罪用彰國憲比因軍務喫緊
 查訪非倉卒所能遂先其所急暫緩建問乃軍營將弁兵丁等相
 率效尤紛紛潰散此皆余步雲為之倡也昨據奕經等奏稱乍浦
 失守不過數時之久該處將弁兵丁不為單弱何至向未交鋒遽
 爾奔潰棄城幾同兒戲總因余步雲身為提督屢失城池並未查
 究迷人人各懷倖免之心不思破敵之計遲延觀望坐失事機若
 再不整飭紀綱大申軍令何以挽惡習而振軍容余步雲著即革
 職交奕經傳旨鎖拏派委員押解送京交軍機大臣會同刑部
 審訊治罪至前次飭查失守鎮海定海甯波三城及此次乍浦失
 東華續錄 道光四十五 五
 事各文武員弁兵丁除鎮海縣知縣葉莖著有微勞功過尚足相
 抵外其餘均著奕經分別查明首先潰散之員弁兵丁開單請旨
 此後務當嚴申紀律如有臨陣退怯首先潰散者即以軍法從
 事一面正法一面奏聞毋許仍存姑息致令士氣不揚該將軍等
 其整勵戎行副朕委任○諭孟保等奏酌擬拉達克及八底部落
 人等准其投誠商上並添設防範乞金番民章程一摺上年森巴
 番夷侵占唐古特營寨地方業經該大臣等勦除首惡收復地方
 邊境肅清茲據噶布倫策墊等稟據拉達克番民及八底部
 長人等公同懇求准其投歸唐古特商上情願各防邊界協力堵
 禦等情拉達克等部落向與唐古特通商茲既願投商上自應俯
 如所請以順輿情惟該部落既歸商上必應妥立章程以為久安
 之計著照該大臣等所議將堆噶爾本空金番民酌定五百名由

前後藏番民內擇其精壯派令前往充當金夫此內揀選明白曉事者十人作為頭目以資約束並於前後藏揀派熟悉操演之戴琫一名如琫二名甲琫二名定琫四名前往駐守教習技藝該番民等既以空金為業無庸另籌經費其派往之戴琫等在彼駐守准其以二年更換如果地方安靜教習已有成效由駐藏大臣量加鼓勵倘有廢弛查明懲辦惟該戴琫等在藏均有操防之責著俟試看三四年後由該大臣會同噶勒丹錫呼圖薩瑪第巴克什酌量情形再行撤回歸伍其教習等事即責成該處營官按照妥辦以資防範○癸卯王鼎奏病體未痊請展假二十日調理得旨卿務須安心調攝著再賞假一月○甲辰命耆英仍留浙江辦理軍務○乙巳以洋船退出乍浦命各海口申嚴兵備○諭耆英奏遵旨馳赴廣東一摺昨已有旨令該大臣暫緩赴粵俟諸務妥協東華續錄 道光四十五 十五

折回杭州省城協同防守見在嘉興乍浦一帶尙須布置耆英著遵照昨奉諭旨於嘉興乍浦一帶酌量扼要處所駐紮控制妥辦諸務諸大臣昨奏外委陳志剛回稟該夷不願交戰止求通商該外委既經面見必非兩言而止此外有何言語並未詳晰聲敘著耆英據實具奏○丙午以王庭蘭為江甯布政使徐繼畬為廣東按察使由鹽運使遷○予浙江死事署乍浦同知章逢甲祭葬世職○逆首鍾人杰等伏法○丁未奕經等奏初八日壯勇頭目王建功等在定海縣螺頭門槍擊洋人鄉勇白成位等用火罐拋擲燒然洋船洋人竄避落水王建功帶領鄉勇民人將船奪獲駛回委員鄭鼎臣等接奉札諭裝載火藥從後路進兵牽制十二日南風大作副將鄭宗凱遊擊池建功派令守備徐積寶將火攻船裝配七十餘隻督同兵勇水勇將船繞近該洋人大船先暗放火藥燬一

聯印時轟破船頭我船連排繼進火發飛騰四面放槍喊殺洋船多被焚燒計燒斃沈溺及擊斃者約有三百餘人將兩桅大船燒去半截三桅大船三隻兩傍燒毀並燒斷大桅兩根燒壞大杉板船四隻奏入擢鄭宗凱福建福甯鎮總兵池建功以參將升用均賞花翎鄭鼎臣賞四品頂帶花翎賞還奕經雙眼花翎文蔚頭品頂帶子特依順齊慎優敘○是月貨湖南鳳凰等五廳縣屯丁苗佃籽種口糧山西吉州等十四州縣倉穀緩徵山西陽曲縣薩拉齊廳通穀

五月己酉朔命伊里布以四品頂帶署乍浦副都統○太子太師大學士王鼎卒晉贈太保命成郡王載銳奠茶酒賞銀一千五百兩治喪予祭葬諡文恪入祀賢良祠命其孫琮瑩均俟及歲時帶領引見○庚戌諭奕山等奏查明前任提督關天培陣亡時兵丁散走情形設兵所以衛民必期有勇知方近日海疆防守官兵奮勇殺賊者固不乏人至於臨陣退避見賊先逃以致主帥陣亡汛地失守此種失律士卒不難悉數駢誅因念罪有首從不忍槩予夷誅特命將軍督撫等嚴查懲辦該將軍督撫等身膺重寄具有天良自應將實在情形迅速覆奏候朕酌量情節法所難宥者立正刑章情有可原者量從末減庶於嚴申紀律之中仍寓欽恤慎刑之意乃本日奕山等奏關天培在靖遠礮臺陣亡兵眾同時逃走並無確切證據等語郭標等五名既據何居桐指出即應親提研訊方可得有實據乃直至該把總畏罪自盡始行親提以致恃無質證率即擬結僅請將郭標等五名革伍責懲殊屬輕縱所有逃散之兵丁郭標歐振彪唐成恩吳就茶蘇勝亮均著發往新疆充當苦差以示懲儆又另片奏擊獲漢奸溫東幅一名究出被

脅入夥赴官投首之從犯蘇亞馨等三名將溫東幅正法蘇亞馨等擬軍等語廣東漢奸在在皆有該省年餘來僅獲一溫東幅而被脅入夥之蘇亞馨等三犯又稱赴官投首可見平日並不認真查拏不過以此塞責奕山身任統帥祁墳梁寶常均係封疆大吏乃陳奏事件如是不誠不實迹近欺詐辦理亦屬錯謬奕山祁墳梁寶常均著交部嚴加議處○甲寅以故大學士王鼎靈柩入城治喪命左副都御史何汝霖前往奠醴○丙辰湯金釗緣事降光祿寺卿○丁巳湯金釗以老病乞休賞二品頂帶休致○戊午諭前因奕山等覆奏關天培陣亡時兵丁走散情形迹近欺詐辦理錯謬當降旨交部嚴議茲據該部議以革職實屬咎所應得奕山著革去御前大臣領侍衛內大臣都察院左都御史從寬仍留正紅旗漢軍都統與祁墳梁寶常均著改爲革職留任以觀後效○

東華續錄

道光四十五

七

予傷亡乍浦副都統長喜祭葬卹廕賞銀九百兩治喪○己未牛鑑奏五月初一日三桅洋船一隻火輪船二隻停泊吳淞口外開放大礮飭備戰船各一百餘隻橫排口內江面以防奸細竄入並出示諭止各商船俟洋船退後再行進口該洋船與強脅之商船二十餘隻停泊口外相持五日不見動靜其停泊羊山戴山之十一隻並黃家灣以東之三隻亦未駛來洋船停泊洋面數日內開礮一百數十餘出我軍並未施放一槍一礮靜以待動提督陳化成設伏安礮將士用命並飛調壽春鎮總兵尤渤帶兵一千名馳至上海應援○禮部尚書色克精額卒予祭葬○調恩桂爲禮部尚書以吉倫泰爲理藩院尚書禧恩爲理藩院左侍郎將軍○實授奎照左都御史○轉王植爲刑部左侍郎調魏元烜爲刑部右侍郎以何汝霖爲兵部右侍郎由左副都○命何汝霖在軍機

大臣上學習行走○壬戌牛鑑奏英人突集船隻攻犯寶山江南提督陳化成督率弁兵在塘堵禦相持七日之久初八日卯刻驟聞塘岸礮響知係開仗該督親往督戰遇見洋人將巨礮安於大桅之上重疊施放陳化成在塘對擊轟壞洋船三隻傷斃洋人數十名該洋人疊放大礮火箭不止將教場房屋將臺打破旋報提督陣亡縣城旋亦失守臣退至嘉定收集潰兵馳抵太倉防堵劉河以過入省要道奏入命奕經酌派參贊一人帶兵赴蘇耆英伊里布馳赴上海會同牛鑑相機籌辦劉允孝署理江南提督○諭陳化成久歷海洋素昭忠勇此次臨敵亦極果敢竟爾捐軀允宜特沛殊恩以慰忠靈陳化成著交該部照提督例賜卹仍加恩賞銀一千兩卽由江蘇軍需局給發並著該原籍督撫查明該故員子孫幾人據實具奏並於殉難處所及該原籍各建專祠該故員

東華續錄

道光四十五

六

靈柩回籍時並著各該地方官妥爲照料其陣亡將弁兵丁由該督一併查明具奏尋予祭葬世職賞治喪銀一千兩諡忠愍○丙寅晉封琳嬪烏雅氏爲琳妃○丁卯諭前因海疆經費浩繁降旨令各督撫熟籌良法茲據寶興奏自該督以至知府各有捐輸藉伸報效等語國家經費有常當此制用孔亟之時必應寬爲儲備全在該督撫因地制宜悉心籌畫總期於經費有益而仍無拂於民情卽如紳士商民情殷報效原不能阻其急公好義之忱亦不可稍涉抑勒若見任各官員一律捐貲殊非朕意所有該督等自請捐輸之處事不可行著無庸議○牛鑑奏英人占踞寶山將本地強壯丁男爲之搬運物件陸續留住補充擊斃洋人之數十一日從新開繞進上海北門縣城失守洋船由浦江駛入松江城外官兵出城嚴陣以待洋人開放大礮五六十聲我兵回擊洋船

仍由原路駛回○命賽尙阿爲欽差大臣馳往天津會同訥爾經額辦理防務○戊辰諭昨據寶興奏自該督以至知府各有捐輸報效富以事不可行降旨無庸議因思前據賀長齡奏貴州官員自巡撫以至州縣每年養廉分別捐出二成一成儲備經費朕以分年捐出且爲數無多業經允准惟見在四川官員捐輸既已未允所請所有貴州前請按年扣廉之處亦著無庸議捐以昭畫一而示體恤○庚午牛鑑奏十四日寅刻英人又以火輪船二隻二桅大船三隻駛向東汶似欲上岸接仗壽春鎮總兵尤渤整隊相持洋船連放大礮我兵均伏在地隨用擡礮火槍更番疊進洋船始行怯退駛去○癸酉耆英伊里布奏遵旨馳抵江蘇接據該目來文內稱見已集兵不得不戰並有約實一處辦事地方等語釋其詞意似約地會商見在發給照會問其定在何處公商派外委

東華續錄 道光四十五 十九

陳志剛等星馳送往俟有復信再行奏聞○劉韻珂因病賞假一月賞四品頂帶卞士雲三品頂帶署浙江巡撫○甲戌賞還故已革貝勒奕綺原爵賜葬嗣子載華降襲貝子○丙子諭余步雲見據奕經等派員解京俟解到時著交軍機大臣會同三法司嚴訊定擬具奏○丁丑以山東布政使楊慶琛爲光祿寺卿○吉林副都統果陞阿奏遵查產濫山場事竣回任得旨所查情形若何有無弊竇一語不及無怪乎年來吉林所進之蘆甚覺不堪想濫務廢弛極矣

六月戊寅朔日有食之○己卯命齊慎赴江蘇扼要應援○以王篤爲山東布政使調崇恩爲山東按察使以黃恩彤爲江蘇按察使由鹽○甲申牛鑑奏請做照乾隆年間征緬罷兵仍許朝貢事准予英人通商批中伊里布之害不淺矣曷勝憤懣又批朕之用

兵實出於萬不得已若將征緬之事比擬事不相類擬甚不倫想卿必爲伊里布黃忒矣朕愈加憂憤儻將士有所窺伺稍有解體將成瓦解可設想耶總因朕無知人之明自恨自愧○命伊里布回乍浦副都統任暫留耆英會同牛鑑辦理江蘇防勦事宜○丙戌牛鑑奏洋船五六十隻駛近福山其火輪船二隻已乘潮駛過江陰之鷓鼻嶺大小洋船均在江中寄碇等候探水見分飭鎮道將前備之火攻船整理周密相機截擊齊慎亦已趕赴京口○戊子賜葛雲飛子以簡舉人以敦武舉人鄭國鴻孫銛錫舉人○辛卯湖北荊州萬城隍決命裕泰堵治之並查恤災民○癸巳諭軍機大臣等本日據齊慎海齡奏洋船駛至京口開礮攻撲我兵連日接仗奮力堵擊又據耆英奏馳往應援各一招覽奏均悉此次齊慎等奮勇擊退可嘉之至齊慎劉允孝久歷戎行忠勇素著海

東華續錄 道光四十五 二十

齡亦能協同出力朕心欣慰惟盼迅奏膚功卽膺懋賞所有出力之滿洲綠營弁兵著查明保奏候朕施恩○乙未賞周天爵四品頂帶發往江蘇以知府補用○丙申牛鑑奏英人攻圍鎮江府城齊慎劉允孝退至新豐鎮○丁酉耆英齊慎奏洋船闖入大江攻犯京口我兵開礮擊斃數十人並落水多名英人復聚集多船蜂擁而至驟由西北分路登岸經齊慎督率將弁迎敵把總周兆熊手點撞礮擊斃騎馬紅衣頭目一人官兵乘勢下壓槍礮齊施並令刀矛手左右鈔襲傷斃三百餘名洋人復用車推礮上岸我兵仍奮力前進傷斃洋人不計其數洋人突由間道攻撲北門經副都統海齡督率弁兵併力堵禦詎復分股攻擊西南兩門城內突有火起提督劉允孝帶兵往救洋人用礮塞斷各路漢奸到處放火截殺前隊多有受傷不能前進惟時西南門竟被攻破府城失

守洋人猖獗我兵相持七八晝夜卒因兵分力單以致不支懇將
臣齊慎劉允孝從重治罪奏入命周兆熊以守備儘先升用先換
頂帶齊慎劉允孝仍暫行戴罪立功以觀後效○辛丑諭耆英奏
查明鎮江城陷時京口副都統海齡並其妻及次孫同時殉節該
副都統為國捐軀忠義可嘉著加恩照都統例賜卹並著耆英派
委委員尋覓該副都統及伊妻伊孫屍身妥為盛殮並查其見存
子女一同護送回旗該副都統有子幾人著俟百日孝滿後由該
旗查明一併帶領引見候朕施恩俟軍務完竣著該地方官建立
專祠以表忠蓋伊妻及伊次孫均著附祀尋予諡昭節○奕經奏
江省待援緊急浙省防勦亦不容緩不敢率行帶兵前往候旨遵
行得旨兩省將軍督撫籌辦將及一載有何功效迨成今日之勢
尙自從容候旨遵行朕忿恚而外有何堪諭自恨無知人之明也
東華續錄 道光四十五 五

○耆英奏長江天險一旦失守是疏防於平時非貽誤於今日至
江中葦洲林立儘可埋伏火攻並鑿其船底壞其槳舵得旨朕早
計及於此無其人為之朕徒然焦急忿恨奈何又奏一切埋伏事
前未能籌畫批督臣以下所誤也○甲辰常恒昌緣事降調以孫
善寶為浙江布政使詳前○奕經奏請調陝甘兵二三千名派
大員帶領在揚州一帶屯紮湖北江西安徽兵三四千名派大員
帶領在江甯燕子磯一帶屯紮相機會勦得旨正所謂緩不濟急
夢囈之談耳又奏請調甘肅撤拉爾回民三五千名揀員管帶撥
赴天津江南軍營聽候調用批尤屬不可之事又批浙江非前鑿
歟不但無尺寸之功翻致賊勢益張朕惟自恨自愧不能知人即
再簡派閩帥無非又添一層忿恨於國計民生有何補救

東華續錄

道光四十六

臣王先謙敬編

臣周潤蕃恭校

秋七月戊申諭江蘇浙江沿海州縣轉徙流離耕耜失業轉瞬將
屆刈穫之時該農民輸將無力何堪更事催科若待該督撫奏報
誠恐展轉需時恩澤未能速逮所有江浙兩省被兵州縣除定海
鄞縣鎮海三廳縣本年錢糧業經有旨豁免外其被兵各州縣本
年錢糧漕米均著加恩悉予豁免至鄰近州縣雖未被兵亦恐有
妨農業並著該督撫等分別查明請旨酌減十之二三以昭體恤
該督撫卽刊刻謄黃徧行曉諭務使實惠均霑毋任吏胥滋弊用
副朕軫念民艱速需恩膏之至意○己酉諭軍機大臣等奕經奏
馳赴江省防堵並會同特依順等奏浙洋盜船擊退各一摺奕經
東華續錄 道光四十六 一

著仍遵前旨駐紮王江涇聽候耆英消息所奏行營糧臺合管通
羣管理管通羣昨已有旨署理浙江布政使所有行營糧臺事務
著另派一員管理至浙洋盜船為數眾多總當設法捕獲務期淨
盡仍著該將軍等督飭地方文武各員實力勦辦毋稍疏縱並創
切曉諭儻真能悔罪投誠呈繳器械並能殺賊立功卽當予以重
賞○辛亥耆英奏洋船西駛漸至浦口儀徵命沿江各省合力攻
勦互相援應○張晉熙以病免以張日最為河南布政使劉耀椿
為四川按察使詳前○壬子齊慎奏六月二十七夜隨營從
九品郭藩縣丞齊在鎔等帶領精兵潛入鎮江府城分投暗襲擊
斃騎馬頭目一名刀砍棒擊傷斃洋人不計其數偵探洋人校場
黏人共打斃八百餘名命出力員弁兵丁查明保奏○甲寅諭軍
機大臣等牛鑑奏夷船駛至省城伊里布奏馳抵江省各一摺覽

奏均悉著仍遵前旨剴切曉諭俾不至疑或藉口惟既經商議必
應事事著實毋得稍留罅隙萬一仍不受撫不得不加大撻伐奮
力攻剿該大臣務當妥為籌畫相機辦理本日已由六百里加緊
諭知奕經令其督兵進駐常州一帶著英等如措辦了結即飛咨
奕經令其知悉如辦理不能得手更當飛咨奕經以便帶兵速來
內外合剿毋稍遲誤○丙辰諭前任福建興泉永道劉耀椿因
其係保舉人員官聲尙好昨將該員升任四川按察使茲據廖鴻
荃奏失地之員轉邀升擢未愜眾望等語劉耀椿上年失守廈門
經該督奏請嚴加議處維時因閩浙兩省失守各員多有未據奏
到者是以未經降旨懲辦所有福建浙江及江蘇三省失守城池
各員著該督撫迅速查明參奏毋得有遲延遺漏劉耀椿既有
應議處分自未便遽加升擢著以道員留於福建交怡良差遣委
東華續錄 道光四十六 二

局前降諭旨甚明惟必須通盤籌算永絕禍根慎毋仍墮奸謀致
貽後患據奏南城儀鳳門最關緊要見在兵燹漸集著俟佐領塔
芬布等回報後如情詞恭順再遣職分較大之員速行定議儻竟
桀驁不馴難以理論見在兵力已集地險可守全在該大臣等激
勵將士或竟出奇制勝懋建殊勳該大臣之功甚偉也又奏初七
日據該目將請求各款開列清單交委員塔芬布等攜回公同閱
看係索討洋錢及貿易馬頭等款並據稱若能如所請不敢再啓
兵端不如所請即行開仗並往別省滋擾等語正在酌議詎料初
八日英人聞有調兵防剿之信忽換紅旗定於次早開礮攻城查
所謂各省官兵曾經挫衄未敢恃以爲固且江南民風柔懦男婦
數萬號呼籲救不若姑允以保大局見已照會照議商定又諭覽
奏念江南數百萬生靈一經開仗安危難保既經該大臣等權宜
東華續錄 道光四十六 三

用仍入於應議各員內一同覈辦○以潘鐸爲四川按察使由廣
運使○己未著英等奏英國大小兵船八十餘隻陸續駛入草鞋
峽江面當將允准通商之處專弁前往告知該目並次覆文總稱
臣等無權不能作主忽於初五日向差往之弁張攀龍聲稱初六
日欲行開仗當揀派太倉州知州徐家槐外委陳志剛及張禧發
給照會推誠布公復加開導該員弁馳至江邊見各船張挂紅旗
車皆駕礮人盡執槍紛紛上岸排列陣式候時前進該員弁等將
照會付給公商良久始鳴礮傳令撤落紅旗次第回船頭目嗎禮
遜等向告英吉利與中國通商豈敢無故得罪中國之人兵戰連
年實出於不得已見蒙准與通商情願聽候商議諭軍機大臣等
覽奏已悉該首既有不敢得罪中國情願聽候商議之語著英已
抵省垣著與伊里布牛鑑公同熟商如果就我範圍即可籌定大

敢再啓兵端見在業經俯允如何退出長江如何遣散回國該大
臣等必當切實議定永杜兵萌不可稍涉含糊徒顧目前仍成不
了之局○諭前因鎮江失守副都統海齡自縊殉難念其爲國捐
軀特加優卹茲有人奏海齡查擊漢奸誤殺良民不計其數以致
人心不服將該副都統圍住海齡因縱兵開礮轟擊夷聞內變乘
勢直入府城海齡之死聞係被民戕害等語查擊漢奸本係守城
要務若因此多殺無辜激成內變則其死殊不足惜惟奸民乘亂
洩忿戕官縱賊實屬罪大惡極縱不能悉數誅夷必應將爲首數
人立伸國法著將原摺鈔給程希采閱看畢竟鎮江如何失守海
齡是否被戕確切查明據實具奏不得因海齡已死代爲彌縫亦
不可因亂民較多意圖消弭○壬戌予江蘇死事上海縣典史楊

慶恩祭葬世職○癸亥諭軍機大臣等耆英等奏連日會議粗定條約一摺朕因億萬生靈所繫實關天下大局不得不勉允所請藉作一勞永逸之計非僅為保全江浙兩省而然也所商各條內尚有應行籌酌之處即如退出長江招寶山其前請之通商貿易五處除福州外其廣州廈門甯波上海四處均准其來往貿易不得占據久住至藉詞索欠一節該國與內地通商已二百年從前貨物交易銀錢往來俱係自行經理我國官員向不過問且此中貿易曲折價值低昂甚為瑣屑况各國言語不通斷非地方官所能經理嗣後各處通商自應仍照舊章毋庸更改經此次議定之後該大臣等務當告以大皇帝相待以誠允准通商汝國亦應以誠相待斷不准再啟兵端違悖天理不但業經滋擾各省不得復來茲疊即沿海之廣東福建臺灣浙江江南山東直隸奉天各省東華續錄 道光四十六 四

地面亦不准駛入各省官兵應撤應留我國自有斟酌至內地舊有墩壘並礮臺等項亦應次第修築以復舊規並非劫自今日此係為防緝洋盜起見不必妄生疑慮以上各節總在該大臣等深思遠慮切實定議永杜兵萌○戊辰命卞士雲管通羣仍辦理糧臺○己巳諭軍機大臣等但明倫奏收復瓜洲招集匪徒各摺瓜洲業經收復著招徠居民妥為撫輯仍飭員弁兵勇小心守禦毋得稍有疏懈至儀徵濱臨大江梟徒乘間竊發見在招集頭目尙聽約束仍當妥為彈壓毋任滋生事端其平以後應如何設法解散之處著斟酌妥辦慎勿稍留後患其餘沿江各村自相圍練均著照所議妥為辦理○庚午江南桃北應河溢命麟慶堵治之○壬申耆英等奏樸鼎查先有請臣等出城面訂之約當訂於十五日直至其三桅兵船該目貌甚恭謹旋於十九日在城外靜海

寺行答拜禮復請入城面訂和約詞甚諄切不得不俯順其請定於二十一日選擇公所委員妥為照料俟入城定議再行錄呈○癸酉諭軍機大臣等圖明額等奏布噶爾伯克奪占霍罕地方差人進卡遞稟業經發給諭帖酌加賞賚護送出卡等語覽奏均悉所辦甚是布噶爾係卡外遠夷與霍罕蠻觸相爭自應置之不問惟該夷既將霍罕地方併吞其勢自強必當示以鎮靜密加防範至該夷與霍罕因何啓釁用兵奪占地方著圖明額等密派明白曉事誠實可靠之回子探得確實情形具奏○是月賑巴里坤地震災緩徵山東德州等二十二州縣衛旱災電災新舊額賦展緩浙江嘉善等四縣衛水災電災新舊額賦

八月戊寅耆英奏廣州福州廈門甯波上海各海口與英吉利定議通商諭軍機大臣等耆英等奏和約鈐用關防一摺朕詳加披閱俱著照所議辦理惟赴各口貿易無論與何商交易均聽其便一節須曉諭與地方民人交易日久難保民人無拖欠之弊止准自行清理地方官槩不與聞其各國被禁人口自應一律施恩釋放以示格外之仁將來五處通商之後其應納稅銀各海關本有一定則例所稱定海之舟山海島廈門之鼓浪嶼小島均准其暫住數船俟各口開關即著退出不准久為占據應添註約內者必須明白簡當不可草率了事崇稱八月初十前後必可退出長江著迅速妥辦以慰廬念○辛巳以趙光為左副都御史○戊子麟慶以河防貽誤革職留任○己亥諭軍機大臣等麟慶奏中河灌塘事宜業經籌辦一摺桃北漫口致阻回空軍船見在自以疏通運道為急務前據潘錫恩奏請於中河運道灌塘濟運如趕辦不及即用引黃濟運之法有旨諭令該河督詳勘具奏茲據

奏稱見辦灌塘事宜與所奏大略相同其應建草間並築壩挑河各工業經估定與辦約計霜降以後軍船到有成數即可灌放無須引黃濟運等語著該河督督備各員弁妥速趕辦務期於回空軍船全數無誤是為至要○壬寅命徵廖鴻荃馳往江蘇查勘河工○是月貸巴里坤地震災修屋費展緩江蘇川沙等十九廳縣歉收新舊額賦

九月丁未沈岐以親老乞終養允之以李宗昉為左都御史左都御史○戊申諭軍機大臣等據孟保等奏廓爾喀國王呈進表文一摺此次廓爾喀差齋表貢到藏表文內添敘該國王屢被披楞欺陵求賜銀兩發兵堵禦並請易換藏屬地方等情又另有該國王子之子呈進表文一道見據該大臣等明白開導諭以大義反復駁斥並將所呈披楞原信擲還所辦俱好該國求賞銀兩上次曾經東華續錄 道光四十六 六

飭駁此次復行求賞實屬無厭至因披楞欺陵求請發兵救援並懇易換藏地更屬無此體制必應逐一指駁以杜妄念該大臣所擬檄諭底藁著即遵照硃筆改定處繕發其該國王子之子無呈進表文之例著暫為存貯前藏俟噶箕等回國時仍令帶回○庚戌江蘇巡撫程喬奏洋船全數出江鎮江避難民人漸次遷回復業已於鹽義倉碾穀一千石運往散放其土匪乘機竊發經委員各處巡查見已均知斂戢上海寶山一切事宜應俟洋船駛出大洋再行分別辦理其各處調防弁兵先後撤調歸伍並於各州縣已經撤兵之處仍飭實力巡防不敢稍形鬆懈得旨俱著依議妥辦○轉思華為理藩院左侍郎以連貴為理藩院右侍郎由內閣○辛亥諭麟慶等撫恤京口瓜洲被擾流民○賜浙江陣亡總兵王錫朋子承泗承瀚舉人○癸丑命江浙軍營分撤歸伍○甲寅

諭前據耆英等奏海齡殉難屬實有旨仍照都統例賜卹並將陪議卹典照議辦理本日復據耆英等奏尋獲海齡及伊妻伊孫屍骸並京口副都統印信又查明道員稟揭各款並京口打仗陣亡受傷官兵各一摺原任京口副都統海齡於鎮江城陷時自縊殉難前據耆英等詢取旗員確供並閱營押結復據該城紳士等眾口一詞其為臨難捐軀已無疑義茲復尋獲屍骸眼同伊子宜琛泰檢明認領並獲海齡原著葛紗袍襟及伊妻所帶玉環確鑿有據且按獲漢奸亦止處斬十三人其餘訊係平民均經釋放是周項原稟各款係屬得自傳聞而海齡見危投命大節無虧允宜特為宣布以息浮言前有旨准其照部議入祀京師昭忠祠並於該地方建立專祠所有隨同殉難之伊妻伊孫俱著附祀專祠海齡靈柩著耆英等派員護送回旗至驍騎校祥雲先將副都統印信東華續錄 道光四十六 七

投入井中旋即投水自盡其父馬甲長松業已陣亡其妻鄔琅罕濟勒們氏慮遭汚辱先將二女刺死復自戕盡節伊母卜氏懷抱伊幼子廷耀投塘遇救不知下落等情聞門殉難忠節兼全可嘉可憫祥雲前已有旨附祀海齡祠內伊父馬甲長松除歸入陣亡兵丁案內照例賜卹外著與祥雲妻女一併附祀以慰忠貞其母卜氏其子廷耀仍著耆英等確切訪查務得實在下落無任流離失所常鎮道周項所稟失實著與該處城陷後未經殉難文武各員一併查明再行嚴參所有該處陣亡官兵著即交部照例賜卹○戊午朱樹乞回籍養親允之命周天爵以二品頂帶署漕運總督○己未諭牛鑑自升授兩江總督以來屢經朕飭諭小心防範不可稍涉大意該督一味自恃止知嚴防吳淞海口迨夷船駛入又不能守以致直犯長江進逼江甯省垣是數月工夫毫無准備

廢餉勞師令人忿恨見在業經就無船隻全數出江入海朕軫念黎民塗炭不得曲意勉從著英等所請准令通商俾吾民樂業安居免罹鋒鏑而追維前事咎有攸歸牛鑑以一品大員封圻重寄孤恩溺職有傷國體若不嚴加懲辦何以昭國法而勵官常牛鑑著卽革職擊問由著英派員解京交刑部治罪程喬采亦有守土之責究因防護蘇州省城未經帶兵督戰與牛鑑有閒德珠布於鎮江失守亦有防堵不力之咎均著交該部分別嚴加議處尋議均照溺職例革職得旨德珠布著加恩改為革職留任六年無過方准開復程喬采著降為三品頂帶加恩改為革職留任八年無過方准開復○著英等奏洋船全數出江入海請赴粵東會辦稅餉命著英伊里布詳細酌務臻妥善○以著英為兩江總督

由廣州○召奕山來京以伊里布為欽差大臣廣州將軍辦理善後事宜○庚申以防堵天津賞誦爾經額太子太保○辛酉以慧成署河東河道總督由兵部左○癸亥召奕經文蔚來京命齊慎回四川提督任○戊辰諭軍機大臣等寄諭沿海各將軍副都統督撫提鎮等見在各海口仍應加意防範從前所設水師船隻幾同具文且今昔情形不同必須因地制宜量為變通所有戰船大小廣狹及船上所列槍礮器械應增應減毋庸泥守舊制不拘何項名色總以製造精良臨時適用為貴即如各口岸所安大礮及屯守兵丁若令其終年在彼擺列駐紮斷無是理必應設法妥籌期於有濟至臨敵之際敵位兵丁不可排列前面後路應如何層層接應或旁鈔夾擊出奇設伏方可制勝無論陸路水師其兵丁應如何遴選技藝勤加訓練方臻純熟船上與岸上施放槍礮各有機宜應如何分別講究沿海大小島嶼可否另有布置儻仍視

為一槩相同臨時安能得力至江海要隘如何布置方可扼要固守種種善後事宜著各就地勢悉心講求妥議章程具奏○甲戌諭軍機大臣等本日伊里布等馳奏遵旨會議一摺據奏通商輪稅則例案據俱在廣東必須到粵後體察情形方能酌辦其商欠不求代還一層已與議定載入條例各等語著伊里布於到粵後察看情形將稅課事宜妥行定議務當慎之又慎不准稍留罅隙○乙亥以李星沅為陝西巡撫調孫善寶為江蘇布政使實授卞士雲浙江布政使○是月展緩浙江海甯等八州縣災款通賦緩徵直隸安州等十九州縣雹災水旱災新舊額賦

冬十月己卯諭程琳奏江豫捻匪竄入皖境拒捕傷人一摺江蘇蕭縣捻匪聚眾行劫前因職員王維嶽遣抱告在都察院具控業經降旨著周天爵等按名捕獲懲辦茲據程琳奏稱該匪縱

東華續錄 道光四十六 九

紅馬淙禹等竄至亳州拒傷差役壯勇多名逃往河南交界地方藏匿等語匪徒結黨橫行該地方官亟應會營追捕擊獲究辦何至任其出沒於數省毗連之地搶劫拒捕毫無忌憚捕務廢弛已可槩見見在該匪等逃至河南交界地方難保不此擊彼竄愈聚愈多著江蘇安徽河南各督撫分飭所屬文武員弁督率兵勇四路兜擒務期按名弋獲盡法懲治以彰國法而靖閭閻備各該地方員弁仍前玩泄著即嚴行參辦毋稍姑息如該督撫等辦理不善使兇徒日久稽誅以致釀成巨案恐不能當此重咎也○庚辰諭軍機大臣等怡良奏接到英文請釋臺灣伴囚據稱差人前赴臺灣索取總兵津洪阿不收文書不令進見是以將原文送至廈門等語臺灣所獲夷人除未經就撫以前業經正法外餘著達洪阿等委員解至福建省城交怡良等轉交該目收領○乙酉諭軍

機大臣等達洪阿等奏四草湖樹茶湖各口均有草鳥船引導夷船往來聞駛經該文武員弁協力堵擊沈匪船多隻溺斃賊匪無數生擒匪犯林山一名又於淡水廳擊破草鳥船隻擊獲匪犯陳義等十二名各等語該匪等乘機行劫不法已極該鎮道飭屬兜拏悉數擒獲辦理妥協朕心實深嘉悅至見在沿海一帶奸民藉端滋事在所不免仍著達洪阿等督飭各屬加意嚴防總令無隙可乘土盜漢奸務要捕誅淨盡以絕後患是為至要○王藻以親老乞養允之以葉名琛為湖南布政使雲南按察使○丙戌諭國家命將出師征討有罪原以保疆土而申捷伐該將軍參贊等宜如何激勵將士申明紀律謀勇兼施剋期奏績以副朕委任之重上年英擾粵省特命奕山為靖逆將軍授以重兵前往攻剿乃奕山抵粵未即入城遲回觀望不能奮我兵威及至占據香港事閱東華續錄 道光四十六年 十

調文柱為雲南按察使以陸建瀛為直隸按察使由天津○庚寅諭軍機大臣等前因南河楊工漫口應堵應改必須履勘定議特命敬徵廖鴻基馳往確勘茲據奏稱改河之議有礙運道擇其利溥便民惟有堵築漫口挽歸故道尙屬守經不易之法請豫籌帑項陸續酌撥候明歲春融興工分挑舊河淤墊以工代賑再於七八月閒購集物料俟明年軍船回空築壩合龍等語朕詳加酌覈止可議堵據估需銀五六百萬兩著戶部豫為籌畫酌量撥解俟明春興工挑挖淤墊秋閒購集物料俟軍船回空即行築壩合龍務使黃流仍歸故道工程悉臻穩固以利漕行而禦水患至挑挖引河工段仍著敬徵等詳細查勘覈實估計並將陸續撥銀數目濟用緩急通盤籌畫妥議具奏○諭著英奏擊獲捻匪首夥各犯一摺徐州捻匪縱紅等膽敢在江蘇皖豫三省交界處所聚眾滋擾拒敵官兵傷斃多命實屬目無法紀見經該督督飭鎮將會合兜拏設法將首犯縱紅擒獲並獲夥犯李兆相等十二名所辦甚好縱紅等著交該督嚴訊確供按律懲辦其在逃著名夥黨仍飭屬上緊追拏務期悉數弋獲盡法嚴懲毋任一名漏網此次擊獲捻匪縱紅究係如何設法及何人首先擒獲著該督據實查明具奏候朕施恩○壬辰諭朕閱看江西省服制情實招冊內藍長仔毆死胞兄藍木老仔一案唐五古毆死小功兄唐會鵬一案鄒錫昭毆死大功兄鄒鈞一一案均係死者用刀柄向毆各該犯接住刀柄求饒死者用刀拉奪不期奪回勢猛致刀尖自戳殞命因思期功卑幼毆死尊長罪干斬決念其尙非有心干犯改為監候原屬法外之仁斷不容因有此例竟將一切服制重案率聽案犯狡供移情就例展轉效尤如出一轍試思死者既經用刀向毆豈

有授人以柄反使刀尖內向以致自行戕傷且手握刀刃自不如持柄者之得力何以彼此相奪持柄者轉致鬆手殊非情理設使偶有一案朕尚不能斷其必無何以一省三案不謀而合顯有裝點情節著吳文銘將藍長仔唐五古鄒錫昭三案親提全案人證覆加審訊務得確情按例定擬具奏本年旬到著刑部將此三起暫行扣除尋奏唐五古鄒錫昭二案訊與原審無異藍長仔一案訊屬有心干犯據實更正照例處決下部議從之○甲午諭天津為畿輔藩衛見在添設防兵六千五百名之多該處所轄地面綿長舊有總兵一員於操防一切事宜勢難統轄朕意於額設總兵外再添設總兵官一員俾得分轄各營專司操練較為得力因思巴里坤鎮總兵向歸烏嚕木齊提督統轄尙可裁撤移置天津其該鎮弁兵即移歸提標下管理所有巴里坤鎮所屬各營備弁等

東華續錄 道光四十六 十三

官能否全撤抑或酌撤數員以抵天津添設額缺之處著兵部覈議具奏○諭載銓等奏遵旨定擬奕山等罪名一摺奕山奕經文蔚經朕授以將軍參贊重任特命前往廣東浙江辦理攻勦自應力矢公忠勉圖報稱乃老師糜餉坐失機宜孤恩昧良莫此為甚奕山奕經文蔚均著照載銓等所擬革去職任定為斬監候秋後處決奕山諒已自粵起程無論行抵何處著沿途各督撫傳旨鎖鞫解京奕經等前有旨諭令折回浙江辦理軍需報銷此時毋庸留浙著英程喬采劉韻珂傳旨鎖鞫解京交宗人府刑部分別監禁其經手錢糧人員飭令留浙辦理報銷彙交軍需總局報部至特依順齊慎本應照部議革職惟念特依順到浙未經派令督兵接仗即乍浦失守時伊亦駐紮杭州齊慎於廣州被圍時駐紮佛山且到浙在後追鎮江失陷尙能設法殺斃多賊尙可稍從末

減特依順齊慎著加恩改為革職留任八年無過方准開復○諭軍機大臣等文豐奏曉諭洋商購船一摺據稱洋商伍敦元購買米利堅船一隻潘紹光購買呂宋船一隻駕駛靈便又紳士潘仕成造成戰船一隻試驗足以禦敵等語著祁墳等撥歸水師旗營交提督吳建勛督飭備弁等認真操演其船隻妥為存泊毋令日久損壞並著曉諭該紳商多方購造務須木料堅固堪備捍禦之用為要○治浙江定海各城失守文武員弁罪○乙未命戶部尚書敬徵協辦大學士調恩桂為吏部尚書以麟魁署禮部尚書

部左侍 郎兼署 丙申轉端華為戶部左侍郎調薩迎阿為戶部右侍郎連貴為禮部右侍郎以王明為理藩院右侍郎

由副都統 是慶郡王奕綵服中娶妾下宗人府議處奕綵酬謝辦理處分之經歷文彬錢文不入八分輔國公縣性圖革慶郡王爵可望承襲

東華續錄 道光四十六 十三

許給供事劉均銀兩劉均復誘取奕綵多賊宗人府訪聞參奏上命軍機大臣等會審至是訊明奏上諭宗人府供事劉均辦理議處文案膽敢誘取奕綵多財並於縣性亦聽取財物議有成數以備具奏後向其賄騙種種狡詐情節可惡著照議革去供事發往新疆給官兵為奴仍著於宗人府門首枷號一箇月滿日即行發遣不准留養已革宗人府經歷文彬以職官事後受財情節較重著革去四品頂帶實發盛京雖據完贖不准輕減已革不入八分輔國公縣性圖革奕綵王爵向胥吏許錢居心巧詐陰險著實發盛京奕綵聽給劉均等錢文例應圖禁惟究係被人誑騙所致著革去郡王爵仍罰養贍錢糧一年加恩免其圈禁副理事官慶廉於劉均送給錢票雖經稟呈破案惟遲至三日後始行呈出又不將劉均即行扣留送官殊屬紕繆著交該衙門嚴加議處楊三

即得祿萬二即增壽為縣性許給劉均銀兩雖經罪坐家長惟希冀革去突綵王爵勸令縣性出錢打點情殊可惡楊三葛二著各枷號一箇月以示懲儆縣悌失於覺察著交該衙門議處○己亥諭軍機大臣等著英奏江蘇洋面肅清撫局已定善後事宜甚關緊要該省吳淞海口及福山狼山並江陰之鵝鼻嘴圖山關一帶層層門戶有險可憑果能嚴密備防天塹豈能飛越此時籌辦善後必應大加整頓毋庸拘泥舊規該督見已起程前赴吳淞口及沿江一帶察看情形著即周歷各處相度地勢熟審機宜戰船不拘大小務在堅固礮械不拘名色務取精良各處險要口岸若僅安礮數位駐兵數名全無設伏策應之計恐臨事仍難得力必當設法妥籌該督甫經接任責無旁貸必須力除錮習勉副委任一切善後事宜悉心妥議具奏務使兵弁均能用命器械全數適用東華續錄 道光四十六 十四

平時不忘戰備臨事不致張皇方為盡善勉之又勉○庚子諭奕綵業已革爵著仍歸本支其應降襲貝勒之處暫行停止慶僊親王著縣悌暫居本府奉祀○是月賑江蘇桃源沭陽二縣水災給湖北江陵等四縣山西保德等三州廳縣災民口糧貸奉天牛莊等處災民口糧蠲緩江蘇海州等五州縣湖南澧州等八州縣衛新舊額賦緩徵山東臨清等三十九州縣陝西府谷縣湖北荆門等二十八州縣衛安徽無為等四十一州縣衛河南睢州等二十七州縣山西保德等三州廳縣災電災水旱災新舊額賦奉天甯海縣旗民歉收地租展緩齊齊哈爾等四處歉收通穀十一月己酉諭爾經額奏請大沽設立海防同知一員作為題缺稽察入口出口船隻查驗票照有無夾帶違禁貨物及兵民強買盜買漏稅等弊准理兵民客商詞訟其命盜重案仍歸縣辦照

東華續錄 道光四六

海疆三年例滿本例升轉即於本省簡僻同知通判內酌裁一缺等語著照所議辦理所有善後經費該督請於蘆綱加價銀內酌撥二十五萬兩以五萬兩作為購備商船建造衙署之用以二十萬兩發商生息以八千兩陸續歸本以一萬六千兩作為歲費如有盈餘年終報查儘數存貯天津道庫歸入交代等語准其酌撥籌辦○中定奉天直隸山東水師出洋會哨章程○庚戌諭本年七月南河桃上崔鎮汛地方黃河漫決該河督麟慶未能先事豫防咎有應得本應照上年東河成案革職枷號治罪姑念該河督趕辦灌塘俾回空軍船得以渡黃無誤且夏秋閒辦理防堵事宜亦尚妥當罪不掩功麟慶著即革職加恩勉其枷號發遣○諭天津為京畿藩衛前會降旨將巴里坤總兵裁撤移置天津交兵部詳查具奏茲據該部奏稱嘉峪關外設立兩鎮一為巴里坤一為伊犁而巴里坤尤為扼要該處總兵未便裁撤惟伊犁鎮總兵與伊犁將軍駐紮相離甚近且綠營將備向歸將軍統轄可由該將軍就近稽察等語著照所議即將伊犁鎮總兵裁撤移置天津其舊有之官弁著兵部酌裁十分之二三詳細覈議具奏至伊犁屯田兵丁應歸何員專轄兼轄之處並著陝甘總督伊犁將軍參贊大臣會同妥議章程奏明辦理○諭縣悌與伊弟縣性既屬同居其參奏奕綵又經聯銜於縣性圖革王爵等情斷難諉為不知朕不為已甚姑免深究若僅照議降一級調用未免過輕縣悌著革去不入八分鎮國公散秩大臣副都統降為鎮國將軍以示薄懲○以潘錫恩為江南河道總督調陳官俊為吏部左侍郎何汝霖為戶部右侍郎以祝慶蕃為兵部右侍郎御史遷 ○以載增為內閣學士兼禮部侍郎銜御史遷 ○辛亥實授慧成河東河道總

六四一

督調惟勤為兵部右侍郎惠豐為盛京戶部侍郎以訥勒亨額為盛京刑部侍郎由駐藏幫辦大臣遷○周天爵奏擒首馬宗禹就擒○丙辰允周天爵回籍守制以廖鴻基署漕運總督由工部署○辛酉改八旗另戶步甲為技勇兵○治京口失守員弁罪○癸亥諭軍機大臣等富呢揚阿等奏野番竄入青海設法搜捕一摺此次賊匪分股滋擾戕害兵弁實屬異常兇狡斷不可任其得賊飽颺以致番族效尤該督見將張銳撤任並飭令徐華清前往署理統帶弁兵辦理防堵事宜所辦尚妥見屆大雪封山不值冒險深入此等野番搶劫是其慣技若帶兵將備息玩從事必致該番族恃其兇狡肆意滋擾著明歲春融督飭徐華清體察情形酌量多帶精兵設法勦捕務將賊番漢奸密為購獲躡緝毋任漏網○甲子著英泰英吉利控訴臺灣鎮總兵妄殺遺風被難洋人冒功捏奏雖屬東華續錄

道光四十六

七

一面之詞而事涉外洋有關體制如實係妄殺冒功則該鎮咎亦難辭應請將臺灣鎮總兵達洪阿解部審辦以期水落石出得旨另有辦理之處此斷不可勿墮其術中也即使實有其事亦當另有處治論軍機大臣等據英由驛馳奏英吉利控訴臺灣鎮總兵冒功妄殺請旨將該總兵達洪阿解部審辦等語兩軍交戰之時明攻暗襲勢所必然加以言語不通來即折之又何能望而知其為難夷不知誅戮耶今既通商不當藉口別生枝節著英再行剴切曉諭見在臺灣於九月間救獲遺風白夷三十五人已於十月中旬由該道姚瑩給還該目懸掛彩旗迎接該道上船持酒起誓感激天朝總之未定通商以前兩國將備兵民各有傷損此一槩前事各宜置之不論若達洪阿守禦有功轉加重罪試思彼國出力大將豈能因我國一言違令廢棄乎儻達洪阿實有貪功

妄報情事將來一經查訪明確自當以中國之例處之不必過問我國傷亡將士甚多又豈能於事定之後一一取償耶至見在籌議通商正在喫緊惟有速定大局以期干戈永息如此開導諒必盡釋前疑同守善定章程辦理矣尋命怡良渡臺查辦○丙寅以劉重麟為左副都御史由宗人府遷○丁卯諭已革兩浙總督牛鑑身任封圻辦理防堵半載有餘既不能固守吳淞海口又不能嚴守長江以致寶山等縣及鎮江府城相繼失陷犯及省垣實屬防堵不密貽誤機宜牛鑑著照議定為斬監候秋後處決○戊辰諭軍機大臣等劉韻珂奏米利堅國商船求在甯波報稅通商諭令仍回粵東不得逗留浙江旋即回船等語米利堅國向在粵省通商本有一定馬頭何以駛赴甯波希圖貿易見在該商船自三江口駛出招寶山復自招寶駛往定海是否業已開往粵東著該撫東華續錄

道光四十六

七

委員確查儻仍希圖在浙貿易務當再行明白曉諭並嚴行飭諭內地商民毋許私售貨物致啓日後來浙之漸至該撫因屢次失陷地方自請從重治罪前此乍浦失陷部議上時業經明降諭旨加恩改為革職留任矣此時毋庸再行議罪該撫惟當激發天良實心任事於地方一切公務認真辦理以副朕委任之意○甲戌給江蘇濱江被兵丹徒等六縣貧民口糧屋費並免通州等十三州縣應徵額賦有差○是月給江蘇蕭縣徐州衛水災口糧蠲緩浙江淳安等三縣新舊額賦緩徵江西南昌等二十四縣江蘇高郵等六十一州縣應徵陝西綏德等九州縣甘肅河州等二十七州縣應徵新舊額賦兩淮富興等十四場被災新舊課十二月庚辰治江蘇上海寶山失守文武員弁罪○辛巳召廖鴻基來京以李湘荃署漕運總督由太常寺○壬午予江蘇睢寧縣

明季殉節總兵官周遇吉建祠歲祀○乙酉諭軍機大臣等查英
奏查明上海寶山及吳淞口情形一摺吳淞口外為由海入江必
經之路見在水師廢弛不獨巡洋未能得力即江防亦屬無備思
之令人寒心該督議將外海內河額設戰船實數並水師各營原
有馬匹酌量變通然後整飭會哨以冀補牢著俟履勘各要隘形
勢再行通盤籌畫奏明辦理將來製造船隻必須木植堅實運用
靈捷方能得力若拘守舊制名為修理戰船其實無濟於用又復
何所裨益至另片奏擬酌提寶蘇局洋銅數十萬斤鑄造大礮並
咨會河南代造擡礮等語製造礮位無論銅鐵總以精鍊為要非
必專用銅礮始能及遠命中且購辦銅斤不如購辦精鐵之易蘇
局見在所貯洋銅自應仍留備鼓鑄錢文該督等增鑄大小礮位
惟當廣購精鐵加工鎔鍊並調取廣東熟諳鑄礮工匠如式製造
東華續錄 道光四十六 六
務期一礮得一礮之用方為妥善其擡礮一項以體質輕固者為
得用該督因江蘇所造未能如法已咨河南巡撫責成河北鎮昌
伊蘇代造擡礮一千五百桿亦著照議辦理惟三十斤之礮尙恐
運動未能靈便若每礮再減六七斤運用時當更得力並著該督
咨會河南巡撫照辦○以廣福為內閣學士兼禮部侍郎銜由蘇
蘇尹○己丑直隸總督訥爾經額奏天津大沽南北兩岸暨滄南
狼地子一帶天津鎮總兵足資控馭惟北塘五十餘里距甯河縣
城二十餘里之蘆台地方為北塘後路南界天津東北昆連豐潤
永平府一帶西北地接通州實屬扼要之區請以新添總兵駐紮
蘆台名為通永鎮總兵官將北塘海口豐潤玉田采育三河寶坻
張灣等營通州協右營暨提標山永協並所屬山海石門二路蒲
河樂亭二營共十五營均歸統轄於蘆台安設中左右三營左營

東華續錄 道光四六

應設總兵之中軍兼左營遊擊一員左營守備一員右營都司一
員並左右兩營分設左哨千總二右哨千總二頭司把總二二司
把總二又分防把總二經制外委六添設遊都守千把外委十九
員覈計裁撤伊犁鎮標之遊擊等缺移抵外尙不敷守備一員千
總一員即於直隸簡僻營分內裁撥移駐並將新設鎮標之分防
把總二員撥駐新河營城二汛將原設之經制外委二員撤歸鎮
標差操其蘆台之專汛千總一員即歸新鎮右營都司兼轄中左
右三營撥兵一千名專操水陸技藝除蘆台本有專汛千總存營
兵八十名外尙需兵九百二十名查蘆台營遊擊駐紮北塘計存
營兵一千一百二十四名新鎮見駐蘆台為北塘後勁擬將駐紮
北塘之蘆台營遊擊作為北塘營遊擊仍駐北塘於存營兵一千
一百二十四名內撥兵六百二十名移駐蘆台其不敷兵三百名
東華續錄 道光四十六 九
擬於大沽協左右兩營暨葛沽營新兵內撥兵三百名共一千名
連北塘之兵五百零四名作為新鎮親標統計撥歸新鎮兵五千
四百八十六名仍歸舊鎮管轄兵七千五百零四名下軍機大臣
等議從之○庚寅諭軍機大臣會同三法司奏請將已革提督余
步雲依律擬斬監候聲明情節較重請旨即行正法等語著未經
與議之大學士及九卿科道再行詳議具奏○諭前因浙江杭嘉
湖道宋國經駐紮乍浦半載有餘辦理防堵事宜未能妥協降旨
交部議處茲吏部照溺職例議以革職實屬咎所應得宋國經著
即革職以示懲儆○召程喬采來京以孫善寶為江蘇巡撫文柱
為江蘇布政使趙光祖為雲南按察使由浙江○癸巳諭車登巴
咱爾奏伊會祖成衮札布之墳墓被掘傷及屍骸一摺車登巴咱
爾之會祖成衮札布前在將軍任內宣力有年實為蒙古王中有

六四三

才德者乃伊培墓被掘致傷屍骸殊為異事務當趕緊捕賊徹底
根究從嚴辦理著由馬遞馳交烏里雅蘇台將軍奕興參贊大臣
車林多爾濟等轉飭該盟長會同提集應訊人等務期迅獲賊匪
嚴審重辦斷不可稍涉輕縱致使違颺印著該將軍等先委妥幹
人員親往成衮扎布墳壘量為堅固妥修齊整用示朕追念勳舊
至意○調道慶為兵部左侍郎以舒與阿為盛京兵部侍郎由內
閣學士○乙未治福建廈門失守文武員弁罪○托渾布以病免以程
喬采為山東巡撫前任江蘇○丙申賜江蘇陣亡提督陳化成子廷
芳世職廷棻舉人○戊戌諭前軍機大臣會同三法司議請將已
革提督余步雲依律擬斬聲明情節較重請旨即行正法當令未
經與議之大學士九卿科道再行詳議茲據合詞覆奏仍照原議
定擬余步雲由行伍出身擢至提督與裕謙防守鎮海乃定海被
東華續錄 道光四十六年 二十
擾總兵王錫朋等轉戰六晝夜之久余步雲並不督兵應援以致
孤城失守三鎮陣亡已屬罪無可逭然使鎮海甯波保全無事則
失救定海之罪尚可稍從寬貸迨夷船駛入鎮海余步雲身在行
間既不能衝鋒迎擊復不能嬰城固守鎮海失守退入甯波甯波
失守退保上虞以一品武職大員身膺海疆重寄畏死貪生首先
退縮以致帶兵將弁相率效尤奔潰棄城直同兒戲每一念及憤
恨實深且廣東之關天培福州江蘇之陳化成福建之江繼芸皆
以提鎮殉難即定海失陷總兵王錫朋葛雲飛鄭國鴻力戰陣亡
鎮海甯波失事總兵謝朝恩被礮轟擊落海身死裕謙以文員督
師殉節獨余步雲係本省提督乃竟志在偷生觀顏人世儻不真
之於法不惟無以肅軍政而振人心且何以慰死節諸臣忠魂於
地下余步雲著照大學士九卿科道等會議即行處斬派刑部尚

書阿勒清阿監視行刑以伸國法朕辦理刑名悉本欽恤各省應
死重囚苟有可原情節無不予以生全况係一品大員豈忍遽加
誅戮似余步雲之見敵輒退首作厲階實屬法無可貸不能不明
正典刑也將此宣諭中外知之○己亥調梁寶常為山東巡撫程
喬采為廣東巡撫○庚子諭前因耆英等奏變通水師章程並請
將赴部之員先行閱看鳥槍等語當降旨著兵部妥議章程茲據
覈議具奏嗣後水師將備各官赴部時著無須閱看馬箭如果練
習水務精熟槍礮迅升補時令該督出具切實考語將例應引見
各員分作四季給咨分限二五八十一等月按期赴部該部即定
於二五八十一等月二十八日考驗先期奏請欽派御前侍衛乾
清門侍衛一二員會同該部堂官閱看槍礮其演槍步數著定為
四十弓演礮以二出為度均於城外酌擇寬闊地面演試如不能
東華續錄 道光四十六年 二十
合式即將該員退回本任勒限演習並將原保督撫提鎮分別議
處其中槍合式者准其帶領引見以示勸懲惟水師駕舟出洋施
放槍礮與陸路情形不同全在帶領巡哨各員平日加意講求庶
使該員弁等技藝精純能於洋面施放有準著江蘇浙江福建廣
東山東各督撫提鎮嚴飭所屬勤加訓練於考拔弁兵題升將備
時即以此為去取庶幾有志向上之員認真演習日就純熟不至
視為具文○諭軍機大臣等前經降旨令訥爾經額等會同妥議
將盤山行宮就近由地方官管理茲據該督等會議具奏並將陳
設等件開單呈覽抄稱盤山行宮向派內圍旗營官兵稽查非地
方官所轄不如仍循其舊等語著照所議仍責成內圍官兵看守
所有陳設等件飭該總管妥為收貯其外圍地方著訥爾經額嚴
飭該官兵並地方官隨時認真巡防毋稍疏懈嗣後不准奏請修

補一切工程○賞琦善四等侍衛為葉爾羌幫辦大臣○定內務府署卿司員由總管大臣列等註考三院卿員隨京堂帶領引見○辛丑重修大清一統志成 御製序曰我大清之受 天命有天下增式廓而大一統者於今二百年洪惟 列祖 列宗威惠滂流聲名懿鑠幅員之廣教化之洽地利物華之盛官方名事之詳且備義繩軒駕以來未之有也 聖祖仁皇帝始命纂修一統志 世宗憲皇帝重加編輯至 高宗純皇帝御極之八年甫獲竣事嗣以 天威震疊開拓西域地二萬餘里因於四十有九年續有成書疊矩重規經緯翔實 皇考仁宗睿皇帝命史館重修未及告蒞爰泊朕躬荷神器付託之重撫茲區宇祇釋乎體國經野設官分職之大溯惟我 皇祖 皇考所以因時順地變通斟酌者日不輟書使非及時編定俾舊典有所承而後事有所起朕東華續錄 道光四十六 三

實愧且懼焉茲全書告成沿述於開國之初增輯至嘉慶二十有五年為卷五百有六十非務為繁富以侈示後嗣也我 祖宗以仁義中正治天下凡所損益如權衡之於輕重度量之於長短大小即一州郡之升降一官職之分合一臣一民之予奪彰瘡無非本 單心之宥密垂為律度布為官禮除繁存質扶條就幹始獲成書實闕略是虞而何繁富之有稽昔禹貢九州為後世方志之祖周禮大司徒以天下土地之圖周知地域廣輪之數漢書郡國志以下紀載日詳唐宋而還若元和郡縣志元豐九域志始專詳地理自為一編顧政教所及皆弗克進及於古惟我朝 祖德宗功上繼五帝三王之盛信乎 心法治統不異地異民而理攬斯編也即其迹而道載焉矣朕惟乾惕震恐冀迪 前光深知守成之難不殊於初始願與內外百執事勉固封守而阜兆民繼

自今無疆惟休亦無疆惟恤續有編錄視此典型是朕之厚望也夫○諭耆英奏查參江陰以上鵝鼻嘴圖山關一帶均為要隘已故徐州鎮總兵王志元在彼駐紮防守所帶徐州鎮標各營官兵素稱勁旅果能駕馭得宜悉屬可用乃王志元於吳淞口接仗觀望不前旋即退避迨經飭赴江陰防守鵝鼻嘴不發一矢不放一礮似此怯懦無能喪師失律情罪尤重若使其人尚在必應立置重典以彰國法今雖倖逃法網仍應明正其罪王志元著即追革其職並奪封典其子孫永不准其出仕以昭炯戒京口左營千總凌慶龍候補千總趙慶元京口左營遊擊李澄署京口右營遊擊事守備袁雙魁京口左營守備孫耀清或係水師汛守營員或係水師將領均應設法堵截乃僅知株守陸地未能同心協力奮勇阻遏均有應得之罪凌慶龍趙慶元均著即行革職李澄袁雙魁東華續錄 道光四十六 三

孫耀清著交部分別嚴加議處○命李湘棻幫辦江南善後事宜○耆英奏請以署漕運總督李湘棻暫署徐州鎮總兵官得旨朕原有將伊量材改武之意又因漕督一時簡署乏人是以未發耳○是月給福建峯市等三廳縣水災口糧屋費並緩徵額賦展緩浙江烏程等四縣積歉帶徵銀米○是歲朝鮮琉球來貢○會計天下民穀數各省通共大小男婦四萬一千四百六十八萬六千九百九十四名口各省通共存倉米穀三千二百十四萬九千三十石七斗七升九合一勺

東華續錄

道光四十七

臣王先謙敬編

臣周瀚蕃恭校

道光二十三年癸卯春正月庚戌諭前據敬微等奏改河有礙運道惟有堵築漫口挽歸故道為守經不易之法當經降旨准行嗣據御史雷以誠奏南河漫口無庸堵築請改舊為支以通運道復令潘錫恩抵任後再行查勘茲據奏稱灌口非可行河之地北岸無可改河之理不敢輕議更張並查明歷屆改河不成各案請仍堵築決口漕船出重回空仍由中河灌塘等語所奏甚屬詳明著即照議辦理毋稍延誤○丙辰改浙江定海縣知縣為定海廳直隸同知○浙江巡撫劉韻珂奏已革石浦同知舒恭受前署定海縣知縣當縣城失守之際實已捐軀後因被救得甦出於意外委

東華續錄

道光四十七

一

非捏飾請格外加恩得旨諒汝所奏亦不敢虛假然因此獲罪者甚眾朕賞功罰罪豈能辦理兩歧即如革職定罪之將軍參贊等數年來豈皆無片善可錄耶止緣國法具在朕亦無可如何耳由來盡節捐軀之大小文武俱按定例子以卹典從無論及平素居官若何若失地偷生之輩其治罪與否視其平素居官之賢否以為準則有是理乎能服天下乎余步雲無軍功乎朕亦無可奈何汝止論一面之詞為一人之謀冒昧曉曉獨不思朕之難以處之也再尚有一言朕欲問汝該革員既以死自誓曷不同三鎮一併捐軀至今尙覩然於世耶○丁巳諭廓爾喀額爾德尼王熱尊達爾畢噶爾瑪薩野朕臨御天下柔遠能邇寰海共樂昇平王自襲爾父爵以來恪守藩封敬順將軍一切事宜均照駐藏大臣指示遵行甚屬可嘉茲遣使噶箕咱噶達巴孟邦哲等恭請朕安呈進

表貢朕嘉悅覽之當令來使噶箕咱噶達巴孟邦哲等覲見筵宴數次使觀諸藝至王所進表文內添敘爾國被披楞欺陵叩求賞派天兵救助並賞賜銀兩地方及易換地方等情天朝統馭萬方一視同仁爾王惟有愛惜百姓把守邊界不可輕舉妄動自無他虞且各部落各守土地百姓日久相安從無借兵借餉賞賜地方及易換地方之事道光十八年間曾因爾國王求賞銀兩特降敕書明白曉諭爾國王自己領悉此時不當輕信虛誕之言再有所請天朝優待外藩恩禮備至爾國王效順有年久通朝貢自必深明大義恪守藩封斷不可為浮言所惑也今噶箕咱噶達巴孟邦哲等同旋將頒給詔諭賞爾段正物件交伊等齎往至時祇領嗣後深感朕恩遵駐藏大臣指示永盡恭順之道力效肫誠之心凡爾屬下善為管理以期各享安樂永受朕恩欽哉勿怠特諭○乙

東華續錄

道光四十七

二

丑諭激揚大典三載一行滿漢臣工有能持正秉公竭力盡心克稱職守者自當甄敘精力漸衰不勝其任者亦難姑容茲乃京察之年該部將內外諸臣開單題請朕詳加覈定大學士穆彰阿潘世恩戶部尚書那桐藻工部尚書賽尚阿戶部侍郎何汝霖夙夜在公勤勞備至直隸總督訥爾經額去歲辦理一切殫心盡力諸臻妥善俱著交部議敘左副都御史隆勛內閣學士姚元之精力漸衰俱著原品休致餘著照常供職○己巳諭圖明額等奏探明布噶爾與霍罕起釁用兵爭奪地方緣由一摺據奏布噶爾伯克與霍罕用兵既已併吞霍罕地方嗣被希爾阿里奪回數處等語卡外遠夷蠻觸相爭自當置之不問惟邊防卡倫必應加意防範著該大臣等嚴飭各卡弁兵遇有進卡外夷認真稽查並隨時偵探情形嚴密防守毋得稍有疏虞○達洪阿姚瑩奏前年八月洋

船在臺灣洋面遊奕是時並無風暴該洋人駛進口門對二沙灣
擊臺連發兩礮打壞兵房我兵隨後放礮回擊九月又有三桅洋
船至雞籠洋面攻破我礮臺石壁燒我哨船上年正月生擒顛林
等眾起獲礮械號衣旗幟及印文等件均係浙江各營之物實非
遭風商船命怡良詳細查訪又奏彰化縣匪徒陳勇等分股聚眾
謀逆督飭文武兵勇勦辦將首要各犯並獲勦辦完竣又草烏匪
船圍引洋船來臺滋擾乘機出洋行劫亦經督飭員弁義首屢次
殲擒匪徒懲辦命怡良確切查明如無冒濫督同該鎮道將在事
出力之文武員弁兵勇義首等酌量保奏不准稍有遷就○是月
展賑江蘇蕭縣桃源二縣災並給沐陽等六縣衛口糧貸湖北江
陵等三縣衛湖南澧州洞庭二營水災籽種口糧展緩直隸安州
等十九州縣雹災水旱災通賦山東臨清等十六州縣衛風災蟲
東華續錄 道光四十七

災水旱災正雜額賦江蘇崇明場鹽課緩徵江蘇高郵等二十九
州縣衛災歉通賦
二月己卯 上御經筵○以李品芳為內閣學士兼禮部侍郎銜
前任內閣學士倭什訥為左副都御史品補三○庚辰移熊岳副都統協
領駐金州金州城守尉駐蓋州蓋州防守尉駐熊岳統歸金州副
都統兼轄改岫巖歸盛京將軍轄○丁亥以巴雅爾綽克托為內
閣學士兼禮部侍郎銜由散秩大臣遷○實授李湘棻太常寺少卿仍署
漕運總督○乙未欽差大臣廣州將軍伊里布卒贈太子太保○
丙申以李煌為禮部右侍郎由內閣學士遷○是月貸湖北荊州被水駐
防倉穀

三月戊申以季芝昌為內閣學士兼禮部侍郎銜服闋內閣學士○庚戌
以耆英為欽差大臣赴廣東辦理通商事宜暨昌署兩江總督由

軍器○癸丑諭本日大考翰詹經監試王大臣查出右贊善如山
懷挾賦本如山著即革職交刑部照例治罪○丁巳 御試翰林
詹事等官擢萬青藜五員為一等餘升黜留館有差○庚申改裁
西安鎮總兵移置天津為通永鎮總兵其西安鎮兵一千六百餘
名撥歸撫標一千二百名添設中營原設左營參將改為撫標中
軍參將右營遊擊改為左營遊擊應設右營遊擊即以鎮標左營
遊擊改撥其鎮標餘兵四百餘名准其歸併西安城守營原設城
守參將改為副將移神木協副將並中軍都司歸西安城守營移
西安城守參將歸神木營西安鎮原設官弁一併裁抵通永鎮添
設各缺○乙丑賞琦善三品頂帶為熱河都統○丙寅賞文蔚藍
翎侍衛為古城領隊大臣奕經四等侍衛為葉爾羌辦大臣○
丁卯怡良奏渡臺後沿途訪察兩次洋船之破一因遭風擊碎一
東華續錄 道光四十七

因遭風沈閣並無與之接仗及計誘等事達洪阿姚瑩一意鋪張
致為洋人藉口殊屬孤恩溺職請從重治罪命革職解交刑部會
同軍機大臣審訊尋奏上得旨達洪阿姚瑩加恩免其治罪○王
廷蘭以病免調葉名琛為江甯布政使以萬貢珍為湖南布政使
管通羣為安徽按察使六品頂帶已革布政使○己巳諭戶部銀庫設有管
庫司員專司出納管庫大臣總領其事復疊次派出王大臣盤查
近又添設查庫滿漢御史各該員等果能認真經理覈實稽查何
至羣相蒙混釀成巨案本年因庫丁張誠保偷盜庫銀破案特派
大臣將新舊各項逐一盤查本日據惟勤等覆奏新收常捐等款
均與應存之數相符舊存正項銀竟虧空銀至九百二十五萬
二千餘兩之多實屬從來未有之事覽奏曷勝忿恨以國家正項
錢糧膽敢通同作弊任意搜取似此喪心昧良竟同僧國盜賊本

應立置重典以肅法紀惟事閱多年旨非一任即書吏丁役等亦
 人數眾多備不確切查明恐至遺漏俾逃法網其自嘉慶五年以
 後歷任管庫及歷次派出查庫王大臣皆係親信大員亦復相率
 因循毫無覺察並無一人能發其奸甚負委任不知諸王大臣有
 愧於心否朕自咎無知人之明抱愧良深均著交部查取職名嚴
 加議處此案著派載銓穆彰阿敬徵裕誠賽尙阿駁實查辦所有
 歷任管庫司員查庫御史並丁書人等著逐細查明從嚴治罪其
 見在虧短庫銀應如何分別罰賠及設法彌補之處即著悉心妥
 議具奏又諭見在戶部銀庫查有虧短歷任稽查銀庫御史不復
 糾察弊端直同虛設除聽候欽派王大臣查明懲辦外所有稽查
 三庫滿漢御史均著悉行裁撤○以吳振斌為貴州按察使由糧道遷

東華續錄 道光四十七

五

二千餘兩之多殊堪駭異甚屬可恨特派大學士王大臣等詳議
 嚴行罰賠從重辦理其八旗滿洲蒙古漢軍人等均係世受國恩
 世僕此等異事聞之自必切齒痛恨試思許多虧項儘不行彌補
 各項如何辦理前者朕即恐用項不敷故於各項需用俱行節儉
 無稍奢費今復出此遠年積弊不可不將一切實力樽節見在已
 令將各項分外樽節爾兵丁等須體朕之節儉於一切生計儉益
 加儉但恐支放兵丁等月領餉銀庫平兩數致有不足俟庫項稍
 裕之時必須照常支放斷不忍將朕兵丁子弟偏刻也爾等務體
 朕意妥為演習技藝悉成勁旅將此令八旗滿洲蒙古漢軍都統
 前鋒統領護軍統領等各諭令兵丁知之○諭軍機大臣等見在
 銀庫虧空至九百餘萬之多各衙門一切用款本多尤費若仍照
 舊領放恐致支絀著諭知宗人府戶部工部內務府三院三山太

常寺步軍統領衙門順天府各堂官體察情形所有大小工程及
 支領款項遇有可裁減者即行裁減可節儉者即行節儉總期實
 力樽節積少成多庶於公項有裨○辛未以湯殿邦為禮部右侍
 郎由內閣學士遷○壬申治浙江餘姚潰散文武員弁罪○癸酉諭前因
 戶部銀庫查出虧短為數甚鉅當有旨派王大臣查辦茲據查明
 歷任銀庫司員查庫御史各職名開單呈覽該員等或司收發或
 掌稽查喪心昧良釀成巨案實出情理之外自應嚴加懲治以肅
 法紀所有單開各員著交吏部查明見有官職及因事故回旗回
 籍人員均著先行革職並將已故各員之子孫有無出仕及見任
 何官詳悉確查開單具奏一併交載銓穆彰阿敬徵裕誠賽尙阿
 從嚴查辦○是月貸山西絳州等六州縣湖北荊州駐防被災倉
 穀江南駐防暨督協各營災歉兵丁銀湖南鳳凰等五廳縣苗佃
 屯丁籽種口糧

東華續錄 道光四十七

六

夏四月甲戌朔以溫子巽為江西按察使由河南糧道遷○以惟勤為烏
 魯木齊都統調舒興阿為兵部右侍郎倭什訥為盛京兵部侍郎
 以廣福為盛京刑部侍郎由內閣學士遷○以徐繼畬為福建布政使由廣東按察使遷
 ○調陸費瑒為甘肅布政使以陸建瀛為直隸布政使由山東按察使遷
 ○丙子實授麟魁禮部尙書轉善燾為吏部左侍郎調柏菴
 為吏部右侍郎特登額為刑部左侍郎由工部郎中遷○以陸蔭奎為直隸
 按察使由長蘆鹽運使遷○調黃恩彤為廣東按察使以趙德濤為江蘇
 按察使由雲南道遷○丁丑諭本日據御史陳慶鏞奏琦善等三人
 起用為刑賞失措無以服民等語前因琦善奕經文蔚先後辦理
 夷務未能奏效當將琦善等革職治罪因思從前辦理不善總由
 朕無知人之明以致琦善奕經文蔚諸人喪師失律迄無成功朕

惟有返躬自責愧悔交深何肯諉罪臣工以自寬解琦善等韜略未嫻限於才力見在年力正強是以棄瑕錄用予以自新今據該御史剴切指陳請收成命覽其所奏允直敢言朕非飾非文過之君用人行政一秉至公初無成見豈肯因業有成命不便收還自存回護耶琦善奕經文蔚均著革職即令閉門思過以昭賞罰之平至黜陟之權操之自上本非臣下所能干儻該御史所奏於情法未能持平朕亦不能曲從以邀譽中外臣民應曉然於朕撫躬引咎虛懷納諫之至意也○奎照以病免以特登額為左都御史轉成剛為刑部左侍郎調惠豐為刑部右侍郎由盛京刑部侍郎調○以薩迎阿為熱河都統調善燾為戶部右侍郎轉柏後為吏部左侍郎以文慶為吏部右侍郎由庫倫辦○調明訓為戶部侍郎以春佑為盛京禮部侍郎由內閣○庚辰諭載銓等奏酌擬管庫司員查庫御史罰賠銀數並管庫查庫王大臣管理盤查年分分別開單呈覽管庫司員查庫御史均有收發稽查之責乃喪心昧良釀成巨案著自嘉慶五年起至道光二十三年歷任庫官查庫御史各按在任年月每月罰賠銀一千二百兩已故者照數減半其因此案先行降革之榮慶等六員並甫經卸任之薩霖宋林曙均加一倍罰賠其歷任管庫查庫之王大臣亦應覈其年分月次數分別罰賠所有嘉慶五年以後管庫王大臣著每月罰賠銀五百兩查庫王大臣每次罰賠銀六千兩已故各員按數減半其應如何酌定期限及逾限不完作何治罪並庫丁人等應如何究懲之處著載銓穆彰阿敬徵裕誠賽尙阿明定章程具奏此次單開各員內有無遺漏舛錯之處並著再行詳細查隨時具奏又諭前因戶部銀庫查出虧短當將歷任管庫及查庫之王大臣交部查取職名

嚴加議處茲據查明開單呈覽並請將應議之管庫查庫王大臣等均照溺職例革職庫貯關緊要出納不容絲毫蒙混是以特派管庫大臣總領其事並疊派王大臣前往稽查應如何認真防範實力盤查俾不至稍有弊端方為不負委任乃見在盤查庫款竟致虧短數百萬之多似此明目張膽通同舞弊該管庫查庫王大臣何至毫無聞見可見平日管理大臣既不實心經理而奉派稽查者亦止視為具文遂使羣相蒙蔽更無能發其奸實屬孤恩溺職即照部議悉予褫革亦屬咎所應得姑念人數眾多一時備用乏人著從寬均改為革職留任諸王大臣等務各知愧知感勉贖前愆毋負朕格外矜全至意○癸未諭戶部三庫總司出納事務較繁著派戶部滿漢左侍郎兼管向來管理三庫大臣僅派二員著添派廖鴻荃陳官俊嗣後凡遇收放銀兩日期六人中輪應一人親往監視並專司啓閉不准稍有曠誤其管庫大臣統俟三年期滿再行奏請更換所有銀庫司員即責成管庫之大臣兼管之侍郎隨時留心察看如才具中平不能得力即咨回原衙門當差儻查有執法營私之員著即嚴參懲辦毋稍姑容該大臣等務當振刷精神力除弊竇儻日久生懈又復視為具文朕惟有執法從事不能再邀寬典也懍之○乙酉前任左都御史奎照卒于祭葬○丙戌諭載銓等奏籌畫經費一摺並片奏各項酌減章程等語俱著照所議辦理惟馬銀一項每年除出青減放外約需馬乾銀四十四萬餘兩該王大臣等請暫減一半充補兵餉著八旗都統各營及領馬乾餉銀各衙門詳查妥議具奏至外省情形不同並著戶兵二部分別省分會議章程奏明辦理○以王兆琛為四川布政使由甘肅按察使遷○戊子以楊以增為甘肅按察使由兩淮鹽運使遷

○辛卯諭軍機大臣等桂良等奏南甸土目糾匪滋擾一招據奏騰越廳屬南甸土司之弟刀承緒因搶收田穀斃命脫逃乘間襲脅野夷焚掠村寨戕害弁兵經提督汪道誠派兵協同勦辦旋據該鎮道府等稟報各路弁兵勇練攻破賊巢先後擊獲匪犯二十八名殲斃不計其數復於二月十一日攻破猛咪賊寨生擒七人殲斃燒斃五十餘人餘賊悉遁見在附近山箐並無賊匪伏匿等語覽奏均悉該督見已起程前往著即會同提督商酌機宜趕緊督率務須迅速蕩事勿留餘孽首犯刀承緒見據探明逃往干崖土司相近巒允夷寨著即懸賞購拏期於必獲毋任稽誅並將起釁根由確切查明毋稍諱飾龍川江巡檢馬偉堂督練上屋放火焚燒著查明出力實迹秉公保奏候朕施恩此等匪徒糾脅至千餘人斷非一朝夕所能猝集該地方文武員弁果能及早覺察立

東華續錄

道光四十七

九

即查拏懲究何至釀成事端騰越同知吳均署南甸都司事守備楊濟川於刀承緒等犯罪脫逃不能緝獲究辦又不隨時防範實屬玩忽著先行摘去頂帶勒令率同土司兵練實力擒拏儘日久不能獲犯及查有辦理不善稟報不實之處另行嚴參究辦○乙未諭前據載銓等奏擬將各支款減平兌放原為樽節經費起見當經降旨准行惟念兵餉一項為該兵丁等計口授食之需近復疊降諭旨勤加訓練若照該王大臣所議雖減數無多而兵力未免支絀非所以示體恤所有京內京外各旗營及直省額設各兵丁應領錢糧仍著一體照舊支放毋庸酌減以示朕優加矜恤之至意該兵丁等務當力圖自效悉成勁旅用備干城之選朕實有厚望焉○丁酉以周祖培孫瑞珍俱為內閣學士兼禮部侍郎銜

周祖培由詹事孫瑞珍由太僕寺卿遷

五月甲辰調葉名琛為甘肅布政使陸費瑤為江甯布政使○甲寅諭軍機大臣等富呢揚阿奏官兵捕逐野番情形一摺據奏周悅勝兩次勝仗之後賊已聞風逃匿聚集克烏蘇擁眾自固擬即乘其烏合一鼓殲除會商周悅勝分檄徐華清站往邀截夾擊等語覽奏已悉前有旨諭知該督等卡外地險路遙不值窮追深入務使賊番畏懼兵威不敢近邊滋擾即可酌量撤兵見奏情形自在未奉此旨以前據稱徐華清所帶之兵月底準可接仗其已未得手此時當有確信該督見駐將軍臺行營該處為通番總路足可聯絡聲勢保護糧運著就見辦情形通盤籌畫仍遵旨務令賊番畏威潛匿不敢復擾邊陲即行撤兵藏事慎勿輕聽將弁等貪功冒險之言窮追深入以致曠延時日糜餉老師是為至要○戊午以管通羣為浙江布政使常大清為安徽按察使由浙江鹽運使遷

東華續錄

道光四十七

十

○丙寅諭富呢揚阿奏官兵剿捕賊番積獲勝仗一摺賊番竄克烏蘇一帶經該督分飭提鎮各路按捕總兵徐華清副將站住帶領官兵追擊在只黑底俄博地方接仗先後殲斃賊番二百餘人墮落山澗跌斃者無算餘賊分投奔竄所辦甚好徐華清站住先行交部從優議敘所有此次出力各員著該督查明酌量保奏候朕施恩其落湖傷亡之馬兵印必西著該部照例議卹○戊辰怡良以病免以劉韻珂為閩浙總督調吳其濬為浙江巡撫以陸費瑤為湖南巡撫崇恩為江甯布政使方濬為山東按察使由鹽運使遷○是月緩徵山東德州等十七州縣被水被旱新舊正雜額賦六月甲戌裁減駐防江甯福州杭州廣州及福建廣東廣西各營馬匹○乙亥諭軍機大臣等本日據吳其濬由驛馳奏武岡州高沙市地方痞徒阻米出境糾眾戕官等語湖南署武岡州知州徐

光弼因查拏痞徒被戕署州同師鳴鳳亦受重傷見在該撫帶兵馳往督捕永州鎮總兵英俊亦已派兵前往提督長春著察看情形如必須撥兵會剿迅速辦理務將首犯設法查拏以伸國法至武岡州界連各屬山徑叢雜附近猺疆難保不此拏彼竄業據該撫飭各屬並咨照廣西巡撫飭屬協同兜拏毋令句結蔓延是為至要所有匪徒曾如炷等是否即係正犯其起釁根由是否因該州緝拏阻米出境匪徒一案抑另有別情該州弁兵並未受傷是否觀望不救抑係聞風逃避均著確切查明據實具奏○戊寅諭富呢揚阿奏官兵分剿番賊連獲勝仗河北地方漸就肅清一摺番賊自上次在只黑底俄博地方被官兵擊散後零股餘匪在多澗溝腦加木麻里木等處山坳伏匿抗拒經總兵徐華清等簡帶精兵分路剿捕前後殲斃賊番五百餘人墮崖落水者不計其數餘匪聞風逃匿該督見駐四棵樹地方相度機宜督飭各提鎮在河北地方搜捕以靖邊隅辦理尙屬妥速所有在事出力各員弁著富呢揚阿查明據實保奏候朕施恩涼州鎮標中營經制外委何進寶首先搶上山梁致被賊匪戕害著該部照例賜卹陣亡兵丁一名著一併議卹○己卯毛樹棠以病免調楊殿邦為倉場侍郎以季芝昌為禮部右侍郎由內閣學士遷○辛巳增陝西撫標經制外委三額外外委中左營各一右營二○庚寅命敬徵何汝霖赴江南覆勘河工○甲午諭軍機大臣等吳其濬等奏拏獲戕官首要各犯並交出積年賊匪巢穴委員接捕並請將逃回營員革職拏問各一摺湖南武岡州痞棍戕官劫搶罪大惡極吳其濬馳抵該郡即據署新化縣知縣汪世澤拏解首犯曾如炷並下手戕官之曾以得一犯訊出確供分別監禁斬決此外已經拏獲要

東華續錄 道光四七

犯楊老六等數十名著委員詳細嚴訊未獲之犯即飭嚴拏毋令漏網其洪厓洞地方既為逃淵數自應派兵守隘以防該匪等竄出擾害惟該處地形險阻莫知路徑雖經派有練勇偵探聞道仍宜加意慎重不可冒險輕進惟當設法偪令出洞分路兜拏洗淨盡以弭後患是為至要至該營弁等觀望不救以致釀成戕官巨案情節尤為可惡且恐兵弁有交結匪徒時故縱情弊必應徹底根究湖南武岡管守備蕭國相把總熊登禮俱著革職交該撫提同已故知州徐光弼家丁差役及各犯質對明確嚴審定擬具奏遊擊蔡發全著解任歸案質訊○乙未添設江南福山鎮水師總兵○丁酉停止長蘆鹽政呈進佛手○戊戌以吳鍾駿為內閣學士兼禮部侍郎由詹事遷○庚子雲南南甸土匪平○辛丑諭吳其濬奏續拏戕官要犯多名及洪厓洞賊匪業已解散飭屬東華續錄 道光四十七

六五一

東華續錄

道光四十八

臣王先謙敬編

臣周瀚蕃恭校

秋七月乙巳諭慧成奏中河廳九堡隄頂過水奪溜南趨一摺據稱本年六月沁黃盛漲大溜湧注將中牟下汛八堡新埽先後全行墊塌趕即集料抬補甫鑿出水溜忽下卸至九堡無工之處正值風雨大作鼓溜南擊浪高隄頂數尺人力難施隄身登時過水全溜南趨口門塌寬一百餘丈等語著該河督督飭道廳營汛各員趕緊籌辦盤作裹頭事宜毋得再有懈誤慧成身任河督未能先事豫防著交部嚴加議處鄂順安兼轄河務亦著交部議處疏防之專管中河通判王葵初協備張廣業並防守之中牟下汛縣丞張世惠把總幸得成均著即行革職兼轄之中牟縣知縣高均

東華續錄

道光四十八

著交部議處開歸道福敏到任僅止半月開封府知府鄒鳴鶴見令專管城工惟均有兼轄之責咎亦難辭著一併交部議處○諭軍機大臣等著英奏酌定通商輪稅章程一摺據奏五月二十六日帶同黃恩形成齡輕裝減從即坐火輪船前往香港接見樸鼎查已將通商章程及輪稅事例備定大局於六月初一日回省其粵海關進出貨物見已議定棉花茶葉稅則約計開課有贏無絀即照伊里布前定期限於七月初一日先在廣州開市著即照所議辦理惟香港四面環海舟楫處處可通見已有內地民人零星買賣必須明定章程以杜走私漏稅並一切未定事宜著英會同祁墳程喬采文豐通盤籌畫永杜弊端俾各省皆可照辦其米利堅佛蘭西等國請照新定章程辦理准俟定議後另行辦理○命敬徵何汝霖赴東河查勘○緩徵浙江定海廳復業民戶正雜

額賦○丙午命方濬仍以鹽運使候補以陳慶偕為山東按察使由內閣特
讀學士選○丁未釋鄧廷楨回籍○戊申諭慧成著即革職暫留河東河道總督之任鄂順安著加恩改為革職留任中牟縣知縣高均著革職開歸陳許道福敏到任僅止半月開封府知府鄒鳴鶴見辦城工均著改為革職留任○癸丑諭各省解交內務府廣儲司六庫銀兩均知照都察院查覈○諭軍機大臣等祁墳等奏籌護礮臺擬行屯田一摺據奏虎門等處礮臺見經修復必須重兵防守而兵額未便請添查出虎門附近及沙角一帶多有淤出沙坦可以圍築成田令人承種其餘各臺或後靠石壁或傍依山麓均可酌行屯田之法藉以保護礮臺惟上下兩橫檔並無後路必須大小兵船往來援應等語以本地之田養本地之民即以種田之民為禦侮之兵固屬守隘防虞寓兵於農之計見任糧道孔

東華續錄

道光四十八

繼尹既經辦有端緒著即責成該道一手經理務使事可經久不至有名無實此次捐辦屯田紳士准按所捐銀數照築臺鑄礮一律奏請鼓勵另片奏團練鄉兵於粵省情形相宜附省各鄉有昇平社學公所為團練總匯之地東路復立東平社學公所陸續舉行聲勢聯絡等語著該督等體察情形隨時妥辦務期有濟實用示固邊防○戊午以慶錫齡鑑俱為內閣學士兼禮部侍郎銜由內閣侍讀學士給
斌良博迪蘇俱為左副都御史斌良由通政
鑑由太僕寺卿選
太常寺
○庚申諭納爾經額奏遵查直隸地方難以興舉屯政水田一摺據奏天津至山海關一帶戶口殷繁地無遺利其無人開墾之處乃沿海鹹灘潮水鹹澇不足以資灌溉屯田之法勢難舉行至全省水利之說歷經試墾水田屢興屢廢總由南北水土異宜民情多有未便而開源疏泊建關修塘一切工費皆需重帑未

敢以有用之項輕議試行惟地高慮旱地窪慮潦但在地方官於
境內溝洫及時疏通以期有備或開鑿井泉以車戽水亦足裨益
田功等語所奏自係實在情形均著照議辦理至南省民間用水
車汲井溉田需費不多最爲利便見據該督照式製造發交各府
州著卽諄飭各屬廣爲勸導實力奉行如有民間不知此法卽於
頒發式樣後勸令按井製車試行灌溉其始未免惜費憚勞如行
之有效互相傳造於農功必有裨益用副朕敦本重農之至意○
辛酉諭富呢揚阿奏河北近邊肅清並河南番族畏法獻賊酌撤
各路官兵一摺青海野番節次偷渡滋擾上年捕逐出卡後多在
河北一帶盤踞窺伺經該督奏明會同提督周悅勝派令署總兵
徐華清等統帶官兵分路痛勦連獲勝仗賊番勢窮逃散該提督
等督率兵弁在賈爾蓋烏蘭水公葛腦爾等處按捕拏獲匪多
東華續錄 道光四十八
起河北肅清其竄匿瑪慶雪山之賊經則巴錯洛率眾攻捕又復
竄回適該鎮徐華清等派兵繼至迎前奮擊把總蕭進先楊正才
首先衝入賊隊該賊番腹背受敵當經殺斃五十餘人生擒三人
賊始奔潰復追殺二十餘人餘俱落崖跌斃卽於殲斃各賊內認
出著名賊首青木塔爾父子頭目奴科那囉勒根增四人屍軀奪
獲馬牛羊隻及帳房器械各件其生擒賊番三名逐經訊明搶劫
多次均係積年巨盜卽在軍前梟示以彰國法至河南爲番賊巢
穴經該督派員先往曉諭復懾以兵威各番知感懼將逃回賊
犯十名擒獻並結稱嗣後再有竄歸隨時送出等語此次勦辦野
番布置妥協迅速厥功朕心深爲嘉悅富呢揚阿著加恩賞戴花
翎周悅勝著賞加太子太保銜徐華清著賞加提督銜俱仍交部
從優議敘原派各路官兵見俱已陸續撤回其未撤之西河兩鎮

官兵一千名稽查餘匪俟大兵凱旋後地方實在安靜再行就近
歸伍○諭富呢揚阿奏番族打仗出力懇請獎勵一摺德勒克族
登則巴錯洛聞大兵勦捕賊番帶兵自效追趕逃匪在丹科地方
接仗與官兵兩路夾攻斬獲甚多見在大兵凱撤該番族擣義可
嘉則巴錯洛著加恩賞給千戶職銜卽令管束該處族番捍衛邊
境該番族稟請內附情詞懇切著卽照玉舒等族之例准其內附
歸隸青海大臣管轄所有應設百戶分轄及歲納馬匹數目各事
宜並著富呢揚阿悉心妥議具奏○戊辰直隸東光縣鄭家口汛
河溢命訥爾經額堵治之○是月緩徵江蘇武進等七縣歉收新
舊額賦
閏七月辛未朔調關聖保爲工部左侍郎轉運貴爲禮部左侍郎
調廣福爲禮部右侍郎以斌良爲盛京刑部侍郎由左副都御史遷○壬
東華續錄 道光四十八
申諭軍機大臣等據祁墳等奏候選道潘仕成製造水雷已成見
由該道員派令曾經學習製造並製配火藥之生員李光鈐議敘
八品職銜潘士豪議敘從九品李光業帶同匠役將水雷二十具
火藥四百斤並繕繪水雷圖說一冊齎送進呈等語見在李光鈐
等尙未到京俟齊到後再行試演至該道潘仕成業經疊次加恩
賞戴花翎並加按察使銜應如何再加獎勵之處著祁墳等酌覈
具奏候朕施恩尋奏潘仕成屢次捐貲辦公始終奮勉得旨潘仕
成著賞加布政使銜以示獎勵○癸酉以河南省城積水未消命
於十月舉行鄉試○丙子命鄂順安程林采撫恤河南安徽被水
災民○丁丑申諭浙江福建會擊洋匪○戊寅直隸永定河溢○
癸未以廣林爲左副都御史由光祿寺卿遷○甲申諭國家分設八旗兵
丁駐防各省立意至爲深遠嗣因生齒日繁披甲名糧例有定額

勢不能概令食糧當差而各弁兵子弟亦有讀書向上通曉文義者聽其應試以廣進取之階所以造就人才體恤旗僕者無微不至但思八旗根本騎射為先清語尤其本業至兼習漢文亦取其文義清通便於繙譯乃近年以來各駐防弁兵子弟往往鶩於虛名浮華相向逐致輕視弓馬怠荒武備其於應習之清語視為無足重輕甚至不能曉解朕恭閱嘉慶五年 皇考諭旨各省駐防人等准於該省考試文生原係於伊等格外恩施若專務此而廢棄清語騎射即停止此例不准考試亦屬應該俟清語騎射演習熟練時方准考試等因欽此仰見我 皇考聖慮周詳 訓誡諄諄之至意因思清語騎射全在該管大臣官員等平日盡心訓飭操演而弁兵子弟亦必令藉此進身方能益加奮勉見在武闕鄉試各省駐防一體與考應試之人弓馬如果熟嫻不患無登進之路其應文試者必應改試繙譯庶不至專習漢文轉荒本業除本科各省文鄉試仍照例准其應考外嗣後各處駐防俱著改應繙譯考試俾有志上進者咸知非熟習清文不能倖邀拔擢自必爭相磨厲日益精通其各該將軍副都統等尤宜隨時訓練董勸兼施毋得視為具文因循積習以副朕崇實黜浮之意其考試一切章程及繙譯童試進額鄉會試中額應如何酌定之處著軍機大臣會同該部悉心詳議具奏○乙酉諭慧成身任河道總督河務是其專責乃並不先事豫防致有漫口前已降旨革職暫行留任見在口門塌寬至三百六十餘丈下游州縣較之上次祥符漫口情形更為寬廣糜帑殃民厥咎甚重著即革任交敬徵等傳旨即將慧成枷號河干以示懲儆○以鍾祥為河東河道總督前辦任庫

東華續錄

道光四十八

五

臣○丁亥命廖鴻荃往東河會同鍾祥督辦中牟大工○調柏後

為戶部右侍郎轉文慶為吏部左侍郎調成剛為吏部右侍郎轉惠豐為刑部左侍郎調廣福為刑部右侍郎以博迪蘇為禮部右侍郎由左副都○己丑諭麟慶著發往河東交廖鴻荃鍾祥差遣委用○甲午命改河南武鄉試於次年三月舉行○召張禮中來京調吳其濬為雲南巡撫以管通羣為浙江巡撫調存與為浙江布政使以黃恩彤為廣東布政使孔繼尹為廣東按察使由禮○丁酉諭敬徵等奏豫省情形既准暫開捐輸難以並開豫工二卯事例一摺見在籌款興工之際自應分別緩急各官生等就近於河南捐輸可期踴躍著仍照戶部原議於東河暫開捐輸並准各省官紳士庶前往具呈輪忱自效以濟工用所有該尚書等前請移開豫工二卯事例之處著毋庸議

東華續錄

道光四十八

六

督任內疏防漫口糜帑殃民厥咎甚重所有該廢員呈請贖罪之處著不准行惟朕以孝治天下念伊母年逾八旬不忍其暮年失養用是破格施恩文冲著准回旗養親以示法外之仁○丁未裁稽查崇文門稅務滿漢御史○庚戌諭山東曲阜縣 先師林廟係萬方觀禮之鄉遇有祀典必應致誠盡敬以示尊崇一切禮儀祭品尤宜整齊潔用肅觀瞻見在雖無不備之處但恐日久懈生稍失誠敬著山東巡撫嚴飭地方官隨時敬謹察看每屆祭祀之期務須恪恭將事毋得視為具文用副朕崇儒重道至意○壬子撥陝西西安鎮標經制外委一額外委二歸西安城守營轄○庚申定各省駐防考試繙譯章程○壬戌諭已革兩江總督牛鑑此次著無庸歸入朝審辦理○諭奕山著即釋放回家閉門思過○乙丑諭太監張成友因伊同鄉黃七鬼被中城指揮訪拏押

解前往探視因官人攔阻不依肆言喧鬧該犯以太監膽敢向指揮衙門挺身滋事迫經官人攔阻猶復肆意喧鬧實屬不法張成友著發往黑龍江給兵丁爲奴遇赦不赦○是月賑陝西沔縣等三縣水災電災

九月乙亥展緩福建廈門復業農民逋賦○癸未諭宗室奕寶於獲罪遣戍後不知悔過自新輒娶民女爲妻雖因被控悔悟退婚究屬違例奕寶著照議改發往黑龍江圍禁三年以示懲儆期滿釋放後交該將軍嚴加管束○乙酉諭軍機大臣等著英等奏粵海關裁費歸公實在情形分別籌辦一摺覽奏均悉前因通商案內議裁浮費粵海關辦公無資請將辦貢備貢邊價三項於額外贏餘銀兩內開銷當由該部議令該監督自行籌辦茲據奏請辦貢備貢二款仍照原議於額外贏餘銀兩內開銷任土作貢歲有常經若取資於官項與獻忱之義殊未允協見既無款籌辦著自本年年貢爲始每年三次貢物暫行停止俟一二年後再行察看情形奏明辦理如有應需何項物件聽候隨時傳辦作正開銷至邊斤變價據實奏請照舊招商變售惟銷不足數仍請動支額外贏餘補足之處是以公項抵作變售亦於事理不合並著該大臣等再行妥議具奏尋祁墳覆奏本年邊斤設法籌銷湊足趕解明年招商承領繳價儘數報解請免照例價飭銷下內務府議尋議邊斤加價會於道光十六年覈減今該督復請減價飭銷似難准行請將發粵海關變價邊斤自本年起暫行停止仍令該監督隨時體察情形二三年後若稍有起色再行奏明發交變價從之

○壬辰前署漕運總督周天爵因病乞休命以二品頂帶休致○癸巳諭前因東河中河九堡漫口當將該河督懸成革職並加枷

號以示懲儆惟念該河督到任甫及數月與文冲之經歷三汛者究有不同懲成著疏枷加恩留於河工效力贖罪即交麟魁等差遣委用○諭軍機大臣等據著英等奏議定米利堅等國通商章程等語覽奏均悉所有米利堅等國自應准其一體通商以示撫綏之意著照所議籌辦總須籌及遠大不可僅顧目前致貽口實至米利堅有進京瞻觀之請英吉利又於善後條內添註沾恩語句著著英等諭以天朝撫馭各國一視同仁凡定制所應有者從不刪減定制所本無者不能增添若各國紛紛請觀光上國不但無此政體且與舊制有乖至見在已准一體通商天恩高厚爾等果能約束商人公平交易照例輸稅無稍偷漏大皇帝聞之必然嘉悅也著英接奉此旨即飭黃恩形等照此明白曉諭不准稍有含混別生枝節○命尙書麟魁往東河會同廖鴻荃鍾祥鄂順

東華續錄 道光四十八 八
安督辦大工○甲午命李湘棻以三品頂帶實授漕運總督○是月賑山東福山縣水災蠲緩直隸景州等二十七州縣山東福山縣水災電災正雜額賦展緩陝西葭州等三州縣電災下忙額賦冬十月辛丑定喀喇沙爾裁屯安戶事宜仍設千總把總經制外委各一○戊申賞奕經二等侍衛爲葉爾羌參贊大臣奕山二等侍衛爲和闐辦事大臣○己酉諭軍機大臣等著英奏通商事竣朕思鴉片煙雖來自外夷總由內地民人逞欲玩法甘心自戕以致流毒日深如果令行禁止不任陽奉陰違吸食之風既絕與販者即無利可圖該大臣見已起程著於回任後統飭所屬申明禁令此後內地官民如再有開設煙館及販賣煙土並仍前吸食者務當按律懲辦毋稍姑息特不可任聽關吏人等遇事誅求致滋擾累總之有犯必懲積習自可漸除而與販之徒亦可不禁而自

止矣所奏定海地方緊要請將舒恭受戴罪當差一節舒恭受罪干斬候此次免句已屬法外之仁所奏難行該處善後需人著即咨商劉韻珂管通羣遴選賢員妥為辦理耆英見已回任所有粵省未盡事宜著即移交祁墳督同文豐相機妥辦兩江總督任重事繁見在善後未結各件及上海通商事宜均須該督妥辦所請陛見著俟一二年後再行奏請其欽差大臣關防俟回任後遇便齎繳○命耆英回兩江總督任○庚戌賞琦善二等侍衛為駐藏大臣○癸丑諭江蘇等省安插災民毋令流徙○己未以陳功為江蘇按察使由山東克折曹濟道遷○辛酉諭軍機大臣等前據耆英等奏改設巡檢移駐附近香港之九龍地方稽察出入牌照等語朕以香港為售貨總匯若僅責成巡檢稽查恐立法尚未周密令該大臣等再行妥議茲據耆英奏稱體察情形不在驗照官之大小全東華續錄 道光四十八年 九在行之以實所有前赴香港之船既由給照口岸按月報明粵海關業已互有稽考九龍巡檢不過查其已到未到並無稅銀可收似可無虞偷漏等語著照所議辦理所有祁墳等前奏廣東新安縣屬之官富司巡檢請移駐九龍地方改為九龍巡檢作為海疆要缺即照所請准以試用從九品許文深試署俟試署期滿如果稱職另請實授並定為在任三年如經理得宜即予保舉升擢毋庸扣至六年俸滿其見准試署之許文深能否經理得宜仍著祁墳等隨時察看如不勝任即行撤回另為酌調毋得稍事因循至該巡檢雖無徵收稅課之責而稽查出入務令相安斷不可任吏胥勒索別生事端是為至要○甲子予已革臺灣鎮總兵達洪阿三等侍衛為哈密辦事大臣○戊辰 御製跋成哲親王養正四箴示 諸皇子曰養正書屋之義備載集序茲不復贅彼時朕伯

成哲親王親製養正四箴書以助予蓋聞發 聖旨精微 慈恩高厚也予永矢弗諼規模感須與曷敢忽諸溯自嘉慶丙辰迄今四十有八年矣雖不敢期諸寡過然尙克兢兢自守者非我皇考之慈訓我伯父之做省其可得耶每一思之感慟交縈茲皇子等齒漸成童蒙養之功第一要務我諸兒若能體朕之心守朕之訓義制事禮制心存存三畏之言懷懷四箴之誠庶幾免乎敗度敗禮知誘物役也命上書房師傅等各於本阿哥讀書處手錄一幅懸挂壁間俾觸目做心相觀而善同歸百度惟貞之道方符厚望焉○是月賑安徽太和等三縣山西岢嵐州水災電災貸安徽太和等四縣齊齊哈爾等四處歉收口糧蠲緩奉天遼陽等六州廳縣瀋陽等三處齊齊哈爾等四處山東臨清等二十七州縣衛安徽州等三十七州縣衛山西岢嵐等七州縣湖南澧州等六州縣衛被災新舊正雜額賦展緩河南榮澤等二十七縣湖北沔陽等二十四州縣衛水旱災新舊額賦兩淮富安等十三場新舊電課

十一月己巳朔日有食之○乙亥諭御史江鴻升奏請飭水師提鎮出洋巡緝一摺據奏近日廣東洋面不靖閩浙各洋時有匪徒出沒沿海奸民恃海洋為後路必宜認真巡緝遏絕奸萌等語近年沿海水師不能得力兵丁將備但利水師之速於升轉而於海防一切機宜平時既不講求臨事率多避就總由各該提鎮養尊處優不以身作則將領以下相率效尤每屆出洋巡緝之時託故不行轉相推諉甚或畏避風潮逗留近島諱匿盜案捏報虛詞言之憤恨昨因廣東水師提督吳建勳於廉州洋面盜匪遷延觀望特旨降為副將各該提鎮自當知所做懼嗣後沿海水師各提鎮

著於每歲出洋時具奏一次俟出洋往返事畢洋面如何情形據實具奏其實在因公不能出洋即著自行奏明均令咨稟該省總督以憑查覈並責成各該總督破除情面密訪明查儻敢偷安畏避及奏報不實隨時分別參辦各該總督皆係朕特簡大員受恩深重如稍存瞻顧之私扶同徇隱經朕別有訪聞除將該提鎮嚴行懲處外必將各該總督一併嚴懲不貸○丁丑諭軍機大臣等孫善寶奏辦理上海開市情形一摺內地販運湖絲前赴上海應查明赴粵路程少過一關即補納一關稅數該領事求免補納業經該道等告以定章不能更改該領事無辭而退著著英孫善寶諄飭該道等謹守見定章程妥為辦理毋任妄意干求致有增減至開市伊始商販之多寡本不能官為招徠止可聽民自便其走私漏稅諸弊尤須實力稽查著即責成官幕久成齡和衷商推認東華續錄 道光四十八 十二

真經理毋稍疏懈致滋流弊○庚辰以花沙納為左副都御史由政使
○辛巳以王植為浙江巡撫由刑部右
○壬午調程楸采為浙江巡撫王植為安徽巡撫○丁亥調郭熊飛為江蘇按察使陳功為湖北按察使○丁酉 上詣 大高殿祈雪○是月賑江蘇沐陽縣大河衛災民貸江西南昌等十五縣陝西綏德等九州縣籽種口糧倉穀蠲緩直隸新河等四縣江蘇高郵等六十八州廳縣衛水旱災新舊額賦緩徵陝西綏德等九州縣甘肅狄道等二十六州廳縣水旱災新舊正雜額賦展緩江西南昌等十五縣通賦

十二月壬寅以陳繼昌為甘肅布政使
○癸卯准廣西甯州開採崇慶鐵廠○甲辰程楸采卒調梁寶常為浙江巡撫以崇恩為山東巡撫調陳繼昌為江南布政使賞鄧廷楨三品頂帶

為甘肅布政使○乙巳諭軍機大臣等據程楸采奏安徽徽州等府州所屬地方向有棚民見在委員清查等語徽州甯國池州涇州廣德等州所屬山多閒曠向有浙江溫台等處民人搭棚棲止該棚民等生齒日繁兼有無業之民逗留罔迹自應徹底清查著王植飭令委員等前往該地方認真稽查編設棚頭發給門牌除歷年已久確有冊籍可憑者免其驅逐外其新添之戶一概逐令回籍毋得養癰貽患日久別滋事端其毗連浙江江蘇兩省交界地方並著知照各該撫一體挨查認真辦理毋得視為具文○丙午雪○丁未定伊犁三顆樹等處回屯民戶章程○己酉調祝慶蕃為吏部右侍郎以侯桐為兵部右侍郎
○壬子以讀本錯誤部左侍郎以張澧中署刑部右侍郎
○壬子以讀本錯誤革內閣學士巴雅爾綽克托職○丁巳龔守正以病免以陳官俊東華續錄 道光四十八 十二

為禮部尚書
○戊午轉祝慶蕃為吏部左侍郎調季芝昌為吏部右侍郎以周祖培為禮部右侍郎
○己未以趙光王廣蔭俱為內閣學士兼禮部侍郎銜
○王戊諭各直省中式舉人自下科始一體覆試○甲子諭前因查庫御史銀庫司員罰賠庫項限內陸續全完降旨交軍機處存記年終彙奏茲開單呈覽所有歷任查庫御史已革左副都御史續齡著以七品筆帖式用已革光祿寺卿張秉德著仍革職已革奉天府府丞駱秉章著以庶子用已革告病內閣侍讀學士張鑒著以七品筆帖式用已革戶科掌印給事中景斌著以七品筆帖式用已革兵科給事中舒光仍著革職已革工科給事中蘇芳阿著以主事用已革工科給事中薩霖著以七品筆帖式用已革浙江道御史宋林曙著以七品小京官用已革內閣侍讀周春祺著以

主事用已革甘肅布政使程德潤著以主事用已革四川布政使
 龔綬著以員外郎用已革兩淮鹽運使但明倫著以員外郎用已
 革河南糧鹽道况澄仍著革職已革甘肅甘涼道郭柏蔭著以主
 事用已革福建督糧道劉夢蘭著以七品小京官用已革湖北安
 襄鄖荆道吳式敏著以七品小京官用已革告病福建興泉永道
 周曰炳著以七品小京官用已革陝西鳳翔府知府豫泰著以七
 品小京官用已革廣東肇慶府知府趙長齡著以主事用已革休
 致廣西平樂府知府俞恆澤仍著休致已革降調給事中瞿溶著
 以七品小京官用已革福建布政使曾望顏著以主事用已革陝
 西榆林府知府李錫齡著以知府用歷任銀庫司員已革告休都
 統蘇成額著賞還頂帶已革內閣侍讀學士保極著以七品筆帖
 式用已革兵部員外郎額爾德穆著以七品筆帖式用已革銀庫
 東華續錄 道光四十八
 員外郎文彩著以員外郎用已革江西按察使文俊著以道員用
 已革山西大同府知府嶸祿仍著革職已革陝西西安府知府貴
 麟著以七品筆帖式用已革兵部侍郎功普已革江蘇常鎮通道
 周頊已革給事中李遠烈均仍著歸另案革職○是月蠲緩河南
 睢州等十六州縣被水新舊正雜額賦緩徵伊犁被旱回戶額賦
 貸款○是歲朝鮮緬甸暹羅入貢○會計天下民數數直隸等省
 通共大小男婦四萬一千七百二十三萬九千九十七名口存倉
 米穀三千二百一萬八千二十一石四斗六升七合八勺

東華續錄

道光四十九

臣王先謙敬編

臣周瀚蕃恭校

道光二十四年甲辰春正月戊辰朔以來歲 皇太后七旬萬壽
 詔開恩科於本年舉行鄉試來年舉行會試○辛未 皇八子奕
 詒生○丁亥諭朕聞近來江南河工時有過往官員及舉貢生監
 幕友人等前往求助該河督及道府等官礙於情面不能不量為
 資助以致往者日眾竟有應接不暇之勢不知河工銀兩絲毫皆
 關國帑河員承領錢糧均有購料修防之責儻過往官員舉貢生
 員幕友等視為利途紛紛前往該員等焉有自出己貲之理無非
 濫請支領剋減工程以為應酬之費於河務甚有關繫不可不嚴
 行禁止因思此等遊客不能無因至前往向在京官員求索書
 東華續錄 道光四十九

信以為先容甚至屬託該河督授意屬員廣為吹噓此風可惡之
 至著潘錫恩通飭各屬一律嚴禁嗣後查有持信往謁意在干求
 者著該河督即將其人暫行扣留指名參奏其有向道廳求助業
 經幫助銀兩者即一併參辦槩不得意存見好稍事姑容並著兩
 江總督明查暗訪儻此後仍有前項情弊該河督未即舉發即行
 單銜奏參庶幾懲一儆百力挽頹風南河既有此弊東河亦所不
 免著東河總督通行嚴禁並責成山東河南巡撫一體訪查至各
 省鹽務衙門向來陋習相沿亦應嚴行杜絕著通飭各省鹽政一
 槩禁止毋任虛糜課餉其兼管之各省督撫均著密行稽查以期
 弊絕風清經此次通飭禁止以後兩河道應及鹽務官員儻再藉
 口應酬以致侵欺帑項必當嚴加懲治不貸○諭據那墳奏越南
 國王遣使張好合等將內地擊獲盜犯金二紀等八名並槍礮等

項駕駛兵船解省審辦已有旨將該行价等歷船貨物免其納稅
矣因念該國王孳獲內地搶掠匪徒遣使解審深明大義甚屬可
嘉著俟該國下屆應貢年分使臣到京於正貢照例賞賜外另行
加賞以示褒獎著周之琦先行檄諭並著存記於奏報越南貢使
入境時附片提奏○邵甲名以病免以張祥河為廣西布政使王
簡為河南按察使由湖南辰沅永靖道遷○壬辰諭向遇恭謁西陵之年
直隸總督呈進大小豬羊著自本年為始無庸呈進改進食物及
朝鮮果品以備賞賚之需○丁酉諭前據麟魁等奏壩工遭風屢
墊情形已有旨令該尚書等相機妥辦萬勿坐失機宜計此時當
已接奉因思口門僅積十四丈九尺合龍較易惟壩前水深八九
丈餘進占尤須慎重本年節候較早轉瞬桃汛經臨辦理恐更棘
手連日未據奏報朕心焦念之至著傳諭麟魁廖鴻荃鍾祥鄂順
東華續錄 道光四十九
安將見在水勢平險若何進占能否順利約計合龍當在何日據
實具奏仍不得因有此旨稍存將就之見草率蒞事致貽後患再
前奏內稱挑水壩業已挑動大溜一俟水面擡高風勢順利再行
相機啓放等語引河必須一律深通啓放時方能暢行無滯此時
所挑引河情形若何並著一併具奏以慰廬懷○是月給直隸東
光縣江蘇海州等三州縣浙江富陽等三縣水旱災口糧貸陝西
葭州等四州縣山西大同等三縣水災雹災籽種緩徵直隸景州
東光二州縣山東臨清等十六州縣衛浙江海甯等十七州縣暨
橫浦等四場水旱災額賦鹽課展緩直隸蘄州等十五州縣通賦
二月戊戌朔祁墳以病免調署英為兩廣總督以璧昌署兩江總
督由福州○己亥 上御經筵○庚子以祈禱靈應封廣東新甯
縣宋校尉陳仲真為綏靖伯○辛丑諭六公主著封為壽恩固倫

公主又諭原任御前大臣一等公博啓圖之子景壽著指為壽恩
固倫公主之額駙所有應行事宜著各該衙門照例豫備景壽著
施恩先賞頭品頂帶在上書房讀書○諭軍機大臣等有人奏中
牟大工辦理不善未能及時報竣請專責成以杜後患一摺前因
壩工遭風屢墊降旨令麟魁等相機妥辦昨又由四百里馳諭令
將見在情形據實具奏計此時當已接奉矣辦理大工全在委用
得人據奏管理料廠管辦引河各員均不能覈實認真少發工錢
以致人夫逃散剋扣麻價以致料販不前且近日連走五埽工程
較難等語著麟魁廖鴻荃鍾祥鄂順安將摺內所指各情節逐一
確查據實覆奏毋稍容隱○壬寅以祈禱靈應封廣東故龍門協
副將景懋為忠顯伯○癸卯以傳繩勛為雲南布政使汪雲任為
陝西按察使○丙午諭戶部奏請將甘肅新疆等處未墾地畝飭
東華續錄 道光四十九
查試墾等語西陲地面遼闊隙地必多果能將開墾事宜實心籌
辦當可以歲入之數供兵食之需實為經久有益前據伊犁將軍
布彥泰奏報於塔什圖畢等處開墾地畝疊著成效洵屬忠誠為
國之舉均經分別施恩而烏嚕木齊於道光二十年開墾地止
二萬餘畝其未墾之地未據該都統奏明續辦著布彥泰會同惟
勤體察情形派員確勘如有可墾之地務須設法招徠隨時奏明
辦理其伊犁已開地畝業經照例升科此外及各城地方如有曠
地可以招墾者仍著該將軍等詳細飭查一律奏辦至甘省報明
水衝沙壓案內尚有七千五百餘頃未經墾復著富呢揚阿遴委
委員確加履勘遇有堪以墾復之處即將應復地畝隨時咨報不
得任聽該委員等畏難捏稟阻隔不行務使野無曠土人盡力田
俾民食邊備並收實效○己酉以伊犁開墾督辦有方加布彥泰

太子太保○庚戌諭前派麟魁廖鴻荃督辦中牟大工連日據奏將次合龍方深殷盼乃本日復據奏稱於初七初九等日東壩連次蟄失五占自請從重治罪並請簡派熟諳河務之大臣來工督辦等語覽奏憤懣之至從前若能趕緊辦理於正月內合龍則春水未旺焉有此失總係麟魁等辦事顛預遷延所致罪無可寬惟遽予罷斥另派大臣接辦伊等轉得置身事外諉過他人麟魁廖鴻荃均著革職給予七品頂帶仍留河工督率儻能竭力挽回尚可量從寬典鍾祥任事未久著革職給予七品頂帶暫留河督之任鄂順安係兼管河工著革職留任降為三品頂帶所有全工事宜仍著責成麟魁廖鴻荃鍾祥鄂順安督飭在工文武員弁趕緊設法相機妥辦設若仍前玩泄必皆重治其罪所有應行陳奏事件仍著照舊列銜會奏此次失事之文武管壩各員弁著麟魁等

東華續錄

道光四十九

四

五

查明嚴參具奏○以特登額為禮部尚書文慶為左都御史由吏部左遷○調陳官俊為工部尚書以李宗昉為禮部尚書杜受田為左都御史由戶部左遷○辛亥調柏棻為吏部左侍郎成剛為戶部右侍郎惠豐為吏部右侍郎轉廣福為刑部左侍郎調斌良為刑部右侍郎以花沙納為盛京刑部侍郎由左副都御史遷○壬子調祝慶蕃為戶部左侍郎轉季芝昌為吏部左侍郎調侯桐為吏部右侍郎以孫瑞珍為兵部右侍郎由內閣學士遷○癸丑諭軍機大臣等本日已明降諭旨將牛鑑釋放發往河南交鄂順安差委矣該革員前在河南巡撫任內頗得民心該省民情淳樸上年興築省城捐輸踴躍並未動支帑項甚屬好義急公此次中牟大工將次合龍忽遭風暴連蟄五占需用浩繁應如何設法籌辦之處牛鑑素為該省士民所悅服經朕特加恩宥自當倍加勉勵實力妥籌以紓國

計而蘇民困著俟牛鑑到省後即將此旨發給閱看將此諭令鄂順安知之○丁巳諭軍機大臣等孟保等奏續接廓爾喀國王稟及諭覆緣由一摺覽奏均悉廓爾喀國王稟詞內稱噶箕因上年來藏懇求一切未准不敢回國並牽敘聶拉木濟噶地方十年歸西藏管理三年歸該國管理等語實屬謬妄該大臣等正詞曉諭辦理向為妥協儻該國再差頭目來藏另有懇求該大臣等仍當據理回覆杜其妄念是為至要琦善到任後即著會同鍾方安辦但言語不通文字不同止懇一譯尤當加倍留心勿致歧誤○以景亮為內閣學士兼禮部侍郎銜由光祿寺卿遷陳孚恩為左副都御史由大理寺卿遷○戊午李象鵬以病免以羅繞典為貴州布政使恆春為山西按察使由直隸道遷○己未諭前因麟魁等奏大工蟄失壩占自請治罪當經降旨將麟魁等分別懲處仍責令趕緊挽回以

東華續錄

道光四十九

五

圖後效本日復據奏稱所需料物近處無可籌買分投購運愈遠愈遲斷非一二月內所能備齊水勢日增補築萬難措手且時方耕作人夫多已歸農一時難於招集請援照儀封等工成案展緩辦理所稱種種棘手自係實在情形若仍令勉強趨辦終歸無濟著准其將見在壩工暫行緩辦麟魁廖鴻荃係特派督辦之員遷延不力咎無可辭前已有旨革職著將所給七品頂帶一併革去即行來京聽候諭旨鍾祥見留河督之任鄂順安係兼管河務所有全工事宜著即會同悉心籌畫將來興舉大工即著鍾祥鄂順安督辦以專責成此時惟有嚴飭工員將兩壩壩占設法保護遇大汛經臨尤須竭力防守庶將來補築尚易為功至被災處所居民失業朕心惻惻實深著該撫加意撫綏務令安輯見在工次人夫半歸耕種其無業貧民均著妥籌設法安插毋令一夫失所鍾

祥鄂順安於河工修防地方撫輯事宜均屬責無旁貸務須實心經理和衷共濟不得游移推諉以重前愆麟慶慧成牛鑑均著留工卽交鍾祥鄂順安酌量差遣委用○諭軍機大臣等本日據程喬采奏米利堅國使臣因未接到上次阻止札文於正月初八日駛至九州灣泊欲來天津朝覲該護督開導傳知使臣尙未回覆佛蘭西亦有巡船拋泊等語西洋各國向來不通朝貢卽北駛至津亦必諭令回粵所欲商議章程亦必仍交耆英等酌辦斷無另遣大臣與議之理耆英接奉此旨馳驛前往廣東會同程喬采妥爲辦理○丁卯諭朕每屆謁陵於蹕路經過州縣均經隨時加恩本年恭謁東陵業已先期降旨見在雖不親行而沿途地方業經備辦所有蹕路應行經過之大興通州三河薊州遵化五州縣地方應徵本年錢糧仍著加恩蠲免十分之三○是月給東華續錄 道光四十九 六

江蘇海州等三州縣衛民屯口糧並緩徵江蘇高郵等三十二州縣衛災民逋賦
三月戊辰朔諭軍機大臣等麟魁等奏體察新工情形一摺據奏黃河挾淤夾沙勢甚雄猛豫省又俗名坡河伏秋盛漲非二百丈口門不能容納見在口門僅寬三十餘丈恐致下壅上潰且引河頭之攔黃壩亦慮刷塌受淤等語著鍾祥鄂順安卽將挑水壩擇要加培保護西壩壩占其東壩出水壩面准其暫行拆除展寬口門仍擇可用料物作爲加鑲之用其攔黃壩卽著竭力保守毋使川河淤墊以致挑挖過費該河督等務須隨時相機設法補救俾將來興辦堵合費省工速以贖前愆○壬申諭耆英見已調任兩廣總督各省通商善後事宜均交該督辦理著仍頒給欵差大臣關防遇有辦理各省海口通商文移事件均著准其鈐用○丙子

博迪蘇以病免以倭什訥署盛京工部侍郎由盛京兵部兼署○丙戌河東河道總督鍾祥奏會籌全工事宜得旨一夫失所幸在朕躬爾等善爲之○戊子諭軍機大臣等據劉韻珂等奏臺灣匪徒聚眾謀逆經該鎮道等督兵勦捕擊獲首逆各犯大概情形一摺臺灣嘉義縣巨匪洪協等糾眾豎旗謀逆並有已革武生郭崇高合夥起事所糾匪黨約共二千餘人經該鎮道等督同各員弁帶兵勦捕接戰六次殺斃賊匪一千餘名將首逆洪協及股首林孕等先後擊獲又嘉義縣匪徒李安等糾匪滋事經營縣往擊擒獲多名辦理尙屬安速所有已獲各犯著飭該鎮道訊取確供卽在臺灣地方分別正法以昭炯戒其在逃之股首郭崇高劉取葉周余朝仍著上緊嚴拏務獲懲辦毋任一名漏網至此案郭崇高之謀逆雖據稟因匪收民錢代爲完糧賤買壞穀上倉經該縣查拏所致東華續錄 道光四十九 七

而洪協等又因何事遽起逆謀且何以能糾眾二千餘人之多著該督轉飭該鎮道向已獲各犯嚴訊實情徹底究辦其此次隨同勦捕之員弁兵丁何人尤爲出力何人擒獲要犯及嘉義縣匪徒李安是否就獲均著飭令確查具奏再降諭旨○癸巳以故員勒蘇馨子奕格降襲貝子○馮芝以病免轉周祖培爲禮部左侍郎以吳鍾駿爲禮部右侍郎由內閣學士遷○乙未四川提督齊慎卒贈太子太保○丙申李湘棻丁憂以惠吉爲漕運總督病痊○是月貸山西平定等十一州應縣歉收倉穀展緩浙江定海應縣歉收新舊額賦山西保德等十一州應縣通穀
夏四月丁酉朔諭軍機大臣等前因回疆所用當五當十錢文行使便利降旨令富呢揚阿等體察陝西甘肅情形仿照鑄行茲據該督奏稱普爾錢一項惟南路八城通行北至吐魯番東至哈密

即不能行其吐魯番所產棉花亦不能以普爾錢收買民間不能施行在官即難搭放等語回疆普爾錢文藉可疏通圖法惟欲自外而內必須漸推漸近著布彥泰達洪阿體察南北兩路各城情形能否一律行使確加訪覈據實具奏尋奏普爾錢係淨紅銅鑄造做鑄反增工費其帶至東北各城每箇止作一文之用不能當五當十批候旨行○庚子諭上年十二月內派侍郎柏復為正使副都統恆與為副使前往朝鮮諭祭茲據該侍郎等差竣回京奏稱該國於照例餽送之外另送贖銀五千兩陳明請旨等語朝鮮世守東藩虔修職貢遇有大臣官員差往彼國舊有餽送儀物之例蒙 皇祖高宗純皇帝諭按舊例裁減一半永著為令原以儀物繁多不忍重勞該國若概不收受又恐其以缺乏禮數有歉於心是以酌中定制厚往薄來 成憲昭垂允宜遵守此次該國餽

東華續錄

道光四十九

八

送柏復恆與宴金土儀均照舊例減半自應遵例收受其另送贖銀五千兩據稱前此天使原無贖儀此次該國王因感恩榮幸格外將敬經該侍郎等堅辭謝卻該陪臣攜銀隨行沿途求受將屆出境又復跪地叩懇免冠垂涕稟稱如不收受國王必治伊等重罪並該國王亦欲請罪且伊等雖隨從入京總期收受方敢回國等語朕惟恭敬之實不在多儀此次諭祭朝鮮該國減半餽送之物業據該侍郎等照例收受已足表該國事大之誠若另送餽贖多金致增糜費既與定例有違即非朕德禮綏藩之意此項贖銀著禮部暫行存貯遇有該國便員來京令其帶回繳還並將此旨傳諭該國王嗣後天朝差往官員俱著恪遵成例減半餽送萬不可於額外加增虛耗物力其派出之大臣官員亦著禮部將此旨恭錄一道並將例載減半禮物數目開具清單一併交正副使齎

帶前往永遠遵行以符定制而示柔懷○癸卯以培成為盛京工部侍郎由內閣學士遷○雲南南甸首逆土目刀承緒伏法○乙巳諭軍機大臣等自古足國之道首在足民未有民足而國不足者天地自然之利原以供萬民之用惟經理得宜方可推行無弊即如開礦一事前朝屢行而官吏因緣為奸久之而國與民俱受其累我朝雲南貴州四川廣西等處向有銀廠每歲抽收課銀歷年以來照常輸納並無絲毫擾累於民可見官為經理不如任民自為開採是亦藏富於民之一道因思雲南等省除見在開採外尚多可採之處著寶興桂良吳其濬賀長齡周之琦體察地方情形相度山場民間情願開採者准照見開各廠一律辦理斷不可假手吏胥致有侵蝕滋擾阻撓諸弊該督撫等必能仰體朕意妥為籌辦固不可畏難苟安亦不得抑勒從事總期於民生國計兩有裨益

東華續錄

道光四十九

九

方為妥善各省情形不同不准彼此觀望○庚戌以羅文俊為內閣學士兼禮部侍郎銜由詹事遷○癸丑命王錫朋子舉人承瀚以六部小京官用○己未諭軍機大臣等程爾采奏米利堅兵船退出外洋並英吉利使臣樸鼎查退職回國另換公使德庇時接辦等語覽奏均悉著英此時當已行抵粵東其英使樸鼎查見已退職回國即著著英等與新到之德庇時申明條例令其遵照辦理至樸鼎查因何事退職德庇時能否相安並著著英等隨時具奏尋奏樸鼎查因患病回國德庇時曾於公司館未散時來粵充當大班粗通漢語數月以來尙屬相安報聞○辛酉賜孫毓汶等二百九人進士及第出身有差○乙丑諭原任大學士富俊文孚宜力多年居官清正且其見在子孫均係承嗣所有代賠未交庫款著加恩寬免○諭寶興奏馬邊夷匪出擾經官兵擊退請將疏防之

備弁斥革一摺此次夷匪分股出擾人數甚眾經官兵分股驅擊殲戮使其大受懲創逃遁回巢不至蔓延辦理尙爲迅速惟該夷匪入境之處係馬邊右營及煙峰汛所管該備弁等事先疏於防範雖隨同擊斃多匪地方見在靜謐究有應得之咎四川署馬邊右營守備左營千總張明祥煙峰汛千總張大麟著卽斥革以示懲儆○是月加給河南睢州等十五州縣水災三月口糧

五月辛巳開採廣西北流縣鐵礦○丙戌准河南築攔黃堰及蓋壩各隄防護省城○壬辰以景慶爲內閣學士兼禮部侍郎銜由散秩大臣遷

六月丁酉直隸永定河溢○壬寅諭軍機大臣等陸費瑗奏未陽縣痞棍聚眾抗糧滋事親往查辦一摺據稱未陽縣西鄉段陽二姓抗不完糧並設局斂費阻截糧戶經該縣獲犯訊究膽敢糾眾東華續錄 道光四十九

撲城並拒傷弁兵胡俊等見尙退匿城外未散等語匪徒抗糧滋事糾合至千餘人之多並敢持械攻城拒傷官兵實屬罪大惡極必應迅速剿辦淨絕根株見據該撫挑選兵三百名親帶前往並咨永州鎮派兵三百名馳往會剿卽著該撫會同該鎮安速掩捕剋期竣事勿使蔓延其爲首之陽大鵬等及著名匪犯務須按名捕獲盡法嚴懲毋任一名漏網至該縣連界各地方要隘均著加意嚴防以免竄逸石生玉見在諒已抵任著卽責成該提督會同勦辦○癸卯諭本日據軍機大臣會同刑部議奏貴州軍犯擁擠酌減調劑等語新疆遣犯改發內地恐人數眾多不特約束難周且於民風大有關礙非若新疆地方遼闊外遣人犯易於安插所有舊時改發內地各條著仍照舊例發往新疆交該將軍設法妥爲安插並嚴飭所屬認真查覈嚴加管束毋令滋生事端以期積

久無弊○戊申諭前據戶部奏各省未經報部各荒地恐有私墾隱賦各情當經降旨令該督撫等嚴實查明具奏並因甘肅水衝沙壓之地未經墾復者七千五百餘頃之多復令富呢揚阿委員確勘將應復地畝隨時咨報辦理茲據該督奏請專辦招墾立限升科等語荒地既多其閒私種者或漏未升科拋荒者或憚於墾復若非特派大員親加周歷廣爲勸諭則委員捏飾州縣遷延種種弊端終無實效所有該省招墾事宜著卽責成邵廷楨專心妥辦其藩司篆務著楊以增暫行署理甘肅臬司著富呢揚阿派員接署邵廷楨曾經歷任封疆此次又棄瑕錄用簡任藩司必能激發天良仰體朕意實力講求著於接奉諭旨後親赴各屬逐一勘明將堪以墾復之處設法招徠一律報墾其有未經報明私行墾種者卽卽勒限照例升科儻各州縣畏難苟安藉詞阻撓並著指

東華續錄 道光四十九 十一
毋得仍照向年舊案苟且塞責○戊午諭軍機大臣等前因雲南等省向有銀廠抽收課銀降旨令該督撫體察情形如此外有可開採之處准照見開各廠一律辦理茲據周之琦奏稱廣西銀廠見在僅存三處每年共抽正課銀四五兩不等爲數寥寥其臨桂等縣舊有各廠久經封閉並未續開惟礦砂有衰旺之時地氣有轉旋之候見已密飭府縣添派委員詳細履勘如有礦砂復露之處卽照見辦章程招民開採等語天地生財以供民用若不能變通盡利則民用易匱而財貨亦有棄地之虞廣西舊有各廠前因採取過多山空砂薄是以暫行封閉積之既久地氣亦鬱而必宜但能因地之利順民之情自可著有成效見在查勘各該處如果礦苗重出砂路復新卽著諄飭該委員等會同地方官勸諭

商民試行採辦務在禁其擾累去其煩苛使民樂於從事見存蕉木南丹挂紅三廠抽課無多亦者察看該處附近之區是否可以量為推廣此外各山場如本非舊廠而有可開採之處並酌量情形一律招辦儻該員等不能妥為經理或飾辭阻撓或張揚抑勒或以課銀為數無幾為詞甚至假手吏胥侵漁圖利該撫一有聞見務即隨時撤回指名參奏仍另派委員實心籌辦以期於國計民生兩有神益○壬戌諭軍機大臣等傳知前鋒統領護軍統領等者將該處所貯陰文合符五扇送交軍機處貯大內永不動用新頒陰文合符四扇著交該統領等敬謹收貯此旨著軍機處該統領均各存記○諭據陸費瓌奏官兵勦捕未陽匪徒連獲勝仗情形覽奏均悉該匪等巢穴俱在西鄉魚陂洲啞子山一帶徑路崎嶇樹木叢雜經永州鎮總兵英俊等分投搜捕殲斃多名焚毀東華續錄 道光四十九 十一

賊巢餘匪奔竄勢已窮蹙辦理尙屬妥協惟首犯陽大鵬尙未就擒著該撫會同石生玉設法搜捕斷不准令倖逃顯戮日久稽誅其餘各要犯亦須按名偵緝分路兜擒以正典刑而伸國法其見獲之僧倡貫一犯既訊係陽大鵬主謀正可向該犯嚴究陽大鵬下落毋任狡展諱匿○是月緩徵山東臨清等二十二州縣並德州東昌二衛被災新舊額賦有差

東華續錄

道光五十

臣王先謙敬編

臣周瀚蕃恭校

秋七月丙寅諭軍機大臣等據琦善等奏西藏駐防弁兵原係三年一換例准雇役番婦代司縫紉樵汲迫後留防過多更換日少該弁兵姦生之子在營食糧者見已十居二三兼之因差來藏之弁兵並無留防之例亦准留藏候補竟有待至二三年方得輪補缺糧各弁兵日形苦累等語內地赴藏駐防弁兵原以備緩急之用此時若照例查辦自必驟加厲禁恐難相安然仍舊因循年復一年不但帑項有虧且恐在營弁兵漸成唐古特族類儻偶有事端難資得力此事甚有關繫自當漸次裁革著該大臣等嗣後遇換防之期即行照例更換少准留防其有欠項者酌量給發俾令餬口有資餘均盡數扣還如遇兵糧缺出即著慎加選擇凡身家不清者概不准其挑入並著揀擇兵丁若干名暫留琦善署中勤加教練以收實效而杜弊端○癸酉前任兩廣總督祁項卒予祭葬諡恭恪予其子員外郎之銓服闋後即補知州之鏐即選○甲申湖南耒陽縣首逆陽大鵬就擒檻送京師伏法○戊子湖北荊州萬城隍溢命裕泰堵治之並撫卹災民○庚寅諭布彥泰等奏墾復荒地勘估興工一摺開墾地畝必先講求水利來源暢旺則灌溉有資見在惠遠城東阿齊烏蘇廢地據該將軍親往周歷相度可以墾復十萬餘畝擬引哈什河之水以資貫注將塔什鄂斯坦回莊舊有渠道展寬加深即接開新渠引入阿齊烏蘇東界並開段酌支渠俾新墾之田便於澆灌所議均屬合宜該將軍等即飭承辦各員認真妥辦務在因地制宜順流利導以期經久有

益仍著該將軍等隨時前往查驗督催毋任稍有怠玩其應需工費見據勸諭捐辦著俟全工告成後由該將軍等查明捐工出力各員覈實保奏候朕施恩○辛卯調舒興阿為工部右侍郎開聖保為兵部右侍郎○是月加給河南中牟等九縣水災三月口糧貸陝西葭州雹災籽種緩徵江蘇陽湖等十縣歉收逋賦

八月丙申免浙江江蘇蘇州府等十縣歉收逋賦

寶興擊辦四川咽喉○癸丑開聖保以病免調倭什訥為兵部右侍郎以福濟為盛京兵部侍郎由左副都御史遷○丁巳移湖南鄧縣干總駐未陽縣撥外委一駐鄧縣○已未裁江甯龍江關查驗木植稅局○是月賑山西汾陽縣水災雹災並蠲緩汾陽等三縣額賦

九月丙寅命河南本年恩科武鄉試改於來年二月舉行○乙酉永定河漫工合龍○申嚴武弁乘轎禁例○丁亥添設奉天捕盜東華續錄

道光五十

干總把總各三經制外委六虛頂外委十二撥馬步兵隸之○庚寅諭禧恩奏酌減捕打冬圍兵丁一摺盛京每歲冬閒進鮮既已裁減過半所有捕圍兵丁自宜量為酌減著照所請捕圍兵一千三百名自本年起減去三百名仍按年派前鋒馬甲一千名捕打貢鮮以資操練○是月給河南淮甯等三縣水災口糧緩徵陝西府谷縣浙江德清武康二縣水災額賦貸款

冬十月甲午朔寶授張禮中刑部右侍郎○丁酉諭載垣等奏五轅五乘不堪陳設請旨可否修理之處五轅五乘既已年久損壞著暫緩修理無庸陳設○戊戌賜張殿華等八十四人武進士及第出身有差○壬戌諭軍機大臣等前因阿克蘇和闐等處辦理墾荒酌給回戶承種並據烏什辦事大臣奏請裁屯撤兵節經諭令達洪阿親往查勘會同布彥泰妥議具奏茲據達洪阿奏舊疾

東華續錄 道光五〇

復發喉難就痊已明降諭旨准其開缺回籍調理矣阿克蘇等城民回雜處見在開墾荒地若令民回認種究竟能否相安及酌給回民承種日後有無流弊之處必須另行派員親歷各該城體察情形熟籌定議伊犁前辦開墾事宜經該將軍奏明委林則徐查勘辦理尙為妥協著即傳諭林則徐前赴阿克蘇烏什和闐周歷履勘並著布彥泰選派明白曉事之協領一員隨同前往勘視仍由該將軍察覈情形斟酌議定奏明辦理再本日據常清奏查出庫車可墾荒地捐廉興工請給無業回子承種等語著一併交林則徐就近往勘由該將軍覈明具奏務期日久相安毋啟爭占之弊○癸亥以舒興阿為伊犁參贊大臣轉阿靈阿為工部左侍郎調花沙納為工部右侍郎倭什訥為禮部右侍郎福濟為兵部右侍郎由盛京兵部侍郎調○是月賑直隸霸州永清二州縣旗民給奉天東華續錄

道光五十

三

錦州等八州廳縣水災口糧蠲緩直隸霸州等三十七州縣奉天金州等八州廳縣湖北河陽等二十九州縣衛水旱災雹災新舊領賦緩徵山東臨清等四十八州縣衛並官臺場龍江西南昌等二十四縣湖南澧州等十州縣河南鄆陵等十四縣安徽無為等三十八州縣衛水災旱災雹災新舊額賦

十一月甲子朔以廣林為盛京兵部侍郎由左副都御史遷○庚午飭擊長蘆私梟並封禁沿海私灘○己卯諭前因查庫御史銀庫司員罰賠庫項於限內及展限後陸續全完降旨交軍機處存記每屆限時奏明請旨茲據開單呈覽所有歷任查庫御史已革刑部侍郎黃爵滋著以員外郎用已革頭等侍衛那瑪善已革太常寺少卿成觀宣均著以主事用已革降調鴻臚寺少卿孫日宣已革降調御史殷德泰均仍著革職歷任銀庫司員已革江蘇松江府通

六六五

判薩克慎著以九品筆帖式用已革員外郎富通著以七品筆帖

式用已革降調三庫檔房主事奎弼仍著革職○甲申 上詣

大高殿祈雪○是月貸盛京金州水師營歉收口糧緩徵陝西葭

州等九州縣江蘇高郵等五十八州廳並淮安九衛甘肅狄道等

二十二州廳縣山東朝城縣河南睢州等十五州縣兩淮板浦等

十四場水旱災新舊額賦展緩廣東南海等六縣水災通穀

十二月癸巳朔 上再詣 大高殿祈雪○丙申諭前因甘肅省

荒地較多特降旨令鄧廷楨親歷周勘設法招墾茲據奏稱各屬

履勘完竣計共查出荒熟地一萬九千四百餘頃又番貢地以段

折畝一千五百餘頃又甯夏鎮馬廠歸公地一百餘頃分別差等

酌量升科該藩司奉派專辦所到之處勸諭詳明妥速蒞事甚屬

可嘉著加恩賞換二品頂帶並交部議敘其隨帶委員及各州縣

東華續錄 道光五十 四

著擇其尤為出力查地較多者詳明該督酌量保奏候朕施恩毋

許冒濫○己亥以廣昌為左副都御史由太常寺卿遷○辛丑 上詣

大高殿祈雪○甲辰雪○丙午實授璧昌兩江總督○戊申命卓

秉恬為體仁閣大學士調陳官俊為吏部尚書協辦大學士以杜

受田為工部尚書祝慶蕃為左都御史轉何汝霖為戶部左侍郎

調賈楨為戶部右侍郎周祖培為工部右侍郎以馮芝為禮部左

侍郎署禮部○甲寅諭禮部奏遵旨查議一摺趙景賢籍隸歸安

在烏程考試入學中式實屬有違定例著即革去舉人免其治罪

趙炳言自行檢舉著加恩改為交部察議至學政全書所載同省

異府同府異縣不准冒籍入學其同城異縣是否准其通考之處

並無明文應如何酌定章程著禮部妥議具奏又另片奏籍貫外

錯者限一年內自行呈明等語著照所議辦理○是月加給河南

睢州等十五州縣被災口糧並貸籽種倉穀貸江南駐防兵丁江
蘇各營兵匠銀米○是歲朝鮮暹羅人貢○會計天下民穀數除
福建未據冊報外各省通共大小男婦四萬一千九百四十四萬
一千三百三十六名口各省通共存倉米穀二千二百三十七萬
九千八百一十四石二斗七升八勺

東華續錄 道光五十 五

臣王先謙敬編

臣周潤蕃恭校

道光二十五年乙巳春正月乙丑諭本日據鍾祥等馳奏中牟大工合龍日期一摺此次興辦大工責成鍾祥鄂順安專心督辦節據該河督等將辦理情形隨時奏報至上年十二月十八日啓放引河黃流東注甚爲暢順茲據奏稱於二十四日兩壩同時挂纜料土並進追壓至底復因水勢湧激開有刷墊竭兩晝夜之力趕飭搶辦所築埽占一律高整穩實大工合龍金門斷流全溜悉歸故道暢達東趨順軌安瀾此皆仰賴 天 神加佑俾於春前一律蒞工朕慶幸之餘倍深寅感發去大藏香十炷著鍾祥虔赴工次各處 河神廟代朕敬謹祀謝以答 神庥鍾祥鄂順安辦理東華續錄 道光五十一

得宜迅速蒞事洵爲不負委任均著加恩賞還二品頂帶並賞戴花翎其從前革職處分悉予開復仍各賞加二級准其隨帶慧成等在工差委各著勤勞慧成著加恩以六部員外郎用麟慶著以四品京堂用牛鑑著賞給七品頂帶其餘在工出力員弁並著該河督等覈實保奏候朕施恩毋許冒濫見在大工甫經告蒞善後各工均關緊要仍著鍾祥等督飭各員弁妥協辦理務須慎益加慎以期全工穩固永慶安瀾慧成麟慶著俟善後各工全竣再行來京牛鑑俟經手事件完竣後再行來京○庚午孫善寶以病免調李星沅爲江蘇巡撫惠吉爲陝西巡撫以程祜采爲漕運總督黃恩彤爲廣東巡撫使由布政使○壬申調傅繩勛爲廣東布政使以蘇彰阿爲雲南布政使徐澤醇爲湖南按察使由江南河○乙亥改廣東惠州府海防同知爲廣州府虎門屯防同知廣州府永甯

通判爲惠州府海防通判○庚寅諭向來派往朝鮮使臣隨帶通官每至五六員之多因思朝鮮職貢往來語言熟悉通官本可酌減且恐該通官等隨至該國或有騷擾需索等事非所以示體恤此次冊封朝鮮王妃之使臣著隨帶通官一員嗣後凡遇派往朝鮮使臣均照此辦理該部即纂入則例永遠遵行○是月給直隸霸州永清二州縣災民口糧貸江西德化等五縣湖北江陵等六縣衛湖南沅江安鄉二縣軍民籽種緩徵直隸霸州永清二州縣浙江富陽等十五縣山東臨清等三十州縣衛被災正雜額賦展緩直隸薊州等三十二州縣蘇高郵等三十四州縣衛通賦浙江橫浦浦東二場被旱蠲課

二月甲午賜鄭國鴻子舉人鐔七品小京官○乙未常大澗以親老乞養允之以張雲藻爲安徽按察使由直隸○戊戌諭原任東華續錄 道光五十一

大學士盧蔭溥持躬清慎品學端醇懋著公忠克孚聞望道光十九年開會經降旨入祀賢良祠茲據崇恩題稱德州紳士呈請入祀鄉賢祠允宜特沛恩綸俾資矜式盧蔭溥准其入祀鄉賢祠無庸交部議奏○甲辰禮部奏遵旨另議同城異縣考試章程一摺嗣後同城異縣父子籍貫舛錯者著仍照該部前議於文到日限一年內呈明更正如其父已故開有兄弟異籍者應令各入各籍所生子孫卽以本身之籍爲籍不得復行兩縣通考至初應童試良民祖父並未應試於初屆報考時查明見在所居室廬並取具各結送考既考此縣無論取進與否以後卽有遷移亦不得復考彼縣至浙江商籍分撥縣學考應如何辦理俾無窒礙之處若由該部咨明浙江巡撫學政詳查聲覆到日再行覈辦尋奏浙江商籍童生查係取進後分撥杭州府仁和錢塘三學以致父子籍貫

未能盡一詞後商籍各生父子異籍者限一年呈明更正其應考
 童生父兄曾撥何縣應從父兄之籍如初次報考以見居室處為
 斷卷面註明仁和錢塘字樣各按本籍取進分檢從之○丙午諭
 已革前任駐藏大臣孟保海樸見有被參交審之案孟保係敬徵
 保送副都統海樸係仁壽保送副都統仁壽敬徵均著交該衙門
 照例議處○賞內閣學士景亮副都統銜為巴里坤領隊大臣○
 丁未諭軍機大臣等據琦善奏參孟保等濫提官物一案已明降
 諭旨將孟保海樸高祿解赴四川派文慶馳驛前往會同寶興審
 訊矣所有前任駐藏幫辦大臣鍾方如經過四川境內或業已過
 境著寶興傳旨沿途截留飭回四川歸案質訊○以鄭祖琛為陝
 西布政使陝西布政使○癸丑諭前因仁壽敬徵濫保孟保等堪勝副
 都統有旨交該衙門議處茲據該衙門照濫舉匪人例議以降二
 東華續錄 道光五十一

級調用副都統為二品大員該王大臣等遵旨特保宜如何加意
 遴選覈實秉公以期收得人之效乃仁壽等不知慎重濫舉劣員
 率行充數部議降調實屬咎無可辭仁壽著退出內廷行走革去
 宗正領侍衛內大臣仍折罰王俸六年半不准抵銷敬徵著革去
 協辦大學士戶部尚書都統以內閣學士候補仍留總管內務府
 大臣以為濫舉匪人者戒○命兩廣總督耆英協辦大學士調賽
 尙阿為戶部尚書裕誠為工部尚書以文慶為兵部尚書成剛為
 左都御史調花沙納為戶部右侍郎福濟為工部右侍郎以瑞常
 為兵部右侍郎由內閣學士遷○甲寅諭道員職銜葉仁前於海疆捐輸
 案內奏請以道員選用並賞戴花翎當因原犯案情較重降旨著
 不准行並將所捐銀兩給還此次復捐輸鑄鐵經費該撫奏請可
 否賞戴花翎之處仍不准行所捐銀兩著即發還○乙卯劉鴻翱

以病免調惠吉為福建巡撫以鄧廷楨為陝西巡撫○丙辰諭貝
 勒蘇德本年七十生辰因思朕之伯叔兄弟自幼同朕在上書房
 讀書者見在止有該貝勒一人允宜特沛殊恩蘇德著賞穿四團
 龍補服用示朕眷念宗親有加無已至意
 三月乙丑諭軍機大臣等著英等奏北爾日客國領事蘭瓦呈請
 貿易有佛蘭西夷使刺鄂尼來信代為薦引並查明該國即係會
 經來粵通商之比利時國等語該國傳市已久此次應否暫准貿
 易所請五口貿易章程應否一體頒發著該督體察情形悉心妥
 酌辦理○戊寅予前任陝西布政使陶廷杰四品頂帶休致○己
 卯以敬徵齡鑑俱為內閣學士兼禮部侍郎銜俱補內閣學士○辛巳
 復江蘇儀徵抽收江廣漕船米稅例○壬午申命寶興嚴緝四川
 教匪○是月貸山西忻州府十七州縣賑款收倉穀並展緩保德
 東華續錄 道光五十一

等州廳縣貸穀 四
 夏四月乙未諭戶部奏罰賠庫貯銀兩案內續報病故各員名其
 接續承追之子孫可否酌予限期原任大學士曹振鏞罰賠減半
 銀兩經伊子曹恩溥呈繳過銀一萬二千兩曹恩溥見已身故應
 在伊孫曹紹桐名下追繳因念曹振鏞由大學士在軍機大臣上
 行走多年人品端方趨公敬慎所有未完銀一萬二千七百五十
 兩著加恩免其追繳至構代賠伊祖孫昌減半銀兩係接續承追
 之孫著於原限之外推展六箇月責令依限完繳嗣後如有接續
 承追各員均著照此辦理○辛丑壽恩固倫公主下嫁世襲一等
 公故工部尚書博啓圖子景壽○癸卯申諭直隸山東河南各督
 撫飭拏教匪盜匪○召桂良來京以賀長齡為雲貴總督由貴州
 ○甲辰調吳其濬為福建巡撫惠吉為雲南巡撫○以喬用遷為

貴州巡撫潘鐸為山西布政使劉喜海為四川按察使由陝西延
○乙巳賞廣東陣亡副將陳連陞子起鵬舉人○丙午 上詣
黑龍潭祈雨○戊申 上臨壽恩固倫公主園○壬子富呢揚阿
卒以惠吉為陝甘總督鄭祖琛為雲南巡撫由陝西布○乙卯賜
蕭錦忠等二百七人進士及第出身有差○丙辰諭前因兵部
堂官違例派署掌印又於司員索詐書吏吸煙並不據實奏辦當
交部分別嚴加議處茲據吏部都察院會議具奏前任兵部尚書
裕誠許乃普左侍郎道慶朱嶠派署候補主事署掌印鎗三年之
久不行改派又於伊琳索詐書吏吸煙並不據實奏明本應照議
革職姑從寬改為實降五級調用前任兵部右侍郎惟勤祝慶蕃
違例派署掌印後旋經調任著加恩改為革職留任八年無過方
准開復前任兵部右侍郎福濟署兵部右侍郎周祖培奏不實
東華續錄 道光五十一
著改為革職留任前署兵部右侍郎舒興阿侯桐前署兵部尚書
陳官俊前任兵部右侍郎倭什訥兵部右侍郎瑞常前署兵部左
侍郎趙光於恩麟派署掌印均未能查明更正舒興阿侯桐又失
察司員得受陋規著照議降四級留任陳官俊倭什訥瑞常趙光
著照議降三級留任俱不准其抵銷兵部員外郎王鍾著照議降
一級留任再罰俸一年不准抵銷○以何汝霖為兵部尚書敬徵
為工部尚書○戊午以朱鳳標為內閣學士兼禮部侍郎銜由翰林院
侍讀學士選○庚申諭刑部奏查出山西司積壓文書不辦據實檢舉
此案該司書吏收到文書延閣不辦殊出情理之外著派卓秉恬
賽尙阿徹底根究據實具奏刑部堂官著先行交部嚴加議處
五月辛酉朔雨○壬戌諭軍機大臣等布彥泰奏英吉沙爾卡倫
被布魯特滋擾情形一摺據稱接准奕經知照英吉沙爾卡倫

東華續錄 道光五十一

布魯特多人撲入圖木舒克卡倫並有布魯特傳牌分撲各卡到
城見面之語查保阿克蘇和闐葉爾羌喀什噶爾等城大阿渾甸
結卡外布魯特滋事見派員馳往偵探等語該布魯特等膽敢撲
入卡倫戕害兵丁並有各城大阿渾甸結之言必應迅速勦辦不
可稍事遷延致使滋蔓著布彥泰探訪確情該布魯特等究竟因
何起釁賊匪共有若干所撲卡倫共有幾處如果賊勢猖獗需兵
接應該將軍或自行帶兵前往或派得力將弁馳往應援均著體
察情形妥為斟酌一面相機辦理一面迅速奏聞該將軍仍當知
照各城嚴守卡倫一律防範如布魯特闖入滋擾即行協力兜擒
毋得稍有疏虞○以李蒞為左副都御史由通政○乙丑諭軍機
大臣等前據布彥泰奏英吉沙爾被布魯特滋擾情形當諭令該
將軍探訪確情酌辦茲據奕經等奏稱英吉沙爾喀什噶爾
均經派出伯克帶領回兵在索胡魯克射斃賊匪二名擒獲多名
見在該賊匪等業經遠竄地方安靜等語此案該布魯特等糾眾
滋事旋即解散辦理尚為迅速惟賊情詭詐城卡各處仍宜加緊
嚴防不可以賊匪窺逸稍涉大意致有疏虞至起釁緣由最關緊
要著該大臣等將見獲各犯嚴行訊鞫務得確情毋許稍有不實
不盡該匪等傳牌聚眾稱係各城大阿渾甸等句結滋擾是否實有
其事尤須查訊明確分別辦理著該大臣等一面撫諭該大小阿
渾等務須明白開釋各令相安毋任稍存疑貳是為至要至該布
魯特與阿奇木信紙內稱因愛里雅爾殺過多人是以滋事是否
果係實情並著詳細究明毋令合混其英吉沙爾巡東既無賊匪
臨近情事該兩臺弁兵何得忽然退避以致文報不通殊出情理
之外務即確切查明從嚴懲辦○己巳諭前據布彥泰勘明庫車

六六九

開墾地畝一摺當交軍機大臣會同戶部議奏茲據嚴議具奏著
 卽照所議辦理因思回疆各城開墾荒地朕意原以內地民人生
 齒日繁每有前往各城營生謀事者如能將此項荒地招致回民
 承種則地無曠土境鮮遊民日久可成土著俾得安所樂生原非
 爲該處回民另籌生計所以初降旨時有查明具奏之語乃各城
 隨奏隨辦皆係輯瑞作備以致共相效尤見在庫車地畝既據全
 慶等往勘請給回子承種納糧復經布彥泰覆奏自係因地制宜
 惟事當期始不可不豫防流弊著布彥泰體察各處回情如有勒
 索苦累情事卽不可強以所難稍存遷就○甲戌前任戶部尚書
 吳椿卒○戊寅以蔣文慶爲安徽布政使李侖通爲浙江按察使
 由兩淮鹽運使遷○己卯命刑部清釐庶獄○辛巳諭軍機大臣等奕經
 等奏拏獲滋事逆犯究明起事根由一摺覽奏均悉此案首逆胡
 東華續錄 道光五十一 七
 完卽布孜爾罕因幼時從母依隨張逆竟以逆裔自居事隔多年
 仍復蓄志報復且自稱和卓以圖煽惑勾結情罪重大著該大臣
 等派委委員卽將該逆布孜爾罕及見在捕獲從逆各犯內緊要
 人犯一併解赴伊犁交布彥泰舒興阿嚴審定擬具奏其要犯阿
 瓦斯阿布都色邁提據報中槍落水果否屬實仍著詳細查明毋
 令稍有含混逸犯提拉等嚴飭迅速拏務期遺孽肅清勿滋後
 患此次該逆等糾眾撲卡經該伯克等率眾奮擊擒斬多名並將
 首犯卽時拏獲甚屬可嘉著擇其尤爲出力者酌量保奏候朕施
 恩○申命各直省清釐庶獄○丙戌雨○丁亥 上再詣 黑龍
 潭祈雨○戊子諭刑部山西司書吏陸靈泉於清字公文積壓多
 件延不呈司籤到實屬膽玩僅予杖徒尙覺輕縱陸靈泉著杖一
 百流二千五百里先於刑部衙門前枷號一箇月示眾以昭炯戒

該司譯漢筆帖式委署主事壽山不諳清文以致積壓文書不辦
 實屬庸劣無能著卽行革職發往軍臺效力贖罪所有道光十五
 年起歷任山西司承辦司員著交部查取職名分別嚴加議處其
 原派不諳清文筆帖式壽山作爲委署主事之刑部堂官及歷任
 刑部堂官均著交部分別議處○是月給山東樂安等六縣水災
 口糧並緩徵壽光等七縣新舊額賦
 六月癸巳以馮德馨爲廣西按察使由山西河○甲午諭軍機大
 臣等者英等奏北爾日客國商船爲數無多今旣遣領事蘭瓦求
 請照舊通商且據佛蘭西代爲請求蘭瓦見在小呂宋候旨五月
 內卽可赴粵著俟詢查明確後卽將五口貿易章程一體頒發以
 示懷柔○詔停本年秋決○丙申諭軍機大臣等本日據訥爾經
 額奏稱東省捻匪夥黨眾多慮被查拏蟻聚不散爲拒捕之計業
 東華續錄 道光五十一 八
 據該撫飭令曹州鎮派官帶兵分往濮州鄆城兩路勦捕濮州鄆
 城鉅野定陶城武等州縣各派捕役多名隨同官兵在王家樓地
 方與賊接仗等語捻匪糾眾拒捕恣行不法必應及時勦辦其直
 隸山東連界各屬尤恐此拏彼竄著崇恩接奉此旨卽督飭員弁
 選派兵役並飭曹州鎮務與直隸所派員弁協力兜拏總期羣匪
 不至漏網地方日就肅清是爲至要○以李嘉端爲內閣學士兼
 禮部侍郎銜由少詹○甲辰命前任貴州布政使李象鵬以三品
 京堂候補○丙午諭前據御史楊錫庚奏請飭嚴對文簿以免積
 壓當有旨交各衙門堂官悉心議奏節據各該衙門分別情形或
 量爲變通或照舊辦理均經定議具奏各衙門文移往來皆有簿
 冊可憑如果實力稽查何至有延闕不辦之事見旣據議立章程
 嗣後著各照所議責成該司員等詳細覈對認真辦理其有已發

咨移而承辦衙門日久未辦者內而大小衙門外而督撫均著將所發文移註明月日一體查催庶由何處捺閣不難從此根究立予嚴懲經此次嚴諭之後如該司員等仍敢漫不經心任令不肯書吏將所收文移延閣科房並不稟請標畫司到以致積壓日久不行辦稿一經發覺即將本任專管之司員革職永不敘用其承行書吏立即鎖拿交刑部治罪係該司員有心捺閣通同舞弊即將該司員書吏一併拿交刑部治罪並將該堂官等照例議處其各懷之○丁未申定蠲緩恩詔徑由藩司頒發各縣例○戊午諭軍機大臣等有人奏廣州府屬盜劫日滋商民受害請設法整頓一摺據稱廣州府一帶土匪劫掠為生結黨聚會數萬餘人其著名積匪如香山新會順德等處姓名皆歷歷可數上年查拏之卧龍三合等台匪搜捕未淨嗣復有新安新甯各縣匪徒在香東華續錄 道光五十一 九

山之港口及隆都鄉引入入會千百為羣肆行無忌又香山下沙地面近來匪類漸多地方文武不肯實力查拏以致農民不安耕作又順德香山交界之處及南海番禺東莞順德香山新會三水等處皆有盜賊巢穴出沒無常搶劫多案香山縣城內外自上年冬至今年春夏之交報劫者不下數千案皆有主名姓地方及被劫月日可查並有香山司巡檢魯鳳林被盜搶去剃鬚勒贖等語似此盜劫橫行總由地方文武相率因循以致肆行無忌甚至持械戕官擄官勒贖殊堪駭異著英黃恩彤督飭所屬員弁按照摺內所指各案及盜匪姓名確切查明按名拏獲究辦並寬籌緝捕經費嚴定賞罰章程務使盜賊肅清農商安靖○己未江蘇中河廳桃源汎河溢命潘錫恩堵治之○諭軍機大臣等德興奏總兵循例出口會哨途次突遇番賊打仗被戕陣亡親派將領前

往緝捕一摺西甯口外察罕鄂博地方乃番賊往來之區節經定有章程由甘涼西肅各提鎮於每年六月酌帶弁兵會哨一次本年會哨屆期西甯鎮署總兵慶和於六月初九日自西甯郡城啓程出卡乃於六月十二日行至離察罕鄂博三十餘里之金羊嶺地方突見番賊多人該署鎮督兵奮勇追捕至地北靛溝賊番愈多官兵單弱力難抵敵該署鎮身帶重傷即時殞命所帶官兵陣亡亦多連年番匪屢搶沿邊居民今復聚眾戕害總兵大員殺傷弁兵必應痛加勦辦德興見因布哈河沙爾哈地方有番賊二千餘人若親身帶兵前赴山北轉恐勢難兼顧已選派營員帶兵接捕著惠吉接奉此旨即星馳前赴甘肅體察情形相機妥辦惠吉未到任以前即著鄧廷楨酌調官兵交胡超帶往勦辦並著胡超馳抵該處詳察賊勢分路追捕總期悉數殲擒不至逃竄稽誅是東華續錄 道光五十一 十

為至要至西甯鎮總兵站柱應行交卸來京該處見乏帶兵大員著暫緩給咨飭令回任以便差委署總兵慶和為國捐軀情殊可憫著交該部照總兵例議卹所有陣亡官兵數目並著該督等查明具奏○是月緩徵山東濱州等四十二州縣衛被災連賦山東永阜等四場被淹灘地鹽課

東華續錄

道光五十二

臣王先謙敬編

臣周瀚蕃恭校

秋七月辛酉諭欽天監奏恆星表卷告成繕本呈覽著命名儀象

考成績編分修以下官生交部分別議敘○癸亥以孔繼尹為廣

西布政使嚴良訓為廣東按察使由甘肅擊○甲子諭軍機大臣

等文慶等奏會訊孟保等濫提官物一案審出大概供情一摺此

案孟保那移官物嵩祿印給空票皆須研訊明確以成信讞該革

員等見在所供恐有不實不盡著文慶寶與廉敬侯本案人證解

齊逐細嚴鞠務期水落石出毋任稍有掩飾狡卸鍾方仍著暫行

留川俟全案審結時奏明請旨尋奏孟保訊無侵蝕官物情弊惟

醫內零星那用之項未及買補亦未明立文案嵩祿於弁兵等應

領賞需印給空票復因捐賞購買不及那用官物雖訊據事後彌

補究屬侵冒應照例將孟保嵩祿等發往新疆充當苦差下部議

尋議上得旨此案孟保等擅用官物並未明立文案雖屬冒濫為

數尚屬無幾所有前經查鈔之孟保海樸嵩祿等家產均著給還

○以程煥采為湖北按察使由鹽○戊辰以全慶吉明俱為內閣

學士兼禮部侍郎銜全慶由喀喇沙爾辦事○辛未諭軍機大臣

等據耆英等奏丹麻爾國呈請設立領事發給通商章程稅則等

語丹麻爾國既係向來通商之黃旗國貿易最久並未開斷見請

設立領事發給章程稅則係為安分貿易起見事屬可行著即准

其設立領事經理一切並頒給通商章程貨物稅則俾有遵守該

督等務即轉飭該領事於該國商人妥為約束毋得稍有販私漏

稅情事致滋弊端○命大學士卓秉恬管兵部事○癸未諭軍機

大臣等鄂廷楨等奏官兵節次捕擊番賊見在提鎮分駐要隘會

合剿辦一摺覽奏俱悉賊番分股肆擾經官兵等協力攻剿先後

殲斃多名已將賊匪壓退惟番情叵測聚散靡常此次賊數不過

二千餘人而忽分忽合忽東忽西為牽制官兵之計必須偵探賊

蹤出其不意相機剿捕勿任竄伏遊奕見在胡超帶兵馳抵永固

距察罕鄂博僅止一百餘里與站柱聲息相通乘此官兵會合之

時務當一鼓作氣於賊番往來要隘堵截剿擊尤當設法斷其後

路俾不至竄歸巢穴空勞兵力至番賊窺伺羣科此時是否解散

著德興駐紮丹噶爾督率官兵並蒙古等一併防範毋得稍有疏

虞並責成胡超督緝卡內之賊以清北路站柱督緝卡外之賊以

清南路其餘防堵接應各事宜俱著照所議辦理○開採廣西恭

城縣鉛礦

東華續錄 道光五十二

八月庚寅朔諭軍機大臣等據鄂廷楨奏官兵偵擊賊番得獲勝

仗一摺此次賊番向疏橫滿腦衝突經總兵站柱督率官兵占據

山梁殲斃甚眾賊番業已畏懼四散奔逃正當趁其窮蹙之時痛

加剿洗該賊番見難逃遁而臥牛河一帶為向來賊匪出沒之區

自應嚴飭防守勿任竄逸並於附近地面悉力窮搜務期淨絕根

株此次打仗出力官兵著惠吉查明保奏候朕施恩毋許冒濫其

陣亡外委一員及受傷兵丁著與節次打仗傷亡弁兵咨部請卹

○壬辰諭朕勤求民隱子惠元元自御極以來蠲賦緩徵恩膏疊

沛所願人安樂利戶裕蓋藏俾閭閻日臻康阜因念各省民欠錢

糧自道光十五年降旨蠲免後計期已逾十稔本年恭逢 聖母

皇太后七旬萬壽海寓久安民物豐豫允宜推廣 慈恩覃敷闡

澤用昭錫類之仁所有各省節年正耗民欠錢糧及因災緩徵帶

徵民穀並借給籽種口糧牛具及濬項蘆課學租雜稅等項著各該督撫將軍府尹等將道光二十年以前實欠在民者詳晰查明該省所屬某州某縣銀穀若干速行開單具奏候朕降旨全行豁免董著先將此旨刊刻謄黃徧行曉諭務使城市鄉村咸喻朝廷德意毋任官吏胥役等延閣侵漁致滋弊竇期吾民休養生息孝弟力田比戶可封催科不擾用副朕延釐節祐申錫無疆至意○辛丑調鄭祖琛為福建巡撫梁華涵為雲南巡撫吳其濬為山西巡撫由福建調○敬徵以病免調特登額為工部尚書以保昌為禮部尚書○乙卯以趙光祖為雲南布政使普泰為雲南按察使由山西調○丁巳 上臨壽恩固倫公主園

九月庚申諭本年十月恭逢 聖母皇太后七旬萬壽加上 徽號應躬進奏書 冊 寶並宣表行禮昨恭奉 皇太后懿旨慶賀儀典過於繁重拜跪需時皇帝春秋已逾六旬自宜節勞以示愛護此次慶賀行禮時所有奏書冊寶表文一概毋庸宣讀朕自維精力尚強拜跪可以如禮仍請悉循儀典藉展尊敬之忱奏懇再三未邀 俞允仰見 聖母垂愛惓惓無微不至若不祇遵溫諭轉非所以上體 慈懷此次恭進奏書 冊 寶及慶賀表文均即恪遵 諭訓毋庸宣讀著諭知該部敬謹遵行○諭吏部奏酌議委員審案出力議敘條例等語嗣後各省命盜等案委審官能將原問官審擬錯誤有關係生死出入大案究出實情改擬得當者即照審轉官例一體送部引見如原問官擬罪有關出入無關生死委審官平反得實者每案准其紀錄二次如原問官擬罪並無出入止於未能審出實情委審官研訊得實者每案准其紀錄一次均由該督撫於定案時將何官錯誤何官駁正之處隨案

聲明辦理其並無平反僅止研訊出力者如係案情重大人犯眾多該委員果能秉公細心妥速研鞫實在出力仍准該督撫保奏並著將該委員如何出力之處詳細敘明不得以委審出力空言聲請致滋冒濫○己卯諭漕糧為天庾正供節經降旨令有漕各省督撫嚴飭所屬早兌早開免期渡黃毋稍延誤乃近年重運漕船不能如期抵壩以致到通歸次兌受新漕節節耽延總緣各該督撫不肯破除情面實力催趨所致上年軍船回空無須倒塘灌放猶未能十分迅速况本年因中河桃汛漫口繞越北行已耽延十有餘日繼又因運河淺阻制運抵通更形遲滯若不趕緊催趨及早歸次儻誤新漕受兌關繫非輕見已節屆霜降水勢漸消著漕運總督及沿途各督撫分飭所屬嚴行催趨務使連橋南下街尾進行不准片刻停留庶幾以速補遲如期歸次來年新漕尤當趕緊辦理按限兌開統限於四月初十日以前全數趨至清江剋期抵壩以便渡黃北上毋許稍有延誤儻意存怠玩視為具文仍致臨事周章有逾例限定將該漕督及各該督撫嚴行懲處決不寬貸○庚辰諭軍機大臣等梁寶常奏匪徒聚眾抗官見在調兵勦辦情形一摺浙江奉化縣匪徒張名淵等於該縣考試時聚眾阻鬧挾制完糧減價經該道等前往彈壓輒敢抗拒官兵形同叛逆實屬目無法紀見經該撫飭委署臬司蔡瓊帶兵前往查辦並據提督督功顯選派參將百勝帶兵前赴該處相機勦辦該縣山海交錯難保該匪徒等不勾結他處賊匪附和成羣藉圖搶擄自當厚集兵力趕緊撲滅著梁寶常帶印會同詹功顯星夜馳往查辦並准就近酌調得力鎮將前往以備調遣務將為首各要犯張名淵等悉數擒獲毋許一名漏網至該縣王濟因何辦理不善激

成事端該府李汝霖於有事之時遽爾告病顯有規避情事並著
 確切查明據實參辦毋稍徇隱○乙酉諭軍機大臣等惠吉奏石
 灰關等處兩次追捕番賊情形並見在嚴催投勦等語此次賊番
 滋擾倏聚倏分官兵分路追捕總未能大加痛剿見既據報石衣
 關口及噶麥打坂兩次遇見番賊著嚴飭該鎮站柱等確探賊番
 蹤迹趕緊跟追毋得稍有遷延仍令遠竄轉瞬大雪封山官兵既
 難深入且河冰凍結更易偷渡滋擾其沿邊各卡隘口應如何分
 布弁兵嚴加防守及春融以後應如何豫為籌備以防乘隙肆擾
 之處著惠吉通盤籌畫妥速布置先行奏聞至提督胡超統兵專
 辦既有應捕番賊自應迅速投勦何以該督飛令趕赴西路尙未
 具報起程亦著惠吉查明據實具奏尋奏見飭站柱及沿邊營汛
 逐處排技不遺餘力查西甯一帶黃河已經凍結應飭該鎮酌撤
 東華續錄 道光五十二

弁兵分守本境一俟春融即與達洪阿妥為籌備胡超因染患瘴
 癘尙須調治並據站柱咨報大股賊匪業經欽迹是以未即起程
 報聞○丙戌諭布彥泰奏查勘開墾事務將次完竣等語前據該
 將軍奏稱林則徐於伊犁開墾阿齊烏蘇地畝案內捐辦要工嗣
 因新疆南北各城開墾事務疊經降旨派令林則徐同全慶前往
 履勘茲據布彥泰奏各城開墾九十月間即可全局完竣林則徐
 自飭派查勘以來自備資斧效力奔馳將近一載著有微勞著飭
 令回京加恩以四五品京堂候補○戊子免玉舒番族積欠馬貢
 銀○是月緩徵盛京新民等五廳縣水災山東濟甯等四十四州
 縣衛歉收新舊額賦蠲緩山西徐溝和順二縣被水被雹額賦
 冬十月辛卯賜吳德新等六十九人武進士及第出身有差○癸
 巳封成貴人鈕祜祿氏為 成嬪○甲午以 皇太后七旬萬壽

加上 皇太后徽號曰 恭慈康裕安成莊惠壽禧崇祿皇太后
 ○丙申諭梁寶常奏查明奉化縣匪徒滋事緣由並見辦情形一
 摺奉化縣匪徒張名淵等因所控糧案未結輒敢聚眾阻考毆辱
 委員焚搶民舍提督詹功顯迅即撥兵派令參將百勝都司鄧鳳
 翔帶領赴援旋將匪徒擊散見在倉庫監獄未動該匪徒出城以
 後各鄉附和之徒漸次散去惟唐昇汪家村等莊尙聚多人計圖
 抗拒經該撫調兵往勦該匪徒等事起倉卒勢頗猖獗該提督撥
 兵迅速調度有方百勝等奉派救援奮勇前進以致身受重傷均
 屬可嘉詹功顯百勝鄧鳳翔俱著交部從優議敘其傷亡弁兵著
 該撫查明照例咨部議卹該縣知縣王濟先因增加糧價釀成京
 控該府李汝霖審訊此案輒復擅責生監以致人心不服又於有
 事之時遽爾告病顯有規避情事李汝霖王濟均著即行革職拿
 東華續錄 道光五十二

問交該撫嚴訊具奏甯紹台道陳之騏前往該處不能彈壓撫諭
 因匪黨眾多輒行避匿實屬懦怯無能陳之騏著暫行革職該撫
 惟當會同該提督督率將弁將未散匪徒迅速撲滅剋日蕪事其
 著名匪犯張名淵趙順年等務須按名拏獲審明嚴辦以伸國法
 而淨根株○左副都御史廣昌以大朝失儀降二級調用○戊戌
 皇太后七旬聖壽節 上率 皇子及王公大臣行慶賀禮
 御製 聖母皇太后七旬萬壽賦並序○諭軍機大臣等賀長齡
 奏查明永昌府屬回匪滋擾情形見籌捕勦等語該回匪等因教
 習拳棒被縣查拏疑為漢民舉發輒敢糾眾報復節經設法開導
 仍復堅持相抗擾掠附近村寨實屬頑梗異常見據該督飭委迪
 南道周澍會同提督張必祿嚴密堵禦相機捕務須諄飭該道
 等斟酌情形妥慎籌辦毋任稍有疏縱亦不得過涉張皇總期邊

防永謐漢回相安方為妥善○辛丑李宗昉以病免以祝慶蕃為禮部尚書魏元煊為左都御史由刑部左侍郎遷○壬寅調周祖培為刑部左侍郎以張芾為工部右侍郎由內閣學士遷○癸卯以恭上 皇太后徽號禮成頒詔天下覃恩有差○丙午諭前據訥爾經額奏請將旗租積欠並補徵銀兩一體豁免當交戶部議奏茲據該部奏稱旗地佃欠與民糧不同礙難議准等語此項佃種旗地之民近隸畿疆同深望澤所有直隸各州縣道光二十年以前民欠各項旗租並補徵銀兩著加恩一體豁免以普仁施○丁未諭軍機大臣等梁寶常奏奉化縣匪徒經該撫曉諭業經解散並據該縣矜耆及居民等縛送滋事匪徒額求免勒首犯張名淵等亦各赴案投首各處村莊一律肅清前調官兵分別撤留等語所辦甚好惟首要各犯甚多其投首縛獻者僅十餘名未獲各犯著即設法接東華續錄 道光五十二 七

擊務使悉數弋獲明正典刑毋許一名漏網但不可任聽官弁人等借接捕名色擾及良民餘著照所議辦理○庚戌諭軍機大臣等賀長齡等奏督辦滋事回匪一摺覽奏俱悉該匪等膽敢抗殺兵練焚掠村莊且逼近永昌郡城猖獗已極見經提督張必祿王一鳳等分投帶兵前往勦辦自可迅就撲滅惟永昌昆連順甯雲州騰越等處漢回錯雜順甯之右甸等處為該回匪後路尤屬緊要該督見已親往督辦著與張必祿王一鳳督率文武激勵將士添派弁兵迅即兩面兜剿毋任竄擾茲首各犯務須悉數擒獲勿使一名漏網其安分良民尤當隨時安撫不可稍滋擾累○辛亥諭軍機大臣等賀長齡奏永昌城內住家回民旬結滋事匪犯於黑夜滋擾槍斃齊起經該管文武督率弁兵奮力攻捕將藏伏各匪悉數殲除等語覽奏嘉悅之至地西道羅天池鄧川州知

東華續錄 道光五十二

州恆文遊擊劉桂茂練總沈聚成等同心協力加意隄防當黃夜倉卒之間設法勦捕又能鎮靜不擾使郡城得以保全實為奮勉出力著該督迅即查明破格保奏候朕施恩以昭激勸又據探猛庭回匪分糾永平各匪欲攻郡城及金雞哨江橋等處並句結上江老窩各匪鈔掠村寨頑梗已極見在城內兵弱難以分撥著該督等會同張必祿等仍遵前諭迅速添調弁兵扼要勦截兩路夾攻並飭該道等嚴密堵擊務令將滋事各犯悉數擒獲從嚴懲治以伸國法而淨根株○丙辰以慶祺為左副都御史由太常寺卿遷○是月賑直隸寶坻等四縣災民緩徵直隸薊州等四十州縣安徽無為等三十五州縣衛湖南澧州等六州縣衛被水被旱新舊額賦兩淮泰州海州十四場鹽課展緩湖北沔陽等二十五州縣衛被水被旱新舊額賦

東華續錄 道光五十二 八

十一月戊午朔諭前據御史田潤奏前歲西甯會勘番賊富呢揚阿及周悅勝等種種諱飾不實等語當交惠吉鄧廷楨德興確切密查各自繕摺具奏茲據惠吉等逐款查明先後據實覆奏如該御史原奏所稱富呢揚阿將番僧邀至大營面結和約等情據奏並無其事惟當時會有川番則巴錯洛赴營投誠之事或不免附會傳訛應毋庸議其被搶馬匹攤賠彌補各款雖據查覈數目情形互有不同惟馬匹被搶較多挑變攤賠亦屬弊竇多端應任該管提鎮大員未能隨時釐剔均著交部先行分別議處其餘經收員弁亦著惠吉詳查職名一併分別參辦其短缺馬匹應如何著落賠補並著惠吉分別擬議另行具奏辦理至富呢揚阿前奏接仗情形雖非盡屬虛無究不免於鋪張粉飾周悅勝以統兵大員並未接仗輒行捏飾入奏若使其身尚在均當重治其罪富呢揚

六七五

阿周悅勝見皆身故所有飾終之典一併撤銷周悅勝厥咎尤重並著將前賞太子太保銜及錫予諡號概行追奪以為欺罔冒功者戒○辛酉陝甘總督惠吉卒予祭葬○以布彥泰為陝甘總督由伊犁未到任前賞林則徐三品頂帶先行署理○壬戌諭書元奏勘明戶民新墾田禾被淹懇恩量予緩徵一摺新疆各城應徵糧石有關兵精歷係按年徵收向無因災緩徵之事茲既據該大臣查明該處戶民甫經安插田地被淹實形疲困姑著加恩將此次欠收糧二千二百石准其緩至道光二十七八兩年分年照數帶徵以紓民力新疆地畝與內地情形迥不相同內地分田受種凡高阜低窪之區地無遺利偶遇水旱偏災不得不量行蠲緩至新疆土曠人稀儘多隙地即見在招民墾種自當詳度形勢擇平原沃壤計畝授田方可因地之宜盡人之力若將濱河低窪

東華續錄

道光五十二

九

易於受災之地聊且播種使斯民終歲勤動不獲享豐收之利仍以民情拮据奏懇恩施是有名無實殊非朕裕國足民之本意嗣後回疆各城概不得紛紛濫請妄希恩澤也○癸亥以德春為秦甯鎮總兵官德誠為倉場侍郎由秦甯鎮○丙寅以黃琮為內閣學士兼禮部侍郎銜由詹事府○庚午諭賀長齡奏勦辦永昌滋事回匪連獲勝仗餘匪逃散一摺雲南猛庭寨回匪聚眾劫掠抗殺兵練偏近永昌郡城先經迤西道羅天池等將城中內應回匪殲除淨盡並經該督親往督飭該提鎮等分途堵剿至九月十三日該匪等繞撲金雞右營盤經署騰越營中軍遊擊朱日恭探知帶兵迎敵被賊放槍中傷左眼該營弁兵回擊將放槍之賊立時斃命該遊擊奮勇撲擊力竭倒地旋經提督張必祿等督率兵練兩路分進隨擊隨追轟斃首匪馬大一名餘匪數十名又進至小松寨

等處連日勦殺該匪棄械退走竄回猛庭乘夜潛逃四散經王鳳等親赴該寨查明僅有舊居回民百餘戶實無匿存餘匪見據該督飭提該寨回民親行訊鞫並嚴緝逸犯其未到之兵均即截回歸伍等情該督督辦此案妥速可嘉其回匪起釁之由是否實係挾哨民舊嫌激成此變著於回民提到時詳細審訊務得確情妥為辦理至首匪馬大業經擊斃外其餘各頭目及從逆叛回共有若干名務當設法悉數殲斃毋得稍留餘孽未獲之丁泳年等並著四川陝甘各省一體按拏解往雲南歸案審辦遊擊朱日恭首先迎敵奮勇捐軀可嘉可憫著加恩照副將例賜卹先後陣亡之高朗沈振源等亦著該部議卹當朱日恭受傷之時該營弁兵內何人開槍將槍傷該遊擊之賊立斃著該督確查姓名即行破格保奏候朕施恩都司楊朝勳守備潘惠揚不能出力打仗輒任

東華續錄

道光五十二

十

令該匪等擁至賊寨復被偪回營代訴所稱各情顯係事後枝梧斷難憑信著即革職鞫交該督確切審明嚴行定擬具奏尋奏查回匪起釁之由先挾緬甯雲州永昌等處械鬪舊嫌此次復因在板橋哨唱曲譁笑漢民被萬材柱等毆逐拆寺所致朱日恭受傷之時係馬兵汪海將賊擊斃至楊朝勳潘惠揚因稟請添兵未允轉戰力竭撲地昏迷被賊擁去醒時即欲自盡無閒可乘被偪代遞稟結回營尚非事後枝梧擬發新疆充當苦差到配枷號兩箇月報聞○丙子諭嗣後親郡王貝勒貝子例應在紫禁城內騎馬者如年至六十五歲俱准其乘坐二人椅轎其文武大臣曾經賞馬者滿洲人員年至六十五歲漢員年至六十歲亦俱准其乘坐二人椅轎以示優恤○庚辰諭軍機大臣等耆英等奏申明要約一摺英兵在舟山數年見當交割接收之期該督親赴香港接

晤各節均堅守條約並無異言惟求進廣州府城一節仍有他日再議之語該督等俟其續請時即告以貿易之事期於彼此相安今欲更改舊章人心必為疑怪粵民素稱強悍且恐良莠不齊儻或滋生事端彼此均為不便如此曉諭庶可經久相安○是月貸熱河圍場款收兵丁銀緩徵新疆各城浙江定海廳河南睢州等二十六州縣江蘇高郵等六十三州縣衛甘肅狄道等二十二廳州縣山東觀城等三縣災款新舊額賦山東官臺場被水竈課展緩江西新建等十三縣款收通賦

十二月辛卯 上詣 大高殿祈雪○丁酉羅文俊以病免以王廣蔭為工部左侍郎由內閣學士遷○戊戌諭本年 皇太后七旬萬壽前經降旨普免道光二十年以前民欠銀糧令各將軍府尹督撫等查明開單具奏據劉韻珂等另片奏請將內地糧米及臺灣府屬供粟一體豁免當交戶部覈覆茲據查明具奏此次臺灣供粟內地租穀十一萬一千五百八十八石零內地糧米十四萬九千五百二十八石零以上銀米內截至奉到諭旨以前實欠在民未完之項著加恩准其一體豁免該督等即刊刻謄黃徧行曉諭並照例按戶付給免單嚴禁吏胥影射需索等弊務期實惠及民用副朕推恩布閭至意其所奏借碾倉穀請項買補一節既經該部查明奏銷案內有前經行令撥充兵糈之米二十餘萬石著即遵照前議抵撥清項餘米仍備兵糈毋庸動項買補期於倉庫兩有神益民間仍霑實惠○癸卯 上再詣 大高殿祈雪○甲辰以德齡為內閣學士兼禮部侍郎銜由詹事遷○丁未耆英等奏英人仍執前說要求進城命仍詳細開導○庚戌陳繼昌以病免以徐廣縉為江甯布政使服闋布政使○癸丑 上復詣 大高殿祈雪○乙

卯諭昨梁寶常奏緝捕遲延及身有疾病各員當經降旨分別摘去頂帶革留勒休內山陰縣知縣方聯孚一員據該撫原奏內稱因查辦奉化匪徒一案路過紹興府接見該員感患痰疾精神恍惚等語朕思州縣等官各居本任儻非因公進省督撫勢不能與之時常接見若必待經臨該處親加察看始行參劾此外得以衰庸濫竽者諒復不少是督撫之耳目難周究不若道府之稽查較近嗣後著各該督撫嚴飭各道府於所屬州縣隨事留心訪查較有多病廢公及庸劣無能等員立即據實稟揭儻敢瞻徇回護一經督撫查出除將各該員立予罷斥外所有該管道府一併嚴參示懲此案方聯孚身有重疾若非該撫親臨接見必致以病軀懸職貽誤地方該道府何以不行稟揭輒復委員幫辦著該撫查明參奏至督撫與州縣雖相距較遠果有所聞亦不妨將該員檄調東華續錄 道光五十二 十二

來省面加察看總期及時甄別斷不可意存姑息致令衰庸之員濫司民社以嚴考察而肅官方○是月緩徵陝西榆林府谷二縣貸款○是歲朝鮮越南入貢○會計天下民穀數直隸等省通共大小男婦四萬二千一百三十四萬二千七百三十名口存倉米穀三千二百三十萬一千二百八十八石八斗四升八合二勺

東華續錄

道光五十三

臣王先謙敬編

臣周福恭恭校

道光二十六年丙午春正月己未諭朕弟惇恪親王懌愷尚無承嗣之人著將皇五子奕詝過繼與惇恪親王為嗣即襲封惇郡王並著欽天監於本年三月內選擇吉期移居府第其一應章服仍照皇子分例服用應領俸精即於本年春季為始照例支領○癸亥諭前據潘錫恩奏籌備空運事宜並請定松江府屬重運渡江限期一摺當交璧昌等敷議具奏茲據奏稱松江重運幫船向與蘇屬各幫糧船跨兌必先蘇而後松又由吳淞黃浦泖湖運河地遶出江連年比較遲早不過數日從無延誤况渡黃例限本定於四月初十日以前果能節節提前漸歸初限所有松江重運相距

東華續錄

道光五十三

一

不遠尤當爭先恐後一律過速又另片詳陳松江重運實在情形惟在破除積習多方激勵各等語所議自係詳加體察務協機宜所有松江重運渡江即著無庸另立限期以歸簡易該督等仍當先事籌度嚴切督催俾早兌早開如係各幫稍形玩易立即指名參撤務較常年提前辦理以符例限而利漕行○丁卯諭軍機大臣等昨據布彥奏查明哈密另有可墾地畝一摺已批交軍機大臣會同該部議奏矣其另片所稱回子近日窮苦由於該伯克等科派所致自係實在情形各城回子生計本少加以科斂愈不聊生全在各城大臣力矢清操方能約束該伯克等願念同類不至藉端魚肉此後該將軍應如何密加查察使各大臣等破除積習不令該伯克有所藉口著布彥奏林則徐悉心妥議據實具奏至該扎薩克郡王伯錫爾將私墾地畝呈獻充公擬安置民戶等

語此項地畝既據呈出一經墾種漸可擴充是否足以安置民戶藉資控制並著布彥奏等詳議奏聞○甲戌諭上年因派往朝鮮使臣向帶通官五六員恐有騷擾需索等事會經降旨止准隨帶一員茲據禮部奏該國王懇請酌加以便接洽等語嗣後派往朝鮮使臣著准其隨帶通官二員該部即纂入則例永遠遵行○諭林則徐奏請將臨陣傷亡之武弁賜卹等語甘肅永昌協把總徐廷貴殺賊陣亡洮州副千戶土司楊國成捕賊捐軀均著該部照例議卹至署遊擊薛貴之子薛瑞麟身非職官本無勦賊之責乃能助父打仗奮不顧身尤屬可嘉可憫著加恩照千總例賜卹○己卯諭三載考績大典攸關內外滿漢諸臣有能克勤克慎實心任事者自當甄敘才具凡庸年力衰邁者亦難姑息其閒年齒雖老而精力不減者亦當留任茲屆京察之時吏部將內外諸臣開

東華續錄

道光五十三

二

列具奏朕依次酌覈大學士穆彰阿潘世恩戶部尚書寶倫阿祁寯藻兵部尚書何汝霖精勤襄贊一德一心吏部尚書恩桂管理諸務頗見認真直隸總督訥爾經額疆疆重任諸臻妥善大學士四川總督寶興人品端方宣力有年協辦大學士兩廣總督耆英殫心竭慮坐鎮海疆廣東巡撫黃恩彤協力籌維共成枚定均著加恩交部議敘餘著照常供職○庚辰諭本年輪應查閱山東等省營伍之期山東著即派崇恩河南著派鄂順安江蘇安徽江西著派賽尚阿周祖培馳驛前往逐一查閱認真簡校毋得視為具文○命賽尚阿周祖培查勘江南江防○壬午梁萼涵以病免以陸建瀛為雲南巡撫郭熊飛為直隸布政使周祖植為江蘇按察使○乙酉諭軍機大臣等達洪阿等奏查明上年擊斃番賊確數一摺並另片奏見在籌辦進剿情形等語此次番賊

復出肆搶勢甚猖獗歲暮冬寒尙復潛匿邊外乘閒搶掠一交春融必更出巢窺伺况年來近邊熟番亦有句結尋搶情事值此天氣和暖亟應相機進剿爲一勞永逸之計達洪阿惟當認真操練修整器械以便剋期進剿毋致臨時不能得力見在林則徐駐紮涼州查辦一切不日即抵西甯著會同達洪阿將應辦各事宜和衷商量妥爲籌辦將來布彥泰到任後林則徐仍著暫留西甯與布彥泰達洪阿公會辦期於集思廣益以靖邊陲是爲至要○是月給奉天鳳凰城岫巖廳旗民直隸寶坻等四縣口糧貸甘肅靜甯等十三州縣災民籽種緩徵山東濱州等二十八州縣衛直隸薊州等四十二州廳縣江蘇高郵等三十三州縣衛災歉新舊正雜額賦展緩浙江富陽等十二縣水災風災通賦

二月辛卯 上御經筵○甲辰以戴熙爲內閣學士兼禮部侍郎

東華續錄 道光五十三

街寺廟遺○王子鄭親王烏爾恭阿卒命 皇四子奠茶酒賞銀二千兩治喪予祭葬諡曰愼

三月戊午諭 如貴妃侍奉 皇考有年淑慎素著隨侍 慈闈允昭謹恪茲年屆六旬宜崇位號以介繁釐著晉封爲 皇貴妃所有應行事宜著各該衙門察例具奏○癸亥 上啓鑾謁 西陵○免經過地方額賦十分之三○丁卯 上謁 泰陵 泰東陵 昌陵至 孝穆皇后 孝慎皇后 孝全皇后陵寢奠酒回鑾○庚午 上幸南苑行圍○賞御前大臣怡親王載垣大學士穆彰阿潘世恩黃馬褂○乙亥 上還京師○戊寅諭我朝景運延長雲初衍慶避名之典我 皇祖高宗純皇帝特降 諭旨以不經用之字改避復 諭以奕字輩以下亦可推廣此意永遠遵行 聖謨煌煌洵爲萬世法守朕御極初年曾經降旨豫示奕載

溥毓恒啓等字缺筆書寫因念國家燕翼相承宗支蕃衍依次命名者久而愈多自宜推廣前奉 諭旨援引二名不偏諱之義用示折衷將來繼體承緒者上一字仍舊無庸改避亦無庸缺筆其下一字應如何缺筆之處臨時酌定以是著爲令典俾我子孫繼繼繩繩率循罔替此旨著軍機大臣敬謹存記並繕錄二道一交內閣封貯一交上書房恭貯敬識以垂永久○辛巳諭軍機大臣等給事中安詩奏江蘇招商海運米石抵津請嚴禁關口留難需索弁役藉端擾累等語本年招商運米事屬初始自應曲加體恤嚴防流弊方於商民均有裨益若如所奏天津一路關口俱索使費並有將船扣留不准進口情事該商等寄稅外洋米石蒸變必致大形虧折以後裹足不前於民食大有關繫著爾經額飭知長蘆鹽政及天津道查明此項米石在已否進口如東沽等六處俱有前項情弊立即嚴參懲辦毋許稍有擾累至進口後或一時不能銷售應由地方官按數收買亦著籌議章程迅速具奏○乙酉 上謁 黑龍潭祈雨○鄧廷楨卒以林則徐爲陝西巡撫○是月貸山西平定等九州縣歉收倉穀並緩徵保德等九州縣通賦

夏四月丁亥諭訥爾經額奏江省商米運津籌議收買一摺江省招商買米由海道運至天津售賣見據該督查明米船抵津已有數隻白米銷售甚形踴躍稔米一項議定官爲收買見已籌款辦理所有此項米石即著倉場侍郎派委坐糧廳監督一員帶同經紀斛隻速赴天津按船驗明米色再由天津道按照市價公平收買委員分運解通以重儲備另片奏疊奉諭旨飭令嚴禁需索把持並派大員前往專司其事該督於米船進口早經飭令出示免

稅並嚴切曉諭務禁關口需索留難見已派委署天津道等嚴密訪查妥為經理等語著該督仍遵前旨嚴飭該員等於該商曲加體恤嚴禁一切弊端如查有勒索留難等弊即著從嚴參辦○戊子諭武攀鳳等奏臺灣漳泉民人分類械鬪匪徒乘機焚搶各案見已辦理完竣一摺此次該總兵等督帶兵勇分投彈壓由府庫提墊軍需銀七萬六千八百三十九兩著准其援照成案作正開銷其撫恤難民一項係由官紳捐辦免其造冊報銷所有捐輸官紳商民及獲犯出力之文武員弁紳士義首人等並著該總兵等酌量保奏候朕施恩○丁酉諭軍機大臣等布彥泰等奏接查雍希葉布番族實無賊蹤並酌擬約束章程開單呈覽一摺據稱總兵站柱等帶兵親至雍希葉布插帳地方詳加搜查將獻出各犯嚴加研訊絕無為匪情形見據該總兵等擬定章程所稱該番族

東華續錄 道光五十三

五

等不甘身被賊名情願殺賊投效並責成盟長百戶將戶口認真稽查又買易糧茶嚴禁溢額以杜接濟等語尙屬妥協其令該番等全行薙髮一條係為辨別釋疑起見亦屬可行惟此等番族究非內地民人可比既經薙髮並願立功固當示之以誠而番性叵測亦不可遽加深信防範稍疏該督等總當嘉其向義之忱仍復留心查察俾不至藉稱歸化取信目前久則故智復萌又復句結番眾再生事端是為至要其賊匪且曾奴勒布等仍須設法訪緝獲案懲辦庶不至仍留餘孽致滋後患也○己亥前任禮部尙書李宗昉卒予祭葬○辛丑諭軍機大臣等賀長齡奏上年永昌漢回互鬧滋事業經持平審辦其逃散回民所遺田地亦經委員分投清查不准漢民侵占並出示招回復業其不願回者酌給撫恤該回民等已屬得所詎於本年正月復有外來及永昌逃散回民

百餘人藉認種遺產為詞求賞盤費迨經該縣理諭解散該回民等輒敢黏掛揭帖聲稱報復雪恨並邀搶客貨加以遊匪藉端冒充日聚日眾似此玩法藐官必應及時查辦免至日久蔓延見在永昌鎮道督飭府縣修城治械足資捍衛並經該督飛咨提督帶兵堵緝兼委道將馳往查擊自可剋日蕪事惟回眾甫經上年勦辦之後復敢藉端尋釁猖獗已極且滇省銅錫各廠遊匪甚多若不乘機撲滅必至向結為患該督惟當體察情形如果一時未能掩捕即當親往督辦總期立時殄滅早靖邊陲是為至要○文柱以病免以陸蔭奎為江蘇布政使文俊為直隸按察使○乙巳命貴州編查附居苗寨客民戶口○丙午 上詣 黑龍潭祈雨○戊申雨○諭軍機大臣等賽什雅勒奏霍罕明巴什遺額爾沁呈遞稟字並差人出卡傳送諭旨暗為偵探一摺據稱

東華續錄 道光五十三

六

本年二月間有霍罕明巴什本素滿庫里遣使到葉爾羌呈遞稟字內稱欲抽七城貿易之巴達克山克什米爾推依博特等外夷貨稅並收取希皮察克布嚕特租子各等語業經該大臣詳覈所稟各情逐層據理駁斥並撰給回諭所辦俱是惟此次所來額爾沁是真是偽該處夷情若何自應逐細探訪務得確情至函致開明阿在於該處揀派妥實可靠並熟悉霍罕地理之回子二三名協同前往偵探計該回子等不日即應旋回所探情形究竟若何務即隨時具奏毋稍疏忽

五月丙辰諭布彥泰奏遵旨察看胡超一摺甘肅提督胡超有統領邊疆彈壓番夷之責乃去秋由永固進兵之際輒調極遠之漢中官兵故為延宕旋又停止以遂其苟安之計其遷延迂緩已可槩見本年林則徐密咨派兵至野馬川一帶堵截該提督又不即

行調往節次添兵並未辦有成效種種稽延畏葸咎無可辭胡超著交部嚴加議處尋議上得旨胡超著照部議革職惟念其曾經出師著有微勞著加恩仍留騎都尉世職交布彥泰差遣委用以觀後效○壬戌 上再詣 黑龍潭祈雨○乙丑諭賀長齡奏提鎮會勦回匪連獲勝仗並查明上年辦理不善請撤銷保舉交部議處一摺此次永昌逃散回民被外來奸回煽惑糾集日聚日眾經該督咨會提督張必祿總兵蔭德布等先事準備奮勇迎勦連獲勝仗轟斃賊匪數百生擒一名並將賊首殲斃業已大挫其鋒由此跟蹤勦捕不難悉數殲除張必祿蔭德布均著先行交部議敘把總陳得功生擒賊匪追捕尤為驍勇著以守備卽行升用在事出力員弁並著該督酌量保奏候朕施恩陣亡之署守備趙發元署都司繆志林把總趙得及陣亡受傷各備弁兵丁著一併查東華續錄 道光五十三 七

丙子諭鄂順安奏校閱通省營伍情形一摺河北鎮標右營都司明安泰馬箭生疏該員曾經出師著有微勞著以守備降補以觀後效至所稱各州縣額設民壯隨營調考放槍准頭尙屬合式等語民壯一項原為保護地方並雜項差使藉補兵力所不足與各營兵丁究屬不同刀矛雜技果能認真訓練已足備用毋庸兼習鳥槍弓箭著通諭各督撫知之○戊寅諭刑部奏已革職員供仍狡執請欽派大臣會訊等語刑部為刑名總匯凡遇重大案件無不由該部酌覈究擬期協情法之平此案已革吏部司員慶文等是否聽情受賄如果悉心研鞫自可水落石出乃審訊已經數月供證仍未符合率請欽派大員會訊將來遇有疑難重案輒卽紛紛瀆請尙復成何事體此案仍著責成刑部堂官再行細心推鞫務得確情固不可失之寬縱亦不可稍有屈抑以昭慎重而成信東華續錄 道光五十三 八

明咨部照例議卹至此次回匪復事滋鬧見據生擒之馬良一犯供稱因上年按戮內應傷人過多回眾難堪是以羣圍報復是羅天池等辦理不善咎無可辭所有前經降旨將羅天池從優議敘恒文儘先補用賞戴花翎劉桂茂儘先升用補授普洱中營遊擊沈聚成拔補千總先換頂帶並賞戴藍翎之處著一併撤銷賀長齡並著交部議處○丁卯 上復詣 黑龍潭祈雨○耆英等奏

委員前往香港詳加開導英國遵約退還舟山德庇時卽日備文知會駐舟山兵目撤兵派船四隻赴該處載兵駛往印度前聞印度所屬之塞哥國與英國兩次構兵遣人向米利堅西洋等國探詢均稱英國上年兵敗復於本年正月開與塞哥國二次交兵得勝又據大鵬副將等探報英國復與上年構兵之馬磻國爭戰被馬磻國擊殺英兵數千及兵目四名未知確否報聞○乙亥雨○

至該處勒令迅速交賊詎該寺僧先後交出賊犯六名均非指名勒交之要犯迨該鎮等進剿至那沙莊滅力迭二莊該番眾仍敢持械抗拒似此兇頑不法必應痛加勦捕此時既已厚集兵力該督等即應嚴飭鎮將大員攻其要害殲厥渠魁其主謀糾黨之兇徒總當悉數就擒斷不准因零匪交出輒即將就了事務令該番族等知畏知懼不至再貽後患○癸巳諭軍機大臣等賀長齡奏回匪屯聚親往督辦並委署撫藩各篆一摺永昌回匪於前次被勦之後乘夜潛遁聚集猛庭經該提鎮移營尾追該匪等輒敢踞險相持並疊次撲攻營盤該提鎮督兵迎擊始行敗退惟山深箐密屯聚尚多非厚集兵力分路圍攻難免竄逸見屆暑雨之期煙瘴將作若再遷延不獨經費多糜且必日久生懈該督已添調弁兵親往督辦著即相機籌度策應督催並嚴飭在事人等確探賊

東華續錄

道光五十三

九

蹤迅即分途進剿斷不准稍存姑息之見再致蔓延僅該文武等稍存觀望即著據實參辦其在事出力者亦即奏請恩施此次傷亡各弁兵著一併查明咨部照例議卹○丙申撥山東曹州右營經制外委一駐濮州水堡集中營千總一駐鄆城縣移鄆城縣經制外委駐黃姑菴均添兵隸之並添濮州及觀城縣馬守兵額○丁酉諭前因兵部議覆暨昌請於三江口等處設立鹽捕專營恐日久不得其人仍屬有名無實等語會降旨令賽尙阿等親往履勘覈議具奏茲據奏稱親至其處察看霍家橋實為揚州切要門戶添設專管不特鹽務賴以緝私兼可為揚州保障且添兵之難在於籌餉業經查據該督切實聲明可以永久不動正項其事自屬可行著准其於霍家橋添設鹽捕專營員弁兵丁如數增添所有俸餉等項既據該督稱於鹽務籌撥即著免其造冊報銷但必

期行之永久備日後偶因經費短絀奏請借動別項亦斷不能倖邀允准至運司緝私是其專責若不兼轄武職亦恐呼應不靈該督所請加運司兵備兼銜之處並著准其兼銜以資制馭他省不得援以為例其新設官兵仍責成該督督飭運司認真巡防訓練隨時考覈期於兵歸實用餉不虛糜毋致日久視為具文○戊戌命端華襲鄭親王爵並在御前行走○調柏葑為戶部左侍郎轉惠豐為吏部左侍郎調福濟為吏部右侍郎明訓為工部右侍郎以慶祺為盛京戶部侍郎御史選○是月展緩浙江定海廳新舊額賦

六月甲子以靈桂為左副都御史由通政○丙寅諭布彥奏奏官兵勦毀番莊匪族四散酌量撤兵一摺所辦可嘉之至該處番族眾多素稱犷悍出巢肆掠歷有年所從前總督提鎮等辦理番案一味因循遷就敷衍了事以致該番族等習為故常肆行無忌此次黑錯寺地方番族恃強抗拒經該督等示以兵威添調官兵帶領進剿經過番莊隨燒隨進連斃多名該匪等復有馬隊迎敵復經分為兩翼夾擊中路官兵用大礮擊斃執紅旗番賊該匪奔竄逃命連日逐一排接並無賊番蹤迹見經查擊餘匪緝捕漢奸酌量撤兵辦理尙為迅速布彥奏林則徐調度有方達洪阿身先士卒不遺餘力均著交部從優議敘在事員弁著擇其尤為出力者據實保奏傷亡兵丁著交部照例議卹○丁卯諭步軍統領順天府府尹並各督撫飭屬緝拿邪匪○庚午改建廣東九龍山石城

東華續錄

道光五十三

十

○壬午以孚告大學士阮元重赴鹿鳴晉太傅予食全俸○命前任漕運總督朱樹以原品休致○癸未諭布彥奏等奏黑錯寺敗竄賊眾聚匿果岔之險隘地方復經官兵接捕殲擒大獲勝仗一

摺黑錯寺番匪抗拒官兵前經達洪阿帶兵攻勦焚莊毀寺業已大振軍威詎該逃匪等仍敢竄匿果谷地方希圖有險可踞復經達洪阿督帶精兵窮追奮擊塢蕩窩巢計該處烏合數百之眾業已殲擒殆盡見在拉布楞等寺僧眾收合四溝散亡番族帶到營盤匍匐乞命經達洪阿宣布皇仁嚴行條約准令悔過自新官兵即日凱撤所辦可嘉之至達洪阿著賞戴花翎所有在事出力人員著該員等擇其勞績較著者酌量保奏候朕施恩護副將張奉明奮勇爭先以致頭額被槍殞命臨陣捐軀殊堪憫惻加恩著照副將陣亡例賜卹其陣亡及受傷兵丁並著照例咨部分別卹賞餘著照所議辦理又諭布彥泰奏請將勦番不力具稟告病之總兵交部嚴議一摺所參甚是西甯鎮總兵站柱前經該督派往黑錯寺督勦番匪該總兵並不認真攻勦輒私遣人先往關說並以東華續錄 道光五十三 十一

干總楊正才等赴寺質換其頭目來營一見即謂為悔懼投誠辦理已屬顛預迨番族獻賊寥寥該總兵轉置主謀糾黨之兇徒於不問僅將弱小之那沙滅力迭二莊攻打即請撤兵歸伍顯蹈從前將就了事惡習怯懦無能可恨之至見因達洪阿等勦焚莊寺大振軍威該總兵輒行告病希免參劾實屬孤恩瀆職站柱無庸交部嚴議著即革職發往烏魯木齊效力贖罪以示懲儆○諭奕湘等奏接據朝鮮來咨嚴禁江邊蓋房墾地查拿究辦一摺內地與朝鮮交界之處前已有旨不准民人私越邊界墾田構舍果能認真查禁何至甫越三四年仍有民人潛往結舍墾田之事可見從前辦理各員不過奉行故事全未實心查察所有禮恩及派往接查之統巡總巡並邊界各官俱著先行交部嚴加議處仍著奕湘等遴派明幹之員帶同兵役分路前往嚴密搜查將各犯按名

擊獲究辦並將草舍田土全行平毀不准仍留寸椽尺地儘查明原定章程本未詳盡以致二十二年以後在事各員不能認真辦理再著據實嚴參候旨懲處毋得稍有諱飾至嗣後應如何設法查禁不至再有奸民偷越之處均著悉心籌議具奏○是月緩徵山西徐溝縣雹災河南安陽等十四縣旱災山東臨清等三十八州縣旱災風沙災新舊額賦

東華續錄

道光五十四

王先謙敬編

周倫恭恭校

秋七月辛卯諭前據奕湘等交接據朝鮮來咨內地與朝鮮交界之處近日又有夷人私越邊界墾田構舍查拏究辦一摺當經降旨將未能實心查辦之將軍肅恩等交部嚴加議處茲據該部議以降級調用奸民越界本干例禁開墾田畝尤屬意在久居為業宜如何認真查辦乃肅恩履任數年於此等外藩交界經朕特旨交辦之件漫不經心實屬孤恩大負委任肅恩著革去公爵拔去雙眼花翎仍帶單眼花翎降為鎮國將軍以示懲儆○壬寅 上閱吉林黑龍江官兵馬步射○癸卯諭賀長齡奏漢回構隙見辦情形等語滇省漢回夙嫌未釋或獲其同類輒私設牛叢偶有爭端遊匪德恩附和往往釀成鉅案自應破除積習永杜弊端著賀長齡督率所屬嚴禁牛叢力行保甲凡土著民人無論漢回悉聯為一體如有外來遊匪即行驅逐以絕其構煽之端至遇漢回交涉事件尤當秉公持平一視同仁無分畛域庶令信義相孚猜嫌悉化以靖邊域儻不能認真辦理事事覈實嗣後仍有滋事之處惟賀長齡是問○乙巳諭軍機大臣等御史戴綱孫奏河東鹽務商力已疲請量為變通一摺據奏鹽法之善莫過於民運民銷而官收其稅河東商力疲敝比以舉報充商大為閭閻之累請做照前乾隆年間河南鹽課改入三省地丁完納舊例酌量變通等語著吳其濬體察情形該御史所奏是否可行悉心妥議具奏尋奏河東官地由唐迄今外設禁牆以防作踐內通畦渠以滲鹵泉稍不完繕淡水滲入則全池之鹵即行融釋是以附近山溪鰲築堰

坡不使涓滴潛注每歲搶修皆係商捐生息所費甚鉅一歸民運墮丁無力修葺不過一二年間即成荒灘所產之鹽夾雜硝鹼不便民食徒棄天產且恐官池委之於民必致無鹽可稅此不敢輕議改歸民運者也再查三省鹽課攤入地丁全卷止係晉省主議並未咨商各省以致兩淮天津均以晉鹽充塞大礙官綱至嘉慶十二年即復改歸商運是當時草率立案本未周妥以今日山西情形而論驟攤鹽課二十八萬有奇恐民力不支勢將增累窮黎且河東之商一聞改法無論殷乏俱存觀望更恐於奏銷大有妨礙此不敢輕議撥入地丁者也報聞○庚戌諭前據布彥泰奏審訊首逆胡完供詞與原卷迥不相符一案旋因布彥泰已簡任陝甘總督特降旨交薩迎阿研訊確情具奏茲據奏稱訊明胡完本名薩密斯頂並非布攷爾罕亦無從逆情事證據甚為確鑿是奕東華續錄 道光五十四

經等審辦此案並不悉心研鞫任聽伯克誣擊教供委員刑偪妄認幾致誤入叛逆重罪昏聩妄莫此為甚奕經著即革職發往黑龍江充當苦差齋清額以專城大臣審轉不實著一併革職發往伊犁充當苦差賽什雅勒泰隨同會奏並未深究案情亦屬不合著改為降三級留任不准抵銷英吉沙爾回務筆帖式富德渾承審此案率用刑求且於邁瑪特等捏添供詞並不深究著革職從重發往烏魯木齊充當苦差葉爾羌回務章京西林泰喀什噶爾回務章京和德那派委會審均未能審出實情俱著革職換防參將蘇芳阿遊擊馬忠良雖係武職不諳例案究於重案未能隨同詳審咎亦難辭著一併革職毋庸交部覈議至胡完一犯雖訊無從逆情事惟據供有酗酒賭博抗欠誣告及姦拐婦女等情邊疆重地斷難容此不安本分之人著即定地充軍○致仕大學士

阮元奏謝加太傅銜重起鹿鳴宴恩得旨覽奏均悉願卿福壽日增以待三赴鹿鳴之盛也○辛亥賞內閣學士德齡副都統銜爲英吉沙爾領隊大臣○是月賑三姓及甯古塔等處水災緩徵江蘇宿遷縣被水灘租

八月戊午諭昨據刑部奏結職官狎飲酒一案已依議行矣此案各該員以職官恣意遊蕩均屬卑鄙無恥咎無可辭惟案內之王恩祥一員見官翰林平日自宜敦品勵學謹慎自愛乃竟踰閑蕩檢甘蹈狎邪更改姓名尤屬巧詐卑鄙昨經朕簡放學政設使此案倖未舉發尙安望其訓迪有方爲士林表率耶王恩祥行止卑污有玷清班革職不足蔽辜著從重發往軍臺效力贖罪以爲身任詞臣不知檢束者戒○乙丑諭前據陸運阿奏請添設印房回務章京當交軍機大臣會同該部議奏茲據會議奏稱英吉沙爾臨邊臺卡甚多地方亦屬緊要自應添設章京以專責任英吉沙爾著准其添設印房回務章京一員卽專用六部筆帖式毋庸用起廢人員○壬申諭軍機大臣等寄諭盛京直隸江南浙江福建山東廣東七省將軍督撫提鎮等省英奏繕進陸贄守備事宜狀並練兵儲餉等項事宜一摺練兵儲餉爲邊防要務洵宜準今酌古實力講求唐陸贄邊守備事宜狀一疏於理兵儲餉再三致意曲盡邊防要領著各該將軍督撫提督等咸錄一通置諸座右務宜觸目儆心反復尋繹斟酌以求其當變通以適其宜於籌策邊防自有裨益至各營兵丁技藝之優劣視將弁操演之勤惰總在勤加訓練將弁得人嗣後廣東水陸各營自副將以下守備以上著卽責成該提督等督同該鎮隨時考覈果能教練有效兵丁悅服者據實保舉由耆英覆覈年底密摺陳奏候朕點出一二

東華續錄

道光五十四

三

員由該督給咨赴部引見聽候擢用此外海疆各省著照此認真嚴辦至儲餉以備非常必須豫籌方免支絀著該督撫等轉飭各海關該管官嗣後奏報徵收錢糧時計一年稅數畝細將徵納尾銀酌留數萬或數千覈定數目奏交各省藩庫另款存貯以資儲備並著奕湘訥爾經額崇恩按照各該省情形分別輕重緩急酌量籌辦務令積之永久以裕軍實凡此訓練儲蓄固爲籌邊要術然總在平日恤之以仁推之以恩要之以信制之以義而復嚴號令明紀律公賞罰德懷威畏以固結人心振作士氣俾上下一體有進無退方爲有用之師該將軍督撫提督等務須激發天良深自刻勵毋稍苟安於弁兵等體恤倍至以實心待之自可得其實心而緩急可恃矣至各處船隻礮位礮臺陣式一切事宜均宜事事認真各收實用不得徒事外觀有名無實是爲至要○論本日

東華續錄

道光五十四

四

布彥泰奏巡邊大概情形等語番匪擾及邊界自應先固藩籬以杜窺伺見據該督相度西甯一帶地勢或因河爲固或扼險設備著卽擇要籌防妥爲布置所有哈喇庫圖爾之南山根南川營之青石坡等處應如何移建營堡及黃河北岸之頭岱東信忙多等處渡口應如何設卡嚴防仍復舊制均著於巡查甘涼肅州等處邊卡完竣後綜覈全局悉心妥議具奏總期訓練認真卡防扼要俾番族無從偷越致有顧此失彼之虞方爲妥善尋奏貴德廳所屬西番往往偷渡河北從前設有防河官兵河勢紆亘固不能周防而有賊渡河可以先得信息卽報察漢托格亥等防城互爲防範後雖屢次減撤沿河尙有官兵自道光二十三年富呢揚阿奏將防河之兵全數裁撤添設將軍臺會亭子二城專恃防所堵禦遂令聲息難通於防堵並無裨益自宜仍復防河舊章請於察漢

托洛亥等防城駐兵一千二百名內撥出兵六百名再於西甯河州二鎮添派兵四百名分布沿河扼要之頭岱東信忙多等渡口派令守備千把等弁分帶嚴密防守仍歸察漢托洛亥駐防副將統轄又西甯鎮屬哈喇庫爾營所管之南山根南川營所管之青石坡兩處山勢峻拔為野番必由總路俱應安兵駐守擬於南山根安兵一百名亦由察漢托洛亥防兵內酌撥並派千總一員外委二員管帶輪替駐守其青石坡安兵一百五十名即由該管之南川營就近撥派惟南川營額兵無多擬先由西甯鎮標照數派往亦著派千總外委等員管帶駐守應請於南川營酌添兵二百四十六名在甘肅腹地事簡營汛抽撥仍歸南川營都司管轄撥定以青石坡即作為該營汛卡以歸簡易新設之將軍臺會亭子二城應統歸附近之察漢托洛亥防城管轄西甯鎮屬大通永安等營所管之都濟石打板黑石頭等九處甘州提屬永固協等營所管之扁都口等十一處肅州鎮屬嘉峪關內紅崖等營堡所管之石灰關等大卡十六處涼州鎮屬永昌協等營所管之白石崖等十一處均屬沿邊最要口隘應派弁兵自三四十名至百餘名不等悉令照數派往常川駐守其甘州提屬扁都口外之野馬川即賁成扁都口一帶營卡嚴密防範此外沿邊僻小口隘甚多勢難派弁兵駐守查有舊挑坑壘以遏賊馬奔突仍飭令附近汛卡一體嚴防下軍機大臣會同兵部議行○癸酉 上閱火器營兵○甲戌諭賀長齡奏軍犯奮力效誠請援照回疆遣勇將功贖罪成案准其釋回等語所奏甚屬謬妄內地與回疆情形迥不相同在配軍犯自宜嚴加管束不得藉端違請免罪致使妄生希冀該督總制兩省營伍不惟雲南之兵歸其統轄即貴州各營亦

無難隨時檄調此次辦理么磨回匪何必藉一軍犯之力練勇相助耶所請著不准行賀長齡辦事毫無見識懦弱無能有負朕望著傳旨嚴行申飭仍交部議處○以賽什雅勒泰為內閣學士兼禮部侍郎銜由葉爾羌參贊大臣遷○乙亥諭上年雲南回匪滋事經賀長齡親往督勦辦理果協機宜何至本年復有蠢動見在雖據該督奏稱連獲勝仗地方安謐惟究未能及早籌防優柔從事致復勞師糜餉已屬咎無可辭甚至以總督重任兩省營伍皆其統轄豈不勝總督之任雲貴總督著李星沅補授即馳驛前赴新任江蘇巡撫著陸建瀛調補李星沅未到任以前雲貴總督著陸建瀛兼署俟李星沅到後即馳驛前赴江蘇巡撫新任陸建瀛未到任以前江蘇巡撫著陸蔭奎署理滿泉兩司即著派員遞署雲南巡撫東華續錄 道光五十四 六著張日景補授亦著馳驛前赴新任賀長齡著即降補河南布政使均無庸來京請訓○丙子諭軍機大臣等賽什雅勒泰奏布魯特賊匪突入山口搶掠回莊拒殺軍臺弁兵即時竄匿情形一摺此次布魯特賊匪膽敢擾掠軍臺拒殺弁兵必應大加懲創雖據該大臣等奏稱派兵追剿業已即時竄匿難保不復出滋擾著該大臣等咨會各城督飭員弁伯克等選派精壯兵丁嚴密防堵如有賊匪竄入務即認真督勦或設法兜擒或斷其後路總期悉數殲除使該匪等望風懾服備即行逃竄不必出卡窮追仍應嚴守卡隘並相度機宜斟酌妥辦被殺弁兵著該部照例議卹所請將伊斯瑪依勒革去伯克及伊斯瑪伊爾革職留任之處均毋庸議其自請嚴加議處亦著加恩寬免該大臣等惟當激勵將弁事事認真既不可過事張皇尤不可稍形疏懈○戊寅諭軍機大臣等

會議賀長齡奏要犯軍前繳械投誠願招餘黨一摺此案回民張富兩次糾眾滋事本屬律不准首茲據帶同夥黨赴營投首並呈繳器械情願招出餘黨願求免罪該犯張富罪重難道是否果係悔罪出於至誠力求自新之路抑係勢盡援絕窮蹙感來歸或另有入懇懇令其投首希圖免罪一時仍難免再行滋事之處著李星沅張日畧到任後嚴密訪查悉心體察據實具奏毋得稍涉含混代人受過儻所查不實別經發覺該督等斷不能當此欺飾之罪也懷之慎之至該犯張富所帶投誠夥黨除馬效青外共有若干名有無著名要犯共繳器械若干亦著於覆奏時一併詳悉聲明

○己卯以李璋煜為浙江按察使

九月丙戌耆英等奏湖北獲解傳教洋人納巴羅即陸懷仁訊明實係大呂宋人並無別項不法情事該國並無領事在粵已發交東華續錄

道光五十四

七

西洋夷目嚴加管束○己丑諭軍機大臣等據開明阿等奏布魯特賊匪撲卡被擊立即潰散逃竄一摺此次布魯特賊匪復來攻撲卡倫經我官兵奮力攻擊箭射黑衣賊匪落馬得獲勝仗賊匪立即潰散逃竄我兵亦即收撤並無一人受傷辦理尚好惟該賊匪雖已竄逸難保不復出滋事著該大臣等確探賊匪究往何處逃竄抑或屯聚何處一面督飭該員弁伯克等嚴密防堵如有賊匪復來滋擾即相度機宜認真剿辦務須悉數殲除勿留餘孽備既經竄逸仍著不必出卡窮追其賊匪中騎黑馬穿黑衣服目係何姓名務向此次活捉之賊確切訊明並將起釁根由一併根究至我兵箭射該頭目落馬者係屬何人亦著查明據實具奏○壬辰諭漕糧為天庾正供節經降旨令有漕各省督撫嚴飭所屬早兌早開刻期渡黃毋稍延誤乃近年重運漕船不能如期抵壩以

致到通歸次兌受新漕節節耽延總緣各該督撫不肯破除情面實力催趨所致見已節逾霜降水勢日消况本年因運河淺阻江廣各幫即在安陵剝運抵通更行遲滯若不趕緊催趨及早歸次備誤新漕受兌關繫匪輕著漕運總督及沿途各督撫分飭嚴催務使連檣南下銜尾進行不准片刻停留席幾以速補遲如期歸次來年新漕尤當趕緊辦理按限兌開統限於四月初十日以前全數趨至清江刻期抵壩以便渡黃北上毋許稍有延誤儻意存怠玩視為具文仍致臨事周章有逾例限定將該漕督及各督撫嚴行懲處決不寬貸○癸巳以山東歷城等三十縣麥收歉薄命改徵粟米○甲午諭軍機大臣等有人奏准離積弊亟宜徹底通籌一摺准嵯賦甲天下近年以來商務疲累亟宜剔弊懲私認真整頓著璧昌督同運司體察情形通盤籌畫悉心妥議具奏另片

東華續錄

道光五十四

八

奏准北票鹽驗費太盛恐來歲票期無人投納等語亦著該督督率運司詳細確查妥協辦理尋奏查原奏嚴查池私商私減除規費浮費杜奸商之取巧禁蠹吏之舞文皆屬必應革除之積弊業經嚴行查禁至於按商費以派額引則費本無由深悉適開巧偽之端令北票兼認懸引則票販來去無常未敢輕為嘗試其南鹽減運北票納費以及疲岸改捆中包懸引融網提售原非正辦原奏所指各弊亦宜革除但當此積疲之際不得不權加調劑以甦商困而全大局下部議尋議准該督暫時權宜酌辦仍督同運司從長籌計以期漸復舊規從之○癸卯諭前據璧昌等奏請將江蘇省各州縣歷年墊完民欠懇恩豁免當交戶部議奏茲據戶部議駁請旨飭查勒限追賠等語國家蠲免錢糧總期實惠及民果屬民欠雖鉅萬不惜蠲除如係官虧即絲毫不容混免官墊民欠

久為江蘇銅弊此項若邀豁免將來州縣任意侵那毫無忌憚且書役包攬以完作欠種種弊端必致日甚一日著該督等查照上屆部議奏駁原案仍遵前旨不得有官墊民欠名目並迅即查明原墊及接徵各員按數分賠勒限嚴追儘逾限不完及再有官墊名目即行嚴參不貸以重帑項而杜侵欺○丁未張日景丁憂以徐廣縉為雲南巡撫調傅繩勛為江甯布政使以葉名琛為廣東布政使服闋布○戊申以程霽采署江蘇巡撫楊殿邦署漕運總督陳孚恩署倉場侍郎由左副都御史署○以李德為江蘇布政使由順天府尹○是月加賑山東東平萊蕪二州縣災民賑三姓理春水災旗民給山東汶上等四縣災民口糧蠲緩奉天遼陽等十三州廳縣直隸霸州等三十五州縣山東東平等四州縣災歉新舊額賦展緩河南尉氏縣水災額賦三姓理春旗民貸穀運穀

東華續錄

道光五十四

九

冬十月丁巳以文俊為奉天府尹兆那蘇圖為直隸按察使由陝西陝安○免勦番官兵駐紮之黑錯四溝番民額賦○丙寅諭柏葑等奏請將江蘇省完漕大戶小戶等名目彙行禁絕等語據稱查明江蘇向來完漕紳富謂之大戶庶民謂之小戶以大戶之短交取償於小戶因而刁劣紳衿挾制官吏索取白規大戶包攬小戶小戶附託大戶又有包戶之名以致畸輕畸重眾怨沸騰紛紛滋事又旗丁津貼原有定額近來總以米色為詞多方挑斥逐漸加增是幫船多取一分於官州縣即多取一分於民種種弊端關繫非輕若不及早整頓貽患何所底止著兩江總督江蘇巡撫認真查察所有前項大戶小戶包戶各名目彙行禁絕一律均收尤不准旗丁額外多索幫費儻敢抗違不遵或州縣中竟有淨收入已情事即行據實嚴參從重治罪毋稍瞻徇以肅漕務而清弊源

○周之琦以病免以徐繼畬為廣西巡撫陳慶偕為福建布政使徐思莊為山東按察使由雲南道○壬申命前任左都御史沈岐以原品休致○甲戌諭軍機大臣等前因各省議覆銀錢兼用章程或請分別款項按成搭放或稱諸多窒礙請照舊章應經批令依議辦理並交軍機大臣會同該部議奏茲據奏稱福建省前奏未盡事宜請飭從長計議江蘇各省亦令一律查辦並山西巡撫請禁空票之處亦應令其自行妥辦各等語均已依議行矣惟是銀貴病民所關匪細必應力求通變即所請按成搭放之處為數亦屬之已經議覆者率皆無可通變即所請按成搭放之處為數亦屬無幾於銀貴錢賤殊未足以資補救其尤甚者河工人員但知用銀甚便總以搭錢為難即謂嚴修工程及豫購稽料土方等項責令以錢搭放恐致貽誤要工此外俸廉盤費書吏倉役並雜交等

東華續錄

道光五十四

十

款何難量予搭放仍著各該河督按照前項名目悉心覈議每年實可用錢若干分晰奏覆毋得固執成見仍以窒礙難行一奏了事其未經奏到之河南陝甘雲南等省亦著各該督撫通盤籌畫總期銀錢兼用於收放並權之中作推行盡利之計以濟民生而裕國用是為至要尋江南河道總督潘錫恩奏河庫額支俸廉書吏役食盤費雜項暨江南藩司轉解武職養廉均擬按銀七錢三搭放以制錢一千五百文作銀一兩各廳自運並轉運蕩柴水腳及津貼船兵水腳三項亦擬搭錢三成又各廳經費除撥歸心紅額銀外餘擬全數以錢抵放計每年可用制錢十萬千文河東河道總督鍾祥奏東河並無盤費一款請仍照舊章辦理惟土工有用錢成案嗣後請以錢三成搭放計每年估修土工以三十五萬兩為率可搭用錢十五萬串以制錢一千五百文作銀一兩均下

部知之○乙亥以楊以增為陝西布政使蘇敬衡為甘肅按察使

由廣東雷○庚辰諭軍機大臣等賽什雅勒泰等奏布魯特賊首

遠竄餘黨渙散見在撤兵一摺布魯特賊首的瓦年前經撲卡滋

事被官兵擊退見在雖已遠竄餘黨潰散官兵撤回惟回蹤詭秘

難保不故智復萌再行滋事著嚴飭各城及守卡弁兵認真稽查

黨的瓦年再有潛赴該處之舉即行擊解究辦毋令竄逸至該賊

首此時如果遠遁不值派員各處偵探蹤跡轉涉張皇前奏奇盤

莊明巴什差人與的瓦年送馬之語見既查明係屬訛傳著毋庸

議另片奏防堵等費該大臣等捐廉墊發等語此項防堵各費俱

著准其作正開銷造冊報部○辛巳諭耆英等奏見辦緝捕情形

等語廣東地方盜案疊出節經該督撫等嚴行懲辦仍復盜劫頻

聞非速委明幹大員認真查辦保甲不足清姦充托足之源著即

東華續錄 道光五十四 十一

派委督糧道黃宗漢會同藩臬兩司各巡道妥議章程一面督飭

委員並地方各官實力編查按戶造冊責令連環保衛毋令匪徒

泐迹至各縣水陸交界地方此舉彼竄幾為通逃淵藪尤宜加意

巡哨亦著專派知府大員隨同臬司嚴飭地方員弁添設巡船勤

加會哨斷不准意存吟域互相推諉該督撫等惟當督飭該道府

率同員弁實力稽查認真哨緝務期有案必破有犯必懲淨盡根

株以除擾害而安良善儻各員弁因循怠玩並不實力奉行及該

管文武畏葸關茸著即從嚴參辦毋稍姑容○是月給河南汲縣

等八縣陝西府谷神木二縣災民口糧蠲緩湖南澧州等五州縣

暨岳州衛被災額賦緩徵山東濟甯等七十州縣衛江西奉新等

二十五縣安徽壽州等四十州縣衛河南睢州等四十三州縣陝

西華州等二十六州廳縣被災額賦兩淮泰州海州十四場水災

十一月戊子諭前據潘錫恩奏中河應估建滾水石壩並拆修雙

金閘要工一摺當交戶部議奏茲據該部奏稱滾水壩為漕船往

來要道且事屬勦建應准其撥銀十一萬兩責令該河督趕緊興

辦無誤漕行至拆修雙金閘一款此項工程曾於道光十四年經

張井奏請估修戶部駁令歸入常年另案款內動用該河督自應

遵照前案不得再行請撥致滋糜費嗣後如有應修各工若非必

須請撥之項著一槩裁歸常年搶修項下報銷以符定制○乙未

上詣 大高殿祈雪○甲辰諭軍機大臣等賽什雅勒泰等奏

巴達克山部落帶兵搜獲布魯特賊匪遣使遞稟一摺此案賊首

的瓦年等逃至哈巴依塔拉地方欲往巴達克山什克南等處藏

匿情形先經該大臣等探明具奏茲復據奏稱見有什克南伯克

東華續錄 道光五十四 十二

阿布都熱依木差額爾沁庫爾班前來遞稟詢據聲稱前聞奈曼

等愛曼布魯特將的瓦年稱為和卓在各城滋事因此巴達克山

什克南兩處伯克會同帶兵至木洛阿比地方分兵搶奪各愛曼

將的瓦年並朵斯巴依及其家屬均已擒獲因差派庫爾班帶朵

斯巴依同來回話行至格孜地方朵斯巴依乘間走脫改遣阿布

都拉帶路來城等語該夷等既將賊匪搜捕並未即時獻出且任

聽賊目朵斯巴依中途走脫是其有無緝獲究未得實見經該大

臣等重懲賞格令其將賊匪解送將來如果解到所有的瓦年等

犯務當反復究詰總期確鑿有據毫無可疑方可分別定擬備稍

留疑實致使已定重罪之犯覆訊並非其人實屬不成事體該大

臣等其各詳慎毋忽是為至要○丙午諭京倉收貯歲清穀石自

有一定額數以收抵放原屬有贏無絀本日戶部奏比較歲清數

目開單呈覽朕詳加披閱近年漕糧運京多有短少本年尤甚較之全漕短至一百萬石蘇松江安兩糧道起運尤屬不敷見屆開徵兌漕之時著通諭有漕省分各督撫自今年為始漕糧一經徵齊即將該省額徵若干本年起運若干緩缺若干逐一比較上三屆數目據實奏明迅即造具清冊報部俾得豫先覈計不得沿向來舊習於開兌以後始行咨報備比較有減無增即由該省設法立將短數補足起運方不至有誤支放並著漕運總督一體遵照悉心籌畫實力稽查總期消除積習按額收倉庶漕政可肅而積貯常充矣又片奏前經奏准勸諭商人買米由海運津官為收買見在有無領運之商未據奏報著兩江總督江蘇巡撫剴切曉諭以此次商運米石一經到津特派大臣前往剴期收買該處地方市僧人等槩不經手俾各商咸霑利益毫無阻滯如有運米較多東華續錄 道光五十四

之商一俟收買完竣後該督撫即查明奏懇獎敘候朕施恩其商運米船著查照道光六年海運章程每米船准其八成載米二成載貨由該海關查明免稅放行以恤商情而廣儲備○諭軍機大臣等寄諭兩江總督暨昌署江蘇巡撫程爵采漕糧為天庾正供支放攸賴每歲京倉應放俵米甲米各項共需漕糧三百數十萬石顆粒不容短少亦不能暫緩時日太倉舊時積蓄因歷年漕糧短額均已動放無存覈計各倉見存糧數僅可放至新漕抵通之時是明年漕糧必需四百萬石至少亦需三百七八十萬石方足以敷支放近年以來各省歲運額漕逐年短少江南一省江安蘇松兩糧道所屬緩缺尤多似此有減無增年復一年伊於胡底且以京師官兵俸餉立待發給之款儻因漕糧缺額以致發領不能足數彼時即將該督等加以重懲亦豈能補救萬一朕軫念民隱

凡各省奏請蠲緩無不立沛恩施江南地方近年即有偏災朕亦不必遽疑為捏報惟本年懇請蠲緩者竟至五十餘州縣之多或因辦理漕務兌費繁重藉此為體恤地方之計豈竟置京倉於不顧耶因思海運章程道光六年辦有成案見當整頓漕務清釐費之時著該督撫通盤籌畫如可依照前章確有把握即統數漕糧實數每歲酌分幾成改由海運於道光二十八年為始庶漕費可以節省而州縣等亦不至藉此捏報災荒致虧倉貯至招商買米由海運津事宜已安立章程籌款備買此外凡有可以實裁幫費籌補額漕之策亦著該督撫等悉心籌度迅速奏明請旨至見經降旨緩徵地漕究竟確數若干並見徵實數若干著即查明迅速報部以備稽覈其南米兵米如有災缺例應碾動常平倉穀或於附近豐收地面採買槩不准率請截留漕糧致缺京倉故款該東華續錄 道光五十四

督等既為大清之官不顧大清之事試問是何人耶能否激發天良妥籌善策繁費何以裁汰正額何以充盈務各竭力殫心詳慎籌議迅即具奏以慰朕懷儻經此次諄諭之後該督等仍敢狃於積習貽誤倉貯要需國法具在噬臍何及勿謂言之不豫也尋璧昌等奏見當徵兌之初飭令各府州督屬認真釐剔均平徵收並將幫費酌量減除至商船運米赴津已據認有成數似可源源販運本年江蘇緩缺兵匠等米另議撥補不准截留漕糧其酌定成數海運及籌補額漕之策容通盤籌畫再奏得旨勿稍存畏難之見努力而行○丁未諭軍機大臣等前據劉韻珂等奏臺灣生番獻地輸誠請歸官開墾一摺當交大學士軍機大臣會同該部議奏茲據會議具奏該番性類犬羊羸居崖谷忽因衰弱窮困獻地投誠懇請官為經理恐有漢奸懷詐挾私潛為勾引一經收納利

之所在百弊叢生有非深料所能及者此事大有關係著該督於明年二三月渡臺後將該處一切情形履勘細加體察籌及久遠據實奏明未奉諭旨之先不准措辦斷不可輕聽屬員從憑以為邀功討好受其蒙蔽率行議准致貽種種後患○已酉諭黃恩形奏應試年老武生三場完竣請賜職銜一摺所奏甚屬冒昧國家設科取士原屬文武並重惟每屆鄉會榜後查明年老諸生賞給副榜舉人及司業檢討等職銜則專為文場而設與武生專較年力者不同黃恩形既知向無賞給年老武生職銜之例乃必欲飾詞陳請是止知見好沽名受人蒙蔽甘置舊章於不顧儻各督撫相率為偽說尚虛文於政事有何裨益所奏斷難准行黃恩形違例妄請大失朕望著交部嚴加議處以為市恩邀譽者戒○辛亥諭軍機大臣等有人奏山東盜賊公行請旨飭拏一摺山東地方東華續錄 道光五十四 十五
向無擄人勒贖之事茲據奏本年十月間該省嶧縣蘭山等處盜劫頻仍並有擄人幼子勒贖錢文之案且該兩縣竊賊甚多著名頭目糾合多人擾害閭閻與捕役聲氣相通是以無從究辦等語盜賊肆擾擄人勒贖與捕役包庇養奸最為地方之害不可不嚴行懲創著崇恩嚴飭地方官按名嚴密查拏盡法懲治毋任一名漏網至捕役包庇賊匪種種弊端實為盜源該撫惟當密加體訪如果實有其事立即查拏嚴辦庶捕務日有起色而宵小自可斂迹矣○是月賑山西垣曲縣災民蠲緩山西保德等六州縣暨歸化城等三處浙江餘杭等四十四縣衛直隸安州等六州縣被災新舊額賦緩徵山東范縣暨屯衛江蘇泰州等六十五州縣被災甘肅河州等十六州縣災民新舊額賦展緩湖北沔陽等二十七州縣衛被災通賦

十二月癸丑諭昨因黃恩形違例妄請賞給年老武生職銜飾詞瀆奏市恩邀譽當降旨交部嚴加議處並諭兵部查明定例據奏稱武生武舉年逾六十者停其咨送鄉會試乾隆九年十八年經該部先後議覆將多倫條奏嚴定章程六十以上者不准入場等語茲據吏部照妄行條奏例從嚴議以降三級調用武生符成梅見年八十四歲照例本不應收考黃恩形濫准入場已屬違例且身為大吏止知見好於人擅開例制代乞恩施尤為謬妄黃恩形著即行革職交耆英差遣委用所有該武生符成梅六十以後各科違例送考收考之各學政巡撫並著該部查取職名嚴加議處○調徐廣縉為廣東巡撫以程喬采為雲南巡撫楊殿邦為漕運總督陳孚恩為倉場侍郎由左副都御史選○已未徐士芬以病免以李煌為戶部右侍郎署吏部左侍郎○辛酉尊封 仁宗睿皇帝 如貴妃鈕祜祿氏為 如皇貴妃晉封琳妃烏雅氏為 琳貴妃成貴人鈕祜祿氏為 成嬪○癸亥諭軍機大臣等陸建瀛奏委員查辦邊境遊匪滋事及籌撥經費一摺雲南大小猛統地方遊匪藉稱挾道光十九年客民械鬪之嫌膽敢糾約一千餘人闖入緬甯界內滋事實屬不畏法且難保無另有匪徒勾結遇事挑釁亟應大加懲創見據陸建瀛飭委知府寶俊參將伊昌阿馳往會同鎮道查辦並飛咨署提督察看情形親往督剿李星沅見已抵任著即督飭該員等趕緊拏拿實力勦辦務須迅速蕪事淨絕根株毋使滋蔓其所請經費著准其於邊費項下動撥銀一萬兩解往備用如竣事較速仍即繳還庫貯至署提督蔭德布如已親往督辦能否勦捕得宜且於此缺是否勝任著李星沅詳細察看據實具奏毋稍徇隱○乙丑諭軍機大臣等本日據李星沅奏原辦回

務大概情形並見在籌勦緬甯回匪一摺雲南漢回積怨報復大而械鬪小而焚劫幾至無歲不有該督著即詳加體察悉心酌辦儘賀長齡從前辦理不善仰著據實嚴參毋稍徇隱至此緬甯之擾與永昌前案有無牽涉並雲州處決人犯突被回匪打奪是否即係緬甯匪徒抑或另有句結均須徹底查明逐一根究回匪張富投誠是否出於真心尤須訪查確實迅速具奏再見在勦辦緬甯匪徒該督即飭臬司普泰前往堵緝如一時未能肅事即著李星沅馳赴該處相機妥辦總期趕緊撲滅毋留後患○以彭蘊章為左副都御史由宗人府府丞遷○丁卯吳其濬以病免以王兆琛為山西巡撫陳士枚為四川布政使周開麒為福建按察使降調甘肅布政使○己巳雲貴總督李星沅奏見查緬匪滋事嚴速勦辦得旨辦此等事切忌諱飾玩愒務當嚴加整飭安速而行勉之又奏謝兼東華續錄 道光五十四 十七

署巡撫恩批當今之弊總在蒙蔽不實處處皆然深堪痛恨卿其努力以副簡任○庚午諭御史德奎奏請釐庶獄一摺京師入冬以來雪澤稀少疊經降旨祈禱迄今未得優霑見在節屆立春農田望澤彌殷朕心尤深焦切茲該御史奏請清查直隸一省庶獄冀得感召和甘因思直隸各州縣得雪未能深透山東山西河南陝西甘肅各省均屬苦於乾旱之區自應一律推廣著刑部堂官督飭承審各司員將見在交部各案認真細心推鞠如有冤抑等情迅即覈辦並將直隸山東山西河南陝西甘肅各省及部中見擬軍流等罪已未到配官常各犯詳查原案擇其情有可原者開單具奏候朕量加寬宥至刑部收禁人犯若因未經定案久繫囹圄疾病顛連情殊可憫著該部審度案情其有問徒以下輕罪人犯及干連待質例應取保候審者立予清理省釋毋稍稽滯此外

尋常案件並著速行審結不得遷延羈禁以示矜恤而迓祥和○召寶興來京賞琦善二品頂帶為四川總督以斌良為駐藏辦事大臣由刑部右侍郎遷○前任山西巡撫吳其濬卒贈太子少保予祭葬○辛未以全慶為刑部右侍郎由內閣學士遷○調周開麒為直隸按察使兆那蘇圖為福建按察使○丙子調鄭祖琛為廣西巡撫徐繼畚為福建巡撫○丁丑琦善奏披楞即英吉利國見戰勝森巴並森巴所屬之拉達克克什米爾地方俱已歸披楞管轄報聞○是月給浙江縉雲宣平二縣水災口糧緩徵浙江甯海等七縣暨屯坐各衛水旱災新舊額賦並青浦等五場旱災竈課○是歲朝鮮琉球入貢○會計天下民穀數除福建省暨臺灣府淡水等七廳縣未經咨報外各省通共大小男婦四萬二千一百一十二萬一千一百二十九名口各省通共存倉米穀三千二百四十九萬三千三百一石五斗六升七合八勺東華續錄 道光五十四 十八

道光五十五

臣王先謙敬編

臣周潤蕃恭校

道光二十七年丁未春正月丁酉朱士達原品休致以唐樹義為
 湖北布政使調嚴良訓為陝西按察使李璋煜為廣東按察使周
 祖植為浙江按察使以宮幕久為江蘇按察使太道遜○辛丑諭
 戶部奏珠爾山開荒地畝請照涼水泉舊案停止認種一律封禁
 一摺吉林一帶地方為根本重地官荒地畝不准開墾例禁禁嚴
 所有珠爾山開荒地五萬六千餘畝除見在招墾地二千六百二
 十六畝既經查明各佃花工本姑准墾種交租外實開荒地
 五萬三千三百七十四畝自應查照涼水泉地畝封禁原案畫一
 辦理著該將軍副都統親往各該處通行查勘此外尚有存贖開
 東華續錄 道光五十五

荒共若干萬畝一律自本年為始各於扼要處所起立封堆永遠
 禁止毋任彼此影射稍涉含混以致有名無實並令各邊口嚴遏
 流民毋許闖入嗣後倘再有展越偷種情弊除該地方官從嚴懲
 辦外定將失察之將軍副都統一併嚴行懲處以肅官常而昭法
 守○壬寅雲貴總督李星沅奏緬匪聚散無常不值勞師糜餉擬
 行團練之法自為衛農即為兵既有裨於邊備仍無藉於軍需
 得旨所見極是妥實相機而行○是月給浙江富陽等六縣衛安
 徽五河等三縣江蘇桃源等五縣衛上年災歉口糧河南河內等
 十三縣水旱災口糧籽種並貸輝縣等八縣倉穀貸陝西葭州等
 三州縣直隸霸州等三十九州縣災歉籽種口糧倉穀緩徵山東
 德州等五十州縣衛直隸霸州等三十九州縣災歉新舊額賦展
 緩浙江富陽等十二縣水旱災通賦山東鹽商課

二月辛亥朔諭軍機大臣等昨據奕湘奏請欽派大臣查勘山場
 一摺已有旨派柏夜等會同奕湘前往履勘矣此案流民越界潛
 往江邊墾田搆舍疊經降旨令奕湘等派員梭查嗣據奏稱擊獲
 各犯分別懲辦並經朝鮮差官眼同委員平毀田舍完結惟原指
 毀江西岸四十二處私墾田地若干畝搆舍若干間居民男婦若
 千名口經此次嚴行驅逐是否實無寸椽尺土仍留該處柏夜等
 接奉此旨務當會同奕湘前往逐細詳查有無不實不盡並如何
 明定章程嗣後不至再有流民潛往搆舍墾田之事尤當悉心妥
 籌務收實效儻敢意存遷就扶同諱飾將來或復經該國咨請查
 辦或別經發覺定將該侍郎等一併治罪決不寬貸至所請東邊
 卡倫十八處應如何扼要設卡派兵稽查自當通盤籌畫務期得
 力著專交該將軍副都統等相度情形妥議具奏毋庸與柏夜明
 東華續錄 道光五十五

訓會商辦理也○壬子 上御經筵○己未諭軍機大臣等李星
 沅奏官兵籌勦雲南回匪情形一摺雲州回寨匪犯拒捕恃險負
 隅不法已極雖據稱殲斃五六百名並捆獻劫囚重犯交出夥犯
 及礮械等件而藏匿寨外勾結人數尚多若非實力痛勦示以兵
 威遷就於目前必致貽患於事後該督等著即嚴飭鎮將激勵軍
 心力加攻勦斷不可因獻出數犯收繳器械數件遂信為賊勢窮
 蹙又復將就了事備官兵甫撤而匪徒滋擾如前豈不又墮奸計
 耶至前次緬甯散匪逃入猛統地方仍當偵探賊蹤速堵緝如
 敢別圖竄擾即移兵練追擊嚴加懲辦提督蔭德布能否實力勦
 辦如有稍涉畏葸退縮不前之處即著據實嚴參毋稍徇隱○壬
 戌雲貴總督李星沅奏緬匪已聞風散匿其拒捕之回匪見督官
 兵上緊勦辦得旨一鼓作氣最忌姑息醜類務盡殲除毋留後患

勉之○癸亥以鄭親王端華為御前大臣○以熙成為內閣學士兼禮部侍郎銜由鴻臚寺卿遷○庚午賀長齡以病免以王簡為河南布政使吳式芬為河南按察使由廣西右道遷○壬申諭致祭 文廟儀注乾隆年間會將一揖之儀奉 旨更正嗣後儀注內如何改定見在自行一叩禮係何年添出著禮部詳細查明具奏○癸酉允陸建瀛等奏挑築六塘河各工○乙亥以內閣學士慶錫為馬蘭鎮總兵官○丙子諭軍機大臣等向來閩海關徵收課稅從無短缺乃自近年以來據報徵收數目每不足額是否敬敷未能認真稽覈或用人不當致有偷漏等弊或任聽胥役串通蒙混種種侵蝕恐皆不免著劉韻珂接奉此旨隨時留心密加訪察如查有前項情弊即行據實具奏斷不准稍涉瞻徇尋奏遵查閩海關稅務雖分六口而廈門一口向居稅額之半廈門販海之船有透北過臺出洋廣撥四項貨船自五口通商以後洋船所販之貨即係出洋廣撥兩項船隻所販之貨以致出洋廣撥二船收帆歇業洋稅日增常稅日絀擬將洋船所占華商進口洋貨棉花布匹出口雜貨等稅撥歸閩海關常稅徵報其洋船進口噸錢出口茶葉湖絲各稅仍歸洋稅徵收下戶部議詳議洋稅撥歸常稅恐洋稅所徵無幾請令於每年洋稅項下撥補常稅銀若干兩酌定數目奏聞從之○丁丑諭禮部奏遵查致祭 文廟禮節除一揖之文業經刪定其見在自行一叩禮係何年添出查無確據等語致祭 文廟典禮攸關嗣後行禮究應如何畫一之處著禮部詳覈妥議再行具奏尋議上得旨除刪去自行一叩禮外餘著照舊儀辦理○戊寅 上啓鑿謁 東陵○免經過地方額賦十分之三○諭行在滿鑾儀使玉明聯順俱著賞穿黃馬褂嗣後滿鑾儀使著承運

為例○是月給河南汲縣等五縣被災口糧並緩徵新舊額賦三月辛巳 上謁 昭西陵 孝陵 孝東陵 景陵 裕陵回鑾○癸未諭李星沅奏官兵圍剿回匪首要各犯續行擊獲勒交餘匪漸就肅清一摺所辦甚好可嘉之至滇省回匪由緬甯竄入雲州句結拒捕節被攻擊獻出重犯復經該督嚴飭密速勒拏首犯即據續獲要犯多名又據回寨續交指拏首犯馬登霄一名餘仍延未交出該提督等復行督勦賊斃無算賊營驚潰該寨粉者等疊次詣營泣訴旋續擊到馬欄海海連升兩犯又設伏生擒馬效青一犯張富已據供被傷致斃著名首惡見已一律殲滅餘匪漸就肅清李星沅調度有方辦理迅速著賞加太子太保銜並賞戴花翎以示優獎所有在事出力文武員弁著擇其尤為出力者據實保奏候朕施恩毋許冒濫○諭李星沅奏遵旨確查原辦回務實在情形一摺覽奏均悉此次殲擒雲州回匪多係永昌前案逸出之犯是該匪等反覆滋擾顯因上屆辦理回務之告病道員羅天池未能詳慎區分率行掩捕以致眾回寒心有所藉口實屬貽誤大局前任雲南迤西道告病回籍之羅天池著即行革職永不敘用以為輕發躁妄者戒賀長齡於羅天池接殺過多託病以去並不從嚴參劾止請撤銷議叙又率准張富等投誠代請免罪種種謬妄實屬辦理不善著一併革職○乙酉 上幸南苑行圍○丙戌耆英等奏英人藉詞被華民欺陵之嫌輒帶領兵船突入省河在十三行灣泊並令洋兵潛上砲臺釘塞砲眼先經委員探詢復前往面見據稱欲往佛山與華民較論並堅請即行進城見在嚴防酌辦○戊子 上還京師○己丑耆英奏此次英人突入省河其堅求不已者尤在究辦佛山毆逐洋人之華民及准伊

等進城二事見已委員馳往佛山將當日在場圍鬧之匪徒關亞
言等拿獲懲辦釋其嫌怨其進城一節亦經委員反復開導寬其
日期其餘所請租地建房等事均經按照條約次第妥辦見在洋
船陸續退出○乙未以壁目為內大臣調李星沅為兩江總督以
林則徐為雲貴總督楊以增為陝西巡撫恒春為陝西布政使劉
源灝為山西按察使由山東鹽運使遷○戊戌耆英等奏洋船一律退出
虎門省城安靜如常○庚子諭從前鄉試回避士子雍正年間會
於內閣另行考試或將試卷另封進呈派員校閱均係出自特
恩並未著為定例迨乾隆年間即經先後停止嗣因御史賈朝棟
率行陳請願徇私當奉 嚴旨將該御史擊交刑部治罪至嘉
慶四年復有御史郭儀長條陳此事經部議准仍奉 特旨駁飭
是回避士子另行考試事屬難行疊奉 聖訓昭垂豈容臣工任
東華續錄 道光五十五 五
意瀆請祝慶蕃見任禮部尚書明知此事早經停止乃因本科回
避士子人數較多獨出己見率行面奏實屬沽名釣譽冒昧瀆陳
著交部嚴加議處嗣後鄉會試回避士子無論人數多少其另行
考試之處並著永遠停止○壬寅諭廉敬等會奏籌議乍了地方
控案設法曉諭一摺乍了為西藏進出要路前因控案未結降旨
令該督等會同籌議揀員曉諭以止爭端茲據奏稱該兩造均有
不合空言開導恐難望其懾服自應勸戒兼施使之迅速就範該
督等業經就商上所屬及土司管轄附近乍了之土兵分飭豫備
揚言進剿使知懼仍專派噶布倫汪曲結布直至乍了向兩造
喇嘛詳晰開導並曉諭夷民隨宜懲戒相機酌辦著即照議妥辦
總期夷情帖服道路常通是為至要再川省無藉棍徒糾搶本名
啞嚕喇因具摺率寫啞匪字樣乾隆年間奉 旨改正嗣後遇有

此等案件著仍遵照改為啞嚕匪犯不得率寫啞字○乙巳諭前
因祝慶蕃以本科回避士子人數較多率請另行考試冒昧瀆陳
當交部嚴加議處茲據該部議以降三級調用因該員任內有革
職留任之案照例即行革任等語祝慶蕃著加恩改為降二級調
用○以魏元烜為禮部尚書賈禎為左都御史調孫瑞珍為戶部
左侍郎轉趙光為兵部左侍郎以朱鳳標為兵部右侍郎由內閣學士遷
○是月緩徵陝西乾州等二十三州縣旱災額賦山西保德等九
州廳縣通穀湖北荊州等五衛貸款
夏四月癸丑雨○丁巳諭鑑以病免以靈桂為盛京兵部侍郎由副都御史遷
○戊午諭軍機大臣等賽什雅勒察奏巴達克山等伯克
前次帶兵擒獲布嚕特賊匪的瓦年及朵斯巴依並未即時獻出
又任聽中途走脫各情今經查詢該夷果以空言塞責詞已遁窮
東華續錄 道光五十五 六
等語夷情貪得無厭若索之太急彼必據為奇貨况的瓦年等釜
底游魂亦不值倡令獻出即此後竟不解送亦無須懸賞向索既
經該大臣等撰給回諭仍著體察情形相機妥辦以消夷釁而慎
邊防○賽什雅勒察等奏披楞即英吉利回語呼為排浪向與音
底接壤見在訪聞排浪已將音底占據駐兵勞普爾地方雖推依
博特克什米爾之歸附與否尚在疑似之間而音底見無總目各
部落多屬排浪其說未必盡皆附會報聞○庚申以載堪為內閣
學士兼禮部侍郎銜由乾清門三○王成雲貴總督林則徐奏由
四川取道前赴新任得旨長途善養以副簡任○己巳以孫葆元
為內閣學士兼禮部侍郎銜由詹事遷○癸酉賜張之萬等二百三十
一人進士及第出身有差○是月貸江西上新昌二縣湖南鳳
凰等五廳縣屯丁苗佃籽種口糧緩徵陝西神木府谷二縣旱災

額賦山西吉州等九州縣進賦

五月庚辰以桂德為左副都御史由通政使遷○癸未諭軍機大臣等

前因給事中朱昌頤奏江省奏報緩徵似未確實當有旨交陸建

瀛逐件確查據實具奏茲據奏稱該省奏報稽遲雖難辦理難免參

差尚非有心弊混各等語江蘇吏治疲玩相循雖據該督查明

上年奏報緩徵尚無不確不實情弊惟事關國計民生以後遇有

災歉該督撫惟當飭屬速詳詳勘並令道府覆勘如有未盡確實

之處即責成藩司抽查重則親往查勘斷不可任聽屬員蒙混稟

報率准請蠲請緩備竟有捏增分數那移地段等弊即行從嚴參

辦以滌積習而重正供又另片奏上年緩缺漕糧無可籌補擬俟

秋成後責令各屬帶徵起運即民力閒有拮据亦當酌量情形分

年展帶等語此項短缺額漕於京倉積貯大有關係既據該督督

東華續錄 道光五十五 七

酌請帶徵起運仍著該督撫認真覈實依限帶徵總期缺額於前

者皆可歸補於後不至有名無實是為至要總之國家歲徵漕賦

於正供外並無絲毫多取小民食德服疇何至抗不交納良由不

肖州縣捏飾弊混該督率請蠲緩年復一年以致京倉存米不敷

支放不得已議行採買並捐米接濟左支右絀伊於胡底儻該大

吏等仍不激發天良力圖補救試問所司何事能勿靦顏耶○丙

戌 御試翰林詹事等官擢王慶雲等四員為一等餘升黜留館

有差○何汝霖丁憂調魏元煊為兵部尚書以賈楨為禮部尚書

孫瑞珍為左都御史山戶部左侍郎遷○丁亥諭向來翰詹衙門遇有滿

洲翰林缺出先儘內班升用內班無人例用外班充補及至考試

詩賦多非素習以致未能前列充補後旋即改官殊非造就人才

本意因思繙譯為滿洲本業均應隨時學習精熟毋稍荒廢見在

每科繙譯會試獲雋者止用部屬升途較隘若將此項人員轉入

翰詹衙門令其專心學習繙譯與各員一體升轉遇有考試翰詹

之年即照向例考試繙譯免致舍其所長用其所短似足以收實

效其如何分缺錄用之處著大學士軍機大臣會同吏部妥議章

程具奏至蒙古繙譯進士以主事用者得缺較難如何疏通俾無

積滯亦著一併議奏以示朕鼓勵人材成就後進之至意○轉李

煌為戶部左侍郎調朱鳳標為戶部右侍郎以黃琮為兵部右侍

郎由內閣學士遷○調陳孚恩署兵部左侍郎以李嘉端為倉場侍郎內

閣學士遷○命文慶陳孚恩在軍機大臣上行走○己丑諭吳文鎔奏

遵旨覆奏漕務情形一摺據查江西省有漕各州縣歷經奏明將

旗丁所得陋規分別裁革飭禁永遠遵行見在旗丁尚無多索自

無庸明定費用章程致滋例外影射之弊著即遵照舊章認真辦

東華續錄 道光五十五 八

理旗丁則責成糧道嚴行約束不准格外索費地方官則責成司

道暨各該知府隨時查察不准格外浮收即地方偶遇偏災尤當

委員確勘加意慎重倘有捏報請緩等弊立即從嚴參辦毋稍寬

貸○丙申軍機大臣會同戶工二部議覆給事中張修齊奏籌裕

庫儲六條一釐定鹽引科則刪減外費清查引目應請敕下各督

撫將見徵科則詳查款數銀數應減應裁外支項下酌定用錢款

目並飭查各省銷引積存數目設法裁清新引如何疏銷足額籌

議具奏一整飭權務應請嗣後賠繳關稅各員於限內交至七成

以上屆期免其革職監追未交之二成餘另作分數予限清完有

官者全扣廉俸見在監追各員家屬交至七成以上亦請釋放帶

欠之數飭令設法措完一釐正常例將京銜與外銜輕重懸殊者

斟酌改定應請將無關選法之從六品光祿寺署正銜起至未入

流翰林院孔目銜止逐加酌定量為覈減一籌裕銅斤應請此後
運員例帶餘銅鑿令交局官為給價收買一酌定勒追例限查應
追應賠各款本有統限又有分限毋庸變例銀數較重未據結報
家產該員廉俸又復無多者應請由該管上司飭追並查取遲延
職名議處仍將本員廉俸停止一年作抵至候補人員及子孫代
賠並無職官之人責成各旗籍按限著追實係力不能完查明取
結分別辦理一酌辦估變逾限應令各督撫查明入官應變各項
責成見任州縣統行予限一年出示招售如實與原估數目不敷
准照時價變完其因虧那查鈔者應令認真查辦毋許隱匿從之
○以道慶為內閣學士兼禮部侍郎銜由內閣侍○己亥論軍機
大臣等前有旨將潘仕成簡放廣東鹽運使因該員籍隸廣東當
經降旨令著英體察情形將有無窒礙難行之處據實具奏茲據
東華續錄 道光五十五 九
覆奏該員籍隸本省其族姻交好多以鹽務營生究屬窒礙難行
因思潘仕成留於廣東以道員差遣該督可收臂指之助惟本省
道員有無窒礙仍須體察情形據實覆奏如果無窒礙俟覆奏後
當降旨以布政使銜充補道員至於何缺相宜何員堪以道缺擬
升鹽運使均著該督察看奏明請旨毋稍遷就尋奏潘仕成充補
道缺似屬未便可否以候補鹽運使留於粵東差委俟修造船隻
及一切事務大定再請旨作何簡用至鹽運使篆務見派委督糧
道趙長齡署理策疲剔弊不遺餘力惟未敢擅行擬升得旨潘仕
成著以候補鹽運使仍留廣東交著英差遣委用所遺鹽運使員
缺著趙長齡補授○添設廣東虎門專汛額外委一○丁未以
何桂清曾國藩俱為內閣學士兼禮部侍郎銜何桂清由大常寺
卿曾國藩由翰林
院侍講○是月緩徵山西解州等二十五州縣旱災額賦並展緩

東華續錄 道光五五

垣曲縣雹災通賦
六月辛亥定繙譯進士轉補翰詹章程○丁巳召存興來京以劉
喜海為浙江布政使張集馨為四川按察使由陝西○添建廣東
高要縣屬琴沙礮臺並虎門廣濟墟兵卡○戊午著英等奏英人
租地建房等事見經委員覓地妥為商辦並責成地方文武及紳
士等勸諭居民俾各相安○戊辰論軍機大臣等各直省錢糧出
入歲有定額以額相準定為請留留備留協之分其贏餘銀兩仍
於春秋二撥案內悉數撥解部庫以備支用法至善也乃近年留
協省分屢有咨請改撥之事部庫待用孔殷每次各省改撥之款
皆例應解部之銀非以綢緞為詞即以留支藉口殊不思水旱偏
災事所難免各省支款無歲無之何以從前改撥之案尙少近則
日多一日前數年軍務河工需用緊急不得不權其輕重量為改
東華續錄 道光五十五 十
撥而各該省持有成案可循幾至年年演請若不及早示以限制
於京餉大有關係且恐各該省於應徵應解之款易啓那移虧空
等弊嗣後著留協省分各督撫於戶部例撥及因案指撥各款務
須激發天良認真籌辦不得因向有改撥成案率行援引瀆請並
著督飭藩司派委妥員照數按期迅速起解如仍前撥案聲請改
撥查有不實不盡情弊以及起解遲延即著戶部據實嚴行參奏
以裕經費而符舊章○丁丑論禮部奏酌議旌表建坊章程等語
嗣後各該部隨案請旌之烈婦烈女及年終彙題內之烈婦烈女
均著建立專坊以示獎異餘俱著入總坊年終彙題並著各該督
撫等於題本內聲明彙建總坊字樣用昭區別○是月緩徵山東
臨清等二十八州縣暨德州等四衛河南鄭州等十七州縣被災
新舊正雜額賦

六九七

東華續錄

道光五十六

臣王先謙敬編

臣周潤蕃恭校

秋七月己卯諭軍機大臣等本日據都察院奏雲南回民丁燦廷等控告香匪串謀滅殺無辜一摺已明降諭旨交林則徐等審辦矣此案控關奸匪挾讎尋釁串謀倡亂被害至一萬餘命之多如果屬實必須徹底根究水落石出庶足以服難民之心而除地方之害林則徐程喬采甫經到任無所用其回護著即平心研鞠毋枉毋縱務將棍徒會匪嚴行查禁首惡各犯從重懲辦以紓積憤而快人心儻係從前辦理不善不得因案已將就了結顛預塞責遂將萬餘人之屈抑鬱而不伸代人受過已屬不可況數萬生靈之沈冤身為大吏者竟置之不問耶尋奏丁燦廷等在京控訴係東華續錄 道光五十六

指二十五年九月初二永昌七哨漢民將城內回民槩行擅殺之事所稱八千餘口之數覈與賀長齡原奏四千餘人之語不符案查賀長齡於二十五六年將該處漢民蕭林貴楊老九等問擬斬梟奏辦在案其辦理不善之道府亦經奏參回民仍以懲辦尙少歸咎於官其實九月初二前後回民兇橫尋鬪各情亦何嘗在情理之中臣等見飭文武彈壓化導將永昌順甯等處絕產逃產悉數清釐漢民回民設法招復責令回漢中紳耆互相約束永禁侵陵至於棍徒首惡嚴密兜擒斷不敢養癰貽患得旨秉公辦理永靖疆圉爲要○乙未諭前據回民丁燦廷等控告香匪萬重劉書等串謀滅殺無辜已交林則徐程喬采親提嚴訊矣此次復據雲南回民杜汶秀控告匪棍劉書等挾嫌藉端誣告從逆致被殺殺搶掠迫招撫回籍後又被殺害多名等情匪棍擾累無辜大爲

地方之害必應嚴切訊究從重懲辦著仍交林則徐等親提人證卷宗秉公嚴訊按律定擬具奏將匪徒查禁要犯嚴懲以紓積憤而快人心原告杜汶秀劉義該部照例解往備質尋奏先後遵旨查拏匪犯共計四百三十餘名均陸續審明分別凌遲斬絞遣軍流徒等罪名奏聞在案茲將京控名單與已辦人犯姓名互相核對已經辦罪者六十六名除凌遲斬梟斬決各犯不便稽誅已於未審京控之前業經處決外其餘定擬監候及遣軍以下人犯亦經提到原告丁燦廷木文科杜汶秀劉義等四名逐一質對該原告均極輸服續獲之黃潰一犯會爲勒休知州恒文服役膽敢附和哨匪刃斃人命復將婦女擄藏又縱練丁擄掠應比照謀叛斬立決律擬斬立決加重梟示審明後即恭請王命將該犯處斬梟示至單開各犯屢訊堅供並未燒香爲匪該原告等亦供並未認識不能指出爲匪確據者自應分別釋回其有實會戕殺回民而該原告轉未控及者亦先後併獲多人俱訊明正法統歸入哨匪案內錄供報部原告丁燦廷等控詞均有失實之處本應照申訴不實律定擬姑念其均已被害情殊可憫應請免其責處至黃潰一犯係勒休知州恒文之家人即使並未縱容亦屬昏憤不職且該員係與已革道員羅天池同辦此案羅天池業經奉旨革職永不敘用該員事同一律僅予勒令休致不足蔽辜相應請旨將勒休知州恒文一併革職得旨恒文著革職永不敘用以示懲儆○癸卯諭鄂順安奏豫省缺雨災民亟應籌款賑恤一摺已飭戶部速議具奏矣因思河南兩次大工之後元氣未復民鮮蓋藏當此苦旱異常小民顛沛情形不忍設想若待該部籌議章程恐緩不濟急即使撥運近省庫款亦覺難救然眉朕焦灼之餘幾廢寢饋

著戶部即由銀庫先發給十萬兩星夜迅速解交河南暫應急需
並著戶部於該省鄰近省分迅即籌撥有著銀二十萬兩飭令該
督撫專派委員迅速運往以備賑撫之用該撫惟當宣示德意設
法籌畫所有賑撫一切事宜悉心妥議務令災黎得所實惠均霑
該地方官多盡一分之心即多活一人之命用副朕速沛恩膏惻
瘻在抱至意○甲辰江蘇巡撫陸建瀛代贈禮部尚書銜秦承業
孫宗瀚等奏謝伊祖賜諡追贈恩得旨覽奏景慕落淚書齋風况
猶在目前嗚呼吾師終身繫念不能忘也○是月緩徵陝西乾州
等十五州縣歉收額賦

八月丁未朔諭本年河南省開封等府屬雨澤稀少二麥歉收疊
經加恩撫恤昨又據鄂順安奏到該省亢旱異常報災幾及通省
當即降旨飭戶部發銀十萬兩並於鄰近省分籌撥銀二十萬兩
東華續錄 道光五十六 三

星速解往備賑著領解各員無分晝夜迅解該省驗收毋得延誤
干咎因思赤子何辜流離失所轉徙溝壑實堪憐但既已失經
理於先必應善補其於後雖曰天災流行然人定亦能勝天朕即
欲特派大臣前往撫輯恐該地方官轉致置身事外儻有掣肘便
覺屯膏當此喫緊之時豈容一隙開推諉之漸况鄂順安身為大
吏豈不知救荒愛民特恐派委不得其人或不肖官吏從中剋扣
種種弊竇不可不防著該撫督同司道悉心籌畫加意撫綏多方
訪求救荒良法定立章程派委委員分赴各屬賑濟備訪有貪劣
委員奸猾胥吏營私中飽立即從嚴懲辦總期荒村僻壤下戶流
民無一夫不霑實惠方為盡善盡美朕於此事夙夜縈懷無論何
時特派大員前來查訪如有饑民載道或有控告官吏侵吞及有
向隅窮戶未霑恩澤者必將該撫及司道重處其不肖各員加等

治罪言出法隨決不寬貸懷之慎之○己酉諭軍機大臣等吉明
奏賊匪滋擾大槩情形並派兵剿捕一摺覽奏均悉本日已降旨
將奕山補授葉爾羌參贊大臣矣安集延賊匪出擾盜搶卡倫馬
匹並竄入回莊劫掠戕害伯克經該大臣等派兵前往剿捕大有
斬擒餘匪見已竄逸出卡該匪等裹脅多人肆行搶掠雖已奔逃
四散難保不藏匿各莊希圖糾約復出滋擾著該大臣等嚴飭將
弁及守卡官兵等不必出卡窮追按捕務須嚴密防守卡倫實力
偵探是否實有和卓密查據實速行具奏毋得稍有含混○庚申
命江蘇籌辦糧石賑河南災民並諭鄂順安招商採運○癸亥以
溫子異為直隸布政使陸元煥為江西按察使由長蘆鹽運使調○周祖
植以病免調周開麒為浙江按察使以龔裕為直隸按察使由清

運○甲子諭布彥泰馳奏喀什噶爾回匪滋事見在撥餉調兵籌
東華續錄 道光五十六 四

剿一摺據稱喀什噶爾卡外安集延布噶特糾約本地回子屯聚
城外尋釁肆擾該督見已咨會提督先行帶兵出關一面督兵親
赴肅州照料調度並豫調官兵籌剿等語安集延等回匪性類犬
羊反覆靡常膽敢煽結近城回眾因擾城垣藐法已極必應速伸
天討以靖逆萌而安邊徼布彥泰著授為定西將軍軍務一切悉
聽節制奕山著作為參贊大臣襄辦軍務均著頒給關防其所需
軍餉即著由陝西甘肅兩省藩庫分貯項下動用支發該將軍等
務宜激勵將弁除暴安良一切相機剿辦迅速肅事俾根株淨絕
邊圉肅清以副朕望○河南巡撫鄂順安奏省城見得透雨得旨
稍蘇我中州萬姓實深寅感各屬有續報者到時據實奏來○以
麟魁為禮部右侍郎由烏里雅蘇台參贊大臣調○戊辰諭軍機大臣等琦善
等奏據廓爾喀國王之子稟稱揀派噶箕等呈進貢物及該嗣王

襲爵緣由一摺又另片查開廓爾喀王向蒙賞給寶石頂帶成案覽奏均悉廓爾喀國王之子已遊伊父印書襲爵見在揀派噶實呈進貢物足見恭順輸忱惟據稱尚有面稟苦楚求祈教導之事難保別無妄瀆既據該督等頌給檄諭俟該噶實等到藏時即當曉以大義杜其妄念如別無妄求著即宣示恩旨賞給該嗣王寶石頂帶令其恪守藩服斷不可別生枝節是為至要○壬申以雲龍為甘肅按察使由安肅○甲戌諭戶部奏積欠案內未完各款請旨飭催等語各省應追應扣應估變各項均屬帑藏所關不容稍有虧短前經降旨飭令各省督撫認真嚴催毋再懸宕茲據戶部查明各省新舊統共未完銀有六百三十餘萬兩之多制錢糧石積欠亦復不少細查各款欠項皆係有著不解何以舊者延宕新者踵增陳陳相因伊於胡底當此國用孔亟之時該督撫等全東華續錄 道光五十六 五

不以國事為重因循玩愒積習相沿殊屬不成事體所有戶部單開各項除河南省民欠馬儀工價見值災荒暫緩查辦外其餘各省欠項著各督撫督同司道認真查明已完扣者迅即報撥未完扣者勒限提催如有屢催罔應及已報徵完而延那不解者立即專摺嚴參各該屬員自願考成豈敢不急公輸納總緣各該督撫等或礙情面或視為通行具文討好屬員博取寬大之譽左藏匱乏何以度支著再諭各直省督撫務當破除積習激發天良將逐款陸續嚴催解部年終之時朕將飭部稽查某省自降旨飭催後已完若干未完若干勤惰攸分黜陟所繫毋謂訓誡之不早也○諭前因豫省災荒亟應籌款賑恤曾降旨發給銀三十萬兩因思河南被災甚廣億萬赤子嗷嗷待哺若全待分款撥解仍恐緩不濟急無以速拯災黎著再行先發廣儲司銀二十萬兩造辦處銀

十萬兩星速解交該省以備賑撫之用此外仍著戶部再行籌畫銀三十萬兩就近撥解應用該撫即嚴飭承辦各員激發天良實認真散放務期實惠均霑勿令一夫失所當此經費支絀之時朕不惜內帑以延民命該省紳民殷戶諒念切桑梓必有推解恐後者該撫其善為拊循勸誘之毋失朕望○諭軍機大臣等本日據薩迎阿等馳奏飛咨撥兵起程並各城辦理情形一摺另片奏傳聞逆首係由霍罕逃出滋事等語又據鍾方等奏籌備官兵過境鹽糧車歇等項情形一摺覽奏均悉昨經降旨令奕山督兵迅速進剿並諭布彥泰行抵肅州時察看情形酌量進止見據薩明阿等查明喀什噶爾存城官兵不下三千餘員名並城內居民甚眾如果調度有方戰守皆資得力奕山計本月下旬總可行抵阿克蘇自已帶同各兵前進著仍遵前旨迅速進兵趁勢痛加剿辦東華續錄 道光五十六 六

勿使蔓延毋庸會商布彥泰至布彥泰則須斟酌情形備賊勢必須併力攻剿自應出關如該回匪僅因偏迫肆掠則不久自散仍以安駐肅州居中策應為妥所有阿克蘇阿奇木伯克愛瑪特捐備軍需等件著事竣奏明施恩再巴爾楚克為南四城門戶且與樹窩子相連地方緊要毋令失機此次賊匪內傳述有逆夷張格爾之弟巴布頂之子倭里漢條列和卓在內由霍罕逃出滋事道路之言實難憑信總之金底遊魂無關緊要如能就獲固可立正典刑即或逃匿此種醜類必遭冥譴斷不可贖武窮兵以必得首逆為快免得許多影射貪功之念總期迅速肅事早撤糧臺為要至鍾方等奏籌備官兵供支豫為妥辦諒早咨會應否調遣不為遵制悉聽隨時酌辦飛咨辦理○丙子諭軍機大臣等本日據吉明等奏英吉沙爾城垣被賊圍困派往救援官兵中途遇賊得獲

勝仗派兵接應並動項支發官兵鹽菜口糧請撥銀接濟各一摺
覽奏均悉據稱七月二十七日有賊匪二三千人圍城放火經我
兵開礮擊退旋經帶兵遊擊花沙布等殺斃賊匪不計其數賊兵
敗後復聚眾圍城請調兵接應等語此次賊匪圍困英吉沙爾雖
人數眾多俱係裹脅烏合之眾其賊首名目無非聳人聽聞藉此
易煽良回安可盡信見在伊犁等處官兵計已陸續到齊奕山正
可乘此銳氣一鼓殲滅務令片甲不回方足以儆將來而靖邊圉
奕山係棄瑕錄用之人此次如能殲滅血誠早告成功不僅稍贖
前愆尙可恩施格外正是奕山立功之秋朕惟知賞功罰過其各
懷遵至關外之兵儘數調遣布彥泰著仍遵前旨暫駐肅州居中
調度無須妄動所有備調之兵可止則止各路糧臺可撤則撤吉
明等請於陝甘撥銀十萬兩解赴葉爾羌以資接濟此次軍需均
東華續錄 道光五十六年七月

種種竭蹶情形幾以不誤重運爲僥倖之事毫無把握可知見在
節逾寒露水勢漸消著漕運總督及沿途各督撫分飭所屬嚴行
催趲務使各省回空軍船連檣南下街尾進行不准片刻停泊庶
幾以速補遲如期歸次至來年新漕轉瞬屆臨尤當趕緊辦理按
限兌開統限於四月初十日以前全數趨至清江剋期抵壩以便
渡黃北上毋許稍有延誤儻意存怠玩視爲具文各口淺阻之處
並不先事挑挖仍致臨時周章有逾例限定將該漕督及各該督
撫嚴行懲處決不寬貸○命文慶張澧中往河南查賑○辛巳諭
本日吉明舒興阿由六百里馳奏續派接應官兵協同前派官兵
中途遇賊合力攻擊大獲勝仗一摺覽奏忻悅葉爾羌前次派往
救援官兵中途遇賊已有斬擒因賊勢太重續派官兵馳往接應
該大臣等恐軍行遲緩即派署把總馬連科執持令箭沿途催趲
東華續錄 道光五十六年八月

次派出官兵伯克等著查明開單具奏候朕施恩其陣亡帶傷兵
 丁著查明咨部照例辦理○諭軍機大臣等前因回疆賊匪滋事
 關外之兵足敷防剿會疊經降旨停調關內官兵令奕山督兵進
 剿布彥泰暫駐肅州策應本日據布彥泰奏接奉授為定西將軍
 諭旨刻即起程請飭籌撥銀兩各一摺又據吉明等奏續派接應
 官兵協同前次官兵合力擊賊大獲勝仗賊眾奔竄及見移兵駐
 紮要隘一摺又據扎拉芬奏片奏截留伊犁滿洲三營官兵赴葉
 爾羌應援及辦理軍需支應各等語已明降諭旨將吉明等優加
 賞敘並令布彥泰駐紮肅州策應督率司道辦理糧臺務以增仍
 回陝西巡撫本任矣關外救援官兵疊獲勝仗大兵一到自可立
 予殲除布彥泰既不出關則奕山專司進剿儻有須接應之處並
 著吉明後路應援以壯聲勢仍會同商辦進剿之方毋失機會布
 彥泰著仍遵前旨居中策應俟楊以增將總督關防交還時所有
 定西將軍印除已行文鈐用外著暫行封貯勿用仍用陝甘總督
 關防辦理一切其所帶官兵一千名與台湧見帶官兵一千五百
 名著酌量情形可止則止其選派涼州肅州各營兵即著停止前
 進至土爾扈特兵丁據布彥泰奏向為回眾所畏亦著奕山察看
 情形分別進止賊眾煽惑回民妄稱逆裔無論有無皆不可信奕
 山務當堅持定力徧諭軍民為要所需軍餉已由戶部籌撥銀百
 萬兩著樽節動用毋令稍滋糜費關內糧臺原為轉輸關外軍餉
 馱載而設但目下情形豈能照六年十年光景動云數百萬兩
 著仍遵前旨加意籌畫可撤則撤以節虛糜吉明等奏紮營之處
 向有水塘足供千人汲飲被賊堵塞來源夜間水復暗長此皆我
 將士忠義之氣所感著該大臣等於事竣後酌量如何仰酬神貺

妥議具奏○布彥泰奏出征官兵請支用車輛以利進行得旨著
 不准行○甲申諭直隸山東河南官吏會拿捻匪○以捐助河南
 賑務予刑部侍郎周祖培等議敘有差○癸巳諭軍機大臣等本
 日據鍾翔等奏卡外布魯特比愛吉伯克遣人呈獻逆信一摺據
 稱見因喀英二城被賊圍困業經派章京譯寫飭諭傳知卡外
 附近各伯克使知從逆難免殲戮務各保全身家勿被煽惑旋據
 奇里克愛曼布魯特比愛吉伯克差人呈遞逆夷倭里漢條列所
 寄密信令其糾結攻城等語又據胡什奇愛曼布魯特比木薩拜
 遣人稟稱倭里漢條列差人糾約情詞相同該布魯特比等世受
 深恩未肯從賊尙知嚮風效順業經該大臣等賞給段匹茶葉等
 物微示獎勵是所傳密信雖未足據而該伯克不甘從逆確有可
 徵自應加等施恩為各城伯克之勸著奕山沿途體察廣為宣示
 不必遽以各處所傳書信為真而伯克等不為所搖惑者將來必
 邀重賞所有此次恭順之愛吉伯克木薩拜應如何從優恩獎之
 處即行據實奏聞○乙未諭軍機大臣等本日吉明舒興阿由六
 百里馳奏喀什噶爾英吉沙爾兩城平穩情形一摺又另片奏官
 兵兩次轟擊賊匪疊獲勝仗等語據稱前次大獲勝仗之後茲於
 八月初一初二等日賊匪在英吉沙爾城南築立礮臺晝夜望城
 攻打經領隊大臣德齡派令中城兩營守備楊成義與貴帶領精
 兵奮勇出城剿賊我兵施放槍礮擊斃賊匪多名乘勢將其礮臺
 拆毀復殺賊數名奪獲器械並有賊匪經我活捉者連前次擊獲
 從逆之回子一併正法梟示又初六初七初八等日該匪等仍將
 礮臺築起我兵拆毀擊殺如前獲械斃賊較前十倍賊眾始行潰
 散該大臣德齡兩次派兵出城俱獲勝仗於大兵未到之前即已

大振軍威俾賊膽落實屬調度有方該守備楊成義與貴所帶兵勇不過數百名即能衝鋒禦敵所向無前尤屬驍勇可嘉之至德齡著賞帶花翎並交部從優議敘楊成義與貴均著以都司卽行補用並賞帶花翎以示嘉獎發去花翎三支著德齡等祇領兩次出力官兵民勇著查明開單具奏陣亡兵丁三名帶傷兵勇二十餘名均著查明咨部照例辦理○以山東麥收歉薄命各屬改徵粟米○丁酉諭兩江總督向來有兼轄河務之責自道光二十二年起因他務未能兼顧嗣後仍著該督兼管以符舊制○戊戌諭軍機大臣等本日先據奕山奏賊勢日加緊急擬卽進兵並分咨各處策應續據布彥奏奏催令台湧帶兵迅速前進又據吉明舒與阿奏賊匪滋擾軍臺經換防官兵擊散臺路復通又據鍾翔與貴奏偵探賊匪情形各一招覽奏均悉此次賊匪連次圍困喀英

東華續錄

道光五十六

上

俾逆賊片甲不遺或揚言大路進兵而暗從捷徑兼程超越聲東擊西使該逆腹背受敵亦可取勝賊首條列和卓據鍾翔等稱探得右手背有黑記一塊較易辨認尤不難暗諭兵勇著眼兜擊以除逆種所有鍾翔等差往偵探之布魯特頭目密爾雜胡里等並此次在賴里克二臺擊賊出力之涼州營弁兵均著奕山等會同鍾翔與貴查明保奏候朕施恩陣亡守備馬興魁千總蔡耀宗均著咨明該部議卹傷亡兵丁一併查明咨部照例辦理奕山接奉此旨時如賊匪業經擊散可無須再行接應卽酌量情形分別應止應撤事宜不可輕率備後路兵單慮無接應則台湧見帶兵勇三千餘名布置得宜首尾相顧儘敷攻擊佇望成功總之用兵於萬里之外朕固不能懸揣亦不肯遙制全在奕山等胸有成竹欲進兵時先籌全局若僅以驅逐爲事則該回正當飽颺之時大兵

東華續錄

道光五十六

上

由樹窩子潛出擾掠適那特三臺並阿爾格爾四臺燒毀房屋殺斃臺兵搶去馬匹旋即竄去計此時奕山自阿蘇統兵前進成玉所帶官兵當亦到齊與奕山會同進剿軍威大振不難淨掃妖氛惟所稱該匪等甫經擊散旋出滋擾一日之間連燒兩處軍臺又稱有馬隊賊匪究竟該處止係匪徒乘閒竊發抑竟係喀城賊黨長驅而來見在該匪等又馳赴何處著奕山等查探明確遇便具奏其伊犁派出喀什噶爾換防滿洲三營官兵即著催令趕緊抵防以資援應惟路隔萬餘里調兵四路紛紛諭旨到時已非遙揣所能定計該參贊等務當恪遵本月二十五日所寄諭旨統籌全局盡力攻擊兜剿成擒毋令軍餉空糜止成尾追驅逐之局將來兵撤再有滋擾豈不憤懣耶薩迎阿所奏札委換防回任之陝安鎮總兵豐伸馳赴巴爾楚克統領各官兵遣勇嚴密防堵著奕山東華續錄 道光五十六年 十三

等酌量情形何處空虛即調駐何處接應不可株守誤事所請於山西陝西兩省藩庫內趕緊籌撥銀兩解赴阿克蘇之處前已由部飛催起解茲又諭知各該撫遵照辦理並由戶部再籌款豫撥聽用但羅掘之餘實形支絀急盼捷音該將軍等務當將日後情形豫為計議及事至而始圖之恐糜費已不少矣勉之○是月給河南禹州等四十一州縣旱災口糧蠲緩直隸安州等三十六州縣水旱災電災新舊額賦

冬十月戊申諭御史張寶璿奏州縣吏役縱匪殃民請飭查懲辦一摺州縣為親民之官遇有匪徒擾害地方自宜嚴拿懲辦以安良善乃如該御史所奏各省有會匪捻匪掖匪名目聚集橫行魚肉良懦及事發控告又為吏役蒙蔽置不問縱匪殃民莫此為甚各省督撫受恩深重一切安民察吏應如何認真講求乃於各

該州縣縱盜害民置若罔聞總以塗飾將就為事是受屬員之欺而即以欺上身為大吏置國計民生於不問天良安在耶嗣後各直省督撫務當嚴飭各該州縣偵緝匪徒漸絕根株並嚴定章程如該州縣有衙臺包庇惡匪被民人指名控告一面申報一面擊辦免其察議備隱匿不報別經發覺即將該州縣從重參處再遇有民人上控匪徒擾害情節重大者若仍批回原審之員則小民受虐愈酷該督撫酌量親提派員嚴審訊有吏役庇護蒙蔽情事即將吏役等加等治罪並將該地方官嚴行參處該督撫等務當破除情面以除莠安良為心毋得藉口積重難返畏難苟安使吏治民風蒸蒸日上朕所望也經此次訓諭之後儻仍泄沓從事不能興利除害覲顏坐鎮封疆縱倖免朕之譴責其將何以對此小民乎○己酉諭京師及各省編查保甲○辛亥賜李信等六十八人武進士及第出身有差○戊午諭軍機大臣等寄諭欽差戶部左侍郎柏葰等有人奏山東玩縱盜賊情形一摺據稱山東各州縣盜賊搶劫之案層見疊出該州縣諱匿縱容動輒賠銀了事甚至督同擊賊之官親兵役被賊槍傷斃命不敢直報總由大吏彌縫粉飾惡聞報盜所致巡撫崇恩統轄全省何至毫無見聞其平日之不知振作已可槩見所稱臬司徐思莊示諭居民有巨盜進莊勿許驟攫其鋒止許跟蹤尾捕俟其氣餒力困然後兜擊等語是其不能設法督緝措置乖方莫此為甚著該侍郎等按照原奏各情節逐一訪查明確據實參辦毋得稍存瞻顧徇隱之見致有不實不盡是為至要○己未准江蘇蘇州等三府州明年漕白糧米改由海運○辛酉諭軍機大臣等陸費環奏訪鞫糾黨結會匪犯情形一摺湖南新甯縣屬與廣西全州交界之黃坡崗地方有

猶人雷再浩民人李輝陳名機糾黨結會希圖搶掠並有居住全州五排梅溪口等處之猶人蕭立山等糾人入夥情事迫經兵役捕拏並地方紳民帶領壯丁隨往幫捕復敢逞兇抗拒傷斃鄉民實屬罪大惡極若不上緊緝拏全獲必致日久蔓延該撫見已飛飭文武員弁選帶兵役馳往督拏並於新甯縣接壤各處就近派兵堵緝卽著嚴飭認真究拏毋稍疏漏並著廣西巡撫鄭祖琛嚴飭全州文武員弁一體實力防堵務將蕭立山等上緊嚴拏並各逸犯案名全數弋獲盡法懲辦不准一名漏網該撫等務當嚴飭所屬不分畛域合力搜捕立盡根株○乙丑 上閱健銳營兵○諭劉韻珂奏履勘臺灣水沙連六社番地體察各社番情據實覆奏一摺當交大學士軍機大臣會同該部悉心計議茲據穆彰阿等公同酌覈以該生番輸誠獻地固由不諳耕種謀食維艱欲求東華續錄 道光五十六 十五
內附以爲自全之策惟利之所在日久弊生番合壤而居不能不與漢民交易日後官吏控馭偶或失宜卽易激生事端國家開闢邊境計畫必周與其輕議更張而貽患於後不若遵例封禁而遇利於先所議自係籌及久遠未肯遷就目前且此項番地舊以土牛爲界乾隆年間復立石碑例禁禁嚴自應恪遵舊章永昭法守該督所請六社番地歸官開墾之處著毋庸議○丁卯諭前據御史王東槐奏山東地方官玩縱盜賊措置乖方各情形當交柏校嚴密訪查茲據柏校等奏稱訪查該臬司刊刻告示一本與該御史所奏相同並將編查保甲司道聯銜札示一併呈覽保甲之法原爲弭盜良規乃平日既不能實力奉行及至盜匪充斥僅託空言全無實效巡撫有統轄全省之責司道等亦職在察吏安民於該省緝捕重務先事不豫豫防臨事復不能妥速籌辦以致延

及鄰省所司何事實屬咎有應得崇恩王篤徐經王懿德英桂岳齡均著先行交部嚴加議處至臬司徐思莊告示居民則稱巨盜進莊止許鳴鑼集眾勿許驟搜其鋒賊去始令追捕並有以縱爲擒以予爲取之語其意何居實屬荒謬不通之至徐思莊著卽行革職御史王東槐陳奏得實著遇有給事中缺出卽行升補仍交部議敘○諭軍機大臣等柏校等奏查辦事件先行奏聞一摺覽奏均悉據奏中途查訪賊匪巢穴詢得山東曹州府與直隸開州東明縣接壤地方實有計謀山俗稱鷄鳴山距開州東明約三百餘里前年有匪徒占踞將寺僧殺斃自立名號四出劫掠見雖有因拏逃竄之說未必確實著崇恩派文武員弁迅卽前往該處嚴密查拏此地界連三省並著訥爾經額鄂順安嚴飭所屬於該省交界地方協力堵截欲清匪迹必須先搗巢穴若僅委之差役東華續錄 道光五十六 十六
緝捕虛應故事儻該匪等稍有恣橫反費周章著該督撫等遴派妥實員弁酌帶兵丁密偵搜捕分投究緝務令悉數就擒毋任一名漏網以靖奸宄而安良善○調劉源灝爲山東按察使以明詔爲山西按察使由甘肅鎮○戊辰諭本日奕山由五百里馳奏路遇賊匪連獲勝仗一摺葉爾羌所屬科科熱依瓦特地方有賊匪數萬在該處屯紮該參贊督領官兵趕緊前進行走開馬步賊匪數萬蜂擁前來槍礮並發勢甚兇猛該參贊將馬步隊分爲三路中路提督成玉率領步隊施放連環槍礮賊匪不能前進分左右來衝復經左翼領隊錫喇布等右翼領隊忠泰毓書等率領馬隊擡礮槍箭並發賊匪披靡敗走我兵向前追趕賊匪左右伏兵來衝復分兵迎擊賊匪力不能支隨卽竄逸追至科科熱依瓦特地方賊匪復整隊來迎我兵奮勇向擊自午至申賊匪槍礮不繼

又復潰散先後生擒賊匪八十餘人傷斃不計其數獲槍礮刀矛
 旗纛駝馬帳房無數並獲大礮一尊該匪蟻聚數萬餘人經該參
 贊等督率兵勇奮力前擊一日三戰以少勝多奮勇可嘉朕心欣
 慰之至奕山著賞給二等鎮國將軍賞戴雙眼花翎並賞給喜字
 玉搬指一箇白玉翎管一箇仍交部從優議敘提督成玉著賞戴
 雙眼花翎並賞給烏勒興額巴圖魯名號領隊錫喇布著賞給呼
 爾敦巴圖魯名號忠泰著賞給齊琛巴圖魯名號領隊毓書著賞
 給頭等侍衛均著交部從優議敘協領西喇那吉魯木齊固呢杭
 阿並在事尤為出力員弁著該參贊查明保奏候朕施恩至署阿
 克蘇辦事大臣扎拉芬泰辦理糧臺源源滾運應需軍火口糧一
 切無誤亦著加恩賞戴花翎仍交部從優議敘○庚午諭奕山奏
 大兵復獲勝仗賊匪分竄英吉沙爾城垣解圍一摺英吉沙爾城
 東華續錄 道光五十六 七
 垣久被賊匪圍繞文報不通經奕山於科科熱依瓦特地方連獲
 勝仗後督率官兵長驅直進馳至距英吉沙爾三十餘里地方忽
 有賊匪數千人自山後突出該參贊飭令提督成玉率領官兵一
 同向擊槍礮齊施該賊匪被擊傷斃不計其數餘匪逃竄復經領
 隊錫喇布等帶領馬隊追趕直至英吉沙爾城西山梁賊匪向西
 竄逸官兵進城該參贊等乘勝長驅重圍立解殊為可喜奕山著
 加恩賞給喜字白玉搬指一箇喜字白玉翎管一箇黃辦珊瑚豆
 大荷包一對小荷包二箇並交部從優議敘奕山之子三等侍衛
 載鸞著加恩賞挑乾清門提督成玉領隊西喇布忠泰毓書均著
 加恩各賞給白玉搬指一箇白玉翎管一箇俱交部從優議敘忠
 泰並著加恩賞挑乾清門各協領並在事尤為出力員弁著奕山
 查明保奏候朕施恩○壬申諭廉敬等奏乍了大小喇嘛震懾天

威退還侵占地方情願當差出具永不翻悔甘結地方平靜驛路
 通衢並分別革職治罪結案一摺此案乍了大小喇嘛挾嫌殘殺
 爭控不休甚至阻滯官兵梗塞道路經廉敬琦善等遵旨專派番
 目等前往該處按照敕書經典嚴行查訊該大小喇嘛等咸知省
 悟情願痛改前非出具甘結當將占據地方退還各頭目分別定
 罪俾各恭順當差不至仍前抗違所辦妥協可嘉之至所有前次
 派令查辦此案之四川委員宣瑛姚瑩於投遞稟稟輒用漢文札
 飭以致得所藉口辦理本屬疏略均著交部議處此後各該呼圖
 克圖遇有事件徑稟駐藏大臣嚴辦不准文武員弁干預即呼圖
 克圖出缺亦毋庸另委代辦其頭目止准擇人不得互相襲充以
 息爭訟而杜夤緣餘著照所擬辦理○癸酉諭本日據奕山馳奏
 喀什噶爾賊匪分竄城垣解圍並收復回城一摺該參贊於兩次
 東華續錄 道光五十六 六
 擊散賊匪後督兵由英吉沙爾前進未到喀什噶爾即探知該賊
 匪先已聞風竄逸盡數逃散出卡官兵整旅入城見在搜查回莊
 餘匪等語此次回匪入卡滋事本係烏合之眾喀什噶爾雖被圍
 困並未逼近城垣經奕山等督兵赴援兩次擊散賊匪卡內肅清
 勦辦尚為迅速奕山等屢經降旨加恩所有先後出力各員弁著
 查明據實保奏至喀什噶爾城本堅固當賊匪入卡滋事時該城
 大臣開明阿等坐擁重兵先事既失防範臨時又復退避所統滿
 洲綠營官兵臨陣推諉致誤事機及至城垣被圍存城官兵尙有
 三千餘名之多未能遣兵出城衝擊坐守待援一籌莫展庸懦無
 能實屬可恨開明阿豐伸泰著即解任由奕山派委委員解交布
 彥泰嚴審確情定擬具奏喀什噶爾辦事領隊大臣著毓書暫署
 換防總兵著錫喇布暫署一切善後事宜並著奕山會同吉明舒

與阿毓書等酌量妥辦奕山著俟事竣再回葉爾羌參贊大臣本任○是月蠲緩安徽泗州等二十九州縣水旱災新舊額賦緩徵湖南澧州等五州縣江西進賢等二十一縣山東濟甯等五十九州縣衛湖北沔陽等二十七州縣陝西葭州等四州縣被災新舊額賦三姓水災額賦通穀

十一月戊寅召王駕來京以徐澤醇爲山東布政使調程煥采爲湖南按察使以常大澂爲湖北按察使按察使○己卯諭軍機大臣等本日據崇恩奏查明曹州府屬與直隸接壤各州縣境內並無計謀山即鷄鳴山之名惟天下郡國利病書載直隸開州境內有雞鳴山但別無計謀之名又查濮州境內有金寶山曾有匪徒聚眾劫掠是否即係此山見已派委文武員弁馳赴該處確切偵訪等語雞鳴山在直隸山東交界之處前此既有匪徒占踞四

東華續錄 道光五十六年 九
出劫掠卽不論其山在何處境內但有匪徒蹤迹應不分畛域協力查拏著訥爾經額仍遵前旨嚴飭派委各員會同山東委員迅往掩捕嚴密稽查務期搗其巢穴盡法懲辦毋得稍留餘孽致滋後患○庚辰諭軍機大臣等見在大兵克捷二城解圍賊匪業已遺竄自無須出卡窮追惟前據吉明等奏稱訊據安集延回子熱孜克供稱此次賊首係阿里瑪斯玉素普和卓之子布孜爾罕愛林伯克巴布頂和卓之子倭里罕條列加瑪爾密喇普張格爾和卓之子罕和卓斯底爾罕等句結滋事並據該參贊大臣查奏名目略同惟該匪等詭詐多端託名煽惑希圖糾結是其慣技所稱和卓等名號是否實有其人抑係將年歲相等之人冒名假託哄誘回眾入卡滋擾未便因探信回子等傳訛之詞遽信爲真卽鍾翔等前奏差往偵探之密爾雜胡里所稟因送馬面見玉素普之

子條列和卓右手背有黑記一塊等語亦難保非捏詞飾混試思該匪等蹤迹斷難逃人耳目所有附近邊卡之回子居民及各官弁伯克中必有能知其詳者著奕山等遴派員弁伯克設法密訪加意詳查務得實在情形據實具奏尋奏探訪此次滋事賊首係張格爾之兄玉素普兩子遺買的明阿布都拉張格爾之弟巴布頂之子倭里罕條列由霍罕進卡滋事實未聞有布孜爾罕罕和卓斯底爾罕等名目至條列和卓卽係倭里詳加查訪並無人知該逆手有黑記報聞○辛巳諭軍機大臣等本日戶部遵議李星沅奏淮南鹽務見辦章程一摺已依議行矣又片奏楚岸滯銷情形等語據稱楚岸鹽價前因積滯過多先後酌減見在存鹽積引幾及三綱之數銀價日昂鹽價益形喫重若不亟加整頓於國課關繫匪輕著李星沅裕泰率同該運司鹽道確查漢岸見時鹽價

東華續錄 道光五十六年 三
每斤究係合錢若干並見在存鹽因何遞年積壓一至於此究應如何設法補救之處熟籌妥議迅速奏辦至淮南行銷之江西安徽湖南湖北各口岸巡緝尤關緊要著該督等分咨該撫嚴飭地方文武不分畛域實力巡查總期實心經理俾離務日有起色該督撫受恩深重具有天良當此國用支絀之時再不力圖振作年復一年伊於胡底該地方員弁尤當各顧考成認真辦理不得視為具文仍前玩世也尋奏見在漢岸價值每鹽一包售銀二錢三四分每斤合錢五六十文較例價二錢五分九釐所減已多而銷數仍未加暢是減有本之岸價不敵無本之私鹽惟有嚴切緝私爲目前要務臣裕泰委員分赴邊界查拏窩圍並於鹽船經過之武穴及泊船之塘角地方設卡巡防至場壩透私亦經臣李星沅先後委員扼要堵巡能少一分私鹽卽多一分官引下部議以該

督等合力緝私因地布置於疏引裕課之源已得網領應責成實
心經畫毋稍鬆勁從之○以明玉為庫倫辦事大臣奕毓為理藩
院右侍郎學士○癸未諭軍機大臣等本日據鄭祖琛等奏剿
辦會匪連獲勝仗仍兜捕合剿一摺會匪雷再浩李世得等分投
竄擾全州咸水口等處地方經鄭祖琛等督飭官兵疊次攻擊連
獲勝仗先後擒斃匪犯三百餘名並將最要犯李世得槍傷斃命
其家屬一併擒獲雷再浩勢已窮蹙率領賊眾逃匿山內該撫等
見已嚴飭官兵奮力進剿著即督飭該官兵等會合勒捕設法擒
渠務使賊首就獲餘匪搜除淨盡毋留遺孽以絕根株槍斃李世
得之兵勇著查明具奏其陣亡弁兵照例咨部議卹○甲申諭前
因喀什噶爾回匪滋事開明阿等隨時退避坐失事機會降旨
將開明阿豐伸泰解任交布彥泰嚴訊確切具奏茲據開明阿等

東華續錄

道光五十六

五

奏守城始末及援兵解圍情形一摺開明阿等坐擁重兵一籌莫
展迨經回城回子報稱賊匪逃竄情形不知乘機邀擊尙復遲疑
株守又經奕山諭令出兵夾擊仍復畏縮不前乃猶靦然飾詞具
奏可恨之至開明阿豐伸泰著即行革職交奕山立即鎖解交
布彥泰審訊如接奉此旨後開明阿等業已起程即著布彥泰迅
速派員迎提即行傳旨鎖解到時著布彥泰嚴行訊究毋任狡
展務得確情定擬具奏○諭吉明等奏官兵搜捕餘匪回莊肅清
一摺前經該大臣等派令官兵前往奎里鐵列木莊搜捕餘匪行
至沙梁附近遇見馬步賊匪官兵迎擊該匪等膽敢抗拒我兵槍
礮齊施賊被轟擊敗退把總朱德首先殺賊該將弁等奮勇驅兵
直撲賊巢擒斃多名餘匪竄散附近地方均經逐細搜剿餘黨悉
就肅清該莊均係情蘭回戶前此屢經附逆此次官兵往捕仍敢

抗拒實屬怙惡不悛見既悉數殲除庶足稍示懲儆所有首先殺
賊之把總朱德著以守備升用先換頂帶其在事尤為出力之官
兵伯克等著查明具奏○壬辰諭前據御史陳壇王東槐毛鴻賓
參奏山東省盜賊公行捕務廢弛各款當交柏棧陳孚恩前往嚴
密查辦前據奏稱明查暗訪統計查出搶劫之案與原參相符者
共計十六件另有九案查無確據仍請飭查等語山東省本年夏
秋以來劫案之多為向來所未有該省大吏察吏安良是其專責
如此捕務廢弛實難辭咎崇恩孤恩溺職著來京候旨所有該省
失事地方之曹州兗州兩鎮總兵及該管各道員並知府等官俱
著新任巡撫張澧中於到任後按照劫案多寡詳細查明分晰據
實參奏其搶劫各案即著張澧中嚴飭迅速緝捕賊務獲仍查
明未經究出各案該州縣等有無諱飾情弊以昭嚴實○以張澧

東華續錄

道光五十六

五

中為山東巡撫陳孚恩為刑部右侍郎署兵部○甲午諭軍機大
臣等裕泰等奏盤獲西洋人潛入內地傳教一摺據稱西洋人李
若瑟羅沅勒改換服飾潛至湖北省與民人馬五芝等會遇勸允
傳教並有該省上年委員解粵領管之納巴羅一名復行來楚欲
圖傳教等語該國習教念經例不准赴內地傳習以防蔓延滋弊
茲西洋人李若瑟等曾至山西陝西等省復先後至湖北傳教既
經該督撫解回廣東著英照例妥辦○乙未諭前據陸費瓌奏
湖南新甯縣與廣西全州交界地方緝匪糾黨焚搶抗拒官兵飭
委文武員弁督率堵剿復經鄭祖琛等奏派官兵疊次攻擊擒斃
匪犯多名並將廣西結會滋事首犯李世得槍斃惟新甯首匪雷
再浩與民人李輝等竄匿深山負隅自固尙稽弋獲本日據陸費
瓌奏將首要各匪生擒提省審辦地方肅清一摺所辦甚好此案

新甯縣猶匪與民人句結肆擾延廣西經該撫等先後調兵加辦協力殲擒該匪等仍敢竄回新甯恃眾焚掠勢愈猖獗經該縣營馳往捕拏擒獲多犯復經該鎮道督同委員設計偵令出巢離險分路攻擊該匪等猶敢衝突抗拒官兵槍礮愈猛勇氣倍加立將首惡雷再浩生擒並著名要犯李輝一名擊獲餘黨悉就殲戮地面肅清該地方文武生致渠魁掃除餘孽陸費璋調度有方著加恩賞戴花翎所有首先擊獲首逆之員及始終在事協同防剿出力各員弁著該撫確切查明分別保奏候朕施恩○庚子諭軍機大臣等前據鄭祖琛等奏官兵攻擊匪徒槍斃首犯李世得旋據陸費璋奏官兵生擒首犯雷再浩等疊經降旨飭令會合進剿並嚴搜餘匪矣茲據鄭祖琛等奏稱疊次剿捕匪徒殲擒多名賊勢奔退仍飭會剿一摺另片奏訪獲逆子及見在辦理情形各等語楚粵交界地方匪徒滋事在粵省較為猖獗首犯李世得被殲後該匪徒仍復奔匿負隅抗拒該省官兵等兩次奮力攻擊大有斬擒賊勢窮蹙竄匿該撫等仍督飭官兵會同楚省兵弁合力進剿見在首逆雷再浩已在湖南地方就獲恐該省餘匪尚多聚散無定深嚴絕嗣或多伏藏意圖乘機出擾著即嚴飭兵弁實力兜拏分途搜捕務期掃除淨盡勿留餘孽至該處人民雜居難保無游手不逞之徒聞風嘯聚該撫已諄飭各屬舉行團練曉諭民人各安生業不得聽從煽誘著即督飭實力辦理備查有糾結匪徒妄思蠢動立即嚴拏究辦以遏其萌再該撫風聞湖南道州地方亦有匪徒聚集意圖焚搶情事該省灌陽縣屬毗連自應嚴密防範見已咨會提督派兵前往堵禦著即令該將弁等加意防守毋任稍有竄越所有見在兩次擊賊及擊獲逆子李加輝出力人員

著查明據實保奏候朕施恩再此等事件應由驛馳奏○壬寅春英等奏黃竹岐民人與洋人互毆致斃洋人六命德庇時坐駕兵船來省遞到覆文懇將兇犯拏獲即行正法民人亦被洋人毆斃二名見在查辦命嚴緝正兇持平審辦○是月給山西絳州等十一州縣應口糧蠲緩直隸安州等三州縣山西絳州等十一州縣河南禹州等六十四州縣被災新舊正雜額賦緩徵江蘇高郵等五十一州縣應衛山東荷澤等七縣衛甘肅河州等二十三州應縣被災新舊正雜額賦展緩陝西華州等十五州縣通賦十二月壬子諭鄭祖琛等奏殲捕滋事匪徒並見派弁兵馳往堵禦一摺廣西灌陽縣屬前有湖南道州匪徒竄入搶掠經該縣會同該處團練鄉勇協力圍擊疊次格殺多人並擊獲匪目左廣秀等二名該匪等俱已潰散逃回道州及交界之永明等處見在匪犯李慶旺已在湖南被獲尚恐餘匪出沒無常難保不復行竄擾該撫等業已派委員弁馳往該處著即飭令該員弁等於交界處所嚴行堵禦並咨會湖南會同迅速搜捕務期淨絕根株勿留餘孽另片奏平樂陽朔等處均有匪徒滋事業經飭委文武員弁等督率團勇擊散等語著一併飭令分投搜捕毋得因賊已退散稍疏防範尋覆奏前後捕獲匪犯三十七名除左廣秀等五名情罪重大即在擊獲地方正法並蔣學泰一名業已病故外何其先等二十八犯查明均係道州首匪李慶旺糾邀搶掠由道州衝入灌陽縣屬焚搶村民殺傷差役鄉民多人實係隨從謀叛均各依謀叛不分首從皆斬律押赴市曹處斬傳首示眾抗旺祥等三犯被脅入夥中途逃散並未隨同焚劫合依謀叛案內被脅入夥並未隨同抗拒官兵發新疆給官兵為奴例發新疆給官兵為奴見在

地方肅清惟查灌陽縣與楚省道州等處犬牙相錯仍飭縣營協同嚴防下部議從之○甲寅以毓書為內閣學士兼禮部侍郎銜由古城領○戊午湖南乾州廳苗匪滋事命裕泰等勦辦○辛酉巡視中城御史志魁等奏編查保甲擊獲吸食鴉片逸犯杜焜請飭交刑部審辦得旨杜景胡即杜焜著交刑部審辦中城御史志魁給事中路慎莊督查保甲認真著交吏部議敘從來編查保甲為緝奸要務若奉行故事實無裨益該御史等按冊逐戶點查竟能將前經降旨飭擊逸犯杜焜擊獲並查出人數姓名不符及形迹可疑多起分別辦理可見一經查擊該匪等即無駐足之處是認真稽查門牌大有實效因思各城各有專轄地面自應一律認真清查毋令奸宄潛匿該巡城科道等必應督飭所屬實力奉行認真查察遇有形迹可疑及門牌人數不符之處立即嚴擊究辦

東華續錄 道光五十六年 五月
毋得視為具文有名無實仍不時稽察丁胥人役等毋得藉端騷擾需索以緝奸宄而靖閭閻○調麟魁為刑部左侍郎以桂德為盛京刑部侍郎由左副都御史遷○辛未湖廣總督裕泰奏查乾州苗匪起釁緣由實因無賴痞苗假屯田內開有水衝沙壓及今秋偶被蟲早為名復行合款抗租藉端索詐委非地方官另有激變情事見在飛咨提督並督飭地方各官激勵兵練示以聲威一面懸賞購擒各頭目解散脅從不難迅就肅清得旨安速籌辦毋稍玩延

○甲戌諭軍機大臣等本日已有旨著耆英來京陛見所有兩廣總督印務及欽差大臣關防均交徐廣縉署理矣徐廣縉經朕簡用廣東巡撫到任已及年餘於地方一切自應熟習機宜妥慎辦理惟疆寄重在安民民心不失則外侮可弭嗣後遇有交涉事件不可瞻徇遷就有失民心至於變通參酌是在該署督隨時加意

權衡體察總期以誠結民情方為不負委任黃恩彤曾任廣東巡撫自獲咎以來仍留粵省經朕特加六品頂帶交耆英差遣委用該員身受重恩指顧擢用宜如何感激圖報始終出力茲已有旨將該員仍交徐廣縉差委俾該署督遇事藉資指揮可收指臂之助徐廣縉接奉此旨即告知耆英並傳與黃恩彤閱看以後黃恩彤如果奮勉出力披瀝血誠該署督自能據實保奏候朕施恩儻不知振作藉詞推卸難掩眾人耳目即著隨時參奏試問黃恩彤能當此重咎否耶○召耆英來京以徐廣縉署兩廣總督欽差大臣葉名琛護理廣東巡撫缺○是月給河南祥符等十七縣水災口糧並貸鄭州等倉穀緩徵浙江仁和等十五縣新舊額賦並海沙等三場鹽課湖南鳳凰等四廳歉收屯田穀石陝西葭州等七州縣逋賦展緩陝西涇陽富平二縣逋穀○是歲朝鮮琉球

東華續錄 道光五十六年 五月
來貢○會計天下民數除福建臺灣府所屬穀數除江蘇未據造報外各省通共大小男婦四萬二千四百九十三萬八千九百口存倉米穀三千一百五十萬三千一百五十萬三千一百二十五石五斗八升四勺

道光五十七

臣王先謙敬編

臣周澹著恭校

道光二十八年戊申春正月丁丑諭本年元旦淑氣晴明和風翔
 治見值諸務靜謐民物阜安從此仰荷 天庥咸登壽宇因念及
 在廷王大臣等有年屆八旬贊襄盡職或歲逾七十亦皆精神矍
 固供職克勤故得以感召麻徵作熙朝之人瑞允宜恩施特沛以
 昭優眷而迓祥和肅親王敬敏之子三等侍衛不入八分輔國公
 華豐著加恩授為散秩大臣貝勒蘇恩之子三等鎮國將軍奕縉
 著加恩賞給頭等鎮國將軍大學士潘世恩著加恩晉加太傅銜
 並賞用紫緞大學士寶興著加恩賞給太保銜尚書保昌阿勒清
 阿李振祐都察院左都御史成剛均著加恩賞給太子太保銜都
 東華續錄 道光五十七

統中山之子乾清門三等侍衛穆騰阿著加恩賞給三等侍衛在
 御前行走用示朕尚齒引年錫類施仁至意○甲申湖南乾州廳
 苗匪被剿悔罪自首命裕泰等分別懲辦仍授擊餘匪○己丑賞
 已革山東巡撫崇恩藍翎侍衛為駐藏幫辦大臣○庚寅諭前據
 王植奏江廣漕船准帶竹木與舊案懸殊請敕部覆一摺當交該
 部妥速議奏茲據該部覆奏著仍照前署兩江總督陸建瀛漕運
 總督楊殿邦前奏所有漕船天蓬竹木准其循照舊章高二尺而
 不計寬長總以天蓬為度兩旁跨木亦照舊章各寬二尺而不計
 深長總以船身為度此外如有奸商影射及例外多帶情弊著責
 成各該糧道督飭各幫員弁認真查驗覈實結報並飭各關監督
 實力查丈以杜爭執而利漕運至各關歷年科算參差未經報部
 有案不可不畫一辦理以杜各弊著兩江湖廣總督江蘇安徽江

西湖北湖南各巡撫會同漕運總督查覈明確準情酌理迅速妥
 議章程連銜會奏以為永遠遵行之制再漕船准帶土宜原為津
 貼體恤起見惟例外多帶既應查驗於未經開行之先尤宜嚴防
 其中途裝帶之弊著湖廣江西各督撫轉飭各該糧道實力查驗
 並開列船口清單先期飛移各關俟糧船抵關時按單查驗認真
 辦理惟江西漕船抵關時每多連橋經過不候查驗藉口於限緊
 溜急每多夾帶著查照兩湖漕船章程到關暫停或溯流迎查俾
 得覈實稽查無誤進行總當見船即驗一驗即行斷不准稍有遲
 延透漏以速運務而重關稅尋江西巡撫吳文鎔奏漕船例帶土
 宜歷係開明貨色清單呈驗但未將何船帶何土宜分晰開列自
 應遵辦以杜例外多帶之弊至江西糧船幫多船眾蕪湖關南北
 兩岸河面狹窄不能排列候驗溯流迎查較為妥便查安徽銅陵
 東華續錄 道光五十七

縣屬大通鎮馬頭寬闊距蕪湖關百餘里應請即於此處暫停候
 驗從之○禮部左侍郎連貴卒予祭葬賞銀五百兩治喪予其子
 員外郎明恩即選○以聯順為禮部左侍郎由內閣學士遷○乙未以慶
 端為江蘇按察使由甘肅鎮道遷○戊戌越南國王阮福暉卒奉表告
 哀詔停本年呈進方物○庚子諭軍機大臣等林則徐等奏提解
 控案延未赴解等語雲南永昌地方漢回挾嫌互殺該督撫等
 出示切實開導漢回已具結互保矢無反覆惟香匪見經提解竟
 敢藉詞意圖抗拒該匪等平日燒香結會往往挾嫌擅殺平民匪
 不報官茲於提解人犯復敢糾約庇匿意欲抗拒此風斷不可長
 著林則徐等諄飭該道府等妥為曉諭釋其疑慮固不可操之過
 促致滋決裂亦斷不能任其抗拒不遵提訊總須默化潛移挽回
 風氣以綏邊徼而靖兇頑○葉爾羌參贊大臣奕山等奏霍罕道

夷使於十二月十二日至喀什噶爾據稱帶有該夷明巴什木素
滿庫里稟函情詞恭順得旨彼此言語不通文字難憑加以反覆
無常之性斷不可信以為質惟有慎守邊疆習練武備善撫各城
回眾俾令心不外向自能妥善慎勉為之毋忽毋怠○免喀什噶
爾被匪滋擾之民回各戶正雜額賦逋款○是月展賑直隸鹽山
等五縣災民給安徽鳳陽等三縣水旱災口糧貸湖南安鄉縣山
西甯遠等四廳縣甘肅皋蘭等七縣災民口糧籽種緩徵陝西蒲
城縣通穀展緩直隸安州等三十六州縣山東臨清等三十六州
縣暨德州等五衛浙江仁和等十三縣被災新舊正雜額賦

二月戊申 上御經筵○己酉調趙光為戶部左侍郎轉黃琮為
兵部左侍郎以何桂清為兵部右侍郎由內閣學士遷○壬子諭載銓等
奏承襲奉恩將軍次數未能畫一請將軍功旁支子孫分別襲替
東華續錄 道光五十七 三

次數一指向來軍功王公旁支子孫承襲奉恩將軍例無分別嫡
派旁支作何襲替明文是以或襲五次或襲三次辦理未能畫一
除從前辦理兩歧之處毋庸查辦外嗣後凡承襲奉恩將軍著查
明原立官之人係軍功王公餘子之嫡長子如無嫡出子或庶長
子之子孫其後嗣子孫降等襲封之奉恩將軍者方准照例襲至
五次而止如原立官之人係軍功王公餘子之餘子或庶子之餘
子及有緣事削去爵職其子孫內向有已經考封並襲封者自與
恩封之人無間即不得均謂之軍功旁支子孫如降等襲封至奉
恩將軍或考封奉恩將軍者均照恩封之例襲至三次而止該衙
門即照見定章程辦理並著纂入則例永遠遵行○吏部尚書恩
桂卒晉贈太保賜其子常照三等侍衛○調文慶為吏部尚書保
昌為兵部尚書以麟魁為禮部尚書○命文慶毋庸在軍機大臣

上行走○以寶清署刑部左侍郎張祥河為甘肅布政使服闋布政使
○辛酉諭軍機大臣等林則徐等奏保山縣七哨匪徒打奪解省
人證隨又焚燒縣署殘殺城內回民見在籌辦情形一摺覽奏已
悉雲南永昌漢回互相讐殺前經調兵剿辦甫就撲滅乃頑悍之
徒藐法已久茲復因永昌府縣會營押解京控犯證該匪等輒敢
於中途劫去旋又擁入城內焚燒保山縣署監犯盡行放出先經
招復之回民見被投殺無存鎮道府縣俱被圍困在城道路梗塞
文報沈滯不法已極必應痛加勦洗方足挽回積習林則徐見已
檄調各營精兵分投進剿並已親往大理府督辦榮玉材業經帶
兵前往相機攻剿固當分別良莠不可妄殺無辜致失眾心尤不
可再示姑容稍留餘孽所稱鎮道府縣皆被困窘在城每日市糧
限數出糶見在會否解圍該鎮道等如何著落著即查明由驛具
東華續錄 道光五十七 四

奏其瀾滄江為起永昌必由之路江橋板片見被該匪等拆斷聚
眾把守尤當迅即設法擊散賊眾修復橋道鐵索俾文報得通勦
辦方能得力至軍需經費除於鹽課項下借動十萬兩外所有雲
南貴州兩省見收捐輸之款並准其先行動支以濟急需程昶采
在省督催各路官兵籌辦糧餉俱當悉心商辦務使兵威遠振漢
回各匪盡皆懾服斷不可稍有挫失以靖邊圉而除兇頑○以勦
辦湖南新甯縣會匪于巡撫陸費瑑等優敘賞鹽法道楊炳堃等
花翎舉人江忠源等藍翎○貸湖南永綏鳳凰二屬苗寨籽種○
壬戌諭太監郭洪鵬逃走四次曾經發打牲烏拉為奴期滿釋回
後仍敢潛逃在外持刀傷人怙惡逞兇不法已極著發往黑龍江
給官兵為奴遇赦不赦嗣後遇有在逃太監在外滋事除傷人至
死按律問擬外但有執持金刃傷人確有可據者俱著照此辦理

○癸亥四川總督琦善奏川省兵力素弱見令各鎮協揀派兵丁赴省教練俟學成回營轉相教習至四廳兵丁均係就地招募恐與夷人認識往來爾遇本營兵丁拔補千總外委即為調防以杜流弊得旨如此用心又能得當不但不負委任實安邊之良策朕甚嘉悅之至○戊辰以縣森奕山葉觀儀俱為內閣學士兼禮部侍郎銜縣森由太僕寺少卿奕山由葉爾羌參贊大臣葉觀儀由少詹事遷○是月展緩江蘇泰州等三十二州縣及淮安等四衛通賦

三月戊寅諭林則徐奏匪徒勾結滋事調兵勦辦地方安靜一摺覽奏均悉雲南趙州彌渡地方內外匪徒勾結滋事焚殺擄搶且敢圍署傷官經該督調兵先往勦捕將匪犯殲獲數百名並撫卹受害良民地方均已安靜見在酌留官兵堵擊緝犯著該督嚴飭該弁兵等實力查拏務將逸犯悉數擒獲毋任一名漏網此次在東華續錄 道光五十七 五

事人員著擇其尤為出力者據實保奏毋許冒濫○己卯諭軍機大臣等奕山等奏霍罕夷使呈遞稟詞譯漢呈覽此次逆回由霍罕逃出至喀什噶爾滋事既據該夷使供稱該伯克並不知情且所遞稟詞俱屬恭順著加恩准其照舊通商免稅自放呼岱達以示懷柔所有賞給該夷使銀六百餘兩並蟒袍袖段等件均准作正開銷○壬午 上啟鑾謁 西陵○免經過地方額賦十分之三○丙戌 上謁 泰陵 泰東陵 昌陵詣 孝穆皇后 孝慎皇后 孝全皇后陵寢奠酒回鑾○己丑諭嗣後揀選大門上三等侍衛由黏竿處藍翎侍衛內擇其差使勤奮騎射好者著該管大臣每旗保送一人共保三人歸入各旗管護軍校驍騎校內一體揀選著為例○庚寅 上還京師○癸卯諭軍機大臣等林則徐奏保山七哨懾服軍威緝獻匪犯多名仍飭圍擊一摺覽奏

均悉所辦好永昌哨匪滋事該督親駐永平督兵入哨該哨匪等傳聞此次所調兵練甚多又聞彌渡用兵殲殺無算望風悔懼見已送回監囚繳還軍械並縛獻匪犯一百三十餘名經府縣訊取初供已據承認多係傳帖糾人抗官焚署之犯並經該督覈對京控被告名單捉犯互相識認所獲實皆本人等語該地方各匪於兵到時即先投誠獻犯惟所獻之犯有無祖庇藏匿必應查究務期所獻實皆本人首犯尤關緊要應令按名交出仍一面明查暗訪斷不可有一名頂冒致有漏網該犯等聚眾抗拒已成積習若不趁此兵威痛懲將來必仍反覆豈有時常徵調之理見在雲貴兩省勁兵偏處不患其不畏懼如悔罪非出至誠僅憑劣員從中調處稍示軟弱日後何以綏靖邊圉耶林則徐等惟當示以兵威廣加曉諭儻略有恃眾難馴情形仍當立予勦洗姑息適足養奸東華續錄 道光五十七 六

戒之其前經圍困在城之鎮道等是否因力難抵禦畏蕙無能甘被圍困抑或因事起釁辦理不善儻止願身家苟全性命有辱國體亦應查明懲辦不可因事過遂置之不問見在解圍後該員等作何下落著一併查明據實具奏有應參處者據實嚴參以儆將來又另片奏逆西人為盜藪非重兵無以掃清等語勞師糜餉原非善策然此次調兵較多勒平哨匪之後如該督以為必應乘勢掩捕方可一勞永逸即著該督會同提鎮擇其要害歷以重兵所有著名匪類責令指名縛獻總期漢回各匪盡皆懾伏盜蹤淨絕邊圉肅清方為不負委任○是月貸山西吉州等七州縣歉收倉穀並緩徵解州等十五州縣通數夏四月庚戌 上奉 皇太后幸 皇四子 皇六子奕訢所○乙卯申諭兩廣湖南江西各督撫飭學會匪○辛酉諭軍機大臣

等朕恭閱 皇考仁宗睿皇帝實錄嘉慶四年 高宗純皇帝奉

安 裕陵特派文武大臣侍衛等敬謹守護嗣於嘉慶九年復有

旨將年老十餘員加恩令其來京朕思此項人員先經派往旋

又撤回其中且多衰老之員既於守護難期得力即可無庸派往

此例著永遠停止交軍機大臣敬謹存記○戊辰諭林則徐奏訊

辦保山滋事匪徒並究辦倡亂匪徒及分別酌撤官兵各一摺覽

奏均悉雲南保山縣匪徒沈振達等前因被回民京控輒敢倚恃

匪徒金混秋邪術糾眾劫奪提解案證焚燒官署將該處招復回

戶肆行搜殺並商同阻截文報抗拒官兵經該督等檄調各營精

兵分投進剿先行出示曉諭並於彌渡一案大振先聲該處民人

畏懼軍威輸誠悔罪迨全師壓境之時即有眾庶獻俘之舉見在

首要各犯查拏到案者二百餘名分別正法擬罪辦理尙為迅速

東華續錄 道光五十七 七

各營兵弁著分別撤令歸伍此案事起倉卒眾寡不敵竟能迅速

賊事不至老師糜餉文武員弁應得處分及失察各職名均著加

恩免議其未獲各犯仍著嚴飭文武員弁督率兵役認真搜捕淨

盡分別懲辦勿留餘孽經此次懲創之後務當嚴禁妖術勸導鄉

愚俾得永杜奸萌共安作息所有善後各事宜著詳細籌議具奏

○己巳前任閩浙總督程祖洛卒贈太子太保賜祭葬諡簡敬

五月甲戌諭軍機大臣等徐繼畬奏飭屬整頓聯甲等語閩省延

建邵三府民俗本淳因外鄉游民廣集傭趁工作搶劫結會之案

甚多該省此次拏獲會匪深得聯甲之力該撫見復派委幹員前

往建陽縣將聯甲章程整頓俾客民土著聯為一體禁其相率入

會其泉州漳州等府永春州廣東等處民人在彼居住者大槩搭

棚散居山谷不連村莊勢難強為聯合該撫見飭就其地勢分段

編聯揀派聯首專其責成常川稽查並通飭各府縣遵照辦理著

該撫即嚴飭該地方官等實心實力嚴密稽查認真妥辦務使聯

甲之法持之永久偏僻之地毋令藏垢納汗俾奸匪斂戢地方綏

靜切勿日久生懈奉行不力轉成紙上空談無裨實濟是欲祛弊

而適滋弊也○癸未賞耆英雙眼花翎○壬辰諭軍機大臣等本

日據刑部密奏見審案內究出贓款數萬兩請飭查辦並將各項

人犯開單呈覽已明降諭旨將候補知縣陳怡和縣典史陳銜恩

革職並案內應訊人證一併解訊矣此案在籍巡撫梁粵涵被許

前在山西巡撫任內有求免充商一事得受多贓見由刑部訊據

已革郎中孫邦供認實有託該撫之弟梁林滋賄屬情事並呈出

手摺內所列得贓之官員吏役幕友長隨人等節節貪婪數盈五

萬餘兩必應徹底究追水落石出著王兆琛迅即派幹員查照

東華續錄 道光五十七 八

單開各犯姓名分投嚴密訪拏送部勿令其聞風遠颺並不准一

名漏網至前署河東道查克丹雖已身故其幕友丁役人等必有

當日知情經手之人並著該撫計算年月確查嚴緝以上人犯一

經獲案即先由該撫密訊供情如此外續經供出之犯料係案內

必應關提查拏者即著該撫迅速酌覈解部免致日後展轉稽延

該犯等轉得乘間逃逸是為至要○是月展緩陝西華州等十五

州縣積欠米石

六月癸卯朔張澧中卒以徐澤醇為山東巡撫劉源灝為山東布

政使蔣霽遠為山東按察使由雲南遷○甲辰諭巡撫兼提督銜

非特旨賞花翎者毋庸戴用○乙巳諭林則徐奏見乘凱撤大兵

分投捕獲歷年竄擾要犯多名審明立置重典一摺林則徐此次

督兵進剿於永昌七哨儘服軍威後復乘凱撤大兵將歷年承順

雲緬軍營劫散餘匪搜捕多起究出戕害擄禁員弁拒殺兵丁練
勇各要犯七十六名審明立置重典自足大快人心永昭炯戒此
外尚有夥同支解趙發元之姚老五一犯雖據見犯供稱已被擊
殺恐難盡信仍著該督派員密訪確蹤毋任捏飾倖逃法網其前
在永昌軍營陣亡之署守備趙發元既據查明道光二十六年駐
守飛石口時賊匪馬二等央其讓路該署守備大罵不允並發矢
射中賊首張富層吻致賊匪支解之心吞食情實可慘且該署守
備本係回人深知大義敵愾捐軀尤堪嘉尚趙發元前已有旨賜
卹著加恩照參將例賜卹所有該部前遵諭旨議卹之處著卹撤
銷並賞銀三百兩卽由該地方官支領庫銀交該故員家屬收領
以慰忠魂其餘查明應行議卹之各員弁兵丁均著該督咨部照
例覈辦餘著照所議辦理至永昌鎮道等已據查明並非甘心困
辱亦無激變情事免其治罪其應得處分著該督覈其輕重定擬
具奏○丙午命耆英留京管禮部事實授徐廣縉兩廣總督欽差
大臣以葉名琛為廣東巡撫李璋煜為廣東布政使趙長齡為廣
東按察使由鹽運使○己酉以雲麟為廣西布政使陶樑為甘肅按
察使由湖北按察使○甲寅 上詣 黑龍潭祈雨○庚申諭琦善奏
查補營員空糧夥糧並甄別兵弁等語所辦是四川外營留省當
差員弁向有分食空糧夥糧之弊前經該督奏明將留省各員盡
遣回任茲又將通省空糧夥糧查出九百餘分全行考補足額除
裁汰衰劣弁兵另補外甄別不得力之千總把總等八十八員積
弊相沿一加釐剔儻能持之以久營務自有起色國家設立營
伍原期一兵得一兵之用若糧餉空虛兵數缺額廢弛日甚何能
操防因思四川如此他省可知著各省督撫嚴行分別稽查各營

東華續錄

道光五十七

九

內如有前項空糧夥糧等弊或名目不同均卽力加禁革其兵弁
衰弱庸劣亦當隨時甄別毋使濫竽充數已往不咎咸與惟新自
接奉諭旨後各該督撫等當有弊必除事事力求實濟以副朕整
飭戎行之意儻日後有人參奏或別經發覺仍有空糧等項情弊
考其年月惟該省督撫提鎮是問○諭琦善自簡任督撫以來辦
事尚屬認真此次以二品頂帶補授四川總督到任後加意振作
於吏治營伍緝捕各事宜尤能實心整頓不避嫌怨著加恩賞還
頭品頂帶以示勉勵○諭前任山西巡撫梁芻涵身任疆吏於署
內弟姪人等往來營私納賄何竟毫無見聞梁芻涵著卽革職交
徐澤醇仍遵前旨酌派文武大員迅速押解來京交刑部歸案質
訊不准稍有耽延此案除房山縣典史梁林滋山西候補從九品
梁瑄森已經革職分別審訊押解外直隸候補佐雜梁珠森亦係
東華續錄

道光五十七

十

辦此案書吏喬桂程汝夏委員押解迅速來京交刑部歸案審訊毋得稍有稽延並著該撫查明梁夢涵在山西時二十四五兩年所用門丁如有尙在山西之人亦卽一併迅速解部以憑嚴訊○戊辰梁寶常丁憂以傅繩勛爲浙江巡撫馮德馨爲江甯布政使勞崇光爲廣西按察使由山西冀甯道遷○庚午調吳文鎔爲浙江巡撫傅繩勛爲江西巡撫○是月緩徵山東臨清等十一州縣並德州衛被災新舊額賦

東華續錄 道光五十七

十一

東華續錄

道光五十八

臣王先謙敬編

臣周瀚蕃恭校

秋七月丁丑申禁各地方官衙署內外容留親屬並子孫隨任毋得干預○甲申山東巡撫徐澤醇奏查各州縣盜案雖無抑勒諱匿情事而地方既有搶劫之案惟有督飭所屬文武各員認真緝以淨根株得旨除惡安良當務之急文武疲玩第一可恨汝初膺重任當如何振作報國安民朕拭目以待也○戊子申定宗室承襲世職人員仍留本任例○庚寅以勦辦雲南彌渡保山哨匪功加林則徐太子太保賞花翎○庚子諭李星沅等奏江蘇外海水師戰船不敷請籌捐添造一摺水師戰船巡緝攸關必應多爲豫備著准其將江南善後存餘銀兩先行提撥趕緊設廠添造○是月緩徵山東臨朐縣被災歉收連賦

東華續錄 道光五十八

八月癸卯實授寶清刑部左侍郎○甲辰申定道府以下官員祖孫父子及外姻親族同省同府回避例督撫與河督鹽政有關糾察者亦令回避○徐廣縉奏英人見與弗蘭西構釁粵關收稅日形短絀因進口貨物較多漸形壅滯洋商又多折本並因該洋人等構釁無暇兼顧貿易前此英人求進廣州城經耆英與德庇時以二年後爲約來春計已屆期見在英國更換文翰臣仍當相機辦理○壬子諭前據御史楊彤如奏河南賈魯河挑挖糜費將國帑百萬輕擲迄無成功並未將辦理不善之員分別參處賠修河陝汝道施熙貧名素著所至侵蝕錢糧等語當交福濟駱秉章親往履勘訪察據實具奏茲據福濟等奏稱查明該省與挑買魯河三次共用銀五十四萬餘兩錢四萬串數與原奏百萬數目不符

惟甫經完工即行淤墊總由勘估未能認真承挑工員復草率從事廉帑誤工咎無可辭所有初次承挑賈魯河總管委員前任開封府知府見升河北道長臻總辦委員前任開封府同知見升四川成縣龍茂道馬秀儒前候補同知捐升知府鄭榮東河捕河通判朱品金二次歲修總辦委員前任祥符縣知縣見升許州直隸州知州金梁著暫行革職仍著該撫勒限飭令認真賠修備河道不能深通利運即著嚴參懲辦其河南省各缺著該撫派員署理並著琦善催令馬秀儒迅即前赴河南辦工成縣龍茂道缺亦即派員署理河陝汝道施熙雖查無貪墨實迹惟承辦改挑河道未能一律寬深亦屬辦理不善著交部議處仍即行送部引見河南巡撫鄂順安於此等鉅工未能先事詳勘辦理及河道淤塞又不將辦理不善之員據實嚴參追經捐廉改挑復不奏明實屬草率

東華續錄 道光五十八年 二

於前徇隱於後著交部嚴加議處所有賈魯河工程應如何責成各員按成賠修之處著該撫酌定章程依限興工務須加展寬深沿河橋閘均令修整不准稍形草率以期經久工竣專摺具奏又奏前賈魯河完工後經該撫奏明將捐輸錢六十萬串交典鋪生息作為歲修之用今既責令各員賠修此項錢文毋庸再作開銷等語著該撫即飭藩司查明貯庫咨報戶工二部備覈御史楊彤如著賞加二級○丁巳諭河南巡撫鄂順安辦理賑務及賈魯河鉅工未能妥善咎實難辭著即照部議革職布政使王簡於散放賑銀及賈魯河錢糧是其專責厥咎維均著改為革職至按察使吳式芬於此重大兩案尚非專司而各案失察亦難辭咎所有部議降留之處著改為革職留任八年無過方准開復以昭平允河陝汝道施熙承辦改挑河道未能一律寬深著照部議革職毋庸

再行送部引見○以潘鐸為河南巡撫吳振械為山西布政使武棠為貴州按察使由福建○以嚴良訓為河南布政使郭夢齡為陝西按察使由甘肅○庚申諭軍機大臣等有人奏廣西盜劫各案請飭嚴緝等語據奏北流縣境有陳李二姓於道光二十六年為盜匪擄掠橫州所屬南鄉墟地界本年五月內有商船二十餘號並遭搶劫計賊一萬餘金均未緝獲一犯如果屬實地方文武所司何事查粵貨入滇百色地當孔道聞比年來亦復劫案頻仍若不及早創懲何以靖閭閻而安行旅著鄭祖琛督飭該州縣營員嚴密訪查確實認真捕緝務令奸匪即時弋獲不准一名漏網毋致諱劫為竊化有為無被不肖屬吏欺蒙也○辛酉諭軍機大臣等李星沅等奏俄羅斯商船請在上海貿易已飭開導回帆一摺覽奏已悉俄羅斯向在北路陸地通商不比西洋各國航海貿易上海非該國應到之地所請自難准行已據該督等以事關通商大局必應率由舊章飭令妥為勸諭並諭英領事阿利國隨同開導情願立限駛回不至遷延觀望所辦甚屬妥協可嘉之至以後該國商船如果再來曉諭該督等惟當循照定章以理阻却斷勿令其時存覬覦致啟效尤之漸○丙寅以孫葆元為兵部右侍郎調李嘉端為內閣學士兼禮部侍郎銜李之昌為倉場侍郎轉候桐為吏部左侍郎調張芾為吏部右侍郎以彭蘊章為工部右侍郎由左副都御史遷○戊辰調陶樸為山西按察使明誼為甘肅按察使

東華續錄 道光五十八年 三

九月甲戌潘錫恩以病免以楊以增為江南河道總督陳士枚為陝西巡撫由四川布政使遷○乙亥諭全慶奏歲試全竣科試四府各場情形一摺覽奏均悉考試設有認保原以糾察弊端該學政考試

嘉應州時該童生竟有以其父兄作為認保者是查弊轉以滋弊殊堪訝異廣東如此他省恐亦不免著各該學政等認真查明如相沿陋習有以父兄為認保等事即行禁止儻不更改別經發覺惟該學政等是問至考試武場校閱技藝總以馬步箭刀弓石為重果能演習精熟自足致用若如全慶所奏廣東武場校試竟有馬上舞刀並射金錢各名目是止求飾觀誇巧毫無實際於取士之道大相徑庭著全慶亦欒行禁止如各省有此惡習並著嚴諭裁革以副朕黜華崇實至意至私造牌示及以桶盛箭各弊均著全慶隨時講求損益力挽頹風○調吳振斌為四川布政使以兆那蘇圖為山西布政使積喇明阿為福建按察使由江甯道遷○辛巳諭前據林則徐奏查拏池西匪犯請審明立時懲辦毋庸解省審轉富交刑部議奏茲據該部查數具奏雲南池西一帶界在邊隅東華續錄 道光五十八年 四

嗣後該地方除尋常命盜各案仍按例辦理外如有黨羽眾多匪犯准其批解該管道府於審明移交臬司具詳督撫覆准後就地正法以儆兇頑並請酌定年限等語該處軍務甫竣餘匪正當嚴辦著即予限五年候限滿後仍照例由督撫親提審明題奏以示限制而昭畫一○黃琮以親老乞養允之轉孫葆元為兵部左侍郎以戴熙為兵部右侍郎由內閣學士遷○以朱履為陝西按察使由江西道遷○甲申撥江蘇藩關各庫銀七十八萬餘兩備江甯等三府水災賑需○乙酉命戶部籌撥銀六十萬兩賑湖北水災並准有隄各州縣以工代賑○癸巳召喬用遷來京以羅繞典署貴州巡撫使署○丙申以江蘇水災免各關商販米稅○雲麟以病免以張雲藻為廣西布政使李本仁為安徽按察使由江西道遷○是月給湖南武陵等四縣水災口糧屋費

冬十月壬寅諭軍機大臣等徐廣楨等奏接據文翰照會來詢進城一事當經剴切駁斥此事前經耆英許以二年為期諒係一時權宜入城之舉雖非騷擾無如粵民剽悍一聞進城之議無不切齒同仇即如上年黃竹岐一案僅止數人登岸嬉遊即被毆斃天朝辦理庶務一秉大公即時審擬兇犯抵罪今以省城人民之眾儻貿然入城百姓沸騰羣肆攻擊官亦無從鈴束若必因從前曾有此說以實其言未免拘執召悔自思當無以自解如此反復開導俾曉然於有害無利有損無益之故諒必廢然而返不復爭執前說○甲寅文華殿大學士寶興卒命 皇四子奠茶酒予祭葬諡文莊○丙辰諭戶部奏積欠案內各省未完地丁銀兩延未報完開單呈覽請旨飭催另片奏查歷屆恩詔豁免之數漸次加增並請隨時清釐各等語地丁為國家正供不容絲毫短絀茲據戶部查明各省未完地丁正耗自普免道光二十年前逋賦之後至今又積欠正徵緩徵銀二千三百九十萬餘兩之多似此年復一年各省大小官員幾將置錢穀於不問積習相沿伊於胡底且道光二十年前逋賦共免銀九百三十餘萬兩民力不為不寬乃地方官視為成例積欠日多完解日少上次經戶部奏催之後各省大半完納新款其舊款則任意宕延冀得屆期豁免是以國家蠲租免賦之恩藉遂有司侵蝕虧那之計思之實堪痛恨當此經費支絀之時該督撫等全不以國事為重玩愒因循尚復成何事體所有戶部單開各項除本年報災之區著該督撫體察情形分別辦理其餘有前項積欠省分自道光二十一年以後未完地丁正耗銀兩務令勒限全完緩徵之款亦令遵照原展年限隨同正徵完納迅速報解備查有不知愧奮或有以完作欠情弊立即從重

奏參嚴議以爲玩視度支者戒並著各督撫責成藩司於該州縣
每年應徵未完及緩徵屆限各款詳細覈查毋得任聽各屬虛報
欠數有增無減希冀彌餘致滋流弊嗣後遇有覃恩之年著戶部
按照各該省積欠清冊逐款句稽如有無故而欠數較多者卽由
戶部查明據實參奏並將應否豁免之處奏明候旨各該督撫等
務當破除積習激發天良陸續嚴催認真釐剔如或視爲具文意
存瞻顧下無以蘇民生上無以紓國用定將該督撫等懲處不貸
○丁巳申諭劉韻珂等飭擊浙江沿海盜匪○申諭海疆各督撫
提鎮督飭水師堵擊洋盜○庚申諭已革前任山西巡撫梁夢涵
因鹽務派商訊無徇情受賄情事惟以封疆大吏於所屬官吏種
種貪婪未能查辦已屬咎無可辭又於總服弟梁林滋撞騙多賊
毫無覺察厥咎尤重著照部議發往軍臺效力贖罪姑念尙無贓
東華續錄 道光五十八 六
款所有前查封家產著加恩賞還已故蒲州府知府護理河東道
查克丹查係京察人員案犯贓私所有從前保列一等之工部各
堂官著吏部查取職名照例議處○辛酉起祝慶蕃爲內閣學士
兼禮部侍郎銜○以黃贊湯爲左副都御史由宗人府府丞遷○壬戌祝
慶蕃以年老休致○甲子諭前據福濟駱秉章奏查辦江蘇府縣
被參各款已降旨將各該員分別治罪嚴議並銷去保舉矣因思
封疆大吏於屬員賢否原當隨時查看若必待欽差始將劣員懲
辦國家安用此大吏爲耶此次江蘇府縣被參各款該督撫何以
毫無見聞其平日姑容寬縱已可槩見李星沅陸建瀛均著交部
分別議處至藩臬以下該管上司應議職名著一件查取分別議
處福濟駱秉章既將各員款蹟查訊明確定擬具奏並不將各該
上司隨案附參亦屬疏漏著傳旨嚴行申飭○丁卯以毓書爲盛

京刑部侍郎由內閣學士遷○是月賑直隸通州等七州縣安徽無爲等
十六州縣水災給安徽和州等十四州縣湖南華容縣岳州衛災
民口糧貸湖南安鄉縣澧州災民籽種蠶緞直隸通州等五十二
州縣湖北沔陽等三十九州縣湖南澧州等九州縣安徽泗州
等二十四州縣被災新舊額賦緩徵山東臨清等三十七州縣衛
山西薩拉齊等三廳縣被災新舊額賦展緩齊齊哈爾等四處款
收通賦
十一月壬申廣西巡撫鄭祖琛奏遵查北流等處劫案已獲犯分
別嚴辦見在地方安堵得旨不可一奏了事務要嚴密訪緝○癸
酉允李星沅等奏江蘇各屬新漕仍歸河運○己卯命耆英爲文
淵閣大學士以琦善協辦大學士仍留四川總督任○癸未貝勒
蘇德卒命 皇六子奕訢臨奠賞銀五百兩治喪○甲申諭工部
東華續錄 道光五十八 七
奏應追各款完交甚少請旨飭催等語各省應賠各款皆待用要
需自應依限完解茲據工部查明應追款項爲數甚鉅完交甚少
當此紛紛籌賑度支孔亟之時各直省大吏宜如何趕緊催提力
籌國計且賠項未交多係見任實缺人員並非盡係無力乃竟積
習因循屢催罔應緊要款項視爲具文籌國疆臣捫心應如是耶
所有各省著賠分賠攤賠代賠溢領賑減之款著各省督撫河督
於所屬實缺司道府廳州縣各員無論本身應賠及代賠各項俱
著照該部所開清單勒限催追完繳解交就近被災省分備賑仍
將完交數目起解日期奏報各該大員受恩深重於本身賠項更
宜首先完繳則屬員賠項亦必不催而自應其無賠項者於所屬
無所贍徇咸服公允更形踴躍或賠項過多酌分成數趕緊完納
經此次訓諭之後如再仍前玩視必將該督撫重懲或各屬員不

肯實力籌解即著指名嚴參該督撫具有天良當不至仍前玩泄也○乙酉諭前因戶部奏籌備庫款一摺當派宗人府大學士軍機大臣會同戶部妥議茲據王大臣等議定准駁並仍會同戶部另議章程五條具奏朕詳加披閱尙屬周妥國家承平日久涵濡德澤務爲寬厚漸至廢弛歷久相沿已非一日若不加大整頓興利除弊則官玩法而民受害政事何由得舉該王大臣等所議數條或循成憲或順輿情無非就自然之利斟酌損益鹽務乃裕課之源生齒日繁理應轉運不竭乃見在長蘆山東鹽務疲累已極特派定郡王載銓等分別覈辦該王大臣務當博採輿論實力講求除有數處已經行之有效暫無庸更易外其餘應如何變計俾裕國便民之處著體察情形悉心妥辦至各省錢糧江蘇浙江河南山東福建四川等省俱辦清查已立期限惟係分縷析造冊報

東華續錄 道光五十八年 八

部恐遲延時日著各直省督撫趕緊先造四柱清冊一分每省各以一府爲一冊統以文到之日限八箇月辦齊其短少之項已有數目從何支飾各該督撫惟應迅籌彌補章程不得轉轉耽延終歸無著造冊完竣咨明戶部隨到隨即咨報軍機處存記不拘何時請旨順派欽差前往各府縣抽查從前虧短之數業經設法分別彌補追賠各該員已有應得罪名處分朕必寬其既往不置重典但報部之後水落石出若續經欽差查出虧短立即訊明執法從事決不寬貸其八箇月以內本已到限者毋庸因此另展所有從前奏請展限覈辦原因繕造細底清冊仍應逐細辦理屆期報部以憑覈對漕糧本有折色之條但恐州縣於舊章之外藉詞增添與其受追呼而肥劣員之橐不若減價值而作惟正之供著各該督撫體察各屬情形酌量應折幾成卽以此銀循照成案分於

北省各處豐收地方購買米麥或招商由海運抵津至舊緩帶徵漕糧與本年秋收無涉屆啓徵之年無論正米耗米盡數改爲折色解交部庫所有一切隨漕應徵旗丁行月贈耗等米及交倉席木等項自應按照緩漕數目計算一併改折解部如州縣借詞浮折卽行嚴參至河工浮冒之弊人所共知本年已明降諭旨著戶部存記除例應發給銀兩外絲毫不准再撥自當懷遵計每年所撥銀兩儘力節省費儘敷辦工如果該廳員等於例領正價之外並未絲毫糜帑三汛之後准該河督優加保舉嗣後河督處分仍照舊例分別漫口罰俸決口降留辦理毋庸離任其失事專汛應弁從重治罪以專責成而杜挾制並酌添該河督養廉以資辦公

東華續錄 道光五十八年 九

江南河道總督共發給銀一萬二千兩河道總督共發給銀一萬兩優與正所以杜其濫取各廳員欠缺甚多著兩江總督山東河南巡撫會同該河督等酌議裁撤至開礦之舉以天地自然之利還之天下仍是藏富於民如果地方官辦理得宜何至藉口於人眾易聚難散因噎而廢食著四川雲貴兩廣江西各督撫於所屬境內確切查勘廣爲曉諭其餘各省督撫亦著留心訪查如有苗匪之區酌量開採斷不准畏難苟安託詞觀望儻游移不辦朕不難派員前往履勘如果不便於民或開採之後弊多利少亦准奏明停止至於官辦民辦商辦其應如何統轄彈壓稽查之處朕亦不爲遙制惟在該督撫等各就地方情形熟商妥議定立章程具奏總之有治人無治法窮變通久全在因時制宜綜此數端除實有不便於民者准該督撫奏明外其餘令在必行諒不敢弄言亂政如果該大吏等振刷精神痛除錮習小廉大法未有爲其事而無其功者卽令收效稍遲亦絕無絲毫培克病民也爾百寮

共勉之苟能膺朕之賞而毋干朕之法朕甚慰焉將此通諭中外知之○乙未免湖北民欠修隄費銀六十萬兩○己亥李德以病免以程煥采為江蘇布政使楊文定為湖南按察使由廣東惠潮嘉道遷○是月給江西德化等二十縣水災口糧貨湖南提標及常德等協營災區兵餉蠲緩江蘇泰州等七十七州廳縣衛兩淮呂泗等二十場江西德化等二十二縣直隸安州等六州縣水災新舊額賦緩徵山東濟甯等二十七州縣衛河南睢州等五十州縣甘肅涇州等二十二州縣災歉新舊額賦展緩陝西葭州等五州縣積欠通賦

十二月丙午 上詣 大高殿祈雪○庚戌諭原任江南提督陳化成為國捐軀其被害甚烈本日兵部將伊子帶領引見朕追念遺忠不勝悼惜陳化成之子陳廷芳著遇有福建水師都司缺出東華續錄 道光五十八 十 卽行補用毋庸學習○辛亥諭載銓等奏遵旨會查長蘆鹽務酌改章程開單呈覽一摺長蘆鹽務疲敝已久疊次整頓調劑總無起色經朕特派王大臣前往會同查辦茲據確切查覈臚列條款會奏自應因時變通俯如所請試行辦理所有長蘆懸岸四十四處之內河南懸岸二十州縣著盡改票鹽卽做照准北成案先課後引直隸所懸之二十四州縣著予限半年責令各州縣招商招販一律整理儻商販無人卽責成各州縣自行領運或由鹽政遴員官運以濟民食卽責成訥爾經額會同崇綸實心覈辦不得畏難苟安此後商欲改票欲改商皆可隨時體察施行至該處各項支銷浮費著照議停減其引地文武各衙門官役相沿陋規既往不咎著通行嗣後永遠裁汰又每年應完內外帑利銀三十萬一千零著按額引均攤無論行引行課悉按此數同正課一併覈

計徵收分款支解遇閏照例加增並此後引鹽每引著准其加斤免課每斤准其減價敵私皆照所議之數辦理至道光二十七年引課奏銷於二十九年春開領運完竣後仍於五月內奏銷此後按年照辦著免其提早一月以順春運而免貽誤其各項積欠銀二千三百四十三萬一千四百餘兩著自二十九年按引分攤徵收解部備有拖欠由戶部指參再緝私章程兵役不如商巡得力嗣後著復商巡舊規以杜偷漏而節糜費凡此數端皆事屬可行而恤商不為不至歷年因循玩誤遂致帑本國課支絀不堪經此整理之後訥爾經額惟當會同鹽政崇綸實力奉行認真妥辦務期積弊全除日有起色該督等具有天良諒不至為官吏欺蒙暗受其把持而不知也○以吉明朱嶠俱為內閣學士兼禮部侍郎銜吉明由葉爾羌參贊大臣朱嶠由通政使司副使遷○甲寅 上復詣 大高殿祈雪東華續錄 道光五十八 十一

○乙卯召劉喜海來京以汪本銓署浙江布政使由宗人府丞署○召周開麒來京調蔣蔚遠為浙江按察使以黃宗漢為山東按察使由廣東雷○庚申以潘世恩年登八秩賞其孫祖蔭舉人並頒御書扁聯福壽字珍玩文綺○辛酉 上詣 天神壇祈雪○壬戌諭著英朱鳳標徐澤醇奏查出歷任運司出借銀兩請照數賠繳等語運庫存貯雜款各有一定之用見經著英等查出歷任運司出借銀兩至七萬三千九百三十餘兩之多雖事屬因公確有案據惟自道光二十年後迄今並未歸款歷任相沿流弊滋甚著卽責成各前運司如數賠繳文綸應賠銀一千一百五十五兩零何其興應賠銀三萬六千二百三十六兩零王鎮應賠銀二百三兩零方濤應賠銀二兩零陳士枚應賠銀三萬三千一百九十三兩零沈拱辰應賠銀一千六百二十五兩零韋德成應賠銀一

千五百九兩零其一千兩以上者予限三箇月三萬兩以上者予限一年均於文到日起限其業經身故者著落子孫賠繳備逾限不完著戶部及山東巡撫查明參辦嗣後運庫錢糧務須覈實存貯概不准擅行借支以杜弊混○諭書英朱鳳標奏遵查東商面封公費並將收受程儀節壽銀兩各員開單呈覽一摺山東省面封公費銀兩向係商捐商用見據耆英等查明歷任支銷之處實係藉資辦公所有歷任巡撫運使支銷公費著毋庸議惟程儀節壽名目卑鄙貪婪嗣後著即永遠革除不准仍蹈錮習其收受各員本應一槩懲辦姑念相沿已久且係在面封項下支銷與需索有開此次暫行從寬分別辦理所有收受程儀之前任巡撫署巡撫經額布麟魁王篤梁寶常崇恩均著交部議處所受銀兩著照數罰賠其收受節壽等項之前任運使署運使文綸寶清王庭蘭東華續錄 道光五十八 十二

何其興王鎮陳功陳士枚徐經沈拱辰韋德成均著交部嚴加議處所受銀兩著照數加倍罰賠已故者該部查明各籍飭令其子孫代賠均於交到之日勒限一年完繳如逾限不完該部隨時參辦刑部侍郎前署山東巡撫陳孚恩於公費等項一槩不收清正可嘉之至著加恩賞給頭品頂帶在紫禁城騎馬以示獎勵旋頒御書清正良臣扁額○乙丑諭前據耆英等奏遵查東商面封公費並程儀節壽等名目當將收受之歷任山東巡撫運使及署任各員交部分別議處嚴議茲據該部察議具奏該員等身膺重寄輒於鹽務陋規相沿收受均屬貪鄙無恥自應分別示懲除已故各員賠項仍著落子孫追繳其處分毋庸議外經額布麟魁王篤梁寶常覺羅崇恩均著照部議降三級調用不准抵銷王篤梁寶常均有革職留任處分著即照例革職寶清王庭蘭何其興陳

士枚徐經沈拱辰韋德功均著照部議革職○以成剛為禮部尚書柏葰為左都御史由戶部左侍郎遷○丙寅轉全慶為刑部左侍郎以恆春為刑部右侍郎由陝西布政使遷○轉阿靈阿為戶部左侍郎調福濟為戶部右侍郎明訓為吏部右侍郎靈桂為工部右侍郎以恆毓為盛京兵部侍郎由左副都御史遷○以張祥河為陝西巡撫由甘肅按察使遷○丁卯以常大瀉為陝西布政使由湖北按察使遷○戊辰以恆福為直隸按察使由口北按察使遷○是月加賑直隸通州等十四州縣災民緩徵浙江仁和等三十一縣衛藍青村等五場直隸通州等十四州縣被災新舊正雜額賦展緩山東章邱齊東二縣直隸霸州等二十六州縣災歉通賦○是歲朝鮮琉球暹羅越南入貢○會計天下民數除臺灣府屬淡水等七廳縣數除福建省未報外各省通共大小男婦四萬二千六百七十三萬七千一十六名口存倉米穀二千九百二十七萬四千二百八十四石九斗三升四勺

東華續錄 道光五十八 十三

臣王先謙敬編

臣周爾蕃恭校

道光二十九年己酉春正月丙戌諭朕於謁 陵大典連年敬謹

舉行今春屆應祇謁 東陵本擬擇吉前往以伸追慕之忱惟上

年京東一帶地方被水歉收蹊路所經不能不藉資民力雖節經

降旨加恩蠲緩賑恤仍恐民困未蘇益以差徭未免更形拮据所

有此次謁 陵典禮著暫停前往○辛卯諭激揚大典覈實為先

滿漢諸臣有能精勤任事不顧嫌怨者允宜甄敘或年力已衰或

無足錄取者亦難姑息茲屆京察之期吏部將內外諸臣開單題

請朕詳加酌覈大學士穆彰阿潘世恩戶部尚書賽尚阿祁雋藻

刑部侍郎陳孚恩贊襄庶政矢慎矢勤而潘世恩年逾八旬精神

東華續錄 道光五十九

強固尤屬罕遇朕甚嘉焉大學士耆英數年以來總督任內諸臻

妥協直隸總督訥爾經額久任畿疆克盡職守毫無懈弛均著加

恩交部議敘禮部侍郎馮芝兵部侍郎德厚年力漸衰均著原品

休致餘著照舊供職○轉吳鍾駿為禮部左侍郎以會國藩為禮

部右侍郎由內閣○轉瑞常為兵部左侍郎調道慶為兵部右侍

郎以景瀄為盛京工部侍郎由副都統○丙申修湖北省城江隄並

荆州府萬城大隄○戊戌諭戶部奏州縣經徵錢糧已徵未解請

飭嚴催等語錢糧為國家正供應徵應解自宜按限報部豈容掩

飾懸宕乃各省奏銷多不足額經該部據冊指駁再四咨查並降

旨嚴飭各督撫認真訪察據實參奏而各省於已徵未解期可

以報撥之款竟未查出一案參及一人是視飭催為具文毫無做

畏實屬任意延玩地丁正項既已徵之於民即為見存之款何難

登時起解總因不肖州縣私肥囊橐任意侵那各該上司代為彌

縫隱忍不奏迫嚴行飭催猶以民欠未完交代未清為口實見計

各省冊報未完地丁銀尚有八百六十餘萬兩之多若不及早清

釐伊於胡底前以清查庫款降旨以八箇月為限著各督撫督同

藩司按照該部疊次單開認真釐剔其已徵未解各款務於八箇

月限內埽數提解迅速報撥備查有侵虧等弊立即嚴參從重究

良方圖整頓地丁正項即令按期徵解亦屬分所應為乃以分內

之事聽州縣任意枝梧疊經飭催仍復漠不關心無非為規避督

催不力處分豈封疆大吏竟如是居心耶經此次曉諭之後各督

撫務宜認真整飭破除情面斷不可仍令不肖州縣藉詞延宕如

已徵各款仍有未解一經查出除將各州縣從重治罪外並將各

督撫一併嚴處決不寬貸朕言出法隨各督撫其懷之勉之○是

月加賑安徽無為等十六州縣衛水災給湖南澧州等六州縣安

徽和州等十三州縣水災口糧貸江西南昌等十二縣湖南澧州

等六州縣水災籽種緩徵山東臨清等三十七州縣衛上忙額賦

浙江仁和等十三縣通賦

二月庚子朔日有食之○辛丑臺灣北路各廳縣被水地震命劉

韻珂飭屬查勘撫恤○丙午李星沅奏查江蘇賑務並運河南米

麥協濟得旨嚴實妥辦貧劣官吏不可倖免一人困苦災黎不可

輕拋一命庶稍贖朕眷卿等亦當獲福矣勉之毋忽○甲寅諭前

據著英奏敬陳管見一摺當交大學士軍機大臣會同該部嚴議

茲據會議章程並嚴定處分分別治罪各省地丁銀兩國家正課

攸關乃已徵未解之款不可數計不肖州縣每遇有恩年分奉

混災緩串通請免貪巧可恨嗣後有以完作欠恣意侵那騰敢蒙混請免者悉照大學士等新議章程治罪斷不稍存寬貸見在勒限八箇月清查各督撫大吏自應飭屬認真稽覈徵存者即時解司已解者剋期奏報如再有屬員弊混司庫通融情事即將該州縣同庫書解交刑部嚴審確情擬罪並將該藩司道府等嚴議徇隱之督撫從重議處至地丁錢糧截數限期例不畫一應如所議除廣東應於次年正月雲貴應於次年三月截數外餘俱令於十二月底截清已未完數目造報按限於次年開印後具奏不得遲至奏銷屆期始行奏報經此次嚴定章程之後該督撫毋得如不能督率所屬力圖整頓或明知屬員等以官欠作民欠並將已徵之款延不報解被人參奏或朕別有訪聞定將該督撫等加以嚴懲試問能當此重咎否耶懷之○丙辰諭內閣學士載增於召見

東華續錄

道光五十九

三

時輒敢以家事冒昧陳奏已屬膽大妄為復將妄奏之語向伊家內之人洩漏見經軍機大臣傳訊明白載增著與伊弟載堪均革去內閣學士退出乾清門所管一切差使全行革退均加恩賞給頭等侍衛在大門上行走○諭軍機大臣等琦善裕誠奏野番滋事一摺四川中瞻對野番工布朗結膽敢出巢滋事各土司俱被搶掠殺斃民人殊屬目無法紀外番狡逞自相蠶食原可置之不問惟恃其兇頑不惟占去各土司地方並欲侵占裏塘為梗塞大路之計經該督出示曉諭該野番仍負固不服似此兇頑自應及早撲滅毋令養癰貽患琦善見在馳往中瞻對督率弁兵相機妥辦務當迅速剿滅殲厥渠魁勿令蔓延肆擾至前交該督赴滇審辦之案見已明降諭旨改派裕誠辦理所有此案原委及寄信諭旨該督檢齊移交該將軍查照遵辦可也○以何裕誠為內閣學

士兼禮部侍郎銜事通書元為左副都御史○丁卯調溫予巽為甘肅布政使龔裕為直隸布政使○是月貸江蘇災區京左等八營一季兵餉

三月壬申以故貝勒縣德子奕縉降襲貝子○壬午兩江總督李星沅奏南漕改折戶部例定價值為數甚輕州縣私收折色多則徵收不易少則採買不足且銀價時有長落年景時有不齊不肖州縣顯開浮勒之端不法吏胥暗啓訛索之漸種種窒礙變而難通得旨原議王大臣等會同戶部議奏○乙酉以和色本為內閣學士兼禮部侍郎銜事○丁亥江蘇巡撫陸建瀛奏南漕改徵折色諸多未便敬謹瀝陳一原議改收折色即以其銀分於河南陝西奉天豐收地方購買米麥或招商由海運津等語查定例折米一石納銀一兩其多者亦不過一兩四五錢無論河南等省豐歉不可為常即以招商海運而論二十七年成案每米一石給銀二兩四錢或六錢不等統計大局入不敷出當此國用支絀之時何能更為買米籌款一原議改收折色不惟經費有補且可以甦東南官民之困等語查招商採買例價不敷勢必酌增折價過重民何以堪民力不支必多積欠民欠未完必責官墊官墊無償必添那移江蘇數十年來均以墊漕而致虧今又加以折漕將另開一虧空之門恐民困未甦而於國帑大局有礙一原議南漕全折京城米價必昂請酌折成數等語查酌折成數辦理參差幸而年穀豐登折收三成兩成尚徵七八成本色萬一歲事不齊則減米一石即少米一石減折色一分即短採買一分而不肖官吏又多不可思議之處久之銀短而米更短於京師民食關係匪淺得旨原議王大臣會同該部議奏○己丑修湖北襄陽老龍石隄○庚

東華續錄

道光五十九

四

寅諭軍機大臣等本日據徐廣縉奏熟籌進城一事實屬萬不可行又據葉名琛穆特恩等奏遵旨嚴防並加意撫戢兵民各一摺又據葉名琛片奏進城有害無利斷難隱忍坐視等語覽奏均悉進城之約在當日係一時羈縻見在該酋堅執前約該督等前奏親赴虎門面晤情形於進城究竟可行與否未能縷晰陳明是以朕前經降旨暫准入城一遊期於少生枝節若如該督等此其所陳婉阻之未必遠開邊釁許之必至立啓兵端層層奏明朕始悉其底蘊自應照該督等所議酌辦見在該省兵民互相保衛共有十萬之眾是眾志成城自當勸其同仇何可使之解體且據葉名琛穆特恩等奏稱內河外海見飭一律嚴防不至稍有疏虞著徐廣縉等即就見辦情形隨時體察務當固結民心激揚士氣萬不可稍有疏失方臻妥善該督等同心敵愾深堪嘉尚朕絕不東華續錄 道光五十九 五

為遙制儻使沿海各省皆能如此足食足兵朕無憂矣○以瑞麟為內閣學士兼禮部侍郎銜由太常寺 乙未裁山東泉河通判一河南歸河通判一守備一○戊戌諭前經降旨無庸截取之湖南舉人唐懋著照禮部舊例給予八品京銜嗣後有舉人不准截取者著照此辦理○廣東陽山英德等縣匪徒滋事命徐廣縉等勦辦○是月緩徵江蘇邳州等二十六州縣衛通賦

夏四月己亥朔徐廣縉葉名琛奏進城之不可行已備文照會並探知香港復到有兵船及火輪船隻且有雇坐小艇分往海口測水探路情事所有虎門外海各礮臺見經調集香山等營兵丁並雇募壯勇分飭嚴防見在城內居民恨洋人切骨惟恐其不受創文翰似有轉圜之意得旨嘉勉○壬寅李星沅以病免以陸建瀛為兩江總督調傅繩勛為江蘇巡撫以費開綬為江西巡撫

○癸卯諭吉明德齡奏邊外安靜情形並在逃回子全數投回一摺喀什噶爾英吉沙爾二城在逃回子一千餘名口見經全數投回雖在一年限外所有原業田產加恩仍准給還以示體恤並著該城大使督飭該阿奇木伯克等妥為安置勿令滋生事端○諭軍機大臣等吉明德齡奏霍罕收取卡外租稅被布嚕特將該夷目殺害潛逃等語覽奏均悉卡外蠻觸相爭事所恒有撫馭之道但當處以鎮靜聽其自然毋許過問致啓嗾瀆該大臣等既經密飭三城暗加防範自應將各城滿漢防兵認真訓練軍械礮火隨時檢齊務須備足兵精時存有備無患之意仍不時妥飭員弁偵探該夷動靜據實稟報毋許貪功多事○甲辰以陶樑為江西布政使春熙為山西按察使 乙巳以山東洋盜搶掠申諭徐澤醇飭屬搜拏沿海村場盜藪○丙午諭前據李星沅陸東華續錄 道光五十九 六

建瀛先後具奏南漕改折流弊易滋諸多窒礙各等語當交原奏王大臣等會部議奏茲據悉心覈議具奏應如該督撫所請毋庸議折本日據據耆英奏到南漕暫緩改折一摺折漕之議原因外省州縣折色過重徒充私囊轉紬正供因力求變通令各就往年徵糧實數酌減徵收期於興利除弊既據該督等以種種格礙難行分晰陳奏惟恐不肖州縣借折色之名抑勒倍取是便民之舉轉致病民亦不可不防其漸所有各省漕糧著准其仍照舊章辦理毋庸分議折但變通既滋弊竇守舊宜復成規漕糧為天庾正供不容顆粒短絀封疆大吏尤當激發天良隨時整頓嗣後務須實力徵收全漕兌運備各屬有捏災註荒及官吏私徵中飽州縣浮收勒折等弊必應嚴加釐剔其不肖州縣肆無忌憚如敢淨收勒折病民肥己一經查出即著指名嚴參治罪毋稍姑容該督

上司儻有意存徇庇者著一併從嚴參辦經此次申諭之後如該督撫等仍漫不經心諉之於弊難周察相率因循或不竭力思辦全清任聽屬員捏報災狀朕惟有執法從事恐該督撫等不能當此重咎也○丁未徐廣縉葉名琛奏英人因省城防衛森嚴並經紳士公函勸導深知眾怒難犯又因洋商停止貿易大受牽制不敢進城其計已決得旨所辦可嘉之至朕心甚慰如此棘手之事卿不動聲色使彼自屈較之軍功尤堪嘉尚又奏呈廣東紳士公致文翰信稟批遠勝十萬之師皆卿胸中之錦繡幹國之良謀嘉悅之懷筆難盡述也○己酉以前任禮部侍郎杜壻重赴鹿鳴賞頭品頂帶並太子太保銜○癸丑賞徐廣縉子爵世襲雙眼花翎葉名琛男爵世襲花翎子穆特恩烏蘭泰托恩東額洪名香祥麟照軍功例優敘餘升賞有差○諭我粵東百姓素稱驍勇乃近年

東華續錄

道光五十九

七

深明大義有勇知方固由化導之神亦係天性之厚朕念其翊戴之功無惻然有動於中乎著徐廣縉葉名琛宣布朕言俾家喻戶曉益勵急公向上之心共享樂業安居之福其應如何獎勵並分別給予扁額之處著該督等第其勞勩錫以光榮毋稍屯膏以慰朕意○丙辰撥四川撫邊屯麥二千石接濟崇化屯糧○丁巳硃諭軍機大臣等本日又獲甘霖地面一定涇滑潘世恩可無庸進慎德堂雖有扶掖之資難紓眷念之意諸卿等於登下扁舟亦當在意○庚申諭徐廣縉子爵葉名琛男爵均著准其以一等世襲

襲

閏四月辛未鍾祥卒賞顏以煥三品頂帶署河東河道總督由淮

海道○癸酉陸費瑑丁憂調趙炳言為湖南巡撫以羅韓典為湖

北巡撫駱秉章為貴州布政使椿壽為湖北按察使由山西

○

甲戌江西九江關監督士魁奏製造圓珠器名目件數得旨旨除者十六項自本年永停燒造此冊發往九江關監督衙門作為交代從前按節令按花文之鄙例再不能除些小事尚然如是可恨可惡之至總之有用之物不嫌其多繁文世俗必當力屏初不在數十種器也○辛巳諭琦善奏親督漢土官兵進剿中贍對野番大獲勝仗一摺此次中贍對野番工布朗結出巢滋事將各土司印信號紙土地人民肆行搶掠復欲侵占裏塘勢將梗塞通藏大路經琦善統帶官兵督飭將弁土司等行抵該處該野番頭目膽敢帶領賊番前來衝突我兵開礮轟擊槍矛齊施傷斃賊目二名及羣匪二百餘人餘匪逃竄復追殺無數並奪獲牛馬甚多賊目噶羅布恰必阿索均落崖身死見仍詳探路徑籌充糧餉以期搗穴窮搜所辦尚好琦善調度有方著交部議敘所有此次進

東華續錄

道光五十九

八

剿之將弁等並著擇其尤為出力者酌量保奏候朕施恩毋許冒濫○癸巳申定浙江鹽務章程○甲午諭軍機大臣等琦善奏官兵續獲勝仗攻破礮卡奪占隘口一摺覽奏均悉此次進剿中贍對野番官兵甫抵該處即已大獲勝仗茲復據奏本月初二日子時復選選精卒分路攻擊數日之內攻毀礮卡十餘處奪占隘口四處殲斃賊番數百人所辦甚好乘此兵力精銳正可一鼓作氣搗穴擒渠惟賊巢周圍皆係戰牆堵塞且礮塞堅固必須預度礮力足以相及方期施放有準奪隘摧堅該督惟當審度形勢妥協辦理務將糧餉軍械籌備齊全並詳探路徑剋日進攻掃除羣醜俾諸番望風懾服毋稍疏虞

五月癸卯徐廣縉奏謝賞子爵花翎恩得旨運籌之功不亞於斬將舉旗使將士用命商民一心堂堂正正攘外安內朕慶得人必

當加賞何為過焉○丙午諭季芝昌吳文鎔奏遵旨會查浙江省各屬倉庫那墊數目請將知縣先行革職勒限完繳一摺浙江省各屬庫款正項動墊銀數累萬盈千雖川款悉出因公但墊數愈多即虧數愈鉅亟應嚴辦以示懲儆所有那墊銀三萬兩以上之浙江前任富陽縣知縣楊燦基嘉興縣知縣仲來秀水縣知縣賈椿齡嘉善縣知縣劉秀鈺俱著先行革職勒限本年完繳備逾限無完即將該員等拿問監追查鈔備抵至已故烏程縣知縣馬受昌那墊銀數亦在三萬兩以上著即著落該故員家屬勒限一年完繳俟限滿時再行分別查辦○諭軍機大臣等本日據季芝昌吳文鎔奏清查浙省倉庫歷年那墊銀數各數並擇尤參辦一摺已明降諭旨將那數最多之前任富陽縣知縣楊燦基等四員革職勒繳並將經徵九載全完之於潛縣知縣會積堂從優鼓勵矣

東華續錄 道光五十九 九

浙江省各屬倉庫自道光二年清查至今歷任那墊正雜錢糧並漕南等米以銀作價見據查明共銀二百八十四萬六千八百餘兩倉穀一百十萬九千五百餘石米三千餘石之多實屬不成事體究其致虧之處雖由近年銀價日貴漕費日增及塘工兵差各案不敷捐賠以致那移公項墊補虧缺日甚一日而不肖州縣藉口因公侵吞入己者亦恐不少總由該管上司不肯隨時認真稽覈存見好屬員之見任其蒙混詳報錮習相沿實堪痛恨季芝昌派辦清查是其專責吳文鎔到任未久無所用其回護著將歷任巡撫藩司上屆清查以後確切查明何人任內那墊數目最多並有無偏袒屬員任聽蒙混情弊秉公確覈分別輕重據實參奏不准稍有徇隱汪本銓經朕特簡見經實授藩司所有前任各藩司顯預疲玩之處並著查明據實揭參毋稍瞻顧○實授汪本銓浙

東華續錄 道光五十九

江布政使○戊申賞鄭國鴻孫舉人恬七品小京官○己酉諭林則徐程喬采奏夷匪焚掠各寨勦辦情形一摺所辦甚好上年雲南騰越廳卡外野夷滋擾糾夥掠擄居民經明光隘土守備左大雄管帶練勇出卡勦辦斃夷匪多名該匪等畏威悔罪立誓輸誠洵能遠振軍威又安邊地左大雄著加恩賞給義勇巴圖魯名號以示激勸騰越鎮總兵拴住地西道王發越永昌府知府張亮基署騰越廳同知霽益州知州鄧堪籌商軍務督率有方均著交部從優議敘六品軍功頂帶練總董大文擊賊陣亡著照土千總例賜卹傷亡練丁均著交部照例議卹○庚戌諭琦善奏中瞻對野番番悔罪投誠並附近中瞻對之卓巴塞爾塔野番傾心效順各一摺又另片奏在事出力人員可否酌保等語此次中瞻對野番出巢滋事經琦善督兵征勦疊獲勝仗直抵巢穴該野番工布朗結等震懾軍威遞結投誠情願將所奪地土人民退還各土司照舊各安住牧自應寬其既往俾得向化輸忱著仍賞給工布朗結六品長官司虛銜以昭勸勉至卓巴塞爾塔野番旺慶所管地方與中瞻對相距甚近亦經該督派令護理東科長官司司衮噶設法開導該野番來營投誠願備徵調其歸順亦出至誠旺慶著賞給土守備職銜並賞帶花翎琦善督兵遠涉迅速蕪功著交部從優議敘所有在事文武員弁及各路土司等均屬著有微勞著該督擇其尤為出力者酌量保奏候朕施恩毋許冒濫○癸丑以青磨為內閣學士兼禮部侍郎銜○太常寺卿○戊午兩江總督陸建瀛奏近日兩淮雜務疲敝已極推原其故總由私鹽充斥官鹽昂貴商人成本過重綱運滯銷欲減價以求銷而商本已折欲願價以保商而官銷益絀見飭運司但明倫嚴飭辦事商人趕緊捆運並嚴

東華續錄 道光五十九 十

七二七

禁官員書吏積壓需索等弊此急則治標之計若通盤籌畫欲求萬全非確有十分把握斷不敢輕於一試得旨竭盡心力為之朕惟卿是望○己未諭陳孚恩福濟奏訊出巡撫收受餽送銀兩請旨革訊並將狡供之知縣革職一摺山西巡撫王兆琛汾陽縣知縣曹文錦山陰縣知縣金作節河津縣知縣程震佑著一併革職拏問交陳孚恩福濟嚴行審訊○以季芝昌為山西巡撫朱崢為倉場侍郎學士○庚申諭劉韻珂吳文鎔奏攻勦漁山盜匪先後籌辦情形一摺浙洋漁山盜匪依為巢穴見經該督等督飭鎮道雇勇添船復飛咨水師提督寶振彪統師兼往先後擒斬多犯沈毀多船並將巢穴門戶分別毀除填塞洵足示震懾而昭炯戒惟漁山一島孤懸海外若不立法稽查嚴行申禁難保不日久又成盜藪著該督等即嚴飭黃巖鎮於該鎮所屬中左右三營內每東華續錄 道光五十九 十一

月輪派遊擊一員親率本營舟師前往巡查並著該鎮於遊擊輪巡一周後親往覆查分別具結總期漁山盜窟掃除淨盡不准再有人迹往來以副朕綏靖海疆至意○辛酉以程庭桂署山東按察使由通政使署○丙寅徐廣縉等奏查洋人之來中國原為通商內地奸民自蹈貪頑為其所餌希圖暗中聳惑更可倚勢自肥見訪獲新甯縣屬私通外國潛遞書信之李象經查閱該犯信彙悖謬絕倫行同叛逆例應斬決已於審明後即行正法以昭炯戒下部知之○是月貸山東滕縣雹災倉穀並緩徵鄒縣滕縣新舊正雜額賦

六月乙亥諭前據御史楊彤如奏參山西巡撫王兆琛歷任聲名平常賊款炳著及各州縣餽送營求並因辦差釀命等情一摺當交陳孚恩福濟馳往查辦旋據奏見訊情形已降旨將王兆琛等

一併革職嚴訊茲復據奏訊明王兆琛於鹽務奏裁公費抵充活引正課之後輒因辦公不敷得受商人節規銀一萬四千餘兩又失察巡捕家人婪索規禮門包及轎役滋事復收用汾陽霍州兩處紅封銀兩種種貪鄙營私實屬孤恩溺職已革知州楊樹年於陽曲縣任內索借王凝一銀一萬餘兩雖訊與王躋堂家命案無涉惟以見任職官借貸部民財物為數較多又餽送該革撫紅封門包銀兩亦屬卑鄙無恥王兆琛楊樹年均著兆那蘇圖派委文武幹員押解來京交軍機大臣會同刑部覆審定擬具奏至山西巡撫兼管鹽政向有河東鹽務辦公銀兩查係前任巡撫吳其濬因商力疲敝奏請裁革一萬兩吳其濬雖已身故而其濬已奉公洵不愧為封疆大臣著該省巡撫查明該故員見有子孫幾人查明具奏即已革巡撫梁萼涵前雖因案發往軍臺而咎止失察伊弟撞騙多賊其於鹽務派商並無徇情受賄情事見又查出交城縣貢餘皮張亦經該革撫永遠裁汰以視王兆琛恣意貪婪相去何啻天壤梁萼涵著即釋放回籍並賞給六品頂帶以為廉正自愛者勸○丙子諭徐廣縉葉名琛奏狀官案內匪徒悉數就擒一摺廣東陽山英德等縣匪徒聚眾狀官行同叛逆經該督等飛咨署提督祥麟並札調鎮將選帶各路兵丁分路進剿並飭運司徐有王馳往會辦先後獲犯五百五十二名首要均已就擒見在地方安靜官兵盡撤歸伍辦理實屬迅速徐廣縉葉名琛祥麟徐有王均著交部從優議敘該地方文武隨同接捕功過尙足相抵所有失察職名免其開參在事員弁著該督等擇其尤為出力者酌量保奏候朕施恩○以江蘇蘇州等府水災命傅繩勛飭屬撫恤並免各關商船米稅○戊寅諭德誠吳鍾駿奏遵議防查轉運漕

糧積弊一摺向例抽查漕糧御史分駐大通橋及各開地方輪替
防查嗣經歸併大通橋一處著仍照舊章一在大通橋抽查量
一赴各開稽查偷漏分別防查弊端以符定制○庚辰命陸建瀛
飭發倉穀庫銀並截留關稅備江蘇水災賑需○改江南文鄉試
於九月舉行武鄉試於來年三月舉行○辛巳以安徽水災命王
植等留款備賑並免各關商船米稅○壬午予宋儒謝良佐從祀
文廟○癸未諭今夏以來江浙安徽湖北等省皆因雨多水漲
各屬漫淹較廣災民蕩析離居嗷嗷待哺每一覽奏焦慮殊深見
經該督撫及時籌辦賑撫凡有可以恤民之處自無不盡心經理
力圖保全惟是災區既寬需費甚鉅雖經官民等量力捐助賑恤
窮黎尙恐未能周徧當此哀鴻滿目朕復何忍稍爲屯膏致民困
未能卽蘇除江蘇省前已奏明動款安徽省亦請留款備賑並均
東華續錄 道光五十九 十三

盡心竭力豈能任意諉卸况巡撫統轄全省疆寄攸關值此天災
流行民生窮蹙宜如何設法安撫用以下蘇民困上紓朕憂方爲
無忝厥職今吳文鎔以災患異常輒請迅賜罷斥另簡賢能是徒
知引咎而不思盡職時值艱難使身任封圻者皆如吳文鎔居心
竟置億萬災黎於弗顧將求牧與芻之謂何耶似此迂腐無能率
意上瀆卽立予罷斥亦屬咎所應得惟當辦災棘手之際轉令置
身事外恐啓巧避之漸吳文鎔著革去頂帶暫留浙江巡撫之任
責令認真籌辦災賑如不能解勞怨辦理妥速尙可稍贖魯尤儻
復不知振作查辦竟無成效致災民轉徙溝壑必當重治其罪朕
言出法隨斷不能稍從寬貸也懍之慎之○改浙江文鄉試於九
月舉行○以車克慎爲內閣學士兼禮部侍郎銜融際○乙酉諭
軍機大臣等楊以增奏洪湖及運河水勢積漲酌籌分減情形一
東華續錄 道光五十九 十四

免商販米稅外其浙江湖北等省被災情形皆同所有藩關各庫
銀兩擬准該督撫酌留備賑商販米船亦准一體免稅該督撫等
其其體朕意務各遴委賢員認真查辦總期實惠均霑如查有浮
冒克扣等弊立即嚴參重懲斷不可使有一夫失所以副朕念切
民依恩膏速沛至意○甲申諭吳文鎔奏籌運米糧以濟民食一
摺本年浙江災區寬廣糧價昂貴小民乏食堪虞除外江內河商
運米糧赴浙售賣者經過各關昨已降旨均免納稅外其福建省
如何招商販運臺米山東省如何招商販運小米雜糧等項並粵
東洋米如何買運赴浙均著各該督撫等體察情形妥速辦理務
期災黎均霑實惠而奸商不至居奇用副朕籌裕民食至意○諭
吳文鎔奏遇災恐懼懇予罷斥一摺所奏冒昧糊塗膽大之至國
家設官分職責重牧民已當其任無論時之難易事之能否皆當

招又另片奏早晚潮退水消仍當堅守車邏壩等語覽奏均悉本
年入夏以來江南陰雨連綿淮源既旺湖水亦有長無消高堰誌
楸見已積存至一丈九尺有餘情形實屬危險權其輕重自須將
車邏壩先行啓放冀可減漲保隄惟下河一帶民田尙賴秋收稍
資接濟如能守至秋成以後再行啓洩庶民困可蘇而隄工亦資
穩固方爲計出萬全然水勢消長難以逆料儻至無可如何之時
又豈可稍涉拘泥致有漫口之虞該河督惟當隨時體察相機籌
辦得守且守應放卽放固不可孟浪以病民尤不可拘墟以誤事
是爲至要○戊子諭前因清查浙省倉庫虧數較多降旨著季芝
昌吳文鎔確查歷任撫藩有無偏袒屬員任聽虧那情弊茲據查
明道光二十年以前雖有那移尙不甚鉅二十一年間兵差絡
繹支應紛繁各屬那缺有因卽上司處分亦宜量加寬免惟自二

十三年至二十五六七年歲計徵存未解銀自三四十萬兩
遞年增加至六七十萬不等其間尤以二十六年為最甚雖由銀
價日增幫費日重以致那墊愈多而似此年甚一年漫無收束總
由該管巡撫藩司查提不力稽覈不嚴致各屬員任意那缺雖無
偏袒確據實屬顛頑疲玩任意蒙混不肯隨時認真稽查置倉庫
空虛於不同溺職孤恩莫此為甚所有在任各三年有餘任內那
數最多之前任浙江巡撫另案革職之梁寶常著革去監知事職
銜由直隸總督派員解京候補三品京堂前任浙江布政使存與
著即革職一併交軍機大臣會同戶部刑部查訊明確按律定擬
具奏其餘失察之歷任各上司職名著吳文鎔查明造冊一併奏
交歸案嚴辦○以湖北水災命裕泰等遴員查賑並改文鄉試於
九月舉行○己丑禮部尚書成剛卒予祭葬○以惠豐為禮部尚

書毓書為熱河都統森為盛京刑部侍郎○辛卯以陶
樑為大常寺卿陸元煊為江西布政使調春熙為江西按察使以
孔慶瑚為山西按察使○縣森以母老命留京為理藩
院左侍郎調景瀄為盛京刑部侍郎培成為盛京工部侍郎
○甲午諭本年江蘇浙江安徽湖北等省被水災區較歷屆尤
為寬廣前經特降諭旨令各該省督撫將藩關各庫銀兩酌留備
賑並准商販米船一體免稅各該督撫等自應仰體朕心極力籌
辦第思嗷鴻遍野安集無期赤子何辜流離失所即速令籌款賑
撫仍恐緩不濟急無裨目前朕夙夜焦思難安寢饋除准撥各款
飭部議行外著發內府銀一百萬兩交戶部查明被災各區分別
配搭撥款迅即解交該督撫督率司道嚴飭承辦正印各員激發
天良覈實散放務期無告窮民均霑實惠不至轉徙溝壑庶幾感

召天和回春可望當此經費支絀之際朕不惜帑金以賑民困各
省大吏儻不認真經理致被不肯官吏侵吞賸削不惟無以對朕
其何以對此億萬災黎耶懍之勉之
秋七月丁酉諭前因各省災區米漕增昂降旨將湖北江浙安徽
等處一體免商販米稅茲據裕泰等奏請所有四川江西商販米
船運至湖北售賣並本省請照出境採買者經過關津均免納稅
循例止收船料等語著再申諭如有米船至湖北省著迅速驗明
不准關役人等留難阻滯免稅放行以廣招徠而紓民困○戊戌
協辦大學士吏部尚書陳官俊卒命悼郡王奕諒奠茶酒晉贈太
子太保入祀賢良祠予祭葬諡文愨賞其孫厚鍾舉人○調賈楨
為吏部尚書以孫瑞珍為禮部尚書王廣蔭為左都御史調陳孚
恩為工部左侍郎以趙炳言為刑部右侍郎馮德馨為湖南巡撫
東華續錄 道光五十九 六

楊文定為江甯布政使調春熙為湖南按察使以陳啓邁為江西
按察使○己亥命戶部尚書那桐為協辦大學士○庚
子以差使懶惰革內閣學士景慶職○辛丑裁江南揚州府揚運
通判丹陽縣丞靈璧縣主簿銅山縣呂梁洪巡檢改揚州府江
防同知為江運同知○辛亥以錫齡為內閣學士兼禮部侍郎銜
○丙辰軍機大臣刑部會奏訊明已革山西巡撫王兆琛收
受商人規費又失察巡捕家丁婪索滋事已革霍州知州楊樹年
挾勢借貸部民銀兩餽送巡撫紅封屬實均請發往新疆效力贖
罪從之○己未戴熙因病請解任命以三品頂帶休致以黃贊湯
為兵部右侍郎○林則徐以病免以程喬采為雲貴總
督張日畧為雲南巡撫○庚申再展江南文鄉試期一月○
召趙光祖來京調駱秉章為雲南布政使以張集馨為貴州布政

使以張集馨為貴州布政使以張集馨為貴州布政使以張集馨為貴州布政使

使以張集馨為貴州布政使以張集馨為貴州布政使以張集馨為貴州布政使

使徐有壬為四川按察使由廣東遷 ○召普泰來京以張亮基為

雲南按察使由雲南府遷 ○辛酉諭昨已有旨令趙光祖普泰來京

另候簡用見在裕誠計已抵滇提訊廣和控案趙光祖如有應行

質訊之處著暫留雲南俟案結後再令起程來京所有雲南布政

使按察使二缺著程喬采派員署理 ○癸亥諭徐澤醇奏請將錢

糧久任無虧之知縣優予獎敘一摺山東見任泰安縣知縣朱家

學掖縣知縣李廷樟恩縣知縣邱文藻從前歷任各縣或十餘年

或七八年經徵錢糧絲毫無虧亦無流攤抵款實屬結實可靠不

為習俗所移見當清查喫緊之際自應逾格施恩以昭激勸朱家

學李廷樟邱文藻均著賞加四品頂帶並交吏部遇有山東及別

省直隸州知州缺出無論題選即行升補 ○是月給江西德化等

五縣湖南澧州等九州縣衛水災口糧蠲緩江蘇川沙等二十二

東華續錄 道光五十九 七

應縣新舊額賦

八月己巳以德齡為內閣學士兼禮部侍郎銜由葉爾羌參 ○王

申諭楊殿邦奏漕船渡黃較遲請豫籌截撥一摺本年四塘漕船

指日可全入東境惟節候已遲必須於安陸地方截撥轉運方可

無誤回空著直隸總督倉場侍郎即飭天津道將楊村官撥抵補

船隻迅速調齊並酌量添雇民撥飛咨漕運總督詢問應否迎至

安陸守候方免臨事周章 ○丁丑諭陸建瀛傳繩勸奏兵勇擊擒

盜船見辦情形一摺勦辦可嘉之至浙洋盜匪屬聚東窰山一帶

乘閒伺劫經署上海縣知縣王紹復先後緝獲盜匪丁添來等究

出盜首姓名巢穴知會兵勇迅速掩捕多名救回難民候補千總

胡維榮等一經確探即不分畛域奮力擊擒此皆確有可據不比

空言擊沈盜船落水無數盡係粉飾之詞辦理實覺大快人意陸

建瀛傳繩勸調度有方均著交部從優議敘王紹復著遇有直隸

州知州缺出儘先升用先換頂帶胡維榮著以都司儘先升用先

換頂帶其餘出力文武員弁著該督撫擇實在出力者酌保數員

候朕施恩至盜首陳雙媽在逃務即督率斷不可令其免脫 ○陸

建瀛等奏見辦賑務及水退情形得旨臣民之福即朕之福加以

卿等殫心盡力朕引領東南方可慰也 ○辛巳以程庭桂為左

副都御史由通政遷 ○癸未諭軍機大臣等本日據吳文鎔奏浙省

新漕勢難一律徵收起運請飭於河北遣散游幫水手一摺據稱

浙幫各船增雇緯夫及游幫水手通計不下數萬人本屆新漕停

運必多一經歸次不特滋事堪虞且食指浩繁米愈少而價愈貴

請於河北全行截留令其自謀生計等語此等無業游民本非安

分之徒明歲停運船隻既多誠恐其回至災區路經江南一帶藉

東華續錄 道光五十九 六

端滋事其應如何設法分起遣散不至令其流離失所而災區又

免滋擾之處著陸建瀛傳繩勸吳文鎔會同楊殿邦迅速妥商會

議具奏務須和衷商榷計出萬全毋存畛域之見惟節候已遲必

應趕緊籌畫若各執成見止知為己不恤鄰封日後咎有攸歸其

各懷之勉之 ○丙戌召季芝昌來京署吏部右侍郎以龔裕為山

西巡撫吳式芬為直隸布政使郭夢齡為河南按察使病痊按 ○

己丑諭鄭祖琛閱正鳳奏土司邊境盜匪竄擾督飭勦辦情形一

摺廣西盜匪在毗連廣東一帶地方聚眾滋擾前經兩省會捕擒

獲多名茲復糾結夥匪擾及土境經該督撫飭鎮道選派兵勇前

往勦辦該匪等膽敢恃眾抗拒都司鄧宗珩帶傷殺賊乘勝前追

墜馬殞命旋經該鎮道確探賊蹤督兵開礮轟斃賊匪五十餘人

追擊十一人奪獲鐵礮十二位並刀槍多件該匪等勢已大潰紛

紛逃竄惟該處毗連兩省山徑崎嶇難保該匪等不四出竄匿乘
 間竊發著該撫仍督飭文武會同廣東員弁於各要隘合力兜擊
 務期盡絕根株肅清邊境都司鄧宗珩身先士卒奮勇捐軀實堪
 憫惻著加恩照參將例賜卹以慰忠魂○積喇明阿以病免以陳
 阡為福建按察使由廣東道遷○辛卯前任閩浙總督楊國楨卒予
 祭葬賞其子忻烜舉人○壬辰諭裕誠奏被劾人員挾嫌揭告審
 明定擬並另開清單呈覽一摺此案雲南已革降調知縣廣和挾
 嫌列款具控審明多係虛誣實屬刁詐著照擬從重發往新疆充
 當苦差以示懲儆已革州同銜劉元吉與廣和拜認師生迹涉貪
 緣復經餽謝銀兩著發往軍臺效力贖罪雲南布政使趙光祖雖
 訊無虧短庫項情事惟於幕友收受節禮及假冒頂帶並書吏門
 丁種種弊端不能查禁且於廣和誣擊燒香又不揭參著交部嚴
 東華續錄 道光五十九年 十九
 加議處並著即行來京聽候部議○是月給奉天錦州旗民江西
 鄱陽等九縣湖南澧州等十州縣衛水災口糧
 九月癸卯程煥采以病免調李璋煜為江蘇布政使以柏貴為廣
 東布政使祁宿藻為廣東按察使由鹽運使遷○甲辰布彥泰以病免
 以琦善署陝甘總督裕誠署四川總督由軍機大臣調○乙巳調慶祺為
 兵部右侍郎以書元為盛京戶部侍郎由左副都御史遷○丙午顏以煥
 奏秋汛安瀾賞二品頂帶實授河東河道總督○戊申命署吏部
 右侍郎季芝昌在軍機大臣上行走○已酉實授琦善陝甘總督
 以徐澤醇為四川總督陳慶偕為山東巡撫由福建布政使遷○庚戌以
 慶端為福建布政使聯英為江蘇按察使由山東巡撫遷○壬子徐廣
 縉葉名琛奏英人追潮進城約期一事懇乞代奏並將照覆稟底
 呈覽諭軍機大臣等進城一事本年春閒已據該國照會以後不

復辨論乃見在復以國王函詢者英定約各國皆知何以屆期又
 經阻止懇將此意速為代奏自緣進城未能如約懷慚尋覓業經
 該督等酌理準情剴切照覆將來或再有所請仍須以入城之舉
 換諸事勢百姓既不容容況罷議進城後貿易漸旺已有明徵若
 復申前說則商人之裹足不前民人之同心共憤又將如今春故
 事何苦自取困累該國最重貿易見在貨物流通又何必仍詢前
 約致令商民疑慮諸多窒礙該國當體會此意安心貿易勿生枝
 節上而督撫提鎮下而軍民人等旁及諸國斷無以不進城為羞
 辱之事否則春閒暫停貿易各國何以將積貯貨物全交公使責
 令賠償即此一節可知諸國之心亦不以進城為然也新領事包
 靈為人是否曉事循理並著該督等遇便具奏○戊午命服閱尙
 書何汝霖以一品銜署禮部左侍郎仍在軍機大臣上行走○辛
 東華續錄 道光五十九年 二十
 西諭前據吳文鎔奏浙幫各船增雇繙夫及游幫水手通計不下
 數萬人本屆新漕停運一經歸次滋事堪虞請截留河北令其自
 謀生計等語當交陸建瀛等迅速妥商會議具奏茲據該督撫及
 漕督等將會同籌辦情形縷晰入奏著照所請所有添雇繙夫一
 入下水後即查照成規均行辭退惟舵水人等每復展轉雇覓挽
 留致仍隨幫歸次即減歇各船之有名舵水亦應資遣該督等見
 議將浙省各幫與蘇松軍船一體辦理其游幫短絛人夫多係籍
 隸山東兗沂及江蘇徐州等處今屆河北收成豐稔一經遣回均
 可另謀生計著陸建瀛楊殿邦傅繩勛吳文鎔分飭所屬務將冊
 內無名及游幫短絛人等在於濟甯一帶嚴行遣令回籍不准一
 名過淮備敢抗違不遵立即嚴拏懲辦並各遴委委員按段稽查
 如有容留之人一併查拏究治其各船有名舵水將來到次派減

並著傳繩助吳文鎔查照章程妥速查遺亦不准逗留擾害經此
次該督撫等定立章程各有專責如果認真稽查斷不至釀成事
端另生枝節儻日後有滋擾之處即按所轄地面將該管大吏重
懲不貸懷之○是月給貴州桐梓縣水災口糧並蠲緩額賦緩徵
山東濟甯等五十州縣衛被災新舊額賦

冬十月丙寅予故朝鮮國王李焄祭如例○戊辰以文瑞為左副
都御史由通政唐樹義以病免以勞崇光為湖北布政使吳鼎

昌為廣西按察使由通政○已巳命裕誠飭屬碾運四川倉穀四
十萬石接濟災區○庚午以故朝鮮國王李焄子昇襲爵命瑞常

和色本往封○壬申軍機大臣奏據浙江巡撫吳文鎔查明已革
巡撫梁寶常任內存留解司兩款與該年地丁奏銷相符其二十

六年上下兩忙解司銀數不及一成係專指上下兩忙地丁一項
東華續錄 道光五十九年

而言別項銀米並不在內梁寶常等尚無代屬通融之弊等語梁
寶常存與無罪可科應飭交該旗籍聽候浙撫清冊送部如有應

行分賠之項由戶部照例辦理從之○癸未諭軍機大臣等朕於
各省貢賦裁汰大半惟河南地方向產百合清潤可食著潘鐸選

擇四五桶解京備用嗣後每年均著按期呈進勿庸加多○甲申
諭本日據大學士潘世恩懇請開缺朕思軍機大臣夙夜在

公勤勞較甚實非高年所宜潘世恩年逾八旬公勤素著若仍令
其入直不足以示體恤若俟來歲春融赴闕辦事毋庸開缺以示

朕逾格篤眷者臣至意○諭軍機大臣等昨據薩迎阿等奏俄羅
斯頭人私入邊界阻攔查邊道路查照道光五年成案請飭理藩

院行文開導等語所見是見已交理藩院按照所奏事理酌擬咨
文行知該國薩納特衙門諒必轉飭遵照將哈薩克邊外帶兵頭

人即日撤回矣惟此時該頭人巴蘭等尙在庫庫鄂羅木河西一
帶遊奕該將軍惟當諄飭領隊協領等持以鎮靜密加防範仍一

面勤加操演嚴飭卡倫官兵盡心防守俾免疏虞諒該將軍必能
權其輕重相機妥辦也○乙酉諭軍機大臣等御史馬沅奏豫籌

疏洩安奠河淮一摺本年南河因盛漲漫溢暫開南岸吳城六堡
得以化險為平原屬一時權宜之計而黃水夾沙帶泥而下湖身

河道自難免均受淤墊是洩黃後路誠不可不豫為籌及茲據該
御史奏稱北岸之東山安廳屬有二塘該處在王營減壩下游勢

極低窪地率荒廢似可籌為洩黃入海後路著陸建瀛揚以增接
照所奏界址先行遴委委員詳加查察楊以增隨後親往相度陸

建瀛於公事之便亦著親勘悉心籌畫如果可行應即豫為減洩
之計事關保衛河淮諒該督等目擊情形必能相機籌辦不使貽
東華續錄 道光五十九年

患將來著繪圖貼說據實具奏○庚寅諭鄭祖琛奏請將捕匪未
能淨盡之知府等員摘去頂帶等語廣西前署左江道南甯府知

府張熙宇於上思州遷墜土境匪徒拒傷弁兵一案本係所轄境
地雖窮追獲犯究未能捕淨淨盡以致餘匪逃竄左江鎮標都司

何廷標協同該署道前往靈山一帶勦捕亦未能實力追擊均屬
咎無可辭張熙宇何廷標著一併摘去頂帶勒令協同地方文武

員弁合力捕拏務期拔除淨盡儘再玩延即著從嚴參懲○壬辰
諭軍機大臣等本年浙江安徽湖北等省被災之區均極寬廣江

西湖南各地方亦多偏災見經各該督撫紛紛奏請蠲緩錢漕分
別賑貸朕無不悉照所請立沛恩施因思來歲漕額減緩既多若

不豫為籌裕京倉則三十一年北地數十萬人口食從何而出見
在各省被災固多較重之區其並未成災者尙復不少僅恃蠲緩

所贖之漕兌運北上向濟何事為此剴切諭知有漕各督撫各就地方情形或妥籌採買或勸令捐輸或由河運或辦海運就積貯之多寡酌米價之低昂總期源源運京補漕糧之不敷裕倉儲之不匱中外同享樂利之休方慰朕意斷不可稍存畛域或推諉於幫費或藉口於歉年竟置京倉短絀於不問該督撫經朕特簡封圻受恩深重當此災重漕虧之時既應以本省籌畫為急尤當以神京拱衛為先清夜捫心其能恬然自安乎勉之勉之朕將拭目視之矣○是月給湖南澧州等七州縣山西徐溝縣被災口糧蠲緩直隸薊州等三十七州縣浙江富陽等二十一縣山西薩拉齊等三廳縣被災新舊額賦緩徵安徽宿州等二十四州縣衛湖南武陵等十州縣衛陝西府谷神木二縣奉天遼陽等七州廳縣湖北荆門等九州縣被災新舊額賦

東華續錄 道光五十九

三

十一月甲午朔諭據萬貢珍馳奏匪徒戕官毀署派兵勦捕一摺湖南新甯縣地方匪徒聚眾滋事擁進縣城戕害知縣寄居該縣之前署縣家屬同時被害打毀衙署監獄實屬罪大惡極殊堪髮指該處界連廣西前年猶匪雷再浩勾結民人李輝等結會搶掠即在新甯縣地方經湖南廣西兩省會拏勦辦此次復敢進城戕官必其餘孽復萌且恐首犯李姓即李輝親屬若不即行上緊緝獲必致日久蔓延見經飭委文武員弁帶兵前往合力圍捕相機督辦計期馮德馨早已接印著即馳赴該處督率迅捕帶兵遊擊劉國瑞安能獨當一面著酌委威望較重之大員兼程馳往督拏所有毗連廣西各處務即派兵堵緝毋令此孽彼竄總期全數弋獲盡法懲治以儆兇頑不准一名漏網並著鄭祖琛嚴飭該省文武員弁實力防堵一有匪徒竄入即嚴拏痛勦不得稍分畛域以

期立盡根株備此次辦理稍涉寬縱日後必致養癰貽患不可不慮及也署新甯縣知縣萬鼎恩並前署縣李博家屬均被戕害情殊可憫著馮德馨詳晰查明奏聞其如何起釁根由亦著確查據實具奏○丙申太傅予告大學士阮元卒賜祭葬諡文達予其子候選知府肅服闋後即選○己亥徐廣縉葉名琛奏英人復前進城疊經反復開導已據文翰將粵民立碑紀功等情寄知該國王嗣接來文所有前詢進城一摺並未提及探聞國王寄信文翰諄諄以生意要緊並傳知五港領事一體察看民情毋許多生別端新領事包靈人亦馴順安靜奏入得旨嘉勉○癸卯諭軍機大臣等本日據馮德馨馳奏匪徒占踞縣城催調官兵親往督辦一摺另片奏接據稟報勦捕情形等語湖南新甯縣匪徒滋事首匪李姓膽敢戕官踞城肆行擄掠經寶慶府知府張鎮南督同新甯汛千總熊勳猷石門汛把總方開甲等帶領兵勇進勦該匪竟敢率眾抗拒官兵奮力直前殺斃匪徒三百餘名轟斃無數生擒賊匪七名並奪獲礮械該匪逃奔入城我兵僅傷斃鄉勇三名勦辦得手甚屬可嘉張鎮南熊勳猷方開甲等著交部從優議敘出力兵勇由該督撫酌量優獎陣亡鄉勇著查明咨部照例賞卹裕泰馮德馨見計先後馳抵該處當乘此得獲勝仗該匪嬰城踞守之時督飭兵弁一鼓作氣銳力進勦務將首逆李姓生擒辦理並夥黨慮萬先等悉數擒獲不准一名漏網並分派兵勇於各要隘處所相機實力堵禦仍咨廣西巡撫堵截後路勿令分股四出逃竄入山致難按捕至官兵入城尤須解散脅從分別良莠毋致玉石俱焚辦理方為妥善提督英俊昨據奏稱派員帶兵前往著裕泰等隨時酌量有須該提督親赴會勦之處即行知照該提督迅速馳

東華續錄 道光五十九

三

隨時酌量有須該提督親赴會勦之處即行知照該提督迅速馳

往會同督辦○甲辰羅繞與丁憂調龔裕為湖北巡撫以兆那蘇圖為山西巡撫蔣蔚遠為山西布政使王懿德為浙江按察使岫使運 ○壬子諭軍機大臣等楊殿邦奏參誤運工員並陳見在商辦情形一摺已明降諭旨將楊以增摘頂並准揚道查文經等暫革勒限趕辦矣福濟陸建瀛前有旨飭令速赴清江浦一帶將被淤運河設法挑辦茲楊殿邦奏稱准揚運河淤墊情形較重節逾冬至頭二塘漕船集該處冰凌火燭在在堪虞雖經該清督並河督楊以增嚴飭所屬迅速籌挑引清濟運但為日甚迫似此節節阻滯恐各省幫船不能依限歸次勢必貽誤新漕關繫甚鉅著福濟陸建瀛一面會同楊殿邦等趕緊督辦一面確勘運河淤墊處所通籌大局務令回空幫船得以魚貫進行而於來歲重運經臨亦能通利無阻見在回空固屬緊要而河身經此淤墊之後東華續錄 道光五十九 五

若不及早疏治貽患無窮遲辦一年必受害愈甚著責成福濟陸建瀛二人悉心籌畫妥速辦理如該河督有辦理不善偏聽道廳以致貽誤之處即著據實參奏福濟經朕派往不值代人受過陸建瀛兼轄河務儘能作速妥辦無誤回空尙可以功補過所有玩誤要工各員弁著一併查明據實嚴參○戊午諭軍機大臣等本日據裕泰馳奏新甯滋事匪犯見經圍困情形又據馮德馨馳奏道旨親往督勦各一摺覽奏均悉據裕泰奏稱該匪等先則突開北門擁出燒毀城民房屋冀圖乘夜竄出嗣又製造竹排安放西門城內該處偏近大河路通粵西希冀由彼逃竄並訊出匪犯李沅發先曾潛往廣西全州邀集數百人同赴新甯劫獄戕官頭目李洪慈於戕官後有遣人往廣西靈川縣各處邀人入夥等語馮德馨甫經到任故摺內敘述未能如此之詳見在該匪等困守一

城志在鋌而走險並句結兩省匪徒為困獸猶鬪之計非迅速剿辦悉數殲擒何以懲兇惡而淨根株馮德馨計已與提督英俊前抵新甯務即督飭文武員弁合力進攻趁其負隅固守聚而殲旃不得稍事遷延致令乘間竄逸其鄰近廣西各要隘尤須嚴密防堵隨時知會巡撫鄭祖琛併力堵截毋令匪黨句連滋蔓備中途偵獲奸細係前往廣西邀人入夥者即跟蹤覓殺設法兜擒一面咨會廣西協同嚴拏究辦總期全數弋獲勿留餘孽是為至要新甯地方僅止文武數員指揮調度該匪等已覺萬分窮蹙若巡撫提督帶兵到後反令餘匪星散藏匿僻區甚或兩省蔓延根株未絕惟該撫等是問懷之勉之○壬戌正陽門箭樓災○癸亥諭鄭祖琛奏派文武疊次剿捕匪徒情形一摺廣西邊陲土境盜匪聚眾竄擾經該撫派文武員弁將拒傷官兵要犯拏獲正法其餘夥匪除節次攻擊格斃不計外見在獲辦二百餘名勢已窮蹙紛紛逃散該處毗連廣東難保不因追捕緊急四出竄匿著鄭祖琛嚴飭文武各官於交界要隘多添兵勇嚴密查拏並著廣東省派員堵截務期殲除淨盡勿留餘孽至護廣西提標遊擊金川營守備段丙南奮勇殺賊受傷殞命實屬可惜可憫著加恩照參將例賜卹慶遠協右營外委吳玉魁賓川營外委巫宜福前在廣東殺賊陣亡之慶遠協左營把總吳超凡左江鎮標右營把總黃景裕提標左營外委馬金魁均著照例賜卹所有在事文武各官著該撫擇其尤為出力者酌保數員候朕施恩毋許冒濫○是月賑江西德化等十四縣水災給濟齊哈爾等六城旗民浙江仁和等八場竈丁口糧蠲緩江蘇泰州等七十三州廳縣衛江西德化等二十一縣被災新舊額賦浙江海沙等十四場蠲課緩徵河南

睢州等四十八州縣兩淮富陽等十一場水災賦課展緩甘肅河州等二十一州縣歉收正雜額賦齊齊哈爾等六城通賦

十二月甲子朔諭前因原任山西巡撫吳其濬裁革鹽規潔己奉公當降旨令原籍巡撫查明該故員見有子孫幾人茲據護理巡撫嚴良訓查明覆奏自應特沛殊恩以昭清節所有吳其濬長子候選縣主簿吳元禧三子候選知縣吳崇恩均著加恩遇缺即選次子分發通判吳榮禧著加恩到省後遇缺即補四子監生吳承恩五子監生吳洪恩及長孫吳樽讓均著加恩賞給舉人准其一體會試○乙丑諭軍機大臣等福濟陸建瀛奏接奉前旨籌辦回空情形一摺覽奏已悉本年因啟放吳城六堡以致運道淤淺前已有人陳奏嗣據楊殿邦奏參誤運工員並稱淤墊情形較重軍船阻滯堪虞疊經降旨令福濟陸建瀛悉心籌畫妥速辦理茲據

東華續錄 道光五十九

壬

奏稱由高郵寶應溯流而上逐段測探水勢向非甚淺沿途軍船與載貨船俱暢行無阻見在頭二塘業已灌放亟應趕灌三塘所籌將太平河存船暫移太平江騰出河身之處見既勘明事屬可行該漕督亦無異詞延宕著福濟陸建瀛會同楊殿邦楊以增迅即催提放渡務令回空各船剋期歸次庶可以速補運仍飭將淤淺處所責成楊以增督員興挑或築壩備溜刷沙非但攻淤並堪濟運方為妥善如河員稍有延玩立即嚴參治罪備運弁旗丁藉口刁難有意稽遲亦著楊殿邦隨時重懲事關軍船回空兼籌明歲新漕重運諒福濟等必能星速籌辦以慰朕廑也○以翁心存為內閣學士兼禮部侍郎銜○丙寅調黃贊湯為刑部右侍郎趙光為兵部右侍郎以季芝昌為戶部左侍郎○右侍郎○戊辰調張集馨為甘肅布政使吳式芬為貴州布政使以陳啓邁為直

隸布政使惲光宸為江西按察使○庚午諭軍機大臣等裕泰馳奏匪徒糾眾搶掠派兵剿辦一摺湖南道州等州縣連界所屬之瀨子山內見有匪徒盤踞四出搶掠匪首黃三等各有黨與一二百人膽敢負隅踞險鑄造軍械並編造歌謠煽惑雖距新甯滋事地方較遠難保非豫糾夥黨謀為不法急應痛加剿辦馮德馨英俊雙德見均駐紮新甯著酌量緩急情形分派弁兵由該鎮管帶前往會同地方文武協力兜拏務期一鼓就擒迅速撲滅該處介在四邑之間徑雜山深易致竄越務須於各要隘處所嚴密堵緝勿令與新甯匪徒往來句結蔓延滋擾此時大兵聚集新甯該處匪徒諒已搜捕裕泰雖在湖北而一切調度布置必須籌畫萬全遙為策應勿令湖南兵單有顧此失彼之虞方為妥善○辛未 皇太后聖躬不豫 上每日詣 慈甯宮問安○

東華續錄 道光五十九

壬

癸酉諭軍機大臣等福濟陸建瀛奏回空軍船掃數渡黃並催趕歸次情形一摺又片奏勘明引河淤墊酌擬疏挑並繪圖呈覽等語覽奏均悉本年節候已晚回空軍船見雖掃數渡黃惟摺內於各幫歸入運河陸續歸次並未議及若止就緒蓄之水引渠宣洩則是涓滴一止仍形淺闊豈能無誤著福濟陸建瀛接奉此旨迅即設法疏通淤墊將各漕船催提南下務令各幫剋期歸次至空船甫過重運即來見議估挑各工務當隨時相度督飭趕辦總期啓閉得宜疏濬有法庶空重兩運均無貽誤方為不負委任○甲戌 皇太后疾大漸 上詣長樂敷華問侍申刻 皇太后崩上哀慟擗踊不能自已以養心殿為倚廬奉頌 大行皇太后遺誥○諭馮德馨奏查明匪徒滋事根由一摺湖南甯新甯縣知縣岳州府經歷萬鼎恩經該匪等倡從不允致被戕害前署令李博

之妻楊氏及該縣書院掌教舉人陳佳保先後被賊逼令自盡義烈可嘉均堪憫惻前著該部從優議卹○乙亥午刻 大行皇太后大歛奉安 梓宮於 慈甯宮正殿 上朝夕行奠獻禮如視膳時哭必盡哀居倚廬席地寢苦諸王大臣懇請還宮不允○諭朕侍奉 皇太后以天下養二十九年仰見 聖履康強齡躋大壺私心慶慰昨於初七日自御園奉 駕還宮連日恭詣請 安知 慈躬偶爾違和竊謂頤養數日即就安痊詎意高年病勢日臻遽於十一日申刻 仙馭升遐銜恤哀號痛何有極伏念朕自聖母孝淑睿皇后慈馭上賓以來深荷 大行皇太后隆恩覆庇私冀承 歡奉養愛日方長今竟無由再仰 懿顏悲懷難釋欽奉 遺詔喪服二十七日而除朕心實所難安仍當穿孝百日並素服滿二十七月稍伸哀悃至 諭以朕年近七旬勿過悲哀

東華續錄 道光五十九

完

地方一律肅清官兵酌撤歸伍所辦向為妥速惟按捕必應認真勿令餘匪仍匿僻區致貽後患匪首李沅發果否已被焚殺該撫等正可向所獲匪徒根究下落仍自行密訪務得實據備奏稱殲斃日後仍有李沅發其人一經發覺朕惟該撫等是問馮德馨英俊督率有方俾匪黨不至蔓延均著交部從優議敘在事文武員弁並著該撫等擇其尤為出力者酌量保奏其紳士召募鄉勇攻城打仗據稱得力居多著詳細查明分別奏咨獎勵○己卯兩廣總督徐廣縉等奏西洋兵頭亞馬勒在關外被人殺死該國領事將關開汛兵擄去三名求為緝兇旋緝獲兇犯沈志亮據供亞馬勒行為兇暴在三巴門外開闢馬道平毀附近墳墓該犯祖墓亦被平毀心懷忿恨起意殺除害臣等當即恭請王命將沈志亮正法梟示札知該領事遂將汛兵三人交出數月以來一切安靜如常得旨所辦萬分允當可嘉之至朕幸得賢能柱石之臣也○減免直隸安州等八州縣積水旗租○辛巳諭福濟陸建瀛奏通籌湖河大局酌擬添塘避關繪圖呈覽並查明河督等辦理遲誤請分別議處嚴議革職各一摺又片奏酌籌築塘疏通海口情形又陸建瀛另片自請議處各等語覽奏均悉本年河湖受淤較甚見經福濟陸建瀛周歷親勘悉心體察所有酌議添塘避關並以時啓放各壩及對壩備溜攻刷海口之處自必各協機宜確有把握著即照所議責成陸建瀛會同河督隨時督飭認真妥辦總期疏通暢順得宜漕運既可進行湖河亦免漫溢方稱妥協經此次籌辦之後明歲備復淤淺誤運甚或河流橫決均惟陸建瀛及該河督等是問恐非僅賠修所能了事也至見在同空幫船放入運河後果否暢行無阻能否保其不誤歸次迄未據福

東華續錄 道光五十九

三

濟等詳細聲敘實所不解並著查明迅即覆奏以紓朕念福濟於
 辦理妥協發摺具奏後即行回京復命其陸建瀛自請議處並福
 濟陸建瀛奏參河督河道廳員等應行議處嚴議革職之處均俟
 查明各幫軍船能否歸次具奏到時再降諭旨○壬午 上詣慈
 甯宮 大行皇太后梓宮前行殷奠禮○諭本日據楊殿邦馳奏
 節逾大寒回空幫船挽放仍形艱滯酌議新漕兌運事宜一摺本
 年回空幫船渡黃已遲加以節節套塘灌放其不能暢行無阻已
 可槩見至能否不誤歸次昨有旨令福濟等迅速查明具奏茲據
 楊殿邦奏各省漕糧已經具報定期開兌而空船尚有二千六百
 八十二隻未經下閘恐致貽誤新漕酌議擬辦章程四條呈覽該
 漕督職司轉運其勢不得不豫為籌及豈能坐視貽誤著福濟陸
 建瀛會同楊殿邦將所擬各條悉心參酌和衷辦理如有應增添
 東華續錄 道光五十九 三
 者仍當會議妥籌一面覈辦一面奏聞不得草率福濟如已起程
 北上仍著折回○癸未 上詣慈甯宮 大行皇太后梓宮前行
 啓奠禮○甲申奉移 大行皇太后梓宮於綺春園迎暉殿自是
 日始 上居慎德堂苦次○諭軍機大臣等本日據馮德馨奏提
 鎮道員勦匪疏縱請先行交部嚴加議處並自請嚴議一摺又另
 片奏道州等屬匪徒業經捕獲數名仍飭團練捕拏等語覽奏均
 悉此次新甯縣匪徒滋事彈丸小邑圍困至四十餘日之久釜底
 游魂未能剋期殄滅已覺辦理遲延因既已收復城池殲擒賊匪
 多名地方業就肅清尙可解免乃見經馳奏新甯破城之後廣西
 貓兒山及新甯羅遠崗各地方又有另股匪徒潛匿滋擾且訊據
 見獲各犯供稱有廣西五排人李沅寶聽聞李沅發已被焚殺定
 期分股前往新甯為李沅發報復等語馮德馨初到或未深悉情

形如果該提鎮道員勦捕認真各隘口嚴密防堵何至一經撤兵
 餘燼復然顯係李沅發逃竄該匪徒四面接應句結為患然則前
 此馮德馨所奏勦辦情形竟為該提鎮等所蒙實難盡信著裕泰
 接奉此旨即由湖北省選派曾經出師得力將弁數員並挑帶精
 兵四五百名迅即起程馳往新甯等處會同馮德馨督飭各路接
 捕各匪務期淨盡毋任一名漏網首匪李沅發係案內要犯豈可
 令其逃脫獲犯一百餘名就中作眼線者諒不乏人何難設法躡
 緝著裕泰一面用兵一面將該提鎮等粉飾情節查明據實嚴參
 此等不堪文武尙堪護庇耶該提鎮道員如果辦理不善一片謊
 言致令首犯脫逃豈嚴議所能蔽辜著先行摘去頂帶且令隨同
 協捕侯裕泰查奏後再降諭旨至馮德馨自請嚴議之處俟事竣
 後再議○乙酉李振祐以病免以陳孚恩為刑部尙書翁心存為
 東華續錄 道光五十九 三
 工部左侍郎由內閣○調王懿德為山東按察使黃宗漢為浙江
 按察使○丙戌 上詣迎暉殿 大行皇太后梓宮前行初祭禮
 ○丁亥諭軍機大臣等前據薩迎阿奏俄羅斯頭人巴蘭在庫庫
 鄂羅木河西紮營收租攔阻巡邊領隊等不合過河等語已由理
 藩院行文該國薩納特衙門令其撤回頭人矣茲又據該國薩納
 特衙門咨行理藩院文稱近因生齒日繁屬下人眾所有在恰克
 圖貿易貨物實不敷用請於恰克圖之外准其在伊犁塔爾巴哈
 台喀什噶爾三處添設貿易一併通商等語著薩迎阿等接奉此
 旨將此三處地方情形廣諮博採詳加體察究竟有無窒礙據實
 迅速密陳是為至要○諭據鄭祖琛奏湖南新甯餘匪竄越粵境
 嚴飭堵剿一摺據稱湖南收復新甯城時適值黑夜陰雨餘匪竄
 散並羅源崗一帶另有另股匪徒潛匿該處毗連粵西五排山場路

徑叢雜地勢散漫圍捕尤難得力等語粵西辦理防堵並未失算惟湖南文武員弁將賊匪放逸急應爲補牢之計著鄭祖琛嚴飭文武員弁厚集兵力不分畛域深搗巢穴毋令一名竄逸並於境內各山場實力搜捕將藏匿各匪痛加剿除以期除惡務盡勿貽後患首匪李沅發雖據湖南奏稱被焚殊不可信前經裕泰等奏粵西貓兒山等處有另股匪徒欲爲李沅發救援難保非即該匪在內指使著鄭祖琛密飭在事員弁細心偵訪擒誅爲要所有已獲各匪犯著於錄供後仍解歸湖南交裕泰等審擬辦理○諭劉韻珂等奏見在誘獲洋盜提省審辦一摺著名盜匪陳雙喜率領首夥一百餘人駛至廈門投首並將船隻礮械一併首繳其不敢再行抗拒已可槩見著該督等派委幹員研訊明確應如何辦理之處妥議具奏○己丑諭前據福濟陸建瀛奏查明南河辦理遲東華續錄 道光五十九 五

同楊殿邦楊以增妥籌嚴辦該漕督所議四條有無增損迅速具奏○庚寅諭軍機大臣等本日據裕泰奏官兵追捕匪徒致被戕害一摺湖南新甯匪徒逃竄入山官兵遷延日久不能剿滅前經降旨令裕泰迅即馳往會同馮德馨督辦茲據奏稱十二月初四日該匪逃至大賴筒附近嶺後都司張心銘等分途追捕被匪衝出抵拒守備熊劍候補府經歷劉炳南俱被戕害殊堪髮指並據稱訊出首逆李沅發之叔李承莫供認先期往廣西五排等處糾邀夥黨二百餘人來至新甯屯聚距新甯止二十餘里該文武帶兵各員何至毫無覺察且匪徒果止此數守備熊劍等帶領兵勇奮力追擊何至遽被戕害是半山衝出匪徒即係新甯城內竄出其爲湖南文武員弁設詞蒙蔽彌縫掩飾毫無疑義此等小醜不值另調他省兵勇見在裕泰諒早已登程前往止須督飭將各崗東華續錄 道光五十九 五

東華續錄

道光六十

臣王先謙敬編

臣周瀚著恭校

道光三十年庚戌春正月甲午朔日有食之○乙未諭王大臣等奏奉移 大行皇太后梓宮因朕年近七旬氣體尚未復元合詞願懇勸朕停止親送奉安大禮何敢不送何忍不送惟諸臣情詞懇切若不稍減儀文亦無以安諸王大臣之心三月二十日朕由綺春園跪送後先赴黃新莊行宮每站 蘆殿距行宮遠近不一或有礙難前往之處著俯從王大臣等之請稍節勞勩每日在行宮苦宿所有 蘆殿前迎送儀節忍痛從減○丙申 上詣迎暉殿 大行皇太后梓宮前供奠○諭祁雋藻琦善奏審明甘肅知州稟許上司挾制各款分別定擬一摺此案陝甘總督布彥泰雖東華續錄 道光六十

查無賊私重情惟封疆大員關防不密辦理清查致多歧誤並屬員虛報到任任聽家人售賣衣物種種粗率殊負委任著照議交部嚴加議處即行回京聽候部議解任固原州知州徐采鎮原縣知縣張琅吐魯番同知托克清阿於留省辦理清查事務並不認真查覈輒隨同藩司劣幕草率了事實屬咎無可辭徐采張琅托克清阿均著交部議處升任布政使張祥河前署布政使春熙督辦清查參差舛錯雖在任未久亦著交部議處其隨同畫稟並非專辦之司道府縣各員著交部查取職名分別議處尋議布彥泰降四級調用查該督任內本有革職留任之案應即革職解任徐采張琅托克清阿降一級調用張祥河春熙降一級留任已革岷州知州陳昌言以清查虧短經布彥泰列入參款輒敢捏詞誣訐居心險詐應如祁雋藻等所奏從重發往新疆充當苦差從之○

丁酉諭朕親送 大行皇太后梓宮據王大臣等復合詞再懇停止前往以朕身體尚未復元恐失調護披閱再三哀愴曷極追念臘月十一日以前每次親詣問 安荷蒙 仁慈曲逮寬其禮節示以溫和並因朕體氣未充種種優容惟恐積勞過甚乃今 音容已渺追侍無由僅止執紼相隨諸王大臣等尚極力勸阻自傷身齒永感 慈恩不知涕泗之何從也敬念 遺愛未寒朕若執意前往設使稍有失儀既無以慰 在天之靈亦未協事亡如事存之意萬不得已強抑哀懷勉從王大臣等之請停止前往夙夜負疚朕其何辭仍於三月二十日卯刻由綺春園奠酒跪送○戊戌恭上 大行皇太后尊諡曰 孝和恭慈康豫安成應天熙聖睿皇后○庚子 上詣迎暉殿 孝和睿皇后梓宮前行大祭禮○諭軍機大臣等湖南新甯縣城池甫經收復旋有餘匪竄擾疊經降旨令裕泰馳往查辦此時既已督兵在途矣本日據馮德馨奏餘匪竄至廣西疊被勦殺賊勢已窮見在會合堵擊並稱境內均已安謐舉行團練訪緝等語此案逃匪四竄慮其蔓延為患正宜及時投擊乃該撫率稱地方安謐一俟粵西事竣即可撤防已恐坐失機宜且當此匪蹤奔竄之際督飭兵勇追捕猶恐不及反欲舉行團練為堅壁清野之計尤屬迂拘不曉事體若仍令馮德馨辦理此事必致養癰貽患裕泰統轄兩省實無旁貸接奉此旨務當督率兵勇並會同廣西員弁堵擊逸匪總期剋日淨盡斷不可稍留餘孽○甲辰 上詣迎暉殿 孝和睿皇后梓宮前行周月祭禮○福濟陸建瀛奏遵旨會同漕臣酌議籌辦新漕章程查漕臣原奏准揚運河淤滿自應挑挖等語伏思空運遲滯由於塘河高下過大不得不拘板套塘並非運河不能行走之故見在湖

水充足引河挑工完竣運河至淺處長水一丈內外重運可保暢行無誤若議挑挖非一二月所能成事重運到淮反不能不停船待工是慎漕實以誤漕臣等惟有督挑引河以暢源流急挑太平河以去中滿無須興挑運河轉滋糜費至盤驗展期應聽漕臣自行酌辦又江廣幫先期籌運江浙幫趕赴受兌兩節查江廣幫七百餘隻業經提前趕放無庸迎兌其江浙先放之一千餘隻已報陸續出江尾幫亦於年內提出指日俱可盡數趕行與漕臣具奏時情形稍異應查酌成案辦理又各幫借給銀兩以資接濟一節查回空渡黃節節遲滯復因疊次風雪旗舵紛紛乞恩應援案酌減借給江浙幫每船借十五兩江廣幫每船借十兩由各糧道籌款解還從之○乙巳尊 孝和睿皇后陵曰 昌西陵○丙午上不豫先是 自上上年入春以來 聖躬數違和仍每日召對東華續錄 道光六十年三月

小蠢出師捷伐旋致救平何敢自矜武略迨後東南瀕海之區因貿易而啓紛爭朕維古之君子愛人爲大何忍無辜赤子慘罹鋒鏑是用捐小忿成大信綏疆柔遠於今十載卒使毒鋒自滌民夷各安生理此朕孳孳愛民之隱衷至今日而庶堪共諒者也至水旱成災朕竊自愧致累吾民昕夕憂勞不惜特發帑金拯民疾苦凡疆臣請蠲請賑無不立沛恩施從未屯膏靳澤已飢已溺之懷亦中外所共見侍奉 皇太后已及三十年娛 志承 歡敬謹罔懈慎終盡禮差免愆尤朕體氣素強自上年春夏之交偶爾違和加意調攝總未復元去臘還宮後痛遭 大行皇太后大事猝踊摧傷漸形虧弱爾來氣益上逆病勢日臻追維在位歷三十年壽登六十有九亦復何憾顧念統緒至重亟宜慎簡元良續承大業本日卯刻特召宗人府宗令御前大臣軍機大臣內務府大臣親降硃筆諭旨立皇四子爲皇太子並諭王大臣等同心贊輔無恤其他乃降旨甫經半日神氣漸散豈非天乎皇太子秉性仁孝植德貞醇必能欽承付託其卽皇帝位以嗣大統 天生民而立之君使司牧之惟刻矢憂勤惕勵於以知人安民永保我不丕基至於觀人之法鑑空衡平妍媸輕重自見惟無私乃克有濟兼願中外文武臣工清白乃心各勤厥職用輔嗣皇帝聖德之治則朕懷益慰矣喪服仍依舊制二十七日而除布告天下咸使聞知○奉頌 御書硃諭四條曰肅郊祖宗伊古所重洪惟我 太祖太宗 世祖 聖祖 世宗 高宗 仁宗豐功駿烈厚澤深仁浹洽生成彌綸宇宙開億萬無疆寶祚立萬世有道鴻禧永宜配饗 郊壇禮隆報本朕思尊崇之典莫大於斯若世世視爲成例率行無已豈止有背於古訓更難示信於後人而又非臣子之

所敢言亦非臣子之所忍言再四籌思不能不定以限制使我後世子孫得所遵循以免後人疵議朕萬年後斷不可行 郊配之禮証朕以不德不孝若繼體之君顧命之臣不遵朕諭任意強行則是甘為我大清之不孝不忠之人矣後之人其以朕為法乎不以朕為法也嗚呼必有知朕者焉 按禮經天子七廟周禮小宗伯辨廟祧之昭穆至於漢之七廟六室七室唐之九代十一室宋之九世十二室其餘史冊各書不一而足自古議此禮者是非當否又復不一而足由是觀之祧廟之說有由然也洪惟我大清受命於天 龍興遼瀋 祖功 宗德實邁前古自我 太祖高皇帝至我 皇考仁宗睿皇帝巍然七室豈非 上天有以命之乎朕反復思之我大清億萬年無疆之運若不攷古酌今定以法制必致議論紛紛為後人笑矣孔子云非天子不議禮不制度不

東華續錄 道光十六年 五

考文以朕之不德仰承基緒兢兢業業深恐不能克紹 鴻圖更曷敢上擬 祖 考然有其位有其時若不身任此事用昭來許豈不大負我 皇考付畀之恩也朕萬年後斷不可行 廟之禮應如何祀享之處乃當時君臣之事按禮議行可也其 奉先殿 壽皇殿 安佑宮乃古原廟之制庶可遵循舊制嗚呼七世之廟可以觀德孰如我大清 聖 聖相承之盛也遵諭毋違 謹按各 陵五孔橋南均有 聖德神功碑清漢二通覆以碑樓制度恢宏規模壯麗在我 列祖 列宗之功德自應若是尊崇昭茲來許在朕則曷敢上擬 鴻規妄稱顯號而亦實無稱述之處徒增後人之譏評朕不取也萬年後著於明樓碑上鐫刻大清某某皇帝清漢之文碑陰即可鐫刻陵名嗣皇帝即欲換作碑文用申追慕即可鐫於宮門外之碑上斷不可於五孔橋南別行建

造石柱四根亦不准樹立碑文亦不可以聖神功德字樣率行加稱若當時君臣不能體朕懷不遵朕諭是陷朕於不德一世之憂勤惕勵盡成虛文矣蓋謂之孝乎蓋大不孝也 六內四執事庫向有供奉 列祖 列宗冠服所以昭法守而傳儉樸也乃相沿已久愈積愈多且錦文珠繡遞漸加增殊失垂示後昆之意朕萬年後止可將常用之秋冠涼冠各一縣袂衣服四五襲照例收貯外餘皆酌量留用或為賞賜之需皆可再皮冠皮裘豈是經久之物一槩不准存留以歸簡約其自鳴鐘殿內收貯歷代硯墨尤屬無謂並非尋常御用之物僅將懋勤殿永不動用庫貯者照數移收實屬虛文即應裁止○奉 硃諭皇六子奕訢封為親王○是日酉刻恭奉 靈輿進宮戊刻大斂奉安 梓宮於乾清宮○二月乙丑奉移 梓宮於圓明園正大光明殿○四月甲戌恭上

東華續錄 道光十六年 六

尊諡曰 效天符運立中體正至文聖武智勇仁慈儉勤孝敏成皇帝 廟號 宣宗○咸豐二年三月壬子丑刻葬 慕陵 上在位三十年 聖壽六十有九 上表裏文武昌明正學讀御製詩文各集養心殿四箴養正圖六十什無非聖功王道所見端而續緒貽謀尤於政養正四箴三致意焉 御極三十年每值郊壇大祀春秋調 陵必躬必親極誠極敬時或 大雪步禱親課祝辭肫肫以責己省營為民請命盛京謁 祖陵懷念 前型省觀舊俗憬然於肇造之艱難 躬行節儉為天下先頒聲色貨利諭垂戒方來萬方作貢成規裁汰過半且木蘭秋獮亦復量為展緩則用意益深遠矣每歲仲春耕藉費粟劬農國有大慶輒免積逋數百千萬無少愆秋獻慮囚至詳且慎揆官收民之治刑期無刑以致鮫民蜚族重譯攸關亦皆矜彼黎愚同我覆載若夫

命將徂征師行萬里告成於 太室宣豫於 慈闈泐石於泮宮
圖勳於紫閣以及偏隅不靖威弧所指悉本 廟謨蓋智勇得之
天生而神武不殺寬嚴交濟故莫不震疊若是其隆也他如教
國語習騎射則本業毋荒正科十舉恩榜五開則人才蔚起修河
防者六鶴海運者二則動合機宜經緯萬端貞釐百度上蟠下際
魏乎煥乎逮事 文母以天下養三行慶典六上 微稱極天家
盛事洎 璇宮棄養 聖體先已違和擗踊摧傷遂至大漸以視
舜之大孝五十而慕夫何閒然往者回疆平定廷臣以尊號請御
而不俞迨宣昭 遺訓舉配 天祔 廟鑄碑陳器諸大典欲及
身而罷之 聖天子聖不自聖之實心迴越千古矣粵稽堯舜禹
皆曰成功湯曰成湯周曰成周惟 宣宗成皇帝克集大成是卽
車攻吉日作為雅歌不足以媿燉萬一若漢之本始唐之大中明
東華續錄 卷七十一
之宣德方茲茂矣繼自今丕顯丕承視此方策 德至矣哉真神
明之式哉